


Mazatec, San
Jerónimo Tecóatl



New Testament in Mazatec, San Jerónimo Tecóatl Mazateco de S
Jeronimo Tecoatl; maa (MX:maa:Mazatec, San Jerónimo Tecóatl)

Mazatec, San Jerónimo Tecóatl
New Testament in Mazatec, San Jerónimo Tecóatl Mazateco de S
Jerónimo Tecóatl; maa (MX:maa:Mazatec, San Jerónimo
Tecóatl)

copyright © 2012 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Contributor: Bible League International

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2012 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-10

PDF generated using Haiola and XeLaTeX on 10 May 2025 from source files dated 10 May 2025
 9f778253-d34e-5037-af35-7bca16479aa0

Contents

San Mateo	1
San Marcos	65
San Lucas	105
San Juan	171
Hechos	220
Romanos	279
1 Corintios	305
2 Corintios	330
Gálatas	347
Efesios	357
Filipenses	366
Colosenses	373
1 Tesalonicenses	379
2 Tesalonicenses	385
1 Timoteo	388
2 Timoteo	396
Tito	401
Filemón	404
Hebreos	406
Santiago	425
1 Pedro	432
2 Pedro	439
1 Juan	444
2 Juan	451
3 Juan	452
Judas	454
Apocalipsis	456

'Én ndaà-là Nainá xi kjoa ts'e Cristo koni s'ín kiskii San Mateo

*Xita jchínga-là Jesucristo
(Lucas 3:23-38)*

¹ Jè xojon xi oxkit'aà 'ín-là na'èn-jchá kjiin-là Jesucristo, xi ya inchrobàt'aà-ne tje-là David ko ts'e Abraham.

² Jè Abraham, jè komà na'èn-là xi Isaac ki'mì; ko jè Isaac, jè komà na'èn-là xi Jacob ki'mì; ko jè Jacob, jè komà na'èn-là xi Judá ki'mì, ko jña xita 'ndse.

³ Judá, jè komà na'èn-là xi Fares ko Zara ki'mì. Ko jè nea-là, Tamar ki'mì. Jè Fares, jè komà na'èn-là xi Esrom ki'mì; ko jè Esrom, jè komà na'èn-là xi Aram ki'mì;

⁴ ko jè Aram, jè komà na'èn-là xi Aminadab ki'mì; ko jè Aminadab, jè komà na'èn-là xi Naasón ki'mì; ko jè Naasón, jè komà na'èn-là xi Salmón ki'mì;

⁵ ko jè Salmón, jè komà na'èn-là xi Booz ki'mì; ko jè nea-là Booz, Rahab ki'mì. Ko jè Booz, jè komà na'èn-là xi Obed ki'mì; ko jè nea-là Obed, Rut ki'mì. Ko jè Obed, jè komà na'èn-là xi Isai ki'mì;

⁶ ko jè Isai, jè komà na'èn-là xi David ki'mì xi xitaxá ítjòn tsibijna; koa jè David, jè komà na'èn-là xi Salomón ki'mì; ko jè nea-là Salomón, jè xi komà chjóón-là Uriás nga sa ítjòn.

⁷ Jè Salomón, jè komà na'èn-là xi Roboam ki'mì; ko jè Roboam, jè komà na'èn-là xi Abías ki'mì; ko jè Abías, jè komà na'èn-là xi Asa ki'mì;

⁸ ko jè Asa, jè komà na'èn-là xi Josafat ki'mì; ko jè Josafat, jè komà na'èn-là xi Joram ki'mì; ko jè Joram, jè komà na'èn-là xi Uzías ki'mì;

⁹ ko jè Uzías, jè komà na'èn-là xi Jotam ki'mì; ko jè Jotam, jè komà na'èn-là xi Acaz ki'mì; ko jè Acaz, jè komà na'èn-là xi Ezequías ki'mì;

¹⁰ ko jè Ezequías, jè komà na'èn-là xi Manasés ki'mì; ko jè Manasés, jè komà na'èn-là xi Amón ki'mì; ko jè Amón, jè komà na'èn-là xi Josías ki'mì;

¹¹ ko jè Josías, jè komà na'èn-là xi Jeconías ki'mì, ko jña xita 'ndse, k'e nga kiikò kjo'in xita Israel ján i'nde ñánda 'mì Babilonia.

¹² Xi komà iskan k'e nga jye kiikò kjo'in xita ján Babilonia, jè Jeconías, jè komà na'èn-là xi Salatiel ki'mì; ko jè Salatiel, jè komà na'èn-là xi Zorobabel ki'mì;

¹³ jè Zorobabel, jè komà na'èn-là xi Abiud ki'mì; ko jè Abiud, jè komà na'èn-là xi Eliaquim ki'mì; ko jè Eliaquim, jè komà na'èn-là xi Azor ki'mì;

¹⁴ ko jè Azor, jè komà na'èn-là xi Sadoc ki'mì; ko jè Sadoc, jè komà na'èn-là xi Aquim ki'mì; ko jè Aquim, jè komà na'èn-là xi Eliud ki'mì;

¹⁵ ko jè Eliud, jè komà na'èn-là xi Eleazar ki'mì; ko jè Eleazar, jè komà na'èn-là xi Matán ki'mì; ko jè Matán, jè komà na'èn-là xi Jacob ki'mì;

¹⁶ ko jè Jacob, jè komà na'èn-là José. Ko José, jè xi x'in-là komà María; ko jè María, nea-laá komà Jesús xi Cristo, [xita xi xó kisikasén-ne Nainá].

¹⁷ Ngats'ii xita jchínga-là Jesús, teñijòn sko ma-ne xi inchrobàt'aà-ne ts'e Abraham skanda David. Ko jña xita jchínga-là Jesús xi inchrobàt'aà-ne ts'e David skanda k'e nga kiikò kjo'in jña xita Israel ján i'nde ñánda 'mì Babilonia, tikoáá teñijòn sko ma-ne. Ko ngui teñijòn sko ma-ne skanda k'e kits'iin xi Cristo, [xita xi xó kisikasén-ne Nainá].

*Kii komà k'e nga kits'in Jesucristo
(Lucas 2:1-7)*

¹⁸ K'e nga kits'in Jesucristo kiis'in komà: María xi nea-la Jesús ko José jña titsajna'ño-la xikjin nga kixan. K'e nga tikj'e'e bitsajna ko xikjin, María ki'ya-la nga ki'ndi 'ya xi it'aà ts'e nga'ño-la Inima Tsjeè-la Nainá.

¹⁹ José, xi x'in-la komà, nga xita kixi-né, majin-la nga kjosobà tsjá-la jè María, kisikitsjeèn nga tà sijikijna-ne chjoón jè, ko mi yá xita kji'nchré.

²⁰ K'e nga k'oas'in tisikitsjeèn jña kjoa koi, jngoò àkjale-la Nainá tsohóko inga nijña. Kitsò-la:

—José, xi ya nchrobàt'aà-ne tje-la David, ki tsakjoòn-jèn nga bijnakoi María xi chjoón-lè koma, jè ki'ndi xi 'ya, nga'ño ts'e Inima Tsjeè-la Nainá-né.

²¹ S'éé jngoò-la ki'ndi x'in, ko 'in-la Jesús k'oín. Koi k'oas'in k'oín-ne nga jè kochretji naxandá-la xi kjoa ts'e jé-la.

²² Ngats'ii kjoa koi, k'oaa s'in tsitasòn koni s'in kitsò Nainá xi it'aà ts'e xita xi kiichja ngajo-la Nainá kjótsee nga kitsò:

²³ Jngoò chjoón xongó, ki'ndi k'oaa ko k'oee jngoò ki'ndi x'in xi Emanuel k'oín 'in-la.

Jè 'in xi Emanuel tsò, Nainá tijnako-ná tsòyaá-ne.

²⁴ K'e nga jaá-la José, k'oaa s'in kis'in koni s'in kitsò-la àkjale-la Nainá, kiskoétjò María ko chixàn-ko.

²⁵ Tanga miki tsoyijòko xikjin skanda k'e-né nga kits'in ki'nditjòn-la María. Ko k'oaa s'in tsibit'aà 'in-la nga Jesús ki'mi.

2

Kiis'in komà nga ijchò katsejèn-la Jesús jña xita xi 'ño tjin-la kjoachjine

¹ Jesús kits'in ya naxandá xi 'mi Belén, nangui xi chja-ne Judea, k'e nga xitaxá ítjòn tjna xi 'mi Herodes ya j'nde jè. Ijchò ján Jerusalén, xi naxandá sko-la Judea, xita xi 'ño tjin-la kjoachjine, xi inchrobà-ne ñánda bitjokàtji-ne ts'oi

² nga kjònangui. Kitsò:

—¿Ñánda tjna xitaxá ítjòn-la ts'e xita judío xi jye kits'in? Ki'yaá jngoò-jen ni'ño ján ñánda bitjokàtji-ne ts'oi xi tsakó nga jye kits'in. Ko ngajen koi xá kjoj-najen nga jchaxkón-jen.

³ K'e nga kiil'nchré Herodes xi xitaxá ítjòn tjna, tà kitsakjòn-né ko ngats'ii xita naxandá Jerusalén.

⁴ Jè xitaxá ítjòn xi 'mi Herodes, kiichja-la ngats'ii xita sko-la no'mi ko xita xi okóya kjotixoma-la Nainá xi kiskil Moisés; kiskònangui-la ñánda jts'in xi Cristo, [jè xita xi xó sijikasén-ne Nainá].

⁵ Jña xita koi kitsò-la:

—Yaá Belén, naxandá xi chja-ne Judea. K'oaa s'in tichja xojon xi kiskil jña xita xi kiichja ngajo-la Nainá nga kitsò:

⁶ Jño xi xita Belén 'mi-nò, xi nangui Judá nokjoà-nò, ngásòn chji-la naxandá-nò koni jña naxandá ítjòn-la nangui Judá, nga yaá kitjojin jngoò xitaxá ítjòn xi sijikinda naxandá-na Israel.

⁷ Jè xitaxá ítjòn xi 'mi Herodes, kiichja'ma-la jña xita xi 'ño tjin-la kjochjine nga kiskònangui-la mé nachrjein-ne nga kijtsee ni'ño.

⁸ K'eé kisikasén ján Belén; kitsò-la:

—Tanguió ján, koa ndaà chjinanguio xi it'aà ts'e ki'ndi jè. K'e nga sakò-nò, tikl'nchré-ná mé-ne tikoa kjián katsejèn-la nga skoexkoán koa jeya siikijna.

⁹ K'e nga jye kii'nchré x̄it̄a xi 'ñó t̄jín-l̄a kjoachjine koni s'ín kitsò Herodes, k'eé kii x̄it̄a koi kò jè ni'ño xi kijtsee ñánda bitjok̄at̄ji-ne ts'oi k'oaá s'ín kii ítjòn-l̄a skanda ijchò ñánda t̄jna ki'ndí jè, kò yaá tsasijna jè ni'ño.

¹⁰ J̄n̄a x̄it̄a xi 'ñó t̄jín-l̄a kjoachjine k'e nga kijtsee ni'ño jè, t̄ax̄k̄i tsjaá komà-l̄a.

¹¹ K'e nga jahas'en ni'ya j̄n̄a x̄it̄a koi, kijtsee ki'ndí kò nea-l̄a María. K'eé chinchaxkó'nchit'aà-l̄a jè ki'ndí kò kijtsee'xkón; jeya kisik̄ijna. Ikjoàn kiskix'a kaxa-l̄a kò kitsjaà-l̄a tòn oro, kò chrjóngó-l̄a Nainá kò xkii xi 'ño ndaá jne xi 'mì mirra.

¹² Nga komà iskan kits'ii-l̄a nijñá x̄it̄a xi 'ño t̄jín-l̄a kjoachjine nga mì t̄i k'oaá s'ín ndiyá kjoj-ne ñánda t̄jna Herodes. Xin ndiyá kii-ne nangui-l̄a.

K'e nga j̄n̄a x̄it̄a jchínga-l̄a Jesús kiikò ján nangui Egipto

¹³ K'e nga jye kii-ne j̄n̄a x̄it̄a xi 'ño t̄jín-l̄a kjoachjine, jngòò àkjal̄e-l̄a Nainá kisiniñá-l̄a José, kitsò-l̄a:

—T̄isítj̄in; chjoi jè ki'ndí kò nea-l̄a; t'in ján nangui Egipto; yaá tijni skanda k'e 'an koxán-lè. Nga jè Herodes xi x̄it̄axá ítjòn t̄jna, kohótsji ki'ndí jè nga mejèn-l̄a nga s̄iik'en.

¹⁴ K'eé tsasitjen José, k'e nga nitjen kiskoé jè ki'ndí kò nea-l̄a nga kii ján nangui Egipto.

¹⁵ Yaá tsibitsajna skanda k'e nga k'en Herodes. K'oaá s'ín tsitasòn koni s'ín kitsò Nainá xi ít'aà ts'e x̄it̄a xi kiichj̄a ngajo-l̄a Nainá nga kitsò: “Ya nangui Egipto kichj̄a-l̄a ki'ndí-na.”

K'e nga kinik'en ndí ixti x'in

¹⁶ K'e nga kijtsee jè Herodes nga j̄n̄a x̄it̄a xi 'ño t̄jín-l̄a kjoachjine kiskooñachan-l̄a, tsí jti komà-l̄a. Ikjoàn kitsjaà okixi nga s̄iik'en yiye ndí ixti x'in xi jò nó t̄jín-l̄a kò ngats'ii xi isa ki'ndí isa kóhok̄ji ján naxandá Belén, kò ya naxandá indii-l̄a koni s'ín jye kisij̄in-l̄a mé nachrjein-ne nga kijtsee ni'ño j̄n̄a x̄it̄a xi 'ño t̄jín-l̄a kjoachjine.

¹⁷ K'oaá s'ín tsitasòn 'én xi kitsò Jeremías, x̄it̄a xi kiichj̄a ngajo-l̄a Nainá, nga kitsò:

¹⁸ Ya i'nde Ramá kina'ya jngòò-l̄a x̄it̄a xi t̄isik̄ájno kò 'ño t̄ikjindáya kò t̄itsiné; jè chjoón Raquel xi t̄ikjindáyakeé ndí ixti-l̄a, nga mikii majehikon inima-l̄a nga jye k'en ixti-l̄a.

¹⁹ K'e nga jye k'en Herodes, xi x̄it̄axá ítjòn t̄jna, jngòò àkjal̄e-l̄a Nainá kisiniñá-l̄a José ján Egipto. Kitsò-l̄a:

²⁰ —T̄isítj̄in, chjoi ki'ndí jè kò nea-l̄a. T'in jngòò k'a-ne nangui Israel. Jyeé k'en j̄n̄a x̄it̄a xi t̄jín-ne nga mejèn-l̄a s̄iik'en ki'ndí jè.

²¹ K'eé tsasitjen José, kiikò-ne ki'ndí jè kò nea-l̄a ya nangui Israel.

²² T̄anga k'e nga kii'nchré José nga jè t̄ihot̄ixoma jè xi 'mì Arquelao ya nangui Judea, nga jè t̄jna ngajo-l̄a na'èn-l̄a Herodes, José kitsakjòn-né; mì k'oaá s'ín kii. Ján kii i'nde ñánda 'mì Galilea nga k'oaá s'ín kis'enojm̄iya-l̄a inga nijñá.

²³ K'e nga ijchò i'nde jè, yaá tsibitsajna ya naxandá xi 'mì Nazaret. K'oaá s'ín komà mé-ne nga tsitasòn koni s'ín kitsò j̄n̄a x̄it̄a xi kiichj̄a ngajo-l̄a Nainá, nga jè Jesús x̄it̄a Nazaret k'oin.

3

Én xi kiichja Juan xi kis'iin bautizar xita
(Marcos 1:1-8; Lucas 3:1-9, 15-17; Juan 1:19-28)

¹ Jñà nàchrjein koi j'ii Juan xi kis'iin bautizar xita ya j'nde it'aà xìn ñánda nangui kixi choòn, nangui xi chja-ne Judea, nga kisika'bí 'én-la Nainá,

² kitsò:

—Tikájno jé-nò, kì tì jé binchaatsji-nò nga jyeé kjòchrañàt'aà-nò nàchrjein nga jchaa kó s'ín otíxoma jè xi ngajmii nchrobá-ne.

³ Jé Isaías, xita xi kiichja ngajo-la Nainá, k'oaá s'ín kiskii xojoñ-la xi it'aà ts'e Juan nga kitsò:

Na'ya-la jta-la jngoò xita xi 'ñó chja

ya j'nde it'aà xìn ñánda nangui kixi choòn, nga tsò:

“Tjandaà ndiyá-la Nainá ya jjiin inima-nò;

kixi tikijna koni jngoò ndiyá ñánda kojmeèya Na'èn-ná.”

⁴ Nikje xi tsohòkjá Juan, tsja-la cho camello-né; ko jngoò sincho chrjoa tsibikjá ndáyá-la. Koá jñà tsojmi xi kiskine, cho langosta-né ko tsjén-la cho cera xi tjín jjiin ijñá.

⁵ Ijchò 'nchré-la xita xi inchrobà-ne Jerusalén, ko nga kijndá nangui Judea ko ngats'ii naxandá xi ya chrañàt'aà-la xajngá nandá Jordán.

⁶ K'e nga jye tsafatakòn jé-la jñà xita, Juan, ikjoàn kis'iin bautizar ya xajngá nandá Jordán.

⁷ K'e nga kijtsee Juan nga kjin xita fariseo ko xita saduceo j'ii nga koma bautizar, kitsò-la:

—jñò, k'oaá s'ín ngaya-nò koni tsà tje-la ye! ¿Yá xi okitsò-nò nga kinchat'aaxin-là jè kjo'in xi nchrobá machrañàt'aà-nò?

⁸ Ndaà tjín kjoa xi t'een nga ndaà kàta'ya-nò nga jyeé kinikájno jé-nò nga mì tì jé binchaatsji-nò.

⁹ Kì k'oaá s'ín nikítsjeèn jjiin inima-nò nga bixón: “Ngajen, [mikiì s'e-najen kjo'in nga] yaá inchrobàt'aà-najen tje-la Abraham.” K'oaá xan-nò, Nainá, skanda jñà ndajo koma-la sikkatjiya-la nga ixti-la Abraham koma.

¹⁰ Jé kichayá jyeé kjijnandaà nga kotesòn yá; ngats'ii yá xi 'mì ndaà toò ojà-la, skanda ko ima-la, jtisòn-né, ikjoàn sìnchájiin ni'ín nga kitì.

¹¹ Xi okixi, 'an koò nandá s'iin-nò bautizar, mé-ne nga sikkájnoò jé-nò ko mì tì jé kinchátsji-nò. Tanga jé xi nchrobátjinguì-na s'iin-nò bautizar ko Inima Tsjeè-la Nainá koá ko ni'ín. Isáá tjín-la nga'ñó mì k'oaá-ne 'an. Skanda mikiì tjí'nde-na nga 'an kjiikoa xojté-la.

¹² Jyeé kjinaya tsja jé pala nga siitsjeè tjé-la trigo. Kìncháxkò trigo ya jya ni'nga; ko jé tjé paja kìnchájiin ni'ín ñánda nga mikiì bits'o nita mé nàchrjein-ne.

K'oaá s'ín komà nga komà bautizar Jesús
(Marcos 1:9-11; Lucas 3:21-22)

¹³ Jesús j'ii-ne Galilea ya xajngá nandá Jordán nga mejèn-la nga jé Juan s'iin bautizar Jesús.

¹⁴ Tanga jé Juan k'e nga sa ítjòn mikiì kòkjeiín-la, kitsò-la Jesús:

—'Aán xi mocheéén-na nga jii s'een-ná bautizar, tanga ngaji, ta saá 'an f'iichòn-ná.

¹⁵ K'eé kitsò Jesús:

—Tjii-lè kjondaà, t'een-ná bautizar mé-ne nga k'oas'in sikitasoán kjotixoma-la Nainá.

K'ée kòkjeiín-la Juan.

¹⁶ K'e nga jye komà bautizar Jesús, k'e nga jye itjojiiñ-ne nandá, ikjoàn kitáx'a-la ngajmii, kò jè Jesús kijtsee Injima Tsjeè-la Nainá xi inchrobàjen-ne ngajmii, koni kji nise paloma kji; yaá kiskaàsòn-la Jesús.

¹⁷ K'ée kina'ya jngoò-la 'én xi ngajmii inchrobà-ne xi kitsò:

—Jè jèe xi ki'ndí-na xan-la xi 'nó matsjake; tsja tjín-la takoàn it'aà ts'e.

4

*K'e nga jè xita neii kiskoòt'aà Jesús
(Marcos 1:12-13; Lucas 4:1-13)*

¹ Jè Injima Tsjeè-la Nainá kiiko Jesús jngoò i'nde it'aà xìn nga jè xita neii skót'aà nga mejèn-la nga kátátsji jé.

² Ichán nachrjein kò ichán nitjen tsibijnachjan Jesús kò k'e nga koma iskan jye kjòhojò-la.

³ Jè xita neii xi ma-la konachan ijchò kasit'aà chraña-la ñánda tjina Jesús, kitsò-la:

—Tsà kixii kjoa nga ngaji xi Ki'ndí-la Nainá 'mì-lè, tjii-la okixi jña ndajo koi nga inchrajín kátama.

⁴ Tanga Jesús kitsò-la:

—Tjit'aà Xojon-la Nainá, nga tsò: “Mitsà tà koi tsojmì xi ma chine kitsakon-ne xita, tikoáá kitsakon-ne nga yije 'én xi chja Nainá.”

⁵ Jè xita neii kiiko Jesús ya Naxandá-la Nainá xi xó kitjaàjiiñ-ne [ñánda 'mì Jerusalén]; kisikjnasòn ingo itjòn ñánda isa 'nga kji.

⁶ Kitsò-la:

—Tsà kixii kjoa nga ji xi Ki'ndí-la Nainá 'mì-lè, tikatjengui yijo-lè, nga k'oáá s'in tjít'aà Xojon-la Nainá nga tsò:
Nainá koií xá-la àkjale-la it'aà tsiji,
nga kò tsja tsoba'ñó-lè,
mè-ne nga nijngoò ndajo satíngui-ne ndsokoii.

⁷ Jesús kitsò-la:

—Tikoáá tjít'aà Xojon-la Nainá, nga tsò: “Kì k'oáá s'in chít'ii Na'èn-ná xi Nainá.”

⁸ Ijngoò k'a jè xita neii kiiko Jesús isòn nindoò xi 'nó 'nga kji, koa tsakó yije-la ngats'ii naxandá xi tjín isò'nde kò kjoajeya-la jña naxandá.

⁹ Kitsò-la:

—Nga jii tsjaà yije-lè naxandá koi, tsà kosixkó'nchit'aà-ná kò jeya sijkjna-ná.

¹⁰ K'ée kitsò Jesús:

—Tixin xita neii, tsit'aàxìn-ná. Nga k'oáá s'in tjít'aà Xojon-la Nainá nga tsò: “Jeya tikjini Na'èn-ná xi Nainá 'mì-la; tà jè tajngoò tikitasòn-la.”

¹¹ K'ée kii jè xita neii, tsasit'aàxìn-la Jesús. Ikjoàn ijchò àkjale-la Nainá xi kisis'in-la Jesús.

*Kii komà nga kii síxájiñ-la xita Galilea Jesús
(Marcos 1:14-15; Lucas 4:14-15)*

¹² K'e nga kii'nchré Jesús nga jè Juan xi kis'iin bautizar xita ndayá tjina'ya, kii ijngoò k'a-ne ya i'nde-la ñánda 'mì Galilea.

13 Tanga mi ya tsibijna ñánda 'mi Nazaret; ján kii kájna ñánda 'mi Capernaum, jngoò naxandá xi kijnandi ndáchikon ya i'nde xi chja-ne Zabulón ko Neftalí.

14 K'oagá s'in komà mé-ne nga tsitasòn-ne 'én xi kiskii Isaías xjta xi kiichja ngajo-la Nainá nga kitsò:

15 Jè nangui xi ts'e Zabulón ko jè nangui xi ts'e Neftalí, ya ndiyá xi fi indii ndáchikon, ján xijngoaa xajngá nandá Jordán ya nangui Galilea, ñánda tjin xi mitsá xjta judío.

16 Jña xjta naxandá koi xi tjíñò kjohitsjeèn-la, kijtsee jngoò ni'in xi 'ño tse kji, koa jña xjta xi ya tjímaya ndiyá-la kjoabiyaá, kjohiseèn kjohitsjeèn-la.

17 K'ée tsibíts'ia Jesús nga kiichjaya 'én ndaa-la Nainá. Kitsò:
—Tikájno jé-nò, kì tì jè binchaàtsji-nò nga jyeé kjòchrañàt'aà-nò nachrjein nga jchaa kós'in otixoma jè xi ngajmii nchrobá-ne.

Kii kis'in Jesús nga ñijòn xjta kiichja-la xi ma-la sík'en tjin
(*Marcos 1:16-20; Lucas 5:1-11*)

18 K'e nga tifa Jesús ya indii ndáchikon ts'e Galilea, kijtsee jò xjta xi 'ndse ma, jngoò xi 'mi Simón ko tije-ne xi 'mi Pedro, ko xi ijngoò, jè xi 'mi Andrés. Jña xjta koi xi sík'en tjin. K'e nga nchisikatjen-jiiñ-nda na'ya-la,

19 Jesús kitsò-la:
—Nchrohótjinguí-ná, aán tsjaà-nò xá nga kíxkóya xjta xi an kjit'aà-na koni s'in maxkóya tjin.

20 Jña xjta koi ñitòón kisikájna na'ya-la nga kiitjinguí-la Jesús.

21 Isa xijngoaa isa Jesús kijtsee ngui jò xjta xi tikoa 'ndse ma-ne; jngoò xi 'mi Jacobo, ko xi ijngoò, Juan 'mi; ixti-la Zebedeo. Yaá túsaya chitso ko na'en-la. Nchibindaaya jña na'ya-la. Jesús kiichja-la nga jña kojmeiiko.

22 Xjta koi ñitòón kisikájna chitso-la ko na'en-la nga kiitjinguí-la Jesús.

Kii kis'in Jesús nga kjin xjta tsakóya-la
(*Lucas 6:17-19*)

23 Jesús tsajmeè kóhokji nangui Galilea, tsakóya 'én-la Nainá ya ni'ya ingo sinagoga nga íjngó íjngó naxandá. Kiichjaya 'én ndaa-la Nainá koni s'in otixoma Nainá; tikoa kisindaà-ne ngats'ii ch'in xi tjin-la xjta nga xki xi ján ijòjno ijòt'aà yijo-la.

24 Kina'ya-la Jesús kóhokji ya i'nde ñánda 'mi Siria, koa j'iiko-la xjta xk'én xi kjin skaya ch'in tjin-la, jña xi ijòjno ijòt'aà yijo-la ko xjta xi ch'in neji tjiin inima-la, ko tjin xi ch'in biyaàxín tjin-la, ko xjta xi mì kì ndaa ma sihiníyá yijo-la. Jesús kisindaà-ne ngats'ii xjta koi.

25 Kjín xjta xi ya i'nde-la Galilea kiitjinguí-la, ko jña xjta naxandá xi te ma-ne (xi 'mi Decápolis), ko jña xjta naxandá Jerusalén ko naxandá xi i'nga xi ya chja-ne nangui Judea, ko xi chja-ne xijngoaa xajngá nandá Jordán.

5

Kii kitsò Jesús nga kiichjaya ya isò'nga nindoò

1 Jesús, k'e nga kijtsee ngats'ii xjta xi kjin ma-ne, kiimijñ-jno ya isò'nga nindoò koa yaá tsibijna. Jña xjta xi kota'yàt'aà-la ijchò kinchat'aà-la.

2 Jesús k'ée tsakóya-la kitsò-la:

Kjondaà xi sakó-la jñà x̄it̄a k'e nga mé kjoa t̄ítsaj̄iìn
(Lucas 6:20-23)

3—Mé tà ndaà-la jñà x̄it̄a xi machiya-la nga mochjeén-la kjondaà-la Nainá; x̄it̄a koi, jyeé ts'e ngats'iì kjondaà xi t̄jín ya ñánda tíhot̄ixoma jè xi ngajm̄iì nchrobá-ne.

4 'Mé tà ndaà-la jñà x̄it̄a xi kjindáya; Nainá s̄iìjetakòn-né.

5 'Mé tà ndaà-la jñà x̄it̄a xi indaàj̄iìn t̄jín in̄ima-la; jñà t̄joé-la nangui xi Nainá jye k'oas'ín kitsò nga jñà tsjá k̄jot̄jò-la.

6 'Mé tà ndaà-la jñà x̄it̄a xi 'ñó mejèn-la nga k̄itasòn xi kjoa kixi xi Nainá s̄jé; Nainá k̄osik̄o nga k̄itasòn kjoa koi.

7 'Mé tà ndaà-la jñà x̄it̄a xi mah̄imatee x̄it̄a xi k'ej̄i; Nainá koh̄imatee ngajo-ne jñà x̄it̄a koi.

8 'Mé tà ndaà-la jñà x̄it̄a xi tsjeè t̄jín in̄ima-la; jñà x̄it̄a koi, jñà-né xi skoexkon Nainá.

9 'Mé tà ndaà-la jñà x̄it̄a xi síkijna'nchán kjoa; Nainá ki'ndí-laá k̄itsò-la.

10 'Mé tà ndaà-la jñà x̄it̄a xi k'j'in t̄jín-la nga fit̄jngui kondra-la x̄it̄a, koi kjoa-la nga ndaà s̄ikitasòn xi kjoakixi. X̄it̄a koi, jyeé ts'e ngats'iì kjondaà xi t̄jín ya ñánda tíhot̄ixoma jè xi ngajm̄iì nchrobá-ne.

11 'Mé tà ndaà-nò k'e nga jñà x̄it̄a ch'o kitsò-nò nga kot̄it'aà-nò kò k'e nga ch'o s̄ik̄o-nò, kò k'e nga 'én ndiso tsj̄at'in-nò xi kjoa ts'an.

12 Tsja t'è-la in̄ima-nò, koa tsja t'è-la takòn. Jñò, tsee kjondaà t̄joé-nò ján ngajm̄iì. Mitsà tà jñò xi ot̄inik̄o-nò. K'oaá t̄is'ín kinik̄o jñà x̄it̄a xi kiichja ngajo-la Nainá xi chinchima ít̄jòn-nò.

Kiis'ín kochjeén naxa kò ni'in xi t̄jín isò'nde
(Marcos 9:50; Lucas 14:34-35)

13 'Jñò, k'oaá s'ín ngaya-nò koni tsà naxa xi mochjeén-la x̄it̄a isò'nde. Tanga tsà jè naxa m̄i t̄i k̄i s̄iijnchra-ne tsojm̄i, ¿kó t̄is'ín kochjeén-ne? M̄i t̄i mé ch̄j̄i-la; x̄ixteèn-ne kò yaá k̄inchané x̄it̄a.

14 'Jñò, k'oaá s'ín ngaya-nò koni tsà ni'in xi mochjeén-la x̄it̄a isò'nde. Tsà jngoo naxandá xi isò'nga nindoò kijna, mìk̄i koma k̄ijna'ma.

15 K'e nga jngoo ni'in sit'a'í, mìtsà ya s̄ijnangui kaxa. Yaá sijna ñánda 'nga choòn, mé-ne nga kohiseèn yije-la x̄it̄a xi t̄ítsaj̄naya ni'ya.

16 Koni ni'in xi síhiseèn-la x̄it̄a, k'oaá s'ín ndaà t̄jichá yijo-nò nguixkon x̄it̄a xi k'ej̄i, mé-ne jñà x̄it̄a koi, jeya s̄ik̄ijna Na'èn-nò xi Nainá xi t̄jna ngajm̄iì k'e nga skoe-nò nga ndaà t̄ítsa'né.

Kiis'ín tsakóya Jesús ít'aa ts'e k̄jot̄ixoma-la Nainá xi kisk̄iì Moisés

17 'Jñò, k̄i k'oaá s'ín ník̄tsjeèn: mìtsà koi xá j̄i-na 'an nga kochrjekànguia jè k̄jot̄ixoma-la Nainá xi kisk̄iì Moisés kò jè xi tsakóya x̄it̄a xi kiichja ngajo-la Nainá. Tà s̄áá j̄i s̄ijngoo-ná 'én xi t̄jít'aà k̄jot̄ixoma.

18 Okixi xi xan-nò, koni t̄jín nachrjein k̄ijna-isa isò'nde kò ngajm̄iì, n̄imé xi t̄jáx̄in-la jè k̄jot̄ixoma, nijngoo punto kò nijngoo letra t̄jáx̄in-la, skanda kóni nga kojngoo yije kjoa xi t̄jít'aà k̄jot̄ixoma.

19 'Jè x̄it̄a xi mìk̄i s̄ikitasòn koni s'ín t̄ichja k̄jot̄ixoma, nas'ín 'ñó chiba t̄ichja, kò k'oaá s'ín okóya-la x̄it̄a, k'oaá t̄is'ín 'ñó chiba ch̄a-la ya j̄iìn naxandá xi jè ot̄ixoma-la xi ngajm̄iì nchrobá-ne. Kò jè x̄it̄a xi s̄ikitasòn k̄jot̄ixoma-la Nainá kò k'oas'ín okóya-la x̄it̄a xi k'ej̄i, jè x̄it̄a jè, jè xi 'ñó 'nga k̄ijna ya j̄iìn naxandá xi jè ot̄ixoma-la xi ngajm̄iì nchrobá-ne.

²⁰ Okixíí xi xan-nò, tsà mikii Ìsà ndaà sikitason kjoakixi koni jñà xita fariseo ko xita xi okóya kjoatixoma-la Nainá xi kiskii Moisés, mikii kitjás'en-jñò ñánda tihotixoma jè xi ngajmii nchrobá-ne.

Kiis'in tjin it'aà ts'e kjoajti
(Lucas 12:57-59)

²¹ Jñò jye kina'yà koni s'in ki'mi-la jñà xita jchinga-nò: “Kì xita nik'eèn; nita yá-ne xi xita siik'en, kjo'in s'e-la.”

²² Tanga 'an k'oaá xan-nò, tsà jngoò xita xi kojtikeyè 'ndse, s'ee-la kjo'in. Jè xi ch'o kjtso-la 'ndse, xitaxá tsjá-la kjo'in. Ko jè xi 'ndse kitso-la: “Ngaji nimé chí-lè”, ok'in-la nga ján kjoí jjiin ni'in ts'e i'nde kjo'in.

²³ Tsà k'e nga kikoii tsojmi kjojtò-lè nga Nainá k'oi-la ya i'nde tsjeè-la, koa ya koitsjeèn-lè nga jè 'ndsi tjin-la kondra tsjii,

²⁴ tikítsajnei tsojmi kjojtò-lè ya i'nde tsjeè, ikjoàn tikitsi'ba-la 'ndsi koa k'ee koma sikitajnei tsojmi-lè.

²⁵ Tsà tjin xita xi kohõngui-lè nga kjiiko-lè ni'ya osen, k'e nga tjaàya ndiyá, nitóón jchibàndaà-nò, mé-ne nga mi ya kjiiko-lè nguixkon xitaxá, ko jè xitaxá mi ya tsjá-la kindá jñà policia nga mi ndayá kjiiko-lè.

²⁶ Okixíí xi xan-lè, mi ti kii koma kitjoo-ne ndayá skanda k'e nga kichjítjì yijo-lè nga yije xi siijé-lè xitaxá.

Kiis'in tjin ts'e kjoa chijngui

²⁷ Jñò, jye kina'yà koni s'in ki'mi-nò kjõtsee: “Kì kjoa chijngui 'nè.”

²⁸ Tanga 'an k'oaá xan-nò, nita yá-ne xi kotejèñ-jno jngoò chjoón nga fahajiiin-la, jye kjoa chijngui tís'in koni títsò inima-la.

²⁹ Tsà jñà xkoòn kixi ótsji jé-nò, tijnachrjeè; kjiin tikatsjoo. Ìsáá ndaà-ne tsà chja jngoò xkoòn mi k'oaá-ne tsà ya kixojiiin yije yijo-nò ya jjiin ni'in ya i'nde kjo'in.

³⁰ Tsà jñà ndseji kixi ótsji jé-nò, tichátjòn; kjiin tikatsjoo. Ìsáá ndaà-ne tsà chja jngoò ndseji mi k'oaá-ne tsà ján kjoí yijo-nò jjiin ni'in ya i'nde kjo'in.

Kiis'in tjin kjoatixoma it'aà ts'e xita xi tsjeiin xikjin
(Mateo 19:9; Marcos 10:11-12; Lucas 16:18)

³¹ K'oaá tís'in kis'enojmi kjõtsee, nita yá xita-ne xi mejèn-la tsjin chjoón-la, ítjòn tjámii'nga xojon xi tsjeiin-ne xikjin xita.

³² Tanga 'an k'oaá xan-nò: tsà jngoò xita x'in xi tsjin chjoón-la, tsà mìtsà kjoa chijngui tís'in jè chjoón, jè x'in-la tìbít'in-la nga kjoa chijngui kátas'in chjoón. Jè chjoón, k'e nga kixan ijngoò k'a-ne, jè x'in xi kixan-ko, tikoaa jye kjoa chijngui tís'in.

Kiis'in tjin it'aà ts'e 'én xi nokjoá nga Nainá tibeè

³³ Tikoaa jye kina'yà koni s'in ki'mi-la jñà xita jchinga-ná: “K'e nga bixón: tibeè Nainá, kì chonachan-jèn, tikitasòn 'én-nò.”

³⁴ Tanga 'an k'oaá xan-nò: K'e nga 'bioò 'én-nò, jngoò k'aá kì yá xi nikijna ítjòn. Kì k'oas'in bixón: “Tibeè ngajmii.” Nga jè ngajmii, jè ixile kjoatixoma-la Nainá.

³⁵ Tikoaa kì bixón-jèn: “Tibeè isò'nde”, nga jè nangui, yaá nchason ndsoko Nainá. Tikoaa kì bixón-jèn: “Tibeè naxandá Jerusalén”, nga jè naxandá jè, ts'ee Xitaxá ítjòn xi Nainá.

³⁶ Tikoaa kì skoò nikijna ítjòn k'e nga mé 'én xi 'bioò. Nga mikii koma-nò nga sijmá o sichroba jngoò tsja skoò.

³⁷ Tà k'oaá s'ín t̃inókjoaá “jon”, o xi “majìn”. J̃nà 'én xi k̃jisòn, yáá nchrobá-ne it'aà ts'e x̃it̃a nejí.

Kiis'ín t̃ikoo j̃nà x̃it̃a xi ch'o síko-nò
(Lucas 6:29-30)

³⁸ Jye kina'yá koni s'ín ki'mì-nò k̃jòtsee: “Tsà yá xi kochrje jngoò xkoìin, t̃inachrjeè ngajo-ne ts'e. Kò tsà yá xi skoetoòn-lè nga skónájen jngoò ni'ñoi, chjínájen ngajo-ne ts'e.”

³⁹ Tanga 'an, k'oaá xan-nò: T̃ikjeiín-là x̃it̃a ts'en. Tsà jngoò x̃it̃a xi s̃ijts'iin-t'aà k̃jioòn kixi, t̃ikoaá t̃jii-là xi ngobà nga kàt'ee-là.

⁴⁰ Tsà jngoò x̃it̃a kohòngui-nò nga mejèn-là skoé nachro-nò, t̃ikoa t̃jii-là nàchrokisòn-nò nga kàtakjóé.

⁴¹ Tsà jngoò x̃it̃a xi k̃jò'ño s'ín-nò nga s̃ikajen jngoò hora-nò ch'á-là nga onguíko-là, jò hora isa k̃jiin tanguíko-là.

⁴² Tsà yá x̃it̃a xi síjé-nò tsojmì, t̃jii-là; kò tsà jngoò x̃it̃a xi mejèn-là sk̃iñat'aà-nò tsojmì, ki 'mì-là: mìkii koma.

Kò s'ín síkoo j̃nà x̃it̃a xi majtikeè-nò
(Lucas 6:27-28, 32-36)

⁴³ T̃ikoaá jye kina'yá koni ki'mì-nò k̃jòtsee: “T̃itsjacha x̃it̃a xinguiqo kò t̃jitcha kondra-nò.”

⁴⁴ Tanga 'an k'oaá xan-nò: T̃itsjacha j̃nà xi kondra-nò, t̃ichikon-t'ioòn j̃nà xi ch̃j'a'on-kò-nò, ndaà t̃ikoo j̃nà xi jtikeè-nò, t̃itsi'batjio j̃nà xi ch'o tsò-nò kò j̃nà xi ch'o síko-nò.

⁴⁵ Tsà k'oa's'ín s'e'en, ki'ndí-là Nainá xi t̃jna ngajmii koma; Nainá síhiseèn-là ndobá-là ts'oi x̃it̃a xi ndaà kò xi mì ki ndaà; t̃ikoaá Nainá sík'a-là jtsí j̃nà x̃it̃a kixi kò xi mìtsà x̃it̃a kixi.

⁴⁶ J̃nò, tsà tà j̃nà matsjacha x̃it̃a xi matsjakeè-nò, ñj mé k̃jondaà xi s'e-nò; nga k'oaá t̃is'ín j̃nà x̃it̃a xi síkíchj̃t̃j̃ tsojmì ts'e Roma.

⁴⁷ Tsà tà j̃nà x̃it̃a xinguiqo xi 'ndsé chiba s̃ixat'aà, za k'oaá ma-nò nga 'ño ndaà t̃itsa'nè?; nga t̃ikoaá j̃nà x̃it̃a xi mìkii beèkxon Nainá, k'oaá t̃is'ín.

⁴⁸ J̃nò, ngui k̃joakixijí t'een, koni jè Nà'èn-ná xi t̃jna ngajmii nga ngui k̃joakixijí s'ín.

6

Kiis'ín t'een k'e nga k'oi-là k̃jondaà x̃it̃a

¹ K'e nga ndaà t̃jín k̃joa xi 'nè, t̃ikindako-nò yijo-nò; k̃i tà k'ee k'oa 'nè k'e nga nguixkon x̃it̃a, tsà tà jè xi mejèn-nò nga skoè-nò x̃it̃a xi k̃j'eíj. Tsà k'oa's'ín s'e'en, Nà'èn-ná xi t̃jna ngajmii mìkii s̃ichikon-t'ín-nò.

² K'e nga jngoò k̃jondaà k'oi-là x̃it̃a ima, k̃i kii bènojmi-là ngats'iì x̃it̃a xi k̃j'eíj, koni s'ín x̃it̃a xi jò isén t̃jín-là yá ni'ya jngo sinagoga kò yá ndiyá nga tsjá k̃jotjò-là tsojmì x̃it̃a; tà jé xi mejèn-là nga skoè yije x̃it̃a. Tanga okixijí xi xan-nò, j̃nà x̃it̃a xi k'oa's'ín s'ín, jyeé t̃jín-là ch̃jì-là [nga nguixkon x̃it̃a. Mì t̃j mé s̃ichikon-t'ín-ne Nainá.]

³ K'e nga tsà tsojmì k'oi k̃jotjò-là x̃it̃a ima, mochjeén-né nga mì yá x̃it̃a xi skoè; ñj jè skoè xi 'ño amigo chibá.

⁴ Tjã'ma-là jè k̃jondaà-nò; k'e nga jè Nà'èn-ná skoè jè xi k̃joa'ma, jè tsjá-nò ch̃jì-nò.

Kiis'ín t'een k'e nga bìtsi'ba-lá Nainá
(Lucas 11:2-4)

⁵ K'e nga bitsi'ba, ki k'oaá 'nè koni s'in xita xi jò isén tjín-la. Jñà xita koi, k'e nga bitsi'ba-la Nainá, tsjakeè-né nga bincha kixi ya ni'ya ingo sinagoga ko ya chrjangui-la nditsin ñánda kjìn xita kotsejèn-la nga Nainá bitsi'ba-la. Xi okixi k'oaá xan-nò, jñà xita koi, jyeé tjín-la chjí-la [nga nguixkon xita. Mi tí mé sjiichikon-t'in-ne Nainá.]

⁶ Tanga k'e nga mejèn-lè nga kítsi'ba-la Na'èn-ná, títjás'iin ni'ya-lè, tichjoì xotjoa-la ni'ya-lè, ikjoàn tíjé-la kjondaà-la Na'èn-ná xi ya tajngoò tjina'mako-lè. Jè Na'èn-ná tsjá-lè chjí-lè nga jè tíbeè xi kjoa'ma.

⁷ K'e nga bitsi'ba, ki taxkí kjìn 'én nokjoà, koni s'in xita xi mìkii beèxkon Nainá. K'oaá s'in síkítseèn nga kjìn 'én kichja-la Nainá, isaá ndaà kji'nchré-la.

⁸ Ki k'oaá 'nè koni s'in jñà xita koi; jè Na'èn-ná jye tíjìn-la mé xi mochjeén-nò k'e nga tikj'eè nijét'aà-là.

⁹ K'e nga bitsi'ba, kí's'in tìnókjoa:

Na'èn-najen xi tijni ngajmii,
kátayaxkón-la kjoajeya-lè nga tsjeè tijni.

¹⁰ Kátjanchrobá kjótixoma-lè,

k'oas'in kátama j'it'aà nangui koni s'in mejèn-lè nga koma,

koni s'in ma ján ngajmii.

¹¹ Tjii-nájen j'ndeí jè ñiño xi mochjeén-najen nga nachrjein inchiòn.

¹² Tjichàat'aà-nájen jé-nájen koni s'in nijchàat'aà-lajen jñà xita xi ch'o síko-najen.

¹³ Ki kii bì'ndi yá xi mejèn-la nga kot'aà-najen nga kinchátsji jé-jen.

Tikinda-nájen xi j'it'aà ts'e xita neí.

Nga tsjií kjótixoma, tsjií nga'ño ko tsjií kjoajeya nita kjé-ne. K'oas'in kátama.

¹⁴ Tsà jñò sjiichàat'aà-là jé-la xita xi k'ejí, tíkoaá jè Na'èn-ná xi tjina ngajmii sjiichàat'aà-nò jé-nò.

¹⁵ Tanga tsà jñò mìkii sjiichàat'aà-là jé-la xita, tíkoaá Na'èn-ná mìkii sjiichàat'aà-nò jé-nò.

Kí's'in t'een k'e nga bitsajnachjan

¹⁶ K'e nga bitsajnachjan, ki k'oaá 'nè koni s'in jñà xita xi jò isén tjín-la nga síkijatíya isén-la, mé-ne nga skoe-ne xita nga ba tjín-la nga títsajnachjan. Xi okixi, k'oaá xan-nò, jñà xita koi, jyeé kitjoé-la chjí-la [nga nguixkon xita. Mi tí mé sjiichikon-t'in-ne Nainá.]

¹⁷ Tanga jñò, k'e nga bitsajnachjan, ki k'oaá 'nè. Tà saá tanijnòò isén-nò ko tasi'a tsjaskòò,

¹⁸ mé-ne nga mìkii skoe-nò xita tsà titsajnachjan, ko jè Na'èn-ná xi tjina'mako-nò, tà jè xi tíbeè. Jè sjiichikon-t'in-nò.

Kjoa nchiná xi tjín ján ngajmii

(Lucas 12:33-34)

¹⁹ Jñò, ki tsojmi kjìn binchatjò j'isò'nde; bits'on-né ko makixo-né ko jñà xita síhijé.

²⁰ Ta saá ján ngajmii tìnchatjò tsojmi. Ján ngajmii mìkii bits'on ko mìkii makixo tsojmi; tíkoaá tsjìn xita chijé.

²¹ Ya ñánda kìnchatjò tsojmi-nò, tíkoaá yaá sjiíkítseèn inima-nò.

Kós'in mochjeén xkoaán

(Lucas 11:34-36)

²² Jñà xkoaán, jè ma ni'in xi síhiseèn-la yijo-ná. Koií kjoa-la k'e nga ndaà tsejèn-ná, iseèn choòn yije-la yijo-ná;

23 tanga tsà mìkìl ndaa tsejèn-là xkoìin, tìkooá kóhokji yijo-lè, tà jñò choòn-là. Nga tjjjñò-là kjohítsjeèn-lè tìkooá ngui tà jñò choòn-là yijo-lè.

Yá xi koma nei-là xita xi 'ñó matsjakeè ton
(Lucas 16:13)

24 'Njngooò xita xi jò koma nei-là nga sxiá-la. Tsà jò koma nei-là, jngooò kojtikeyeé koa jngooò kotsjakee; jngooò ndaa kjit'aà-la koa ch'o sxiiko xi ljjngooò. Jñò, tsà kjoa nchíná sxiis'in-là, mìkìl kos'in-là kjoa ts'e Nainá.

Kós'in sikinda Nainá jñà xi ixti-là ma
(Lucas 12:22-31)

25 'K'oaá xan-nò, kì makájno-nò mé tsojmi xi chjinee, xi s'ioo, nga sijchá yijo-nò, kò mé nikje xi chikjá. ¿A mì 'ya-jèn k'e nga titsajnakooán i isò'nde tjin-isa kjoa xi isa 'ñó chji-là mì k'oa-ne koni tsojmi xi ma chine? Tìkooá yijo-ná, tjin-isa kjoa xi isa 'ñó chji-là mì k'oa-ne koni jè nikje xi chikjá.

26 Chítsejèn-là njse xi tjíma jjiin isén; mì jnoó 'beé; mì njjin majchá-là koa mì ni'nga tjin-là ñánda bincháxkó njjin-là; tanga jè Na'èn-ná xi tjina ngajmii tsjá-là tsojmi xi kine; koa jñò, isaá chji-nò mì k'oa-ne jñà njse.

27 Jñò, nas'in takó 'ñó sikájnoò, ni itsé koma sikatonè-là nàchrjein-nò koni s'in tjíndaà-là Nainá.

28 '¿Mé-ne nikájno-nò xi it'aà ts'e nikje xi chikjá? Chítsejèn-là naxó lirio xi majchá jjiin ijñá; mìkìl síxá kò mìkìl ma-là faña nikje.

29 Tanga 'an, k'oaá xan-nò, ndaa tsà jè Salomón xi xitaxá ítjòn tsibijna nga 'ñó xita jeya, mì k'oaá kjoàn nikje xi tsohòkjá koni kjoàn jñà naxó nga ndaa kjoàn.

30 Nainá, k'oaá s'in ndaa kjoàn s'in xká ijñá, xi jngooò nàchrjein titsajnakon kò xi ma nchijòn kotsjoojiiin ni'in. Jñò xi xita 'mì-nò xi mìkìl ndaa mokjeiín-nò, ¿a mìtsà isa niton tsjá-nò Nainá nikje xi mochjeén-nò nga chikjá?

31 Kì makájno-nò, kì bixón-jèn: “¿Mé xi chjineé?, kò ¿mé xi s'ioaá? kò ¿mé nikje xi chikjá?”

32 Nga yije tsojmi koi, k'oaá tjin xi ótsji jñà xita xi mìkìl mokjeiín-là it'aà ts'e Nainá. Tanga jñò tjinaá-nò Na'èn xi tjina ngajmii xi jyeé tjiiin-là nga mochjeén-nò ngats'ii tsojmi koi.

33 Ítjòn tìnchátsjioò kjoa ts'e Nainá koni s'in otixoma kò kjoakixi-là; ngats'ii tsojmi xi mochjeén-nò tà tjoésòn-nò.

34 Kì makájno-nò mé kjoa xi s'e nchijòn-lè; nga nchijòn-lè, s'eé-nò kjoa xi kòkájno-nò; tà koi kjoa tikájno xi tjin nàchrjein i'ndeji.

7

Mì kii koma jñà sikindaá jé-là xita xinguiáá
(Lucas 6:37-38, 41-42)

1 'Kì kjo'in 'biil-là xita xinguioo kjoa ts'e jé-là mé-ne nga mì kjo'in tjoé-nò kjoa ts'e jé-nò.

2 Koni s'in k'oi-là kjo'in xita xi kj'eji, k'oaá tis'in tjoé ngajo-nò kjo'in. Jè chiba xi sichibaya-là xinguioo, tjjè kochiba ngajo-nò.

3 [¿Mé-ne jé-là xinguii nikinda-ne koa tsiji mìkìl nikindii?] ¿Mé-ne chítsejèn-là jè tjé xi kjinangui xkon xinguii, kò jè yá chiso xi kjinangui xkoìin mìkìl chítsejèn-là?

4 Tsà yá chiso kjinangui xkoìin, ¿a koma k'oin-là xita xinguii: “Tjii'nde-ná nga kochrjekànguia tjé xi kjinangui xkoìin”?

⁵ Ngaji xi jò ma isén-lè, ítjòn tìnachrjekàngui chíso xi kjinangui xkoìn mé-ne nga ndaà kotsejèn-lè, ìkjoàn tìnachrjekàngui tjé xi kjinangui xkon xingui.

⁶ Tsojmì tsjeé xi ts'è Nainá, kì nañá 'biì-là mé-ne nga mì yá sjiikáfat'aà-lè kò yá skine-lè. Koà jè ndátòn chjì xi nikjiín, kì chingá nikatjen-là mé-ne nga mì ndsòkò kìnchanè-ne.

Kó s'ín sijé-lá Nainá k'è nga mé xi mejèn-ná
(Lucas 11:9-13; 6:31)

⁷ Tjijé mé xi mejèn-nò, jè Nainá tsjá-nò; tìnchátjsjioð Nainá, sakó-nò; tìnókjoat'aà-là Nainá mé xi mejèn-nò mé-ne skíx'a'nde-nò koni jngòò xotjoa.

⁸ Ngats'iì xitá xi s'íjé, tjoé-là, jè xi ótsji, sakó-là kò jè xi chjat'aà-là Nainá, táx'a'nde-là koni jngòò xotjoa.

⁹ Jñò xi xitá jchínga 'mì-nò, tsà inchrájin sjiijé-nò ìxti-nò, ¿a ndajòò k'oi-là? Majìn.

¹⁰ Koà tsà tìn sjiijé-nò, ¿a yeé k'oi-là? Majìn.

¹¹ Jñò nas'ín xitá xi ch'o 'nè, ma-nò 'biì-là ìxti-nò tsojmì xi ndaà kjoàn. Jè Nà'èn-nò xi tijná ngajmii, isáá nìtòn sjiis'in-nò nga tsjá-nò tsojmì xi ndaà kjoàn tsà jñò sjijet'aà-là.

¹² Nita mé kjondaà xi mejèn-nò nga sjiikò-nò xitá, k'oaá tís'in tìkò ngajo-nò. K'oaá s'ín tíchja kjotixoma-là Nainá xi kiskii Moisés kò xojon-là xitá xi kiichja ngajo-là Nainá.

Kó kji xotjoa xi kitjás'én
(Lucas 13:24)

¹³ Títjás'ioðn jè xotjoa xi 'nchrèya kji. Jè xotjoa kò jè ndiyá xi 'ñó tiyá, ndiyá-là kjo'in-né. Kjìn xitá xi yá fahas'en.

¹⁴ Kò jè xotjoa kò ndiyá xi 'nchrèya choòn, ndiyá-là kjoabinachon-né, kò chiba xitá matsji-là.

Kó s'ín jchaxkoaán xitá it'aà ts'è xá xi s'ín.
(Lucas 6:43-44)

¹⁵ Ndaà tìkindaa yijo-nò it'aà ts'è xitá ndiso xi tsò nga 'én-là Nainá síka'bí. K'è nga f'ìikon-nò jñá xitá koi, imá kjoaá s'ín koni orré tanga inima-là, tsején ts'én 'ya.

¹⁶ Jñò jchaxkoòn xitá koi it'aà ts'è xá xi s'ín. K'oaá ngaya-là koni jngòò yá xi ndaà toò ojà-là. Jè toò uva, mìtsà jè majchá-là yá na'yá. Tìkooá jè toò ìkò, mìtsà jè majchá-là yá na'yá.

¹⁷ Ngats'iì yá xi ndaà kjoàn, ndaà toò ojà-là. Tanga jè yá xi mikii ndaà kjoàn, mikii ndaà toò xi ojà-là.

¹⁸ Jngòò yá xi ndaà kji, mìtsà ch'o kjoàn toò xi ojà-là. Koà jè yá xi ch'o kji, mikii ojà-là toò xi ndaà kjoàn.

¹⁹ Nga yije yá xi mikii ojà-là toò xi ndaà, sàtèsòn-là ìkjoàn sìnchájiin ni'in nga kiti.

²⁰ K'oaá s'ín jchaxkoòn xitá koi it'aà ts'è xá xi s'ín.

Yá xitá xi kjoahas'en-jìin ñánda nga Nainá tíhotxoma
(Lucas 13:25-27)

²¹ Mìtsà tà ngats'iì xitá xi tsò-na: “Nà'èn, Nà'èn”, kjoas'en-jìin jè kjotixoma-là ngajmii. Tà jñá xitá xi kjoas'en-jìin xi síkitasòn koni s'ín mejèn-là Nà'èn-na xi tijná ngajmii.

²² K'e nga kijchò nachrjein, kjìn xit̃a k̃itso-na: “Na'èn, Na'èn, ngajen kinokjoàya-nájen 'én-lè xi it'aà tsiji. Nga koó 'ín-lè kinachrjekàjìin-nájen inìma ch'o-la neji xi mikii ndaà; t̃ikoáá kjìn kjoxxkón ki'nè-jen xi ndaà t̃jín.”

²³ K'ée k'oa xán-la: “Mikii bexxkon-nò. T̃inchat'aàxin-ná j̃nò xi ch'o ki'nè.”

Mé xi ngaya-la j̃nà xit̃a xi s̃ikitasòn 'én-la Jesús ko xi mikii s̃ikitasòn.

(Lucas 6:47-49; Marcos 1:22)

²⁴ Jè xi 'nchré koá s̃ikitasòn 'én-na koni xan-la, k'oaá s'ín ngaya-la koni jngoò xit̃a xi t̃jín-la kjoht̃sjeèn; yaá bíndaàsòn ni'ya-la ñánda nax̃i choòn.

²⁵ Ba jtsí; 'ba tjoxxkón; f'ii xajngá nandá xi fahanè ni'ya; ni mé xi ma-la nga ndaà t̃jindaà jè ni'ya, yaá kijnasòn ñánda nax̃i choòn.

²⁶ Tanga ñit̃a yá-ne xi 'nchré 'én-na ko mikii s̃ikitasòn, k'oaá ngaya-la koni jngoò xit̃a xi tsjìn-la kjoht̃sjeèn; yaá bíndaàsòn ni'ya ñánda jncha tsomì.

²⁷ Ba jtsí; 'ba tjoxxkón; f'ii xajngá nandá yaá bixòña ni'ya jè; mi tà k'oaá kji kjoa xi ma k'e nga bixòña.

²⁸ K'e nga jye kùchja Jesús, ngats'ii xit̃a xi t̃itsajna, tà k'oaá komà-la koni tsò 'én xi tsakóya.

²⁹ K'oaá s'ín tsakóya koni jngoò xit̃a xi 'ñó t̃jín-la kjoht̃xoma, mìtsà k'oaá s'ín tsakóya koni xit̃a xi okóya kjoht̃xoma-la Nainá xi kiskii Moisés.

8

Kii komà nga kjòndaà jngoò-ne xit̃a xi t̃bindojno chrjoa yijo-la

(Marcos 1:40-45; Lucas 5:12-16)

¹ K'e nga itjojen-ne Jesús ya isò nga nindoò, kjìn xit̃a j'ii t̃jinguì-la.

² Jngoò xit̃a xi t̃bindojno chrjoa yijo-la ijchòkon koá tsasixkó'nchit'aà-la, kitsò-la:

—Na'èn, tsà mejèn-lè, t̃itsjeè-ná ch'in xi t̃jín-na.

³ Jesús, k'ée tsijmeé tsja nga tsohót'aà-la yijo-la xit̃a jè, kitsò-la:

—Mejèn-na, kàtandaà-ne yijo-lè.

K'e nga okitsò Jesús, ñit̃oón kjòndaà-ne.

⁴ K'ée kitsò-la Jesús:

—T̃iná'yi, k̃i yá xit̃a xi bènojmi-la. T'in ñánda t̃jna ño mìl, takó-la yijo-lè nga jyeé kjòndaà-ne; koá jch'ii kjoht̃jò-lè, tsojmi xi sjé kjoht̃xoma-la Nainá xi kiskii Moisés, mé-ne nga kateè-ne j̃nà xit̃a nga jyeé kjòndaà-ne ch'in-lè.

Kii komà nga kjòndaà-ne ch̃i'nda-la xi xit̃a sko-la soldado

(Lucas 7:1-10)

⁵ K'e nga jahas'en Jesús ya naxandá Capernaum, jngoò xit̃a sko-la soldado ts'e Roma ijchòkon, kisijé-la kjòndaà.

⁶ Kitsò-la:

—Na'èn, xit̃a ch̃i'nda-na kijna-né ján ni'ya-na. Tsí 'ñó xk'én koá t̃ifa kjo'in nga mikii ma síhiníyá yijo-la.

⁷ Jesús kitsò-la:

—Koma kjisindaà-na.

⁸ Jè xit̃a sko-la soldado kitsò:

—Na'èn, mikii ok'ín-na nga ngaji k'óin sobi ni'ya-na, t̃a saá t̃jii okixi nga kàtandaà-ne, koá kondaà-ne ch̃i'nda-na.

⁹ 'An, t̃jijn-na nga t̃jín-lè kjoht̃xoma. T̃ikoáá 'an, t̃jín-na xit̃a it̃jòn xi ot̃xoma-na, t̃ikoáá t̃jín-na soldado xi 'an ot̃xoma-la, k'e nga xan jngoò-la: “T'in”, fi-né; xan-la xi l̃jngoò: “Nchroboí”, nchrobá-né; koá k'e nga xan-la jè xi ch̃i'nda-na: “K'oa t'jín”, s̃ikitasòn-na.

¹⁰ K'e nga kii'nchré Jesús jñà 'én koi, tà kjòxkón-là. Kitsò-là jñà xitá xi tjingui-là:

—Okixí xi xan-nò, ya Israel ni saá jngoò xitá sakó-na xi k'oas'in ndaa mokjeiin-là koni jè xitá jè.

¹¹ K'oaá xan-nò, kjin xitá kjojí-ne nga ñijòn chrjangui-là isò'nde xi kokjen-ko Abraham kò Isaac kò Jacob ya ngajmii ñánda tíhotixoma Nainá.

¹² Tanga jñà xitá xi tjin-ne nga ya kitsajna ñánda kotixoma Nainá, kitjokajiin-né; ján kjoí nditsin ñánda jño choòn, kò yaá skindáya koa sijits'iin ni'ño.

¹³ K'éé kitsò-là Jesús jè xitá sko-là soldado:

—T'in-ne ni'ya-lè; koni s'in nga ndaa mokjeiin-lè, k'oaá s'in koma.

Jè ch'i'nda-là tik'eé kjòndaà-ne.

Kii kis'iin Jesús nga kisindaà-ne natchiya-là Pedro

(Marcos 1:29-31; Lucas 4:38-39)

¹⁴ Jesús kii ni'ya-là Pedro koa kijtsee natchiya-là nga kijna xk'én; ch'in tjinga tjin-là.

¹⁵ Jesús tsohót'aà-là tsja jè chjoón, nitoón kjòndaà-ne ch'in tjinga-là, tsasitjen-ne jè chjoón, ikjoàn kisís'in-là Jesús.

Kii kis'iin Jesús k'e nga kjin xitá xk'én j'ũkò-là

(Marcos 1:32-34; Lucas 4:40-41)

¹⁶ K'e nga jye kòjño, kjin xitá xk'én j'ũkò-là Jesús xi inima ch'o-là neíí tjin-là. Jesús tà jngoò okixí kitsjaà nga tsatixoma-là mé-ne nga itjokajiin-ne inima-là jñà xitá ngats'i inima ch'o-là neíí, koa kjòndaà yije-ne xitá xk'én.

¹⁷ Kjoa koi koni s'in komà, koií tsitasòn koni kitsò Isaías xitá xi kiichja ngajo-là Nainá k'e nga kitsò: “Jè jaaxìn ch'in-ná kò jè kisikjeiin kjo'in nga kjòndaà-ne ñánda kitsi'on yijo-ná.”

Mé xi sijé Jesús it'aà ts'e xitá xi mejèn-là fitjingui-là

(Lucas 9:57-62)

¹⁸ K'e nga kijtsee Jesús nga kjin ma-ne xitá xi kitseendi-là, kitsjaà-là okixí xitá xi kota'yàt'aà-là nga kii ján xijngoàà ndáchikon.

¹⁹ K'éé j'i jngoò xitá xi okóya kjotixoma-là Nainá xi kiskii Moisés, ijchòkon Jesús, kitsò-là:

—Maestro, kjítjingui-lè nita ñánda nga k'óin.

²⁰ Jesús kitsò-là:

—Jñà ninda tjin-là nguio ñánda oyijò, koa jñà nise tjin-là tjé, tanga 'an xi Ki'ndi-là Xitá xan-là yijo-na, tsjin-na j'nde ñánda sikjáya.

²¹ Jjngoò xitá xi kota'yàt'aà-là kitsò-là:

—Na'èn, tji'nde-ná nga íjòn kján kijiñaà na'èn-na.

²² Jesús kitsò-là:

—Ji, nchrobátjingui-ná, jñà mik'en kàtihijìn mik'en-là.

Kii kis'iin Jesús nga kisikijnajyò tjoxkón ya jjiin ndáchikon

(Marcos 4:35-41; Lucas 8:22-25)

²³ Jahas'en Jesús jè chitso; kjihijtakò jñà xitá xi kota'yàt'aà-là.

²⁴ Tà nitoón tsatsejèn jngoò tjoxkón kò jtsí ya jjiin ndáchikon, kò jè ndáchikon taxki komà-né, mejèn bijsa'ma jè chitso. Tanga jè Jesús kjinafé-né.

²⁵ Jñà xitá xi kota'yàt'aà-là k'éé kiiikon nga kisikjaá-là Jesús, kitsò-là:

—Na'èn, tikinda-nájen. Jye titsabixònguindá.

²⁶ Kiichja Jesús kitsò:

—¿Mé-ne tsakjoòn-nò? 'Ñó chiba mokjeiín-nò xi it'aà ts'an.
K'eé tsasítjen Jesús, tsohótiko tjoxkón ko ndáchikon koa nitoón kisijyò-ne tjo koa kjòndaàya-ne.

²⁷ Koa jña xita xi kota'yat'aà-la tà kjòxkón-la, kitsò:

—Yá xita-ne jè skanda jè tjo ko ndáchikon sikitasòn-la.

Kii kis'iin Jesús nga tsachrekajin inima ch'o-la neii xi tjin-la xita Gadara
(Marcos 5:1-20; Lucas 8:26-39)

²⁸ K'e nga ijchò Jesús ján xijngoàà ndáchikon ya nangui Gadara, jò xita ijchò kinchat'aà-la xi ya itjo-ne ya ñánda sihiijin mik'en. Inima ch'o-la neii tjin-la. 'Ñó jchán ts'en, kjaán-ko-ne tsà yá xi ya kjoahaya ndiyá.

²⁹ 'Ñó kiichja nga kitsò:

—¿Mé xi mejèn-lè ko ngajen, ji xi Ki'ndí-la Nainá 'mì-lè? ¿A koií xá kòfi-ne nga jchatoòn-nájen k'e nga tik'èè bijchó nachrjein-la kjo'in?

³⁰ Ya chrañat'aà-la kjin jchán chinga nchikjèn-jno,

³¹ koa jña inima ch'o-la neii tsibítsi'ba-la Jesús, kitsò-la:

—Tsà kinachrekajin-nájen, tji'nde-nájen nga kitjás'en-jiin-jen yijo-la chinga koi.

³² Jesús kitsò-la:

—Ndaà tjin, tanguió.

Ikjoàn itjojin yijo-la jña xita koi, k'eé jahas'en-jiin yijo-la jña chinga, koa ngats'ii chinga tsatikjén-jno ya naxi skanda jiin ndáchikon ko yaá k'en.

³³ Jña xita xi ko'ndà chinga tsanga; k'e nga ijchò jiin naxandá, tsibénjmi yije kjoa xi komà ko kjoa xi komat'in jña xita xi inima ch'o-la neii tjiin inima-la.

³⁴ K'eé ijchò ngats'ii xita naxandá ñánda tjina Jesús; k'e nga kijtseèxkon tsibítsi'ba-la nga xin nangui kàtji.

9

Kii kis'iin Jesús nga kisindaà jngòò-ne xita xi mi kii ma sihiníyá yijo-la
(Marcos 2:1-12; Lucas 5:17-26)

¹ K'e nga jahas'en Jesús jè chitso, jahatot'aà xijngoàà ndáchikon koa ijchò-ne naxanda-la.

² Ya ijchòko jngòò-la xita xi mikii ma sihiníyá yijo-la; kjinason-la nachan-yá. K'e nga kijtseé Jesús nga jña xita koi mokjeiín-la it'aà ts'e, kitsò-la jè xita xk'én:

—Ji ndí na'èn, tji-la nga'ño yijo-lè; jé-lè jye kichàat'aà-lè.

³ Jña xita xi okóya kjotixoma-la Nainá xi kiskii Moisés, tjin i'nga xi kitsò kjohítsjeèn-la: “Xita jè, Nainá chajno-la.”

⁴ Jesús nitoón kijtseèya-la koni s'in nchisíkítsjeèn, kitsò-la:

—¿Mé-ne kotsò-ne kjohítsjeèn-la inima-nò nga ch'o tsò-ne?

⁵ ¿Mé xi isa chiba 'in tjin, tsà xán-la jè xita xi xk'én: “Jé-lè jye kichàat'aà-lè”, ko tsà xán-la: “Tisítjin koa titjei”?

⁶ Kokodò-nò nga 'an xi Ki'ndí-la Xita xan-la yijo-na, tji'nde-na nga sijchàat'aà-la jé-la xita j'isò'nde.

K'eé kitsò-la jè xita xk'én:

—Tisítjin, chjoi nachan-lè, t'in-ne ni'ya-lè.

⁷ K'eé tsasítjen jè xita xk'én, kil-ne ni'ya-la.

⁸ K'e nga kijtseé jña xita nga tsasítjen-ne jè xita xk'én, tà k'oagá koma-la; k'eé jeya kisikjna Nainá nga k'oas'in tse nga'ño tsjá-la xita j'isò'nde.

Mé kjoa xi komà k'e nga jè Jesús kiichja-lq Mateo

(Marcos 2:13-17; Lucas 5:27-32)

⁹ Jesús kii-ne j'nde jè. K'e nga tifi, kijtsee jngoò xita xi 'mì Mateo xi tijnat'aà imixa ya ñánda síkíchítjì tsojmì, ton xi fi Roma; kitsò-la:

—Nchrobátjìngui-ná.

K'ée tsasítjen Mateo, kiitjìngui-la Jesús.

¹⁰ K'e nga tijnat'aà imixa Jesús nga tikjèn ya ni'ya-la Mateo, kjìn xita j'ii xi tikoá tsojmì síkíchítjì kò xita xi jé tjin-la. Tikoá tsibítsajnat'aà imixa, tsakjèn-kò Jesús kò jña xita xi kota'yat'aà-la.

¹¹ Tanga jña xita fariseo, k'e nga kijtsee xita koi, kiskòngui-la xita xi kota'yat'aà-la Jesús, kitsò-la:

—¿Mé-ne k'oas'in-ne maestro-nò nga xita xi síkíchítjì tsojmì kò xita jé kjèn-kò-ne?

¹² Kii'nchré Jesús, k'ée kitsò-la:

—Jña xita xi mì ch'in tjin-la, mì chjìnexkiì mochjeén-la, jña-né xita xi xk'én xi mochjeén-la chjìnexkiì.

¹³ Tanguiò chita'ya Ìsa kó tsòya-ne Xojon-la Nainá xi tsò: “An mejèn-na nga kàtas'e-nò kjohimatakòn; kì tã tsjaà cho ñik'eèn kjotjò xi 'an 'biì-ná.” Mìtsà koi xá j'i-na 'an nga j'ikjaajñaà xita kixi, jña-né xita xi tjin-la jé nga kàtasíkájno jé-la nga mì tì jé kòhòtsji-ne.

Kò kitsò Jesús k'e nga kitjòngui-la mé-ne mì bitsajnachjan-ne xita-la

(Marcos 2:18-22; Lucas 5:33-39)

¹⁴ Jè Juan xi kis'in bautizar xita, jña xita xi kota'yat'aà-la j'iiikon Jesús ñánda tijná koá kiskòngui-la, kitsò:

—Ngajen kò xita fariseo kjit'aà nachrjein bitsajnachjan-jen. ¿Mé-ne jña xita tsjì mikì bitsajnachjan-ne?

¹⁵ Jesús kitsò-la:

—¿A baá bitsajna xita k'e nga s'eí tjin k'e nga títsajna osen xi kòbixan? Tanga kjichò nachrjein k'e nga tjáxin-la x'in xi kòbixan, k'e-né nga kítsajnachjan xita.

¹⁶ J'ngoò nikje ibaà mikì ma sjto-ne kò nikje xitse; nga jé nikje xitse, kjeèn-yó-né koá kotejnda-né jé nikje ibaà. Ìsa tse koma ñánda kixajnda kjì.

¹⁷ Tikoáá mikì ma sìnchá xán ixii jé chrjoá jchínga, jé xán ixii kotijnda-né jé chrjoá jchínga koá xíxteen jé xán. Tikoáá chija jé chrjoá. Jé xán ixii, chrjoá xitsee sìnchá. K'oaá s'in ndaá sìnchá ingajò.

Tsòti-la Jairo kò chjoón xi kitsobà nikje-la Jesús

(Marcos 5:21-43; Lucas 8:40-56)

¹⁸ Tìk'ée-ne nga tíchja Jesús, ijchò jngoò xita sko-la jña xita judío, tsasixkó'nchit'aà-la, kitsò-la:

—Ndí tsòti-na, sã kò jye k'en; tanga tsà jì k'oín kò tsà kjòt'aà-la ndseji, kijnakon ìjngoò k'a-ne.

¹⁹ Tsasítjen Jesús, kiiko jé xita sko-la kò jña xita xi kota'yat'aà-la.

²⁰ K'e nga nchifi, jngoò chjoón ijchòtjìngui-la; chjoón jé, jyeé kò tejò nó xk'én nga tíxíteen-la jni. Kii kasit'aà chraña-la Jesús ya ijton íts'in nga kitsobà'ñó ijton nikje-la.

²¹ K'oaá s'in tíhóko inima-la: “Tsà tà jé sikoáa nikje-la, kondaá-na.”

²² Jé Jesús kisikáfaya, kijtsee chjoón jé, kitsò-la:

—Ndí nea, tjii-la nga'ñó yijo-lè. Kòmandaa-ne koií-né nga mokjeín-lè it'aà ts'an.

Tijè-ne hora kjòndaà-ne chjòón jè.

²³ K'e nga ijchò Jesús ya ni'ya-la jè xita sko-la xita judío, kijtsee música xi nchisikjane nga jye kihijün mik'en koa kijtsee nga fijen fikjá xita nga 'ño nchikjindáya.

²⁴ Kitsò-la:

— Titjoo ni'ya; jè tsòti mìtsà kòbiyaa, tà kjinafé-ne.

Jña xita, tà tsijnòkèè-né k'e nga okitsò Jesús.

²⁵ Tanga Jesús tsachrje ni'ya ngats'ii xita xi títajna; k'ée jahas'en ni'ya, kiskoé tsja jè tsòti, koa jè tsòti tsasítjen.

²⁶ Nga kijnda i'nde jè, tsabìsòn 'én it'aà ts'e kjoa xi koma.

Kó s'in komàt'in xita xi jò ma-ne xi mìkii tsejèn-la

²⁷ K'e nga itjo-ne Jesús i'nde jè, jò xita xi mìkii tsejèn-la kiitjingui-la; 'ño kiichja, kitsò-la:

— iJchahimatakòn-nájen, ngaji xi ya nchrobàt'aà-ne tje-la xitaxá ítjòn David [nga ji tijna ngajo-la]!

²⁸ K'e nga jahas'en ni'ya Jesús, jña xita xi mìkii tsejèn-la ijchòkon. Jesús, kiskònangui-la, kitsò-la:

— ¿A mokjeiün-nò nga koma-na sindaà-nò?

K'ée kitsò jña xita xi mìkii tsejèn-la:

— Jon, Na'èn. Komaá-lè.

²⁹ Jesús k'ée kisiko jña xkon, kitsò-la:

— Jñò, koni s'in mokjeiün-nò, k'oas'in kàtandaà-nò.

³⁰ Jña xita xi mìkii tsejèn-la, kitáx'a-ne xkon koa kjòndaà-ne. Jesús 'ño tsibínè-la nga kitsò-la:

— Ndaà t'een kindá nga mì yá xita xi skoé kjoa koi.

³¹ Tanga jña xita koi, k'e nga itjo-ne ni'ya, tik'ée tsibíts'ia nga tsibénojmi nga kijnda i'nde jè, kós'in kis'iin Jesús.

Kó s'in komà nga kjòndaà-ne jngoò xita xi mìkii ma chja

³² K'e nga jye nchifi-ne jña xita xi mìkii tsejèn-la, j'iiiko jngoò-la Jesús xita xi mìkii ma chja nga inima ch'o-la neji tjiin inima-la.

³³ Jesús k'e nga jye tsachrjekàjiin inima ch'o-la neji xi tjiin inima-la jè xita xi mìkii ma chja, tik'ée komà kiichja-ne. Ngats'ii xita xi ya títajna tà kjòxkón-la. Kitsò:

— Kj'eè kii 'yaá kjoa xi k'oas'in ma i i'nde Israel.

³⁴ Tanga jña xita fariseo kitsò:

— Jè sobà xita sko-la xita neji tsjá-la nga'ño nga ma-la ochrjekàjiin inima ch'o-la neji xi tjiin-la xita.

Kó kitsò Jesús k'e nga kjòhimateè xita xi kjin ma-ne

³⁵ Jesús tsajmeèjiin nànda naxandá ii ko naxandá jtobá nga tsakóya 'én-la Nainá ya ni'ya ingo sinagoga ts'e naxandá koi. Kiichjaya 'én ndaà-la Nainá koni s'in otixoma Nainá; tikoa kisindaà-ne ngats'ii ch'in xi tjiin-la xita nga xki xi ján ijòjno ijòt'aà yijo-la.

³⁶ K'e nga kijtsee Jesús nga kjin ma xita, kjòhimateè nga 'ño makájno-la ko mì yá xi osiko nga jye títajohoya k'oaá ngaya-la koni orrè xi tsjin-la paxtó xi ko'ndá.

³⁷ K'ée kitsò-la xita xi kota'yàt'aà-la:

— Xi okixi, 'ño tse xá tjiin xi it'aà ts'e 'Én-la Nainá koni s'in ma k'e nga kjin tsojmi majchá tanga jña xita ch'i'nda xi síxá, chiba ma-ne;

38 t̄itsi'ba-là jè Nei-là xá, kàtasikasén-isa x̄it̄a chí'nda xi koj̄ixkó tsojm̄i koi.

10

*Kó 'mì 'ín-là x̄it̄a-là Jesús xi tejó ma-ne
(Marcos 3:13-19; Lucas 6:12-16)*

1 Nga koma iskan Jesús kiichja-là x̄it̄a-là xi tejó ma-ne xi kota'yat'aà-là, kitsjaà-là k̄jotixoma nga koma kochrjekàj̄iin in̄ima ch'o-là neij̄ xi t̄j̄in-là x̄it̄a koa koma-là siindaà-nè n̄it̄a mé ch'in-ne nga ij̄ojno ij̄ot'aà yijo-là x̄it̄a.

2 J̄n̄a 'ín-là x̄it̄a xi tejó jaàj̄iin Jesús nga tsibíxáya-là: jè t̄jna ít̄j̄on, Simón xi t̄ikoá Pedro ki'mì, k̄j̄ Andrés xi 'ndse ma Pedro; Jacobo k̄j̄ 'ndse Juan xi ixti-là Zebedeo;

3 Felipe, Bartolomé, Tomás, k̄j̄ Mateo jè xi kisikichj̄it̄j̄i tsojm̄i ts'e Roma; Jacobo, ti-là Alfeo; Lebeo xi t̄ikoá Tadeo ki'mì;

4 Simón, x̄it̄a xi ya fit'aà-là x̄it̄a cananista; k̄j̄ Judas Iscariote jè xi kisingatsja kondra-là Jesús.

Kós'ín tsatixoma-là Jesús x̄it̄a-là xi tejó ma-ne xi kisikasén nga kisika'bí 'én-là Nainá

(Marcos 6:7-13; Lucas 9:1-6)

5 Jesús kisikasén nga tejó x̄it̄a xi kota'yat'aà-là nga kisika'bí 'én-là Nainá koa kitsjaà-là k̄jotixoma, kitsò-là:

—Mikiì onguiò ya i'nde-là j̄n̄a xi mìtsà x̄it̄a judío; t̄ikoá mikiì bitjaàs'en-j̄noò ya naxandá-là x̄it̄a Samaria.

6 Yáá tanguichòn j̄n̄a x̄it̄a naxandá Israel koni orrè xi kichijà.

7 K'e nga onguiò t̄inókjoaya koa tixón: “Jye k̄jochrañat'aà-nò naxrjein nga jchaá kó s'ín otixoma jè xi ngajm̄i nchrobá-ne.”

8 T̄indaà-nò x̄it̄a xi xk'én; t̄itsjeè xi t̄ibindojno chrjoa yijo-là; t̄ikjaáya-là xi jye k'en; naxrjekàj̄noò in̄ima ch'o-là neij̄ xi t̄j̄iin in̄ima-là x̄it̄a. Tà k̄jotjò kitjòé-nò nga'ño koi, t̄ikoáà tà k̄jotjò t̄j̄ii ngajo-là j̄n̄a x̄it̄a.

9 N̄imé t̄on ch'aà.

10 Kì na'ya ch'aà xi it'aà ts'e ndiyá. Mikiì tsà jò naxro ch'aà. T̄ikoáà mikiì xoxté tsjayaà. T̄ikoáà k̄i yá garrote ch'aà. Nga jè x̄it̄a xi síxá, mochjeén-né nga k'oi-là tsojm̄i xi sk̄ine.

11 K'e nga kijchoò naxandá ì, o xi naxandá jtobá t̄inchátsjioè jngòò ni'ya xi ndaa x̄it̄a nei-là, yaá titsajnakoo skanda k'e nga onguì-nò.

12 K'e nga kitjás'een ni'ya, t̄ixat'aà j̄n̄a x̄it̄a nei-là ni'ya.

13 Tsà j̄n̄a x̄it̄a nei-là ni'ya skoétjò-nò, t̄ichikon-t'ioon nga s'e-là kjoa'nchán, tanga tsà mikiì skoétjò-nò, tà saá j̄n̄o s'e-nò kjoa'nchán nga siichikon-t'in-nò Nainá.

14 Tsà mikiì skoétjò-nò, k̄j̄ tsà majin-là k̄j̄i'nchré 'én-nò, titjoo ni'ya jè, o naxandá jè, koa titsajneè chijo-là ndsokod.

15 Okixi' xi xan-nò, naxandá jè, isaá tse k̄j̄'in s'e-là jè naxrjein k'e nga s̄indaaj̄iin-là x̄it̄a, mì k'oaá-ne koni j̄n̄a x̄it̄a ts'e naxandá Sodoma k̄j̄ Gomorra.

Kj̄o'in xi t̄j̄in k'e nga 'én-là Nainá bènjm̄iá

16 T̄iná'ya, 'an, k'oaá s'ín sikasén-nò koni tsà orrè ya j̄j̄iin-là cho tsején. J̄n̄o, titsajndaà n̄it̄a mé kjoa-ne koni tsà ye xi 'ñò mañá t̄ikoá indaakjoa kàtama koni tsà n̄ise paloma.

17 Ndaà t̄ikindaá yijo-nò. J̄n̄a x̄it̄a koi, ján sk̄in't'aà-nò nguixk̄on x̄itaxá koa skaàn-koo-nò ya ni'ya j̄ngò sinagoga.

18 Skanda ján kji̯ko-nò nguixkɔn xitaxá gobernador kɔ xitaxá ítjòn, tà koi̯i kjoa-là it'aà ts'an. K'oaá s'in koma kinókjoa-là 'én xi ts'an jñà xitaxá kɔ jñà xi mitsà xita judío.

19 K'e nga skinìt'aà-nò ñánda títsajna xitaxá, kì makájno-nò kós'in kinókjoaa, o kós'in kixón. Nga tik'eé-ne, Nainá tsjá-nò 'én xi kinókjoaa.

20 Nga mitsà jñò xi kinókjoaa; jè Iníma Tsjeè-là Nainá tsjá-nò kjohtsjeèn nga ma kinókjoajün-là jñà xita.

21 "Tijè-ne 'ndse s̱ingatsja 'ndse xita nga s̱ik'en. Jè na'èn-là s̱ingatsja ki'ndí-là nga s̱ik'en xita. Jñà ixti-là s̱ingatsja na'èn-là nga kiyá.

22 Ngats'ii xita isò'nde kojtikeyè-nò xi kjoa ts'an; tanga jè xita xi kixi kína skanda kjoehet'aà-ne, jè-né xi kitjokajün kjo'in.

23 K'e nga kitjingui kondra-nò xita xi jngoò naxandá, tiyó, xìn naxandá tangui. Okixí xi xan-nò, 'an xi Ki'ndí-là Xita xan-là yijo-na, isaá ítjòn kjoiaa nga tikj'eè onguió yije kóhokji naxandá Israel.

24 "Jngoò xita xi kota'yá mitsà isa tíjna ítjòn koni maestro-la; tikoaa jngoò xita xi chí'nda tíjna mitsà isa tíjna ítjòn-là nei-là.

25 Jè xita xi kota'yá kojngoó ikon tsá k'oas'in ḵijchò koni jè maestro-la kɔ jè xi chí'nda tíjna tsá tà k'oas'in ḵjna koni jè nei-là. Jè xi na'èn tíjna, xita neií tsò-la; jñà xi ixti-là, isaá tsato ch'o kitso-la.

Yá xita xi kiskón-lá (Lucas 12:2-9)

26 "Kì xita tsakjoòn-là. Nga nì mé tjín xi tíjtsa'ma xi mìkiì kotsejèn; ngats'ii xi tíj'ma, jchaá-là.

27 Jè kjoa xi k'oa xan-nò k'e nga jñò choòn, k'oaá tixón k'e nga nachrjein; koa jè xi kjoa'ma xan-nò, jñò tinókjoaya kóhokji isò'nga ni'ya.

28 Kì tsakjoòn-là jè xi ma-là sík'en yijo-ná, tanga iníma-ná mìkiì koma-là s̱ik'en. Jè xi tiskón-là xi ma-là sík'en yijo-ná kɔ iníma-ná nga kinjün-ná ni'in ts'e kjo'in.

29 "Maá satíjna jò ndí nise nas'in tà jngoò ma tɔn-ná. Tanga nijngoò nise kiyá tsá tsá mìkiì tsjá'nde Nainá.

30 Jñò, skanda tsjaskòó tíxkeya yije-là Nainá.

31 Koií kjoa-là, kì tsakjoòn-jèn. Isaá tse chí-jò-nò mì k'oaá-ne nas'in ḵjn ma ndí nise.

Jñà xita xi tsò nga 'an fit'aà-na (Lucas 12:8-9)

32 "Nita yá-ne xi tsjá 'én nga nguixkɔn xita nga 'an fit'aà-na, 'an k'oaá ti xán nga nguixkɔn Na'èn-na xi tíjna ngajmii nga xita ts'an-ná.

33 Tanga jè xi ḵójna'mat'in-na nga nguixkɔn xita, 'an k'oaá tis'in ḵójna'mat'ian it'aà ts'e nga nguixkɔn Na'èn-na xi tíjna ngajmii.

Kí koma nga kojòya xita xi kjoa ts'e Cristo (Lucas 12:51-53; 14:26-27)

34 "Kì k'oaá s'in nikitsjeèn nga kjoa'nchán j'iikoa isò'nde. Mì kjoa'nchán j'iikoa, ta sáá kjoajchán j'iikoa.

35 Koií xá j'i-na nga jñà xita, tijè-ne na'èn-là koma-ne kondra-la; jè tsòti-la, tijè koma-ne kondra-la nea-la; kɔ jè kja'nda-la, tijè nachiya-la koma-ne kondra-la.

36 Nga jngoò ijngoò xita, tijñà-ne xita ni'ya-là koma kondra-la.

³⁷ Jè xi isà tjòkèè nà'èn-là kò nea-là kò 'an mìkiì matsjakeè-na, mìkiì ok'in-là nga xità-na xán-là; kò jè xi isà tjòkèè ti-là, o jè tsòti-là, kò 'an mìkiì matsjakeè-na, mìkiì ok'in-là nga xità-na xán-là.

³⁸ Jè xi kjo'in tsakjón-là nga majìn-là ojen krò-là nga 'an kjinchrobà tjìngui-na mìkiì ok'in-là nga xità ts'an xán-là.

³⁹ Jè xità xi ndaa ótsji kós'in ma sùkìnda yijo-là nga mì mé kjo'in sakò-là, tà saá sìchija-né kò kjo'in kíjnajìn; tanga jè xi tìjnandaà nga tsjá yijo-là nga kíyá xi kjoa ts'an, sakò-là kjoabinachon nga it'aà ts'an ndaa kíjna.

Kjondaà xi tjin-là xità xi skoétjò xíkjin

(Marcos 9:41)

⁴⁰ Jè xità xi skoétjò-nò, 'an kjoétjò-na; kò jè xi skoétjò-na, jè kjoétjò xi kiskasén-na.

⁴¹ Jè xità xi kjoétjò jngoo xità xi chja ngajo-là Nainá, koií kjoa-là nga 'én-là Nainá chja, k'oaá tís'in kochikon-t'in koni jè xità xi chja ngajo-là Nainá. Kò jè xità xi skoétjò jngoo xità kixi, koií kjoa-là nga ndaa s'in, tìkooá tà ngásòn kochikon-t'in koni jè xità kixi.

⁴² Nità yá-ne xi tsjá jngoo chùtsin-là nandá 'nchán jngoo ndí xità imà-na koií kjoa-là nga 'an kota'yàt'aà-na, okixi-né kochikon-t'in-né.

11

¹ K'e nga jye kitsjaà-là okixi kós'in sùixá xità-là xi tejò ma-ne xi kota'yàt'aà-là Jesús, kiikakóya kò kisika'bí 'én-là Nainá ngats'ì naxandá xi tjin ya i'nde jè.

Jesús, kii kitsò-là xità xi ijchò kjònanngui-là it'aà ts'e Juan

(Lucas 7:18-35)

² Juan, nga ndayá tìjna'ya, kii'nchré kjoa xi tís'in Cristo [xità xi xó kiskasén-ne Nainá]. Kiskasén i'nga xità xi kota'yàt'aà-là

³ nga kii kjònanngui-là. Kitsò-là:

—¿A jì-né xi Cristo xi tjinè-lè nga kjoji a xi k'ejí chífna-lajen?

⁴ Jesús kitsò-là:

—Tanguió, tènójmí-là Juan jñà kjoa xi títsa'yaà kò xi títsana'yà.

⁵ Jñà xità xi mìkiì tsejèn-là, jyeé tsejèn-là; jñà xi tsá'yá kjoàn, jyeé ma fi-ne; jñà xi tìbidojno chrjoo yijo-là, tìmatsjeèjno-ne yijo-là; jñà xità xi jtayaà, jyeé 'nchré-ne; kò xità xi jye k'en, nchifaáyaá-là; koo jñà xità imà, jyeé tís'enojmí-là 'én ndaa-là Nainá.

⁶ Mé tà ndaa-là jè xità xi ngui jngoo k'a ndaa mokjeiín-là it'aà ts'an nga nì mé xi osjina-ikòn-là.

⁷ K'e nga jye kii-ne xità xi kota'yàt'aà-là Juan, tsibíts'ia Jesús nga tsohókò xità xi it'aà ts'e Juan, kitsò-là:

—¿Mé xi tsanguì chitsejèn-là ya i'nde it'aà xìn ñánda nangui kixi choòn? ¿A jè tsanguì chitsejèn-là jngoo xità xi yá ínaxò kji nga tsjìn-là nga ñó nga ma síjtìya-là tjo?

⁸ Tsá majìn, ¿mé-né xi tsanguì chitsejèn-là? ¿A jngoo xità xi 'ño ndaa kji nikje-là? Jñà xità xi 'ño ndaa kjoàn nikje-là, yaá títsajna ya ni'ya-là xitàxá ítjòn.

⁹ ¿Mé xá xi tsanguì-nò? ¿A jè tsanguì chitsejèn-là jngoo xità xi chja ngajo-là Nainá? Okixi-né, k'oaá xan-nò, Juan, isaá tìjna ítjòn mì k'oaà-ne koni jngoo xità xi chja ngajo-là Nainá.

¹⁰ It'aà ts'e Juan, yaá tíchja Xojon-là Nainá nga tsò:

'Aán sikasén ítjòn-lè xità-na xi kji kò 'én,

jè xi kojìndaàya ítjòn-lè ndiyá-lè.

¹¹ Okixi-né, ngats'iì xità xi tjin i isò'nde, ni saá jngoò xità bitjokàjii xi mangásòn koni jè Juan xi kis'iin bautizar xità; tanga ya jjiin naxandá ñanda otíxoma jè xi ngajmii nchrobá-ne, jè xità xi fehet'aà-ne, isaá jeya tjna mì k'oaá-ne koni Juan.

¹² Tjen-ne nga j'i Juan xi kis'iin bautizar xità, jè kjotíxoma-la ngajmii, tse kjoasiì tsakò-la skanda naxrjein i'nde; jña xità ts'en mejèn-la nga kàtachija kjotíxoma.

¹³ Ngats'iì xità xi kiichja ngajo-la Nainá ko xojon ts'e kjotíxoma-la Nainá xi kiskii Moisés, tà 'én j'iiko skanda k'e nga j'i Juan xi kis'iin bautizar xità.

¹⁴ Tsà mokjeiín-nò koni tsò jè kjotíxoma ko xità xi kiichjaya tikoáá kokejiín-nò nga jè Juan, jè-né xità xi 'mì Elías xi tjinè-la nga kjoíi.

¹⁵ Ndaà tiná'yaá koni xan-nò.

¹⁶ '¿Yá xi siingásòn-koaa jña xità xi tjin naxrjein i'nde? Jña kongásòn-kjoò jña ixti xi bitsajna nditsin nga síská, chja-la xikjín, tsò-la:

¹⁷ "Kànikjaneé-nòjen xobí tanga jño, mìkii kàchà; kàjndaá-nòjen sò xi ba tsò tanga jño, mìkii kàchihindáyaá."

¹⁸ K'e nga j'i Juan, mìtsá 'ño tsakjèn, ni mì xán kits'iì, koa jño bixòn-nò: "Inima ch'o-la neji tjin-la."

¹⁹ Ikoàn j'iaa xi Ki'ndí-la Xità xan-la yijo-na; ma-na kjeen, tikoá ma-na 'biaa; jña xità tsò-né: xità chrjá'a-né, xità ch'i-né, amigo-la-né jña xità-la xitaxá Roma xi síkíchjiti sojmì ko jña xi xità jé. Tanga jè kjoachjine-la Nainá, 'yaá-la nga kixi tjin k'e nga jye bitasòn.

Jesús, kii kitsò-la jña xità naxandá xi mìkii 'nchréñijon
(Lucas 10:13-15)

²⁰ Jesús k'eé tsibits'ia nga tsohótiko ngats'iì xità naxandá ñanda nga kjin kjoxkón-ndaà kis'iin, koií kjoa-la nga jña xità xi ya i'nde-la mìkii kisikájno jé-la nga tákó jè nchihótsji. Kitsò-la:

²¹ —iIma xó-nò jño, xità naxandá Corazín! iIma xó-nò jño, xità naxandá Betsaida! Tsà ya-làne naxandá Tiro ko Sidón nga k'oas'ín kis'iaàn kjoxkón xi ndaà tjin xi komà ya jjiin naxandá tsajòn, tsà jña xità Tiro ko Sidón kijtseè, jyeé-la nikje naxá íkjá ko chiyo ni'in kisikaájno skò koni seña nga jye kisikájno kjoa ts'e jé-la, mì tì jè ótsji-ne.

²² Tanga k'oaá xán-nò, k'e nga jè naxrjein nga sindaàjiiin, isaá tse kjo'in s'e-nò mì k'oaá-ne koni jña xità naxandá Tiro ko Sidón.

²³ Koa jño xi xità naxandá Capernaum tsajòn, ¿a k'oaá s'ín mokjeiín-nò nga jchaxkón-nò ján ngajmii? Majìn, yaá kitsajnajñòò i'nde ñanda tjin kjo'in. Tsà yaá-làne naxandá Sodoma k'oas'ín komà kjoxkón xi komà tsajòn, jè naxandá Sodoma tákó kijnaá-la skanda naxrjein i'nde.

²⁴ K'oaá xán-nò, k'e nga kijchò naxrjein nga sindaàjiiin, isaá tse kjo'in s'e-nò mì k'oaá-ne koni jña xità naxandá Sodoma.

Ñanda sakó-ná kjoa nikjáya ts'e inima-na
(Lucas 10:21-22)

²⁵ Jña naxrjein koi Jesús kitsò:

—Na'èn xi tsjji ngajmii ko tsjji isò'nde, jeya síkjina-lè nga jña kjoa koi tsibi'ma-la jña xità xi tjin-la kjoachjine ko xi 'ño tjin-la kjohítsjeèn nga jña tsakoò-la xi taxki ndí xità ima kjoa.

²⁶ Jon, Na'èn, nga k'oaá s'ín kjòmejen-lè.

²⁷ 'Ngats'iì kjoa ts'e kjotíxoma, 'aán kisingatsja-na Na'èn-na. Mìtsà yá xi beèxkon yá-né xi Ki'ndí-là ma, tajngoò jè xi Na'èn ma; tìkooá mìtsà yá xi beèxkon yá-né xi Na'èn ma, tajngoò jè xi Ki'ndí-là beèxkon; kò jè Ki'ndí-là kòkò-là jñà xitá xi jè mejèn-là nga skoexkon, yá-né xi Na'èn ma.

²⁸ Nchrobáchón-ná ngats'ioò xi jye ijta-nò nga nìxá kò nga kich'ajen ch'á-nò, 'aán síkjáya-nò.

²⁹ Jch'ajen-kò-ná jè yá jbo xi 'an 'yajen mé-ne nga koma-nò kòs'ín s'een koni s'ín s'iaàn 'an. K'oas'ín t'een koni 'an nga tjin-na kjoatsejta kò indaá kjoa tjin inima-na. K'oas'ín sakó-nò kjoa níkjáya ts'e inima-nò.

³⁰ Jè yá jbo kò ch'á xi 'an sík'ajen-nò, jna-né, mìtsà 'ñó í'í.

12

Yá xitá xi ottxoma-là jñà nàchrjein níkjáya

(Marcos 2:23-28; Lucas 6:1-5)

¹ Jè nàchrjein níkjáya, Jesús kò xitá xi kota'yàt'aà-là ya ja ya ñánda títje trigo. Koa jñà xitá xi kota'yàt'aà-là Jesús kjòhòjò-là. K'eé tsate natin-là trigo, ìkjoàn kiskine.

² Jñà xitá fariseo k'e nga kijtseè, kitsò-là Jesús:

—Chítsején-là jñà xitá xi kota'yàt'aà-lè, jè kjoa xi nchis'ín; mìkì tjí'nde nga k'oas'ín koma jè nàchrjein níkjáya.

³ Jesús kitsò-là:

—¿Jñò, a mìtsà jye tjiin-nò koni s'ín tichja Xojon-là Nainá koni kis'ìin xitaxá ítjòn xi ki'mì David kò jñà xitá-là xi kjihijtakò k'e nga kjòhòjò-là?

⁴ Jahas'en ni'ya-là Nainá koa tsakjèn inchrájin tsjeè-là Nainá xi mìkì tjí'nde-là nga jè David kòkjen kò xitá xi kjihijtakò; ta jñà nò'miù tjí'nde-là nga kòkjen.

⁵ ¿A tìkooá mìtsà jye tjiin-nò koni tsò kjotíxoma xi kiskii Moisés? Nga jñà nò'miù, ya jya ingò ítjòn, síxá-né nas'ín jè nàchrjein níkjáya, kò nas'ín síxá mìtsà jè nchihótsji.

⁶ 'An, k'oaá xan-nò, jngoò tìjna ijndé xi isa jeya tìjna mì k'oaá-ne koni jè ingò ítjòn.

⁷ Ngats'ioò jñò mìkì machiya-nò kó tsòya-ne Xojon-là Nainá nga tsò: “'An, mejèn-na nga kátas'e-nò kjohimatakòn, kì ta tsjaà cho nìk'eèn kjotjò xi 'an biì-ná.” Tsá kochiya-nò, mì-la kii kjo'in k'oi-là xitá xi mìtsà jè tjin-là.

⁸ K'oaá s'ín tjin, 'an xi Ki'ndí-là Xitá xan-là yijo-na, 'aán ottixoma-là nàchrjein níkjáya.

Mé kjoa xi kisakò-là Jesús k'e nga kisindaà jngoò-ne xitá nàchrjein níkjáya

(Marcos 3:1-6; Lucas 6:6-11)

⁹ Ìkjoàn kii-ne Jesús ya i'nde jè; jahas'en jngoò ni'ya ingò sinagoga.

¹⁰ Ya tìjna jngoò xitá xi kixit'aà jngoò tsja. Jñà xitá xi ya títajna kiskòngui-là Jesús nga mejèn-là kòhòngui, kitsò-là:

—¿A tjí'nde-né nga kjòndaà-ne xitá k'e nga jè nàchrjein níkjáya?

¹¹ Jesús kitsò-là:

—Jñò, tsá tìjna jngoò-nò orrè kò tsà ya skaya ngajo, ¿a mìtsà konguinàchrjeè nas'ín nàchrjein níkjáya?

¹² Jyee 'ya, isaá 'ñó chjí-là jngoò xitá mì k'oaá-ne koni jngoò orrè. Koiì kjoa-là nga tjí'nde-né nga kòsìkooá xitá nas'ín jè nàchrjein níkjáya.

¹³ Jesús kitsò-là jè xitá xi kixit'aà jngoò tsja:

—Tjeèndojoì ndseji.

Xità jè, tsijmeé tsja, nìtoón kjòndaà-ne; k'oaá tì kji komà-ne koni kji xi ìjngoò.

¹⁴ Jñà xità fariseo, k'è nga itjo-ne ìngo, ìkjoàn tsajoóya-ne nga mejèn-la sikk'en Jesús.

K'oaá s'ín tsitasòn 'én xi kùichja Isaías xi it'aà ts'è Jesús

¹⁵ Jesús, k'è nga kijtseè nga jñà xità fariseo mejèn-la sikk'en, itjo ni'ya, kiì. Kjìn xità kùitjngui-la. Jesús kisindaà-ne ngats'ii xità xi xk'én.

¹⁶ Kìtsjaà-la okixi jñà xità nga mìkù keènojímít'in yá-né jè.

¹⁷ K'oaá s'ín komà mé-ne nga tsitasòn-ne 'én xi kùichja Isaías, xità xi kùichja ngajo-la Nainá, nga kitsò:

¹⁸ I tijnà jè ch'nda-na jè xi 'an jaàjñaà, xi 'ño matsjake,

tjín-la kjotsja inìma-na xi it'aà ts'è.

'Aán tsjaà-la Inìma Tsjeè-na

nga jè kichjajìin-la ngats'ii xità isò'nde xi kjoakixi mé-ne nga koma sindaajìin-la.

¹⁹ Mìtsà xità skaàn-ko, kò nì mé 'én xi 'ño kichja,

kò mì kì kiná'ya-la ya ìya ndiyá 'én xi kichja.

²⁰ Mìkù skít'o jngoò yá ìnaxò xi jye mejèn tí't'ò,

tìkooá mìkù sikkits'o jngoò nì'ín xi ta nì'ndíí tìbitjo sa-la.

K'oas'ín s'jìn skanda k'è nga kòindaajìin xi kjoakixi.

²¹ Jñà xità naxandá xi tjín isò'nde xi mìtsà xità judío, kòkjeiín-la nga skóña-la kjondaà xi tsjá-la.

*Mé xi komat'in jñà xità xi chjajno-la Inìma Tsjeè-la Nainá
(Marcos 3:19-30; Lucás 11:14-23; 12:10)*

²² J'ìikò jngoò-la xità Jesús xi mìkù tsejèn-la, kò xi mìkù ma chja nga inìma ch'o-la neíí tjìin inìma-la. Kisindaà-ne Jesús nga komà kùichja-ne koa kjòtsejèn-la.

²³ Ngats'ii xità, tà kjòxkón-la. K'èé kitsò:

—¿A jè jèe xi ya nchrobát'aà-ne tje-la xitàxá ítjòn David [nga jè kijnà ngajo-la]?

²⁴ K'è nga kii'nchré jñà xità fariseo kitsò:

—Xità jè, ma-la ochrjekajìin inìma ch'o-la neíí xi tjìin inìma-la xità, k'oií-né nga jè sikkjeén nga'ño-la Beelzebù xi sko-la xità neíí.

²⁵ Jesús kijtseèya-la koni s'ín nchihókò inìma-la, kitsò-la:

—Ngats'ii naxandá xi jòya tjín nga kondra túsajna-la xíkjín, ti yijo-lá tísikixòña-ne; koa tsá jngoò naxandá kò tsá jngoò ni'ya xità sijnòya xíkjín, mìkù koma ndaà kítsajna.

²⁶ Tsá jè xità neíí tije tíhocrjeiín-ne yijo-la neíí, jòya tús'ín xi tije-ne yijo-la. ¿Kós'ín koma s'e-la nga'ño nga kòtixoma?

²⁷ Jñò bixón-nò nga 'an sikkjeén nga'ño-la xi sko-la xità neíí k'è nga ochrjekajñaà inìma ch'o-la neíí. Tsá k'oaá s'ín tjín kjoa, jñà xità tsajòn, ¿yá xi tsjá-la nga'ño k'è nga ochrjekajìin neíí? Koií kjoa-la, tijnà-ne xità-nò keènojímí nga mìtsá kixi kjoa nga jè sko-la neíí sikkjeén.

²⁸ Tanga 'an, k'è nga ochrjekajñaà inìma ch'o-la neíí xi tjìin inìma-la xità, jè Inìma Tsjeè-la Nainá tsjá-na nga'ño. Jè kjoa koi tsòyaá-ne nga Nainá, jyeé ì tíhòtixoma ì it'aà nangui.

29 '¿Kó s'ín koma kjoahas'en ni'ya-la nga sjiichijé-la jngoò xita nei-la ni'ya xi tjín-la nga'nò tsà mìtsà ítjòn kojìt'aà'nò? K'ée koma sjiichijé-la k'e nga jye kàsìt'aà'nò.

30 Nìton yá-ne xi mì 'an fit'aà-na, jè-né kondra-na; koa nìton yá-ne xi mìkì sìchját'aà-na nga bíxkóyako-na xita xi ts'an koma, jè tísìtsjohoba xita.

31 'K'oaá xan-nò, Nainá sjiichàat'aà-la jña xita nita mé jé xi kòhótsji, nita mé 'én xi ch'o tsò kichja. Tanga jè xi Inima Tsjeé-la Nainá kichhajno-la mìkì jchat'aà-la jé-la.

32 Nìton yá-ne xi kichhajno-na 'an xi Ki'ndí-la Xita xan-la yijo-na, jchat'aà-la jé-la; tanga jè xi kichhajno-la Inima Tsjeé-la Nainá, mìkì jchat'aà-la jé-la nì jè nachrjein i'ndeì, kò nì jè nachrjein xi iskan kjoì.

*Kós'in 'ya-la kós'in tjín inima-la jña xita
(Lucas 6:43-45)*

33 'Tsà jngoò yá xi ndaà kji, ndaà toò xi ojà-la. Kò tsà jngoò yá xi mìkì ndaà kji, mìkì ndaà toò xi ojà-la. Jngoò yá, jè toò-la yaxkon-la.

34 jñò, xita tje-la ye-nò! ¿Kós'in ma kìnókjoa 'én xi ndaà tsò nga ch'o tsò inima-nò? Nga k'oaá tsò 'én xi chja jña xita koni tsò kjohítsjeèn xi tíjìn inima-la.

35 Jngoò xita xi 'én ndaà chja, koií-né nga kjondaà tíjìn inima-la; koa jngoò xita xi 'én ts'en chja, koií-né nga kjoats'en tíjìn inima-la.

36 K'oaá xán-nò k'e nga kijchò nachrjein nga sindaàjìin, k'oaá s'ín tsjá kindá ngats'ì xita nita mé 'én xi taxki chja.

37 Xi it'aà ts'e 'én-nò, k'oaá s'ín sindaàjìin-nò nga jcha-la tsà xita ndaà-nò, o tsà jé tjín-nò.

*Yá xi tsját'in 'én jña xita ts'en xi tjín nachrjein i'ndeì
(Marcos 8:12; Lucas 11:29-32)*

38 Jña xita fariseo kò xita xi okóya kjotíxoma-la Nainá xi kiskì Moisés kitsò-la Jesús:

—Maestro, mejèn-najen nga jcha jngoò-jen seña xi jì 'nì.

39 Jesús kitsò-la:

—Jña xita ts'en kò xita xi mìkì 'nchréñjon-la Nainá, síjé jngoò seña xi jeya tjín; tanga nímé seña skoe; ta jè skoe ts'e Jonás, xita xi kùchja ngajo-la Nainá.

40 Koni jè Jonás nga jàn nachrjein kò jàn nìtjen tsibijnaya indso'ba jngoò tìn je, k'oaá tís'in 'an xi Ki'ndí-la Xita xan-la yijo-na, jàn nachrjein kò jàn nìtjen kójna jñña nangui.

41 Jña xita naxandá Nínive kósítjen-né jè nachrjein k'e nga koiíndaàjìin Nainá; jña tsját'in 'én jña xita xi tjín nachrjein i'ndeì, koií kjoa-la nga kiskíájno jé-la nga mì tì jé tshótsji-ne k'e nga kùchjaya 'én-la Nainá Jonás; tanga nachrjein i'ndeì, 'an xi tichjàkò-nò, isaá 'nò jeya tijnáa mì k'oaá-ne koni Jonás [tanga jñò, mìkì mokjein-nò].

42 Tìkooá jè chjoón ítjòn xi ya otíxoma nangui sur, kósítjen-né jè nachrjein k'e nga koiíndaàjìin Nainá; jè tsját'in 'én jña xita xi tjín nachrjein i'ndeì, koií kjoa-la nga kjiin nangui j'ii-ne nga j'ii 'nchré-la kjoachjine-la Salomón; tanga nachrjein i'ndeì, 'an xi tichjàkò-nò, isaá 'nò jeya tijnáa mì k'oaá-ne koni Salomón [tanga jñò, mìkì na'yà-ná].

*Inima ch'o-la neì xi f'ì jngoò k'a-ne
(Lucas 11:24-26)*

⁴³ K'e nga jngoò iníjma ch'o-la nejí bitjokàjìin iníjma-la jngoò xíta, yaá ojmeé j'nde ñánda kixi choòn, ótsji'nde nga sijkjáya; k'e nga mikii sakó'nde-la,

⁴⁴ Ijngoò k'a síkítseèn, tsò: “Kjín-la ijngoò k'a-na ni'ya-na ñánda inchrobá-na.” K'e nga bijchò ijngoò k'a-ne, beè ni'ya-la nga kjijná, ndaa kisatíicha kò tsjeè choòn.

⁴⁵ Ikjoàn fikjaá ngui itoò xíkjin xi isa ch'o s'ín. K'ee fahas'en-jìin iníjma-la xíta jè; yaá bitsajna. Xíta jè isaá 'nó ch'o bijnà koni s'ín tsibìjna k'e nga sa íjòn. Jñò, xi xíta ts'en 'mì-nò, k'oaá tjs'ín komat'ioòn nachrjein i'ndeji.

Nea-la kò 'ndse Jesús

(Marcos 3:31-35; Lucas 8:19-21)

⁴⁶ Táko tik'ee tíhókò xíta Jesús nga ijchò nea-la kò 'ndse. Yaá tsibitsajna ján ndítsiaán nga mejèn-la kichja-la.

⁴⁷ Jngoò xíta kitsò-la Jesús:

— Nea-lè kò jñà 'ndsì ján ndítsiaán títsajna. Ji xó koòkò-lè.

⁴⁸ Jesús kitsò-la jè xíta xi ijchòkò-la 'èn:

— ¿A mejèn-lè nga jchii yá-né xi nea-na kò xi 'ndsè?

⁴⁹ K'ee tsakó-la jñà xíta xi kota'yat'aà-la. Kitsò:

— Chítsején-lá jñà xíta koi, jè-né xi nea-na kò jñà-né xi 'ndsè.

⁵⁰ Ngats'ii xi skitasòn koni s'ín mejèn-la Na'èn-na xi tíjna ngajmii, jñà-né xi 'ndsè xi tichja kò xi nea-na.

13

Kjoa xi mangásòn ts'e xíta xi kijnđi xojmá

(Marcos 4:1-9; Lucas 8:4-8)

¹ Tjje-ne nachrjein, Jesús itjo-ne ni'ya, yaá tsibìjnandii ndáchikon.

² Kjín jchán xíta chixoñat'aà-la; Jesús jahas'en jngoò chitso; yaá tsibìjnaya. Ngats'ii xíta xi i'nga, yaá tsibitsajna indii nandá.

³ Tsibíts'ia Jesús nga kjìn skoya kjoa xi mangásòn tsibénojmí kitsò:

— Jngoò xíta kii kijnđi xojmá.

⁴ K'e nga tsibíts'ia nga kiskijnđi xojmá, chixò chiba ya iya ndiyá. Ikjoàn j'ii nise; tsakjèn.

⁵ Ngui koa tjin chixò ñánda naxi choòn nga chiba ni'nde tjin-la. Jñà xojmá koi, nitón isò, koi-né nga mì nanga tjin nangui.

⁶ Tanga k'e nga itjokátji ts'oi nga kjòtsjè ndobá, kixiñó, ikjoàn jngoò k'aá kixi, koi-né nga tsjin-la ima.

⁷ Ngui koa tjin chixò ya jjiin na'yá. K'e nga kjò'nga na'yá, kisik'en-ngui xka-la xojmá.

⁸ Jñà xi chixò ñánda nangui ndaa, ndaa tsajà-la toò. Tjín xi kitsjaà jngoò sindo nga jngoò ijngoò xojmá, tjin xi kitsjaà jàn kaàn, koa tjin xi kitsjaà katé.

⁹ Ndaà tjin'yaá koni xan-nò.

Mé-ne kjoa xi mangásòn tsakóya-ne Jesús

(Marcos 4:10-12; Lucas 8:9-10)

¹⁰ Jñà xíta xi kota'yat'aà-la Jesús ijchòkon ñánda tíjna koa kiskònangui-la kitsò-la:

— ¿Mé-ne k'oas'ín nokjoà-la xíta kjoa xi mangásòn k'e nga okooyi?

¹¹ Jesús kitsò-la:

— Jñò, Nainá jye kitsjaà-nò nga jchaa kjoa'ma-la xi bénojmíya kó s'ín otíxoma jè xi ngajmii nchrobá-ne. Tanga jñà xíta xi k'ejí, mikii tjiin-la.

12 Jè xi tjin-la kjohtsjeèn, k'oií isa-la skanda tsatoò s'e-la, tanga jè xi tsjin-la, skanda tjá'aán-la mé xi chiba tjin-la.

13 Koií kjoa-la k'e nga okoòya, koií 'én chjà-la kjoa xi mangásòn. Jñà xita koi, sik'aá xkon tanga mikii tsejèn-la. Binchá líká-la tanga mikii 'nchré, tikoáá mikii machiya-la.

14 Kjoa ts'e xita koi, k'oaá s'in bitasòn koni kitsò Isaías xita xi kiichja ngajo-la Nainá, nga kitsò:

Jñò, nas'in í'ño-isa kina'ya-nò tanga mikii kochiya-nò,
nas'in í'ño-isa chitsejèn-nò tanga mikii jchaa.

15 Injima-la xita koi, tájaajin tjin;
tsibíchjoàjto líká-la, tíchjoàjto xkon.

Koií kjoa-la mikii ndaa 'nchré kò mikii tsejèn-la kò mikii fahas'en-jiin-la. K'oaá ma-ne nga majin-la nga 'an fit'aà-na mé-ne nga 'an sindaà-na.

16 'Jñò, mé tà ndaa-nò nga tjin xkoòn nga ma tsejèn-nò kò tjin líká-nò nga ma na'ya kjoa xi tíma nachrjein i'ndeí.

17 Qkixí xi xan-nò, kjin xita xi kiichja ngajo-la Nainá kò xi xita kixi kjomejèn-la nga skoe jè xi jñò titsa'yaà tanga mikii kijtsee; tikoáá kjin xita kjomejèn-la nga kji'nchré jè xi jñò titsana'ya tanga mikii kii'nchré.

Kó tsòya-ne kjoa xi mangásòn ts'e xojmá

(Marcos 4:13-20; Lucas 8:11-15)

18 'Tiná'yaà kó tsòya-ne jè kjoa xi mangásòn ts'e xita xi kíjndi xojmá.

19 Jñà xojmá xi chixò iya ndiyá, jè ngaya-la koni jñà xita xi 'nchré 'én-la Nainá koni s'in otixoma tanga mikii machiya-la; f'ii xita neií, ikjoàn faáxin jè 'én ijin injima-la xita.

20 Jñà xojmá xi chixò ya ñánda naxi choòn, jè ngaya-la xita xi 'nchré 'én-la Nainá. Tsjaá ma-la nga sa 'nchré.

21 Tanga jè-nè nga tsjin-la ima, ta chiba nachrjein chikjoa-la. K'e nga mé kjoa xi sakó-la kò tsá xita fitjingui kondra-la nga jè ngatji-la 'én-la Nainá, nitóón síkijna ndiyá-la Nainá.

22 Jñà xojmá xi chixò ijin ñánda tjin na'ya, jè ngaya-la xita xi 'nchré 'én-la Nainá tanga 'ño síkájno kjoa ts'e tsojmi xi tjin isò'nde kò jè kjoa nchiná konachan-la. Jñà kjoa koi síkits'ón-jiin 'én-la Nainá, k'oaá ma-ne nga mikii makjin-ya.

23 Tanga jñà xojmá xi chixò ñánda nga nangui ndaa, jè ngaya-la xita xi 'nchré 'én-la Nainá koa machiya-la; ikjoàn makjin-ya 'én, k'oaá ngaya-la koni yá xi oja-la toò. Tjin xi tsjá katé; tjin xi tsjá jàn-kaàn; tjin xi tsjá jngoò sindo nga jngoò ijngoò yá.

Kjoa xi mangásòn it'aà ts'e ijñá xi mikii ndaa

24 Jesús ngui jngoò kjoa xi mangásòn tsakóya-la xita, kitsò-la:

—Koni s'in otixoma jè xi ngajmii nchrobá-ne, k'oaá ngaya-la koni jngoò xita xi 'ño ndaa xojmá-la trigo tsibítjesòn nangui-la.

25 Tanga k'e nga kjifé yije kóhojín xita, j'ii kondra-la nga tsibítjejin xka ijñá xi mikii ndaa ya ijin trigo. Ikjoàn kii.

26 K'e nga jye kjò'nga jñà trigo koa kixò-la natín, yaá tsatsejèn-jiin ijñá xi mikii ndaa.

27 K'ée kii jñà chi'nda nga tsibénojmí-la nei-la. Kitsò-la: "Na'èn, jñà xojmá xi tsibítji ya nangui-lè, ndaa-né. Tanga, ¿ñánda j'ii-ne ijñá xi mikii ndaa xi tsatsejèn-jiin trigo?"

²⁸ Jè nei-là nangui, kitsò: “Jngoò-la x̄it̄a kondra-ṅa xi okis'iin.” K'ée kitsò jñá x̄it̄a ch̄i'nda: “¿A mejèn-lè nga konguí-jen, ch̄jínèjìin-jen jñá ijñá xi mikii ndaa?”

²⁹ Tanga jè nei-là nangui kitsò: “Majìn, tsà ch̄jínè jñò ijñá xi mikii ndaa, tsà ko nàchrjein-là yaá ch̄jínèkjoò jñá trigo.”

³⁰ T̄jkoáá-ne kátamajchájjoò ingajò skanda k'e nga jye kojchá. K'e nga jè nàchrjein nga sincháxkó, 'aán koxán-là ch̄i'nda xi kojíxkó: “Ítjòn xìn kìncha ijñá xi mikii ndaa, ko'ñójté-né mé-ne nga kit̄i-ne. Nga koma iskan kìncháxkó jñá trigo; yaá kìncha iya ni'nga-na.”

Kjoa xi mangásòn it'àa ts'e xojmá mostaza

(Marcos 4:30-32; Lucas 13:18-19)

³¹ Jesús ijngoò k'a tsakóya-là x̄it̄a kjoa xi mangásòn, kitsò-là:

—Koni s'in otíxoma jè xi ngajmii nchrobá-ne, jè mangásòn-ko koni kji xojmá mostaza k'e nga jngoò x̄it̄a bit̄ejjìin nangui-là.

³² Okixi-né xojmá jè, jè xi isa'ítsé kji ngats'ii xojmá xi tjín, tanga k'e nga jye majchá, isaá 'nga ma koni xk̄a xi ma chine xi sit̄je indii ni'ya. K'oaá kji 'nga ma koni jngoò yá 'nga; f'ii nise xi tjímajjìin isén, jñá chrja-là ya bínadaa'a tjé-là nise.

Kjoa xi mangásòn it'àa ts'e na'yo san

(Lucas 13:20-21)

³³ Jesús nguì jngoò k'a tsakóya-là x̄it̄a kjoa xi mangásòn, kitsò-là:

—Koni s'in otíxoma jè xi ngajmii nchrobá-ne, k'oaá ngaya-là koni jè na'yo san, k'e nga jngoò ch̄joón síkájìin jàn ch̄ib̄a skoan inchrájìn, masan yije-né kóhokji na'yo.

Jesús, kós'in kisikjeén kjoa xi mangásòn

(Marcos 4:33-34)

³⁴ Ngats'ii 'én koì, Jesús, nguì kjoa xi mangásòn tsakóya-là x̄it̄a; n̄imé 'én kiih̄ja xi mìtsà kjoa xi mangásòn tsibénojmi.

³⁵ K'oaá s'in tsitasòn koni s'in kitsò jè x̄it̄a xi kiih̄ja ngajo-là Nainá nga kitsò: Kjoa xi mangásòn kichj̄a.

Koii kjoa kènojmiá kjoa xi tjí'ma skanda t̄jen-ne nga kisindaà isò'nde.

Kó tsòya-ne kjoa xi mangásòn it'àa ts'e ijñá xi mikii ndaa

³⁶ Jesús k'e nga kisihixat'aà x̄it̄a xi k̄jìn ma; ikjoàn jahas'en ni'ya. Yaá ijchòkon x̄it̄a xi kota'yat'aà-là. Kitsò-là:

—Tènojmi-nájèn kó tsòya-ne jè kjoa xi mangásòn ko jè ijñá xi mikii ndaa xi tjìn ya ijìin trigo.

³⁷ Jesús kitsò:

—Jè xi k̄jndi xojmá xi ndaa, 'an-ná xi Ki'ndí-là X̄it̄a xan-là yijo-na;

³⁸ ko jè nangui, jè isò'nde; jñá xojmá xi ndaa, jñá-né x̄it̄a xi t̄itsajnajjìin kjot̄ixoma-là ngajmii; jñá ijñá xi mikii ndaa, jñá-né xi x̄it̄a-là x̄it̄a neii;

³⁹ ko jè x̄it̄a kondra xi tsibítje ijñá xi mikii ndaa, t̄ijjè-ne x̄it̄a neii; k'e nga jye sincháxkó tsojmi xi kojchá jè ngaya-là k'e nga kjoehet'aà isò'nde; koa jñá xi bíxkó tsojmi, jñá ngaya-là àkjale.

⁴⁰ K'oaá s'in sincháxkó ijñá xi mikii ndaa mé-ne nga kotsjòjìin-ne ni'in nga kit̄i, k'oaá s'in koma k'e nga kjoehet'aà isò'nde.

⁴¹ 'An xi Ki'ndí-là X̄it̄a xan-là yijo-na síikasén àkjale-na it'aà ts'e kjot̄ixoma-na mé-ne nga kojíxkó ngats'ii x̄it̄a xi bit̄'in-là x̄it̄a xi k'ej̄i nga kátátsji jé, ko ngats'ii x̄it̄a xi ch'o s'in.

⁴² Yaá kotsjoya ngajo ñánda títi ní'ín; yaá skíndàya ko sijn̄ts'iin n̄i'ño.

⁴³ Koá jñá xi x̄it̄a kix̄i, k'oaá s'ín ote k̄otsej̄en koni ndobá-l̄a ts'oi yá ñánda nga tíhotixoma N̄a'èn-l̄a. ¡Ndaá t̄iná'yaá koni xan-nò!

Jngoò tsojmì chjì xi kisijna'ma

⁴⁴ 'Koni s'ín otíxoma jè xi ngajm̄i nchrobá-ne, k'oaá ngaya-l̄a koni jngoò ton xi 'ño chjì xi t̄jna'ma j̄iin nangui. Jè x̄it̄a xi sakó-l̄a, tsjaá ma-l̄a. T̄iyaá j̄ngoò k'a b̄jna'ma-ne. K'eé fi kat̄jna yije tsojmì xi t̄jn-l̄a; ikjoàn otse nangui jè, nga ts'e koma ton xi 'ño chjì-l̄a.

Jngoò ndát̄on chjì

⁴⁵ 'Koni s'ín otíxoma jè xi ngajm̄i nchrobá-ne, k'oaá t̄is'ín ngaya-l̄a koni jngoò x̄it̄a xi koi xá s'ín nga tsojmì ot̄jnaya. Ótsji ndát̄on chjì xi 'ño ndaa.

⁴⁶ K'eé nga jye sakó-l̄a xi 'ño chjì, ikjoàn fi kat̄jna yije tsojmì-l̄a xi t̄jn-l̄a; k'eé otse ndát̄on jè.

N̄a'ya xi b̄ixkóya t̄in

⁴⁷ 'Koni s'ín otíxoma jè xi ngajm̄i nchrobá-ne, t̄ikoaá k'oaá s'ín ngaya-l̄a koni jngoò n̄a'ya xi níkatjen-j̄iin ndáchikon mé-ne nga koma k̄jn skoya t̄in koiixkóya-ne.

⁴⁸ K'eé nga jye tse n̄a'ya-l̄a jñá x̄it̄a xi sík'en t̄in, fik̄o yá ind̄i ndáchikon; yaá faáj̄iin ngats'ì t̄in xi ndaa kjoàn; n̄is̄iyá binchá; koá jñá t̄in xi mik̄i ndaa kjoàn, síkatsjò-né.

⁴⁹ K'oaá s'ín koma k'eé nga kjoehet'aá isò'nde, k̄it̄jojen àkjalè xi kjoaáj̄iin jñá x̄it̄a xi ch'o s'ín yá ñánda t̄itsajna x̄it̄a kix̄i.

⁵⁰ Ko jñá x̄it̄a xi ch'o s'ín kotsjoya ngajo ñánda títi ní'ín; yaá skíndàya ko sijn̄ts'iin n̄i'ño.

Tsojmì chjì xi x̄it̄se ko xi jye k̄ojchínga

⁵¹ Jesús kiskònangui-l̄a jñá x̄it̄a, kitsò-l̄a:

—¿A mach̄iyaá-nò ngats'ì kjoa koi?

Jñá x̄it̄a kitsò:

—Jon, N̄a'èn.

⁵² K'eé kitsò-l̄a Jesús:

—Jngoò x̄it̄a xi okóya k̄jot̄ixoma-l̄a Nainá xi kisk̄i Moisés k'eé nga kota'yá kó s'ín otíxoma jè xi ngajm̄i nchrobá-ne, k'oaá s'ín ngaya-l̄a koni jngoò nei-l̄a ni'ya xi 'nchaxkó-l̄a tsojmì, koá k'eé nga mochjeén-l̄a, ochrje tsojmì chjì xi x̄it̄se, o xi jye k̄ojchínga.

Kó kitsò x̄it̄a k'eé nga k̄i Jesús ján naxandá-l̄a Nazaret (*Marcos 6:1-6; Lucas 4:16-30*)

⁵³ Jesús, k'eé nga jye tsib̄en̄ojm̄iya kjoa xi mangásòn, k̄i-ne.

⁵⁴ K'eé nga ijchò-ne nangui-l̄a ján Nazaret, yá ni'ya j̄ngo sinagoga, tsib̄its'ia nga tsakóya-l̄a x̄it̄a 'én-l̄a Nainá. Koá jñá x̄it̄a t̄a k̄jòxkón-l̄a, k'eé kitsò:

—¿X̄it̄a jè, ñánda komà-l̄a ngats'ì kjoach̄jine xi okóya? ¿Kó ma-ne nga ma-l̄a s'ín k̄jòxkón xi ndaa t̄jn?

⁵⁵ ¿A m̄itsà jè ti-l̄a ch̄jineyá? ¿A m̄itsà jè nea-l̄a xi 'mì María? ¿A m̄itsà 'ndse ma Jacobo, José, Simón, ko Judas?

⁵⁶ T̄ikoaá, ¿a m̄itsà ì t̄itsajnaj̄iin-ná jñá íchjín ndichja? ¿Ñánda ma yije-l̄a kjoa koi?

⁵⁷ K'oaá ma-ne nga mik̄i kòk̄jeín-l̄a it'aá ts'e Jesús. Tanga jè Jesús kitsò-l̄a:

—Jngoò x̄ita xi ch̄ja ngajo-la Nainá, n̄it̄a ñá nax̄andá-ne yaxkón-né, t̄anga ya nax̄andá-la k̄o ni'ya-la mik̄i yaxkón.

⁵⁸ Mik̄i k̄j̄n̄ k̄j̄oxkón xi ndaà t̄j̄n̄ kis'̄īn̄ nga j̄ñá x̄ita xi ya i'nde-la mik̄i k̄okjein-la i't̄'aà ts'e Jesús.

14

K̄i komà k'e nga k'en Juan xi kis'̄īn̄ bautizar x̄ita
(*Marcos 6:14-29; Lucas 9:7-9*)

¹ J̄ñá n̄achr̄jein koi, j̄è Herodes xi x̄itaxá it̄j̄on t̄jna ya nangui Galilea, k̄i'nchré koni s'̄in̄ bénojmi x̄ita mé k̄joa xi tis'̄in̄ Jesús.

² Kitsò-la j̄ñá x̄ita xi síxá-la:

—X̄ita j̄è, j̄è-né xi 'mì Juan xi kis'̄īn̄ bautizar x̄ita xi j̄ye jaáya ījngoò k'a-la. K'oaá ma-ne nga t̄j̄n̄-la nga'ñó nga ma-la s'̄in̄ k̄j̄oxkón xi ndaà t̄j̄n̄.

³ Nga isa k̄j̄otséé, j̄è Herodes kitsjaà okixi nga kitsobà'ñó Juan, īkjoàn kiskinis'en ndayá, koi k̄joa-la nga j̄è ch̄joón Herodías xi ch̄joón-la Felipe xi 'ndse komà Herodes k'oaá s'̄in̄ kisijé.

⁴ Koi k̄joa-la nga j̄è Juan xi kis'̄īn̄ bautizar x̄ita, k̄j̄n̄ k'a okitsò-la Herodes: “Mik̄i t̄j̄'nde-lè nga j̄i t̄j̄nakoji ch̄joón-la 'ndsi.”

⁵ K'oaá ma-ne nga j̄è Herodes mejèn-la kisik'en Juan, t̄anga j̄ñá kitsakjòn-la x̄ita nax̄andá, nga j̄yee t̄j̄īn̄-la nax̄andá nga j̄è Juan, j̄è x̄ita xi ch̄jaya ngajo-la Nainá.

⁶ K'e nga ijchò nó-la j̄è Herodes, tsachr̄je s'eí-la koa j̄è tsòti-la Herodías kite nga nguixk̄on x̄ita xi t̄itsajna s'eí. J̄è Herodes, 'ñó ndaà kisaseèn-la.

⁷ Koa kitsjaà kixi 'én-la nga tsjá yije-la mé xi s̄ijé-la j̄è tsòti.

⁸ Koa j̄è nea-la chinchá'a it̄j̄on j̄è tsòti nga k̄atasjé-la sk̄o Juan. J̄è tsòti, k'eé kitsò-la Herodes:

—T̄j̄ī-ná sk̄o Juan xi kis'̄īn̄ bautizar x̄ita, tinaya-ná chrobate.

⁹ J̄è Herodes xi x̄itaxá it̄j̄on t̄jna, k̄j̄oba-la k'e nga k̄i'nchré-la j̄è tsòti. Tanga koi k̄joa-la nga j̄ye kitsjaà kixi-la 'én nga nguixk̄on x̄ita xi ya t̄itsajna s'eí, k'eé kitsjaà okixi nga k'oi-la sk̄o Juan j̄è tsòti.

¹⁰ J̄è Herodes kitsjaà-la okixi x̄ita-la nga tsatesin Juan ya iya ndayá.

¹¹ Īkjoàn k̄īk̄o sk̄o Juan, t̄j̄iya-la chrobate nga kitsjaà-la j̄è tsòti, k̄o j̄è tsòti kisingatsja nea-la.

¹² K'eé ijchò x̄ita xi kota'yàt'aà-la Juan; kiskoé yijo-la nga j̄ye k'en, īkjoàn k̄ī kihij̄īn̄; nga komà īskan, kisik'i'nchré Jesús.

Kó kis'̄īn̄ Jesús nga 'òn jm̄ī x̄ita kisikjèn
(*Marcos 6:30-44; Lucas 9:10-17; Juan 6:1-14*)

¹³ Jesús, k'e nga j̄ye k̄i'nchré j̄è k̄joa xi komàt'in Juan, tà tajngoò k̄ī-ne; tsibijna'ya jngoò chitso; ijchò jngoò i'nde i't̄'aà x̄in̄. Tanga j̄ñá x̄ita, nga j̄ye k̄i'nchré nga k̄ī-ne Jesús, t̄ikoáá k̄īt̄j̄ngui-la; saà ndsoqoó k̄ī-ne ngats'̄ī x̄ita xi ya chrañàt'aà-la nax̄andá-la.

¹⁴ Jesús, k'e nga itjojen chitso, k̄ijtsee nga 'ñó k̄j̄n̄ ma x̄ita xi t̄itsajna; k̄j̄ohimakeè-né. K'eé kisindaà-ne ngats'̄ī x̄ita xi xk'én.

¹⁵ Nga j̄ye k̄j̄ohoxòn j̄ñá x̄ita xi kota'yàt'aà-la Jesús ijchò kinchat'aà-la, kitsò-la:

—J̄ye k̄j̄ohoxòn, k̄o i'nde j̄è, i't̄'aà x̄in̄-né; n̄imé t̄j̄n̄. Kot'̄in̄-la j̄ñá x̄ita k̄àt̄j̄i-ne nga k̄àtatse tsojmi xi sk̄ine j̄ñá nax̄andá ñánda nga chrañàt'aà.

¹⁶ Jesús kitsò:

—Mik̄i k̄j̄oi-ne. T̄j̄ī-là j̄ñó xi k̄okj̄en x̄ita koi.

17 X̄ita xi kota'yàt'aà-là Jesús kitsò:

—N̄imé t̄j̄in-najen. Tà 'òn ma inchrāj̄in ko jò ma t̄in xi t̄itsajna-najen.

18 Jesús kitsò-là:

—Nchrohók̄o-ná j̄indé.

19 K'ée kitsò-là j̄n̄a x̄ita xi k̄j̄in ma-ne nga kàtitsajnāj̄in j̄n̄a; ikjoàn kiskoé j̄n̄a inchrāj̄in xi 'òn ma-ne ko j̄n̄a t̄in xi jò ma-ne; ikjoàn kiskoòtsej̄en ngajm̄i, kitsjaà-là k̄j̄ondaà Nainá, ikjoàn kisixkoaya inchrāj̄in; k'ée kitsjaà-là j̄n̄a x̄ita xi kota'yàt'aà-là, koa j̄n̄a x̄ita xi kota'yàt'aà-là kisika'bí-là j̄n̄a x̄ita xi k̄j̄in ma-ne.

20 Tsakj̄en yije kóh̄otj̄in x̄ita kó nga k̄jòsk̄i. K'ée tsibixkó-ne j̄n̄a xi tsingui-ne. Ngui tejò n̄is̄iyá komà.

21 J̄n̄a x̄ita xi tsakj̄en, 'òn jm̄i ma-ne xi x̄ita x'in. Mik̄i kòk̄eya j̄n̄a íchj̄in ko j̄xti.

*Kjoxkón xi kis'ín Jesús nga k̄i-ne ndsok̄o ya isòn ndáchikon
(Marcos 6:45-52; Juan 6:16-21)*

22 Nga komà iskan, Jesús kisikas'en x̄ita xi kota'yàt'aà-là ya j̄ya chitso mé-ne nga isa itj̄on k̄j̄chò-ne ján x̄j̄ngoàà ndáchikon; koa jè Jesús k'ée t̄is̄ihixat'aà x̄ita xi k̄j̄in ma-ne nga j̄ye nchifi-ne.

23 K'è nga j̄ye kisihixat'aà yije j̄n̄a x̄ita, Jesús k̄imj̄in-jno j̄ngoò nindoò nga k̄i k̄ichj̄at'aà-là Nainá nga t̄a jè tajngoò. K'è nga j̄ye k̄j̄n̄o, Jesús tà tajngoò t̄j̄na ya j̄nde jè.

24 Jè chitso j̄ye 'n̄o k̄j̄in ijchò. Jè nga'n̄o-là nandá j̄ye ngax̄in ngajen t̄ífko chitso nga jè t̄jo b̄ichjoà ikon-là.

25 K'è nga tajn̄oaya isa, Jesús k̄itj̄ingui-là x̄ita xi kota'yàt'aà-là nga k̄i-ne ndsok̄o ya isòn nandá.

26 J̄n̄a x̄ita xi kota'yàt'aà-là k'è nga k̄ijtseè nga t̄ífisòn nandá tà kitsakj̄on-là; k'ée kiskindàya xkón, kitsò:

—Inj̄ma ch'o-né.

27 T̄anga Jesús n̄j̄toón k̄iichj̄a-là, kitsò-là:

—'N̄ó t'è-là takòn, k̄i tsakj̄oòn-jèn, 'an-ná.

28 Jè Pedro, k'ée k̄iichj̄a-là kitsò-là:

—Na'èn, tsà j̄i-né, t̄j̄i'nde-ná nga k̄j̄isoàn nandá skanda n̄anda t̄is̄j̄ni.

29 Jesús kitsò-là:

—Nchroboí.

Jè Pedro itj̄ojen-jno chitso koa tsibíts'ia nga k̄i-ne ndsok̄o ya isòn nandá n̄anda s̄j̄na Jesús.

30 T̄anga k'è nga k̄ijtseè nga jè t̄jo 'n̄o t̄i'ba, kitsakj̄on-né, ikjoàn tsibíts'ia nga mej̄en kiskaàj̄indá; k'ée kiskindàya kitsò:

—iNa'èn, n̄achr̄ej̄iìn-ndá-ná!

31 Jesús n̄j̄toón kitsobà'n̄o tsja, kitsò-là:

—iChibaa mokjeiìn-lè it'aà ts'an! ¿Mé-ne jò kòbeè-là takoìn?

32 K'è nga jahas'en-ne chitso ingajò, n̄j̄toón kisijyò-ne t̄jo.

33 J̄n̄a x̄ita xi t̄itsaj̄naya chitso chincha-xkó'nchit'aà-là Jesús, kitsò-là:

—iXi ok̄ixi, j̄i-né xi Ki'ndí-là Nainá!

*K̄i s'ín k̄j̄ondaà-ne x̄ita xi xk'én ján Genesaret
(Marcos 6:53-56)*

34 K'è nga j̄ye tsatoj̄iìn ndáchikon, ijchò ján nangui Genesaret.

³⁵ Jñà x̄ita xi ya i'nde-là, k'e nga kijtseèxkon Jesús nga jè xi ya ijchò, kisiki'nchré xikjín kóhokji ya i'nde ñánda chrañat'aà; ìkjoàn j'iiko-là ngats'iì x̄ita xi xk'én ya ñánda t̄jna Jesús.

³⁶ Tsibísi'ba-là na's'in ta jè ìtjòn nikje-là tsobà'ño nga kátandaà-ne; ngats'iì xi kitsobà'ño nikje-là kjòndaà yijéé-ne.

15

Jè kjoa xi síkits'ón x̄ita (Marcos 7:1-23)

¹ Ijchò i'nga x̄ita fariseo kò x̄ita xi okóya kjotíxoma-là Nainá xi kiskìl Moisés xi inchrobà-ne Jerusalén nga kiskòngui-là Jesús, kitsò-là:

² —¿Mé-ne jñà x̄ita xi kota'yat'aà-lè, k'e nga kjèn, mì k'oaá s'in onjño-ne tsja koni s'in síjé kjotíxoma-là x̄ita jchínga-ná?

³ Jesús k'éé kiskòngui-là jñà x̄ita koi, kitsò-là:

—¿Jñò, mé-ne mìkìl nikitason-nò kjotíxoma-là Nainá nga koi onguítjngui-là kjotíxoma-là x̄ita?

⁴ Jè Nainá k'oaá kitsò: “Jchaxkoín na'èn-lè kò nea-lè”, kò: “Jè xi chjajno-là na'èn-là kò nea-là t̄jnè-là nga kiyá.”

⁵ Tanga jñò bixón-nó: “Jngoò x̄ita ma k̄itso-là na'èn-là, o nea-là: Mìkìl koma sìichjât'aà-lè; ngats'iì tsojmì xi t̄jín-na, jè Nainá jye kitsjaà-là.”

⁶ Bixón-nó nga mì t̄j kii t̄j'nde-là nga skoexkón na'èn-là kò nea-là; mì t̄j kii koma kosiko-nò. K'oaá s'in 'nè jñò nga níkjina kjotíxoma-là Nainá nga koi onguítjngui-là kjotíxoma tsajòn.

⁷ Jñò, x̄ita xi jò ma isén-nò, ndaà k̄iichja it'aà tsajòn Isaías, x̄ita xi k̄iichja ngajo-là Nainá k'e nga kitsò:

⁸ Jñà x̄ita koi beèxkón-na xi tà 'én chja tanga jè inima-là kjìl t̄jnat'aàxìn.

⁹ Njímé chjì-là nga beèxkón-na, nga kjotíxoma-là x̄itaá okóya koni tsà kjotíxoma-là Nainá.

¹⁰ Jesús, k'éé k̄iichja-là ngats'iì x̄ita, kitsò-là:

—Tiná'yaà kò ndaà k̄atachiya-nò.

¹¹ Jñà tsojmì xi tso'ba kine-ne x̄ita, mìtsà jñà xi síkits'ón x̄ita nga nguixkòn Nainá; jñà xi tso'ba bitjo-ne xi síkits'ón.

¹² Jñà x̄ita xi kota'yat'aà-là Jesús ijchòkon, kiskòngui-là, kitsò-là:

—¿A t̄jìl-lè jñà x̄ita fariseo kòjti-là k'e nga kii'nchré 'én koni s'in kinokjoi?

¹³ Jesús kitsò-là:

—Njìton mé tsojmì t̄jè xi mìtsà jè Na'èn-na xi t̄jna ngajmii tsibítje, t̄jánè-ne skanda kò ima-là.

¹⁴ Kì kii 'nè kindà; jñà x̄ita fariseo mejèn-là okó-là ndiyá jñà x̄ita xi mìkii tsejèn-là, tanga jñà, t̄kioaá mìkii tsejèn-là. Tsà jngoò x̄ita xi mìkii tsejèn-là, mìkii koma kòkò-là ndiyá ìjngoò xi t̄kioa mìkii tsejèn-là. Ingajò, yaá k̄ixoya ngajo ñánda ch'o choòn.

¹⁵ Pedro kitsò-là Jesús:

—Tènojmiya-nájen jè kjoa koi koni s'in kasi.

¹⁶ Jesús kitsò:

—¿Jñò, a t̄kioaá mìkii machiya-nò kó tsòya-ne?

¹⁷ ¿A mì f̄iya-nò ngats'iì tsojmì xi ndsobáá chine-ná, ìndsò'ba f̄is'en, ìkjoàn bitjoiùn-ne yijo-ná?

¹⁸ Tanga ngats'iì 'én xi ndsobáá nokjoaà-ná, inima-ná bitjoiùn; jñà 'én koi, jñà-né xi síkits'ón x̄ita nga nguixkòn Nainá.

¹⁹ Nga yaá bitjokàjiin inima-la xita kjohtsjeèn xi ch'o tsò, koni jña xi xita sík'en, ko xi kjoa chingui s'in ts'e xita xi k'èè kii bixan ko xi jye chixàn, ko kjoa chijé, ko kjoa ndiso ko kjoa nga chjajno-ná.

²⁰ Ngats'ii kjoa koi xi inima-la bitjokàjiin-ne xita, jña-né xi síkits'ón xita; tanga k'e nga bichiaá, nas'in mikii onijnoaá ndsaá, mikii sikits'ón-ná.

*Kó kitsò jngoò chjoón xi xìn nangui-la nga kòkjein-la it'aà ts'e Jesús
(Marcos 7:24-30)*

²¹ Jesús itjokàjiin ya i'nde jè; kii i'nde ñánda 'mì Tiro ko Sidón.

²² Jngoò chjoón xi xita Cananea xi ya i'nde-la, inchrobà-ne ijchòkon Jesús, 'ño kiihja, kitsò-la:

—Na'èn, nga ya nchrobàt'aà-ne tje-la xitaxá ítjòn David [nga ji tijna ngajo-la] jchahima-ná! Ndí tsòti-na ch'in neji tijin inima-la, tsee kjo'in tiskjeiin.

²³ Tanga Jesús nì mé 'én kiihja-la jè chjoón. Ko jña xita xi kota'yàt'aà-la Jesús, kitsò:

—Kot'in-la chjoón jè, kàtji-ne; tsí ch'o kjindáya tjingui-ná.

²⁴ K'ée kitsò Jesús:

—Nainá kisikasén-na, tà jña j'i katsjia xita naxandá Israel nga kichijà koni orrè.

²⁵ Tanga jè chjoón tsasixkó'nchit'aà-la Jesús, kitsò-la:

—Na'èn, tichját'aà-ná.

²⁶ Jesús kitsò-la:

—Mikii ndaà tjín nga chjaà'an-lá niño jña ixti, ijoàn k'oi-lá nañá.

²⁷ Tanga jè chjoón kitsò:

—Jon, Na'èn, tanga jña nañá kineé xi-la tsojmi xi bixòngui ímixa-la nei-la.

²⁸ Jesús k'ée kitsò-la:

—Ji chjoón, 'ño ndaà mokjeiin-lè it'aà ts'an. K'oas'in kátama koni s'in mejèn-lè.

Ko jè tsòti-la chjoón, tik'ée kjòndaà-ne nga tijè-ne hora.

Kó kis'iin Jesús nga kjin skoya ch'in kisindaà-ne

²⁹ Jesús kii-ne ya i'nde ñánda 'mì Tiro ko Sidón koa tsatot'aà indii nandá Galilea. K'ée kiimijin-jno jngoò nindoò ko yaá tsibijna.

³⁰ Kjin jchán xita ijchòtjngui-la ñánda tjina; ijchòko-la xita xi tsá'yá kjoàn, xita xi mikii tsejèn-la, xita xi kótó tsja kjoàn, xita xi mikii ma chja ko xita xi k'ejé ch'in tjín-la; yaá kisikitsajngui ndsoko Jesús. Ngats'ii xita koi kisindaà-ne.

³¹ Tà kjòxkón-la jña xita k'e nga kijtsee nga komà kiihja-ne jña xi mikii ma chja; koa jña xi mikii ndaà sixá tsja, kjòndaà-ne; xi mi ma fi, komà kii-ne; koa jña xi mikii tsejèn-la, kjòtsejèn-la. K'ée jeya kisikijna Nainá koni kisiko jña xita-la naxandá Israel.

*Kó kis'iin Jesús nga ñjòn jmi xita kisikjèn
(Marcos 8:1-10)*

³² Jesús kiihja-la xita xi kota'yàt'aà-la, kitsò-la:

—Mahimakee-ná jña xita koi. Jye kò jàn nachrjein tjín-la nga títajna-ko-na, koa ñimé tjín tsojmi xi kine. Majin-na nga tà k'oas'in sikasén chjan-na ni'ya-la tsà ya kohindaaya ndiyá.

³³ Jña xita xi kota'yàt'aà-la Jesús kitsò:

—Jngoò i'nde it'aà xìn ñánda ñimé tsojmì tjín, ¿kós'ín koma sakó-ná tsojmi xi kokjen jñà xità koi nga 'ño kjìn ma-ne?

³⁴ Jesús kiskònangui-la, kitsò-la:

—¿Kó tjín ma inchrájin xi tìyijò-nò?

Jñà xità xi kota'yàt'aà-la kitsò:

—Itoò ma-ne inchrájin, kò tjín chiba-najen tìn jtohá.

³⁵ K'ée kitsò Jesús:

—Koaṭìn-la kàtìtsajnat'aà nangui jñà xità.

³⁶ Jesús kiskoé inchrájin xi itoò ma-ne kò jñà tìn jtohá, kitsjaà-la kjondaà Nainá, ikjoàn kisixkoaya, kjòngatsja jñà xità xi kota'yàt'aà-la mé-ne nga kitsjaà-la jñà xità xi kjìn ma-ne.

³⁷ Tsakjèn yije xità kòhòtjín skanda kó nga kjòskiì. K'e nga tsibíxkó-ne xi tsiningui-ne, ngui itoò ñisíyá komà.

³⁸ Jñà xità xi tsakjèn, ñijòn jmù ma-ne xi xità x'in, mìkìl kòxkeya jñà íchjín kò ixti.

³⁹ Jesús kisihixat'aà xità, ikjoàn jahas'en chitso koà kii ya i'nde ñánda 'mì Magdala.

16

Kó kitsò Jesús k'e nga jñà xità fariseo kò xità saduceo kisijé jngoò seña (Marcos 8:11-13; Lucas 12:54-56)

¹ Jñà xità fariseo kò xità saduceo kiikon Jesús ñánda tjna nga mejèn-la skót'aà tsà kixi kjoa nga Nainá kisikasén. Kisijé jngoò-la seña xi jeya tjín xi it'aà ts'e Nainá nchrobá-ne.

² Tanga Jesús kitsò-la:

—K'e nga jye mahixòn, jñò, bixón-nò: “Ndaà choòn nchijòn-lè, inì choòn ján ngajmù.”

³ K'e nga tajñòya bixón-nò: “Mìkìl ndaà choòn nachrjein i'nde; ngajmù inì choòn kò ifi kjiya.” Jñò xi jò ma isén-nò, 'ya-nò kó choòn ngajmù tanga mìkìl fiya-nò kó tsòya-ne kjoaxkón xi tíma nachrjein i'nde.

⁴ Jñà xità ts'en kò xità xi mìkìl 'nchréñijon-la Nainá, jngoò seña síjé xi jeya tjín; tanga ñimé seña skoe, tà jè skoe ts'e Jonás, xità xi kùlchja ngajo-la Nainá. Jesús yaá kisikìtsajna xità koi; jè, kùl-né.

Jesús, mé kjoa xi tísingásòn-kò kjohùtsjeèn xi okóya xità fariseo (Marcos 8:14-21)

⁵ Jñà xità xi kota'yàt'aà-la Jesús, k'e nga tsatot'aà xijngoaà nandá, kichàajìl-la mìkìl ts'a inchrájin.

⁶ Jesús kitsò-la:

—Chítsejèn-là koà tìkindaa yijo-nò it'aà ts'e na'yo san-la xità fariseo kò xità saduceo.

⁷ Xità xi kota'yàt'aà-la Jesús tsohóko xíkjin, kitsò-la:

—Koiì kòtsò-ná nga mìkìl kich'á inchrájin.

⁸ Jesús ñitoón kijtseèya-la, kitsò-la:

—¿Mé-ne kòkixón-nò nga tsjìn-nò inchrájin? 'Ñó chjba mokjeiìn-nò it'aà ts'an.

⁹ ¿A mì machiya-nò, a mì bítsjeèn-nò k'e nga kisika'biá inchrájin xi 'òn ma-ne koa 'òn jmù xità x'in tsakjèn? ¿Kó tjín ñisíyá tsibíxkó-isa?

¹⁰ ¿A mì tìjìl-nò tìkooá k'e nga kisika'biá inchrájin xi itoò ma-ne kò ñijòn jmù xità tsakjèn? ¿Kó tjín ñisíyá tsibíxkó-isa?

11 ¿Mé-ne nga mìkii machiya-nò nga 'an mìtsà koi xi otìxan-nò it'aà ts'e inchrájin? Jè-né nga tìkindaa yijo-nò na'yo san-la xitá fariseo kò xitá saduceo.

12 K'ée kjòchiya-la nga jè Jesús k'e nga oktsò-la: “Tìkindaa yijo-nò”, mìtsà na'yo san-la inchrájin xi tsibénojmi-la, jñà kjòhìtsjeèn xi okóya jñà xitá fariseo kò xitá saduceo.

*Kó kitsò Pedro yá xitá-ne Jesús
(Marcos 8:27-30; Lucas 9:18-21)*

13 K'e nga ijchò Jesús ya i'nde ñánda 'mì Cesarea ts'e Filipino kiskòngangui-la jñà xitá xi kota'yàt'aà-la. Kitsò-la:

—¿Kó tsò jñà xitá? ¿Yá-ná 'an xi Ki'ndí-la Xitá xan-la yijo-na?

14 Kitsò jñà xitá xi kota'yàt'aà-la:

—Tjín xi tsò: “Jè Juan xi kis'iin bautizar xitá.” Kò tjín xi tsò: “Jè Elías.” Tìkoáá tjín xitá xi tsò: “Jè Jeremías.” Kò xi kj'eíí xitá tsò-né: “Jngoò xitá xi kiichja ngajo-la Nainá.”

15 K'ée kitsò Jesús:

—¿Koa jñò, kó bixón? ¿Yá-ná 'an?

16 K'ée kiichja Simón Pedro kitsò:

—Ji-né xi Cristo [xi xó kisikasén-ne Nainá], Ki'ndí-la Nainá xi tjínakon.

17 Ijjoàn kiichja Jesús; kitsò-la:

—Mé tà ndaa-lè nga ji Simón, ki'ndí-la Jonás. Jè Nainá xi tjina ngajmii tsakó-lè ngats'iì kjoa koi; mìtsà xitá isò'nde tsibénojmi-lè.

18 'An, K'oaá xán-lè nga Pedro 'mì-lè [nga ndajo tsò-ne]; yaá isòn ndajo jè kìndaàsoàn naxandá-na; nas'ín jè nga'ño-la kjoabiyaà mìkii sùikijne-la jñà xitá naxandá-na.

19 'Aán tsjaà-lè ibi-la xotjoa-la naxandá xi jè otìxoma-la jè xi ngajmii nchrobá-ne; ngats'iì kjoa xi koi'ndi i isò'nde, tìkoáá ján ngajmii Nainá tsjá'nde-né; kò jñà kjoa xi mìkii koi'ndi i isò'nde, tìkoáá ján ngajmii, Nainá mìkii tsjá'nde.

20 Jesús kitsò-la jñà xitá xi kota'yàt'aà-la:

—Ki yá xi bènojmi-là nga 'an-ná xi Cristo [nga 'aán kisikasén-na Nainá].

*K'oaá s'ín tsibénojmi Jesús kjoabiyaà-la
(Marcos 8:31-9:1; Lucas 9:22-27)*

21 Tìkoj-ne nàchrjein Jesús tsibíts'ia nga tsibénojmiya-la xitá xi kota'yàt'aà-la nga jè, ján kjoj Jerusalén, koa jñà xitá jchínga kò xitá sko-la nò'mii kò xitá xi okóya kjotìxoma-la Nainá xi kiskii Moisés, tseé kjo'in tsjá-la. Sùik'en-né. Tanga k'e nga kijchò jàn nàchrjein, kjoaáya-la.

22 Jè Pedro k'ée kùkò Jesús ñánda it'aà xìn nga kiichjakò nga mìkii ndaa tjín koni tsò. Kitsò-la:

—Na'èn, ki k'oaá s'ín nìkìtsjiìn. Mì k'oaá tsò Nainá nga k'oas'ín komat'in.

23 Tanga Jesús kisikáfaya, kitsò-la jè Pedro:

—Tjìt' aàxín-ná ji xitá neíí. Tà mejèn-lè nga jé binchaàtsji-ná. Mìtsà k'oas'ín nìkìtsjiìn koni s'ín tjín kjòhìtsjeèn-la Nainá. Ngaji tà k'oaá s'ín nìkìtsjiìn koni s'ín tjín kjòhìtsjeèn-la xitá.

24 Jesús k'ée kitsò-la xitá xi kota'yàt'aà-la:

—Tsà yá xi mejèn-la nga xitá ts'an koma, kàtatsjeìn-takòn mé xi mejèn-la yijo-la; koni jngoò xitá xi 'yajen krò-la, kàtijnandaà nga sùikjeín kjo'in xi kjoa ts'an; ndaa kàtjìt'aà-na.

²⁵ Nga n̄ta yá x̄ta xi mejèn-la kochrjetji yijo-la nga n̄imé k̄jo'in sakò-la, tà saá s̄ichija-né k̄o k̄jo'in k̄ijnajin; tanga jè xi t̄ijnandaà nga tsjá yijo-la xi k̄joa ts'an, sakò-la k̄joabinachon nga it'aà ts'an ndaà k̄ijna.

²⁶ Mé xi s̄ikijne jngòò x̄ta nas'in toé yije-la isò'nde tsà s̄ichija in̄ima-la? N̄imé. ¿A k̄omaà k̄oichj̄i k̄joabiyaà jngòò x̄ta xi majin-la nga k̄iyá? Majin.

²⁷ 'An xi K̄i'ndí-la X̄ta xan-la yijo-na k̄itjojeén jngòò k'a-na nga k̄joikoaà k̄joajeya-la Na'èn-na k̄o àk̄jale-la nga sichikon-t'ian nga jngòò jngòò x̄ta koni s'in kisikitasòn.

²⁸ Okixij̄i xi xan-nò, t̄itsajnajin i'nga j̄jndé x̄ta xi mì k̄i k̄iyá skanda k'e nga skoe-na xi K̄i'ndí-la X̄ta xan-la yijo-na nga k̄itjojen jngòò k'a nga kotixoma.

17

*K̄i komà nga jahatj̄iya í'ño isén-la Jesús ya isò'nga nindoò
(Marcos 9:2-13; Lucas 9:28-36)*

¹ Nga komà joòn nachrjein Jesús k̄ilmij̄in-jno jngòò nindoò xi 'nga k̄ji; kiiko jè Pedro, Jacobo, k̄o Juan xi 'ndse ma Jacobo.

² K'e nga ijchò i'nde jè, Jesús, jahatj̄iya í'ño isén-la nga nguixkon j̄nà x̄ta koi. K'oaa k̄ji komà isén-la koni k̄ji ts'oi k̄o jè nikje-la k̄jochroba-né koni isén ndobá.

³ J̄nà x̄ta koi tà n̄itoón k̄ijtsee Moisés k̄o Elías nga nchijoók̄jo Jesús.

⁴ Pedro kitsò-la Jesús:

—Na'èn, ndaà t̄ijn nga i t̄itsajnaá; tsà mejèn-lè j̄an ni'ya xkójndà k̄indaà-jen, jngòò ts̄iji, jngòò ts'e Moisés k̄o xi jngòò ts'e Elías.

⁵ K'e nga t̄ichja Pedro, j'ii jngòò 'nguién-la ifi xi ote k̄ji xi tsibí'ma x̄ta koi, k̄o ya j̄jin ifi kina'yà jngòò-la 'én xi kitsò:

—Jè jèe xi k̄i'ndí-na xi 'ño matsjake k̄o xi xó jaaj̄in-na; jè t̄in'á-ya-là.

⁶ J̄nà x̄ta xi kota'yàt'aà-la Jesús k'e nga k̄i'nchré, tà kitsakjòn-né. K'ée tsoyij̄o tsakj̄an skanda it'aà nangui.

⁷ Jesús k̄ik̄asit'aà chrañà-la; kisikjaníyá-la, kitsò-la:

—T̄isitjeen, k̄i tsakjòn-jèn.

⁸ K'e nga kiskoòtsejèn x̄ta koi mì t̄i yá t̄ijn-ne. Tà jè tajngòò s̄jna Jesús.

⁹ K'e nga inchrohòjen-t'aà-ne nindoò, Jesús kitsò-la:

—Kì yá x̄ta xi b̄enojmí-là jè k̄joa xi kà'yaà skanda k'e nga k̄joaáya-na it'aà ts'e k̄joabiyaà 'an xi K̄i'ndí-la X̄ta xan-la yijo-na.

¹⁰ J̄nà x̄ta xi kota'yàt'aà-la Jesús kiskònangui-la, kitsò-la:

—¿Mé-ne k̄otsò-ne x̄ta xi okóya k̄jotixoma-la Nainá xi kiskii Moisés nga jè Elías k̄joií itjòn?

¹¹ Jesús kitsò:

—Okixi-né, jè k̄joií itjòn Elías, k̄o jè k̄oindaaj̄in yije k̄joa.

¹² Tanga 'an, k'oaa xán-nò, jè Elías, jyeé j'ii. J̄nà x̄ta, mikii k̄ijtseèxkon. Ta k'oaa s'in kisikò koni s'in mejèn-la. K'oaa t̄is'in k̄omat'ian 'an xi K̄i'ndí-la X̄ta xan-la yijo-na; tsee k̄jo'in tsjá-na j̄nà x̄ta.

¹³ J̄nà x̄ta xi kota'yàt'aà-la Jesús k'ée k̄jochiya-la nga jè Jesús, k'e nga t̄ichja it'aà ts'e Elías, jè Juan xi kis'iin bautizar x̄ta xi otsò-la.

*Kós'in koma k̄itjokaj̄in in̄ima ch'o-la neii xi t̄ijn-la x̄ta
(Marcos 9:14-29; Lucas 9:37-43)*

¹⁴ K'e nga ijchò Jesús ñánda t̄itsajna x̄ta xi k̄jìn ma-ne, jngòò x̄ta ijchò kasit'aà-la nga tsasixkó'nchit'aà-la, kitsò-la:

15 —Na'èn, चाहिमाि ki'ndí-na. Ch'in biyaàxín tjín-la. 'Ñó tse kjo'in síkjeín. Jyeé kòkjìn k'a kaàjìn ni'ín kò nandá.

16 Ií kòf'iiko-la jñà xítà xi kota'yàt'aà-lè, tanga mìkì mandaà-la.

17 Jesús kitsò:

—Jñò xítà xi mìkì mokjeín-nò it'aà ts'an xi ch'o 'nè. ¿Skanda mé nàchrjein kótijnako-nò? ¿Skanda mé nàchrjein skà-na kjoa-nò? Nchrohóko-ná jè ti jindé.

18 Jesús tshótiko jè iníma ch'o-la neíi koa itjokàjìn-ne yijo-la jè ti. Tijè-ne hora, n̄tòón kjòndaà-ne.

19 Jñà xítà xi kota'yàt'aà-la Jesús kiskònanguit'aàxìn-la. Kitsò-la:

—¿Mé-ne ngajen mìkì kòbitjojìn-najen jè iníma ch'o-la neíi?

20 Jesús kitsò-la:

—Mìkì komà-nò koi-né nga tà chiba mokjeín-nò it'aà ts'an. Okixí xi xan-nò tsà tà okji kòkjeín-nò koni kji xojmá mostaza nga itsé kji, koma k'oín-là nindoò: “Tixín jindé. T'in ján xijngoàà ñánda it'aà xìn.” Koa jè nindoò kòsit'aàxìn-né. Jñò, nímé kjoa xi 'in koma-nò tsà ndaà kòkjeín-nò.

21 Jñà iníma ch'o-la neíi xi okjoàn, k'éé bitjokàjìn nga nokjoat'aà-là Nainá kò nga bijnachjaán.

*K'oaá s'in tsebénjmi Jesús kjoabiyàà-la xi ma-ne jò k'a
(Marcos 9:30-32; Lucas 9:43-45)*

22 K'è nga taña kitjen nga tjíma ya i'nde Galilea, Jesús kitsò-la jñà xítà xi kota'yàt'aà-la:

—An, xi Kí'ndí-la Xítà xan-la yijo-na, yaá tsobà'ñó-na jñà xítà,

23 ikjoàn sjik'en-na. Tanga k'è nga kijchò ján nàchrjein nga kiyá, kjoáya-na. Jñà xítà xi kota'yàt'aà-la k'è nga kii'nchré 'én koi tã ba koma-la.

Tsojmi xi machjítj ts'è ingo ítjòn

24 K'è nga ijchò Jesús kò xítà xi kota'yàt'aà-la ján naxandá Capernaum, jñà xítà xi bíxkó tòn ts'è ingo ítjòn kiskònangui-la Pedro kitsò-la:

—Jè Maestro-lè, ¿a mìkì bíchjí tòn ts'è ingo?

25 Jè Pedro kitsò:

—Jon, bíchjí-né.

K'è nga jahas'en ni'ya Pedro, Jesús, jè kiichja ítjòn-la, kitsò-la:

—¿Kò si Simón, jè xítaxá ítjòn xi i'isò'nde ts'è, yá-né xi síkíhjtjì tsojmi kò tòn-sá? ¿A jñà-né xi i' naxandá-la, o xi jñà-né xi xìn i'nde-la?

26 Pedro kitsò:

—Jñà xi xìn i'nde-la xi bíchjí.

K'èé kitsò-la Jesús:

—Jñà xi i' naxandá-la nímé koiichjí.

27 Tanga mé-ne nga mì ch'o kitsò-ná jñà xítà, t'in ján indii ndáchikon. Tíkatjen-jìn kichá libá-lè xi tsobà'ñó tìn, koa jè tìn xi chjoé ítjoìn, chíx'eji tso'ba; ya tí'a ingoò tòn. Komaá-ne nga kíchjí xi ts'an kò tsiji. Tikoii, tíchjí-la.

18

*Yá xítà-ne xi títja ítjòn it'aà ts'è Nainá
(Marcos 9:33-37; Lucas 9:46-48)*

1 Jñà nàchrjein koi jñà xítà xi kota'yàt'aà-la Jesús ijchòkon nga kiskònangui-la; kitsò-la:

—Jñà x̄t̄a xi jè otíxoma-l̄a xi ngajm̄i nchrobá-ne, ¿yá-ne xi t̄jna ít̄jòn nga ìsa ñó ch̄j̄-l̄a?

² Jesús kiichj̄a jngoò-l̄a ndí ti. Kisikasíjna jngoò osen-l̄a jñà x̄t̄a.

³ Kitsò:

—Okix̄í xi xan-nò, jñò, tsà mì k̄i s̄ik̄jat̄j̄ya-l̄a kjoh̄ts̄jeèn-nò k̄o tsà mì k̄i k'oa's'ín s'een koni jñà ndí ìxti mik̄i k̄it̄j̄as'èn-jñoò ñánda tíhotíxoma jè xi ngajm̄i nchrobá-ne.

⁴ Jè xi s̄ik̄jajen-l̄a in̄ima-l̄a koni ndí ti jè, jè-né xi t̄jna ít̄jòn-l̄a ngats'ii x̄t̄a xi jè tíhotíxoma-l̄a xi ngajm̄i nchrobá-ne.

⁵ N̄it̄a yá-ne xi ìt'aa ts'an skoét̄jò jngoò ndí ti koni jè, 'aán xi skoét̄jò-na.

Mé xi ok'in-l̄a jñà x̄t̄a xi jé óts̄ji-l̄a x̄t̄a xi k̄j'eíj

(Marcos 9:42-48; Lucas 17:1-2)

⁶ N̄it̄a yá-ne xi jè sk̄in̄ij̄iìn jngoò ndí x̄t̄a im̄a xi mokjeiín-l̄a ìt'aa ts'an, ìsaá-l̄a ndaa koma tsà singui'ño jngoò ndajò nats̄i ís'ín, ìkjoàn s̄ik̄at̄j̄en-j̄iìn ndáchikon ñánda nga 'ñó nanga 'ncha nandá.

⁷ Im̄a xó-ne jñà x̄t̄a isò'nde nga t̄j̄ín jchán x̄t̄a xi óts̄ji'nde-l̄a nga mejèn-l̄a nga sakó jé. Tanga xó k'oaá koma-ne isò'nde, tanga im̄a xó-nè jè x̄t̄a xi óts̄ji-l̄a jè xi k̄j'eíj x̄t̄a.

⁸ Tsà jè ndsaa k̄o ndsokòó óts̄ji jé-nò, t̄ichát̄jòn koa k̄j̄iìn t̄ikats̄jòó. Ìsaá ndaa-nè tsà xkoán t̄its̄jòó nga k̄it̄j̄as'een ñánda s'e-nò kjoabinachon, mì k'oaá-ne tsà jò ma ndsaa k̄o ndsokòó koa ján onguió j̄iìn ni'ín ts'e ì'nde kjo'in n̄it̄a mé nchr̄jein-ne.

⁹ Tsà jè xkoòn óts̄ji jé-nò, t̄inachr̄jeé, k̄j̄iìn t̄ikats̄jòó. Ìsaá ndaa-nè tsà jngoò ma xkoòn nga k̄it̄j̄as'een ñánda s'e-nò kjoabinachon, mì k'oaá-ne tsà jò ma xkoòn koa ján onguió j̄iìn ni'ín ts'e ì'nde kjo'in.

Kjoa xi mangásòn ts'e orrè xi kichijà

(Lucas 15:3-7)

¹⁰ N̄ijngoò ndí x̄t̄a koi xi nchr̄jenguiòó; k'oaá xán-nò, ján ngajm̄i, jñà àk̄jale-l̄a x̄t̄a koi, yáá t̄itsajna k̄jit'aa nga nguixkon Na'èn-na xi t̄jna ngajm̄i.

¹¹ An xi Ki'ndí-l̄a X̄it̄a xan-l̄a yijo-na koií xá j'ì-na nga j'ì kàchr̄jekaj̄ñaà kjo'in jñà x̄t̄a xi kichijà.

¹² ¿Kó bixón? Tsà jngoò x̄t̄a xi jngoò sìndo ma orrè-l̄a koa tsà s̄ijchaya jngoò ján j̄iìn ìjñá, ¿a mìtsà s̄ik̄itsajna jñà xi ñijòn-kaàn k̄o chr̄j'òòn ñijòn ma nga kjoì káts̄ji jè orrè xi kichijà jngoò?

¹³ Tsà kots̄ji-l̄a, okix̄í xi xan-nò, ìsaá tsja koma-l̄a nei-l̄a jè orrè xi jngoò ma, mì k'oaá-ne jñà xi k̄j̄iìn ma xi mì k̄i kichijà.

¹⁴ K'oaá s'ín mejèn-l̄a Nainá xi t̄jna ngajm̄i nga n̄ijngoò x̄t̄a sìichj̄a in̄ima-l̄a.

Mé xi mochjeén k'e nga s̄indaàj̄iìn jngoò-l̄a x̄t̄a

(Lucas 17:3-4)

¹⁵ Tsà jè 'ndsì ch'o t̄isíko-lè, t̄inókjoa-l̄a k'e nga tà jè tajngoò t̄jna; t̄indaàj̄iìn-koi jè kjoa-l̄a; tsà k̄j̄i'nchré-lè, jyeé ndaa kichibà-nò 'ndsì.

¹⁶ Tanga tsà mik̄i k̄j̄i'nchré-lè, k'eé t̄inókjoa-l̄a tsà jngoò k̄o tsà jò x̄t̄a mé-ne nga k̄j̄i'nchré yije-ne 'én xi chibà koni s'ín t̄ichj̄a Xojon-l̄a Nainá nga tsò: Mochjeén-né tsà jò k̄o tsà jàn x̄t̄a xi tsj́ 'én nga koma s̄indaàj̄iìn n̄it̄a mé kjoa-ne mé-ne nga ch̄j̄-l̄a.

¹⁷ Tsà mik̄i 'nchréñijon-l̄a jñà x̄t̄a koi, koat̄in-l̄a x̄t̄a naxandá-l̄a Nainá; koa tsà mik̄i 'nchréñijon-l̄a jñà x̄t̄a naxandá-l̄a Nainá, tà k'oa's'ín jchatakoin koni tsà jngoò x̄t̄a xi mik̄i beèxkon Nainá, koni tsà jngoò x̄t̄a xi tsojm̄i sík̄ich̄j̄t̄j̄.

18 'Qkixjí xi xan-nò, jñò, ngats'ìi kjoa xi koj'nde ì isò'nde, tìkooá ján ngajmii Nainá tsjá'nde-né; koa jñà kjoa xi mikii koj'nde ì isò'nde, tìkooá ján ngajmii Nainá mikii tsjá'nde.

19 'Jngoo k'a koa xan-nò: tsà jò ma-nò ì isò'nde xi tìjngoo takòn nga sjiét'aà-là Na'èn-na xi tìjna ngajmii nìtá mé kjoa-ne, tsjá-nò.

20 Ya ñánda túsajna jò jàn xitá-na xi it'aà ts'an bixoña, yaá tìjnajiin osen-lá.

21 K'eé kii kasit'aà chraña-lá jè Pedro, kiskòngui-lá Jesús, kitsò-lá:

—Na'èn, kó tìjn k'a sijiçhàat'aà-lá xinguiáa k'e nga tsà ch'o tísiko-na? ¿A skanda itoo k'a?

22 Jesús kitsò-lá:

—Mitsà xan-lè itoo k'a; xaán-lè itoo k'a xi jàn-kaàn ko te.

Jngoo ch'i'nda xi mì kii kisijchàat'aà-lá xíkjin

23 'Koni s'ín otíxoma jè xi ngajmii nchrobá-ne, k'ooá s'ín tìjn koni kis'ìin jngoo xitaxá ítjòn xi kisijé-lá kindá xitá ch'i'nda-lá.

24 K'e nga tís'ín kindá j'ìi jngoo ch'i'nda-lá xi 'ñó kjin millón ton kitjen-lá.

25 Ch'i'nda jè tsjin-lá ton xi kojichjí-lá. Jè nei-lá kitsjaà okixi nga kátasatijna osen jè chá, ko chjoón-lá kojixi-lá, ngats'ìi tsojmi xi tìjn-lá mé-ne nga kojichjí-lá ton xi kitjen-lá.

26 Ch'i'nda jè tsasixkó'nchit'aà-lá jè nei-lá; tsibítsi'ba-lá, kitsò-lá: “Na'èn, tìjn-lè kjonndaá, chíñakjoa-ná; kíchjí yijee-lè ngats'ìi xi kitjen-na.”

27 Jè nei-lá kjòhímakeé ch'i'nda-lá, kisijchàat'aà-lá nga yije kindá xi kitjen-lá koa kisikjnandejí-ne.

28 Tìk'e-ne nga itjo ni'ya ch'i'nda jè, kisatiikjoò jngoo ch'i'nda xíkjin xi tìkooá ton kitjen chiba-lá xi ts'e. Kitsobà'ño ís'ìin nga mejèn-lá kìnchàjtá-lá, kitsò-lá: “Tíchjí-ná xi kitjen-lè.”

29 Koa jè ch'i'nda xíkjin tsasixkó'nchit'aà-lá, tsibítsi'ba-lá. Kitsò-lá: “Chíñakjoa-ná, kíchjí yijee-lè xi kitjen-na.”

30 Tanga jè mikii kòkjeiín-lá. Tà saà ndayá kiskinís'en skanda k'e nga kojichjí yije-lá kóhotjín xi kitjen-lá.

31 K'e nga kijtsee jñà ch'i'nda xíkjin xi i'nga, baá koma-lá. K'eé kii tsibénojmi-lá nei-lá ngats'ìi kjoa xi komà.

32 Jè xitaxá ítjòn xi nei-lá, k'eé kiskinikjaá ch'i'nda jè, kitsò-lá: “Ji ch'i'nda xi ch'o 'ni. 'An kisijchàat'aà-lè ngayije xi kitjen-lè k'e nga tsibítsi'ba-ná.

33 Tìkooá ngaji tji'nde-lè nga jchahimachii ch'i'nda xinguii koni s'ín kisiko-lè nga kjòhímakeé-lè.”

34 Jè nei-lá kjòjtí-lá, k'eé kitsjaà okixi nga kàt'ì-lá kjo'in skanda k'e nga kojichjí yije xi kitjen-lá.

35 Jesús kitsò:

—Jñò k'ooá tís'ín sjiiko-nò nga jngoo ìjngoo Na'èn-na xi tìjna ngajmii tsà nga mì koo iníma-nò sjiçhàat'aà-là jé-lá xinguiioo.

19

Kiis'ín tsakóya Jesús ít'aà ts'e xitá xi tsjiin xíkjin

(Marcos 10:1-12; Lucas 16:18)

1 K'e nga jye kiichjá Jesús, kii-ne ya Galilea ján nangui Judea xi tìjna xijngooá xajngá nandá Jordán.

2 'Nó kjin xitá kiitjngui-lá koa yaá kisindaá-ne j'nde jè jñà xitá xi xk'én.

³ Ijchò i'nga x̄ita fariseo ya ñánda t̄jna Jesús nga mejèn-là skónachan-là. Ijkoàn kiskòngui-là, kitsò-là:

—¿A t̄j'nde-là xi x'ín nga ts̄jìn chjoón-là xi n̄ita mé kjoa-ne?

⁴ Jesús kitsò-là:

—¿A k̄j'eè b̄ixkejñòò Xojon-là Nainá nga tsò: “Nainá, k'e nga s̄a tsibíndaà x̄ita, tsibíndaà x'ín ko chjoón?”

⁵ K'oáá kitsò: “K'oáá ma-ne nga jè x'ín s̄ik̄jina na'èn-là ko nea-là nga k̄jina ko chjoón-là. Ta jngòò x̄ita koma-ne ingajò.”

⁶ M̄itsà t̄j jò ma-ne, tà jngòò koma-ne. K'oíj kjoa-là nga mì yá x̄ita t̄j'nde-là nga s̄j̄ts̄j̄in-ne x̄ik̄jín xi Nainá kis̄jngòò.

⁷ J̄ñà x̄ita fariseo kiskòngui-là Jesús:

—¿Mé-ne jè Moisés kits̄jaa'nde-ne nga tsò: xojon k̄atasindaà nga koma ts̄jín x̄ik̄jín x̄ita?

⁸ Jesús kitsò-là:

—Koií-né nga tájaaj̄in t̄jín in̄ima-nò, Moisés kits̄jaa'nde-nò nga kijniòò ích̄jín-nò, tanga k'e nga s̄a t̄ats'en-là kjoa, mì k'oáá s'ín t̄jín.

⁹ An k'oáá xán-nò, jè x'ín xi ts̄jín-ne chjoón-là, tsà m̄itsà kjoa ch̄jngui t̄s̄íko, ko tsà k'ej̄i chjoón k̄ixan-ko, jyeé kjoa ch̄jngui t̄s'ín jè x'ín. T̄ikoáá tsà jè x'ín xi k̄ixan-ko jngòò chjoón xi kits̄j̄in x'ín-là, t̄ikoáá kjoa ch̄jngui t̄s'ín.

¹⁰ J̄ñà x̄ita xi kota'yàt'aà-là Jesús kitsò:

—Tsà k'oáá s'ín 'ín t̄jín kjoa ts'e x̄ita xi bixan, ìs̄aá-la ndaà s'e tsà mì k̄ixan x̄ita.

¹¹ Jesús kitsò-là:

—T̄jín x̄ita xi mìk̄il mokjeíin-là k̄joh̄ts̄jeèn jè; tà j̄ñà x̄ita xi Nainá xó k'oas'ín kits̄jaà-là.

¹² T̄jín x̄ita xi mìk̄il bixan nga xó k'oas'ín kits'ín-ne nga mì ích̄jín s̄j̄s'in-là; t̄ikoáá t̄jín x̄ita xi x̄ita x̄ik̄jín okis̄iko nga mì ích̄jín s̄j̄s'in-là; t̄ikoáá t̄jín x̄ita xi mìk̄il bixan nga k'oas'ín tsibínè-là yijo-là nga mì ích̄jín s̄j̄s'in-là nga mejèn-là s̄j̄x̄a it'aà ts'e k̄jot̄ixoma-là ngajm̄i. J̄ñà x̄ita xi chík̄joa-là nga mokjeíin-là kjoa koi, k'oas'ín k̄atas̄ik̄itasòn.

K̄il kitsò Jesús nga kis̄ichikon-t'ín ndí ìxti

(Marcos 10:13-16; Lucas 18:15-17)

¹³ J̄ñà x̄ita j'ìk̄o-là ndí ìxti ñánda t̄jna Jesús nga mejèn-là kòt'aà-là tsja ko k̄j̄ts̄'bat̄j̄, tanga j̄ñà x̄ita xi kota'yàt'aà-là Jesús tsohót̄iko j̄ñà x̄ita xi j'ìk̄o ndí ìxti.

¹⁴ K'eé kitsò Jesús:

—T̄j̄i'nde-là j̄ñà ndí ìxti nga k̄at̄janchrobákon-na. Kì binchahikon-là. J̄ñà xi k'oas'ín t̄jín in̄ima-là koni ts'e ndí ìxti, jyeé ts'e ngats'ì k̄jondaà xi t̄jín ya ñánda t̄hót̄ixoma jè xi ngajm̄i nchrobá-ne.

¹⁵ Jesús tsohósòn-là tsja j̄ñà ndí ìxti; ìk̄joàn k̄il-ne ya j'nde jè.

X̄ita xi ñó k̄jín tsojm̄i t̄jín-là

(Marcos 10:17-31; Lucas 18:18-30)

¹⁶ Jngòò x̄ita ijchòkon Jesús, kiskòngui-là, kitsò-là:

—Maestro, ¿mé k̄jondaà xi s'iaàn nga s'e-là kjoabinachon in̄ima-na n̄ita kjé-ne?

¹⁷ Jesús kitsò-là:

—¿Mé-ne ch̄jinangui-ná it'aà ts'e kjoa xi ndaà t̄jín? M̄itsà yá t̄jín xi ndaà x̄ita, tà jngòò Nainá. Tsà mejèn-lè nga s'e-lè kjoabinachon n̄ita kjé-ne, t̄kitasoìn k̄jot̄ixoma-là Nainá.

18 Xità jè kiskòngui:

—¿Ñá-láá kʒotíxoma-ne?

Jesús kitsò-la:

—“Ki xità nik'in; kì kjoa chijngui 'nì; kì chijé 'nì; kì 'én ndiso nokjoi it'aà ts'e xità xi k'ejí;

19 jchaxkoín na'èn-lè kò nea-lè; títjachi xità xingui koni tsà tì yijo tsiji-ne.”

20 —Ngats'ì kʒotíxoma koi jyeé kisikitasoàn —kitsò jè ti—. ¿Mé xi chija ìsa-na?

21 Jesús kitsò-la:

—Tsà mejèn-lè nga ngui kixi kijnì, t'in, tatijnì yije tsojmì xi tjin-lè. Jè ton-lè tika'bí-la xità ima mé-ne nga s'e-lè kjoa machikon-t'in ján ngajmì. Ikjoàn nchrobátjngui-ná.

22 Xità jè, k'e nga kii'nchré 'én koi, tà baá komà-la, koi kjoa-la nga 'ñó kijn tsojmì tjin-la.

23 K'ée kitsò-la xità xi kota'yàt'aà-la Jesús:

—Okixí xi xan-nò. 'Ñó 'in koma-la jña xità nchiná nga kjoahas'en-jijn ñánda tíhotíxoma jè xi ngajmì nchrobá-ne.

24 Ngui jngò k'a koxan-nò, ìsaá mì 'in koma-la jngò cho camello nga kjoahas'en xkon nindoò xi tjahaña-ne nikje, mì k'oaá-ne koni jngò xità nchiná xi 'ñó tjin-la tsojmì nga koma kjoahas'en-jijn ñánda tíhotíxoma jè xi ngajmì nchrobá-ne.

25 K'e nga kii'nchré 'én koi jña xità xi kota'yàt'aà-la Jesús tà kjòxkón-la. K'ée kitsò:

—¿Yá-né xi kítjokàjijn kjo'in kjoa ts'e jé-la?

26 Jesús kiskoò'an, kitsò-la:

—Jña xità mikii koma-la kochrjekàjijn kjo'in inima-la. Tanga xi Nainá komaá-la ngats'ì kjoa.

27 K'ée kitsò Pedro:

—Na'èn, ngajen, jyeé kinikítsajna yije-jen ngats'ì tsojmì xi tjin-najen, koa jì tjaàtjngui-lèjen. ¿Mé xi tjoé-najen?

28 Jesús kitsò-la:

—Xi okixí xi xan-nò, k'e nga kijchò nachrjein nga koxitseyá jngò k'a isò'nde, kò 'an xi Ki'ndí-la Xità xan-la yijo-na, k'e nga kótijnasoàn íxile xi 'ñó jeya tijná, jñò, xi jye 'an tjaàtjngui-ná, tikoáá yaá kitsajnasòn íxile ts'e kʒotíxoma xi tejó ma-ne, nga jñò kíndaajijn-là jña xità xi tejó tje-la ts'e naxandá Israel.

29 Ngats'ì xi kjoa ts'an kisikíjna ni'ya-la, 'ndse, ndichja, na'èn-la, nea-la, chjoón-la, ixti-la, nangui-la, jngò sòndò k'a k'oa tjin tjoé ìsa-la. Tikoáá tjoé-la kjoabinachon nita kjé-nè.

30 I'ndeí, kijn xità xi títsajna ítjòn, k'e nga koma iskan jña kítsajna tjingui. Kò xi títsajna tjingui i'ndeí k'e nga koma iskan jña kítsajna ítjòn.

20

Chì'nda xi kisixáko tsojmì tje

1 'Koni s'in otíxoma jè xi ngajmì nchrobá-ne, k'oaá s'in गया-la koni tsà jngò xità xi tjin-la nangui. Kii nga tajñòya nga kii kátsji chí'nda xi sîxáko ñánda tjin-la toò uva.

2 K'e nga jye tsibíndaajijn-kò nga koiichjí-la koni tjin síkijne xità chí'nda nga jngò nachrjein, ikjoàn kisikasén ñánda kisixá.

³ Ìjngòò k'a kii jè nei-là xá koni xi ñijaàn-la nga tajñòya. Kijtsee ìsà chì'nda xi tìyijòjìn ndìtsin xi tsjìn-là xá.

⁴ Kitsò-là: “Tanguió tìxáko-ná. ‘An kichjí-nò koni tjin machjí-nò.” Kii chì'nda koi nga kisixá.

⁵ Jè nei-là xá, kii ìjngòò k'a k'e nga ijchò nchisen. Tìkoáá kii ìjngòò k'a k'e nga ijchò xi jàn nga kjòhoxòn.

⁶ Jye-la ijchò tsá xi 'òn nga kjòhoxòn, itjo ìjngòò k'a jè nei-là xá; koá kisakò ìsà-là chì'nda xi tà jyò tìtsajna. Kitsò-là: “¿Mé-ne tà jyò tìtsajna-nò kó nga kò'ba-nò nàchrjein nga mì ñixá-nò?”

⁷ Jñà chì'nda koi kitsò: “Koií-né nga mì yá tsjá xá-najen.” K'eé kitsò-là: “Tanguió ndaà tsà jñò; tanguí tìxá ján jìjìn tsojmì tje-na.”

⁸ K'e nga jye kòjñò, jè nei-là xá kitsò-là jè xita xi síkinda chì'nda-là: “Tínókjoa-là ngats'ì chì'nda. Tichjí-la. Tít's'iaqò-ne jñà xi iskan kòfahas'en xá-là; koá jñà xi ítjòn kòfahas'en, tìkجهet'aà-ne.”

⁹ K'eé kiichja-là jñà chì'nda xi jahas'en xi 'òn nga kjòhoxòn; k'oaá tjin tsibíchjí-là koni tjin chjí-là nga jngòò nàchrjein nga jngòò ìjngòò.

¹⁰ K'e nga kjòchjí-là jñà chì'nda xi jahas'en tajñòya, k'oaá komà-là tsà ìsáá tse kochjí-là. Tanga tà ngásòn tjin kjòchjí-là koni tjin machjí-là nga jngòò nàchrjein nga jngòò ìjngòò.

¹¹ K'e nga jye kjòchjí-là chì'nda koi ìkjoàn tsibíts'ia nga tsatít'aà jè nei-là xá.

¹² Kitsò-là: “Jñà chì'nda xi iskan kòbijchò, tà jngòò hora kàsíxá, koá ngajen kànixá-nájen nga kò'ba nàchrjein koá kànìkjeín-lajen ndobá nga kò'ba nàchrjein. Tà ngásòn tjin tìbíchjí-nájen.”

¹³ Tanga jè nei-là xá kitsò jngòò-là jñà chì'nda: “Ji amigo mìtsà mé xi ch'ò tìsikò-lè; k'oaá tjin tìbíchjí-lè koni tjin chjí-là nga jngòò nàchrjein nga k'oaá s'ín káchibá.

¹⁴ Chjóí chjí-lè koá t'in-ne. K'oaá s'ín mejèn-na nga k'oa tì tjin tsjaà-là jè xi iskan kàsíxá koni tjin tìtsjaà-lè.

¹⁵ Nga kò tòn-na, ¿a mì tji'nde-na nga k'oa s'ín s'iaàn koni s'ín mejèn-na? ¿A maxítakòn-né nga 'an ndaà xita?”

¹⁶ Jesús kitsò ìsà:

—K'oaá s'ín koma jñà xita xi tìtsajna tjingui nàchrjein j'ndeí, nga koma iskan, jñà kìtsajna ítjòn; koá jñà xi tìtsajna ítjòn j'ndeí nga koma iskan jñà kjoehet'aà-ne. [Kjìn ma-ne xi xó chja-là Nainá tanga chiba ma-ne xi tjájin.]

*K'oaá s'ín tsibénjímí Jesús kjoabiyà-là xi ma-ne jàn k'a
(Marcos 10:32-34; Lucas 18:31-34)*

¹⁷ Jesús k'e nga nchifi ján naxandá Jerusalén, kiichjat'aàxìn-là jñà xita xi kota'yàt'aà-là xi tejó ma-ne, kitsò-là:

¹⁸ —J'ndeí nga tìtsahonguía naxandá Jerusalén, 'an xi Kì'ndí-là Xita xan-la yijo-na yaá tsojà'ñó-na xita skò-là nò'mù kò xita xi okóya kjotíxoma-là Nainá xi kiskii Moisés nga koií'nè-na kjoabiyà,

¹⁹ ìkjoàn sijnatsja-na jñà xi mìtsà xita judío nga sùsobà-na, kojà-na, kòt'aà-na krò. Tanga xi koma jàn nàchrjein kjoaáya-na.

*Kjondaà xi kisijé neq-là Jacobo kò Juan
(Marcos 10:35-45)*

²⁰ Neq-là Jacobo kò Juan ìxti-là Zebedeo ijchòkon ñánda tjna Jesús. Tjiko ìxti-là. Tsasixkò'nchit'aà-là Jesús nga kisijé jngòò-là kjondaà.

²¹ Jesús kiskònangui-là, kitsò-là:

—¿Mé xi mejèn-lè?

Jè chjoón kitsò:

—Ya ñánda koṭixomai, tjiì okixi nga ya kàtiyijòt'aà-lè ixti-na. Jngoò kàtijnakixi-lè koṭ jngoò kàtijnat'aà-lè xi ngaskón-lè.

²² Jesús kitsò-là:

—Mikii 'yaà mé xi nijé. ¿A kichikjoaá-nò nga kotojñoò jè kjo'in xi 'an kotojñaà?

Xità koi kitsò:

—Kichikjoaá-najen.

²³ K'ée kitsò-là Jesús:

—Okixi-né, k'oaá tìs'in kotojñoò kjo'in koni 'an, tanga xi 'an tsjaà-nò nga ya kitsajnat'aà-ná ya kixi-na ko ngaskón-na mìtsà 'an oko-na nga tsjaà-nò. Jñà j'nde koi, jñà tjoé-là xità xi Nainá tìtsajnaandaà-là nga tsjá-là.

²⁴ K'e nga kii'nchré jñà xità-là Jesús xi i'nga xi te ma-ne, kójtì-là it'aà ts'e xità xi jò ma-ne.

²⁵ Jesús kiichja-là, kitsò:

—Jyeé tijìln-nò nga jñà xità sko-là naxandá, nangui síkìtsajna xità-là xi jñà otixoma-là. Tikoaa jñà xità xi 'nga xá tjín-là, jñà xi beè nga otixoma-là xità.

²⁶ Tanga jñò mikii k'oa's'in s'een. Tsà jngoò xità xinguiṭo mejèn-là 'nga kájna, jè xi kàtasíxá-là xità xi i'nga.

²⁷ Ko jè xi mejèn-là kájna ítjòn, chí'nda-nò kàtama.

²⁸ 'An xi Ki'ndí-là Xità xan-là yijo-na, mìtsà koi xá j'i-na nga 'an kos'in-na, tà saá 'an siixá-là xità xi i'nga ko tsjaà yijo-na nga kiyá mé-ne nga kjin xità kítjokàjìn-ne kjo'in xi kjoa ts'e jé-là.

*Kó kisikò Jesús nga kisindaà-ne xità xi jò ma-ne xi mikii tsejèn-là
(Marcos 10:46-52; Lucas 18:35-43)*

²⁹ K'e nga jye nchifi-ne ya naxandá Jericó, kjin xità kiitjingui-là Jesús.

³⁰ Ya indii ndiyá koni s'in tifi Jesús, jò xità xi mikii tsejèn-là tìtsajna. K'e nga kii'nchré nga jè Jesús tífaya ndiyá, ñó kiichja-là kitsò-là:

—¡Na'èn, nga ya nchrobàt'aà-ne tje-là xítaxá ítjòn David [nga jì tijna ngajo-là] jchahimatakòn-nájen!

³¹ Jñà xità xi tjiko Jesús tsohótiko-ne nga jyò kàtìtsajna, tanga jñà xità xi mikii tsejèn-là, isaá ñó kiichja, kitsò:

—¡Na'èn, xi tje-là David, jchahimatakòn-nájen!

³² K'ée tsasijna Jesús koṭ kiichja-là, kiskònangui-là, kitsò-là:

—¿Mé xi mejèn-nò nga sùiko-nò?

³³ Jñà xità koi, kitsò:

—Na'èn, mejèn-najen nga kàtatsejèn-najen.

³⁴ Jesús kjòhimatee jñà xità koi. Tsohót'aà-là tsja xkon koṭ nitoón kjòtsejèn-là. Ikjoàn kiitjingui-là Jesús.

21

*Kó kitsò xità naxandá k'e nga jahas'en-jün Jesús ján Jerusalén
(Marcos 11:1-11; Lucas 19:28-40; Juan 12:12-19)*

¹ K'e nga jye kjomee bijchó chrañà-là naxandá Jerusalén ijchò jngoò naxandá xi 'mì Betfagé ya chrañàt'aà-là nindoò Yá Olivo. Jesús kisikasén jò xità xi kota'yat'aà-là.

² Kitsò-là:

—Tanguio ján ndí naxandá itsé xi kijnat'aà ján koa ya sakó jngoò-nò orra xi tjit'aà'ño kò ndí búrró ki'ndí-là. Chjnda'ño koa nchrohóko-ná.

³ Tsá yá xi kó kítso-nò, kot'in-là: “Jè xó Na'èn-ná kochjeén-là koa nitoón xó sijkasén-ne.”

⁴ K'oá s'in komá mé-ne nga tsitasòn-ne koni s'in kiskii xita xi kiichja ngajo-là Nainá, nga tsò:

⁵ Kot'in-là naxandá Sión:

“Chítsejèn-là Xita Ítjòn-lè;
nga jii nchrobá katsejèn-lè;
jimaá kji;

tinasòn jngoò-là búrró,
jngoò ndí búrró itsé xi ki'ndí-là cho ch'á.”

⁶ Kii jña xita xi kota'yat'aà-là Jesús, k'oás'in kisikitasòn koni s'in kisatiixá-là.

⁷ K'e nga ijchòko ñánda tíjna Jesús jè orra kò ki'ndí-là, jña kisikjeén nikje-là nga tsohójtsa-là; ikjoàn tsibijnasòn-là Jesús.

⁸ Koa jña xita xi kijin ma-ne tsohójngoò nikje-là ya iya ndiyá. Tjín i'nga xi chrja-là yá tsate, ikjoàn tsohójngoò iya ndiyá.

⁹ Jña xita xi tjima ítjòn-là kò xi tjingui-là tsibíts'ia nga 'ño kiichja, kitsò:

—jeya kátijna jè xi ya nchrobát'aà-ne tje-là xitaxá ítjòn David [nga jè kína ngajo-là]! ¡Mé ta ndaà-là jè xi nchrobá ngajo-là Na'èn-ná! jeya choòn ján ngajmii!

¹⁰ K'e nga jahas'en Jesús ya naxandá Jerusalén ngats'ii xita naxandá tà kjòxkón-là, koa kiskònangui-là xikjín. Kitsò:

—¿Yá xita-ne jè?

¹¹ Jña xita xi kijin ma-ne kitsò:

—jè xita xi chja ngajo-là Nainá xi Jesús 'mì xi Nazaret ts'e, ya nangui Galilea.

K'e nga tsachrje ingo ítjòn jña xita xi otijna tsojmi

(Marcos 11:15-19; Lucas 19:45-48; Juan 2:13-22)

¹² Jesús jahas'en ya nditsin ingo ítjòn-là Nainá, tsachrje yije ngats'ii xita xi ya nchihotijna kò nchihotse tsojmi ya nditsin ingo. Kisihitíkjá ímíxa-là jña xita xi síkjatijya ton kò tikoáá kisikatsjoò íxile-là jña xi otijna nise paloma.

¹³ Kitsò-là:

—jè Xojon-là Nainá tsò-né: “Ni'ya-na, ni'ya-là ochikoón k'óin.” Tanga jño, nguijo-là xita chijé titsa'nè.

¹⁴ Nga ya ingo ítjòn tíjna Jesús, ijchò kinchat'aà-là xita xi mikii tsejèn-là kò xi tsá'yá kjoàn; jè Jesús kisindaà-ne xita koi.

¹⁵ Jña xita sko-là no'mii kò xita xi okóya kjotixoma-là Nainá xi kiskii Moisés kòkjan-là k'e nga kijtsee kjòxkón xi kis'iin Jesús kò nga kii'nchré 'én-là jña ndí ixti xi chjaya iya ingo ítjòn, nga tsò: “jeya kátijna jè xi ya nchrobát'aà-ne tje-là xitaxá ítjòn David [nga jè kína ngajo-là]!”

¹⁶ K'éé kiichja xita koi, kitsò-là Jesús:

—¿A na'yà-né? ¿A ndaà tsò 'én xi chja jña ixti koi?

Jesús kitsò:

—Jon, 'nchré-ná. ¿A kj'eè bixkejñoò Xojon-là Nainá nga tsò?:

Jña ndí ixti xi jtoab kjoàn kò ki'ndí xi sa oki,
jña-né xi títsajnaandaà nga jeya sijkijna Nainá.

¹⁷ Jesús yaá kisikítsajna jña xita koi, itjojiiin-ne ya naxandá ítjòn Jerusalén. Kii ján naxandá Betania. Yaá kisikjaya nga nítjen.

K'e nga jè Jesús kisixi yá-lá toò iko
(*Marcos 11:12-14, 20-26*)

¹⁸ K'e nga tajñoya nga tifi-ne Jerusalén, Jesús, kjòhojò-lá.

¹⁹ Kijtsee jngoò yá-lá toò iko xi ya chraña indii ndiyá síjna. Kii katsejèn-lá tanga nimé toò yijá-lá. Tà xkaá tjin-lá. K'ée kitsò-lá Jesús:

—Nì tì jngoò nachrjein koja-lè toò.

Koá jè yá toò iko nìtòón kixi.

²⁰ K'e nga kijtsee jña xita xi kota'yat'aà-lá Jesús, tà kjòxkón-lá. K'ée kiskòngui-lá mé-ne nga tà nìton kixi-ne jè yá-lá toò iko.

²¹ Jesús kitsò-lá:

—Xi okixi, tsà ndaà mokjeiín-nò it'aà ts'an, tsà mì jò tjin-lá inima-nò, komaá-nò nga k'oas'ín s'een koni s'ín kàsikoaa jè yá iko; tikoaa komaá-nò k'oín-lá jè nindoò: “Tisixin; ján tikatjen-jiin yijo-lè ndáchikon.” Ko k'oaa s'ín koma.

²² Jñò, tsà ndaà mokjeiín-nò nita mé xi sjjé k'e nga kitsi'ba, k'oaa s'ín tjoé-nò.

Kjotixoma xi tjin-lá jè Jesús
(*Marcos 11:27-33; Lucas 20:1-8*)

²³ K'e nga jye komà kjoa koi, Jesús jahas'en ya ndjisin ingo itjon ko k'e nga tihokóya-lá xita ijchòkon jña xita sko-lá no'miù ko xita jchinga-lá jña xita judio. Kiskòngui-lá:

—¿Mé kjotixoma xi tsjá'nde-lè koni s'ín 'nì? ¿Yá xi kitsjaà-lè kjotixoma koi?

²⁴ Jesús kitsò-lá:

—Tikoaa 'an skòngui jngoò-nò kjoa. Jñò, tsà kòk'oín-ná, tikoaa 'an k'oaa xán-nò yá xi kitsjaà-na kjotixoma koni s'ín s'iaàn.

²⁵ Jè Juan, k'e nga kis'iin bautizar xita, ¿yá xi kitsjaà-lá kjotixoma? ¿A Nainá-né xi tjna ngajmiù, o xi tà xita-né?

Jña xita koi k'ée tsajooya-ne. Kitsò-lá xíjín:

—Tsà kixoán: “Nainá kitsjaà-lá kjotixoma”, kitsò-ná: “¿Mé-ne mìki kòkjeiín-nò it'aà ts'e?”

²⁶ Koá tsà kixoán: “It'aà ts'e xita-né”, tsakjoòn-ná tsà koi nachrjein-lá jña xita naxandá skaàn-kò-ná, nga ngats'iù, ngui k'oaa tsò nga jè Juan, jngoò xita xi kiichja ngajo-lá Nainá.

²⁷ K'ée kiichja, kitsò-lá Jesús:

—Mì kì 'ya-jen.

Koá jè Jesús kitsò-lá:

—Tikoaa 'an mìki k'oá xán-nò yá xi kitsjaà-na kjotixoma koni s'ín s'iaàn.

Kjoa xi mangàsòn ts'e ixti xi jò ma-ne

²⁸ Jesús kiskòngui-lá, kitsò-lá:

—¿Jñò, kó bixón? Jngoò xita xi jò ma ixti x'in-lá kitsò jngoò k'a-lá jngoò ti-lá: “Nà'èn, t'in, tixá-lá jè toò uva-na.”

²⁹ Ti jè kitsò: “Majin-na.” Tanga koma iskan, kisikitsjeèn; k'ée kii síxá.

³⁰ Nà'èn-lá k'ée kii nga kiikon ti xi lingoò. K'oaa ti kitsò-lá. Tanga ti jè, kitsò: “Ndaà tjin nà'èn, komaá kjián.” Tanga mìki kii.

³¹ ¿Ñá-laá nga ingajò ixti xi kisikitasòn-lá nà'èn-lá?

Jña xita kitsò:

—Jè xi ítjòn.

K'ée kitsò-lá Jesús:

—Okixíí xi xan-nò, jñà x̄it̄a xi s̄ikíchj̄it̄j̄ tsojm̄i ts'e Roma k̄o jñà íchj̄ín ská, isáá n̄it̄on k̄joahas'en ñánda nga Nainá tíhotíxoma mì k'oaa-ne koni jñò.

³² Nga jè Juan xi kis'iin bautizar x̄it̄a k'oii xá j'i-ne nga tsakóya-la x̄it̄a kós'in s̄ijchá yijo-la, tanga jñò mikii kòkjeiín-nò. Koa jñà xi s̄ikíchj̄it̄j̄ tsojm̄i k̄o jñà íchj̄ín ská kòkjeiín-la. Tanga jñò ndaa nas'in ki'yaá yije kjoa koi, mikii kinikájno jé-nò k̄o mikii kòkjeiín-nò.

Jñà ch̄i'nda ts'en

(Marcos 12:1-12; Lucas 20:9-19)

³³ T̄iná'yaá j̄ngoo-là kjoa xi mangásòn. Jngoo x̄it̄a xi t̄jín-la nangui, tsibítje toò uva k̄o tsibíndii-la ínchíba, ikjoàn tsibíndaà jngoo i'nde ñánda tsí'ñóngui nandá-la toò uva. T̄ikoa tsibíndaà jngoo torre ñánda bitsajna x̄it̄a nga sikinda yije kóh̄t̄jín. Ikjoàn kisikiña-la nangui-la x̄it̄a xi k'ejí nga kisixásòn. Ikjoàn kii nei-la nangui ñánda i'nde kj̄iín.

³⁴ K'e nga ijchò nachrjein-la nga jye kòjchá toò uva, jè nei-la nangui kisikasén x̄it̄a ch̄i'nda-la nga kisijé-la xi jè oko-la ts'e toò uva xi kòjchá.

³⁵ Tanga jñà x̄it̄a xi kisixásòn nangui kitsobà'ñó x̄it̄a-la jè nei-la nangui. Jngoo xi tsí'beé-la k̄o jngoo xi kisik'en koa jè xi j̄ngoo ndajo tsibíné.

³⁶ K'e komá iskan jè nei-la nangui isáá kj̄in x̄it̄a-la kisikasén tanga jñà x̄it̄a xi síxásòn nangui ta ngásòn kisikò ngats'i ch̄i'nda xi j'i.

³⁷ K'e nga jyehet'aà-ne kisikasén ki'ndí-la. Kisikítsjeèn kitsò: “Skoexkón-la ki'ndí-na.”

³⁸ Jñà x̄it̄a xi síxásòn nangui k'e nga kijtsee jè ki'ndí-la nei-la nangui tsajoóya-ne, kitsò-la x̄ikj̄ín: “Jè jèe xi tjoé k̄jotjò-la i'nde, s̄ik'eén k̄o tsaján koma i'nde.”

³⁹ Kitsobà'ñó, tsachrjeiín ya nangui ñánda títje toò uva. Ikjoàn kisik'en.

⁴⁰ Jñò, ¿kó bixón? K'e nga kjoii nei-la nangui, ¿mé xi s̄iik̄o jñà x̄it̄a xi kisixásòn nangui-la?

⁴¹ Jñà x̄it̄a xi nch̄i'nchré kitsò:

—Jngoo k'aá s̄iik'en jñà x̄it̄a ts'en; mikii koh̄imateè. K̄o jè nangui-la, k'ejí x̄it̄a s̄iik̄iña-la xi k̄oichj̄í kó k̄i oko-la k'e nga kojchá toò uva.

⁴² Jesús kitsò-la:

—¿A k̄j'eè b̄ixkej̄ñoo Xojon-la Nainá nga tsò?:

Jè ndajo xi tsachrjekàngui ch̄j̄inechrj̄o nga s̄a ítjòn,

jè-né xi komà ndajo tàts'en chrj̄o-la ni'ya.

K'oaá s'in kis'iin Nainá.

Jñá, tà maxkón-ná k'e nga 'yaá kjoa koi.

⁴³ K'oii koxan-nò jñò, t̄j̄x̄in-nò kjoa machikon-t'in nga jè Nainá tíhotíxoma-nò. Jñá tjoé-la x̄it̄a xi k'oas'in síxá koni s'in ok'in-la xá-la Nainá.

⁴⁴ Xi it'aà ts'e ndajo, n̄it̄a yá-ne xi k̄ixosòn ndajo jè, k̄oxkoaya-né; k̄o tsà jè ndajo skanè x̄it̄a, k̄ochijo-né.

⁴⁵ Jñà x̄it̄a sk̄o-la n̄o'mii k̄o x̄it̄a fariseo, k'e nga kii'nchré koni s'in kiichja Jesús nga tsibénojmi 'én xi mangásòn, k'ee kj̄ochiya-la nga it'aà ts'e-né koni s'in kiichja Jesús.

⁴⁶ T̄ik'eé-ne mejèn kitsobà'ñó Jesús tanga jñà kitsakjòn-la x̄it̄a naxandá, koi-né nga k'oaá s'in mokjeiín-la jñà x̄it̄a nga jè Jesús, jngoo x̄it̄a xi chja ngajo-la Nainá.

22

S'eí xi bitjo k'e nga bixan x̄ita
(Lucas 14:15-24)

¹ Jesús tsibits'ia ñjngòò k'a nga tsakóya-là x̄ita kjoa xi mangásòn. Kitsò:

² —Koni s'ín otixoma jè xi ngajmì nchrobá-ne, k'oagá s'ín mangásòn koni jngòò x̄itaxá ítjòn xi tsibijna jngòò s'eí k'e nga chixàn ti-là.

³ Kisikasén ch̄i'nda-là mé-ne nga kii kichja-là ngats'ii x̄ita xi xó kinokjoá-là nga ti-là tibixan. Tanga j̄nà x̄ita koi, mikii kòkjein-là nga kii s'eí.

⁴ ñjngòò k'a kisikasén ch̄i'nda-là xi k'ejí. Kitsò-là: “Kot'in-là j̄nà x̄ita xi jye kii'nchré: Tsojmì xi skine, jyeé tjíndaà; jyeé kisik'en nchraja-na, cho xi 'ñó xiné. Jyeé tjíndaà yije kóhotjín. Kàtjanchrobá s'eí.”

⁵ Tanga j̄nà x̄ita koi mikii kisis'in. Tjín xi rancho-là kii-katsejèn-là; tjín xi kjohima-là kii.

⁶ Koá j̄nà x̄ita xi i'nga, kitsobà'ñó ch̄i'nda-là jè x̄itaxá ítjòn. Kiskaàn-ko koá kisik'en.

⁷ Jè x̄itaxá ítjòn, 'ñó kòjti-là. K'eé kisikasén x̄ita soldado nga kisik'en yije kóhotjín j̄nà x̄ita koi nga ma-là sík'en-ná, koá tsaká naxandá-là.

⁸ Jè x̄itaxá ítjòn, ñjngòò k'a kitsò-là ch̄i'nda-là: “Kixií kjoa, jyeé tjíndaà yije xi kjoa ts'e s'eí, tanga j̄nà x̄ita xi jye kii'nchré, mikii mochjeén-là nga i kjoíi.

⁹ Tanguió ñjngòò k'a ya ndiyá jngòò osen-là naxandá, t̄inókjoa-là x̄ita n̄ita yá-ne xi skajñoò nga s'eí tjín kjoa ts'e x̄ita xi bixan.”

¹⁰ J̄nà ch̄i'nda-là x̄itaxá ítjòn kii kixkóya x̄ita ñchò calle n̄ita yá xi kjòtsja-là nga kii s'eí, x̄ita xi ndaà kò xi mikii ndaà; k'oagá s'ín kitsee ni'ya.

¹¹ Jè x̄itaxá ítjòn, k'e nga jahas'en ni'ya, kiskòotsejèn-là j̄nà x̄ita xi ijchò. K'eé kijtsee jngòò x̄ita xi ya t̄ijnajin nga mikii íkjá nikje-là xi ts'e kjoa bixan.

¹² Kitsò-là: “Ji, amigo, ¿kó s'ín komà nga kòbitjaas'jin ñjndé nga mikii kichíkjeí nikje xi ts'e s'eí?” Tanga x̄ita jè, tà jyó tsibijna.

¹³ Jè x̄itaxá ítjòn kitsò-là j̄nà x̄ita xi nchisis'in-là ímixa: “Tit'aà'ñó ndsoko ko tsja. Ikjoàn t̄ikatjeen ján j̄jin j̄nò ya ñánda nga sk̄indàya kò s̄ijts'in n̄i'ñó.”

¹⁴ Kitsò-isa Jesús:

—K'oagá s'ín koma nga kjin ma-ne x̄ita xi nokjoà-là tanga tà chibaá ma-ne xi t̄jajin.

Kjoa nga machjt̄jì tsojmi
(Marcos 12:13-17; Lucas 20:20-26)

¹⁵ J̄nà x̄ita fariseo k'eé kii tsajoóya-ne nga mejèn-là kòhòngui Jesús mé 'én xi kichja.

¹⁶ Koií kjoa-là nga kisikasén-là Jesús x̄ita-là kò x̄ita-là Herodes; kiskònangui-là, kitsò-là:

—Maestro, 'ya-nájen nga 'én kixií xi nokjoi koá k'oagá s'ín okoóyi ndiyá-là Nainá koni s'ín tjín xi kjoa kixi. Mikii 'nì kindá koni tsò-lè x̄ita; kò mìtsà jè chitsejèn-jnoi kó kjoàn x̄ita.

¹⁷ Koat̄in-nájen. ¿A ndaà tjín nga kichjt̄jì-jen tsojmì it'aà ts'e x̄itaxá ítjòn ts'e Roma, a xi majin-né?

¹⁸ Jesús kjòchya-là nga ch'o nchisík̄tsjeèn. K'eé kitsò-là:

—J̄nò, x̄ita xi jò isén tjín-nò, mé-ne chonachan-ná.

¹⁹ Takó-ná jè tòn xi machjt̄jì-ne tsojmì.

K'eé j'ii kò jngòò-là tòn denario.

²⁰ K'e nga kijtsee Jesús, kiskònangui-là, kitsò-là:

—ζΥά ts'e isén jè kò jè 'ín xi tjít'aà?

²¹ Kitsò xitá koi:

—Ts'eé César, xitaxá ítjòn ts'e Roma.

K'eé kitsò-là Jesús:

—Tjiì-lá César xi ts'e César koá tjii-lá Nainá xi ts'e Nainá.

²² K'e nga kii'nchré 'én koi jñà xitá fariseo kò xitá-là Herodes, tà kjòxkón-là. Kitsjiin Jesús, ikjoàn kii-ne.

Kó s'ín koma k'e nga kjoáya òjngò k'a-là xitá xi jye k'en
(Marcos 12:18-27; Lucas 20:27-40)

²³ Tíkoi-ne nachrjein ijchòkon Jesús jñà xitá saduceo nga mìkii mokjeiin-là nga faáya-là jñà xitá xi jye k'en. Xitá koi kiskònangui-là Jesús,

²⁴ kitsò-là:

—Maestro, Moisés kitsò-né: “Tsà jngò xitá x'in kiyá xi mìkii kis'e-là òjxti kò chjoón-là, jè 'ndse mik'en kixan-kò òjngò k'a chjoón-là 'ndse nga s'e-là òjxti xi tje ts'e 'ndse.”

²⁵ Kis'e xó jngò k'a xitá ijndé xi itòò komà 'ndse. Jè xi síjna ítjòn chixàn, tanga k'e nga k'en, mìkii kis'e-là òjxti koá jè 'ndse xi ma jò-ne tsibijnako jè chjoón ka'àn.

²⁶ K'oaá tì komàt'in jè 'ndse xi ma jò-ne kò xi ma jàn-ne skanda komà itòò. Nijngò xi kis'e-là òjxti.

²⁷ Xi jyehet'aà-ne, k'en jè chjoón.

²⁸ K'e nga tsà kjoáya òjngò k'a-là mik'en, ζñá-laá nga itòò 'ndse xi koma chjoón-là? Nga jñà chixàn-kò nga itòò.

²⁹ K'eé kitsò-là Jesús:

—Jñò, maskáya-nò koi-né nga mìkii 'yaà kó s'ín tíchja Xojon-là Nainá kò nga ñó xi tjín-là Nainá.

³⁰ K'e nga kjoáya òjngò k'a-là mik'en, íchjín, íchjá, mì tì kii kixan-ne. K'oaá s'ín s'e koni jñà àkjale xi títsajna ngajmii xi ts'e Nainá.

³¹ Jè kjoá nga faáya òjngò k'a-là mik'en, ζa k'j'eé bixkejñoò Xojon-là Nainá nga jè sobà Nainá xi kitsò:

³² “An-ná xi Nainá tsò-na Abraham, Isaac kò Jacob”? jñà xi jye k'en, mìtsà Nainá tsò-là xi Nainá; tà jñà xi títsajnakon xi Nainá tsò-là! [Nga ít'aà ts'e Nainá, títsajnakon xitá koi.]

³³ Jñà xitá naxandá, k'e nga kii'nchré 'én koi, tà kjòxkón-là koni s'ín tsakóya Jesús.

Jè kjotíxoma-là Nainá xi tjina ítjòn
(Marcos 12:28-34)

³⁴ Jñà xitá fariseo k'e nga kii'nchré nga Jesús kisikítsajnajyò jñà xitá saduceo, tsibíxkóya xikjín.

³⁵ Jngò xi xitá ts'e, xi chjine xojon-là kjotíxoma-là Nainá xi kiskii Moisés, mejèn-là skót'aà Jesús nga skónachan-là. Kiskònangui-là, kitsò-là:

³⁶ —Maestro, ζñá-laá kjotíxoma xi isà tjina ítjòn nga yije kjotíxoma ts'e Moisés?

³⁷ Jesús kitsò-là:

—“Tjtsjachi Nà'èn-ná xi Nainá 'mì-là, nga kò inìma-lè kò kjòhítsjeèn-lè kò nga tjínakoin.”

³⁸ Jè kjotíxoma xi isà 'ñó tjín kò xi tjina ítjòn.

39 Jè xi ma-ne jò, k'oaá tì tsò-ne: “Tìtsjachi xìta xinguì xi i'nga koni tsà tì yijo tsiji-nè.”

40 Jñà tìtsajna ítòn jñà kjoṭixoma koi. Yaá bitjokàt'aà kóhòtjín kjoṭixoma xi i'nga xi ts'e Moisés kò xi ts'e xìta xi kùichja ngajo-la Nainá.

Nánda kitjen-la Cristo [xìta xi xó kisikasén-ne Nainá]

(Marcos 12:35-37; Lucas 20:41-44)

41 Tà kó yaá tìtsajna jñà xìta fariseo. Jesús kiskònangui-la, kitsò-la:

42 —¿Jñò, kó bixón it'aà ts'e Cristo [jè xìta xi xó sùikasén-ne Nainá]? ¿Nánda kitjen-la?

Jñà xìta fariseo kitsò:

—Yaá kjinchrobát'aà-ne tje-la xìtaxá ítòn David [nga jè kína ngajo-la].

43 K'eé kitsò Jesús:

—Tanga jè David k'e nga kùichja nga kò nga'ñó-la Inima Tsjeè-la Nainá, kitsò it'aà ts'e Cristo: “Jè otixoma-na.” K'oaá s'in kùichja David:

44 Jè Nainá kitsò-la jè xi otixoma-na:

“Tijnat'aà-ná i kixi-na

skanda k'e nga sikítsajnanguia ndsokoi

jñà xi kondra-lè nga 'an jye kisikijne-la.”

45 Jè David, tsà kòs'in kitsò-la Cristo [jè xìta xi xó síkasén-ne Nainá], ¿kó s'in tjin-ne nga ya nchrobát'aà-ne tje-la xìtaxá ítòn David?

46 Nijngòò xi kòma-la nga kisikátji-ne 'én koi. Tjen-ne nàchrjein koi, mì tì yá xi kjò'ño-ne ikon nga kiskònangui isa-la 'én xi kj'eíí.

23

Kiis'in kùichja Jesús it'aà ts'e xìta fariseo kò xìta xi okóya kjoṭixoma-la Nainá

(Marcos 12:38-40; Lucas 11:37-54; 20:45-47)

1 Xi komà iskan kitsò-la Jesús jñà xìta xi kjin ma-ne kò xìta xi kota'yàt'aà-la:

2 —Jñà xìta xi okóya kjoṭixoma-la Nainá xi kiskii Moisés kò jñà xìta fariseo tjin-la xá nga okóya kjoṭixoma-la Nainá xi kiskii Moisés.

3 Tjiná'yaá yije-là koni s'in okóya-nò. Tanga mìkii k'oa 'nè koni s'in jñà xìta koi. Kj'eíí tsò kò kj'eíí s'in.

4 Jñà xìta koi binè-la xìta xi kj'eíí kjoṭixoma-la xi 'ño 'in tjin koni tsà ch'á i'í sík'a xi mìkii k'a-la; koa jñà xìta xi okóya kjoṭixoma, nì itsè síchjât'aà-la jñà xìta nga sùikitasòn kjoṭixoma-la.

5 Koni s'in s'in yije kjoa koi, tà jè-né nga mejèn-la nga isa ndaà skoṭ xìta. Jè Xojon-la Nainá xi ót'aà tjen-la kò chrja-la, isaá ù s'in; koa jè nikje xi ókjá, isaá ndojò kjoàn s'in lixto xi títjòn-la nikje-la, tà jè xi mejèn-la nga okó yijo-la nga tsò nga xìta tsjeè-la Nainá-né.

6 Mejèn-la nga jñà kítsat'aà ítòn ímixa k'e nga kjèn xìta nánda tjin s'eí kò ya ni'ya ingo sinagoga mejèn-la nga jñà kítsané íxile xi jncha ítòn.

7 Tikoá mejèn-la nga skoexkón xìta xi kj'eíí, ndaà sùixat'aà ya nditsin; kítsò-la: “Maestro, Maestro.”

8 “Tanga jñò, mìkii bìi'nde nga “Maestro” kítsò-nò xìta; ngats'ioò jñò, 'ndsè chibàkoo xinguioo; tà jngòò ma xi Maestro-nò, jè Cristo [xìta xi xó kisikasén-ne Nainá].

9 Nijngòò xi “Nà'èn” 'mì-là i it'aà nangui; tà jngòò ma xi Nà'èn-nò xi tjna ngajmii.

10 Koa nì yá xi xìta sko-la kítsò-nò; tajngòò Cristo xi sko-la tjna-nò.

11 Jè xi 'ño 'nga síkijna yijo-la it'aà tsajòn, jè-né xi sùixá-la xìta xi i'nga.

12 Jè xi 'nga síkíjna yijo-là, ìsáá nangui kíjna nga koma ìskan; kò jè xi nangui síkíjna yijo-là, ìsáá 'nga kíjna nga koma ìskan.

13 'Ìmá xó-nò j̄nò, x̄it̄a xi okoòya k̄jot̄ixoma-là Nainá xi kiskii Moisés, kò j̄nò xi x̄it̄a fariseo, x̄it̄a xi jò isén t̄jín-nò! Bichjoà-là ndiyá-là ngajmii j̄nà x̄it̄a xi mejèn-là fahas'en ya ñánda nga tíhot̄ixoma Nainá. J̄nò, mìkii bitjaàs'en-j̄nò kò mìkii biì'nde-là xi k'ejí x̄it̄a nga fahas'en-j̄nò.

14 'Ìmá xó-nò j̄nò, x̄it̄a xi okoòya k̄jot̄ixoma-là Nainá, kò j̄nò xi x̄it̄a fariseo, x̄it̄a xi jò isén t̄jín-nò! Chjaà'an-là ni'ya-là íchjín ka'àn xi jye k'en x'in-là; ikjoàn 'ñó ndojò onguíkoo ochikon-nò nga mejèn-nò nga bitsajna'ma nga mìjchà-nò mé kjoa xi 'nè. Koií kjoa-là ìsáá tse kjo'in s'e-nò.

15 'Ìmá xó-nò j̄nò, x̄it̄a xi okoòya k̄jot̄ixoma-là Nainá, kò j̄nò xi x̄it̄a fariseo, x̄it̄a xi jò isén t̄jín-nò! Bitjaàsòn yije isò'nde kò ndáchikon nga nokjoà-là ñas'in tà jngoò x̄it̄a nga ya fit'aà-nò. Kò k'e nga jye bitasòn-nò x̄it̄a jè, jò k'a okji ok'in-là koni j̄nò nga s'e-là kjo'in ya ñánda titi ni'in ts'e ì'nde kjo'in.

16 'Ìmá-xó-nò j̄nò, x̄it̄a xi mìkii tsejèn-nò nga mejèn-nò okoò-là ndiyá x̄it̄a xi k'ejí! Bixón-nó: "Tsà jngoò x̄it̄a xi tsjá 'én-là xi it'aà ts'e ìngo, mìtsà mé-ne. Tanga tsà jngoò x̄it̄a tsjá 'én-là xi it'aà ts'e tsojmì chíj xi oro ts'e ìngo, koií xi kjo'ño k̄itasòn 'én-là."

17 J̄nò xi x̄it̄a t̄ondò kò x̄it̄a xkan 'mì-nò! ¿Ñá-laá xi ìsà ndaa t̄jín? ¿A j̄nà tsojmì chíj xi oro a xi jè ìngo xi síchikon-t'in tsojmì chíj?

18 J̄nò k'oaá t̄i bixón: "Tsà jngoò x̄it̄a tsjá 'én-là nga k̄itso: Tíbeè ì'nde tsjeè ñánda binchasòn k̄jot̄jò xi tsjá-là Nainá, j̄nà x̄it̄a mìkii kjo'ño k̄itasòn 'én-là. Tanga tsà tsjá 'én-là xi it'aà ts'e tsojmì xi ya t̄itsajnasòn jè ì'nde tsjeè, jè xi okixi nga kjo'ño k̄itasòn."

19 J̄nò xi x̄it̄a t̄ondò kò x̄it̄a xkan 'mì-nò! ¿Ñá-laá xi ìsà ndaa t̄jín? ¿A j̄nà tsojmì xi t̄jín-sòn ya ì'nde tsjeè a xi jè ì'nde tsjeè xi síchikon-t'in tsojmì?

20 Jè xi tsjá 'én-là xi it'aà ts'e ì'nde tsjeè, t̄ikoaá tsjá 'én-là xi it'aà ts'e ngayije tsojmì xi ya t̄jín-sòn ya ì'nde tsjeè.

21 Jè xi tsjá 'én-là it'aà ts'e ìngo mìtsà tà jè it'aà ts'e ìngo tsjá, t̄ikoaá tsjá 'én-là xi it'aà ts'e Nainá xi ya t̄jina.

22 Jè xi tsjá 'én-là it'aà ts'e ngajmii, tsjá 'én-là xi it'aà ts'e íxile k̄jot̄ixoma-là Nainá; t̄ikoaá tsjá 'én-là xi it'aà ts'e Nainá xi ya t̄jinasòn íxile.

23 'Ìmá xó-nò j̄nò, x̄it̄a xi okoòya k̄jot̄ixoma-là Nainá, kò j̄nò xi x̄it̄a fariseo, x̄it̄a xi jò isén t̄jín-nò! Nga ma-nò 'biì-là Nainá xi teya oko-là ts'e xka menta kò xka anís kò xka comino; tanga mìkii níkitasòn jè k̄jot̄ixoma xi ìsà 'ñó mochjeén koni jè kjoa kixi, kjoahimatakòn kò jè kjoa nga kixi k̄atakjein-nò it'aà ts'e Nainá. Koií kjoa xi 'ñó mochjeén nga k̄itasòn; t̄ikoaá mochjeén-né nga k̄itasòn j̄nà kjoa xi i'nga.

24 J̄nò, x̄it̄a xi mìkii tsejèn-nò nga mejèn-nò okoò-là ndiyá x̄it̄a xi k'ejí, j̄nò, n̄ikjaànguiòò ñatse nga majìn-nò nga chíjeèn cho xi t̄jé, tanga mìkii 'yaá k'e nga chíjeèn cho ch'á xi 'mì camello!

25 'Ìmá xó-nò j̄nò, x̄it̄a xi okoòya k̄jot̄ixoma-là Nainá, kò j̄nò xi x̄it̄a fariseo, x̄it̄a xi jò isén t̄jín-nò! Onijnòò chítsín-nò kò chroba-nò ya isò'nga-là tanga ya iya-là kitsee tsojmì xi nichijé kò nga tse mejèn-nò.

26 J̄nò xi x̄it̄a fariseo 'mì-nò, xi mìkii tsejèn-nò. Ítjòn t̄aníya chítsín-nò kò chroba-nò ya iya-là, mé-ne nga kotsjeè-ne isò'nga-là.

27 'Ìmá xó-nò j̄nò, x̄it̄a xi okoòya k̄jot̄ixoma-là Nainá, kò j̄nò xi x̄it̄a fariseo, x̄it̄a xi jò isén t̄jín-nò! K'oaá titsjoò koni kjoàn chrjó-là mìk'en xi kitsiinga

isò'nga-là. Ndaà kjoàn, tanga ya iya-là kitsee nindaà-là mik'en kò ngats'ìi tsojmì xi ch'o kjoàn.

²⁸ Jñò, k'oaá s'ín 'nè nga nguixkòn xità, xità ndaà-nò; tanga jjiin inima-nò kitsèè kjoa xi jò isèn tjín-là kò kjoa nga ch'o 'nè.

²⁹ 'iima xó-nò jñò, xità xi okoòya kjotixoma-là Nainá, kò jñò xi xità fariseo, xità xi jò isèn tjín-nò! Bindaà chrjò-là mik'en ts'e xità xi kiichja ngajo-là Nainá kò nikiinga chrjò-là xi xità kixi komá.

³⁰ Ikjoàn bixón: "Tsà jñá-la-ná xi titsajnakooán jè nàchrjein-là xità jchínga-ná mì-la kii kinìchjât'aà-lá xità jchínga-ná nga kisik'en jñà xità xi kiichja ngajo-là Nainá."

³¹ K'oaá s'ín 'ya-là nga tijñò 'ya-nò yijo-nò nga ixti-là maá xità xi kisik'en xità xi kiichja ngajo-là Nainá.

³² Jñò, koni s'ín tsibíts'ia xità jchínga-nò, jngoò k'a tikitason yije kjoa.

³³ Jñò, k'oaá ngaya-là koni ye, nga ya tjen-nò it'aà ts'e ye. Mikii kojno-nò j'nde ts'e kjo'in.

³⁴ K'oií kjoa-là, 'an sikasén-nò xità xi kichja ngajo-là Nainá, xità xi tjín-là kjoachjine kò xi kokòya kjotixoma. Tanga jñò, tjín xi sik'eèn, tjín xi kjòt'aà krò koa tjín xi kixkàn-koo ya iya ni'ya ingo sinagoga; koa kongúitjinguí kondra-là xità koi nga xki xi ján naxandá.

³⁵ Jñò skané yije-nò kjo'in jè jní xi kixixteèn ts'e xità ndaà xi k'en, mats'iaqo-ne Abel, xità kixi xi k'en ítjòn, skanda jè Zacarías, ki'ndí-la Berequías, jè xi kisik'en xità tsajòn ya j'nde jngoò osen-là ñánda tjína Ni'ya Tsjeè-là Nainá kò ñánda binchásòn kjotjò xi tsjá-là Nainá jñà xità.

³⁶ Okixíí xi xan-nò, ngats'ìi kjoa koi, jñà skané-là kjo'in jñà xità xi tjín j'ndeí.

*Mé kjoa-ne nga kos'ín kiichjako-ne Jesús xità naxandá Jerusalén
(Lucas 13:34-35)*

³⁷ 'jñò xi xità naxandá Jerusalén tsajòn xi nik'eèn xità xi chja ngajo-là Nainá kò binè ndajo jñà xità xi Nainá sikasén-nò! jKjin k'a kjòmejèn-na nga tsibíxkóya xità naxandá-nò, koni s'ín xa'nda nga bingui jngaá-là jñà ixti-là; tanga jñò, mikii kòkjeiín-nò!

³⁸ Chítsejèn-là ni'ya-nò nga jye tsjiin-takòn Nainá.

³⁹ K'oaá xán-nò mats'ia-ne nàchrjein j'ndeí mì tí kii jchaxkoòn-ná skanda k'e nga jè nàchrjein nga kixón: "¡Mé ta ndaà-là jè xi nchrobá ngajo-là Nainá!"

24

*K'e nga kiichja Jesús it'aà ts'e ingo kó s'ín tjínè-là nga kixoña
(Marcos 13:1-2; Lucas 21:5-6)*

¹ Jesús k'e nga jye itjo-ne ingo ítjòn, jyeé tífi nga ijchò kinchat'aà chraña-là xità xi kota'yát'aà-là. Ikjoàn tsakò-là jè ingo ítjòn kò ni'ya xi tjín-là.

² Jesús kitsò-la:

—¿A titsachitsejèn-là ngats'ìi ni'ya koi? Okixíí xi xan-nò, nì tí jngoò ndajo siyijòsòn-là xíkjin. Kixoña yije-né kóhotjín.

*Seña xi s'e k'e nga nchrobá ma chraña nga kjoehet'aà isò'nde
(Marcos 13:3-23; Lucas 21:7-24; 17:22-24)*

³ Jesús, k'e nga tjína ya nindoó Yá Olivo, ijchò kinchat'aà-là jñà xità xi kota'yát'aà-là nga kiskònanguit'aaxìn-là kitsò-la:

—Koaùn-nájen, ¿mé nàchrjein-ne nga okoma kjoa koi? ¿Mé seña xi s'e k'e nga kjoíi jngoò k'a kò k'e nga kjoehet'aà isò'nde?

4 K'eé kitsò-la Jesús:

—Tìkindaa yijo-nò nga mì yá xìtá xi skónachan-nò.

5 Kjin xìtá kjoíí xi 'ín ts'an sùkjeén; kìtso: “An-ná xi Cristo, [nga 'áan kisikasén-na Nainá]”; koa kjin xìtá skónachan-la.

6 S'e kjoichán ñánda chrañàt'aà kò tìkoa kìná'ya-la kjoa ts'e kjoichán ñánda kjiin i'nde, tanga jñò, kì tsakjoòn-jèn. Xó k'oaa koma-ne. Tanga k'èè tsà isò'nde tifehet'aà.

7 Naxandá skaàn-kjoò xi k'ejíí naxandá. Koa xitaxá koìts'ia nga skaàn-kjoòko xitaxá xi k'ejíí naxandá. S'e kjinchrá, s'e ch'in, kò k'oà ch'ón nga xkì xi ján i'nde.

8 Ngats'ii kjoa koi, tà jè xi sà tímats'ia kò kjo'in.

9 Jñà xìtá skìnìt'aà-nò ts'e xitaxá nga tsjá-nò kjo'in; sùk'en-nò. Ngats'ii xìtá isò'nde kojitikeè-nò koíí kjoa-la nga 'an onguít'aà-ná.

10 Jè nachrjein koi, kjin koma xi mì kii tì kòkjeiin-la it'aà ts'an. Tijnà kòtjimè-ne xíkjin xìtá kò tsjénguikèè xíkjin.

11 Kjin xìtá s'e xi xìtá ndiso xi kìtso nga Nainá chja ngajo-la. Tìkoaá kjin xìtá skónachan-la.

12 Ndaà jchán s'e kjoats'en; skanda mì tì kii kòtsjakeè-ne xíkjin xìtá.

13 Tanga jè xi kixi kijnako kjoa xi mokjeiin-la skanda k'e nga kjoehet'aà-ne kjoa, jè xi kítjokàjiin kjo'in.

14 Koa jè 'én ndaa-la Nainá koni s'ín otíxoma Nainá, kòbìsòn yije-né nga tìttsa isò'nde mé-ne nga kji'nchré-ne ngats'ii xìtá naxandá; ikjoàn k'eé kjoehet'aà isò'nde.

15 K'e nga jchaa nga 'ñó ch'o tíma ya I'nde Tsjeè-la Nainá, koíí kjoa tìbitasòn koni s'ín kiskii Daniel, xìtá xi kiichja ngajo-la Nainá. (Kátasijiin-la jñà xìtá xi bíkè xojon jé.)

16 Jñò, k'e nga jchaa kjoa koi, jñà xìtá xi tìtsajna Judea, kàtanga, kàtjì ñánda nindoò choòn.

17 Jè xi tijnasò'nga ni'ya-la, kì tì kii fahas'en-ne ni'ya nga skoé tsojmì-la.

18 Jè xi tísixájiin nangui-la, kì tì kii nchrobá-ne nga nchrohókjá nikje-la.

19 jima xó-ne jñà íchjín xi k'ndí 'ya kò xi ixti xó nchisíkaki jñà nachrjein koi!

20 Tìjèt'aà-la Nainá mé-ne nga mì k'eé kiyó-nò k'e nga nachrjein-la cho 'nchán kò k'e nga nachrjein níkjáya.

21 Jñà nachrjein koi, tseé kjo'in s'e; k'èè kii k'oà ma skanda tjen-ne nga kisindaa isò'nde. Koa mì tì kii okoma-ne nga koma iskan.

22 Tsà mì k'oaa kìtso Nainá nga isa chiba nachrjein s'e kjo'in njingoò xìtá kítjokàjiin kjo'in. Tanga koíí kjoa-la jñà xìtá xi xó jaàjiin-ne Nainá, isa chiba nachrjein s'e kjo'in.

23 K'e nga tsà yá xìtá xi kìtso-nò: “iChítsejèn-là jí tìjna Cristo [xìtá xi xó kisikasén-ne Nainá]!”, o tsà kìtso-nò: “jJan tìjna ján!”, kì kii mokjeiin-nò.

24 Kjoíí xìtá ndiso xi Cristo kìtso-la yijo-la, tìkoaá kjoíí xìtá xi koa tì kìtso nga jñà xi chja ngajo-la Nainá. K'oaa tìs'ín kòkò seña kò kjoixkón xi ndaa tjin nga skónachan. Skanda jñà xìtá xi jye jaàjiin Nainá mejèn skónachan-la tsà kòkjeiin-la.

25 Kangui nachrjeiin tibenojmíya yije-nò kjoa xi koma iskan.

26 Tsà yá xìtá xi kìtso-nò: “iChítsejèn-là yaá tìjna Cristo ya i'nde it'aà xìn ñánda nangui kixi choòn!”, kì kii onguíó; kò tsà kìtso-nò: “iYaá tìjnaya inga ni'ya!”, tìkoaá kì kii mokjeiin-nò.

²⁷ Koni ma ni'in ch'on k'e nga ote ñánda bitjokàtji-ne ts'oi skanda ñánda okaàtji-ne, k'oaá s'in koma k'e nga kjoiaa ìjngoó k'a xi Ki'ndí-la Xità xan-la yijo-na.

²⁸ Ya ñánda kijna mik'en, yaá kítsajnajtín jñà líké.

*Mé xi koma k'e nga kjoii ìjngoó k'a Ki'ndí-la Xità
(Marcos 13:24-37; Lucas 21:25-33; 17:26-30, 34-36)*

²⁹ Tjìe-ne nàchrjein, k'e nga kjoehet'aà kjo'in koi, jè ts'oi, mì tì kii sùhiseèn-ne, kojñò-né, mì tì kii kotsjè-ne ndobá-la. Tìkoáá jè sá, mì tì kii sùhiseèn-ne. Ni'ño xi tjin ngajmii, kixongui-né. Jñà nga'ño xi tjin ngajmii kitiya yijeé-la.

³⁰ Ijjoàn skoe xita ján ngajmii seña-na xi Ki'ndí-la Xità 'mì-na. Ngats'ii naxandá xi tjin ì isò'nde, jñà xità skindàya-né nga 'ño tsakjón. Koá skoe-na xita xi Ki'ndí-la Xità xan-la yijo-na nga kjinchrobàjñà ìjìin ifi xi tjin ngajmii; tse nga'ño ko kjoajeya kjoii koaa.

³¹ Siikasén àkjale-na nga 'ño sùkjindáya chrjo nga kojixkóya xita-na xi 'an xó jaàjìin-na nga ñjòn chrjangui-la isò'nde, nga jngoó ìjngoó ngobà-la isò'nde.

³² 'Chíta'yàkoó jè yá-la toó iko mé xi okóya-ná; k'e nga ma kíndiya chrja-la, ìjjoàn bjt's'én xka-la, tjiin-nò nga jye nchrobá machraña chon ndobá.

³³ K'oaá t's'in tjin, k'e nga jchaá nga k'oas'in tíma kjoa koi, kátasijìin-nò nga 'an xi Ki'ndí-la Xità xan-la yijo-na jyeé nìton kjoiaa, k'oaá ngaya-la koni tsá jye tijnà chraña xotjoa-la ni'ya.

³⁴ Okixii xi xan-nò, k'oaá s'in kítasòn yije kjoa koi, k'e nga tikj'eè biyaa xita xi tjin nàchrjein ì'ndeì.

³⁵ Jè ngajmii ko isò'nde kjoehet'aà-né, tanga jñà 'én-na mìkii kjoehet'aà; kítasòn-né.

³⁶ Tanga k'e nga okoma, mì yá xi tjiin-la mé nàchrjein-ne ko mé hora-ne; nì jñà àkjale xi tjin ngajmii, ko nì jè Ki'ndí-la Nainá tjiin-la; tajngoó Nainá xi Na'èn-ná tjiin-la.

³⁷ Koni s'in komà nàchrjein-la Noé, k'oaá t's'in koma k'e nga kjoiaa ìjngoó k'a 'an xi Ki'ndí-la Xità xan-la yijo-na.

³⁸ Jñà nàchrjein koi, k'e nga tikj'eè 'ba jtsí xkón, jñà xita xi tjin k'e-ne, nchikjèn, nchi'biì, nchibixan íchjá ko íchjín skanda k'e nga jè nàchrjein nga jahas'en ni'ya chitso jè Noé.

³⁹ Xita xi tjin koi nàchrjein, mìkii tjiin-la mé xi koma skanda k'e nga j'ii jtsí xkón xi kùchrjoako nandá ngats'ii xita. K'oaá t's'in koma k'e nga kjoiaa ìjngoó k'a 'an xi Ki'ndí-la Xità xan-la yijo-na.

⁴⁰ Jè nàchrjein k'e nga 'an xi kjoiaa, jò xita xi nchisixá ján jìin ijñá, jngoó tjámìtjen, xi ìjngoó sijna-né.

⁴¹ Jò íchjín nchat'aà natsí xi nchi'o na'yo, jngoó tjámìtjen, xi ìjngoó sijna-né.

⁴² Títsajnakòon nga mìkii 'yaá mé nàchrjein-ne ko mé hora-ne nga kjoiaa 'an xi Nainá 'mì-na.

⁴³ Kátasijìin-nò, tsá jngoó nei-la ni'ya sijìin-la mé hora-ne k'e nga jñò kjoii xita chijé nga sùlchijé-la, sùkindáá ni'ya-la; mìkii tsjá'nde nga kochijé-la.

⁴⁴ Jñò, tìkoáá títsajnandaá; nga 'an xi Ki'ndí-la Xità xan-la yijo-na, k'eé kjoiaa ìjngoó k'a k'e nga jñò mìkii títsachiña.

*Chì'nda xi ndaa s'in ko xi ch'o s'in
(Lucas 12:41-48)*

⁴⁵ '¿Yá-ne xi chí'nda kixi xi tjín-la kjoachjine? Jè nei-la sùikíjna'nda jñà chí'nda-la xi i'nga xi ya síxá ni'ya-la mé-ne nga k'e kújchò chíba-la, sùikjèn chí'nda xíkjin.

⁴⁶ Mé tà ndaa-la jè chí'nda xi k'oas'in ndaa tísikitasòn k'e nga kjoíí-ne nei-la.

⁴⁷ Xi okixíí xi xan-nò, nei-la chí'nda jè, jè sùikíjna'nda yije tsojmì xi tjín-la.

⁴⁸ Tanga tsà jè chí'nda ts'en kítso nga koòko iníma-la: “Nei-na, kjin nàchrjein kòchrjein-la nga kjoíí-ne.”

⁴⁹ Ikjoàn koíits'ia nga skaàn-ko chí'nda xíkjin, koà kòkjen-ko ko skoíko xita chí.

⁵⁰ Chí'nda jè, kjoíí-ne nei-la jè nàchrjein ko jè hora k'e nga mìkì tíkoña-la.

⁵¹ Ñó tse kjo'in tsjá-la. Tà ngàsòn okji kjo'in tsjá-la koni jñà xita xi jò isén tjín-la. Ikjoàn skindàya ko sùjts'in nì'ño.

25

Kjoa xi mangásòn ts'e ıxti íchjín xi te ma-ne

¹ Jè nàchrjein k'e nga kotixoma jè xi ngajmì nchrobá-ne, k'oagá s'in koma koni komàt'in jñà ıxti íchjín xi te ma-ne. Kiskoé ni'in lámpara-la xi ts'e asiti. Kùikoña-la jè xita xi bixan.

² 'Òn ma-ne ıxti íchjín xi tjín-la kjoíitsjeèn koà 'òn ma-ne xi tsjin-la kjoíitsjeèn.

³ Jñà ıxti íchjín xi tsjin-la kjoíitsjeèn kiskoé lámpara-la tanga mìkì ts'a-la asiti.

⁴ Koà jñà ıxti íchjín xi jye tíjün-la ts'a nomita asiti-la ko lámpara-la.

⁵ Jè xita xi túbixan, mìkì xátì j'ii, koà kjonijñà-la ngats'ii ıxti íchjín; tsohofè í'ño.

⁶ K'e nga ijchò osen nıtjen, 'ño kùichja jñà xita, kitsò: “Jye nchrobá jè xita xi bixan. Títjoo ni'ya, tanguíchjaà indiaà.”

⁷ Ngats'ii ıxti íchjín tsasítjen, koà tsibítsajnandaà lámpara-la.

⁸ Jñà xi 'òn ma-ne xi tsjin-la kjoíitsjeèn kitsò-la jñà xi tjín-la: “Tjii ıtsé-nájen asiti-nò. Jè ni'in-nájen jye túbts'o.”

⁹ Tanga jñà ıxti íchjín xi tjín-la kjoíitsjeèn, kitsò-la: “Mikì koma, mìkì kichóya-la tsajen. Tanguí kindá ñánda satíjna.”

¹⁰ Tanga jñà ıxti íchjín xi tsjin-la kjoíitsjeèn k'e nga kù katse asiti-la, k'eé j'ii xita xi bixan. Koà jñà ıxti íchjín xi 'òn ma-ne xi títtandaà nga títi lámpara-la, jahas'en ko jè xita xi bixan ya ni'ya ñánda tjín s'eí. Ikjoàn kisichjoà xotjoa-la ni'ya.

¹¹ Koma iskan j'ii-ne jñà ıxti íchjín xi nguì 'òn ma. Kitsò: “Na'èn, Na'èn, chíx'a-nájen ni'ya.”

¹² Tanga jè xita xi bixan, tà kitsò-la: “Okixíí xi xan-nò, mìkì bexkon-nò yá-nò jño.”

¹³ Jesús kitsò-ısa:

—Jño, títajnandaà, nga mìkì 'yaà mé nàchrjein-ne koà mé hora-ne nga kjoiaa 'an xi Kí'ndí-la Xita xan-la yijo-na.

Kjoa xi mangásòn ts'e ıton xi kitjóé-la jñà chí'nda

¹⁴ Jè nàchrjein k'e nga kotixoma jè xi ngajmì nchrobá-ne, k'oagá ti गया-la koni tsà jngoò xita xi tjín-la chí'nda. Kjiin i'nde tífi. Kùichja-la chí'nda-la; kisingatsja ıton-la nga jngoò ıjngoò nga kátasikinda.

15 'Jngòò ch'i'nda xi kitsjaà-là 'òn jmiì tòn oro; xi jngòò jò jmiì kitsjaà-là; xi ma-ne jàn jngòò jmiì kitsjaà-là. K'oaá s'in kitsjaà-là koni s'in koma-là nga s'ixákò nga jngòò jngòò. Ikjoàn kii jè nei-là xá ñánda i'nde kjiiin.

16 Jè ch'i'nda xi kitjoé-là 'òn jmiì, kisixákò tòn xi kitjoé-là koà ngui okji kisikijnesòn.

17 Kò jè ch'i'nda xi jò jmiì kitjoé-là, k'oaá tì kis'in, tìkoà ngui jò jmiì kisikijnesòn.

18 Tanga jè ch'i'nda xi kitjoé-là jngòò jmiì, tà tsibijna'ma-né tòn xi kitsjaà-là nei-là. Yaá tsibijnajiiin it'aà nangui.

19 'K'e nga jye kjòtsee kii nei-là ch'i'nda koi, j'iì jngòò k'a-ne; kis'in-là kindà jè tòn xi kitsjaà-là.

20 Ijchò jè xi kjòngatsja xi 'òn jmiì, koà ngui 'òn jmiì ijchòkosòn. Kitsò-là nei-là: "Na'èn, 'òn jmiì tòn xi jì kiningatsja-ná, koà ngui 'òn jmiì kisikijnesoàn."

21 Jè nei-là kitsò-là: "Ndaà tjin; ngaji, xita ndaa-né. Ndaà kinitasòn-ná nas'in tà chiba tòn kitsjaà-lè. 'An, isaa tse tsja isa-lè. Tjtjás'en-jiiin nga tjtjako-ná."

22 Ikjoàn ijchò jè ch'i'nda xi jò jmiì kjòngatsja, kitsò: "Na'èn, jò jmiì tòn kiningatsja-ná koà ngui jò jmiì kisikijnesoàn."

23 Jè nei-là kitsò-là: "Ndaà tjin; ngaji, xita ndaa-né. Ndaà kinitasòn-ná nas'in tà chiba tòn kitsjaà-lè. 'An isaa tse tsja isa-lè. Tjtjás'en-jiiin nga tjtjako-ná."

24 Koà k'e nga ijchò jè ch'i'nda xi jngòò jmiì kjòngatsja kitsò-là nei-là: "Na'èn, bexkoón-lè nga xita jti takò-né nga bixkoí tsojmi xi mi jì bitjii, kò bixkoí jña xi mi jì chíndjii.

25 Koií kjoa-là nga kitsakjòn-na nga tsibijna'ma tòn-lè ya jjiin nangui. I tjna-ne tòn-lè xi jngòò jmiì kiningatsja-ná."

26 Jè nei-là kitsò-là: "Ngaji, ch'i'nda ch'o-né koà xita ts'eè-né! Tsà jye tjiin-lè nga 'an bixkoá ñánda mi 'an bitjee kò bixkoá ñánda mi 'an kíndiaa.

27 Tsà ya tsibijni tòn-na ya banco mé-ne k'e nga kjoí-na, tjoé-na tòn-na kò kí'ndí-là tòn xi ts'an."

28 Ikjoàn kitsò-là jña xita xi ya títajna: "Chjaà'an-là jè tòn xi jngòò jmiì; jè tjiin-là ch'i'nda xi te jmiì ma ts'e.

29 Nga jè xi tjin-là, k'oií isa-là skanda tsatoó s'e-là, tanga jè xi tsjin-là, skanda tjá'aán-là mé xi chiba tjin-là.

30 Jè ch'i'nda xi nì mé chí-là, tìkatjeen ján nditsiaán ya ñánda jño choòn, yaá skindàya ko yaá s'ijts'in n'i'ño."

K'e nga jè Nainá koiiindaajiiin-là ngats'ii xita isò'nde

31 'K'e nga kjoiaa jngòò k'a 'an xi Kí'ndí-là Xita xan-là yijo-na koni jngòò xitaxá itjòn nga kjoiiikoaà kjoajeya-na, kò àkjale tsjee-na xi títajnajndii-na, k'eé kótijnasoàn ixile ts'e kjòtixoma-na xi ñò jeya tjna.

32 Ngats'ii xita xi tjin isò'nde, yaá koxkóya nguixkooàn; ikjoàn siijòya koni s'in paxtò xi ko'nda tindsó nga ochrjekàjiiin orrè kò tindsó ska.

33 Jña orrè, yaá kítajnat'aà kixi-na, koà jña tindsó ska, yaá kítajnat'aà ngaskón-na.

34 'An xi xitaxá itjòn 'mì-na xán-là jña xi títajnat'aà kixi-na: "Nchrobá jño xi Nainá kisichikon-t'in-nò; chjoé kjòndaà xi tijnandaà-là Nainá skanda k'e nga kisindaà isò'nde, nga ya kítajnaà ya ñánda nga jè tñhotixoma.

35 K'e nga kjòhòjò-na, kits'ii-ná jño xi tsoókjeen; k'e nga kjòxindá-na, kits'ii-ná nandá nga kits'iaa; k'e nga tsjin-na i'nde ñánda s'ikjája, kits'ii'nde-ná ni'ya-nò.

³⁶ K'e nga tsjin-na nikje xi ónakjá, jñò kits'ii-ná; k'e nga kjòxk'én, tsanguì níkindá-ná; k'e nga ndayá tsohótijna'ya, tsanguì chítsejèn-ná."

³⁷ Koá jñà xi xita kixi skonanguií-na, kitso-na: "Na'èn, ¿kjé-né nga ki'ya-lèjen nga kjòhòjò-lè, kò kits'ii-lèjen xi chichi?, o ¿kjé-né nga ki'ya-lèjen nga kjòxindá-lè, kò kits'ii-lèjen nandá nga ki'yoi?"

³⁸ ¿Kjé-né nga ki'ya-lèjen nga tsjin-lè j'nde ñánda níkjáyi, kò kits'ii'nde-lèjen ni'ya-najen, nas'ín mikii yaxkon-lèjen? ¿Kjé-né nga ki'ya-lèjen nga tsjin-lè nikje xi chíkjeí, kò kits'ii-lèjen?"

³⁹ ¿Kjé-né nga ki'ya-lèjen nga kjòxk'ín, kò tsanguì níkindá-lèjen?, o ¿kjé-né nga ki'ya-lèjen nga tina'yi ndayá, kò tsanguì chítsejèn-lèjen?"

⁴⁰ An xi xitaxá ítjòn 'mì-na xán-lá: "Okixíí xi xan-nò, k'e nga k'oas'ín kinikò jngòò xita xinguiáa nas'ín takó 'ñó xita ima kji, 'aán xi k'oas'ín kinikò-ná."

⁴¹ "An xi xitaxá ítjòn 'mì-na xán-lá jñà xita xi títisajna ngaskón-na: "Tinchat'aaxin-ná jñò xi kjo'in tjínè-nò. Tanguió ya j'nde ñánda títi ni'ín xi mikii bits'o nita kjé-ne, jè j'nde xi tjíndaà it'aà ts'e xita neji kò àkjale-lá."

⁴² K'e nga kjòhòjò-na, jñò, mikii kits'ii-ná xi tsoókjeen; k'e nga kjòxindá-na, mikii kits'ii-ná nandá nga kits'iaa;

⁴³ k'e nga tsjin-na j'nde ñánda síkjáya, mikii kits'ii'nde-ná ni'ya-nò. K'e nga tsjin-na nikje xi ónakjá, jñò mikii kits'ii-ná; k'e nga kjòxk'én mikii tsá kinikinda-ná; k'e nga ndayá tsohótijna'ya, mikii tsanguì chítsejèn-ná."

⁴⁴ Tikoáá jñà xita xi títisajna ngaskón-na skonanguií-na, kitso-na: "Na'èn, ¿kjé-né nga ki'ya-lèjen nga kjòhòjò-lè, nga kjòxindá-lè nga tsjin-lè j'nde ñánda níkjáyi, nga tsjin-lè nikje xi chíkjeí, nga kjòxk'ín, o k'e nga tina'yi ndayá kò mikii kinichját'aà-lèjen?"

⁴⁵ An xi xitaxá ítjòn 'mì-na, xán-lá: "Okixíí xi xan-nò, k'e nga mikii k'oas'ín kinikòò jngòò xita nas'ín takó 'ñó ima kji, 'aán xi mikii k'oas'ín kinikò-ná."

⁴⁶ Jñà xita ts'en koi s'eé-lá kjo'in nita kjé-ne, koá jñà xi xita kixi s'eé-lá kjoabinachon nita kjé-ne.

26

Kiis'ín tsajoóya-ne xita kondra-lá Jesús nga tsoba'ñó

(Marcos 14:1-2; Lucas 22:1-2; Juan 11:45-53)

¹ Jesús k'e nga jye kiichja yije 'én koi kitsò-lá xita xi kota'yàt'aà-lá:

²—Jñò, jye tjíin-nò nga tà jò nachrjein chija ts'e s'eí Paxko; an xi Ki'ndí-lá Xita xan-lá yijo-na, yaá kongatsja it'aà ts'e xita naxandá nga koòt'aà-na krò.

³ Nachrjein koi jñà xita sko-lá no'mù, xita xi okóya kjotixoma-lá Nainá xi kiskii Moisés kò xita jchínga-lá jñà xita judío, yaá chixoña ya nditsin ni'ya-lá Caifás xi no'mù ítjòn.

⁴ Yaá tsajoóya-ne kós'ín tsobà'ñó Jesús xi kjoá chijé, ikjoàn sík'en.

⁵ Kitsò-lá xikjín:

—Mì nachrjein-lá s'eí sík'eén nga mì kots'en jñà xita naxandá.

Jngòò chjoón xi kisikaàjno xkii jne sko Jesús

(Marcos 14:3-9; Juan 12:1-8)

⁶ Jesús, k'e nga tjína ján naxandá Betania, ya ni'ya-lá jngòò xita xi tsindojno chrjoa yijo-lá nga sa ítjòn xi 'mì Simón,

⁷ ijchò jngòò chjoón xi 'ya jngòò lamità ndajo xi 'mì alabastro xi tjíya-lá xkii jne, xi 'ñó chíj-lá. K'e nga tjínat'aà ímíxa Jesús, chjoón jè, tsibíxteèn-sòn sko jè xkii jne.

8 Jñà x̄it̄a xi kota'yàt'aà-là Jesús k'e nga kijtseè, kòjti-là, kitsò:

—¿Mé-ne nga kasíkits'ón-ne jè xkiì jne?

9 Tsà kàsatījna, ñó-là tse ch̄jí-là koa jè t̄on-là komaá kochjât'aà-là x̄it̄a ima.

10 Kìl'nchré Jesús. K'ée kitsò-là:

—¿Mé-ne n̄jti-là chjoón jè? Koni s'ín kasiko-na ndaa kàs'ín.

11 Jñà x̄it̄a ima kítsajnakò kjit'aà-nò; tanga 'an mi ì t̄ijnakò kjit'aà-nò.

12 Koni s'ín kasiko-na chjoón jè, nga kàbíxteèn-jno xkiì jne yijo-na, koiì òkàs'ín-ne nga síkijnandaà-na nga s̄ijñaa.

13 Okixíí xi xan-nò, n̄it̄a ñánda-ne nga t̄ít̄sa isò'nde nga kobísòn 'én ndaa-là Nainá, t̄ikoáá kobísòn-nè koni s'ín kasiko-na mé-ne nga s̄íkítsjeèn-ne x̄it̄a it'aà ts'e chjoón jè.

Kó kis'ìn Judas nga tsat̄jna Jesús

(Marcos 14:10-11; Lucas 22:3-6)

14 Jè xi 'mì Judas Iscariote xi ya itjoīn ts'e x̄it̄a xi tejò ma-ne x̄it̄a-là Jesús, k̄iikon jñà x̄it̄a skò-là no'miì,

15 kitsò-là:

—¿Kó t̄jín t̄on k'oi-ná nga sìngatsja-nò Jesús?

Jñà x̄it̄a skò-là no'miì, katé ixò t̄on chroba tsibíndaaj̄iìn-ne.

16 Judas, k'ée tsibíts'ia nga tsohótsji'nde-là kós'ín sìngatsja Jesús.

Kiis'ín tsibíjna okixi Jesús k'e nga tsakjèn-kò x̄it̄a-là xi tejò ma-ne

(Marcos 14:12-25; Lucas 22:7-23; Juan 13:21-30; 1 Corintios 11:23-26)

17 Jè n̄achrjein xi mats'ia it̄jón ts'e s'eí k'e nga k̄jèn inchrájín xi tsjìn-là na'yo san jñà x̄it̄a judío, jñà x̄it̄a xi kota'yàt'aà-là Jesús ijchòkon, kiskònangui-là, kitsò-là:

—¿Ñánda mejèn-lè nga onguí kındaà-jen tsojmi xi ch̄jineé ts'e s'eí Paxkò?

18 Jesús kitsò-là:

—Tanguíchòn ni'ya-là jngoò x̄it̄a ya j̄iìn naxandá. Kot'in-là: “Jè maestro k'oaá tsò: Jyee tíma chraña n̄achrjein-na nga kiyá. Yaá ni'ya-lè kjián kachrje s'eí Paxkò kò x̄it̄a xi kota'yàt'aà-na.”

19 Jñà x̄it̄a xi kota'yàt'aà-là, k'oaá s'ín kis'ìn koni s'ín kitsò-là Jesús. Yaá tsibíndaà tsojmi xi kòkjen kjoa ts'e s'eí Paxkò.

20 K'e nga jye kòjñò, Jesús, tsibíjnat'aà imix̄a kò x̄it̄a-là xi tejò ma-ne.

21 K'e nga nchikjèn, Jesús kitsò-là:

—Okixíí xi xan-nò, jñò, ì t̄ijnaj̄iìn jngoò-nò xi sìngatsja-na it'aà ts'e x̄it̄a kondra-na.

22 Jñà x̄it̄a xi kota'yàt'aà-là Jesús 'ñó kjòba-là k'e nga òkítsò. K'ée jngó jngó kiskònangui-là, kitsò-là:

—N̄a'èn, ¿a 'an-ná?

23 Jesús kitsò-là:

—Jè xi kóngaj̄iìn-kò-na chroba, jè xi sìngatsja-na.

24 'An xi Kì'ndí-là X̄it̄a xan-là yijo-na, k'oaá s'ín komat'ian koni s'ín t̄ichja Xojon-là Nainá. ¡Tanga ima xó-ne jè x̄it̄a xi sìngatsja-na! Ìsáá-là ndaa komà tsà mikii kits'ìn x̄it̄a jè.

25 K'ée k̄ichja Judas, jè xi sìngatsja Jesús, kitsò:

—Maestro, ¿a 'an-ná?

Jesús kitsò-là:

—Jon, ngaji-nè.

26 K'e nga nchikjèn, Jesús kiskoé inchrájin, kiichjat'aà-la Nainá nga kisichikon-t'in, kisixkoaya ikjoàn kitsjaà-la xita xi kota'yat'aà-la, kitsò-la:

—Chjoé, tichioò, yijo-na né.

27 Ikjoàn kiskoé jngòò chitsín, kitsjaà-la kjondaà Nainá, k'ée kitsjaà-la xita xi kota'yat'aà-la. Kitsò-la:

—Ngats'ioò, t'ioo jè xi tjíya chitsín.

28 Jè-né xi jní-na xi sikixiya kjoa xitse xi bindaàjin-ko-nò. Jè jní-na xixteèn xi kjondaà ts'e kjìn xita mé-ne nga jchat'aà-la jé-la.

29 K'oaá xán-nò, mì tì kiì ski-na vino skanda jè nàchrjein k'e nga skiko jngooò k'a-nò vino xitse jè nàchrjein k'e nga kotixoma Na'èn-na.

Én xi kiichja Jesús nga jè Pedro kjó'mat'in

(Marcos 14:26-31; Lucas 22:31-34; Juan 13:36-38)

30 K'e nga jye kiseè jngooò-la sò Nainá ts'e Salmo, ikjoàn kiì ján j'a nindoò Yá Olivo.

31 Jesús kitsò-la xita xi kota'yat'aà-la:

—Ngats'ioò jñò, nitjen jè, kijneí takòn-ná, nga k'oaá s'in tíchja Xojon-la Nainá nga tsò: “Kiyá jè paxtò koa jñà orré tsjohoya-né.”

32 Tanga koma iskan, k'e nga kjoaáya-na, k'ín itjòn-nò ján nangui Galilea.

33 Kitsò Pedro:

—Na's'in ngats'iì xita-lè xi i'nga tsjin takòn-lè, 'an, nímé nàchrjein-ne nga tsjin takòn-lè.

34 K'ée kitsò-la Jesús:

—Okixijí xi xan-lè, nitjen jè, k'e nga tikj'eè kjindáya kóxtí, ngaji, ján k'a tsjá'mat'in-ná.

35 Pedro kitsò:

—Na's'in skanda ya kiyáko-lè mikii kójna'mat'in-lè.

Ngásòn kitsò ngats'iì xita xi kota'yat'aà-la Jesús.

Kii kitsò Jesús nga tsibítsi'ba ya i'nde ñánda 'mì Getsemaní

(Marcos 14:32-42; Lucas 22:39-46)

36 K'ée kii Jesús ya ñánda 'mì Getsemaní ko xita xi kota'yat'aà-la. Kitsò-la:

—Titsajna ijndé. 'An, ya kò-la kjián nga kichjät'aà-la Nainá.

37 Jesús kiìko Pedro ko ingajò ixti-la Zebedeo. Ikjoàn tsibítsi'ia nga kjòba-la koa kisikájno inima-la.

38 K'ée kitsò Jesús:

—Tsí baá ma-la inima-na koni tsí mejèn kiyá. Titsajna ijndé koa titsajnakon-ko-ná.

39 Jesús kiìkjá chiba-isa. Ikjoàn tsohojna tsakjàn skanda it'aà nangui koa kisijét'aà-la Nainá, kitsò:

—Ji xi Na'èn-na xan-lè, tsà koma, kàtatjaàxìn-ná kjo'in koi, tanga mìtsà jè 'én ts'an kitasòn, jè kàtitasòn 'én tsiji.

40 Ikjoàn j'iì jngooò k'a-ne ya ñánda titsajna xita-la xi kota'yat'aà-la, tanga jñà xita-la, kjijijòfè-né. Jesús kitsò-la Pedro:

—¿A mì kachikjoa-nò tsà tà jngooò hora kòbitsajnakon ko-ná?

41 Titsajnakoon koa titsi'ba-la Nainá mé-ne nga mì siìkjine-nò kjoa ts'e jé. Xi okixi, jè inima-nò tijnandaà-né tanga jè yijo-nò xi tsjin-la nga'ñò.

42 Xi ma-ne jò k'a kiì jngooò k'a Jesús nga kiì kítsi'ba. Kitsò:

—Ji xi Na'èn-na xan-lè, tsà mikii koma tjáxìn-na kjo'in koi, kòs'in kàtitasòn koni s'in mejèn-lè.

43 K'e nga j'ii lɲgoò k'a-ne, j̄ñà x̄it̄a xi kota'yàt'aà-l̄a, tákó kjiyijòfè-né nga 'ñó nijñá-l̄a.

44 Komà jàn k'a nga kii kítsi'ba. Yáá kisikítsajna x̄it̄a xi kota'yàt'aà-l̄a. Táko k'oaá t̄i kitsò nga tsíbítsi'ba.

45 J'ii lɲgoò k'a-ne ya ñánda t̄ítsajna x̄it̄a xi kota'yàt'aà-l̄a. Kitsò-l̄a:

—¿A tákó t̄ítsanjáya-nò kò t̄ítsafè-nò? Jyeé ijchò hora-l̄a, 'an xi Ki'ndí-l̄a X̄it̄a xan-l̄a yijo-na, yáá kongatsja j̄ñà x̄it̄a jé.

46 T̄ísítjeen, ch̄ítsejèn-l̄a, t̄íkjaán, jyeé nchrobá chrañà jè xi s̄iingatsja-na.

*Kii komà k'e nga kindobà'ñó Jesús
(Marcos 14:43-50; Lucas 22:47-53; Juan 18:2-11)*

47 Táko t̄ik'ée t̄íchja-isa Jesús nga ijchò Judas xi ya itjojiin ts'e x̄it̄a-l̄a Jesús xi tejo ma-ne. K̄jìn x̄it̄a t̄jiko xi 'ya k̄ich̄a ndojò kò yá. J̄ñà kisikasén x̄it̄a sko-l̄a no'mi kò x̄it̄a jchínga xi ts'e x̄it̄a judío.

48 Judas, jè xi tsat̄jna Jesús, it̄jòn tsibénojmi-l̄a kós'in kòkò-l̄a Jesús. Kitsò-l̄a: —Jè xi skíne'a, jè-né xi t̄jndoba'ñó.

49 N̄it̄oón kii kasit'aà chrañà-l̄a Jesús. Kitsò-l̄a:

—Ndaà-lè Maestro.

Īkjoàn kiskine'a.

50 Jesús kitsò-l̄a:

—Amigo, ¿mé xá kjoj-ne?

J̄ñà x̄it̄a xi t̄jiko Judas, n̄it̄oón kitsobà'ñó Jesús.

51 Jngoò x̄it̄a xi t̄ikoa ya tsóhoko Jesús, tsachrje k̄ich̄a ndojò-l̄a. Tsajá-l̄a jè x̄it̄a ch̄i'nda-l̄a no'mi it̄jòn; tsatet'aà líká-l̄a.

52 Jesús kitsò:

—T̄ikájnat̄joi k̄ich̄a ndojò-lè ya j̄nde-l̄a; j̄ñà xi k̄ich̄a skaàn-ne nga s̄iik'en x̄ikjín, ngàsòn k̄ich̄a kiyá ngajo-ne.

53 ¿A mi 'ya-jèn tsà 'an s̄ijé-l̄a Na'èn-na, tsatoó tejo jmi àkjal̄e n̄it̄oón s̄iikasén-na?

54 Tanga tsà k'oas'in s̄ijé, mikii k̄itasòn koni s'in t̄íchja Xojon-l̄a Nainá nga mochjeén-né nga k'oas'in koma.

55 Jesús kitsò-l̄a j̄ñà x̄it̄a xi k̄jìn ma-ne:

—¿Mé-ne kós'in kò'ii ndobà'ñó-ná nga kò k̄ich̄a kò yá kich'à koni tsà jngoò x̄it̄a chijé? Nachrjein nchijòn t̄jnakò-nò ján jngo it̄jòn nga okoòya-nò kò mikii kindobà'ñó-ná.

56 K'ojí kjoa-l̄a okoma-ne nga k̄itasòn 'én xi t̄jít'aà xojon-l̄a j̄ñà x̄it̄a xi k̄ichja ngajo-l̄a Nainá.

T̄ik'ée-né ngats'ii x̄it̄a xi kota'yàt'aà-l̄a Jesús tsanga kò kitsjeiin takòn.

*Kii komà k'e nga tsibijna Jesús nguixkon no'mi it̄jòn
(Marcos 14:53-65; Lucas 22:54-55, 63-71; Juan 18:12-14, 19-24)*

57 J̄ñà x̄it̄a xi kitsobà'ñó Jesús kiikò ñánda t̄jna Caifás xi no'mi it̄jòn. Yáá t̄ítsajna x̄it̄a xi okóya k̄jot̄xoma-l̄a Nainá xi kiskii Moisés kò x̄it̄a jchínga-l̄a x̄it̄a judío.

58 Jè Pedro, tà k̄jìn tà k̄jìn tsajmeèt̄jngui-l̄a skanda ijchò nd̄itsin ni'ya-l̄a no'mi it̄jòn. Jahas'en ni'ya. Yáá tsibijnat'aà-l̄a ñánda t̄ítsajna x̄it̄a xi síkinda ni'ya jngo nga mejèn-l̄a skoé kós'in koma nga kjoehet'aà kjoa.

59 J̄ñà x̄it̄a sko-l̄a no'mi kò x̄it̄a jchínga, ngats'ii x̄it̄a xi t̄jín-l̄a xá ts'e x̄it̄a judío, tsohótsji'nde-l̄a nga tsját'in 'én xi kondra ts'e Jesús mé-ne nga koma s̄iingatsja-ne x̄it̄a Roma nga s̄iik'en Jesús.

⁶⁰ Tanga nímé 'én kisakò-là nàs'in ijchò xítà ndiso xi kondrà ts'è. Xi komà iskan ijchò jò xítà ndiso

⁶¹ xi kitsò:

—Xítà jè kitsò-né: “An, koma-na nga sihixòña ingo ítjòn-là Nainá koa jàn nachrjein kindàya ìjngòò k'a-na.”

⁶² K'èé tsasijna kixi jè nò'miù ítjòn. Kitsò-là Jesús:

—¿A nímé 'én nokjòì, koni tsò 'én xi tsjá xítà koi xi kondrà tsiji?

⁶³ Jesús mìkìi kiùchja. Jè nò'miù ítjòn kitsò-la:

—Tènojmi kixi nga nguixkòn Nainá xi tijnakon. Kot'in-nájen. ¿A ngaji-né xi Cristo [xítà xi xò kisikasén-lè Nainá] nga Ki'ndí-là mai?

⁶⁴ Jesús kitsò-la:

—Ngají xi k'oa si nga 'an-ná. Tikoá, k'oaá xán-nò, jñò jcha-ná xi Ki'ndí-là Xítà xan-la yijo-na nga kótijnat'aà kixi-là ñánda tíjna Nainá xi 'nó tse nga'ño tjin-la. Tikoáá jcha-ná k'e nga kjinchrobàjñaà ijìin ifi xi ts'e ngajmì.

⁶⁵ Jè nò'miù ítjòn tsatijndajno yijo-là nikje-là xi íkja nga 'nó kòjti-là, kitsò:

—Xítà jè, jyeé kà'yaà nga chjajno-la Nainá koni tsò 'én xi chja. ¿Mé s'e'én-ìsà-ná xítà xi k'è'í xi tsjá 'én? Jñá, jyeé kàna'yà-lá koni s'in chjajno-la Nainá.

⁶⁶ ¿jñò, kó bixón, mé xi sikoáá?

Ngats'ìi xítà kitsò:

—Tjín-là jé, ok'in-là nga sik'en.

⁶⁷ Ikjoàn tsibíchrá'a kò tsi'beé-là. Koa tjin xi isén-là tsi'beé'a,

⁶⁸ kitsò-la:

—Ji Cristo [xi xò kisikasén-lè Nainá], kot'in-nájen, ¿yá xi tí'beé-lè?

K'e nga jè Pedro jàn k'a tsoho'mat'in Jesús

(Marcos 14:66-72; Lucas 22:56-62; Juan 18:15-18, 25-27)

⁶⁹ Jè Pedro k'e nga tíjna nditsin ni'ya, ijchòkon jngòò chjoón ch'inda xi kitsò-la:

—Tikoáá ngaji, yaà tjaàkòji Jesús xi Galilea i'nde-là.

⁷⁰ Tanga jè Pedro tsoho'mat'in-né nga nguixkòn ngats'ìi xítà. Kitsò:

—Mikii be mé 'én xi tinokjòì.

⁷¹ Jè Pedro jyeé tìbitjo xotjoa ni'ya k'e kijtsee ìjngòò chjoón xi k'oa ti kitsò-la jñá xítà xi ya títsajna. Kitsò:

—Xítà jè, tikoáá ya tsóhoko Jesús xi Nazaret ts'e.

⁷² Pedro ìjngòò k'a tsoho'mat'in. Kitsò:

—i Tíbeè Nainá, mìkìi bexkoan xítà jè!

⁷³ Nga komà iskan jñá xítà xi ya títsajna ijchòkon ñánda tíjna Pedro. Kitsò-là:

—Okixi-né, tikoáá ngaji xítà xi kòta'yàt'aà-là Jesús-né. 'Yaà-lè; k'oaá tjs'in nokjòì.

⁷⁴ K'èé ìsà 'nó kiùchja Pedro kitsò:

—i Beè Nainá, nàs'in tik'eèn-ná, mìkìi bexkoan xítà jè!

Tik'e-ne kiskindàya jngòò kóxtí.

⁷⁵ K'èé tsibítsjeèn-là Pedro koni kitsò-là Jesús: “K'e tikj'eè kjindàya kóxtí, ngaji, jàn k'a tsjá'mat'in-ná.” K'èé itjo ni'ya Pedro, jàn nditsiaán; ndaà jchán kiskindàya.

27

Kjoa xi komà't'in Jesús k'e nga kjòngatsja Pilato

(Marcos 15:1-2; Lucas 23:1-2; Juan 18:28-32)

¹ K'e nga kis'e isén, ngats'ii xitá sko-la no'mù, jña xitá jchínga ts'e xitá judío tsajoóya-ne nga kondra kjoí-la Jesús mé-ne nga koma sùngatsja-ne jña xitá Roma nga sijk'en.

² Tsibít'aà'ño, kiikò nga kisingatsja Pilato xi xitaxá gobernador tíjna ts'e Roma.

Kíi komàt'in Judas k'e nga k'en

³ Judas, jè xi tsatíjna Jesús, k'e nga jye kijtsee nga jye kitjoòt'in kjoa nga kiyá, 'ño kokájno-la kjoa xi kis'ìn koa kisikátji-ne ton chroba xi katé ma-ne jña xitá sko-la no'mù kò xitá jchínga.

⁴ Kitsò-la:

—Tseé jé tsohótsji-la yijo-na nga kisingatsja-nò jngòò xitá xi nímé jé tjin-la. Tanga jña xitá koi kitsò:

—Ngajen, mikìi 'ya-jen. Kjoa tsiji-né.

⁵ Judas tsibítsjo ton ya ingo ítjòn. K'ée kiì tsibítjohóngui yijo-la.

⁶ Jña xitá sko-la no'mù, kiskoé ton, kitsò:

—Mikìi koma ya sijngoaá ton xi tíya kaxa-la ton kjojtjò-la Nainá. Ton jè, chíj-la mik'en-né.

⁷ K'ée tsajoóya-ne nga jè ton jè, nanguí kotse jngòò 'nde-ne, xi 'mì: I'nde Ñánda Mandaá Tíjì, mé-ne nga s'e-ne i'nde ñánda koma sùjijn xitá xi xìn naxandá-la.

⁸ K'oií kjoa-la, skanda naxhrjein i'ndeí, tákó k'oaá 'mì i'nde jè nga I'nde-la Jní 'mì.

⁹ K'oaá s'ín tsitasòn koni s'ín kitsò Jeremías xitá xi kiichja ngajo-la Nainá nga kitsò: “Kiskoé ton chroba xi katé ma-ne, koni tjin tsibíjna-la chíj-la jña xitá Israel,

¹⁰ kò k'oaá s'ín kisikjeén ton jè nga tsatse i'nde-la xitá xi tíjì bíndaá koni s'ín kitsjaá-na okixi Nainá.”

*Én xi kiichja Pilato k'e nga kiskònangui-la Jesús
(Marcos 15:2-5; Lucas 23:3-5; Juan 18:33-38)*

¹¹ Jesús, k'e nga síjna nguixkòn jè xitaxá gobernador kiskònangui-la, kitsò-la:

—¿A jí-né xi xitaxá ítjòn-la jña xitá judío?

Jesús kitsò:

—Ngajíi xi k'oa si nga 'an-ná.

¹² K'e nga nchihóngui Jesús jña xitá sko-la no'mù kò xitá jchínga-la xitá judío, Jesús nímé 'én kiichja.

¹³ K'ée kitsò Pilato, jè xi xitaxá gobernador:

—¿A mì na'yà-la koni tsò-lè? Kjin 'én tsjá xi kondra tsiji.

¹⁴ Tanga Jesús nijngòò 'én kiichja. K'oií kjoa-la nga jè xitaxá gobernador tà k'oaá komà-la.

*Kíi komà k'e nga kitjoònè kjoa Jesús nga kiyá
(Marcos 15:6-20; Lucas 23:13-25; Juan 18:38-19:16)*

¹⁵ Nga xkì nó k'e nga bitjo s'eí Paxkò, jè xitaxá gobernador síkijnandeí jngòò xitá xi títsa'ya ndayá, jè xi mejèn-la xitá naxandá nga kíjandeí.

¹⁶ Tík'ée-ne tíjna'ya ndayá jngòò xitá xi 'ya-la nga 'ño ts'en xi 'mì Barrabás.

¹⁷ K'e nga chixoña xitá naxandá, jè Pilato kiskònangui-la, kitsò-la:

—¿Yá-né xi mejèn-nò nga kíjandeí? ¿A Barrabás-né, o xi Jesús-né xi Cristo 'mì-là?

18 Koíi okitsò-ne Pilato nga jyeé tjiin-la nga tà kjoaxitakòn-né nga ya ijchò síngatsja Jesús.

19 Jè Pilato k'e nga tjina ni'ya osen, jè chjoón-la kisikasén xá-la, kitsò-la: “Kii ji chingájiin kjoa-la xita kixi jè. Nati niten, tsi 'ño ch'o tsò nijña xi kò'bi-na it'aà ts'e.”

20 Tanga jña xita sko-la no'mi ko xita jchinga, chinchá'a xita naxandá nga katasíjè nga katiñnandéi Barrabás ko katasik'en Jesús.

21 Jè xitaxá gobernador jngòò k'a kiskònangui-la jña xita naxandá; kitsò-la: —¿Ñá-láa nga ingajò xita koi xi mejèn-nò nga sikíñnandiá?

Jña xita naxandá kitsò:

—Jè Barrabás.

22 Pilato kiskònangui-la jña xita naxandá. Kitsò-la:

—¿Mé xi sikoáá Jesús xi Cristo 'mì-là?

Ngats'ii xita naxandá kitsò:

—¿Kàtasit'aà krò!

23 K'eé kitsò Pilato:

—¿Mé jé xi tsohótsji, mé-ne kiyá-ne?

Jña xita, isaá 'ño kiichja, kitsò:

—¿Kàtasit'aà krò!

24 K'e nga kijtseé Pilato nga ni mé kjoa sindaajiin, tà isaá tímatse kjoasi, kiskinikjaá nandá nga tsanijno tsja nga nguixkon xita naxandá [mé-ne nga skoe-ne jña xita nga nimé jé tjín-la]. Kitsò:

—Nimé jé tjín-na xi it'aà ts'e xita kixi jè nga mejèn-nò nik'eèn. Kjoa tsajòn-nò.

25 Ngats'ii xita kjin kitsò:

—Kjoabiyaá-la xita jè, kinda tsajen-nájen ko ixti-najen.

26 Pilato, k'eé kisikíñnandéi Barrabás; k'e nga jye kitsjaá okixi nga tsajá-la Jesús, ikjoàn kisingatsja nga sit'aà krò.

27 Jña soldado-la xitaxá gobernador kiiko Jesús ján ni'ya osen. Ikjoàn kiichja yije-la soldado xikín nga tsibitsajñandii-la.

28 Tsachrje nikje-la koa kisikjá jngòò nikje xi ini kji.

29 Ikjoàn tsibi'a sko jngòò corona na'yá xi jña xó tsibíndaà-ne, koa jngòò yá tsohóya tsja kixi; k'eé chinchaxkó'nchit'aà-la nga kisísobà-la. Kitsò-la:

—¿Viva xitaxá ítjòn-la xita judío!

30 Tikoáá tsibíchráño koa kiskoé yá xkajnchra xi kjiya tsja, tsatji sko.

31 K'e nga jye kisísobà-la, jaàxin-la nikje ini xi ikjá. Ikjoàn kisikákjá-ne xi nikje ts'e. K'eé kiiko nga qosit'aà krò.

Kii kiniko Jesús k'e nga kisasit'aà krò

(Marcos 15:21-32; Lucas 23:26-43; Juan 19:17-27)

32 K'e nga jye nchifiko Jesús, kiskaakjoò jngòò xita xi Cirene i'nde-la xi 'mì Simón. Jña soldado kjo'ño kis'iin-la nga kisik'ajen krò-la Jesús.

33 K'e nga ijchòko ya i'nde ñánda 'mì Gólgota 'én xi tsóya-ne i'nde sko mik'en,

34 yaá kitsjaá-la vino xi tsajjiin-la ndá chikitsja. K'e nga kiskoòt'aà Jesús mikí kits'ii.

35 K'e nga jyeé tsasit'aà krò, jña soldado kisiskáko nikje-la Jesús nga kisika'bí-la xikín yá ts'e koma. K'oaá s'in tsitasòn 'én-la jè xita xi kiichja ngajo-la Nainá nga kitsò: “Kisika'bí nikje-na koa kisiskáko yá ts'e koma.”

36 Ikjoàn yaá tsibitsajna nga kisikinda Jesús.

37 Ya ìsòn skò krò tsibít'aà 'én xi k'oḡ kitsò mé jé xi komà-là nga kinik'en. Jñà 'én koi, tsò: “Jè jèè xi Jesús xi Xitàxá Ítjòn-là xità judío.”

38 Tìkoḡá kisit'aà krò jò xità chijé. Jngoò kisit'aà nga kixi-là koḡ jngoò kisit'aà nga ngaskón-là.

39 Jñà xità xi yà ja, síkatji skò nga kiichajno-là,

40 kitsò-là:

—Jì, k'oḡá kisi nga sjiḡḡni ingò ítjòn-là Nainá ko jàn nàchrjein kíndaà ngajo-ne; tìkíjñandejí yijo-lè. Tsà kixi kjoḡ nga jì xi Kí'ndí-là Nainá, chinájen-t'i yijo-lè krò.

41 K'oḡá tìs'in kisìsobà-là jñà xità skò-là nò'miì, ko xità xi okóya kjótixoma-là Nainá xi kiskii Moisés, ko xità jchínga ts'e xità judío. Kitsò:

42 —Xità jè, tsachrjekàjìin kjo'in xi k'ejí xità, tanga jè xi yijo-là, mìkii ma ochrjekàjìin kjo'in. Tsà kixi kjoḡ nga jè Xitàxá Ítjòn-là Israel, kàtítjojen-t'aà krò mé-ne nga kòkjeiín-ná it'aà ts'e.

43 Xità jè, it'aà ts'e Nainá kjò'ñót'aà ikon. Tsà kixi kjoḡ tsjakeè Nainá, j'ndeí, jè kàtasìkò. Nga k'oḡá tì kitsò nga Kí'ndí-là Nainá ma.

44 Skanda jñà xità chijé xi tìkoḡ yà kjit'aà krò tìkoḡá tsatít'aà.

Mé xi komà k'e nga k'en Jesús

(Marcos 15:33-41; Lucas 23:44-49; Juan 19:28-30)

45 K'e nga ijchò nchisen skanda xi jàn nga kjòhoxòn, kòhokji nga títjsa ìsò'nde kòjñò.

46 Tjje-ne hora Jesús 'ñó kiichja nga kitsò: “Elí, Elí, ¿lama sabactani?” 'Én jè tsòya-ne: Nainá, Nainá, ¿mé-ne kàjneitakòn-ná?

47 Tjín i'nga xità xi yà títjsajna xi kii'nchré-là, kitsò:

—Xità jè, jé chja-là Elías.

48 K'ée tsangachikon jngoò xi kiikjaá tsanga; kisika'nchi-là ko vinagre; ìkjoàn tsibísko-là ínaxò; kitsjaá-là Jesús nga kàt'ii.

49 Tanga kitsò xità xi i'nga:

—Kii k'oḡ niko, chítsejèn-lá, ¿a kjoíí Elías nga skónájen-t'aà krò?

50 Jesús ìjngoò k'a 'ñó kiskindàya. Ìkjoàn k'en.

51 Jè nikje velo xi tjohóya jngoò osen ingò ítjòn kixajndá. Jòya komà skanda it'aà nangui; ts'a ch'ón koḡ tsàkjàn naxí

52 nga kitáx'a jñà ìtsjó-là mik'en. Kjìn xità tsjeè-là Nainá jaáya-là xi kjòtseé k'en.

53 Jñà xità mik'en xi itjo-ne ìtsjó-là, k'e nga koma ìskan nga jaáya-là Jesús, xità koi, jahas'en yà naxandá tsjeè Jerusalén; kjìn xità kijtseèxkon.

54 Jñà xità xi nchisikinda Jesús ko jé xità skò-là soldado, k'e nga kijtseé nga ts'a ch'ón, ngats'ii kjoḡ xi komà, tsi ndaà kitsakjòn. K'ée kitsò:

—Kixíí-là kjoḡ, xità jèè, Kí'ndí-là Nainá-né.

55 Tìkoḡá kjìn íchjín títjsajna xi kjìin nchikotsejèn-ne xi inchròbà-tjingui-là Jesús skanda ján Galilea nga kisichját'aà-là.

56 Yáá títjsajna xi 'mì María Magdalena, María xi neḡ-là ma Jacobo ko José, ko neḡ-là ìxti-là Zebedeo.

K'e nga kisihjìin Jesús

(Marcos 15:42-47; Lucas 23:50-56; Juan 19:38-42)

57 K'e nga jye kòjñò, j'ii jngoò xità nchiná xi 'mì José. Yáá ì'nde-là jè naxandá xi 'mì Arimatea. Xità jè tìkoḡá yáá kiskoòta'yát'aà-là Jesús.

⁵⁸ K'eé kiichja-là Pilato nga kisjé-là yijo-là Jesús. Jè Pilato kitsjaà okixi nga kàtattoé-là.

⁵⁹ José kiskoé yijo-là Jesús; kisikájté jngòò nikje sávana tsjéé.

⁶⁰ Kii kiihijìn ya nangui-là xi ts'e José. Kiskinìs'engui jngòò ngajo itsjó xitse xi xó tsibíndaà-ne ya ingui nguijo. Ikjoàn tsohójtisa xotjoa-là ngajo jngòò ndajo teé; ikjoàn kii-ne.

⁶¹ Jè María Magdalena kò María xi ijngòò, yaá tsibítsajnat'aà chraña-là ñánda kisihijìn Jesús.

Mé-ne soldado kisikinda-ne ñánda kisihijìn Jesús

⁶² K'e nga komà inchiòn, jè nachrjein nikjáya, jña xita sko-là no'mii kò xita fariseo kiikon Pilato.

⁶³ Kitsò-là:

—Na'èn, bítsjeèn-najen, jè xita ndiso jèé, k'e nga sa tsibijnakon kitsò-né: “K'e nga kijchò jàn nachrjein kjoáaya-na.”

⁶⁴ K'oii kjoa-là kàtamakinda itsjó-là skanda k'e koma jàn nachrjein nga mi yaá kijchò xita-là xi kota'yat'aà-là k'e nga nitjen nga kijko chijé yijo-là. Ikjoàn kitsò jña xita-là nga keènojmi-là jña xita naxandá: “Jyeé jaáya-là xi it'aà ts'e kjoabiyaá.” Koá isaá ch'o komà 'én ndiso koi koni jña xi ítjòn.

⁶⁵ Kitsò Pilato:

—Ya títsajna soldado. Tanguió tikinda. 'Ñó tichjoà jè itsjó nga 'ñó kàtas'e.

⁶⁶ K'eé kii nga tsibíchjoà'ñó jè itsjó koá tsasén jngòò-là sello ya isò'nga-là ndajo xi kijtsa. Ikjoàn kisikitsajna soldado xi kisikinda.

28

*Mé xi komà k'e nga jaáya-là Jesús it'aà ts'e kjoabiyaá
(Marcos 16:1-8; Lucas 24:1-12; Juan 20:1-10)*

¹ K'e nga jye tsato nachrjein nikjáya, nga jye ts'e isén jè nachrjein tahàngo nga táts'en xomàng, kii María Magdalena kò María xi ijngòò nga kii katsejèn-là itsjó-là ñánda kisihijìn Jesús.

² K'e nga itjokàjen jngòò àkjale-là Nainá xi inchrobà-ne ngajmii, tà nitóón ts'a jngòò ch'ón xi 'ñó ts'a nga jaaxìn jè ndajo xi kijtsa ngajo itsjó; yaá tsibijnasòn.

³ Jè àkjale ote kji koni jngòò ni'in ch'on; kò jè nikje-là xi íkjá, chroba kji koni kjoàn 'nchán.

⁴ Jña soldado k'e nga kijtseé, tsí ndaà kitsakjòn-là. Tsí chiba-là tsatsé-né koa yaá k'en-ña.

⁵ Jè àkjale kitsò-là jña íchjín:

—Ki tsakjoòn-jèn. Be-ná, jè binchaàtsjiod Jesús xi kisit'aà krò.

⁶ Mi tí jí tíjna-ne. Jyeé kòfaáya-là koni s'in kitsò nga kjoáaya-là. Nchrobá chitsejèn-là j'nde-là ñánda kisijna.

⁷ Nitóón tanguió, koatìn-là xita xi kota'yat'aà-là: “Jyeé kòfaáya-là. Jè, yaá tífi ítjòn-nò ján Galilea. Yaá jchaxkoòn ijngòò k'a.” Tà k'oaa tíjn 'én xi tsja-nò.

⁸ Jña íchjín nitóón itjongui-ne nguijo; kii tsangachikon; okji tsakjón koa okji 'ñó tsja s'e-là nga kii kénojmi-là xita xi kota'yat'aà-là Jesús.

⁹ K'e nga nchifi íchjín, tà nitóón kisatilkjó Jesús koá kisihixat'aà. Jña íchjín, kii kinchat'aà chraña-là, ikjoàn chinchaxkó'nchit'aà-là nga kijtseèxkón, k'eé kitsohòkjá ndsoqo.

¹⁰ Jesús kitsò-là:

—Kì tsakjoòn-jèn. Tanguió tiki'nchré jñà 'ndse mé-ne nga kàtji-ne ján Galilea. Yáá skoe ñngoò k'a-na.

Én xi kitsjaà jñà soldado

¹¹ K'e nga nchifi-ne jñà íchjín, tikoáá kii i'nga-ne jñà soldado xi kisikinda jé itsjó; kii ján jngoò osen naxandá nga kii kénomji-lá jñà xita sko-lá nō'mii ngats'ii kjoa xi komá.

¹² Jñà xita sko-lá nō'mii kiikáko jñà xita jchínga. K'e nga jye tsajoóya-ne, tseé ton kitsjaà-lá jñà soldado,

¹³ ikjoàn kitsò-lá:

—Jñò, k'oaá tixón: “K'e nga ijchò osen nitjen nga titsayijòfè-jen, jñà xita xi kota'yàt'aà-lá Jesús ijchòkjaá chijé yijo-lá.”

¹⁴ Tsà kji'nchré jè xitaxá gobernador nga titsayijòfè, ngajeén onguichòon-jen mé-ne nga mi kjo'in tsjá-nò.

¹⁵ Jñà soldado kiskoé ton xi kitsjaà-lá ko k'oaá s'in kitsò koni s'in ki'mi-lá. Skanda nàchrjein i'ndeí tákó k'oaá tsò jñà xita judío.

*Kii kitsò Jesús nga kitsjaà-lá xá xita xi kota'yàt'aà-lá
(Marcos 16:14-18; Lucas 24:36-49; Juan 20:19-23)*

¹⁶ Jñà xita xi kota'yàt'aà-lá Jesús xi ngui tejngoò ma-ne, kii ján Galilea ya nindoò ñánda nga okitsò-lá Jesús.

¹⁷ K'e nga kijtseé Jesús, chincha-xkó'nchit'aà-lá nga kijtseèxkón. Tanga tjín i'nga xi mikii kòkjeiín-lá tsà jè-né.

¹⁸ Jesús, k'ée kii kasit'aà chrañà-lá, kitsò-lá:

—Jyeé kitjóé yije-na nga ñó nga 'an kotixoma ngajmii ko i isò'nde.

¹⁹ Tanguíchòn yije xita xi tjín nga tíjtsa naxandá xi tjín isò'nde; takóya-lá nga it'aà ts'an kàtakota'yá; t'een bautizar it'aà ts'e 'ín-lá Nà'èn-ná ko ts'e Kí'ndi-lá koa ko ts'e Injima Tsjeè-lá Nainá;

²⁰ takóya-lá nga kàtasíkitasòn yije kjoa xi 'an tsakoóya-nò. Kì nijchàajìin-jèn nga 'aán tijnako-nò nàchrjein inchiòn skanda k'e nga kjoehet'aà isò'nde. K'oaá s'in kàtama.

'Én ndaà-là Nainá xi kjoa ts'e Cristo koni s'ín kiskiì San Marcos

Kó kitsò 'én xi kiichja Juan xi kis'iin bautizar xita
(Mateo 3:1-12; Lucas 3:1-9, 15-17; Juan 1:19-28)

¹ I mats'ia-ne 'én ndaà-là Jesucristo xi Ki'ndí-là Nainá.

² K'oaá s'ín komà koni s'ín tji't'aà xojon-là Isaías xita xi kiichja ngajo-là Nainá nga kitsò:

'An, sikasén ítjòn-lè xita-na xi kjiiko 'én,
jè xi koiindaàya ítjòn-lè ndiyá-lè.

³ Na'yà-là jta-là jngoò xita xi 'ño chja
ya i'nde it'aà xin ñánda nangui kixi choòn, nga tsò:
"Tjandaà ndiyá-là Nainá ya jjiin inima-nò;
kixi tikájna koni jngoò ndiyá ñánda kojmeèya Na'èn-ná."

⁴ K'oaá s'ín komà; j'ii jè Juan nga kis'iin bautizar xita ya i'nde it'aà xin ñánda nangui kixi choòn. Kiichjaya nga kàtasikájno jé-là jña xita nga mì tì jé kohótsji-ne, ikjoàn kàtas'ín bautizar yijo-là mé-ne nga sijnchàat'aà-là Nainá jé-là.

⁵ Kjin xita ijchò 'nchré-là Juan xi inchrobà-ne nangui Judea kò naxandá Jerusalén. K'e nga jye jahatakòn jé-là jña xita, jè Juan kis'iin bautizar ya nandá xajngá nandá Jordán.

⁶ Nikje xi tsohòkjá Juan, tsja-là cho camello-né; kò jngoò sincho chrjoa tsibíkjá ndáyá-là; tsojmi xi kiskine Juan, jña cho langosta, kò tsjén-là cho cera xi tjin jjiin ijña.

⁷ K'oaá s'ín kiichja nga tsò:

—Jngoò nchrobátjngui-na xi isa tse nga'ño tjin-là mì k'oaá-ne koni 'an, skanda mì kì tji'nde-na nga kosiñiat'aà-là nga skjnda jè xox'in-là xojté-là.

⁸ Kixi kjoa 'an, ta nandá s'iin-na bautizar xita, tanga jè xi sa nchrobátjngui-na, koo Inima Tsjeè-là Nainá s'iin-nò bautizar.

Kós'in komà k'e nga komà bautizar Jesús
(Mateo 3:13-17; Lucas 3:21-22)

⁹ Jngoò nachrjein j'ii-ne Jesús ya Nazaret, nangui xi chja-ne Galilea; ikjoàn jè Juan kis'iin bautizar ya nandá xajngá nandá Jordán.

¹⁰ K'e nga itjokájiln-ne nandá Jesús, nitóón kijtseè nga kitáx'a ngajmii koa jè Inima Tsjeè-là Nainá inchrobàjen 'nè-là koni jngoò nise paloma.

¹¹ Koa kina'yà jngoò-là 'én xi ngajmii inchrobà-ne xi kitsò:

—Ji-né xi ki'ndí-na, xan-lè, xi 'ño matsjake-lè, tsja tjin-là takoàn it'aà tsjii.

K'e nga jè xita neij kiskoòt'aà Jesús
(Mateo 4:1-11; Lucas 4:1-13)

¹² Nga komà iskan jè Inima Tsjeè-là Nainá kisikasén Jesús ya i'nde it'aà xin ñánda nangui kixi choòn.

¹³ Ichán nachrjein tsibijna; tsibijnajiln-là cho ts'en kò jè xita neij kiskoòt'aà nga mejèn-là nga kátátsji jé. Tanga jña àkjalé kisis'in-là.

K'e nga tsibíts'ia Jesús nga kisixá ya i'nde Galilea
(Mateo 4:12-17; Lucas 4:14-15)

¹⁴ K'e nga jye kii ndayá Juan xi kis'iin bautizar xita, Jesús kii ján Galilea nga kiichjaya 'én ndaà-là Nainá koni s'in otixoma Nainá.

¹⁵ Kitsò:

—Jye kjòchrañàt'aà-nò nachrjein nga jchaa kós'in otixoma Nainá. Tikájno jè-nò, ki ti jé binchaàtsji-nò; kàtakjeiín-nò 'én ndaà-là Nainá.

Kii kis'iin Jesús nga ñijòn xita kiichja-là xi ma-là sik'en tìn

(Mateo 4:18-22; Lucas 5:1-11)

¹⁶ Jesús, k'e nga ja indii ndáchikon Galilea, kijtsee xi 'mì Simón ko 'ndse Andrés nga nchisikatjèn-nguindá na'ya-là. Xita koi, tìn sik'en.

¹⁷ Jesús kitsò-là:

—Nchrobátjìngui-ná, 'an tsjaà-nò xá nga kixkóya xita xi 'an kjit'aà-na koni s'in maxkóya tìn k'e nga nik'e'en.

¹⁸ Jñà xita koi ñitòón kisikájna na'ya-là nga kiitjìngui-là Jesús.

¹⁹ Ìsa xijngoaà Ìsa, Jesús kijtsee xi 'mì Jacobo ko 'ndse Juan, ixti-là Zebedeo nga títsaya chitso; nchibíndaàya na'ya-là.

²⁰ Tikoaá ñitòón kiichja-là xita koi; yaá kiitjìngui-là Jesús; kisikájna Zebedeo xi na'èn-là ma, ko xita chí'nda xi sixáko ya iya chitso.

Jngoò xita xi inima ch'o-là neii tjiin inima-là

(Lucas 4:31-37)

²¹ Ijchò naxandá Capernaum; k'e nga jye ijchò nachrjein nikjája, jahas'en ni'ya ingo sinagoga ts'e xita judío; ikjoàn tsakóya 'én-là Nainá.

²² Jñà xita, tà k'oaá komà-là koni tsò 'én xi tsakóya. K'oaá s'in tsakóya koni jngoò xita xi 'ño tjin-là kjotixoma; mìtsà k'oaas'in tsakóya koni xita xi okóya kjotixoma-là Nainá xi kiskii Moisés.

²³ Ya ni'ya ingo sinagoga tjna jngoò xita xi inima ch'o-là neii tjiin inima-là. 'Ñó kiichja nga kitsò:

²⁴ —Ji Jesús, xi Nazaret tsiji, ¿mé xi mejèn-lè? ¿Mé xi binchaàtsji? ¿A kòf'i nikjehesòn-nájen? Bexkon-lè; ji-né xi Xita Tsjeè-là Nainá.

²⁵ Tanga Jesús tsohótiko jè inima cho-là neii, kitsò-là:

—Jyò tjni, titjoiin inima-là xita jè.

²⁶ Jè inima cho-là neii kisikatsé koà kiskindàya xá, ikjoàn itjoiin inima-là xita jè.

²⁷ Ngats'ii xita xi títsajna, tà k'oaá koma-là; xki xi ján tsohóko xikjín; kitsò:

—¿Mé kjoa-ne koi? Jngoò kjoa xitse okóya xi tjin-là kjotixoma. Skanda jñà inima cho-là neii tsjá-là okixi, ko 'nchréñijon-là.

²⁸ Jesús, ñitòón kina'ya-là kòhokji nga jngoò itjandii nangui xi chja-ne Galilea.

K'e nga kisindaà-ne Jesús jè nachtya-là Pedro

(Mateo 8:14-15; Lucas 4:38-39)

²⁹ Jesús, k'e nga itjo-ne ni'ya ingo sinagoga, kjihitako Jacobo ko Juan, ñitòón kii ya ni'ya-là ñánda tjna Simón ko Andrés.

³⁰ Jè nachtya-là Simón, kijna xk'én-né. Ch'in tìnga tjin-là. Ñitòón kis'enojmí-là Jesús.

³¹ Ikjoàn kiikasit'aà chrañà-là; kitsobà'ño tsja; kisikasítjen. Ko ñitòón kitjaaxìn-là ch'in tìnga. Ikjoàn chjoón jè, kisis'in-là Jesús ko xita xi kjihitako.

K'e nga Jesús, kjin xita xk'én kisindaà-ne

(Mateo 8:16-17; Lucas 4:40-41)

³² K'e nga jye kiskaàtjì ts'oi nga jye kòjñò, j'iikò-la Jesús ngats'ii xìtá xk'én ko xi inìma cho-la nejí tjiin inìma-la.

³³ Ngats'ii xìtá naxandá, yaá kitsèejto xotjoa ni'ya.

³⁴ Jesús, kjin jchán xìtá kisindaà-ne xi kjin skaya ch'in tjin-la tikoaa tsachrjekajin inìma ch'o-la nejí xi tjiin inìma-la xìtá; Jesús mikii kitsjaà'nde nga jña nejí kiichja nga jña inìma ch'o-la nejí jyeé beèxkon yá-né Jesús.

K'e nga ijchò Jesús ján Galilea nga kisika'bí 'én ndaa-la Nainá
(Lucas 4:42-44)

³⁵ Nò tajñòya tsasítjen Jesús; tákó jñò-isa nga itjojin najnchra; kii jngoò j'nde it'aà xin ñánda tsjin xìtá nga kiichjat'aà-la Nainá.

³⁶ Simón ko xìtá xíjín xi i'nga, kii kátsji Jesús.

³⁷ K'e nga jye kisakò-la ñánda tjna Jesús, kitsò-la:

—Ngats'ii xìtá, jii ótsji-lè.

³⁸ Kiichja Jesús, kitsò:

—Tikoá tikjaán jña naxandá chrañat'aà nga kichjàya 'én-la Nainá nga koií xá j'i-na.

³⁹ K'oaá s'in tsajmeé Jesús kóhokji i'nde Galilea nga kiichjaya 'én-la Nainá ya ni'ya ingo sinagoga nga xkì xi ján naxandá. Tikoaa tsachrjekajin-ne inìma cho-la nejí xi tjiin inìma-la xìtá.

Kii komà nga kjòndaà jngoò-ne xìtá xi tbindojno chrjoa yijo-la
(Mateo 8:1-4; Lucas 5:12-16)

⁴⁰ J'iikon jngoò xìtá xi tbindojno chrjoa yijo-la. Tsasèn-xkó'nchit'aà-la Jesús, tsibít'si'ba-la, kitsò-la:

—Tsà mejèn-lè, tìtsjeè-ná ch'in xi tjin-na.

⁴¹ Jesús kjòhimaakeè-né, tsijmeé tsja nga tsohót'aà-la yijo-la xìtá jè, kitsò-la:
—Mejèn-na, kátandaà-ne.

⁴² Tìk'eé-ne nga tichja Jesús, nìtoón kjòndaà-ne; kitjaàxin-la ch'in; kjòtsjeè-ne yijo-la.

⁴³ Jesús kishixat'aà xìtá jè nga kii-ne. Tanga itjòn 'ñó tsibít'in-la, kitsò-la:

⁴⁴ —Tiná'yi, kii yá xìtá bènojmi-la. T'in ñánda tjna no'mii, takó-la yijo-lè nga jye kjòndaà-ne; jch'ii kjotjò-lè, tsojmi xi síjé kjotixoma-la Nainá xi kiskii Moisés, mé-ne nga tsjeé kijna-ne nguixkon Nainá tikoá skoe jña xìtá nga jye kjòndaà-ne ch'in-lè.

⁴⁵ Tanga xìtá jè, k'e nga kii-ne, tsibít'si'ia nga tsibénojmi yije kós'in komát'in. K'oaá komà-ne nga jè Jesús, mi tì kii ma taxkì jahas'en-jin-ne jña naxandá; yaá tsibijna ñánda tsjin xìtá. Tanga jña xìtá xi xkì xi ján i'nde inchrobà-ne, yaá ijchòkon ñánda tjna Jesús.

2

K'e nga jè Jesús kisindaà jngoò-ne xìtá xi mikii ma osijna kixi
(Mateo 9:1-8; Lucas 5:17-26)

¹ Xi komà jò ján naxrjein, ijchò jngoò k'a Jesús ján naxandá Capernaum. Kii'nchré xìtá nga ya tjna Jesús ya ni'ya jè.

² Tìk'e-ne kjin jchán xìtá ijchò maxkót'aà-la skanda mi ti kii tsì'ndè-ne xotjoa ni'ya. Jesús kiichjayajin-la 'én ndaa-la Nainá.

³ Jngoò xìtá j'iikò xi mikii ma sihiníyá yijo-la. Nijòn xìtá yangui.

4 Nga mìkìl komà kitjò'nde-là nga jahas'en ya xotjoa ni'ya, nga 'nò kjin xita títajna, yaá kiskix'a itjaj ni'ya ya kixi-là nãnda tijná Jesús. Yaá kiskinjen-ne jè xita xi xk'én xi kjiya-là ya.

5 Jesús, k'e nga kijtsee nga jña xita koi mokjeiin-là it'aà tse, kitsò-là jè xita xi xk'én:

—Ji ndi na'en, jé-lè jye kichàat'aà-lè.

6 Ya títajna i'nga xita xi okóya kjotixoma-là Nainá xi kiskii Moisés nga nchisíkitsjeèn jjiin inima-là. Kitsò:

7 “¿Mé-ne kos'in chja-ne jè xita jè nga Nainá chjajno-là? Nga tajngoò Nainá síjchàat'aà-ná jé-ná.”

8 Tik'e kijtsee-ya-là Jesús koni s'in nchisíkitsjeèn jjiin inima-là. Kitsò-là:

—¿Mé-ne kotsò-ne kjohitsjeèn-là inima-nó?

9 ¿Mé xi isa chiba 'in tjin? Tsà xan-là jè xita xi xk'én: “Jé-lè jye kachàat'aà-lè”, o tsà xán-là: “Chjoi nàchan-lè, tísitjin, títjei.”

10 Kokoò-nò nga 'an xi Ki'ndí-là Xita xan-là yijo-na, tji'ndeé-na nga síjchàat'aà-là jé-là xita i isò'nde.

K'eé kitsò-là jè xita xi xk'én:

11 —Ji, k'oaá xan-lè: Tísitjin, chjoi nàchan-yá-lè, t'in-ne ni'ya-lè.

12 K'eé tsasitjen jè xita xk'én. Kiskoé nàchan-là. Itjoiin-là ngats'ii xita xi títajna. K'e nga kijtsee kjoa koi, tà kjòxkón-là ngats'ii xita. K'eé jeya kisikijna Nainá:

—Ni saá jngoò k'a 'yaá jngoò kjoa xi kos'in ma.

K'e nga jè Jesús kiichja-la Leví

(Mateo 9:9-13; Lucas 5:27-32)

13 Jesús, ijngoò k'a itjo. Kii ján indii ndáchikon. Ngats'ii xita yaá ijchòkon, ijjoan tsakóya-là 'én ndaà-là Nainá.

14 K'e nga nchifi, Jesús kijtsee jè Leví, ki'ndí-là Alfeo. Tijnat'aà imixa ya nãnda síkíchjítjì tsojmì ts'e Roma. Kitsò-là:

—Nchrohótjingui-ná.

K'eé tsasitjen Leví, kiitjingui-là Jesús.

15 K'e nga tijnat'aà imixa Jesús nga tikjèn ya ni'ya-là Leví, kjin ma xita xi síkíchjítjì tsojmì kò xita xi jé tjin-là títat'aako imixa Jesús kò xita xi kota'yat'aà-là. Kjin jchán ma xita xi tjingui-là.

16 Jña xita xi okóya kjotixoma-là Nainá xi kiskii Moisés kò xita fariseo k'e nga kijtsee Jesús nga tikjèn-kò xita xi tse jé tjin-là kò xita xi síkíchjítjì tsojmì, kitsò-là jña xita xi kota'yat'aà-là Jesús:

—¿Mé-ne k'oas'in-ne Maestro-nò nga xita xi síkíchjítjì tsojmì kò xita jé kjèn-kò-ne?

17 K'e nga kii'nchré Jesús; kitsò-là:

—Jña xita xi mì ch'in tjin-là, mì chjineykiì mochjeén-là; jña-né xita xi xk'én xi mochjeén-là chjineykiì. 'An, mìtsà koi xá j'i-na nga jña kichjà-là jña xita xi tsò-là yijo-là nga xita kixi, koi xá j'i-na nga jña kichjà-là xita xi beè-là ikon nga jé tjin-là.

Xita xi bitsajnachjan

(Mateo 9:14-17; Lucas 5:33-39)

18 Jngoò k'a, k'e nga jña xita xi kota'yat'aà-là Juan kò jña xi kota'yat'aà-là xita Fariseo nchibitsajnachjan, kii i'nga xita koi nga kiskònangui-là Jesús. Kitsò-là:

—Jñà xità xi kota'yàt'aà-la Juan kọ xi kota'yàt'aà-la xità Fariseo bitsajnachjan-né. ¿Mé-ne jñà xità tsiji xi kota'yàt'aà-lè mi bitsajnachjan-né?

¹⁹ Kitsò Jesús:

—¿A bitsajnachjaán xità k'e nga xità kòbixan k'e nga ya tijnako-isa jè xità x'in xi kòbixan? Majìn, mìkiì bitsajnachjan xità.

²⁰ Tanga kįchò nachrjein k'e nga tjáxin-la x'in xi kòbixan; k'e-né nga kítsajnachjan xità.

²¹ Jngoò nikje ibaà mìkiì ma sijto-ne kọ nikje xítse; nga jè nikje xítse, kjeèn-yó-né koa kotejnda-né jè nikje ibaà. İsaá tse koma ñánda kixajnda kji.

²² Tįkoáá mitsà yá xi koma binchá xán ixii kọ chrjoa jchínga; tsà kọs'ın s'een, k'e nga jye kojchá xán, sįxajnda chrjoa jchínga, įkjoán chįja xán kọ chrjoa. Jè xán ixii, chrjoa xítseé sinchá.

Kıs'ın tjin it'aà ts'e nachrjein nikjaya

(Mateo 12:1-8; Lucas 6:1-5)

²³ Jngoò nachrjein nikjaya ja Jesús ya ñánda títje trigo. Jñà xità xi kota'yàt'aà-la tsate chiba natın-la trigo.

²⁴ Jñà xità Fariseo kitsò-la:

—¿Mé-ne kọs'ın-ne xità-lè jè nachrjein nikjaya? Mìkiì tjí'nde nga kọs'ın koma.

²⁵⁻²⁶ Kįchja Jesús kitsò-la:

—¿Jñò, a mitsà jye tįjın-nò koni s'ın tįchja Xojon-la Nainá koni kis'iin xítaxá ítjòn xi k'ı' m'ı David kọ jñà xità-la xi kįihįtako k'e nga no'miı ítjòn tsibįna jè Abiatar? K'e nga kįòhojò-la nga n'ı mé tjin xi kine, jahas'en n'ı'ya-la Nainá. Tsakjèn inchrjajın tsjeè-la Nainá. Tįkoá kitsjaà-la xità-la xi tįkọ. Mìkiì tjí'nde nga jñà kọkjen. Tà jñà no'miı tjí'nde-la nga kọkjen.

²⁷ Jngoò k'a kitsò Jesús:

—Jè nachrjein nikjaya, koiı xá kisindaà-ne nga kįondaà ts'e xità. Mitsà koi xá kisindaà-ne xità nga kįondaà ts'e nachrjein.

²⁸ K'oaá s'ın tjin, 'an xi K'ı'ndı-la Xità xan-la yijo-na, skanda jè nachrjein nikjaya, 'aán otįxoma-la.

3

Xità xi kixit'aà jngoò tsja

(Mateo 12:9-14; Lucas 6:6-11)

¹ Jngoò k'a jahas'en Jesús ñánda tįna jngoò ni'ya įngọ sinagoga. Kọ ya tįna jngoò xità xi kixit'aà jngoò tsja.

² Jñà kondra-la Jesús nchisikında nga mejèn-la nga skoe a sįindaà-ne jè xità xi kixit'aà tsja jè nachrjein nikjaya, mé-ne nga koma kọhõngui-ne.

³ Jesús kitsò-la jè xità xi kixit'aà jngoò tsja:

—Tįsıtjın, tįsįjı n'ı jngoò osen-la xità.

⁴ Jesús k'eé kitsò-la jñà xità xi i'nga:

—¿A tsjá'nde kįotixoma nga ndaà s'eén, o xi ch'o s'eén, jè nachrjein nikjaya? ¿A sįindaà-ná xità, o xi sįik'en-ná?

Jñà xità xi otı' m'ı-la ta jyò tsibįsajna.

⁵ Jesús kiskootsejèn-įjın-la xità nga jti komá-la. Tįkoá ba kis'e-la nga tájaajın tjin inįma-la jñà xità. K'eé kitsò-la jè xità xi kixit'aà tsja:

—Tjeendojoi ndsejı.

Tsįmeé tsja, nįtõón kįondaà-ne.

⁶ Jñà x̄it̄a fariseo, k'è nga itjo-ne, tsajoóya-ne kò x̄it̄a Herodes nga mejèn-là s̄iik'en Jesús.

K'è nga k̄jìn x̄it̄a k̄iit̄j̄ngui-là Jesús yà ind̄iì ndáchikon Galilea

⁷ Jesús kò x̄it̄a xi kota'yàt'aà-là chinchat'aà xìn. Ján k̄iì ind̄iì ndáchikon. K̄jìn x̄it̄a k̄iit̄j̄ngui-là xi nangui Galilea ts'e kò x̄it̄a nangui Judea,

⁸ kò x̄it̄a naxandá Jerusalén, kò x̄it̄a nangui Idumea, kò x̄it̄a xijngoaa xajngá nandá Jordán kóhok̄ji jngòò itjand̄iì-là naxandá Tiro kò Sidón nga k̄iì'nchré-là k̄joxkón xi kis'iin Jesús. K'oaa komà-ne k̄jìn jchán x̄it̄a ijchò t̄j̄ngui-là.

⁹ Jesús kitsò-là x̄it̄a xi kota'yàt'aà-là:

—Kjít'aà nàchrjein t̄j̄ajnaandaa jngòò chitso mé-ne nga mì x̄it̄a kòjt̄ínè-ná.

¹⁰ Koiì kjoa-là nga jyeé k̄jìn jchán x̄it̄a xk'én k̄jòndaà-ne. Jñà x̄it̄a xk'én xi i'nga, yaá fikjanè'ñó ñánda t̄j̄na Jesús nga mejèn-là kòòt'aà-là tsja.

¹¹ Jñà x̄it̄a xi in̄im̄a ch'o-là neij̄ t̄j̄jìn in̄im̄a-là, k'è nga beé Jesús bincha-kkó'nchit'aà-là, ikjoàn 'ñó ch̄ja, tsò:

—Jì-né xi Kì'ndí-là Nainá.

¹² Tanga jè Jesús 'ñó tsohótiko nga mì jñà k̄ènoj̄mí yá-né jè.

Kó 'mì 'ín-là x̄it̄a-là Jesús xi tejò ma-ne

(Mateo 10:1-4; Lucas 6:12-16)

¹³ Xi jye komà iskan, Jesús k̄iim̄j̄jìn-jno jngòò nindoò. K̄iich̄ja-là x̄it̄a xi jè ndaa kisaseèn takòn. X̄it̄a koi, ijchò kinchat'aà-là.

¹⁴ Ikjoàn jaàj̄jìn tejò x̄it̄a xi koahij̄tako, t̄j̄jñà-ne xi s̄iikasén nga k̄ich̄jaya 'én ndaa-là Nainá

¹⁵ xi t̄j̄koà kit̄joé-là ok̄ix̄i nga s̄iindaà-ne x̄it̄a xi ch'in t̄j̄n-là t̄j̄koà kochrjekàj̄jìn in̄im̄a ch'o-là neij̄ xi t̄j̄jìn in̄im̄a-là x̄it̄a.

¹⁶ Jñà x̄it̄a xi kit̄jaàj̄jìn: jè Simón. Ikjoàn tsibit'aàsòn 'ín-là; Pedro kitsò-là.

¹⁷ Kò jñà ixti-là Zebedeo xi 'mì Jacobo kò jè 'ndse xi 'mì Juan, xi t̄j̄koà tsibit'aàsòn 'ín-là; Boanerges kitsò-là. (Jè 'én jè tsò-ne: Ixti-là ch'on.)

¹⁸ Kò Andrés; Felipe; Bartolomé; Mateo; Tomás; Jacobo xi ti-là ma Alfeo; Tadeo; Simón, x̄it̄a xi yà fit'aà-là x̄it̄a cananista;

¹⁹ Judas Iscariote, jè x̄it̄a xi kisingatsja kondra-là Jesús.

X̄it̄a xi ch̄jajno-là In̄im̄a Tsjeè-là Nainá

(Mateo 12:22-32; Lucas 11:14-23; 12:10)

K'è nga j'iì-ne Jesús ni'ya ñánda síkjáya,

²⁰ ijngòò k'a kòk̄jìn x̄it̄a skanda mì ti k̄iì kit̄jò'nde-là nga tsakjèn.

²¹ K'è nga k̄iì'nchré x̄it̄a x̄ikjín Jesús, kjoa xi t̄is'ín, k̄iì kátsji nga tsōb̄a'ñó; kitsò: Skáyaá-là.

²² Jñà x̄it̄a xi okóya k̄jot̄ixoma-là Nainá xi kisk̄iì Moisés xi j'iì-ne Jerusalén k'oaa kitsò nga jè x̄it̄a neij̄ xi 'mì Beelzebú t̄j̄jìn in̄im̄a-là Jesús, nga jè x̄it̄a skò-là x̄it̄a neij̄ tsjá-là nga'ñó nga ochrjekàj̄jìn in̄im̄a ch'o-là neij̄ xi t̄j̄jìn in̄im̄a-là x̄it̄a.

²³ Jesús k̄iich̄ja-là x̄it̄a koi. Tsibènoj̄mí jngòò-là kjoa xi mangàsòn. Kitsò-là:

—¿A komaá jè x̄it̄a neij̄ kochrjekàj̄jìn-ne xi t̄j̄jè-ne yijo-là yà in̄im̄a-là x̄it̄a? Majìn.

²⁴ Tsà jngòò naxandá je, tsà jòya t̄j̄n nga kondra t̄itsajna-là x̄ikjín, mìk̄iì koma 'ñó kitsajna;

²⁵ kò tsà jngòò ni'ya, tsà jòya t̄j̄n nga kondra t̄itsajna-là x̄ikjín, t̄j̄koà mìk̄iì koma 'ñó kitsajna.

²⁶ Tsà jè x̄it̄a neíí, tsà jòya t̄is'ín xi t̄ijè-ne yijo-la, mìkiì k̄oma 'ñó kíjna. Jye t̄ífeh̄et'aà n̄achr̄jein-la.

²⁷ 'Jngòò x̄it̄a xi t̄jín-la nga'ñó, mì yá xi k̄oma k̄joahas'en ni'ya-la nga s̄ìchijè-la tsà mì it̄jòn k̄ojit'aà'ñó. K'èé k̄oma s̄ìchijè-la k'è nga jye k̄àsìt'aà'ñó.

²⁸ 'Okix̄ij̄ xi xan-nó, x̄it̄a xi t̄jín-la jé k̄o xi ch̄ajno-la Nainá, jchat'aà-la jé-la.

²⁹ Tanga j̄nà x̄it̄a xi ch̄ajno-la In̄im̄a Tsjeè-la Nainá, mìkiì jchat'aà-la n̄ita mé n̄ó-ne, n̄ita mé n̄achr̄jein-ne. K̄jò'in s'e-la n̄ita k̄jé-ne.

³⁰ Koií k'oas'ín kitsò-ne Jesús nga j̄nà x̄it̄a xi ok̄óya k̄jot̄ixoma-la Nainá xi kisk̄iì Moisés kitsò-né: "X̄it̄a jè, in̄im̄a ch'o-la neíí t̄jìin in̄im̄a-la."

Nea-la Jesús ko 'ndse

(Mateo 12:46-50; Lucas 8:19-21)

³¹ Xi komà iskan, ijchò 'ndse k̄o nea-la Jesús. Ján nd̄itsiaán tsib̄itsajna. K'èé kinok̄joà-la Jesús.

³² J̄nà x̄it̄a xi t̄itsajnandii-la, kitsò-la:

—Nea-lè k̄o j̄nà 'ndsì, ján nd̄itsiaán t̄itsajna. J̄i xó ótsji-lè.

³³ K'èé kiich̄ja Jesús, kitsò:

—¿Yá-né xi nea-na k̄o xi 'ndsè?

³⁴ Ik̄joàn kiskoōtsejèn-j̄iìn-la j̄nà x̄it̄a xi t̄itsajnandii-la. Kitsò:

—J̄nà x̄it̄a koi xi nea-na, k̄o xi 'ndsè.

³⁵ Nga n̄ita yá x̄it̄a-ne xi s̄ikitasòn koni s'ín mejèn-la Nainá, j̄nà-né xi 'ndsè, xi tich̄ja, k̄o xi nea-na.

4

Kjoa xi mangàsòn ts'è x̄it̄a xi b̄it̄je xojmá

(Mateo 13:1-9; Lucas 8:4-8)

¹ Jesús ìjngòò k'a tsib̄its'ia nga tsakóya ya ìndii ndáchikon. K̄jìn jchán ma x̄it̄a xi chixoñat'aà-la. Jesús jahas'en jngòò chitso xi k̄jijnaj̄iìn ndáchikon; ik̄joàn tsib̄ijnaya. Ngats'ii x̄it̄a, yaá t̄itsajnat'aà nanguií ya ìndii ndáchikon.

² K̄jìn skaya kjoa xi mangàsòn tsakóya-la x̄it̄a. K'è nga tsibénojmi-la kitsò-la:

³ —Ndaà t̄iná'yaà. Jngòò x̄it̄a kii k̄j̄ndj̄ xojmá.

⁴ K'è nga tsib̄its'ia nga kisk̄j̄ndj̄ xojmá, chixò chiba ya ìya ndiyá. Ik̄joàn j'ii n̄ise; tsakjèn.

⁵ Ngui k'oa t̄jín chixò ñanda nax̄i choòn nga chiba ni'nde t̄jín-la. J̄nà xojmá koi, n̄itoón isò koi-né nga mì nanga t̄jín nangui.

⁶ Tanga k'è nga it̄jok̄at̄ji ts'oi nga k̄jòtsjè ndobá, kixiñó, ik̄joàn jngòò k'aá kixi, koi-né nga tsjìn-la im̄a.

⁷ Ngui k'oa t̄jín chixò ya j̄j̄iìn na'yá. K'è nga k̄jò'nga na'yá, kisik'en-ngui xka-la xojmá; k'oaá ma-ne nga mìkiì tsajà-la toò.

⁸ Tanga j̄nà xojmá xi chixò ñanda nangui ndaà, tsijin, k̄jò'nga, tsajà-la toò, ndaà it̄jo. Kitsjaá katé, jàn-kaàn skanda jngòò sindo toò nga jngòò ìjngòò.

⁹ Ik̄joàn kitsò Jesús:

—Ndaà t̄iná'yaà koni xan-nò.

Mé-ne kjoa xi mangàsòn kisikjeén-ne Jesús

(Mateo 13:10-17; Lucas 8:9-10)

¹⁰ K'è nga jye tsib̄ijna t̄ajngòò Jesús, j̄nà x̄it̄a xi chrañá t̄itsajnat'aà-la k̄o x̄it̄a-la xi tejò ma-ne, kiskònangui-la kó tsòya-ne 'én xi tsibénojmi.

¹¹ Kitsò Jesús:

—Jñò, Nainá jye kitsjaà-nò nga jchaà kjoa'ma-la kó s'ín otíxoma Nainá. Tanga jñà xita xi k'ejí, tà 'én ts'e kjoa mangásòn s'enojmi yije-la,

¹² mé-ne nga mikìl skoe-ne nas'ín skótsejèn, tikoáá mikìl kochiya-la nas'ín kji'nchré. Nga jñà xita, majin-la síkijatjya kjohitsjeèn-la koa mikìl jchat'aà-la jé-la.

Jesús tsibénojmí kó tsòya-ne kjoa xi mangásòn ts'e xita xi bitje xojmá
(Mateo 13:18-23; Lucas 8:11-15)

¹³ Kitsò Jesús:

—¿A mì fiya-nò jè 'én ts'e kjoa xi mangásòn? ¿Kós'ín skaya-nò ngats'ii kjoa xi i'nga?

¹⁴ Jè xi bitje xojmá, jè गया-la xita xi síka'bí 'én-la Nainá.

¹⁵ Jñà xojmá xi chixò ya iya ndiyá, jñà गया-la xita xi 'nchré 'én-la Nainá. K'e nga ma iskan nga jyeé 'nchré, f'ii xita nejí faaxìn jè 'én ya jjiin inima-la xita.

¹⁶ Jñà xojmá xi chixò ya ñánda naxi choòn, jñà गया-la xita xi 'nchré 'én-la Nainá. Tsjaá s'e-la k'e nga sa 'nchré.

¹⁷ Tanga jè 'én mikìl ndaà kisijiin inima-la koni xka xi tsjin-la ima, mì 'ñó binchako 'én, ta chiba nachrjein chikjoa-la. K'e nga mé kjoa xi sakó-la ko tsá xita fitjingui kondra-la nga jè ngatji-la 'én-la Nainá, nitóón síkijna ndiyá-la Nainá.

¹⁸ Jè xojmá xi chixò ya ñánda tjín na'yá, jñà गया-la xita xi 'nchré 'én-la Nainá,

¹⁹ tanga 'ñó síkájno kjoa ts'e tsojmi xi tjín isò'nde; ko jè kjoa nchiná konachan-la; ko mejèn yije-la tsojmi xi tjín isò'nde. Jñà kjoa koi síkits'ón-jiin 'én-la Nainá, k'oaá ma-ne nga mikìl makjin-ya.

²⁰ Tanga jñà xojmá xi chixò ñánda nga nangui ndaà, jñà गया-la xita xi 'nchré 'én-la Nainá koa mokjeiín-la; ikjoàn makjin-ya 'én, k'oaá गया-la koni ya xi oja-la toò. Tsjá katé, jàn-kaàn skanda jngoò sindo nga jngoò iingoó yá.

Kjoa xi mangásòn ts'e ní'ín xi síhiseèn
(Lucas 8:16-18)

²¹ Jesús kitsò-isa:

—¿A k'oaá s'ín mochjeén ní'ín xi síhiseèn nga ya sijnangui kaxa, o ya sijnangui nathan? Majin, jngoò ní'ín xi síhiseèn, 'ngaá sijná mé-ne nga síhiseèn-la xita.

²² Nímé kjoa tjín xi tji'ma i'ndeji xi mikìl jcha-la; tikoáá tsjin kjoa xi tji'ma i'ndeji xi mikìl kotsejèn.

²³ jNdaà tiná'yaà koni xan-nò!

²⁴ Jesús kitsò-isa-la:

—Jñò xi na'yá, ndaà tiná'yaà. Koni kji machiya-nò, k'oaá ti kji síkíchiya-nò Nainá, skanda tsjásòn-isa-nò.

²⁵ Jè xi tjín-la [kjohitsjeèn], tjoé-isa-la; tanga jè xi tsjin-la, skanda tjá'aán-la [kjohitsjeèn] xi chiba tjín-la.

Kjoa xi mangásòn ts'e nga majchá nijin

²⁶ Kitsò Jesús:

—Koni s'ín otíxoma Nainá k'oaá tjs'ín tjín koni k'e tsá jngoò xita bitje nojmé.

²⁷ Jè nojmé, síxá nga bisò, ma'nga, nas'ín jè xita xi bitje mikìl tibeé kós'ín tsixá nga jè xita ojnafè-né k'e nga njetjen; nga s'e isén ositjen;

²⁸ nga jè nangui tísíjchá; íjtòn bitjo xka-la, iskan ma'nga, ikjoàn tjo-la natín koa ikjoàn majchá nijin.

²⁹ K'e jye majchá nijin, jye ma maxkó nga jye ijchò chiba-la nga sincháxkó nijin.

Kjoa xi mangásòn ts'e xojmá mostaza

(Mateo 13:31-32; Lucas 13:18-19)

³⁰ Jesús ijngòò k'a kitsò:

—¿Mé xi kóngásòn-kò koni s'in otíxoma Nainá?, o ¿mé 'én xi s'ingásòn-kjoaá?

³¹ Jè mangásòn-kò koni kji xojmá mostaza; k'e nga sitje jjiin nangui, jè xi isa ítsé kji i it'aà nangui.

³² K'e nga jye sitje, bisò, ma'nga skanda isáá 'nga ma koni ngats'ìi xka xi ma chine xi sitje indii ni'ya. 'Nó 'nga ma chrja-la skanda ma bindaà'a tjé-la nise ya ngui 'nguién-la.

Jesús, kós'in kisikjeén kjoa xi mangásòn

(Mateo 13:34-35)

³³ Jesús kjin skaya kjoa xi mangásòn kisikjeén nga tsakóya 'én ndaà-la Nainá, koni kji nga ndaà flya-la xita.

³⁴ Ngui koo kjoa xi mangásòn tsakóya-la xita; njimé 'én kiichja xi mìtsà kjoa xi mangásòn tsibénjmi; tanga k'e nga jye tijnat'aaxin-kò xita-la xi kota'yat'aà-la, k'ée ijngòò k'a tsakóya ndaà yije-la.

K'e nga jè Jesús kisikijnajyò tjoxkón

(Mateo 8:23-27; Lucas 8:22-25)

³⁵ K'e nga jye kòjñò nga tjà-ne nachrjein, Jesús kitsò-la xita-la xi kota'yat'aà-la:

—Tíkjaán, ján xijngoàà ndáchikon.

³⁶ Jñà xita xi kjin ma-ne ta yaá kisikítsajna; kii Jesús kò xita xi kota'yat'aà-la nga títsajnaya chitso. Tíkooá tsafáhijtakò chitso xi i'nga.

³⁷ K'e nga jye tjamajin nandá, j'ii jngòò tjoxkón xi taxkí komà-né; kiskimii'nga nandá koa jè chitso jye kitsee nandá.

³⁸ Jesús yaá kjinafè tàts'en chitso. Kijnanguisko jngòò nikje nguisko. K'ée kisikjaá-la, kitsò-la:

—Maestro, ¿a mìtsà t'i'yi nga titsabixònguindá-ná.

³⁹ Jesús k'ée tsasítjen, tshóhítikò jè tjo; kitsò-la ndáchikon:

—Jyò tijnì.

Nitoón kisijyò-ne tjo; kjòndaàya-ne.

⁴⁰ Jesús kitsò-la xita xi kota'yat'aà-la:

—¿Mé-ne tsakjoòn-nò? ¿A mìtsà mokjeiin-nò it'aà ts'an?

⁴¹ Jñà xita xi kota'yat'aà-la ndaà jchán kitsakjòn. Xkì xi ján kjònangui-la xikjín, tsò-la:

—¿Yá xita-ne jè skanda jè tjo kò ndáchikon síkitasòn-la?

5

Xita Gerasa xi kjin inima ch'o-la neij tjiin inima-la

(Mateo 8:28-34; Lucas 8:26-39)

¹ Jesús kò xita xi kota'yat'aà-la ijchò ján xijngoàà ndáchikon ya nangui-la xita Gadareno.

² K'e nga itjojen chitso Jesús ijchò kasit'aà jngòò-la xita xi inima ch'o-la neij tjiin inima-la. Jè xita jè yaá itjo-ne ítsjó ngajo mik'en.

³ Xità jè yaá bijnaya ya itsjó ngajo mik'en. Mi yá xi ma bít'aà'nó nas'in na'nó kicha cadena.

⁴ Kjin k'a okis'iin-ko nga tsibít'aà'nó ndsokò ko tsja na'nó kicha cadena. Niyá xi chikjoa-la nga kisi'nchré; otejso xó cadena.

⁵ Ko nchrjein ko nitjen yaá ojmeesòn nindoò ñánda tjin itsjó ngajo-la mik'en. Kjindáya tsò kjindáya ská nga kjaán ko yijo-la; 'beé-la ndajo yijo-la.

⁶ K'e nga kijtsee nga kjin tínchrobá Jesús, tsangachikon. Kii kasit'aà chraña-la, tsasèn-xkó'nchit'aà-la.

⁷ 'Nó kiichja, kitsò:

—¿Mé xi tjin-lè ko 'an, Jesús, Ki'ndí-la Nainá xi 'nó 'nga tjna? Bitsi'bà-lè nga nguixkon Nainá, kì yatoòn-ná.

⁸ Koií k'oas'in kiichja-ne nga jè Jesús kitsò-la:

—Ngaji inima ch'o-la neíi, titjoiin inima-la xita jè.

⁹ Jesús kiskònangui-la. Kitsò-la:

—¿Kó 'mì-lè?

Jè kitsò:

—Legión 'mì-na, koií-né nga kjin jchán ma-najen.

¹⁰ Jñà inima ch'o-la neíi, 'nó tsibítisi'ba-la Jesús nga mì it'aà xin skini ya i'nde jè.

¹¹ Ko ya chraña it'aà nindoò, kjin chinga nchikjèn-jno.

¹² Jñà inima ch'o-la neíi tsibítisi'ba-la Jesús. Kitsò-la:

—Yaá tikasén-najen ñánda tjin chinga; yaá kitjás'en-jiin-jen yijo-la.

¹³ Jesús kitsjaa'nde-la; jñà inima ch'o-la neíi itjoiin inima-la xita jè; ikjoan jahas'en-jiin yijo-la chinga. Ma-la tsà jò jmi jñà chinga xi tsanga; tsatikjajen-jno ya naxi skanda jjin ndáchikon, yaá k'en yije jjin ndáchikon.

¹⁴ Jñà xita xi ko'nda chinga, tsanga. Kii kénomí-la xita naxandá ko xita rancho jè kjoa xi komà. Jñà xita naxandá ijchò katsejèn-la kjoa xi komà.

¹⁵ Kjin xita ijchò ñánda tjna Jesús, kijtsee jè xita xi inima ch'o-la neíi tjin inima-la nga sa itjòn. Jyò tjna. Íkjá-ne nikje-la. Ndaa tjin-ne kjohitsjeèn-la. Xita xi ijchò, ta kitsakjòn-la.

¹⁶ Jñà xita xi kijtsee koni s'in komà'in jè xita xi inima ch'o-la neíi tjin inima-la nga kjondaà-ne ko chinga xi tsatikjá, tsibénomí-la jñà xita xi ijchò xi mikii kijtsee.

¹⁷ Jñà xita xi ijchò tsibítisi'ba-la Jesús nga xin i'nde kàtji.

¹⁸ K'e nga jahas'en chitso Jesús, jè xita xi inima ch'o-la neíi kisijiin inima-la, tsibítisi'ba-la Jesús nga mejèn-la kjiko.

¹⁹ Tanga jè Jesús mikii kitsjaa'nde-la. Kitsò-la:

—T'in-ne ni'ya-lè, ténomí yije-la xita xinguí jè kjondaà xi kisiko-lè Nainá; kós'in kijtsee ima-lè.

²⁰ Xita jè, kii; ikjoan tsibítisi'ia nga tsibénomí-la jñà xita naxandá Decápolis jè kjondaà xi kisiko Jesús. Ngats'ii xita xi kis'enojmí-la tà k'oaa komà-la.

Tsòti-la Jairo ko chjón xi kitsobá'nó itjòn nikje-la Jesús

(Mateo 9:18-26; Lucas 8:40-56)

²¹ Jesús tsibijna'ya chitso, inchrobà ijngoò k'a-ne ján xijngoàà ndáchikon, kjin jchán xita chixoñat'aà ijngoò k'a-la, koa yaá tsibijnandi ndáchikon.

²² Ijchòkon jngoò xita xi 'mì Jairo xi xita itjòn ts'e ni'ya ingo sinagoga. K'e nga kijtsee Jesús tsasèn-xkó'nchit'aà-la.

²³ 'Nó tsibítisi'ba-la, kitsò-la:

—Ndí tsòti-na jye kjomeè biyaà; nchroboí, tíkjaán, tja'taà-la ndseji nga kàtandaà-ne, mé-ne nga kíjnakon-ne.

²⁴ Jesús kiiko, kjin jchán xita kiltjngui-la; chiba-la ó'nchò'ño-né.

²⁵ Yaá tsóhojin ingoò chjoón xi kjò tejo nó xk'én, ch'in jni tjin-la.

²⁶ Kjötséé tísikjeiin kjo'in it'aà ts'e chjinexkü; jye xó kisikje yije ton-la; miki mandaà-ne, ta saà tíma'ño ch'in-la.

²⁷ Chjoón jè, k'e nga kii'nchré it'aà ts'e Jesús, kijiin-la ngats'ii xita kjin; ijton its'in kitsobà-ne nikje-la Jesús.

²⁸ K'oas'in tísikitsjeèn, kitsò: “Tsà tà jè nikje-la sikoaa, kondaá-na.”

²⁹ K'e nga kitsobà'ño nikje-la, nitoón kisijyò-la jni, koa kijtseèyaá-la yijo-la nga jye kjondaà-ne ch'in-la.

³⁰ Jesús nitoón kijtseèya-la nga nga'ño-la itjojin; kisikáti, kiskootsejèn-jiin-la xita kjin, kitsò:

—¿Yá xi kàtsobà'ño nikje-na?

³¹ Jña xita xi kota'yà'taà-la Jesús kitsò-la:

—¿A mìtsà 'yi nga jña xita ó'nchò'ño-lè? Ngaji si-né: “¿Yá xi kàtsobà'ño nikje-na?”

³² Tanga jè Jesús kotsejèn-jiin-la jña xita nga mejèn-la skoe yá xi kitsobà'ño nikje-la.

³³ Chjoón jè, tsí tíhotsé-né nga kitsakjòn, nga jyeé tjiin-la kós'in komà ch'in-la; kü, tsasèn-xkó'nchit'aà-la Jesús; tsibénojmi kixi yije-la kós'in komàt'in.

³⁴ Jesús kitsò-la:

—Ndí neaa, koi-né nga mokjeiin-lè it'aà ts'an nga kòmandaà-ne. T'in-la ndaà-ne. Jyeé kòmaxkü-la ch'in-lè.

³⁵ Táko tük'eé tíchja-la Jesús nga j'ii i'nga xita xi inchrobà-ne ni'ya-la xita itjòn ts'e ni'ya ingo sinagoga, kitsò-la:

—Ki ti kü nisë-la Maestro, ndí tsòti-lè jyeé k'en.

³⁶ Tanga jè Jesús, nga kii'nchré koni kitsò okixi xi j'iikü, kitsò-la jè na'èn-la ndí tsòti:

—Ki tsakjoòn-jèn; tà jè-né nga kàtakjeiin-lè.

³⁷ Jesús miki kitsjaà'nde nga kjin xita kiiko. Tà jè Pedro, Jacobo ko Juan 'ndse Jacobo.

³⁸ K'e nga ijchò ni'ya-la jè xita itjòn ts'e ni'ya ingo sinagoga, Jesús kijtseè nga fijen fikjá xita, 'ño nchikjindáya ko 'ño nchisíkajno.

³⁹ Jahas'en ni'ya Jesús, kitsò-la:

—¿Mé-ne ko'nè-nò nga ko tà ndaà chihindáya-nò? Jè ndí tsòti mìtsà kòbiyaà; ta kjinafé-né.

⁴⁰ Jña xita xi títajna tà tsijnòkèe Jesús. K'eé tsachrje yije ni'ya kóhótjin xita; tà jña tsibitsajna na'èn-la, nea-la, ko xita ts'e xi tjiiko. Ikjoàn jahas'en nãnda kijna ndí tsòti.

⁴¹ Kiskoé tsja, kitsò-la:

—Talita cumi —'én xi tsòya-ne: Ji tsòti, k'oaá xan-lè, tísitjin.

⁴² Jè ndí tsòti nitoón tsasítjen, tsajmeè-ne. Jye kjò tejo nó tjin-la. Jña xita xi títajna, 'ño jchán kitsakjòn.

⁴³ Tanga Jesús 'ño kitsjaà okixi nga mì yá xita xi keénojmi-la. Ikjoàn kitsò-la:

—Tjiin-la nga kàtakjèn ndí tsòti.

6

*Kó kitsò x̣iṭa k'e nga kii Jesús ján Nazaret
(Mateo 13:53-58; Lucas 4:16-30)*

¹ Jesús itjoiin-ne ya i'nde jè, kii-ne nangui-là Nazaret, ṭjiko x̣iṭa xi kota'yat'aà-là.

² K'e nga jye ijchò nachrjein nikjáya, tsibíts'ia nga tsakóya 'én ndaà-là Nainá ya ni'ya ingo sinagoga. Kjin jchán ma x̣iṭa xi kii'nchré-là koni s'in tsakóya. Jñá x̣iṭa, tà k'oaá komà-là, kjònangui-là x̣ikjín, kitsò:

—X̣iṭa jè, ¿ñánda komà-là ngats'i' 'én xi okóya? ¿Ñánda ochrje kjoachjine koi ko kjòxkón xi s'in?

³ ¿A mìtsà jè xi chjineyá xi ti-là María, xi 'ndse ma Jacobo, José, Judas ko Simón? ¿A mìtsà ṭikoa i ṭítsajnajiiin-ná íchjín ndichja?

X̣iṭa koi mikii kòkjeiin-là it'aà ts'e Jesús.

⁴ Tanga jè Jesús kitsò-là:

—Jngòò x̣iṭa xi chja ngajo-là Nainá, njta ñá naxandá-ne yaxkón-né, tanga ya naxandá-là ko ni'ya-là ko it'aà ts'e x̣iṭa x̣ikjín mikii yaxkón.

⁵ Jesús nímé kjòxkón xi ndaà tjín kis'iin nangui-là, tà chiba x̣iṭa xk'én xi tsohót'aà-là tsja nga kisindaà-ne.

⁶ Tà kjòxkón-là Jesús, nga jñá x̣iṭa koi, mikii mokjeiin-là it'aà ts'e.

Kós'in tsatixoma-là Jesús x̣iṭa-là xi tejò ma-ne xi kisikasén nga kisika'bí 'én-là Nainá

(Mateo 10:5-15; Lucas 9:1-6)

Jesús yaá tsajmeè naxandá jtabá xi chrañat'aà kjijijò nga tsakóya.

⁷ Nga komà iskan, Jesús kiichja-là x̣iṭa-là xi tejò ma-ne xi jè tsibíxáya-là; jò jò kisikasén, kitsjaà-là okixi nga kochrjekàjiiin inima ch'o-là neji xi tjiiin inima-là x̣iṭa.

⁸ K'oaá ṭis'in kitsjaà-là okixi nga nímé tsojmi k'oa k'e nga kjo ndiyá. Kitsò-là:

—Tà k'oaá s'in tanguió. Tà jngòò yá garrote ch'aà. Kì nà'yaá ch'aà, kì inchrájin ch'aà, kì tòn ch'aà.

⁹ Komaá tsjayaà xojté-nò. Tà jngòò nachro ch'aà. Kì jò ch'aà.

¹⁰ Jesús kitsò-isa-là:

—K'e nga kijchò jngòò naxandá, jngòò ni'ya ṭítsajna skanda k'e nga kongui-nò.

¹¹ Tsà tjín naxandá ñánda mikii skoétjò-nò, tsà majin-là nga 'nchré-nò, titjòjñòò, ṭítsajneè chijo-là ndsokòò mé-ne nga skoe-ne nga jñá tjín-là jè nga mikii 'nchréñijon. Xi ngui okixi k'oaá xan-nò k'e nga kijchò nachrjein-là jñá naxandá koi, isaá tse kjo'in s'e-là koni s'in komat'in naxandá Sodoma ko Gomorra.

¹² X̣iṭa koi, kii nga tsibénojmiya-là x̣iṭa nga kàtasikájno jé-là nga mì ṭi jé kohótsji-ne.

¹³ Kjin inima ch'o-là neji tsachrjekàjiiin inima-là x̣iṭa, ṭikoa kjin x̣iṭa kisindaà-ne xi xk'én nga kisikaajno-là asiṭi.

K'e nga k'en Juan xi kis'iin bautizar x̣iṭa

(Mateo 14:1-12; Lucas 9:7-9)

¹⁴ Jè Herodes xi x̣iṭa xá itjòn tjina, kii'nchré it'aà ts'e Jesús nga jye xḳi xi ján naxandá kina'yà-là. Tjín x̣iṭa xi kitsò:

—Jè Juan xi kis'iin bautizar x̣iṭa, jyeé jaáya-là. K'oaá ma-ne nga tjín-là nga'ño nga ma-là s'in kjòxkón xi ndaà tjín.

15 Tjín x̄it̄a xi kitsò:

—Jè Elías.

Tikōa tjín xi kitsò:

—Jngoò x̄it̄a xi kùichja ngajo-l̄a Nainá kjòtseé.

16 Jè Herodes, k'e nga kii'nchré kitsò-né:

—Jè Juan xi jaáya-l̄a xi 'an tsatesian skò.

17 Nga ìsa kjòtseé, Herodes kisikasén x̄it̄a nga kitsobá'ñó Juan nga kiskinis'en ndayá, koi kjoa-l̄a ts'e chjoón Herodías xi chjoón-l̄a Felipe nga jè Herodes chixàn-kò xi chjoón-l̄a 'ndse.

18 Nga jè Juan xi kis'iin bautizar x̄it̄a, kjìn k'a okitsò-l̄a Herodes:

—Mikiì tjii'nde-lè nga jì tijnakoji chjoón-l̄a 'ndsi.

19 Jè chjoón Herodías, kòjtikeè Juan, mejèn-l̄a nga s̄iik'en tanga mikiì ma xi síko.

20 Nga jè Herodes, beèxkón Juan kò síkinda-ne nga jye tjiiin-l̄a nga x̄it̄a kixi-né kò x̄it̄a tsjeè-né. Herodes k'e nga chjako Juan, matsjaá-l̄a nga 'nchré-l̄a, tanga mikiì beè mé xi s'iin, a s̄iikitasòn-né, a xi majin.

21 Ijchò jngoò nachrjein xi ndaa ts'e chjoón Herodías k'e nga tsachrje s'eí-l̄a jè Herodes jè nachrjein nga kits'iin. Ijchò x̄it̄a-l̄a x̄itaxá ítjòn, kò x̄it̄a skò-l̄a soldado, kò x̄it̄a nchiná xi tjín kòhokji Galilea nga tsakjèn-kò Herodes.

22 Tikōa ijchò tsòti-l̄a Herodías, jahas'en ni'ya; kitè. Jè Herodes kò x̄it̄a xi títsajna, ndaa jchán kisaseèn-l̄a koni s'ín kitè jè tsòti. Herodes, xi x̄it̄a xá ítjòn tjina, kitsò-l̄a:

—Tijé-ná mé xi mejèn-lè, tsjaa-lè.

23 K'oaá s'ín kitsjaa-l̄a tso'ba nga tsjá yije-l̄a n̄it̄a mé xi mejèn-l̄a nas'ín osen nangui xi jè ofixoma-l̄a.

24 Jè tsòti, itjo ni'ya, kiskònangui-l̄a nea-l̄a. Kitsò-l̄a:

—¿Mé xi s̄iijé-l̄a?

Jè nea-l̄a. Kitsò:

—Tijé-l̄a skò Juan xi s'ín bautizar x̄it̄a.

25 Jè tsòti, n̄it̄oón jahas'en ìjngoò k'a ni'ya ñánda tjina x̄itaxá ítjòn. Kitsò-l̄a:

—I'ndeì mejèn-na nga n̄it̄on tjii-ná skò Juan xi s'ín bautizar x̄it̄a; tinaya-ná chrobate.

26 Jè Herodes, xi x̄itaxá ítjòn tjina, 'ñó kjòba-l̄a k'e nga kii'nchré-l̄a jè tsòti. Tanga koiì kjoa-l̄a nga jye kitsjaa-l̄a 'én-l̄a nga nguixkò x̄it̄a xi títsajna s'eí, kjo'ñó kisikitasòn-l̄a.

27 Jè Herodes, tik'eé-ne kisikasén jngoò soldado, kitsjaa okixi nga kàtjanchrohóko skò Juan.

28 Jè soldado kii ján ndayá nga tsatesin Juan; ikjoàn j'ìikò skò Juan; tjíya-l̄a chrobá nga kitsjaa-l̄a jè tsòti; kò jè tsòti kisingsajna nea-l̄a.

29 K'e nga kii'nchré x̄it̄a xi kota'yat'aà-l̄a Juan nga jye k'en, kiikjaá yijo-l̄a nga kiskinis'en-ngui jngoò ngajo ìtsjó-l̄a mik'en.

Jè kjoxkón xi kis'iin Jesús nga 'òn jmii x̄it̄a kisikjèn

(Mateo 14:13-21; Lucas 9:10-17; Juan 6:1-14)

30 K'e nga j'ii ìjngoò k'a-ne jñá x̄it̄a xi tsibíxáya-l̄a Jesús, tsibénøjmi ngats'ii kjoa xi kis'iin kò xi tsakóya ñánda kii.

31 Jesús kitsò-l̄a:

—Nchrobá. Tíkjaán nga s̄ikjáya í'ñoá jngoò j'nde it'aà xìn.

Koiì k'oa kitsò-l̄a nga kjìn jchán ma x̄it̄a, koa tjín bijchó, koa tjín nchrobá-ne. Jesús kò x̄it̄a xi tsibíxáya-l̄a skanda mì tjì kii ma'a-l̄a nga kjèn.

32 Tsibìtsajnyaya chitso nga ta jñà kii jngoò i'nde j't'aà xìn ñánda tsjìn xitá.

33 Tanga kjìn xitá kijtsee k'e nga kii. Kijtseeëxkon nga jè Jesús. Ikjoàn kiijtingui-la ngats'ii xitá naṣandá xi ya chrañat'aà-la nga kii-ne ndsoḱo; skanda isa ítjòn ijchò jñà xitá koi.

34 Jesús, k'e nga itjojen chitso, kijtseeè nga 'ñó kjìn ma xitá xi títsajna; kjòhímakeè-né. K'oáa ngaya-la koni jñà orrè xi tsjìn-la paxtó xi ko'ndá. Ikjoàn tsibìts'iaḱo nga kjìn 'èn tsibéngjmi-la.

35 K'e nga jye 'ñó kjòhoxòñ, jñà xitá xi kota'yàt'aà-la Jesús ijchò kinchat'aà-la, kitsò-la:

—Jyeé kjòhoxòñ, jè i'nde jè, i't'aà xìn-né, nímé tjín.

36 Kot'in-la jñà xitá kàtjì-ne nga kàtatse tsojmi xi skìñe ya naṣandá ko tsà jñà ni'ya ñánda nga chrañat'aà.

37 Kiichja Jesús, kitsò-la:

—Tjii-la jñò xi kòkjen xitá koi.

Kitsò jñà xitá:

—¿A mejèn-lè nga konguí kindaa-jen inchrájìn koni tjín síkijne xitá nga jò sìndo nàchrjein síxá?

38 Kitsò Jesús:

—Chítsejèn-là kó tjín ma inchrájìn-nò.

K'e nga kijtseeè kó tjín ma-ne, kitsò-la:

—'Òn ma inchrájìn ko jò ma tìn.

39 K'ée kitsjaà okixi Jesús nga kàtitsajnajtín jñà xitá ya ijììn ijñá ñánda sase choòn.

40 Íjngó íjngó sìndo tsibìtsajnajtín-ne jñà xitá; ko tjín ñánda icháte icháte tsibìtsajnajtín-ne.

41 Jesús kiskoé jñà inchrájìn xi 'òn ma-ne ko jñà tìn xi jò ma-ne; ikjoàn kiskoótsejèn ngajmii; kitsjaà-la kjondaà Nainá; ikjoàn kisìxkoaya inchrájìn; k'ée kitsjaà-la jñà xitá xi kota'yàt'aà-la nga kisika'bi-la ngats'ii xitá kjìn xi títsajna. Tjikoá kisijòya tìn xi jò ma-ne. Kitsjaà-la ngats'ii xitá.

42 Tsakjèn yije kóhotjín xitá kó nga kjòskiì.

43 K'ée tsibíxkó-ne inchrájìn ko tìn xi kjòxkoaya jñà xi tsiningui-ne; ngui tejò nìsjyá komà.

44 Jñà xitá xi tsakjèn, 'òn jmii ma-ne xi xitá x'ìn.

*K'e nga jè Jesús tsajmeèsòn ndáchikon
(Mateo 14:22-27; Juan 6:16-21)*

45 Nga komà iskan, Jesús kisikas'en xitá xi kota'yàt'aà-la ya iya chitso mé-ne nga isa ítjòn kjìchò-ne ján naṣandá Betsaida ya xijngoaa ndáchikon; koa jè Jesús k'ée tísihixat'aà xitá xi kjìn ma-ne nga jye nchifi-ne.

46 K'e nga jye kisihixat'aà xitá, Jesús kiimijìn-jno jngoò nindoò nga kii kiichjat'aà-la Nainá.

47 K'e nga jye kòñò, jè chitso, jyeé ya síjna jngoò osen ndáchikon. Jesús, nga tajngoò tsibíjnat'aà nangui,

48 kijtseeè chitso nga mìkii ma fi. Nga jè tjo bíchjoà ikon-la. K'e nga tajñòya isa, Jesús kiijtingui-la xitá xi kota'yàt'aà-la nga kii-ne ndsoḱo ya isòn nandá. Tanga k'oáa k'ís'ìn koni tsà mejèn-la nga kjoì ítjòn-la chitso.

49 Jñà xitá xi kota'yàt'aà-la, k'e nga kijtseeè nga tífisòn nandá, k'oáa s'ín kisikítsjeèn, kitsò, tsà inima ch'o-né; kiskindàya xkón

⁵⁰ nga kitsakjòn-là k'e nga kijtseeè kóhòtjín. Tànga Jesús nìtòón kiichja-là, kitsò-là:

—'Nó t'è-là takòn, ki tsakjoòn-jèn, 'an-ná.

⁵¹ K'e nga jahas'en chitso Jesús, nìtòón kisijyò-ne tjo. Tà k'o'oaá komà-là jñà xitá xi kota'yàt'aà-là,

⁵² nga k'j'èè kì ndaa' fahas'en-jìin-là jè kjo'xkòn xi kis'iin Jesús ts'e inchrájin, koi-né nga tájaajìin tjin inìma-là.

K'e nga jè Jesús kisindaà-ne xitá xk'én ján Genesaret
(Mateo 14:34-36)

⁵³ K'e nga jye tsatojìin ndáchikon, ijchò ján nangui Genesaret; yaá tsibít'aà'ñò chitso-là ya inìi ndáchikon.

⁵⁴ K'e nga tsitajen yije chitso, jñà xitá xi ya títasajna, nìtòón kijtseeèkon nga jè Jesús.

⁵⁵ Tìkooá nìtòón kii kóhokji nga jngòò itjandii i'nde jè. Ijjoàn tsibít'sia xitá nga j'ìikò-là ngats'ìi xitá xi xk'én; kjisòn-là nachan-yá ya i'nde ñánda nga 'nchré xitá nga bijchó Jesús.

⁵⁶ Njita ñánda naxandá nga jahas'en Jesús, tsà naxandá jtobá-né, naxandá iì-né, inchiya-né, kò tsà rancho-né, jñà xitá yaá sikáyijò jñà xitá xi xk'én ya jngohosen ndiyá; ijjoàn bítsi'ba-là nas'ín tà jè itjòn nikje-là tso'ò'ñò nga kátandaà-ne. Ngats'ìi xitá xi kitsobà'ñò nikje-là kjòndaà yijee-ne.

7

Kjoq xi síkits'ón xitá
(Mateo 15:1-20)

¹ Ijchò xitá fariseo kò xitá xi okóya kjotíxoma-là Nainá xi kiskii Moisés xi j'ii-ne naxandá Jerusalén. Yaá ijchòtjingui-là ñánda tìjna Jesús.

² Jñà xitá koi, kijtseeè i'nga xitá xi kota'yàt'aà-là Jesús nga kjèn tjéko tsja nga mìkii oníjno; kitsò-là xíkjin [nga mìkii nchisíkitasòn koni s'ín tjin kjotíxoma ts'e xitá judío xi xkón tjin].

³ Nga jñà xitá fariseo kò ngats'ìi xitá judío, k'o'oaá s'ín síkitasòn koni s'ín tjin kjotíxoma-là xitá jchínga; tsà mì ngui ndaa koníjno tsja, mìkii kòkjen.

⁴ Tìkooá k'e nga f'ii-ne ndítsin, itjòn oníjno tsja, k'èé kjèn; tjin-isa-là kjotíxoma xi k'ejí koni oníya chítsín-là, tji-là, kò chítsín kicha-là kò nachan-là.

⁵ Koi kjoq-là jñà xitá fariseo kò xitá xi okóya kjotíxoma-là Nainá xi kiskii Moisés kiskònangui-là Jesús, kitsò-là:

—¿Mé-ne mìkii síkitasòn-ne xitá xi kota'yàt'aà-lè, koni s'ín tjin kjotíxoma-là xitá jchínga nga ta k'o'oaá s'ín kjèn tjéko tsja?

⁶ Jesús kitsò-là:

—Koni s'ín kiskii Isaías, xitá xi kiichja ngajo-là Nainá, ndaa kiichja it'aà tsajòn, jñò, xitá xi jò ma isén-nò, k'e nga kitsò:

Jñà xitá koi,

beèxkón-na xi tà 'én chja,

tànga jñà inìma-là kjiin títasajna;

⁷ Nímé chjí-là nga beèxkón-na,

nga kjotíxoma-là xitáá okóya koni tsà kjotíxoma-là Nainá.

⁸ Jñò, níkjina-nò xi ngui kjotíxoma-là Nainá, kò jè onguítjingui-là kjotíxoma-là xitá jchínga-nò nga oníya tji-nò, chítsín-nò; kjin skaya kjotíxoma tjin-nò koni s'ín 'nè.

⁹ Kitsò-isa Jesús:

—Jñò, nachrjekàngui-nò xi ngui kjotíxoma-la Nainá, jè ñikitasòn kjotíxoma-la xita jchínga-nò.

¹⁰ Moisés k'oaá kitsò: “Jchaxkoín na'èn-lè kò nea-lè.” K'oaá tì kitsò: “Jè xi chjajno-la na'èn-la kò nea-la, tjinè-la nga sik'en.”

¹¹ Tanga jñò bixón-nó: “Jngoò xita, ma kitsò-la na'èn-la, o nea-la: Mikì koma siichját'aà-lè; ngats'ì tsojmì xi tjin-na, Corbán-né.” (Én xi tsò Corbán, 'én Hebreo-né; tsòyaá-ne: jè Nainá jyeé kitsjaà yije-la.)

¹² Bixón-nó nga mì tì kù tji'nde-la nga kòsìkò na'èn-la, o nea-la.

¹³ Jñò, nachrjekàngui-nò 'én-la Nainá nga ñikatoya-là xinguiqo kjotíxoma-la xita jchínga-nò. Kjin skaya kjotíxoma tjin-isa-nò xi k'oas'in 'nè.

¹⁴ Jesús, k'ée kiichja-la ngats'ì xita, kitsò-la:

—Ngats'ioò, tjiná'yaà kò ndaà kàtachiya-nò.

¹⁵ Nìmé tjin xi fahas'en-jìin yijo-la xita xi síkits'ón. Jè-né xi inìma-la xita bitjojiin-ne, xi síkits'ón.

¹⁶ jNdaà tjiná'yaà koni xan-nò!

¹⁷ Jesús itjokàjìin-la xita; kii, jahas'en jngoò ni'ya; ikjoàn jña xita xi kota'yat'aà-la kiskònangui-la kó tsòya-ne jè kjoa mangàsòn xi tsibènojmi.

¹⁸ Kitsò Jesús:

—Jñò, a tìkooá mikì machiya-nò kó tsòya-ne? ¿A mì fìya-nò ngats'ì tsojmì xi fahas'en-jìin yijo-la xita mikì síkits'ón

¹⁹ nga mìtsà inìma-la fahas'en-jìin? Yaà fahas'en indso'ba, ikjoàn bitjo-ne k'e nga fì kitsajna ján baño.

Jesús kitsòyaá-ne: Ngats'ì tsojmì xi ma chine, tsjeè-né; mikì síkits'ón inìma-la xita.

²⁰ Kitsò-isa Jesús:

—Jè kjohítsjeèn xi bitjojiin inìma-la xita, jè xi síkits'ón.

²¹ Koi-né nga inìma-la xita nchrobájiin, jña kjohítsjeèn xi ch'o tsò, koni jè kjoa chijngui ts'e xita xi jye chixàn kò xi k'èè bixan jèn, kò xi xita sík'en,

²² kò kjoa chijé, kò kjoa tse mejèn, kò kjoa ts'en, kò kjoa konachan, kò kjoa ts'e xi otònè-la kjoa ts'e yijo-ná, kò kjoaxitakòn, kò kjoa 'on takòn, kò kjoa 'nga ikòn, kò kjoa 'én ndiso, kò kjoa tònò xi mìtsà ítjòn nikítsjeèn.

²³ Ngats'ì kjoa koi xi inìma-la xita bitjokàjìin-ne, koi xi síkits'ón xita.

*Mé xi komàt'in chjoón xi xìn nangui-la nga kòkjeín-la it'aà ts'e Jesús
(Mateo 15:21-28)*

²⁴ Kii Jesús ján naaxandá Tiro kò Sidón. K'e nga ijchò ya, jahas'en jngoò ni'ya; mejèn-la nga mì yá xita xi skoe, tanga mikì komà tsibìjna'ma.

²⁵ Nìtoón kii'nchré jngoò chjoón xi inìma ch'o-la neí tjiin inìma-la tsòti-la. Kii ñánda tjna Jesús nga tsasixkó'nchit'aà-la;

²⁶ tsibits'ba-la nga kochrjekàjìin jè inìma ch'o xi tjiin inìma-la tsòti. Jè chjoón, yaà i'nde-la ñánda 'mì Sirofenicia; 'én griego chja.

²⁷ Jesús kitsò-la:

—Tjiin'nde-la jña kàtakjèn ítjòn xi jxti ma. Mikì ndaà tjin tsà chjaa'an-la ñiño jña jxti, ikjoàn k'oi-lá ndí nañá.

²⁸ Jè chjoón kitsò:

—Ndaà tjin Na'èn; tanga jña ndí nañá kineé xi-la tsojmì xi bixòngui ímixa xi síkatsjoò jxti.

²⁹ K'ée kitsò Jesús:

—Ndaa kinokjoi. T'in-ne ni'ya-lè. Jè inima ch'o-la neí, jye itjokàjiin-ne inima-la tsòti-lè.

³⁰ K'e nga ijchò-ne ni'ya-la, jè chjoón, jè tsòti-la, yaá kijnasòn nàchan; tanga jye itjokàjiin-ne inima-la jè inima ch'o-la neí.

K'e nga jè Jesús kisindaà jngoò-ne xita jtayaà ko xi skí'in

³¹ Jesús kii-ne ya i'nde ts'e Tiro; jahatojiin i'nde Sidón, tikoā jahatojiin nangui xi 'mì Decápolis, ijchò-ne ya ndáchikon ts'e Galilea.

³² Yaá ijchòko jngoò xita xi jtayaà ko skí'in, tsibít'si'ba-la Jesús nga koòt'aà-la tsja jè xita jè.

³³ Jesús, it'aà xìn kiiko ñánda tsjin xita, k'eé jahas'en jnótsja ya líká-la, ko ndánachrá-la kisikaajno nijen-la.

³⁴ Jesús kiskoòtsejèn ngajmii; ikjoàn jaatse-la, kitsò:

—¡Efata! —tsò-ne 'én jè: ¡Kátatáx'a!

³⁵ Njtoón kitáx'a-ne líká-la xita jè, tikoáá ndaà komà kiichja-ne.

³⁶ Jesús kitsò-la jña xita:

—Ki yá xita xi bənojmí-là.

Tanga k'e nga 'nó tsibít'in-la Jesús nga mì yá xita keənojmí-la, tanga jña xita isaá ndaà kiskinísòn 'én.

³⁷ Jña xita xi kii'nchré, ta kjoókón-la, kitsò:

—Ndaa s'in yije. Síndaà-ne xita xi jtayaà ko xi mikì ma chja.

8

Jè kjoókón xi kis'iin Jesús nga ñjòn jmii xita kisikjèn
(Mateo 15:32-39)

¹ Jngoò nàchrjein nga kjìn jchán xita kjoókóya koā tsjin tsojmì xi kine, Jesús kiichja-la xita-la xi kota'yát'aà-la, kitsò-la:

² —Jña xita koi, mahimakeè-ná. Jyee kò jàn nàchrjein tjín-la nga títsajnakò-na koā nímé tjín tsojmì xi kine.

³ Tsà tà kos'in siikasén chjan-na ni'ya-la yaá kohindaàya ndiyá nga tjín xi kjiiin inchròbà-ne.

⁴ Kitsò xita xi kota'yát'aà-la Jesús:

—¿Kós'in sikjèn xita koi jngoò i'nde it'aà xìn ñánda nímé tjín?

⁵ Jesús kiskònangui-la, kitsò-la:

—¿Kó tjín ma inchrájin xi tíyijò-nò?

Kitsò jña xita xi kota'yát'aà-la:

—Itoò ma-ne.

⁶ K'eé kitsò Jesús:

—Koatin-la kátitsajnat'aà nangui jña xita.

Jesús kiskoé inchrájin xi itoò ma-ne; kitsjaà-la kjondaà Nainá ikjoàn kisixkoaya; k'eé kjongatsja jña xita xi kota'yát'aà-la mé-ne nga kisika'bí-la jña xita xi kjìn ma-ne.

⁷ Tikoáá tíyijò chiba-la tìn jtoá. Jesús kisichikon-t'in; ikjoàn kitsò-la xita xi kota'yát'aà-la:

—Tika'bió.

⁸ Tsakjèn yije xita kóhojín skanda kó nga kjòskii; k'e nga tsibíxkó-ne jña xi kjòxkoaya nga tsiningui-ne, ngui itoò nisjyá koma.

⁹ Jña xita xi tsakjèn, kjomee ñjòn jmii ma-ne. Jesús, ikjoàn kisihixat'aà-ne jña xita;

¹⁰ İjjoàn jahas'en chitso kò xıt̃a xi kota'yàt'aà-là. Yaá kii ì'nde ñánda 'mì Dalmanuta.

K'e nga jñà xıt̃a fariseo jngoò seña kisijé xi jeya tjin
(Mateo 16:1-4; Lucas 12:54-56)

¹¹ İjchò xıt̃a fariseo, tsibits'ia nga tsaajoókjoò-kò Jesús. Kisijé jngoò-là seña xi jeya tjin xi it'aà ts'e Nainá nchrobá-ne nga mejèn-là skoe tsà kixi kjoa nga Nainá kisikasén.

¹² Jesús 'ño jaátse-là, kitsò:

—Jñà xıt̃a koi, ¿mé-ne seña xi jeya tjin síjé-ne? Xi ngui okixi, k'oaá xan-nò, nijngoò seña jchaa.

¹³ Yaá kisikítsajna xıt̃a koi; jahas'en ijngoò k'a-ne chitso; kii ján xijngoàà ndáchikon.

Na'yo san-là xıt̃a fariseo
(Mateo 16:5-12)

¹⁴ Jñà xıt̃a xi kota'yàt'aà-là Jesús, k'e nga kii, kijchàajin-là mìkii ts'a inchrájin. Tà jngoò ma inchrájin xi kjinaya-là chitso.

¹⁵ Jesús kitsò-là:

—Chítsejèn-là koa t̃ikinda yijo-nò it'aà ts'e na'yo san-là xıt̃a fariseo kò ts'e Herodes.

¹⁶ Jñà xıt̃a xi kota'yàt'aà-là Jesús tsohóko xíkjin, kitsò-là:

—Koií k'oa tsò-ná nga mìkii kich'a inchrájin.

¹⁷ Jesús kisijin-là koni s'in nchijoó, k'eé kitsò-là:

—¿Mé-ne kobixón-nò nga tsjin-nò inchrájin? ¿A kj'eé fiya-nò? ¿A mì machiya-nò? ¿A tsí 'ño tájaajin tjin injima-nò?

¹⁸ Tjin xkoón, ¿mé-ne mìkii tsejèn-nò? Tjin líká-nò, ¿mé-ne mìkii na'yà-nò? ¿A mì bítsjeèn-nò

¹⁹ k'e kisika'biá inchrájin xi 'òn ma-ne koa 'òn jmii xıt̃a tsakjèn? ¿Kó tjin ñisjyá tsiningui-ne xi tsibíxkó-isa?

Kitsò jñà xıt̃a:

—Tejò ñisjyá komà.

²⁰—K'e nga kisika'biá jñà inchrájin xi itoò ma-ne, koa ñijòn jmii xıt̃a tsakjèn, ¿kó tjin ñisjyá tsiningui-ne xi tsibíxkó-isa?

Kitsò jñà xıt̃a:

—Itoò ñisjyá komà.

²¹ K'eé kitsò-là:

—¿A tà kó kj'eé machiya-nò?

K'e nga jè Jesús kisindaà jngoò-ne xıt̃a xi mìkii tsejèn-là

²² Jesús ijchò ján naḡandá Betsaida; ya ijchòko jngoò-là xıt̃a xi mìkii tsejèn-là. Tsibítsi'ba-là nga kátát'aà-là tsja jñà xkon.

²³ Jesús kitsobà'ño tsja jè xıt̃a xi mìkii tsejèn-là. İjjoàn tsachrjekàjin naḡandá, tsibíchrángui xkon, ijjoàn tsohósón-là tsja. K'eé kiskònangui-là a tsejèn chiba-là.

²⁴ Jè xıt̃a xi mìkii tsejèn-là kiskoòtsejèn, kitsò:

—Jye be xıt̃a tanga k'oaá ma-na ta koni kjoàn yá kjoàn nga tjima.

²⁵ Jesús, ijngoò k'a tsohót'aà-là tsja jñà xkon. Kitsò-là nga ndaà kátakotsejèn, ñitòón kjòndaà-ne. Ndaà kijtseè yije-ne.

²⁶ Jesús kisikasén-ne ni'ya-là xıt̃a jè, kitsò-là:

—Ki ya bitjaàs'en-jin naḡandá, ki yá xıt̃a xi bènojmi-là.

K'e nga jè Pedro tsibénojmiya nga Jesús, jé xi Cristo

(Mateo 16:13-20; Lucas 9:18-21)

²⁷ Itjo Jesús kò x̄ita xi kota'yàt'aà-la, kiì ya naḡandá jtoḡá xi chja-ne Cesarea ts'e Filipino. K'e nga t̄imaya ndiyá, Jesús kiskònangui-la x̄ita xi kota'yàt'aà-la, kitsò-la:

—¿Kó tsò j̄nà x̄ita? ¿Yá-ná 'an?

²⁸ Kitsò j̄nà x̄ita xi kota'yàt'aà-la:

—T̄jín xi tsò: “Jé Juan xi kis'iin bautizar x̄ita.” T̄jín xi tsò: “Jé Elías.” T̄jkoáá t̄jín xi tsò: “Jngoò x̄ita xi kiichja ngajo-la Nainá.”

²⁹ Jesús kiskònangui-la j̄nà x̄ita xi kota'yàt'aà-la; kitsò-la:

—¿J̄nò kó bixón? ¿Yá-ná 'an?

Kiichja Pedro, kitsò:

—Ji-né xi Cristo [xi xó kisikasén-lè Nainá].

³⁰ Tanga jè Jesús kitsò-la:

—Ki yá x̄ita xi bènojmi-là xi it'aà ts'an.

K'e nga jè Jesús tsibénojmiya kjoa biyaà-la

(Mateo 16:21-28; Lucas 9:22-27)

³¹ Tsibits'ia Jesús nga tsakóya-la x̄ita xi kota'yàt'aà-la, kitsò-la:

—'An xi Ki'ndí-la X̄ita xan-la yijo-na, tse kjo'in siikjiaán; kochrjengui-na j̄nà x̄ita jchínga, kò j̄nà x̄ita skò-la nò'miì, kò x̄ita xi okóya kjo'tíxoma-la Nainá xi kiskii Moisés. Siik'eén-na tanga k'e nga kijchò jàn nachrjein kjoáaya-na.

³² Jesús ngui ndaà tsibénojmi kjoa xi komàt'in. Jé Pedro kiichjat'aàxin-la Jesús nga mikii ndaà t̄jín koni tsò.

³³ Tanga Jesús, kisikáfaya, kiskoòtsejèn-la x̄ita xi kota'yàt'aà-la, tsohótiko Pedro. Kitsò-la:

—T̄isit'aàxin-nò ji x̄ita nejí. Nga ji, mùtsà k'oas'in níkitsjìn koni s'in t̄jín kjo'hítsjeèn-la Nainá. Ngaji tà k'oas'in níkitsjìn koni s'in t̄jín kjo'hítsjeèn-la x̄ita.

³⁴ Jesús kiichja-la x̄ita xi kota'yàt'aà-la kò x̄ita xi t̄jinguì-la. Kitsò-la:

—Tsà yá xi mejèn-la nga x̄ita ts'an koma, kàtatsjeiìn-takòn mé xi mejèn-la yijo-la; koni jngoò x̄ita xi 'yajen krò-la, kàt̄jinnandaà nga siikjeiìn kjo'in xi kjoa ts'an; ndaà kàt̄jít'aà-na.

³⁵ Nga n̄ita yá x̄ita xi mejèn-la kochrjetji yijo-la nga n̄imé kjo'in sakò-la, tà saá siichja-né kò kjo'in k̄jnajiìn; tanga jè xi t̄jinnandaà nga tsjá yijo-la xi kjoa ts'an kò kjoa ts'e 'én ndaà-la Nainá, jè-né xi k̄t̄jokàjìin kjo'in nga it'aà ts'an ndaà k̄jna.

³⁶ ¿Mé xi siikjine x̄ita nas'in tjoé yije-la isò'nde tsà siichja inima-la? N̄imé.

³⁷ ¿A koma koiichjí kjoabiyaà jngoò x̄ita xi majìn-la nga kiyá? Majìn.

³⁸ Tsà t̄jín i'nga x̄ita xi kosobà-la it'aà ts'an kò it'aà ts'e 'én-na ya nguixkon x̄ita jé xi t̄jín, t̄jkoáá 'an xi Ki'ndí-la X̄ita xan-la yijo-na, kosobà-na it'aà ts'e k'e nga kjoiiikoáa jngoò k'a kjoajeya-la Na'èn-na kò àkjalè tsjeè-la Nainá.

9

¹ Jesús kitsò-isa:

—Qkixí xi xan-nò, t̄ítsajnajìin i'nga x̄ita j̄jndé xi mikii kiyá skanda k'e nga skoe kó s'in otíxoma Nainá nga kjoikò nga ñó-la.

K'e nga jè Jesús jahatjiya i'ñó isén-la kóhokji yijo-la

(Mateo 17:1-13; Lucas 9:28-36)

² Nga komà joòn nàchrjein, Jesús kiimjìjn-jno jngoò nindoò xi 'nga kji; tà jñà kiikò Pedro, Jacobo kò Juan. K'e nga ijchò j'nde jè, Jesús, jahatjya í'ño isén-la nga nguixkòn jñà xità koi.

³ Jè nikje-la 'ño kjòchroba, tsí ote ni'ín né. Tsjìn xità nga títjsa isò'nde xi ma-la ts'ìin nikje koni s'ín kjòchroba.

⁴ Tìkoáá kijtseé jè Elías kò Moisés nga nchijoókjoò kò Jesús.

⁵ Jè Pedro kitsò-la Jesús:

—Maestro, ndaà tjín nga j títjsajnaá. Jàn ni'ya xkòjndà kíndaà-jèn. Jngoò tsjji, jngoò ts'e Moisés, jè xi jngoò ts'e Elías.

⁶ Jè Pedro tà k'oaá kitsò. Mì tì kì beè-ne kó s'ín kiichja nga 'ño kitsakjòn xità koi.

⁷ K'ée j'ìi jngoò 'nguién-la ifi xi tsibí'ma xità koi; yaá jjiin ifi kina'ya jngoò-la 'én xi kitsò:

—Jè jèe xi k'í'ndí-na xi 'ño matsjake. Jè tìná'ya-là.

⁸ Tìk'e-ne kiskoòtsejèn xità koi. Mì tì yá tjín-ne. Tà jè tajngoò Jesús síjna.

⁹ K'e nga inchrobàjen-t'aà-ne nindoò, Jesús kitsò-la xità xi kota'yàt'aà-la:

—Kì yá xità xi bènojní-là jè kjoá xi kà'yaá; skanda k'ée tènójní-là k'e nga kjoáya-na ít'aà ts'e kjoábiyaá 'an xi K'í'ndí-la Xità xan-la yijo-na.

¹⁰ Jñà xità xi kota'yàt'aà-la tsibí'ma jè kjoá jè, sakoáá tsajoóya-ne kó tsò-ne xi tsò-la kjoáya-la.

¹¹ Kiskònangui-la Jesús. Kitsò-la:

—¿Mé-ne kòtsò-ne jñà xità xi okóya kjotíxoma-la Nainá xi kiskii Moisés nga jè Elías kjoíí ítjòn?

¹² Jesús kitsò-la:

—Okixi né. Jè kjoíí ítjòn Elías, jè koiindaajìin yije kjoá. ¿Koa mé-ne kòtsò-ne Xojon-la Nainá nga 'an xi K'í'ndí-la Xità xan-la yijo-na, tseé kjo'in siikjiaán, toòn skoe-na xità?

¹³ Tanga 'an, k'oaá xán-nò, jè Elías jyeé j'ìi. Jñà xità k'oaá s'ín kisikò koni s'ín mejèn-la. Tanga k'oaá s'ín tíchja Xojon-la Nainá nga k'oaá s'ín kòmat'in.

K'e nga jè Jesús kisindaà jngoò-ne ti xi iníma ch'o-la neíí tíjìin iníma-la (Mateo 17:14-21; Lucas 9:37-43)

¹⁴ Jesús k'e nga ijchò-ne ñánda títjsajna xità xi kota'yàt'aà-la xi i'nga, kijtseé nga kjìn jchán ma xità xi títjsajna. Yaá títjsajnajìin i'nga xità xi okóya kjotíxoma-la Nainá xi kiskii Moisés, 'ño nchijoóya-ne.

¹⁵ Jñà xità k'e nga kijtseé nga ijchò Jesús, tà k'oaá kòma-la. Kii yije kóhòtjín nga kisihixat'aà.

¹⁶ Jesús kiskònangui-la, kitsò-la:

—¿Mé xi kò ta ndaà chibàya-nò?

¹⁷ K'ée kiichja jngoò xità xi ya tijnajìin. Kitsò:

—Maestro, jè k'í'ndí-na kòf'ìikò-lè. Iníma ch'o-la neíí tíjìin iníma-la; mìkii ma chja.

¹⁸ Nìton ñánda tíjna k'e nga tsobà'ño, majndoòt'aà nangui kò ochrje ndáxó tso'ba, síjts'ìin nì'ño, ikjoàn síjna tsjò. Koi tsìjé-la xità xi kota'yàt'aà-lè nga kàtachrekàjìin iníma-la jè iníma ch'o-la neíí tanga mìkii bitjokàjìin-la.

¹⁹ Kiichja Jesús, kitsò:

—Jñò, xità xi mìkii mokjeiín-nò ít'aà ts'an. ¿Skanda mé nàchrjein kótijnako-nò? ¿Mé nàchrjein ska-na kjoa-nò? Nchrohóko-ná jè tì jindé.

²⁰ K'ée kiiko jè ti ya nguixkon Jesús; jè inima ch'o-la neii, k'e nga kijtsee Jesús, iŋgoò k'a k'en xin ti. K'e nga kiskaat'aà nangui tsangáyà'nde koa itjo ndáxó tso'ba.

²¹ Jesús kiskònangui-la na'èn-la, kitsò-la:

—¿A kjòtsee oma-la ti-lè?

Jè na'èn-la kitsò:

—Tik'e-ne nga sa ndí ti jto bá kji.

²² Jè inima ch'o-la neii kò kjin jchán k'a síkatjen-jjin ni'in ko síkatjen-jjin nandá nga mejèn-la sík'en. Tsà koma-lè mé xi sikoi, jchahimatakòn-nájen ko tichját'aà-nájen.

²³ Jesús kitsò-la:

—¿Kó si tsà koma-lè? Ma yije-né nita mé kjoa-ne jè xi mokjeiin-la.

²⁴ Njtoón 'nó kiichja jè na'èn-la ti. Kitsò:

—Mokjeiin-na, tichját'aà-isa-ná nga ngui isa ndaà kokjeiin-na.

²⁵ Jesús k'e nga kijtsee nga tíma kjin xita, tsohótiko jè inima ch'o-la neii; kitsò-la:

—Ngaji, inima ch'o-la neii xi mikii ma-lè nokjoi ko mikii na'yi, 'an, k'oaá xan-lè, tijoijin inima-la ti jè; ki ti yaá bitjaas'en-jjin-ne inima-la.

²⁶ Jè inima ch'o-la neii kiskindayaxá; ikjoàn iŋgoò k'a k'en xin ti. Ikjoàn itjoijin-ne inima-la. Kisikájna jè ti koni tsà jye k'en, jña xita xi nchikotsejèn, kitsò:

—Jyee k'en.

²⁷ Tanga jè Jesús kitsobà'nó tsja; kiskimi'nga; ikjoàn tsasijna kixi jè ti.

²⁸ K'e nga jahas'en ni'ya Jesús, jña xita xi kota'yat'aà-la kiskònangui-la nga tajngoò, kitsò-la:

—¿Mé-ne ngajen mikii kòbitjoijin-najen jè inima ch'o-la neii?

²⁹ Kiichja Jesús, kitsò:

—Jña inima ch'o-la neii xi okjoàn, k'ée bitjokàjijn nga nokjoat'aà-la Nainá ko nga bijnachjaán.

*K'oaá s'in tsibénjmi Jesús kjoabiyaà-la xi ma-ne jò k'a
(Mateo 17:22-23; Lucas 9:43-45)*

³⁰ K'e nga kii-ne ya i'nde jè, jahatojijn nangui Galilea. Tanga Jesús majin-la nga xita skoe;

³¹ Jesús k'oaá s'in tsakóya-la xita xi kota'yat'aà-la. Kitsò-la:

—'An xi Kí'ndí-la Xita xan-la yijo-na yaá tsoba'nó-na jña xita; ikjoàn sijk'en-na. Tanga k'e nga kijchò jàn nachrjein nga kiyá, kjoaáya-na.

³² Tanga jña xita xi kota'yat'aà-la mikii kjòchiya-la 'èn xi kitsò-la. Tà kitsakjòn-né, mikii kiskònangui-la.

Yá xita xikjín xi kjna ítjòn

(Mateo 18:1-5; Lucas 9:46-48)

³³ K'e nga ijchò ya naxandá Capernaum, k'e nga jye túsajna iya ni'ya, Jesús kiskònangui-la xita xi kota'yat'aà-la, kitsò-la:

—¿Mé xi koa ta ndaà chibàya-nò k'e nga túsanchrobáya ndiyá?

³⁴ Xita xi kota'yat'aà-la tà jyò tsibítsajna, koi-né, k'e nga nchinchrobá ya ndiyá, tsajoóya-ne ya xita xikjín xi kjna ítjòn.

³⁵ Jesús tsibijna; ikjoàn kiichja-la nga tejo xita xi kota'yat'aà-la, kitsò-la:

—Tsà yá xita xi mejèn-la nga kjna ítjòn, ta saà jè kjoehet'aà-ne, chi'nda-la kátama ngats'ii xita xi i'nga.

³⁶ Jesús kiskoé jngoò ndí ti. Tsasijna 'nchòhosen. Tsa'nga. Ikjoàn kitsò-la:

37 —Nīta yá-ne xi it'aà ts'an skoétjò jngoò ndí ti koni jè, 'aán xi skoétjò-na; kò jè xi skoétjò-na mìtsà tà 'an skoétjò-na, t̄kooáà jè skoétjò xi kisikasén-na.

*Yá xi kondra-la Cristo ko yá xi x̄ita ts'e
(Lucas 9:49-50; Mateo 10:42)*

38 Kùlchja Juan, kitsò:

—Maestro, jngoò x̄ita k'i'ya-jen xi it'aà tsjji ochrjekàjìin inìma ch'o-la neij inìma-la x̄ita. Tanga mìtsà x̄ita tsaján; mìkìl kits'i'nde-lajen.

39 Jesús kitsò:

—Kì k'oaaà nikoo. Niyá-jèn xi it'aà ts'an s'jìn jngoò kjo_xkón xi ndaà t̄jìn xi t̄jè kichjajino-ná.

40 Jè xi mìtsà kondra tsaján, it'aà tsaján t̄jna.

41 Ngats'ìl x̄ita xi it'aà ts'an tsjá jngoò ch̄t̄sín-nò nandá, koií kjoa-la nga x̄ita-la Cristo 'mì-nò, okixíi xi xan-nò, j̄nà x̄ita koi, t̄joe-la chjì-la.

*X̄ita xi bí'in-ná nga binchaatsjiaá jé
(Mateo 18:6-9; Lucas 17:1-2)*

42 'Nīta yá-ne xi jé sk̄inijìin jngoò ndí x̄ita im̄a xi mokjeiìn-la it'aà ts'an, ìsaa-la ndaà koma tsà s̄ingui'ño jngoò ndajò natsí ìs'ìn, ìkjoàn s̄ikatjengui ndáchikon.

43 Tsà jè ndsaa ótsji jé-nò, t̄ichátjòn. Ìsaa ndaà-ne tsà xkoán titsjòò nga k̄itjás'en-j̄noò kjoabinachon mì k'o'a-ne tsà jò ma ndsaa koa ján konguió ìjìin ni'ín ñánda mìkìl bits'o,

44 ya ñánda mìkìl biyaà ch̄i'ndo xi kine-ná kò ya ñánda mìkìl bits'o ni'ín nga titiá.

45 Tsà j̄nà ndsokoò ótsji jé-nò, t̄ichátjòn. Ìsaa ndaà-ne tsà xkoán titsjòò nga k̄itjás'en-j̄noò kjoabinachon mì k'o'a-ne tsà jò ma ndsokoò koa ján konguió ìjìin ni'ín,

46 ya ñánda mìkìl biyaà ch̄i'ndo xi kine-ná kò ya ñánda mìkìl bits'o ni'ín nga titiá.

47 Tsà j̄nà xkoòn ótsji jé-nò, t̄inachrjeè. Ìsaa ndaà-ne tsà jngoò ma xkoòn nga k̄itjás'en-j̄noò ñánda t̄ihotixoma Nainá mì k'oaaà-ne tsà jò ma xkoòn koa ján konguió ìjìin ni'ín

48 ya ñánda mìkìl biyaà ch̄i'ndo xi kine-ná kò ya ñánda mìkìl bits'o ni'ín nga titiá.

49 'Ngats'ìl x̄ita s̄a ni'ín kotsjeè-ne, koa j̄nà k̄jotjò xi tsjá x̄ita, naxaa k̄ojnchra-ne.

50 Jè naxa, ndaà-né; tanga tsà mì t̄i k̄i jnchra-ne, k̄kós'ín s̄ikò-la nga k̄ojnchra ìjngoò k'a? K̄atasijìin naxa inìma-nò koa 'nchán titsajnakò xinguióo.

10

*K'e nga jè Jesús tsakóya kjoa ts'e x̄ita xi tsjìin x̄k̄jìn
(Mateo 19:1-12; Lucas 16:18)*

1 Jesús itjoiìn ya naxandá Capernaum, k̄i ján i'nde Judea, ijchò ján nangui ijton xajngá nandá Jordán. Yaá kòkjìn ìjngoò k'a x̄ita; koa jè tsibits'ia ìjngoò k'a nga tsakóya-la x̄ita koni s'ín k̄jit'aà.

2 Ijchò kinchat'aà chrañà i'nga-la x̄ita fariseo. Nga mejèn-la skónachan-la, kiskónangui-la, kitsò-la:

—¿A t̄jì'nde-la xi x'ìn nga tsjìn chjoón-la?

3 Tanga Jesús kitsò-la:

—¿Kós'ín tsakóya-nò Moisés?

⁴ Kitsò x̄ita koi:

— Moisés kitsjaà'nde-né nga ma s̄indaà xojon nga koma ts̄jín x̄ikjín x̄ita.

⁵ Jesús kitsò-la:

— Moisés, koi k'oa kitsò-nò, j̄nò, 'nó t̄ajaaj̄in t̄jín in̄ima-nò.

⁶ T̄anga k'e nga s̄a kisindaà isò'nde, Nainá tsibindaà x'in k̄o chjoón.

⁷ K'oaá ma-ne nga jè x'in s̄iikjina na'èn-la k̄o nea-la nga k̄ijnako chjoón-la.

⁸ Ta jngòò x̄ita koma-ne ingajò. Mitsà t̄i jò ma-ne, ta jngòò koma-ne.

⁹ K'oií kjoa-la nga mì yá x̄ita t̄jì'nde-la nga s̄iits̄jiln x̄ikjín xi Nainá kisijngòò.

¹⁰ K'e nga ijchò-ne ni'ya-la, j̄nà x̄ita xi kota'yàt'aà-la Jesús kiskònangui l̄jngòò k'a-la t̄ikoi-ne kjoa koi.

¹¹ Jesús kitsò-la:

— Jè x̄ita xi ts̄jín chjoón-la, ikjoàn bixan-k̄o l̄jngòò xi k'ej̄i chjoón, kjoa chijngui t̄is'in it'aà ts'e chjoón-la.

¹² Tsà jè chjoón ts̄jín x'in-la ikjoàn bixan-k̄o l̄jngòò xi k'ej̄i x'in, t̄ikoaá kjoa chijngui t̄is'in it'aà ts'e x'in-la.

K'e nga jè Jesús kisichikon-t'in ndí ixti

(Mateo 19:13-15; Lucas 18:15-17)

¹³ Jngòò k'a j̄nà x̄ita j'iiko-la ndí ixti jè Jesús nga mejèn-la s̄iichikon-t'in; koòt'aà-la tsja. T̄anga j̄nà x̄ita xi kota'yàt'aà-la Jesús mìkiì kitsjaà'nde-la. Tshóhtik̄o-né.

¹⁴ K'e nga kijtsee Jesús, k̄ojti-la, kitsò-la:

— T̄jiì'nde-là ndí ixti k̄atjanchrobákon-na. Kì binchahikon-là. J̄nà xi k'oaá s'in t̄jín in̄ima-la koni ts'e ndí ixti, j̄nà xi t̄jín-la kjondaà nga Nainá tíhotixoma-la.

¹⁵ K'oaá xan-nò xi nguì okixi, j̄nà xi mìkiì k̄okjeiín-la koni jngòò ndí ixti nga skoé kjondaà-la Nainá nga jè kōtixoma-la, mìkiì kjoahas'en-j̄in n̄anda tíhotixoma Nainá.

¹⁶ Jesús tsa'nga j̄nà ndí ixti; tshóhòson-la tsja; ikjoàn kisijét'aà-la Nainá nga k̄atásichikon-t'in j̄nà ixti.

X̄ita xi 'nó k̄jìn tsojmì t̄jín-la

(Mateo 19:16-30; Lucas 18:18-30)

¹⁷ K'e nga t̄ifi l̄jngòò k'a-ne Jesús, tsangachikon jngòò x̄ita xi ijchò t̄jingui-la. Tsasixkó'nchit'aà-la; ikjoàn kiskònangui-la; kitsò-la:

— J̄i Maestro ndaà, ¿mé xi s'iaàn nga s'e-na kjoabinachon n̄ita kjé-ne?

¹⁸ Jesús kitsò-la:

— ¿Mé-ne nga x̄ita ndaà 'mì-ná? Nijngòò x̄ita xi ndaà, ta jngòò jè Nainá xi ndaà.

¹⁹ Jyeé t̄jijn-lè kó tsò k̄jotixoma: “Kì x̄ita n̄ik'in; k̄i kjoa chijngui 'nì; k̄i chijé 'nì; k̄i 'én ndiso nokjoi it'aà ts'e x̄ita xi k'ej̄i; k̄i chonach̄an-jèn; ch̄axkoín na'èn-lè k̄o nea-lè.”

²⁰ Jè x̄ita nch̄inà kitsò:

— Maestro, ngats'ìl k̄jotixoma koi, jyeé kisikitasoàn kó nga s̄a chítia.

²¹ Jesús tsja komà-la, kiskoò'an, ikjoàn kitsò-la:

— l̄jngòò kjoa chija-lè. T'in, tat̄jini yije tsojmì xi t̄jín-lè. Ikjoàn t̄ika'bí-la x̄ita im̄a mé-ne nga s'e-lè kjoa machikon-t'in ján ngajmì. Ikjoàn nchrobátjingui-ná.

²² Jè x̄ita nch̄inà, tà k̄jòbaá-la nga k̄iì'nchré 'én koi. Tà ba kis'e-la nga k̄iì, koi xó nga 'nó k̄jìn tsojmì t̄jín-la.

²³ Jesús kiskoòtsejèn t̄jingui-la, kitsò-la x̄ita xi kota'yàt'aà-la:

—'Iín jchán koma-la jñà xità nchiná nga kjoahas'en-jìin ñánda tíhotixoma Nainá.

²⁴ Jñà xità xi kota'yàt'aà-la Jesús, k'e nga kù'nchré 'én koi, tà k'oaá komà-la. Tanga jè Jesús ìjngòò k'a kitsò-la:

—Jñò xi ki'ndí-na xan-nò, 'ñó 'iín koma-la jñà xità xi ton-la 'ñót'aà takòn nga kjoahas'en-jìin kjoatixoma-la Nainá.

²⁵ Ìsáá mì 'in koma-la jngòò cho camello nga kjoahas'en xkòn nindoò xi tjahaña-ne nikje, mì k'oaá-ne koni jngòò xità nchiná xi 'ñó tjín-la tsojmì nga koma kjoahas'en-jìin ñánda tíhotixoma Nainá.

²⁶ Jñà xità xi kota'yàt'aà-la Jesús, ìsáá ndaà kjòxkón-la. Ìkjoàn kiskònangui-la xíkjin, kitsò:

—¿Yá-né xi kítjokàjìin kjo'in?

²⁷ Jesús kiskoò'an, kitsò:

—Jñà xità mìkù koma-la; tanga Nainá komaá-la; it'aà ts'e Nainá nità mé kjoa-ne, koma yijeé-la.

²⁸ Kùichja Pedro, kitsò:

—Nà'èn, ngajen, jyeé kinikítsajna yije-jen ngats'iì tsojmì xi tjín-najen nga tjààtjingui-lèjen.

²⁹ Jesús kitsò:

—Okixì xi xan-nò, nità yá xità-ne xi kisikìjna ni'ya-la, 'ndse, ndichja, nea-la, na'èn-la, chjoón-la, ìxti-la kò nangui-la xi kjoa it'aà ts'an kò it'aà ts'e 'én ndaà-la Nainá

³⁰ Ì isò'nde, ìsáá tsato tjoé ngajo-la xi ni'ya 'mì, xi 'ndse, ndichja, nea-la, ìxti-la kò nangui-la, nas'in kítjìnguikeè xità kondra. Tanga jè isò'nde xi sa nchrobá, s'eé-la kjoabinachon nità kjé-ne.

³¹ Kjin xità xi títsajna ítjòn i'ndeì, k'e nga koma iskan jñà kítsajna tjingui. Kò xi títsajna tjingui i'ndeì k'e nga koma iskan jñà kítsajna ítjòn.

K'oaá s'in tsibénojmi Jesús kjoabiyaá-la xi ma-ne jàn k'a

(Mateo 20:17-19; Lucas 18:31-34)

³² Jesús, tsó'ba ítjòn-la xità xi kota'yàt'aà-la nga nchifi ján naxandá Jerusalén. Jñà xità xi tjingui tà nchimaxkón-la nga nchifi. K'eé kùichjat'aà-xìn ìjngòò k'a-la xità-la xí tejò ma-ne, ìkjoàn tsibénojmi ìjngòò k'a-la jè kjoa xi komat'in. Kitsò-la:

³³ —I'ndeì ján títzahonguiá naxandá Jerusalén; 'an xi Ki'ndí-la Xità xan-la yijo-na, yáá tsohá'ñó-na xità sko-la no'mù kò xità xi okóya kjoatixoma-la Nainá xi kiskù Moisés nga koi'nè-na kjoabiyaá, ìkjoàn sùngatsja-na jñà xi mìtsà xità judío

³⁴ nga sùsobà-na, kùichrájno-na, kojà-na, ìkjoàn sùik'en-na. Tanga k'e kùichò jàn nàchrjein kjoaáyaá-na.

Kjondaà xi 'in tjín xi kisijé Jacobo kò Juan

(Mateo 20:20-28)

³⁵ Jacobo kò Juan ìxti-la Zebedeo ijchò kinchat'aà-la Jesús, kitsò-la:

—Maestro, mejèn-najen nga k'oi-nájen jè kjondaà xi sijé-lèjen.

³⁶ Jesús kiskònangui-la, kitsò-la:

—¿Mé-ne xi mejèn-nò nga tsjaà-nò?

³⁷ Jacobo kò Juan kitsò:

—K'e nga jeya kijnì nga tíhotixomai, k'inde-nájen nga ya kitsat'aà-lèjen, jngòò kijnat'aà-lè kixì-lè koa jngòò kijnat'aà-lè ngaskón-lè.

38 K'eé kitsò Jesús:

—Mikiì 'yaà mé xi niyé. ¿A kichikjoaá-nò nga s'ioya jè chitsín ts'e kjo'in xi 'an skiaa, a chikjoa-nò nga koma bautizar ts'e kjo'in xi 'an tímat'ian?

39 Kitsò jñà xità koi:

—Kichikjoaá-najen.

Kitsò-la Jesús:

—Jñò, komaá s'ioo koa koma-nò bautizar it'aà ts'e kjo'in xi 'an kotojñaà,

40 tanga xi 'an tsjaà-nò nga ya kitsajnat'aà-ná ya kixi-na ko ngaskón-na mìtsà 'an oko-na nga tsjaà-nò. Jñà i'nde koi, jñà tjoé-la xità xi Nainá títsajnandaà-la nga tsjá-la.

41 K'e nga kii'nchré jñà xità-la Jesús xi i'nga xi te ma-ne, kòjti-la koni kitsò Jacobo ko Juan.

42 Tanga jè Jesús kiichja-la, kitsò-la:

—Jye tijiin-nò nga jñà xità skò-la naxandá xi 'ya-la nga kjotixoma tjíya tsja, nangui síkítsajna xità-la xi jñà otixoma-la. Tíkooá jñà xità xi 'ñó jeya títsajna, beètoón-né jñà xi xità ima.

43 Tanga jñò mikiì k'oas'in s'een; tsà jngoò xità xinguiyo mejèn-la 'nga kíjna, jè xi kátasixá-la xità xi i'nga.

44 Koa jè xi mejèn-la kíjna ítjòn, chi'nda-la kátama ngats'iì xità xi i'nga.

45 Ndaà tsà 'an xi Ki'ndi-la Xità xan-la yijo-na, mìtsà koi xá j'i-na nga 'an kos'in-na; tà saá 'an siixá-la xità xi i'nga, ko tsjaà yijo-na ko inima-na nga kjin xità kitsajnandejí kjoa ts'e jé-la.

K'e nga kisindaà-ne Jesús jè xità xi mikiì tsejèn-la xi 'mì Bartimeo (Mateo 20:29-34; Lucas 18:35-43)

46 K'e nga ijchò naxandar Jericó nga jye nchibitjoiin najnchra, Jesús tjiiko xità xi kota'yat'aà-la ko kjin xità tjingui-isa-la. Ya indii ndiyá tíjna jngoò xità ima xi mikiì tsejèn-la xi 'mì Bartimeo, ti-la ma xità xi 'mì Timeo, nga tísjé kjotjò tsojmi.

47 Jè xità xi mikiì tsejèn-la k'e nga kii'nchré nga jè Jesús xi Nazaret ts'e tífi, nitoón kiichja-la, kitsò-la:

—Jesús, nga ya nchrobàt'aà-ne tje-la xitaxá ítjòn David [nga jì tijna ngajo-la], jchahimatakòn-ná!

48 Kjìn ma xità xi tohótiko Bartimeo nga jyò kàtìjna. Tanga jè Bartimeo isaá 'ñó kiichja. Kitsò:

—Jì xi ya nchrobàt'aà-ne tje-la xitaxá ítjòn David, jchahimatakòn-ná!

49 K'eé tsasíjna Jesús, kitsò:

—Tínó kjoa-là.

Ikjoàn kinokjoà-la jè xità xi mikiì tsejèn-la. Kitsò-la:

—Ñó te-la takòin, tísitjiin, chja-lè Jesús.

50 Jè xità xi mikiì tsejèn-la kisikatjen inchrókisòn-la, nitoón tsasítjen, kii kisit'aà-la ñánda síjna Jesús.

51 Jesús kiskònangui-la, kitsò-la:

—¿Mé xi mejèn-lè nga sijkò-lè?

Jè xità xi mikiì tsejèn-la kitsò:

—Maestro, mejèn-na nga kátatsejèn-na.

52 Jesús kitsò-la:

—T'in-ne; koi-né nga mokjeiín-lè it'aà ts'an nga kòmandaà-ne.

Jè xit̩ xi mik̩ tsejèn-l̩ n̩t̩oón kjòtsejèn-l̩. Kiit̩jngui-l̩ koni s'ín ndiyá tifi Jesús.

11

K'e nga jè Jesús jahas'en-jiin naxandá Jerusalén

(Mateo 21:1-11; Lucas 19:28-40; Juan 12:12-19)

¹ K'e nga jye kjomeè bijchó chrañà-l̩ naxandá Jerusalén, jñà naxandá xi 'mì Betfagé kò Betania, ya it'aà nindoò Yá Olivo, Jesús kisikasén jò xit̩ xi kota'yàt'aà-l̩;

² kitsò-l̩:

—Tanguiò ján ndí naxandá itsé xi kijnat'aà ján. K'e nga kijchoò yaá síjnat'aà ñó jngoò búrró ki'ndí xi n̩sáá yá bijnasòn-l̩. Chjinda'ñó, nchrohókoo.

³ Tsà yá xi kjòngui-nò, tsà kitsò-nò: “¿Mé-ne konikò-nò búrró?”, tin-là: “Jé xó Nà'èn-ná Jesús kochjeén-l̩, koa n̩t̩oón xó síikasén-ne.”

⁴ Kii jñà xit̩ xi kota'yàt'aà-l̩. K'e nga ijchò jngoò ni'ya, yaá tjit'aà'ñó jngoò búrró jè xotjoa-l̩ ni'ya ya iya ndiyá. K'e nga kiskjinda'ñó.

⁵ Jñà xit̩ xi ya títajna kitsò-l̩:

—¿Mé s'een-nò, mé-ne chjinda'ñó-nò ndí búrró?

⁶ K'oaa s'ín kitsò-l̩ koni s'ín tsibénojmi-l̩ Jesús; kitsjaa'nde-l̩ nga kiiko.

⁷ K'e nga ijchókò ñanda tijná Jesús jè ndí búrró, jñà nikje ts'e xit̩ kisikjeén nga tsohójtsa-l̩ jè ndí búrró; ikjoàn tsibijnasòn-l̩ Jesús.

⁸ Kjìn xit̩ tsohójngoò nikje-l̩ ya iya ndiyá. Jñà xit̩ xi i'nga, xka chrja-l̩ yá tsohójngoò xi tsate ya jjiin ijñá.

⁹ Jñà xit̩ xi titjòn kò xi tjingui 'ñó chja, nga kitsò:

—¡Mé tà ndaa-l̩ jè xi nchrobá ngajo-l̩ Nainá, jè xi otixoma-ná!

¹⁰ ¡Mé tà ndaa-ne nga jè kotixoma ngajo-l̩ xit̩ jchínga-ná David! ¡Kátas'e kjoajeya ján ngajmì!

¹¹ Jesús jahas'en-jiin ya naxandá Jerusalén. Ikjoàn jahas'en nditsin ingo ítjòn. Xki xi ján kiskoótsejèn. Ikjoàn itjo-ne; kiiko xit̩-l̩ xi tejò ma-ne ján naxandá Betania, koi-né nga jye kjòhoxòn.

K'e nga jè Jesús kitsò-l̩ jngoò yá-l̩ toò iko nga ch'o kátama-l̩

(Mateo 21:18-19)

¹² K'e koma nchijòn nga itjo ijngoò k'a-ne ján naxandá Betania, Jesús kjòhòjò-l̩.

¹³ K'ée kijtseè jngoò yá-l̩ toò iko xi kjiin síjna. Kii katsejèn-l̩ tsà yijà-l̩ toò, tanga nimé tjín-l̩; tà xkaá tjín-l̩. Mitsà nachrjein-l̩ toò.

¹⁴ K'ée kitsò-l̩ jè yá toò iko:

—N̩t̩ t̩ yá xi skine-ne toò-lè.

Xit̩ xi kota'yàt'aà-l̩ Jesús kii'nchré 'én koi.

K'e nga tsachrje ingo ítjòn jñà xit̩ xi otijna tsojmi

(Mateo 21:12-17; Lucas 19:45-48; Juan 2:13-22)

¹⁵ K'e nga ijchò naxandá Jerusalén, Jesús jahas'en ya nditsin ingo ítjòn; ikjoàn tsibíts'ia nga tsachrje jñà xit̩ xi tsojmi otijna kò xi otse tsojmi. Kisihitkjá imixa-l̩ jñà xit̩ xi síkijatjya tòn tikoáá kisihitkjá íxile-l̩ xit̩ xi otijna nise paloma.

¹⁶ M̩t̩ t̩ kii kitsjaa'nde-l̩ xit̩ xi tsojmi otijna nga ch'á fahatoyako ingo ítjòn.

¹⁷ Ikjoàn tsakóya-l̩ xit̩. Kitsò-l̩:

—Jè Xojon-la Nainá tsò-né: “Ni'ya-na, ni'ya ts'e ochikoón k'óin nga jì kichjat'aà-na ngats'iì xità naxandá xi tjin kóhokji isò'nde.” Tanga jñò, nguijo-la xità chijé titsa'né.

¹⁸ K'e nga kii'nchré jñà xità skò-la nò'miì kò xità xi okóya kjotixoma-la Nainá xi kiskii Moisés, tshótsji'nde-la kós'ín sùkò nga sùk'en Jesús nga tsakjón-la. Koi kjoa-la nga jñà kjotixoma xi okóya Jesús ndaa tsò, kò jñà xità xi 'nchré-la tà k'oáá ma-la 'én xi okóya.

¹⁹ K'e nga jye kòjñò, Jesús kò xità xi kota'yàt'aà-la itjojiin naxandá Jerusalén, xin kii.

Mé xi komà-la jè yá toò iko xi tsjin-la toò
(Mateo 21:20-22)

²⁰ K'e nga tajñòya nga koma nchijòn, ja ijngòò k'a ñánda síjna yá toò iko, kijtsèè nga jye kixi yá kóhokji skanda j'ma-la.

²¹ Jè Pedro tsibítsjeèn-la koni kitsò Jesús. K'eé kitsò-la:

—Maestro, chítsejèn-la jè yá toò iko xi 'on kinokjoakoji ngojña. Jye kixi.

²² Jesús kiichja; kitsò:

—Kàtakjeiín-nò it'aà ts'e Nainá.

²³ Okixíí xi xan-nò, tsà yá xi kítso-la jè nindoò jè: “Tisixìn; ján tìkatjen-jiin yijo-lè ján jjiin ndáchikon.” Tsà mìtsà tà jò tjin-la k'e nga okítso nga tijnngòò injma-la nga mokjeiín-la, k'oáá s'ín koma.

²⁴ Koi kòs'ín xan-nò kóhòtjiòn, k'e nga kítsi'ba-là Nainá, k'oáá s'ín kàtakjeiín-nò koni tsà jye kitjoé-nò mé-ne nga tjoé-nò.

²⁵ K'e nga kinókoat'aà-la Nainá tijchàat'aà-là jé-la xinguiqo mé-ne jè Na'è-nò xi tjna it'aà ngajmiì sùjchàat'aà-nò jé-nò xi tsajòn.

²⁶ Tanga tsà mìkii sùjchàat'aà-là jé-la xità xinguiqo tìkoà mìkii sùjchàat'aà-nò Na'è-ná xi tjna ngajmiì.

Kjotixoma-la Jesús
(Mateo 21:23-27; Lucas 20:1-8)

²⁷ Jesús ijchò ijngòò k'a Jerusalén. K'e nga tsó'ba ya nditsin ingo ítjòn, j'ii kinchat'aà-la jñà xità skò-la nò'miì, kò xità xi okóya kjotixoma-la Nainá xi kiskii Moisés, kò xità jchinga;

²⁸ kiskòngui-la, kitsò-la:

—¿Mé kjotixoma xi tsjá'nde-lè koni s'ín 'ni? ¿Yá xi kitsjaà-lè kjotixoma kjoa xi 'ni?

²⁹ Jesús kitsò-la:

—Tìkoáá 'an jngòò kjoa skòngui-nò. Kot'in-ná, koa 'an, k'oáá xán-nò yá xi kitsjaà-na kjotixoma koni s'ín s'iaàn.

³⁰ ¿Yá xi kitsjaà-la kjotixoma Juan nga kis'iin bautizar xità? ¿A Nainá-né xi tjna ngajmiì, o xi tà xità-né? Kot'in-ná.

³¹ Jñà xità koi, k'eé tsajoóya-ne, kitsò-la xíkjin:

—Tsà kixoán: “Nainá kitsjaà-la kjotixoma”, kítso-né: “¿Mé-ne mìkii kòkjeiín-nò it'aà ts'e?”

³² Mì-la kii koma kixoán: “It'aà ts'e xità-né.”

Nga jñà xità naxandá tsakjón-la, koi-né nga jñà xità k'oáá tsò nga jè Juan, nguì kjoa kixi-né nga jè xi kiichja ngajo-la Nainá.

³³ K'eé kiichja, kitsò-la Jesús:

—Mikii 'ya-jen.

Jè Jesús kitsò-la:

—Tìkoáá 'an mìkii k'oá xán-nò yá xi kitsjaà-na kjotixoma koni s'ín s'iaàn.

12

Kjoa mangásòn ts'e xita xi tsibítje toò uva
(Mateo 21:33-46; Lucas 20:9-19)

¹ Tsibíts'ia Jesús nga tsibénojmiya kjoa xi mangásòn. Kitsò:

—Jngoò xita tsibítje toò uva, tsibindì-là inçhíà, ikjoàn tsibíndaà jngoò i'nde ñánda tsi'ñngui nandá-là toò uva. Tikoá tsibíndaà jngoò torre xi síkinda yiye kohòtjin. Ikjoàn kisikiña-là nangui xita xi k'ejí nga kisixásòn. Ikjoàn kii jè nei-là nangui ñánda i'nde kijin.

² K'e nga ijchò nachrjein-là nga kòjchá toò uva, jè nei-là nangui kisikasén jngoò xita chi'nda-là nga kisijé-là xi jè tjoé chiba-là ts'e tsojmi xi kòjchá.

³ Tanga jña xita xi síxásòn nangui kitsobà'ño koa kiskaàn-ko, tà kisikasén tiyaá-ne.

⁴ Jé nei-là nangui kisikasén jngoò xita chi'nda-là. Tikoáà tà ndajo tsibinè, tsate sko, kisiki'on ko ch'o kisiko.

⁵ Jè nei-là nangui jngoò kisikasén xita chi'nda-là. Tikoáà kisik'en-né. Kjin xita-là kisikasén-isa, tanga tjín xi kiskaàn-ko, koa tjín xi kisik'en.

⁶ Ko jè nei-là nangui tà jngoò xita-là tjina-isa; tà jè kí'ndí-là xi 'ño matsjakeé kisikasén, kitsò: “Skoexkón-là kí'ndí-na.”

⁷ Tanga jña xita xi síxájin nangui, tsajoóya-ne, kitsò-là xikjín: “Jè jèe xi tjoé jotjò-là i'nde, sik'eén, tsaján koma i'nde.”

⁸ Kitsobà'ño, kisik'en, ikjoàn kisikatjen ján jiton nangui ñánda titje toò uva.

⁹ Jñò, ¿kó bixón? K'e nga kjoíí nei-là nangui, ¿mé xi siko jña xita koi? Siiik'en-né; k'ejí xitaá sijnngatsja jè nangui ñánda tjín toò uva.

¹⁰ ¿A k'ejé bixkejño Xojon-là Nainá? Tsò-né:

Jè ndajo xi tsachrjekàngui chjinechrjó nga sa ítjòn, jè-né xi komá ndajo tàts'en chrjó-là ni'ya;

¹¹ K'oaá s'in kis'iin Nainá. Jña, tà maxkón-ná.

¹² Jña xita sko-là no'mù, ko xita xi okóya kjotixoma-là Nainá ko xita jchínga mejèn kitsobà'ño Jesús nga kiskaáya-là jè kjoa xi mangásòn xi tsibénojmi nga kondra ts'e-né, tanga jña kitsakjòn-là xita naxandá; kisikjina, ikjoàn kii-ne.

Kjoa ts'e xi machítjì tsojmi
(Mateo 22:15-22; Lucas 20:20-26)

¹³ Kisikasén i'nga-là Jesús xita Fariseo ko xita ts'e Herodes nga mejèn-là ótsji'nde-là kós'in siko nga kohòngui.

¹⁴ Xita koi, kii kitsò-là:

—Maestro, 'ya-nájen nga 'én kixíí xi nokjoi; mìkii 'nì kindá koni tsò-lè xita; ko mìtsá jè chítsejèn-jnoi kó kjoàn xita; k'oaá s'in okoóyi ndiyá-là Nainá koni s'in tjín xi kjoa kixí. ¿A ndaaá tjín nga kichítjì-jen tsojmi it'aa ts'e xitaxá ítjòn ts'e Roma, o xi majìn-né? ¿A kichíí-nájen a xi mìkii kichíí-jen?

¹⁵ Jesús jye beè nga jò tjín inima-là; kitsò-là:

—¿Mé-ne nga chonachan-ná? Nchrohóko jngoò-ná ton nga skoeè kó kji.

¹⁶ K'ee kiko jngoò-là ton. Jesús kitsò-là:

—¿Yá ts'e isén jè ko jè 'ín xi tjít'aa?

Kitsò-là:

—Ts'ee César, xitaxá ítjòn ts'e Roma.

¹⁷ K'ee kitsò Jesús:

—Tjii-là César xi ts'e César koa tjii-là Nainá xi ts'e Nainá.

Tà k'oaá koma-là nga kii'nchré koni kitsò Jesús.

*Kjoa ts'e nga faáya-la mik'en**(Mateo 22:23-33; Lucas 20:27-40)*

18 Jñà xità Saduceo ijchòkon Jesús. Jñà xità koi mìkìl mokjeiín-la nga faáya-la xi jye k'en. Kiskònangui-la, kitsò-la:

19 —Maestro, jè Moisés, k'oaá s'ín kiskii: Tsà jngoò xità xi kiyá 'ndse, tsà tsjìn-la ixti k'e nga kiyá, jè chjoón-la, tije-ne 'ndse kixan-ko ijngoò k'a-ne mé-ne nga s'e-la ixti xi tje ts'e 'ndse.

20 Kis'e xó jngoò k'a xità xi itoò komà 'ndse. Jè xi síjna ítjòn, kis'e xó-la chjoón; tanga k'e nga k'en, mìkìl kis'e-la ixti.

21 Jè xi ma jò-ne chixàn-ko chjoón ka'àn-la 'ndse. Tikoáá jè k'en. Mìkìl kis'e-la ixti. K'oaá tì komà jè xi ma jàn-ne.

22 Ngásòn komà nga itoò. Nijngoò xi kis'e-la ixti. Nga jye it'aà-ne k'en jè chjoón.

23 K'e nga tsà kjoaáya-la mik'en, nga itoò 'ndse, zyá-né xi chjoón-la koma? Nga jñà tsibìtsajnakò nga itoò 'ndse.

24 Kisikátji-ne 'én Jesús, kitsò-la:

—Jñò, koi maskáya-nò nga mìkìl 'yaà kó s'ín tíchja Xojon-la Nainá kò nga'ño xi tjín-la Nainá.

25 K'e nga kjoaáya-la mik'en, íchjín, íchjá mì tì kùl kixan-ne. K'oaá s'ín s'e koni jñà àkjalé xi títsajna ngajmii.

26 Jè kjoa ts'e mik'en nga kjoaáya-la, ¿a kj'eè bìxkejñoò xojon-la Moisés ya nãnda tíchja ts'e yá na'yá xi títi? Nainá kitsò-la Moisés: “An-ná xi Nainá tsò-na Abraham, Isaac, kò Jacob.”

27 Jñà xi jye k'en, mìtsà Nainá tsò-la xi Nainá; tà jñà xi títsajnakon xi Nainá tsò-la! Jñò, 'ño maskáya-nò.

*Kjotíxoma-la Nainá xi tjina ítjòn**(Mateo 22:34-40)*

28 Jngoò xità xi okóya kjotíxoma-la Nainá xi kiskii Moisés kii'nchré-la Jesús nga ndaà kùichja; k'e nga nchijoókjoò ijchò kasit'aà chraña-la, ìkjoàn kiskònangui-la, kitsò-la:

—¿Ná-laá kjotíxoma-la Nainá xi tjina ítjòn?

29 Kùichja Jesús, kitsò-la:

—Jè kjotíxoma xi tjina ítjòn tsò-né: “Tíná'yaà xità Israel, jè Nainá xi Nà'èn-ná, ta jè ta jngoò-né xi otíxoma-ná.

30 Tìtsjachi Nà'èn-ná xi Nainá 'mì-la, nga kò inìma-lè kò yijo-lè kò kjohìtsjeèn-lè kò nga'ño-lè.”

31 Jè xi ma-ne jò: “Tìtsjachi xità xinguii koni tsà tì yijo tsiji-ne.” Mì tì tsjìn-ne kjotíxoma xi ìsa xkón tjín.

32 Jè xità xi okóya kjotíxoma-la Nainá kitsò:

—Ndaà tjín, Maestro. Qkixi-né koni s'ín nokjoi. Jngoò ma-ne Nainá kò mì tì yá tjín-ne xi kj'eji.

33 Ìsa chjí-la nga kò inìma-ná jchaxkoán Nainá, kò kjohìtsjeèn-ná kò nga'ño-ná kò nga jchaxkoán xinguiáá koni tsà yijo-ná. Ìsaá chjí-la koni ngats'ì cho xi tìsòn ímìxa tsjeè-la Nainá, kjotjò xi tsjá jñà xità.

34 Jesús k'e nga kijtsee nga ndaà kùichja jè xità xi okóya kjotíxoma-la Nainá, kitsò-la:

—Mìtsà kjiin tjini it'aà ts'e kjondaà xi tjín-la jñà xità xi Nainá otíxoma-la.

Mì tì yá xi kjò'ño-ne ikon nga kiskònangui-ìsa-la.

*Ñánda kitjen-la Cristo [xita xi xó sikikasén-ne Nainá]
(Mateo 22:41-46; Lucas 20:41-44)*

³⁵ Jesús k'e nga tíhokóya ya nditsin ingo ítjòn, kiskònangui-la, kitsò-la:

—¿Mé-ne kotsò-ne jñà xita xi okóya kjetíxoma-la Nainá xi kiskii Moisés nga jè xi Cristo, [xita xi xó sikikasén-ne Nainá], nga yaá kjinchrobàt'aà-ne tje-la xitaxá ítjòn David?

³⁶ Tjje-ne David k'e nga kiichja nga ko nga'ño-la Inima Tsjeè-la Nainá, kitsò-né:

Jè Nainá kitsò-la jè xi Nei-na:

“Tijnat'aà-ná i kixi-na

skanda k'e nga sikítsajnanguia ndsokoi

jñà xi kondra-lè nga 'an jye kisikijne-la.”

³⁷ Jè David, tsà Nainá kitsò-la Cristo, [xita xi xó sikikasén-ne Nainá], ¿kó s'in tjin-ne nga tje-la ma-ne David?

Ngats'ii xita xi jkin ma-ne, tsja ma-la nga 'nchré-la Jesús koni s'in okóya.

K'e nga jè Jesús tsohojét'in jñà xita xi okóya kjetíxoma-la Nainá xi kiskii Moisés

(Mateo 23:1-36; Lucas 11:37-54; 20:45-47)

³⁸ Jesús k'oaá s'in tsakóya-la xita. Kitsò-la:

—Tikindaá yijo-nò it'aà ts'e xita xi okóya kjetíxoma-la Nainá xi kiskii Moisés. Sasén-la nga nikje ndojò ókjá. Tikoáá sasén-la nga skoexkón xita xi kje'ei, ndaa sjaxat'aà ya nditsin.

³⁹ Tikoáá jñà ótsji íxile xi jncha ítjòn ya ni'ya ingo sinagoga, ko mejèn-la nga jñà kitsat'aà ítjòn ímíxá k'e nga kjèn xita ñánda tjin s'ei.

⁴⁰ Koá faá'an ni'ya-la xi tjin-la íchjín ka'an xi jye k'en x'in-la. K'e nga chjat'aà-la Nainá 'ño ndajo fiko ochikon nga mejèn-la nga bitsajna'ma nga mi jcha-la mé kjoá xi s'in. Jñà xita koi isaá tse kjo'in s'e-la.

Ton xi kitsjaá kjetjò chjoón ka'an xi 'ño ima
(Lucas 21:1-4)

⁴¹ Jesús tsibijna ya kixi-la ñánda tjna kaxá xi sinchá ton kjetjò-la Nainá. Tikotsejèn-la xita naxandá nga bitsajna ton kjetjò-la Nainá. Kjin xita nchiná xi tse ton bitsajna.

⁴² Ijchò jngoó chjoón ka'an xi 'ño ima. Jò ndí ton jtobá tsibijna xi chiba chji-la.

⁴³ Jesús kiichja-la xita xi kota'yat'aà-la, kitsò-la:

—K'oaá xan-nò xi ngui okixi, jè chjoón ka'an xi 'ño ima, jè xi isa tse ton kóbijna mi k'oaá-ne koni jñà xita xi i'nga.

⁴⁴ Tà jè tsjá xi ningui-la tanga jè ndí chjoón ima, nas'in nimé tjin-la, jngoó k'a kàtsjá yije ngats'ii ndí ton xi tjna-la xi tísjchá-ne yijo-la.

13

K'e nga jè Jesús tsibénqmi nga kixoña ingo ítjòn
(Mateo 24:1-2; Lucas 21:5-6)

¹ K'e nga itjo-ne nditsin ingo ítjòn, Jesús, jngoó xita xi kota'yat'aà-la kitsò-la:

—Maestro, chítsejèn-la mé tà ndaa kjoàn ni'ya ko ndajo-la.

² Kitsò Jesús:

—Chítsejèn-là ngats'ii ni'ya koi xi ii kjoàn. Nii ti jngoó ndajo sijijòsòn-la xikjín. Kixoña yije-né kóhojín.

*Mé seña xi s'e k'e nga nchrohómachraña nga kjoehet'aà isò'nde
(Mateo 24:3-28; Lucas 21:7-24; 17:22-24)*

³ Jesús, k'e nga tǐjna ya nindoò Yá Olivo ya kixi-la Ingo Ítjòn ts'e Jerusalén, jè Pedro, Jacobo, Juan kò Andrés, ijchò kinchat'aà-la Jesús, kiskònanguit'aàxìn-la kitsò-la:

⁴ —Koatin-nájen, ¿mé nachrjein-ne nga okoma kjoa koi? ¿Mé seña xi s'e k'e nga jye mejèn kítasòn yije kjoa koi?

⁵ Kùichja Jesús, kitsò-la:

—Tǐkindaa yijo-nò nga mì yá xǐta xi skónachan-nò.

⁶ Kǐn xǐta kjoíi xi 'ín ts'an sǐikjeén; kǐtso: “An-ná xi Cristo, [nga 'aán kisikasén-na Nainá].” Kò kǐn xǐta skónachan-la.

⁷ 'Jǐnò, k'e nga kǐná'ya kjoa ts'e kjoichán nga xkǐ xi ján i'nde tǐjn, kǐ tsakjoòn-jèn. Xó k'oaá koma-ne, tanga k'j'eè tsà isò'nde tífehét'aà.

⁸ Naxandá skaàn-kjoò xi k'jeíi naxandá. Koa xǐtaxá koiits'ia nga skaàn-kjoò kò xǐtaxá xi k'jeíi naxandá. Xkǐ xi ján k'oa ch'ón. S'e kjinchrá. S'e kjoasi. Jǐnà kjoa koi, tà jè xi sá tímats'ia kò kjo'in.

⁹ 'Ndaa tǐkindaa yijo-nò nga yaá skǐnìt'aà-nò nguixkòn xǐtaxá. Sǐkǐ'oón-nò nga skaàn-kò-nò xǐta ya ni'ya ingo sinagoga. Kǐjko-nò nguixkòn xǐtaxá gobernador kò xǐtaxá ítjòn, tà koií kjoa-la ít'aà ts'an. K'oaá s'in koma kǐnókjoa-là 'én xi ts'an.

¹⁰ Mochjeén-nè nga ítjòn kobísòn 'én ndaa-la Nainá xi kjoa ts'e Cristo nga tǐtja isò'nde.

¹¹ K'e kǐjchò nguixkòn xǐtaxá, kǐ makájno-nò kós'in kǐnókjoaa. Kǐ níkǐtsejèen-jèn. Nga tǐk'eé-ne, Nainá tsjá-nò 'én xi kǐnókjoaa. Nga mìtsà jǐnò xi kǐnókjoaa; jè Iníma Tsjeè-la Nainá xi kǐchja ngajo-nò.

¹² Tǐjè-ne 'ndse sǐingatsja 'ndse xǐta nga sǐik'en. Jè na'èn-la sǐingatsja kǐ'ndí-la nga sǐik'en xǐta. Jǐnà ixti-la sǐingatsja na'èn-la nga kǐyá.

¹³ Nrats'ií xǐta isò'nde kojtikeyé-nò xi kjoa ts'an; tanga jè xi kǐchikjoa-la skanda k'e nga kjoehet'aà-ne kjoa, jè xi kǐtjokájǐn kjo'in.

¹⁴ K'e nga jchaa nga 'nó ch'o tíma ya I'nde Tsjeè-la Nainá ñanda mìkǐ ok'in-la, [koni s'in kiskǐ Daniel xǐta xi kùichja ngajo-la Nainá]. (Kátasijǐn-la jǐnà xǐta xi bíkǐe xojon jé.) K'e nga okoma kjoa koi, jǐnà xǐta xi tǐtsajna Judea, kátanga, kátǐ ñanda nindoò choòn.

¹⁵ Jè xi tǐjnasò'nga ni'ya-la, kǐ tǐ kǐ nchrobájen-ne, kǐ tǐ kǐ fahas'en-ne ni'ya-la tsà mé xi mejèn-la nga skoé.

¹⁶ Jè xi tǐsǐxáǐn nangui-la kǐ tǐ kǐ nchrobá-ne nga nchrohókjá níkǐe-la.

¹⁷ Iíma xó-ne jǐnà íchjǐn xi kǐ'ndí'ya kò xi ixti xó nchisíkaki jǐnà nachrjein koi!

¹⁸ Tǐjét'aà-la Nainá nga mì k'eé okoma k'e nga nachrjein-la chon 'nchán.

¹⁹ K'e nga jè nachrjein nga okoma, 'nó tse kjo'in s'e, k'j'eè ñá oma skanda tjen-ne tsibindaà isò'nde Nainá kò mì tǐ kǐ okoma-ne nga koma iskan.

²⁰ Tsà mì k'oaá kǐtso Nainá nga isá kochiba nachrjein, níjngòò xǐta kǐtjokájǐn kjo'in. Tanga koií kjoa-la jǐnà xǐta xi xó jaàǐn-ne Nainá, kochibaya nachrjein.

²¹ K'e nga tsà yá xi kǐtso-nò: “Chítsejèn-là, íí tǐjna Cristo [xǐta xi xó kisikasén-ne Nainá]”, o tsà kǐtso-nò: “Chítsejèn-là, ján tǐjna ján”, kǐ kǐ mokjeíin-nò.

²² Kjoíi xǐta ndiso xi Cristo kǐtso-la yijo-la, tǐkooá kjoíi xǐta xi kò ti kǐtso nga jǐnà xi chja ngajo-la Nainá. K'oaá tǐs'in kòkò seña kò kjojkón xi ndaa tǐjn

nga skónachan. Skanda jñà xità xi jye jaàjìin Nainá mejèn skónachan-là tsà kòkjeiin-la.

²³ Tìkindaa yijo-nò. Nga jyeé tibenojmiya yije-nò ngats'ìi kjoa xi koma iskan.

*K'e nga kjoii ijngod k'a Ki'ndi-la Xita
(Mateo 24:29-35, 42-44; Lucas 21:25-36)*

²⁴ K'e nga koma iskan nga jye koto nachrjein ts'e kjo'in, jè ts'oi kojñò-né, mì tì kii kotsjè-ne ndobá-la; tìkoaá jè sà mì tì kii kohiseèn-ne.

²⁵ Ni'ño xi tjin ngajmii, kixongui-né. Jñà nga'ño xi tjin ngajmii kituya yijeé-la.

²⁶ Ijjoàn skoe-na xità xi Ki'ndi-la Xita xan-la yijo-na nga kjinchrobajñaà jjiin ifi; tsee nga'ño kò kjoajeya kjoii koaa.

²⁷ Siikasén àkjale-na nga koiixkóya xita-na xi 'an xó jaàjìin-na nga ñijòn chrjangui-la nga tjtisa isò'nde kò nga tjtisa ngajmii.

²⁸ 'Chíta'yàkò jè yá-la toò ikò mé xi okóya-ná; k'e nga ma kindiya chrja-la, ijjoàn bíjts'én xka-la, tjiin-nò nga jye nchrobá machrañaà chon ndobá.

²⁹ K'oaá tjs'in tjin, k'e nga jchaá nga k'oas'in tíma kjoa koi, kátasijiin-nò nga 'an xi Ki'ndi-la Xita xan-la yijo-na, jyeé nìton kjoiaa, k'oaá ngaya-la koni tsà jye tijnáa chrañaà xotjoa-la ni'ya.

³⁰ Okixii xi xan-nò, ngats'ìi kjoa koi, k'oas'in koma k'e nga tìkj'eè biyaà xita xi tjin nachrjein i'ndeji.

³¹ Jè ngajmii kò isò'nde kjoehet'aà-né, tanga jñà 'én-na mìkii kjoehet'aà; kitasòn-né.

³² Tanga k'e nga okoma, mì yá xi tjiin-la mé nachrjein-ne kò mé hora-ne; ni jñà àkjale xi tjtajna ngajmii kò ni jè Ki'ndi-la Nainá tjiin-la; tajngod Nainá xi Na'èn-ná tjiin-la.

³³ T'een kindá yijo-nò, tjtajnakon, tìtsi'ba nga mìkii tjiin-nò kjé-né nga okoma.

³⁴ K'oaá s'in t'een koni s'in chi'nda-la xita xi kjiin i'nde tífi, jè xita xi tífi síngatsja ni'ya-la xita chi'nda-la. Tsjá-la xá nga ijngod ijngod, tsò-la jè xi síkinda xotjoa ni'ya: "Tijni, tijnakoin."

³⁵ K'oaá s'in tjtajnakoon ngats'ioò nga mìkii 'yaá mé nachrjein kjoii-ne nei-la ni'ya. ¿A k'ée-né nga kjòhoxòn, o xi k'ée-né nga kijchò osen nìtjen, o xi k'ée-né nga skindáya kóxtí, o xi k'ée-né nga jye s'e isén?

³⁶ Ki tsjayijòfè-jèn tsà koi nachrjein-la tà nìton j'ii-ne nei-la ni'ya.

³⁷ Koni s'in xan-nò jñò, k'oaá xan yije-la kòhotjin xita: "Tjtajnakoon."

14

*Kiis'in tsajoóya-ne xita kondra-la Jesús nga tsoqa'ño
(Mateo 26:1-5; Lucas 22:1-2; Juan 11:45-53)*

¹ Tà jò nachrjein chija-la nga kitjo s'eí Paxkò ts'e xita judío k'e nga kjèn inchrájin xi tsjin-la na'yo san. Jñà xita sko-la no'mii kò xita xi okóya kjotixoma-la Nainá xi kiskii Moisés tsohótsji'nde-la kós'in siikò nga skónachan-la nga tsohá'ño Jesús, ijjoàn siik'en.

² Tjin i'nga xita xi kitsò:

—Mì nachrjein-la s'eí s'ik'eén nga mì kots'en jñà xita naxandá.

*Ijngod chjoón xi kisikaájno xkii jne sko Jesús
(Mateo 26:6-13; Juan 12:1-8)*

³ Jesús, k'e nga tǎna ján naxandá Betania, ya ni'ya-la Simón, jngòò xǐta xi tsindojno chrjoa yijo-la nga sa ítjòn, k'e nga tǎnat'aà imixa, ijchò jngòò chjoón xi 'ya jngòò ndajo chǐtsín xi tǎiya-la xkii jne ts'e nardo, xi 'ñó chǐjǐ-la. Kiskix'a ndajo chǐtsín, ikjoàn tsibixteèn-jno skò Jesús jè xkii jne.

⁴ Tǎin i'nga xǐta xi ya tǎtsajna, kòjti-la, kitsò-la xǐjǐn:

—¿Mé-ne kasíkits'ón-ne jè xkii jne?

⁵ Tsà kásatǎna, tsatoó-la ján sindò tòn denario chǐjǐ-la koa jè tòn-la koma kochjǎt'aà-la xǐta ima.

Kiichajno-la jè chjoón xi okis'iin.

⁶ Tanga kitsò Jesús:

—Ki k'oagá 'mì-là. ¿Mé-ne nǐjti-là? Koni s'ín kàs'ín-ko-na, ndaà kàs'ín.

⁷ Jǎn xǐta ima kǐtsajnakò kjit'aà-nò, kò maà sǐchjǎt'aà-là k'e nga mejèn-nò. Tanga 'an, mì i tǎinakò kjit'aà-nò.

⁸ Jè chjoón jè, k'oagá s'ín kàs'ín koni kji ma xi kàs'ín. Kàsíkaajno ítjòn xkii jne yijo-na xi ts'e nga sǐjǐñaà.

⁹ Okixǐi xi xan-nò, nǐta ñánda-ne nga tǎjtsa isò'nde nga kobìson 'én ndaà-la Nainá, tǐkoagá kobìson-né koni s'ín kasíko-na mé-ne nga sǐikítsjeèn-ne xǐta it'aà ts'e chjoón jè.

K'e nga jè Judas tsatǎna Jesús

(Mateo 26:14-16; Lucas 22:3-6)

¹⁰ Jè Judas Iscariote xi ya itjòjiiin-ne ts'e xǐta xi tejò ma-ne xi tsajmeikò Jesús, kiikon jǎn xǐta skò-la nò'mii nga sǐingatsja Jesús.

¹¹ Jǎn xǐta skò-la nò'mii, k'e nga kii'nchré, kjòtsja-la, kitsjaà-la tso'ba nga tòn tsǎ-la. Jè Judas tsohòtsji'nde-la kós'ín sǐingatsja Jesús.

K'e nga jè Jesús tsakjèn kò xǐta xi kota'yàt'aà-la jè s'eí Paxkò

(Mateo 26:17-29; Lucas 22:7-23; Juan 13:21-30; 1 Corintios 11:23-26)

¹² Jè nàchrjein ts'e s'eí xi mats'ia ítjòn-ne k'e nga kjèn inchrájín xi tsjǐn-la na'yo san jǎn xǐta judío, k'e nga sǐk'en orrè xi ts'e s'eí Paxkò, jǎn xǐta xi kota'yàt'aà-la Jesús kiskòngui-la; kitsò-la:

—¿Ñánda mejèn-lè onguíkindaà-jen xi kǐchiaá ts'e s'eí Paxkò?

¹³ Jesús kiskasén jò xǐta xi kota'yàt'aà-la ján Jerusalén, kitsò-la:

—Tanguió ján jǐiin naxandá, yaá skajñoò jngòò xǐta xi 'yajen jngòò nisa nandá; tanguítjǐngui-là.

¹⁴ Ya ñánda kjoahas'en, koatǐn-là nei-la ni'ya: “K'oagá tsò Maestro: ¿Ñánda tǎna jè cuarto ñánda kòkjen-koaa xǐta xi kota'yàt'aà-na jè s'eí Paxkò?”

¹⁵ Yaá kòkò jngòò-nò cuarto xi jè kji xi tǎna isò'nga ni'ya. Jyeé tjíndaà tsojmì xi kochjeén. Ya tǐndaà xi kǐchiaá.

¹⁶ Kii jǎn xǐta xi kota'yàt'aà-la ján jǐiin naxandá. K'oagá s'ín kisakò-la koni s'ín kitsò-la Jesús, yaá tsibíndaà tsojmì xi kòkjen kjoa ts'e s'eí Paxkò.

¹⁷ K'e nga jye kòjñò, Jesús, ijchòkò xǐta-la xi tejò ma-ne.

¹⁸ K'e nga tǐtsajnat'aà imixa nga nchikjèn, Jesús kitsò-la:

—Okixǐi xi xan-nò, jñò, iǐ tǎnajiiin jngòò-nò xi sǐingatsja-na it'aà ts'e xǐta kondra-na, jngòò xi 'an tǐkjèn-ko-na.

¹⁹ Jǎn xǐta xi kota'yàt'aà-la Jesús ta kjòba-la k'e nga okitsò. K'eé jngó jngó kiskòngui-la, kitsò-la:

—¿A 'an-ná?

²⁰ Jesús kitsò:

—Jngòò xi k̄itjokàjiin ts'e x̄it̄a-n̄a xi tejò ma-ne jè xi t̄ijè-ne chroḅa ts'an t̄isika'nchi-ne inchrāj̄in-la.

²¹ 'An xi Ki'ndi-la X̄it̄a xan-la yijo-na, k'oaa s'in komat'ian koni s'in t̄ichja Xojon-la Nainá. T̄anga im̄a xó-ne jè x̄it̄a xi s̄ingatsja-na! Isá-là ndaa komà tsà mìk̄i k̄its'iin x̄it̄a jè.

²² K'e nga nchikjèn, Jesús kiskoé inchrāj̄in, kiichjat'aà-la Nainá nga kisichikon-t'in, kisixkoaya ikjoàn kitsjaà-la x̄it̄a xi kota'yat'aà-la, kitsò-la:

—Chjoé. Yijo-na né.

²³ Ikjoàn kiskoé jngòò ch̄itsin, kitsjaà-la kjondaà Nainá; k'eé kitsjaà-la x̄it̄a xi kota'yat'aà-la, ngats'ii x̄it̄a k̄its'ii vino xi t̄ijya ch̄itsin.

²⁴ Kitsò-la:

—Jè-né xi jn̄i-n̄a xi siikixiya jè kjoa x̄itse xi b̄indaajiin-ko-nò. Jè jn̄i-n̄a xiixteèn xi kjondaà ts'e nga kjin x̄it̄a.

²⁵ Okixii xi xan-nò, mì t̄i k̄i sk̄i-na vino skanda jè nachrjein k'e nga skiaa vino x̄itse, ján ñánda t̄ihot̄ixoma Nainá.

'En xi kiichja Jesús nga jè Pedro kjó'mat'in

(Mateo 26:30-35; Lucas 22:31-34; Juan 13:36-38)

²⁶ Jesús ko x̄it̄a-la, k'e nga jye kiseé jngòò-la sò Nainá ts'e Salmo, ikjoàn ki ján nindoò Yá Olivo.

²⁷ Jesús kitsò-la x̄it̄a xi kota'yat'aà-la:

—Ngats'ioò j̄hò, k̄ijneí takòn-ná jè n̄itjen jè, nga k'oaa s'in t̄ichja Xojon-la Nainá, nga tsò: “K̄iyá jè paxtò koa j̄hà orré tsjohoya-né.”

²⁸ Tanga koma iskan, k'e nga kjoaaya-na, kjin it̄jòn-nò ján nangui Galilea.

²⁹ Kitsò Pedro:

—Nas'in ngats'ii x̄it̄a-lè xi i'nga tsjeiin takòn-lè, 'an, mìk̄i tsjeiin-takòn-lè.

³⁰ Jesús kitsò-la:

—Okixii xi xan-lè; n̄itjen jé, k'e nga t̄ik'j'eé kjindáya jò k'a kóxti, ngaji, ján k'a tsjá'mat'in-ná.

³¹ Jè Pedro isa 'ñó kiichja; kitsò:

—Nas'in ya k̄iyáko-lè, mìk̄i kójna'mat'in-lè.

Ngásòn kitsò yije x̄it̄a xi kota'yat'aà-la xi i'nga.

Kii kitsò Jesús nga tsibitsi'ba ya i'nde ñánda 'mì Getsemaní

(Mateo 26:36-46; Lucas 22:39-46)

³² Kii ján i'nde ñánda 'mì Getsemaní; Jesús kitsò-la x̄it̄a xi kota'yat'aà-la:

—T̄itsajna ijndé; 'an, Nainá kò-là kichjat'aà-la.

³³ Jesús kiik̄o Pedro, Jacobo, ko Juan. Ikjoàn tsibitsi'ia Jesús nga ba koma-la. 'Ñó kisikájno.

³⁴ K'eé kitsò Jesús:

—T̄si baá ma-la inima-n̄a koni tsà mejèn k̄iyá. T̄itsajna ijndé, t̄itsajnaoòn.

³⁵ Jesús kiik̄j̄a chiba-isa. Ikjoàn tsohojna skanda it'aà nangui koa kisijét'aà-la Nainá tsà koma, kjoaáxin-la kjo'in jè.

³⁶ K'e nga t̄ichjat'aà-la Nainá, kitsò-la:

—N̄a'èn xi N̄a'èn-n̄a xan-lè, ma yijeé-lè n̄ita mé kjoa-ne it'aà tsiji. Chjaáxin-ná kjoa ts'e kjo'in jè, tanga mìtsà jè 'én ts'an k̄itasòn, jè k̄atitasòn 'én tsiji.

³⁷ Ikjoàn j'ii jngòò k'a-ne ya ñánda t̄itsajna x̄it̄a-la, tanga j̄hà x̄it̄a-la, k̄ijy-ijjòfè-né. Jesús kitsò-la Pedro:

—Simón, ¿a t̄itsajnafè-né? ¿A mì kachikjoa-lè tsà tà jngòò hora kòbijnakoin?

³⁸ Títsajnakòòn, tíjé't'aa-là Nainá mé-ne nga mì sìikijne-nò kjoa ts'e jé. Xi okixi, jè iníma-nò tíjnandaà-né tanga jè yijo-nò, indaa tíjn, tsjín-la nga'ño.

³⁹ Jesús kiì kítsi'ba ìjngòò k'a. Táko k'oaá tí kítsò-ne koni kítsò nga sa ítjòn.

⁴⁰ K'e nga j'ii ìjngòò k'a-ne, jña xita xi kota'yàt'aa-la, táko kjiyijòfè-né nga 'ño nijña-la. Mikii beè kó kítsò-la Jesús.

⁴¹ Koma jàn k'a nga j'ii Jesús. Kítsò-la:

—¿A táko títsanikjáya-nò kò títsafè-nò? Kàtje kjoa. Jyeé ijchò hora-la, 'an xi Ki'ndi-la Xita xan-la yijo-na, yaá kongatsja jña xita jé.

⁴² Tísítjeen, chítsejèn-là, tükjiaán, jye nchrobá chraña jè xi sìingatsja-na.

Kii komà k'e nga kindobà'ño Jesús

(Mateo 26:47-56; Lucas 22:47-53; Juan 18:2-11)

⁴³ Táko tík'eé tíchja-ísa Jesús nga ijchò Judas, xi ya itjojìin-ne ts'e xita-la Jesús xi tejò ma-ne. Kjin xita tíjko xi 'ya kichà ndojò kò ya. Xita koi, jña kiskasén xita sko-la nò'mii kò xita xi okóya kjotixoma-la Nainá xi kiskii Moisés kò xita jchínga-la xita judío.

⁴⁴ Judas, jè xi tsatína Jesús, ítjòn tsibíhichiya-la kós'in kòkò-la Jesús. Kítsò-la: —Jè xi skíne'a, jè-né xi tìndoba'ño; ndaa tíkindaa k'e nga onguíko.

⁴⁵ K'e nga ijchò Judas, kiì ndiyá-né ñánda tíjna Jesús, kítsò-la:

—Maestro.

Ikjoàn kiskine'a.

⁴⁶ Jña xita xi tíjko, nitoón kitsobà'ño Jesús.

⁴⁷ Yaá tíjna jngòò xita xi tsachrje kichà ndojò-la. Tsajá-la jè xita chí'nda-la nò'mii ítjòn, tsatet'aa jngòò líkà-la.

⁴⁸ Jesús kiichja, kítsò-la jña xita:

—¿Mé-ne kos'in kof'i ndobà'ño-ná nga kò kichà kò yá kich'à koni tsà jngòò xita chíjé?

⁴⁹ Nachrjein nchijòn tíjna-kò-nò ján ingo ítjòn nga okoòya-nò koa mikii kindobà'ño-ná. Koií k'oaá s'in tíma-ne nga kítasòn 'én xi tíj'aa Xojon-la Nainá.

⁵⁰ Ngats'ii xita xi kota'yàt'aa-la Jesús tsanga-né, yaá kitsjeiin-takòn.

⁵¹ Jngòò chíti tíjngui-la xi tíjnajté jngòò nikje sávana. Jña xita kitsobà'ño,

⁵² tanga jè chíti kitsjeiin nikje sávana-la; ikjoàn k'oaas'in tsanga laká.

K'e nga kiiko Jesús ñánda tíjna nò'mii ítjòn

(Mateo 26:57-68; Lucas 22:54-55, 63-71; Juan 18:12-14, 19-24)

⁵³ Jesús kiiko ñánda tíjna nò'mii ítjòn. Yaá chixoña kòhòtjin xita sko-la nò'mii, jña xita jchínga, kò xi okóya kjotixoma-la Nainá xi kiskii Moisés.

⁵⁴ Jè Pedro, tà kjìin tà kjìin tsajmeètjngui-la skanda k'e nga ijchò ya nditsin ni'ya-la nò'mii ítjòn. Yaá tsibíjnat'aa-la ñánda títsajna xita chí'nda xi sikinda ingo nga títsajna'ngui.

⁵⁵ Jña xita sko-la nò'mii kò ngats'ii xitaxá xi ts'e xita judío tsohótsji'nde-la nga tsját'in 'én xi kondra ts'e Jesús mé-ne nga koma sìik'en-ne tanga nímé 'én kisakò-la.

⁵⁶ Kjin ma xita xi tsját'in 'én ndiso xi kondra ts'e Jesús tanga kj'eij tsò nga jngòò ìjngòò; mikii mangásòn 'én xi tsját'in.

⁵⁷ Chíncha kixi i'nga xita xi tsibénojmi 'én ndiso. Kítsò:

⁵⁸ —Ngajen, kina'yà-lajen nga tsò: “An sìikixoña ingo ítjòn xi tsja xita kisindaà-ne, kò jàn nachrjein kindaa ìjngòò-na xi mìtsà tsja xita sindaa-ne.”

⁵⁹ Nj mikii kjóngásòn 'én-la nas'in okítsò.

60 K'eé tsasítjen jè nò'miì ìtjòn; tsasíjnajiìn osen-la; kiskònangui-la Jesús, kitsò-la:

—¿A nì mé 'én nokjoi, koni tsò 'én xi tsjá xita koi xi kondra tsji?

61 Tanga jè Jesús jyò tsibijna, nímé 'én kiichja. Jè nò'miì ìtjòn ìjngòò k'a kiskònangui-la, kitsò-la:

—¿A ji-né xi Cristo, xi Ki'ndí-la Nainá xi 'ñó jeya tíjna?

62 Jesús kitsò:

—'An-ná, jñò jcha-ná xi Ki'ndí-la Xita xan-la yijo-na nga kótijnat'aà chrja kixi-la Nainá xi 'ñó tse nga 'ñó tíjn-la, koa kjinchrobàjñaà ifi ján ngajmiì.

63 Jè nò'miì ìtjòn tsatijndajno yijo-la nikje-la xi íkjá nga 'ñó kòjti-la. Kitsò:

—¿Mé s'éeen-isa-ná xita xi k'ejí xi tsjá 'én?

64 Jñá, jye titsana'ya koni s'in chjajno-la Nainá. ¿Jñò, kó bixón? ¿Mé xi sikoáá?

Ngats'ìi xita kisijngòò ikon nga tíjn-la jé koa ok'in-la nga kiyá.

—Ok'in-la nga sik'en.

65 Jñá xita tsibíts'ia nga tsibíchrájno koa tsibíchjoa xkon, tsi'beé-la, kitsò-la:

—K'oaá si, ¿ya xi tí'beé-lè?

Jñá xita xi sikinda ingo, kisijts'iin-'a isén-la.

K'e nga jè Pedro tsibijna'mat'in Jesús

(Mateo 26:69-75; Lucas 22:56-62; Juan 18:15-18, 25-29)

66 Jè Pedro yaá tíjna kangui nditsin ni'ya. Ijchò jngòò chjoón xi ch'inda-la nò'miì ìtjòn.

67 K'e nga kijtsee Pedro, nga tíjna'ngui, kiskoòtsejèn-jno, kitsò-la:

—Tjikoáá ngaji, yaá tjaàkoi Jesús xi Nazaret i'nde-la.

68 Tanga jè Pedro tsoho'mat'in-né. Kitsò:

—Mikiì bexkoan. Mikiì be mé 'én xi tinokjoi.

Pedro itjo ni'ya ján xotjoa-la. K'eé kiskindaya jngòò kóxtí.

69 Jè chjoón ch'inda-la nò'miì ìtjòn kijtsee ìjngòò k'a jè Pedro. Kitsò-la jñá xita xi ya titsajna:

—Jè xita jè, xita ts'ée Jesús.

70 Tanga jè Pedro tsoho'mat'in ìjngòò k'a. Nga koma iskan, jñá xita xi ya titsajna, ìjngòò k'a kitsò-la Pedro:

—Xi okixi, ngaji, xita-la Jesús-né nga Galilea i'nde-lè, k'oaá tsò 'én-lè xi nokjoi.

71 Tanga isaá 'ñó kiichja Pedro kitsò:

—jBeé Nainá, nas'in tik'eèn-ná, mikiì bexkoan jè xita xi o'mi-là!

72 Tik'e-ne nga okitsò Pedro, jè xi ma-ne jò k'a kiskindaya kóxtí. K'eé tsibítsjeèn-la Pedro koni kitsò-la Jesús: “K'e tikj'eè kjindaya jò k'a kóxtí, ngaji, jàn k'a tsjá'mat'in-ná.” Ikjoàn ndaà jchán kiskindaya.

15

Kjoa xi komàt'in Jesús k'e nga kjòngatsja Pilato

(Mateo 27:1-2, 11-14; Lucas 23:1-5; Juan 18:28-38)

¹ K'e nga kis'e isén jñá xita sko-la nò'miì ko xita jchínga ko xita xi okóya kjotixoma-la Nainá xi kiskii Moisés ko ngats'ìi xitaxá ts'e xita judío tsajoóya-ne. Tsibít'aà'ñó Jesús, kiìkò, kisìngatsja jè Pilato.

² Jè Pilato kiskònangui-la, kitsò-la:

—¿A ji-né xi xitaxá ìtjòn-la jñá xita judío?

Jesús kitsò:

—Ngají xi k'oa si nga 'an-ná.

³ Tanga jñà xitá sko-lá nò'miù, kjin skaya 'én tjin-ne xi tsját'in nga óngui.

⁴ Pilato iŋgoò k'a kiskònangui-lá, kitsò-lá:

—¿A nímé 'én nokjoi? Tíñá yaà-lá, 'ñó kjin skaya kjoa tsját'in-lè nga óngui-lè.

⁵ Jesús mìkì kùichja ñas'in koa tí'mì-lá. Pilato, tà k'oaá komà-lá.

K'e nga jè Jesús kitjoònè kjoa nga kiyá

(Mateo 27:15-31; Lucas 23:13-25; Juan 18:38-19:16)

⁶ Nga xkì nó k'e nga bitjo s'eí Paxko jè Pilato síkijnandeí iŋgoò xitá xi títša'ya ndayá, jè xi sjé xitá naxandá nga kijnandeí.

⁷ Jñà xitá xi títša'ya ndayá nga kjoasii tsohótsji ts'e gobierno, ya tijná xi 'mì Barrabás xi xitá kisik'en.

⁸ Jñà xitá naxandá kiikáko Pilato nga mejèn-lá koa s'in síkitasòn koni ma nga xkì nó.

⁹ Kùichja Pilato, kitsò:

—¿A mejèn-nò nga siikijnandeí-nò xi xitaxá ítjòn-lá xitá judío?

¹⁰ Pilato jye tjiin-lá nga tà kjoaxitakòn-né nga jñà xitá sko-lá nò'miù ya ijchò síngatsja Jesús.

¹¹ Jñà xitá sko-lá nò'miù chinchá'a xitá naxandá nga kos'in kàtasjé nga kàtijnandeí-ne Barrabás.

¹² Pilato iŋgoò k'a kiskònangui-lá xitá naxandá, kitsò-lá:

—¿Mé xi sikoáá jè xi 'mì-lá xitaxá ítjòn-lá xitá judío?

¹³ Jñà xitá, 'ñó kùichja, kitsò:

—Tasit'ii krò.

¹⁴ K'ée kitsò Pilato:

—¿Mé jé xi tsohótsji, mé-ne kiyá-ne?

Jñà xitá, isaá 'ñó kùichja, kitsò:

—Tasit'ii krò.

¹⁵ Pilato mejèn-lá nga ndaa kijnako xitá naxandá. Kisikijnandeí Barrabás. K'e nga jye kitsjaà okixi nga tsajá-lá Jesús, ikjoàn kisingatsja nga sit'aà krò.

¹⁶ Jñà soldado kiiko Jesús ján ni'ya osen. Ikjoàn kùichja yije-lá soldado xikjín.

¹⁷ Kisikákjá iŋgoò nikje xi inì jmá kji; tsibi'a sko iŋgoò corona na'yá xi jñà xó tsibíndaà-ne.

¹⁸ Ikjoàn tsibíts'ia nga kiskindáyat'in. Kitsò-lá:

—Viva xitaxá ítjòn-lá xitá judío.

¹⁹ Tsatji yá xkajnchrá sko; ikjoàn tsibíchrájno koa chincha-xkò'nchit'aà-lá koni tsà nchibeèxkón.

²⁰ K'e nga jye kisibòà-lá, jaàxìn-lá nikje sko xi íkjá, ikjoàn kisikákjá-ne xi nikje ts'e. K'ée itjoko nga kosit'aà krò.

K'e nga kisit'aà krò Jesús

(Mateo 27:32-44; Lucas 23:26-43; Juan 19:17-27)

²¹ Iŋgoò xitá kisatùkjoò xi 'mì Simón xi Cirene i'nde-lá xi tìnchrobá-ne rancho-lá. Na'èn-laá ma jè Alejandro ko Rufo. Jñà soldado kjo'ño kis'iin-lá nga kisik'ajen krò-lá Jesús.

²² Kiiko Jesús ján i'nde ñánda 'mì Gólgota, jè 'én xi tsòya-ne i'nde sko mik'en.

²³ Kitsjaà-lá vino xi tsjájin xich'a tsja xi 'mì mirra tanga jè Jesús mìkì kits'ii.

²⁴ K'ée tsasit'aà krò, ikjoàn jñà soldado kisiskáko nikje-lá Jesús nga kisika'bí-lá xikjín yá ts'e koma.

²⁵ Ijchò-lá tsá xi ñijaàn nga tajñóya nga kisasit'aà krò Jesús.

26 Jñà 'én xi tsohót'aà ìsòn skò krò, yaá tíchja mé jé xi komà-là Jesús nga kinik'en. Tsò-né: “Xítaxá Ítjòn-là xítà judío.”

27 Tíkooá chinchat'aà krò jò xítà chijé. Jngoò tsasíjnat'aà nga kixi-là Jesús kò jngoò tsasíjnat'aà nga ngaskón-là.

28 K'oaá s'ín kjòngàsòn koni s'ín tíchja Xojoñ-là Nainá nga tsò: “K'oaá ngaya-là koni jngoò xítà xi tse jé tjin-là.”

29 Jñà xítà xi ya ja, síkatji skò nga kiichjajno-là, kitsò-là:

—Jí, k'oaá kisi nga siixòñi ingò ítjòn-là Nainá kò jàn nàchrjein kíndaà ngajo-ne,

30 tìkíjnandeíj yijo-lè kò chinájen-t'i yijo-lè krò.

31 K'oaá tís'ín kisísobà-là jñà xítà skò-là n'omii kò xítà xi okóya kjótixoma-là Nainá xi kiskii Moisés. Kitsò-là xíkjin:

—Xítà jè, tsachrekàjiiñ kjo'in xi kj'eíj xítà, tanga jè xi yijo-là, mìkii ma ochrekàjiiñ kjo'in.

32 Kàttíjojen-t'aà krò jè xi Cristo, xi Xítaxá Ítjòn-là naxandá Israel, mé-ne nga jcha-ná koá kokjein-ná.

Skanda jñà xítà xi tíkoo ya kjit'aà krò, tíkooá tsatít'aà.

K'e nga k'en Jesús

(Mateo 27:45-56; Lucas 23:44-49; Juan 19:28-30)

33 K'e nga ijchò nchisen, kóhokji nga tújtsa isò'nde kòjñò skanda xi jàn nga nguixòn.

34 Tjje-ne hora Jesús 'ñó kiichja nga kitsò:

—Eloi, Eloi, ¿lama sabactani? —'Én jè tsòya-ne: Nainá, Nainá, ¿mé-ne kàjneitakòn-ná?

35 Tjin i'nga xítà xi ya tútsajna xi kii'nchré-là, kitsò:

—Tiná'yaà-là, jè chja-là Elías.

36 K'e tsangachikon jngoò xi kisika'nchi tsanga kò vinagre, ikjoàn tsibísko-là inaxo, kitsjaà-là Jesús nga kàt'i, kitsò:

—Chítsejen-là, ¿a kjoíj Elías nga skónájen-t'aà krò?

37 Tanga Jesús isaá 'ñó kiskindàya; k'en.

38 Jè nikje velo xi tjohóya jngoò osen ingò ítjòn kixajndà, jòya koma skanda it'aà nangui.

39 Jè xítà skò-là soldado xi síjna ñánda kisit'aà krò Jesús k'e nga kijtseè nga jye k'en Jesús, kitsò:

—Kixíj kjoa, xítà jèe, K'i'ndí-là Nainá-né.

40 Tíkoo tútsajna i'nga íchjin xi kjiin nchikotsejen-ne; jè María Magdalena, kò chjoón Salomé, kò María xi nea-là ma José kò Jacobo, jè xi isa ma ki'ndí.

41 Jñà íchjin koi, k'e nga tsibijna Galilea Jesús, yaá chinchima-tjingui-là kò yaá kisichját'aà-là. Kjìn ma íchjin xi ya tútsajna xi ijchòko ján Jerusalén.

K'e nga kisihiñ Jesús

(Mateo 27:57-61; Lucas 23:50-56; Juan 19:38-42)

42 K'e nga jye kjònguixòn nga jye bìtsajnandaà-là nàchrjein nìkjáya.

43 José xi Arimatea i'nde-là, jngoò xítà xi tíkoo 'nga xá tjin-là ts'e xítaxá-là xítà judío xi tíkoo tikoña-là nga mejèn-là skoé kó s'ín otixoma Nainá, kitsjaà-là nga'ñó yijo-là, jahas'en ya nì'ya ñánda tijn Pilato nga kisié yijo-là Jesús.

44 Pilato, tà k'oaá koma-là nga jye k'en Jesús; kiichja-là jè xítà skò-là soldado; kiskòngui-là tsá kixi kjoa nga jye k'en.

⁴⁵ K'e nga jye tsibénojmi jè x̄ita skò-la soldado nga jye k'en Jesús, Pilato kisingatsja José yijo-la Jesús.

⁴⁶ José tsatse jngoo nikje sávana; kiskójen-t'aà krò yijo-la Jesús; ikjoàn kiskájté jè nikje. K'eé kii kiihijün ñánda jye tjíndaà jngoo ngajo itsjó ingui nguijo; kiskinìs'en-ngui, ikjoàn tsohójtja xotjoa-la ngajo jngoo ndajo.

⁴⁷ María Magdalena kò María nea-la José, nchikotsejèn-la nga kishijün Jesús.

16

K'e nga jaáya-la Jesús

(Mateo 28:1-10; Lucas 24:1-12; Juan 20:1-10)

¹ K'e nga jye tsato nachrjein nìkjáya, María Magdalena, Salomé, kò María nea-la Jacobo, tsatse xkii jne nga mejèn-la s̄iikaájno yijo-la Jesús.

² Jè nachrjein nga tàts'en xomàna, ñó tajñòya kii katsejèn-la ñánda kishijün Jesús. Tjìk'eé tìbitjokàtji ts'oi.

³ Tsò-la xíkjin:

—¿Yá xi kjoaáxin-ná ndajo xi tíchjoájto ya xotjoa-la ngajo itsjó?

⁴ K'e nga íchò, kiskoòtsejèn, kijtsee nga jè ndajo je xi ñó í'í xi tíchjoájto-la ngajo itsjó ñánda kisijna Jesús, jye kitjaáxin.

⁵ K'e nga jahas'en-ngui nguijo kijtsee jngoo x̄ita ixti xi tijnajté jngoo nikje chroba ndojó. Tijnat'aà kixi-la ngajo. Jñà íchjin tà kitsakjòn-né.

⁶ Tanga jè x̄ita ixti kitsò-la:

—Kì tsakjoòn-jèn. Jñò, jè binchaàtsjioò Jesús xi Nazaret i'nde-la, jè xi kisit'aà krò. Jye kòfaáya-la. Mì tì jì tijn-ne. Chítsejèn-là i'nde-la ñánda kisijna.

⁷ Tanguió koatìn-là x̄ita xi kota'yàt'aà-la kò Pedro: “Jè tífi ítjòn-nò ján Galilea. Yáá jchaxkoòn ìjngoo k'a koni s'ín kitsò-nò.”

⁸ Jñà íchjin, ítjo nitoón-ne ya iya nguijo. Kii, tsangachikon. Chiba-la nchihotsé-né nga kitsakjòn. Niyá xi tsibénojmi-la nga ñó tsibíxkón-la yijo-la.

K'e nga jè María Magdalena kijtsee Jesús

(Juan 20:11-18)

⁹ Jè nachrjein nga tàts'en xomàna, Jesús jaáya-la nga tajñòya. Jè kijtsee ítjòn María Magdalena, jè xi tsachrjekàjün itoò inìma ch'o-la neí inìma-la.

¹⁰ María Magdalena kii, kiskik'nchré ngats'ìi x̄ita-la Jesús nga ba tjin-la koa nchikjindáya.

¹¹ Jñà x̄ita xi kota'yàt'aà-la, k'e nga kii'nchré nga tijnakon Jesús nga jè chjoón kijtsee, mìkii kòkjein-la.

K'e nga jò x̄ita-la kijtsee Jesús

(Lucas 24:13-35)

¹² K'e komà iskan, Jesús, k'ejí kji isén-la k'e nga tsakó-la yijo-la jò x̄ita-la xi nchifi campo.

¹³ Tsohójtji-ne jñà x̄ita xi jò ma, kiskik'nchré jñà x̄ita xi i'nga. Tjìkoáá mìkii kòkjein-la.

Kii kitsò Jesús nga kitsjaà-la xá x̄ita xi kota'yàt'aà-la

(Mateo 28:16-20; Lucas 24:36-49; Juan 20:19-23)

¹⁴ Xi jyehet'aà-ne, Jesús tsakó-la yijo-la jñà x̄ita xi tejngoo ma-ne k'e nga títsajnat'aà ímixa nga nchikjèn. Tsohótiko nga tájaà tjin inìma-la nga mì kòkjein-la k'e nga tsibénojmi-la jñà x̄ita xi tsakó ítjòn-la yijo-la nga jè jye jaáya-la.

¹⁵ Koḗ kitsò-là:

—Tanguió nga tǎtsa isò'nde. Tènojmi yije-là ngats'iì xǐtǎ jè 'én ndaà-là Nainá xi kjoḗ ts'an.

¹⁶ Jǎnǎ xǐtǎ xi kǒkjeiín-là it'aà ts'an koḗ koma bautizar, kitjokàjìin kjo'in. Tanga jǎnǎ xi mikii kǒkjeiín-là, kjo'iín s'e-là.

¹⁷ Jǎnǎ xi kǒkjeiín-là it'aà ts'an, k'oaá s'ín jchǎ-là; nga koma-là kochrjekàjìin inǐma ch'o-là neǐí xi tǐjìin inǐma-là xǐtǎ; tǐkooá koma-là kichja 'én xi k'ejí tsò;

¹⁸ tsà yé tsobà'ńó, tsà xkii kjan skine, nǐmé xi koma-là; kohòson-là tsja xǐtǎ xi xk'én, kondaà-ne.

K'e nga jè Jesús kùimijìn ngajmii

(Lucas 24:50-53)

¹⁹ K'e nga jye okitsò-là xǐtǎ xi kota'yàt'aà-là, Nǎ'èn-ná Jesús, kitjámiì'nga; nga kii ngajmii, tsibijna it'aà kixi-là Nainá.

²⁰ Jǎnǎ xǐtǎ-là kii; kisika'bí 'én ndaà-là nga kijndà i'nde, kǒ jè Nǎ'èn-ná Jesús kisichját'aà-là kǒ kisikixiyandaà 'én-là kǒ kjondaà xi kis'iin xǐtǎ-là. K'oaá s'ín kátama.

'Én ndaà-la Nainá xi kjoa ts'e Cristo koni s'ín kiskii San Lucas

'Én xi kiskii-la Teófilo jè Lucas

¹ Kjoa kixi xi komà jjiin naxandá it'aa ts'e Cristo, jye kjin ma-ne xita xi kiskii chiba

² koni s'ín tsakóya-najen jña xita xi xkon kijtsee-ne skanda tats'en-la kjoa, tijña-ne xi kis'e-la xá nga kiska'bí 'én ndaà-la Nainá xi kjoa ts'e Cristo.

³ Ngaji Na'én Teófilo xi 'ño ndeè, tikoaa 'an, ndaà sasén-na nga tikji-lè xojon jè, koni s'ín tjín nga jngoò lingoò skoya kjoa; ndaà tsohotsji-jñaà yije skanda tisa tats'en-la kjoa

⁴ mé-ne nga isa ndaà jcha-ne kjoa kixi xi ngui kos'ín tjín, jña 'én xi k'oas'ín tsakóya-lè xita.

'Én xi kiichja jngoò àkjale-la Nainá nga iskanjts'in Juan xi kis'iin bautizar xita

⁵ Koi nachrjein k'e nga jè tjina xitaxá ítjòn Herodes ján nangui Judea, tjina jngoò no'mùl xi Zacarías 'mì xi tje-la ts'e Abías. Jè Zacarías tjín-la chjoón xi Elisabet 'mì xi tikoaa tje-la ts'e Aarón.

⁶ Jña ingajò, xita kixi-né nga nguixkon Nainá. Sikitasòn yije-né ngats'iì kjotixoma-la Nainá.

⁷ Tsjin-la ixti; jè Elisabet, chjoón 'ndi-né; ingajò, jyeé 'ño xita jchínga.

⁸ Jngoò nachrjein, jña xita no'mùl xi síxákjoò Zacarías, jña tsako-la nga kixixá nguixkon Nainá.

⁹ Koni s'ín tjín kjotixoma xi ts'e no'mùl Israel, tsako-la suerte Zacarías nga jahas'en ni'ya tsjeè-la Nainá, ya jya jngo ítjòn, nga jè kòkà chrjongó-la Nainá.

¹⁰ Jè hora k'e nga tí chrjongó-la Nainá ngats'iì xita naxandá, yaá túsajna nditsin nga nchichjat'aa-la Nainá.

¹¹ Jè Zacarías tsatsejèn jngoò-la àkjale-la Nainá xi síjna kixi ya ngobà kixi-la ñanda tison chrjongó-la Nainá.

¹² Jè Zacarías k'e nga kijtsee, tà kjòxkón-la, tà kitsakjòn-né.

¹³ Tanga jè àkjale-la Nainá kitsò-la:

—Ngaji, Zacarias, ki tsakjoð-jèn; jè kjoa bitsi'ba-lè jye kina'ya-la; jè chjoón-lè Elisabet, jts'ín jngoò-la ki'ndí x'in; k'oaá s'ín kí'taa 'ín-la nga Juan k'oín.

¹⁴ 'Ñó s'e-lè kjotsja. Koi kjoa-la nga jè ki'ndí xi jts'ín, kjin xita kjotsja-la.

¹⁵ Xita ítjòn kijn nga nguixkon Nainá; mikii xán sk'oi nga xó k'oaá s'ín kitjaajjin-ne; Injma Tsjeè-la Nainá sijjin injma-la skanda tik'e-ne nga tisa tjina'ya'ma indso'ba ne-la.

¹⁶ Xi it'aa ts'e, kjin xita naxandá Israel koófat'aa-la Nainá.

¹⁷ Jè kjoí ítjòn-la Na'én-ná. Sijjin injma-la nga'ño xi kisikjeén jè Elías xita xi kiichja ngajo-la Nainá. Injma-la xita jchínga, 'nchán síikitsajnakò ixti-la. Jña xita xi tájaajjin tjín injma-la nga mikii síkitasòn, síikjatjya-la kjohitsjeèn-la mé-ne nga s'e-la kjoa chjine xi tjín-la xita kixi. K'oaá s'ín síikijyiondaá xita naxandá mé-ne nga kitsajnandaá-ne k'e nga kjoí Na'én-ná.

¹⁸ Zacarías kitsò-la jè àkjale:

—¿Kó s'ín skoeè-na tsà kixi kjoa? 'An, jye 'ño xita jchínga; tikoaa chjoón-na jye tífehèt'aa nachrjein-la.

19 Jè àkjalé kitsò:

—'An-ná Gabriel xi tijnáa nguixkon Nainá; kisikasén-na nga kichjàkò-lè, tsjaà-lè 'én ndaà-là Nainá.

20 I'ndeì, kijna chisín-né, mìkìl koma kìnókjoì skanda k'e nga kijchò nàchrjein nga kítasòn 'én koi, koiì kjoà-là nga mìkìl kòmokjein-lè 'én-na xi kàxan-lè.

21 Jñà xita naxandá, nchikoña-là Zacarías. Kjànangui-là xíkjin nga tífichrjein-là nga mìkìl xátì bitjo-ne ni'ya tsjeè-là Nainá.

22 K'e nga jye itjo-ne jyeé kjòchisín; mì tì kii ma chja-ne; jñà xita xi nchikoña-là kis'ejin-là nga tjin kjoà xi kijtsee ya jya ni'ya tsjeè-là Nainá; Zacarías tà jmeé chisín-isa tsja. K'oaá s'in tsibijna nga mìkìl komà kiichja.

23 Zacarías, k'e nga jye kisisòn jñà nàchrjein nga kisikitasòn xá-là, kii-ne ni'ya-là.

24 K'e nga komà iskan, jè chjoón Elisabet, ki'ndí ts'a; 'òn sá mì tì kii itjo-ne ni'ya-là. Kitsò:

25 “K'oaá s'in kisikò-na jè Nainá xi j't'aa ts'an: kijtsee imaá-na nga kitsjaà-na kjondaà-là mé-ne nga mì kii tì kochrjekàngui-na xita.”

Kii komà k'e nga jngoò àkjalé tsibénjmi nga iskan jts'in jè Jesús

26 K'e nga ijchò joòn sá, jè àkjalé Gabriel, Nainá kisikasén jngoò naxandá xi chja-ne Galilea ñanda 'mì Nazaret.

27 Kiikon jngoò chjoón xongó xi tjin-ne nga jè kixan-kò jngoò xita xi 'mì José xi tje-là ts'e xitaxá ítjòn xi ki'mì David. Jè 'in-là chjoón xongó, María 'mì.

28 Jè àkjalé, k'e nga jahas'en ni'ya nga kijtseexon María, kitsò-là:

—'Ndaà-lè, ngaji xi jì kitjóé-lè kjondaà jè! Nainá tijnakò-lè. Ngaji xi ndaà kjòchikon-t'in mì k'oaá-ne koni íchjin xi k'ejì.

29 Jè María k'e nga kijtseexon, tà kjòxkón-là koni s'in kitsò-là jè àkjalé; kisikitsjeèn kó tsòya-ne nga kos'in j'ii síhixat'aa-ne.

30 Jè àkjalé kitsò-là:

—María, ki tsakjoòn-jèn, jye kitjóé-lè kjondaà nga nguixkon Nainá.

31 I'ndeì koxk'én-né, ki'ndí jchà jngoì. K'oaá s'in kít'ii 'in-là nga Jesús k'oin.

32 Xita ítjòn koma; Ki'ndí-là Nainá k'oin xi isa 'ño 'nga tijná; Nainá, jè sìngatsja kjotixoma-là. Xitaxá ítjòn kijn koni s'in tsibijna David xi xita jchúnga-là komà.

33 Jè kotixoma-là naxandá Israel. Kjotixoma-là mì ki kjoèhet'aa nita kjé-ne.

34 Jè María k'ée kitsò-là àkjalé:

—¿Kó s'in koma jè kjoà koi? Nga mìtsà x'in tjin-na.

35 Jè àkjalé kitsò:

—Jè Inima Tsjeè-là Nainá kitjojen-nè-lè. Jè nga'ño-là Nainá xi 'ño 'nga tijná koiijtsat'in-lè koni jngoò 'nguién-là ifi mé-ne jè ki'ndí tsjeè xi jts'in, Ki'ndí-là Nainá k'oin.

36 Jè xinguji Elisabet xi chjoón 'ndi, kò joòn sá tjin-là nga ki'ndí 'ya nas'in jye 'ño xita jchúnga.

37 Xi j't'aa ts'e Nainá, nijngoò kjoà xi mìkìl koma-là —kitsò àkjalé.

38 K'ée kitsò María:

—'An-ná xi chjoón chi'nda-là Nainá; k'oaá s'in kátama koni s'in kò'mì-ná.

Jè àkjalé tinguixkoón-ne kii-ne.

Kii komà k'e nga jè María kii katsejèn-là Elisabet

39 Nàchrjein koi, jè Maríá n̄t̄oón kiì jngòè nàxandá xi kijna'nchò nindoò ján nangui Judea.

40 Jahas'en ni'ya-là Zacarías; kisihixat'aà Elisabet.

41 K'e kiì'nchré Elisabet nga kisihixat'aà Maríá, ki'ndí xi 'ya, kiskì'nga iya ìndoò b̄a. Jè in̄im̄a-là Elisabet ndaà kis'ejiin In̄im̄a Tsjeè-là Nainá.

42 K'eé 'ño kiìchja, kitsò:

—jNainá, isaá 'ño ndaà tísíchikon-t'in-lè mi k'oaa-ne koni j̄n̄a íchjín xi kj'eíi; t̄ikoaá ki'ndí-lè xi t̄ijnaya ìndso'boi 'ño ndaà tímachikon-t'in!

43 ¿Yá-ná 'an? ¡Mé tà ndaà kòf'lijchon-ná j̄i xi nea-là N̄a'èn-ná!

44 T̄ik'e-né nga kà'nchré nga kànihixat'aà-ná, ki'ndí-n̄a kàkjì'ngaya ìndso'b̄a nga tsja kòma-là.

45 ¡Mé tà ndaà-lè nga mokjeiín-lè 'én xi kis'enojmí-lè! Jè 'én xi kiìchja Nainá k̄itasòn-né —kitsò Elisabet.

46 Jè Maríá kitsò:

In̄im̄a-n̄a 'ño 'nga tísíkjina Nainá.

47 Matsja-na it'aà ts'e Nainá xi ochrjekátjì-na.

48 Kijtseè imaá-na, 'an xi chjòón ch̄i'nda-là ma;

j̄'ndeí skanda n̄it̄a kjé-ne k'oaa s'ín k̄itso-na x̄it̄a: “Mé tà ndaá-là.”

49 'Nó ndaà tse kjoa kisikò-na Nainá, jè, nga isa tse nga'ño t̄jín-là.

Nainá, x̄it̄a tsjeè-né.

50 T̄jín k̄jit'aà-là kjohimatakòn it'aà ts'e j̄n̄a x̄it̄a xi beèkón skanda tàts'en-la kjoa n̄it̄a kjé-ne.

51 K'oaa s'ín okò nga tse nga'ño t̄jín-là;

j̄n̄a x̄it̄a xi 'ño 'nga ikon j̄jiin in̄im̄a-là, ochrjekàngui kjohítsjeèn-là.

52 J̄n̄a x̄it̄axá it̄jòn xi 'nga títsajna, faáxln kjotíxoma-là,

koa j̄n̄a xi nangui títsajna, isaá 'nga síkítsajna.

53 J̄n̄a x̄it̄a xi tsjìn-là tsojmì xi kine, 'ño kjìn tsjá-là,

koa j̄n̄a x̄it̄a nchíná, n̄imé tsjá-là, tà síkasén tiyaá-ne.

54 Nainá síchját'aà-là nàxandá Israel, j̄n̄a x̄it̄a ch̄i'nda-là;

mìkiì síjchàajìin nga tjòkèè Abraham,

55 ngats'ìi tje-là n̄it̄a mé nàchrjein-ne.

Nga Nainá, k'oaa s'ín kitsjaà-là tso'ba j̄n̄a x̄it̄a jchínga-ná.

Kitsò Maríá.

56 Jè Maríá, jàn sá tsibìjnako Elisabet; k'e komà iskan kiì-ne ni'ya-là.

K'e nga kits'ìin Juan xi kis'ìin bautizar x̄it̄a

57 K'e nga jye ijchò nàchrjein-là, Elisabet, kits'ìin jngòè-là ki'ndí x'ín.

58 Nainá, 'ño ndaà kisikò. K'e nga kiì'nchré x̄it̄a xíkjín ko x̄it̄a ìndii ni'ya-là t̄ikoaá kjòtsja-là.

59 Nga komà j̄iin nàchrjein, k̄ikò jè ki'ndí nga nguixkon n̄o'miì, mé-ne nga kisit'aà ch̄iba-là yijo-là kjoa ts'e circuncisión. J̄n̄a x̄it̄a xi kj'eíi, k'oaa s'ín mejèn tsibít'aà 'ín koni 'mì n̄a'èn-là nga Zacarías 'mì.

60 Tanga jè nea-là kitsò:

—Majìn, Juan k'oín.

61 Kitsò j̄n̄a x̄it̄a xi títsajna:

—¿Mé-ne kos'ín k'oín-ne? Nijngòè x̄it̄a xingui xi kos'ín 'mì 'ín-là.

62 K'eé kitjònangui ch̄isín-là n̄a'èn-là kó k'oín.

63 Zacarías kisijé jngòè íteè nga kiskijno, tsibít'aà: “Juan 'mì 'ín-là.” Ngats'ìi x̄it̄a xi yà títsajna, tà k'oaa komà-là.

⁶⁴ Zacarías tik'eé-ne kitáx'a-ne tso'ba kò tsaniyá-ne nijen, ikjoàn komà kiichja-ne. K'eé kitsjaà-la kjondaà Nainá.

⁶⁵ Ngats'ìi xitá xi títasajna chrañá indii ni'ya-la, tà kòxkón-la k'e nga kil'nchré nga jye ma kiichja-ne Zacarías. Xki xi ján tsabísòn kjoa koi kóhokji inçhò nindoò nangui Judea.

⁶⁶ Ngats'ìi xitá xi kil'nchré kjoa koi, tsohóko ijiln inima-la; kitsò:

—Jè ki'ndí, k'e nga kojchínga, çyá xitá xi koma?

Nga jè nga'ño-la Nainá tijnako.

Kii komà k'e nga jè Zacarías kiichja it'aa ts'e Nainá

⁶⁷ Zacarías, na'en-la Juan, kisijiin inima-la Inima Tsjeè-la Nainá. Kiichja ngajo-la Nainá, kitsò:

⁶⁸ Mé tà ndaa kji-la Na'en-ná jè xi Nainá tsò-la naḡandá Israel nga j'ii kichjítjì naḡandá-la tikoá j'ii sikijnandeí!

⁶⁹ Kitsjaà jngoo-ná xitá xi tse nga'ño tjin-la nga j'ii kachrjetjì-ná kjo'in xi kjoa ts'e jé-ná,

jè xi tje-la David xi ch'i'nda-la Nainá tsibijna.

⁷⁰ Nainá kisikjeén tso'ba jñá xitá tsjeè-la xi kiichja ngajo-la.

K'oaá s'in kitsò nga tisa tàts'en-la kjoa nga

⁷¹ kochrjekátjì-ná it'aa ts'e xitá kondra-ná,

ko xitá xi jtikeè-ná.

⁷² K'oaá tì kitsò Nainá nga skoe ima jñá xitá jchínga-ná.

Mikiì sijnchàajiln jè 'én xi kitsjaà-la xitá jchínga-ná Abraham nga tsibíndaajiln-ko jngoo kjoa tsjeè.

⁷³ Nainá, k'oaá s'in kitsjaà-la tso'ba Abraham xi xitá jchínga kjiin-ná nga

⁷⁴ sijkítsajnaandeí-ná ts'e xitá kondra-ná mé-ne nga mikil kiskoán nga sixá-lá.

⁷⁵ Kjit'aa nachrjein tsjeè kitsajnaá tikoá kixi kitsajnaá nga nguixkòn Nainá.

Kitsò Zacarías.

⁷⁶ K'eé kitsò-la ki'ndí-la:

Ngaji, sijkjeén-lè Nainá xi 'ño 'nga tjna nga kinókjoa ngajo-la.

Ngajii k'oín itjòn-la Na'en-ná nga kíndii ndiyá-la.

⁷⁷ Kénojmi-la naḡandá-la kós'in s'in Nainá nga kochrjekátjì-ná jé-ná.

Nainá, 'ño tse kjohimatakòn tjin-la nga síjchàat'aà-la jé-la jñá xitá.

⁷⁸ Nainá sjiikasén jngoo-ná xi nchrobá-ne ngajmi.

K'e nga kjoí, k'oaá s'in sijnhiseèn-la xitá koni s'in mahiseèn k'e nga tajñoa.

⁷⁹ Jñá kojhiseèn-la kjohitsjeèn-la xitá xi i'nde jñò títasajniin,

ko xi jye ndiyá kjoa biyaá tjimaya.

Yaá kjiko-ná ndiyá ñanda tjin kjoa'nchán.

Kitsò Zacarías.

⁸⁰ Ki'ndí jè tímajchínga tikoá tís'e-la nga'ño xi ts'e inima-la. Yaá tsibijna j'nde it'aa xin ñanda nangui kixi choòn skanda k'e nga tsibíts'ia nga tsibijna osen-la naḡandá Israel.

2

Kii komà k'e nga kits'ìin Jesús

(Mateo 1:18-25)

¹ Koi nachrjein k'e nga tjin-la xá itjòn César Augusto tsjachrje jngoo okixi nga ngats'ìi xitá naḡandá xi otixoma-la Roma, xojoón sít'aa 'in-la.

² Jè xojoon censo xi kisindaà itjòn k'e nga tjna gobernador xitá xi 'mì Cirenio ján j'nde ñanda 'mì Siria.

³ Kii yije x̄ita nga kii kít'aà xojon yijo-la nga jngoò òjngoò naxandá-la xi chja-ne.

⁴ José itjo-ne Nazaret, naxandá ts'e Galilea, kii nangui ñánda 'mì Judea ya naxandá Belén ñánda kits'iin x̄ita ítjòn xi David ki'mì nga jè José, tje-la ts'e David-né.

⁵ Kii kít'aà xojon yijo-la; t̄kooá kii jè María, chjoón-la xi t̄jna'ñó-la nga jè k̄ixan-ko, tanga jyeé ki'ndí 'ya.

⁶ K'e nga jye t̄tsajna Belén, María ijchò naxhrjein-la nga kits'iin ki'ndí-la.

⁷ Kits'iin ki'ndítjòn-la xi ndí ki'ndí x'in; kisikájté nikje-la; ya kisikánaya kaxa ñánda kjèn-ya cho, nga mì t̄ kii t̄jín-ne ònde ya ni'ya ñánda ma níkjáya.

Kii komà k'e nga j̄ña àkjale-la Nainá j'ũkon j̄ña paxtò

⁸ Ya chrañàt'aà-la Belén t̄tsajna paxtò xi nchisikinda cho orrè-la nga n̄tjen.

⁹ Tà n̄toón ijchòkon jngoò àkjale-la Nainá. Jè kjoajeya-la Nainá xi 'ño ote kji, kishiseèn yije kóhokji jngoò ítjandii ñánda t̄tsajna j̄ña paxtò. K'e nga kijtseè, tsí ndaa kitsakjòn.

¹⁰ Jè àkjale kitsò-la:

—Kii tsakjoòñ-jèn; 'an, koií xá j'i-na nga síkí'nchré jngoò-nò 'én x̄itse xi ndaa tsò xi 'ño kjotsja-la ngats'i naxandá:

¹¹ I'ndeí kats'iin jngoò ki'ndí ya naxandá-la David jè xi kochrjekaj̄iin-ná kjo'in, jè xi Cristo, [x̄ita xi xó kisikasén-ne Nainá], nga jè kot̄ixoma-ná.

¹² T̄jín jngoò seña nga kixi kjoa: s̄akò jngoò-nò ki'ndí xi tsj̄átéj̄iin nikje-la; kjinaya kaxa ñánda kjèn-ya cho.

¹³ T̄ik'e-ne kj̄in jchán àkjale tsatsejèn-kjoò-isa xi inchròbà-ne ngajmii xi 'nga kisikj̄ina Nainá. Kitsò:

¹⁴ Nainá k̄atas'e-la kjoajeya ján ngajmii;

ko ò it'aà nangui,

'nchán k̄atas'e kjoa, it'aà ts'e x̄ita xi t̄jín-la kjondaa-la Nainá.

¹⁵ K'e nga kii-ne j̄ña àkjale ján ngajmii, j̄ña paxtò kitsò-la x̄ikj̄in:

—T̄ikj̄iaán skanda Belén nga jchaá kjoa xi kòma koni s'ín k̄asikí'nchré-ná Na'èn-ná.

¹⁶ N̄toón kii j̄ña paxtò ján Belén; k'e nga ijchò, kisakò-la ñánda t̄jna María ko José, koa jè ki'ndí, kjinaya kaxa ñánda kjèn-ya cho.

¹⁷ K'e nga kijtseèkxon ki'ndí jè, tsibénojmi yije koni s'ín kitsò jè àkjale it'aà ts'e ki'ndí.

¹⁸ Ngats'i x̄ita xi kii'nchré koni s'ín kitsò j̄ña paxtò tà k'oaá komà-la.

¹⁹ Tanga jè María yaá tsibij̄iin yije ij̄iin inj̄ma-la j̄ña 'én xi kis'enojmi-la. 'Ñó kisikitsjeen-j̄iin kjoa koi.

²⁰ Kii òjngoò k'a-ne j̄ña paxtò; jeya tsachrje t̄kooa ndaa kisikj̄ina Nainá ngats'i kjoa xi kii'nchré ko xi kijtseè, nga ngui k'oaá s'ín komà koni s'ín kis'enojmi-la.

K'e nga j̄ña x̄ita jchínga-la Jesús kiikò òngo ítjòn ya Jerusalén nga kisingatsja Nainá

²¹ K'e nga ijchò j̄iin naxhrjein nga kits'iin ki'ndí jè, kisit'aà ch̄iba-la yijo-la kjoa ts'e circuncisión; Jesús kisit'aà 'ín-la koni s'ín kitsò àkjale-la Nainá k'e nga t̄sa kisinaya'ma òndso'ba nea-la.

²² Ijchò naxhrjein nga k'oa's'ín s'ín x̄ita koi, koni s'ín t̄ichja k̄ot̄ixoma-la Nainá xi kiskii Moisés, mé-ne jè María tsjeè k̄jina-ne nguixkxon Nainá. Naxhrjein koi, kiikò Jesús òngo ítjòn ya Jerusalén nga kisingatsja Nainá.

23 K'oaá s'ín tít'aa kjotíxoma-la Nainá xi kiskii Moisés: "Ngats'ii ki'ndí x'in xi jts'in ítjòn, ts'eé Nainá, jè kongatsja."

24 Xita jchínga-la Jesús kiiko kjotjò-la nguixkon Nainá; jò tjoní'ña ko tsá jò pichón koni s'ín tjin kjotíxoma-la Nainá.

25 Koi nachrjein ján Jerusalén tjna jngoò xita kixi xi ndaà beèxkón Nainá, Simeón 'mì. Tikoáá tíkoña-la jè xi sükijnandeij naxandá Israel; jè Simeón, yaá tijnako Iníma Tsjeè-la Nainá.

26 Jè Iníma Tsjeè-la Nainá k'oaá s'ín tsibénomíya-la Simeón nga mikii kiyá skanda k'e nga skoexkon Cristo xi Nainá sükasén.

27 Jè Iníma-la Nainá kisikasén Simeón ján ingo ítjòn Jerusalén. K'e nga ijchòko Jesús jña xita jchínga-la mé-ne nga kisikitasòn-ne koni s'ín sijé kjotíxoma-la,

28 Simeón kiskoé ki'ndí jè, tsohóya tsja; 'nga kisikijna Nainá. Kitsò:

29 Na'én, jyeé kòbitasòn 'én-lè koni s'ín ki'mi-ná,
j'ndeij, 'nchán kàtiyaà 'an xi chj'nda-lè ma.

30 Jyeé kòbe-na xkoaàn jè xi kochrjekátjì-ná kjo'in,

31 jè xi kànikijna-osin nguixkon ngats'ii naxandá,

32 jè xi silihiseèn-la kjohítsjeèn-la jña xita xi mìtsá xita naxandá Israel.

It'aa ts'e ki'ndí jè, naxandá-lè Israel jeyaá kijna.

33 Jña xita jchínga-la Jesús tà k'oaá komà-la koni s'ín kitsò Simeón it'aa ts'e ki'ndí-la.

34 Simeón kisijét'aa-la Nainá nga kàtasíchikon-t'in; ikjoàn kitsò-la María, nea-la Jesús:

—It'aa ts'e ki'ndí jè, k'oaá s'ín tjinè-la nga jkìn xita naxandá Israel kitjoiin kjo'in koa kjin kixojin. Seña-la Nainá kijna

35 mé-ne nga jcha-la kó s'ín tjin kjohítsjeèn-la nga jngoò jngoò xita, tanga kjin xita xi mikii kòkjeiin-la; tíkoáá ngajì, k'oaá s'ín s'e-lè kjo'on-takòn koni tsá jngoò kichá ndojò kotokjá iníma-lè.

36 Tikoáá yaá tjna chjoón Ana xi chjaya 'én-la Nainá, tsòti-la Fanuel xi tje-la Aser. Jyeé 'nó xita jchínga. Itoò nó tsibijnako x'in-la.

37 Nachrjein koi, jè chjoón Ana kò ñijòn kaàn ko ñijòn nó tjin-la nga tjna ka'an. Yaá bijnaya nachrjein inchijòn ya nditsin ingo ítjòn; ko nachrjein ko nitjen beèxkón Nainá; bitsi'ba-la koa bijnachjan.

38 Tijè-ne hora, chjoón jè ijchò kasijnat'aa chraña-la xita jchínga-la Jesús; kitsjaà-la kjondaà Nainá; kiichja-la ngats'ii xita it'aa ts'e ki'ndí jè, jña xi tíkoá nchikoña-la nga kitjotjì yije naxandá xi chja-ne Jerusalén.

K'e nga kii jngoò k'a-ne Nazaret

39 José ko María, k'e nga jye kisihitasòn yije koni s'ín tíchja kjotíxoma-la Nainá, kii jngoò k'a-ne ján Galilea ya naxandá-la Nazaret.

40 Ki'ndí jè tímajchínga; tís'e-la nga'ño ijin iníma-la; tíkoáá isa ndaà tímachiya-la; yaá tijnako kjondaà-la Nainá.

Kii komà k'e nga jè Jesús tsibijnaya ingo ítjòn ján Jerusalén

41 Jña xita jchínga-la Jesús, xkì nó fi ya Jerusalén k'e nga bitjo s'eí Paxko.

42 Jesús, k'e nga jye tjin-la tejò nó tíkoá kii ján Jerusalén koni s'ín choòn kjotíxoma ts'e s'eí Paxko.

43 K'e nga inchrobà-ne xita nga jyehet'aa s'eí, jè Jesús yaá tsibijna Jerusalén; koa jña xita jchínga-la mikii kisijin-la tsá ya tsibijna.

⁴⁴ Jngòò nàchrjein chinchimaya ndiyá. Maá-là tsà yaá tsóhojìin-là jñà xìta xi nchifi-ne. K'e nga tsohótsjìin-là xíkjín kò xìta xi beèxkon,

⁴⁵ mìkìi kisakò-là. K'èé kù ìjngòò k'a ján Jerusalén nga kù kátsji.

⁴⁶ K'e nga komà jàn nàchrjein nga nchihótsji, kisakò-là ya ndìtsin ingo ítjòn; tìjnajìin-là xìta xi okóya k'jotìxoma-là Nainá; tí'nchré-là tìkòá tìk'jòàngui-là.

⁴⁷ Ngats'ìi xìta xi nchi'nchré-là tà k'oaá komà-là jè k'johítsjeen xi t'jín-là koni s'ín tìchja.

⁴⁸ Jñà xìta jchínga-là, k'e nga kijtseè nga ya t'jina, tìkòáà tà k'oaá komà-là; jè nea-là kitsò-là:

—Jì na'èn, ìmé-ne nga kòs'ín nìkò-nájén? Na'èn-lè kò 'an tímakájno-najén nga kichijì, tìtsabinchaàtsji-lèjén.

⁴⁹ Jesús kitsò:

—ÌMé-ne nga binchaàtsji-ná? ÌA mì t'jìin-nò nga t'jìnè-na nga ya kótijna nì'ya-là Na'èn-nà?

⁵⁰ Tanga jñà xìta jchínga-là mìkìi jahas'en-jìin-là jè 'én xi kitsò Jesús.

⁵¹ Jesús, kù ìjngòò k'a-ne ján Nazaret kò nea-là kò na'èn-là; Jesús ndaà kisikitasòn-là xìta jchínga-là. Jè nea-là tà yaá tsibìjìin-ikon inìma-là ngats'ìi k'jòá koi.

⁵² Jesús, tímajchínga kòá nàchrjein inchiòn, ìsà ndaà tímachiya-là; tìkòá tìs'e-là k'jondaà-là Nainá kò ts'e xìta.

3

'Èn xi kùichja Juan xi kis'ìin bautizar xìta (Mateo 3:1-12; Marcos 1:1-8; Juan 1:19-28)

¹ K'e nga jye t'jín-là chrj'òòn nó nga tìhotìxoma-là ìsò'nde xi chja-ne Roma jè xi 'mì Tiberio César, kò ján nangui Judea, jè t'jina gobernador Poncio Pilato; kò jè Herodes, xìtaxá ítjòn t'jina ya nangui Galilea; kò jè Felipe xi 'ndse ma Herodes, xìtaxá ítjòn t'jina ya nangui ñánda 'mì Iturea kò ya nangui Traconite; kò jè Lisánias, xìtaxá ítjòn t'jina ya nangui Abilinia.

² Kò ján Jerusalén, nò' mii ítjòn tìtsajna jè Anás kò Caifás. Tìkoi-ne nàchrjein, Juan, k'índí-là Zacarías, kits'ìi-là 'én-là Nainá ya ì'nde ìt'aà xìn ñánda nangui kixì choòn.

³ Juan, kù kóhokji ìndìi xajngá nandá Jordán nga kùichjaya nga kàtasíkájno jé-là jñà xìta nga mì tì jè kohótsji-ne, ìk'jòàn kàtas'ín bautizar yijò-là mé-ne nga s'ìjchàat'aà-là Nainá jé-là.

⁴ K'e nga k'oaas'ín kùichjaya Juan, jñà tìbitasòn 'én xi kiskii Isaiás, xìta xi kùichja ngajo-là Nainá nga tsò:

Na'ya-là 'én xi 'nó chja ya ì'nde ìt'aà xìn ñánda nangui kixì choòn:

“Tjandaà ndiyá-là Nainá ya j'jìin inìma-nò; kixì t'k'jina koni jngòò ndiyá ñánda kòjmeèya Na'èn-ná.

⁵ Ngats'ìi xajngá kòngásòn-né;

ngats'ìi nindoò kò chrjangui, kòkixì-né;

jñà ndiyá xi tsó'ño t'jín, tìkòáá kòkixì-né;

kòá jñà ndiyá xi t'jén-jen-jno t'jén-jen-t'aà choòn, kòjchoòn-là.

⁶ Ngats'ìi xìta nga t'jitsa ìsò'nde, skoe-né kó s'ín s'jìin Nainá nga kòchrjekátjì jé-là xìta.”

Kitsò Isaiás.

⁷ Juan kitsò-là jñà xìta xi ijchò nga mejèn-là kòma bautizar:

—Jñò xi x̄ita tje-la ye 'mì-nò! ¿Yá xi òkìtsò-nò nga k̄inchat'aàxin-là jè kjo'in xi s̄a nchrobá machrañàt'aà-nò?

⁸ Ndaà t̄jìn kjoa xi t'een nga ndaà kàta'ya-nò nga jyeé kinikájno jé-nò nga mì t̄jì jé binchaàtsji-nò. Kì bixón-jèn ya ij̄iìn inìma-nò: “Ngajen, [mìkii s'e-najen kjo'in] nga yaá inchrobàt'aà-najen tje-la Abraham.” K'oaá xan-nò, Nainá, skanda jñà ndajo komaá-la s̄iikjat̄iya-la nga ixti-la Abraham koma.

⁹ Jè kichayá jyeé k̄jijnandaà nga k̄otesòn yá; ngats'ìi yá xi 'mì ndaà toò ojà-la, skanda k̄o ima-la, j̄t̄isòn-né, ik̄joàn s̄inchájiìn ni'ín nga k̄it̄i.

¹⁰ Jñà x̄ita kiskònangui-la kitsò-la:

—¿Mé xi s'en-jen?

¹¹ Juan k̄iichj̄a kitsò-la:

—Jè xi jò ma nachro-la kàtatsj̄a jngoò-la jè xi tsj̄ìn-la; jè xi t̄j̄ìn-la tsojmì xi kine, kàtatsj̄a-la jè xi tsj̄ìn-la.

¹² T̄ikoaa'j'ìi i'nga x̄ita-la x̄itaxá Roma xi s̄ikíchj̄it̄jì tsojmì nga mejèn-la koma bautizar. Kitsò-la Juan:

—Maestro, ngajen, ¿mé xi s'en-jen?

¹³ Juan kitsò:

—Kì tsato níkichj̄io koni s'ín t̄ichj̄a k̄jot̄ixoma.

¹⁴ T̄ikoaa' kiskònangui i'nga jñà soldado, kitsò:

—Ngajen, ¿mé xi s'en-jen?

Juan kitsò-la:

—Kì x̄ita binchaxkón-la, ki 'én ndiso niyasòn-la k'e nga ni mé kjoa t̄j̄ìn-la nga ton mejèn-nò nachrjekájno-là; kàtajngoò-takòn koni t̄j̄ìn machj̄i-nò.

¹⁵ Nchikoña jñà x̄ita naxandá; nchisik̄itsjeèn ij̄iìn inìma-la xi it'aà ts'e Juan: tsà jè xi Cristo, [x̄ita xi xó kisikasén-ne Nainá].

¹⁶ Juan kitsò-la ngats'ìi x̄ita naxandá:

—Okixi-né, 'an, tà nandá s'iin-nò bautizar; tanga nchrobá j̄jngoò xi is̄a tse nga'ño t̄j̄ìn-la mì k'oaá-ne koni 'an; skanda mìkii t̄j̄i'nde-na nga sk̄j̄inda'ñoá xox'ín-la xojt̄é-la; jè xi s̄a nchrobá, s'iin-nò bautizar k̄o Inìma Tsjeè-la Nainá k̄oa k̄o ni'ín.

¹⁷ Jyeé k̄j̄inaya tsja jè pala nga s̄iitsjeè t̄jé-la trigo. K̄inchàxkó trigo ya jya ni'nga; tanga jè t̄jé-la trigo, k̄okà-né ya ij̄iìn ni'ín ñanda mìkii bits'o n̄ita mé nachrjein-ne.

¹⁸ Juan, k'oaá s'ín k̄iichjayaj̄iìn-la x̄ita 'én ndaà-la Nainá; k̄j̄in skoya k̄jot̄ixoma tsibit'in-la xi ndaà tsò.

¹⁹ Juan, tshótiko jè Herodes xi x̄ita it̄jòn t̄j̄in, koií kjoa-la nga jè t̄j̄inako Herodias chjoón-la Felipe xi 'ndse Herodes. T̄ikoá tshótiko Herodes ngats'ìi kjoa xi ch'o t̄is'ín.

²⁰ Tanga jè Herodes, is̄a 'ño ch'o kis'iin-isa: ndayá kiskinìs'en Juan.

Kii komà k'e nga komà bautizar Jesús

(Mateo 3:13-17; Marcos 1:9-11)

²¹ K'e nga t̄ikj'eè ndayá fahas'en Juan nga t̄is'ín bautizar ngats'ìi x̄ita naxandá, t̄ikoaa' k'eé komà bautizar Jesús; k'e nga t̄ichjat'aà-la Nainá Jesús, kitax'a ngajmii.

²² Ik̄joàn itjojen-nè-la Jesús jè Inìma Tsjeè-la Nainá xi òkji koni k̄j̄i n̄ise paloma; k̄oa kina'ya jngoò-la 'én xi ngajmii inchrobà-ne xi kitsò:

—Ji-né xi ki'ndí-n̄a xan-lè xi 'ño matsjake-lè; tsja t̄j̄ìn-la takoàn it'aà tsjji.

Tje-la Jesucristo

(Mateo 1:1-17)

- ²³ Jesús k'e nga tsibíts'ia nga kisixá, tjin-la tsà katé nó. K'oaa s'in tjiin-la xita, nga ki'ndi-la xó José; José, ki'ndi-la Elí;
- ²⁴ Elí, ki'ndi-la Matat; Matat, ki'ndi-la Leví; Leví, ki'ndi-la Melqui; Melqui, ki'ndi-la Jana; Jana, ki'ndi-la José;
- ²⁵ José, ki'ndi-la Matatías; Matatías, ki'ndi-la Amós; Amós, ki'ndi-la Nahúm; Nahúm, ki'ndi-la Esli; Esli, ki'ndi-la Nagai;
- ²⁶ Nagai, ki'ndi-la Maat; Maat, ki'ndi-la Matatías; Matatías, ki'ndi-la Semei; Semei, ki'ndi-la Josec; Josec, ki'ndi-la Judá;
- ²⁷ Judá, ki'ndi-la Joanán; Joanán, ki'ndi-la Resa; Resa, ki'ndi-la Zorobabel; Zorobabel, ki'ndi-la Salatiel; Salatiel, ki'ndi-la Neri;
- ²⁸ Neri, ki'ndi-la Melqui; Melqui, ki'ndi-la Adi; Adi, ki'ndi-la Cosam; Cosam, ki'ndi-la Elmodam; Elmodam, ki'ndi-la Er;
- ²⁹ Er, ki'ndi-la Josué; Josué, ki'ndi-la Eliezer; Eliezer, ki'ndi-la Jorim; Jorim, ki'ndi-la Matat;
- ³⁰ Matat, ki'ndi-la Leví; Leví, ki'ndi-la Simeón; Simeón, ki'ndi-la Judá; Judá, ki'ndi-la José; José, ki'ndi-la Jonam; Jonam, ki'ndi-la Eliaquim;
- ³¹ Eliaquim, ki'ndi-la Melea; Melea, ki'ndi-la Mainán; Mainán, ki'ndi-la Matata; Matata, ki'ndi-la Natán;
- ³² Natán, ki'ndi-la David; David, ki'ndi-la Isai; Isai, ki'ndi-la Obed; Obed, ki'ndi-la Booz; Booz, ki'ndi-la Salmón; Salmón, ki'ndi-la Naasón;
- ³³ Naasón, ki'ndi-la Aminadab; Aminadab, ki'ndi-la Aram; Aram, ki'ndi-la Esrom; Esrom, ki'ndi-la Fares; Fares, ki'ndi-la Judá;
- ³⁴ Judá, ki'ndi-la Jacob; Jacob, ki'ndi-la Isaac; Isaac, ki'ndi-la Abraham; Abraham, ki'ndi-la Taré; Taré, ki'ndi-la Nacor;
- ³⁵ Nacor, ki'ndi-la Serug; Serug, ki'ndi-la Ragau; Ragau, ki'ndi-la Peleg; Peleg, ki'ndi-la Heber; Heber, ki'ndi-la Sala;
- ³⁶ Sala, ki'ndi-la Cainán; Cainán, ki'ndi-la Arfaxad; Arfaxad, ki'ndi-la Sem; Sem, ki'ndi-la Noé; Noé, ki'ndi-la Lamec;
- ³⁷ Lamec, ki'ndi-la Matusalén; Matusalén, ki'ndi-la Enoc; Enoc, ki'ndi-la Jared; Jared, ki'ndi-la Mahalaleel; Mahalaleel, ki'ndi-la Cainán;
- ³⁸ Cainán, ki'ndi-la Enós; Enós, ki'ndi-la Set; Set, ki'ndi-la Adán; Adán, xi jè sobà Nainá tsibíndaà.

4

K'e nga jè xita neij kiskoòt'aa Jesús (Mateo 4:1-11; Marcos 1:12-13)

¹ Jesús, nga ndaa tjiin inima-la jè Inima Tsjeè-la Nainá, inchrobà ijngòò k'a-ne ya xajngá nandá Jordán, koa jè Inima Tsjeè-la Nainá kiikò jngòò i'nde it'aa xin ñanda nangui kixi choòn.

² Ichán nàchrjein tsibijna. Jè xita neij kiskoòt'aa nga mejèn-la kàtátsji jè Jesús. Ngats'ii nàchrjein koi, Jesús mìkìl tsakjèn, tsibijnachjan-né. K'e nga jyehet'aa nàchrjein, jyeé 'ñó kjòhòjò-la.

³ Jè xita neij kitsò-la:

—Tsà kixi kjoa nga ngaji xi Ki'ndi-la Nainá 'mì-lè, tjiin-la okixi ndajo jè nga inchrájin kàtama.

⁴ Jesús kiichja kitsò:

—Tjit'aa Xojon-la Nainá nga tsò: “Mitsà tà koi tsojmì xi ma chine kitsakon-ne xita, tikoaa kitsakoón-ne ngats'ii 'én-la Nainá.”

⁵ Jè xita neij kiikò Jesús jngòò nindoò 'nga, tà jngòòhija tsakò yije-la ngats'ii naxandá xi tjin isò'nde.

6 Jè xita neíí kitsò-la Jesús:

—Ngajíí tsjaà yije-lè ngats'ìi naxandá koi, nga jì kotixoma-la nga jeya kijni. Nga 'aán kjòngatsja yije. Tsà mejèn-na maá singatsja nita yá-ne.

7 Ngaji, tsà kòsìxkó'nchit'aà-ná kò jeya sikhjina-ná, tsijíí kòma kòhotjín.

8 Kiichja Jesús, kitsò-la:

—Tjìsít'aà xìn-ná jì, xita neíí. K'oaá s'ín tjít'aà Xojon-la Nainá nga tsò: “Jeya tìkíjini Na'èn-ná xi Nainá; tà jè tajngoo chàxkoín.”

9 Jè xita neíí, ikoààn kiìkò Jesús ján Jerusalén; kisikhjinasòn ingo ítjòn ñánda isá 'nga kji; kitsò-la:

—Tsà kixíí kjoa nga jì xi Kí'ndí-la Nainá 'mì-lè, tìkatjengui yijo-lè ijndé;

10 k'oaá s'ín tjít'aà Xojon-la Nainá nga tsò:

Nainá koií xá-la àkjale-la mé-ne nga sikhinda-lè,

11 nga kò tsja tsoba'ño-lè mé-ne nga nijngoo ndajo satíngui-ne ndsokoií.

12 Kiichja Jesús, kitsò-la:

—K'oaá s'ín tíchja Xojon-la Nainá nga tsò: “Kì taxkí chít'aà-jèn Na'èn-ná xi Nainá.”

13 Jè xita neíí, k'e nga mì tì kiì kisakò-la kós'ín skónachan-la Jesús nga mejèn-la kohótsji jé, tsasít'aà xìn chiba nàchrjein-la skanda komà jskan.

Kií komà nga tsibíts'ia Jesús nga kisixá nangui Galilea

(Mateo 4:12-17; Marcos 1:14-15)

14 Jesús j'ìi ijngoo k'a-ne Galilea, kò nga'ño-la Injima Tsjeè-la Nainá ndaà tíjìin injima-la; kina'yà-la it'aà ts'e, kòhokji nga jngoo itjandìi nangui ts'e Galilea.

15 Tsakóya ya ni'ya ingo sinagoga xi ts'e naxandá ñánda tsajmeè; ngats'ìi xita xi kiì'nchré 'èn-la ndaà kisikhjina Jesús.

Kó kitsò Jesús nga mì kiì kòkjeín-la jña xita ya naxandá-la Nazaret

(Mateo 13:53-58; Marcos 6:1-6)

16 Jesús ijchò Nazaret ya nangui-la ñánda kòjchá. Jè nàchrjein níkjáya, koni s'ín s'ín kjít'aà, jahas'en ni'ya ingo sinagoga. Tsasijna kixíí nga tsibíxke Xojon-la Nainá.

17 Kits'ìi-la xojon-la Isaías, xita xi kiichja ngajo-la Nainá; k'e nga kiskíjndaya jè xojon, kjòtsji-la ñánda tjít'aà 'èn xi tsò:

18 Jè Injima Tsjeè-la Nainá tijnako-na nga 'aán tsibít'aà-na xá nga sika'bí-la xita ima 'èn ndaà-la Nainá;

'aán kisikasén-na nga sindaà-na xita xi kjo'on tíjìin injima-la;

tìkooá koi xá kisikasén-na nga 'an kichjajìin-la xita xi ndayá títsajna nga kitsajnandejí-ne;

sindaà-na jña xita xi mìkií tsejèn-la;

kítsajnandejí xita xi tíyatoòn;

19 kichjáya jè nó-la Nainá k'e nga tsjá-la kjotjò xita-la.

20 Tsibíxkóya-ne xojon, kitsjaà-la jè xita xi síchjít'aà xá ts'e ni'ya ingo sinagoga, ikjoàn tsibijna. Tà nchikotsejèn-la ngats'ìi xita xi ya títsajna.

21 K'ée tsibíts'ia Jesús nga kiichja kitsò:

—I'ndejí, jyeé kàna'yà-la nga nguixkoòn kòbitasòn koni s'ín tíchja Xojon-la Nainá xi 'an kòbìxke.

22 Ngats'ìi xita ndaà kiichja it'aà ts'e Jesús. Tà k'oaá komà-la nga 'ño ndaà tsò 'èn xi chja. Jña xita kitsò-la xíjín:

—¿A mìtsà jè jèe xi kí'ndí-la José?

23 K'ée kitsò Jesús:

—Xi okixi, jñò, k'oaá k'oín-ná 'én xi tsò: “Chjine xkii, tiji tixkii-la yijo-lè.” K'oaá tís'in k'oín-ná: “Koni s'in kina'yà-jen kjoa xi ki'nì ján Capernaum nga kinixkii-la xita, k'oa tís'in tixkii-la j nangui-lè.”

²⁴ Jesús kitsò-isa:

—Okixíí xi xan-nò, nijngoò xita xi chja ngajo-la Nainá xi yaxkón ya nangui-la.

²⁵ Tikoáá okixíí xi xan-nò, kjin íchjín ka'àn tjin ya Israel jè nachrjein ts'e Elías k'e nga jàn nó osen mì tì kii ts'a-ne jtsí; j'ii kjinchrá 'ñó kóhokji j'inde Israel.

²⁶ Tanga jè Elías mìtsá ya kii ñánda títsajna íchjín ka'àn ts'e naxandá Israel; yaá kinikasén ñánda tjna chjoón ka'àn ts'e naxandá Sarepta xi chja-ne Sidón.

²⁷ Tikoáá kjin ma xita xi tbindojno chrjoa yijo-la ya Israel koi nachrjein ts'e Eliseo, xita xi kiichja ngajo-la Nainá. Tanga nijngoò xi xita Israel kjóndaà-ne, tà jè tajngoò Naamán xi Siria ts'e.

²⁸ Ngats'ii xita xi ya títsajna ya ni'ya ingo sinagoga, 'ñó kòjti-la k'e nga kii'nchré 'én xi kiichja Jesús nga k'oaá s'in kiskaàya-la nga kondra ts'e-né.

²⁹ Ngats'ii xita koi tsasítjen, tsachrjeiìn Jesús ya naxandá jè, kiiko isò'nga nindoò ñánda kijna naxandá-la nga mejèn-la sikkatjen-ngui naxi ñánda nga 'ñó tjen-jen-jno choòn.

³⁰ Tanga jè Jesús jahajiìn osen-la koa kii.

Jngoò xita xi inima ch'o-la neíí síxájiìn yijo-la

(Marcos 1:21-28)

³¹ Jesús kii ñánda 'mì Capernaum, naxandá xi chja-ne Galilea; tsakóya-la xita k'e nga nachrjein níkjáya.

³² Jñá xita, tà k'oaá komà-la koni tsò 'én xi tsakóya, nga jè 'én xi kiichja, tjin-la kjotixoma.

³³ Ya ni'ya ingo sinagoga tjna jngoò xita xi inima ch'o-la neíí síxájiìn yijo-la; xita jè, 'ñó kiichja:

³⁴ —Jesús xi Nazaret tsjji, ki k'oaá níko-nájen. ¿Mé kjoa xi tjin-lè ko ngajen? ¿Mé-ne ngajen níjti-nájen? ¿A kòf'i níkjehesòn-nájen? Beèxkon-lè; jì-né xi Xita Tsjeè-la Nainá —kitsò.

³⁵ Jesús tsohótiko jè xita neíí:

—jyò tjni, titjoiìn yijo-la xita jè! —kitsò-la.

Jè inima ch'o-la neíí, tsajndoòt'aà nangui nga nguixkon ngats'ii xita, ikjoàn itjoiìn yijo-la xita jè, tanga ni mé xi kisiki'on.

³⁶ Ngats'ii xita xi títsajna, tà kitsakjòn-né; k'eé tsohóko xikjín:

—¿Mé 'én-ne koi? K'e nga chja xita jè, tjin-la nga'ñó tikoá tjin-la kjotixoma nga síkitasòn-la inima ch'o-la neíí —kitsò.

³⁷ Jesús, kina'yà-la kóhokji nga jngoò itjandiì nangui xi chja-ne Galilea.

Kii kis'ün Jesús nga kisindaà-ne nachiya-la Pedro

(Mateo 8:14-15; Marcos 1:29-31)

³⁸ Jesús tsasítjen; itjo-ne ni'ya ingo sinagoga; kii; jahas'en ni'ya-la Simón. Jè nachiya-la Simón 'ñó xk'én. Ch'in tjinga tjin-la. Jñá xita kiichjatjì nga skótsejèn-la.

³⁹ Jesús tsasiñiat'aà-la, tsohótiko ch'in tjinga; jè chjoón nitoón kjóndaà-ne. Ikjoàn tsasítjen, kisis'in-la xita.

Kii kis'ün Jesús nga kjin xita xk'én kisindaà-ne

(Mateo 8:16-17; Marcos 1:32-34)

⁴⁰ K'e nga tikaàtjì ts'oi, ngats'ìi x̄it̄a xi t̄jìn-l̄a x̄it̄a xk'én xi k̄jìn skoya ch'in t̄jìn-l̄a, j'ìik̄o ñánda t̄jina Jesús. Jè Jesús tsohót'aà-l̄a tsja nga jngoò ìjngoò x̄it̄a xk'én; ngats'ìi x̄it̄a koi, k̄jòndaà yijee-ne.

⁴¹ T̄ikoagá k̄jln ma x̄it̄a xi in̄im̄a ch'o-l̄a neif̄ itjokàjìn yijo-l̄a nga k̄jòndaà-ne. 'Nó kiichja in̄im̄a ch'o-l̄a nejì:

—j̄jì-né xi Kì'ndí-l̄a Nainá 'mì-lè! —kitsò.

Tanga jè Jesús tsohótiko. Mikì kitsjaà'nde-l̄a nga kiichja, koi kjoa-l̄a nga jyeé beèkxon nga jè xi Cristo, [x̄it̄a xi xó kisikasén-ne Nainá].

*Kiì komà k'e nga jè Jesús kisika'bí 'én-l̄a Nainá
(Marcos 1:35-39)*

⁴² K'e nga jye kis'e isén, itjo Jesús; k̄i jngoò ì'nde ì't'aà xìn ñánda tsjìn x̄it̄a. J̄ñá x̄it̄a tsohótsji ñánda kiì. K'e nga ijchò ñánda t̄jina, mejèn-l̄a nga ȳa k̄jnakò nga mì xìn k̄joi.

⁴³ Tanga jè Jesús kitsò-l̄a j̄ñá x̄it̄a:

—T̄ikoagá mochjeén-né nga xìn naxandá k̄jikoagá 'én ndaà-l̄a Nainá koni s'ín otìxoma Nainá. Koi xá kisikasén-na Nainá.

⁴⁴ K'oaá s'ín chjaya 'én-l̄a Nainá kóhokji ni'ya ìngo sinagoga xi t̄jìn ȳa nangui-l̄a x̄it̄a judío.

5

*Kjoxkón xi komà k'e nga k̄jìn t̄jìn tsibíxkóya Pedro
(Mateo 4:18-22; Marcos 1:16-20)*

¹ Jesús k'e nga s̄jna ya ìndii ndáchikon ts'e Genesaret k̄jòjtínè j̄ñá x̄it̄a xi ijchò nga mejèn-l̄a k̄jì'nchré 'én-l̄a Nainá.

² Jesús, k̄jitseè jò chitso xi ȳa k̄jioòndii ȳa ìndii nandá. J̄ñá x̄it̄a nei-l̄a xi bíxkóya t̄jìn, jyeé itjojen chitso nga nchihoníjno na'ya-l̄a.

³ Jesús jahas'en jngoò chitso xi ts'e Simón, tsibítsi'ba-l̄a nga sk̄inikjá-isa chitso-l̄a ya ìjìn ndáchikon. Ikjoàn tsibijnaya nga tsakóya-l̄a x̄it̄a.

⁴ K'e nga jye tsakóya-l̄a x̄it̄a, kitsò-l̄a Simón:

—T̄ikoji chitso-lè ñánda nga isa 'nó nanga nandá; ikjoàn t̄ikatjen-ngui-ndá na'ya-nò mé-ne nga kíxkóya-nò t̄jìn.

⁵ Simón kiichja kitsò:

—Maestro, k̄anik'a-nájen n̄itjen nga k̄anixá-jen, n̄imé xi k̄asakó-najen; tanga tsà j̄i xi osi nga s̄ikatjen-ngui-ndá na'ya-na, koma-né.

⁶ K'e nga ìjngoò k'a kisikatjen-ngui-ndá na'ya-l̄a, k̄jìn jchán t̄jìn tsibíxkóya, tsì mejèn xajnda na'ya-l̄a.

⁷ K'eé kisikatjì-l̄a tsja xikjín nga kiichja-l̄a j̄ñá x̄it̄a xi t̄itsaya chitso xi ìjngoò mé ne nga kisichját'aà-l̄a. Ingajò chitso jngoò k'a kitseè t̄jìn. Mejèn tsà bixòngui-ndá nga 'ñó i'í komà.

⁸ Jè Simón xi t̄ikoagá Pedro 'mì, k'e nga k̄jitseè kjoa koi, tsasèn-xkó'nchit'aà-l̄a Jesús, kitsò-l̄a:

—j̄T̄isít'aàxìn-ná Na'èn, 'an x̄it̄a jé-ná!

⁹ Jè Simón kò x̄it̄a xíkjín xi taña síxákjoò, tà kjòxkón-l̄a nga 'ñó k̄jìn t̄jìn kjòxkóya-l̄a.

¹⁰ T̄ikoagá tà kjòxkón-l̄a jè Jacobo kò Juan, ìxti-l̄a Zebedeo, j̄ñá x̄it̄a xi taña síxákjoò Simón. Jesús kitsò-l̄a Simón:

—Kì tsakjoòn-jèn, ì'ndeì mì t̄jì k̄i t̄jìn kíxkóya-ne, x̄it̄agá kíxkóyi xi ì't'aà ts'an.

11 K'e nga jye kiikò-ne chitso-la ya indii ndáchikon, yaá kitsjeiin-takòn yije tsojmì-la, ikoàn kiitjingui-la Jesús.

K'e nga jè Jesús kisitsjeè jngòò xita xi tbindojno chrjoa yijo-la
(Mateo 8:1-4; Marcos 1:40-45)

12 Jesús k'e nga tsibijna jngòò naxandá, ijchò jngòò xita x'in xi tbindojno chrjoa yijo-la; nga kijtsee Jesús, tsohojna-ñiat'aà nangui nga kijtseeèxkòn Jesús, tsibitsi'ba-la, kitsò-la:

—Na'èn, tsà mejèn-lè, tìtsjeè-ná ch'in xi tjin-na.

13 Jesús tsijmeé tsja nga tsohót'aà-la yijo-la xita jè, kitsò-la:

—Mejèn-na; jkàtandaà-ne!

Xita jè, niṭoón kjòndaà-ne.

14 Jè Jesús kitsò-la:

—Kì yá xita xi bènojmi-la; t'in ñánda tjna no'mii; takó-la yijo-lè nga jye kjòndaà-ne; tjii-la kjotjò xi sjé kjotixoma-la Moisés mé-ne nga tsjeé kijna-ne nguixkon Nainá tikoá skoé jña xita nga jye kjòndaà-ne ch'in-lè.

15 Tanga Jesús, isaá 'ño kina'yà-isa-la; ko isaá kjin xita kjòxkóya xi mejèn-la nga kji'nchré-la; tikoá mejèn-la nga kondaà-ne ch'in xi tjin-la.

16 Tanga Jesús xin i'nde fi ñánda tsjin xita nga chjat'aà-la Nainá.

Kii kis'iin Jesús nga kisindaà jngòò-ne xita xi mi kii ma síhiniyá yijo-la
(Mateo 9:1-8; Marcos 2:1-12)

17 Jngòò nachrejin k'e nga tihokóya-la xita Jesús, ya títajajniin xita fariseo ko xita xi okóya kjotixoma-la Nainá xi kiskii Moisés. Xita koi, ján inchrobà-ne naxandá xi chja-ne Galilea, Judea ko Jerusalén. Jesús ya tijnajiin inima-la nga'ño-la Nainá nga siindaà-ne ngats'ii xita xi xk'én.

18 J'ii ko jngòò xita xk'én xi miki ma síhiniyá yijo-la; kjiya-la nachan-yá. Tsohótsji'nde-la kó s'in siikas'en xotjoa ni'ya ya ñánda tjna Jesús.

19 Tanga miki komá jahas'en ni'ya nga 'ño kjin xita títajna; k'ee tsijin isò'nga ni'ya; jaaxin nitja; kiskinjen-jiiin-la xita koni s'in kjiya nachan-yá-la jè xita xk'én. Yaá tsohójna nguixkon ñánda tjna Jesús.

20 Jesús k'e nga kijtsee nga mokjeiin-la it'aà ts'e, kitsò-la jè xita xk'én:

—Ngaji, jyeé kachàat'aà-lè jé-lè.

21 Jña xita fariseo ko xita xi okóya kjotixoma-la Nainá xi kiskii Moisés tsohókò inima-la, kitsò: “Xita jè, chjajno-la Nainá koni s'in tsò. ¿Yá-né jè nga ma-la sjchàat'aà-ná jé-ná? Tajngòò Nainá xi sjchàat'aà-ná jé-ná.”

22 Jesús kijtseeya-la koni s'in nchisikitsjeèn; kiichja, kitsò-la:

—Mé-ne kotsò-ne inima-nò?

23 Mé xi isa chiba 'in tjin, tsà xán-la jè xita xi xk'én: “Jé-lè jyeé kichàat'aà-lè”, ko tsà xán-la: “Tisitjiin koa tjtjei'?”

24 Kokoò-nò nga 'an xi Ki'ndí-la Xita xan-la yijo-na, tji'nde-na nga sjchàat'aà-la jé-la xita i isò'nde.

Jè Jesús k'ee kitsò-la jè xita xi miki ma síkjaníyá:

—Ji, k'oaa xan-lè, tìsitjiin, chjoí nachan-lè, t'in-ne ni'ya-lè.

25 Jè xita xk'én niṭoón tsasitjen nga nguixkon ngats'ii xita xi ya títajna; kiskoé nachan-la xi kijnasòn; k'e nga tifi-ne ni'ya-la, jeya chjat'aà-la Nainá.

26 Ngats'ii xita xi ya títajna tà kjòxkón-la, tikoáá jeya kiichjat'aà-la Nainá. Tsakjón-ko-ne, kitsò:

—I'nde j kàyxakon jngoaá kjòxkón.

*Mé kjoa xi komà k'e nga jè Jesús kiichja-là Levi
(Mateo 9:9-13; Marcos 2:13-17)*

²⁷ K'e nga jye os'in komà kjoa koi, itjo Jesús, kii; k'eé kijtsee jngoo xita xi 'mi Levi, xita-là xitaxà Roma xi síkíchjítjì tsojmi. Tíjnat'aà ímíxa ya ñánda síkíchjítjì tsojmi ts'e Roma. Jesús kitsò-là:

—Nchrobátjìngui-ná.

²⁸ Levi, tsasitjen; kiskítsajna yije tsojmi xi tjin-là; kùtjìngui-là Jesús.

²⁹ Levi, ya ni'ya-là, tsí ndaà kis'ün-là s'eí Jesús. Tjikoáá kjln xita xíkjin títsajna xi tjikoá tsojmi síkíchjítjì, kò xita xi k'ejí; títsat'aà ímíxa.

³⁰ Jñà xita fariseo kò xita xi okóya kjotíxoma-là Nainá xi kiskii Moisés tsatí'aà xita xi kota'yat'aà-là Jesús, kitsò-là:

—¿Mé-ne jñà xita xi síkíchjítjì tsojmi, kò xi tjin-là jé, 'yò-koo koa bichi-koo?

³¹ K'eé kiichja Jesús kitsò:

—Jñà xita xi mìtsà ch'in tjin-là mìtsà chjìne xkii mochjeén-là, tà jñà xita xi xk'én xi mochjeén-là chjìne xkii.

³² Mìtsà koi xá j'i-na 'an nga j'íkjaajñaà xita kixi, jñà-né xita xi tjin-là jé nga kàtasikájno jé-là nga mì tì jé kohótsji-ne.

*Kó kitsò Jesús k'e nga kitjònanqui-là mé-ne mi bitsajnachjan-ne xita-là
(Mateo 9:14-17; Marcos 2:18-22)*

³³ Jñà xita kitsò-là Jesús:

—¿Mé-ne jñà xita xi kota'yat'aà-là Juan tsí ndaà bitsajnachjan tjikoá tsí ndaà bítsi'ba; k'oaá tís'in jñà xita fariseo; tanga jñà xita tsiji, kjèn-né koa 'biì-né?

³⁴ Jesús kitsò-là:

—K'e nga bixan jngoo xita, ¿a komaá síkítsajnachjaán xita xi báhihtakò-ná k'e nga tákó tjna xita x'in xi kòbixan?

³⁵ Tanga kjichò nachrjein nga tjáxin-là x'in xi kòbixan, k'e-né nga kítsajnachjan xita.

³⁶ Tjikoáá tsibénojmi jngoo-là 'én xi mangásòn [nga tsakóya-là nga jñà kjotíxoma jchínga, mikii sasén-là xi kjotíxoma xitse]. Kitsò-là:

—Mìtsà yá xi ote chiba nikje xitse nga bjto-ne kò nikje jbaà. Tsà kòs'in s'een kíts'ón nikje xitse; tjikoáá mikii ndaà kongásòn nikje xitse kò nikje jbaà.

³⁷ Tjikoáá mìtsà yá xi binchá xán ixii chrjoa jchínga; tsà kòs'in s'een, k'e nga jye kojchá xán, sjìxajnda chrjoa jchínga, íkjoàn xíxteen xán; tjikoáá chija jè chrjoa.

³⁸ Jè xán ixii, chrjoa xitseé sinchá mé-ne nga ndaà sjinchátjò-ne.

³⁹ Tsà yá xi skoí xán jchínga xi kjòtsee jncha, mikii nìton sjìjé jngoo k'a xi xán ixii. Kìtso-né: “Jè xán jchínga, isáá ndaà.”

6

*K'e nga jñà xita xi kota'yat'aà-là Jesús tsate natín jè nachrjein nikjáya
(Mateo 12:1-8; Marcos 2:23-28)*

¹ Jngoo k'a jè nachrjein nikjáya, ja Jesús ñánda tútje trigo. Xita xi kota'yat'aà-là tsate natín-là trigo, tsaféya-ne tsja, íkjoàn kiskine.

² Tjín i'nga xita fariseo xi kitsò:

—¿Mé-ne kò'nè-enò jè kjoa xi mikii tjí'nde nga kòs'in koma jñà nachrjein nikjáya?

³ Kiichja Jesús, kitsò-là:

— ǀǃnò, a mĩtsà jye tǃjĩn-nò koni s'ín tǃhja Xojon-là Nainá koni kis'iin xitaxá itǃon xi ki'mì David kǃ jǃnà xitá-là xi kjihjĩtakǃ k'e nga kjòhòjǃ-là?

⁴ Jahas'en ni'ya-là Nainá; kiskoé inchrájin tsjeè-là Nainá; tsakjèn. Tǃkoá kitsjaà-là xitá-là xi tǃjǃkǃ. Mĩkĩ tǃj'nde nga jǃnà kǃkjen. Tà jǃnà nǃ'mù tǃj'nde-là nga kǃkjen.

⁵ Jesús kitsò-isa-là:

— 'An xi Ki'ndí-là Xitá xan-là yijo-na, 'aán otǃxoma-là nàchrjein nǃkjáya.

Xitá xi kixit'aà jngoò tsja

(Mateo 12:9-14; Marcos 3:1-6)

⁶ Jǃngoò k'a k'e nga jè nàchrjein nǃkjáya, Jesús jahas'en ni'ya jngo sinagoga; tsibĩts'ia nga tsakóya-là xitá. Koá yaá tǃjna jngoò xitá xi kixit'aà tsja kixi.

⁷ Jǃnà xitá xi okóya kjotǃxoma-là Nainá xi kiskĩ Moisés kǃ xitá fariseo nchisĩkindá Jesús kó s'iin, a sǃindaá-ne jè xitá xi xk'én jè nàchrjein nǃkjáya; mejèn-là nga skoé mé-ne nga kǃma kǃhǃngui-ne.

⁸ Tanga Jesús jyeé tǃjĩn-là kó s'ín nchisĩkĩtsjeèn jǃnà xitá koi. Kitsò-là jè xitá xi kixit'aà tsja:

— Tǃsǃtǃjĩn, tǃsǃjna kixi ya jngoò osen.

Xitá jè tsasǃtǃjen, tsasǃjna kixi.

⁹ Jesús, k'eé kitsò-là ngats'iì xitá xi ya tǃtsajna:

— Jngoò kjoá skǃnangui-nò: ǀA tǃj'nde-né k'e nga jè nàchrjein nǃkjáya nga ndaa s'eén, o xi ch'o s'eén? ǀA sǃk'en-ná o xi sǃindaá-ná jngoò xitá?

¹⁰ Jesús kiskoòtsejèn yije-là kǃhǃtǃjĩn xitá xi ya tǃtsajnanǃdii-là. K'eé kitsò-là jè xitá xi kixit'aà tsja:

— Tjeèndojoì ndseji.

Xitá jè, tsjimeé tsja, nǃtoón kjǃndaà-ne.

¹¹ Jǃnà xitá fariseo, 'nǃ jti komà-là; k'eé tsibĩts'ia nga tsajoóya-ne mé xi sǃjǃko Jesús.

Kó 'mì 'ín-là xitá-là Jesús xi kota'yàt'aà-là xi tejǃ ma-ne

(Mateo 10:1-4; Marcos 3:13-19)

¹² Tǃjǃnà-ne nàchrjein koi, Jesús kiimijĩn-jno jngoò nindoò nga kiichjat'aà-là Nainá; kisik'a nǃtǃjen nga tǃhjat'aà-là.

¹³ K'e nga kis'e isén kiichja-là xitá xi kota'yàt'aà-là; ikjoàn jaàjĩn tejǃ xitá xi tsibíxáya-là.

¹⁴ Jè Simón xi tǃkoá Pedro tsibit'aà 'ín; Andrés xi 'ndse ma Simón; Jacobo; Juan; Felipe; Bartolomé;

¹⁵ Mateo; Tomás; Jacobo, ti-là Alfeo; Simón xi ya fit'aà-là kjotǃxoma ts'e xitá Celote;

¹⁶ Judas, ti-là Jacobo; kǃ Judas Iscariote, jè xi iskan komà kondra-là Jesús.

K'e nga jè Jesús, kjĩn xitá kisindaà-ne

(Mateo 4:23-25)

¹⁷ Jesús itjojen-jno-ne nindoò, tǃjǃko xitá xi kota'yàt'aà-là; j'iì jngoò j'nde nǃnda isǃn choon; yaá tsibĩtsajna. Kjĩn ma xitá-là xi ya nchikoña-là; tǃkoáá kjĩn ma xitá xi k'eijí xi inchròbà-ne kǃhǃkji j'nde Judea kǃ naxandá Jerusalén kǃ xi inchròbà-ne Tiro kǃ Sidón, naxandá xi kjijijǃndii ndáchikon. Koi xá j'iì-ne nga kjí'nchré-là Jesús, tǃkoá mejèn-là kǃndaà-ne ch'ín xi tǃjĩn-là.

¹⁸ Jǃnà xitá xi inĩmǃ ch'o-là neijí sǃjti-là, tǃkoáá kjǃndaà-ne.

¹⁹ Ngats'iì xitá, mejèn-là nga kǃòt'aà-là tsja yijo-là Jesús nga tseé nga'nǃ tǃbitjojĩn yijo-là nga mandaá yije-ne xitá.

Kó kitsò Jesús it'aà ts'e x̄ita im̄a k̄o x̄ita nchiná
(Mateo 5:1-12)

²⁰ Jesús kiskoótsejèn-'a x̄ita xi kota'yàt'aà-là kitsò-là:

—Mé tà ndaà-anò j̄nò xi x̄ita im̄a 'mì-nò, nga tsajòn-nò j̄nà kjondaà xi tsjá Nainá nga jè t̄ihot̄ixoma.

²¹ 'Mé tà ndaà-anò j̄nò xi ijò-nò i'ndeij, nga koma iskan, koskii-nò.

'Mé tà ndaà-anò j̄nò xi ch̄ihindáya i'ndeij, nga koma iskan kijno-nò.

²² 'Mé tà ndaà-anò k'e nga t̄jín x̄ita xi s̄j̄tikeè-nò tà 'an ngatji-na xi Ki'ndí-là X̄ita xan-là yijo-na; k'e nga s̄ik̄ítsajnat'aàxìn-nò, k'e nga ch̄j̄a'on-kò-nò, k'e nga ochrjekàngui-nò koni tsà jngoò x̄ita xi 'n̄ó ts'en.

²³ Tsja t'è-là takòn jè nachrjein koi; t̄j̄tsja-là in̄im̄a-nò; tseé kjondaà t̄joé-nò ján ngajm̄i; t̄ikoáá j̄nà x̄ita jch̄inga-là x̄ita xi beètoòn-nò, k'oaá t̄is'in kijtseètoòn j̄nà x̄ita xi kiichj̄a ngajo-là Nainá.

²⁴ 'Tanga im̄a-xó-nò j̄nò xi x̄ita nchiná 'mì-nò nga t̄jín yije-nò xi mochjeén-là yijo-nò [tanga mik̄i n̄ik̄ítsjeèn kjondaà-là Nainá xi mochjeén-là in̄im̄a-nò].

²⁵ 'Im̄a-xó-nò xi skīi t̄itsajnaà i'ndeij; k'e nga koma iskan, k̄ohojò-nò.

'Im̄a-xó-nò j̄nò xi bijnò i'ndeij; k'e nga koma iskan k̄obaá-nò koa jch̄ihindáya-nò.

²⁶ 'Im̄a-xó-nò j̄nò k'e nga ndaà s̄ik̄ítsajna yije-nò x̄ita. J̄nà x̄ita jch̄inga k'oaá t̄is'in ndaà kisik̄ítsajna j̄nà x̄ita xi 'én ndiso kiichj̄aya.

Kó s'in s̄ikoaá x̄ita kondra-ná
(Mateo 5:38-48; 7:12)

²⁷ 'Tanga j̄nò xi t̄itsana'yà, k'oaá xán-nò: T̄j̄tsjacha kondra-nò, ndaà t̄ik̄oò jè xi jt̄ikeè-nò.

²⁸ T̄ij̄jé't'aà-là Nainá nga k̄atásichikon-t'in j̄nà xi ch̄j̄a'on-kò-nò, t̄itsi'batjiò jè xi ch'ò s̄ikò-nò.

²⁹ Jè xi s̄j̄ts'in-t'aà kjioòn, t̄ikoá t̄j̄i-là xi ngobà; jè xi faá'an nachr̄okisòn-nò, t̄ik̄oá t̄j̄i-là nachr̄o-nò xi i'jngoò.

³⁰ N̄ita yá x̄ita xi s̄j̄é-nò tsojm̄i, t̄j̄i-là; tsà yá xi skoé xi tsojm̄i tsajòn, k̄i t̄i k̄i n̄ijé-là.

³¹ Koni s'in mejèn-nò nga s̄ik̄o-nò x̄ita, k'oaá t̄is'in t̄ik̄o ngajo-nò.

³² 'Tsà matsjacha jè xi matsjakeè-nò, n̄imé kjondaà xi s'e-nò, nga k'oaá t̄is'in j̄nà x̄ita ts'en, matsjakeè x̄ik̄j̄in.

³³ Tsà tà j̄nà ndaà s̄ik̄oò x̄ita xi t̄ik̄oá ndaà s̄ikò-nò, n̄imé kjondaà xi s'e-nò. J̄nà x̄ita ts'en, k'oaá t̄i s̄ik̄o x̄ik̄j̄in.

³⁴ Tsà s̄ikiña-là jè xi yaxkoòn nga koj̄ichj̄i, t̄ikoáá n̄imé kjondaà s'e-nò. T̄ikoáá j̄nà x̄ita ts'en s̄ikiña-là x̄ik̄j̄in nga jyeé t̄j̄j̄in-là nga koj̄ichj̄i yije k̄ohot̄j̄in.

³⁵ T̄j̄tsjacha kondra-nò; ndaà t̄ik̄oò; t̄ikiña-là mé xi s̄j̄é-nò, n̄imé xi ch̄iñá-là it'aà ts'e. Tsà kos'in s'een, isaá tse kjondaà s'e-nò. Ixti-là Nainá xi 'n̄ó 'nga t̄jna koma k'e nga k'oa's'in s'een koni s'in Nainá, nga t̄j̄in-là kjoh̄im̄atakòn it'aà ts'e x̄ita xi 'nga ikon k̄o xi ch'ò s'in.

³⁶ Chah̄im̄a xinguiqo koni s'in beèh̄im̄a-nò Nainá xi Na'èn-ná 'mì-là.

Mì k̄i koma j̄nà s̄ikindaá jé-là x̄ita xinguiqá
(Mateo 7:1-5)

³⁷ 'K̄i jé-là xinguiqo 'nè kindaa mé-ne nga Nainá t̄ik̄oá mik̄i s̄ikinda jé-nò; k̄i jé binchanè-là xinguiqo mé-ne nga Nainá mì jé k̄inchanè-nò; t̄j̄ch̄aat'aà-là jé-là xinguiqo mé-ne nga Nainá t̄ik̄oá s̄ijch̄aat'aà-nò jé-nò.

³⁸ Tjii-là xinguiṓ; jè Nainá tsjá ngajo-nò; Nainá s̄ichib̄a-nò ch̄ib̄a xi ndaà kitsee, xi 'ñó jncha, xi ndaà kisitsajneè kṓ xi tíxíteen-tji nga k̄incha chijtsa-nò; jè ch̄ib̄a xi s̄ichib̄aya-là xinguiṓ, tjiè s̄ichib̄aya ngajo-nò Nainá.

³⁹ Jesús tsibénojímí jngò-là kjoa xi mangásòn, kitsò-là:

—Jngòò x̄ita xi mikii tsejèn-là, mikii koma kokò-là ndjyà ljngòò xi t̄ikoa mikii tsejèn-là. Ingajò, yáa kixoya ngajo ñánda ch'o choòn.

⁴⁰ Jngòò x̄ita xi kota'yá mitsà isa 'nga t̄jna koni maestro-là; tanga k'e nga kjoehet'in-là nga ndaà skóta'yá, t̄ikoaá kongásòn-né koni jè maestro-là.

⁴¹ '[¿Mé-ne jé-là xinguii nikinda-ne koa tsiji mikii nikindii?] ¿Mé-ne chitsejèn-là t̄jé xi kjinangui xkṓn xinguii, koa jè yá ch̄iso xi kjinangui xkoiin mikii chitsejèn-là?

⁴² ¿A mì 'ya-jèn yá ch̄iso xi kjinangui xkoiin? ¿Mé-ne k'o-mì-là xinguii: “Ndsè, t̄jiin'nde-ná nga kochrjekànguia t̄jé xi kjinangui xkoiin”? Ngaji xi jò ma isén-lè; ítjòn t̄jnachrjekàngui ch̄iso xi kjinangui xkoiin, mé-ne nga ndaà kotsejèn-lè, ikjoàn t̄jnachrjekàngui t̄jé xi kjinangui xkṓn xinguii.

Kós'in 'ya-là kós'in t̄jin inima-là j̄ñá x̄ita

(Mateo 7:17-20; 12:33-35)

⁴³ Tsjin yá xi ndaà kjoàn kṓ ch'o kjoàn toò xi ojà-là; t̄ikoaá tsjin yá xi ch'o kjoàn kṓ ndaà kjoàn toò xi ojà-là.

⁴⁴ Nga jngòò ljngòò skoya yá, k'oaá s'in yaxkon-là koni kjoàn toò xi ojà-là. Jè toò iko, mitsà yá na'yá ojà-là. T̄ikoaá j̄ñá toò uva mitsà na'yá xanchroò ojà-là.

⁴⁵ Koni kjoàn yá, k'oaá t̄j kjoàn x̄ita; jngòò x̄ita xi 'én ndaà ch̄ja, koií-né nga kjondaà t̄jiin inima-là; koa jngòò x̄ita xi 'én ts'en ch̄ja, koií-né nga kjoats'eén t̄jiin inima-là; nga k'oaá tsò 'én xi nokjoá koni tsò kjohitsjeèn xi t̄jiin inima-ná.

Chrjò ni'ya xi jò ma-ne

(Mateo 7:24-27)

⁴⁶ ¿Mé-ne kṓs'in 'mì-ná nga bixón: “Nà'èn, Nà'èn”, koa mikii nikitasòn koni xan-nò?

⁴⁷ K'oaá xan-nò yá xi mangásòn jè x̄ita xi 'an fit'aà-na, xi 'nchré 'én-na, t̄ikoa s̄ikitasòn.

⁴⁸ Jè mangásòn jngòò x̄ita xi b̄indaà ni'ya-là; 'ñó nanga ò'nguii; b̄jna tàts'en chrjò ni'ya yá isòn naxi. K'e nga 'ba jtsi xkón, f'ii xajngá nandá, kaat'aà 'ñó-là ni'ya; nímé xi s̄iko nga yá t̄jindaàsòn naxi.

⁴⁹ Tanga jè xi 'nchré 'én-na koa mikii s̄ikitasòn, k'oaá ngaya-là koni jngòò x̄ita xi b̄indaàsòn ni'ya-là ñánda tà nangui; mikii ndaà b̄indaà tàts'en chrjò; f'ii xajngá nandá, kaat'aà 'ñó-là ni'ya; yáa bixòña ni'ya jè; jngòò k'a bixòjen.

7

Kii komà nga kjòndaà-ne ch̄i'nda-là xi x̄ita skṓ-là soldado

(Mateo 8:5-13)

¹ Jesús, k'e nga jye tsakóya-là x̄ita naxandá xi nchi'nchré 'én-là, kii, jahas'en-j̄iin naxandá Capernaum.

² Ya t̄jna jngòò soldado ítjòn. Jè ch̄i'nda-là, 'ñó xk'én. Kjomeè biyaà. Tanga 'ñó t̄jòkèè.

³ K'e nga kii'nchré x̄ita jè it'aà ts'e Jesús, kisikasén x̄ita jchínga xi ts'e x̄ita judío nga kii k̄itsi'ba-là Jesús mé-ne nga k̄atjanchrobá, k̄atasíxkii-là jè ch̄i'nda-là xi xk'én.

⁴ J̄ñá x̄ita jchínga, k'e nga ijchòkon Jesús 'ñó tsibitsi'ba-là, kitsò-là:

—Ok'in-là nga s̄ichjât'aà-là x̄ita ítjòn jè.

⁵ Tsjakeè naxandá xi chja-ne Judea, koa jè tsibíndaà jngoò-ná ni'ya jngo sinagoga j naxandá-ná.

⁶ Jesús kiiko jñà xita jchínga koi, tanga k'e nga jye kjomeè bijchó chrañat'aà-la ni'ya, jè xita ítjòn-la soldado kisikasén i'nga amigo-la nga kitsò-la Jesús:

—Na'én, ki yijo-lè nìtji-la. 'An, mikii ok'in-na nga ngaji k'oín sobi ni'ya-na.

⁷ Tjikoáá mikii ok'in-na nga 'an kófikon sobà-lè. Tanga tjii okixi nga kàtandaà-ne chj'nda-na.

⁸ 'An, tjiin-na nga tjín-lè kjotixoma. Tjikoáá 'an, tjín-na xita ítjòn xi otixoma-na, tjikoáá tjín-na soldado xi 'an otixoma-la, k'e nga xan jngoò-la: "T'in", fi-né; xan-la xi jngoò: "Nchroboi", nchrobá-né; koa k'e nga xan-la jè xi chj'nda-na: "K'oa t'jin", síkitasòn-na.

⁹ K'e nga kii'nchré Jesús jñà 'én koi, tà kjòxkón-la. K'ée kiskoòtsejèn-'a jñà xita xi tjingui-la; kitsò-la:

—K'oaá xan-nò, ya Israel, ni saà jngoò xita sakó-na xi kos'in ndaa mokjein-la koni jè xita jè.

¹⁰ Jñà xita xi kiikjaá Jesús, k'e nga j'ii-ne, jè chj'nda xi xk'én, jyeé kjòndaà-ne.

Kós'in komà k'e nga jè Jesús kisikjaáya-la ki'ndi-la chjoón ka'an

¹¹ Nga komà iskan Jesús kii jngoò naxandá xi 'mì Naín. Tjiko xita xi kota'yat'aà-la, tjikoáá kjin xita xi tà xita naxandá tjingui-la.

¹² K'e nga jye ijchò chraña jito xotjoa naxandá, kjin ma xita naxandá xi kjihijitako chjoón ka'an nga nchifi kihijin jngoò mik'en xi ti ta jngoò-la jè chjoón ka'an.

¹³ Na'én-ná Jesucristo, k'e nga kijtseèxkon, kjòhimaakeè; kitsò-la chjoón ka'an:

—Ki chihindáya-jèn.

¹⁴ Kii kasit'aà chraña-la jè kaxa mik'en, tsohósòn-la tsja; jñà xita xi yangui mik'en chinchako. Kitsò Jesús:

—Ngaji ti, k'oaá xán-lè: ¡Tisítjin!

¹⁵ Jè mik'en nitoón tsibijna kixi; ikjoàn kiichja. Jesús, k'ée kisingsja nea-la.

¹⁶ Ngats'ii xita xi tjiko, tà kitsakjòn-né; k'ée jeya kisikijna Nainá kitsò:

—Jngoò xita tjínako-ná xi 'ñó ndaa chja ngajo-la Nainá.

Tjikoáá tjín xi kitsò:

—Nainá j'ii kasiko naxandá-la.

¹⁷ Jñà 'én koi, kina'ya-la kòhokji nangui Judea, ngats'ii i'nde nga jngoò itjandii nangui Judea.

Xita xi kota'yat'aà-la Juan xi kis'jin bautizar xita

(Mateo 11:2-19)

¹⁸ Juan xi kis'jin bautizar xita kii'nchré yije kjoa xi tis'in Jesús; jñà xita xi kota'yat'aà-la tsibénojmi-la. K'ée kiichja jò-la xi xita ts'e.

¹⁹ Kisikasén ñanda tjina Jesús nga skonangui-la, za jè-né xi Cristo xi tjínè-la nga kjoí a xi kj'eíí chíña-lá?

²⁰ Jñà xita-la Juan, k'e nga ijchòkon Jesús, kitsò-la:

—Jè Juan kásikasén-najen xi it'aà tsiji nga chjinangui-lèjen, za ji-né xi Cristo xi tjínè-lè nga kjoí a xi kj'eíí chíña-lajèn?

²¹ Tjje-ne hora, Jesús, kjin xita kisindaà-ne xi xk'én, xi kjo'in nchisíkjein, xi inima ch'o-la neíí tjijn inima-la; tjikoáá kjin xita xi mikii tsejèn-la kjòndaà-ne.

²² Jesús kitsò-la jñà xita xi ijchòkon:

—Tanguio tènójmí-là Juan jñà kjoa xi kà'yaà ko xi kàna'ya. Jñà xit̃a xi mikii tsejèn-la, jyeé tsejèn-la; jñà xi tsá'ya kjoàn, jyeé ma fi-ne; jñà xi t̃bindojno chrjoa yijo-la, tímatsjeéjnoó-ne yijo-la; jñà xit̃a xi jtayaà, jyeé 'nchré-ne; ko xit̃a xi jye k'en, nchifaáyaà-la; koa jñà xit̃a ima, jye t̃s'enojmí-la 'én ndaa-la Nainá.

²³ Mé tà ndaa-la jè xit̃a xi ngui jngoò k'a ndaa mokjeiin-la it̃'aà ts'an nga n̄imé xi osijna-ikòn-la!

²⁴ K'e nga jye kii-ne xit̃a xi kisikasén Juan, tsibíts'ia Jesús nga tsohóko xit̃a xi it̃'aà ts'e Juan, kitsò-la:

—¿Mé xi tsanguì chit̃sejèn-là ya i'nde it̃'aà xìn ñánda nanguì kixì choòn? ¿A jè tsanguì chit̃sejèn-là jngoò yá ínaxo xi síjt̃iya-la t̃jo?

²⁵ ¿Mé-né xi tsanguì chit̃sejèn-là? ¿A jngoò xit̃a xi 'ñó ndaa kji nikje-la? Jñò, jyeé 'yaá, jñà xi ndaa kjoàn nikje xi ókja, xi t̃ikoa 'ñó ndaa kjoàn tsojmi xi t̃jin-la, yaá t̃itsaya ni'ya-la xit̃axá ít̃jòn.

²⁶ Tanga, ¿mé xi tsanguì chit̃sejèn-là? ¿A jngoò xit̃a xi chja ngajo-la Nainá? Okixi-né, k'oaá xan-nò, Juan, isaá 'ñó ndaa koni jngoò xit̃a xi chja ngajo-la Nainá.

²⁷ It̃'aà ts'e Juan, yaá t̃ichja Xojon-la Nainá nga tsò:

'An, sikasén ít̃jòn-lè xit̃a-na xi kj̄iko 'én;

jè xi koìindaaya ít̃jòn-lè ndiyá-lè.

²⁸ K'oaá xán-nò, ngats'ii xit̃a xi t̃jín i isò'nde, nijngoò xit̃a xi mangásòn koni jè Juan xi kis'ìin bautizar xit̃a, tanga ya j̄jìl̄n naxandá ñánda ot̃ixoma Nainá, jè xit̃a xi fehet'aà-ne, isaá jeya t̃jna mì k'oaá-ne koni Juan.

²⁹ K'e nga kii'nchré jñà xit̃a naxandá ko jñà xit̃a-la xit̃axá Roma xi síkíchj̄t̃j̄ tsojmi, kj̄j̄ngooò-ikon nga ndaa t̃jín jè ndiyá kixi-la Nainá, nga jye komà bautizar it̃'aà ts'e Juan.

³⁰ Tanga jñà xit̃a fariseo ko xit̃a chj̄jne xojon ts'e kj̄ot̃ixoma-la Nainá, mikii komà bautizar it̃'aà ts'e Juan. Tsachrjengui-né kj̄ondaà xi t̃jindaà-la Nainá nga tsjá-la xit̃a koi.

³¹ Jesús kitsò:

—¿Yá xi siingásòn-koa jñà xit̃a xi t̃jín n̄chrjein i'ndeij? ¿Kó kjoàn xi kongásòn-ko?

³² Jñà kongásòn-kjoò jñà ixti xi bitsajna ndits̄in nga siská, chja-la xíkj̄in, tsò-la: “Kànikjaneé-nòjen xobí tanga jñò mikii kàchà; kàjndaà-nòjen sò xi ba tsò tanga mikii kàchihindáyaa.”

³³ J'ii Juan xi kis'ìin bautizar xit̃a xi mìtsà inchrj̄j̄in tsakjèn, t̃ikoa mìtsà xán kits'ii koa jñò bixón-nò: “Inim̄a ch'o-la neij t̃jin-la.”

³⁴ Ikjoàn j'iaa xi Kì'ndí-la Xit̃a xan-la yijo-na; ma-na kjeen, t̃ikoa ma-na 'biaa; jñò, k'oaá s'ín bixón i'ndeij: “Xit̃a chrjá'a-né, xit̃a ch'í-né, amigo-la-né jñà xit̃a-la xit̃axá Roma xi síkíchj̄t̃j̄ tsojmi ko jñà xi xit̃a jé.”

³⁵ Tanga jè kjoachj̄jne-la Nainá, 'yaá-la nga kixi t̃jín k'e nga jye bitasòn.

Kó tsò 'én xi kùchja Jesús k'e nga jngoò chjoón xi tse jé t̃jín-la tsan̄jno ndsoko

³⁶ Jngoò xit̃a fariseo kiihcha-la Jesús nga mejèn-la kòkjen-ko. K'e nga jahas'en ni'ya-la jè xit̃a fariseo, tsibijnat'aà ím̄ixa.

³⁷ Ya naxandá jè, t̃jna jngoò chjoón xi tse jé t̃jín-la. K'e nga kii'nchré nga ya t̃jnat'aà ím̄ixa Jesús, ya ni'ya-la jè xit̃a fariseo, ijchòko jngoò ch̄its̄in xi t̃j̄iya-la xkii xi ndaa jne.

³⁸ Yaá tsasijnat'aa ijton ndsoko Jesús nga tikjindáya. Ijjoàn tsanijnno ndsoko Jesús ko ndáxkon. K'ée kisixjino-ne ko tsja sko. Kjin k'a kiskine'a ndsoko. Ijjoàn kiskaajno xkii xi ndaà jne.

³⁹ Jè xita fariseo xi kiichja-la Jesús, k'e nga kijtsee kjoa koi, kitsò ijün inima-la: “¿Mé-ne nga mikii beexkon-ne ya chjoón-ne xi otísiko? Tsà kixi kjoa nga jè xita xi chja ngajo-la Nainá, skoexkon-né nga chjoón xi jè tjín-la.”

⁴⁰ K'ée kiichja Jesús, kitsò-la:

— Simón, jngoò kjoa koxán-lè.

Simón kitsò:

— Maestro, kot'in-ná.

⁴¹ Jesús kitsò:

— Jo xita títajna xi ton tjen-la ts'e xita xi síkiña ton; jngoò xi 'òn sindo tjen-la; jè xi ijngoò icháte tjen-la.

⁴² Ingajò xita koi, tsjin-la ton xi kojichjí ngajo-ne. Jè nei-la ton kisijchàat'aa-la ingajò. Kot'in-ná, ¿ná-laá ingajò xita koi xi isa 'ño matsjakee jè nei-la ton?

⁴³ Kiichja Simón kitsò:

— An, k'oaá s'in sikitsjeèn, jè-la xi isa tse ton kitjen-la.

Jesús kitsò:

— Ndaà kichoòsòn-la.

⁴⁴ Jesús kiskoòtsejèn-jno jè chjoón, kitsò-la Simón:

— Chitsejèn-la chjoón jè. 'An, k'e nga kofahas'eèn ni'ya-lè [mikii kànikitasoìn koni s'in tjín kjotixoma tsaján]; mikii kò'biù-ná nandá xi mochjeén-la ndsokoaà nga sanjino; tanga chjoón jè, ndáxkoón kòhonjino-ne ndsokoaà koa tsja skoó kásixjino-ne.

⁴⁵ K'e nga kànihixat'aa-ná mikii kichine'a-ná tanga chjoón jè, kóni kofahas'eèn ni'ya-lè tikine'a ndsokoaà.

⁴⁶ Ngaji, mikii kànahijnoi asiti skoaà, tanga chjoón jè, kòfahijno ndsokoaà xkii xi ndaà jne.

⁴⁷ Koi k'oas'in xan-lè: Chjoón jè, jyeé kàchàat'aa yije-la ngats'ii jé-la koi kjoa-la nga 'ño matsjakee-na, tanga jè xita xi chiba kàchàat'aa-la jé-la, isaá chiba matsjakee-na.

⁴⁸ K'ée kitsò-la Jesús jè chjoón:

— Jé-lè jyeé kàchàat'aa-lè.

⁴⁹ Jñá xita xi taña títajnat'aa imixa kitsò-la xikjín:

— ¿Yá xita-né jè nga tikoá ma-la síjchàat'aa-ná jé-ná?

⁵⁰ Jesús kitsò ijngoò k'a-la jè chjoón:

— Koi-né nga mokjeiín-lè it'aa ts'an nga bitjotji-ne jé-lè; t'in-là ndaà-ne.

8

Íchjín xi kisichját'aa-la Jesús

¹ K'e nga komá iskan, Jesús, kjin naxandá tsajmeè, ko rancho, nga kiichjaya ko kiska'bí 'én ndaà-la Nainá koni s'in otixoma Nainá. Tjiko xita-la xi tejò ma-ne.

² Tikoáá tjiko i'nga íchjín xi jye kjòndaà-ne ch'in neij-la ko xi kj'eij ch'in. Yaá tjiko María jè xi Magdalena 'mì, xi itoò inima ch'o-la neij itojün yijo-la;

³ tjiko Juana, chjoón-la Chuza xi síkindá tsojmì-la xitaxá ítjòn xi 'mì Herodes; tikoáá tjiko xi 'mì Susana koa kjin-isa íchjín tjiko xi síchját'aa-la mé tsojmì xi tjín-la.

Kjoa xi mangásòn ts'e xita xi bitje xojmá

(Mateo 13:1-9; Marcos 4:1-9)

⁴ K'e nga jye kòkjin xita xi xki xi ján naxandá j'ì-ne, Jesús, tsibénojmi-là kjoa xi mangásòn. Kitsò-la:

⁵ —Jngoò xita xi kii k'jndi xojmá. K'e nga tsibits'ia nga kisk'jndi xojmá, chixò chiba ya iya ndiyá. Koá chinchane xita koa jña nise tsakjèn.

⁶ Ngui k'oa tjin chixòson ya ñánda naxi choòn, tanga k'e nga isò xojmá, nitoón kixi nga mikii 'nchi'nde nangui.

⁷ Ngui k'oa tjin chixò ya jjiin na'yá; yaá taña isòkjoò; k'e nga kjò'nga na'yá, kisk'en-ngui xka-là xojmá.

⁸ Ngui k'oa tjin chixò ñánda nangui ndaà; isò, kjò'nga, koa tsaja-là toò; kitsjaà jngoò sindo nga jngoò ljngoò.

Jesús k'e nga jye tsibénojmi kjoa koi, 'ño kiichja, kitsò:

—iNdaà tina'yaà koni xan-nò!

Mé-ne kjoa xi mangásòn kisikjeén-ne Jesús

(Mateo 13:10-17; Marcos 4:10-12)

⁹ Jña xita xi kota'yat'aà-là Jesús kiskònangui-là kó tsòya-ne jè kjoa xi mangásòn xi tsibénojmi-là xita.

¹⁰ Jesús kitsò:

—Jño, Nainá jye kitsjaà-nò nga jchaa kjoa'ma-là xi bénojmiya kó s'in otixoma Nainá; tanga jña xita xi k'jeií, tà kjoa xi mangásòn s'enojmi-là, mé-ne nga mikii skoe-ne xi kjoa kixi nas'in skótsejèn, mikii kojhija-là nas'in nchi'nchré.

Kó tsòya-ne kjoa xi mangásòn ts'e xita xi bitje xojmá

(Mateo 13:18-23; Marcos 4:13-20)

¹¹ Jè kjoa xi mangásòn ts'e xojmá, kii tsòyaá-ne: Jña xojmá, jè 'én-là Nainá.

¹² Jña xojmá xi chixò iya ndiyá, jña ngaya-là xita xi 'nchré 'én-là Nainá, ikjoàn f'ii xita neii, faáxin jè 'én jjiin inima-là mé-ne nga mikii kojjein-là koa mikii kitjojin kjo'in inima-là.

¹³ Jña xojmá xi chixòson naxi, jña ngaya-là xita xi 'nchré 'én-là Nainá, k'e nga tats'en-là kjoa tsjaá ma-là nga mokjein-là, tanga tsjin-là i'ma; tà chibaá naxrjein mokjein-là; k'e nga mé kjoa xi sakó-la, nitoón sikijna-ne.

¹⁴ Jña xojmá xi chixò jjiin na'yá, jña ngaya-là xita xi 'nchré 'én-là Nainá; k'e nga jye tjímaya ndiyá-là Nainá, bits'ia nga sikájno-là yijo-là, ótsji xi kjoa nchiná ko xi kjoa kjotsja. Jña kjoa koi xi tjin isò'nde bíchjoà-ikòn-là nga mikii makixi nga ojà-là toò.

¹⁵ Jña xojmá xi chixò ñánda nangui ndaà, jña ngaya-là xita xi ndaà tjin ko xi kixi tjin inima-là; 'nchré 'én-là Nainá tikoá bíjjiin-ikon 'én xi 'nchré; ndaà bincha kixi skanda k'e nga ndaà makjin-ya jña 'én.

Kjoa xi mangásòn ts'e ni'in xi shiseèn

(Marcos 4:21-25)

¹⁶ Tsjin xita xi oká ni'in, ikjoàn bíjtsa'ma, o xi ya síkijnangui naxan; jngoò ni'in xi ti, sijna 'nga-né; yaá sijnaya candelero mé-ne nga kojhiseèn-là jña xita xi kjoahas'en ni'ya.

¹⁷ Nímé kjoa tjin xi tji'ma i'ndeji xi mikii kotsejèn nga koma iskan; tikoá tsjin kjoa xi tji'ma i'ndeji xi mikii jcha-là. Ngats'ii kjoa skoexkon yije xita.

¹⁸ T'een kinda kojhítsjeèn-nò k'e nga kiná'ya 'én-là Nainá. Ndaà tina'yaà. Nga jè xi tjin-là kojhítsjeèn k'oíi isa-là; tanga jè xi tsjin-là, skanda tjá'aán-là mé xi k'oas'in síkítsjeèn nga tjin-là.

*Nea-la Jesús kò 'ndse**(Mateo 12:46-50; Marcos 3:31-35)*

¹⁹ Nea-la kò 'ndse kùkon ñánda tǐjna Jesús. Tǎnga mìkì komà ijchò skanda ñánda tǐjna nga 'ñó kǐjn ma-ne xǐta xi tǐtsajna.

²⁰ Jesús kis'enojmi-la, kitsò-la:

—Nea-lè kò jǎà 'ndsi, ján ndǐtsiaán tǐtsajna, mejèn xó-la nga skótsejèn-lè.

²¹ Kùchja Jesús, kitsò:

—Xi nea-na kò xi 'ndse xan-la, jǎà-né xi 'nchré 'én-la Nainá, tǐkoǎ sǐkitasòn.

*K'e nga jè Jesús kisikǐnjajò tǐoxkón**(Mateo 8:23-27; Marcos 4:35-41)*

²² Jngoò nǎchrjein, Jesús kò xǐta xi kota'yàt'aà-la jahas'en jngoò chitso, kitsò Jesús:

—Tǐkǐjaán, kǐtǐjǎtoaá ján xijngoaa ndáchikon.

Ikjoàn kii.

²³ Tanga k'e nga kùsòndá chitso, Jesús tsohojnafè-né. Ikjoàn kjòts'ia nga j'ii tǐoxkón ya ijǐin ndáchikon. Jyeé tǐfahas'en nandá chitso; xkón tǐjn tsà ya skajǐin-ndá.

²⁴ Jǎà xǐta-la k'eé kùkon nga kisikǐjaá-la Jesús; kitsò-la:

—¡Maestro! ¡Maestro! ¡Chitso, jye tǐkaànguindá! Jyeé-la kǐjya.

Jaá-la Jesús; ikjoàn tsohótiko tǐoxkón kò ndáchikon, nǐtǐoón kisijyò-ne, kjòndaáya-ne.

²⁵ Jesús kitsò:

—¿Mé-ne mìkì mokjeiín-nò it'aà ts'e Nainá?

Jǎà xǐta-la tà kitsakjòn-né. Tà kjòxkón-la. Kitsò-la xǐkǐjn:

—¿Yá xǐta-ne jè nga chja-la tǐo kò nandá koǎ sǐkitasòn-la?

*Xǐta Gadara xi kǐjn inǐma ch'o-la neǐ tǐjǐin inǐma-la**(Mateo 8:28-34; Marcos 5:1-20)*

²⁶ Ikjoàn ijchò ya nangui-la xǐta Gadareno xi kijna xijngoaa ndáchikon ts'e Galilea.

²⁷ K'e nga itjojen chitso, Jesús, ijchò kasit'aà jngoò-la xǐta x'ín xi ya i'nde-la naxandá Gadara. 'Ñó kjòtseé tǐjǐin yijo-la inǐma ch'o-la neǐ; mìtsà nikje ókjá, koǎ mì nǐ'ya tǐjn-la; yaá xó bǐjnaya ngajo-la mìk'en.

²⁸ Xǐta jè, k'e nga kǐjtseé Jesús, 'ñó kiskindáyat'aà-la koǎ tsasèn-xkó'nchit'aà-la; ikjoàn 'ñó kùchja, kitsò:

—Jesús, ngǐji xi Kǐ'ndí-la Nainá 'mì-lè xi 'ñó 'nga tǐjna, ¿mé xi mejèn-lè kò 'an? ¡Bitsi'ba-lè, kǐ yatoòn-ná!

²⁹ Koí óktsò-ne, nga jè Jesús, jyeé kos'ín tsatǐxoma-la jè inǐma ch'o-la neǐ nga kǎttǐjǐoin yijo-la xǐta jè. Jyeé kjòtseé kos'ín tǐjǐin yijo-la nga biyaàxín; nǎs'ín na'ñó kǐchǎ cadena sit'aà'ñó ndsokò kò tsja, chǐkjoaa-la nga otejtso, ikjoàn fikò jè inǐma ch'o-la neǐ ya nangui kixi ñánda tsǐjn xǐta.

³⁰ Jesús kiskònangui-la, kitsò-la:

—¿Kó 'mì-lè?

Xǐta jè kitsò:

—Legión 'mì-na.

Koí kò'mì-ne nga 'ñó kǐjn inǐma ch'o-la neǐ tǐjǐin yijo-la.

³¹ Jǎà inǐma ch'o-la neǐ tsibǐtsi'ba-la Jesús nga mì yaá sǐkatsjoya nǐtǐjan-la neǐ ñánda tǐjn kjò'in.

³² Ya it'aà nindoò, 'ñó kjin ma chinga xi nchikjèn-jno jjiin ijñá. Jñà inima ch'o-la neij, tsibítsi'ba-la Jesús nga tsjá'nde-la nga ya kjoahas'en-jiin yijo-la chinga. Jesús, kitsjaà'nde-la.

³³ Jñà inima ch'o-la neij, nga jye itjojiin yijo-la xita jè, ikjoàn jahas'en-jiin yijo-la jñà chinga. Ikjoàn jñà chinga tsatikjajen-jno ya naxi skanda jjiin nandá; yaá k'en-jiin nandá ngats'ii jñà chinga.

³⁴ Jñà xita xi nchikondà chinga, k'e nga kijtseè kjoa xi komà, tsangachikon nga kisiki'nchré naxandá kóhokji ñánda rancho.

³⁵ Jñà xita naxandá, k'e nga kii'nchré, itjo katsejèn jñà kjoa xi komà. Kii ñánda tjina Jesús. Tikoá ya tjinat'aà ndsoko Jesús jè xita xi jye itjojiin-ne yijo-la jñà inima ch'o-la neij. Jyeé ikjá-ne nikje-la, tikoáá jyeé ndaà tjín-ne kjohtsjeèn-la. Jñà xita k'e nga kijtseèxon, tà kitsakjòn-la.

³⁶ Jñà xita xi kijtseè kjoa koi, tsibénojmí-la xikjín kó s'in komà nga kjòndaà-ne jè xita xi inima ch'o-la neij kisijiin yijo-la.

³⁷ Ngats'ii xita xi túsajna ya nangui-la xita Gadareno, kóhokji jngoo itjandi, tsibítsi'ba-la Jesús nga kàtji-ne, koi kjoa-la nga 'ño kitsakjòn xita koi. Jesús jahas'en-ne chitso, ikjoàn kii-ne.

³⁸ Jè xita xi jye itjokajiin-ne yijo-la inima ch'o-la neij tsibítsi'ba-la Jesús nga mejèn-la nga ya kojmèiko; tanga jè Jesús kitsjaà-la okixi nga kàtjina; kitsò-la:

³⁹ —T'in-ne ni'ya-lè, ténajmi yije-la xita nga 'ño tse kjoa kásiko-lè Nainá.

Xita jè, kii-ne; ikjoàn tsibíts'ia nga tsibénojmí, kisihingason 'én kóhokji naxandá jè nga 'ño tse kjoa kisiko Jesús xi it'aà ts'e.

*Tsòti-la Jairo ko chjoón xi kitsobà itjòn nikje-la Jesús
(Mateo 9:18-26; Marcos 5:21-43)*

⁴⁰ K'e nga jye j'ii lingoò k'a-ne Jesús ján xijngoàà ndáchikon, kjòtsjaà-la jñà xita xi kjin ma-ne, koi kjoa-la nga ngats'ii, nchikoña-la.

⁴¹ J'iikon jngoo xita sko-la xi ts'e ni'ya ingo sinagoga xi 'mì Jairo; tsasèn-xkó'nchit'aà ndsoko Jesús, tsibítsi'ba-la nga mejèn-la kjiko ni'ya-la.

⁴² Koi xá j'ii kjaá-ne nga jye tibiaaà ndí tsòti-la xi tajngoò ma-ne xi tejo nó tjín-la.

Jesús, k'e nga tífi, jñà xita nga kjin ma-ne, chiba-la tsohó'nchò'ño-né.

⁴³ Ya tsóhojiin jngoo chjoón xi jye kjò tejo nó tjín-la ch'in jni. Jye kjò tse ton ko tsojmi xi tjín-la kisikjeheya xi kjoa ts'e chjineexkii; mikii mandaà-ne nita ya xi sixkii-la.

⁴⁴ Chjoón jè, kii kasit'aà chraña-la Jesús ya ijton íts'in nga kitsobà'ño itjòn nikje-la, koá jè jni xi tixixteèn-la, nitóón kisijyò-ne.

⁴⁵ K'eé kiskònangui Jesús, kitsò:

—¿Yá-né xi kàtsobà-na?

Ngats'ii xita kitsò:

—Mitsà yá-jèn.

K'eé kitsò Pedro ko xita xi i'nga:

—Maestro, jñà xita nga kjin ma-ne fahitjen-lè koá ó'nchò'ño-lè, ngaji si-né:

“¿Yá-né xi kàtsobà-na?”

⁴⁶ Jesús kitsò lingoò k'a:

—Tjín xi kàtsobà-na; kàbeéyáa-na nga kòbitjojiin nga'ño yijo-na.

⁴⁷ Jè chjoón, k'e nga kijtseè nga mikii koma kójna'ma nga ki'yat'in-la, chiba-la tihotsé yijo-la nga tsasèn-xkó'nchit'aà-la Jesús. Tsibénojmí-la nga nguixkon ngats'ii xita naxandá mé kjoa-ne nga nikje-la Jesús kitsobà-ne, koá kó s'in nga niton kjòndaà-ne ch'in-la.

48 Jesús kitsò-là:

—Ndí neaa, koi-né nga mokjeiín-lè it'aà ts'an nga kòmandaa-ne. T'in-là ndaa-ne.

49 Tákó tìk'ée tíchja-lsa Jesús nga j'ii jngoò xìtá xi ts'e xìtá ítjòn xi inchrobà-ne ni'ya-là nga kitsò:

—Ndí tsòti-lè jyeé k'en; kì tì kii nìjti-là Maestro.

50 K'e nga kii'nchré Jesús kitsò-là:

—Kì tsakjoòn-jèn; tà jè-né nga kàtakeiín-lè, jè ndí tsòti-lè kondaá-ne.

51 K'e nga jahas'en ni'ya, Jesús, mìkii kitsjaà'nde-là xìtá xi k'ejí nga jahas'en-ko, tà jè Pedro, Jacobo, Juan, kò nà'èn-là kò nea-là ndí tsòti.

52 Ngats'ii xìtá xi títsajna, nchikjindáya-né koa nchisikájno-né xi it'aà ts'e ndí tsòti. Tanga jè Jesús kitsò-là:

—Kì chihindáya-jèn; mìtsà kòbiyaa ndí tsòti, tà kjinafè-né.

53 Jhà xìtá xi títsajna tà tsijnòkeé Jesús nga tíjii-là nga jyeé k'en.

54 Tanga Jesús kiskoé tsja ndí tsòti; 'ñó kùchja-là kitsò-là:

—Tsòti, tìsítjii!

55 J'ii l'jngoò k'a-ne inìma-là; ikjoàn nìtoón tsasítjen; Jesús kitsjaà okixi nga tsjá-là xi skìne.

56 Jhà xìtá jchínga-là, tà kjòxkón-là; tanga jè Jesús kitsò-là:

—Kì yá xìtá xi bènojmi-là jè kjoa xi kòma.

9

K'e nga jè Jesús kitsjaà-là xá xìtá-là xi tejò ma-ne

(Mateo 10:5-15; Marcos 6:7-13)

1 Jesús kùchja-là xìtá-là xi tejò ma-ne xi jè tsibíxáya-là; kitsjaà-là nga'ñó kò kjotíxoma nga kochrejiín yije inìma ch'o-là neii xi tíjii yijo-là xìtá; tìkoá koma-là sùndaà-ne xìtá xi ch'in xk'én tjín-là.

2 Kisikasén nga kichjaya kó s'in otíxoma Nainá, tìkoá sùndaà-ne xìtá xi ch'in tjín-là.

3 Kitsò-là:

—Nimé xi ch'aà xi ts'e ndiyá; kì yá garrote ch'aà; kì nà'yaà ch'aà; kì inchrajín ch'aà; kì toón ch'aà; tìkoá kì jò nachro ch'aà.

4 Njta ñánda ni'ya nga kijchoò, yaá títsajna, skanda k'e kitjoo-nò.

5 Tsà jngoò naxandá ñánda kijchoò, tsà mìkii skoétjò-nò, títojñoò, títsajneè chijo-là ndsokoò nga kateé kjoa koi koni jngoò seña, nga jhò, mì tì kii sjs'in-là; kjo'ii'n s'e-là nga mìkii mokjeiín-là.

6 Itjo xìtá koi, xkì xi ján naxandá kii; kisika'bí 'én ndaa-là Nainá xi kjoa ts'e Cristo; tìkoáá kisindaà-ne xìtá xi ch'in tjín-là nga kijjindà naxandá.

K'e nga k'en Juan xi kis'ii'n bautizar xìtá

(Mateo 14:1-12; Marcos 6:14-29)

7 Jè xìtaxá ítjòn xi 'mì Herodes, k'e nga kii'nchré ngats'ii kjoa xi tís'in Jesús, mìkii beé kó s'in sùkìtsjeèn, nga tjín i'nga xìtá xi tsò: "Juan, jyeé jaáya-là."

8 Xìtá xi i'nga tsò: "Jè Elías xi tsatsejèn l'jngoò k'a-ne." Tìkoáá xìtá xi k'ejí tsò: "Jaáya jngoò-là xìtá jchínga xi kùchja ngajo-là Nainá."

9 Kitsò Herodes:

—'An sobà tsibixá-là xìtá xi kisik'en Juan nga tsatesin. ¿Yá xìtá-ne jè xi kos'in tís'in kjoa xi 'nchrè?

K'oaá ma-ne nga mejèn-là skoexkon Jesús.

K'e nga 'òn jmiù xit̩a kisikjèn Jesús

(Mateo 14:13-21; Marcos 6:30-44; Juan 6:1-14)

¹⁰ K'e nga j'iì jngoõ k'a-ne jñà xit̩a xi tsibíxáya-là Jesús, tsibénojmi ngats'iì kjoa xi kis'iìn. Jesús, k'ée k̩ik̩õ jngoõ i'nde ts'e naxandá Betsaida ñánda tsj̩n xit̩a.

¹¹ Jñà xit̩a, k'e nga k̩i'nchré nga jye k̩i Jesús, k̩it̩j̩ngui-là; k'e nga ijchòt̩j̩ngui-là, Jesús, k̩is̩i'in-là, tsohók̩o, tsibénojmi-là kó s'in otíxoma Nainá, t̩k̩oã kisindaà-ne xit̩a xi mochjeén-là nga kondaà-ne.

¹² K'e nga jye tímahixón, jñà xit̩a-là xi tejó ma-ne, ijchò kinchat'aà-là Jesús, kitsò-là:

—Kot'in-là ngats'iì xit̩a k̩àt̩i-ne mé-ne nga k̩àtasikjáya ya naxandá chrañat'aà k̩o rancho ñánda sakò-là xi sk̩ine. I i'nde ñánda titsajnaá, i't'aà x̩in-né, ñimé t̩j̩n.

¹³ Jesús kitsò-là:

—Tj̩i-là jñò xi k̩ok̩jen xit̩a koi.

Jñà xit̩a-là kitsò:

—Ñimé t̩j̩n-najen, tà 'òn ma inchrájin-najen koa jò ma t̩in, tà jè-la tsà konguì kindaà-lajen xi k̩ok̩jen ngats'iì xit̩a koi.

¹⁴ Maá-là tsà 'òn jmiù xi nguì xit̩a x'in.

Jesús kitsò-là xit̩a xi kota'yat'aà-là:

—T̩ik̩itsajnajt̩ión, icháte icháte t̩ik̩itsajna-nò.

¹⁵ K'oaá s'in kisikitsajna kóhõt̩j̩n.

¹⁶ Jesús, kiskoé jñà inchrájin xi 'òn ma-ne k̩o jñà t̩in xi jò ma-ne; ikjoàn kiskoõtsejèn ngajmiù; kitsjaà-là k̩jondaà Nainá; ikjoàn kisixkoaya inchrájin, k'ée kitsjaà-là jñà xit̩a xi kota'yat'aà-là nga kisika'bí-là jñà xit̩a xi k̩j̩n ma-ne.

¹⁷ Tsakjèn yije kóhõt̩j̩n xit̩a, kó nga kjòsk̩i; k'ée tsibíxkó-ne jñà xi tsingui-ne; nguì tejó ñis̩iyá komà.

Kós'in k̩iichja Pedro nga jè Jesús xi Cristo

(Mateo 16:13-19; Marcos 8:27-29)

¹⁸ Jngoõ k'a k'e nga t̩j̩nat'aax̩in Jesús nga t̩ichjat'aà-là Nainá, ya titsajnako xit̩a xi kota'yat'aà-là. Jesús kiskònangui, kitsò-là:

—¿Kó tsò xit̩a, yá-ná 'an?

¹⁹ Jñà xit̩a-là kitsò:

—T̩j̩n xi tsò: jè Juan xi kis'iìn bautizar xit̩a, t̩k̩oaá t̩j̩n xi tsò: jè Elías, koa t̩j̩n i'nga xi tsò: jaáyaá-la jngoõ-là xit̩a xi chinchima kjòtseé xi k̩iichja ngajo-la Nainá.

²⁰ Jesús kiskònangui-là kitsò-là:

—Jñò, kó bixón. ¿Yá-ná 'an?

K'ée k̩iichja Pedro, kitsò:

—J̩i-né xi Cristo xi xó kisikasén-lè Nainá.

K'oaá s'in tsibénojmi Jesús kjoabiyaà-là

(Mateo 16:20-28; Marcos 8:30-9:1)

²¹ Tanga Jesús 'ñó tsibít'in-là nga mì yá xit̩a xi keènojmi-là kjoa koi.

²² Kitsò-là:

—'An xi Kí'ndí-là Xit̩a xan-là yijo-na, tseé k̩jo'in siik̩jaán; k̩ochrje-nguì-na jñà xit̩a jchínga, k̩o xit̩a sk̩o-là no'miù k̩o xit̩a xi okóya kjotíxoma-là Nainá xi kisk̩i Moisés. Siik'eén-na tanga k'e nga k̩jchò jàn nachrjein kjoaáya-na.

²³ Xi komà iskan kitsò-là kóhõt̩j̩n:

—Tsà yá xi mejèn-la nga x̄it̄a ts'an koma, kàtatsjein-takòn mé xi mejèn-la yijo-la; koni jngoò x̄it̄a xi 'yajen krò-la, nachrjein inchiòn kàtijnandaà nga s̄iikjeiin kjo'in xi kjoa ts'an; ndaà kàtjit'aà-na.

²⁴ Nga n̄it̄a yá x̄it̄a xi mejèn-la kochrjet̄i yijo-la nga n̄imé kjo'in sakò-la, tà saà s̄iichija-né ko kjo'in kijnajiin; tanga jè xi t̄ijnandaà nga ts̄j̄a yijo-la xi kjoa ts'an, jè-né xi k̄it̄jokàjiin kjo'in nga it'aà ts'an ndaà k̄ijna.

²⁵ ¿Mé xi s̄iikjine jngoò x̄it̄a nas'in tjoé yije-la isò'nde tsà chija inima-la koa s̄iikits'on yijo-la? N̄imé.

²⁶ Tsà t̄j̄in i'nga x̄it̄a xi kosobà-la it'aà ts'an ko it'aà ts'e 'én-na, t̄ikoaa 'an xi Ki'ndi-la X̄it̄a xan-la yijo-na, kosobà-na k'e nga kitjojen i'ngoò k'a nga skoe x̄it̄a kjoajeya-na, skoe kjoajeya-la Na'en-na t̄ikoa skoe kjoajeya-la ts'e àkjalé tsjeè-la Nainá.

²⁷ Xi okixi, k'oaá xán-nò, ijndé t̄itsajnajiin i'nga x̄it̄a xi mikil kiyá skanda k'e nga skoe kó s'in otixoma Nainá.

Kii komà k'e nga jè Jesús jahat̄jya í'ño isén-la kóhok̄ji yijo-la
(Mateo 17:1-8; Marcos 9:2-8)

²⁸ T̄j̄in-la tsà kó jiin nachrjein nga tsibénojmi 'én koi, Jesús, kiimijin-jno jngoò nindoò nga kiichjat'aà-la Nainá. Kiiko Pedro, Juan ko Jacobo.

²⁹ K'e nga t̄ichjat'aà-la Nainá, Jesús, jahat̄jya í'ño isén-la; jè nikje-la 'ño k̄jochroba; tsí ote tsatsejèn.

³⁰ Jò x̄it̄a x'in tsatsejèn xi nchijoókjoé Jesús, jè Moisés ko Elías.

³¹ X̄it̄a koi, tsí ote choòn kjoajeya-la nga jngoò itjandii n̄anda jncha. Nchi-joóya-ne nga jè Jesús, jye t̄ifi síkitasòn kjoa ján Jerusalén nga ya kiyá.

³² Jè Pedro ko x̄it̄a x̄ikjín, tsí 'ño nijñá-la, tanga k'e nga jye kitjaaxin-la nijñá kijtseèkxon kjoajeya-la Jesús ko jñá x̄it̄a xi jò ma-ne xi t̄itsajnakò.

³³ K'e nga jye chinchat'aà xin-la Jesús x̄it̄a koi, jè Pedro kitsò:

—Maestro, ndaà t̄j̄in nga i t̄itsajnaá. Kíndaà jàn ni'ya xkójndà, jngoò tsiji, jngoò ts'e Moisés, jè xi jngoò ts'e Elías.

Jè Pedro tà k'oaá kitsò, mì t̄i kii beè-ne kó s'in kichja.

³⁴ T̄ik'e-né nga t̄ichja Pedro, j'ii jngoò 'nguién-la ifi xi tsibi'ma x̄it̄a koi. K'e nga jahas'en-jiin ifi, tà kitsakjòn-né.

³⁵ Ya j̄jiin ifi kina'yà jngoò-la 'én xi kitsò:

—Jè jèe xi ki'ndi-na xi 'ño matsjake, jè t̄iná'ya-là.

³⁶ K'e nga jye kina'yà-la 'én koi tà jè tajngoò s̄jna-isa Jesús. Nachrjein koi jñá x̄it̄a-la jyo tsibitsajna, n̄imé 'én xi kiichja, mìtsà yá x̄it̄a tsibénojmi-la kjoa xi kijtseè.

K'e nga jè Jesús kisindaà jngoò-ne ti xi inima ch'o-la neí t̄jiin inima-la
(Mateo 17:14-21; Marcos 9:14-29)

³⁷ Xi komà inchiòn, k'e nga itjojen-jno-ne nindoò, 'ño k̄j̄in x̄it̄a kisat̄iikjoò.

³⁸ K'eé jngoò x̄it̄a xi ya t̄ijnajiin-la x̄it̄a k̄j̄in, 'ño kiichja, kitsò-la Jesús:

—Maestro, tibitsi'ba-lè nga ch̄itsejèn-la ki'ndi-na xi tà jè tajngoò-ne.

³⁹ Jngoò inima ch'o-la neí tso'ba'ño; tà n̄it̄oón kjindáya, ikjoàn 'ño síkatsé yijo-la; ochrje ndáxó tso'ba; tse kjo'in ts̄j̄a-la, mikil xátí tsjeiin.

⁴⁰ Kàbitsi'ba-la jñá x̄it̄a xi kota'yat'aà-lè nga kàtachrjekàjiin inima ch'o xi t̄jiin yijo-la, tanga mikil kòma-la.

⁴¹ K'eé kiichja Jesús kitsò:

—Jñò, x̄it̄a xi mikil mokjeiin-nò it'aà ts'an, xi ch'o 'nè. ¿Skanda mé nachrjein kótijnako-nò koa ska-na kjoa-nò? Nchrohókoi ki'ndi-lè ijndé.

⁴² K'e nga tínchrobá chrañà jè ti, jè inìma ch'o-là nejí, tsajndoòt'aà nangui, ikjoàn kisikatsé yijo-là; tanga jè Jesús, tsohótiko jè inìma ch'o-là nejí; ikjoàn kisindaà-ne jè ti; kisíngatsja-ne na'èn-là.

⁴³ Ngats'ìi xìtā t̄à k̄jòxkón-là jè kjoajeya-là Nainá.

K'oqá s'ín tsibénojímí Jesús kjoabiyaà-là xi ma-ne jò k'a
(Mateo 17:22-23; Marcos 9:30-32)

Ngats'ìi kjoa xi kis'ìn Jesús, t̄ikoqá t̄à k̄jòxkón-là ngats'ìi xìtā. Jesús kitsò-là jñà xìtā xi kota'yàt'aà-là:

⁴⁴ —Ndaà t̄íná'yaà jñà 'én koi; k̄i n̄jchàajìin-jèn: 'An xi Kì'ndí-là Xìtā xan-là yijo-na yaà sìngatsja-na xìtā nguixkòn xìtaxá.

⁴⁵ Jñà xìtā-là mìkìl k̄jòchiya-là jè 'én xi kòs'ín kitsò-là. Nainá tsibí'ma-né nga mìkìl kjoahas'en-jiin-là; t̄à kitsakjòn-né, mìkìl kiskònangui-là Jesús kó tsòya-ne 'én xi tsibénojímí-là.

Yá xìtā xíkjín xi k̄jina ítjòn
(Mateo 18:1-5; Marcos 9:33-37)

⁴⁶ Xìtā xi kota'yàt'aà-là Jesús, tsibíts'ia nga tsajoóya-ne yá xìtā xíkjín xi k̄jina ítjòn.

⁴⁷ Jesús, k'e nga kijtsee koni s'ín nchisíkítsjeèn, kiskoé jngoò ndí ti, kisikíjnat'aà-là yijo-là,

⁴⁸ kitsò-là:

—Njta yá-ne xi j'taà ts'an skoétjò jngoò ndí ti koni jè, 'aán xi skoétjò-na; jè xi skoétjò-na, t̄ikoqá skoétjò-né jè xi kisikasén-na. Koi kjoa-là, jè xi isá nangui t̄jna xi yá t̄ijnajìin-nò, jè-né xi isá t̄jna ítjòn.

Yá xi kondra-là Cristo kò yá xi xìtā ts'e
(Marcos 9:38-40)

⁴⁹ Juan kitsò:

—Maestro, ki'ya jngoò-jen xìtā xi kò 'ín-lè ochrjekàjìin inìma ch'o-là nejí xi t̄jìin yijo-là xìtā; mìkìl kits'ìi'nde-lajen nga mìtsà xìtā tsaján xi jñà fit'aà-ná.

⁵⁰ Jesús kitsò-là:

—Ki bichakjáya-là. Jè xi mìtsà kondra tsaján, xìtā tsaján-ná.

K'e nga jè Jesús tsohótiko Jacobo kò Juan

⁵¹ K'e nga jye k̄jòchrañà nachrjein nga kjoì j̄jngoò k'a-ne Jesús ján ngajmì, 'nò tsi'bee-là ikon nga kii ján Jerusalén.

⁵² Kisikasén ítjòn i'nga xìtā-là jngoò naxandá jtobá ján nangui Samaria. Kii kátsji'nde ñánda s̄ìk̄jáya.

⁵³ Jñà xìtā Samaria mìkìl kitsjaà'nde-là nga jyeé t̄jìin-là nga ján nchifi Jerusalén.

⁵⁴ Xìtā xi kota'yàt'aà-là Jesús, Jacobo kò Juan, k'e nga kijtsee nga mìkìl kitsjaà'nde-là kitsò:

—Na'èn, za mejèn-lè nga k'oqá kixón-jen nga kàtjanchrobá-jen ni'ín xi ts'e ngajmì nga kàtjehesòn xìtā koi koni s'ín kis'ìn Elías?

⁵⁵ Tanga jè Jesús kisikátji'a, tsohótiko. Kitsò-là:

—Jñò, mìkìl t̄jìin-nò yá ts'e inìma xi kàtsjá-nò k̄jòhítsjeèn jè.

⁵⁶ 'An xi Kì'ndí-là Xìtā xan-là yijo-na, mìtsà koi xá j̄i-na nga kàtchija inìma-là xìtā; jè-né nga kàtitjokàjìin kjo'in.

Ikjoàn xìn naxandá kii.

*Jè xi mejèn-la nga kjiṭjṅgui-la Jesús
(Mateo 8:19-22)*

⁵⁷ K'e nga nchifíya ndiyá, jngoò xīṭa kitsò-la:

—Na'èn, kjiṭjṅgui-lè nīṭa ñánda-ne nga k'o'ín.

⁵⁸ Jesús kitsò-la:

—Jña ñánda, tjin-la nguio ñánda oyijò; tikoáá jña nise tjin-la tjé; tanga 'an xi Ki'ndi-la Xīṭa xan-la yijo-na, tsjin-na i'nde ñánda síkjáya.

⁵⁹ Jesús kitsò jngoò-la xīṭa:

—Nchrobátjṅgui-ná.

Jè xīṭa xi oki'mi-la kitsò:

—Na'èn, tji'nde-ná nga ítjòn kjián kihijñaà na'èn-na.

⁶⁰ Jesús kitsò-la:

—Jña mik'en kàtihijìn mik'en-la; ngaji t'in, tika'bí 'én kó s'in otixoma Nainá.

⁶¹ Jngoò xīṭa xi k'oa tī kitsò:

—Kjiṭjṅgui-lè ngaji Na'èn, tanga tji'nde-ná nga kjián síhixat'aà ítjoàn jña xīṭa xi tītsajna ni'ya-na.

⁶² Jesús kitsò-la:

—Nijngoò xīṭa xi ijton ít's'in tīkotsejèn-ne koma síkitasòn xá-la Nainá nga jè tíhotixoma. K'oaá गया-la tsà jngoò xīṭa xi tísikon nchraja, tsà ijton ít's'in tīkotsejèn-ne, mikìl koma síxá.

10

Xá xi kits'ù-la xīṭa xi jàn-kaàn kò te ma-ne

¹ K'e nga jye komà kjoa koi, Na'èn-ná Jesús kitsjaà-la xá nguì jàn-kaàn kò te xīṭa xi k'ei. Jò jò kisikasén ítjòn nga kjiṅnda naxandá kò i'nde ñánda nga isa jskan kjoì jè.

² Kitsò-la:

—Xi okixì, ñó tse xá tjin xi it'aà ts'e 'Én-la Nainá koni s'in ma k'e nga jìn tsojmì majchá, tanga jña xīṭa chī'nda xi síxá, chiba ma-ne. Tītsi'ba-là jè Nei-la xá, kàtasikasén-isa xīṭa chī'nda xi kojìxkó tsojmì koi.

³ Tanguió; 'aán síikasén-nò koni orrè ki'ndi ya jjiin-la cho tsején.

⁴ Ki chijtsa ton ch'aà, kì naxá na'yaá ch'aà, nì xoxté tsjayaà; tikoáá mikìl yá xīṭa xi nihixat'aà ya iya ndiyá.

⁵ Nīṭa ñánda ni'ya nga kījtás'een, ítjòn k'oa tixón: “Nchán kàtas'e ni'ya jè.”

⁶ Nì'ya jè, tsà tjin xīṭa xi ok'ín-la nga s'e-la kjoa'nchán, kītasòn-né; tsà majin, mikìl kītasòn.

⁷ Tītsajna ya ni'ya ñánda kījtás'een; kì xkì xi ján ni'ya onguió; chīnee, t'io mé tsojmì xi tsjá-nò. Jè xīṭa xi síxá mochjeén-né nga k'oi-la chji-la.

⁸ K'e nga kijchoò jngoò naxandá ñánda tsjá'nde-nò, chīnee mé tsojmì xi tsjá-nò.

⁹ Tsà tjin xīṭa xi xk'én, tindaà-nò; koatìn-là: “Jye kjòchrañat'aà-nò nga jchaa kó s'in otixoma Nainá.”

¹⁰ Tsà jngoò naxandá ñánda kijchoò, tsà mikìl tsjá'nde-nò, tījáyaa ndiyá, koatìn-là:

¹¹ “Skanda jè chijo-la naxandá-nò xi kàtsobà'ño ndsokòò-jen, kītsajneè-nòjen koni jngoò seña nga mì tī kùl sīs'in-nòjen. Tanga kàtasjiin-nò nga jye kjòchrañat'aà-nò nga jchaa kó s'in otixoma Nainá.”

¹² K'oaá xán-nò, naxandá jè, isáá tse kjo'in s'e-la jè nachrjein k'e nga sindajjin-la xīṭa, mì k'oaá-ne koni jña xīṭa ts'e naxandá Sodoma.

Mé kjo'in xi tjoé-la naxandá xi mikil síkjahtjiya kjo'hítsjeèn-la kjoa ts'e jé-la (Mateo 11:20-24)

¹³ 'Iṃa xó-nò jñò, xita naxandá Corazín! 'Iṃa xó-nò jñò, xita naxandá Betsaida! Tsà ya-làne naxandá Tiro ko Sidón nga k'oas'ín kis'iaàn kjoxkón xi ndaa tjin xi komà ya jjiin naxandá tsajòn, tsà jñà xita Tiro ko Sidón kijtsee, jyeé-la nikje naxá ikjá ko chijo ni'ín títsajjin koni seña nga jye kisikájno jé-la nga mì tì jé ótsji-ne.

¹⁴ Tanga jè nachrjein nga sindaàjijn, isaá tse kjo'in s'e-nò mì k'oaá-ne koni jñà xita naxandá Tiro ko Sidón.

¹⁵ Jñò xi xita naxandá Capernaum tsajòn, ¿a k'oaá s'ín mokjeín-nò nga jchaxkón-nò ján ngajmii? Majin, yaá kítsajnajnoò j'nde nándà tjin kjo'in.

¹⁶ 'Jè xi 'nchré-nò, 'aán xi 'nchré-na; jè xi kochrjengui-nò, 'aán xi ochrjen-gui-na; jè xi kochrjengui-na, jè ochrjengui xi kisikjasen-na.

Mé-ne kjòtsja-la jñà xita xi jàn-kaàn ko te ma-ne

¹⁷ J'ii-ne jñà xita xi jàn-kaàn ko te ma-ne. 'Nó tsja tjin-la, kitsò:

—Na'èn, xi it'aà tsji, skanda jñà inima ch'o-la neij síkitasòn-najen.

¹⁸ Jesús kitsò-la:

—Kixij kjoa, kijtsee-ná jè xita neij koni kji ni'ín ch'oón kji nga kiskaàngui it'aà ngajmii.

¹⁹ 'An, jyeé kitsjaà-nò kjotixoma ko nga'ño nga koma kijnchanè ye ko cho na'ya, nga sikijnee-là ngats'ii nga'ño-la xita neij xi kondra tsajòn; nime xi ch'o síko-nò.

²⁰ Tanga kì matsja-nò nga jè inima ch'o-la xita neij síkitasòn-nò; jè xi kàtatsja-nò nga jye tjin-nò j'nde ján ngajmii nga jyeé ya jtít'aà 'in-nò.

Mé kjoa-ne nga jè Jesús kitsjaà-la kjondaà Na'èn-la it'aà ts'e xita-la (Mateo 11:25-27; 13:16-17)

²¹ Tjè-ne hora, Jesús, tsjaà komà-la xi it'aà ts'e Inima Tsjeè-la Nainá; kitsò:

—Na'èn, xi tsiji ngajmii ko tsiji isò'nde, tsjaà-lè kjondaà nga jñà kjoa koi tsibi'ma-la jñà xita xi tjin-la kjoachjine ko xi 'nó tjin-la kjo'hítsjeèn nga jñà tsakoò-la xi taxki ndí xita ima kjoa. Jon, Na'èn, nga k'oaá s'ín kjòmejèn-lè.

²² 'Ngats'ii kjoa ts'e kjotixoma, 'aán kisingatsja-na Na'èn-na. Mìtsà yá xi beèxkon yá-né xi Ki'ndí-la ma, tajngoò jè xi Na'èn ma; tikoáà mìtsà yá xi beèxkon yá-né xi Na'èn ma, tajngoò jè xi Ki'ndí-la beèxkon, ko jè Ki'ndí-la kòkò-la jñà xita xi jè mejèn-la nga skoexkon, yá-né xi Na'èn ma.

²³ Jesús kisikáfaya'a xita xi kota'yat'aà-la, tà jñà kiichjat'aà xin-la, kitsò-la:

—Mé tà ndaa-la jñà xita xi xkon nchibeè-ne koni s'ín títsa'yaà jñò.

²⁴ K'oaá xán-nò, jñan xita xi kiichja ngajo-la Nainá, tikoáà kjin xitaxá ítjon xi kjòmejèn-la nga skoe jè kjoa xi jñò títsa'yaà, tanga mikil kijtsee; tikoáà kjòmejèn-la nga kji'nchré jè xi títsana'ya, tanga mikil kii'nchré.

Xita samaritano xi ndaa xita

²⁵ Jngoò xita chjine xojon ts'e kjotixoma-la Nainá xi kiskil Moisés kiikon Jesús nga mejèn-la skónachan-la, kitsò:

—Maestro, ¿mé kjondaà xi s'iaàn nga kijnakon inima-na nita mé nachrjein-ne?

²⁶ Jesús kitsò-la:

—¿Mé xi jtít'aà jè xojon ts'e kjotixoma-la Nainá xi kiskil Moisés? ¿Kó tò xi bixkejin?

²⁷ Jè xita chjine xojon kitsò:

—“Tĩtsjachi Na'èn-ná xi Nainá 'mì-là nga kò inĩma-lè, kò nga'ńó-lè, kò kjohĩtsjeèn-lè; koa tĩs'ín tĩtsjachi xĩta xinguii koni tsà tĩ yijo tsiji-ne.”

²⁸ Jesús kitsò-là:

—Ndaà kànokjoi. Tsà k'oas'ín s'iin, kijnakon-né.

²⁹ Jè xĩta chĩjĩne xojon mejèn-là nga ndaà siikĩjna yijo-là 'én xi kiskònangui; ìjngò k'a kiskònangui-là Jesús, kitsò:

—¿Yá-né xi xĩta xinguiia?

³⁰ Jesús kitsò:

—Jngò xĩta tĩfijen ján ndiyá Jerusalén skanda Jericó. Yá ìya ndiyá tsibĩchjoà-là xĩta chijé. Tsafaá'an tsojmi-là kò nikje-là. 'Nó kisiki'on. Ìkjoàn yaá kisikájna k'en ya ìya ndiyá.

³¹ Tijè-ne ndiyá, k'e chĩba-là jahajen jngò nò'mìl, tanga k'e nga kijtseèxkon nga ya kjinaya ndiyá xĩta xi kitsi'on, tà jahat'aà xìn-là.

³² Tĩk'eé-ne ja jngò xĩta levita [xi ìya ingo síxá] k'oaá tĩ kis'iin k'e nga kijtseèxkon xĩta jè nga kjinaya ndiyá; tĩkoaá tà jahat'aà xìn-là.

³³ Tanga k'e nga ijchò jngò xĩta Samaria [xi xĩta kondra-là xĩta judío] nga koa tĩs'ín tifi ndiyá jè, k'e nga kijtseèxkon, kjòhĩmakeè-né.

³⁴ Kii kasit'aà chraña-là. Kisixkii-là; kisikaájno asiti kò xán ñanda kitii-là. Ìkjoàn tsibĩjtéjĩn; kisikĩjnasòn-là kohòyo-là; kiikò jngò ni'ya ñanda nga ma níkjáya. Jè kisikinda.

³⁵ Xi komá inchijòn k'e nga jye tifi-ne jè xĩta Samaria, tsibĩchĩ-là nei-là ni'ya, kitsjaà-là ton koni tĩn chĩ-là chĩ'nda xi jò naxhrjein; kitsò-là: “Tĩkindá-ná xĩta jè. K'e nga kjoì ìjngò k'a-na kíchjía tsà isa tse siikje.”

³⁶ Ngaji, ¿kó si? Ingajàn xĩta koi, ¿yá-né xi xíkĩn jè xĩta xi kisiki'on chijé?

³⁷ Jè xĩta chĩjĩne xojon kitsò:

—Jè xi xíkĩn, jè xĩta xi kjòhĩmakeè.

Jesús kitsò-là:

—Ngaji, k'oaá tĩs'ín t'iin.

K'e nga jè Jesús tsibijna ni'ya-là María kò Marta

³⁸ Jesús k'e nga tĩmaya-isa ìya ndiyá, ijchò jngò ndí naxandá jtoá ñanda tĩjna ni'ya-là chjoón xi 'mì Marta. Yaá kitsjaa'nde-là nga tsibijna.

³⁹ Jè Marta tĩjna ìjngò-isa chjoón ndichja xi 'mì María. Jè María tsibijnat'aà ndsoko Jesús nga kii'nchré-là 'én xi tíbénjímí.

⁴⁰ Tanga jè Marta, 'ńó tĩskájno xá xi tĩn-là. Kii kasit'aà-là Jesús, kitsò-là:

—Na'èn, ¿a mì makájno-lè nga jè xinguiia tajngò síkĩjna-na nga s'iaàn xá? Kot'ìn-là kátasíchját'aà-na.

⁴¹ Jesús kiichja kitsò-là:

—Marta, Marta, tsí ndaà níkájnoi, tsí ndaà bìnè-là xá yijo-lè.

⁴² Tà jngò kjoa xi 'ńó mochjeén. Jè María ndaà tĩn xi kòfaájĩn; niyá xi kjoaáxìn-là kjoa jè.

11

K'e nga jè Jesús tsakóya kjoa ts'e nga bitsi'baá

(Mateo 6:9-15; 7:7-11)

¹ Jngò k'a, Jesús tĩjna jngò ì'nde ñanda tíchjat'aà-là Nainá; k'e nga jye kiichjat'aà-là, jngò xĩta xi kota'yat'aà-là kitsò-là:

—Na'èn, takóya-nájen kó s'ín kíńókjoat'aà-lajen Nainá koni s'ín kis'iin Juan nga tsakóya-là xĩta xi kota'yat'aà-là.

² Jesús kitsò-là:

—K'e nga kìnókjoat'aà-là, k'oḡá s'ín tixón:

Na'èn xi tìjni ngajmì, kàtayaxkón-là kjoajeya-lè nga tsjeè tìjni.

Kàtjanchrobá kjotìxoma-lè.

K'oḡs'ín kàtama i ìt'aà nangui koni s'ín mejèn-lè nga koma, koni s'ín ma ján ngajmì.

³ Tjii kjit'aà-nájen nìño xi mochjeén-najen nga nàchrjein inchiòn.

⁴ Tìjchàat'aà-nájen jé-najen koni s'ín nìjchàat'aà-lajen ngats'ii xità xi ch'o siko-najen.

Ki kii bì'ndi yá xi mejèn-là nga kot'aà-najen nga kìnchátsji jé-jen.

⁵ Jesús kitsò-isa-là:

—Jñò, tsà tìjn jngòò-nò amigo, tsà osen nìtjen onguíchoòn, tsà k'oín-là: “Amigo, tìkiña jàn-ná inchrájin-lè,

⁶ jngòò amigo-na kòf'ìikon-na koḡ tsjìn-na mé xi tsjaà-là.”

⁷ Tsà jè amigo xi tìjna inga ni'ya, tsà kùtso: “Kì 'an nìjti-ná. Jè xotjoa ni'ya jyeé tìchjoàjto. Jñà ndí ìxti-na ko 'an jyeé kinikjáyá-jen. Mikii koma kòsitjjen nga tsjaà-lè tsojmì xi mochjeén-lè.”

⁸ K'oḡá xán-nò, nas'ín majìn-là nga osítjen nga amigo tsajòn, tsà 'ñó sisì-là, chaán kòsitjen. Tsjá yije mé xi mejèn-nò.

⁹ K'oḡá xan-nò: Tìjé mé xi mejèn-nò, jè Nainá tsjá-nò; tìnchátsjioò Nainá, sakó-nò; tìnókjoat'aà-là Nainá mé xi mejèn-nò mé-ne skíx'a'nde-nò koni jngòò xotjoa.

¹⁰ Ngats'ii xità xi síjé, tjoé-là, jè xi ótsji, sakò-là ko jè xi chjat'aà-là Nainá, tjáx'a'nde-là koni jngòò xotjoa.

¹¹ Jñò xi na'èn 'mì-nò, tsà inchrájin sjiè-nò ìxti-nò, ¿a ndajòó k'oi-là? Majìn. Koḡ tsà tìn sjiè-nò, ¿a yeé k'oi-là? Majìn.

¹² Tsà chjoó sjiè-nò, ¿a cho na'yá k'oi-là? Majìn.

¹³ Jñò, nas'ín xità xi ch'o 'nè, ma-nò 'bii-là ìxti-nò tsojmì xi ndaà kjoàn; jè Na'èn-nò xi tìjna ngajmì, isaá nìton sìls'in-nò nga tsjá-nò Inìma Tsjeè-là tsà jñò sjiét'aà-là.

Jngòò ni'ya xi jòya tìjn

(Mateo 12:22-30; Marcos 3:20-27)

¹⁴ Jesús, tíhochrjejin inìma ch'o-là nejí xi tìjin inìma-là jngòò xità xi mikii ma chja. Xità jè, k'e nga jye itjokàjin jè inìma ch'o-là nejí, komà kùichja-ne. Jñà xità xi nchikotsejèn, tà kjòxkón-là jè kjoa jè.

¹⁵ Tanga tìjn i'nga xità xi kitsò:

—Jè xità sko-là xità nejí xi 'mì Beelzebú, jè tsjá-là nga'ño nga k'oḡs'ín ochrjekàjin inìma ch'o-là nejí xi tìjin inìma-là xità.

¹⁶ Tìjn i'nga xità xi mejèn-là skót'aà tsà kixi kjoa nga Nainá kisikasén Jesús; kisijé jngòò-là seña xi jeya tìjn xi ìt'aà ts'e Nainá nchrobá-ne.

¹⁷ Jesús, tìk'eé kijtseèya-là koni s'ín nchisíkìtsjeèn xità koi, kitsò-là:

—Ngats'ii naxandá xi jòya tìjn nga kondrà tìtsajna-là xikjín, ti yijo-laá tísikixòña-ne; tìkoḡá tsà jngòò ni'ya xità xi jòya tìjn nga kondrà tìtsajna-là xikjín tìkoḡá jngòò k'a tsjohoba xità.

¹⁸ Tsà tìkoḡá jè xità nejí, tsà jòya tís'in xi tìjè-ne yijo-là. ¿Kòs'in koma s'e-là nga'ño nga kotìxoma? Jñò, bixón-nò nga 'an, koḡ nga'ño-là Beelzebú ochrjekàjñaà inìma ch'o-là nejí.

19 Tsà k'oas'in tjin kjoa, jña xita tsajòn, çyá xi tsjá-la nga'ño k'e nga ochrjekàjìin neij? Koi kjoa-la, tijnà-ne xita-nò keènojmi nga mìtsà kixi kjoa nga jè sko-la neij sikjeèn.

20 Tanga 'an, k'e nga ochrjekàjñaà inima ch'o-la neij xi tjin inima-la xita, jè Nainá tsjá-na nga'ño. Jè kjoa koi tsòyaà-ne nga Nainá, jyeé i tihotixoma i it'aà nangui.

21 K'e nga jngoò xita xi tjin-la nga'ño kò tjin-la kicha, kò ndaà síkinda ni'ya-la, ndaà jncha tsojmi xi tjin-la.

22 Tanga tsà kjoij jngoò xi k'ejí xita xi isa tse nga'ño tjin-la, sijkijne-la, kjoa'an yije kicha xi ma'ñót'aà takòn, ikjoàn sijjòya yije tsojmi xi tjin-la; kjiko-né.

23 N'iton yá xita-ne xi mì 'an fit'aà-na, jè-né xi kondra-na; koa nita yá xita-ne xi mikii síchját'aà-na nga bíkkóyako-na xita xi ts'an koma, jè tísitsjohoba xita.

Mé xi mat'in xita k'e nga f'ù jngoò k'a-ne inima ch'o-la neij
(Mateo 12:43-45)

24 K'e nga jngoò inima ch'o-la neij bitjokajìin inima-la jngoò xita, yaá ojmeé j'nde ñánda kixi choòn, ótsji'nde nga sijkáya. K'e nga mikii sakó'nde-la, jngoò k'a síkítseèn, tsò: “Kjin-la jngoò k'a-na ni'ya-na ñánda inchrobà-na.”

25 K'e nga bijchó jngoò k'a-ne ni'ya-la, beè nga ndaà kisatiicha kò tsjeé choòn.

26 Ikjoàn fikjaá ngui itoò xíkjin xi isa ch'o s'in. K'ée fahas'en-jìin inima-la xita jè; yaá bitsajna. Xita jè, isaá 'ño ch'o bijna koni s'in tsibijna nga sa itjòn.

Yá xita-ne xi isa 'ño ndaà-la

27 Tik'e-né nga tibenojmi Jesús jña kjoa koi, kiichja jngoò chjoón xi ya tijnajìin-la xita kjìin, 'ño kiichja, kitsò:

—Mé tà ndaà-la jè chjoón xi kisikatsejèn-lè isò'nde tjkoa kisikaki-lè!

28 Jesús kitsò:

—j'isaá ndaà-la jña xita xi 'nchré 'én-la Nainá, tjkoa síkitasòn!

Xita xi kisijé jngoò kjoxkón
(Mateo 12:38-42; Marcos 8:12)

29 K'e nga jye kòkjìin xita ñánda tjna Jesús, tsibít's'ia nga kitsò:

—Xita xi tjin nachrjein j'ndeij, ch'oo s'in; sijé jngoò seña xi it'aà ts'e Nainá, tanga nijngoò seña skoe. Tà jè skoe seña ts'e Jonás.

30 Koni s'in komàt'in Jonás, jña xita naxandá Nínive kijtseè jngoò kjoxkón xi ndaà tjin, 'an xi Ki'ndí-la Xita xan-la yijo-na, k'oaá t's'in tjin jè kjoa xi sa komat'ian; jña xita xi tjin j'ndeij skoeé kjoxkón xi ndaà tjin.

31 Jè chjoón itjòn xi ya otixoma nangui sur, kosítjen-né jè nachrjein k'e nga kojìindaajìin Nainá; jè tsját'in 'én jña xita xi tjin nachrjein j'ndeij, koi kjoa-la nga kjìin nangui j'ii-ne nga j'ii 'nchré-la kjoachjine-la Salomón; tanga nachrjein j'ndeij, 'an xi tichjàkò-nò, isaá 'ño jeya tjnaa mì k'oaá-ne koni Salomón.

32 Jña xita naxandá Nínive kosítjen-né jè nachrjein k'e nga kojìindaajìin Nainá; jña tsját'in 'én jña xita xi tjin nachrjein j'ndeij, koi kjoa-la nga kisikájno jé-la nga mì tì jé tshótsji-ne k'e nga kiichjaya 'én-la Nainá Jonás; tanga nachrjein j'ndeij, 'an xi tichjàkò-nò, isaá 'ño jeya tjnaa mì k'oaá-ne koni Jonás.

Ni'in xi síhiseèn-la xita
(Mateo 5:15; 6:22-23)

³³ Njingoò x̄ita xi síkijna'ma k'e nga jngoò ni'ín bít'a'í. Mìtsà kax̄a síkijnangui; síkijna'nga-né, candelero síkijnaya mé-ne nga kohiseèn yije-là x̄ita xi fahas'en ni'ya.

³⁴ J̄nà xkoaán, jè ma ni'ín xi síhiseèn-là yijo-ná; k'e nga ndaà tsejèn-ná, iseèn choòn yije-là yijo-ná; tanga tsà mìkii ndaà tsejèn-là xkoiin, j̄nò choòn-là yijo-lè.

³⁵ Ndaà chítsejin, ¿a ndaà tíjna in̄ima-lè? ¿A iseèn choòn-là? ¿A xi j̄nò choòn-là?

³⁶ Tsà iseèn choòn kóhokji yijo-lè, tsà mì ñanda tíj'a'áa xi j̄nò choòn, ndaà kotsejin k'oaá ngaya-là koni tsà jngoò ni'ín xi 'ñó títi tíshiseèn-lè.

K'e nga jè Jesús kisikaká-là x̄ita fariseo kò x̄ita chjine xojon ts'e kjot̄ixoma-la Nainá

(Mateo 23:1-36; Marcos 12:38-40; Lucas 20:45-47)

³⁷ K'e nga jye kíichj̄a Jesús, jngoò x̄ita fariseo kíichj̄a-là nga mejèn-là kòkjen-kò ya ni'ya-là. K'e nga jahas'en ni'ya Jesús, tsibijnat'a'áa ím̄ixa.

³⁸ Jè x̄ita fariseo, tà k'oaá komà-là nga kijtsee nga jè Jesús, mìkii kishitasòn kjot̄ixoma xi xkón tíjin, mìkii tsaníjno tsja nga tsakjèn.

³⁹ Kíichj̄a N̄a'èn-ná Jesucristo, kitsò-là:

—J̄nò, xi x̄ita fariseo 'mì-nò, onijnòò ch̄itsín-nò kò chroba-nò ya isò'nga-là, tanga j̄j̄in in̄ima-nò, 'ñó fahaj̄in-nò nga chjaà'an-là tsojm̄i-là x̄ita xi k'ej̄í tíkoaá binchaatsjioò kjoa xi ch'o tíjin.

⁴⁰ J̄nò xi x̄ita tondò 'mì-nò. ¿A mì tíj̄in-nò: Nainá, k'e nga tsibíndaà isò'nga yijo-là x̄ita, tíkoaá tíjè-ne xi tsibíndaà in̄ima-là?

⁴¹ Tj̄i-là x̄ita im̄a kjondaà xi tíj̄in in̄ima-nò mé-ne nga tsjeè k̄itasjnaa nguixkõn Nainá.

⁴² 'im̄a xó-nò xi x̄ita fariseo 'mì-nò! Nga ma-nò bíchj̄í-là Nainá xi teya okò-là ts'e xka menta kò xka ruda ngats'ii xka xi ma chine, tanga mìkii kjoa kixi níkoò x̄ita; mìkii tjòcha 'yaà Nainá. Koií kjoa xi 'ñó mochjeèn nga k̄itasòn; tíkoaá mochjeèn-né nga k̄itasòn j̄nà kjoa xi i'nga.

⁴³ 'im̄a xó-nò xi x̄ita fariseo 'mì-nò! Nga mejèn-nò nga j̄nò k̄itsané íxile xi jncha ítjòn ya ni'ya ingo sinagoga, tíkoaá mejèn-nò nga skoexkón-nò x̄ita xi k'ej̄í, ndaà s̄ixat'aà-nò ya nd̄itsin.

⁴⁴ 'im̄a xó-nò j̄nò x̄ita xi okoòya kjot̄ixoma-là Nainá xi kiskii Moisés kò xi x̄ita fariseo 'mì-nò xi jò ma isén-nò! K'oaas'ín titsjòò koni kjoàn ngajo-là mik'en nga mìkii tsejèn; k'e nga binchimasòn x̄ita, mìkii beè mé xi jnchaya.

⁴⁵ K'ée kitsò jngoò j̄nà x̄ita chjine xojon:

—Maestro, k'e nga k'oaas'ín nokjoi, tíkoaá 'on nokjoàkò-nájen.

⁴⁶ Jesús kitsò:

—Tíkoaá, im̄a xó-nò j̄nò xi x̄ita chjine xojon 'mì-nò! Nga binè-là kjot̄ixoma-nò x̄ita xi k'ej̄í xi 'ñó 'in tíjin nga mìkii ch̄íkjoa-là nga síkitasòn, tanga j̄nò, n̄i ítsé n̄ichj̄at'aà-là.

⁴⁷ 'im̄a xó-nò xi bindaà ch̄rjò-là mik'en ts'e j̄nà x̄ita xi kíichj̄a ngajo-là Nainá! J̄nà x̄ita jchínga-nò kisik'en.

⁴⁸ K'oaá s'ín bitjo kixi kjoa nga tíjngoò-takòn nga x̄ita jchínga tsajòn kisik'en x̄ita koi, koa j̄nò, bindaà ch̄rjò-là mik'en.

⁴⁹ 'Xi kjohítsjeèn ts'e Nainá kitsò-né xi ít'aà ts'e x̄ita jchínga-nò kò tsajòn: "Síikasén x̄ita xi kíichj̄a ngajo-na kò x̄ita xi 'an kot̄ixáya-là; tanga tíjin xi sík'en koa tíjin xi kondra kjoí tjingui-là."

⁵⁰ Nainá kindaa sɔjɛ́-lá j̄nã x̄ɪt̄a xi t̄j̄n j̄'ndeɪ, j̄nɪ xi kixix̄te'èn ngats'ìl̄ x̄ɪt̄a xi k'en xi k̄iichj̄a ngajo-lá Nainá skanda k'e nga t̄ɪs̄a kisindaà isò'nde;

⁵¹ mats'iāk̄o-ne Abel x̄ɪt̄a xi k'en it̄j̄òn skanda j̄è Zacarías xi j̄yehet'aà-ne nga k'en; j̄è x̄ɪt̄a xi k'en ya j̄'nde j̄ngoò osen-lá ñánda t̄j̄na Ni'ya Tsjeè-lá Nainá k̄o ñánda b̄inchásòn k̄jot̄j̄ò xi tsj̄á-lá Nainá j̄nã x̄ɪt̄a. K'oáá xán-nò, j̄è Nainá sɔjɛ́-lá kindá j̄nã x̄ɪt̄a xi t̄j̄n j̄'ndeɪ.

⁵² 'j̄ɪm̄a xó-nò j̄n̄ò x̄ɪt̄a xi okoóya k̄jot̄ixoma-lá Nainá xi kiskii Moisés! B̄inchachjoà-là x̄ɪt̄a xi k̄j'ej̄í nga mikii k̄joahas'en-j̄iìn-lá k̄joa ch̄j̄ine-lá Nainá; j̄n̄ò, mikii bitjaàs'en-j̄n̄ò k̄o mikii biì'nde-là xi k̄j'ej̄í x̄ɪt̄a nga fahas'en-j̄iìn k̄joa ch̄j̄ine-lá Nainá.

⁵³ K'e nga j̄yè ok̄tsò Jesús j̄nã 'én koi, j̄nã x̄ɪt̄a xi okóya k̄jot̄ixoma-lá Nainá k̄o x̄ɪt̄a fariseo 'ñó tsibit'aà-lá nga k̄j̄ìn skoya k̄joa kiskònangui-lá,

⁵⁴ t̄ikoā kisikinda nga skoé mé 'én xi k̄ichj̄a-isa mé-ne nga koma kohòngui-ne j̄t'aà ts'e x̄ɪtaxá.

12

Kjoa ts'e x̄ɪt̄a xi j̄ò isén t̄j̄n-lá

¹ K'e nga j̄yè 'ñó k̄j̄n j̄m̄ii kòk̄j̄ìn x̄ɪt̄a, ch̄j̄ba-lá ot̄j̄no, ot̄it'aà x̄ik̄j̄ìn, tsibíts'iā Jesús nga k̄iichj̄a it̄j̄òn-lá x̄ɪt̄a xi kota'yat'aà-lá; kitsò-lá:

—T̄ikindā yijo-nò j̄t'aà ts'e x̄ɪt̄a fariseo xi j̄ò isén t̄j̄n-lá; k̄i k'oáá s'ín komat'ioòn koni ma na'yò san nga s̄ísan x̄ik̄j̄ìn k'e nga ót̄ij̄iìn-lá.

² Ni mé t̄j̄n xi t̄j̄tsa'ma xi mikii k̄otsej̄èn; ngats'ìl̄ xi t̄j̄'ma, j̄chaá-lá.

³ Ngats'ìl̄ k̄joa xi k̄inók̄joa'maa k'e nga n̄it̄j̄en, k̄j̄i'nchré yije x̄ɪt̄a k'e nga nachr̄ej̄in; j̄è k̄joa xi ya k̄inók̄joa'maa j̄ya ni'ya-nò, j̄án isò'nga ni'ya, 'ñó k̄iná'ya-lá.

Yá-né xi kiskón-lá

(Mateo 10:26-31)

⁴ J̄n̄ò xi am̄igo ts'an xan-nò, k̄i tsakjoòn-lá j̄nã xi ma-lá s̄ik'en yijo-ná; k'e nga j̄yè ma, n̄i t̄i mé xi s̄iko-isa-ná.

⁵ An, k'oáá xán-nò yá xi kiskón-lá; j̄è xi t̄iskón-lá, j̄è xi ma-lá s̄ik'en-ná, īk̄joàn t̄j̄'nde-lá nga s̄ikat̄j̄en-j̄iìn-ná ñánda t̄it̄i ni'in xi ts'e k̄j̄o'in. K'oáá xan-nò, j̄è xi t̄iskón-lá.

⁶ K'e nga 'òn ndí n̄ise, saá j̄ò t̄on sat̄j̄na-ne. T̄anga Nainá, t̄j̄n-lá kindá. N̄ij̄ngoò n̄ise s̄j̄ch̄aaj̄iìn.

⁷ Xi j̄t'aà tsaj̄òn, isaá 'ñó tse ch̄j̄i-nò m̄i k'oáá-ne koni nas'in 'ñó k̄j̄ìn ma n̄ise. Skanda tsj̄askoò t̄ixkeya yije-lá Nainá. K̄i tsakjoòn-j̄èn, nga Nainá 'ñó ndaa s'in-nò kindá.

J̄nã xi beèxkón Jesús nga nguixk̄on x̄ɪt̄a

(Mateo 10:32-33; 12:32; 10:19-20)

⁸ Ngats'ìl̄ x̄ɪt̄a xi tsj̄á 'én nga nguixk̄on x̄ɪt̄a nga 'an fit'aà-na, t̄ikoaá 'an xi Ki'ndí-lá X̄it̄a xan-lá yijo-na, tsjaà-lá 'én j̄nã àk̄jalé-lá Nainá nga x̄ɪt̄a ts'an xan-lá.

⁹ T̄anga j̄è xi k̄j̄ój̄na'mat'in-na nga nguixk̄on x̄ɪt̄a, t̄ikoaá s̄i'mat'in-né nga nguixk̄on àk̄jalé-lá Nainá.

¹⁰ Ngats'ìl̄ x̄ɪt̄a xi ch'ò tsò 'én xi k̄ichj̄aj̄no-na 'an xi Ki'ndí-lá X̄it̄a xan-lá yijo-na, j̄chat'aà-lá j̄é-lá; t̄anga j̄nã xi k̄ichj̄aj̄no-lá In̄im̄a Tsjeè-lá Nainá mikii j̄chat'aà-lá j̄é-lá.

11 'Jñò, k'e nga kjiiko-nò xita ya ni'ya ingo sinagoga, ya nguixkon xita itjòn ko ts'e xitaxá, kì makájno-nò kó s'in kixón nga kosiko yijo-nò mé 'én xi kìnókjoaa.

12 K'e nga kijchò hora nga kìnókjoaa, jè Injima Tsjeè-la Nainá, keènojmiya-nò kó s'in kixón.

Xi ts'e kjoa nchiná

13 Jngoò xita xi ya tijnajin-la xita kjin, kitsò-la Jesús:

—Maestro, kot'in-la jè 'ndsè kàtasijòya tsojmi-la xita jchínga-najen; xi 'an oko-na, kàtatsjá-na.

14 Tanga jè Jesús kitsò-la:

—Ji amigo, mìtsà xitaxá tjin-na nga 'an s'jòya-nò tsojmi xi tsajòn.

15 Jesús tikoaaá kitsò-isa-la:

—Chítsejèn, tikoá t'een kindá yijo-nò; kì 'ñó kjin tsojmi binchaàtsjioè i isò'nde; nga jngoò xita, nas'in 'ñó kjin tsojmi tjin-la, mìkì s'ikínakon tsojmi-la.

16 Tikoaaá tsibénojmi jngoò-la kjoa xi mangásòn; kitsò-la:

—Jngoò k'a jngoò xita xi 'ñó nchiná, 'ñó kjin tsojmi kòjchásòn nangui-la.

17 Xita jè, kisikitsjeèn; kitsò: “¿Mé xi s'iaàn? Tsjin-na ñánda kìnchaàxkoá tsojmi-na.”

18 K'ée kitsò: “Jyeé be mé xi s'iaàn. Siikixòña ni'nga-na, ijkòàn kindaa-isa xi isa i kjoàn; yaá kìnchaàxkoá yije kòhotjin tsojmi xi kòjchá-na ko xi tjin-na.

19 Ijkòàn xán-la yijo-na: Kjin tsojmi 'nchaxkó-na. Kjin nó koma-la; siikjáya, kókjeen, skiaa, siitsjakoaa isò'nde.”

20 Tanga jè Nainá kitsò-la: “Ji xi xita tòndo 'mì-lè, nitjen jè, kijá-né. Tsojmi xi 'nchaxkó-lè, zyá ts'e koma?”

21 K'oaá s'in mat'in jña xita xi tà tsojmi ts'e yijo-la bincháxkó koá mìtsà xita nchiná nga nguixkon Nainá.

Kós'in s'kindá Nainá jña xi ixti-la ma

(Mateo 6:25-34)

22 Nga komà iskan Jesús kitsò-la xita xi kota'yat'aà-la:

—Koií k'oa xan-nò: kì makájno-nò mé tsojmi xi chjinee nga sijchá yijo-nò ko mé nikje xi chikjá.

23 Isaá 'ñó tse chji-la nga titsajnakoaán i isò'nde koni jña tsojmi xi ma chine. Tikoaaá yijo-ná, isaá 'ñó tse chji-la koni jña nikje xi chikjá.

24 Chítsejèn-la jña nchraá; mì jnoó 'beé, mì njjin bincháxkó, tsjin-la kaxa nojmé, tikoá tsjin-la ni'nga; tanga jè Nainá tsjá-la tsojmi xi kine. jñò, isaá 'ñó chji-nò mì k'oaá-ne koni jña cho xi tijnajin isén!

25 Jñò, nas'in takó 'ñó s'ikájnoò, ni itsé koma s'ikatonè-la nàchrjein-nò koni s'in tjinndaà-la Nainá.

26 Tsá mìkì ma-nò nikitason kjoa xi chiba tjin, mé-ne nga jè nikájno-nò kjoa xi isa chjá tjin.

27 Chítsejèn-la naxó lirio, kó s'in majchá; mìkì síxá, mìkì ma-la faña nikje; tanga 'an, k'oaá xan-nò, ndaa tsá jè Salomón xi xitaxá itjòn tsibijna nga 'ñó xita jeya, mì k'oaá kjoàn nikje tsohòkjá koni kjoàn jña naxó.

28 Nainá, k'oaá s'in ndaa kjoàn s'in xka ijña, xi jngoò nàchrjein titsajnakon ko xi ma nchijòn kotsjòjiln ni'in. Jñò xi xita 'mì-nò xi mìkì ndaa mokjein-nò, ¿a mìtsà isa niton tsjá-nò Nainá nikje xi mochjeen-nò nga chikjá?

29 Jñò, kì nikájno-jèn; kì bixón-jèn: “¿Mé xi chjineé; mé xi s'ioaa?”

30 Ngats'i xita isò'nde, k'oaá tjin tsojmi xi ótsji, tanga jñò, tjinnaà-nò Na'èn xi Nainá; jyeé tjin-la nga kotjin tsojmi xi mochjeen-nò.

³¹ Jñò, tìnchátsjioò kjoa ts'e Nainá koni s'ín otíxoma; ngats'iì tsojmì xi mochjeén-nò tìkoáá tjoésòn-nò.

Tsojmì xi 'ñó tse chí-là ngajmii
(Mateo 6:19-21)

³² Jñò, xi ndí orrè-na xan-nò, kì tsakjoòn-jèn; k'oaá s'ín kiskoòsòn-là Nainá nga jñò kotìxomakjoò ya ñánda tíhotíxoma Nainá.

³³ Tatijnaá tsojmì xi tjin-nò; tjiì kjetjò-là jñà xita xi mochjeén-là; k'e nga tsà k'oas'ín s'een, k'oaá ngaya-là koni tsà nchisakò ngajo-nò chijtsa ton ján ngajmii xi mìkii majchínga; sakò-nò tsojmì xi 'ñó tse chí-là ján ngajmii ya ñánda mìkii kjoehet'aà, mìkii bijchó chijé, tìkoá mìkii síkje cho kixo.

³⁴ Ya ñánda kìnchajtiòn tsojmì-nò, tìkoáá yaá sìikítsjeèn inìma-nò.

Chì'nda xi ndaà títajnaandaà

³⁵ 'Ndaà títajnaandaà nga sìkitasòn-là Na'èn-ná koni jngoò xita xi ndaà tìkjá xincho-là ko ndaà títi ni'ín-là.

³⁶ K'oaá s'ín ndaà títajnakoon koni jñà xita chí'nda xi nchikoña-là nei-là xi s'eí kòfi ñánda kòbixan xita, mé-ne k'e nga kjoí-ne, nei-là ni'ya kichja, sìikjane xotjoa ni'ya, ìkjoàn skix'a-là.

³⁷ Mé tà ndaà-là jñà xita chí'nda xi títajnakon k'e nga kjoí-ne nei-là. Xi okixi, k'oaá xán-nò, jè sobà nei-là skoé nikje ot'aà-là nga koò't'aà koá sìikítsajnat'aà imixa-là, ìkjoàn sìikjèn.

³⁸ Mé tà ndaà-là jñà chí'nda xi kos'ín títajnakon nas'ín jye ijchò osen nìtjen, nas'ín jye nchrohós'e isén nga kjoí-ne nei-là.

³⁹ Tíjii-nò tsà jngoò nei-là ni'ya sjiin-là mé hora kjoí xita chijé nga sìichijé-là, kíjnakon-né nga mìkii tsjá'nde nga kochijé-là.

⁴⁰ Jñò, k'oaá tìs'ín títajnaandaà; 'an xi Kì'ndí-là Xita xan-là yijo-na, kjoí jingoò k'a k'e nga mìkii tìtsachiña kjoaa.

Chì'nda xi mì ndaà s'ín
(Mateo 24:45-51)

⁴¹ Pedro kiskònangui, kitsò:

—Na'èn, jè kjoa mangásòn xi tinokjòl, ¿a tà jiiin xi ot'i-mì-nájen, a xi kóhotjín xita?

⁴² Kitsò Na'èn-ná Jesús:

—K'oaá xán-nò yá-né xi chí'nda kixi xi tjin-là kjoachjine nga jè nei-là sìikijna'nda jñà chí'nda-là xi i'nga xi ya síxá ni'ya-là mé-ne nga k'e kíjchò chiba-là, sìikjèn chí'nda xikjín.

⁴³ Mé tà ndaà-là jè chí'nda xi k'oas'ín ndaà tísikitasòn k'e nga kjoí-ne nei-là.

⁴⁴ Okixii xi xan-nò, nei-là chí'nda jè, jè sìikijna'nda yije tsojmì xi tjin-là.

⁴⁵ Tanga tsà jè chí'nda jè kítso nga koòko inìma-là: “Nei-na, kjin nàchrjein kochrjein-là nga kjoí-ne.” Ìkjoàn kojits'ia nga skaàn-ko chí'nda x'ín xikjín, tìkoá k'oeè-là jñà chí'nda íchjín; kòkjen, koá skoí, koá koch'j.

⁴⁶ Chí'nda jè, kjoí-ne nei-là jè nàchrjein ko jè hora k'e nga mìkii tíkoña-là. 'Ñó tse kjo'in tsjá-là; yaá sìikijnajiiin-là ñánda títajna xita xi mìkii mokjein-là.

⁴⁷ Jè chí'nda xi jye ndaà tíjiiin-là mé xi mejèn-là nei-là, tanga mìkii bijnaandaà, tìkoá mìkii sìkitasòn koni s'ín síjé nei-là, koií jè xi koma-là nga 'ñó kojá-là nei-là.

⁴⁸ Tanga tsà jè chí'nda, tsà mìkii tíjiiin-là nga kjo'in tjin-là kjoa xi ch'o tjin, isaá chiba kjo'in s'e-là. Jè xi tse kitjoé-là, isaá tse síjé-là; tìkoá jè xi tse kjòngatsja, tìkoáá isaá tse síjé-là.

Mé xi koma ya ni'ya-la xita xi je ngatji-la kjoa ts'e Jesús
(Mateo 10:34-36)

⁴⁹ Koni jngoo ni'in xi oka tje ko sikijne-ngui xi tsjeè, koi xá j'i-na i it'aà nangui nga kjoaxin-la je-la xita me-ne nga kotsjeè-ne. Tsi mejen-na tsá jye tibitasòn.

⁵⁰ K'oaá s'in tjinè-na nga tse kjo'in kotojñaà; jtsí ndaà makájno-na skanda k'e nga kitsòn!

⁵¹ ¿A k'oaá s'in nikítsjeèn nga je kjoa xi j'ikoaa nga 'nchán kitsajna xita? Majin, xán-nò, kjoasii kitsajnajin je ngatji-la kjoa ts'an.

⁵² Mats'ia-ne skanda i'ndeí kóni nga fi-isa nachrjein, k'oaá ngaya-la tsá 'òn ma xita xi titsajna nga jngoo ni'ya, jòya koma; xi ján ma-ne skaàn-kjoòko xi jò ma-ne, jña xi jò ma-ne skaàn-ko xi ján ma-ne.

⁵³ Jò skoya s'e. Na'èn-la, kondra-laá koma je ki'ndí-la; koa je ki'ndí-la, kondra-laá koma na'èn-la; nea-la, kondra-laá koma tsòti-la; je tsòti-la kondra-laá koma nea-la; nachiya-la, kondra-laá koma je kja'nda-la; je kja'nda-la kondra-laá koma nachiya-la.

Seña ts'e nachrjein

(Mateo 16:1-4; Marcos 8:11-13)

⁵⁴ Jesús tikoaa kitsò-la jña xita xi kjin ma-ne:

—K'e nga 'yaà nga nchrobá ifi, bixón-nò: "Jtsí k'oa." K'oaá s'in bitasòn.

⁵⁵ K'e nga 'ba tjo tsje, bixón-nò: "Ndobá kotsje." K'oaá s'in bitasòn, mat-sje-né.

⁵⁶ jñò, xita xi jò ma isén-nò! Maá-nò chitsejen-là kó choòn it'aà ngajmii ko it'aà nangui, koa, ¿me-ne nga mikii ma-nò 'nè kindá mé kjoa xi tima jña nachrjein xi titsajnaà?

Mé xi komat'iaán tsá mikii niton kındaajin-koá kondra-ná

(Mateo 5:25-26)

⁵⁷ ¿Mé-ne nga mi tà jñò bindaajin-là xinguiqo nga kàtakixiya kjoa xi tjin-nò?

⁵⁸ K'e nga onguió ján nguixkon xitaxá ko kondra-lè, tinchátsji'nde-la ya iya ndiyá mé-ne nga koma jchibàndaà-nò nga mi ya kjiko-lè it'aà ts'e xitaxá koa je xitaxá mi ya siingatsja-lè it'aà ts'e policia koa je policia nga mi ndayá skinis'en-lè.

⁵⁹ K'oaá xan-lè, mikii koma kitjoo-ne ndayá skanda k'e nga kichítjji yijo-lè nga yije xi siijé-lè xitaxá.

13

Mé xi koma tsá mikii sikájno je-la jña xita

¹ Tijnà-ne nachrjein koi, ijchò xita xi tsibénomí-la Jesús nga je Pilato tsatixá-la xita nga taña kisik'en-kjoò cho ko xita Galilea k'e nga nchitsjá-la kjetjò Nainá. Kisikátjjiin jni-la cho ko ts'e xita.

² Kiichja Jesús, kitsò:

—Jñò, ¿a k'oaá s'in nikítsjeèn nga isaá tse je tjin-la jña xita Galilea nga k'oaá s'in komat'in?

³ Majin, xán-nò; tsá mikii sikájnoò je-nò nga mi ti je kinchátsji-nò, jñò, kiyá yije-nò.

⁴ K'e nga k'en jña xita xi chrj'oòn ján ma-ne xi kiskaànè chrjò ts'e torre Siloé, ¿a k'oaá s'in nikítsjeèn nga isaá tse je tjin-la xita koi nga kos'in komat'in, mi k'oa-ne koni ngats'ii xita xi tjin ján Jerusalén?

⁵ Majìn, xán-nò; tsà mìkìl s̀ikájnoò jé-nò nga mì tì jé kìnchátshi-nò, j̀nò, t̀ikoáá kiyá yije-nò.

Kjoa xi mangásòn-kjoò yá iko xi mìkìl ojà-la toò

⁶ Jesús t̀ikoáá tsibénojmi jngòò-la kjoa xi mangásòn. Kitsò-la:
—Jngòò x̀itá xi kijna jngòò-la i'nde ñánda t̀jín-la toò uva, yaá títjèjìn jngòò-la yá toò iko. X̀itá jè, j'ìi katsejèn-la tsà yijà-la toò, tanga ñimé kisakò-la.

⁷ K'ée kitsò-la jè x̀itá xi t̀jna'nda: “Kó jàn nó nga f'ìi katsejèn-la yá jè, tsà yijà-la toò. Tanga ñimé t̀jín-la. Tìchásòin. Nangui t̀síkits'ón.”

⁸ Jè x̀itá xi t̀jna'nda kitsò: “Ná'èn, t̀ikíjna-là nguì jngòò nó-ìsa. Sikòn-la, s̀ixan-ngui-la ni'nde nga jngòò itjandii; ìkjoàn kingui-la t̀jé'nde.

⁹ Tsà koi nàchrjein-la, kjoa-la toò nó xi nchrobá; tsà majìn, komaá iskan kichásòin.”

K'e nga jè Jesús jngòò chjoón kisindaà-ne nàchrjein ñikjáyá

¹⁰ Jesús, k'e nga tìhokóya jngòò ni'ya ingo sinagoga ts'e x̀itá judío, jè nàchrjein ñikjáyá,

¹¹ ya t̀jna jngòò chjoón xi jye kò chrj'òon jàn nó t̀jna nga xk'én. Jngòò inima ch'o-la nejí t̀sítsit'in koa mì xó kii ma osijna kixi.

¹² Jesús, k'e nga kijtsee, kùichja-la, kitsò-la:

—Chjoón, jyeé ndaà-ne ch'in xi t̀jín-lè.

¹³ Ìkjoàn tsohósòn-la tsja; jè chjoón, ñitòón kjòkixi jngòò k'a-ne, ìkjoàn kitsjaà-la kjondaà Nainá.

¹⁴ Tanga jè x̀itá sko-la ts'e ni'ya ingo sinagoga kòjtí-la nga jè Jesús kisindaà-ne chjoón jè, koi kjoa-la nga nàchrjein ñikjáyá; kitsò-la j̀nà x̀itá xi t̀tsajna:

—Joòn nàchrjein t̀jín nga ma maxá; j̀nà nàchrjein koi komaá kjinchrobà nga kondaà-nò, tanga mìkìl t̀j'nde jè nàchrjein ñikjáyá.

¹⁵ K'ée kùichja Ná'èn-ná Jesús, kitsò:

—J̀nò, xi jò ma isén-nò. Jè nàchrjein ñikjáyá, ¿a mì chíjnda'ño-jèn nchraja-nò ko búrrò-nò nga nachrjenguioò ni'nga nga ongui ñik'ioò nandá?

¹⁶ Ko jè chjoón jè, xi tsòti-la Abraham, jyeé kò chrj'òon jàn nó t̀jín-la nga t̀jít'aà'ño-la x̀itá nejí. ¿A mì koma t̀jájnda'ño ñas'in jè nàchrjein ñikjáyá?

¹⁷ K'e nga jye okitsò Jesús, tà kjòsobà-la ngats'ii x̀itá kondra-la tanga j̀nà x̀itá naḡandá kjòtsja-la koni s'in t̀jín kjoókón xi 'ño jeya t̀s'in Jesús.

*Kjoa xi mangásòn-kjoò xojmá mostaza
(Mateo 13:31-32; Marcos 4:30-32)*

¹⁸ Jesús kitsò:

—¿Mé xi k'oas'in mangásòn-kjoò koni s'in otíxoma Nainá? ¿Mé xi siingásòn-kjoaà?

¹⁹ Jè mangásòn-ko koni kji xojmá mostaza; k'e jngòò x̀itá bitjèjìn nangui-la, ìkjoàn bisò, ma'nga; j̀nà ñise xi t̀jima i'ngaá, bíndaà'a t̀jé-la j̀nà chrja-la yá.

*Kjoa xi mangásòn-kjoò na'yo san
(Mateo 13:33)*

²⁰ Jngòò k'a kùichja Jesús, kitsò:

—¿Mé xi s̀ingásòn-kjoaá koni s'in otíxoma Nainá?

²¹ K'oaá ngaya-la koni jè na'yo san, k'e nga jngòò chjoón s̀ikájìn jàn chibá skoan inchrájin, masan yije-né kòhokji na'yo.

Xotjoa xi 'nchrèya kji
(Mateo 7:13-14, 21-23)

²² Jesús, nga tífi ján ndiyá Jerusalén, kjin naxandá jahato nga tsakóya, naxandá xi jtabá kjoàn kọ xi ìi kjoàn.

²³ Jngoò xita xi kiskònangui-la, kitsò-la:

— Na'èn, ɛa chibaá ma xita xi kochrjekajin kjo'in Nainá?

Jè, k'ée kitsò:

²⁴ — T'een-là kjo'ño yijo-nò nga kitjás'een jè xotjoa xi 'nchrèya kji. K'oaá xán-nò: kjin xita komejèn-la kjoahas'en tanga mikii koma kjoahas'en.

²⁵ K'e nga jè nei-la ni'ya kositjen nga kiichjoajto xotjoa ni'ya, jño, tsà nditsiaán titsajnaà, k'ée kits'iaa nga kijnókjoaa, kixón: “Na'èn, chíx'a-najen xotjoa ni'ya.” Jè nei-la ni'ya kitsò-nò: “Mikii bexkon-nò ñánda-ne tsajòn.”

²⁶ K'ée kits'iaa nga kixón: “Tañaá chichiko-lèjen, tikoaa tañaá ki'yòko-lèjen, tikoaa yaá nditsin-najen tsakoòyi.”

²⁷ Tanga jè, tà kitsòo-nò: “K'oaá xán-nò, mikii bexkon-nò ñánda-ne tsajòn. jTinchat'aaxin-ná ngats'ioò xi ch'o 'nè!”

²⁸ Yaá jchihindáyaá, tikoaa sjts'ioòn ni'ñoò k'e nga jchaxkoòn jè Abraham, Isaac, Jacob, ngats'ii xita xi kiichja ngajo-la Nainá nga ya titsajna ñánda tíhotixoma Nainá, koa jño, xin i'nde sjikasén-nò Nainá.

²⁹ Kjoii-ne xita xi kjinchrobà-ne nga ñijòn chrjangui-la isò'nde xi kitsajnat'aà ímixa nga kòkjen ñánda tíhotixoma Nainá.

³⁰ I'nde, tjin xita xi titsajna-tjingui, nga koma iskan jña kitsajna itjòn; tikoaa tjin xita xi titsajna itjòn i'nde, k'e nga koma iskan, jña kjoehet'aà-ne.

K'e nga jè Jesús kiskindàyakeè naxandá Jerusalén
(Mateo 23:37-39)

³¹ Tjè-ne nachrjein ijchò i'nga xita fariseo ñánda tjina Jesús, kitsò-la:

— Tisít'aà xin, jè Herodes mejèn-la sjik'en-lè.

³² Kitsò Jesús:

— Tanguió, kot'in-là xita maña jè: “I'nde kọ nchijòn-lè k'oaá s'iaàn: kochrjekajñaà injima ch'o-la nejì xi tjijn injima-la xita, tikoaa siindaà-na xita xi xk'én; skanda k'e kijchò nachrjein nga kjoehet'aà xá-na.”

³³ K'oaá s'in koma i'nde, nchijòn-lè kọ jngui-lè, kàtjì-isa ndiyá-na. Mikii ndaà tjin nga jngoò xita xi chja ngajo-la Nainá, xin-t'aà kiyá-la naxandá Jerusalén.

³⁴ jño xi xita naxandá Jerusalén tsajòn xi nik'eèn xita xi chja ngajo-la Nainá, kọ binè ndajo jña xita xi Nainá sikasén-nò! jKjin k'a kjomejèn-na nga tsibixkóya ixti-nò koni s'in xa'nda nga bíngui jngaá-la jña ixti-la; tanga jño, mikii kòkjein-nò!

³⁵ Chitsejèn-là ni'ya-nò nga jye tsjein-takòn Nainá; k'oaá xán-nò nga mì tjì kii jchaxkoòn-ná skanda k'e nga kijchò nachrjein nga kixón: “jMé tà ndaà-la jè xi nchrobá ngajo-la Nainá!”

14

Kós'in komà k'e nga kisindaà jngoò-ne xita Jesús xi ch'in chjón-nda tjin-la

¹ Jngoò k'a jngoò nachrjein nikjáya, Jesús kii kjèn ni'ya-la jngoò xita sko-la jña xita fariseo; jña xita koi, nchisikinda mé kjoa xi s'jin Jesús.

² Tikoaa yaá tjina nguixkon Jesús jngoò xita xi ch'in chjón-nda tjin-la (jña xita xi nandá sinchá indso'ba).

³ Jesús kiskònangui-là jñà xità chjine xojon ts'e kjotíxoma-là Nainá kò xità fariseo, kitsò-là:

—¿A tji'nde-né nga sixkii-lá xità jè nachrjein nìkjáya, a xi majìn-né?

⁴ Tanga jñà xità koi, mikii kiichja, tà jyò tsibitsajna. Tanga jè Jesús kiskoé xità jè, kisindaà-ne, ijkjoàn kisikasén-ne ni'ya-là.

⁵ K'ée kitsò-là jñà xità koi:

—Jñò, tsà búrrò-nò, kò tsà nchraja-nò kixoya jngoò ngajo, ¿a mìtsà nìton kìnachrje-nò nas'ín nachrjein nìkjáya?

⁶ Jñà xità fariseo, nì tì mé 'én kiichja-ne.

Xità xi faájìin íxile xi jncha ítjòn

⁷ Jesús, k'è nga kijtsee jñà xità xi xó kinokjoà-là nga nchifaájìin íxile ts'e xità ítjòn ya it'aà ímìxa, tsibénojímí jngoò-là kjoa xi mangásòn, kitsò-là:

⁸ —Tsà xó kìnókjoa-lè ya ni'ya ñánda tjín s'eí nga xità bixan, mikii ya bijnasòin íxile ts'e xità ítjòn, tsà koi nachrjein-là tjín ìjngoò-ìsa xità xi 'ñó ítjòn koni ngaji, xi tìkoá xó kànokjoà-là;

⁹ jè xità xi xó kàchja-nò kitsò-lè: “Tjii'nde-là xità jè nga kàtìjna.” Ngaji, kosobà-lè nga k'ejí íxile kijnasòin ñánda fehèt'aà-ne.

¹⁰ K'è nga xó kìnókjoa-lè, yaá tijnasòin íxile xi fehèt'aà-ne mé-ne k'è nga kjojí jè xità xi xó kàchja-lè, kitsò-lè: “Amigo, tijnat'eii ímìxa ñánda síjna íxile ítjòn.” Ngaji, skoexkón-lè xità xi taña tìtsajnat'aà ímìxa.

¹¹ Jè xità xi 'nga síkìjna yijo-là, isaá nangui kìjna; jè xi nangui síkìjna yijo-là, isaá 'nga kìjna.

¹² Jesús, tìkoáá kitsò-là jè xità xi xó kiichja-là:

—K'è nga xó kìnókjoa-là xità nga kichikojí nga nchisen, o nas'ín nguixòn, kì jñà nokjoà ítjòn-là amigo-lè, 'ndsi, xità xinguii, nì jñà xità indii ni'ya-lè xi xità nchìna, mé-ne nga jñà xità koi, tsà koi nachrjein-là k'oaá tìs'ín kichja ngajo-lè nga kojndà-ne.

¹³ Tà saá k'è nga s'eí s'ìin, jñà tìnókjoa ítjòn-là xità ìma, xi tsjìn tsja, xi mikii ma fi, kò xi mikii tsejèn-là.

¹⁴ Ngaji, k'è nga k'oa'sín s'ìin, ndaà s'e-là inìma-lè nga jñà xità koi mikii koma síjndà ngajo-lè; tanga ngaji, k'ée kochjí ngajo-lè k'è nga kjoáya-là jñà xi xità kixi.

Kjoa xi mangásòn ts'e xità xi kjèn s'eí

(Mateo 22:1-10)

¹⁵ K'è nga kii'nchré jngoò xità xi ya taña tìtsajnat'aà ímìxa, kitsò-là Jesús:

—Mé tà ndaà-là jè xità xi kòkjen ya ñánda tìhotíxoma Nainá!

¹⁶ K'ée kitsò Jesús:

—Jngoò xità, xi s'eí tsibìjna, kjìn xità kiichja-là.

¹⁷ K'è nga ijchò hora-là nga jye kòkjen xità, kisikasén chì'nda-là nga kii kichja-là jñà xità xi xó kinokjoà-là, kitsò-là: “Nchrobá, jyeé tjíndaà yije.”

¹⁸ Ngats'ii xità kisijé kjoa nìjchàat'aà. Kitsò jè xi ítjòn: “Mì-la kii koma kjián; jngoò nangui jye kòhotse; mochjeén-né nga kjián katsejèn-là; kìtsi'bà-lè, tije-là takòin, mikii kjián.”

¹⁹ Jè xi ìjngoò kitsò: “An, 'òn nga nchraja xi bínchi jyeé kòhotse; mejèn-na kjián kat'aà tsà ndaà síxá; kìtsi'bà-lè, tije-là takòin, mikii kjián.”

²⁰ Xi ìjngoò, k'oaá tì kitsò: “An, saá jye kòbixan, koií kjoa-là nga mikii koma kjián.”

21 K'e nga j'iì-ne ch'i'nda jè, tsibénojmi yije-la nei-la ngats'iì kjoa koi. Jè nei-la ni'ya, kòjti-la; k'ée kitsò-la ch'i'nda-la: "T'in nitojin ján nditsin, kóhokji iya ndiyá-la naxandá; nchrohókoi yije xita ima, xi tsjin tsja, xi mikii ma fi, ko xi mikii tsejèn-la."

22 Ch'i'nda jè, nga komà iskan kitsò: "Na'èn, jyeé kòbitasòn yije koni s'in kò'mi-ná, tanga tjin-isa i'nde."

23 K'ée kitsò jè nei-la ch'i'nda: "T'in kóhokji ndiyá teè, kò ndiyá itsji; nchrohókoi xita; k'o'ño t'en-la nga kàtjahas'en mé-ne nga kàtatsee ni'ya-na."

24 K'oaá xán-nò; nijngòò xita xi kichjà ítjòn-la kòkjen-kò-na s'eí-na."

Mé kjo'in xi singui nga onguítjngui-lá Cristo

(Mateo 10:37-38)

25 'Nó kjin xita tjingui-la Jesús; kisikáfayat'aà-la, kiichja, kitsò-la:

26 —Tsà yá xi mejèn-la nga 'an kjinchrobà-tjingui-na, tsà jè yijo-la, tsà na'èn-la, tsà nea-la, tsà chjoón-la, ixti-la, 'ndse, ndichja, tsà isa tjòkéè mì k'oaá-ne koni 'an, mikii koma nga xita ts'an xán-la nga 'an kota'yàt'aà-na.

27 Jè xi mikii síkitasòn koni jngòò xita xi 'yajen krò-la, tsà mikii tijnandaà nga síkjein kjo'in nga 'an kjinchrobà-tjingui-na, mikii koma nga xita ts'an xán-la nga 'an kota'yàt'aà-na.

28 Jhò, tsà mejèn-nò nga chrjó torre kíndaà jngòò, za mìtsà ítjòn jchòsòn-là kó tjin singui chji-la, a tjin-nò ton xi sindaà yije-ne?

29 Tsà koi nachrjein-la tà jè tàts'en chrjó sijna. Tsà mikii kongásòn yije chrjó, ngats'iì xita xi skoé kjinòkéè-né.

30 Kitsò: "Jhà xita koi tsibits'ia nga kiskimittjen chrjó ni'ya tanga mikii kisikjehet'aà."

31 Tsà jngòò xitaxá ítjòn xi mejèn-la koiits'ia kjoichán nga skaàn-kjoòko xijín xi ngásòn xitaxá ítjòn, za mìtsà ítjòn skòsòn-la tsà te jmiì ma xita-la, a kichikjoaá-la nga skaàn-kò tsà kaàn jmiì ma xita kondra-la?

32 Tsà beè-la ikon nga mikii kichikjoa-la, tik'ée-ne nga kjiin tjina xitaxá ítjòn xi ljngòò, síkasén xita xi kjoì síjé kjoa'nchán.

33 K'oaá tís'in tjin, ngats'ioò, nita yá-nò xi mejèn-nò nga xita ts'an koma, ítjòn tikitsjeèn, a sijngòò-takòn nga síchjaà yije tsojmì xi tjin-nò. Tsà majin, mikii koma nga xita ts'an xán-nò.

Jhà xita xi kota'yàt'aà-la Cristo, k'oaá s'in ngaya-la koni naxa

(Mateo 5:13; Marcos 9:50)

34 'Jè naxa, ndaà-né; tanga tsà mì tì kii síjnchra-ne tsojmì, çkò tís'in kochjeén-ne?

35 Mì tì mé chji-la; mì tì kii kochjeén-la nangui; mì tì kii kochjeén-ne koni tjé'nde, tà xíxteèn-né. ¡Ndaà tina'yaà koni xan-nò!

15

Kjoa xi mangásòn ts'e paxtò xi kisakò-ne orrè-la

(Mateo 18:10-14)

1 Jhà xita-la xitaxá Roma xi síkíchítjì tsojmì kò jhà xita xi ch'o tjin kjoa xi s'in, ijchò kinchat'aà chraña-la Jesús nanda tjina, nga mejèn-la kji'nchrè-la.

2 Jhà xita fariseo kò xita xi okóya kjoitixoma-la Nainá xi kiskii Moisés kiichjajno-la Jesús, kitsò:

—Xita jè, ndaà ókò jhà xita xi ch'o s'in, tikoaá tañaà kjèn-kò.

3 Jesús, k'ée tsibénojmi jngòò-la kjoa xi mangásòn, kitsò-la:

4 — Tsà jngòò x̄ita tsajòn xi t̄jín-la jngòò sìndò orrè, tsà ch̄ija jngòò orrè-la, ¿a mìtsà sìk̄ítsajna j̄iìn ījñá j̄ñá xi ñ̄ijòn kaàn kò chr̄j'òòn ñ̄ijòn ma-ne? Īkjoàn k̄oj k̄átsji jè xi kich̄ija skanda kó nga sakò-la.

5 K'e nga jye sakò-la, tsjaá koma-la; koa'nga kohòsòn chr̄ja-la.

6 K'e nga k̄ijchò-ne ni'ya-la, k̄ich̄ja-la amigo-la kò x̄ita ind̄ii ni'ya-la, k̄itso-la: “T̄itsjako-ná, jye k̄asakò-ne orrè-na xi kich̄ija.”

7 K'oaá xán-nò, k'oaá t̄is'ín is̄a ndaa s'e kjotsja ján ngajm̄ii it'aa ts'e jngòò x̄ita jé xi síkájno jé-la nga mì t̄i jé ótsji-ne, mì k'oaá-ne koni tsà ñ̄ijòn kaàn kò chr̄j'òòn ñ̄ijòn ma-ne xi t̄jín-la ok̄ixi xi mik̄ii mochjeén-la nga sìikájno jé-la.

Kjoa xi mangásòn ts'e chjòón xi kisakò-ne ton-la

8 “Tsà jngòò chjòón xi te ma-ne ton-la, tsà ch̄ija jngòò ton-la, ¿a mìtsà kokà ni'ín, t̄ikoa kot̄icha inga ni'ya-la; ndaa ndaa kohòtsji ton-la skanda kó nga sakò-la?”

9 K'e nga jye sakò-la, k̄ich̄ja-la amiga-la kò ích̄jín ind̄ii ni'ya-la, k̄itso-la: “T̄itsjako-ná, jye k̄asakò-ne ton-na xi kich̄ija.”

10 K'oaá xán-nò, k'oaá t̄is'ín t̄jín kjotsja nga nguixkòn àkjale-la Nainá k'e nga jngòò x̄ita jé síkájno jé-la nga mì t̄i jé ótsji-ne.

Kjoa xi mangásòn ts'e ti xi kich̄ija

11 Jesús tsibéngjmi ìjngòò kjoa xi mangásòn; kitsò:

—Jngòò x̄ita xi jò ma ìxti-la.

12 Jè ti xi ma ki'ndí kitsò-la na'èn-la: “Na'èn, t̄jii-ná tsojmi xi 'an kòko-na.” Jè na'èn-la kisijòya yije-la tsojmi xi t̄jín-la, ìkjoàn kitsjaa-la.

13 Xi jye tsato jò ján nachrjein, ti jè, ñ̄itoón tsat̄jna yije tsojmi-la xi kitjóé-la, kisijngòò ton-la. Īkjoàn k̄ii jngòò nāxandá xi 'nó k̄iìn kijna. Yaá kisikjeheya yije ton-la nga tax̄k̄i kisikò yijo-la.

14 K'e nga jye kisikjeheya yije ton-la, ya ì'nde ñánda tsib̄jna, j'ii jngòò k̄jinchrá 'nó; mì t̄i mé t̄jín-la xi kine.

15 K'eé k̄ii síjé-la xá jngòò x̄ita xi ya ì'nde-la nāxandá jè. X̄ita jè, kisikasén ñánda t̄jín-la rancho nga kisikinda ch̄inga.

16 Ti jè, mejèn xó kine chr̄joa najmá xi k̄jèn ch̄inga t̄anga mì yá xi tsjá-la.

17 K'e nga jye k̄jòndaaya-ne k̄joh̄tsjeèn-la kitsò: “¡K̄jìn x̄ita ch̄i'nda t̄jín-la na'èn-na ya ni'ya-la xi ningui-la inchr̄ajín xi k̄jèn, koa 'an, j̄jndé, t̄ibiyaa-ná k̄jinchrá!”

18 K̄jín ìjngòò k'a-na ni'ya-la na'èn-na; k'oaá xán-la: Na'èn, tsee jé tsohotsjià xi it'aa ts'e Nainá xi t̄jna ngajm̄ii kò it'aa tsjii;

19 mì t̄i k̄ii ok'ín-na nga ki'ndí-lè k'óin-ná; k'oaá s'ín jcha-takòn-ná koni tsà jngòò ch̄i'nda-lè.”

20 K'eé tsasítjen, k̄iikon na'èn-la.

T̄ik'eé-ne nga k̄jìin t̄ífi, jè na'èn-la k̄ijtseèkxon, k̄jòhimakeè, tsangachikon, ìkjoàn kitsobákjá ki'ndí-la, kiskine'a.

21 Jè ki'ndí-la kitsò: “Na'èn, tsohotsjià jé xi it'aa ts'e Nainá xi t̄jna ngajm̄ii kò it'aa tsjii; mì t̄i k̄ii ok'ín-na nga ki'ndí-lè k'óin-ná.”

22 T̄anga jè na'èn-la kitsò-la ch̄i'nda-la: “Ñ̄iton nchrobákoò nikje xi is̄a 'nó ndaa jkòàn, t̄ikákjá, t̄ikoa t̄ikjá jngòò t̄angò jnòtsja, t̄jayaá xoxté ndsokò.

23 Tanguíchjaá jngòò nchr̄aja ki'ndí xi 'nó xiné, t̄ik'eèn. ¡Ch̄jineé, s'eí s'eé!

24 Jè ki'ndí-na, maá-na tsà jyeé k'en, t̄anga t̄jnakon-né; kich̄ija-né t̄anga j̄'ndeí k̄asakò-ne. Īkjoàn tsib̄ts'ia s'eí.”

²⁵ Jè ti-la xi ma jchínga, ján tísíxá rancho-la. K'e nga j'ii chraña-ne ni'ya-la, kiil'nchré-la música nga s'eí tjin; xita nchitè.

²⁶ K'eé kiichja jngoò-la chí'nda, kiskònangui-la mé xi tíma.

²⁷ Jè chí'nda kitsò: "Jè 'ndsi kòf'ii-ne; jè na'èn-lè kàsík'en jngoò nchraja ki'ndi xi 'ño xiné, koií kjoa-la nga ndaa kòf'ii-ne jè 'ndsi."

²⁸ Jè ti xi ma jchínga, 'ño kòjti-la; majin-la fahas'en ni'ya; k'eé itjo ni'ya na'èn-la, tsibitsi'ba-la nga kàtjahas'en ni'ya.

²⁹ Kitsò-la na'èn-la: "An, kjò kjin nó sixá-lè; nijké-ne nga mìkìl sikitason-lè; ni saà jngoò ndi tindsó ki'ndi 'bii-ná nga sìtsjakoaa amigo-na.

³⁰ Tanga k'e nga kòf'ii-ne ki'ndi-lè xi kisikjeheya ton-lè, tsojmi-lè, kisikjeheyako íchjín ská; ikjoàn kànìk'en jngoò-la nchraja ki'ndi xi 'ño xiné."

³¹ Jè na'èn-la kitsò-la: "Ngaji xi ki'ndi-na xan-lè, jí tijnako kjit'aa-ná; ngats'ii tsojmi xi tjin-na, tsji-né.

³² Mochjeén-né nga s'eí s'eén mé-ne nga sìtsjakoaa yijo-ná, koi kjoa-la nga jè 'ndsi, jye kòf'ii-ne. Maá-na tsà jyeé k'en tanga tijnakon-né; kichijá-né tanga j'ndeí kàsakó-ne."

16

Kjoa xi mangásòn ts'e chí'nda xi konachan

¹ Jesús tsibénojmi jngoò-la kjoa xi mangásòn, jña xita xi kota'yat'aà-la, kitsò-la:

—Jngoò k'a, jngoò xita nchiná, tjna jngoò-la xita xi síkinda chí'nda. Xita xi kje'ii kii nga nguixkon nei-la nga kitsjaat'in 'én nga tsojmi-la tísikje.

² Jè nei-la, k'eé kiichja-la, kitsò-la: "¿Mé 'én xi tsját'in-lè xita? Tjii-ná kinda kjoa ts'e xá-lè; mì-la tí kii chí'nda sko-la kijna-ne."

³ Chí'nda jè, k'eé tsohóko yijo-la, kitsò: "¿Mé xi s'iaàn? Jè nei-na mì tí kii tsjá-na xá. 'An, mìkìl chíkjoa-na nga sìxákoaa nangui. Masobà-na tsà ton sìjé kjotjoa.

⁴ Jyeé be mé xi s'iaàn mé-ne nga s'e-na amigo xi tsjá'nde-na ni'ya-la k'e nga tjáxin-na xá jè."

⁵ K'eé kiichja jngoò jngoò-la jña xita xi tjen-la ton ts'e nei-la. Kitsò-la jè xi itjón: "¿Kó tjin kitjen-lè ts'e nei-na?"

⁶ Xita jè kitsò: "Jngoò sindo barril asiti kitjen-na." Jè chí'nda kitsò-la xikjín: "Chjóí xojon-lè, tjiní, niton tindaá jngoó xi kje'ii xojon xi tà icháte chí'la."

⁷ Ikjoàn kiskònangui-la xi jngoò, kitsò-la: "Ngaji, ¿kó tjin kitjen-lè?" Xita jè kitsò: "Jngoò sindo naxá trigo kitjen-na." K'eé kitsò-la: "Chjóí xojon-lè; tindaá jngoó xi tà ñijón kaàn chí'la."

⁸ Chí'nda jè, kijtseèxkon nei-la nga tjin-la kjohítsjeèn nga amigo tsohótsji, nas'in ch'o kis'ii nga kiskoónachan-la nei-la. Jña xi mìtsá xita-la Nainá, isaá tjin-la kjohítsjeèn kó s'in ótsji amigo-la xi skoétjò mì k'oaá-ne koni jña xita xi iseèn tjin kjohítsjeèn-la.

⁹ K'oaá xán-nò, tikjeén ton kò tsojmi xi tjin í isò'nde nga kátas'e-nò amigo mé-ne k'e nga mì tí kii kochjeén-ne í isò'nde, ján ngajmii s'e-nò amigo xi skoétjò-nò ya ñánda kitsajnaa nitá mé nachrjein-ne.

¹⁰ Jè xi ndaa sikitason jè kjoa xi chiba tjin, tikoaá ndaa sikitason jè kjoa xi tse tjin; tanga jè xi konachan kjoa xi chiba tjin tikoaá konachan-né kjoa xi tse tjin.

¹¹ Jño, tsà mì ndaa titsanichjeén tsojmi kò ton xi tjin isò'nde jè, mìkìl tjoé-nò kjoa xi ngui ndaa tjin ts'e ngajmii.

¹² Tsà mì ndaà tìtsanìkjeén tsojmì kò tòn xi mì tsajòn-jèn xi Nainá kisingatsja-nò ì isò'nde, tìkooá mìkì tjoé-nò xi ngui tsajòn ján ngajmì.

¹³ Nìjngoo chí'nda xi jò koma nei-la nga sùxà-la; tsà jò koma nei-la, jngoo kojtikeye koo jngoo kotsjakee; jngoo ndaà kjit'aà-la koo ch'o sùkò xi ijngoo. Jñò, tsà kjoa nchíná sùs'in-là, mìkì kòs'in-la kjoa ts'e Nainá.

¹⁴ Jñà xìtá fariseo nga tsjakee tòn, k'e nga kù'nchré ngats'ii kjoa koi, tà tsijnòkèè Jesús.

¹⁵ K'ée kitsò-la jè Jesús:

—Jñò, ndaà nìkìtsajnaà yijo-nò nga nguixkòn xìtá, tanga Nainá, beè inìma-nò nga mìtsà kixì kjoa nga ndaà 'nè. Jè kjoa xi jeya sùkìjna xìtá, Nainá ochrjekàngui-né.

Kjotìxoma-la Nainá xi kiskii Moisés

¹⁶ Jesús kitsò-isa:

—Jñà Xojon-la Nainá xi kiskii Moisés kò xìtá xi kùichja ngajo-la Nainá, jñà tímakjeén xojon koi skanda k'e nga j'ii Juan xi kis'ìn bautizar xìtá. Tjen-ne nachrjein koi, skanda i'nde, tìnokjoáya 'én ndaà-la Nainá kó s'ín otìxoma Nainá. Ngats'ii xìtá xi mejèn-la kjoahas'en-jìin ñánda tíhotìxoma Nainá, bínè-la yijo-la.

¹⁷ "Nò 'in tìjn tsà jè isò'nde kò ngajmì chija, tanga isaà tà 'nò 'in tìjn nga chija jngoo letra ts'e kjotìxoma-la Nainá xi kiskii Moisés. Mìkì chija nìtá kjé-ne —kitsò Jesús.

Kìs'in tsakóya Jesús it'aà ts'e xìtá xi tsjìin xìkjin

(Mateo 19:1-12; Marcos 10:1-12)

¹⁸ —Nìtá ya-ne xi tsjìin chjoón-la ìkjoàn bixan-kò jngoo chjoón xi k'ejí, kjoa chijngui tís'in; tìkooá jè x'in xi bixan-kò chjoón xi kitsjìin x'in-la, tìkooá kjoa chijngui tís'in —kitsò-isa Jesús.

Xìtá nchíná kò xìtá imá xi 'mì Lázaro

¹⁹ Jesús kitsò:

—Tsbìjna jngoo xìtá nchíná xi 'nò ndaà kjoàn nikje chí xi tsohòkjá; nachrjein inchijòn kis'ìn s'eí xi taxkì 'nò ndaà ma.

²⁰ Tìkooá tsbìjna jngoo xìtá imá xi Lázaro k'i'mì, xi jtsé tìjn yijo-la. Yaá bìjna xotjoa ni'ya-la jè xìtá nchíná.

²¹ Xìtá imá jè, fahajìin xó-la jñà xì-la tsojmì xi kine jè xìtá nchíná nga bixòngui ímìxá; tìkooá jñà nañá bìjchó xó nga tomáño jtsé-la.

²² K'e nga k'en jè ndí xìtá imá, jñà àkjale-la Nainá kiko; yaá kisikìjnat'aà-la Abraham. Tìkooá chaán k'en jè xìtá nchíná; ìkjoàn kisihjìin.

²³ "Ya i'nde ts'e mik'en ñánda nga tísikjeín kjo'in jè xìtá nchíná, kiskoòtsejèn, kijtseèxkon Abraham nga kjìin tìjna; yaá tìjnat'aà-la jè Lázaro.

²⁴ Xìtá nchíná, k'ée 'nò kùichja kitsò: "i'Na'èn Abraham, chàhìma-takòn-ná! Tìkasín Lázaro nga kàtasíka'nchi jnótsja ya jìin nandá nga kàtasikijne 'nchán nìjen-na; 'nò tse kjo'in tìsikjiaán ì jìin ni'ín."

²⁵ Jè Abraham kitsò-la: "Na'èn, tìkìtsjìin k'e nga tsijni isò'nde, 'nò ndaà tsijni. Jè Lázaro, kjo'ín kisikjeín, tanga i'nde, ndaà tìjna ijndé. Ngaji, kjo'ín tìnkjeín.

²⁶ K'ooá s'ín tìjn, tìkooá jngoo xajngá jñò xi 'nò nanga kìjna-ikòn mé-ne nga mìkì koma ján kotot'aà jñà xìtá xi ì tìtsajna; tìkooá xi tìtsajna ján, mìkì koma kjinchrobà ijndé."

²⁷ 'Kitsò jè xìtá nchíná: "Na'èn Abraham, 'an bìtsi'ba-lè tìkasín Lázaro ya ni'ya-la Na'èn-na;

²⁸ 'òn ma-ne 'ndèsè xi títsajna; kàtènojímí-là xi òkixí mé-ne nga tíkoá mì ì kjinchrobà-ne ì'nde ts'e kjo'in."

²⁹ Abraham kitsò-là: "Xítà xinguii, jyeé tjin-là xojoñ-là Moisés kò ts'e xítà xi kùichja ngajo-là Nainá; ijñà kàta'nchré-là!"

³⁰ K'ée kitsò jè xítà nchiná: "Majìn, na'èn Abraham, tsà jngoò mik'en xi jye kijtseé kjo'in kjoì ke'nojímí-là, sjikájno jé-la nga mì tì jé kohótsji-ne."

³¹ Jè Abraham kitsò-là: "Tsà mìkiù 'nchré-là Moisés kò xítà xi kùichja ngajo-la Nainá, tíkoáá mìkiù kòkjeiín-là nas'ín kjoááya jngoò-là mik'en."

17

Xítà xi bit'in-ná nga binchaàtsjiaá jé

(Mateo 18:6-7, 21-22; Marcos 9:42)

¹ Jesús kitsò-là xítà xi kota'yàt'aà-là:

—Kjít'aà nàchrjein s'e xítà xi kòit'in-ná nga kìnchàtsjiaá jé, tanga ìma-xó-ne jè xítà xi kòit'in.

² Ìsaá-la ndaà koma tsà singui'ño jngoò ndajo natsí ís'iin, ìkjoàn sikatjen-jìin ndáchikon, mé-ne nga mì jé skìnjìin-ne ndí xítà xi mochjeén-là nga kòkinda.

³ T'een kindà yijo-nò!

"Tsà jè xinguii ótsji jé xi kondra tsjji, tìnókjoá-là nga kàtakixi; tsà sjikájno jé-la nga mì tì jé kohótsji-ne, tìjchàat'aà-là.

⁴ Tsà itoò k'a nga jngoò nàchrjein ótsji jé xinguii xi kondra tsjji, koá tsà sjikájno jé-la koá tsà itoò k'a nga jngoò nàchrjein kjoìkon-lè, kitsò-lè: "Mì tì kù k'oá s'iin-na", tsà k'oá kitsò-lè, tìjchàat'aà-là.

K'e nga mokjeiín-ná it'aà ts'e Jesús

⁵ Jñà xítà xi tsibíxáya-là Na'èn-ná Jesucristo kitsò-là:

—Tisikò-nájen mé-ne nga ìsa'ño ndaà kòkjeiín-nájen it'aà tsjji.

⁶ Jè Na'èn-ná k'ée kitsò:

—Jño, tsà tà òkji kòkjeiín-nò koni kji xojmá mostaza nga itsé kji, komaá k'oín-là yá xanchroò jè: "Chjìnéyi yijo-lè, ìkjoàn ya kátatjen-jìin ndáchikon"; jè yá, k'oáá s'ín sikkitasòn-nò.

Xá-là ch'i'nda

⁷ Jño, tsà tìjna jngoò-nò ch'i'nda xi kàfi síkínchi nchrája, o xi kàfi ka'nda tíndsó, k'e nga kjoì-ne nga kàfi síxá, za k'oín-là: "Tìjni, tìjnat'eii ìmíxa"?

⁸ Majìn, a mìtsà tã sã k'oín-là: "Tìndaà-ná tsojmì xi kókjeen; tìxkóngui níkje-lè; tìya-ná tsojmì xi kókjeen kò xi skiaa. K'e nga jye kjoé koma, ìkjoàn tìchi koá tìoij jì."

⁹ Jè nei-la, tíkoáá mìkiù tsjá-là kjoñdaà ch'i'nda-là nga ndaà kàsikitasòn jè xá xi kàsít'in-là; mìtsà tsò-là: "Ndaà chjì-lè."

¹⁰ Tíkoáá jño, k'e nga jye níkitasòn yije xá xi tsjá-nò Nainá, k'oáá tixón: "Ngajen, tãxkì ch'i'nda-nájen, tà jè kànìkitasòn-jen koni s'ín k'i'mì-nájen."

Kós'ín komá k'e nga jé Jesús, te xítà kisindaà-ne xi tìbindojno chrjoá yijo-la

¹¹ Jesús, k'e nga tífi ján naxandá Jerusalén, jahato ya nangui Samaria kò Galilea.

¹² K'e nga jahas'en-jìin jngoò ndí naxandá xi jtobá kji, te xítà kiskaàjìin ya iya ndiyá xi tìbindojno chrjoá yijo-la; kjiin chincha-ne

¹³ nga'ño kùichja kitsò:

—Jesús, Maestro, chahíma-takòn-nájen!

¹⁴ Jesús, k'e nga kijtseé, kitsò-là:

—Tanguió, takó-là yijo-nò jè nọ'mi.

K'oaá s'ín komà, k'e nga nchifi-ne, kjòtsjeè-ne yijo-la ch'in xi tjin-la.

¹⁵ K'e nga kijtsee yijo-la nga jye kjòndaà-ne ch'in xi tjin-la, jngoò-ne xi inchrobà ijngoò k'a-ne; 'ño kiichja nga kitsjaà-la kjondaà Nainá.

¹⁶ Tsasèn-xkó'nchit'aà-la Jesús skanda it'aà nangui, nga kitsjaà-la kjondaà. Xita jè, Samaria i'nde-la.

¹⁷ Jesús kitsò-la:

—¿A mìtsà te ma-ne xi kòmatsjeè-ne ch'in-la? Jñà xi ñijaàn, ¿ñánda títsajna?

¹⁸ ¿A tà jè tà jngoò xita xi xin nangui-la kànchrobá ijngoò k'a-ne nga tsjá-la kjondaà Nainá?

¹⁹ Jesús kitsò-la xita jè:

—Tísítjiin, t'in-ne; koi-né nga mokjeiín-lè nga kòmandaà-ne.

K'e nga jcha-la kó s'ín kotixoma Nainá

(Mateo 24:23-28, 36-41)

²⁰ Jñà xita fariseo kiskònangui-la Jesús, kitsò-la:

—¿Kjé-né nga jcha-la kó s'ín kotixoma Nainá?

Jesús kitsò-la:

—Koni s'ín otixoma Nainá mìtsà tsejèn jcha-la.

²¹ Mìtsà yá xi kitsò: “Í tjna ijndé”, kọ “Ján tjna ján”; nga jyeé tijnajiin-nò kó s'ín otixoma Nainá.

²² Jesús, kiichja-isa; kitsò-la xita xi kota'yàt'aà-la:

—Kijchò nàchrjein k'e nga komejèn-nò jchaxkoòn-ná nga jye kótijnajiin-nò 'an xi Ki'ndí-la Xita xan-la yijo-na, tanga nàchrjein jè, mìkiì jchaxkoòn-ná.

²³ K'oaá kitsò-nò xita: “Chitjeèn-là ijndé, chitjeèn-là ján.” Tanga ki kii mokjeiín-nò, tikoáá kii kii onguítjngui-là nas'in k'oaá kitsò-nò.

²⁴ Koni ma ni'in ch'on k'e nga ote, ma iseèn kó okji nga jngoò itjandii, k'oaá s'ín koma k'e nga kijchò nàchrjein nga kjoiaa ijngoò k'a xi Ki'ndí-la Xita xan-la yijo-na.

²⁵ Tanga 'an xi Ki'ndí-la Xita xan-la yijo-na, itjòn, tse kjo'in siikjaán; jñà xita xi tjin nàchrjein i'ndeji, kochrjekàngui-na.

²⁶ Koni s'ín komà jñà nàchrjein ts'e Noé, k'oaá tjs'in koma jñà nàchrjein k'e nga kjoiaa ijngoò k'a 'an xi Ki'ndí-la Xita xan-la yijo-na.

²⁷ Xita, tsakjèn, kits'iì, chixàn íchjá kọ íchjín skanda jè nàchrjein nga jahas'en ni'ya chitso jè Noé, ikjoàn j'ii jtsi xkón, yaá jyehesòn yiye xita kóhótjin.

²⁸ K'oaá tjs'in komà nàchrjein ts'e Lot [xita xi tsiniì kitsò-la Abraham]. Jñà xita tsakjèn, kits'iì, tsatse tsojmì, tsatjina tsojmì, tsibítje tsojmì, tsibíndaà ni'ya;

²⁹ tanga jè nàchrjein nga itjojiin jè Lot ya naxandá Sodoma, ts'a jtsi ni'in xi ngajmii inchrobá-ne xi ngui chijo azufre, yaá jyehesòn yiye xita kóhótjin.

³⁰ K'oaá s'ín koma jè nàchrjein k'e nga 'an kítjojen ijngoò k'a xi Ki'ndí-la Xita xan-la yijo-na.

³¹ Jè xi tijnasò'nga ni'ya-la, kii tì kii nchrobájen-ne nga skoé tsojmì xi 'ncha ni'ya-la; tikoáá jè xi tísixájiin nangui-la kii tì kii nchrobá-ne ni'ya-la.

³² Tíkítsjeèn koni s'ín komàt'in chjoón-la Lot.

³³ Nita yá xita xi mejèn-la kochrjetji yijo-la nga mì mé kjo'in sakò-la, tà saá sìichja-né kọ kjo'in kijnajiin; tanga jè xi tijnandaà nga tsjá yijo-la, jè-né xi kítjokàjiin kjo'in nga it'aà ts'an ndaà kijná.

³⁴ K'oaá xan-nò, jè nitjen k'e nga okoma, tjin ni'ya ñánda jò xita kjioòsòn nàchan, jngoò tjamitjen nga kjiko Cristo, xi ijngoò sijna-né nga kjo'in s'e-la.

³⁵ Tikoáá t́jín ni'ya ñánda jò íchjín nchi'o na'yo, jngòò t́ámiltjen nga kjiiko Cristo, xi ĺjngòò síjna-né nga kjo'in s'e-la.

³⁶ Jò xita xi nchisixángui rancho-la, jngòò t́ámiltjen nga kjiiko Cristo, jè xi ĺjngòò sasíjna-né nga kjo'in s'e-la.

³⁷ Jñà xita kiskònangui-la Jesús:

—¿Ñánda-ne nga k'oas'ín koma Na'èn?

Jesús kitsò-la:

—Ya ñánda kijna cho k'en, yaá kítsajnajtín jñà líké.

18

Kjoa xi mangásòn ts'e chjoón ka'àn ko xitaxá ts'en

¹ Jesús tikoá tsibénojmi jngòò-la kjoa xi mangásòn nga mochjeén-né nga mikil síndaàjñaá iníma-ná; nachrjein inchijòn kínòkjoat'aà-lá Nainá.

² Kitsò-la:

—Jngòò naxandá ñánda t́jna jngòò xitaxá xi mikil beèxkón Nainá tikoá mikil beèxkón xita xi k'ejí.

³ Tíya-ne naxandá jè, t́jna jngòò chjoón ka'àn xi f'íikon kjit'aà xitaxá jè nga tsò-la: “Tíndaàjìin-ná kjoa ts'e kondra-na.”

⁴ Jè xita xi t́jín-la xá, mikil xátí tsibíndaàjìin-la, tanga xi komà iskan kisikítsjeèn nga tsibíndaàjìin-la jè chjoón mé-ne nga mì ta tsja síjti-la. Kitsò ijìin iníma-la: “Nas'ín mikil beexoán Nainá, tikoá mikil beexoán xita,

⁵ tanga chjoón jè, 'ñó tísìsìin-na, koi kjoa-la nga kíndaàjìin-la mé-ne nga mì ta tsja í kjoíikon-na, mì ta tsja 'an síjti-na.”

⁶ Kitsò Na'èn-ná:

—Tíná'ya-là koni tsò xitaxá xi tsjín-la okixi.

⁷ Nainá, ¿a mìtsà isá ndaà síis'in-la xita-la xi xó k'oas'ín jaàjìin-ne nga ko nachrjein ko nitjen 'ñó síjé't'aà-la? ¿A mìtsà isá niton síis'in-la?

⁸ K'oaá xán-nò nga isá xátíya koiindaàjìin-la. Tanga k'e nga kjoiaa ĺjngòò k'a 'an xi Kí'ndí-la Xita xan-la yijo-na, ¿a sakó-na xita í isò'nde xi mokjeiín-la í't'aà ts'an?

Kjoa xi mangásòn ts'e xita fariseo ko xita-la xitaxá Roma xi síkíchjítjì tsojmi

⁹ Jesús tsibénojmi ĺjngòò-la kjoa xi mangásòn ts'e xita xi xita kixi tsò-la yijo-la koa ochrjekàngui xi i'nga. Kitsò:

¹⁰ —Jò xita kii ñánda t́jna ingo ítjòn nga kíichjat'aà-la Nainá: jngòò xi xita fariseo, xi ĺjngòò, xita-la xitaxá Roma xi síkíchjítjì tsojmi.

¹¹ Jè xita fariseo, nga síjna kixi, tíchjatjì yijo-la, kitsò: “Nainá, tsjaà-lè kjondaá, ndaà chjì-lè nga 'an mì k'oaá s'iaàn koni s'in xita xi k'ejí xi tsjín-la kjoa kixi, xita chijé, xita ts'en, xita chijngui; nì mì k'oaá s'iaàn koni s'in jè xita xi síkíchjítjì tsojmi.

¹² Jò k'a ótijnachjan nga jngòò xomàna; tsjaà-ná xi teya ngats'ì xi síkijne.”

¹³ Tanga jè xita xi síkíchjítjì tsojmi, kjìin síjna; skanda majìn-la nga kotsejèn ngajmii; tà jè iníma-la 'beé-la; tsò: “¡Nainá, kátas'e-lè kjoimatakòn xi í't'aà ts'an nga xita jè 'mì-na!”

¹⁴ K'oaá xán-nò, xita jè, k'e nga kii-ne ni'ya-la, jyeé xita kixi kitsò-la Nainá; tanga jè xita fariseo majìn. Koi kjoa-la, nita ya-ne xi 'nga síkijna yijo-la, isaa nangui kíjna, koa jè xi nangui síkijna yijo-la, isaa 'nga kíjna.

*K'e nga jè Jesús kisichikon-t'in ndí ixti
(Mateo 19:13-15; Marcos 10:13-16)*

¹⁵ Tikoáá j'iiiko-là ndí ixti mé-ne nga koòt'aà-là tsja; jñà xità xi kota'yàt'aà-là Jesús, k'e nga kijtseèxkon jñà xità xi ijchòko ndí ixti, tsohótiko.

¹⁶ Tanga jè Jesús kiichja-là jñà ixti; kitsò-là xità-là:

—Tjii'nde-là jñà ndí ixti nga kàtjanchrobákon-na, ki binchahikon-là. Jñà xi k'oa s'in tjín inima-là koni ts'e ndí ixti, jñà xi tjín-là kjondaà nga Nainá tíhotixoma-là.

¹⁷ K'oaá xan-nò xi ngui okixi, jñà xi mìkìl kòkjejín-là koni jngoò ndí ixti nga skoé kjondaà-là Nainá nga jè kotixoma-là, mìkìl kjoahas'en-jìin ñánda tíhotixoma Nainá.

Jngoò xità xi ñó nchiná
(Mateo 19:16-30; Marcos 10:17-31)

¹⁸ Jngoò xi xità sko-là kiskònangui-là Jesús kitsò:

—Maestro ndaà, ¿mé xi s'iaàn nga s'e-na kjoabinachon nità kjé-ne?

¹⁹ Jesús kitsò-là:

—¿Mé-ne nga xità ndaà 'mì-ná? Nijngoò xità xi ndaà; ta jngoò jè Nainá xi ndaà.

²⁰ Jyeé tjìiin-lè kó tsò kjotixoma: “Ki kjoa chijnguí 'nì, kì xitàà nìk'in, kì chijé 'nì, kì 'én ndiso nokjoi ìt'aà ts'e xità xi kj'eíí, chàxkoín na'èn-lè kò nea-lè.”

²¹ Xità jè kitsò:

—Ngats'ii kjotixoma koi, jyeé kisikitasoàn kó nga sa chítia.

²² K'e nga kii'nchré Jesús, kitsò-là:

—Ngui jngoò kjoa chija-lè: tatijni yiji kóhótjín tsojmì xi tjín-lè; ikjoàn tika'bí-là xità ima mé-ne nga s'e-lè kjoa machikon-t'in ján ngajmìl. Ikjoàn nchrobátjngui-ná.

²³ Xità jè, k'e nga kii'nchré, tà kjòbaá-là, koií kjoa-là nga 'ñó nchiná.

²⁴ Jesús, k'e nga kijtseé nga 'ñó ba kis'e-là kitsò:

—Jñà xità nchiná, 'íin koma-là nga kjoahas'en-jìin ñánda tíhotixoma Nainá!

²⁵ Ísaaà mì 'in koma-là jngoò cho camello nga kjoahas'en xkon nindoò xi tjahaña-ne nikje, mì k'oaá-ne koni jngoò xità nchiná xi 'ñó tjín-là tsojmì nga koma kjoahas'en-jìin ñánda tíhotixoma Nainá.

²⁶ Jñà xità xi kii'nchré kitsò:

—¿Yá-né xi kítjokàjìin kjo'in?

²⁷ Jesús kitsò-là:

—Jè kjoa xi mìkìl koma-là xità, Nainá komaá-là.

²⁸ K'ée kitsò Pedro:

—Na'èn, ngajen, jyeé kinikítsajna yije-jen tsojmì xi tjín-najen nga tjaatjngui-lèjen.

²⁹ Jesús kitsò-là:

—Okixí xi xan-nò, ngats'ii xità xi kitsjìin-takòn ni'ya-là, na'èn-là, 'ndse, choón-là, ixti-là, nga mejèn-là k'oas'in sjiichá yijo-là koni s'in otixoma Nainá,

³⁰ ngats'ii xità koi, tsojmì xi kisikítsajna, ísaaà tse tjoé ngajo-là jñà nachrjein xi titsajnaà i'nde i isò'nde; koa jñà nachrjein xi sa nchrobá, s'ee-là kjoabinachon nità kjé-ne.

Jesús, jngoò k'a tsibénjmi kjoabiyaa-là
(Mateo 20:17-19; Marcos 10:32-34)

³¹ Jesús kiichjat'aà xìn-là xità-là xi tejò ma-ne, kitsò-là:

—I'nde, ján onguiá Jerusalén; yaá kítasòn yije ngats'ìi kjoa xi tjt'aa xojon it'aa ts'an xi Ki'ndi-la Xita xan-la yijo-na, koni s'in kiskii xita xi kiichja ngajo-la Nainá.

³² Yaá sijnatsja-na it'aa ts'e xita xi mitsà xita judío; kijnokeè-na; ch'o siiko-na; kiichrajno-na;

³³ Kjoa-na, iikjoàn siik'en-na; tanga xi koma jàn nachrjein kjoaáya-na.

³⁴ Tanga jña xita-la mikii kjòchiya-la 'én xi tsibénajmí-la; tji'maá-la; mikii jahas'en-jiin-la koni s'in kitsò Jesús.

Kós'in kisindaà-ne Jesús jngòò xita xi mikii tsejèn-la ya naxandá Jericó (Mateo 20:29-34; Marcos 10:46-52)

³⁵ K'e nga jye tímachrañat'aa nga kijchò Jesús ya naxandá Jericó, jngòò xita ima xi mikii tsejèn-la tijná indii ndiyá; tísijé kjotjò ton.

³⁶ Xita jè, k'e nga kii'nchré nga kjin xita nchifa, kiskònangui mé kjoa xi tíma.

³⁷ K'ée kitsò-la xita nga jè Jesús xi Nazaret ts'e tifahato.

³⁸ K'ée 'nó kiichja, kitsò:

—jJesús, nga ya nchrobàt'aa-ne tje-la xitaxá ítjòn David [nga ji tijná ngajo-la], jchahimatakòn-ná!

³⁹ Jña xita xi tjíma ítjòn, tsohótiko nga jyò kàtijná; tanga jè, isaá 'nó kiichja nga kitsò:

—ji xi ya nchrobàt'aa-ne tje-la xitaxá ítjòn David, jchahimatakòn-ná!

⁴⁰ K'ée tsasijna Jesús; kitsò: “Nchrobákòò.” K'e nga ijchò kasit'aa chraña-la kiskònangui-la, kitsò-la:

⁴¹ —¿Mé xi mejèn-lè nga siiko-lè?

Jè xita xi mikii tsejèn-la, kitsò:

—Na'èn, mejèn-na nga kàtatsejèn-na.

⁴² Jesús kitsò-la:

—jKàtatsejèn-lè! Koi-né nga mokjeiin-lè nga kòmandaà-ne.

⁴³ Xita jè, nitoón kjòtsejèn-la, iikjoàn kiitjngui-la Jesús; jeya kisikijna Nainá. Ngats'ii xita naxandá xi kijtsee kjoa koi, tikoáá jeya kisikijna Nainá.

19

Jesús kjo Zaqueo

¹ Jesús k'e nga ijchò naxandá Jericó, tsibíts'ia nga jahas'en-jiin naxandá.

² Ya tijná jngòò xita xi 'mì Zaqueo xi xita sko-la jña xita-la xitaxá Roma xi síkíchjítjì tsojmì; tikoá 'nó xita nchíná.

³ Mejèn-la nga skoexkon yá-né xi 'mì Jesús; tanga mikii ma kotsejèn-la nga kjin ma-ne xita, nga jtobá kji Zaqueo.

⁴ K'ée tsangachikon ítjòn, iikjoàn tsijin-jno jngòò yá sicómoro nga mejèn-la skoexkon Jesús koni s'in kjoahato.

⁵ K'e nga jahaya ndiyá Jesús, kiskoòtsejèn mijin k'oa kijtseeexkon Zaqueo nga ya tijná'a yá; kitsò-la:

—Zaqueo, nitoón titajin, i'nde, mochjeén-né nga ya siikjaya ni'ya-lè.

⁶ Zaqueo, nitoón tsitajen. Tsjaá komà-la nga kitsjaà'nde-la ni'ya-la.

⁷ Jña xita k'e nga kijtsee nga ya siikjaya ni'ya-la Zaqueo, tsibíts'ia nga kiichjajno-la Jesús; kitsò nga ya siikjaya ni'ya-la xita xi jé tjin-la.

⁸ K'ée tsasijna kixi Zaqueo, kitsò:

—Na'èn, osen tsojmì xi tjin-na tsjaà-la xita ima; koa tsà tjin xita xi 'an kiskoónachaan-la, ñijòn k'a kokji tsjaà ngajo-la.

⁹ Jesús kitsò-la:

—Ngats'ii xita nei-la ni'ya jè, nàchrjein i'ndeji, jyeé kòbitjokàjiin kjoa ts'e jé-la, koií kjoa-la nga k'oas'in mokjeiín-la Zaqueo koni jè xita jchínga-la Abraham.

¹⁰ "An xi Ki'ndí-la Xita xan-la yijo-na, koií xá j'i-na nga j'i katsjià xita xi kichijà, tikoá j'i kàchrjekàjñaà jé-la xita.

Kjoa xi mangásòn xi okóya kjoa ts'e ton

(Mateo 25:14-30)

¹¹ Jña xita, k'e nga nchi'nchré-la Jesús, koni s'in túbénojmi kjoa koi, k'oaá s'in kisikitsjeèn nga yaá koiits'ia nìton nga kotixoma Nainá; nga jè Jesús, jyeé kjomeè bijchó chraña Jerusalén. Koií kjoa-la, Jesús, tsibénojmi jngoo-la kjoa xi mangásòn nga mitsà k'oas'in koma.

¹² Kitsò-la:

—Jngoo k'a, jngoo xita xi tje-la xita ítjòn kii jngoo nangui ñánda 'ño kjiiin nga tjoé-la xá ítjòn, ikjoàn kjinchrobà-ne k'e nga jye tjoé-la xá.

¹³ Tanga k'e nga tikj'eè bitjo xita jè, te xita chi'nda-la kiichja-la nga tse ton kisíngatsja nga jngoo ítjoo; kitsò-la: "Chjoé ton koi, tixáko skanda k'e nga kjoj-na."

¹⁴ Tanga jña xita xi tiya-ne naxandá-la nga jtikeè komà, kisikasén-tjngui i'nga-la xita xi kitsò-la xitaxá ítjòn: "Majin-najen nga jè xitaxá jè kotixoma-najen."

¹⁵ Tanga jè xita jè, k'e nga jye kitjoé-la xá, j'ii ítjoo k'a-ne nangui-la. Ikjoàn kiichja-la ngats'ii xita chi'nda-la xi kisíngatsja ton mé-ne nga skoe kó tjin kisikijne ki'ndí-la jè ton xi kisíngatsja nga jngoo ítjoo.

¹⁶ Jè xita xi j'ii ítjòn kitsò: "Na'èn, ton-lè xi kiníngatsja-ná, te k'a okji kisikijnesòn ki'ndí-la."

¹⁷ Jè xitaxá ítjòn kitsò-la: "Ndaà tjin; ngaji, chi'nda ndaà-né; ndaà kinikjiin ton xi chiba kjóngatsjei; i'ndeji, te naxandá síngatsja-lè xi jì kotixoma-la."

¹⁸ Ijchò ítjoo xi ma-ne jò chi'nda, kitsò: "Na'èn, ton-lè xi kiníngatsja-ná, 'òn k'a okji kisikijnesòn ki'ndí-la."

¹⁹ Jè xitaxá ítjòn kitsò: "Tikoá ngaji, 'òn naxandá síngatsja-lè xi jì kotixoma-la."

²⁰ J'ii ítjoo xi kitsò: "Na'èn, i tjna ton-lè xi kiníngatsja-ná. Ndaà tsibitjoà; pahito tsibitjé'ñoá.

²¹ Kitsakjoón-lè; ngaji, xita jti-takòn-né; chjoí xi mì ngajii tsibijni tikoá bixkoí xi mì ngaji tsibitji."

²² Jè xitaxá ítjòn kitsò: "Ngaji xi chi'nda ch'o 'mì-lè; tijè-ne 'én xi nokjoi sínè-lè jè, nga si: xita jti-takòn-né; chjoí xi mì ngaji tsibijni tikoá bixkoí xi mì ngaji tsibitji.

²³ Tsà jye tjiin-lè, çmé-ne mì yaá kinikijna-ne ton-na ya banco nga kisikijnesòn ki'ndí-la mé-ne k'e nga kjoj ítjoo k'a-na síngatsja-ná ton-na?"

²⁴ K'eé kitsò-la jña xita xi ya títsajna: "Chjaà'an-là ton; jè tji-là xita xi te k'a kisikijnesòn."

²⁵ Jña xita xi oki'mì-la kitsò: "Na'èn, xita jè, jyeé kò te k'a kotjín tjin-la!"

²⁶ Jè xitaxá ítjòn kitsò: "K'oaá xán-nò, ngats'ii xi tjin-la, k'oií-isa-la; tanga jè xi tsjin-la, skanda tjá'aán-la mé xi chiba tjin-la.

²⁷ Tikoá jña xita kondra-na xi majin-la nga 'an kotixoma-la, nchrohóko-ná jindé, tik'eèn nga nguixkoaàn."

*K'e nga jahas'en Jesús ya naxandá Jerusalén
(Mateo 21:1-11; Marcos 11:1-11; Juan 12:12-19)*

²⁸ K'e nga jye okitsò Jesús, kii ítjòn-la xita-la nga kilko ján Jerusalén.

²⁹ K'e nga jye ijchò chraña ñña naxandá xi 'mì Betfagé ko Betania ya chrañat'aà-la jè nindoò xi 'mì Yá Olivo, kisikasén jò xita xi kota'yat'aà-la.

³⁰ Kitsò-la:

—Tanguiò ján ndí naxandá itsé xi kijnat'aà ján; k'e nga kijchoò, yaá síjnat'aà'ño jngoò ndí búrró ki'ndí xi nì sà yá xita bijnasòn-la. Chíjnda'ño, nchrohóko.

³¹ Tsá yá xi kjonangui-nò, tsá kitsò-nò: “¿Mé-ne chíjnda'ño-nò?”, tìn-là: “Jè xó Na'èn-ná Jesús kochjeén-la.”

³² Kii ñña xita-la; k'oaá s'ín kisakò-la koni s'ín tsibénojmi-la Jesús.

³³ K'e nga nchikíjnda'ño ndí búrró ki'ndí, kitsò nei-la:

—¿Mé-ne chíjnda'ño-nò ndí búrró?

³⁴ Ñña xita-la Jesús kitsò:

—Jè xó kochjeén-la Na'èn-ná Jesús.

³⁵ K'e nga ijchòko ñánda tíjna Jesús, ñña kisikjeén nikje-la nga tsohójtja-la ndí búrró; ikjoàn kisikijnasòn-la.

³⁶ Koni s'ín tífi Jesús, ñña xita tsohójngoò nikje-la ya iya ndiyá.

³⁷ K'e nga jye kjòchrañat'aà nga nchifíjen ya nindoò Yá Olivo, ngats'ii xita xi kota'yat'aà-la xi tjiko tsibíts'ia nga 'ño kíichja xi ngui tà kjotsja-la nga kitsjaà-la kjonda Nainá nga koií kjoa-la ñña kjoxxón xi jye kijtsee.

³⁸ Kitsò:

—Mé tà ndaa-la jè xitaxá ítjòn xi jè nchrobá ngajo-la Nainá. Tjín kjoa'nchán ít'aà ngajmii. Tjikoá tjín kjoajeya.

³⁹ Ñña xita fariseo xi ya taña tjiko xita kjin kitsò-la:

—¡Maestro, jchítikojí xita xi kota'yat'aà-lè!

⁴⁰ Tanga jè Jesús kitsò-la:

—K'oaá xán-nò tsá ñña xita koi kítsajnajyò, ñña ndajo kíichja.

⁴¹ Jesús, nga jye ijchò chraña naxandá Jerusalén, k'e nga kijtseexon, kiskindáyakeé xi ít'aà ts'e naxandá.

⁴² Kitsò:

—Ñño xi xita naxandá Jerusalén 'mì-nò, tsá jè-là-ne nachrjein i'ndeí kokjeiin-nò ít'aà ts'e jè kjoa xi tsjá-nò kjoa'nchán; tanga i'ndeí, tjí'maá-nò.

⁴³ Kjojí nachrjein k'e nga ñña kondra-nò koìndii-nò chrjó ndajo, síikinda-nò ko kí't'aà-nò nga jngoò ítjandii.

⁴⁴ Jngoò k'a síikjehesòn-nò, síik'en yijeé-nò; níi tí jngoò ndajo síyijòsòn-la xíkjin. Koií jè xi koma-nò nga mikii kiyaxkoòn Nainá k'e nga j'ii katsejèn-nò.

*Kii komà k'e nga jè Jesús tsachrje xita xi otíjna tsojmi ya ingo ítjòn ts'e
Jerusalén*

(Mateo 21:12-17; Marcos 11:15-19; Juan 2:13-22)

⁴⁵ Jesús jahas'en ya ñánda kijná ingo ítjòn, ikjoàn tsibíts'ia nga tsachrje ñña xita xi nchihotíjna ko xi nchihotse tsojmi;

⁴⁶ kitsò-la:

—K'oaá s'ín tíchja Xojon xi tjít'aà 'Èn Tsjeè-la Nainá: “Ni'ya-na, ni'ya ts'e oçhikon-né, tanga jño, nguijo-la xita chíjé títsa'nè.”

⁴⁷ Jesús, nachrjein inchiòn tsakóya-la xita ya ndítsin ingo ítjòn; ñña xita skò-la no'mii, xita xi okóya kjotíxoma-la Nainá xi kiskii Moisés, ko ñña xita skò-la naxandá, nchihótsji'nde-la nga mejèn-la síik'en Jesús.

48 Tanga mìkì kisakò-là kó s'in s̄ikò nga j̄nà x̄it̄a naxandá, 'ñó ndaa nchi'nchré-là koni s'in tsò 'én xi t̄ibénojímí.

20

Kjotíxoma-là Jesús

(Mateo 21:23-27; Marcos 11:27-33)

1 Jngoò nachrjein, k'e nga jè Jesús t̄ihokóya-là x̄it̄a 'én ndaa-là Nainá ya nditsin j̄ngò íjòn, ijchò x̄it̄a sko-là nò'miù kò x̄it̄a xi okóya kjotíxoma-là Nainá xi kiskii Moisés; kjihjta kò x̄it̄a jchínga.

2 Kitsò-là:

—Koat̄in-nájen, ¿mé kjotíxoma xi tsjá'nde-lè koni s'in 'nì? ¿Yá xi kitsjaà-lè kjotíxoma koi?

3 Kiichja Jesús, kitsò:

—Tikoáá 'an, jngoò kjoa skòngui-nò. Koat̄in-ná:

4 ¿Yá xi kitsjaà-là kjotíxoma Juan nga kis'iin bautizar x̄it̄a? ¿A Nainá-né xi t̄jna ngajmii, o xi tà x̄it̄a-né?

5 J̄nà x̄it̄a koi k'eé tsajoóya-ne; kitsò-là x̄ikjín:

—Tsà kixoán: “Nainá kitsjaà-là kjotíxoma”, k̄it̄so-né: “¿Mé-ne nga mìkì kòkjeiin-nò ít'aà ts'e?”

6 Tikoá tsà kixoán: “Ít'aà ts'e x̄it̄a-né”, j̄nà x̄it̄a naxandá ndajoó koi'nè-ná nga k'oaá s'in mokjeiin-là nga jè Juan xi kiichja ngajo-là Nainá.

7 K'eé kitsò:

—Mìkii 'ya-jen yá xi kitsjaà-là kjotíxoma.

8 Jè Jesús, kitsò-là:

—Tikoáá 'an, mìkii k'oa xán-nò yá-né xi kitsjaà-na kjotíxoma koni s'in s'iaàn.

Kjoa xi mangásòn ts'e j̄nà ch̄i'nda ts'en

(Mateo 21:33-44; Marcos 12:1-11)

9 Ikjoàn tsibíts'ia Jesús nga kiichja-là x̄it̄a naxandá; tsibénojímí jngoò-là kjoa xi mangásòn, kitsò:

—Jngoò k'a jngoò x̄it̄a tsibítje toò uva, ikjoàn kisikiña-là x̄it̄a xi k'ejí nga kisixásòn; jè nei-là nangui, kjiin nó kiì.

10 K'e nga ijchò nachrjein nga jye kòjchá toò uva, jè nei-là, kisikasén jngoò ch̄i'nda-là nga tjoé chiba-là ch̄j-là toò uva xi jè oko-là; tanga j̄nà x̄it̄a xi kisixásòn nangui, tà kiskaàn-kò-né, tà kisikasén tiyaá-ne.

11 Xi komà jskan, jè nei-là nangui ijngoò x̄it̄a ch̄i'nda-là kisikasén; k'oaá t̄is'in kisikò; kiskaàn-kò, ch'o kisikò, ikjoàn kisikasén tiya-ne.

12 Jjngoò kisikasén xi ma-ne jàn x̄it̄a ch̄i'nda; tà ngásòn kisikò; kisiki'on, koa tsachrjekàjii nangui-là.

13 K'eé kitsò jè nei-là nangui: “¿Mé xi s'iaàn? Jè-la s̄ikasén ki'ndí-na xi 'ñó tsjakeè; jè-la xi skoexkón.”

14 Tanga j̄nà x̄it̄a ch̄i'nda koi, k'e nga kijtseèxkon, kitsò-là x̄ikjín: “Jè jèè xi tjoé kjotjò-là i'nde; s̄ik'eén mé-ne nga tsaján koma i'nde.”

15 Tsachrjekàjii ya ñánda t̄itje toò uva; ikjoàn kisik'en.

J̄nò, ¿kó bixón? Nei-là nangui, ¿mé xi s̄ikò x̄it̄a koi?

16 Kjoí s̄ik'en x̄it̄a koi; k'ejí x̄it̄a s̄ingatsja jè nangui ñánda t̄jín toò uva.

J̄nà x̄it̄a xi nchi'nchré-là Jesús kitsò:

—N̄ikjé-ne k'oa s'in koma!

17 Tanga Jesús, kiskod'an, kitsò-là:

—Tsà majìn, ¿kó bixón? ¿Kó tsòya-ne koni s'ín tíhja Xojoñ xi tít'aà 'Én-la Nainá nga tsò?:

“Jè ndajo xi tsachrjekàngui chjinechrjó nga sa ítjòn,
jè-né xi komà ndajo tàts'en chrjó-la ní'ya.”

¹⁸ Ngats'ii xi ya kíxosòn ndajo jè, koxkoaya-né; ko tsà jè ndajo skané xita, kochijo-né.

¹⁹ Jñà xita sko-la no'miì ko xita xi okóya kjotixoma-la Nainá xi kiskii Moisés, mejèn-la nga tíjè-ne hora tsobà'nó Jesús, nga jè kjoa xi mangásòn, kiskaàya-la nga kondra ts'e koni s'ín tsibénojmi; tanga jñà xita naxandá kitsakjòn-la.

Kjoa ts'e xi machítjì tsojmi

(Mateo 21:45-46; 22:15-22; Marcos 12:12-17)

²⁰ Jñà xita sko-la no'miì kisikinda; kisikasén-ma-la xita xi ijchò 'nchré-la xi k'oas'ín kis'iìn koni tsà xita ndaa nga mejèn-la sakòtsji jngoò-la 'én xi ch'o tsò mé-ne nga koma siingatsja-ne jè gobernador xi tíjya kjotixoma tsja nga jè kojindaàjìlìn.

²¹ Jñà xita koi kiskònangui-la, kitsò-la:

—Maestro, 'ya-nájen jñà 'én xi nokjoi, ndaa okooyi; mìkii chjaàjìlìn xita; k'oaa s'ín okooyi ndiyá-la Nainá koni s'ín tíjìn xi kjoa kixi.

²² ¿A ndaa tíjìn nga kíchítjì-jèn tsojmi ít'aà ts'e xitaxá ítjòn ts'e Roma? ¿A xi majìn-né?

²³ Jesús, tík'eé kijtseèya-la nga nchikonachan-la, kitsò-la:

—¿Mé-ne nga mejèn-nò nga 'an chít'aà-ná?

²⁴ Tàkó jngoò-ná tòn. ¿Yá ts'e 'ésén ko 'ín xi tít'aà?

Kitsò xita koi:

—Ts'eé César xi xitaxá ítjòn ts'e Roma.

²⁵ Jesús kitsò:

—Tjii-lá César xi ts'e César, koa tjii-là Nainá xi ts'e Nainá.

²⁶ Ngats'ii 'én xi kíichja Jesús nga nguixkon xita naxandá, mìkii kisakò-la xi koma kohòngui-ne. Tà kjòxkón-la; tà saá tà jyò tsibitsajna.

Kós'ín kiskònangui kjoa ts'e nga faáya-la mik'en

(Mateo 22:23-33; Marcos 12:18-27)

²⁷ Jñà xita saduceo xi mìkii mokjeiín-la nga faáya-la xita xi jye k'en ijchò kjònangui-la Jesús, kitsò-la:

²⁸ —Maestro, Moisés, k'oaa s'ín kiskii: Tsà jngoò xita xi kiyá 'ndse, tsà tsjìn-la íxti k'e nga kiyá, jè chjoón-la mik'en, tíjè-ne 'ndse kíxan-ko íjngoò k'a-ne mé-ne nga s'e-la íxti xi tje ts'e 'ndse.

²⁹ Kis'e xó jngoò k'a xita xi itoò komà 'ndse. Jè xi síjna ítjòn, kis'e xó-la chjoón; tanga mìkii kis'e-la íxti skanda kóni nga k'en.

³⁰ Jè 'ndse xi ma-ne jò, chixàn-koó; tjikoaa k'e nga k'en, mìkii kis'e-la íxti.

³¹ Chjoón jè, chixàn-koó xi ma-ne jàn; k'oaa xó s'ín chixàn-ko ngats'ii nga itoò 'ndse, tanga njjngoò xi kis'e-la íxti skanda k'e nga k'en.

³² Xi komà iskan, tjikoaa k'en jè chjoón.

³³ K'e nga tsà kjoaáya-la, nga itoò 'ndse, ¿yá-né xi chjoón-la koma? Nga jñà tsibitsajnakò nga itoò 'ndse.

³⁴ Jesús, k'eé kitsò-la:

—Jñà xita xi tíjìn nachrjein i'nde, ko chjoón ko x'in, bixan-né.

³⁵ Tanga jñà xita xi Nainá okitso nga ok'in-la nga kjoaáya-la nga kítsajna isò'nde xi sa kjoí, mì tí kii kíxan-ne.

³⁶ Tikoáà m̀ tì kii kiyá-ne. K'oaá s'ín ngásòn kítsajnakon koni àkjale; yáà kítsajnakò Nainá nga ixti-là ma nga jye kòfaáya-là.

³⁷ Tìjè-ne Moisés k'oaá s'ín okóya nga j̀nà xi jye k'en, kjoááya-là. K'oaá s'ín t̀jít'aà xojòn it'aà ts'e yá na'yá xi títì k'e nga tsò Moisés: “Jè xi Nainá 'm̀-íá, tikoáà Nainá tsò-là Abraham, Isaac, kò Jacob.”

³⁸ j̀j̀nà xi jye k'en, mìtsà Nainá tsò-là xi Nainá; tà j̀nà xi títsajnakon xi Nainá tsò-là! It'aà ts'e Nainá, ngats'ìi-né nga títsajnakon.

³⁹ K'eé kùichjā xitā xi okóya kjotixoma-là Nainá xi kiskii Moisés, kitsò:
—Maestro, kixií kjoa 'én xi nokjoi.

⁴⁰ Nì tì jngoo xitā xi kjò'ño-ne ikon nga kiskònangui-isa-là.

*Ñánda kitjen-là Cristo [xitā xi xó kisikasén-ne Nainá]
(Mateo 22:41-46; Marcos 12:35-37)*

⁴¹ Jesús kitsò:

—¿Mé-ne kotsò-ne j̀nà xitā nga jè xi Cristo, [xitā xi xó s̀jikasén-ne Nainá], nga ya kjinchrobát'aà-ne tje-là xitaxá itjòn David?

⁴² Tìjè-ne David, tsò xojòn-là ya ts'e Salmo:

Jè Nainá kitsò-là Cristo, jè xi otixoma-na:

“Tijnat'aà-ná j kixi-nā,

⁴³ skanda k'e nga sikítsajnanguia kondra-lè ñánda nchasòn ndsokoií nga 'an, jye kisikijne-là.”

⁴⁴ Jè David, tsà kòs'ín kitsò-là Cristo, ¿kó s'ín t̀jín-ne nga ya nchrobát'aà-ne tje-là David?

*Kii kitsò Jesús it'aà ts'e xitā xi okóya kjotixoma-là Nainá
(Mateo 23:1-36; Marcos 12:38-40; Lucas 11:37-54)*

⁴⁵ K'e nga nchi'nchré ngats'ìi xitā naxandá, Jesús kitsò-là xitā xi kota'yát'aà-là:

⁴⁶ —Tikindāa yijo-nò it'aà ts'e xitā xi okóya kjotixoma-là Nainá xi kiskii Moisés. Sasén-là nga nikje ndojò ókjá. Tikoáà tsjaá ma-là nga ndaà beèxkón xitā xi kj'eíi, ndaà síhixat'aà ya nditsin. Tikoáà j̀nà ótsji íxile xi jncha itjòn ya ni'ya ingo sinagoga, kò mejèn-là nga j̀nà kítsat'aà itjòn ímixā k'e nga kjèn xitā ñánda tjin s'eí.

⁴⁷ Faá'an ni'ya-là íchjín ka'àn xi jye k'en x'in-là. Ikjoàn 'ño ndojò fikò ochikon-là nga mejèn-là nga bitsajna'ma nga m̀ jchā-là mé kjoa xi s'ín. J̀nà xitā koi isáá tse kjo'in s'e-là.

21

*Ton xi kitsjaà kjotjò chjoón ka'àn xi 'ño imā
(Marcos 12:41-44)*

¹ Jesús k'e nga kiskoòtsejèn, kijtsee xitā nchjíná xi 'ño t̀jín-là ton nga nchibítsajnyaya ton-là ya kaxā ñánda sinchá ton kjotjò-là Nainá.

² Tikoáà kijtsee jngoo chjoón ka'àn xi 'ño imā nga tsibítsajnyaya jò ndí ton xi chibachj́i chj́i-là.

³ K'eé kitsò:

—Xí kjoa kixi, k'oaá xán-nò, chjoón ka'àn imā jè, isáá tse ton kòbjina m̀ k'oaá-ne ngats'ìi xitā xi i'nga.

⁴ Ngats'ìi xitā koi xi t̀jín-là ton, koií tsjā-là Nainá jè xi ningui-là, tanga jè chjoón imā, kátsjā yijee ton xi t̀jín-là xi timajchá-ne.

K'e nga kiichja Jesús it'aà ts'e ingo kó s'in tjínè-là nga kixoña

(Mateo 24:1-2; Marcos 13:1-2)

⁵ Tikoá nchijoóya i'nga-ne xita xi nchikotsejen-là ingo ítjòn nga ndaà kjoàn ndajo-là; tikoá ndaà kjoàn tsojmi xi kitsjaà kjojtò-là Nainá jña xita. Jesús kitsò-là:

⁶ —Kjoíi nàchrjein k'e nga jña ndajo kò tsojmi xi ndaà kjoàn xi chitsejen-là, níi tí jngoò sijijòsòn-là xikjín, kixoña yije-né.

Seña xi s'e k'e nga nchrobá machraña nàchrjein nga kjoehet'aà isò'nde

(Mateo 24:3-28; Marcos 13:3-23)

⁷ K'eé kiskòngui-là kitsò-là:

—Maestro, ¿mé nàchrjein-ne nga okoma kjoa koi? ¿Mé seña xi s'e k'e nga jye kochraña nga k'oas'in koma kjoa koi?

⁸ Jesús kitsò:

—Tikindaa yijo-nò nga mì yá xita xi skónachan-nò. Kjìn xita kjoíi xi 'in ts'an sijkéén; kitso: “An-ná xi Cristo, [nga 'aán kisikasén-na Nainá]”, tikoá kitso-nò: “Jyeé tjina chraña nàchrjein nga 'an kotixoma.” Kì kiì onguítjngui-là.

⁹ K'e nga kiná'ya kjoa ts'e kjojchán, kjoasiì, kì tsakjoòn-jèn; mochjeén-né nga k'oas'in koma ítjòn tanga k'j'e tsà jè nàchrjein nga kjoehet'aà.

¹⁰ Kitsò-isa-là:

—Naxandá skaàn-kjoò xi k'jeíi naxandá. Koá xitaxá koìts'ia nga skaàn-kjoòko xitaxá xi k'jeíi naxandá.

¹¹ Ndaà jchán k'oa ch'ón xkón; xkì xi ján naxandá s'e kjinchrá kò ch'in xi 'nò kjan. Ján ngajmì jchà-là kjojkón xi ch'o tjín kò xi ch'o kjoàn.

¹² Tanga jño, ítjòn tso'ba'ño-nò xita; kjitjnguikeè-nò kjiko-nò ya ni'ya ingo sinagoga nga ya sindaàjìin. Skin's'en-nò ndayá; kjiko-nò ít'aà ts'e xitaxá ítjòn kò ts'e gubernador, tà koií kjoa-là nga mokjein-nò ít'aà ts'an.

¹³ K'e nga k'oas'in komat'ioòn, jè hora nga kénojmi-là xita xi ít'aà ts'an.

¹⁴ K'oaá s'in t'è-là takòn, kì tà chjà ítjòn nìktsjeèn kó kixón nga kinókjoaa nga kinchakoo yijo-nò,

¹⁵ koií kjoa-là nga 'an, tsjaà-nò 'én tikoá tsjaà-nò kjoa kjìn-takòn kó s'in kinókjoaa mé-ne nga jña xita kondra-nò mìkiì sijkijne-nò k'e nga chibàkjoò.

¹⁶ Skanda jña sijnatsja-nò xi na'èn-nò, 'ndsé, xinguiqo kò amigo-nò, tikoá sijk'en i'nga-nò.

¹⁷ Ngats'ii xita isò'nde kojtikeyè-nò xi kjoa ts'an.

¹⁸ Tanga njngoò tsjaskò chja.

¹⁹ Jè xi kichikjoa-là kjo'in, kijnakon inima-là!

²⁰ K'e nga jchaa naxandá Jerusalén nga kitsee jngoò itjandii-là soldado, k'oaá s'in tjìin-nò nga jye kjòchraña nga jngoò k'a kjoehesòn yije mé xi tjín.

²¹ Jña xita xi tìtsajna Judea, kàtanga, kàtjì nànda nindoò choòn; jña xi tìtsajna Jerusalén, kàtìtjokàjìin naxandá, jña xi ján tìtsajna campo, kì tí kii nchrobá-ne jìjìin naxandá-là.

²² Koií kjoa-là nga nàchrjein ts'e kjo'in-né mé-ne nga kitasòn yije-ne koni s'in tíchja Xojon xi tjít'aà 'Én Tsjeè-là Nainá.

²³ Jjma xó-ne jña ichjín xi k'ndí'ya kò xi jxti xó nchisíkaki jña nàchrjein koi, nga 'ño tse kjo'in s'e ít'aà nangui! Xi kjoajti-là Nainá, tse kjo'in koi'nè-là xita naxandá Israel.

²⁴ Tjín xita xi kichà machitìn kijá-ne; tikoaa tjín xi k'jeíi nangui kjiko preso jña xita kjojchán. Jña xi mìtsà xita judío, 'ño ch'o sijkò nga skoetoòn jña xita naxandá Jerusalén; jña kotixoma skanda k'e nga kitasòn nàchrjein-là xita koi.

K'e nga kjoíí òngòò k'a-ne Ki'ndí-là Xíta

(Mateo 24:29-35, 42-44; Marcos 13:24-37)

²⁵ 'Ikoàan jchà-là jè ts'oi, sà kò ni'ño nga kòtsejèn-là seña xi ch'o kjoàn. I it'aà nangui, ngats'ii xíta 'ño tsakjón nga kji'nchré-là nga 'ño kjoñe nga fi nchrobá ndáchikon.

²⁶ Jñà xíta chiba-là kiyáya-né nga tsakjón k'e nga skoe kjoa xi komat'in isò'nde. Skanda jñà ni'ño xi tjín ngajmii kijtijaá-là.

²⁷ 'Ikoàan skoe-na xíta xi Ki'ndí-là Xíta xan-là yijo-na nga kjinchrobàjñàa jjiin ifi. Tsee nga'ño kò kjoajeya kjoiiikoa.

²⁸ K'e nga kòts'ia kjoa koi nga k'oas'in koma, kixi tinchaà, chjímii'ngaà skoo, tsja t'è-là inima-nò, chíñakjoa nga jyeé kjòchraña nachrjein nga jño kitsajnandejí-nò.

²⁹ K'eé tsibénojmi jngòò-là kjoa xi mangásòn; kitsò-là:

—Chítsejèn-là yá toò iko, ngats'ii yá xi tjín.

³⁰ K'e nga jye bits'ia nga bíjts'én xka-là yá, jyeé 'yaà nga nchrobá machraña chon ndobá.

³¹ K'oaá tís'in tjín, k'e nga jchaa nga k'oas'in tíma kjoa koi, kátasjiin-nò nga jye tjinat'aà chraña-nò nachrjein nga jchaa kó s'in otixoma Nainá.

³² 'Xi okixi, k'oaá xán-nò: Mikii kiyá xíta xi tjín nachrjein koi skanda kóni nga jye kitasòn yije jñà kjoa koi.

³³ Jè ngajmii kò isò'nde kjoehet'aà-né, tanga jñà 'én-na mikii kjoehet'aà; kitasòn-né.

³⁴ T'een kindá yijo-nò; mikii bií'nde nga sítajaajiin inima-nò jñà kjoa xi ch'o tjín koni kjoa ch'i, kjoa chrjá'a, kò kjoa xi nikájnoò j isò'nde. Tsá k'oas'in s'een, mikii titsajnanndaà jè nachrjein k'e nga 'an kjoiaa jngòò k'a; tà nìton kjoíí nachrjein, skanè-nò koni jngòò ch'an.

³⁵ K'oaá s'in komat'in ngats'ii xíta xi tjín nga títjsa isò'nde.

³⁶ Jño, ndaa titsajna, titsi'ba kijnda nga kjit'aà nachrjein mé-ne nga s'e-nò nga'ño nga koma kitjoñòò ngats'ii kjo'in xi k'oas'in koma, tikoá mé-ne nga mikii kosobà-nò nga kincha nguixxon Ki'ndí-là Xíta.

³⁷ K'e nga nachrjein, Jesús, yaá tsakóya ya nditsin ingo ítjòn. K'e nga majño yaá fisikjáya ya nindoò xi 'mì Yá Olivo.

³⁸ Kjin xíta naxandá, f'iikon ya nditsin ingo ítjòn nga xkí tajñooya; f'ii 'nchré-là mé 'én xi okóya.

22

Kiis'in tsohótsji'nde-là xíta kondra-là Jesús nga tsoba'ño

(Mateo 26:1-5, 14-16; Marcos 14:1-2, 10-11; Juan 11:45-53)

¹ Jyeé timachraña nachrjein nga bitjo s'eí Paxko k'e nga kjèn inchrajín xi tsjin-là na'yo san jñà xíta judío.

² Jñà xíta sko-là no'mii kò xíta xi okóya kjotixoma-là Nainá xi kiskii Moisés, nga tsakjón-là xíta naxandá, tsohótsji'nde-là kó s'in sjiiko Jesús nga sjiik'en.

³ Jè xíta nejí jahas'en-jiin inima-là jè Judas xi tikoá Iscariote 'mì, xi ya itjojiin ts'e xíta xi tejò ma-ne xi tsajmeiikò Jesús.

⁴ Judas, kiikáko jñà xíta sko-là no'mii kò xíta sko-là xi síkinda ingo ítjòn nga tsajoóya-ne kó s'in sjiingatsja Jesús.

⁵ Jñà xíta koi, tsjaá komà-là; tsibíndaajiin nga ton tsjá-là.

⁶ Judas, kòkjeiin-là, ikoàan tsohótsji'nde-là kó s'in sjiingatsja Jesús nga mikii skoe jñà xíta naxandá.

K'e nga jè Jesús tsakjèn-kò xitá xi kota'yàt'aà-la

(Mateo 26:17-29; Marcos 14:12-25; Juan 13:21-30; 1 Corintios 11:23-26)

7 Ijchò nàchrjein-là s'eí ts'e inchrájin xi tsjin-là na'yo san, k'e nga k'oas'ín tjínè-là nga biyaà orrè xi bíxteèn jni-là xi it'aà ts'e s'eí Paxkò.

8 Jesús kiskasén Pedro kò Juan, kitsò-là:

—Tanguió kındaà tsojmì xi kjoa ts'e s'eí Paxkò mé-ne nga kichiaá.

9 Jñà xitá-là kiskònangui-là, kitsò-là:

—¿Ñánda mejèn-lè nga konguí kındaà-jen?

10 Jesús kitsò:

—K'e nga kitjás'en-jñoò naxandá, ya skakjoò jngoò xitá x'in xi 'yajen jngoò nisa nandá. Tanguitjingui-là skanda ya ñánda kjoahas'en ni'ya.

11 Kot'in-là nei-là ni'ya: “Jè Maestro kjònangui: ¿Ñánda tójna cuarto-là ni'ya ñánda kókjen-koaa xitá xi kota'yàt'aà-na ts'e s'eí Paxkò?”

12 Xitá jè, kòkò jngoò-nò cuarto xi tiyà kji xi jye ndaà choòn xi ya tijnasò'nga ni'ya. Ya tindaà nga kichiaá.

13 Jñà xitá koi, kii; k'oaa s'ín kisakò-là koni s'ín kitsò-là Jesús. Yaá tsibíndaà tsojmì xi kòkjen kjoa ts'e s'eí Paxkò.

14 K'e nga ijchò hora nga kòkjen, Jesús tsibijnat'aà ímixa kò xitá-là xi tsibíxáya-là.

15 Kitsò-là:

—i'Ñó tsìkìtsjeèn nga mejèn-na kókjen-kò-nò ts'e s'eí Paxkò nga tìkj'eè fi-na kjoa biyaà!

16 K'oaa xán-nò nga mì tì kii kókjeen-na s'eí Paxkò skanda k'e nga kitasòn yije kjoa ts'e s'eí Paxkò jñà nàchrjein k'e nga Nainá kotixoma.

17 K'ée kiskoé jngoò chitsín, kitsjaà-là kjondaà Nainá, kitsò:

—Chjoé, tika'bí-là xinguiqo;

18 k'oaa xán-nò nga mì tì kii skj-na vino skanda k'e nga kotixoma Nainá.

19 Ijjoan kiskoé inchrájin, kitsjaà-là kjondaà Nainá, kisixkoaya, kitsjaà-là xitá-là, kitsò:

—Inchrájin jè, yijo-na-né nga 'aán kiyá ngajo-nò. K'oá tis'ín t'een nga tixkoaya inchrájin, mé-ne nga koiitsjeèn-nò xi it'aà ts'an.

20 K'e nga jye tsakjèn, k'oaa tis'ín kis'in; kiskoé chitsín, kitsò:

—Chitsín jè, jè-né xi kjoa xitse xi bındaàjin-kò-nò xi it'aà ts'e jni-na xi xíxteèn xi kjondaà tsajòn nga makixiya kjoa.

21 Í tijnat'aako-ná ímixa, jè xitá xi sijnagsja-na it'aà ts'e xitá kondra-na.

22 Xi okixi, 'an xi Ki'ndí-là Xitá xan-là yijo-na, tjínè-na nga kiyá. Tanga, ijma xó-ne jè xitá xi sijnagsja-na!

23 Jñà xitá-là tsibíts'ia nga kiskònangui-là xíkjín, kitsò:

—¿Yá-né xi k'oas'ín sijnagsja?

Yá-né xi tójna ítjòn

24 Jñà xitá-là tsajoókjoò xi kjoa ts'e yá-né xi tójna ítjòn.

25 Jesús kitsò-là:

—Jñà xitaxá ítjòn-là xi mìtsà xitá judío, 'ño beètoòn xitá naxandá-là, tanga jñà xitaxá koi, tsò-né nga ndaà xitá.

26 Tanga jño, mìkii k'oas'ín s'een. Jè xi tójna ítjòn, isá nangui kàtijná; jè xi otixá, tà saá jè kàtama ch'nda.

27 ¿Yá-né xi tǐjna ítjòn? ¿A jè xi bǐjnat'aà ímǐxa, o xi jè xi bíya tsojmì? ¿A mìtsà jè xi bǐjnat'aà ímǐxa? Tanga ì'ndeì, mìkiì k'o'as'ín koma. 'An, tǐjnajǐin-nò koni jngooò xǐta chí'nda xi síxá-nò.

28 'Skanda kó-ne nga tàts'en-là kjoa, jǐñò-nò xi titsajnakò kjit'aà-ná nǐta mé kjoa xi tímat'ian.

29 Koiì kjoa-là nga 'an sǐngatsja-nò kjotǐxoma nga jǐñò kotǐxomaà koni s'ín kisǐngatsja-na Nainá xi Na'èn-na,

30 mé-ne jǐñò, ya kǐchiodò tǐkoa s'ioo ya it'aà ímǐxa-na ñánda tǐhotǐxoma, tǐkoa ya kǐtsajnasòn íxile ts'e kjotǐxoma nga jǐñò, kǐndaàjǐin-là xǐta xi tejó tje-là ts'e naǐxandá Israel.

*'Én xi kǐichja Jesús nga jè Pedro kjó'mat'in
(Mateo 26:31-35; Marcos 14:27-31; Juan 13:36-38)*

31 Kǐichja-ísa Na'èn-ná, kitsò:

—Simón, Simón, jè xǐta neǐì kisǐjé'nde nga mejèn-là 'ñò skót'aà-nò. K'e nga skót'aà-nò, yaá jcha-là yá-né xi ndaa kò xi mìkiì ndaa, koni s'ín nǐkò trigo nga matsjeè.

32 'Tanga 'an, tsibítsi'batǐlè-lè mé-ne nga mì jchijat'aà-lè nga mokjeiín-lè xi it'aà ts'an. K'e nga jye síkátǐfaya-ne xi it'aà ts'an, tǐsíkojǐ xinguiì nga kǐxǐ kǐtsajna.

33 Simón kitsò:

—Na'èn, tǐjnandaà-ná nga kǐjiko-lè nas'ín ndayá k'oín, nas'ín skanda kǐyáko-lè.

34 Jesús kitsò-là:

—Ngaji Pedro, k'oaá xan-lè, ì'ndeì, jàn k'a k'oa sí nga mìkiì yaxkon-ná k'e nga tǐkj'eè kjindáya kóxtí.

K'e nga jye kjòchraña nàchrjein nga k'oi-là kjo'in Jesús

35 Jesús kiskònangui-là, kitsò-là:

—K'e nga kisǐkasén-nò nga tsanguio nika'bió 'én-na nga mìkiì kich'à ton, mìkiì kich'à chijtsa, mìkiì xoxtè kitsjaya, ¿mé xi kisichjaat'aà-nò?

Jǐa xǐta kitsò:

—Nǐmé-jèn.

36 K'eé kitsò-là:

—Ì'ndeì, jè xi tǐjn-là chijtsa ton, kàtakjóé; tǐkoa jè xi tǐjn-là na'ya kàtakjóé; kò jè xi tsǐjn-là kǐcha ndojò, kàtatǐjna nàchròkisòn-là koa kàtatse kǐcha-là.

37 K'oaá xán-nò nga tǐjné-là nga kǐtasòn koni s'ín tǐchja Xojon xi tǐt'aà 'Én Tsjeè-là Nainá xi it'aà ts'an nga tsò: “K'oaá s'ín skoe-ikon koni jngooò xǐta xi mìkiì ndaa s'ín.” Koni s'ín tǐchja 'Én Tsjeè-là Nainá xi it'aà ts'an, kǐtasòn yije-né.

38 Jǐa xǐta-là kitsò:

—Na'èn, kjioò jò-najen kǐcha ndojò ijndé.

Jè Jesús kitsò:

—Kàtje kjoa.

*K'e nga jè Jesús tsibítsi'ba ya nindoò Yá Olivo
(Mateo 26:36-46; Marcos 14:32-42)*

39 Jesús kǐi nga kǐichjat'aà-là Nainá ya ñánda 'mì nindoò Yá Olivo koni s'ín s'ín kjit'aà; ìkjoàn kǐitǐngui xǐta xi kota'yat'aà-là.

40 K'e nga ijchò ì'nde jè, kitsò-là xǐta-là:

—Títsi'ba-là Nainá mé-ne nga mì jé skajǐnò.

41 K'eé tsasit'aà xìn chiba-la koni kji saté jngoò ndajò k'e jngoò xita osén. Tsasèn-xkó'nchi, ikjoàn kiichjat'aà-la Nainá.

42 Kitsò:

—Na'èn, tsà mejèn-lè, chjaàxìn-ná kjo'in jè; tanga mitsà jè kitasòn 'én-na, jè kàtabitasòn tsiji.

43 K'e nga tichjat'aà-la Nainá tsatsejèn jngoò àkjale-la Nainá xi inchrobà-ne ngajmù nga kitsjaà-isa-la nga'ño.

44 Nga tse kjo'in tísikjein inima-la, isáá 'ño kiichjat'aà-la Nainá; chiba-la kitjoòndá-né, jè ndátsjèya-la xi chixòt'aà nangui, jni kjoàn.

45 K'e nga jye kiichjat'aà-la Nainá, kii ijngoò k'a-ne ñánda títajna xita xi kota'yat'aà-la. Tanga k'e nga ijchò, jyeé kjijijòfè, koií kjoa-la nga 'ño 'on ma-la inima-la.

46 Kitsò-la:

—¿Mé-ne titsayijòfè-nò? Tísitjeen, titsi'ba-là Nainá mé-ne nga mi jé skajñoò.

Kii komà k'e nga kindobà'ño Jesús

(Mateo 26:47-56; Marcos 14:43-50; Juan 18:2-11)

47 Táko tik'eé tichja-isa Jesús, kjin xita ijchò; jè tsó'ba ítjòn Judas, xi ya itjojin ts'e xita-la Jesús xi tejò ma-ne. K'e nga ijchò, kii kasit'aà chraña-la Jesús nga kiskine'a.

48 Jè Jesús kitsò-la:

—Ngaji Judas, ¿a k'oaa s'in tà jngoò kjoa xi chine'aá nìngatsja-ná 'an xi Ki'ndi-la Xita xan-la yijo-na?

49 Jña xita-la xi i'nga, k'e nga kijtseé kjoa xi komat'in Jesús, kitsò:

—Na'èn, ¿a mejèn-lè nga kich'on-jen kichà ndojò?

50 Jngoò xita-la Jesús tsaja-la kichà ndojò jè ch'nda-la no'mi ítjòn, tsatet'aá líká kixi-la.

51 K'eé kitsò Jesús:

—¿Kì k'oaa nìkoo, kàtje kjoa!

Ikjoàn tsohót'aà-la tsja líká-la; nitoón kjònda-ne.

52 K'eé kitsò-la jña xita xi j'ikjaá xi xita sko-la no'mi kò xita xi síkinda ingo ítjòn kò xita jchínga:

—¿Mé-ne k'oas'in kà'nè-nò nga kichà machitìn kò yá kich'à koni tsà jngoò xita chijé kòf'lichjaá?

53 Nachrejin inchijòn tsohótijnako-nò ya nditsin ingo ítjòn; ¿mé-ne nga mìkì ya kindobà'ño-ná? Koií kjoa-la nga jè hora jè nga jño choòn, tsajòn-nò k'e nga jè xita nejì tíhotixoma.

K'e nga jè Pedro mìkì tsibénojmi nga beèxkon Jesús

(Mateo 26:57-58, 69-75; Marcos 14:53-54, 66-72; Juan 18:12-18, 25-27)

54 Jesús, kitsobà'ño xita, kiikò ni'ya-la no'mi ítjòn. Jè Pedro, tà kjiin tà kjiin tsajmeétjngui-la.

55 Ya jngoò osen nditsin, jña xita tsibítse jngoò ni'in, ikjoàn tsibítsajna'ngui jngoò ítjandii. Tikoá jè Pedro tsibijnajin-la xita.

56 K'eé jngoò choón ch'nda kijtseèxkon Pedro nga tjna'ngui; kiskoò'an, kitsò:

—Xita jè, tikoá yaá tsóhoko Jesús.

57 Tanga jè Pedro tsoho'mat'in-né, kitsò:

—Ngaji chjoón, xita jè, mìkì beexoan.

58 Xi komà ijngoò tjò, ngui jngoò xita kijtseèxkon Pedro, kitsò-la:

—Tikoá ngaji, yaá tjaakoi Jesús.

K'eé kitsò Pedro:

—Ngaji x'jin, mìtsà ya tsòhokoaa.

⁵⁹ Nga komà iskan, tjin-la tsà jngòò hora, tikoaa 'nò okitsò ngui jngòò xita:

—Kixii kjoa, xita jè, yaá tsòhoko, tikoaa yaá i'nde-la Galilea.

⁶⁰ Pedro kitsò:

—Ngaji x'jin, mìkii be mé 'én xi kò'mi-la.

Tik'eé-ne tíchja Pedro kiskindàya kóxti.

⁶¹ Kiskátjifaya Na'èn-ná Jesús, kiskoòtsejèn-la Pedro. K'eé tsibítsejèn-la Pedro 'én xi kitsò-la Na'èn-ná Jesús nga kitsò-la: “Jàn k'a k'oa si nga mìkii yaxkon-ná k'e nga tikj'eé kjinndàya kóxti.”

⁶² Jè Pedro, k'eé itjo ni'ya, ikjoàn 'nò jchán kiskindàya nga 'on komà-la inima-la.

Kós'in kùichja xita xi kisìsobà-la Jesús

(Mateo 26:67-68; Marcos 14:65)

⁶³ Jñà xita xi nchisìkinda Jesús, kisìsobà-la tikoaa tsajà-la.

⁶⁴ Tsibíchjoa xkon, ikjoàn kiskònangui-la, kitsò-la:

—iKoatìn-nájen yá xi tí'beé-lè!

⁶⁵ Kjin kjoa tjin-isa xi kj'eji xi 'nò 'on kitsò-la.

K'e nga kiiko Jesús ñánda tjna xitaxá ítjòn ts'e xita judío

(Mateo 26:59-66; Marcos 14:55-64; Juan 18:19-24)

⁶⁶ K'e nga kis'e isén, kjòxkóya jñà xita jchinga ts'e xita judío, xita sko-la no'mii kò xita xi okóya kjotixoma-la Nainá xi kiskii Moisés; kiiko Jesús ya ñánda maxxóya jñà xitaxá ítjòn; ikjoàn kiskònangui-la, kitsò-la:

⁶⁷ —Koatìn-nájen, ¿a ngaji-né xi Cristo, [xi xó kisìkasén-lè Nainá], o xi majìn-né?

Jesús kitsò:

—Tsà k'oa xán-nò: “An-ná”, mìkii kòkjeiín-nò.

⁶⁸ Tsà 'an skònangui-nò, jñò, mìkii kìnókjoaa tikoaa mìkii sijkijnandeji-ná.

⁶⁹ Jyeé ijchò hora-la nga 'an xi Ki'ndí-la Xita xan-la yijo-na yaá kótijnat'aà kixi-la Nainá xi 'nò tse nga 'nò tjin-la.

⁷⁰ Ngats'ii xita kitsò:

—¿A ngaji-né xi Ki'ndí-la Nainá 'mì-lè?

Jesús kitsò-la:

—Jñò sobà xi obixón nga 'an-ná.

⁷¹ K'eé kitsò jñà xita:

—¿Yá xita xi mochjeén-isa-ná xi tsja 'én? Jñá sobá titsana'yà-lá koni s'in tíchja-ne tso'ba.

23

K'e nga kiiko Jesús ñánda tjna Pilato

(Mateo 27:1-2, 11-14; Marcos 15:1-5; Juan 18:28-38)

¹ Tsasítjen ngats'ii xita, kiiko Jesús ñánda tjna Pilato.

² K'e nga ijchòkò nguixkon Pilato, jñà xita tsibít'sia nga tsohóngui, kitsò:

—Xita jè, kjòtsji-najen nga kj'eji ndiyá fiko naxandá-ná. Tsò-né nga mì xó kii kichjitiá tsojmi xi it'aà ts'e César, xitaxá ítjòn ts'e Roma; tikoaa tsò-né nga jè xó xi Cristo [xi xó kisìkasén-ne Nainá] nga xitaxá ítjòn kína.

³ Jè Pilato kiskònangui, kitsò-la:

—¿A ji-né xi xitaxá ítjòn-la jñà xita judío?

Kitsò Jesús:

—Ngajíí xi k'oa si nga 'an-ná.

⁴ Pilato kitsò-la jñá xita sko-la no'mii ko xita naxandá:

—Nimé jé xi matsji-na it'aà ts'e xita jè.

⁵ Tanga jñá xita, isáá 'ño kiichja nga tshóngui, kitsò:

—Kj'eíí s'in okóya-la xita naxandá nga ótsji-la kjoasii. Tsibíts'ia-ne nangui Galilea, kóhokji nangui Judea, skanda i Jerusalén.

K'e nga kiiko Jesús ñánda tjna Herodes

⁶ K'e nga kiil'nchré Pilato jè 'én xi tsò, Galilea, kiskònangui-la xita: ¿A yaá i'nde-la?

⁷ K'e nga kis'enojmí-la nga ya i'nde-la, kisikasén-la jè xita xi tjna xitaxá ítjòn Galilea xi 'mì Herodes; jñá naxhrjein koi, tikoáá ján tjna naxandá Jerusalén.

⁸ Herodes, k'e nga kijtseèkon Jesús, 'ño tsja komà-la nga kjòtseé mejèn-la nga skoèxkon, nga jyeé kjìn kjoa kiil'nchré xi it'aà ts'e. Mejèn-la skoé jngòò kjoèkón xi s'in.

⁹ Kjìn skoya kjoa kiskònangui-la, tanga jè Jesús, nijngòò 'én kiichja.

¹⁰ Tikoáá yaá títajna jñá xita sko-la no'mii ko xita xi okóya kjótíxoma-la Nainá xi kiskii Moisés nga 'ño nchihóngui.

¹¹ Jè Herodes ko soldado-la tsachrjekàngui-né; kisikákjá nikje xi 'ño ndaa kjoàn koni ts'e xitaxá ítjòn nga kisisobà-la; ikjoàn kisikasén ijngòò k'a-la jè Pilato.

¹² Naxhrjein jè, tsajoóndaà-ne jè Pilato ko Herodes; k'e nga sa ítjòn, kondraá títajna-la xikjín.

K'e nga kitjoònè kjoa Jesús nga kiyá

(Mateo 27:15-26; Marcos 15:6-15; Juan 18:39-19:16)

¹³ Pilato tsibíxkóya jñá xita sko-la no'mii ko jñá xitaxá, ngats'ii xita naxandá,

¹⁴ kitsò-la:

—Jñò, kinikasén-ná xita jè nga onguioò; bixón-nó nga kjoasii ótsji-la xita naxandá; tanga 'an, kiskònanguii-la nga nguixkoòn; ngats'ii 'én xi 'bioò, nimé jé sakó-na it'aà ts'e.

¹⁵ Tikoáá jè Herodes, kisikasén ijngòò k'a-na xita jè nga nimé jé kisakòt'aà-la. Tsjin-la jé nga kiyá.

¹⁶ Tsjaà-la kjo'in, ikjoàn siikjñandeíí-na.

¹⁷ K'oaá s'in tjinè-la, k'e nga bitjo s'eí Paxko, bijnandeíí jngòò xita xi ndayá títajna'ya.

¹⁸ Tanga jñá xita naxandá, tà jngòò jtaá kiil ngats'ii, kitsò:

—iKátiyaá Jesús; tikjñandeíí-nájen Barrabás!

¹⁹ Barrabás, ndayá tjna koií kjoa-la nga xita naxandá Jerusalén kisikjaán-kjoò tikoá xita kisik'en jngòò.

²⁰ Pilato, mejèn-la nga siikjñandeíí Jesús; ijngòò k'a kiichja-la xita naxandá.

²¹ Tanga jñá xita naxandá, isáá 'ño kiichja, kitsò:

—iTjat'aà krò! iTjat'aà krò!

²² Xi ma-ne jàn k'a kitsò-la xita naxandá:

—¿Mé jé xi tshótsji, mé-ne kiyá-ne? 'An, nimé jé sakó-na xi it'aà ts'e nga kiyá. Tikoáá-ne tsjaà-la kjo'in, ikjoàn siikjñandeíí-na.

²³ Sií kis'iin xita, 'ño kiichja nga mejèn-la krò sít'aà Jesús. Koií kjoa-la nga 'ño chja xita naxandá ko xita sko-la no'mii, kisikijne nga kisikitasòn Pilato.

24 Jè Pilato kitsjaà òkixi nga kàttasòn koni s'ín síjé xitá naxandá.

25 Kisikíjnandeíj Barrabás, xitá xi xó k'oas'ín kisijé-ne naxandá xi tjna'ya ndayá nga kjoasí tsohótsji koa xitá kisik'en. Ikjoàn kisingatsja Jesús nga k'oas'ín kàtasíko koni s'ín mejèn-la.

K'e nga kisit'aà krò Jesús

(Mateo 27:32-44; Marcos 15:21-32; Juan 19:17-27)

26 K'e nga kiikò Jesús nga kiì sík'en it'aà krò, kitsobà'nó jngoò xitá xi tinchrobá-ne rancho-la xi 'mì Simón xi ya i'nde-la ñánda 'mì Cirene; jè kisik'ajen krò nga kiitjinguiko-la Jesús.

27 Kjin xitá naxandá tjingui-la, tikoáá kjin íchjín tjingui-la xi kjindáyakeè nga mahimakeè kjoa xi timat'in Jesús.

28 Jesús, kisikátji, kiskoótsejèn-la, kitsò:

—Íchjín xi Jerusalén tsajòn, kì 'an chihindáyachaà-ná, chihindáyachaà yijo-nò ko ts'e ixti-nò.

29 Kijchò nachrjein k'e nga tse kjo'in s'e nga kitsò xitá: “Mé tà ndaà-la ñña íchjín xi 'ndi, xi tsjìn-la ixti, xi mikii k'índi tsí'beé, xi mì ixti kisikaki nga isaá chiba síkájno.”

30 Ikjoàn koiits'ia nga kitsò-la nindoò: “¡Kàtakaàné-najen!” K'oa tì kitsò-la chrjangui-la nindoò: “¡Tijtsa'nde-nájen!”

31 'An, koni jngoò yá xkoén, tanga 'nó ch'o síko-na xitá; jñò xi xitá Jerusalén tsajòn, isaá tà 'nó ch'o síko-nò xitá koni jñá yá kixi.

32 Tikoá kiikò jò xitá xi tse jé tjín-la nga tikoá krò kiyát'aà.

33 K'e nga ijchòko ya i'nde ñánda 'mì I'nde Sko Mik'en, tsasíjnat'aà krò Jesús kò xitá xi jò ma-ne, jñá xi tse jé tjín-la; jngoò, tsasíjnat'aà nga kixi-la koa jngoò, tsasíjnat'aà nga ngaskón-la.

34 K'eé kitsò Jesús:

—Na'èn, tijchàat'aà-la; mikii beè mé kjoa xi s'ín.

Ikjoàn jñá soldado kisiskáko níkje-la Jesús nga kisika'bí-la xíkjín yá ts'e koma.

35 Jñá xitá naxandá nchikotsejèn-la; tikoá jñá xitaxá ítjòn nchisisobà-la, nchitsò:

—Xitá xi kj'eíj tsachrjetji kjo'in; tsà kixi kjoa nga jè xi Cristo xi xó k'oas'ín jaàjìln-ne Nainá, kàtachrjetji kjo'in yijo-la.

36 Tikoáá jñá soldado kisisobà-la Jesús. Ijchò kinchat'aà chraña-la; kits-jaà-la nandá vinagre nga síkii.

37 Kitsò-la:

—Tsà jí-né xi xitaxá ítjòn-la xitá judío, tikíjnandeíj yijo-lè!

38 Tikoá tíj't'aasòn-la sko krò xi 'én griego, 'én latín, kò 'én hebreo xi tsò: “Jè jèe xi Xitaxá ítjòn-la xitá judío.”

39 Jñá xitá xi tse jé tjín-la xi tikoá ya tjohónguit'aà krò, jngoò xi 'nó 'nga kiichjako Jesús, kitsò-la:

—Tsà jí-né xi Cristo [xi xó kisikasén-lè Nainá], tikíjnandeíj yijo-lè tikoá tikítsajnandeíj-nájen!

40 Jè xitá xi jngoò tsohótiko xíkjín, kitsò-la:

—¿A mì tsakjoòn-la Nainá nga ngásòn kjo'in titsaníkjaán?

41 Xi òkixi, jñá ok'ín-ná nga síkjaán kjo'in nga kichjiá jé-ná, koi kjoa-la nga 'nó ch'o k'í'né; tanga jè xitá jè, nímé xi ch'o kis'iin.

42 K'eé kitsò-la Jesús:

—Tíkítsjeèn-ná k'e nga jye kíts'i nga kotixomai.

⁴³ K'ée kitsò Jesús:

—Okixí xi xan-lè; i'ndeí, ján kijnako-ná ngajmii ya i'nde ñánda 'ño ndaà choòn.

K'e nga k'en Jesús

(Mateo 27:45-56; Marcos 15:33-41; Juan 19:28-30)

⁴⁴ K'e nga ijchò nchisen, kòjño nga tíjtsa isò'nde skanda xi jàn nga nguixòn.

⁴⁵ Jè ts'oi, kòjño, koà jè nikje xi t'johóya ingohosen ingo íjtòn, jòya komà nga kixojndà.

⁴⁶ Jesús 'ño kiichja, kitsò:

—iNa'èn, ndseji bíjnaya iníma-na!

K'e nga jye okítsò, k'en.

⁴⁷ Jè xíta sko-là soldado, k'e nga kijtseè kjoà koi koni s'in komà, kijtseèxkón Nainá, kitsò:

—Kixí kjoà, xíta jè, xíta kixi-né.

⁴⁸ Ngats'ii xíta xi chixoña nga nchikotsejèn, k'e nga jye kijtseè kjoà xi komà, kii-ne ni'ya-là; kisijs'ín-sòn iníma-là nga 'ño tse kjoaba kis'ejiin iníma-là.

⁴⁹ Ngats'ii xíta xi beèxkon Jesús ko íchjín xi inchrobà-tjingui-là skanda ján Galilea, kjiin jncha-ne nga nchikotsejèn-là.

K'e nga kisihiijn Jesús

(Mateo 27:57-61; Marcos 15:42-47; Juan 19:38-42)

⁵⁰ Tíjna jngoò xíta xi 'mì José xi 'ño ndaà xíta, tikoáá xíta kixi-né. Yaá i'nde-là ñánda 'mì Arimatea, jngoò naxandá xi chja-ne Judea. Tikoáá xá íjtòn tjin-là ts'e xíta judío.

⁵¹ Jè José, tikoáá tíkoáá-là nga mejèn-là skoé kó s'in otixoma Nainá; mikii t'jngòò-ikon koni s'in tsajoóya-ne xitaxá xíkjin koni s'in kisiko Jesús.

⁵² Kiikon Pilato; kii sijé'nde-là nga kjinchrobàko yijo-là Jesús.

⁵³ Kiskónájen-t'aà krò; kisiákjé jngoò nikje lino chroba. Ikjoàn kii kiihiijn. Kiskin's'en-ngui jngoò ngajo mik'en ñánda nga xó k'oas'ín kitáx'a-ne naxi. I'nde jè, ni saá jngoò mik'en sihiijn.

⁵⁴ Nachrjein jè, víspera-là s'ei Paxko-né; jye kjomeè bijchó hora nga kots'ia jè nachrjein nìkjáya.

⁵⁵ Jñà íchjín xi tíjko kóni nga inchrobà-ne Galilea, kiitjingui-là; kijtseèxkon ngajo mik'en kó s'in kisijna yijo-là Jesús.

⁵⁶ K'e nga j'ii-ne ni'ya-là tsibítsajnándaà xkii xi 'ño ndaà jne ko xkii na'yo. Ikjoàn kisikjáya íchjín jè nachrjein nìkjáya, koni s'in tíchja kjotixoma.

24

Mé xi komà k'e nga jaáya-là Jesús

(Mateo 28:1-10; Marcos 16:1-8; Juan 20:1-10)

¹ Jè nachrjein nga tàts'en xomàna, 'ño tajñòya kii jñà íchjín ya ngajo mik'en ñánda kisihiijn Jesús nga kiiko xkii jne xi tsibítsajnándaà nga kixten-jno yijo-là Jesús; tikoá kjihitako íchjín xi k'eií.

² K'e nga ijchò, kijtseè jè ndajo xi tíchjoàjto-là ngajo mik'en, xìn kijna.

³ K'e nga jahas'en-ngui ngajo mì tì kii kjòtsji-là yijo-là Na'èn-ná Jesús.

⁴ K'e nga nchisikájno íchjín koi, tà nitoón chinchat'aà jò-là xíta x'in xi íkjá nikje xi ote ni'in kjoàn.

5 Íchjín koi, tà kitsakjòn-la; chinchá-ñiat'aà nangui. K'ée kitsò jñà x̄ita x̄'in xi jò ma-ne:

—¿Mé-ne i binchaàtsjjijìn-là mik'en jè x̄ita xi t̄jnakon?

6 Mì t̄i yá t̄jín-ne i j̄ndé, jyeé kòfaáya-la. T̄ik̄itsjeèn koni s'ín kitsò-nò k'e nga t̄isa tsibijna Galilea,

7 nga kitsò: “Mochjeén-né nga jè Ki'ndí-la X̄ita, jñà kongatsja x̄ita jé nga koòt'aà krò tanga k'e nga kijchò ján nachrjein kjoaáya-la.”

8 Jñà íchjín koi, k'ée tsibítsjeèn-la koni s'ín kitsò Jesús.

9 K'e nga j'ii-ne nga kii katsejèn-la ngajo mik'en, tsibénojmí-la jñà x̄ita xi tsibixáya-la xi tejngò ma-ne kò x̄ita xi i'nga.

10 Jñà íchjín koi, jè xi 'mì María Magdalena, Juana, María xi nea-la ma-ne Jacobo kò xi kj'eíí íchjín-isa; jñà xi ijchòkò 'én nga tsibénojmí-la jñà x̄ita xi tsibixáya-la.

11 Tanga jñà x̄ita-la Jesús, xi kjoa n̄iton, tà kjoaská komà-la; mìkii kòkjeíin-la 'én xi tsibénojmí-la jñà íchjín.

12 Tanga jè Pedro, tsangachikon, kii katsejèn-la ngajo mik'en; k'e nga kiskoòtsejèn-s'en ngajo, k̄itsèe nga tà jñà kjioò nikje xi kisijt̄ejin Jesús. I kjoàn kii-ne ni'ya-la; tà kjòxkón-la kjoa xi komà.

Ndiyá Emaús

(Marcos 16:12-13)

13 T̄ijè-ne nachrjein, jò x̄ita xi kota'yàt'aà-la Jesús nchifi jngòò naxandá xi 'mì Emaús, xi t̄jín-la tsà tejngòò kilómetro skanda ján Jerusalén.

14 Nga nchifi yá ndiyá, koií nchijoóya-ne ngats'ii kjoa xi komà.

15 Nga nchijoónojmí t̄ikoa nchikjònangui-la xikjín ijchòt̄jngui chraña-la xi t̄ijè-ne Jesús xi taña tsobáhijtakò.

16 Tanga jñà, k'oaá komà-la koni tsà t̄ichjoa xkon, mìkii k̄ijtseèxkon.

17 Jesús kiskònangui-la, kitsò-la:

—¿Mé 'én xi ondaá chibàya-nò nga tjaàya ndiyá? ¿Mé-ne ba t̄jín-nò?

18 K'ée kiichja Cleofas, kitsò:

—Ngats'ii x̄ita naxandá Jerusalén, tà j̄i ta jngòò-lè xi mìkii t̄jijn-lè jè kjoa xi komà ján Jerusalén, jñà nachrjein xi tsato.

19 Jesús kitsò:

—¿Mé kjoa-ne?

Jñà x̄ita koi kitsò-la:

—Kjoa ts'e Jesús xi Nazaret i'nde-la, jè xi kiichja ngajo-la Nainá; kis'eé-la nga'ño, ma yijeé-la n̄ita mé kjoa-ne, n̄ita mé 'én-ne nga nguixkon Nainá, nguixkon ngats'ii x̄ita naxandá.

20 X̄ita skò-la nò' mii, kò x̄itaxá tsajen, kisìngatsja x̄ita Romano nga kisik'en, tshót'aà krò.

21 Ngajen, titsachiñá-lajen, bixón-nájen tsà jè Mesías xi s̄ik̄itsaj̄nandej̄i-ne x̄ita naxandá Israel. Tanga i'ndeí, jyeé t̄jín-la ján nachrjein nga k'oas'ín komà kjoa koi.

22 T̄ikoaá t̄jín i'nga íchjín xi t̄isaj̄najiin-najen, xi tajñóya kòfi katsejèn-la jè ngajo mik'en. K'e nga kòf'ii-ne kàbincháxkón-najen nga kábénojmí-najen

23 nga mì xó kii kàsakó-la yijo-la Jesús; t̄ikoa kàbeèxkon xó àkjalé xi kàtsò-xó-la: Jesús t̄jnakon-né.

24 K'ée kòfi i'nga x̄ita xingui-jen xi kòfi katsejèn-la ngajo mik'en, k'oaá t̄is'ín kàbeèxkon koni s'ín kàtsò jñà íchjín tanga jè Jesús, mì xó kii kòbeè.

25 K'ée kitsò Jesús:

—ǀMé tà tònǀo-nò tikoǀa mé tà tájaǀjǀn tǀjǀn inǀima-nò nga mìkǀi ndaà mok-
jeiǀn-nò kjoǀa xi kitsò jǀǀà xǀtǀa xi kiǀchǀja ngajo-lǀa Nainá!

²⁶ ǀA mìtsǀa tǀjǀn-nò? K'oaǀá s'ǀn tǀjǀnè-lǀa Cristo, [xǀtǀa xi xó kisǀkasén-ne Nainá],
nga itǀòn sǀikǀjeiǀn kjo'ǀn, ikǀjoǀàn kjoǀahas'en ngajmǀi ñánda jeya kǀjǀna.

²⁷ Tsibénojmǀya-lǀa kó tsòya-ne koni s'ǀn tǀchǀja ngats'iǀi Xojon-lǀa Nainá it'aa
ts'e Cristo. Tsibǀts'ǀako-ne xojon xi kiskǀi Moisés; ikǀjoǀàn tsibénojmǀya-lǀa
ngats'iǀi xojon xi kiskǀi jǀǀà xǀtǀa xi kiǀchǀja ngajo-lǀa Nainá.

²⁸ K'e nga ijchò ya nǀaxǀandá ñánda nchǀfi xǀtǀa koi, Jesús, k'oaǀá kis'iǀn koni
tsǀa isǀa kǀjǀn tǀfǀi.

²⁹ Tanga jǀǀà xǀtǀa koi, kjo'ǀnǀo kis'iǀn-lǀa nga kisǀkǀjǀna; kitsò-lǀa:

—Tǀijnako-nǀajen; jyeé kǀjòhoxòn, jye kiskaǀtǀjǀ ts'oi.

Jè Jesús, kòkǀjeiǀn-lǀa; jahas'en ni'ya; tsibǀjnako.

³⁰ K'e nga jye tǀtsǀajnat'aa imǀixa, kiskoé ǀnchrajǀn, kitsǀjaǀ-ǀa kǀjondaà Nainá,
kisǀxkoǀaya, ikǀjoǀàn kitsǀjaǀ-ǀa jǀǀà xǀtǀa.

³¹ K'eé kitǀx'a xkon; kǀjtseǀxkon nga jè Jesús; tanga jè Jesús, tà kichǀjǀ-né nga
nguixkǀon xǀtǀa koi.

³² K'eé kitsò-lǀa xǀkǀjǀn:

—Koiǀi-lǀa kjoǀa-lǀa nga ndaà kòmatsǀja-lǀa inǀima-ná k'e nga tǀhókonojmǀi-ná ya
iya ndǀiyá nga tǀbénojmǀi-ná kjoǀa ts'e Xojon-lǀa Nainá.

³³ Mǀi tǀi kǀi kiskoòǀà-ne, kisǀkǀatǀjǀ nǀtòón-ne nga kǀi-ne Jerusalén; ijchò ǀjngoò
k'a-ne jngoò ni'ya ñánda tǀtsǀajnajtǀn xǀkǀjǀn xi tejngoò ma-ne kǀo xǀtǀa xi kǀj'eǀiǀ-isa.

³⁴ Jǀǀà xǀtǀa xi tejngoò ma-ne kitsò-lǀa xǀkǀjǀn:

—Kixǀi kjoǀa, jyeé kòfaáya-lǀa Na'èn-ná Jesús; jyeé kòbeǀxkon Simón.

³⁵ K'eé tsibénojmǀi jǀǀà xǀtǀa xi jò ma-ne kó s'ǀn komàt'ǀn ya iya ndǀiyá koǀa kó
s'ǀn komà nga kǀjtseǀxkon Jesús k'e nga kisǀxkoǀaya ǀnchrajǀn.

K'e nga jè Jesús tsatseǀjèn-jǀin osen ñánda tǀtsǀajna xǀtǀa xi kota'yàt'aa-lǀa

(Mateo 28:16-20; Marcos 16:14-18; Juan 20:19-23)

³⁶ Tǀkó tǀk'eé nchichǀja-isa nga nchibénojmǀi-lǀa xǀkǀjǀn kjoǀa koi, nga tsasǀjnǀjǀin
osen-lǀa Jesús; kisǀhixat'aa, kitsò-lǀa:

—Nainá, 'nchǀn kǀatǀsǀkǀtsǀajna-nò.

³⁷ Jǀǀà xǀtǀa koi, tsǀi ndaà kitsǀkǀjǀon, koǀa tsǀi ndaà kisinchaǀxkón; k'e nga kǀjtseé,
komà-lǀa tsǀa tà inǀima-lǀa mik'en-né.

³⁸ Tanga Jesús kitsò-lǀa:

—ǀMé tà ndaà tsakjoòǀn-nò? ǀMé-ne k'oaǀá tsò-ne kǀjòhǀtsǀjeèn xi bitǀjoǀjǀin
inǀima-nò?

³⁹ Chǀtseǀjèn-lǀa ndsǀaa kǀo ndsokoaǀ. 'An-ná. Tǀjat'aa-ná ndsǀaa koǀa
chǀtseǀjèn-ná. Jngoò xǀtǀa xi tà inǀima, tsǀjǀn-lǀa yǀjo, tǀkooǀá tsǀjǀn-lǀa nindaà, tanga
'an, tǀjǀn-na koni s'ǀn tǀtsǀa'yaǀá-ná.

⁴⁰ K'e nga jye okǀitsò-lǀa, tsakó-lǀa tsǀja kǀo ndsokǀo.

⁴¹ Tanga jǀǀà xǀtǀa-lǀa mìkǀi xǀtǀi kòkǀjeiǀn-lǀa nga tsǀja komà-lǀa tǀkooǀa kisin-
chaǀxkón nga kǀjtseǀxkon Jesús; k'eé kiskónangui Jesús, kitsò-lǀa:

—ǀA tǀjǀn chǀiba-nò tsoǀmǀi xi ma chine?

⁴² Kitsǀjaǀ ǀtsé-lǀa tǀjǀn xi jye kichǀjǀn, kǀo tsǀjén-lǀa chǀo cera.

⁴³ Jesús kiskoé, ikǀjoǀàn kiskine nga nguixkǀon jǀǀà xǀtǀa-lǀa.

⁴⁴ K'eé kitsò-lǀa jǀǀà xǀtǀa-lǀa:

—Jǀǀà kjoǀa xi komàt'ǀan, jǀǀà-né xi tsibénojmǀi-nò k'e nga tǀǀa
tsohòtǀjnako-nò. K'oaǀá s'ǀn kixǀn-nò nga kǀtǀasòn yǀje-né koni s'ǀn tǀchǀja
xojon it'aa ts'ǀn, jè kǀjotǀxoma-lǀa Nainá xi kiskǀi Moisés kǀo ts'e xǀtǀa xi kiǀchǀja
ngajo-lǀa Nainá kǀo xi tǀjǀt'aa libro ts'e Salmo.

⁴⁵ K'ée kisikichiya-là kjohtësjeèn-là mé-ne nga kàtjahas'en-jiin-là koni s'ín tíchja Xojon xi tít'aa 'Én Tsjeè-là Nainá.

⁴⁶ Kitsò-la:

—K'oaá s'ín tíchja Xojon-là Nainá nga tsò nga 'an xi Cristo, [xi xó kisikasén-na Nainá], k'oaá s'ín tjinè-na nga kiyá; tanga k'e nga kijchò jàn nachrjein, kjoaáya-na it'aa ts'e kjoa biyaa.

⁴⁷ Xi it'aa ts'an, Nainá sijnchàat'aa-là jé-là xita k'e nga sikkájno jé-la nga mì tì jé kohótsji-ne. Jè 'én koi, mochjeén-né nga kinókjoayajin yije-là xita mats'iaako-ne Jerusalén kó nga títtsa isò'nde.

⁴⁸ Jñò kénjmió kjoa kixi koni s'ín komà.

⁴⁹ 'An sikasén-nò jè kjojtò xi tsjá Na'èn-na koni s'ín kitsjaà tso'ba. Tanga jñò, jí títtsajna naxandá Jerusalén skanda k'e nga tjoé-nò nga'ño-là Nainá xi nchrobá-ne ngajmii.

K'e nga kiiimjin ngajmii Jesús

(Marcos 16:19-20)

⁵⁰ K'ée kiiko xita-là skanda ján naxandá Betania. Kiskimii'nga tsja nga kisijét'aa-là Nainá nga kàtasíchikon-t'in jñà xita koi.

⁵¹ K'e nga tísijét'aa-là, kitjámii'nga nga kii-ne ngajmii.

⁵² Jñà xita-la, k'e nga jye chincha-xkó'nchit'aa-là nga jeya kisikijna Jesús, kii-ne Jerusalén; 'ño tsja kis'e-la.

⁵³ Nachrjein inchijòn tsibitsajnaya ingo ítjòn nga kitsjaà-là kjondaà Nainá tikoá jeya kisikijna.

'Én ndaà-là Nainá xi kjoa ts'e Cristo koni s'ín kiskii San Juan

Jesucristo xi 'Én-là Nainá, xitá komà

¹ K'e nga tisa tàts'en-là kjoa, jè 'Én, jyeé k'oa tijná-né. Yaá tijnako Nainá. Jè 'Én, Nainá-né.

² K'o yaá tijnako Nainá skanda tisa tàts'en-là kjoa.

³ Jè Nainá, k'e nga tsibíndaà ngats'iì tsojmi xi tjin, it'aà ts'eé 'Én tsibíndaà; ni mé tsojmi tjin xi mi it'aà ts'e kisindaà.

⁴ Jè 'Én, it'aà ts'e-né nga títasajnakon xita; jè kjoa nga títasajnakon xita, jè-né ni'ín xi síhiseèn-là ngats'iì xita.

⁵ Jè ni'ín xi síhiseèn ñánda jñò choòn, ote-né, k'o jè kjoa jñò mikii ma síkijne-là ni'ín nga sikits'o.

'Én xi kiichja Juan it'aà ts'e Cristo

⁶ Tsibijna jngòò xita xi 'mì Juan xi Nainá kisikasén.

⁷ Jè j'iì tsjá 'én it'aà ts'e ni'ín xi síhiseèn, mé-ne ngats'iì xita kòkjeiín-là koni s'ín kiichjaya.

⁸ Mítsà jè Juan ni'ín xi síhiseèn-là xita, tà 'én j'iì tsjá it'aà ts'e ni'ín xi síhiseèn-là xita.

⁹ Jè ni'ín xi ngui kixi kjoa xi síhiseèn-là ngats'iì xita, yaá tínchrobá i isò'nde.

¹⁰ Ii tsibijna isò'nde, k'o it'aà ts'eé kisindaà isò'nde, tanga jñà xita isò'nde mikii kijtseèkxon.

¹¹ J'iì nangui ñánda ts'e, tanga jñà xita-là mikii kiskoétjò.

¹² Ngats'iì xita xi kiskoétjò tikoá kòkjeiín-là jñà 'én xi kiichja, k'oaá s'ín kitjò'nde-là nga Ki'ndí-là Nainá ma,

¹³ tanga mítsà koi kjoa-là nga jni kits'iìn-jiiin, ni mítsà koi kjoa-là nga it'aà ts'e xita kits'iìn; koi-né nga it'aà ts'e Nainá kits'iìn.

¹⁴ Jè 'én, xitaá komà, ii tsibijnajiiin-najen. Ki'ya-najen kjoa jeya-là nga Ki'ndí tà jngòò-là Nainá. 'Nó tjin-là kjondaà k'o kjoakixi.

¹⁵ Juan kitsjaà 'én it'aà ts'e, kitsò:

—Jè jèe xi k'oa's'ín kixan-nò k'e nga kixan-nò: “Jè xi sa nchrobá tjingui-na, jè isa tijná itjòn-na, nga isa kjòtseé tijná koni 'an.”

¹⁶ 'Nó tse kjondaà kitjoé-ná ngats'iaá, sa 'ño, sa 'ño kochikon-t'ian.

¹⁷ Jè kjotixoma, it'aà ts'e Moisés j'iì-ne, tanga xi kjondaà k'o kjoakixi, it'aà ts'e Jesucristo j'iì-ne.

¹⁸ Ni saá jngòò xita beèkxon kó kji Nainá. Tà jè xi ki'ndí tajngòò-là xi ya tijnat'aà-là, bénojmi kixi-ná it'aà ts'e.

'Én xi tsibénojmi Juan it'aà ts'e Jesús

(Mateo 3:11-12; Marcos 1:7-8; Lucas 3:15-17)

¹⁹ Jñà 'én koi xi kitsjaà Juan, k'e nga jñà xita judío xi títasajna Jerusalén kisikasén-là no'mii k'o xita levita ñánda tijná Juan nga kiskònangui-là, kitsò-là:

—¿Yá xita-ne jì?

²⁰ Juan tsibénojmi kixi-né; mikii tsakajna'ma, kitsò:

—Mítsà 'an xi Cristo, xita xi xó kisikasén-ne Nainá.

21 *Xiṭa* koi ìjngòò k'a kiskònangui-*lā* kitsò-*lā*:

—¿Yá-né ngajì? ¿A jì-né Elías?

Juan kitsò:

—Majìn, mìtsà 'an.

—¿A jì-né *xìṭa* xi chja ngajo-*lā* Nainá xi tjinè-*lā* nga kjoíí?

Juan kitsò:

—Majìn, mìtsà 'an.

22 Ìjngòò k'a kiskònangui-*lā*, kitsò-*lā*:

—Kòt'ìn-nájen, yá-ne jì, mé-ne nga koma konguíko-lajen 'én jñà *xìṭa* xi kàsikasén-najen. ¿Mé 'én xi k'oj-nájen ìt'aà tsjijí?

23 K'eé kitsò Juan:

—'An-ná *xìṭa* xi 'ñó chjaya ì'nde ìt'aà xìn ñánda nangui kixì choòn: “Tjandaà kixioo ndiyá-*lā* Nainá”, koni s'ín kitsò Isaías, *xìṭa* xi kùichja ngajo-*lā* Nainá.

24 Jñà *xìṭa* xi ijchò kjònangui-*lā* Juan, *xìṭa* fariseo-né.

25 Ìjngòò k'a kiskònangui-*lā*, kitsò-*lā*:

—Tsà mìtsà jì xi Cristo, nì Elías, nì jè *xìṭa* xi chja ngajo-*lā* Nainá, mé-ne *xìṭa* 'nè-ne bautizar.

26 Kùichja Juan kitsò:

—'An tà nandá s'iin-nà bautizar *xìṭa*, tanga tijnajìjn ìjngòò-nò xi jñò mìkì yaxkon,

27 jè xi ìskan kjoíí, jè xi ìsa tìjna ìtjòn koni 'an; skanda mìkì tji'nde-nà nga 'an skíjnda'ñoá xox'ín-*lā* xojté-*lā*.

28 Ngats'ìl kjoa koi, ján naxandá Betania nga k'oas'ín komà, naxandá xi kijna xijngoàà ndá je Jordán, ñánda kis'iin bautizar *xìṭa* jè Juan.

29 Nga komà nchijòn, Juan kijtseè Jesús nga tinchrobákon, kitsò:

—¿Chítsejèn-là, jè jèe xi síkasén Nainá k'oaa ngaya-*lā* koni Orrè Ki'ndí xi faaxìn jè-*lā* *xìṭa* isò'nde!

30 Jè jèe xi k'oá kixan-nò k'e nga kixan: “Nchrobá tjingui ìjngòò-na *xìṭa* x'in xi ìsa tìjna ìtjòn-nà nga ìsa kjòtseè tìjna koni 'an.”

31 Tjikoá 'an, mìkìlì bexkoan yá-né jè. Koií kjoa-*lā* nga ta nandá s'in-na bautizar *xìṭa* mé-ne jñà *xìṭa* naxandá Israel skoexkon-ne.

32 Juan, k'oas'ín kitsjaá 'én nga kitsò:

—Kijtseè-ná jè Inìma Tsjeè-*lā* Nainá nga itjojen-ne ngajmì koni kji nìse paloma kji, tsibìjnason-*lā* Jesús.

33 'An, k'j'èe kì bexkoan, tanga jè Nainá xi kisikasén-nà nga kò nandá s'iin-na bautizar *xìṭa*, kitsò-na: “Jè xi jchjì nga kítjojenè-*lā* Inìma Tsjeè-nà nga ya kíjnason-*lā*, jè-né xi kò Inìma Tsjeè-nà s'jìin-ne bautizar *xìṭa*.”

34 'An, k'oaa s'ín kijtseè, k'oaa ma-ne k'oas'ín tsjaá 'én nga Jesús, jè xi Ki'ndí-*lā* Nainá.

*Xìṭa xi kiskoòta'yàt'aà ìtjòn-*lā* Jesús*

35 Nga komà nchijòn, Juan yaá tìjna ìjngòò k'a; tjikò jò *xìṭa* xi kota'yàt'aà-*lā*.

36 Juan kijtseexkon Jesús nga tìkoo ya tsóba, kitsò:

—¿Chítsejèn-là, jè jèe xi orrè-*lā* Nainá [xi kiyátjì jè-*lā* *xìṭa*]!

37 Ingajò *xìṭa* koi, k'e nga kii'nchré koni s'ín kitsò Juan, kùitjingui-*lā* Jesús.

38 Jesús k'e nga kisikátjìya, kijtseè nga *xìṭa* tjingui-*lā* kitsò-*lā*:

—¿Mé xi binchaatsjioò?

Ingajò *xìṭa* koi, kùichja, kitsò:

—Maestro, ¿ñánda tìjní?

³⁹ Jesús kitsò-là:

—Nchrobá, chítsejèn.

Ikjoàn kiitjingui-là, kijtsee ñánda bijna Jesús. Yá tsibitsajnakò nga jye kjòhoxòn, ijchò-la tsà xi ñijòn.

⁴⁰ Ingajò xitá koi, jña xi kiitjingui-là Jesús k'e nga kii'nchré-là koni s'in kitsò Juan, jngoò xi 'mì Andrés xi 'ndse ma Simón Pedro.

⁴¹ Andrés kii kátsji ítjòn 'ndse xi 'mì Simón, kitsò-là:

—Jyee kà yaxkon-jen jè Mesías [xi xó kisikasén-ne Nainá]. Jè 'én Mesías, Cristo tsòya-ne.

⁴² Andrés kiikò Simón xi 'ndse ma ya ñánda tìjna Jesús. Jesús, k'e nga kijtsee, kitsò-là:

—Ngaji-né xi 'mì-lè Simón xi ki'ndí-là ma Jonás. I'ndeji, Cefas k'oín-lè ('én xi Pedro tsòya-ne).

K'e nga Jesús kiichja-là jè Felipe kò Natanael

⁴³ Nga komà nchijòn, Jesús k'oaá s'in kisikitsjeèn nga ján kjoì nangui Galilea. Kiskaajìin Felipe, kitsò-là:

—Nchrobá tjingui-ná.

⁴⁴ Felipe, yaá i'nde-là naxandá Betsaida, ya ñánda i'nde-là Andrés kò Pedro.

⁴⁵ Felipe kii kátsji Natanael, kitsò-là:

—Jè xitá xi oxkít'aà kjotíxoma xi kiskii Moisés kò xitá xi kiichja ngajo-la Nainá, jyee kà yaxkon-jen nga jè Jesús xi ki'ndí-là José xi Nazaret i'nde-là.

⁴⁶ Natanael, kitsò-là Felipe:

—Ján naxandá Nazaret, ¿a tìjn jngoò xi ndaà xitá xi ya kítjokàjìin-ne?

Felipe kitsò:

—Nchroboí, chítsejèn-là.

⁴⁷ Jesús, k'e nga kijtsee Natanael nga tìnchrobákon, kitsò:

—Jè xitá jè xi nguì kixi kjoa nga xitá Israel nga ndaà tísíjchá yijo-là kò miki konachan.

⁴⁸ Natanael kitsò:

—¿Kó s'in ma-ne nga yaxkon-ná?

Jesús kitsò:

—K'ée kòbe-lè k'e nga tìkj'eè chja-lè Felipe nga tìjna'ngui yá toò ikò.

⁴⁹ Natanael kitsò:

—Maestro, ngaji-né xi Ki'ndí-là Nainá; jì-né xi xitaxá ítjòn-là naxandá Israel.

⁵⁰ Kiichja Jesús kitsò:

—¿A koií-né nga xan-lè: Kòbe-lè k'e nga tìjna'ngui yá toò ikò nga mok-jein-lè? K'oaá xan-lè nga isa 'ño tse kjojkón jchaa-isi.

⁵¹ Ijngoò k'a kiichja Jesús kitsò:

—Nguì okixi xi xan-nò, naxhrjein xi sa f'ì isa jchaxkoòn ngajmii nga tix'á koa jña àkjale-là Nainá fimijìn koa nchrobájen nga tìjmat'aà-na xi Ki'ndí-là Xitá xan-là yijo-na.

2

Jè kjojkón xi kis'ìn ítjòn Jesús

¹ Xi komà jàn naxhrjein, kis'e jngoò s'eí nga chixàn xitá ján naxandá Caná, ya nangui Galilea. Tìkooá yaá tìjna jè nea-là Jesús.

² Tìkooá kinokjoa-là Jesús kò xitá xi kota'yat'aà-là ya ñánda chixàn xitá.

3 K'e nga jyehet'aà vino, jè nea-là Jesús kitsò:

—Mì tì mé vino tjin-ne.

4 Jesús kitsò:

—¿Mé xi ma-lè? ¿Mé-ne 'an kò'mì-ná? K'èè kù bijchó nàchrjein-na nga skoè-na xita yá-ná 'an.

5 Jè nea-là Jesús kitsò-là jña xita xi biya vino:

—K'oaá s'in tikitason yije-là koni s'in tsò-nò.

6 Ya títajna joòn tiji ndajo xi sinchá nandá, xi síkjeèn jña xita judío nga ma sítsjeè-ne tsojmi xi tjin-là koni s'in tjin kjoúxoma-là xi xkón tjin. Jña tiji kjiyaá-là tsà jò kò tsà jàn nisa nandá.

7 Jesús kitsò-là jña xita chí'nda xi nchibíya vino:

—Tinjaà nandá tiji koi.

Jña xita chinchá nandá; jngoò k'aá kisitseè.

8 Ikjoàn kitsò Jesús:

—Tijnachrjeè chiba vino; tanguíko-là jè xi tísís'in-là xita.

K'ée kiikò-là.

9 Jè xita xi oko-là nga tísís'in-là jña xita, kiskoòt'aà nandá xi vino komà; xita jè, mìkù tjiin-là ñánda j'li-ne. (Tà jña tjiin-là xita chí'nda xi tsachrje nandá.) Jè xita xi oko-là, k'ée kiichja-là xita x'in xi chixàn,

10 kitsò-là:

—Ngats'ii xita, jè tsjá ítjòn vino xi 'nó ndaà; k'e nga jye 'nó 'bii jña xita, k'ée tsjá xi chiba ndaà. Tanga ngaji, kòbinchatjó-né xi 'nó ndaà, skanda saá tì'bi.

11 Jè kjoúxkón xi kis'iin ítjòn Jesús ján naxandá Caná nangui xi chja-ne Galilea; k'oaá s'in tsakó kjoa jeya-là kò jña xita xi kota'yát'aà-là kòkjeiin-là it'aà ts'e.

12 Xi jye komà iskan, Jesús kù ján naxandá Capernaum; kiikò nea-là, 'ndse, kò xita xi kota'yát'aà-là. Tà chibaà nàchrjein tsibitsajna ya naxandá jè.

K'e nga kù s'ei Jesús ján Jerusalén

(Mateo 21:12-13; Marcos 11:15-18; Lucas 19:45-46)

13 Nga jye nchrobá machraña s'ei-là xita judío xi bitjo k'e nga itjokàjìn kjo'in ján nangui Egipto, Jesús kù ján Jerusalén.

14 K'e nga jahas'en ingo ítjòn, kijtsee nga tjin xita ya nditsin ingo xi nchihotijna nchraja kò orré kò paloma; tikoá títajna xi síkjatjya tòn.

15 Jesús tsibíndaà jngoò na'ño xi tsajá-là jña xita nga tsachrje yije ya nditsin ingo, kò nchraja kò orré. Tsibíxteèn tòn-là jña xi síkjatjya tòn. Jngoò k'aá chinchá ngajten imixa-là.

16 Jña xita xi nchihotijna nise paloma, kitsò-là:

—Tijnachrjeè yije cho koi; kù ni'ya nditsin 'nè ni'ya-là Na'èn-na.

17 Jña xita xi kota'yát'aà-là k'ée tsibítsjeèn-là nga k'oas'in tjit'aà Xojon-là Nainá nga tsò: “Ñó matsjake ni'ya-lè; koi kjoa-là nga machinikeè.”

18 Jña xita judío kiskònangui-là Jesús, kitsò-là:

—¿Mé kjoúxkón xi okoò-najen nga tjin-lè kjoúxoma it'aà ts'e kjoa xi 'ni?

19 Kiichja Jesús kitsò-là:

—Tikixaña ingo jè, 'an, jàn nàchrjein kindàya lingoò k'a-na.

20 Kitsò jña xita judío:

—Ingo jè ichán joòn nó kisindaà-ne, koa ji, ¿a tà jàn nàchrjein kındaà xitse lingoò k'a-ne?

21 Tanga jè ingo xi kisikaxki Jesús, jè yijo-là xi okitsò-là.

²² K'e nga jye jaáya-lá Jesús nga k'en, k'ée tsibítsjeèn-lá jñà xítá xi kota'yàt'aà-lá 'én xi okítsò. K'ée kòkjeiín-lá koni s'ín tíchjá Xojon-lá Nainá kò 'én xi kíichjá Jesús.

Jesús, kós'ín ma ndaa beè iníma-lá ngats'ìi xítá

²³ Jesús k'e nga tsibìjina s'eí Paxkò ján Jerusalén, k'jìn xítá kòkjeiín-lá it'aà ts'e k'e nga k'ijtsee k'joxkón xi kis'iin.

²⁴ Tanga Jesús mìtsà nguì ndaa t'jngòò ikon it'aà ts'e xítá koi, nga jyeé beèxkon yije xítá.

²⁵ Jesús mìkìl mochjeén-lá nga k'jeií xítá okítsò-lá kó s'ín jñà xítá; jè, jyeé beè iníma-lá xítá kós'ín sikítsjeèn.

3

K'e nga jè Jesús tsohókò Nicodemo

¹ Tsibìjina jngòò xítá fariseo xi t'ikoa xítá ítjòn tsibìjina it'aà ts'e xítá judío; Nicodemo k'i'mì.

² Jngòò k'a j'ìikon Jesús k'e nga jñò, kitsò-lá:

—Maestro, 'ya-nájen nga jè Nainá kisikasén-lè mé-ne kòkóya-nájen. Nga jngòò xítá xi mìtsà Nainá t'jnakò, mìkìl kòma-lá s'iin k'joxkón xi jì 'nì.

³ Jesús kitsò-lá:

—Xi nguì okixi, k'oaá xan-lè, jè xítá xi mìkìl jts'ín xítse jngòò k'a-ne, mìkìl skoe kó s'ín otíxoma Nainá.

⁴ Nicodemo kiskònangui, kitsò:

—¿Kós'ín kòma jts'ín xítse jngòò k'a xítá xi jye kòjchínga? Nì ítse kòma kjoahas'en jngòò k'a indso'ba nea-lá nga jts'ín jngòò k'a.

⁵ Kíichjá Jesús kitsò:

—Xi nguì okixi, k'oaá xan-lè, jè xi mì it'aà ts'e nandá kò Iníma Tsjeè-lá Nainá jts'ín-ne, mìkìl kòma kjoahas'en-jìin ñánda tíhotíxoma Nainá.

⁶ Jè xi ts'iin it'aà ts'e xítá, xítá-né. Koa jè xi ts'iin it'aà ts'e Iníma Tsjeè-lá Nainá, iníma-né.

⁷ Kì maxkón-lè koni s'ín t'ixan-lè: “Mochjeén-né nga jts'ín xítse jngòò k'a-ne jñà xítá.”

⁸ Jè tjo 'ba-né nítá ñánda-ne; na'yà-lá nga one. Tanga mìkìl 'ya-lá ñánda nchrobá-ne, t'ikoa mìkìl 'ya-lá ñánda fi. K'oaá t'is'ín ma yije ngats'ìi xi it'aà ts'e Iníma Tsjeè-lá Nainá ts'iin-ne.

⁹ K'ée kitsò Nicodemo:

—¿Kós'ín ma-ne nga k'oa's'ín kòma-ne kjoa koi?

¹⁰ Jesús kitsò-lá:

—Ngaji, maestro tijni ts'e xítá naxandá Israel. ¿Mé-ne mìkìl t'jìin-lè kjoa koi?

¹¹ Xi nguì okixi, k'oaá xan-lè: Jè kjoa xi ma-najen, k'oaá s'ín nokjoa-jen; xi jye kina'yà-jen, k'oaá s'ín bènojmi-jen. Jñò, mìkìl mokjeiín-nò 'én-najen.

¹² K'e nga benojmi-nò kjoa xi t'jín isò'nde, mìkìl mokjeiín-nò. ¿A kòkjeiín-nò tsà keènojmi-nò kjoa xi t'jín ján ngajmìl?

¹³ Nì saà jngòò xítá xi jye k'ìimijìn ján ngajmìl; tà jè K'índí-lá Xítá xi ngajmìl t'jina nga ya itjojen-ne.

¹⁴ Koni s'ín kis'iin Moisés nga kiskímìl'nga yá xi tjoót'aà ye k'ichá bronce ya j'nde it'aà xìn ñánda kixi choòn, k'oaá t'is'ín t'jínè-lá jè K'índí-lá Xítá nga t'jamitjen-t'aà jè yá,

15 mé-ne ngats'ìi x̄ita xi kòkjeiín-la ìt'aà ts'e, mìkìl chija, s'eé-la kjoabinachon n̄ita kjé-ne.

16 'Nainá 'ñó tsatoó kjòtsjakeè x̄ita isò'nde nga kitsjaà Ki'ndí-la xi tajngoò ma-ne, mé-ne ngats'ìi x̄ita xi mokjeiín-la ìt'aà ts'e, mìkìl chija; s'eé-la kjoabinachon n̄ita kjé-ne.

17 Nainá mìtsà koi xá kisikasén-ne Ki'ndí-la nga kjo'in koiñè-la x̄ita isò'nde; koií xá kisikasén-ne nga kòchrjekàjìin kjo'in x̄ita kjoa ts'e jé-la.

18 'Jè xi mokjeiín-la ìt'aà ts'e Ki'ndí-la Nainá, mìtsà kjo'in sinè-la xi kjoa ts'e jé-la, tanga jè xi mìkìl mokjeiín-la jyeé kjo'in tjínè-la, koií kjoa-la nga mìkìl mokjeiín-la ìt'aà ts'e Ki'ndí-la Nainá xi tajngoò ma-ne.

19 J̄nà x̄ita xi mìkìl mokjeiín-la, jyeé kjo'in tjínè-la, koií kjoa-la k'e nga j'ìi ì isò'nde jè x̄ita xi j'ìikò kjoahiseèn, mìkìl kisaseèn-la kjoahiseèn; isáá ndaa kisaseèn-la kjoajñò, nga ch'o t̄jín kjoa xi nchis'ín.

20 Ngats'ìi x̄ita xi ch'o s'ín, majtikeè kjoahiseèn; mìkìl ya síchrañat'aà ñánda iseèn choòn, mé-ne nga mìkìl jchà-la kjoa xi ch'o nchis'ín.

21 Tanga j̄nà x̄ita xi kjoa kixi nchis'ín, nchrobá kinchat'aà chrañà-la ñánda iseèn choòn, mé-ne nga jchà-la nga ndaa t̄jín kjoa xi nchis'ín koni s'ín mejèn-la Nainá.

Jè Juan, j'ìi ìtjòn-la Cristo

22 Nga jye komà kjoa koi, Jesús kiikò x̄ita xi kota'yàt'aà-la ján nangui Judea; yaá tsibitsajna chiba nachrjein nga kis'ìin bautizar x̄ita.

23 Juan t̄ikoá kis'ìin bautizar x̄ita ya naxandá Enón, jngoò ì'nde xi chrañat'aà-la ya naxandá Salim, koií kjoa-la ì'nde jè t̄jín jchán nandá. J̄nà x̄ita, yaá ijchòkon Juan nga komà bautizar.

24 Nachrjein koi, t̄ikj'eè ndayá fis'en Juan.

25 J̄nà x̄ita xi kota'yàt'aà-la Juan kò jngoò x̄ita judío tsohótiya-ne kjotíxoma-la x̄ita judío xi xkón t̄jín kós'ín matsjeéya-ne x̄ita.

26 Kii j̄nà x̄ita ñánda t̄jna Juan, kitsò-la:

—Maestro, jè x̄ita xi ijchòkoi ján xijngoàà xajngá nandá Jordán, jè x̄ita xi jì kits'ìi 'én ìt'aà ts'e, ì'nde ì t̄ikoá t̄is'ín bautizar; saá jé fit̄jngui-la ngats'ìi x̄ita.

27 Kiichja Juan, kitsò:

—Nimé xi s'e-la x̄ita tsà mì jè sobà Nainá tsjá-la.

28 J̄nò, ndaa t̄jiiin-nò koni s'ín kixan-nò nga mìtsà 'an xi Cristo; 'an-ná xi kinikasén ìtjòn-na ìt'aà ts'e x̄ita jè.

29 Jè x̄ita x'ín xi sà kòbixan, t̄jna chjoón-la; jè amigo-la xi kòbixan síjnat'aà chrañà-la nga t'ínchré-la koni s'ín tichja. Tsja jchán ma-la k'e nga 'nchré-la x̄ita xi sà kòbixan. 'An, k'oáá t̄is'ín matsja-na k'e nga 'nchré koni s'ín t̄is'ín x̄ita jè.

30 X̄ita jè, mochjeén-né nga kàtasijna ìtjòn. 'An, kósijna t̄jngui-ná.

Mé 'én xi tsjá jè xi ngajmii nchrobá-ne

31 'Jè xi nchrobá-ne ngajmii, jè t̄jna ìtjòn-la ngats'ìi x̄ita. Jè xi ì isò'nde ts'e, x̄ita isò'nde-né, kò j̄nà 'én xi chja kjoa ts'e isò'nde-né. Tanga jè xi ngajmii nchrobá-ne, jè t̄jna ìtjòn-la n̄ita yá-ne.

32 Jè tsjá 'én mé xi kijtsee kò mé xi kii'nchré. Tanga 'én xi tsjá, n̄yá xi mokjeiín-la koni s'ín tsò.

33 Tanga jè x̄ita xi mokjeiín-la 'én xi chja, jè tsjá 'én nga Nainá, ngui 'én kixi xi chja.

³⁴ X̄it̄a xi Nainá kisikasén, 'én-l̄a Nainá ch̄ja, nga mik̄i fehet'aà koni s'ín síxájiin in̄ima-l̄a j̄e nga'n̄ó xi t̄j̄n-l̄a In̄ima Tsjeé-l̄a Nainá.

³⁵ Na'èn-ná tsjakeé Ki'ndi-l̄a; j̄e kisingatsja yije n̄ita mé kjoa-ne.

³⁶ J̄e xi mokjeīn-l̄a koni tsò 'én xi ch̄ja Ki'ndi-l̄a Nainá, t̄j̄n-l̄a kjoabinachon n̄ita kjé-ne. K̄o j̄e xi mik̄i mokjeīn-l̄a mik̄i k̄j̄nakon in̄ima-l̄a; k̄jo'in sinè-l̄a xi k̄j̄oti-l̄a Nainá.

4

Kó komà k'e nga jè Jesús tsohók̄o jngòò chjoón samaritana

¹ Jesús, kis'enojm̄i-l̄a nga j̄n̄a x̄it̄a fariseo kitsò: Jesús isaá k̄j̄n x̄it̄a t̄s'ín bautizar mé-ne nga ya skóta'yàt'aà-l̄a mì k'oa-ne Juan.

² (Tanga Jesús mìtsà x̄it̄a kis'iin bautizar; tà j̄n̄a x̄it̄a xi kota'yàt'aà-l̄a xi kis'iin bautizar.)

³ K'oaá komà-ne itjoīn-ne nangui Judea; k̄i l̄jngòò k'a-ne nangui Galilea.

⁴ K'e nga k̄i-ne, k̄jo'n̄ó t̄j̄n-ne nga ya kjoahato Samaria.

⁵ Ijchò jngòò naxandá xi 'mì Sicar, nangui xi ch̄ja-ne Samaria, ya chrañat'aà-l̄a nangui xi kitsjaà k̄jotjò-l̄a k̄jotseé Jacob j̄e ki'ndi-l̄a xi José ki'mi.

⁶ Yaá t̄jna jngòò ngajo nandá xi nei-l̄a komà Jacob. Jesús jye 'n̄ó ijt̄a-l̄a nga tsó'baya ndiyá. Tsib̄inat'aà j̄e ngajo nandá nga jyeé kjomeé bijchó nchisen.

⁷⁻⁸ J̄n̄a x̄it̄a xi kota'yàt'aà-l̄a Jesús, tsojmī k̄i katse ján j̄j̄iin naxandá, j̄n̄a tsojmī xi sk̄iņe. K'eé ijchò jngòò chjoón xi ya i'nde-l̄a Samaria xi ijchòkjaá nandá. Jesús kitsò-l̄a:

—T̄j̄i ītsé-ná nandá xi sk̄iaa.

⁹ J̄n̄a x̄it̄a judío mik̄i ndaá fik̄o x̄it̄a Samaria. Koií kjoa-l̄a, j̄e chjoón kitsò:

—Ngaji x̄it̄a judío-né, k̄o 'an chjoón Samaria-ná. ¿Mé-ne nandá nijé-ná?

¹⁰ K̄iich̄ja Jesús kitsò-l̄a:

—Tsà 'ya-lè k̄jotjò xi ts̄ja Nainá k̄o tsà yaxkoin yá-né xi t̄isjé-lè nandá, tsà j̄i sijé-l̄a nandá, j̄e ts̄ja-lè nandá xi sík̄j̄nakon-ná.

¹¹ J̄e chjoón kitsò:

—Na'èn, n̄imé kich'i xi k̄oma k̄j̄nachrje-ne nandá. J̄e ngajo nandá 'n̄ó nanga. N̄anda t̄j̄n-lè nandá xi sík̄j̄nakon-ná.

¹² Ngaji, ¿a isaá t̄jna ijt̄on-l̄a x̄it̄a jchínga-najen Jacob? J̄e kitsjaà-najen j̄e ngajo nandá j̄e. J̄n̄a x̄it̄a jchínga-najen, íi kits'i nandá, ixti-l̄a k̄o cho tjé-l̄a.

¹³ K̄iich̄ja Jesús kitsò-l̄a:

—N̄ita ya-ne xi skoí nandá xi i t̄i bitjo, k̄oxínda l̄jngòò k'a-l̄a.

¹⁴ Tanga j̄e x̄it̄a xi skoí nandá xi 'an tsjaà-l̄a, mì t̄i k̄i k̄oxínda-l̄a n̄ita kjé-ne. K'oaá s'ín s'e j̄j̄iin in̄ima-l̄a koni jngòò ngajo nandá xi t̄i bitjo nga j̄e nandá sík̄j̄nakon-ne n̄ita kjé-ne.

¹⁵ J̄e chjoón kitsò:

—Na'èn, t̄j̄i-ná j̄e nandá xi k̄o'mi-l̄a mé-ne nga mì t̄i k̄i k̄oxínda-na t̄i k̄o mì t̄i íi k̄joīkjaá-na nandá.

¹⁶ Jesús kitsò-l̄a:

—T̄j̄nókjoa-l̄a x'ín-lè, nchrobákoj̄i ījndé.

¹⁷ K̄iich̄ja j̄e chjoón kitsò:

—Ts̄j̄n-na x'ín.

Jesús kitsò-l̄a:

—Okixíi xi si nga ts̄j̄n-lè x'ín.

¹⁸ Jyeé kò 'òn ma x'in-lè xi bijnakoji. Jè x_ita xi tijnakoji i'ndeji, mìtsà x'in-lè ma. Okixií xi kasi nga tsjin-lè x'in.

¹⁹ Jè chjoón k'e nga kii'nchré 'én koi kitsò:

—Na'èn, k'oaá s'in machiya-na nga jii-là x_ita xi chja ngajo-la Nainá.

²⁰ X_ita jchinga-najen xi Samaria tsajen, íi nindoò jè kijtseèkón Nainá. Tanga jñò xi x_ita judío 'mì-nò bixón-nó nga tà ján Jerusalén jchaxkoán Nainá.

²¹ Jesús kitsò-la:

—Ngaji chjoón, kàtakjeiín-lè, jyeé nchrobá machraña nachrjein nga jchaxkón Nainá nas'in mì i kjinchrobà nindoò jè kò nì ján onguió Jerusalén.

²² Jñò, xi Samaria tsajòn, mìkii 'ya yá-né xi yaxkón; tanga ngajen xi x_ita judío 'mì-najen, 'ya-nájen yá xi yaxkón-jen; nga tje-la x_ita judío kijtokajìin jngoò xi kochrjekajìin kjo'in x_ita.

²³ Jyeé nchrobá nachrjein, kò tijè-ne hora jè, k'e nga jñà x_ita xi ngui kixi kjoa nga beèkón Nainá, kàteèkón nga kò inima-la kò kjoa kixi. Tikoá jè Na'èn-ná ótsji-né x_ita xi k'oaá s'in mejèn-la nga skoèkón.

²⁴ Nainá Inima Tsjeè-né. Jè x_ita xi beèkón, mochjeén-né nga ngui kò kjoa kixi kò ngui kò inima-la kàteèkón.

²⁵ Jè chjoón, k'eé kitsò:

—'An, be-ná nga sa kjoí jè Mesías [xi xó sikkasén-ne Nainá] jè xi Cristo tsòya-ne; k'e nga jè xi kjoí kèènojmi yije-najen kjoa koi.

²⁶ Jesús kitsò-la:

—'An-ná, jè xi tíhoko-lè.

²⁷ Tijè-ne hora j'ii-ne x_ita xi kota'yàt'aà-la xi kii katse tsojmi. Tà k'oaá komà-la nga kijtseè nga chjoón tíhoko. Tanga nijngoò x_ita xi kitsò ikon nga kiskònangui-la mé xi tíkònangui-la, o mé 'én xi nchjoó.

²⁸ Jè chjoón, k'eé kisikíjna nisa nandá-la; kii ján jiiin naxandá nga tsibènojmi yije-la x_ita; kitsò-la:

²⁹ —Nchrobá, chítsejèn-là jngoò x_ita xi k'oa kàtsò yije-na kjoa xi kis'iaàn. Tsà jè-né xi Cristo [xi xó kisikasén-ne Nainá].

³⁰ K'eé kii jñà x_ita naxandá nga kii katsejèn-la ñánda tíjna Jesús.

³¹ Tík'e-ne jñà x_ita xi kota'yàt'aà-la Jesús, tsibítsi'ba-la, kitsò-la:

—Maestro, tichi.

³² Tanga Jesús kitsò:

—'An, tíin-na tsojmi xi kókjeen, xi jñò mìkii yaxkon.

³³ Jñà x_ita xi kota'yàt'aà-la kitsò-la xikjín:

—¿Yá xi kòf'iiko-la tsojmi xi skine?

³⁴ Tanga Jesús kitsò:

—Jñà tsojmi xi kíne, jè-né nga sikitasoàn koni s'in mejèn-la jè xi kisikasén-na kò nga sikjehet'aà xá-la.

³⁵ Jñò, bixón-nó nga ngui ñijòn sá chija-la nga sincháxkó tsojmi xi jye tímajchá. 'An, k'oaá xan-nò: Chítsejèn-là x_ita koi; k'oaá ngaya-la koni tsojmi tje xi jye kòjchá; jyeé koma sincháxkó.

³⁶ Jè x_ita xi bíxkó, machjí-la, kò jñà tsojmi xi bincháxkó, k'oaá ngaya-la koni x_ita xi s'e-la kjoabinachon, mé-ne nga jè xi bitje kò xi bincháxkó ngàsòn s'e-la kjotsja.

³⁷ 'Én kixi-né xi tsò: "Kj'eíj x_ita xi bitje koá kj'eíj xi bíxkó."

³⁸ 'An, kisikasén-nò nga kincháxkó tsojmi xi mìtsà jñò kisengui-nò kjo'in. Kj'eíj xi kisixá. Tanga jñò tíhoko-nò nga bíxkó tsojmi tje-la.

³⁹ Kjin jchán xitá Samaria xi ya títajna naxandá jè kòkjeiin-là it'aà ts'e Jesús koni kitsò 'én xi kitsjaà jè chjoón nga kitsò: "K'oaá kàtsò yije-na kjoa xi kis'iaàn."

⁴⁰ K'e nga jñà xitá Samaria ijchòkon Jesús ñánda tíjna, tsibítsi'ba-là nga ya kàtijnako. Jesús, jò nachrjein tsibijnako.

⁴¹ Kjin xitá kòkjeiin isa-là it'aà ts'e Jesús, k'e nga kii'nchré-là 'én xi jè sobà tsibénojmi.

⁴² Jñà xitá kitsò-là jè chjoón:

—I'nde j mokjeiin-najen; mìtsà tà koi kjoa-là koni s'in ki'mi-nájen. Ngajen sobà kina'ya-lajen; k'oaá s'in ma-ne nga mokjeiin-najen. Kixíj kjoa, jè xi kqchrjekàjiiin kjo'in kjoa ts'e jé-là xitá isò'nde, jè-né xi Cristo [xi xó kisikasén-ne Nainá].

K'e nga jè Jesús kisindaà jngoo-ne ti xi chi'nda-là xitaxá ítjòn.

⁴³ Xi jye komà jò nachrjein nga tsibijna Samaria, Jesús, itjojiin ijngoo k'a-ne j'nde jè. Kii ijngoo k'a-ne nangui Galilea.

⁴⁴ Jè sobà Jesús kitsò: Nijngoo xitá xi chja ngajo-là Nainá yaxkón nangui-là.

⁴⁵ K'e nga ijchò ya Galilea, jñà xitá xi ya i'nde-là, ndaà kiskoétjò, nga jyeé kijtsee jñà kjoa xi kis'iin ján Jerusalén k'e nga itjo s'ei Paxko. Jñà xitá koi tikoá kii-ne k'e nga itjo s'ei.

⁴⁶ Jesús ijchò ijngoo k'a ján Caná, nangui xi chja-ne Galilea, ñánda kisikjatíya-là nandá nga vino kis'iin. Ya naxandá Capernaum tíjna jngoo chi'nda-là xitaxá ítjòn xi tikoá xá 'nga tíjn-là. 'Nó xk'én ki'ndí-là.

⁴⁷ Xitá jè k'e nga kii'nchré nga Jesús ya ijchò Galilea nga inchròbà-ne Judea, kiikon, tsibítsi'ba-là nga kàtjì ni'ya-là, kàtasindaà-ne ki'ndí-là xi jyeé kjomeè biyà.

⁴⁸ Jesús kitsò-là:

—Jñò, mìkii mokjeiin-nò k'e nga tsà mìkii jchaa kjojkón kjoa xi okó kjoa jeya-là Nainá.

⁴⁹ Jè xitá chi'nda ítjòn kitsò-là Jesús:

—Na'èn, t'jin kjondaà, nìtòn nchroboí nga tìkj'eè biyàà ki'ndí-ña.

⁵⁰ Jesús kitsò-là:

—T'in-ne ni'ya-lè. Ki'ndí-lè jyeé ndaà tíjna-ne.

Xitá jè kòkjeiin-là 'én xi kitsò-là Jesús. Ikjoàn kii-ne ni'ya-là.

⁵¹ K'e nga jye kjomeè bijchò-ne ni'ya-là, xitá chi'nda-là kùkjaá indiaà, kitsò-là:

—Ki'ndí-lè jyeé ndaà tíjna-ne.

⁵² Xitá jè, kiskònangui-là chi'nda-là:

—¿Mé hora kjòxan-là ch'in 'ndí xi tíjn-là?

Kitsò xitá chi'nda-là:

—Ngojñà xi jngoo-là kjondaà-ne.

⁵³ Jè na'èn-là ti xi xk'én, kisijiiin-là nga tijè-ne hora k'e nga kitsò-là Jesús: "Ki'ndí-lè jyeé ndaà tíjna-ne." Xitá jè kò ngats'ii xitá xi títajna ni'ya-là, jyeé ndaà tjíjngoo ikon nga mokjeiin-là it'aà ts'e Jesús.

⁵⁴ Jè xi ma-ne jò kjojkón xi kis'iin Jesús k'e nga inchròbà-ne Judea nga j'ii-ne ya Galilea.

5

Kó kitsò x̄it̄a k'è nga Jesús kisindaà jngoo-ne x̄it̄a xi mikii ma fi jè nàchrjein nikjáyá

¹ K'è nga jye k'oas'ín komà kjoa koi, nga komà iskan, jñà x̄it̄a judío tsibíjna jngoo s'ei ján Jerusalén. Jesús kii jngoo k'a ján Jerusalén.

² Ya Jerusalén tíjna jngoo chrjò nandá xi 'mì Betesda nga 'én hebreo. 'Òn ma nguitjoa xi t̄jín-là. Yaá tíjna chrañàt'aà-là xotjoa ts'è orrè.

³ Ya nguitjoa-là k̄jìn x̄it̄a xk'én k̄jijijòngui: xi mikii tsejèn-là, xi tsá'yá kjoàn, xi mikii ma síkjaníyá. Ngats'ii x̄it̄a koi nchikoña-là k'è nga síjtíya-là nandá xi 'ncha jè chrjò.

⁴ Jngoo àkjalè-là Nainá xi tà k̄jé tà k̄jé bitjojen-ne nga síjtíya-là nandá. Jè x̄it̄a xk'én xi fahas'en-jìin ítjòn nandá, k'è nga jye jtíya-là, n̄tòón mandaà-ne n̄t̄a mé ch'in xi t̄jín-là.

⁵ Ya kijnajìin jngoo x̄it̄a xi jye t̄jín-là kaàn chrj'òòn jàn nó nga xk'én.

⁶ Jesús, k'è nga k̄jtseèxkon nga ya kijna, kisijìin-là nga jyeé 'ñó k̄jòtseé xk'én. Kitsò-la:

—¿A mejèn-lè kondaà-ne?

⁷ Jè x̄it̄a xk'én, kitsò:

—Nà'èn, mì yá xi síchját'aà-na nga kinís'en-jìin-na k'è jtíya-là nandá. 'An, k'è nga mejèn-na fahas'en-jñà, k'ejí x̄it̄a síkijne-na nga fahas'en-jìin ítjòn.

⁸ Jesús kitsò-la:

—T̄sítjìin, chjoí nijñaà-lè, t̄t̄jámìl.

⁹ X̄it̄a jè n̄tòón k̄jòndaà-ne, kiskoé-ne nijñaà-là, komà tsajmeè-ne. Nàchrjein jè, nàchrjein nikjáyá-né.

¹⁰ Jñà x̄it̄a judío kitsò-la jè x̄it̄a xi k̄jòndaà-ne:

—Nàchrjein i'ndeì, nàchrjein nikjáyá-né. Mikii t̄jì'nde-lè nga k̄ikoìi nijñaà-lè.

¹¹ X̄it̄a jè kitsò:

—Jè x̄it̄a xi kàsindaà-na, jè sobà xi kòkàtsò-na: “Chjoí nijñaà-lè, t̄t̄jámìl.”

¹² Jñà x̄it̄a koi kiskònangui-là, kitsò-la:

—¿Yá-né xi okàtsò-lè: “Chjoí nijñaà-lè, t̄t̄jámìl”?

¹³ Jè x̄it̄a xi jyeé k̄jòndaà-ne mikii beèxkon yá x̄it̄a-ne xi kisindaà-ne nga jè Jesús jyeé xìn kii nga itjokàjìin-là x̄it̄a xi k̄jìn ma-ne xi ya t̄ítsajna.

¹⁴ Xi komà iskan, Jesús kisat̄iikjoo jngoo k'a x̄it̄a jè ya iya jngo, kitsò-la:

—Jyeé kòmandaà-ne; tanga ki t̄jé binchaàtsji-ne, mé-ne nga mì isà ch'o t̄jín kjoa xi kòmat'in.

¹⁵ X̄it̄a jè kiiikon jñà x̄it̄a judío, tsibénojmi-là nga jè Jesús xi kisindaà-ne.

¹⁶ Jñà x̄it̄a judío k̄iit̄jngui kondra-là Jesús, mejèn-là s̄iik'en koií kjoa-là nga k'oas'ín s'ín k'è nga nàchrjein nikjáyá.

¹⁷ Tanga Jesús kitsò-la:

—Nà'èn-na skanda nàchrjein i'ndeì k'oaa t̄jín xá xi t̄is'ín, t̄ikoaa 'an k'oaa t̄is'ín t̄is'iaàn.

¹⁸ K'oaa ma-ne jñà x̄it̄a judío isáá 'ñó ndaà k̄iit̄jngui kondra-là Jesús nga mejèn-là s̄iik'en. Mìtsà tà koií kjoa-là nga mikii beèxkón nàchrjein nikjáyá, t̄ikoaa koií-né nga jè Jesús Nà'èn-na tsò-là Nainá. K'oaa s'ín t̄isingàsòn-kjoo yijo-là koni Nainá nga k'oaa tsò.

¹⁹ Jesús kitsò-la:

—Xi ngui okixi xi xan-nò, 'an xi Ki'ndí-là Nainá nì mé kjoa xi s'iaàn xi tà kjohtsjeèn ts'an. Tà koi kjoa s'iaàn xi be koni s'in Na'èn-na. Ngats'ii kjoa xi s'in Na'èn-na, 'an xi Ki'ndí ma, k'oaá tís'in s'iaàn.

²⁰ Jè xi Na'èn-na ma, 'ño tsjakeè-na nga Ki'ndí-là tsò-na; okó yije-na mé xi s'iaàn. Kòkò-isa-na kjoa xi isa 'ño xkón tjin, mé-ne jñò, k'e nga jchaa, isa 'ño ndaa koxkón-nò.

²¹ Koni s'in s'in Nainá nga síkjaáya-là mik'en kò síkítsajnakon inima-là nita kjé-ne, 'an xi Ki'ndí-là ma, k'oaá tís'in tsjaa-là kjoabinachon yá-né xi mejèn-na nga tsjaa-là.

²² Jè xi Na'èn-na ma, mitsà jè bindaàjijn-là xita, 'an-ná xi Ki'ndí-là ma kisingatsja yije-na kjohtsjeèn nga koma kindàajijn-là xita,

²³ mé-ne ngats'ii xita skoexkón-na nga Ki'ndí-là ma koni s'in beèxkón Na'èn-na. Jè xi mìkìl beèxkón-na nga Ki'ndí-là ma, tikoáà mìkìl beèxkón Na'èn-na nga jè kisikasén-na.

²⁴ 'Xi ngui okixi, k'oaá xan-nò: Jè xi 'nchré 'én-na koni s'in chjà, tikoá mokjeiin-là it'aà ts'e xi kisikasén-na, tjin-là kjoabinachon nita kjé-ne. Mitsà kjo'in sinè-là, jyeé itjokàjijn kjo'in ts'e kjoa biyaa, jyeé tijnakon inima-là it'aà ts'e Nainá.

²⁵ Xi ngui okixi xi xan-nò: Nchrobá nachrjein, tije-ne hora jè, k'e nga jñà mik'en kji'nchré jta-na xi Ki'ndí-là Nainá ma; jñà xi kji'nchré jta-na, kítsajnakon-né.

²⁶ Jè Na'èn-na, tije-ne xi kjoabinachon; kò 'an xi Ki'ndí-là ma, k'oaá tís'in kitsjaa-na nga tjan-na xi kjoabinachon.

²⁷ Tikoáà kitsjaa-na kjohtsjeèn nga 'an kindàajijn-là xita, nga 'an-ná xi Ki'ndí-là Xita xan-là yijo-na.

²⁸ Kì maxkón-nò 'én koi, kjjchò nachrjein k'e nga ngats'ii xita xi títsajnak'en ján ínchíabá mik'en kji'nchré-là jta-na.

²⁹ Kosítjen ñngoo k'a-ne ya ngajo mik'en. Jñà xita xi ndaa kis'iin, kjoaáya-là nga s'e-là kjoabinachon, tanga jñà xita xi ch'o kis'iin, kjoaáya-là nga s'e-là kjo'in.

Yá xi tsjá 'én it'aà ts'e Jesús

³⁰ Jesús kitsò:

—'An, nì mé xi s'iaàn xi tà kjohtsjeèn ts'an. K'oaá s'in bindaàjijnà koni s'in tsò-na Na'èn-na. Kixi bindaàjijnà; mitsà k'oaá s'in s'iaàn koni s'in mejèn-na. K'oaá s'in s'iaàn koni s'in mejèn-là Na'èn-na xi kisikasén-na.

³¹ Tsà tjan tsjaa-na 'én xi it'aà ts'an, 'én xi tsjaa, jñò kixón-nò: "Nì mé chí-là."

³² Tanga tjin jngoo xi kjei xi tsjá 'én xi it'aà ts'an, be-ná nga jè 'én xi tsjá it'aà ts'an, ngui 'én kixi-né.

³³ Jñò kinikasén-là xita Juan nga kiskòngui-là. Jè Juan, kitsjaa kixi 'én xi it'aà ts'an.

³⁴ Mitsà kjo'ño tjinè-là nga kjei xita tsjá 'én xi it'aà ts'an, koi k'oa xan-nò mé-ne nga kitjokàjijnò kjo'in kjoa ts'e jé.

³⁵ Juan k'oaá s'in ngaya-là koni jngoo ni'in xi titi nga s'ihiseèn, tanga jñò tà chiba nachrjein kinitjakoo kjoa iseèn-là.

³⁶ Jè xá xi tís'iaàn, isa 'ño ts'e chí-là mì k'oa-ne koni 'én xi kitsjaa Juan, nga jè Na'èn-na kitsjaa-na nga sikitasoàn; tije-ne xá xi tís'iaàn okó it'aà ts'an nga kixi kjoa nga jè Na'èn-na kisikasén-na.

³⁷ Jè Nà'èn-nà xi kisikasén-nà, tsjá 'én xi it'aà ts'an. Jñò, kj'eè kii na'ya-là jta-la, ni mikii yaxkon kó kji isén-la;

³⁸ tikoáá jè 'én-la mikii fahas'en-jiiñ inima-nò. Jè xi Nainá kisikasén, mikii mokjeiín-nò it'aà ts'e.

³⁹ Ndaà binchaàtsjijñòò Xojon-la Nainá nga k'oas'in nikítsjeèn nga ya sakò-nò kjoabinachon nita kjé-né. Jè Xojon-la Nainá, tsjá 'én xi it'aà ts'an,

⁴⁰ tanga jñò, mikii sasén-nò nga nchrobátjngui-ná, mé-ne nga s'e-nò kjoabinachon koi.

⁴¹ Mitsà koi kjoa otsjia nga jeya siikjina-na xita.

⁴² Tanga 'an, beèxkoón-nò, nga jñò, mikii matsjacha Nainá nga ko inima-nò.

⁴³ 'An, it'aà ts'e Na'èn-nà j'i-na; jñò majin-nò nga chjoétjò-ná. Tanga tsà kj'eii xita kjoii xi ta kjotsja ts'e kjoii-ne, isaá-là niton chjoétjò.

⁴⁴ Jñò, ¿kós'in koma kòkjeiín-nò? Nga tà jè binchaàtsjioò nga ndaà kitsajnaà nga nguixkon xita, ko mitsà jè binchaàtsjioò nga ndaà kitsajnaà nga nguixkon Nainá xi tà jngoò ma.

⁴⁵ Ki k'oa s'in nikítsjeèn nga 'an tsjat'in-nò 'én nga nguixkon Nà'èn-nà. Jè xi tsjat'in-nò 'én, tije-ne Moisés xi jè ma'ñót'aà takón.

⁴⁶ Jñò, tsà mokjeiín-nò koni s'in kiskii Moisés, tikoáá kòkjeiín-nò it'aà ts'an nga jè Moisés it'aà ts'aan kiichja nga kiskii.

⁴⁷ Tsà mikii mokjeiín-nò koni s'in kiskii Moisés, ¿kós'in kòkjeiín-nò 'én-na xi benojmí-nò?

6

Kó kis'in Jesús nga 'òn jmi xita kisikjèn

(Mateo 14:13-21; Marcos 6:30-44; Lucas 9:10-17)

¹ Nga jye komà kjoa koi, Jesús kii ján xijngoaà ndáchikon Galilea, xi tikoá Tiberias 'mi.

² Nò kjin xita kiitjngui-la nga jye kijtsee kjoxkón ndaà xi s'in nga síndaà-ne xita xk'én.

³ Jesús k'eé kiimijin-jno jngoò nindoò, yaá tsibijna ko xita xi kota'yat'aà-la.

⁴ Jyeé tímachraña s'eí Paxko ts'e xita judío.

⁵ Jesús, k'e nga kiskoótsejèn, kijtsee nga 'ñó kjin ma xita tjíma tjingui-la, kitsò-la Felipe:

—¿Ñánda kindá-lá tsojmi xi kòkjen xita koi?

⁶ Tà k'oaá kitsò-la, tà jè xi mejèn-la nga skoe kó kitsò Felipe. Jesús, jyeé tjijin-la mé kjoa xi s'in.

⁷ Felipe kitsò:

—Nas'in jò-la sindo nàchrjein tjín-ne chjí-la xita, mì-la kii kichiya-la nga jtsé jtsé skine ngats'ii xita koi.

⁸ Kiichja Andrés xi tikoá xita xi ya kota'yat'aà-la Jesús xi 'ndsè ma Simón Pedro, kitsò:

⁹ —I tjina jngoò ti xi 'ya 'òn inchrájin ts'e cebada ko jò ma tin xi 'ya, tanga mì-la kii kichiya-la nga 'ñó kjin ma-ne xita.

¹⁰ Jesús kitsò-la:

—Kot'in-la jña xita, kàtitsajna yije.

I'nde jè 'ñó tjín xka ijña. Jña xita xi tsibìtsajna, ma-la tsà 'òn jmi xi nguì xita x'in.

11 Jesús, kiskoé inchrájin, kitsjaà-la kjondaà Nainá, ikjoàn kitsjaà-la jña xita-la. K'eé kisika'bi-la jña xita xi títasajna. K'oa tís'in kisiko jña tin, kiskine nita kó kji mejèn-la nga jngoò ìjngoò.

12 K'e nga jye kjòskii yije xita, Jesús kitsò-la jña xita xi kota'yàt'aà-la:

—Tixkò yije-nò xi kaningui-ne, mé-ne nga mì kít's'ón-ne.

13 Jña xita-la tsibíxkò-ne inchrájin xi tsiningui-ne. Ngui tejò nìsijá komà, k'e nga jye tsakjèn yije xita.

14 Jña xita, k'e nga jye kijtseè kjoxkón ndaà xi kis'iin Jesús, kitsò-la xikjín:

—Kixijí-la kjoa, jè-la xita jè xi chja ngajo-la Nainá, xi tjinè-la nga kjoíí ì isò'nde.

15 Tanga Jesús, tik'eé kijtseèya-la nga jña xita mejèn-la kjo'ño kiiko nga xitaxá itjòn sükijna; ìjngoò k'a kiimijìn-jno nindoò nga tà tajngoò tsibijna.

K'e nga tsajmeèsòn ndáchikon Jesús

(Mateo 14:22-27; Marcos 6:45-52)

16 K'e nga jye kòjñò, xita xi kota'yàt'aà-la Jesús inchròhòjen ìjngoò k'a-ne ñanda kijna ndáchikon.

17 Jahas'en jngoò chitso, kiisòn-nda nga kii ján naxandá Capernaum. Jyeé 'ño kòjñò, Jesús mìkii xátí j'ii tjingui-la jña xita-la.

18 Ya ijiiin ndáchikon j'ii jngoò tjoxkón xi 'ño jchán s'a. Jè ndáchikon tsibíts'ia nga kiski'nga.

19 K'e nga jye tjin-la tsà 'òn kò tsà joèn jmii metro nga tjímajiiin nandá, kijtseè nga jè Jesús tsóbasòn ndáchikon. Tífi tjingui chraña-la jè chitso. Jña xita tà kitsakjòn-la.

20 K'eé kiichja Jesús, kitsò-la:

—Ki tsakjoòn-jèn, 'an-ná.

21 Jña xita tsjaá komà-la, k'eé kisikas'en chitso. Kò jè chitso nitóon ijchò ya naxandá ñanda nchifi.

Mé xi kis'iin jña xita nga tsohótsji Jesús

22 Nga komà nchijòn, jña xita xi tsibitsajna ján xijngoàà ndáchikon, kijtseè nga tà jngoò chitso kijna xi kiiko xita, tanga Jesús mìkii tsejèn jahas'en ya chitso. Tà jña xita xi kota'yàt'aà-la jahas'en nga kii.

23 Tanga ijchò chitso xi kje'ei xi ya inchròbà-ne naxandá Tiberias; yaá chinha chraña j'nde ñanda tsakjèn inchrájin xita xi 'òn jmii ma-ne, k'e nga jè Jesús kitsjaà-la kjondaà Nainá.

24 Jña xita, k'e nga kijtseè nga mì yá tjin Jesús kò xita xi kota'yàt'aà-la, k'eé jahas'en jña chitso koi, kii kátsji Jesús ján naxandá Capernaum.

Inchrájin xi tsjá Nainá, jè xi tsjá-la kjoabinachon xita

25 Xita koi, k'e nga jye ijchò ján xijngoàà ndáchikon, yaá kiskaàjiiin Jesús kitsò-la:

—Maestro, ¿mé naxrjein j'ii ijndé?

26 Kiichja Jesús, kitsò-la:

—Xi ngui okixi, k'oaá xan-nò, mìtsà koi xá binchaàtsji-ná nga ki'yaà kjoxkón-ndaà xi kis'iaàn, koií-né nga kisikjèn-nò skanda kó nga kjòskioò.

27 Ki koi nixátjio tsojmi xi fehet'aà. Jè tixátjio tsojmi xi síkijnakon inima-ná nita kjé-né, jè xi 'an tsjá xi Ki'ndí-la Xita xan-la yijo-na. Na'èn-ná xi Nainá jè kitsjaà-na kjo'ixoma kjoa xi s'iaàn.

28 Xita koi, kiskònanngui, kitsò-la Jesús:

—¿Mé xi s'en-jen nga koma síxá-lajen Nainá koni s'in mejèn-la jè?

29 Jesús kitsò-là:

—Xá-là Nainá, jè-né nga kòkjeiín-nò it'aà ts'e xi Nainá kisikasén.

30 Xità koi, kitsò-là Jesús:

—¿Mé kjoxxkón ndaa xi kòkó-nájen mé-ne k'e nga jcha-jen kòkjeiín-najen?
¿Mé xi ma-lè 'nì?

31 Jñà xità jchínga kjin-najen tsakjèn inchrájin xi 'mì maná, jáni'nde it'aà xìn ñánda nangui kixi choòn. Koni s'ín tjit'aà Xojon-là Nainá nga tsò: “Inchrájin xi nchrobá-ne ngajmii kitsjaà-là nga kisikjèn.”

32 Kiichja Jesús kitsò-là:

—Xi ngui okixi xi xan-nò, mìtsà jè Moisés kitsjaà-nò inchrájin xi ngajmii inchróbà-ne; jè Nà'èn-nà xi tsjá-nò xi ngui inchrájin xi ngajmii nchrobá-ne.

33 Inchrájin xi tsjá Nainá, jè xi jye itjojen-ne ngajmii, jè xi tsjá-là kjoabinachon jñà xità isò'nde.

34 Xità koi kitsò:

—Nà'èn, kjit'aà nchrjein tjii-nájen inchrájin koi.

35 Jesús, kitsò-là:

—'An-ná inchrájin xi síkíjnakon iníma-là xità. Jè xi 'an kjinchrobát'aà-nà, mì tì kii kohijò-là. Jè xi kòkjeiín-là it'aà ts'an, mì tì kii koxínda-là nita kjé-ne.

36 Jyee okixan-nò, jñò nas'ín títsa'yaà-ná mikii mokjeiín-nò.

37 Ngats'ii xità xi 'an tsjá-na Nà'èn-nà, 'aán nchrobát'aà-nà; kò jñà xi 'an nchrobát'aà-nà mikii ochrjenguiá.

38 'An, mìtsà koi xá itjojen-nà ngajmii nga k'oas'ín s'iaàn koni s'ín mejèn-na. K'oáá s'ín sikitasoàn koni s'ín mejèn-là Nà'èn-nà xi kisikasén-na.

39 Jè xi mejèn-là Nà'èn-nà xi kisikasén-nà, nga nijngoo xità chija xi 'an tsjá-na. 'An siikjaáya-là it'aà ts'e kjoa biyaà k'e nga kjoehet'aà nchrjein.

40 Koi xi mejèn-là jè xi kisikasén-na: ngats'ii xità xi skoexkon-na nga Ki'ndí-là Nainá 'mì-na kò kòkjeiín-là it'aà ts'an, s'eé-là kjoabinachon. 'An siikjaáya-là k'e nga kjoehet'aà nchrjein.

41 Jñà xità judío k'eé tsibíts'ia nga kiichjajino-là Jesús, koií kjoa-là nga kitsò: “'An-ná inchrájin xi ngajmii nchrobá-ne.”

42 Kitsò-là xikjín:

—¿A mìtsà jè Jesús, xi ti-là ma José? Yaxkon-ná nà'èn-là kò nea-là. ¿Mé-ne tsò-ne nga ngajmii itjojen-ne?

43 K'eé kitsò Jesús:

—Kii k'oas'ín nokjoajno-ná.

44 Nijngoo xità xi koma kjinchrobát'aà-na tsà mìtsà jè Nà'èn-nà xi kisikasén-na kjinchrobàko, mé-ne nga 'an siikjaáya-là k'e nga kjoehet'aà nchrjein.

45 Xità xi kiichja ngajo-là Nainá, k'oáá tsò xojon xi kiskii nga tsò: “Jè sobá Nainá kòkòya yije-là xità.” K'oáá s'ín ma-ne nga ngats'ii xità xi 'nchré-là Nà'èn-nà kò xi machiya-là it'aà ts'e, 'aán nchrobát'aà-nà.

46 'Nì saá jngoo xità xi beexkon Nà'èn-ná. Tajngoo jè beexkon xi Nainá kisikasén.

47 Xi ngui okixi xi xan-nò: Jè xi kòkjeiín-là it'aà ts'an s'eé-là kjoabinachon nita kjé-ne.

48 'An-ná inchrájin xi síkíjnakon iníma-là xità.

49 Jñà xità jchínga kjin-nò tsakjèn inchrájin xi 'mì maná ya j'nde it'aà xìn ñánda nangui kixi choòn, tanga táko k'en-né.

50 Jè ìnchrajín xi k'oḗ xan-nò xi nchrobájen-ne ngajmì. Kò jè xi kòkjen ìnchrajín jè mìkìl kiyá.

51 'An-ná ìnchrajín xi tìjnakon xi itjojen-ne ngajmì. Tsà yá xi kòkjen ìnchrajín jè, s'èé-lá kjoabinachon nìtá kjé-ne. Jè ìnchrajín xi 'an tsja, jè yijo-na. Koií k'oas'ín tsjaà-na nga 'an kiyátjì-lá xìtá isò'nde mé-ne nga kitsajnakon-ne.

52 Jñà xìtá judío xkì xi ján tsajoóko xíkjin, kitsò:

—¿Kós'ín s'jìn nga siikine-ná yijo-lá?

53 Jesús kitsò-lá:

—Ngui okixí xi xan-nò. Jñò, tsà mìkìl chjinee yijo-na 'an xi Ki'ndí-lá Xìtá xan-lá yijo-na, tìkoḗ mìkìl s'ioo jní-na, mìkìl s'è-nò kjoabinachon.

54 Jè xi skìne yijo-na tìkoḗ skoí jní-na tjin-lá kjoabinachon nìtá kjé-ne. 'An siikjaáya-lá k'è nga kjoehet'aà nàchrjein.

55 Yijo-na, jè xi kixì kjoa xi ngui yijo xi ma chine; koḗ jè jní-na jè nandá xi ngui kixì kjoa nga ma 'yò.

56 Jè xi skìne yijo-na koḗ skoí jní-na, kjit'aà nàchrjein ya kíjnakò-na, tìkoḗ 'an kjit'aà nàchrjein ya tìjnakoòkoḗ.

57 Na'èn-na xi kisikasén-na, tìjnakon-né; kò it'aà ts'è-né nga tìjnakoan; k'oḗá tìs'ín tjin jè xi skìne yijo-na, it'aà ts'an kíjnakon-né.

58 Jè ìnchrajín xi itjojen-ne ngajmì, mìtsà jè xíkjin ìnchrajín maná xi tsakjèn xìtá jchínga kjìin-nò; nga komà iskan, xìtá xi tsakjèn, k'en-né. Tanga jè xi kòkjen ìnchrajín xi itjojen-ne ngajmì, s'èé-lá kjoabinachon nìtá kjé-ne.

59 Jesús k'oḗá s'ín kùichja nga tsakóya ya ni'ya ìngò sinagoga ya naxandá Capernaum.

'Èn xi tsjá-lá kjoabinachon inìma-lá xìtá

60 Jñà xìtá k'è nga kùinchré koni s'ín tsakóya Jesús, kjín ma xìtá xi kota'yàt'aà-lá xi kitsò:

—Jñà 'én koi, 'ñò 'in tjin. ¿Yá xi kòkjeín-lá?

61 Jesús, k'è nga kijtseèya-lá nga jñà xìtá xi kota'yàt'aà-lá ch'o nchijoóya-ne 'én xi tsakóya, kitsò-lá:

—¿'Èn koi, a mì sasén-nò?

62 ¿Kós'ín koma-ne tsà jchà-ná 'an xi Ki'ndí-lá Xìtá xan-lá yijo-na nga kjìmjìn ìngòò k'a-na ñánda tìjña nga sa ítjòn?

63 Jè Inìma Tsjeé-lá Nainá xi síkijnakon-ná. Jè yijo-ná nìmé chjì-lá. 'Èn xi 'an okóya-nò, ts'èé Inìma Tsjeé-lá Nainá, kò tsjá-lá kjoabinachon inìma-nò.

64 Tanga jñò tjin i'nga xìtá xinguiò xi mìkìl mkojeín-lá.

Nga jè Jesús jye tìjìn-lá kóni skanda tàts'en-lá kjoḗ yá-né xi mìkìl kòkjeín-lá kò yá-né xi s'ìngatsja it'aà ts'è xìtá kondrà-lá.

65 Jesús kitsò isà:

—Koií k'oas'ín kixan-nò nga nìngòò xìtá xi koma kjìnchrobàt'aà-na tsà mìtsà jè Na'èn-na kjìnchrobàkò.

66 Ikjoàn kjìn jchán xìtá xi kota'yàt'aà-lá Jesús xi tjingui-lá tsibìts'ia nga kùinchré it's'ín. Mì tì kùl ya chinchimako-ne.

67 Jesús kitsò-lá jñà xìtá-lá xi tejó ma-ne:

—Jñò, ¿a tìkoḗá mejèn-nò nga onguió?

68 Kùichja Simón Pedro, kitsò:

—Na'èn, ¿yá xi onguítjingui-lajen? Jì-né xi tjin-lè 'én xi tsjá kjoabinachon.

69 Ngajen 'ya-nájen, tikoáá mokjeín-najen nga jí-né xi Cristo, xi Ki'ndí-lá Nainá xi tijnakon.

70 Jesús kitsò-lá:

—An, xó k'oaá s'ín jaàjìn-nò nga tejò ma-nò, mé-ne nga kitjako-ná. Tanga jñò, yaá tijnajìn jngoò-nò xi xita neíí tísíxájin iníma-lá.

71 Jesús, jè kiichjá it'aá ts'e Judas, ki'ndí-lá Simón Iscariote. Nga jè sùngatsja Jesús it'aá ts'e xita kondra-lá. Jè Judas, xi ya itjojin xita-lá Jesús xi tejò ma-ne.

7

Kó kitsò jñà 'ndse Jesús nga mìkì kòkjeín-lá it'aá ts'e

1 K'e nga jye k'oas'ín komà kjoa koi, Jesús yaá tsajmeè nangui Galilea. Majìn-lá nga ya kojmeè naḡandá Judea, koií kjoa-lá nga jñà xita judío nchihótsji nga mejèn-lá sùk'en.

2 Jyeè nchrobá machrañá s'eí-lá xita judío ts'e Ni'ya Xka Ijñá.

3 Jñà 'ndse Jesús kitsò-lá:

—Kì tã tsja jí bijni. T'ín ján Judea mé-ne jñà xita xi kota'yàt'aà-lè xi títajna ján kàteè-lè mé kjoa xi 'nì.

4 Tsá k'e mejèn-ná nga skoe-ná xita mé kjoa xi tí'né, mochjeén-né nga kòkò-lá yijo-ná. Ngaji, koni s'ín 'nì, takó-lá yijo-lè ngats'ì xita isò'nde.

5 Koií okitsò-lá jñà 'ndse nga mìkì kòkjeín-lá it'aá ts'e.

6 Jesús kitsò-lá:

—Kj'eè kii bijchó nachrjein-na, tanga xi it'aá tsajòn ndaà tjin nita mé nachrjein-ne.

7 Jñò, mìkì majtikeè-nò jñà xita isò'nde, tanga 'an majtikeé-na, koií kjoa-lá nga 'an benojmí kixi-lá nga ch'o tjin kjoa xi s'ín.

8 Tanguió jñò jè s'eí, 'an mìkì kjián. Kj'eè kii bijchó nachrjein-na.

9 K'e nga jye okitsò-lá jñà xita, Jesús yaá tsibìjna ya nangui Galilea.

K'e nga jè Jesús kii s'eí ts'e ni'ya xka

10 K'e nga jye kii s'eí jñà 'ndse Jesús, jè, tikoáá kii 'ma-né. Majìn-lá nga xita skoexkon.

11 Ya ñánda tìbitjo s'eí, jñà xita judío nchihótsji Jesús, kitsò-lá xíjín:

—Xita jè, ñánda tìjna.

12 Ngats'ì xita xi ijchò s'eí, xkì xi ján tsajoóya-ne it'aá ts'e Jesús. Tjin xi kitsò: "Xita ndaà-né." Tikoá tjin xi kitsò: "Majìn, naḡandá konachan-lá."

13 Tanga nìyá xi kiichjá tsejèn nga nguixkon xita xi k'ejí, nga jñà xita sko-lá xita judío, tsakjón-lá.

14 K'e nga jye ijchò osen nga tìbitjo s'eí, ijchò Jesús, jahas'en ingo ítjòn, ikjoàn tsakóya-lá xita.

15 Jñà xita judío, k'e nga kijtseè koni s'ín okóya, tà kjòxkón-lá kitsò-lá xíjín:

—Xita jè, ¿kós'ín ma-ne nga kò tà ndaà okóya-ne nga mìtsà xojòn kiskoòta'yá?

16 Jesús kitsò-lá:

—Jñà 'én xi 'an okoóya, mìtsà 'én ts'an, ts'e-né jè xi kisikasén-na.

17 Tsá ya xi mejèn-lá sùkitasón koni s'ín mejèn-lá Nainá, skoe-né jñà 'én xi 'an okoóya tsá it'aá ts'e Nainá nchrobá-ne, o xi tà kjòhítsejèn ts'an-ná.

18 Jngoò xita xi tà kjòhítsejèn ts'e tísíkjeén nga tíchja, tà jè xi mejèn-lá nga jè jchaxkón; tanga jè xita xi koií kjoa tíhótsji nga jè kátayaxkón jè xi kisikasén, jè-né xi ngui 'én kixi tsjá, mìtsà 'én ndiso chja.

19 'Jñò, ¿a mìtsà kixi kjoa nga kitjoé-nò kjotixoma-la Nainá xi jè Moisés kiskii? Tanga jñò, njingoo xi ma-la sikitasòn. ¿Mé-ne mejèn-nò nga sikk'en-ná?

20 Jñà xita kitsò:

— ¡Neí-là tíjìn iníma-lè! ¿Yá-né xi mejèn-la sikk'en-lè?

21 Jesús kiichja kitsò-la:

— Jñò, maxkón-nò jngoo kjoa xi kis'iaàn jè nachrjein nikjáya.

22 Kixii kjoa, jè Moisés kitsjaà-nò kjotixoma xi kjoa ts'e circuncisión. (Tanga kjotixoma jè, mìtsà ts'e Moisés; it'aà ts'eé xita jchínga kjiin-nò inchrobà-ne.) Tanga jñò, ñas'ín nachrjein nikjáya bit'aà chibaá-la xita x'in kjoa ts'e circuncisión.

23 Jñò, nga bit'aà chiba-la jñà xita kjoa ts'e circuncisión jè nachrjein nikjáya nga majin-nò njchaanguio kjotixoma xi kitsjaà-nò Moisés, ¿mé-ne majti-nò nga 'an jngoo k'a ndaà sindaà-na xita jè nachrjein nikjáya?

24 Ki k'oaá s'ín jchòsòn-là koni s'ín tsejèn-nò. K'oaá s'ín jchòsòn-là koni s'ín tjín xi ngui kjoa kixi.

Kós'ín bénojmí Jesús ñánda j'ii-ne

25 Tjín i'nga xita xi Jerusalén ts'e xi kitsò:

— ¿A mìtsà jè xita jè xi ótsji jñà xita judío nga mejèn-la sikk'en?

26 Chítsejèn-là, tíchjiiin osen-la jñà xita ñaxandá, ñiyá xi kó tsò-la. ¿A jyeé kòkjein-la jñà xitaxá nga kixi kjoa nga jè xi Cristo [xi xó Nainá kisikasén-ne]?

27 Tanga jñà, 'ya-ná ñánda j'ii-ne xita jè, k'e nga kjoii Cristo ñiyá xi skoe ñánda kjoii-ne.

28 Jesús nga tíhokóya ya nditsin ingo íjtòn, kii'nchré koni s'ín kitsò jñà xita. K'eé 'ño kiichja kitsò:

— Jñò, yaxkoón-ná; tíjìn-nò ñánda j'i-na. Tanga mìtsà tà kjotsja ts'an nga j'iaa. Jè xi kisikasén-na, jè-né xi ngui kixi kjoa nga Nainá. Jñò, mikii yaxkon.

29 Tanga 'an, bexkon-ná. It'aà ts'eé inchrobà-na nga jè sobà kisikasén-na.

30 Tije-ne hora jñà xita mejèn-la nga tsobà'ño Jesús tanga njingoo xi kitsò ikon nga kitsobà'ño, koi-né nga kj'eè ki bijchó nachrjein-la nga kiyá.

31 'Nó kjin xita kòkjein-la koni kitsò Jesús. Kitsò-la xikjín:

— K'e nga kjoii Cristo, ¿a isa kjiiin kjoxkón ndaà xi s'jin, koni jè xita jè? Kixii-la kjoa, jè-la xi Cristo.

Kó kitsò Jesús k'e nga jñà xita fariseo mejèn-la kitsobà'ño

32 Jñà xita fariseo kii'nchré koni s'ín nchijoo jñà xita it'aà ts'e Jesús. Xita sko-la no'mii kò xita fariseo kisikasén xita xi sikinda ingo nga mejèn-la tsobà'ño Jesús.

33 Jesús kitsò-la:

— 'An, tà chibaá nachrjein kótijnako-nò, ikjoàn kjín l'jngoo k'a-na ñánda tjina xi kisikasén-na.

34 Jñò, kinchátsji-ná tanga mikii sakò-nò nga mikii koma konguió ya ñánda kótijna.

35 Jñà xita judío, tsibíts'ia nga kiskònangui-la xikjín kitsò:

— Xita jè, ¿ñánda kjoii? ¿Mé-ne nga mikii koma sakò-ná? ¿A yaá kjiko xita judío xinguiáa xi xin i'nde títsajna nga jñà xi taxki xita kòkòya-la?

36 ¿Kó tsóya-ne 'én xi bénojmí nga tsò: “Jñò, kinchátsji-ná tanga mikii sakò-nò nga mikii koma konguió ya ñánda kótijna?”

Jngoo xajngá nandá xi tjínakon

37 Jè nachrjein xi fehet'aà-ne s'eí, Jesús tsasíjna kixí, 'ñó kiichja, kitsò:

—Tsá yá xi xíndá-lá kàtjanchrobákon-na, kàt'íi nandá.

38 Koni s'ín tíchja Xojon-lá Nainá nga tsò: Jè xi mokjeíin-lá it'aà ts'an sijnajün iníma-lá koni jngòò xajngá nandá xi mìkii xíya xi síkíjnakon xítá.

39 K'e nga okítsò Jesús, it'aà ts'eé Iníma Tsjeè-lá Nainá kiichja nga iskan tjoè-lá jñà xítá xi kòkjeíin-lá it'aà ts'e. Nachrjein jè, Iníma Tsjeè-lá Nainá kj'eé kii bitjojen nga kj'eé kii fi-ne ngajmii Jesús nga jcha-lá kjoajeya-lá.

Mé-ne kjòòya-ne jñà xítá it'aà ts'e Jesús

40 Jñà xítá, k'e nga kii'nchré 'én koi, tjín i'nga xi kitsò:

—Kixíí kjoa xítá jè, jè-né xi tjínè-lá nga kjoíí nga kichja ngajo-lá Nainá.

41 Jñà xítá xi i'nga kitsò:

—Jè-né xi Cristo [xi xó kisikasén-ne Nainá].

Tíkoáá tjín i'nga xi kitsò:

—Majín-la nga jè Cristo, mìtsà nangui Galilea kjoíí-ne.

42 Xojon-lá Nainá k'oaá s'ín tíchja nga jè Cristo, yaá kjinchrobàt'aà-ne tje-lá David, ya naxandá Belén, i'nde-lá David.

43 K'oaá s'ín komà-ne nga kjòòya jñà xítá xi kjoa ts'e Jesús.

44 Tjín i'nga xítá xi mejèn-lá kitsobà'ño nga kjiko ndayá, tanga njngòò xi kitsò ikon nga kitsobà'ño.

Kjoa xi tsohótiya-ne xítá ítjòn-lá no'mii

45 Jñà xítá xi síkindá ingo, inchrobà-ne ñánda títsajna xítá fariseo kò xítá sko-lá no'mii, kitjánangui-lá, ki'mì-lá:

—¿Mé-ne mìkii kànchrobáko-nò?

46 Jñà xítá xi síkindá ingo kitsò:

—Ní saá jngòò xítá xi k'oa'sín chja koni s'ín chja xítá jè.

47 Jñà xítá fariseo, kitsò:

—Jñò, ¿a tíkoáá kachonachaán-nò?

48 ¿A k'oaá tís'ín mokjeíin-lá xítaxá ítjòn tsaján kò xítá xinguiáá fariseo?

49 Tanga jñà xítá xi tíchonachán-lá nga mìkii tíjün-lá kjotíxoma-lá Moisés, tíjñè-lá nga kjo'in s'e-lá.

50 Nicodemo, jè xi xítá fariseo, xi jñò j'iikon jngòò k'a Jesús, kitsò-lá:

51 —Kjotíxoma tsaján, mìkii tsjá'nde nga kjo'in k'oi-lá xítá, k'e nga tíkj'eé kii ndaà 'ya-lá mé kjoa xi tjín-lá.

52 Jñà xítá fariseo, kitsò-lá Nicodemo:

—¿A tíkoáá yaá nangui-lè Galilea? Chíta'yì Xojon-lá Nainá mé-ne nga jcha-ne nì sà jngòò xítá xi chja ngajo-lá Nainá f'i-ne Galilea.

Chjoón xi kjoa chijngui kis'iin

53 Tà k'oa'sín kitsjóya-ne xítá, xkí xi ján kii-ne ni'ya-lá nga jngòò òjngòò.

8

1 Tanga Jesús, ján kii ya nindoò Yá Olivo.

2 Nga komà nchijòn tajñòyaá j'i-ne ya ingo ítjòn. Ngats'ii xítá j'ii tjingui-lá Jesús ñánda tíjna. K'eé tsibìjna nga tsakóya-lá jñà xítá.

3 Jñà xítá xi okóya kjotíxoma-lá Nainá xi kiskii Moisés kò xítá fariseo ijchòkò jngòò chjoón xi k'i'yat'in-lá nga kjoa chijngui tís'ín. Tsasíjna osen ñánda títsajna ngats'ii xítá;

4 Jñà xítá koi kitsò-lá Jesús:

—Maestro, chjoón jè, ndaà kà'yat'in-lá nga kjoa chijngui tís'ín.

⁵ Jè kʒotíxoma-la Moisés, k'oaá s'in tichja nga jñà íchjín xi k'oa tjin kjoa xi ótsji ndajoó kiyá-ne. Ngaji, ¿kó si?

⁶ Jñà xita koi, koiú k'oas'in kitsò-la Jesús nga mejèn-la skót'aà, mé-ne koma kohòngui-ne it'aà ts'e xitaxá. Tanga Jesús, tsasiñiat'aà nangui nga kiskiljino-ne ko jnótsja it'aà nangui.

⁷ Xita koi nga sii nchis'in nga kjònangui, Jesús tsasíjna kixi kitsò-la:

—Jñò, tsà tjin i'nga xita xinguíoo xi tsjin-la jé, jé kátnè ítjòn ndajoó chjoón jé.

⁸ Jesús ìjngoo k'a tsasiñia nga kiskiljino ìsa it'aà nangui.

⁹ Jñà xita koi, k'e nga kii'nchré koni s'in kitsò Jesús, tà ìjngó ìjngó kii-ne, nga kijtsee nga mikii ndaà tjin kjohitsjeèn xi kiichja, tsibíts'ia-ne xi xita jchínga, ìkjoàn kii-ne ixti. Tà jé tajngoo Jesús ko chjoón tsibítsajna.

¹⁰ Jesús tsasíjna kixi-ne, kijtsee nga mì tì yá xita tjin-ne. Tà jé tajngoo chjoón síjna. K'eé kitsò-la:

—¿Ñánda títsajna xita xi óngui-lè? ¿A nijngoo xi kòhónè-lè kjo'in?

¹¹ Jé chjoón kitsò:

—Na'èn, nijá-jèn.

Jesús kitsò-la:

—Tikoáá 'an, mikii kinè-lè kjo'in. T'in-ne ni'ya-lè; kì tì jé binchaàtsji-ne.

Ni'in xi tsjá kjoabinachon xi síhiseèn-la xita isò'nde

¹² Jesús, ìjngoo k'a kiichjajjìn-la jñà xita, kitsò-la:

—'An-ná ni'in xi síhiseèn-la isò'nde. Jé xi 'an fit'aà-na s'eé-la ni'in xi tsjá kjoabinachon. Mì tì kii yá kojmejjìn-ne kjoajñò.

¹³ Jñà xita fariseo kitsò:

—Tì jii tì'biì-ne 'én it'aà tsiji. 'Én xi nokjoì, nijé chjí-la.

¹⁴ Jesús kiichja kitsò-la:

—'Én xi chjá, chjí-la-né, nas'in tì'an tsjaà-na 'én xi it'aà ts'an. Nga be-ná ñánda j'i-na ko ñánda tífia. Tanga jñò mikii 'yaá ñánda j'i-na ko ñánda tífia.

¹⁵ Jñò, tà kjohitsjeèn ts'e xitaá níkjeén k'e nga jé binè-ná. Tanga 'an nijngoo xita binè-la jé.

¹⁶ Tanga 'an, tsà yá xita xi konè-la jé, kjoakixí xi s'iaàn. Nga mìtsà tajngoo bindaàjiaàn, koó Na'èn-na xi kisikasén-na bindaàjjìn-ko-na.

¹⁷ Kʒotíxoma tsajòn k'oas'in tichja nga tsò: K'e nga tsà jò ma-ne xita xi tsjá 'én, tsà ngàsòn tsò ingajò, kixí kjoa, chjí-la né.

¹⁸ Tì'aán-na xi tsjaá 'én it'aà ts'an. Ko tikoáá jé Na'èn-na xi kisikasén-na tsjá 'én it'aà ts'an.

¹⁹ Jñà xita fariseo, kiskònangui-la kitsò-la:

—¿Ñánda tíjna Na'èn-lè?

Kiichja Jesús, kitsò-la:

—Jñò, 'an, mikii yaxkon-ná, nì jé Na'èn-na mikii yaxkon. 'An, tsà yaxkon-ná tikoáá jchaxkon-nò Na'èn-na.

²⁰ K'e nga tsakóya jñà 'én koi Jesús, yaá tíjna ya ìngo ítjòn ya chrañat'aà-la j'nde ñánda maxkón tòn kʒotjò. Nijngoo xita xi kitsò ikon nga kitsobá'ñó Jesús nga kj'eé kii bijchó nachrjein-la nga kiyá.

Mé-ne jñà xita mikii koma kjoì-ne ya ñánda tífi Jesús

²¹ Jesús ìjngoo k'a kitsò-la:

—'An, tífi-ná. Jñò, kírchátsji-ná. Tanga jñò yaá kiyájñoo jé-nò. Ya ñánda 'an tífia, jñò mikii koma konguió.

22 Jñà x̄it̄a judío kitsò-là x̄ikjín:

—¿A t̄ijè s̄iik'en-ne yijo-là? ¿Mé-ne k'oa tsò-ne, nga tsò: Yá ñánda 'an t̄ifia, jñò mikì koma konguió?

23 Jesús kitsò-là:

—Jñò, íí it'aà nangui tsajòn, tanga 'an ján ngajmii ts'an. Jñò, íí j'nde-nò isò'nde, 'an, mìtsà isò'nde j'nde-na.

24 Koií k'oa'sín kixan-nò nga ya k̄iyájñòò jé-nò nga mikì mokjeiín-nò nga 'an-ná (xi Cristo). Koií k̄joa-là nga k̄iyájñòò jé-nò.

25 X̄it̄a judío, kiskònangui-là, kitsò-là:

—¿Yá-ne ngaji?

Jesús kiichja, kitsò-là:

—Jyeé okixan-nò nga sa ítjòn yá-ná 'an.

26 It'aà tsajòn, kjín k̄joa t̄jín isa xi 'an k̄enójmí-nò, ko xi 'an k̄indaàjìin-ko-nò. Jè xi kisikasén-na ngui 'én kixíí xi chja. Koni s'in ki'nchrè-là, k'oaá t̄jín 'én xi 'an chjàjìin-là jñà x̄it̄a isò'nde.

27 Tanga jñà x̄it̄a judío mikì k̄jòch̄iya-là tsà it'aà ts'e Nà'èn-ná xi Nainá t̄ichja Jesús.

28 Jesús kitsò-là:

—Jñò, k'e nga chjímii'nga-ná 'an xi Ki'ndí-là X̄it̄a xan-là yijo-na, k'eé kòch̄iya-nò nga 'an-ná [xi Cristo]. Nímé k̄joa xi s'iaàn xi t̄a k̄jòh̄itsjeèn ts'an. K'oa'sín chjà koni s'in tsakóya-na xi Nà'èn ma.

29 Jè xi kisikasén-na íí t̄jnakò-na. Mikì sík̄jina tajngòò-na Nà'èn-na. Koií k̄joa-là nga k̄jit'aà nachrjein sikitasoàn koni s'in sasén-là jè.

30 Jesús, k'e nga kiichja 'én koi, kjìn jchán x̄it̄a kòkjeiín-là it'aà ts'e.

Jè k̄joa kixi sík̄itsajnadejì-ná xi k̄joa ts'e jé-ná

31 Jesús kitsò-là jñà x̄it̄a judío xi kòkjeiín-là it'aà ts'e:

—Tsà kixi sikitasòn 'én-na xi okoòya-nò, jñò-nò xi ngui kixi k̄joa nga 'an kota'yat'aà-na.

32 Jchaxkoòn xi k̄joa kixi, koá jè k̄joa kixi s̄iik̄itsajnadejì-nò.

33 Kiichja x̄it̄a judío, kitsò:

—Ngajen, x̄it̄a tje-là Abraham-nájen. Nì saá jngòò x̄it̄a xi k̄jeií sík̄itsajna'ñò-najen. Ngaji, ¿mé-ne k'oa si-ne nga k̄itsajnadejì-najen?

34 Jesús kitsò-là:

—Ngui k̄joa kixií xi xan-nò, ngats'ii x̄it̄a xi jé ótsji, yaá t̄itsajna'ñò it'aà ts'e jé-là, k'oaá ngayá-là koni jngòò x̄it̄a ch̄i'nda xi t̄jina'ñò-là nei-là.

35 Jngòò x̄it̄a xi ch̄i'nda t̄jna, mikì t̄j'nde-là nga ya k̄jina k̄jit'aà ya ni'ya ñánda síxá. Tanga jngòò xi ki'ndí ma, t̄j'ndeé-là nga k̄jit'aà nachrjein ya k̄jina ya ni'ya-là na'èn-là.

36 K'oaá ma-ne, tsà jè Ki'ndí-là Nainá s̄iik̄jina'nde'jì-nò, ngui kixií k̄joa nga jñò, k̄itsajnadejì-nó.

37 'An, be-ná nga tje-là Abraham-nò; tanga jñò mejèn-nò nga s̄ik'en-ná, koi-né nga mikì mokjeiín-nò 'én-na xi chja.

38 'An, k'oaá s'in chja koni s'in t̄jín xi k̄jtseé k'e nga t̄isa t̄jnakooa Nà'èn-na. Jñò, k'oaá t̄is'in 'nè koni s'in kina'yà-là na'èn-nò.

Yá-né xi na'èn-là ma x̄it̄a xi chjako Jesús

39 Jñà x̄it̄a judío kitsò:

—Jè tje-najen, yaá inchrobàt'aà-ne ts'e Abraham. Jè na'èn-jchá kjìin-najen. Jesús kiichja kitsò-là:

—Tsà kixi kjoa nga jxti-la Abraham 'mì-nò, k'oaa s'in s'een koni s'in kis'iin Abraham.

⁴⁰ 'An, nas'in jye k'oas'in tsibenojmi kixi-nò, nga Nainá kitsjaà-na 'én xi chjà, jñò mejèn-nò nga sik'en-ná. Abraham mì k'oaa kis'iin.

⁴¹ Jñò, k'oas'in 'nè koni s'in na'èn-nò.

Jña xita judío kitsò:

—Ngajen, mitsà kjoa chingui kits'iin-jìin-jen. Tajngoò jè Na'èn-najen, jè Nainá.

⁴² Jesús kiichja, kitsò-la:

—Tsà kixi kjoa nga jè na'èn-nò Nainá, 'an tjòchaá-la s'en-ná nga it'aà ts'e Nainá inchrobà-na; mitsà tà kjotsja ts'an nga j'iaa; Nainá kisikasén-na.

⁴³ ¿Mé-ne mìkìl machiya-nò 'én-na xi chjàkò-nò? Koií-né nga mìkìl ma-nò na'yañijon.

⁴⁴ Na'èn-nò, jè xita nejí, jè nokjoa-nò. K'oaa s'in 'nè koni s'in mejèn-la na'èn-nò. Jè xi ma-la sik'en xita kóni nga tisa tàts'en-la kjoa. Mitsà kjoa kixi s'in nga tsjin-la kjoa kixi. K'e nga chja 'én ndiso, k'oaa tsò koni s'in tjín inima-la nga ngui xita ndiso-né. Jè na'èn-la ts'e 'én ndiso.

⁴⁵ Tanga 'an, 'én kixi benojmi-nò; koií kjoa-la jñò, mìkìl mokjeiín-nò.

⁴⁶ ¿Yá xita xinguiqo xi koma-la kokò mé jé xi tjín-na? K'e nga chjàkò-nò, ngui 'én kixi chjà, kò ¿mé-ne mìkìl mokjeiín-nò?

⁴⁷ Jè xi xita-la Nainá, 'én-la Nainá 'nchré. Tanga jñò, nga mìkìl na'yà, koií-né nga mitsà xita-la Nainá 'mì-nò.

Jña kjoa xi tsohótiya-ne Jesús kò xita judío

⁴⁸ Jña xita judío kiichja, kitsò-la Jesús:

—Ngajen, koií kjoa-la k'oas'in 'mì-lèjen: ji, xita Samaria-né, inima ch'o-la nejí tjìin inima-lè.

⁴⁹ Kiichja Jesús kitsò-la:

—'An, mitsà inima ch'o-la nejí tjìin inima-na. Jè kjoa xi tis'iaàn, jè-né nga bexkoán Na'èn-na. Tanga jñò mìkìl yaxkón-ná. Tà saá nachrjengui-ná.

⁵⁰ Mitsà jè kjoa tihotsja nga jeya siikíjna yijo-na. Tjina jngoò xi tikosòn-la, jè-né xi jeya síkíjna-na.

⁵¹ Ngui 'én kixi xi chjàkò-nò, jè xi síkitasòn 'én-na koni s'in xan-nò, mìkìl kiyá nita kjé-ne.

⁵² Xita judío kiichja, kitsò:

—I'ndeí jyeé 'ya-jen nga inima ch'o-la nejí tjìin inima-lè. Abraham kò ngats'ii xita xi kiichja ngajo-la Nainá kjòtsee, k'en-né. Tanga ji si-né: “Jè xi síkitasòn 'én-na koni s'in xan-nò, mìkìl kiyá.”

⁵³ Ngaji, ¿a isa tjina ítjoìn a mì k'oa-ne koni jè Na'èn-najen Abraham? K'en-né. Kò ngats'ii xita xi kiichjaya ngajo-la Nainá tikoaa k'en-né. ¿Yá-ne ji nga tiji tinachrjeé jeya-ne yijo-lè?

⁵⁴ Kiichja Jesús kitsò-la:

—Tsà t'an jeya síkíjna-na yijo-na, nímé chjí-la. Jè xi jeya síkíjna-na, jè Na'èn-na xi Nainá 'mì-la.

⁵⁵ Jñò mìkìl yaxkon Nainá, tanga 'an beèkxon-ná. Tsà xán-nò mìkìl bexkoan, xita ndiso koma koni jñò nga xita ndiso-nò. 'An, bexkon-ná koa síkitasòn-ná 'én-la.

⁵⁶ Xita jchínga-nò Abraham, tsjaá komà-la nga mejèn-la skoexkon nachrjein-na nga j'iaa. K'e nga kijtsee nachrjein-na isa 'nó ndaà kjòtsja-la.

⁵⁷ Jña xita judío kitsò-la:

—Skanda kj'e'è tjin-lè icháte nó. ¿Kós'ín komà-ne nga kiyaxkoin Abraham?

⁵⁸ Jesús kiichja kitsò-la:

—Nguì kixi kjoa xi xan-nò, 'An-ná xi isa kjõtseé tijnna koni jè Abraham.

⁵⁹ Jñà xita judío, kiskoé ndajo nga mejèn-la kosèn-la Jesús. Tanga Jesús tsibijna'ma, itjo-ne nditsin ingo, jahajiin osen-la xita, ikjoàn kiì.

9

K'e nga jè Jesús kisindaà jngoò-ne xita xi mikii tsejèn-la

¹ Jesús k'e nga tifi ya ndiyá, kijtseeé jngoò xita xi mikii tsejèn-la xi xó k'oas'ín kits'iin-ne.

² Xita xi kota'yàt'aà-la Jesús kiskònangui-la kitsò-la:

—Maestro, xita jè, ¿mé-ne k'oas'ín kits'iin-ne? ¿Yá xi tsohótsji jé? ¿A jñà xita jchínga-la, o xi jè xita xi mikii tsejèn-la?

³ Kiichja Jesús kitsò-la:

—Mìtsà jè xita xi mikii tsejèn-la tjin-la jé, ni mìtsà jñà xita jchínga-la tsohótsji jé. Koií-né nga it'aà ts'e xita koi jcha-la kjoxxkón-ndaà-la Nainá.

⁴ Mochjeén-né nga siikitasoàn kjoxxkón-ndaà-la jè xi kisikasén-na nga nachrjein isa. Kijchò nachrjein k'e nga kojñò; ni ti jngoò-ne xi koma sjaxá.

⁵ K'e tákò i tijnna isa isò'nde, 'an-ná ni'ín xi sihiseèn-la xita isò'nde.

⁶ K'e nga jye okitsò, tsibíchrá it'aà nangui. Jè ndánachrá-la tsibíndaà-ne ndási, ikjoàn kisikaajno xkon jè xita xi mikii tsejèn-la.

⁷ Ikjoàn kitsò-la:

—T'in, kaníkjoiin ya chrjó nandá Siloé (jè 'én xi tsòya-ne, jè xi kinikasén).

Jè xita xi mikii tsejèn-la kiì kaníkjoan, k'e nga inchrobà-ne jye tsejèn-la.

⁸ Jñà xita indii ni'ya-la jè xita xi mikii tsejèn-la, ko jñà xita xi jye kjõtseé beèxkon nga ton síjé kjotjò, kitsò-la xikjín:

—¿A mìtsà jè xita jè xi bijná nga síjé kjotjò ton?

⁹ Tjin i'nga xita xi tsò:

—Jè-né.

Koa jñà xita xi i'nga kitsò:

—Kjomeé k'oaa kji, tanga mìtsà jè.

K'eé kiichja xita xi mikii tsejèn-la nga sa ítjòn, kitsò:

—'An-ná.

¹⁰ Jñà xita kiskònangui-la kitsò-la:

—¿Kós'ín komà nga kitáx'a-ne xkoiin?

¹¹ Xita jè kitsò:

—Jè xita xi 'mì Jesús, kisindaà ndási, kisikaajno xkoaàn, ikjoàn kitsò-na: "T'in, kaníkjoiin ya chrjó nandá Siloé." 'An, kìaà, k'e nga jye tsaníkjoaàn, komà kotsejèn-na.

¹² Jñà xita koi kiskònangui-la kitsò-la:

—Xita jè, ¿ñánda tijnna?

Jè xita xi jye kjòndaà-ne, kitsò:

—Mikii be ñánda tijnna.

K'e nga jñà xita fariseo kisijtsò jè xita xi mikii tsejèn-la xi jye kjòndaà-ne

¹³ Jè xita xi mikii tsejèn-la nga jye kjòndaà-ne kiikò ñánda títsajna xita fariseo,

¹⁴ koií kjoa-la nga nachrjein nikjáya-né k'e nga tsibíndaà ndási Jesús nga kisikaajno xkon jè xita xi mikii tsejèn-la mé-ne koma kitáx'a-ne xkon.

¹⁵ Jñà x̄it̄a fariseo ìjngoò k'a kiskònangui-là jè x̄it̄a xi mikii tsejèn-là xi jye kjòndaà-ne, kitsò-là:

—¿Kòs'ín komà nga kitáx'a-ne xkoiìn?

X̄it̄a jè kitsò:

—Ndásíí kisikaàjno xkoaàn; ìkjoàn tsanikjoàn; ì'ndeí jyeé tsejèn-na.

¹⁶ Tjín i'nga x̄it̄a fariseo xi kitsò:

—X̄it̄a jè, mì-la tsà Nainá kiskasén nga mikii beèxkón nàchrjein nìkjáya.

Tìkoá tjín i'nga xi kitsò:

—¿Kòs'ín ma-ne nga ma-là s'ín kjoàkón xi ndaà tjín tsà x̄it̄a jé-né?

Ìkjoàn kjòjòya xi t̄jñà-ne x̄it̄a fariseo; mikii kjòngásòn kjòh̄tsjeèn-là.

¹⁷ Ìjngoò k'a kitj̄anangui-là jè x̄it̄a xi mikii tsejèn-là xi jye kjòndaà-ne, kitsò-là:

—Ngají, ¿kó si, yá x̄it̄a-ne xi kiskíx'a-ne xkoiìn?

X̄it̄a jè kitsò:

—Jngoò x̄it̄a xi chj̄a ngajo-là Nainá.

¹⁸ Tanga jñà x̄it̄a judío, mikii kòkjeiìn-là tsà kixí kjoá nga jè x̄it̄a xi mikii tsejèn-là nga k'oas'ín kits'ìn koá ì'ndeí jyeé tsejèn-là. K'eé kiichj̄a-là jñà x̄it̄a jchínga-là,

¹⁹ kiskònangui-là kitsò-là:

—Jè x̄it̄a jè, ¿a ki'ndí-nò ma? ¿A kixí kjoá nga mikii tsejèn-là k'e nga sa kits'ìn? ¿Kó ma-ne nga tsejèn-là ì'ndeí?

²⁰ Jñà x̄it̄a jchínga-là kitsò:

—'Ya-nájen nga ki'ndí-najen ma. Kixí kjoá nga mikii tsejèn-là k'e nga sa kits'ìn.

²¹ Tanga mikii 'ya-jen mé-ne nga ma tsejèn-là ì'ndeí, t̄ikoáá mikii 'ya-jen yá-né xi kiskíx'a-ne xkòn. Jè sobà chj̄inangui-là, jè kàtènojmi-nò, nga jyeé x̄it̄a jchínga.

²² Jñà x̄it̄a jchínga-là koií k'oas'ín kitsò-ne nga jñà tsakjón-là x̄it̄a judío. Jñà x̄it̄a judío jyeé k'oas'ín tsajoóya-ne nga jngoò k'aá k̄it̄jokàj̄iin yá ni'ya ìngo sinagoga, tsà yá x̄it̄a xi kitsò nga jè Jesús jè xi Cristo [xi xó kiskasén-ne Nainá].

²³ Koií k'oá t̄is'ín kitsò-ne jñà x̄it̄a jchínga-la, nga kitsò: “Jè sobà chj̄inangui-là, nga jyeé x̄it̄a jchínga-né.”

²⁴ Jñà x̄it̄a judío ìjngoò k'a kiichj̄a-là jè x̄it̄a xi mikii tsejèn-là, kitsò-là:

—Tènojmi kixí-nájen nga nguixkòn Nainá. Ngajen 'ya-nájen nga jè x̄it̄a jè, x̄it̄a jé-né.

²⁵ Jè x̄it̄a xi mikii tsejèn-là xi jye kjòndaà-ne kiichj̄a, kitsò:

—'An, mikii be tsà x̄it̄a jé-né. Tà jè xi be, k'e nga sa kits'ian mikii tsejèn-na, tanga ì'ndeí jyeé tsejèn-na.

²⁶ Ìjngoò k'a kitsò-là:

—¿Mé xi kisikò-lè? ¿Kó s'ín kisikò-lè nga kitáx'a-ne xkoiìn?

²⁷ Jè x̄it̄a xi mikii tsejèn-là kitsò:

—Jyeé koá kàxan-nò, tanga jñò mikii na'yà. ¿Mé-ne mejèn-nò nga ìjngoò k'a k'oá xán-nò? ¿A t̄ikoáá mejèn-nò nga x̄it̄a-là koma nga ya chítà'yàt'aà-là?

²⁸ Jñà x̄it̄a judío k'e nga k'oá ki'mì-là, kòjti-la, kiichj̄ajno-là jè x̄it̄a xi mikii tsejèn-là, kitsò-là:

—Ìj-né x̄it̄a xi ya chítà'yàt'aà-là. Tanga ngajen yaá chítà'yàt'aà-lajen Moisés.

²⁹ 'Ya-nájen nga jè sobà Nainá kiichj̄akò Moisés. Tanga jè x̄it̄a jè mikii 'ya-jen nãnda j'ì-ne.

³⁰ Jè x̄it̄a xi mikii tsejèn-là kitsò:

—Kjoa jè, tà maxxón-ná nga jñò, mìkiì 'ya ñánda j'ìi-ne xita jè, tanga 'an be-ná nga jè kiskíx'a-ne xkoaàn.

³¹ 'Yaà-ná jñà xita xi tjín-la jé, mìkiì 'nchré-la Nainá. Tanga jñà xita xi tsakjón-keè Nainá tikoá sikitasòn koni s'ín mejèn-la, jñà-né xi 'nchré-la.

³² Kóni nga tisa kjótseé, nì saá jngoò xita na'yà-la xi ma-la kix'a-ne xkon jngoò xita xi mìkiì tsejèn-la k'e nga k'oas'ín kits'iin.

³³ Xita jè, tsà mìtsà Nainá kiskasén, nímé xi koma-la nga k'oas'ín s'iin.

³⁴ Jñà xita judío kitsò-la jè xita xi mìkiì tsejèn-la:

—Ngaji xi taxki 'ño tse jé tjín-lè, ¿a jii mejèn-lè kókóya-najen?

Ikjoàn tsachrje ni'ya ingo sinagoga.

Xita xi mìkiì tsejèn-la kjoa ts'e inima-la

³⁵ Jesús kii'nchré nga jè xita jè kinachrjekàjiiin ya ni'ya ingo sinagoga. K'e nga kisatiikjoò jngoò k'a, kiskònanngui-la kitsò-la:

—Ji, ¿a mokjeiín-lè it'aà ts'e xi Kí'ndí-la Xita tsò-la yijo-la?

³⁶ Xita jè kitsò:

—Na'èn, koatín-ná yá-né, mé-ne nga kòkjeiín-na it'aà ts'e.

³⁷ Jesús kitsò-la:

—Jyeé k'i'yi, 'an-ná xi tichjàkò-lè.

³⁸ Xita jè tsasijna xkó'nchit'aà-la Jesús nga kijtseèxkón, kitsò-la:

—Na'èn mokjeiín-na it'aà tsiji.

³⁹ Ikjoàn kitsò Jesús:

—'An, koií xá j'i-na i isò'nde; nga 'an skosòn-la mé-ne jñà xita xi mìkiì tsejèn-la kotsejèn jngoò k'a-la, koa jñà xi tsejèn-la mìkiì kotsejèn-la.

⁴⁰ Tjín i'nga xita fariseo xi ya tútsajnakò Jesús, k'e nga kii'nchré 'én koi, kiskònanngui-la kitsò-la:

—Ngajen, ¿a tikoáá mìkiì tsejèn-najen?

⁴¹ Jesús kii'chja kitsò-la:

—Jñò, tsà mìkiì tsejèn-nò, tsjìn-nò jé. Tanga bixón-nò: “Tsejèn-najen”, k'oáá ma-ne nga ya tjínè-nò jé-nò.

10

Paxtò kò ndí orrè-la

¹ 'Nguì kjoa kixii xi xan-nò, jè xita xi mìtsà ya fahas'en-ne xotjoa-la ínchíba-la orrè, xi xín fahas'en-kjá-ne, xita chijé-né, jè xita xi fikò chijé cho.

² Tanga jè xi ya fahas'en-ne xotjoa-la ínchíba, jè-né xi paxtò, xi síkinda orrè.

³ Jè xi síkinda xotjoa-la ínchíba, jé kix'a-la. Jè xi paxtò, chja 'ín-la nga jngoò jingoò orrè, kò jñà orrè 'nchréjta-la nei-la. Ikjoàn ochrje ínchíba-la.

⁴ K'e nga jye bitjo yije ínchíba-la jñà orrè, jè paxtò fikò nga 'nchréjtaá-la nga jè nei-la.

⁵ Tanga jngoò xita xi k'ejí, mìkiì kjiitjngui-la nga mìkiì beèxkon. Ta saá ta kongaa-la nga mìkiì 'nchré jta-la xita xi k'ejí.

⁶ Jesús k'oáá tsò kjoa xi mangásòn xi tsibénójmí-la. Tanga jñà xita koi mìkiì kjòchya-la kó tsóya-ne.

Mé xi s'ín jè paxtò xi ndaà síkinda orrè

⁷ Jesús, jingoò k'a kitsò-la:

—Xi nguì okixi k'oáá xán-nò. 'An-ná xotjoa-la ínchíba ñánda fahas'en-ne jñà orrè.

⁸ Ngats'iì jñà xi j'iì ítjòn-na, sà xitá chijé-né, jñà xi fikò chijé cho. Jñà orrè mikì kii'nchréñijon-la.

⁹ 'An-ná xi xotjoa; jè xi it'aà ts'an kjoahas'en, kitjokàjín kjo'in kjoa ts'e jé-la. K'oas'in ngaya-la koni s'in orrè nga fahas'en ínchíbá-la kò bitjo kò sakó-la ijñà xi kjèn.

¹⁰ 'Jè xitá chijé tà f'iì síchijé-né, f'iì sík'en-né, f'iì síkjesòn-ne. Tanga 'an, koií xá j'i-na nga kátas'e-nò kjoabinachon nitá kjé-ne, nga nímé chijat'aà-nò nga ngui ndaà kátas'e-nò.

¹¹ 'An-ná xi paxtò xi ndaà ko'ndà orrè. Jè paxtò xi ndaà ko'ndà orrè, jè xi tjíngòò ikon nga kiyátjì jñà orrè.

¹² 'Jè xitá xi tà chí'nda tójna nga ko'ndà orrè, k'e nga beè nga nchrobá chraña tsején, síkítsajna jñà orrè, ikjoàn onga. Koií k'oas'in-ne nga mìtsà jè paxtò xi ko'ndà, tìkoa mìtsà jè nei-la orrè. Ikjoàn matsja-la jè tsején nga tsobà'ño jñà orrè, xkì xi ján sítsjòya jñà orrè xi i'nga.

¹³ 'Jè xitá xi chí'nda tójna tà onga-né; koií k'oas'in-ne nga nímé kindá-la. Tà jè síkindá chí-la mìtsà jñà orrè síkindá.

¹⁴⁻¹⁵ 'An-ná paxtò xi ndaà ko'ndà orrè; koni s'in beèxkon-na Na'èn-na, tìkoa 'an bexkoan Na'èn-na, k'oaa tís'in beèxkon-ná orrè-na kó kjoàn, kò jñà orrè beèxkoòn-na nga ts'an. 'An tójngòò takoàn nga kiyátjì jñà orrè-na.

¹⁶ Tìkoa tjin-isa-na xi k'ejí orrè, jñà xi mìtsà jì títsajnyaya ínchíbá jè. Tìkoaá mochjeén-né nga kjínchrobàkon-na mé-ne nga kjí'nchréñijon-na tìkoa síkítasòn-na. Jngòò ínchíbá koma-ne kò jngòò koma paxtò xi skó'nda.

¹⁷ 'Koií kjoa-la nga matsjakeè-na Na'èn-na nga 'an tójngòò takoàn nga kiyá mé-ne k'e nga koma iskan kjoáaya-na.

¹⁸ Niyá xi tji'nde-la nga sík'en-na, 'an kjotsja ts'an-ná nga tsja yijo-na. Tji'nde-na nga tsja, tìkoa tji'nde-na nga kjoáaya-na it'aà ts'e kjoabiyaa. Jè Na'èn-na k'oa tjin kjotixoma xi kitsjaá-na.

¹⁹ Jñà xitá judío k'e nga kii'nchré 'én koi, òjngòò k'a kjòjòya jñà xitá.

²⁰ Kjin ma xitá xi kitsò:

—Injma cho-la neí tjiin injma-la. Xitá ská-né. ¿Mé-ne okji-ne xitá xi na'yá-lá?

²¹ Jñà xitá xi i'nga kitsò:

—'En koi mìtsà ts'e xitá neí. ¿A komaá-la jè xitá neí nga skix'a xkon xitá xi mikì tsejèn-la?

Mé xi komà k'e nga jñà xitá judío kisijtikeè Jesús

²² K'e nga nachrjein chon 'nchán, ján Jerusalén tíbitjo s'eí nga ijchò òjngòò nó nga kjòchikon-t'in ingo.

²³ Jesús ya tjna ingo ítjòn nga tsóbangui nguitjoa xi 'mì Salomón.

²⁴ Jñà xitá judío chinha jngòò itjandii-la Jesús, kitsò-la:

—¿Skanda mé nachrjein chíña-lèjen? Jngòò k'a koatìn-nájen, ¿a ji-né xi Cristo [xi xó kisikasén-ne Nainá]?

²⁵ Jesús kii'chja kitsò-la:

—Jyee k'oa kixan-nò, tanga jñò mikì mokjeín-nò. Jñà kjoaxkón xi it'aà ts'e Na'èn-na s'iaàn, jñà síkixiya ndaà kjoa xi it'aà ts'an.

²⁶ Tanga jñò, mikì mokjeín-nò, koií kjoa-la nga mìtsà ndí orrè ts'an xan-nò.

²⁷ Jñà ndí orrè-na 'nchréjtaá-na; 'an beèxkon-ná, koa fitjngui-na.

²⁸ 'Aán tsja-la kjoabinachon nitá kjé-ne; mikì chija nitá kjé-ne; tìkoa niyá xi kjoáá'an-na.

²⁹ Jè Na'èn-na xi kisingatsja-na jñà ndí orrè, ìsà tǐjna ítjòn nǐta yá-ne. Njingoò xi koma-la kjoaá'an-na iya tsja Na'èn-na.

³⁰ An kò Na'èn-na tà jngoò ma-najen.

³¹ Jñà xǐta judío tsibíxkó ndajò nga mejèn-la kòsèn-la Jesús.

³² Kiichja Jesús kitsò-la:

—'Nó kjìn kjoxkón xi ndaà tǐjn jye tsakoò-nò xi inchrobà-ne ít'aà ts'e Na'èn-na. Jñò, ñá-láa ngatǐ-la kjoa koi, nga ndajò mejèn bínè-ná?

³³ Jñà xǐta judío kitsò:

—Mítsà koií kjoa-la kjoxkón ndaà xi tǐ'nì nga ndajò kínè-lèjen. Koií kjoa-la nga Nainá nokjoajno-la nga Nainá 'mì-la yijo-lè. Jǐ, tà xǐta-né.

³⁴ Jesús kiichja kitsò-la:

—Jè Xojon-la Nainá xi jñò chita'yà k'oaá s'ín tǐchja ñánda nga tsò Nainá: "Jñò, k'oaá kixan-nò, nainá 'mì-nò."

³⁵ Xojon-la Nainá, mì yá xi koma kochrjekàngui. K'oaá s'ín tǐchja nga jè Na'èn-ná, nainá kitsò-la jñà xǐta xi kitjóé-la 'én-la.

³⁶ Tsà k'oa'sín ki'mì xǐta koi, ¿mé-ne bixón-nò nga Nainá chjàjno-la k'e nga xan-nò: 'An-ná xi Kí'ndí-la Nainá? Nga jè Nainá kitsjaà-na xá nga kisikasén-na ìsò'nde.

³⁷ Kì kùì mokjeiín-nò ít'aà ts'an, tsà mì k'oaá s'ín tǐs'iaàn koni s'ín tǐs'ín Na'èn-na.

³⁸ Tanga tsà k'oa tǐjn kjoa xi tǐs'iaàn nas'ín mìkùì mokjeiín-nò ít'aà ts'an, kàtakjeiín-nò ít'aà ts'e kjoa xi tǐs'iaàn, mé-ne nga k'oa'sín jcha-nò kò kàtakjeiín-nò nga ta jngoó ma-najen Na'èn-na kò 'an.

³⁹ Jñà xǐta judío mejèn-la nga kitsobà'ño ìjngoò k'a Jesús. Tanga Jesús itjokáya tsja xǐta koi, ìkjoàn kùì.

⁴⁰ K'é kùì ìjngoò k'a ján xijngoaa xajngá nandá Jordán ya ñánda kis'iin ítjòn bautizar xǐta jè Juan; Jesús yaá tsibijna.

⁴¹ 'Nó kjìn xǐta ijchò tǐjngui-la Jesús. Xǐta koi, kitsò:

—Juan, nǐmé kjoxkón ndaà kis'iin. Tanga ngats'iì 'én xi kitsò jè Juan ít'aà ts'e xǐta jè, ngui kjoa kixǐ-né.

⁴² Ya ì'nde jè, 'nó kjìn xǐta kòkjeiín-la ít'aà ts'e Jesús.

11

Kó kitsò Jesús k'e nga kùì'nchré nga k'en Lázaro

¹ Tǐjna xk'én jngoò xǐta xi 'mì Lázaro xi ya ì'nde-la Betania, ya naxandá ts'e María kò ndichja xi 'mì Marta.

² (Jè María xi ndichja ma Lázaro, jè-né xi kisikaajno xkùì jne ndsokò Jesús. Ìkjoàn kò tsja skò kisixijno-ne ndsokò.)

³ Jñà íchjín ndichja Lázaro, kisikasén-la xá Jesús, kitsò-la:

—Na'èn, jè amigo-lè xi ndaà matsjachi kijna xk'én-né.

⁴ K'e nga kùì'nchré Jesús, kitsò:

—Ch'in jè, mìkùì kǐyá-ne; k'oaá s'ín kochjeén nga jcha-la kjoajeya-la Nainá, mé-ne jè Kí'ndí-la tǐkoajeya kǐjna-ne.

⁵ Jesús 'ño matsjakeè Marta kò ndichja kò Lázaro xi 'ndse ma.

⁶ K'e nga kùì'nchré nga kijna xk'én Lázaro, ngui jò nachrjein tsibijna Jesús, ya ì'nde ñánda tǐjna.

⁷ Xi jye komà, ìkjoàn kitsò-la xǐta xi kota'yà'taà-la:

—Ìjngoò k'a tǐkjaán ján nangui Judea.

8 Jñà xit̃a xi kota'yat'aà-la Jesús kitsò:

—Maestro, k'èè tsà kjìn nàchrjein tjín-la k'è nga jñà xit̃a judío mejèn-la tsibínè-lè ndajò nga s̃ik'en-lè. ¿A t̃jyáá mejèn k'oín ìjngòò k'a ngá-ne?

9 Kiichja Jesús kitsò-la:

—Nga jngòò nàchrjein, ¿a mìtsà tejà hora tjín-la? Jè xi nàchrjein tsóba mìkii sat̃ngui nga jè ni'ín xi tjín isò'nde síhiseèn-la.

10 Tanga jè xi tsóba nga ñt̃j̃en, sat̃ngui-né nga tsjìn-la ni'ín xi síhiseèn-la.

11 Ikjoàn kitsò-la xit̃a-la:

—Jè amigo-ná Lázaro kjinafé-né, tanga 'an koií xá fi-na nga 'an s̃ikjaá-la.

12 Xit̃a xi kota'yat'aà-la Jesús kitsò:

—Na'èn, tsà kjinafé-né, kondaá-ne.

13 Jesús k'è nga okitsò, jè t̃ichja it'aà ts'è kjoabiyaà-la Lázaro. Tanga jñà xit̃a xi kota'yat'aà-la k'oáá s'ín kisikitsjeèn tsà tà t̃isikjáya-ne Lázaro nga kjinafé.

14 K'èé jngòò k'a tsibènjmí kixi-la kitsò-la:

—Lázaro jyeé k'en.

15 Matsja-na xi it'aà tsajòn nga jè nàchrjein nga mì ya titsajnaà, mé-ne jñò kòkjeiín-nò. Nchrobá, t̃ikjiaán chit̃sejèn-lá.

16 K'èé kiichja Tomás xi t̃ikoá Dídimo tsò-la ['én xi tsòya-ne Ti'ño]; kitsò-la xíkjin:

—Jñá t̃ikoá t̃ikjiaán, mé-ne ya kiyákoáá Jesús.

Jesús, jè xi s̃ikjaáya-la xit̃a t̃ikoá tsjá-la kjoabinachon

17 K'è nga ijchò Jesús, kii'nchré nga jyeé tjín-la ñijòn nàchrjein nga kisìhijìin Lázaro.

18 Naxandá Betania chrañat'aà kijna-la naxandá Jerusalén, tjín-la tsà jàn kilómetro.

19 Kjìn xit̃a judío ijchòkon jè Marta kò María nga ijchò s̃jehikon nga 'ndse k'en.

20 Jè Marta, k'è nga kii'nchré nga Jesús t̃inchrobá chrañá, k̃ikjaá indiaá. Jè María yaá tsibijnaya ni'ya.

21 Jè Marta kitsò-la Jesús:

—Na'èn, tsà i-là tijni, jè 'ndsè mì-la kii k'en.

22 Tanga i'nde j be-ná ñt̃a mé xi s̃jé-la Nainá, tsjá-lè.

23 Jesús, kitsò-la:

—Jè 'ndsi kjoááya-la.

24 Marta kitsò:

—Be-ná k'è nga kjoèhet'aà nàchrjein kijnakon ìjngòò k'a-ne, k'è nga kjoááya-la ngats'ii xit̃a xi jye k'en.

25 Jesús, k'èé kitsò-la:

—'An-ná xi s̃ikjaáya-la xit̃a kò tsjaà-la kjoabinachon. Jè xi mokjeiín-la it'aà ts'an nas'ín kiyá, kijnakon ìjngòò k'a-ne.

26 Ngats'ii xit̃a xi titsajnakon, jñà xi mokjeiín-la it'aà ts'an, mìtsà jngòò k'a kiyá. Ngaji, ¿kó si?, ¿a mokjeiín-lè?

27 Marta kiichja kitsò:

—Jon Na'èn, 'an, mokjeiín-na nga ji-né xi Cristo; ji-né xi Ki'ndí-la Nainá, jè xi k'oas'ín tjínè-la nga kjoíí i isò'nde.

Jesús, mé-ne kiskindàyakeè-ne Lázaro

28 Marta, k'è nga jye okitsò, kiichja'ma-la María xi ndichja ma, kitsò-la:

—Íí tjina Maestro, chja xó-lè.

29 Jè María k'e nga kii'nchré, nitoón tsasítjen, kiikon Jesús.

30 Jesús, k'j'èè kii fahas'en-jiiin naxandá, tákó yaá síjna ñánda ijchòkjaá indiaa Marta.

31 Jñà xitá judío xi títsajnakò ni'ya-la María nga nchisíjehikon, k'e nga kijtsee nga tà nítòn itjo ni'ya María, kiitjinguí-la. K'oaá s'in kisikítsjeèn tsà ya tifi kjindáya ñánda kisihijiiin Lázaro.

32 María k'e nga ijchò ñánda síjna Jesús, k'e nga kijtsee, tsasíjna xkó'nchit'aà-la, kitsò-la:

—Na'èn tsà ii-la tijní, jè 'ndsè mì-la kii k'en.

33 Jesús k'e nga kijtsee nga tíkjindáya María tikoá nchikjindáya xitá judío xi tijo, 'oón komà-la inima-la Jesús, 'ño kjòba-la.

34 Jesús kiskònanngui, kitsò:

—¿Ñánda kisihijiiin?

Kitsò jñà xitá:

—Na'èn nchroboí, chítsejèn-la.

35 Jesús kiskindáya-né.

36 Jñà xitá judío kitsò-la xíkjin:

—Chítsejèn-la, 'ño matsjakeè Lázaro.

37 Tjín i'nga xitá xi kitsò:

—Xitá jè komà-la kiskix'a xkon xitá xi mìkii tsejèn-la, ¿a mìtsà komà-la tsà mìkii k'en Lázaro?

Kós'in ma jaáya-la Lázaro

38 Jesús jngoo k'a 'ño 'on komà-la inima-la. Kii kasit'aà chraña-la jè itsjó-la mìk'en. Jngoo nguijo ñánda jngoo ndajo teè tíchjoajtò-la.

39 Jesús kitsò:

—Chjaàxiòn jè ndajo.

Jè Marta, ndichja mìk'en, kitsò-la Jesús:

—Na'èn, jyeé-la ch'o jne nga jyeé tjin-la ñijòn nchrjein nga kisihijiiin.

40 Kiichja Jesús kitsò-la:

—¿A mì jyeé k'oa kixan-lè, tsà mokjeiin-lè jcha-ne kjoajeya-la Nainá?

41 K'èè jaàxin ndajo xi tíchjoajtò-la itsjó-la mìk'en, Jesús kiskoòtsejèn nga-jmii, kitsò:

—Na'èn, tsjaà-lè kjondaà, ndaàha chjí-lè nga na'yà-ná.

42 'An be-ná nga kjit'aá nchrjein na'yà-ná, tanga koií k'oa kàxan-lè nga kjin ma xitá xi títsajna mé-ne nga kòkjeiin-la nga ji kinikasén-ná.

43 K'e nga jye okitsò, 'ño kiichja, kitsò:

—Lázaro, nchroboí, tìtjoi ngajo.

44 Jè xi kijna k'en, itjo-ne ngajo. Jñà ndsokò kò tsja, nikje na'ño tji'ño-ne. Jè isén-la, jngoo nikje chroba títéjiiin. Jesús k'èè kitsò-la jñà xitá:

—Chjindá 'ño-nò, kàtji-ne.

K'e nga jñà xitá judío tsajoóya-ne nga sùik'en Jesús

(Mateo 26:1-5; Marcos 14:1-2; Lucas 22:1-2)

45 Jñà xitá judío xi j'ii nga tsoháijtakò María, k'e nga kijtsee koni s'in kis'iin Jesús, kjin ma xi kòkjeiin-la it'aà ts'e.

46 Tanga tjin i'nga xitá judío xi kiikon jñà xitá fariseo, tsibénøjmi-la koni s'in tjin kjoa xi kis'iin Jesús.

47 Jñà xitá skò-la nò'mii kò xitá fariseo tsibíxkóya xíkjin, tsibíjna jngoo junta ts'e xitá itjòn-la xitá judío, kitsò-la xíkjin:

—¿Mé xi s'e'én? X̄iṭa jè ndaà jchán tís'in kjoṁkón xi ndaà tjín.

⁴⁸ Tsà ta k̄i'nde-lá, ngats'iì x̄iṭa kòkjeiín-là it'aà ts'e. Iḱjoàn kjoíi x̄iṭa Roma, s̄iḱkits'ón-ya i'nde tsjeé-ná kò naxandá-ná.

⁴⁹ Xi t̄ijñà-ne x̄iṭa koi, jngòò xi 'mì Caifás xi no'miì it̄jòn t̄ijna jè nó jè, kiichja kitsò:

—Jñò, n̄imé kjoa xi t̄ijin-nò,

⁵⁰ kò mikii n̄ik̄itsjeèn nga mochjeén-né nga tà jngòò x̄iṭa k̄atiyaàt̄ji-là naxandá-ná mì k'oaá-ne tsà k̄iyá yije x̄iṭa naxandá-ná.

⁵¹ Caifás k'e nga k'oa's'in kiichja mìtsà tà kjoh̄itsjeèn ts'e. Tanga koi-né nga no'miì it̄jòn t̄ijna nó jè, Nainá kisikich̄iya-là nga Jesús, k'oaá s'in t̄jiné-là nga jè naxandá k̄iyát̄ji ngajo-la.

⁵² Mìtsà ta jè naxandá k̄iyát̄ji ngajo-la; t̄ikoáá koiìx̄kóya-né ngats'iì ixti-là Nainá xi x̄k̄i xi ján naxandá nchis̄ichá yijo-la, kóhok̄ji nga t̄ijtsa isò'nde.

⁵³ T̄ijè-ne nachrjein jè tsajoóya-ne nga s̄iḱk'en Jesús.

⁵⁴ Koií kjoa-là Jesús mì t̄i k̄iì t̄axk̄i tsajmeèj̄in osen-là x̄iṭa judío. Yáá k̄iì k̄ijna i'nde it'aà xin ñánda nangui kix̄i choòn ya chrañà't'aà-là jngòò naxandá xi 'mì Efraín; yáá tsib̄ijna kò x̄iṭa xi kota'yà't'aà-là.

⁵⁵ Jyeé nchrobá machraña s'eí Paxkò ts'e x̄iṭa judío. K'e nga t̄ik̄j'eè mats'ia s'eí, k̄j̄in x̄iṭa k̄iì ján Jerusalén nga k̄iì s̄itsjeeya yijo-là koni s'in t̄j̄in k̄jot̄ixoma-la xi x̄kón t̄j̄in.

⁵⁶ X̄k̄i xi ján tsohótsji Jesús. K'e nga t̄itsajna ya nd̄itsin j̄ngo, kitsò-là x̄ik̄j̄in:

—¿Kó bixón? ¿A kjoíi s'eí Paxkò, o xi maj̄in-né?

⁵⁷ Jñà x̄iṭa sko-là no'miì kò x̄iṭa fariseo, k'oaá s'in kitsjaà ok̄ix̄i tsà yá xi skoṁkon ñánda t̄ijna Jesús, k̄atènoj̄mí mé-ne nga tsoḅa'ñó-ne.

12

*Mé xi kis'in María it'aà ts'e Jesús
(Mateo 26:6-13; Marcos 14:3-9)*

¹ Ngui joòn nachrjein chija isa-là nga k̄it̄jo s'eí Paxkò. Jesús k̄iì ján naxandá Betania ñánda t̄ijna Lázaro xi jè Jesús kisikjaáya-là k'e nga k'en.

² Yáá kisindaà-là tsojm̄i Jesús xi tsak̄jèn nga kòjñò. Jè Marta tsib̄iya tsojm̄i xi kiskine. Ngats'iì x̄iṭa xi ya t̄itsajnat'aà im̄ixa, t̄ikoá ya t̄ijna Lázaro kò Jesús.

³ María j'ik̄o osen litro x̄k̄iì j̄ne xi 'ñò ch̄ji xi ngui ts'e nardo. Kisikaájno ndsokò Jesús, iḱjoàn kisix̄ijno-ne tsjaskò. Kóhok̄ji i'nga ni'ya, ndaà jchán k̄ij̄ne.

⁴ Jngòò x̄iṭa xi kota'yà't'aà-là Jesús, jè ti-là Simón xi 'mì Judas Iscariote, jè xi s̄iṁgatsja Jesús jñà x̄iṭa kondra-là, kitsò:

⁵ —¿Mé-ne mìtsà k̄asat̄ijna-ne x̄k̄iì j̄ne jè? Tsà k̄asat̄ijna-ne koni t̄j̄in sík̄ijne ch̄j̄i-là jngòò x̄iṭa xi jàn s̄indò nachrjein síxá, mé-ne jè t̄on-là ko'bi-là jñà x̄iṭa im̄a.

⁶ Judas mìtsà koi kjoa-là ok̄itsò-ne nga makájno-là x̄iṭa im̄a, koií-né nga x̄iṭa ch̄j̄é-né. Jè ngatsja ch̄j̄tsa xi sinchá t̄on; ma síchijé t̄on xi sinchá ch̄j̄tsa.

⁷ Jesús kitsò-là:

—Kì k'oa 'mì-là jè chjoón. X̄k̄iì j̄ne jè t̄ijnat̄jò-là k'e nga 'an xi siññaà.

⁸ Jñò, k̄jit'aà nachrjein k̄itsajnakò-nò jñà x̄iṭa im̄a, tanga 'an mìtsà tà k̄jit'aà nachrjein j̄ kót̄ijnakò-nò.

K'e nga jñà x̄iṭa judío tsajoóya-ne nga t̄ikoá s̄iḱk'en jè Lázaro

⁹ 'Ñó kjin xita judío kisijiin-la nga ya tjna Jesús ya naxandá Betania; k'ée kiitjngui-la. Tanga mitsà tà koií kjoa-la Jesús kii-ne; jè kiì katsejèn-la Lázaro xi jè Jesús kisikjaáya-la k'e nga k'en.

¹⁰ Jñá xita sko-la nq'mii tsajoóya-ne nga tikoá mejèn-la siik'en jè Lázaro,

¹¹ koií kjoa-la nga jè ngatji-la Lázaro, kjin jchán xita judío chinchat'aaxìn nga jye mokjeiin-la it'aà ts'e Jesús.

Kós'in komà k'e nga jè Jesús jahas'en-jiin naxandá Jerusalén

(Mateo 21:1-11; Marcos 11:1-11; Lucas 19:28-40)

¹² Nga komà nchijòn, kjin jchán xita ijchò s'eí Paxko ján Jerusalén; kisijiin-la nga tikoá ya kijchò Jesús;

¹³ tsate xkajén, itjo kiskoòñá-la iya ndiyá; 'ño kiichja, kitsò:

—Jeya kàtjna Nainá! ¡Mé tà ndaa-la jè xita xi nchrobá ngajo-la Nainá, xi xitaxá itjòn-la xita naxandá Israel!

¹⁴ Jesús kisakò jngòò-la ndí búrró ki'ndí xi tsibijnasòn-la koni s'in tichja Xojon-la Nainá, nga tsò:

¹⁵ Kì tsakjoòn-jèn, jì naxandá Sión, chitsejèn-la xitaxá itjòn-lè xi nchrobá, tijnasòn jngòò-la ndí búrró ki'ndí.

¹⁶ K'e nga sa itjòn, jñá xita xi kota'yàt'aà-la Jesús mìkii kjòchija-la kó tsòya-ne 'én koi. Tanga k'e nga k'en Jesús, ikjoàn jaáya-la nga kiimijìn ján ngajmii, skanda k'ée kjòchija-la nga k'oaá s'in komàt'in koni s'in tichja xojon xi it'aà ts'e.

¹⁷ Jñá xita xi kijtseè k'e nga jè Jesús kisikjaáya-la jè Lázaro nga jye kijnak'en, isaá ndaa kisika'bisòn 'én, tsibénojmi yije-la xita xi kj'eí.

¹⁸ Koií kjoa-la 'ño kjin xita kiikjaá indiaa Jesús nga jye kiì'nchré jñá kjoxkón xi kis'iin.

¹⁹ Jñá xita fariseo kitsò-la xikjín:

—Chitsejèn-là; jñá, nímé xi s'eén nga ngats'ii xita isò'nde sa jè fitjngui-la.

Kó kitsò Jesús k'e nga jñá xita griego mejèn-la skoexkon

²⁰ Jñá xita xi ijchò s'eí ján Jerusalén nga ya beèxkón Nainá, yaá títsajnajìin i'nga xita griego.

²¹ Xita koi ijchòkon Felipe xi Betsaida j'nde-la, nangui xi chja-ne Galilea; tsibitsi'ba-la kitsò-la:

—Na'èn, mejèn-najen jchaxkon-jen Jesús.

²² Felipe kiì kénójmí-la Andrés; k'ée kiì Andrés ko Felipe tsibénojmi-la Jesús.

²³ Jesús kiichja kitsò-la:

—Jyee ijchò nachrjein-la nga jè Kì'ndí-la Xita kjimijìn jngòò k'a-ne ngajmii mé-ne nga jeya kijnane.

²⁴ Ngui okixijí xi xan-nò, jè nojmé tsà mìkii tjókiyá k'e nga sitje, tà jngòò kjit'aá koma. Tanga tsà tjókiyá k'e nga sihiijìn, kòkjìn-ya-né.

²⁵ Jè xita xi tjòkeè yijo-la nga mì mé kjo'in sakò-la, tà saá siichija-né ko kjo'in kijnajìn; tanga jè xita xi mìkii tjòkeè yijo-la i isò'nde, ndaa tijnatjò-la kjoabinachon-la skanda ta mé nachrjein-ne.

²⁶ Tsà yá xi mejèn-la nga 'an siixáko-na kàtjanchrobá tjingui-na; ya ñanda nga 'an kótjna, tikoá jè, yaá kijnat'aà-na. Tsà yá xi 'an siixáko-na jè Na'èn-na ndaa skoexkón.

K'oaá s'in tsibénojmi Jesús it'aà ts'e kjoqbiyaà-la

²⁷ 'I'ndeĭ 'ñó jchán ba ma-lá inĭma-na. ¿Mé 'én xi kichjà? ¿A k'oáá xan-lè: "Na'èn, tĭnachrjekàjiin-ná kjo'in xi komat'ian jè hora jè"? Majìn, nga koií xá j'i-na nga kĭtasòn.

²⁸ Na'èn, jeya tijni.

Tĭk'e-ne kina'yà jngoò-lá 'én xi ngajmiì nchrobá-ne, kitsò:

—Jyeé kòkjìn k'a jeya sikĭjna yĭjo-na kò jngoò k'a jeya siikĭjna yĭjo-na.

²⁹ Jñà xĭtá xi yá tĭtsajna, k'e nga kiì'nchré, tĭjn xi kitsò: ch'oón xi jane. Jñà xĭtá xi i'nga, kitsò:

—Àkjale-lá Nainá xi kiichja-lá.

³⁰ Kiichja Jesús kitsò:

—'Én xi kàna'yà-là mìtsà kjondaà ts'an, kjondaà tsajòn-nò.

³¹ Jè hora jè, nga sindaàjiin-lá isò'nde; i'ndeĭ, jyeé ijchò hora nga jè xĭtá neĭ xi tĭhotixoma-lá isò'nde, jyeé kĭtjojiin.

³² K'e nga 'an, tĭjamiitjen ĭt'aà nangui, ngats'ii xĭtá, 'aán kichjà-lá nga kjĭnchrobàt'aà-na.

³³ Koií okitsò-ne, jè tsibénojmiya kós'in komat'in k'e nga kĭyá.

³⁴ Jñà xĭtá kiichja kitsò-lá:

—Ya-nájen nga jè kjotixoma-lá Nainá xi kiskii Moisés, k'oáá s'ín tĭchja, tsò-né: Jè Cristo, kĭjnakon-ne nĭtá kjé-ne. Ngaji, ¿mé-ne kosi-ne nga mochjeén-né nga jè Ki'ndí-lá Xĭtá tĭjamiitjen-t'aà nangui? ¿Yá-ne xi Ki'ndí-lá Xĭtá 'mì-la?

³⁵ Jesús kitsò-lá:

—Tákó kĭjnajiin chiba nachrjein-nò ni'in xi síhiseèn-nò. Tĭtjájmeè nga tĭjnajiin-nò xi síhiseèn-nò, mé-ne nga mì kojñò-nò. Jè xi jjiin jñò tsó'ba mikii beè kós'in fi.

³⁶ Kàtakjeiín-nò ĭt'aà ts'e ni'in xi síhiseèn k'e nga tákó tĭjnajiin-nò, mé-ne nga yá kĭtjá ñánda iseèn choòn.

K'e nga jye okitsò Jesús, kiì tsibijna'ma-lá jñà xĭtá.

Mé-ne jñà xĭtá judío mikii kòkjeiín-lá ĭt'aà ts'e Jesús

³⁷ Jesús, naş'in tákó 'ñó kjìn kjojkón ndaà kis'iin nga nguixkon xĭtá, jñà xĭtá mikii kòkjeiín-lá.

³⁸ Koií tsitasòn 'én xi kiskii Isaias, xĭtá xi kiichjaya ngajo-lá Nainá, nga kitsò: Na'èn, ¿yá-né xi tĭmokjeiín-lá 'én-ná xi kinokjoàyaá?

¿Yá xi tĭhokoò-lá nga'ñó xi tĭjn-lè?

³⁹ Koií kjoa-lá nga mikii kòkjeiín-lá, nga k'oáá s'ín tĭchja jngoò k'a xojon-lá Isaias ñánda tsò:

⁴⁰ Nainá tsibíchjoà xkon,

kisitájaàjiin inĭma-lá,

mé-ne nga mikii kotsejèn-lá,

mikii kochya-lá jjiin inĭma-lá

nga tĭkoá mì 'an kjĭnchrobàt'aà-na nga 'an sindaà-na.

⁴¹ Isaias, koií k'oas'in kiichja-ne nga jyeé kĭtsee jè kjoá jeya-lá Jesús nga ĭt'aà ts'e kiichja.

⁴² Naş'in koatsò 'én koi, kjìn xĭtá judío kòkjeiín-lá ĭt'aà ts'e Jesús, skanda kòkjeiín i'nga-lá xi xĭtá skò-lá. Tanga mìtsà jngoò k'a tsakó yĭjo-lá nga jye kòkjeiín-lá ĭt'aà ts'e Cristo; nga jñà tsakjón-lá jñà xĭtá fariseo, tsà ya kochrjekàjiin ni'ya jngo sinagoga.

⁴³ Jè xi mejèn-la nga ìsà ndaà kítsajna nga nguixkɔn x̄it̄a mì k'oà-ne koni nga nguixkɔn Nainá.

'Én xi kùichja Jesús, nga jè koìndaajìin-la x̄it̄a

⁴⁴ Jesús 'nó kùichja kitsò:

—Jè xi mokjeiín-la ìt'aa ts'an, mìtsà tà ìt'aa ts'an mokjeiín-la, t̄ikoaá mokjeiín-la ìt'aa ts'e Nà'èn-na xi jè kisikasén-na.

⁴⁵ Jè xi beèxkon-na, t̄ikoaá beèxkon-né jè xi kisikasén-na.

⁴⁶ 'An xi síhiseèn-la x̄it̄a, koií xá j'i-na ì isò'nde, nga ngats'iì x̄it̄a xi kòkjeiín-la ìt'aa ts'an, mì ya kítsajnajìin jìin j̄nò.

⁴⁷ Jè xi 'nchré 'én-na kò mìkiì síkitasòn, mìtsà 'an tsjaà-la k̄jò'in nga mìtsà koi xá j'i-na nga k̄jò'in tsjaà-la x̄it̄a isò'nde, koií xá j'i-na nga kòchrjekàj̄naà k̄jò'in x̄it̄a isò'nde.

⁴⁸ Jè xi ochrjekàngui-na nga mìkiì k̄jòéjt̄ò 'én-na, t̄jín xi tsjá-la k̄jò'in. Jè 'én xi jye 'an kichjà, jè tsjá-la k̄jò'in k'e nga k̄jòehet'aa nàchrjein.

⁴⁹ K'e nga chjà, mìtsà tà k̄jòh̄tsjeèn ts'an sikjeén, jè Nà'èn-na xi kisikasén-na kitsjaà-na ok̄ixi kós'ín chjà kòá mé 'én xi kokoòya.

⁵⁰ Be-ná jè k̄jotíxoma-la Nà'èn-na, jè xi t̄jín-la k̄jòabinachon n̄it̄a k̄jé-ne. J̄nà 'én xi 'an chjà, k'oáá s'ín chjà koni s'ín tsatíxoma-na Nà'èn-na.

13

K'e nga jè Jesús tsan̄jino ndsòkò x̄it̄a xi kota'yàt'aa-la

¹ Chibaá nàchrjein chija-isa nga k̄it̄jo s'eì Paxkò ts'e x̄it̄a judío. Jesús jyeé t̄jìin-la nga jye ijchò nàchrjein nga s̄iik̄jina isò'nde nga jye t̄ífkò-ne Nà'èn-la. Tanga Jesús t̄jòkéè kijtseé yije x̄it̄a-la ì isò'nde kóni skanda jyehet'aa nàchrjein-la.

² K'e nga jye kòj̄nò, Jesús t̄ikjèn-kò x̄it̄a-la, kò jè x̄it̄a neí jyeé k'oas'ín tsib̄jìin inima-la jè Judas Iscariote, ti-la Simón, nga jè s̄iingatsja Jesús ìt'aa ts'e x̄it̄a kondra-la.

³ Jesús jyeé t̄jìin-la nga jè Nà'èn-la kisingatsja yije kjoa nga jè k̄otixoma-la nga ìt'aa ts'e Nainá inchròbà-ne kò t̄jè t̄ífkò ìjngòò k'a-ne.

⁴ Jesús tsasitjen-t'aa ìm̄ixa, jaàxin nàchrò xi kisòn-'nga-la, kiskoé jngòò nikje toalla, tsib̄k̄já ndáyá-la.

⁵ Ikjoàn kiskoé jngòò tinà, tsib̄íya nandá, tsib̄íts'ia nga tsan̄jino ndsòkò x̄it̄a xi kota'yàt'aa-la, ikjoàn kisixijno-ne jè nikje toalla xi tikjá ndáyá-la.

⁶ K'e nga ijchò kasit'aa-la Simón Pedro nga mejèn-la kon̄jino ndsòkò, Simón kitsò:

—Nà'èn, za ok'ín-na nga jì kon̄jnoui ndsòkooà?

⁷ Kùichja Jesús, kitsò:

—Ì'ndeì mìkiì mach̄iya-lè mé kjoa xi tis'iaàn, tanga koma iskan, k'eé koch̄iya-lè.

⁸ Jè Pedro kitsò:

—Mìkiì tsjaà'nde nga ndsòkooà kon̄jnoui.

Jesús kitsò-la:

—Tsà mìkiì kónjinoa ndsòkooì mìtsà x̄it̄a ts'an xán-lè.

⁹ K'eé kitsò Simón Pedro:

—Nà'èn, mìtsà tà ndsòkooà tan̄jnoui, t̄ikoaá tan̄jnoui ndsaa kò skooà.

¹⁰ Kùichja Jesús kitsò-la:

—Jè xi jye tsangàya, tà jè ndsokò mochjeén nga saníjno, nga jyeé tsjeé yije yijo-la. Jñò, tsjeé kjoàn nas'in mìtsà kóhótjìón.

11 Jesús koií k'oas'in kitsò-la: “Mìtsà tà ngats'ioò nga tsjeé kjoàn”, nga jyeé tjiin-la yá-né xi sɔngatsja it'aà ts'e xita kondra-la.

12 K'e nga jye tsanijno ndsokò jñà xita-la, tsohòkjá-ne nàchro_kisòn-'nga-la. Tsibijnat'aà-ne ímíxa, kitsò-la:

—¿A machiyaá-nò kjoa xi kasiiko-nò?

13 Jñò, k'oaa bixón nga Maestro ko Na'èn 'mì-ná. Ndaà bixón, kixí kjoa xi 'mì-ná.

14 'An, xi Maestro ko Na'èn 'mì-na, kònjnoa ndsokò, jñò tikoaa mochjeén-né nga k'oas'is'in tanijnoò ndsokò xinguioo.

15 'An, k'oaa s'in kijnja jngoò-nò xkósòn mé-ne jñò k'oas'is'in tikoo xinguioo koni s'in kasiiko-nò.

16 Ngui kjoa kixí xi xan-nò, jè xi chí'nda tíjna, mìtsà jè tíjna ítjòn-la nei-la. Tikoaa jè xi satíxa-la mìtsà jè tíjna ítjòn-la jè xi otíxa-la.

17 'Ndeí nga jye machiya-nò kjoa koi, mé ta ndaa-nò tsà k'oas'is'in sikitasòn nga kos'in s'een.

18 'Mìtsà ngats'ioò k'oatixan-nò; bexkon-ná jñà xita xi 'an jaajñaà. Mochjeén-né nga kàtitasòn koni s'in tíchja Xojon-la Nainá nga tsò: “Jè xi kjèn-ko-na, tíjè-ne xi kondra kùtjingui-na.”

19 Tibenójmí-nò kjoa koi k'e nga tikj'eè k'oas' ma, mé-ne k'e nga jye k'oas'is'in koma, kòkjeiin-nò nga 'an-ná [xi Nainá].

20 Ngui kjoa kixí xi xan-nò, jè xi skoétjò xita xi 'an sikasén, 'aán skoétjò-na; ko jè xi skoétjò-na, jè skoétjò jè xi kisikasén-na.

Kò kitsò Jesús k'e nga tsibenójmí nga jè Judas sɔngatsja xita kondra-la (Mateo 26:20-25; Marcos 14:17-21; Lucas 22:21-23)

21 Jesús k'e nga jye okitsò, 'ñó jchán kokájno-la; jngoò k'a kùichja, kitsò:

—Ngui okixí xi xan-nò, i tíjnajin jngoò-nò xi sɔngatsja-na it'aà ts'e xita kondra-na.

22 Jñà xita xi kota'yat'aà-la, xki xi ján kiskoò'an xíkjin nga mìkì tjiin-la yá-ne xi otítsò-la Jesús.

23 Jngoò xita xi kota'yat'aà-la Jesús ya tíjnakjoòko k'e nga nchikjèn, jè xita-la xi jè Jesús 'ñó matsjakeè.

24 Jè Simón Pedro, kitsjaà-la seña jè xita xíkjin xi ya tíjnakjoòko Jesús nga skonangui-la yá-né xi otítsò-la.

25 Jè xita jè, isa 'ñó tsibijnat'aà chraña-la; kiskònangui-la, kitsò-la:

—Na'èn, zyá-né xi otì'mì-la?

26 Kùichja Jesús kitsò:

—Jè xi tsjaà jngoò-la inchrájin 'nchi, jè-né xi otixan-la.

K'éé kitsjaà-la jè Judas Iscariote, ti-la Simón.

27 Jè xita neí nitoón jahas'en-jin iníma-la Judas k'e nga kiskoé inchrájin. Jesús kitsò-la:

—Jè kjoa xi s'jin xátíya kot'jin.

28 Jñà xita xi títsajnat'aà ímíxa xi nchikjèn, nijngoò xi kjòchiya-la mé-ne kos'in kitsò-ne Jesús.

29 Tjin i'nga xita xi k'oas'is'in kisikítsjeèn; maá-la tsà títsò-la Jesús: “Tsojmi tindi xi ts'e s'eí.” O tsà títsò-la: “Ton tji chiba-la xita ima.” Nga jè Judas ngatsja chitsa ton.

³⁰ Judas, k'e nga jye tsakjèn inchrájin, nitoón itjo ni'ya; kii; nga jye jñò choòn.

Kjotíxoma xitse xi kitsjaà Jesús

³¹ K'e nga jye itjo ni'ya Judas nga kii, Jesús kitsò:

—I'ndeí, jè Ki'ndí-la Xità, jyeé jeya tíjna. Tíkoá Nainá jyeé jeya tíjna it'aà ts'e Ki'ndí-la.

³² Nainá tsà jeya tíjna it'aà ts'e Ki'ndí-la, tíjè-ne Nainá jeya síkíjna Ki'ndí-la. Nitoón jcha-la kjoá jeya-la.

³³ Jñò, xi ndí íxti-na xan-nò, mìtsà tí tse kótijnako ìsa-nò. Jñò, kírchátsji-ná tanga k'oaá xan-nò koni kixan-la jñà xità judío: Yá ñánda tífia, jñò, mìkii koma konguíó.

³⁴ Jngoò kjotíxoma xitse tsjaà-nò: Títsjacha xinguió nga jngoò ìjngoò. K'oaá'ín títsjacha xinguió koni s'ín 'an kistsjakeè-nò.

³⁵ Tsà k'oaá'ín sítsjacha xinguió nga jngoò ìjngoò, k'oaá s'ín skoe-ne ngats'ii xità nga kixi kjoá nga ya chíta'yát'aà-ná.

'Én xi kíichja Jesús nga jè Pedro kjó'mat'in

(Mateo 26:31-35; Marcos 14:27-31; Lucas 22:31-34)

³⁶ Simón Pedro kiskónangui-la Jesús, kitsò-la:

—Ná'èn, ¿ñánda tí'mì?

Jesús, kitsò-la:

—Yá ñánda tífia, mìkii koma kítjìngui-ná xi kjoá nìton, tanga k'e nga koma iskan, komaá kítjìngui-ná.

³⁷ Simón Pedro kitsò-la:

—Ná'èn, i'ndeí, ¿mé-ne mìkii koma kítjìngui-lè? Tíjngoò takoàn nga 'an kiyá ngajo-lè.

³⁸ Jesús kíichja, kitsò-la:

—¿A kixi kjoá nga tíjngoò takoín nga jí kiyá ngajo-ná? Ngui okixí xi xan-lè, k'e nga tíkj'eé kjindáya kóxtí, jàn k'a tsjá'mat'in-ná nga mìkii yaxkon-ná.

14

Kó s'ín koma nga ma kijchoaá ya ñánda tíjna Ná'èn-ná

¹ Kì makájno-nò. Kàtakjeín-nò it'aà ts'e Nainá, tíkoá kàtakjeín-nò it'aà ts'an.

² Ján ni'ya-la Ná'èn-na tíjn jchán i'nde ñánda ma níkjáya. Tsà mì kixi kjoá nga k'oaá'ín tíjn, mì-la tsà tà chjà k'oa xán-nò nga tífikindaà-nò jngoò i'nde xi tsajón.

³ Koni s'ín kjián nga kindaà-nò i'nde, k'oaá tí's'ín kjoiaa ìjngoò k'a nga kíkjo-nò, mé-ne ya ñánda kótijna, tíkoá ya kítsajnakò-ná.

⁴ Jñò jyeé 'yaá kós'ín fi ndiyá ñánda tífia.

⁵ Tomás kitsò:

—Ná'èn mìkii 'ya-jen ñánda tí'mì. ¿Kós'ín jcha-najen ndiyá?

⁶ Jesús kitsò-la:

—'An-ná xi ndiyá, 'an-ná xi kjoakixi, 'an-ná xi kjoabinachon. Tajngoò it'aà ts'an koma kjjchò jñò ñánda tíjna Ná'èn-ná.

⁷ Jñò, tsà yaxkon-ná, tíkoá jchaxkon-nò Ná'èn-na. Tanga i'ndeí, jyeé yaxkon kò títsachitsejèn-la.

⁸ Felipe kitsò:

—Takó-nájen yá-ne xi Ná'èn 'mì. Tà k'oaá tíjn xi kojngoò-ne takòn-jen.

⁹ Jesús kíichja kitsò-la:

—Ji Felipe, kjòtsee tijnako-nò, ¿a tà kj'eè yaxkon-ná? Jè xi jye kijtseeèxkon-na, jyeè kijtseeèxkon Na'èn-na. ¿Mé-ne kosi-ne: “Takó-nájen xi Na'èn 'mì”?

¹⁰ ¿A mì mokjeiín-lè nga 'an, yaá tijnakoaa Na'èn-na, koa jè Na'èn-na ya tijnako-na? Jñà 'én xi 'an chjàko-nò, mìtsà kjòhùtsjeèn ts'an; jè Na'èn-na xi tijnako-na, jè-né xi tísíxá it'aà ts'an.

¹¹ Kàtakjeiín-nò nga 'an ya tijnakoaa Na'èn-na, ko jè Na'èn-na ya tijnako-na. Tsà mìkii mokjeiín-nò it'aà ts'an, nas'ín tà jè kàtakjeiín-nò it'aà ts'e xá-na xi 'an tìs'iaàn.

¹² Ngui okixí xi xan-nò, jè xi mokjeiín-la it'aà ts'an, tikoaa komaá-la s'jin xá xi 'an s'iaàn; skanda isaá tsato s'jin, nga 'an, ján tífia ñánda tjna Na'èn-na.

¹³ Njita mé xi sijé-la Na'èn-na xi it'aà ts'an, 'an sikitasoàn, mé-ne jè Na'èn-na jeya kíjna-ne it'aà ts'e Kí'ndí-la.

¹⁴ Tsà mé xi sijé it'aà ts'an, 'an, sikitasòn-ná.

K'e nga jè Jesús kitsjaà 'én-la nga sùikasén jè Inimá Tsjeè-la Nainá

¹⁵ Jñò, tsà matsjacha-ná tikitason kjotixoma-na.

¹⁶ 'An, kitsi'ba-là Na'èn-na nga kàtasikasén jngoò-nò jè xi kosiko-nò, mé-ne kjit'aà nachrjein kíjnakò-nò.

¹⁷ Jè xi sùikasén-nò Na'èn-na, jè Inimá Tsjeè-la xi ngui kjoa kixi. Jñà xita isò'nde, mìkii koma skoétjò nga mìkii beèxkon, tanga jñò yaxkon-nò nga ya tijnako-nò, ko yaá kíjnajìin inimá-nò.

¹⁸ Mìkii siikítsajna jchan-nò, kjoikon jngoò k'a-nò nga kótijnako-nò.

¹⁹ Tà chibaá nachrjein chija-la nga jñà xita isò'nde mì tì kii skoexkon-na; tanga jñò jchaxkon-ná; tikoaa kitsajnakon-nò nga 'an tijnakon-ná.

²⁰ K'e nga kijchò nachrjein jè, jcha-nò nga yaá tijnakoaa Na'èn-na, koa jñò yaá titsajnakò-ná, ko 'an yaá tijnako-nò.

²¹ Jè xi tjiin-la kjotixoma-na tikoaa síkitason-né, jè-né xi matsjakeè-na. Ko jè xi matsjakeè-na tikoaa kotsjakeè Na'èn-na. 'An, tikoaa matsjakeè-ná koa kokoò tsejèn-la yijo-na.

²² Kiskòngui Judas (mìtsà jè Iscariote). Kitsò-la:

—Na'èn kós'ín koma nga tà ngajen kòkòtsejèn-nájen yijo-lè nga mìtsà jñà xita isò'nde kòkòtsejèn-la yijo-lè.

²³ Kiihja Jesús, kitsò-la:

—Jè xi matsjakeè-na sùikitasòn 'én-na; ko jè Na'èn-na kotsjakeè-né. Na'èn-na ko 'an kjinchrobàchón-nájen; yaá kitsajnakon-jen.

²⁴ Jè xi mìkii matsjakeè-na mìkii sùikitasòn 'én-na. Jñà 'én xi jñò titsana'yà, mìtsà ts'an, ts'eé Na'èn-na xi kisikasén-na.

²⁵ 'K'oaá s'ín tibenojmí yije-nò 'én koi k'e nga tákò tijnako isa-nò.

²⁶ Jè xi kosiko-nò, jè Inimá Tsjeè-la Nainá xi it'aà ts'an sùikasén-nò Na'èn-na, jè kòkòya yije-nò koa sùikitsjeèn-nò ngats'ii 'én xi tixan-nò.

²⁷ 'An, tsjaà-nò kjoa'nchán; yaá sikíjnajñaà inimá-nò. K'oaá s'ín tsjaà-nò koni s'ín 'nchán tjnaa, mìtsà k'oa'sín tsjaà-nò koni s'ín tsjá isò'nde. Kì makájno-nò ko kì tsakjoòn-jèn.

²⁸ Jñò, jyeè kina'yà koni s'ín tixan-nò nga 'an tífia tanga kjoii jngoò k'a. Tsà kixi kjoa nga matsjacha-ná, jñò, tikoaa kotsjaà-nò nga xan-nò: Jye tífia ñánda tjna Na'èn-na; nga jè Na'èn-na isaá tjna ítjòn mì k'oa-ne koni 'an.

²⁹ K'oaá s'ín tibenojmí ítjòn-nò kjoa koi, mé-ne k'e nga jye kítason, kòkjeiín-nò.

³⁰ 'Mì tì kii kjìn 'én kichjàkò isà-nò. Jyee nchrobá xitá neí xi tìhotíxoma-là jè isò'nde; tanga nímé nga'ño tjin-là nga jè sjikijne-na.

³¹ K'oáá s'ín kítasòn, mé-ne skoë-ne jñà xitá isò'nde nga matsjake Nà'èn-na nga tiskitasoàn kjotíxoma xi kitsjaà-na.

'Tisítjeen, tükjiaán.

15

Jè xi ngui yá-là toò uva kò jñà xi chrja-là

¹ 'Aán ngaya-là yá je-là toò uva; jè Nà'èn-na xi síxáko.

² Ngats'ii chrja-là yá uva xi it'aà ts'an nchrobát'aà-ne xi mikii ojà-là toò, Nà'èn-na ote't'aà-né; koá jñà xi ojà-là toò, ta sítseé-né, mé-ne nga isà ndaà koja-là toò.

³ Jñò, jyee k'oas'ín kjòtsjeè-nò xi it'aà ts'e 'én xi okixan-nò.

⁴ Jñò, mochjeén-né nga ya kítajnakò kjit'aà-ná koá 'an, yaá kótijnako kjit'aà-nò. Jngoò chrja-là yá toò uva, mikii koja-là toò tsà mikii 'ño tjit'aà jè yá je-là. It'aà tsajòn, k'oa tís'in tjin, nímé xi s'een tsà mì 'an kítajnakò kjit'aà-ná.

⁵ 'An-ná xi yá je-là toò uva, jñò-nó xi chrja-là. Jè xi 'an kijnako kjit'aà-nà kò 'an kótijnako kjit'aà, ndaà jchán koja-là toò. Tanga nímé xi s'een tsà títajnat'aaxìn-ná.

⁶ Jè xi mìtsà 'an kijnako kjit'aà-na, k'oáá s'ín tjáxìn koni chrja-là yá xi nímé toò ojà-là; k'e nga jye xi, maxkó-né ikjoàn sinchájin n'i'ín nga tì.

⁷ Jñò, tsà ya kítajnakò kjit'aà-ná, koá tsà kixi kítajnakò 'én-na xi 'an tsakoóya-nò, tije nita mé xi mejèn-nò, k'oáá s'ín kítasòn-nò koni s'ín kixón.

⁸ K'oáá s'ín ma-ne jchà-là kjoajeya-là Nà'èn-na k'e nga 'ño kjìn toò koja-nò kò k'oáá s'ín ma-ne nga 'ya-là nga kixi kjoa nga ya chita'yat'aà-ná.

⁹ Koni s'ín matsjakeé-na Nà'èn-na, jñò, 'an, k'oá tís'in matsjake-nò. Mochjeén-né nga k'oas'ín títajnakò kjit'aà kjoa tsjacha-nà.

¹⁰ Tsà sikitason kjotíxoma-na, yaá kítajnajñò kjit'aà kjoa tsjacha-nà. 'An, k'oáá tís'in sikitasoàn kjotíxoma-là Nà'èn-na kò yaá tijnajñà kjit'aà kjoatsjacha-là.

¹¹ Jñò, k'oáá s'ín chjàkò-nò mé-ne sijnajjin-ne inima-nò kjòtsja xi 'an tjin-na kò ngui ndaà s'e-nò kjòtsja.

¹² Kjoíxoma-nà xi 'an tsjaà-nò, jè-né nga títajcha xinguiò nga jngoò òjngoò, koni 'an matsjake-nò.

¹³ Jè xitá xi biyaàtji ngajo-là amigo-là, jè-né xi isà 'ño matsjakeé xikjín.

¹⁴ Jñò-nó xi amigo-nà xan-nò, tsà sikitason koni s'ín binè-nò.

¹⁵ Mì tì ch'i'nda-nà xan-nò nga jè ch'i'nda mikii beè mé xi s'ín nei-là. Amigo ts'aán xan-nò nga jyee tsibenojmíya yije-nò kjoa xi tsakóya-nà Nà'èn-na.

¹⁶ Mìtsà jñò kichjaàjin-ná, tã saà 'an jaàjin-nò. Kitsjaà-nò xá nga konguiò mé-ne nga ndaà síxá-nò. Jè xá-nò sijna-né nita kjé-ne, mé-ne k'e nga mé xi sijé-là Nà'èn-na xi it'aà ts'an, tsjá-nò.

¹⁷ Jè kjotíxoma xi 'ño tibinè-nò: Nga tjòcha jchà xinguiò nga jngoò òjngoò.

Mé-ne jñà xitá isò'nde sítikeé-ne xitá-là Jesús

¹⁸ Jñò, tsà sítikeé-nò jñà xitá isò'nde, kátasijin-nò nga 'an, k'oáá s'ín kisítikeé itjòn-na.

¹⁹ Jñò, tsà tákó ya títajnajjin-là xitá isò'nde, jñà xitá isò'nde kòtsjakeé-nò koni s'ín matsjakeé xitá xikjín. Tanga jñò, mìtsà tì i-ne isò'nde tsajòn. 'An

jaajjìn-nò nga tsachrjekàjjìn-nò kjoa xi tjin isò'nde, koi kjoa-la nga majtikeè-nò jña xita isò'nde.

²⁰ Ndaà tikítsjeèn koni s'in kixan-nò: "Jè xi chj'nda tjina, mìtsà isa tjina ítjòn-la nei-la." Koni s'in kùtjingui kondra-na jña xita, jñò, k'oaa tís'in kjitjingui kondra-nò. Tsà kisikitasòn 'èn-na, tikoaa sùikitasòn tsajòn.

²¹ Ngats'ii kjoa koi, k'oaa sùiko-nò jè ngatji-la it'aà ts'an nga mikil beèxkon jè xi kisikasén-na.

²² "An, tsà mì-la kii j'iaa kò tsà mì-la kii tsohókoaa, nì mé-la jé tjin-la. Tanga j'nde, mì tì kii koma kosiko-ne yijo-la kjoa ts'e jé-la.

²³ Jña xita xi 'an majtikeè-na, tikoaa majtikeè Na'èn-na.

²⁴ Njmé-là jé tjin-la jña xita tsà mì-la kii kjitsee jña kjoxxkón xi 'an kis'iaàn xi nì saà jngoò xita k'oas'in s'in. Tanga jyeé kjitsee kjoxxkón xi 'an kis'iaàn, tanga tákó majtikeè-na tikoaa majtikeè Na'èn-na.

²⁵ K'oas'in tíma nga tìbitasòn 'én xi tjit'aà Xojon-la Nainá xi kota'yà xita koi, nga tsò: "Tísijtikeè-na nas'in nì mé kjoa tìsikoaa."

²⁶ Tanga k'e kitjojen jè xi kosiko-nò, xi 'an sikasén it'aà ts'e Na'èn-na, jè Injima Tsjeè-la Nainá xi nguì okixi, xi it'aà ts'e Na'èn-na nchrobá-ne, jè tsjá 'én it'aà ts'an.

²⁷ Jñò, tikoaa k'oioo 'én it'aà ts'an nga yaá titsajnakò-ná kóni nga tàts'en-la kjoa.

16

¹ K'oas'in tibenojmí-nò kjoa koi mé-ne nga mikil kinchat'aaxìn-nò nga mokjeiin-nò it'aà ts'an.

² Kòchrjekàjjìn-nò ya nì'ya ingo sinagoga. Tikoaa kijchò nàchrjein k'e nga njta yá-ne xi sùik'en-nò k'oaa s'in sùikítsjeèn nga Nainá nchisíxá-la.

³ Koi kjoa-la nga k'oas'in s'iin-ne nga mikil beèxkon Na'èn-na, tikoaa 'an mikil beèxkon-na.

⁴ Koi k'oas'in tixan-nò mé-ne k'e nga kijchò nàchrjein kùitsjeèn-nò nga jyeé tsibenojmíya yije-nò. K'e nga sa ítjòn, mikil okixan-nò nga yaá tijnakò-nò.

Xá xi s'in Injima Tsjeè-la Nainá

⁵ Tanga j'nde, jyeé tífiko-na jè xi kisikasén-na. Jñò, njjngoò chjinangui-ná, ñánda tífia.

⁶ Tà saà kjoaba tíjìn injima-nò, jè ngatji-la koni tixan-nò kjoa koi.

⁷ 'Én kixí xi tixan-nò; kjondaà tsajòn-nò nga kjián. Tsà mikil kjián, mikil koma kitjojen jè xi kosiko-nò nga j kijnakò-nò. Mochjeén-né nga kjián mé-ne nga koma sikasén-nò.

⁸ K'e nga kitjojen jè xi kosiko-nò, jè sùikíchiya ndaa-la xita isò'nde kjoa ts'e jé, kò kjoa xi kixi tjin kò nga sindaàjjìn yá xi kòko-la kjo'in.

⁹ Jè sùikíchiya ndaa-la xita isò'nde xi kjoa ts'e jé nga mikil mokjeiin-la it'aà ts'an.

¹⁰ Kò sùikíchiya ndaa-la xita it'aà ts'e kjoa xi kixi tjin, nga 'an jyeé tífia ñánda tjina Na'èn-na. Jñò, mì tì kii jchaxkon-ná.

¹¹ Kò sùikíchiya ndaa-la xita nga sindaàjjìn-la yá xi kòko-la kjo'in, koi kjoa-la nga jè xita neji xi tíhotixoma-la isò'nde jye k'oas'in tjinè-la nga kjo'in s'e-la.

¹² Kjin jchán kjoa tjin isa xi kj'eji xi koxán-nò tanga j'nde, mikil titsajnandaà nga kjoahas'en-jiin-nò.

¹³ K'e nga kitjojen jè Injima Tsjeè-la Nainá xi nguì kjoa kixi, jè sùikixiya ndaa-nò xi nguì kjoa kixi nga mìtsà kjohítsjeèn ts'e sùikjeén k'e nga kichja.

K'oaa s'in kichja koni s'in tjin kjoa xi 'nchré. Keènojmi-nò kjoa xi s'e k'e nga koma iskan.

¹⁴ Jè jeya sùikijna-na k'e nga tjoé-la 'én-na ikjoàn kokòya-nò.

¹⁵ Ngats'ii xi tjin-la Na'èn-na, tikoaa ts'an-ná. Koi k'oaa xan-nò nga jè Inima Tsjeè-la Nainá tjoé-la 'én xi ts'an, ikjoàn kokòya-nò.

Mé-ne jè kjoa, kjotsjaá koma-ne

¹⁶ Jñò, tà chibaa nachrjein chija nga mì tì kiì jchaxkon-ná; xi koma jò jàn nachrjein ìjngòò k'a jchaxkon ìjngòò k'a-ná nga jè tifikoa Na'èn-na.

¹⁷ Xita xi kota'yat'aà-la k'ée kitsò-la xíkjin:

—Kó tsòya-ne 'én xi tsò-la: tà chibaa nachrjein chija-la nga mì tì kiì jchaxkon-ná, xi koma jò jàn nachrjein, ìjngòò k'a jchaxkon-ná nga jè tifikoa Na'èn-na.

¹⁸ Kitsò-la xíkjin:

—¿Kó tsòya-ne 'én xi tsò-la: “Ta chibaa nachrjein chija”? Mikì fiya-ná koni s'in chja.

¹⁹ Jesús, tik'ée kjòchija-la nga jñà xita-la mejèn-la skonangui-la kó tsòya-ne 'én xi kiichja. K'ée kitsò-la:

—¿A titsachjinangui-la xinguiòò kó tsòya-ne koni s'in kaxan-nò: Tà chibaa nachrjein chija-la nga mì tì kiì jchaxkon-ná, xi koma jò jàn nachrjein ìjngòò k'a jchaxkon-ná?

²⁰ Ngui okixii xi xan-nò, jñò, ba s'e-la inima-nò, jchhindáya-nò, tanga jñà xita isò'nde tsjaá s'e-la inima-la. Jñò, nas'in ba s'e-nò, jè kjoa ba-nò, nga koma iskan, kjoa tsjaá koma-ne.

²¹ Jngòò chjoón, k'e nga chóya nachrjein-la nga 'beé ki'ndi, tse kjo'in síkjein. Tanga k'e nga jye ts'iiin jè ki'ndi, mì tì kiì síktsjeen-ne kjo'in xi kasíkjein jè chjoón. Tà saá tà kjotsjaá s'e-la nga jngòò xita kats'iiin ì isò'nde.

²² Okixi-né it'aà tsajòn, i'nde, ba tjin-nò, tanga koma iskan, k'e nga skoexkon ìjngòò k'a-nò, k'e-né nga 'ño tsja koma-la inima-nò. Jè kjotsja-nò nijá xi kjoaáxìn-nò.

²³ 'K'e nga kijchò nachrjein nga jchaxkon ìjngòò k'a-ná, nime xi chjinangui-ná. Okixii xi xan-nò, nita mé xi sijé-là Na'èn-na xi it'aà ts'an, tsjá-nò.

²⁴ Skanda i'nde, ni sà mé xi nijé xi it'aà ts'an; tijé, tjoé-nò, mé-ne nga nime xi chijat'aà-la kjotsja xi tjiin inima-nò.

Mé kjoa-ne nga Jesús jye kisikijne-la kjoa xi tjin isò'nde

²⁵ “Én xi tichjako-nò, tà kjoa mangásòn-né tsikjeén. Tanga kijchò nachrjein k'e nga mì tì kiì kjoa mangásòn kichjako-nò. Kènojmi kixii-nò it'aà ts'e Na'èn-na.

²⁶ Nachrjein jè, jñò, it'aà ts'aán sijét'aà-là Na'èn-na. 'An, mì tì kiì kitsi'ba-tji-nò xi it'aà tsajòn,

²⁷ nga jè sobá Na'èn-na matsjakeè-nò. Koi matsjakeè-nò nga jñò, tikoaa matsjacha-ná kò mokjein-nò nga it'aà ts'e Nainá inchrobà-na.

²⁸ Yaá itjokát'aà-la Nainá nga inchrobà ì isò'nde. I'nde, siikijna-ná isò'nde, tifikoo ìjngòò k'a-na Na'èn-na.

²⁹ Jñà xita xi kota'yat'aà-la kitsò-la:

—I'nde, tinokjoa kixi-né, nime kjoa mangásòn tinikjin.

³⁰ I'ndeï, jyeé 'ya-jen nga jì machiya yijee-lè nita mé kjoa-ne. Mikiì mochjeén tsà yá xi skonangui-lè. K'oaá ma-ne nga mokjeiin-najen nga it'aà ts'e Nainá inchrobà-ne.

³¹ Kiichja Jesús, kitsò-la:

—I'ndeï, ça mokjeiin-nò?

³² Jyeé kjomeè bijchó hora, tijè-ne hora jè, jñò, tsjohoba-nò nga jngoò ijngoò; ongui-nò ni'ya-nò; tajngoò sikijna-ná. Tanga mitsà tajngoò tijnaa, jè tijnako-na Na'èn-na.

³³ K'oaá s'in tichjàko-nò mé-ne it'aà ts'an s'e-nò kjoa'nchán. Koá i isò'nde kjo'iin s'e-nò, tanga 'ñó t'e-là takón. 'An, jyeé kisikijne-la jña kjoa xi tjin isò'nde.

17

K'e nga jè Jesús tsibítsi'batji jña xita xi kota'yàt'aà-la

¹ Jesús, k'e nga jye k'oas'in kiichja, kiskoòtsejèn ngajmii, kitsò:

—Na'èn, jyeé ijchò hora-la, jeya tikijni Ki'ndí-lè, mé-ne jè Ki'ndí-lè tikoá ngaji, jeya siikijna-lè,

² koni s'in kits'ii-la kjotixoma Ki'ndí-lè it'aà ts'e ngats'ii xita nga tji'nde-la nga tsjaà-la kjoabinachon nita kjé-ne ngats'ii xita xi jì kits'ii-la.

³ Jè kjoabinachon xi tjin nita kjé-ne, jè-né nga skoexkon-lè, nga ta jì tajngod-né xi kixi kjoa nga Nainá 'mì-lè, tikoá skoexkon Jesucristo xi Ki'ndí-lè xi xó jì kinikasén-ne.

⁴ 'An, jeya kisikijna-lè i isò'nde, nga jyeé kisijngoáá xá xi jì kiningsja-ná.

⁵ Na'èn, i'ndeï, k'oas'in jeya tikijna-ná nga nguixkoìn koni tjin kjoa jeya xi kis'e-na nga tshótijnat'aà-lè k'e nga tikj'eè sindaa isò'nde.

⁶ 'Jña xita isò'nde xi xó jì kichjaàjìin-ne nga 'an kiningsja-ná, jyeé tsibenojmí-la it'aà tsiji. Xita tsiji-né, nga jì kits'ii-ná, kò nchisikitasòn-né koni tsò 'én-lè.

⁷ 'Jña xita koi, i'ndeï, jyeé beè nga ngats'ii kjoa xi 'an kits'ii-ná, it'aà tsiji nchrobà-ne.

⁸ 'An, tsibenojmí-la jña 'én xi jì kits'ii-ná; jña xita koi, jahas'en-jìin-la; jyeé kijtsee nga kixi kjoa nga it'aà tsiji inchrobà-na. Mokjeiin-la nga jì kinikasén-ná.

⁹ 'Jña xita koi, bitsi'batjià. Mitsà jña xita isò'nde bitsi'batjià; tà jña-né xi jì kits'ii-ná, nga xita tsiji-né.

¹⁰ Ngats'ii xita xi ts'an, tikoá tsiji-né, koá jña xita xi tsiji, tikoá ts'an-ná. It'aà ts'eé xita koi, nga jeya otijna.

¹¹ 'An, mì tì kiì tse kótijna-na i isò'nde; tanga jña xita koi, í kítsajna isò'nde. 'An, yaá tifikon-lè nga ya kótijnako-lè. Na'èn tsjee, ndaa tikindji xita koi nga kò nga'ño-lè, tijè-ne nga'ño xi jì kits'ii-ná mé-ne nga ndaa kítsajnajtìn-ne koni jña ndaa titsajnakjoáá ngaji kò 'an.

¹² K'e nga tshótijnakoáa i isò'nde, ndaa kisikindaa nga kò nga'ño-lè, tijè-ne nga'ño xi jì kits'ii-ná. Nijngoò xi kichija, tà jé kichija jè xi k'oas'in tjinè-la nga k'oas'in komat'in, mé-ne kítasòn-ne koni s'in tichja Xojon-lè.

¹³ 'Tanga i'ndeï yaá tifikon-lè ñánda tijni. 'Jña 'én xi tichjà k'e nga tákó i tijnaa isò'nde, koi-né nga 'ño ndaa kátasijìin inima-la jña xita-na, jè kjotsja xi tjiin ts'an.

¹⁴ 'An, jyeé tsibenojmí-la 'én-lè jña xita-na; tanga jña xita isò'nde sijtikeè-né, koií-né nga mitsà tì xita ts'e isò'nde-ne, tikoáá 'an, mitsà tì i isò'nde chjà-na.

¹⁵ Mitsà xan-lè nga chjaàxin i isò'nde, tà jè-né xi xan-lè nga tìkindji it'aà ts'e xita neji.

¹⁶ Koni 'an mitsà i isò'nde chja-na, tìkoaá jña xita-na mitsà tì i-ne isò'nde chja-ne.

¹⁷ It'aà ts'e kjoa kixi-lè, tsjeè tìkítsajni nga ngu xita tsiji kàtama; nga jña 'én-lè, ngu kjoa kixi-né.

¹⁸ Ji, koni s'in kinikasén-ná i isò'nde, 'an, k'oaá tís'in sikasén jña xita-na it'aà ts'e xita isò'nde.

¹⁹ Xi kjondaà ts'e xita-na, 'an, jyeé tsjeè tìsingatsja-lè yijo-na mé-ne jña xita-na tìkoa tsjeè silingatsja-lè yijo-la xi it'aà ts'e kjoa kixi-lè.

²⁰ Mitsà tà jña bitsi'batjia jña xita ts'an; tìkoaá bitsi'batji-ná jña xita xi iskan kokjeiín-la it'aà ts'an k'e nga kji'nchré 'én-na xi keñojmi-la jña xita-na,

²¹ mé-ne ngats'ii jña xita koi, tà jngoò koma-ne, koni jña nga jngoò ma-ná koni s'in tijnako-ná ngaji Na'èn, tìkoa 'an tijnako-lè. Jña xita koi, tìkoa kàtítsajnakò-ná mé-ne jña xita isò'nde kokjeiín-la nga ji kinikasén-ná.

²² Jè kjoajeya xi ji kits'ii-ná, 'an, k'oaá tís'in kitsjaà-la jña xita-na mé-ne nga tà jngoò koma-ne koni jña nga tà jngoò ma-ná.

²³ An tijnakoáa jña xita-na kò ji tijnako-ná, mé-ne nga ngu jngoò koma-ne. K'oaá s'in skoe-ne jña xita isò'nde nga ji kinikasén-ná kò tìkoa skoe nga matsjachi jña xita-na koni s'in matsjacha-ná 'an.

²⁴ Na'èn, koi xi mejèn-na nga jña xita xi ji kits'ii-ná ya kítsajnakò-na nànda kótijna, mé-ne nga skoe-ne kjoa jeya-na xi ji kits'ii-ná nga tìkoa matsjacha-ná skanda k'e nga tìkj'eè sindaà isò'nde.

²⁵ Na'èn xi xita kixi 'mì-lè, jña xita xi tjin isò'nde, mìki beèxkon-lè, tanga 'an, beèxkoon-lè. Tìkoa jña xita xi ji kits'ii-ná jye kisijiin-la nga ji kinikasén-ná.

²⁶ Jña xita-na jyeé tsibenojmí yije-la it'aà tsiji; tákò saá kènojmi isa-la mé-ne jè kjoatjòcha xi tjin-lè it'aà ts'an, tìkoa s'e-la jña xita koi, kò 'an sobà kótijnajñaà inija-la.

18

*Kós'in komà k'e nga kitsobà'ño Jesús xita kondra-la
(Mateo 26:47-56; Marcos 14:43-50; Lucas 22:47-53)*

¹ Jesús k'e nga jye okitsò, ikjoàn itjo, kiiko xita xi kota'yàt'aà-la ján xijngoàà xajngá nandá xi 'mì Cedrón. Ya kijna jngoò i'nde nànda kjin skaya tsojmí útje; yaá jahas'en-jiin Jesús kò xita-la.

² Judas, xita xi silingatsja Jesús it'aà ts'e xita kondra-la, jyeé beèxkon i'nde jè, nga Jesús, kjin k'a ya chixoñako xita xi kota'yàt'aà-la ya i'nde jè.

³ Judas, kjin soldado ijchòkò, tìkò xita xi sikiinda ingo xi jña kisikasén xita sko-la nò'ni kò xita fariseo; 'ya ni'in linterna, 'ya kicha ndojò, 'ya ni'in nicha.

⁴ Jesús, nga jyeé tjin yije-la kjoa xi komat'in, nitoón itjo, kitsò-la:
—¿Yá xi binchaàtsjioè?

⁵ Xita koi, kitsò:

—Jè Jesús xi Nazaret i'nde-la.

Jesús kitsò-la:

—An-ná.

Judas, xita xi tisingatsja Jesús, tìkoaá ya tsóbajin-la.

⁶ K'e nga kitsò Jesús: “An-ná”, xita koi, kiì-ne íts'in, chixòt'aà nangui.

⁷ Jesús, ijngoò k'a kiskònangui-la kitsò-la:

—¿Yá xi binchaàtsjioè?

Xiṭa koi kitsò:

—Jè Jesús xi Nazaret j'nde-la.

⁸ Kiichja Jesús, kitsò-la:

—Jyeé, k'oa tìxan-nò, 'an-ná. Tsà 'an binchaàtsji-ná, tjiì'nde-là jñà xiṭa-na xi i'nga nga kàtjì-ne.

⁹ K'e nga okitsò Jesús, koií tsitason 'én xi jè kiichja k'e nga kitsò: “Na'èn, xiṭa xi jì kits'ì-ná, nijgoò kichijà.”

¹⁰ Jè Simón Pedro, 'ya jngoò kichja ndojò; tsachrje; tsajà-la xiṭa xi 'mì Malco, xiṭa chi'nda-la nò'miì ítjòn; tsatet'aà líká kixi-la.

¹¹ Jesús kitsò-la jè Simón Pedro:

—Tikájnato-ne kichja ndojò-lè. Tjaya-ne chrjoa-la. Jè kjoa ts'e kjo'in xi tsjá-na Na'èn-na koni s'ín mejèn-la, ¿a mìtsà tjinè-la nga siikitasoàn?

K'e nga jè Jesús tsibijna nguixkon Anás

(Mateo 26:57-58; Marcos 14:53-54; Lucas 22:54)

¹² Jñà xiṭa soldado ko soldado ítjòn ko xiṭa judío xi síkinda ingo ítjòn, kitsobà'ño Jesús, ikjoàn chinchá na'ño.

¹³ Itjòn kiiko ján ñánda tjna ni'ya-la Anás, nga níxáya-la ma jè Caifás xi nò'miì ítjòn tjna nó jè.

¹⁴ Jè Caifás xi okitsò-la jñà xiṭa judío nga kitsò-la: Mochjeén-né nga tà jngoò xiṭa kàtiyaàtjì-la naxandá.

K'e nga jè Simón Pedro k'oa kitsò nga mikii beèxkon Jesús

(Mateo 26:69-70; Marcos 14:66-68; Lucas 22:55-57)

¹⁵ Simón Pedro tjingui-la Jesús ko jngoò sa xiṭa xi kota'yat'aà-la Jesús, jè xi beèxkon jè nò'miì ítjòn, jahas'en-ko Jesús ya nditsin ni'ya-la nò'miì ítjòn.

¹⁶ Tanga jè Pedro, ján kiskoòña nditsiaán; yaá tsibijna xotjoa-la ni'ya. Jè xiṭa-la Jesús xi jngoò, k'éé itjo jngoò k'a, kiichja-la jè chjoón xi síkinda xotjoa-la ni'ya, ikjoàn kisikas'en Pedro.

¹⁷ Jè chjoón xi síkinda xotjoa-la ni'ya, kitsò-la Pedro:

—Ngaji, ¿a mìtsà tikoá ya chita'yat'aà-la xiṭa jè?

Jè Pedro, kitsò:

—Majìn.

¹⁸ Jñà xiṭa chi'nda ko xiṭa xi síkinda ingo nchat'aà-la ni'ín xi jñà tsibitse nga nchisihiso-la yijo-la nga 'ño 'nchán tíma. Jè Pedro tikoá ya síjna nga tisihiso-la yijo-la.

Mé 'én xi kiichja Jesús ya nguixkon nò'miì ítjòn

(Mateo 26:59-66; Marcos 14:55-64; Lucas 22:66-71)

¹⁹ Jè nò'miì ítjòn tsibits'ia nga kiskònangui-la Jesús it'aà ts'e xiṭa xi kota'yat'aà-la ko it'aà ts'e 'én xi okóya.

²⁰ Kiichja Jesús kitsò-la:

—'An, kichjàjìn osen-la xiṭa nga tjtisa isò'nde. Kjit'aà naxchrjein tsakoóya ya ni'ya ingo sinagoga ko ya nditsin ingo ítjòn ñánda bixoña yije xiṭa judío. Njímé 'én xi tichjà 'ma.

²¹ ¿Mé-ne 'an chjinangui-ná? Jñà chjinangui-la xiṭa xi kii'nchré-na, mé 'én xi tsakoóya-la. Jñà xiṭa koi, ndaà tjiìn-la kó kixan-la.

²² K'e nga jye okitsò Jesús, jngoò xiṭa xi síkinda ingo ítjòn síjnat'aà chraña-la, kisijts'iin-t'aà kjin Jesús, kitsò-la:

—¿Mé-ne kotsò-ne 'én xi nokjoàkoi nò'miì ítjòn?

²³ Jesús kiichja kitsò-la:

—Tsà ch'o tsò 'én xi tìchjà, koatìn-ná, kó xán. Tanga tsà ndaà tsò 'én xi tìchjà, ¿mé-ne ti'bé-ná?

²⁴ Nga k'oas'ín tjít'aà'ñó Jesús, jè Anás kiskikasén ñánda tǐjna jè Caifás jè xi no'miì ítjòn tǐjna koi naçhrjein.

K'e nga jè Pedro ìjngòò k'a kitsò nga mikì beèxkon jè Jesús

(Mateo 26:71-75; Marcos 14:69-72; Lucas 22:58-62)

²⁵ Jè Pedro ya sijnat'aà-là ni'ín nga tìshiso-là yijo-là; jǎa xǐta koi kiskòngui-là, kitsò-là:

—Ngaji, ¿a mìtsà tǐkoà ya ch̀ta'yàt'aà-là xǐta jè?

Jè Simón Pedro tsibìjna'ma, kitsò:

—Majìn, mì yaá kota'yàt'aà-là.

²⁶ Ikjoàn kiskòngui ìjngòò-là xǐta ch̀i'nda-là no'miì ítjòn; xíkǐn ma xǐta xi jè Pedro tsatet'aà líká-là, kitsò-là:

—Ngaji, yaá kǐjtseèxkon-lè kò Jesús ya i'nde ñánda tǐjn tsojmì tjè.

²⁷ Jè Pedro, ìjngòò k'a tsibìjna'mat'in Jesús, ikjoàn nǐtoón kiskindàya kóxtí.

K'e nga tsibìjna Jesús ya nguixkon Pilato

(Mateo 27:1-2, 11-14; Marcos 15:1-5; Lucas 23:1-5)

²⁸ Kìkò-ne Jesús ya ni'ya-là Caifás skanda ján ni'ya osen ts'e xǐtaxá ítjòn ts'e Roma. Nga jye tís'e isén, jǎa xǐta judío mikì jahas'en ni'ya osen koni s'ín tǐjn kǐotíxoma-là nga majìn-là nga sǐkǐts'ón yijo-là mé-ne koma kòkjen-ne s'eí pakxo.

²⁹ K'oáá komà-ne nga itjo ni'ya osen jè Pilato, kiskòngui-là jǎa xǐta koi, kitsò-là:

—¿Mé kjoà xi ongui-nò xǐta jè?

³⁰ Jǎa xǐta judío kitsò:

—Tsà nímé jé tǐjn-là, mì-la jì tǐtsanìngatsja-lèjen.

³¹ K'eé kitsò Pilato:

—Tanguíkò, jǎo tindaàjìln-là koni s'ín tǐjn kǐotíxoma-nò.

Jǎa xǐta judío kitsò:

—Ngajen mikì tjí'nde-najen nga taxkǐ sǐk'en jngòò-jen xǐta.

³² K'oas'ín komà-ne nga tsitasòn 'én xi kitsò Jesús k'e nga tsibénojmi kós'ín komat'in k'e nga kǐyá.

³³ Pilato, ìjngòò k'a jahas'en ni'ya osen, kùichja-là Jesús, kitsò-là:

—¿A jì-né xi 'mì-lè xǐtaxá ítjòn-là xǐta judío?

³⁴ Kùichja Jesús, kitsò-là:

—¿A tà kǐohítsjeèn tsjji-né nga k'oà tisi, a xi kǐ'eíj xǐtaá okitsò-lè it'aà ts'an?

³⁵ Pilato kitsò:

—'An, mìtsà xǐta judío-ná. Jǎa xǐta naxandá-lè kò xǐta skò-là no'miì, jǎa xi kòfi sǐngatsja-nà it'aà tsjji. ¿Mé kjoà xi chinchaaàtsjji?

³⁶ Kùichja Jesús kitsò:

—Mìtsà ì isò'nde tǐjnè-na nga kotìxoma. Tsà k'oáa-la s'ín tǐjn jǎa xǐta-nà kòsìko-na nga mì ya kongatsja ts'e xǐta judío. Tanga mìtsà ì kotìxoma.

³⁷ Pilato, ìjngòò k'a kiskòngui-là kitsò-là:

—Ngaji, ¿a xǐtaxá ítjòn 'mì-lè?

Kùichja Jesús kitsò:

—Ngajíj xi osi nga xǐtaxá ítjòn 'mì-na. Koií xá kǐts'iin-na kò koií xá j'i-na ì isò'nde, mé-ne nga kènojmiá it'aà ts'e kjoà kixì. Ngats'ii xi fit'aà-là kjoà kixì, 'nchré 'én-na.

³⁸ Pilato kiskòngui, kitsò-là:

—¿Mé-né xi 'mì-là kjoakixi?

*K'e nga kitjoònè kjoa Jesús nga kiyá
(Mateo 27:15-31; Marcos 15:6-20; Lucas 23:13-25)*

K'e nga jye kiskònangui Pilato, ìjngòò k'a itjo ni'ya osen. Kiikon xita judío, kitsò-là:

—Xita jè, nìmé jé xi sakót'aà-na it'aà ts'e.

³⁹ Jhò, k'oaá s'ín tjín kjotixoma-nò k'e nga bitjo s'eí Paxko: bijnandeí ìjngòò xita xi ndayá títajna. ¿A mejèn-nò nga kàtijnandeí jè Xitaxá Ítjòn-là xita judío?

⁴⁰ Ìjngòò k'a 'ñó jchán kiichja kòhòtjín xita judío, kitsò:

—Majìn, jè Jesús, mìkii kijnandeí, jè Barrabás kijnandeí.

Tanga jè Barrabás xita chijé-né.

19

K'e nga jhà xita kisijé nga krò kàtasit'aà jè Jesús

¹ Pilato kitsjaà-là okixi jhà xita soldado nga tsajá-là Jesús.

² Jhà soldado tsibíndaà ìjngòò corona na'yá, tsibí'a sko Jesús, ìkjoàn kisikákjá ìjngòò nikje sko.

³ Kitsò-là:

—A ta k'oaá ndaà-ne jì xi xitaxá ítjòn-là xita judío 'mì-lè.

Ìkjoàn kisijts'in-t'aà kjín.

⁴ Pilato itjokò ìjngòò k'a ya nditsin, kitsò-là jhà xita naxandá:

—Chítsejèn-là, ì j'ìiko ìjngòò k'a-nò mé-ne nga jchà-nò nga nìmé jé sakót'aà-na it'aà ts'e xita jè.

⁵ Itjo Jesús, tjí'a corona na'yá sko; ìkjá nikje xi sko kjoàn; Pilato kitsò-là jhà xita naxandá:

—Ì síjna xita jè.

⁶ K'e nga kijtseèkxon jhà xita sko-là nò'mùì kò jhà xita xi síkinda ìngo, tsibíts'ia nga 'ñó jchán kiichja, kitsò:

—ìTjat'aà krò! ìTjat'aà krò!

K'eé kitsò jè Pilato:

—Jhò, sobà tanguíkoo nga tjat'aà krò. 'An, nìmé jé xi sakót'aà-na it'aà ts'e xita jè.

⁷ Kiichja jhà xitaxá-là xita judío, kitsò-là Pilato:

—Ngajen, tjín ìjngòò-najen kjotixoma; k'oaá s'ín tíchja kjotixoma tsajen: Xita jè, mochjeén-né nga kiyá, koiì kjoa-là nga Kí'ndí-là Nainá tsò-là yijo-là.

⁸ Pilato, k'e nga kii'nchré 'én koi, isaá 'ñó ndaà kitsakjòn.

⁹ Pilato, jahas'en ìjngòò k'a ni'ya osen, kitsò-là Jesús:

—¿Nánda-ne ì'nde-lè?

Tanga Jesús, mìkii kiichja-là.

¹⁰ Pilato kitsò-là:

—¿Mé-ne mì nokjoà-ná? ¿A mì 'ya-jèn? 'An, tjí'ndeé-na nga kot'aà-lè krò, tìkjoa tjí'ndeé-na nga sìikijnandeí-lè.

¹¹ Kiichja Jesús kitsò-là:

—Nìmé-la xi tjí'nde-lè it'aà ts'an tsà mìtsà Nainá kitsjaà-lè. Jè xita xi síngatsja-na it'aà tsjji, isaá tse jé tjín-là mì k'oa-ne koni jì.

¹² Tjìjè-ne hora, jè Pilato mejèn-là sìikijnandeí Jesús tanga jhà xita judío isaá 'ñó kiichja kitsò:

—Xità jè, tsà sijkjñandejì-ne, mìtsà amigo tsjji ma César xi xitàxá ítjòn tìjna ts'e Roma. Nìta yá-ne xi xitàxá ítjòn tsò-là yijo-là, kondrà ts'eé César.

¹³ Pilato, k'e nga kii'nchré 'én koi, kiiko Jesús ján nditsiaán; tsibijnasòn íxile-là ya i'nde ñánda 'mì Isòn Chrjó Ndajo; Gabatá 'mì nga 'én hebreo.

¹⁴ Ta jngoò nàchrjein chija-là ts'e s'eí Paxko; jyeé kjomeè bijchó nchisen. Pilato, kitsò-là jñà xità judío:

—¡I síjna xitàxá ítjòn-nò!

¹⁵ Jñà xità judío 'ñó jchán kiichja kitsò:

—¡Kàtabiyaà! ¡Kàtabiyaà! ¡Tjat'aà krò!

Pilato kitsò-là:

—Xitàxá ítjòn-nò, ¿a krò kót'aà?

Jñà xità sko-là no'miì, kiichja kitsò:

—Ngajen, tsjin-najen xitàxá ítjòn xi k'ejí, tà jè ta jngoò César.

¹⁶ Pilato kisingatsja nga kátát'aà krò. Jñà xità koi kiiko Jesús.

K'e nga kisit'aà krò Jesús

(Mateo 27:32-44; Marcos 15:21-32; Lucas 23:26-43)

¹⁷ Jesús ítjo, 'yajen krò-là; yaá kiiko ya i'nde ñánda 'mì I'nde Sko Mik'en, xi 'én hebreo Gólgota 'mì.

¹⁸ K'e nga ijchòko i'nde jè, tsohót'aà krò, ko ngui jò xità xi k'ejí, íjngó íjngó kisinchaat'aà-là nga ngobà ngobà. Jè Jesús kisasíjna jngoò osen-là.

¹⁹ Pilato kiskii 'én xi tsohót'aà sko krò xi tsò: “Jesús xi Nazaret i'nde-là, Xitàxá ítjòn-là xità judío.”

²⁰ Jñà 'én koi, kjin xità judío tsibíxkejiiin; nga ya i'nde ñánda kisit'aà krò Jesús, yaá chrañat'aà-là naxandá. 'Én hebreo tjit'aà ko 'én griego, ko 'én latín.

²¹ Jñà xità sko-là no'miì ts'e xità judío, kitsò-là jè Pilato:

—Kì k'oaá s'ín chjii xi tsò: “Xitàxá ítjòn-là xità judío.” K'oaá s'ín chjí xi tsò: “Xità jè, k'oaá tsò nga jè-né xi xitàxá ítjòn-là xità judío.”

²² Kiichja Pilato kitsò:

—Koni s'ín jye kàkjiaà, k'oaá s'ín kàtìjna.

K'e nga jñà soldado, kisjòya nikje-là Jesús

²³ Jñà soldado k'e nga jye tsohót'aà krò Jesús, tsibíxkó nikje-là; ñijòn ya kis'iin. Íjngó íjngó ya kitsjaà-là xíkjin. Tìkoá kiskoé jè nikje ndojò-là xi x'ió kji, mikii kitjahaña, tà kijna ndojò-né.

²⁴ Kitsò-là xíkjin:

—Mikii síxajndá; tà sjskákò-ná yá ts'e koma.

Jè kjoa koi k'oaá s'ín tsitasòn koni s'ín tíchja Xojjon-là Nainá nga tsò:

Nikje-nà kisika'bí-là xíkjin;

jè nikje ndojò-nà tà kisiskákò-né.

Jñà soldado, k'oaá kis'iin.

²⁵ Yaá nchat'aà chrañà-là krò nea-là Jesús ko ndichja ko María chjoón-là Cleofas ko María Magdalena.

²⁶ Jesús, k'e nga kijtseèxkon nea-là ko jè xità xi kota'yat'aà-là xi 'ñó matsjakeè, kitsò-là nea-là:

—Chjoón, ya síjna ki'ndí-lè.

²⁷ Ikjoàn kitsò-là jè xità xi kota'yat'aà-là xi 'ñó matsjakeè:

—Ya síjna nea-lè.

Skanda tik'e-ne jè xità jè kiskoéjò jè nea-là ya ni'ya-là.

*K'e nga k'en Jesús**(Mateo 27:45-56; Marcos 15:33-41; Lucas 23:44-49)*

28 Xi jye komà, Jesús kijtsee nga jye tsitasòn yije, kitsò:

—Xínda-na.

K'oagá s'ín tsitasòn koni s'ín tjít'aà Xojoñ-la Nainá.

29 Yaá tjna jngoò tjií xi tjiya nandá vinagre. Kiskoé tsanga, kisika'nchi-ne vinagre, ikjoàn tsibi'a jngoò yá, tsijmeé'a chrañá-la tso'ba Jesús.

30 Jesús, k'e nga jye kits'ìi nandá vinagre, ikjoàn kitsò:

—Jyeé tsitasòn yije.

Tsibíjnajteén sko, k'en.

Mé-ne kiskíx'akjá-ne n̄s̄in-la Jesús

31 Tà jngoò nachrjein chija-la ts'e s'eí Paxko; jñá x̄ita judío majìn-la nga ya s̄itjobát'aà krò yijo-la x̄ita xi jye k'en jè nachrjein níkjáya (koií kjoa-la nga 'nó xkón jè s'eí Paxko). Tsibítsi'ba-la Pilato nga kátatsjá okix̄i mé-ne nga kátakjàn-ne nindaà chrjomí-la jñá x̄ita xi tjoót'aà krò, ikjoàn kátakjínájen-t'aà krò.

32 Kii jñá soldado nga tsakján nindaà chrjomí-la jè xi s̄jna ítjòn; k'oagá t̄i kisiko jè xi l̄jngoò xi ngásòn taña kisit'aà krò.

33 Tanga k'e nga ijchò kinchat'aà-la Jesús, kijtsee nga jye k'en. Mikii tsakján nindaà chrjomí-la.

34 Tanga jngoò soldado tsibísekjá n̄s̄in-la jngoò k̄ichá xi 'mì lanza. Ikjoàn itjo jn̄i k̄o nandá.

35 Jè xi kijtsee kjoa koi, jè-né xi tsjá 'én nga kix̄i kjoa, k̄o jè 'én xi tsjá, ngui 'én kix̄i-né, ndaa t̄ijjìn-la nga 'én kix̄i xi b̄en̄ojmí, mé-ne jñò t̄ikoa kokjein̄-nò.

36 Kjoa koi, k'oagá s'ín komà mé-ne nga tsitasòn-ne koni s'ín tjít'aà Xojoñ-la Nainá nga tsò: “N̄jngoò nindaà-la kokjàn.”

37 T̄ikoaá t̄jít'aà-né ñanda tsò: “Jè skótsejèn-la jè xi kiskíx'akjá n̄s̄in-la.”

*K'e nga kishijjìn Jesús**(Mateo 27:57-61; Marcos 15:42-47; Lucas 23:50-56)*

38 K'e nga jye komà kjoa koi, José xi ya naxandá Arimatea j̄nde-la, t̄ikoaá jè x̄ita xi kota'yát'aà-la Jesús tanga tà tsajmeé'ma-né nga jñá tsakjón-la x̄ita judío. Tsibítsi'ba-la Pilato nga kátatsjá'nde-la nga k̄jiko yijo-la Jesús. Pilato kitsjaa'nde-né. José kiskónájen-t'aà krò yijo-la Jesús, ikjoàn kiik̄o.

39 T̄ikoa ijchò Nicodemo, jè x̄ita xi ijchòkon jngoò k'a Jesús k'e nga jñò. 'Ya chijo j̄ne xi tsjájìn-la chijo xi 'mì mirra k̄o áloe. Ma-la tsá katé kilo chijo xi 'ya.

40 José k̄o Nicodemo, kiik̄o yijo-la Jesús. Kisikájtéjno níkje xi t̄jín-la chijo xi ndaa j̄ne koni s'ín t̄jín k̄jotixoma-la jñá x̄ita judío k'e nga sihijjìn mik'en.

41 Ya j̄nde ñanda kisit'aà krò Jesús, t̄jín jngoò j̄nde ñanda t̄tje tsojm̄i t̄je; yaá t̄ix'á jngoò ngajo itsjò-la mik'en xi ngui x̄itse, ñanda n̄i saà jngoò mik'en sijnaya.

42 Yaá kisikájna yijo-la Jesús nga is̄a chrañát'aà nga jyeé tímats'ia nachrjein níkjáya ts'e x̄ita judío, jè víspera-la s'eí Paxko.

20*K'e nga jaáya-la Jesús it'aà ts'e kjoa biyaa**(Mateo 28:1-10; Marcos 16:1-8; Lucas 24:1-12)*

1 Jè nàchrjein nga tàts'en xomàna, jè María Magdalena 'nó tajñòya kii, nga kii katsejèn-là ìtsjó ñánda kisihijiin Jesús; tákó jñò choòn k'e nga kii. K'e nga ijchò, kijtseè nga jye kitjaàxin ndajò xi tíchjoàjto-ne jè ngajò ìtsjó.

2 K'eé tsangachikon, kiikon ñánda tjna Simón Pedro kò xítà xi ìjngòò xi tikoà ya kota'yàt'aà-là Jesús, jè xi 'nó matsjakeè, kitsò-là:

—Jñà xítà, jyeé kiikò jè Nà'èn-ná. Mikii 'yaá ñánda kisikájna.

3 Pedro kò xítà xi ìjngòò xi ngàsòn ya kiskoòta'yàt'aà-là Jesús, kii katsejèn-là jè ngajò ìtsjó.

4 Ingajò xítà koi, 'nó jchán tsangachikon, tanga jè xi ìjngòò, isaá 'nó tsangachikon mì k'oaá-ne koni jè Pedro. Isaá ítjòn ijchò ya ngajò ìtsjó-là Jesús.

5 K'e nga tsasiña kiskoòtsejèn-s'en ngajò, kijtseè nga tà jñà nikje-là kjioò, tanga mikii jahas'en-ngui ya ngajò.

6 Ikjoàn ijchò tjingui Simón Pedro, jè-né xi jahas'en-ngui ngajò ìtsjó, tikoà kijtseè nga tà jñà nikje-là kjioò.

7 Tikoà kijtseè jè nikje xi kisijtjèin skò Jesús. Mitsà ya tsátijiin-là nikje xi i'nga. Xin kijna nga tíxkóya-là.

8 K'eé jahas'en-ngui xítà xi ìjngòò, jè xi ijchò ítjòn; kijtseè kjoà xi komà, kòkjeiín-là.

9 Kj'eè kii ndaà machiya-là nga k'oas'ín tíchja Xojon-là Nainá nga jè Jesús, k'oaá s'ín tjínè-là nga kjoaáya-là ít'a ts'e kjoabiyaà.

10 Jñà xítà xi kota'yàt'aà-là Jesús, kii-ne ni'ya-là.

K'e nga jè Jesús tsakó-là yijo-là jè María Magdalena

(Marcos 16:9-11)

11 Tanga jè María Magdalena, yaá tsibijna nditsiaán nga tíkjindáyat'aà-là ngajò ìtsjó; k'e nga tíkjindáya tsasiña nga kiskoòtsejèn-s'en jè ngajò ìtsjó-là Jesús.

12 Kijtseè jò àkjale xi nikje chroba íkjá. Jngòò tjna ya skò ñánda kisijna yijo-là Jesús; jè xi ìjngòò ya tjnangui ndsòkò.

13 Jñà àkjale, kitsò-là María:

—Ji ndí chjoón, ¿mé-ne tíchhindáya-ne?

Jè María kitsò:

—Koií tíkjindáya-na, jyeé kiikò xítà yijo-là Nà'èn-na; mikii be ñánda kisikájna.

14 María k'e nga okitsò, kisikátji skò, kijtseè Jesús nga ya síjna, tanga mikii beè tsà jè-né.

15 Jesús kitsò-là:

—Ji ndí chjoón, ¿mé-ne chihindáya-ne? ¿Yá xi binchaàtsji?

Jè María, k'oaá s'ín kisikátsjeèn, maá-là tsà jè xítà xi síkinda i'nde jè, kitsò-là:

—Ji nà'èn, tsà ji kiikoi, kòt'ín-ná ñánda kinikájnei mé-ne nga kíkjaá-na.

16 Jesús kiichja-là kitsò-là:

—¡María!

Kò jè María, kisikátji, kitsò-là:

—¡Raboni! —'én hebreo xi tsòya-ne: Maestro.

17 Jesús, kitsò-là:

—Ki 'an nikò-ná nga kj'eè kii fi mijin-koaa jè Nà'èn-na. Tanga t'in tíkí'nchré jñà 'ndsé, kòt'ín-là nga jye tifikoaa jè Nà'èn-na jè xi tikoà Nà'èn-nò ma, jè xi Nainá xan-là, xi tikoà Nainá 'mí-là.

18 María Magdalena kii kisikí'nchré jñà xítà xi kota'yàt'aà-là Jesús nga jye kijtseèxon Jesús, tikoà tsibénojmi-là 'én xi kiichja Jesús.

K'e nga jè Jesús tsakó-la yijo-la jñà xita-la
(Mateo 28:16-20; Marcos 16:14-18; Lucas 24:36-49)

¹⁹ K'e nga jye kòjñò, tìjè-ne nàchrjein nga tàts'en xomàna, jñà xita xi kota'yàt'aà-la Jesús tíchjoàjto-la xotjoa-la ni'ya ñánda chixoña nga jñà tsakjón-la xita judío. Jesús jahas'en ni'ya, tsasijnajiin osen-la xita-la, kishixat'aà, kitsò-la:

—¿A ta k'oaá ndaà-ne? Kàtas'e-nó kjoa'nchán.

²⁰ K'e nga jye okitsò-la, tsakó-la tsja kò nindaà nisin-la. Jñà xita xi kota'yàt'aà-la 'ñó tsja kis'e-la k'e nga kijtsee Jesús.

²¹ Jesús, ìjngòò k'a kitsò-la:

—Jñò, kàtas'e-nò kjoa'nchán. Koni s'ín kisikasén-na Na'èn-na, jñò, k'oaá tìs'in siikasén-nò.

²² K'e nga jye okitsò, ìkjoàn kiskìnomájno, kitsò-la:

—Chjoé jè Inima Tsjeè-la Nainá.

²³ Jñà xita xi jñò sjichàat'aà-là jé-la, jchat'aà-la, jñá xi jñò mìkiì sjichàat'aà-là jé-la, k'oaá s'ín kitsajna nga mìkiì jchat'aà-la.

K'e nga kijtsee Tomás nga jye jaáya-la Jesús

²⁴ Xita xi kota'yàt'aà-la Jesús xi tejò ma-ne, jngòò xi 'mì Tomás, xi tìkòo Dídimò tsò-la ['én xi tsóya-ne: Tì'ñò], mìkiì ya tìjna k'e nga ijchò Jesús.

²⁵ Jñà xita xi i'nga xi tìkòo ya kota'yàt'aà-la Jesús, kitsò-la Tomás:

—Kà'ya-nájen Na'èn-ná Jesús.

Tomás kitsò:

—Tsà mìkiì skoeè tsja ñánda kisinchaàs'en xó, kò tsà mìkiì skinis'en najmá ndsaa ñánda kitáx'a, kò tsà mìkiì skinis'en ndsaa ya nisin-la, mìkiì kòkjeiín-na.

²⁶ Xi jye komà jiin nàchrjein, jñà xita xi kota'yàt'aà-la Jesús ìjngòò k'a ya tìtsajna; jyeè ya tìjna-ne Tomás; tanga jè xotjoa ni'ya tíchjoàjto-né. Ijchò Jesús, tsasijnajiin osen-la, kitsò-la:

—Jñò, kàtas'e-nò kjoa'nchán.

²⁷ Jesús, ìkjoàn kitsò-la Tomás:

—Chìnis'in najnòndseji ìjndé, chítsejèn-la ndsaa. Nchrobákoji ndseji, chìnìs'in nisin-na. Kì k'oaá s'ín mìkiì mokjeiín-lè. Kàtakjeiín-lè.

²⁸ K'ée kùichja Tomás, kitsò:

—jì xi Na'èn xan-lè kò xi Nainá xan-lè!

²⁹ Jesús kitsò-la:

—Ngaji Tomás, koiì kjoa-la mokjeiín-lè nga kà'ya-ná. ¡Mé tà ndaà-la jñà xita xi mokjeiín-la nas'in mìkiì beèxkon-na!

Mé-ne k'oas'in kitjei-ne xojoñ jè

³⁰ Taxkì kjin jchán kjoxkón kis'iin isa Jesús nga nguixkòn xita xi kota'yàt'aà-la xi mìkiì tìt'aà xojoñ jè.

³¹ Tà jñà 'én koi k'oas'in kitjei mé-ne nga kòkjeiín-nò nga Jesús, jè xi Cristo, [jè xi xó kinikasén-ne] xi Kì'ndí-la Nainá. Kò mé-ne k'e nga kòkjeiín-nò s'ée-nò kjoabinachon xi it'aà ts'è.

21

K'e nga jè Jesús itoò xita-la tsakó-la yijo-la

¹ Jesús, ìjngòò k'a tsakó-la yijo-la jñà xita xi kota'yàt'aà-la ya ìndiì ndáchikon xi 'mì Tiberias. Jñà kjoa koi, kiis'in komà.

² Títsajna kjoò Simón Pedro kò Tomás, xi tìkoà Dídimo tsò-là l'én xi tsòya-ne: Tí'ño], kò Natanael xi Caná i'nde-là, nangui xi chja-ne Galilea. Tìkoà títsajna jñà ixti-là Zebedeo kò ngui jò isa xita xi tìkoà ya kota'yat'aà-là Jesús.

³ Simón Pedro kitsò-là xita xikín:

—Tìn kó-lá tífi tsobà'ñoá nga sik'èn.

Jñà xita xi i'nga, kitsò-là:

—Tìkoà onguiko-lèjen.

Ikjoàn kii, jahas'en jngoò chitso. Tanga nitjen jè, nímé tìn kisakò-là.

⁴ K'e nga jye kis'e isén, Jesús tsatsejèn, tsasijna ya indii nandá, tanga jñà xita xi kota'yat'aà-là mikii kijtseèkxon tsá jè Jesús.

⁵ Jesús kitsò-là:

—Ixti, ¿a kj'eè sakó chiba-nò tìn?

Jñà xita-là kitsò:

—Majìn, nímé tjin.

⁶ Jè Jesús, k'eé kitsò-là:

—Tikatjen-ngui-ndá na'ya-nò ya kixi xijngoàà chitso. Sakò-nò tìn.

Jñà xita koi, k'oaá s'in kisikatjen-ngui-ndá na'ya-là. K'e nga tsachrjekàjiiin-ne, jye mì tì kii ma bitjokàjiiin-ne na'ya-là nga 'ño jchán kjìn tìn 'ncha.

⁷ Jè xita-là Jesús xi 'ño matsjakeè xi ngàsòn ya kota'yat'aà-là Jesús, kitsò-là jè Simón Pedro:

—Jè Na'èn-ná Jesús xi okji.

Simón Pedro, k'e nga kii'nchré nga jè Na'èn-ná Jesús, nitóón tshòkjá nachro-là (nga sa ítjòn tà nikje kjinguií ikjá), ikjoàn kiskingui nandá nga kiitjingui-là Jesús.

⁸ Jñà xita xi i'nga xi ngàsòn ya kota'yat'aà-là, kiikò jè chitso; tífejiiin nandá jè na'ya tìn nga kjìn jchán tìn 'ncha; nga mìtsà kjiiin kijna jè chitso; tjin-là tsá jngoò sindò metro ñanda kijnajiiin nandá.

⁹ Xita koi, k'e nga tsitajen chitso, kijtseè it'aà nangui tjtse jngoò ni'in. Jngoò tìn tímatsjò, tìkoà kijtseè inchrájin.

¹⁰ Jesús kitsò-là:

—Nchrohókòo i'nga tìn xi sa jye kitjoé-nò.

¹¹ Simón Pedro, jahas'en chitso. Kiskoé na'ya tìn, tsibífet'aà nangui. Jngoò sindò kò icháte jàn ma-ne jñà tìn ii xi 'ncha na'ya. Na's'in 'ño kjìn ma-ne tìn, jè na'ya mikii kixajndá.

¹² Jesús kitsò-là:

—Nchrobá, tichioò.

Tanga nijngoò xita xi kota'yat'aà-là kitsò ikon nga kiskònangui-là yá-né jè. Nga jyeé tjiin-là nga jè Na'èn-ná Jesús.

¹³ Jesús, kii kasit'aà chraña-là, kiskoé inchrájin, kitsjaà-là jñà xita koi, k'oaá ti kisikò jñà tìn.

¹⁴ Ya ma-ne jàn k'a nga tsakó-là yijo-là Jesús jñà xita xi kota'yat'aà-là, k'e nga jye jaáya-là it'aà ts'e kjoabiyaá.

Jesús, mé-ne jàn k'a kiihja-là Simón Pedro

¹⁵ K'e nga jye tsakjèn, Jesús kiskònangui-là Simón Pedro, kitsò-là:

—Ji, Simón, ti-là Jonás, ¿a isaá ndaà matsjacha-ná mì k'oa-ne koni jñà koi?

Pedro kitsò:

—Jon Na'èn, jyeé 'yi nga matsjake-lè.

Jesús kitsò-là:

—Tĩkindji jñà ndí jxti orrè-na.

¹⁶ Xi ma-ne jò k'a, Jesús ijngòò k'a kiskònangui-la, kitsò-la:

—Simón, ti-la Jonás, ¿a matsjacha-ná?

Kiichja Pedro, kitsò:

—Jon Na'èn, jyeé 'yi nga matsjake-lè.

Jesús kitsò-la:

—Tĩkindji jñà orrè-na.

¹⁷ Xi ma-ne jàn k'a, ijngòò k'a kiskònangui-la kitsò-la:

—Simón, ti-la Jonás, ¿a matsjacha-ná?

Pedro, ba kis'e-la nga ma-ne jàn k'a nga kjònangui-la tsà nga matsjakeè-né.

Kitsò-la:

—Na'èn, 'ya yije-né, jyeé tjiin-lè nga matsjake-lè.

Jesús kitsò-la:

—Tĩkindji jñà orrè-na.

¹⁸ Ngui okixí xi xan-lè, k'e nga tisa ti titsjoi, ji tajngoò kichíkjeí nikje-lè k'e nga k'iin nãnda mejèn-lè nga k'oín. Tanga k'e nga jye kojchíngui, tà kjoén-né ndseji. Kj'eíi xitáá sikkákjá-lè nikje-lè, kjoikò-lè nãnda nga majin-lè nga k'oín.

¹⁹ Jesús, koií okitsò-ne, jè kjoa tsibénojmiya kós'in komat'in Pedro k'e nga kiyá mé-ne nga jeya sikkijna-ne Nainá. K'e nga jye okitsò Jesús, ikjoàn kitsò-la Pedro:

—Nchrobátjngui-ná.

Jè xita-la Jesús xi 'ñó tsjakeè

²⁰ Pedro, k'e nga kiskoòtsejèn-ne íts'in, kijtseè jè xita-la Jesús xi 'ñó matsjakeè xi ngàsòn ya kota'yát'aà-la nga tiftjngui-la. Tije-ne xita xi taña tsibitsajnakjoò Jesús k'e nga tsakjèn. Jè xi kiskònangui-la nga kitsò-la: “¿Yá-né xi sijnatsja-lè it'aà ts'e xita kondra-lè?”

²¹ Pedro, k'e nga kijtseè, kiskònangui-la Jesús, kitsò-la:

—Na'èn, xita jè, ¿mé xi komat'in?

²² Kiichja Jesús, kitsò-la:

—Tsà 'an xi mejèn-na nga kijnakon skanda k'e nga kjoiaa ijngòò k'a, mitsà ji oko-lè. Ngaji, nchrobátjngui-ná.

²³ K'oaá s'in komà-ne nga tsabisòn 'én koi. Ngats'ii xita 'ndse kitsò nga jè xita jè, mikii kiyá; tanga Jesús mitsà kitsò nga mikii kiyá. Kitsò-né: “Tsà 'an xi mejèn-na nga kijnakon skanda k'e nga kjoiaa ijngòò k'a, mitsà ji oko-lè.”

²⁴ Tije-ne xita xi kota'yát'aà-la Jesús xi tibeñojmí kixi ngats'ii kjoa koi. Ko tije-ne xi kiskii yije xojon jè. Kò 'ya-ná nga 'én kixii xi chja.

²⁵ Jesús kjin jchán kjoa kis'iin-isa xi kj'eíi. Tsà tjei yije nga jngòò jngòò skaya kjoa xi kis'iin, mì-la kiì kichiya-la nga tujtsa isò'nde jñà xojon. K'oas'in kátama.

Kó kis'ìn jǎ̀nà x̄it̄a xi tsibíx̄áya-la Jesús

Én xi kitsjaà Jesús nga iskan kjoí Inima Tsjeè-la Nainá

¹ Ngaji Na'èn Teófilo, jè xojon xi 'an kiskii itjòn-lè, k'oaá kixan-lè ngats'ii kjoa xi kis'ìn ko xi tsakóya Jesús kóni nga tsibíts'ia nga kisixá

² skanda jè nachrjein k'e nga Nainá kiiko jngoo k'a-ne ján ngajmii. K'e nga tik'eé fi-ne ján ngajmii, jè nga'ño-la Inima Tsjeè-la kisikjeén nga jaajjìn x̄it̄a xi tsibíx̄áya-la nga kitsjaà-la kjotixoma mé xá xi s'jin.

³ K'e nga k'en ko nga jaáya-la it'aà ts'e kjobiyaà nguì ichán nachrjein tsibijna isa; kjin k'a tsakó-la yijo-la jǎ̀nà x̄it̄a-la ko kjin skoya kjoa kis'ìn nga kixi kjoa nga tijnakon. Tikoáá tsakóya-la x̄it̄a-la kós'ín otixoma Nainá.

⁴ K'e nga tijnako x̄it̄a-la k'oaá s'ín kitsjaà-la okixi, kitsò-la:

—Kí tà chjà bitjoñoo naxandá Jerusalén. Chíña kjoaa skanda k'e nga kitjojen kjondaà xi tsjá Na'èn-na koni s'ín kitsjaà tso'ba. Jyeé k'oas'ín kixan-nò nga sa itjòn.

⁵ Kixij kjoa, jè Juan, nandá kis'ìn-ne bautizar x̄it̄a. Tanga jñò, machraña nachrjein nga ko Inima Tsjeè-la Nainá koma-nò bautizar.

Kii komà k'e nga kii mijìn jngoo k'a-ne Jesús ján ngajmii

⁶ Jǎ̀nà x̄it̄a xi títsajnakò Jesús, kiskòngui-la, kitsò-la:

—Na'èn, xi ji otixoma-nájen, jǎ̀nà nachrjein koi, ¿a síkjñandeí jngoo k'a-ne naxandá Israel nga ta jè tajngoo kotixoma-la yijo-la?

⁷ Jesús kitsò:

—Mitsà jñò oko-nò nga jchaa nachrjein; ta jngoo Na'èn-ná beè kó s'ín kosòn-la xi kjotixoma ts'e.

⁸ Tanga k'e nga kitjojen-nè-nò jè Inima Tsjeè-la Nainá, tjoé-nò nga'ño-la. Jñò kénajmí-la x̄it̄a xi it'aà ts'an i Jerusalén, kóhokji nga kijndà nangui Judea ko Samaria, skanda nándá fehet'aà-ne isò'nde.

⁹ K'e nga jye okitsò Jesús, ikjoàn kitjámijìn i'nga nga kiiko jngoo k'a Nainá ján ngajmii ko jǎ̀nà x̄it̄a-la nchikotsejèn-la. Chaán mì tì kii kijtsee-ne nga jè ifi tsibíjtsa'ma.

¹⁰ Jǎ̀nà x̄it̄a-la, k'e nga nchikotsejèn-la nga tífi-mijìn ngajmii Jesús, tà n̄itòón j'ii kinchat'aà jò-la x̄it̄a xi íkjá nikje chroba.

¹¹ Kitsò jǎ̀nà x̄it̄a koi:

—Jñò xi x̄it̄a Galilea tsajòn, ¿mé-ne kos'ín chitsejèn-nò ngajmii? Jè Jesús, koni s'ín kà'yaá nga kòfimijìn jngoo k'a-ne ngajmii, kijchò nachrjein nga k'oa t̄is'ín kjoí jngoo k'a-ne.

Kii komà nga kitjaajjìn Matías

¹² Jǎ̀nà x̄it̄a xi tsibíx̄áya-la Jesús inchrobà-ne nindoò Yá Olivo nga kii jngoo k'a-ne Jerusalén. K'oaá kji chrañat'aà fi ndiyá Jerusalén koni kji tsjá'nde kjotixoma nga ma fi x̄it̄a k'e nga nachrjein níkjáya.

¹³ K'e nga ijchò-ne naxandá Jerusalén, kiimijìn isò'nga ni'ya, jahas'en cuarto nándá síkjáya. Jǎ̀nà x̄it̄a xi ijchò, jè Pedro, Jacobo, Juan, Andrés, Felipe, Tomás, Bartolomé, Mateo, Jacobo ki'ndí-la Alfeo, Simón Celote, Judas, ti-la Jacobo.

¹⁴ Ngats'ii x̄it̄a koi yaá bixoña nga kjit'aà nachrjein nga jngoo t̄jìn kjohítsjeèn-la nga chjat'aà-la t̄ikoá bítsi'ba-la Nainá; t̄ikoáá t̄ítsajna i'nga íchjín ko María xi nea-la Jesús ko jǎ̀nà 'ndse Jesús.

15 Jñà nàchrjein koi, Pedro, kiìchjajìin-là xità xíkjin xi mokjeiín-là it'aà ts'e Cristo. Maá-là tsà jngoò sindo kò kaàn jñà xità. Pedro kitsò:

16 —'Ndsè, tjin-ne nga kítasòn koni s'ín tíchja Xojon-là Nainá jñà 'én xi kjòtseé kiìchja Inima Tsjeè-là Nainá nga jè xítaxá ítjòn David kisikjeén nga kiìchja mé xi komat'in Judas, jè xi kiìkakò-là xità xi kitsobà'ño Jesús.

17 Judas, nga xità xingui-nájen. Tìkoáá kitjoé-là xá nga ngajen kisixáko-najen.

18 Jè ton xi kisikijne Judas it'aà ts'e jè xi tsohótsji, nanguí tsatse jngoò 'nde-ne; ikjoàn skò kiskaànguit'aà-ne nangui, jngoò k'a kixojndà indso'ba, itjo ndó'ye-là.

19 K'e nga jye kiì'nchré yije xità naxandá Jerusalén nga jye k'en Judas, i'nde jè, k'oáá s'ín tsibit'aà 'ín nga Acéldama kitsò-là. 'Én ts'e xi chja, tsòyaá-ne: 'I'nde ts'e Jní-né.'

20 Jè xojon ts'e Salmo, k'oáá s'ín tíchja nga tsò:

Ni'ya-là kátasijna tiya-né,

nijngoò xità kítasjnaya.

Tìkoáá tíchja Salmo ñánda tsò:

Kj'eíi xità kát'i-là xá-là.

21 'Mochjeén-né nga kj'eíi xità sakó ijngoò-isa xi jè ngajo-là Judas; jñà chjaajìin-jngoáá xità xi kjòtseé tímakò-ná skanda k'e nga tsa tsajmeiikò-ná Jesús,

22 mats'iake-ne nga kis'iin bautizar Juan skanda k'e nga tsijin ijngoò k'a-ne Jesús ján ngajmii, mé-ne nga kíjnakò-ná tìkoáá tsjá 'én nga Jesús jyeé jaáya-là.

23 K'eé tsafaajìin jò xità: jngoò xi 'mì José, tìkoáá tíj't'aàsòn 'ín-là nga Barsabás 'mì. Barsabás, kò tíjè-ne xi 'mì Justo. Xi ijngoò, Matías 'mì.

24 Ikjoàn kiìchjat'aà-là Nainá kitsò:

—Ngaji Na'èn, xi yaxkoin inima-là ngats'ii xità, kot'in-nájen ñá-làá ingajò xità koi jye kàchjaajìin,

25 mé-ne nga skoé xá-lè xi jì bíxáya-là, jè xá xi kisikijna Judas k'e nga tsohótsji jé, nga jye tíjna i'nde ñánda okò-là.

26 Kisiskákjoò suerte-là. Jè Matías kisikijne. Jè komà-ne tejò xità xi tsibíxáya-là Jesús xi tejnogoò ma nga sa ítjòn.

2

K'e nga itjojen Inima Tsjeè-là Nainá

1 K'e nga ijchò nàchrjein-là s'eí Pentecostés, ngats'ii xità xi mokjeiín-là it'aà ts'e Cristo tá jngoò jíin títsajna.

2 Tà nítjòón kina'ya jngoò-là xi 'ño one, koni jngoò tjo xi 'ño tí'ba xi ngajmii inchrobà-ne. Kina'ya-là kóhokji i'nga ni'ya ñánda títsajna jñà xità.

3 Tsatsejèn-là nijjen xi koni kjoàn ni'in kjoàn; kjòxkoaya íjngó íjngó kisijnasòn-là jñà xità.

4 Ngats'ii xità, jngoò k'a ndaà kis'ejiin inima-là Inima Tsjeè-là Nainá; ikjoàn tsibíts'ia nga kiìchja 'én-là xità xi kj'eíi naxandá koni s'ín kitsjaà-là Inima Tsjeè-là Nainá nga kichja.

5 Nachrjein koi, kjin xità judío títsajna [xi ijchò s'eí] ya naxandá Jerusalén xi beèxkón Nainá xi inchrobà-ne ñánda nga xìn naxandá nga títsa isò'nde.

6 Jñà xità xi ya títsajna xi ijchò s'eí ya naxandá Jerusalén, ngats'ii kjòxkóya k'e nga kiì'nchré-là xi jane. Tìkoáá tà kjòxkón-là k'e nga kiì'nchré-là xità-là

Cristo nga ma-la chja nga jngoò jngooò skoya 'én-la xita xi xìn naxandá-la xi ya titsajna.

⁷ Tà k'oaá komà-la, tikoáá tà kjòxkón-la, kitsò-la xíjín:

—¿A mìtsà xita Galilea ngats'ìi xita xi nchichja?

⁸ ¿Kós'ín ma-ne nga na'yá-lá 'én-ná xi nokjoá nga xìn naxandá-ná nga jngooò jngoá?

⁹ Ngats'iaá xi i titsajnaá, tjín xita Partia, xita Media, xita Elam, xita Mesopotamia, xita Judea, xita Capadocia, xita Ponto, xita Asia,

¹⁰ xita Frigia, xita Panfilia, xita Egipto, xita Libia xi ya chrañat'aà-la Cirene. Tikoá tjín xita Roma xi i titsajna Jerusalén. Tjín xi ngui xita judío. Tikoáá tjín xi tà jahatjya-la nga xita judío komà.

¹¹ Tikoáá tjín xi inchrobà-ne Creta ko Arabia. iNgats'iaá na'yá-lá nga jngooò jngooò skoya 'én-ná koni s'ín bénojmi-ná kjoxkón xi s'ín Nainá!

¹² Ngats'ìi xita tà kisinchaàxkón-né, mì tì kii machjya-la, kitsò-la xíjín:

—¿Kó tsòya-ne kjoa koi?

¹³ Tjín i'nga xita xi tà tsijnòkeè-né, kitsò:

—iCh'íi xita koi!

'Én xi kùichjajjìn-la xita jè Pedro

¹⁴ K'ée tsasíjna kixi Pedro ko xita xi tejngooò ma-ne; 'ñó kùichjajjìn-la xita, kitsò:

—Jñò, xita xinguiáá xi judío 'mì-ná ko ngats'ioò xi xìn naxandá-nò xi i titsajnaà Jerusalén, ndaà kàtasijjìn-nò, ndaà tìná'ya 'én xi kichjàkò-nò.

¹⁵ Jñò bixón-nò: “Ch'íi xita koi.” ¿Kós'ín koma-ne nga koch'i nga saá ijchò xi ñijaàn nga tajñòya?

¹⁶ Koií tbitasòn 'én xi kùichja Joel, xita xi kùichja ngajo-la Nainá.

¹⁷ K'oaá tsò Nainá:

K'e nga jye tífehet'aà nàchrjein,

sika'bí-la Inimá Tsjeè-nà ngats'ìi xita xi tjín nga títsta isò'nde;

jñà ixti x'in ko ixti íchjín-nò, 'aán kichja ngajo-na;

jñà ixti xongó-nò, skoè kjoxkón xi okó Nainá;

jñà xita jchínga-nò k'oií-la nijñá xi it'aà ts'e Nainá.

¹⁸ Qkixi-né nàchrjein koi,

jñà ch'i'nda-nà xi x'in ko íchjín siika'bí-la Inimá Tsjeè-nà

mé-ne nga kichja ngajo-na.

¹⁹ Ján ngajmì kìn kjoxkón jcha-la,

tikoáá i it'aà nangui jchaá-la kjoxkón

nga xíxteèn jní-la xita,

nga ko ní'ín ko ni'ndi tsjè xi kjoa ts'e kjojchán.

²⁰ Jè ts'oi, kojñò-né,

jè sá, jní kji koma

k'e nga tikj'eè f'ii Na'èn-ná

nga kjoí kındaajjìn-la xita

jè nàchrjein xi jeya ko 'ñó xkón.

²¹ Tanga ngats'ìi xita xi kichjat'aà-la Nainá,

kitjokajjìn kjo'in.

[K'oaá tsò 'én-la Nainá xi kiskii Joel (2:28-32).]

22 "Tiná'ya xi x̄ita Israel 'mì-nò 'én xi k'oa xán-nò: J̄nò, ndaà t̄j̄iìn-nò, Nainá tsakó nga Jesús xi Nazaret ts'e, t̄j̄iìn-là k̄jot̄ixoma. Xkoòn ki'ya-nò nga kis'iìn ngats'ì k̄joxkón k̄o k̄joa ts'e seña xi tsee nga 'nó t̄j̄iìn-là.

23 Koni s'ín t̄j̄indaà-là Nainá nga t̄isa t̄ats'en-là k̄joa, j̄nò, kindobà'nó x̄ita jè nga kinik'eèn nga kinìngatsja x̄ita xi mìkii beèxkón k̄jot̄ixoma nga tsakat'aà krò.

24 Tanga Nainá kisikjaáya-là; kisikj̄nandej̄i k̄joa ts'e k̄j'ò in xi t̄j̄iìn-là k̄joabiyaà nga mìkii koma nga ya s̄ijna 'nó it'aà ts'e k̄joabiyaà.

25 Jè x̄itaxá ít̄jòn xi David ki'mì, kitsò it'aà ts'e Jesús: Kijtsee k̄j̄it'aà-ná Nainá k'e nga t̄ijna nguixkoaàn; i t̄ijnat'aà ndsaa kixi mé-ne nga ni mé xi komat'ian.

26 Koií k̄joa-là nga matsja-là in̄ima-na, t̄ikoa matsja-là nijen-na nga seè.

Yijo-na, t̄ikoaá ndaà siikj̄aya nga skóña k̄joa,

27 koií k̄joa-là nga mì ya s̄ikj̄ini in̄ima-na ya i'nde-là mik'en, t̄ikoa mìkii k̄j'ò ndi nga k̄i'ndo yijo-na xi ch̄i'nda tsjeè-lè 'mì-ná.

28 Tsakoò-ná ndiyá nga ma kótijnakoan, tseé k̄jotsja s'e-là in̄ima-na nga j̄i t̄ijnako-ná.

[K'oaá tsò 'én-là Nainá xi kisikii David (Salmo 16:8-11).]

29 "Ndsè, k'oaá xan-nò xi ngui k̄joa kixi: x̄ita jchínga-ná David, jye k̄jot̄seé k'en, t̄ikoa kisihj̄iìn-né. Jè ít̄jò-là, t̄ijna skanda nachrjein i'nde.

30 Tanga jè David, jngoò x̄ita xi kiichj̄a ngajo-là Nainá. Jyeé k'oa'sín t̄j̄iìn-là koni s'ín kitsjaà-là tso'ba Nainá nga tje ts'e k̄jt̄okaj̄iìn Cristo nga jè k̄ijna ngajo-là koni x̄itaxá ít̄jòn.

31 Jè David, k'oaá s'ín kiichj̄a it'aà ts'e Cristo koni tsà jye kijtsee nga jye jaáya-là. Kitsò: "Mìkii ya kisijna in̄ima-là ya i'nde-là mik'en, t̄ikoaá mìkii i'ndo yijo-là."

32 Nainá, jyeé kisikjaáya-là Jesús. Ngats'ì k̄joa xi komà, k'oaá s'ín bènoj̄mì-nòjen nga xkoòn ki'ya-najen.

33 Nainá jeya kisikj̄inat'aà chrja kixi-là; kitjoé-là In̄ima Tsjeè-là koni s'ín kitsjaà tso'ba Nainá. Jè Jesús kisika'bisòn j̄ngoo k'a In̄ima Tsjeè-là. Koií k̄joa-là nga k'oa'sín t̄itsa'yaà k̄o t̄itsana'ya.

34 Jè David, mìtsà ngajmii kii mij̄in; tanga k'oaá kitsò: Jè Nainá kitsò-là jè xi Nei-na:

"Tijnat'aà-ná i kixi-na,

35 skanda k'e nga sikitsajnanguia kondra-lè ñanda nchasòn ndsokoiì."

36 J̄nò xi x̄ita naxandá Israel tsajòn, ndaà jch̄aa yije nga 'nó kixi t̄j̄iìn k̄joa nga jè Jesús xi j̄nò tsakat'aà krò. Nainá, k'oaá s'ín kisikj̄ina nga jè-né xi Na'èn-ná, k̄o t̄j̄jè-ne xi Cristo [x̄ita xi xó kisikasén-ne Nainá].

37 K'e nga kii'nchré 'én xi okitsò j̄nà x̄ita xi ya t̄itsajna, kisikajno j̄iìn in̄ima-là; k'eé kiskònangui-là Pedro k̄o x̄ita xikj̄in xi i'nga xi t̄ikoa xó tsibixáya-là Jesús. Kitsò-là:

—'Ndsè, ¿mé xi s'en-jen?

38 Pedro kitsò-là:

—T̄ikajno jè-nò, k̄i t̄i jè binchaatsji-nò; t'een bautizar yijo-nò it'aà ts'e Jesucristo nga jngoò j̄ngoo-nò, mé-ne nga siijch̄aat'aà-nò Nainá, t̄ikoa tsj̄a-nò In̄ima Tsjeè-là.

39 Koni s'ín kitsjaà tso'ba Nainá, 'én xi tsibijna tsajòn-nò; t̄ikoaá ts'eé jxti-nò, k̄o ngats'ì x̄ita xi k̄j̄iìn t̄itsajna, nga yije xi jè sobà Nainá xó k̄ichj̄a-là.

40 Pedro, k̄j̄in 'én kiichj̄aj̄iìn-sa-là. 'Nó kiichj̄ako. Kitsò-là:

—T'inchat'aàxin-là kjo'in xi tjoé-la jñà xità koi xi ch'o s'in!

⁴¹ Jñà xità xi kòkjeiín-la 'én xi kùchja Pedro komà bautizar; ma-la tsà jàn jmiì xità xi jahas'en-t'aà nachrjein jè.

⁴² Kóhotjín, kixij chinchako 'én xi kù'nchré koni s'in tsakóya-la jñà xità xi tsibíxáya-la Jesús, tikoá kjit'aà nachrjein maxkóya nga kjèn-ko xíkjin tikoá chjat'aà-la Nainá.

⁴³ Ngats'ìi xità xi ya títsajna tà kitsakjòn-né k'e nga kijtseè ngats'ìi kjòndaà ko kjoxkón xi kis'ìin jñà xità xi tsibíxáya-la Jesús.

⁴⁴ Jñà xità xi jye kòkjeiín-la it'aà ts'e Cristo bitsajnajtín-né kóhotjín; síxkoaya yije mé tsojmi xi tjín-la.

⁴⁵ Otíjna nangui-la ko tsojmi xi tjín-la, ikjoàn síjòya tòn-la koni s'in mocheén-la nga jngòò ljngòò.

⁴⁶ Nachrjein inchijòn bixoña ya nditsin ingo ítjòn, ko ya ni'ya-la xíkjin nga kjèn-kjoò nga tjín-la kjotsja ko indaàjìin tjín inima-la.

⁴⁷ Jeya kisikíjna Nainá; jñà xità naxandá tsjakeè komà xità-la Cristo; jè Nainá, nachrjein inchijòn kisikas'en-t'aà-isa naxandá-la Cristo jñà xità xi jè mejèn-la nga kitjokàjìin kjo'in.

3

Kós'in komà k'e nga kjòndaà jngòò-ne xità xi mìkìi ma fi

¹ Jngòò k'a kii Pedro ko Juan ya ingo ítjòn ts'e xità judío. Ijchò-la xi jàn nga nguixòn k'e nga chjat'aà-la Nainá jñà xità.

² Nachrjein nchijòn bijchó síkíjna jngòò xità ima xi mìkìi ma fi. Xità jè k'oaá s'in kits'ìin. Yaá bijnajto xotjoa-la ingo ítjòn xi k'oas'in tjit'aà 'in: xotjoa xi ndaà kji. Xità jè, tòn síjé kjotjò-la jñà xità xi fahas'en nditsin ingo.

³ Jè xità xi mìkìi ma fi, k'e nga kijtseè Pedro ko Juan nga nchifahas'en nditsin ingo, kisijé kjotjò-la tòn.

⁴ Jè Pedro ko Juan, kiskoó'an; jè Pedro kitsò-la:

—¡Chítsejèn-'a-nájen!

⁵ Jè xità xi mìkìi ma fi kiskoó'an; k'oaá s'in komà-la koni tsà tjín xi tsjá-la.

⁶ Tanga jè Pedro kitsò-la:

—Nimé tòn tjín-na xi oro ko xi plata, tanga jè xi tjín-na tsjaà-lè; it'aà ts'e Jesucristo xi Nazaret ts'e, tísitjìin, títjámìi.

⁷ Jè Pedro, k'e nga okítsò-la, kiskoé tsja kixi, kiskímìtjen; nitóón kis'e-la nga'ñó tsji ndsoko, kóhokji ndsoko.

⁸ Jè xità jè, kiski'nga nga tsasítjen; ikjoàn tsibíts'ia nga tsajmeè-ne; jahas'en-ko nditsin ingo jè Pedro ko Juan nga ndsoko kù-ne; fijen fikjá, kji'nga kitsian nga jeya kisikíjna Nainá.

⁹ Ngats'ìi xità naxandá kijtseè jè xità jè nga jye ma fi-ne ko nga jeya kisikíjna Nainá.

¹⁰ Tà kjòxkón-la xità, tikoáà tà kitsakjòn-né koni s'in komàt'in jè xità jè nga jyeé beèxkon nga jè-né xi síjé kjotjò tòn ya xotjoa ingo xi k'oas'in tjit'aà 'in-la: xotjoa xi ndaà kji.

'Én xi kùchjaya Pedro ya nguitjoa-la ingo ts'e Salomón

¹¹ Jè xità xi jye kjòndaà-ne, mìkìi tsjeiín nga kitsobà'ñó Pedro ko Juan. Ngats'ìi xità naxandá tà k'oaá komà-la; k'ée tsangachikon kùtjngui-la ya ingo ítjòn, ya nguitjoa-la xi 'mì Salomón.

¹² Jè Pedro, k'e nga kijtseè jñà xità naxandá, kitsò-la:

—Jñò, x̄ita xinguiáá xi x̄ita Israel 'mì-ná, ¿mé-ne maxkón-onò? ¿Mé-ne ngajen ch̄i'án-nájen? ¿A k'oáá s'ín nikítsjeèn koni tsà nga'ño tsajen k̄o kjondaà tsajen kòmandaà-ne x̄ita jè nga ma fi-ne?

¹³ Jè xi Nainá tsò-là Abraham, Isaac, Jacob k̄o ngats'ìi x̄ita jchínga-ná xi i'nga, jè-né xi jeya kàsíkíjna Jesús xi ch̄i'nda-là ma; t̄ijè-ne Jesús xi jñò kiníngatsja x̄itaxá. Jñò, mikii kits'ìi'nde k'e nga jè Pilato mejèn-là s̄ìkíjnandeí-ne.

¹⁴ Jñò, kinachrjekànguio jè xi X̄ita Tsjeè k̄o xi X̄ita Kixi; ìkjoàn kinìjè nga tsibìjnandeí jè x̄ita xi mik'en kitjen-là.

¹⁵ Jñò kinik'eèn jè xi sikíjnakon-ná tanga jè Nainá kisíkjaáya-là. Ngats'ìi kjoa koi, ki'ya-nájen, k'oáá ma-ne nga bènojmi-jen.

¹⁶ Jesús kàtsjá-là nga'ño x̄ita jè xi jñò titsa'yaá t̄ikoa yaxkoòn, koi-né nga mokjeíin-najen it'aà ts'e Jesús. Tà koií kjoa-là nga ndaa mokjeíin-najen nga ndaa kòmandaà-ne x̄ita jè nga nguixkoòn jñò xi ì titsajnaà.

¹⁷ "Ndsè, jyeé t̄ijìin-na, k'e nga k'oas'ín ki'nè k̄o x̄itaxá-nò nga kinik'eèn Jesús, koi-né nga mikii machiya-nò.

¹⁸ Jè Nainá, k'oáá s'ín kisikitasòn koni s'ín kùichja ngats'ìi x̄ita-là xi kùichja ngajo-là nga jè Cristo [jè xi xó kisikasén-ne Nainá] k'oáá s'ín t̄jìinè-là nga kiyá.

¹⁹ Koií k'oá 'mì-nòjen nga t̄ikájno jé-nò, kì t̄i jè binchaàtsji-nò; Nainá tanguit'aà-là mé-ne nga jch̄at'aà-nò jé-nò ìkjoàn tsjá-nò Nainá kjoa'nchán ts'e iníma-nò.

²⁰ Kàtasikasén-nò Jesús, jè xi xó k'oas'ín kjòtseé jaàjìin-ne Nainá nga jè xi Cristo nga it'aà tsajòn kjoí-ne.

²¹ Mochjeén-né nga ján kíjna ngajmì jè Jesucristo skanda k'e nga jè Nainá s̄ìx̄itseyá yije ìjngò k'a tsojmi xi t̄jìin. K'oáá s'ín kitsjaà òkixi Nainá k'e nga kùichja ngajo-là x̄ita tsjeè-là xi jè kisikjeén nga sa kjòtseé.

²² Moisés, k'oáá s'ín kitsò-là jñà x̄ita jchínga-ná: "Jè Na'èn-ná xi Nainá, yaá kochrjekàjìin jngò x̄ita xinguiáá xi kichja ngajo-là Nainá koni 'an. Jè t̄iná'ya-là koni s'ín kichjako-nò ngats'ìi kjoa xi keènojmi-nò.

²³ Ngats'ìi x̄ita xi mikii kji'nchréñijon-là, jngò k'a t̄jáxìn it'aà ts'e naxandá-là Nainá."

²⁴ Ngats'ìi x̄ita xi kùichja ngajo-là Nainá, mats'ia-ne Samuel, skanda ì'ndeí, saá koií 'én tsibénojmi mé kjoa xi tíma nachrjein ì'ndeí.

²⁵ Kjondaà tsajòn-nò koni s'ín kitsjaà tso'ba Nainá it'aà ts'e x̄ita-là xi kùichja ngajo-là. T̄ikoaá kjondaà tsajòn-nò koni s'ín tsibíndaàjìin jngò kjoa Nainá k̄o x̄ita jchínga-ná k'e nga kitsò-là Abraham: "Ngats'ìi x̄ita xi t̄jìin nga t̄jtsa ìsò'nde kochikon-t'in-né xi it'aà ts'e t̄je-lè."

²⁶ Nainá, k'e nga kisíkjaáya-là Ki'ndí-là, jñò kisikasén it̄jòn-nò nga s̄ìchikon-t'in-nò mé-ne nga s̄ìk̄jatjya-là kjohítsjeèn-nò nga jngò ìjngò, nga mì t̄i ch'o s'èn-nò.

4

K'e nga jè Juan k̄o Pedro k̄iik̄o x̄ita naxandá ya nguixk̄on x̄itaxá

¹ Pedro k̄o Juan tákò t̄ik'eé nchihóko x̄ita naxandá nga ìjchò jñà nò'miì, t̄jiko jè x̄ita skò-là policia xi s̄ikinda ìngò it̄jòn k̄o jñà x̄ita saduceo.

² Jñà x̄ita koi 'ño jti komà-là nga jè Pedro k̄o Juan k'oáá s'ín tsakóya-là x̄ita naxandá nga jyeé ki'ya-là nga kjoaáya-là x̄ita xi jye k'en koni s'ín jaáya-là Jesús.

³ Kitsobà'ño, kiikò, ikjoàn kiskinis'en ndayá nga jyeé kjònguixòn. Yáá kisikítsajna ndayá skanda komà nchijòn.

⁴ 'Nó kjìn ma-ne xità xi kòkjeiín-là k'e nga kii'nchré 'én xi kiichja Pedro kò Juan. Jyeé ma 'òn jmiì xità x'in xi mokjeiín-là; kò jñà ichjín xi kòkjeiín-là mikii kòkkeya.

⁵ Xi komà inchijòn, kjòxkóya ján Jerusalén xità skò-là jñà xità judío kò xità jchínga kò xità chjine xojon xi okóya kjotixoma-là Nainá xi kiskii Moisés.

⁶ Tikoá ya tójna Anás, xi nò'miù ítjòn, Caifás, Juan, kò Alejandro, ngats'ii xità xíkjin jñà xi nò'miù ítjòn.

⁷ Kiskinikjaá Pedro kò Juan, ikjoàn chinchá osen nga kiskònangui-là, kitsò-là:

—¿Yá ts'e nga'ño? ¿Yá xi kitsjaà'nde-nò nga xità xk'én nindaà-nò?

⁸ Jè Pedro nga ndaa tíjin inima-là jè Inima Tsjeè-là Nainá kitsò:

—Jñò xi xítaxá ítjòn 'mì-nò kò xità jchínga-là naxandá Israel:

⁹ Jñò, ¿mé-ne mejèn-nò nga jchaá kjondaá xi kòmat'in xità jè nga kòmandaa-ne nga jye ma fi-ne?

¹⁰ Jñò nga nguixkòon, kénajmí-nòjen, tikoá kàtji'nchré yije ngats'ii xità naxandá Israel. Xità jè, it'aa ts'ée Jesucristo xi Nazaret ts'e kjondaà-ne. Tjje-ne xi kinik'e'en nga tsakat'aa krò, tanga Nainá kisikjaáya-là.

¹¹ Jñò, k'oaá ngaya-là koni chjinechrjó xi bindaa ni'ya. Kinachrjekàngui-nò Jesús koni jngoò ndajo xi nimé chji-là. Tanga i'ndeí jè tójna ítjòn koni ndajo chrjangui-là chrjó ni'ya.

¹² Tà jngoò ma xità xi ma-là ochrjekàjìin-ná kjo'in, tà jè Jesucristo. Mi tí yá xità tjín-ne i'it'aa nangui xi Nainá kisikasén nga kòma kochrjekàjìin-ná kjo'in.

¹³ Jñà xítaxá, k'e nga kijtsee nga 'ño chja Pedro kò Juan nga mikii tsakjón, tikoá kijtsee nga taxki ndí xità-né nga mìtsà 'ño ma-là xojon, tà kjòxkón-là; k'ée kjòchiya-là nga jñà xità xi tsajmeiikò Jesús.

¹⁴ Tikoá kijtsee nga ya síjna jè xità xi jye kjondaà-ne, k'oaá s'in komà-ne nga mì tí kó kitsò-là.

¹⁵ K'ée tsachrje jngoò tjò ni'ya osen, ikjoàn tsajoóya-ne.

¹⁶ Kitsò-là xíkjin:

—¿Mé xi sikoáá xità koi? Ngats'ii xità naxandá Jerusalén, jyeé tíjin-là kjòxkón xi kís'iin, mikii kòma kí'maá.

¹⁷ Kinchaxkón-laá nga ni tí jngoò xità kòhókò-ne xi it'aa ts'e Jesús, mé-ne nga mì tí kii kòbìsòn-ne kjoa koi.

¹⁸ K'ée kiichja i'jngoò k'a-là Pedro kò Juan; kitsjaà-là okixi nga jngoò k'a mì tí kii tjí'nde-là nga kichja-isa-là, tikoá kòkóya-isa-là xità it'aa ts'e Jesús.

¹⁹ Jè Pedro kò Juan kiichja, kitsò-là:

—Jñò, ndaa jchòsòn-là, ñà-laá xi kixi tjín nga nguixkon Nainá. ¿Yá-né xi sikitasòn-lajen? ¿A jñò-nò xi xità 'mì-nò? ¿A xi jè sobá Nainá?

²⁰ Mikii kòma jyò kítsajna-jen it'aa ts'e kjoa xi ki'ya-jen kò xi kina'yà-jen.

²¹ Jñà xítaxá mikii kjòtsji-là kós'in sílko nga tsjá-là kjo'in, tà chincháxkón-là, ikjoàn kisikítsajndeí-ne, koi kjoa-là nga jñà ngats'ii xità naxandá, 'ño jeya kisikíjna Nainá it'aa ts'e kjòxkón xi komà.

²² Koií-né nga jè xità xi jye kjondaà-ne, tsatoó ichán nó tjín-là k'e nga k'oa'sín komat'in kjòxkón jè.

Kó s'in kisijét'aa-là Nainá jñà xità xi mokjeiín-là it'aa ts'e Cristo

²³ K'e nga jye tsibítsajnandejí-ne Pedro ko Juan, kii-ne ñánda títsajna xíta xíkjin; tsibénojmi yije-la kó kitsò-la jña nò'mii ítjòn ko jña xíta jchínga.

²⁴ Jña xíta xíkjin, k'e nga jye kii'nchré koni s'ín kis'enojmi-la, ngats'ii, tsibíts'ia nga tà jngoò jta kíichjat'aà-la Nainá, kitsò:

—Ji Na'én xi jì tjín-lè kindá ngats'ii xi tjín, nga jì tsibìndii ngajmii, nangui ko ndáchikon, ngats'ii tsojmi xi tjín isò'nde.

²⁵ Nga ko Iníma Tsjeè-lè kinikjín tso'ba chí'nda-lè David xi xíta jchínga kjíin-najen nga k'oá kisi:

¿Mé-ne nga mats'en-ne xíta isò'nde?

Ko jña xíta naxandá, ¿mé-ne kjoa ts'en joóya-ne xi kondra ts'e Nainá?

²⁶ Kjòxkóya xítaxá ítjòn xi tjín isò'nde;

kisijngoò yijo-la jña xíta xi tjín-la kjotíxoma

nga kondra kii-la Nainá ko Cristo, [xíta xi xó kisikasén-ne Nainá].

²⁷ Kixí kjoa, jè Herodes ko Poncio Pilato, ko xi taxkí xíta xi mitsà xíta judío, ko ngats'ii xíta naxandá Israel, kisijngoò yijo-la i naxandá jè, nga kondra kii-la Kí'ndí-lè Jesús xi xíta tsjeè xi ngaji xó jì kichjaajjín-ne nga kinikasín nga jè xi Cristo.

²⁸ Jña xíta koi, k'oá s'ín kis'iin yije koni s'ín tjíndaà-lè nga tisa tàts'en-la kjoa nga k'oas'in koma.

²⁹ Na'én, i'ndeji, chítséjén-la xíta koi nga mejèn-la beetoòn-najen; tichjat'aà-nájen nga mikii kiskón-jen nga ma kínojóya-jen 'én-lè xi chí'nda-lè 'mí-nájen.

³⁰ Takói nga'ño xi tjíya ndseji nga kátandaà-ne xíta xi xk'én; it'aà ts'e Chí'nda Tsjeè-lè Jesús, t'jín kjòxkón xi okó kjoajeya-la Nainá.

³¹ K'e nga jye kíichjat'aà-la Nainá, ts'a ch'ón ya i'nde ñánda títsajna. Ngats'ii xíta xi ya títsajna kis'ejiin iníma-la Iníma Tsjeè-la Nainá; mii tì kii kitsakjòn-ne nga kíichjaya 'én-la Nainá.

Kó kis'iin jña xíta-la Cristo nga nijngoò xi kisichijàt'aà-la tsojmi xi mochjeén-la

³² Ngats'ii xíta xi yije kòkjeíin-la, ngásòn ngáya tjín iníma-la ko kjohítsjeèn-la; ngats'ii tsojmi xi tjín-la nga jngoò òjngoò, ts'e yije-né kóhótjín. Nijngoò xi kitsò: “Tsojmi xi tjín-na, tà ts'an, tajngoò-ná.”

³³ Jña xíta xi tsibíxáya-la Jesús 'ño tse nga'ño kis'e-la nga isa ndaà tsibénojmi nga jye jaáya-la Na'én-ná Jesucristo it'aà ts'e kjoabiyaà. Ngats'ii jña xíta koi, Nainá 'ño ndaà kisichikon-t'in.

³⁴ K'oá s'ín komà-ne nga nijngoò xíta kisichijàt'aà-la tsojmi xi mochjeén-la. Jña xíta xíkjin xi tjín-la nangui ko jña xi tjín-la ni'ya, otíjna. Ikjoàn f'íiko yije ton-la tsojmi xi otíjna.

³⁵ Síngatsja jña xíta xi tsibíxáya-la Jesús; ikjoàn síka'bí-la xíkjin nga jngoò òjngoò mé xi chijat'aà-la.

³⁶ Ya tijnajjín jngoò xíta levita xi José 'mí. Yáa i'nde-la naxandá Chipre. Jña xíta xi tsibíxáya-la Jesús, tsibít'aàsòn 'ín-la: Bernabé kitsò-la. (Ín jè, tsòyaá-ne: xíta xi síjehikon-ná.)

³⁷ Xíta jè, kijna jngoò 'nde-la nangui; tsatíjna; j'íiko ton-la; kisíngatsja jña xíta xi tsibíxáya-la Jesús.

¹ Tanga ijngòò x̄it̄a x'ìn xi 'mì Ananías kò chjòón-là Safira, t̄ikoa tsat̄ijna jngòò 'nde nangui-là.

² X̄it̄a jè tsajoóya-ne kò chjòón-là, tsibí'ma chiba tòn chjì-là nangui. Tà chiba j'ìikò nga kisingatsja j̄nà x̄it̄a xi tsibíxáya-là Jesús.

³ Jè Pedro kitsò:

—Jì Ananías, ¿mé-ne kòbìl'nde-ne nga x̄it̄a neí kòfahas'en-jìin in̄im̄a-lè nga mejèn-lè kachonachan-là In̄im̄a Tsjeè-là Nainá nga kòbì'ma chiba tòn chjì-là nangui?

⁴ ¿A mìtsà tsiji nangui? K'e nga jye kòhotijni, ¿a mìtsà tsiji tòn? ¿Mé-ne k'oas'ín kànikitsjeèn-ne jìin in̄im̄a-lè? Mìtsà tax̄k̄i x̄it̄a mejèn-lè kachonachan-là, jè sobà Nainá.

⁵ Jè Ananías, k'e nga kii'nchré 'én koi, kiskaajndoòt'aà nangui, k'en. Ngats'ii x̄it̄a xi kis'ejiin-là kjoa xi komà, ndaa jchán kitsakjòn.

⁶ K'ée j'ii i'nga ixti x'ìn xi kisikájté nikje yijo-là Ananías; tsachrje ni'ya, nga kii kíhijìn.

⁷ Tjín-là tsà jàn hora nga j'ii Safira chjòón-là Ananías; mìkii t̄ijin-là mé kjoa xi komà.

⁸ Pedro kiskònangui-là kitsò-là:

—¿A k'oaa t̄jín kòhotijna-nò nangui-nò koni t̄jín bixón?

Jè chjòón kitsò:

—Jon, k'oaa t̄jín kòhotijna-najen.

⁹ Jè Pedro kitsò-là:

—¿Mé-ne k'oas'ín kàchibàya-nò? ¿A k'oaa s'ín kànikitsjeèn nga ma chónachan-là jè In̄im̄a Tsjeè-là Nainá? Chit̄sejèn-là j̄nà ixti xi nchajto xotjòa ni'ya. J̄nà kòfi kíhijìn x'ìn-lè; t̄ikoaá ngaji, j̄nà k̄ijko-lè.

¹⁰ Chjòón jè, n̄itòón kiskaajndoòt'aà nangui ya ñánda síjna Pedro; k'en. K'e nga jahas'en ni'ya j̄nà ixti x'ìn, kijtseè nga jye k'en; tsachrje ni'ya; kii kíhijìn-t'aà-là x'ìn-là.

¹¹ Ngats'ii x̄it̄a naxandá-là Cristo kò ngats'ii x̄it̄a xi kii'nchré kjoa koi, ndaa jchán kitsakjòn.

Kjoxkón ndaa xi kis'ìn j̄nà x̄it̄a xi tsibíxáya-là Jesús

¹² J̄nà x̄it̄a xi tsibíxáya-là Jesús, k̄jìn kjoxkón xi okò kjoajeya-là Nainá kis'iin nga nguixkòn x̄it̄a naxandá. Ngats'ii x̄it̄a-là Cristo, yaá bixóna k̄jit'aà ya j̄ngo ítjòn ya nguítjòa-là xi 'mì Salomón.

¹³ J̄nà x̄it̄a xi mìkii mokjeiín-là it'aà ts'e Cristo, nijngòò kjò'ñóhikon nga ya kii't'aà-là j̄nà x̄it̄a-là Cristo. Tanga j̄nà x̄it̄a naxandá, ñó ndaa kijtseèxkón j̄nà x̄it̄a-là Cristo.

¹⁴ Tanga j̄nà x̄it̄a xi kòkjeiín-là it'aà ts'e Cristo, íchjín íchjá, isáá ñó kòk̄jìn-ya-isa.

¹⁵ J̄nà x̄it̄a tsachrje x̄it̄a xi xk'én ya iya ndiyá; kisikáyjòsòn nachan kò nijñaa mé-ne k'e nga kjoa Pedro, nas'ín tà jè 'nguién-là skat'aà i'nga-là j̄nà x̄it̄a xk'én.

¹⁶ T̄ikoa k̄jìn x̄it̄a j'ii ya Jerusalén xi inchrobà-ne naxandá xi k̄jiyijòt'aà chrañà-là; j'ìikò x̄it̄a xi xk'én kò j̄nà xi in̄im̄a ch'o-là neí nchibeètoòn; ngats'ii x̄it̄a koi k̄jòndaà yijé-ne.

Kjo'in xi tsatojìn Pedro kò Juan

¹⁷ Jè nò'mi ítjòn kò ngats'ii x̄it̄a xi ya báhihtako, j̄nà xi ya chj̄a-ne it'aà ts'e x̄it̄a saduceo, k̄jòch̄in̄ikeé j̄nà x̄it̄a xi tsibíxáya-là Jesús.

¹⁸ Kitsobà'ñó; kiiko; kiskinis'en ndayá xi ts'e naxandá.

19 Tanga k'e nga jye kòjñò, jngoò àkjale-là Nainá ijchò kix'a-là xotjoa ndayá. Tsachrje xita koi; kitsò-là:

20 —Tanguiò, tìnchajtoò xotjoa ingo ítjòn. Tènojmi yije-là xita naxandá kós'ín kitsajnakon xita ít'aà ts'e Cristo.

21 K'e nga kii'nchré 'én koi, nga komà nchijòn, tajñòyaá kii ya ingo ítjòn, ijkjoàn tsibíts'ia nga tsakóya-là xita.

Tik'e-ne chixoña jè nò'mii ítjòn, ngats'ii xita-là xi ya títajnaako. Kiichja-là ngats'ii xitaxá kò xita jchínga ts'e naxandá Israel; ijkjoàn kiskinikjaá jña xita-là Cristo xi títajna'ya ndayá.

22 Tanga k'e nga ijchò jña policia, mikii kisakò-là jña xita xi títajna'ya ndayá; tà k'oaá s'ín inchrobà-ne; kitsjaá okixi nga mì tì yá tjin-ne.

23 Kitsò:

—K'e nga kòbijchò-jen, ndaa tíchjoàito xotjoa-là ndayá. Jña xita soldado xi síkinda, yaá nchajto xotjoa, tanga k'e nga kòbitjaás'en-jen mì tì yá xita tjin-ne iya ndayá.

24 K'e nga kii'nchré 'én koi, jè nò'mii ítjòn kò nò'mii xi i'nga kò jè xita sko-là policia xi síkinda ingo ítjòn, tà k'oaá komà-là nga mikii machiya-là kós'ín koma nga kjoehet'aà kjoa koi.

25 Tik'eé-ne j'ii jngoò xita xi j'ii kènojmi, kitsò:

—Jña xita xi kichinìs'en ndayá ngojña, yaá títajna ingo ítjòn nga nchi-hokóya-là xita naxandá.

26 K'eé kii jè xita sko-là policia xi síkinda ingo, kjihijtakò jña policia xi i'nga nga kiikjaá Pedro kò Juan. Tà kjondaá inchrobàkò. Jña tsakjón-là xita naxandá tsà ndajò koi'ì nè nga sikk'en.

27 K'e nga j'ii kò, chinchá osen ñánda nchijoóya-ne. Jè nò'mii ítjòn kitsò-là:

28 —¿A mìtsá k'oaas'ín ki'mi-nòjen nga jngoò k'a mì tì k'oaá tsò-ne 'én xi kòkóya ít'aà ts'e Jesús? I'ndeí, kòhokji Jerusalén, jyeé títachimisòn yije kjotixoma-nò; tikoáá mejèn-nò ngajèn chini'nè-nájen nga k'en xita xi 'mì Jesús.

29 Jè Pedro kò xita xi i'nga xi taña tsibixáya-là Cristo kitsò:

—Isáá 'ño mochjeén nga jè Nainá síkitasòn-lajèn mì k'oaá-ne koni xi taxki xita.

30 Jè xi Nainá tsò-là xita jchínga-ná kisikjaáya-là Jesús ít'aà ts'e kjoabiyaá, tijè-ne Jesús xi jñò kinik'eén nga tsakat'aà krò.

31 Nainá, 'ño jeya kisikjnat'aà chrja kixi-là. Xitaxá ítjòn kisikjina. Tikoáá jè kisikjina nga jè kochrjekajiln-ná kjo'in. K'oaá s'ín kis'iin Nainá, mé-ne nga jña xi naxandá Israel 'mì-ná síkájnoáá jé-ná; mì tì jè kinchátsji-ná nga síjchàat'aà-ná Nainá jé xi tjin-ná.

32 K'oaá s'ín bènojmi-nòjen kjoa koi xi xkoòn ki'ya-najèn. Tikoá bènojmi kixi-né jè Injma Tsjeè-là Nainá xi jye kitjoé-là jña xita xi síkitasòn-là Nainá.

33 K'e nga kii'nchré 'én koi, 'ño jchán kòjti-là; skanda mejèn-là sikk'en.

34 Ya tijnajiln jngoò xita fariseo xi tikoá xá tjin-là xi 'mì Gamaliel, jè xi okóya kjotixoma. Ngats'ii jña xita naxandá 'ño ndaa beèxkón xita jè. K'eé tsajina-kixi-jiln-là ngats'ii jña xita xi tjin-là xá; kitsjaá okixi nga kàtitjo jngoò tjò nì'ya jña xita xi tsibixáya-là Jesús.

35 Jè Gamaliel kitsò-là xitaxá xikjín:

—Jñò ngats'ioò xi xita xinguiáá Israel 'mì-ná, ndaa tikítsjeèn mé kjoa xi síkjo jña xita koi.

³⁶ Tíkítsjeèn jñà nàchrjein xi jye tsato, tsibìjñàá jngòò x̄ita xi ki'mì Teudas. K'oaá kitsò nga x̄ita ítjòn-né. Komà-là tsà ñijòn sìndò x̄ita xi kiit'aà-là. Tanga k'e nga kisik'en x̄ita, ngats'ii x̄ita xi kiit'aà-là, kitsjohoba-né. Tà yaá jyehet'aà kjoa.

³⁷ K'e nga komà iskan, jè nàchrjein nga kòkkeya x̄ita, tsatsejèn ìjngòò x̄ita xi 'mì Judas xi x̄ita Galilea. Tìkooá kjin x̄ita naxandá kiit'aà-là. Tanga k'e nga kinik'en x̄ita jè, tìkooá ngats'ii x̄ita xi ya kiit'aà-là, kitsjohoba yije-né.

³⁸ I'ndeji k'oaá ma-ne koxan-nò, tà tìkkeheth'aà kjoa. Tjii'nde-là x̄ita koi nga kàtjì-ne. Tsà tà xá ts'e x̄itaá xi nchis'ín kjoehet'aà-né.

³⁹ Tanga tsà xá ts'e Nainá-né xi nchis'ín, mikì kichikjoa-nò nga jñò kixkàn-ko; tìkindaa yijo-nò tsà koi nàchrjein-là, tsà xá-là Nainá tìtsabixkàn-ko.

⁴⁰ Ngats'ii x̄ita xi tìtsajna junta, kòkjeiín-là koni s'ín kitsò Gamaliel. K'eé kiichja ìjngòò k'a-la jñà x̄ita xi tsibíxáya-là Jesús. Ikjoàn tsajá-là. 'Nó tsibínè-là nga mì tì k'oa s'ín kichjaya-ne it'aà ts'e Jesús. Ikjoàn kisikítsajnandeji-ne.

⁴¹ Jñà x̄ita xi tsibíxáya-là Jesús, 'nó tsja tjín-la k'e nga itjo-ne ni'ya nga jè Nainá kitsja'a'nde nga kitjoé-là kjondaà nga kisikjeiín kjo'in xi kjoa ts'e Jesús.

⁴² Jñà x̄ita koi, mikì jyò tsibítsajna. Nàchrjein inchiòn tsakóya tìkooá kiichjaya 'én ndaa-là Nainá ya ìngo ítjòn ko xi k'ejí ni'ya nga jè Jesús xi Cristo [jè xi xó kisikasén-ne Nainá].

6

K'e nga itoò x̄ita kitjaàjìin xi kisichját'aà

¹ Jñà nàchrjein koi, k'e nga jye 'nó tìmakjìn-ya x̄ita xi kota'yàt'aà-là Cristo, jñà x̄ita xi chja 'én griego tsibíts'ia nga tsohojét'in jñà x̄ita xi chja 'én hebreo, nga jñà íchjín ka'an xi ts'e x̄ita griego mì ngásòn tí'bi-là tsojmì xi kine koni jñà íchjín ka'an xi ts'e x̄ita hebreo.

² Jñà x̄ita xi tejò ma-ne xi tsibíxáya-là Jesús, tsibíxkóya ngats'ii x̄ita xi kota'yàt'aà-là Cristo, kitsò:

—Mì-la kii ndaa tjín nga sikkjna-jen xá-là Nainá nga mì tì kii kìnókjooaya-najen 'én-là Nainá, nga nguì ta koi xá s'en-jen nga x̄ita ìma sikkjèn-jen.

³ 'Ndsè, chjaájñòò itoò x̄ita x'in xi 'yaà nga ndaa nchisíjchá yijo-là, tìkooá ndaa tìjìin inìma-là Inìma Tsjeè-là Nainá, x̄ita xi ndaa kjohítsjeèn tjín-là nde-ne jñà kòngatsja xá koi.

⁴ Ngajen, kjit'aà nàchrjein kìnókjooat'aà-lajen Nainá; tìkooá kòkóya-jen 'én-là Nainá.

⁵ Jñà 'én koi, ndaa kisaseèn yije-là ngats'ii x̄ita. K'eé jaàjìin Esteban, jngòò x̄ita x'in xi ndaa mokjeiín-là it'aà ts'e Nainá, tìkooá ndaa tìjìin inìma-là jè Inìma Tsjeè-là Nainá. Tìkooá kitjaàjìin Felipe, Prócoro, Nicanor, Timón, Parmenas, Nicolás, jngòò x̄ita Antioquía xi jahatjya-là nga x̄ita judío komà.

⁶ Jñà x̄ita xi itoò ma-ne chinchá osen nga nguixkon x̄ita xi tsibíxáya-là Jesús. Kò jñà x̄ita xi tsibíxáya-là Jesús kiichjatjì it'aà ts'e Nainá, ikjoàn tsohósòn-là tsja nga kjòngatsja xá.

⁷ Isáá 'nó tsabísòn-isa 'én-là Nainá. Ya naxandá Jerusalén saá 'nó saá 'nó makjìn-ya x̄ita xi kota'yàt'aà-là Cristo. Skanda jñà no'miì, tìkooá jyeé kjin ma-ne xi mokjeiín-là it'aà ts'e Cristo.

K'e nga kindobà'nó Esteban

⁸ Jè Esteban, 'ñó ndaa kis'e-la nga'ño kò kjondaà xi it'aà ts'e Nainá. K'oaá komà-ne nga kjìn kjoaxkón xi okó kjoajeya-la Nainá kis'iin ya jjiin naxandá.

⁹ Tjín i'nga xita xi ya chja-ne ni'ya ingo sinagoga ñánda maxkóya xita judío xi jye títajnandejí-ne, kò xita Cirene, xita Alejandría, xita Cilicia kò xi ján j'nde-la Asia; tsibíts'ia nga tsakátikjoó kò Esteban.

¹⁰ Tanga xita koi, mìkìl kiskikijne, nga jè Esteban, kòó kjohítsjeèn-la Injma Tsjeè-la Nainá kiichja.

¹¹ K'ée tsohótsji xita xi tsibíchjí-la nga kitsjaàt'in 'én ndiso; kitsò:

—Kina'yà-lajen Esteban nga chjajno-la Moisés kò Nainá.

¹² K'oaá s'in komà-ne nga kòjti-la jña xita naxandá kò xita jchínga kò xita xi okóya kjotixoma-la Nainá xi kiskìl Moisés. Kitsobà'ño Esteban, kiikò ñánda títajna xitaxá itjòn xi joóya-ne kjotixoma.

¹³ Ijchòkò xita ndiso xi kitsjaàt'in 'én, kitsò:

—Xita jè, mìkìl jyò bijná, kjít'aà nachrjein chjajno-la jè Ingo Tsjeè-la Nainá kò kjotixoma xi kiskìl Moisés.

¹⁴ Jyee kina'yà-lajen nga tsò nga jè Jesús xi Nazaret ts'e, sjiikixòña Ingo-la Nainá tikoá sijkatjya-la kjotixoma xi 'né koni s'in tsakóya-ná Moisés.

¹⁵ Ngats'iì xitaxá xi ya títajna, k'e nga kiskoo'an Esteban, k'oaá s'in kijtsee isén-la koni kji isén-la akjalé.

7

'Én xi kiichja Esteban nga tsasikò yijo-la

¹ Jè xita sko-la no'mi kiskònangui-la Esteban kitsò-la:

—A kixíi kjoa nga k'oa tjín jé xi ónè-lè xita?

² Jè Esteban kitsò:

—'Ndsè, kò xi xita jchínga 'mì-nò, tijná'ya-ná: Jè Nainá, xi 'ño jeya tjna, yaá ijchòkon ñánda tjna xita jchínga-ná Abraham k'e nga tákó ya tjna Mesopotamia, k'e nga tikj'eè bijchó kjna ján naxandá Harán. Kò jè Abraham kijtsee tsejèn-né kò kji Nainá.

³ K'ée kiichja Nainá, kitsò-la: “Titjòjìn nangui-lè; tikítsajnei xita xingui; t'in kijni ya nangui ñánda 'an kokoo-lè.”

⁴ Jè Abraham, itjokàjìn nangui-la xita Caldea; ján kiì kjna nangui Harán. K'e nga k'en na'èn-la, Nainá j'iikò i j'nde jè ñánda títajnaá j'nde.

⁵ Nainá, nímé j'nde kitsjaà kjotjò-la; ni tsà tà itsé ñánda kòsjinasòn jngoò ndsokò. Tanga k'oaá s'in kitsjaà-la tso'ba nga kitsò-la nga ts'eé koma kò ts'eé xita tje-la nita mé nachrjein-ne. Nachrjein koi, kj'eè ixtú tjín-la jè Abraham.

⁶ Nainá k'oaá s'in kitsò-isa-la: “Jña tje-lè, xita chj'nda koma; ñijòn sindò nó xìn naxandá sijnchá yijo-la nga sijkjein kjo'in.”

⁷ Nainá kitsò: “Aán tsjaà-la kjo'in jè naxandá ñánda chj'nda kítsajna; k'e nga koma iskan, kitjokàjìn-ne nangui jè. Kjinchrobà jngoò k'a-ne ijndé, kò jí j'nde jè, skoexkón-na.”

⁸ Nainá jngoò kjoa tsibíndaàjìn-kò Abraham nga sít'aà chjba-la yijo-la xita kjoa ts'e circuncisión. Abraham, kis'e jngoò-la ki'ndí xi Isaac ki'mi; k'e nga ijchò jìn nachrjein nga kits'iin, tsibít'aà chjba-la. Isaac kis'e-la ki'ndí xi 'mì Jacob; k'oaá tís'in kisikò. Jacob, kis'e-la ixti xi tejò ma-ne tje-la xita jchínga-la naxandá Israel. K'oaá tís'in tsibít'aà chjba-la.

⁹ Jña ixti-la Jacob, xi xita jchínga-ná, kjòxtakòn-keè jè 'ndse xi 'mì José; jkjoàn tsatjna nga kiikò xita xi tsatse ján nangui Egipto. Tanga Nainá kisikinda José.

10 Nainá kisìchját'aà-là n̄t̄a mé kjoa xi kis'e-là José. Kitsjaà-là kjohìtsjeèn, kitsjaà-là kjondaà nguixkon faraón xi x̄taxá ítjòn t̄jna ján naxandá Egipto. Jè Faraón kisik̄jna José nga jè tsatìxoma-là naxandá Egipto, t̄kōa jè tsatìxoma ni'ya-là faraón.

11 J̄nà n̄achrjein koi j'ìi kjinchrá kóhok̄ji nangui Egipto kō j'nde Canaán; tséé kj'ìn kis'e-là x̄t̄a; j̄nà x̄t̄a jchínga-ná tsjìn tsojm̄i xi kine.

12 K'e nga kil'nchré Jacob nga t̄jn̄ tsojm̄i xi ma chine ján Egipto kisikasén nga kiikjaá ítjòn tsojm̄i ixti-là j̄nà xi x̄t̄a jchínga-ná.

13 Xi komà jò k'a nga kiikjaá tsojm̄i, José tsakó-là yijo-là xíkjin nga 'ndse ma-ne. Faraón k'oqá s'ín komà-ne kijtseèkxon, ñánda nchrobát'aà-ne tje-là José.

14 José kiskinikjaá Jacob xi na'èn-là ma nga kjit̄jngui-là ján Egipto. Ngats'ìi x̄t̄a xíkjin, jàn kaàn kō chrj'òon ma-ne.

15 K'oqá s'ín komà-ne nga kii Jacob ján Egipto; yaá k'en; t̄kōaá yaá k'en ngats'ìi ixti-là j̄nà xi x̄t̄a jchínga-ná.

16 Xi komà iskan, kiikō nindaà-là Jacob kō ts'e ti-là nga kii kíhjiin jngòò ngajo ít̄sjó ján Siquem; j'nde ñánda tsatse Abraham xi tsat̄jna ixti-là Hamor.

17 K'e nga jye kjòchraña nachrjein nga k̄itasòn 'én koni s'ín kitsjaá tso'ba Nainá koni s'ín tsajoókjòò Abraham, jè naxandá Israel, 'ñó kòk̄jìn-ya j̄nà x̄t̄a-là ján Egipto.

18 Ijchò n̄achrjein nga jngòò x̄t̄a kisakò xi x̄t̄a skō-là tsibijna ján Egipto; tanga x̄t̄a jè, mikii beèkxon José.

19 X̄taxá ítjòn jè, tsibít̄s'ia nga kiskoòn̄achan-là x̄t̄a jchínga-ná nga kijtseètoòn; kis'iin-là kjo'ñó nga kitsjeiin takòn ngats'ìi ndí ixti-là mé-ne nga katiyaá yije-ne nga kàtachija tje-ne.

20 Tj̄j̄nà-ne n̄achrjein koi, kits'iin Moisés. Ki'ndí jè, 'ñó ndaà kji isén-là. Jàn sá kisik̄jna'ma ni'ya-là x̄t̄a jchínga-là.

21 K'e nga ijchò sík̄jna ij̄iin nandá, jè tsòti-là faraón kiskoét̄jò, kisijchá koni tsá ki'ndí ts'e.

22 Jè Moisés kiskoòta'ya ngats'ìi kjoachjine xi t̄jn̄ Egipto. 'Ñó ndaà kjohìtsjeèn xi kis'e-là, ndaà kiichja t̄kōa ndaà kis'iin.

23 Moisés, k'e nga jye t̄jn̄-là ichán nó k'oqá s'ín tsi'beé-là ikon nga mejèn kiikon x̄t̄a naxandá Israel xíkjin.

24 Moisés, k'e nga kijtseè nga ch'o t̄inikō jngòò x̄t̄a Israel xíkjin, tsasikō nga kisik'en x̄t̄a Egipto mé-ne nga kòjndà-ne.

25 Moisés, k'oqá s'ín t̄isik̄tsjeèn, maá-là tsà tímachiyaá-là j̄nà x̄t̄a Israel xíkjin nga jè Moisés s̄iik̄jeèn Nainá nga s̄iik̄tsajnandeji; tanga j̄nà x̄t̄a Israel mikii kjòchiya-là.

26 K'e nga komà inchiòn, Moisés kijtseè jò x̄t̄a Israel xi nchikjaán-kjòò, mejèn-là kotekjáya-là, kitsò-là: "J̄nò xi 'ndsè chiba, ¿mé-ne bixkàn-kō-nò inguiqo?"

27 Jè x̄t̄a xi tikjaán-kō xíkjin, k'eé kii jahit̄jen Moisés, kitsò-là: "¿Yá xi x̄taxá kàsik̄jna-lè kō xi ixkàlè kàtsò-lè xi jt'aà tsajen?"

28 ¿A t̄kōaá mejèn-lè nga s̄ik'en-ná koni s'ín kinik'in ngoj̄nà jè x̄t̄a Egipto?"

29 Moisés, k'e nga kil'nchré 'én koi, tsanga-né; ján kii k̄jna j'nde ñánda 'm̄i Madián. K'oqá s'ín tsibijna koni jngòò x̄t̄a xi kj̄iin j'nde-là; jò ixti kis'e-là.

³⁰ 'K'e nga jye ijchò ichán nó nga tǵjna Madián, Moisés, tsatsejèn jngoò-la àkǵale-là Nainá xi ya sǵnjajìin ni'ín ñánda títì jngoò yá na'yá ya chrañat'aà-la nindoò Sinaí, ya i'nde it'aà xìn ñánda nangui kixì choòn.

³¹ Moisés, k'e nga tǵkotsejèn-la jè yá na'yá xi títì, tà kǵòxkón-la koni s'ín tǵma; k'e nga isa chrañat'aà kii kasijna nga isa ndaa skoe, kii'nchrè jta-là Nainá nga kiichja-là, kitsò:

³² "An-ná xi Nainá tsò-na xǵta jchínga-lè, Nainá tsò-na Abraham, ko Isaac, ko Jacob." Tanga jè Moisés tà tsatsé-né nga 'nó kitsakjòn, mìkii kitsò-ikon nga kiskòotsejèn-la.

³³ Jè Nainá kitsò-la Moisés: "Chjaàxìn xojté xi titsjayi; jè i'nde ñánda tsijnasòin, i'nde tsjeè-né.

³⁴ Ndaa tǵbe kǵo'in xi nchisíkjeiín xǵta-na xi tǵtsajna Egipto. Jyeé ki'nchrè-la nga nchihojét'aà-na; koií xá kòbitojen-na nga siikǵtsajnañdiáá. Koií xá tǵchja-lè, nchroboí, ján siikasén-lè Egipto."

³⁵ Jñá xǵta Israel nas'ín tsachrjekàngui Moisés k'e nga kitsò-la: "¿Yá xi xǵtaxá kásikǵjna-lè ko xi ixkále kàtsò-lè?", tanga jè sobá Nainá kisikasén ján naǵandá Egipto koni jngoò xǵtaxá itjòn xi kisikǵtsajnañdeji xǵta Israel. Nainá kisikjeén jè àkǵale xi tsatsejèn-jìin yá na'yá xi títì.

³⁶ Jè Moisés xi tsachrjekàjìin xǵta Israel ján naǵandá Egipto. Nainá kisikjeén Moisés nga 'nó kǵjìn kǵoxkón kis'íin kóhokji Egipto, ko ya Ndáchikon Inì, kóhokji ñánda nangui kixì choòn nga ichán nó chinchimaya ndiyá.

³⁷ Tǵjè-ne Moisés xi kitsò-la jñá xǵta Israel: "Nainá kochrjekàjìin jngoò xi tǵ xǵta xinguiòo-nò, jè xi kichja ngajo-là Nainá koni 'an."

³⁸ Tǵkooá tǵjè-ne Moisés xi tsibǵjnako xǵta naǵandá Israel ya ñánda nangui kixì choòn, jè xi tsohóko àkǵale ya nindoò Sinaí, jè xi tsajmeiiko xǵta jchínga-ná nga kisikatoya-la 'én xi kitsjaà-la àkǵale; tǵkooá tǵjè-ne xi kitjóe-la 'én-la Nainá xi síkǵjnakon-ná mé-ne komá kisikatoya-ná jñá 'én.

³⁹ "Tanga jñá xǵta jchínga-ná, tsachrjenguií 'én xi kitsjaà Moisés, mìkii kisikitason. K'oaá s'ín kisikǵtsjeén jǵjìin inǵma-la, mejèn kii ñngoò k'a-ne ján Egipto.

⁴⁰ Kitsò-la jè Aarón: "Tindaà i'nga-ná nainá xi kǵjiko-ná. Jè Moisés xi tsachrjekàjìin-ná ján nangui Egipto, mìkii 'yaá mé xi komá-la."

⁴¹ K'ee tsibíndaà jngoò xkósòn xi nainá kitsò-la xi isén-la nchraja ki'ndí kji; kisik'en cho kǵotjò xi kitsjaà-la jè nchraja nga kǵjtseèxkón, ikjoàn tsibǵjna jngoò-la s'eí xi it'aà ts'e xkósòn xi tǵjñá tsibíndaà-ne.

⁴² Koií kjoa-la tsasit'aaxìn Nainá it'aà ts'e xǵta Israel. Kitsjaà'nde-la nga kǵjtseèxkón yije ni'no xi tǵjìn ngajmù. K'oaá s'ín tǵchja jè xojon xi kiskii jñá xǵta xi kiichja ngajo-là Nainá nga tsò:

Jñò xi xǵta naǵandá Israel tsajòn, k'e nga ichán nó tsitjaayaà ndiyá ya ñánda nangui kixì choòn, ko kinik'eèn cho nga mejèn-nò kits'ii kǵotjò-ná, mìtsá 'an kiyaxkón-ná.

⁴³ Majìn, ta saá kichijeèn ni'ya nikje-la Moloc,

ko ni'no ts'e Renfán xi nainá 'mì-là;

jñá isén xi tǵjñò tsibíndaà-nò nga kiyaxkón.

Koií kjoa-la nga kochrjekàjìin-nò i'nde tsajòn.

Ján siikasén-nò ñánda nga isa kǵjìin-la Babilonia.

⁴⁴ Ya ñánda nangui kixì choòn, jñá xǵta jchínga-ná kis'e-la Ni'ya Tsjeé xi nikje ñánda kǵjijòya kǵotixoma-la Nainá. K'oaá s'ín kisindaà koni s'ín

tsatixoma-la Nainá jè Moisés k'e nga kitsò-la nga kàtíndaà jngooò ni'ya koni kji isén-la ni'ya xi jye jè tsakó-la.

⁴⁵ Ni'ya tsjeè jè xi nikje, jñà xita jchínga-ná kjòngatsja; jñà xita Israel xi tjiiko Josué, j'liko ni'ya jè, k'e nga jahas'en nangui ijndé ñánda Nainá kitsjaà-la ko tsachrjekàjijn nangui-la jñà xita naxandá xi kj'eij. Ni'ya jè, yaá kisijna skanda nachrjein ts'e xitaxá ítjòn xi David ki'mi.

⁴⁶ Nainá, 'ño ndaà kisaseèn takòn David. Ko jè David mejèn-la kojindaà jngooò-la ni'ya ñánda jeya kájna Nainá xi beèxkón jñà xita tje-la Jacob.

⁴⁷ Tanga jè xitaxá ítjòn xi ki'mi Salomón, jè xi tsibíndaà jngooò-la ni'ya Nainá.

⁴⁸ Nainá xi 'ño nga tjna, mìtsà ya tjnaya ni'ya xi xita bíndaà. Jè xita xi kiichja ngajo-la Nainá kitsò:

⁴⁹ Jè ngajmii, jè íxile-na ñánda otìxoma;

jè isò'nde, k'oagá ngaya-la koni jngooò ískon ñánda nchasòn ndsokoaà.

¿A komaá-nò nga kindáà jngooò-ná ni'ya ñánda siikjáya? tsò Na'èn-ná.

⁵⁰ ¿A mìtsà 'an sobà xi tsibíndaà yije tsojmi koi?

⁵¹ Jè Esteban kitsò-isa-la:

—Jño, kjit'aà nachrjein, 'ño tajaàjijn tjin inima-nò, ko mikii ndaà na'ya koni s'in jñà xi mìtsà xita-la Nainá. Kjit'aà nachrjein kondra onguí-la Inima Tsjeè-la Nainá koni kis'iin jñà xita jchínga-nò.

⁵² Nijngooò xita xi kiichja ngajo-la Nainá xi mi kondra kii-la; kisik'en jñà xita xi j'ii kénajmi it'aà ts'e jè xita kixi xi tjinè-la nga kjoí. I'ndeí, nga jye j'ii jè xita kixi, yaá kiningatsja jñà xitaxá nga kisik'en.

⁵³ Jño, nas'in it'aà ts'e àkjale-la Nainá kitjoé-nò kjoitixoma, tanga mikii nikitasòn.

K'e nga k'en Esteban

⁵⁴ K'e nga kii'nchré 'én xi kiichja Esteban, 'ño jti komà-la ijijn inima-la, chiba-la kinenè ni'ño xi kondra ts'e Esteban.

⁵⁵ Jè Esteban, 'ño ndaà tijn inima-la Inima Tsjeè-la Nainá. Kiskoòtsejèn ngajmii; kijtseè kjoajeya-la Nainá nga Jesús ya síjnat'aà chrja kixi-la Nainá.

⁵⁶ Kitsò Esteban:

—Tibe-ná ngajmii nga tix'a; jè xi Ki'ndí-la Xita tsò-la yijo-la yaá síjnat'aà chrja kixi-la Nainá.

⁵⁷ Ngats'ii xita koi, tsibíchjoàto líká-la; ikjoàn 'ño kiskindàya; jngooò k'a kii kóhotjín nga jahatjen Esteban;

⁵⁸ tsachrjekàjijn naxandá; ko jñà xita ndiso xi kitsját'in 'én xi kondra kii-la Esteban, yaá tsibítsajnangui ndsoko jñà nikje-la ñánda síjna jngooò xita ixti xi 'mi Saulo mé-ne nga komà tsibínè-ne ndajo nga kisik'en.

⁵⁹ K'e nga tisinè ndajo, Esteban tíchjat'aà-la Nainá, kitsò:

—Na'èn Jesús, chjoétjoi inima-na.

⁶⁰ Esteban tsasijna-xkó'nchi, ikjoàn 'ño kiichja kitsò:

—iNa'èn, ki kindáà 'ni jé-la xita koi!

K'e nga jye okitsò, k'en.

8

¹ Jè Saulo, nga ya síjna tikoáá kisijngooò ikon nga kinik'en Esteban.

Mé kjoa-ne nga jè Saulo kitsobà'ño xita-la Cristo

Kjòts'ia-ne nachrjein jè nga 'nó kiütjngui kondra-la xita ngats'ii xita naxandá-la Cristo ján Jerusalén. Kóhótjín xita-la Cristo kitsjohoba kóhokji nangui Judea ko Samaria. Tà jña tsiningui-ne xita xi tsibíxáya-la Jesús.

² Tjín i'nga xita xi beèxkón Nainá, jña tsibíhijín Esteban. 'Nó kiskindáyakeè.

³ Tanga jè Saulo, 'nó kiütjngui kondra-la xita naxandá-la Cristo. Xki xi ján ni'ya jahas'en nga kjo'ño ochrje íchjín ko íchjá, íkjoàn kinís'en ndayá.

Mé xi komà ya nangui Samaria k'e nga kiichjaya 'én-la Nainá jè Felipe

⁴ Jña xita xi kitsjohoba, xki xi ján kii nga kisika'bí 'én ndaa-la Nainá xi kjoa ts'e Cristo.

⁵ Jè Felipe, k'e nga ijchò naxandá Samaria, yaá tsibénojímí it'aà ts'e Cristo [xita xi xó kisikasén-ne Nainá].

⁶ Jña xita Samaria nga kjín ma, k'e nga kii'nchré tikoá kijtseè jña kjoxkón ndaa xi kis'ín Felipe, kóhótjín, isaá ndaa kii'nchré-isa koni s'ín tsibénojímíya-la.

⁷ Kjín xita xi iníma ch'o-la nejí tjíin iníma-la kjòndaà-ne. Jña iníma ch'o-la nejí, 'nó kjindáya k'e nga bitjojín iníma-la xita. Tikoáá kjín xita ima kjòndaà-ne xi mikil ma síhiniyá yijo-la ko xi tsá'yá kjoàn.

⁸ K'oáá ma-ne nga jña xita naxandá jè, 'nó tsja kis'e-la.

⁹ Ya Samaria tsibijna jngoè xita xi Simón ki'mì. K'e nga sa ítjòn, maá-la bíndaà. Kjín nó kiskoðnachan-la xita xi ya i'nde-la nga chincháxkón-la nga kitsò: "An 'nó ndaa machiya-na."

¹⁰ Ngats'ii xita ixti ko xita jchínga, ndaa kii'nchréñijon-la; kitsò:

—Jè xita jè xi tse nga'ño tjín-la it'aà ts'e Nainá.

¹¹ Koií kjoa-la nga ndaa kii'nchréñijon-la nga jye ko kjín nó konachan-la nga bincháxkón-la nga 'nó ndaa ma-la bíndaà.

¹² Jña xita, k'e nga kòkjeín-la 'én ndaa-la Nainá kó s'ín otíxoma Nainá ko it'aà ts'e Jesucristo xi jè Felipe tibeñojmí, tsibíts'ia nga komà bautizar íchjín íchjá.

¹³ Skanda tjje-ne Simón tikoáá kòkjeín-la; íkjoàn komà bautizar. Nándá tsajmeè Felipe, yaá tsajmeiiko Simón. Tà k'oáá ma-la nga tibeè kjoxkón ndaa xi tís'ín Felipe ko kjoa xi okó kjoa jeya-la Nainá.

¹⁴ Jña xita xi tsibíxáya-la Jesús xi títsajna Jerusalén, k'e nga kii'nchré nga jña xita Samaria jyeè kòkjeín-la 'én-la Nainá, kisikasén jè Pedro ko Juan.

¹⁵ Jña xita koi, k'e nga jye ijchò Samaria, tsibítsi'batji jña xita xi jye kòkjeín-la mé-ne nga tjoé-la jè Iníma Tsjeè-la Nainá.

¹⁶ Nga jè nachrjein jè, ni saá jngoè tjoé-la Iníma Tsjeè-la Nainá. Sà tà jè it'aà ts'e Na'èn-ná Jesús komà bautizar xita koi.

¹⁷ Jè Pedro ko Juan, k'eé tsohósòn-la tsja, íkjoàn kitjoé-la Iníma Tsjeè-la Nainá.

¹⁸ Jè Simón, k'e nga kijtseè nga jña xita xi tsibíxáya-la Jesús, ósòn-la tsja jña xita, niñoón tjoé-la Iníma Tsjeè-la Nainá, jè Simón tsibít'aà-la ton jña xita-la Cristo,

¹⁹ kitsò-la:

—An, tikoá tjii-ná nga'ño jè, mé-ne nita yá xita-ne xi kosòn-la ndsaa tikoá tjoé-la Iníma Tsjeè-la Nainá.

²⁰ Jè Pedro kitsò-la:

—iKàtiyaàkoií ton-lè! Ngaji, k'oáá s'ín níkitsjìin tsà maá bindaa-ná kjotjò xi tsjá Nainá.

²¹ Ngaji mikilí tjí'nde-lè it'aà ts'e xá jè nga jè iníma-lè mì kixi tjina nguixkón Nainá.

²² Tíkájnoi jé-lè, nga ch'o tsò ya ijìin inìma-lè, kì tì jé binchaàtsji-ne. Tijét'aà-la Nainá tsà koi nàchrjein-la sùljchàat'aà-lè jé-lè.

²³ Be-ná nga jè kjoaxitakòn xi tjiin inìma-lè kò jè kjoach'o-lè mìkii tsjá'nde-lè nga ndaà 'nì.

²⁴ Jè Simón k'ée kitsò:

—Sijét'aà-nò, titsi'ba-la Nainá xi it'aà ts'an mé-ne nga mì k'o'a s'ín kòmat'ian ngats'ì kjoa xi k'oas'ín titsa'mi-ná.

²⁵ Jñà xita xi tsibíxáya-la Jesús, k'e nga jye kitsjaà 'én it'aà ts'e Cristo tikoá tsakóya 'én ndaà-la Nainá, kii jngoo k'a-ne ján Jerusalén. K'e nga chinchimaya ndiyá, kjin xita naxandá jtobá xi chja-ne Samaria tsibénojmi-la 'én ndaà-la Nainá xi kjoa ts'e Cristo.

Jè Felipe kò jngoo xita Etiopía

²⁶ Xi jye komá, jngoo àkjalé-la Nainá kiichja-la Felipe, kitsò-la:

—Tisítjiiin, t'in kixi ndiyá xi bitjokát'aà-ne Jerusalén, fijen bijchó skanda Gaza.

(Ndiyá jè, yaá fahato ya i'nde it'aà xìn ñánda nangui kixi choòn.)

²⁷ Felipe, tsasítjen, kii; ya jya ndiyá kisatilkjoó jngoo xita x'in ts'e Etiopía xi 'ño 'nga xá tjín-la xi jye kjòxkii-la nga mì tì ichjín sùs'in-ne; tesorero tjín-la ts'e chjoón sko-la Etiopía xi 'mì Candace. Jerusalén j'ii-ne xita jè nga kii jngoo ñánda beèxkón Nainá.

²⁸ Xita jè, k'e nga tíncrobá-ne nangui-la, tjínaya carreta-la; túbíxkejiiin xojoñ xi kiskii Isaías, xita xi kiichja ngajo-la Nainá.

²⁹ Jè Inìma Tsjeè-la Nainá kitsò-la Felipe:

—T'in tjingui-la carreta jè, tsjahjtakoi.

³⁰ Felipe nitoón kiitjngui-la, kii'nchré-la jè xita nga túbíxkejiiin xojoñ xi kiskii Isaías, xita xi kiichja ngajo-la Nainá; ikjoàn kiskònangui-la kitsò-la:

—¿A fíyaá-lè kó s'ín tichja xojoñ xi túbíxkejiiin?

³¹ Jè xita etiope kitsò:

—¿Kó s'ín koma kjíya-na nga mì yá bénojmiya-na? K'ée tsibítsi'ba-la Felipe nga tsjin-jno carreta; yaá tsibijnayako.

³² Jè Xojoñ-la Nainá xi túbíxkejiiin ts'e Isaías tsò-né:

Kiiko koni jngoo orré nga kii sík'en; k'oaa'á ngayá-la koni jngoo orré ki'ndí xi mìkii kjindáya k'e nga tísjño-la, k'oaa'á s'ín mìkii kiichja k'e nga tsatojiiin kjo'in.

³³ K'e nga tsachrjekàngui xita, mì kixi kisindaajiiin-la.

Nga mì yá xita tje s'e-la, nìyá xi sùkítsjeèn,

nga jè, kinik'en-né i'isò'nde.

³⁴ Jè xita etiope kitsò-la Felipe:

—T'iiin kjondaà. Tènojmiya-ná yá-né xi k'oas'ín títso-la jè Isaías; ¿a kj'eii xita-né, a xi tije-ne yijo-la?

³⁵ Felipe tsibíts'ia'ko-ne jè xojoñ xi túbíxkejiiin xita etiope; tsibénojmi yije-la it'aà ts'e 'én ndaà-la Nainá xi kjoa ts'e Jesús.

³⁶ Koni s'ín nchifíya ndiyá, ijchò jngoo i'nde ñánda tjín nandá, kitsò xita etiope:

—I'nde jè, tjín nandá; ¿a mìtsà ndaà s'e tsà s'iaàn bautizar yijo-na?

³⁷ Felipe kitsò-la:

—Tsà koo inìma-lè nga ndaà mokjeiín-lè koma-né.

Xita jè kitsò:

—Mokjeiín-na nga Jesús, jè xi Cristo xi Ki'ndí-la Nainá.

³⁸ Kò kitsjaà òkixi nga tsasíjna carreta, ikjoàn tsitajen ingajò, jahas'en-jiin nandá, jè Felipe kis'iin bautizar.

³⁹ K'e nga jye itjokàjiin-ne nandá, Felipe, tà nitoón kichijá; jè Iníma Tsjeè-la Nainá kùkò; mì tì kii kijtseèxkon-ne xíkjin; tanga jè xitá etiope, k'e nga tífi ya ndiyá, tsjaà jchán tjin-la.

⁴⁰ Jè Felipe k'e nga kjòchija-la jye ya tjna naxandá Azoto; xkì xi ján naxandá tsibénojmi 'én ndaà-la Nainá xi kjoa ts'e Cristo skanda k'e nga ijchò naxandá xi 'mì Cesarea.

9

Kòs'in komà k'e nga jè Saulo kòkjiin-la it'aà ts'e Cristo

(Hechos 22:6-16; 26:12-18)

¹ Saulo, xkì xi ján i'nde bincháxkón-la xitá xi kota'yat'aà-la Cristo nga mejèn-la sùk'en. K'oaá ma-ne nga kùkon jè nò'mi itjòn,

² nga kisijè-la xojon xi tjin-la nga'ño xi k'oa ts'e jña ni'ya ingo sinagoga ján Damasco, mé-ne nga koma tsobà'ño-ne xitá íchjin kò íchjá xi fit'aà-la jè ndiyá xitse-la Cristo; ikjoàn kjinchrobàko Jerusalén nga sùkítsajna ndayá.

³ K'e nga nchifiya ndiyá nga jye kjòchrañat'aà-la naxandá Damasco, tà nitoón kjòhiseèn jngoò itjandi-la jngoò ni'in xi inchrobà-ne ngajmii.

⁴ Jè Saulo kiskaàjndoòt'aà nangui, ikjoàn kii'nchré-la 'én xi kùchjajiin isén xi kitsò:

—Saulo, Saulo, ¿mé-ne 'an tì'mitjinguì kondra-ná?

⁵ Saulo kitsò:

—¿Yá-né ngaji, Na'èn?

Jè xi tíchja kitsò:

—'An-ná Jesús xi tì'mitjinguì kondra-ná. Tíjii tityatoòn-ne yijo-lè, k'oaá ngaya-la koni tsà nchraja tsjón-la jè yá xi bínès'en-la nei-la.

⁶ Saulo, tsí tsatsé-né; tsí ndaà kitsakjòn; k'ee kitsò:

—Na'èn, ¿mé xi mejèn-lè nga 'an s'iaàn?

Jè Na'èn-ná kitsò-la:

—Tísitjiin, títjás'en-jiin naxandá; yaá s'enojmí-lè mé xi s'jin.

⁷ Jña xitá xi tjiko Saulo, tà kisinchaà-né nga 'ño kitsakjòn; kii'nchré-la jè xi tíchja tanga miki kijtseèxkon yá xi tíchja.

⁸ Jè Saulo, tsasítjen-t'aà-ne nangui, tanga k'e nga kiskíx'a xkon mì tì kii kjòtsejèn-la. Tà jña xitá xi tjiko kitsobát'aà, kùkò ján Damasco.

⁹ Ján naxrjein tsibijna nga mì tì kii kotsejèn-la; njímé xi kiskine tjiko njímé xi kits'ii.

¹⁰ Ya naxandá Damasco tjna jngoò xitá xi kota'yat'aà-la Cristo xi 'mì Ananías; Nainá kùchja-la nga tsatsejèn jngoò-la kjoa koni tsà nijña tí'bi-la, kitsò-la:

—¡Ananías!

Kùchja Ananías kitsò:

—¿Mé-ne Na'èn? ¿Mé xi mejèn-lè?

¹¹ Jè Na'èn-ná kitsò-la:

—Tísitjiin, t'in jè calle xi 'mì Calle Kixi, ya ni'ya-la Judas; ya tinchátsji jngoii xitá xi 'mì Saulo xi ya i'nde-la Tarso. I'nde, tíbisi'ba-né.

¹² Saulo jyeé kòbèè jngoò kjoa koni tsà nijña tí'bi-la xi tsò: jngoò xitá xi 'mì Ananías kòbijchókon nga kòhòsòn-la tsja nga kòmandaá jngoò k'a-ne xkon.

¹³ Ananías, k'e nga kii'nchré kitsò:

—Na'èn, tjiin-na, kjiin xita jye tsibénojmi-na nga 'ño ch'o kjoàn xita jè; jè-né xi 'ño tibeetoòn xita tsiji ján Jerusalén.

¹⁴ I'ndeji koií xá j'ií-ne skanda ijndé, tjin-la okixi it'aà ts'e no'mií ítjòn nga tsoba'ño ngats'ií xita xi mokjeiín-la it'aà tsiji.

¹⁵ Nainá kitsò-la Ananías:

—Tich'oín xita jè; xó jaàjiin-na; k'oaá s'in kochjeén-na nga jè kichjaya it'aà ts'an nga títsa isò'nde nguixkon ngats'ií xita xi mitsà xita judío ko xitaxá ítjòn-la, tikoá jña xi xita Israel.

¹⁶ Aán kokoò yije-la kjo'in xi 'ño tse siikjeiín xi kjoa ts'an.

¹⁷ Ananías kii ñánda tjna Saulo; jahas'en ni'ya. Tsohósòn-la tsja, kitsò-la:

—Ndsè Saulo, jè Na'èn-ná Jesús xi kiichja-lè ya iya ndiyá k'e nga tjinchroboí, jè kásikasén-na nga kotsejèn ijngoò k'a-lè tikoá sijiin inima-lè Inima Tsjeé-la Nainá.

¹⁸ Saulo, nitoón kitjaàxin-la xkon xi koni kjoàn chrjoa ton-la tjin. Ijjoàn kjotsejèn ijngoò k'a-la. K'ée tsasitjen, ijjoàn komà bautizar.

¹⁹ Saulo, tsakjèn; ijjoàn kis'e ijngoò k'a-la nga'ño. Tsiibijnako chiba nachrjein jña xita xi kota'yát'aà-la Cristo xi títsajna Damasco.

Kós'in komà nga jè Saulo kiichjaya 'én-la Cristo

²⁰ Saulo, nitoón tsibíts'ia nga kiichjaya it'aà ts'e Jesús ya ngats'ií ni'ya ingo sinagoga nga jè Jesús, jè xi Kí'ndí-la Nainá.

²¹ Ngats'ií xita xi kii'nchré-la tà kjòxkón-la; kitsò-la xikjín:

—¿A mitsà jè xita jè xi tsangatjingui-la xita ján Jerusalén, jña xi mokjeiín-la it'aà ts'e Jesús? ¿A mitsà tikoá koií xá j'ií-ne ijndé nga ndayá kjiiko yije xita koi, ijjoàn siingatsja no'mií ítjòn?

²² Tanga Saulo, isaá 'ño tse nga'ño tisiijin inima-la nga chjaya. Jña xita judío xi títsajna Damasco, skanda mi tji kii beè-ne kós'in siikitsjeén koni s'in tsakóya Saulo nga ngui 'én kixi-né nga Jesús, jè xi Cristo [jè xi xó kiskasén-ne Nainá].

K'e nga jè Saulo tsanga-la xita judío

²³ Nga jye komà kjiin nachrjein, jña xita judío, tsajoóya-ne nga siik'en Saulo.

²⁴ Tanga jè Saulo kii'nchré koni s'in tsajoóya-ne nga jña xita judío, ko nachrjein ko nitjen kisikinda, tsibítsajnajto xotjoa-la naxandá nga mejèn-la siik'en.

²⁵ Tanga jña xita-la Saulo, k'e nga jño, kiiko, kisikijnaya jngoò nisiyá xi je kji; ijjoàn kiskinis'en-kjá ñánda tix'á chiba jè chrjó xi tjindii-la naxandá ko yaá kiskinjen-jno jè chrjó, mé-ne komà tsanga-ne.

K'e nga tsibijna Jerusalén jè Saulo

²⁶ Saulo, k'e nga ijchò-ne ján Jerusalén, mejèn-la nga ya koahijtako jña xita xi kota'yát'aà-la Cristo, tanga ngats'ií xita koi, tà kitsakjòn-la, nga mikii kòkjeiín-la tsà kixi kjoa nga tikoá ya kota'yát'aà-la Cristo.

²⁷ Tanga jè Bernabé k'ée kiiko ñánda títsajna xita xi tsibixáya-la Jesús. Tsiibénojmi-la nga jyeé jahatjya-la k'e nga kijtsee Na'èn-ná Jesús nga kiichja sobà-la ya iya ndiyá k'e nga tífi Damasco; tikoáá tsibénojmi-la nga ján Damasco 'ño ndaá kiichja it'aà ts'e Jesús, mikii kitsakjòn.

²⁸ Saulo, yaá tsibijnako jña xita xi tsibixáya-la Jesús; yaá tsajmeiiko Jerusalén. Mikii kitsakjòn nga kiichjaya it'aà ts'e Jesús.

²⁹ 'Ñó kiichjako jña xita judío xi 'én griego chja nga tsajoókjoòko xikjín; tanga jña xita koi tsohótsji'nde-la kó s'in siiko nga mejèn-la siik'en Saulo.

³⁰ Jñà x̄it̄a xi 'ndse joó it'aà ts'e Cristo, k'e nga kii'nchré 'én koi, kiikò Saulo ján Cesarea, ikjoàn kisikasén skanda ján Tarso.

³¹ Ngats'ii x̄it̄a naxandá-là Cristo, 'nchán tsibitsajna kóhótjín naxandá xi chja-ne nangui Judea, Galilea kò Samaria; ni t̄i mé kjoasii kis'e-ne. Kis'e-isa-là nga'ño ts'e inima-là nga isa ndaa kijtseèxkón Nainá; jè Inima Tsjeè-là Nainá isa ndaa tsasikò nga isa kjin komà x̄it̄a-là Cristo.

Kós'in komà k'e nga kjòndaà-ne Eneas

³² Jè Pedro, k'e nga tsajmeèsòn j'nde koi, t̄ikoaá kiikon x̄it̄a-là Cristo xi t̄itsajna ya naxandá Lida.

³³ Ya t̄jna jngòò x̄it̄a xi 'mì Eneas; jyeé t̄jín-là j̄in nó nga kijna xk'én, mikì ma síkjaníyá yijo-là.

³⁴ Pedro kitsò-là:

—Eneas, jè Jesucristo tísindaà-lè. T̄isítj̄in, tixkóyì nijñaà-lè.

Eneas, n̄itoón tsasítj̄en.

³⁵ Ngats'ii x̄it̄a xi t̄itsajna ya naxandá Lida kò Sarón, kijtseè Eneas nga tsajmeè-ne, ikjoàn kòkjeín-là it'aà ts'e Nà'èn-ná Jesús.

K'e nga jaáya-là Dorcas it'aà ts'e kjoqbiyaa

³⁶ Ya naxandá Jope t̄jna jngòò chjoón xi kota'yat'aà-là Cristo: Tabita 'mì. Jè 'én griego, Dorcas 'mì. [Jè 'én tsaján, Naxín tsò-ne.] Chjoón jè, 'ño ndaa x̄it̄a, t̄ikoaá ndaa síchjât'aà-là x̄it̄a ima.

³⁷ Jñà nachrjein koi, chjoón jè, kjòk'én koá k'en. K'e nga jye kisihingáya, kiikò, kisikájnya ni'ya xi ma-ne jò piso.

³⁸ Jè naxandá Lida yaá kijnat'aà chraña-là Jope. Jñà x̄it̄a xi kota'yat'aà-là Cristo kii'nchré nga ya t̄jna Lida jè Pedro. Kisikasén jò x̄it̄a x'in xi kii kítsi'ba-là, kitsò-là:

—Kì n̄ikachrjein-jèn, n̄iton nchrobáchón-nájen.

³⁹ Pedro, k'e nga kiskaat'aà-là okixi, n̄itoón tsasítj̄en; tsobáhihtakò x̄it̄a koi. K'e nga ijchò Jope, kiikò ñánda kijna mik'en; jahas'en ni'ya. Ngats'ii íchjín ka'an xi t̄itsajna ijchò kinchat'aà-là Pedro nga kjindáya; tsakó-là x'io kò nachrò xi tsibindaà Dorcas k'e nga t̄isa t̄jnakon.

⁴⁰ Pedro tsachrje yije ni'ya jñà x̄it̄a koi; ikjoàn tsasixkó'nchi, kiichjat'aà-là Nainá; k'ée kiskoò'an jè mik'en, kitsò-là:

—¡Tabita, t̄isítj̄in!

Jè mik'en, kiskix'angui-ne xkon. K'e nga kijtseè Pedro, tsibijna kixi.

⁴¹ Pedro kitsjaà-là tsja, kisikasítj̄en; ikjoàn kiichja-là x̄it̄a-là Cristo kò jñà íchjín ka'an; tsakó-là Dorcas nga t̄jnakon-né.

⁴² Kjoa jè, ki'ya yijeé-là kóhokji Jope; kjin x̄it̄a kòkjeín-là it'aà ts'e Nà'èn-ná Jesucristo.

⁴³ Jè Pedro, kjin nachrjein tsibijna ya Jope, ya ni'ya-là x̄it̄a xi 'mì Simón chjinechrjoa.

10

K'e nga jè Cornelio kiichja-là Pedro

¹ Ya naxandá Cesarea tsibijna jngòò x̄it̄a xi 'mì Cornelio, jè xi x̄it̄a sko-là ts'e soldado xi jngòò sindò ma-ne xi ya chja-ne xi 'mì Italiano.

² Jè Cornelio, ngats'ii x̄it̄a ni'ya-là, ndaa beèxkón Nainá, t̄ikoaá tsakjón-keè Nainá. Ndaa síchjât'aà-là jñà x̄it̄a ima xi nì mé t̄jín-là. Kjit'aà nachrjein bísi'ba-là Nainá.

³ Jngoò nàchrjein, ijchò-la tsà xi jàn nga nguixòn, tsatsejèn jngoò-la kjoa koni tsà nijñá tí'biì-la nga jahas'en jngoò àkjale-la Nainá ya ni'ya ñánda tíjna; kitsò-la:

—iCornelio!

⁴ Jè Cornelio, k'e nga kiskoò'an àkjale, tà kitsakjòn-la, kitsò-la:

—¿Mé xi mejèn-lè na'èn?

Jè àkjale kitsò:

—Jyeé ijchò kaàt'aà-la Nainá jè kjoa bítsi'ba-lè ko kjoa nga nìchját'aà-la xita ima xi nì mé tíjn-la. Jè Nainá ndaà sasén-la.

⁵ Tìkasín xita-lè ján naxandá Jope; kàtikjaá Simón xi tìkoa Pedro 'mì.

⁶ Ya tíjna ni'ya-la xita xi tìkoa Simón 'mì xi chrjoa-la cho síhinda. Jè ni'ya-la yaá kijnandii ndáchikon. Jè keènjmí-lè mé xi s'jin.

⁷ K'e nga jye kii-ne àkjale-la Nainá xi tíchjako Cornelio, kiichja jò-la xita chij'nda-la koa jngoò soldado xi ndaà beèxkón Nainá xi ya síxát'aà-la.

⁸ K'e nga jye tsibéojmí yije-la ngats'ii kjoa xi kii'nchré, ikjoàn kisikasén ján naxandá Jope.

⁹ K'e nga komà nchijòn, ijchò-la tsà nchisen, jñà xita koi, jyeé kjomeé bijchó chraña-la naxandá Jope. Tijè-ne hora jè Pedro, tsijin isò'nga ni'ya nga kii kítsi'ba-la Nainá.

¹⁰ Pedro, jyeé 'ño kjòhojò-la; mejèn-la nga kòkjen, tanga tíkoñaá-la, k'ée tísindaà tsojmí xi skíne; tsatsejèn jngoò-la kjoa koni nijñá tí'biì-la.

¹¹ Kijtsee nga tíxá ngajmii; inchrobàjen jngoò níkje skanda it'aà nangui xi 'ño teè kji, tjt' aà'ño nga ñijòn chrjangui-la.

¹² Jè níkje, yaá títsajnaya yije cho xi tíjn i it'aà nangui xi ñijòn ma ndsoko ko jñà cho xi bifejno yijo-la nangui, ngats'ii cho xi tíjn-la jngáá xi tíjma jjiin isén.

¹³ Jè Pedro kii'nchré jngoò 'én xi kitsò-la:

—Pedro, tísitjin, tìk'in cho koi, chinji.

¹⁴ Kitsò Pedro:

—Na'èn, majin; ni saà jngoò k'a tsojmí tjé kínee xi xkón tíjn it'aà ts'e kjotíxoma.

¹⁵ Pedro, jngoò k'a kii'nchré 'én xi kitsò-la:

—Tsojmí xi Nainá jye kisitsjeè nga ma chjine, kì tsojmí tjé 'mì-la.

¹⁶ Jè kjoa ts'e níkje, jàn k'a okomà. Ikjoàn tsijin jngoò k'a-ne ján ngajmii.

¹⁷ Pedro, tísikítsjeèn kó tsòya-ne jè kjoa xi kijtsee. Tìk'ée-ne ijchò kinchajto xotjoa ni'ya jñà xita xi kisikasén Cornelio nga jye kiskònangui ñánda-ne ni'ya-la Simón.

¹⁸ Kiskònangui, a yaá tíjna jngoò xita xi Simón 'mì, tìkoa tít'aàsòn 'ín-la nga Pedro 'mì.

¹⁹ Jè Pedro, tákó k'ée tísikítsjeèn jè kjoa xi kijtsee, jè Inima Tsjeè-la Nainá kitsò-la:

—Jàn ma xita xi ji ótsji-lè.

²⁰ Tísitjin, titjojin, kì jò 'beé-la takòin nga 'mìkoji; jñà xita koi, 'aán kásikasén.

²¹ Jè Pedro inchrobàjen ñánda 'ncha xita xi kisikasén Cornelio, kitsò-la:

—'An-ná xi binchaàtsji-ná; ¿mé xá xi kòf'i-nò?

²² Jñà xita koi kitsò:

—Jè kisikasén-najen xita sko-la soldado xi 'mì Cornelio, jngoò xita kixi xi ndaà beèxkón Nainá, tìkoa jè, ndaà yaxkón it'aà ts'e naxandá Israel. Jngoò

xó àkjàlè-là Nainá k'oa kitsò-là nga ngaji skìnìkjaá-lè nga k'óin ni'ya-là mé-ne nga kénòjmíya-là 'én xi jí tìhokòdyi.

²³ Jè Pedro kisikas'en ni'ya-la; yaá kisikjáyako jngòò nìtjen. Xi komà nchìjòn, kíikò xítà koi; tìkoáá tsobáhìjtakò i'nga xítà xi mokjeiín-là it'aà ts'e Cristo xi títajna ya Jope.

²⁴ Xi komà nchìjòn ijchò Cesarea; jyeé tìkoña jè Cornelio; jyeé títajna xítà xíkín ko amigo-là xi ndaà ókò xi xó kisikí'nchré-ne.

²⁵ K'e nga jye ijchò Pedro, jè Cornelio itjo ni'ya nga kisihiat'aà; tsasìxkó'nchit'aà-là nga kijtseèxkón.

²⁶ Tanga jè Pedro kisikasítjen, kitsò-là:

—Tìsítjìin; 'an, tìkoáá ta xítà-ná koni ngaji.

²⁷ Jè Pedro, nga tìhókò Cornelio, jahas'en ni'ya; kijtseè nga 'ñó kjin ma-ne xítà xi ya títajna.

²⁸ Pedro kitsò-là:

—Jñò, tìjìin-nò nga jñà xítà judío mìkìl tìj'nde-là nga jñà xítà xi xìn i'nde-là sjiingásòn-ko, mìkìl ma kjoas'en ni'ya-là xi mìtsà xítà judío. Tanga Nainá tsibénòjmíya-na nga nìjngòò xítà xi koma xán-là: jñò, taxkì xítà-nò ko xítà tjé-nó nga nguixkòn Nainá.

²⁹ Koi kjoa-là k'e nga ijchò nokjoà-ná, mìkìl kisitájaàjñà, nìtòón inchrobà. Jè xi kjonanguia, ¿mé xá xi nokjoà-ná?

³⁰ Cornelio kitsò:

—Tjín-là ñijòn nàchrjein, tìjè-ne hora jè nga xi jàn nga nguixòn, k'e nga tìchjàt'aà-là Nainá i ni'ya-na, tà nìtòón tsatsejèn jngòò xítà xi tsasijna nguixkoaàn; 'ñò ote kji nikje-là.

³¹ Kitsò-na: “Cornelio, jè kjoa bìtsi'ba-lè jye kina'yà-là ko jye ki'ya-là nga nguixkòn Nainá koni s'ín nìchjàt'aà-là xítà imà xi nì mé tjín-là.

³² Tìkasín xítà-lè ján naxandá Jope, kàtikjaá Simón xi tìkoá Pedro 'mì. Ya tjina ni'ya-là xítà xi tìkoá Simón 'mì xi chrjoa-là cho síhinda. Jè ni'ya-là yaá kijnandii ndáchikon.”

³³ K'oaá komà-ne nga nìtòn kiskinìkjaá-lè. Ndaà kà'nè-ne nga kànchrobòl. Kóhòtjín-jen jí títajna-jen nga nguixkòn Nainá mé-ne nga kìná'ya yije-jen mé okixì xi kitsjaà-lè Nainá nga kénòjmí-nájen.

K'e nga kiichja Pedro ya ni'ya-la Cornelio

³⁴ Pedro tsibíts'ia nga kiichja, kitsò:

—Kixìj kjoa, tìbe-ná nga Nainá mìkìl faájìin nìtá yá xítà-ne, tà ngàsòn fiko yije.

³⁵ Nainá kjoètjò-né nìtá yá xítà-ne nìtá ñánda-ne i'nde-là xi beèxkón Nainá xi tìkoá s'ín kjoakixì.

³⁶ Nainá kisikasén 'én-là ya naxandá Israel; tsibénòjmíya-là 'én ndaà-là nga 'nchán kìtsajnaoáá Nainá it'aà ts'e Cristo, jè xi otìxoma-là ngats'ìl xítà xi tjín isò'nde.

³⁷ Jñò, ndaà tìjìin-nò koni s'ín komà kóhokji nangui-là xítà judío, kjòts'ia-ne i'nde Galilea k'e nga jye kiichjaya Juan xi kjoa ts'e bautismo.

³⁸ Tjìjìn-nò nga jè Jesús xi Nazaret ts'e, Nainá xó jaájìin-ne nga kitsjaà-là Inimà Tsjeè-là ko nga'ñó. Nìtá ñánda-ne nga tsajmè Jesús, ndaà tjín kjondaà xi kis'iin; kisindaà-ne xítà xi kjo'in nchisikjeiín it'aà ts'e xítà nejí. Koi k'oa's'ín kis'iin-ne nga jè Nainá tìjnako.

³⁹ K'oaá ma-ne bènojmi-jen nga xkoón ki'ya-najen ngats'iì kjondaà xi kis'iìn Jesús ya nangui-la xita judío ko Jerusalén. K'e nga komà iskan, jña xita kisik'en Jesús, tsibítjohónguit'aà krò.

⁴⁰ Tanga nga ijchò jàn nachrjein Nainá kisikjaáya-la ko k'oaá s'in kis'iìn nga kiyaxkon ijngoò k'a-la nga jye jaáya-la.

⁴¹ Mítsa ngats'iì xita naxandá kijtseèxkon, tà ngajen-nájen xi xó kjòtseé kitjaajin-najen mé-ne nga koma kénojmi-jen xi it'aà ts'e, ngajen-nájen xi chichiko-jen tikoá ki'yòko-jen k'e nga jye jaáya-la.

⁴² Jè Jesús tsibít'in-najen nga kinókojaya-jen ko kénojmi kixi-lajen xita naxandá nga jè Jesús, k'oaá s'in kisikijna Nainá koni xitaxá itjòn nga jè bíndaajin-la xita xi títajnakon ko xi jye k'en.

⁴³ Ngats'iì xita xi kiichja ngajo-la Nainá, k'oaá s'in tsjá 'én nga ngats'iì xita xi mokjeiin-la it'aà ts'e Cristo, it'aà ts'e-né nga jchat'aà-la jé-la.

K'e nga kitjóe-la Iníma Tsjeè-la Nainá jña xi mítsa xita judío

⁴⁴ Tákó tik'eé tíchja ísa Pedro, ngats'iì xita xi nchi'nchré-la itjojen-nè Iníma Tsjeè-la Nainá.

⁴⁵ Jña xita judío xi tjiko Pedro [xi tikoá jye mokjeiin-la it'aà ts'e Cristo], tà k'oaá komà-la k'e nga kijtseè nga jña xi mítsa xita judío, tikoá ndaà itjojen-nè jè Iníma Tsjeè-la Nainá.

⁴⁶ Nga kiil'nchré-la nga chja xi kj'eíí 'én, tikoá chjat'aà-la Nainá nga 'ñó jeya síkijna.

⁴⁷ K'eé kitsò Pedro:

—Mí-la kii koma kichakjáya-là jña xita koi nga koma bautizar nga jyeé kátjóe-la Iníma Tsjeè-la Nainá koni s'in kitjóe-ná jña.

⁴⁸ Jè Pedro kitsjaà okixi nga koma bautizar xita koi it'aà ts'e Na'èn-ná Jesucristo. Ikoàn jña xita tsibítsi'ba-la Pedro nga kátijnako chiba nachrjein ísa.

11

Mé'én xi kiichja Pedro nga tsibénojmi-la xita naxandá-la Cristo ján Jerusalén

¹ Jña xita xi tsibíxáya-la Jesús ko xita xikín xi 'ndse joó it'aà ts'e Cristo xi títajna nangui Judea, kiil'nchré nga jña xi mítsa xita judío tikoá jye kòkjeiin-la 'én-la Nainá.

² Jña xita judío xi mokjeiin-la it'aà ts'e Cristo tsohótiko Pedro, k'e nga ijchò-ne ján Jerusalén.

³ Kitsò-la:

—¿Mé-ne ya kiil-ne ni'ya-la xi taxki xita xi mítsa xita judío, skanda yaá chichikoii?

⁴ Jè Pedro k'eé tsibíts'ia nga ndiyá ndiyá tsibénojmi yije-la koni s'in komàt'in; kitsò-la:

⁵ —K'e nga tijnáa ján naxandá Jope, nga tíchjat'aà-la Nainá, tsatsejèn jngoò-na kjoá koni tsá nijña tí'bil-na, jngoò níkje kijtseé xi 'ñó te kji, tjí'ño nga ñijòn chrjangui-la xi ngajmii inchrobájen-ne, j'í skanda ñánda tijnáa.

⁶ K'e nga kiskoòtsejèn-la, ndaà kijtseé nga títajnaya cho xi tjin í it'aà nangui xi ñijòn ma ndsoko ko cho ts'en xi tjin jjiin ijña, ko cho xi bífejno yijo-la nangui, ngats'iì cho xi jngaá tjin-la xi tjimajin ísén.

⁷ Kí'nchré jngoaa 'én xi kitsò-na: “Pedro, tísítjin, tik'iin cho koi, chinji.”

⁸ An kixan-la: “Majin Na'èn, 'an, ni saá jngoò k'a tsojmi tjé kínee xi xkón tjin it'aà ts'e kjotíxoma.”

⁹ Xi ma-ne jò k'a, ijngoò k'a kiichja-na ján ngajmù kitsò-na: “Tsojmì xi Nainá jye kisitsjeè nga ma chjine, ki tsojmì tjé 'mì-là.”

¹⁰ Jè kjoa koi, jàn k'a okomà. Ikjoàn tsijin yije ijngoò k'a-ne ján ngajmù.

¹¹ Tijè-ne hora, jàn xita ijchò kátsji-na ya ni'ya ñánda tjnaa xi ján inchrobà-ne Cesarea xi xó kisatiixá-là.

¹² Jè Inima Tsjeè-là Nainá kitsò-na: “Tikoji xita koi; ki jò beè-là takoin nga tsjáhihtakoji; tikoáá tsobáhihtako-na jña xita 'ndsè xi joòn ma-ne xi i títajna; ijchò-jen ya ni'ya-là jè xita xi kiskinikjaá-na, ikjoàn tsitjaas'en-jen ni'ya-là.”

¹³ Xita jè tsibénojmí-najen nga jngoò xó àkjalé kijtsee ya ni'ya-là xi kitsò xó-là: “Tikasín xita ján naxandá Jope nga kàtikjaá jè xita xi 'mì Simón xi tikoá Pedro 'mì.

¹⁴ Jè tsjá-lè 'én nga kitjokàjñoò kjo'in kjoa ts'e jé-nò, ngaji kò ngats'ii xita ni'ya-lè.”

¹⁵ K'e nga tsibíts'ia nga tsibénojmí-là, jè Inima Tsjeè-là Nainá, nitóón itjojen-nè jña xita koi koni s'in komàt'iaán jña nga sa tàts'en-là kjoa.

¹⁶ K'eé tsibítsjeèn-na koni s'in kitsò Na'èn-ná Jesús nga kitsò: “Jè Juan, nandá kis'iin-ne bautizar, tanga jñò, koo Inima Tsjeè-là Nainá koma-nò bautizar.”

¹⁷ Tsá Nainá k'oas'in sasèn-là nga tikoá tsjá kjojtò-là jè Inima Tsjeè-là koni s'in kitsjaà-ná jña k'e nga kòkjeiín-ná it'aà ts'e Na'èn-ná Jesucristo, z'an, mé-ne kondra kótijna-là Nainá?

¹⁸ K'e nga kii'nchré 'én koi, jyò tsibítsajna. Jeyaá kisikjina Nainá, kitsò:

—iKixii-là kjoa nga jña xi mìtsà xita judío, tikoá tsjá-là kjondaà Nainá mé-ne nga siikájno-ne jé-là kò mì ti jè kohótsji-ne mé-ne nga s'e-là kjoabinachon ts'e inima-là!

K'e nga kinikasén Bernabé ján naxandá Antioquia

¹⁹ K'e nga jye k'en Esteban, jña xita xi mokjeiín-là it'aà ts'e Jesús kitsjohoba, koi kjoa-là nga 'ño kiitjinguikéè xita. Tjin xi kii ján nangui Fenicia kò Chipre kò naxandá Antioquia. Xita koi, k'e nga ijchò i'nde koi, tsibénojmí-là 'én-là Cristo jña xita judío xi ya títajna tanga xi taxkji xita, majin.

²⁰ Jña xita xi kitsjohoba, tjín i'nga xi ján i'nde-là nangui Chipre kò naxandá Cirene. K'e nga ijchò ya naxandá Antioquia tikoáá tsibénojmí-là jña xita xi mìtsà xita judío 'én ndaa-là Nainá xi kjoa ts'e Jesús xi otixoma-ná.

²¹ Nainá kitsjaà-là nga'ño; kjin xita koi kòkjeiín-là it'aà ts'e Cristo, jahatjya-là kjohitsjeèn-là, kiit'aà-là Na'èn-ná.

²² Jña xita naxandá-là Cristo xi títajna Jerusalén kii'nchré koni s'in tíma ján Antioquia. Kisikasén jè Bernabé.

²³ Bernabé, k'e nga ijchò Antioquia, kijtsee nga jè Nainá ndaa tísichikon-t'in xita koi. Tsja jchán komà-là. K'eé isa ndaa tsibit'in yije-là nga kò inima-là isa ndaa kàtjit'aà-là Na'èn-ná.

²⁴ Jè Bernabé, 'ño ndaa xita; ndaa tjiin inima-là Inima Tsjeè-là Nainá; tikoáá ndaa mokjeiín-là it'aà ts'e Nainá. K'oáá s'in komà-ne nga isa kjiin xita jahas'en-t'aà-là Na'èn-ná Jesús.

²⁵ Nga komà iskan, Bernabé kii ján Tarso nga kii kátsji Saulo.

²⁶ K'e nga jye kisakò-là, kiiko ján Antioquia. Jngoò nó tsibítsajnakò jña xita naxandá-là Cristo; koi xá kis'in nga kjin xita tsakóya-là. Yaá kisiit'aà 'in itjòn nga xita-là Cristo 'mì ngats'ii xita xi kota'yàt'aà-là Cristo.

²⁷ Nachrjein koi ijchò i'nga xita xi kiichja ngajo-là Nainá ján Antioquia xi inchrobà-ne Jerusalén.

²⁸ Jngòò x̄it̄a xi 'mì Agabo, tsasìjna kixi, kiichja nga jè Inim̄a Tsjeè-l̄a Nainá tsibít'in-l̄a, kitsò nga t̄ítsa isò'nde kjinchrá 'ñó kjoíí. 'Én jè, k'oagá s'ín tsitasòn k'e nga tsibìjna x̄itaxá ítjòn ján Roma jè xi 'mì Claudio.

²⁹ Jñà x̄it̄a xi kota'yát'aà-l̄a Cristo xi t̄ítsajna Antioquía tsajoóya-ne nga s̄iikasén-l̄a nga 'ñó x̄it̄a x̄ikjín xi t̄ítsajna nangui Judea koni kji bijchó nga 'ñó-l̄a nga jngòò ljngòò.

³⁰ Koni s'ín tsajoóya-ne, k'oagá s'ín kisikitasòn. Jè Bernabé ko Saulo, kiikò kjetjò jè ján nangui Judea nga kisingsatsja jñà x̄it̄a jchínga xi t̄jín-l̄a xá ts'e naxandá-l̄a Cristo.

12

Kó s'ín komà nga itjo ndayá Pedro

¹ Tījñà-ne nachrjein koi, jè Herodes xi x̄itaxá ítjòn t̄jina, kitsjaà okixi nga kitsobà'ñó i'nga x̄it̄a naxandá-l̄a Cristo mé-ne nga koma skoetoòn-ne.

² Tsatíxá nga kich̄a ndojò kisik'en-ne Jacobo, 'ndse Juan.

³ Jè Herodes, k'e nga kijtsee nga tsja komà-l̄a jñà x̄it̄a judío nga jye k'en Jacobo, ikjoàn kitsobà'ñó Pedro jè nachrjein k'e nga bitjo s'eí nga kjèn inchr̄ajín xi tsjln-l̄a na'yo san.

⁴ Kisikin's'en ndayá. Chr'òòn jngòò soldado kisikinda ya iya ndayá; ñijòn kisikinda nga indiaa indiaa. Kjøhítseèn-l̄a Herodes, jè-né k'e nga jye kjoehet'aà s'eí Paxkò kochrje ndayá mé-ne jñà x̄it̄a naxandá tsjá 'én nga kyá Pedro.

⁵ Jè Pedro, ndaá tímakinda iya ndayá; ko jñà x̄it̄a naxandá-l̄a Cristo, mikii jyò tsibitsajna nga 'ñó ndaà nchisjét'aà-l̄a Nainá ít'aà ts'e Pedro.

⁶ Jè nachrjein k'e nga mejèn-l̄a Herodes nga s̄iingsatsja x̄it̄a naxandá jè Pedro, t̄ijè-ne nitjèn, kjijnafè'nchò osen-l̄a jò soldado; jò na'ñó kich̄a cadena t̄jít'aà'ñó-ne; jñà soldado xi i'nga yaá nchisikinda xotjoa ndayá.

⁷ Tà n̄it̄oón tsatsejèn jngòò àkjale-l̄a Nainá ya iya ndayá; kjòhiseèn yije kòhokji; jè àkjale kisihiniyá-l̄a Pedro nga kisikjaà-l̄a; kitsò-l̄a:

—iNit̄on t̄isítjijn!

Jñà na'ñó kich̄a cadena xi t̄jít'aà'ñó-ne tsja Pedro chixòt'aà nangui.

⁸ Jè àkjale kitsò-l̄a:

—Chikjei nikje-lè, tsjayi xojté-lè.

Jè Pedro, k'oagá s'ín kis'iin. Ikjoàn kitsò àkjale:

—Chikjei nachrokisòn-lè, nchrobátjngui-ná.

⁹ Pedro itjo t̄jngui-l̄a jè àkjale; mikii machiya-l̄a tsà kixi kjoa xi t̄ísiko àkjale; jè Pedro k'oagá ma-l̄a koni tsà nijñá tí'bù-l̄a.

¹⁰ Jahat'aà-l̄a jè soldado xi s̄ijna ítjòn, t̄ikoa jahat'aà-l̄a xi ma-ne jò; k'e nga ijchò xotjoa-l̄a ndayá xi ngui kich̄a nga jye bitjoaá calle, tà tajngòò kitáx'a; ikjoàn itjo; tsato'nchò jngòò calle; tà n̄it̄oón kichijà jè àkjale; jè Pedro, tajngòò kisasijna.

¹¹ Jè Pedro, k'ée ndaà kjòchija-l̄a nga kixi kjoa xi tímát'in, kitsò:

—Kixi kjoa, mokjein-na nga Nainá kàsikasén àkjale-l̄a nga kàsikjnandej̄i-na ít'aà ts'e Herodes ko ngats'ii kjoa xi ch'o t̄jín xi nchikoña-l̄a x̄it̄a judío nga s̄iikò-na Herodes.

¹² Jè Pedro, k'e nga ndaà kjòchija-l̄a kjoa koi, kii ni'ya-l̄a María, nea-l̄a Juan xi t̄ikoa Marcos 'mì. Ya ni'ya jè, kjìn x̄it̄a chixoña xi nchibitsi'ba-l̄a Nainá.

¹³ Kiichja, kisikjane xotjoa-l̄a ni'ya; k'ée itjo katsejèn jngòò tsòti xi 'mì Rode nga mejèn-l̄a skoe ya-né xi tichja.

14 K'e nga kii'nchré jta-la nga jè Pedro xi tíchja, tsja jchán komà-la skanda mì tì kii kiskix'a-la xotjoa ni'ya; ta saá tsangachikon iya ni'ya; kisikí'nchré ñánda títsajna xikjín nga jè Pedro síjnajto xotjoa ni'ya.

15 Jñà xita xikjín kitsò-la:

—iská-lè!

Tanga jè tsòti tákó k'oaa tsò nga kixí kjoa jè Pedro xi tíchja. Tanga jñà xita kitsò-la:

—Jè-la àkjale-la.

16 Jè Pedro, tákó tíchja-ne, síkjane xotjoa ni'ya. K'e nga kiskix'a-la xotjoa ni'ya, kijtseèkxon nga jè Pedro; jñà xita xikjín, tà kjòxkón-la.

17 Kiskimíttjen tsja Pedro nga kitsò-la jyò títsajnaà; ikjoàn tsibénomí-la kó s'in komat'in nga Nainá tsachrje-ne ndayá. Kitsò-la:

—K'oaa s'in ténomí-là jè Jacobo kò xita xinguiáa xi i'nga.

Ikjoàn itjo ni'ya; xin i'nde kii.

18 K'e nga kis'e isén ngats'iì soldado xi nchisikinda, mì tà k'oaa kji kjoasiì kis'e-la nga mìkii tíjin-la kó s'in komà nga itjo ndayá Pedro.

19 Jè Herodes kitsjaà okixi nga tsohótsji Pedro tanga mìkii kisakò-la. K'e nga jye kiskònangui-la ngats'iì soldado xi kisikinda, jñà kiskaànè-la nga tsjin Pedro; ikjoàn kitsjaà okixi nga kàtiyaa jñà soldado. Herodes itjokajin ya Judea. Ján kii kijná naxandá Cesarea.

20 Herodes kjoasiì tíjin-la kò xita naxandá Tiro kò Sidón. Xita naxandá koi, tsajoóya-ne nga inchrobàkon Herodes. Tanga itjòn ndaa tsajoókò Blasto xi tíkoá xá tíjin-la ya ni'ya-la Herodes xi xitaxá itjòn tíjna. Kò jè Blasto kiichjatji naxandá koi nga kátas'e kjoa'nchán. Koií k'oas'in kis'iin-ne jñà naxandá koi, nga ya nangui-la Herodes otse tsojmì xi kine.

21 Jè nachrjein k'e nga chixoña xita nga kisijna junta, jè Herodes, tsohòkjá nikje-la xi ts'e xitaxá itjòn; tsibijnasòn íxile-la, ikjoàn kiichjajin-la xita naxandá.

22 Jñà xita naxandá, k'e nga kii'nchré-la, tsibíts'ia nga 'ño kiichja kitsò:

—jè xi tíchja, jngoò xita xi nainá, mìtsà taxkí xita!

23 Tik'e-ne j'iì àkjale-la Nainá xi kitsjaà ch'in-la; kjòxk'én, ch'indoó kisikje, ikjoàn k'en, koií kjoa-la nga mìkii jeya kisikijna Nainá.

24 Tanga jè 'én-la Nainá isaa ndaa tíhobísòn k'oa isaa ndaa tímakjìn xita xi mokjeiin-la.

25 Jè Bernabé kò Saulo, k'e nga jye kjòngásòn xá-la, inchrobà-ne Jerusalén, kii-ne ján Antioquia. Tjikò Juan xi tíkoá Marcos 'mì.

13

K'e nga jè Bernabé kò Saulo tsibíts'ia nga kisixá

1 Jñà xita naxandá-la Cristo xi títsajna ya naxandá Antioquia, tíjin i'nga xita xi chjaya ngajo-la Nainá kò okóya 'én-la Nainá: jè xi 'mì Bernabé, Simón (xi tíkoá Níger 'mì), Lucio xi Cirene ts'e, Manaén (xi taña kòchákò Herodes, xi tsatíxoma Galilea), kò Saulo.

2 Jngoò nachrjein k'e nga tíma culto tíkoá títsajnachjan xita-la Cristo, jè Inimá Tsjeè-la Nainá kitsò:

—Tíkítsajnaandaa-ná jè Bernabé kò Saulo xá xi xó 'an kichjà-la.

3 Jñà xita-la Cristo, k'e nga jye tsibítsajnachjan kò jye tsibíts'ba, tsohósòn-la tsja Bernabé kò Saulo, ikjoàn kisikasén [xi kjoa ts'e xá-la Nainá].

Kós'ín komà k'è nga jè Bernabé kọ Saulo kùichjaya ján Chipre

⁴ Jè Inìma Tsjeè-là Nainá kisikasén Bernabé kọ Saulo nga kii Seleucia; yaá jahas'en chitso nga kii nangui xi kijnajiiin-ndá xi 'mì Chipre.

⁵ K'è nga ijchò naxandá Salamina, tsibíts'ia nga kiichjaya 'én ndaà-là Nainá ya jñà ni'ya ingo sinagoga ts'e xita judío. Tjiko jè Juan Marco xi kisichját'aà-là Bernabé kọ Saulo.

⁶ Tsatojiin kóhokji nangui jiin-ndá Chipre, ijchò skanda naxandá Pafos. Yaá kiskaat'aà jngoò-là xita judío xi 'mì Barjesús xi xita t'je, tikoáá xita ndiso-né nga tsò, 'én-là Nainá chjaya.

⁷ Jè xita t'je, yaá ojmeèko Sergio Paulo xi xitaxá ítjòn tjna kóhokji nangui Chipre. Jè Sergio Paulo ndaà fíya-là. Kùichja-là jè Bernabé kọ Saulo nga mejèn-là kji'nchré 'én ndaà-là Nainá.

⁸ Tanga jè xita t'je, xi 'mì Barjesús xi tikoá Elimas 'mì xi 'én griego, kondraá kii-là jè Bernabé kọ Saulo nga majin-là nga jè xitaxá ítjòn kòkjeiin-là 'én ndaà-là Nainá.

⁹ Tanga jè Saulo, tije-ne xi 'mì Pablo, ndaà tjiin inìma-là Inìma Tsjeè-là Nainá; 'nó kiskoò'an,

¹⁰ kitsò-là:

—Xita ndiso xi ch'ò tjin kjohtsjeèn-lè; ki'ndi-là xita neji; ngaji kondra 'mì yije-là xi kjoa kixi! ¿Mé-ne nga kjit'aà nachrjein mejèn-lè nìkits'ón-jiin ndiyá kixi-là Nainá?

¹¹ I'ndeì Nainá tsjá-lè kjo'in; mì kii tì kòtsejèn-lè. Kjin nachrjein mì tì kii jcha-ne jsén ndobá ts'e ts'oi.

Tik'e-ne mì tì kii kjòtsejèn-là. Kj'eij xita tsohótsji xi kitsobát'aà nga komà kii.

¹² Jè xitaxá ítjòn, k'è nga kijtseé kjoa koi, kòkjeiin-là 'én-là Nainá nga kixi kjoa. Tà kjòxkón-là koni s'ín tsakóya-là Pablo kọ Bernabé it'aà ts'e Na'én-ná.

Kós'ín komà k'è nga jè Pablo kùichjaya ya Antioquia ts'e Pisidia

¹³ Pablo kọ jñà xita xi kihijitako jahas'en chitso ya Pafos, kii ján Perge i'nde xi chja-ne Panfilia. Tanga jè Juan Marco, tsohótji-ne, ján kii-ne Jerusalén. Mì tì ya tsoháhtjako-ne Pablo.

¹⁴ Jè Bernabé kọ Pablo jahato Perge, kii Antioquia, naxandá xi chja-ne Pisidia. Jè nachrjein níkjáya, jahas'en ni'ya ingo sinagoga, ikjoàn tsibítsajna.

¹⁵ K'è nga jye kjòkxejiin kjótixoma-là Moisés kọ xojoñ xi kiskii xita xi kùichjaya ngajo-là Nainá, jñà xita skò-là ni'ya ingo sinagoga kisikasén xá-là jè Pablo kọ Bernabé, kitsò-là:

—'Ndsè, tsà tjin-nò mé 'én xi kinókjoajiin-là xita, tinókjoaa mé-ne nga s'e-là nga'nó inìma-là jñà xita.

¹⁶ K'ée tsasítjen Pablo; kóó tsja kisijé-là nga jyò kàtitsajna; kitsò-là:

—Jñò xi xita Israel 'mì-nò, kọ xi mitsà naxandá Israel tsajòn tanga yaxkón Nainá, tiná'ya-ná.

¹⁷ Jè Nainá xi ts'e naxandá Israel, jaàjiin xita jchínga kjin-ná; jngoò naxandá jè kis'iin k'è nga tisa ján títajna Egipto nga mitsà ya i'nde-là; nga'nó ts'e Nainá-né nga tsachrjekàjiin nangui Egipto.

¹⁸ Nainá, ichán nó kis'e-là kjoatsejta nga kisikinda jñà xita Israel ya i'nde it'aà xin n'anda nangui kixi choòn.

¹⁹ Nainá, itoò naxandá xita kisikjehesòn ya nangui Canaán. Ikjoàn kitsjaà-là jñà xita Israel jè nangui jè nga ts'e koma.

²⁰ Ngats'ii kjoa koi, ñijòn sindo osen nó tsato.

'Xi komà iskan, Nainá kitsjaà-là xi x̄ita sko-là tsibìtsajna nga tsibíndaajìin-là x̄ita naxandá Israel. Kò j̄nà tsasikò skanda k'è nga j'ii Samuel, x̄ita xi kiichja ngajo-là Nainá.

²¹ X̄ita naxandá Israel, kisijé-là Nainá jngoò x̄itaxá ítjòn xi mejèn-là nga kotìxoma-là. Nainá kitsjaà-là Saúl, ki'ndí-là Cis xi tje-là Benjamín. Ichán nó tsatìxoma Saúl.

²² Nga komà iskan, Nainá jaaxìn Saúl; jè David kitsjaà-là xá nga tsibìjna x̄itaxá ítjòn. Nainá kitsò: "Jyeé kisakò-na nga jè David xi ki'ndí-là Isai, jngoò x̄ita xi sasén-là inìma-na nga siikitasòn yije xi 'an mejèn-na."

²³ Nainá kisikasén-là x̄ita naxandá Israel, jngoò x̄ita xi tje-là David xi 'mì Jesús nga jè kochrjekàjìin kjo'in. Nainá, k'oaá s'ín kitsjaà tso'ba nga t̄isa tats'en-là kjoa.

²⁴ K'è nga tikj'eè f'ii Jesús, Juan kiichjayajìin-là x̄ita naxandá Israel nga katasikájno jé-la, mì t̄i jé kohótsji-ne kò kátama bautizar.

²⁵ K'è nga jye tifehet'aà nachrjein-là Juan xá xi j'ii-ne, kitsò: "J̄nò, ¿kó s'ín nikìtsjeèn ít'aà ts'an? ¿A bixón-nò: jè Cristo? Majìn. Saá nchrobá t̄jngui jngoò-na xi isa t̄jna ítjòn skanda mikii ok'in-na nga 'an skíjnda'ñoá xox'in-là xoxté-là", kitsò Juan.

²⁶ Tanga i'ndeì, k'oaá ma-ne koxan-nò ngats'ioò j̄nò ndí 'ndsè xi tje-là Abraham inchrobàt'aà-nò kò j̄nò xi mìtsà ya inchrobàt'aà-nò tanga yaxkón Nainá: j̄nà j'ii-ná jé 'én ít'aà ts'e Cristo nga jé kochrjekàjìin-ná kjo'in.

²⁷ J̄nà x̄ita naxandá Jerusalén kò x̄itaxá-là, mikii kijtseèkxon Jesús nga jè xi Cristo, t̄ikoáá mikii kjòchija-là j̄nà 'én xi maxke nga j̄in j̄in nachrjein jè nachrjein nikjáya ya ni'ya ingo sinagoga koni s'ín t̄jít'aà xojon ts'e x̄ita xi kiichja ngajo-là Nainá. Tanga j̄nà x̄ita koi kitsjaà okixi nga katiyaá Jesús kò k'oaá s'ín tsitasòn koni tsò 'én koi.

²⁸ Nas'in tsjìn-là jé Jesús nga ok'in-là nga kiyá, x̄ita koi, kisijét'aà-là Pilato nga katasik'en.

²⁹ K'è nga jye tsitasòn yije koni s'ín tichja Xojon-là Nainá ít'aà ts'e Jesús, kiskónajen t'aà krò, ikjoàn kii nga tsibìhijìin.

³⁰ Tanga Nainá kisikjaáya-là ít'aà ts'e kjoabiyaá.

³¹ Jesús, k'è nga jye jaáya-là, kjìn k'a tsakó-là yijo-là j̄nà x̄ita xi chinchimako nga inchrobà-ne Galilea skanda Jerusalén; nachrjein i'ndeì, j̄nà x̄ita koi xi bénomjì kixi-là x̄ita naxandá ít'aà ts'e Jesús.

³² Koi xá j'ii-najen nga kénomjì-jen 'én ndaa-là Nainá xi kjoa ts'e Cristo koni s'ín kitsjaà-là tso'ba Nainá j̄nà x̄ita jchínga-najen.

³³ I'ndeì, k'è nga kisikjaáya-là Jesús, k'oaá s'ín kisikitasòn xi ít'aà tsajen xi ixti-là ma-jen j̄nà x̄ita jchínga-najen. K'oaá s'ín t̄jít'aà xojon ts'e Salmo xi ma-ne jò, nga tsò: "I'ndeì, jì-né xi Ki'ndí-nà xan-lè; 'an-ná xi na'èn-lè ma."

³⁴ Koni kis'iin Nainá nga kisikjaáya-là Jesús ít'aà ts'e kjoabiyaá nga mì t̄i kii kiyá-ne, yaá makixiya 'én koi nga tsò Xojon-là Nainá: "Siikitasòn-ná koni tsò 'én tsjeè-nà, kò 'én kixi-nà xi 'an kitsjaà-là David."

³⁵ K'oaá t̄is'in t̄jít'aà l̄jngoò xojon ts'e Salmo nga tsò: "Mikii koi'ndi nga k̄i'ndo yijo-là X̄ita Tsjeè-lè."

³⁶ J̄nà nachrjein nga tsibìjnakon David, k'è nga jye kisikitasòn koni s'ín mejèn-là Nainá, k'en. K'oaá t̄is'in kisihijìin koni komàt'in x̄ita jchínga-là. T̄ikoáá i'ndo yijo-là.

³⁷ Tanga jé X̄ita Tsjeè xi Nainá kisikjaáya-là mikii i'ndo yijo-là.

38 Ngats'ioò jñò ndí 'ndse, k'oaá s'in kátasijün-nò, jñà 'én xi nokjoàyajün-nòjen, jè-né nga it'aà ts'e Jesús, Nainá síjchàat'aà-ná jé-ná.

39 Jñà xita, ngats'ii kjoa xi ch'o s'in, mìtsà it'aà ts'e kjoatixoma-la Moisés makixiya; jè it'aà ts'e Jesús makixiya xita, jñà xi mokjeiin-la it'aà ts'e.

40 T'een kindà yijo-nò mé-ne nga mì k'oaá s'in kòmat'ioòn koni s'in tìchja xojon-la jñà xita xi kùchja ngajo-la Nainá nga tsò:

41 Chitsejèn, jñò xi nachrjekànguioò kjoakixi,
kàtaxkón-nò, kò jngoò k'a kàtachija jñò.

'An, jngoò xá s'iaàn nachrjein tsajòn, k'e nga tisa titsajnaakoòn.
Mikiì kòkjeiin-nò nas'in s'enojmi-nò xá xi 'an tis'iaàn.

42 Jè Pablo kò Bernabé k'e nga itjo-ne ni'ya ingo sinagoga, jñà xita kisijét'aà-la nga kàtènojmiya kjoa koi jè xòhotò xi sà nchrobá.

43 K'e nga kisihixat'aà xíkjin nga kii-ne, kjin xita kii't'aà-la Pablo kò Bernabé, jñà xi xita judío kò jñà xita xi beèxkón Nainá xi jye jahatjya-la nga xita judío komà. Jè Pablo kò Bernabé, k'e nga tsohóko xita koi, 'ñó tsibít'in-la nga ndaa kàtjün inima-la jñà 'én xi jye kii'nchré xi kjondaà ts'e Nainá.

44 Jè nachrjein nikjaya xi iingoo, kjomeé ijchò ngats'ii xita naxandá nga kii'nchré 'én-la Nainá.

45 Tanga jñà xita judío k'e nga kijtsee nga 'ñó kjin ma xita, isaá ndaa kjòchinikeè Pablo. Ijjoàn tsibíts'ia nga kondra kii-la Pablo 'én xi kùchja, tìkoa tsakatit'aà.

46 Pablo kò Bernabé, 'ñó tsi'beé-la ikon; kitsò-la:

—Tjinè-najen nga kènojmi itjòn-nòjen 'én-la Nainá jñò xi xita judío 'mì-nò; tanga jñò nachrjengui-nò; k'oaá ma-ne nga jñò, mikiì s'e-nò kjoabinachon nita mé nachrjein-ne; ngajen ta saá jñà kènojmi-lajen jñà xi mìtsà xita judío.

47 K'oaá s'in tsatixoma-najen Nainá nga kitsò:

Jií tsjaà-lè xá nga síhiseèn-la jñà xita xi mìtsà xita judío,
kòhokji nga tjtisa isò'nde mé-ne nga kitjokajün-ne kjoa ts'e kjo'in.

48 K'e nga kii'nchré ngats'ii xi mìtsà xita judío, kjòtsjaà-la; ijjoàn tsibíts'ia nga kitsò: Ndaà tjin 'én-la Nainá; kòkjeiin-la ngats'ii xi xó kitjaajün-ne nga s'e-la kjoabinachon nita mé nachrjein-ne.

49 K'oaá s'in komà nga tsabísòn 'én ndaa-la Nainá kòhokji ya i'nde jè.

50 Tanga jñà xita judío tsibíts'ia nga chinchá'a jñà íchjin itjòn xi ndaa beèxkón Nainá kò xita itjòn-la naxandá. K'oaá s'in komà nga kondra kii-la jè Pablo kò Bernabé. Tsachrjekajün ya naxandá.

51 Jè Pablo kò Bernabé tsibítsajneé chijo-la ndsoko xi kondra ts'e xita koi, [jè kjoa xi okó nga kjo'in s'e-la it'aà ts'e Nainá]; ijjoàn kii ján Iconio.

52 Tanga jñà xita xi kota'yat'aà-la Cristo, ndaa kis'e-la kjòtsjacha kò ndaa kisixajün inima-la Inima Tsjeè-la Nainá.

14

K'e nga jè Pablo kò Bernabé kùchjaya ján Iconio

1 K'oaá s'in komà ya Iconio, jè Pablo kò Bernabé, k'e nga jahas'en ni'ya ingo sinagoga ts'e xita judío, 'ñó ndaa tsakóya; k'oaá komà-ne nga 'ñó kjin xita judío kò xi mìtsà xita judío kòkjeiin-la it'aà ts'e Jesús.

2 Tanga jñà xita judío xi mikiì mokjeiin-la, chinchá'a jñà xi mìtsà xita judío mé-ne nga ch'o tsò-ne kjòhítsejèn xi kisikítsejèn it'aà ts'e xita-la Cristo.

3 Pablo kò Bernabé, tsee tsibítsajna ya Iconio. Mikiì kitsajòn nga tsakóya 'én ndaa-la Nainá koi kjoa-la nga Nainá ndaa ma'ñót'aà takòn. Nainá

kisikixiyandaà nga kixi kjoa 'én xi tsibénojmi xi kjondaà-la Nainá. Kitsjaà-la nga'ño nga kis'iin kjoxkón xi ndaà tjin xi okó kjoajeya-la Nainá.

⁴ Jñà xita naxandá Iconio, jòya komà; osen kiit'aà-la jñà xita judío koa osen kiit'aà-la Pablo ko Bernabé, xita xi tsibixáya-la Jesús.

⁵ Jñà xita judío ko xi mitsà xita judío tsajoóya-ne ko xitaxá ítjòn-la nga mejèn-la skaàn-ko, kjinè ndajo.

⁶ Pablo ko Bernabé, k'e nga jye kiit'nchré, tsanga; kii ján Listra ko Derbe, naxandá xi chja-ne Licaonia; tiko ko chinchima kóhokji i'nde xi chja-ne nga jngoò itjandi.

⁷ Ya i'nde jè, tiko kisika'bí 'én ndaà-la Nainá xi kjoa ts'e Cristo.

K'e nga kisinè ndajo Pablo ya Listra

⁸ Ya Listra tjna jngoò xita x'in xi mikii ma fi. K'oaa s'in kits'iin; ni saá jngoò naxrjein nga ndsokó tsajmeè-ne.

⁹ Xita jè, tjna; t'nchré-la Pablo nga tíchjaya. Jè Pablo, k'e nga kiskoò'an, kijtsee nga mokjeiin-la nga kondaà-ne.

¹⁰ Pablo, 'ño kiichja kitsò-la:

—Tisítjin, tjsjna kixi-ne ndsokoi!

Xita jè, ngui kiski'nga-né; tsibíts'ia nga tsajmeè-ne.

¹¹ Jñà xita, k'e nga kijtsee kjoxkón ndaà xi kis'iin Pablo, 'ño kiichja xi 'én Licaonia, kitsò:

—Jñà nainá, xita kjoàn kòma nga kòfiikon-ná!

¹² Bernabé, Zeus kitsò-la; Pablo, Hermes kitsò-la nga jè xi isa 'ño chja.

¹³ Jè jngo xkòsòn-la Zeus, yaá kijna indii naxandá. Jè no'mii-la j'ii ko nchraja ko corona. Jè no'mii, ko ngats'ii xita naxandá mejèn sík'en-la jñà nchraja nga tsjá-la kjojtjò mé-ne nga skoexkón-ne.

¹⁴ Jè Pablo ko Bernabé xi kisixáya-la it'aà ts'e Cristo, ch'oó komà-la k'e nga kijtsee kjoa xi nchis'in; tsatejndajno yijo-la jè nikje-la; ikjoàn kiis'ejiin-la xita. 'Ñó kiichja, kitsò-la:

¹⁵ —Tiná'yaà, ¿mé-ne k'oas'in tita'nè-nò? Ngajen, tikoaa taxki xita-nájen koni jño. Koií xá kòfi-nájen nga kénojmi-nòjen 'én ndaà-la Nainá xi kjoa ts'e Cristo mé-ne nga síkijna-nò kjoa koi xi ni méé chji-la; jè tanguit'aà-la Nainá xi tijnakon xi tsibindaà ngajmii, nangui, ko ndáchikon, ko ngats'ii tsojmi xi ya tjin.

¹⁶ Naxrjein xi jye tsato, Nainá kitsjaà'ndeé-la ngats'ii xita naxandá xi tjin kóhokji isò'nde nga chinchimaya ndiyá xi kisaseèn-la.

¹⁷ Tanga Nainá, kjit'aà naxrjein tihokó yijo-la yá-nè jè, nga tíya-la ngats'ii kjondaà xi tís'in; jè-né xi tísikasén-nò jtsi xi ngajmii tínchrobá-ne; títjsá-nò tsojmi xi ndaà tímajchá-nò; jè tísichikon-t'in-nò nga ndaà títjsá-nò tsojmi xi ma chine, mé-ne nga ndaà s'e-nò kjojtjsa.

¹⁸ Pablo ko Bernabé, nas'in k'oas'in tsatekjaya yije-la kjoa xi nchis'in nga mejèn siik'en-t'aà-la cho, tsee xá kisengui nga kòkjeiin-la jñà xita naxandá.

¹⁹ Tik'e-ne j'ii xita judío xi inchrobà-ne Antioquia ko Iconio xi chinchá'a jñà xita naxandá nga tsibiné ndajo jè Pablo. K'e nga jye k'oas'in kisiko, kitsò-né tsá jyeé k'en; ikjoàn tsibifejno nangui, kii síkatjen ján indii naxandá.

²⁰ Tanga jñà xita xi kota'yat'aà-la Cristo, k'e nga chixoñat'aà-la Pablo ñanda kijna, jè Pablo tsasítjen ijngoò k'a-ne; jahas'en-jiin ijngoò k'a-ne naxandá; xi komà inchijòn, Pablo ko Bernabé kii ján Derbe.

²¹ K'e nga jye tsibénojímí 'én ndaà-là Nainá xi kjoa ts'e Cristo ya Derbe, nga jye kjìn xitá kòkjeiin-là, kii ijngòò k'a-ne Listra, Iconio kò Antioquía.

²² Pablo kò Bernabé kitsjaà-là nga'nó inima-là jhà xitá xi kota'yàt'aà-là Cristo xi títajna naxandá koi; tsibénojímí-là nga kixi kàtítajnakò 'én xi mokjeiin-là; kitsò-là:

—Mochjeén-né nga tse kjo'in sijkjaán ítjoán k'e nga kitjás'en-jhàá nãnda tíhotixoma Nainá.

²³ Nga jngòò ijngòò j'nde nãnda tjín xitá naxandá-là Cristo, Pablo kò Bernabé jaajìin xitá jchínga xi tsibít'aà xá nga sùikinda xitá-là Cristo; k'e nga jye kiichjat'aà-là Nainá, jye tsibítajnachjan, kisikítajnyaya tsja Nainá nga jye mokjeiin-là ít'aà ts'e Nainá.

Kós'in ijchò-ne Pablo kò Bernabé ján Antioquía ts'e Siria

²⁴ Jahato j'nde Pisidia, ijchò-ne nangui Panfilia.

²⁵ Tsibénojímí 'én ndaà-là Nainá xi kjoa ts'e Cristo ya Perge, ikjoàn kii-ne Atalia.

²⁶ Yaa jahas'en chitso nga tsohótji-ne nga kii ijngòò k'a-ne Antioquía, j'nde nãnda kisatiixá-là ít'aà ts'e kjondaà-là Nainá, xá xi jye kisikitasòn.

²⁷ K'e nga jye ijchò-ne Antioquía, tsibíxkóya xitá naxandá-là Cristo; tsibénojímí-là ngats'iì kjoa xi kisikò Nainá, kós'in komàt'in nga Nainá kitsjaà'nde nga tíkoà kòkjeiin-là jhà xi mìtsà xitá judío.

²⁸ Pablo kò Bernabé, tseé tsibítajnakò xitá xi kota'yàt'aà-là Cristo ya Antioquía.

15

Mé kjoa xi tsajoóya-ne jhà xitá xi tsibíxáya-là Jesús kò xitá jchínga ján Jerusalén

¹ Jhà naxhrjein koi, j'iì i'nga xitá xi inchrobà-ne Judea nga tsibénojímí-là xitá-là Cristo, kitsò-là: “Mikiì kitjokàjñoò kjo'in tsà mikiì sít'aà chibà-là yijo-nò kjoa ts'e circuncisión koni s'in tíchja kjótixoma xi kiskii Moisés.”

² Pablo kò Bernabé 'nó tsajoókjoò kò jhà xitá koi; tsohótiyaa-ne jhà kjoa koi; ikjoàn kisikasén Pablo kò Bernabé ján Jerusalén; tsoháhijtakò i'nga xitá-là Cristo xi títajna ya Antioquia nga kiikon jhà xitá xi tsibíxáya-là Jesús kò xitá jchínga xi otixoma ya naxandá-là Cristo nga sindaajìin kjoa koi.

³ Jhà xitá naxandá-là Cristo xi títajna Antioquía, kisichját'aà-là nga kii-ne xitá koi. Jahato Fenicia kò Samaria; tsibénojímí nga jhà xi mìtsà xitá judío tíkoà jyeé tifatjìya-là nga Cristo nchifit'aà-là. Ngats'iì xitá xi mokjeiin-là ít'aà ts'e Cristo, 'nó kjòtsja-là.

⁴ Pablo kò Bernabé, k'e nga ijchò ján Jerusalén, jhà xitá naxandá-là Cristo kò xitá jchínga xi ya otixoma kò xitá xi tsibíxáya-là Jesús, ndaa kiskoétjò. Xitá koi tsibénojímí yije mé kjoa xi kis'iin Nainá nga kisichját'aà-là.

⁵ Ya títajnajìin i'nga xitá fariseo xi jye kòkjeiin-là 'én ndaà-là Nainá xi kjoa ts'e Cristo; chinchà kixi, kitsò:

—Jhà xi mìtsà xitá judío xi jye mokjeiin-là, mochjeén-né nga sít'aà chibà-là kjoa ts'e circuncisión; tíkoà sjnè-là nga kàtasikitasòn kjótixoma xi kiskii Moisés.

⁶ Kjòxkóya xitá xi tsibíxáya-là Jesús kò xitá jchínga xi otixoma ya jìjìn naxandá-là Cristo nga tsajoóya-ne kjoa koi.

⁷ Tse jchán tsajoóya-ne kjoa koi; chaán tsasìjna kixi Pedro, kiichja, kitsò:

—'Ndseeé, jñò, jyeé tíjìin-nò nga kjòtseeé jaàjìin-na Nainá nga 'an kènojímí-là 'én ndaà-là Nainá xi kjoa ts'e Cristo jñá xi mìtsà xítà judío mé-ne nga tíkooa kòkjeiín-là.

⁸ Nainá xi beé iníma-ná, k'oaá s'ín tsakó kixi-ná nga tíkooa kiskoéetjò xítà koi nga k'oaá tís'ín kitsjaà-là Iníma Tsjeè-là koni s'ín kitsjaà-ná jñá.

⁹ Nainá, kisitsjeé iníma-là xítà koi k'e nga kòkjeiín-là it'aa ts'e Cristo, nga mìkii faàjìin xítà, tà ngàsòn fiko-ná ngats'iaá, xi xítà judío 'mì-ná kò xi taxkì xítà.

¹⁰ I'ndeji, ùmé-ne kondra onguí-là kjohítsjeèn-là Nainá, tsà koi nàchrjein-là kojti-là? Nga bìnè-lá xítà xi kota'yà'taà-là Cristo nga sìikitasòn kjoa ts'e kjotíxoma. Ní jñá kò ní jñá xítà jchínga-ná chíkjoa-ná nga níkitasoán.

¹¹ Mikii kos'ín koma. Nga k'oaá s'ín mokjeiín-ná nga jñá, kò xi taxkì xítà, ta ngàsòn kjondaà-là Na'èn-ná Jesucristo kítojokàjñá kjo'ín.

¹² Jyò tsibítsajna ngats'ii xítà xi ya títsajna. Kii'nchré-là Bernabé kò Pablo nga tsibénojímí-là xítà nga 'nó tse kjoaxkón ndaà xi kis'iin Nainá xi it'aa ts'e nga nguixkon jñá xi mìtsà xítà judío.

¹³ K'e nga jye kiichja Bernabé kò Pablo, k'ée kiichja Jacobo, kitsò:

—'Ndseeé xi i títsajnaà, tìná'ya-ná.

¹⁴ Jè Simón Pedro, jyeé tsibénojímí-ná kó s'ín komà nga tísa ítjòn nga Nainá jaàjìin jñá xi mìtsà xítà judío nga naxandá-là koma.

¹⁵ K'oaá s'ín mangásòn 'én koni s'ín kiskii jñá xítà xi kiichja ngajo-là Nainá nga kitsò:

¹⁶ K'e nga koma iskan, kítojen òngòò k'a nga kìndàya xítse-na kjotíxoma-là xítaxá ítjòn David xi jye its'oòn; jè xi jye chixoña, òngòò k'a síkixiya-na; sìikjina jngòò-na xítà xi kòtíxoma ngajo-là David,

¹⁷ mé-ne jñá xítà xi i'nga kòhótsji-ne Nainá, ngats'ii xi mìtsà xítà judío, jñá xi 'ín ts'an tíjt'aa.

¹⁸ K'oaá tsò Nainá, nga tsibénojímí kjohítsjeèn xi tíjn-là skanda tísa tàts'en-là kjoa.

¹⁹ "An, k'oaá xán-nò nga mìkii sinè-là kjoa xi 'in tíjn jñá xi mìtsà xítà judío, jñá xi nchifatiya-là nga Nainá nchifit'aa-là.

²⁰ Ta jè xi mochjeén nga síkasén-là xojo mé-ne nga mìkii skine ngats'ii tsojmi xi ya sinchá nguixkon kjoaxkósòn; tíkooa kì tì kjoa chijngui s'ín-ne, mì tì kii skine-ne ní kò ngats'ii yijo-là cho xi mìkii xíteèn ní-là.

²¹ Skanda kjòtseeé, xkì xi ján naxandá tíjn xítà xi bíkjejìin xojo kjotíxoma xi kiskii Moisés ya ni'ya òngò sinagoga nga jìin jìin nàchrjein nga nàchrjein níjája.

²² Jñá xítà xi tsibíxáya-là Jesús kò ngats'ii xítà naxandá-là Cristo kò xítà jchínga xi ya otíxoma, tsajoóya-ne nga jaàjìin i'nga xítà xíkjin xi kisikasén ján Antioquia. Jñá kitjaàjìin Judas xi tíkooa Barsabás 'mì kò Silas, jñá xítà xi ndaà yaxkón ya jìin naxandá-là Cristo. Tsoháhjtako Pablo kò Bernabé.

²³ Kìsik'a jngòò xojo xi tsò:

"Ngajen, xítà xi tsibíxáya-là Jesús kò xítà jchínga, nìhixat'aa-nòjen jñò xi mìtsà xítà judío 'mì-nò xi 'ndsé chibá it'aa ts'e Cristo xi títsajnaà ya naxandá Antioquia, kò i'nde Siria kò Cilicia.

²⁴ Jyeé kina'ya-jen nga i' itjokàjìin i'nga xítà xi ijchòkon-nò nga sìi síkò-nò nga chjako-nò 'én xi síkìts'ón-jìin-là iníma-nò, tanga mìtsà ngajen tsatíxá-lajen.

²⁵ Ngats'ii-jen, k'oaá s'ín kichoòsòn-lajen nga kinikasén i'nga-nòjen xitá tsajen xi kiikon-nò. Tsobáhihtako xinguiáá Pablo ko Bernabé, xitá xi 'ñò matsjacha-jen.

²⁶ Jñà xitá koi, jye k'oas'in tsibínè-là yijo-là nita mé kjo'in xi komàt'in xi kjoa ts'e Na'èn-ná Jesucristo.

²⁷ Titsanikasén-nòjen Judas ko Silas; ngats'ii 'én xi jtít'aà xojoñ, jñà xitá koi keènojmiya l'jngoò k'a-nò xi tà 'én koòko-nò.

²⁸ Ngajen ko Inima Tsjeè-là Nainá ndaà kisaseèn-najen nga mì kjo'ñò koma-nò kjoa ts'e kjotixoma xi 'in tjín; tà koi-né xi ndaà mochjeén:

²⁹ nga mikìl ma chjinee yijo-là cho xi ya biyaà nguixkon xkòsòn; mikìl ma chjinee jní ko mikìl ma chjinee yijo-là cho xi mikìl xixteèn jní-là; tikoáá kì tì kjoa chjingui nìs'in-là; tsà chjaàxin-là yijo-nò ngats'ii kjoa koi, ndaà s'e; k'e chibá."

³⁰ Xitá koi, k'e nga jye kisihixat'aà xíkjin, nitoón kii skanda ján Antioquia; k'e nga ijchò tsibixkóya ngats'ii xitá-là Cristo, kisingatsja xojoñ xi 'ya.

³¹ Jñà xitá naxandá-là Cristo, k'e nga jye tsibixkejiiñ xojoñ, tsjaá komà-là nga ijchò-là 'én xi kisijehikon.

³² Jè Judas ko Silas tikoáá Nainá chja ngajo-là; ndaà kisijehikon jñà xitá-là Cristo; kitsjaà-là nga'ñò.

³³ Xitá koi, kjìn nachrjein tsibitsajna Antioquia. Nga komà iskan kishixat'aà xíkjin, kii-ne Jerusalén; kiikon-ne jñà xitá xi kisikasén.

³⁴ [Tanga jè Silas ndaà kisaseèn-là nga tsibijna Antioquia.]

³⁵ Jè Pablo ko Bernabé, yaá tsibitsajna Antioquia; tsakóya-isa 'én-là Nainá tikoá kii chjaya 'én ndaà-là Nainá xi kjoa ts'e Cristo. Tikoáá kjìn xitá xi kje'ejí kisixákjoò.

K'e nga chinchat'aà xin-là xíkjin jè Pablo ko Bernabé

³⁶ K'e nga komà iskan, Pablo kitsò-là Bernabé:

—Tíkjaán l'jngoò k'aá kóhokji naxandá nanda tsibènojmiá 'én-là Nainá mè-ne nga jchàá kó s'ín títajna xitá xinguiáá.

³⁷ Jè Bernabé mejèn-là kjiko Juan, xi tikoá Marcos 'mì;

³⁸ tanga jè Pablo mikìl kisaseèn-là nga jè kjiko, koi kjoa-là nga kitsjeiñ takòn ján Panfilia nga mì tì kii tsobáhihtako-ne nga kisixá jè xá xi tjíma-ne.

³⁹ K'oaá s'ín komà-ne nga kisakò kjoa nga mikìl kjóngásòn 'én-là; chinchat'aà xin-là xíkjin; jè Bernabé kiiko Marcos; kiisòn-ndá skanda Chipre.

⁴⁰ Jè Pablo, jaajiiñ Silas nga tsobáhihtako. Jñà xitá-là Cristo kisikitsajnyaya tsja Nainá nga kii.

⁴¹ Kii kóhokji nangui Siria ko Cilicia nga ya chinchima nga isa ndaà kisi'ñò ikon jñà xitá naxandá-là Cristo.

16

K'e nga jè Timoteo tsobáhihtako Pablo ko Silas

¹ Pablo, k'e nga ijchò naxandá Derbe ko Listra, ya kisatìkjoò jngoò xitá xi kota'yat'aà-là Cristo xi Timoteo 'mì; nea-là xitá judío-né xi mokjeiñ-là it'aà ts'e Cristo. Tanga jè na'èn-là xitá griego-né.

² Jñà xitá-là Cristo xi títajna Listra ko Iconio 'ñò ndaà kisikijna Timoteo.

³ Pablo mejèn-là nga jè koahhtako; k'oaá komà-ne nga kisit'aà chibá-là kjoa ts'e circuncisión mé-ne nga ndaà kijn-ne Timoteo it'aà ts'e xitá judío; nga jñà xitá xi ya i'nde-là jyeé beé nga na'èn-là Timoteo, xitá griego-né.

⁴ Ngats'iì naxandá ñánda jahato, k'oaá kitsò-lá nga kàtasíkitasòn kjoakixi xi tsajoóya-ne jñà xita xi tsibíxáya-lá Jesús kò xita jchínga xi títajna Jerusalén xi otíxoma ya jjiin naxandá-lá Cristo.

⁵ Jñà xita naxandá-lá Cristo, isaá 'ño ndaà mokjeiín isa-lá; nàchrjein nchijòn tímakjìn-ya xita xi nchimokjeiín-lá.

K'e nga jè Pablo kisinjñà jngòò-lá xita Macedonia

⁶ Jè Iníma Tsjeè-lá Nainá mikil kitsjaà'nde-lá Pablo kò xita xi kjihijtakò nga 'én-lá Cristo kii síka'bí ján nangui Asia; k'oaá ma-ne nga ya jahatojiin nangui ñánda 'mì Frigia kò Galacia.

⁷ K'e nga ijchò chrañàt'aà-lá nangui Misia mején-lá nga ján kjoì nangui Bitinia, tanga jè Iníma-lá Jesús mikil kitsjaà'nde-lá.

⁸ Tà jahato Misia, ijchò skanda naxandá Troas.

⁹ Nga jye títajna Troas, Pablo, k'e nga nitjen, tsatsejèn jngòò-lá xita koni tsà nijñà tí'biì-lá xi nangui Macedonia i'nde-lá xi tsasíjna kixi nguixkòn Pablo. Tsibítsi'ba-lá, kitsò-lá: “Nchroboí i nangui Macedonia. Tìchját'aà-nájen.”

¹⁰ Pablo, k'e nga jye kijtsee kjoa koi, nitòon tsitsajnaandaà-jen nga tsanguì-jen ján nangui Macedonia; k'oaá s'ín kjòchíya-najen nga kixi kjoa nga Nainá tíchja-najen mé-ne nga síka'bí-jen 'én ndaà-lá Nainá xi kjoa ts'e Cristo ya i'nde jè.

Kós'in komà nga jè Pablo kò Silas kii ndayá ya naxandá Filipos

¹¹ K'e nga itjo-najen ya naxandá Troas, kichjoé jngòò-jen chitso, tsanguì kixi-jen ya nangui xi kijnajiin ndá xi 'mì Samotracia; xi komà inchijòn ijngòò k'a tsanguì-jen skanda naxandá Neápolis.

¹² Itjo-najen Neápolis, tsanguì-jen Filipos, jngòò naxandá ítjòn ts'e i'nde Macedonia xi 'ño tjoé-lá nga'ño it'aà ts'e Roma. Kjìn nàchrjein tsitsajna-jen ya i'nde jè.

¹³ Jngòò nàchrjein nìkjáya tsanguì jngòò-jen i'nde indii naxandá ñánda tífa jngòò xajngá nandá nga k'oaá s'ín kinikitsjeèn-jen nga tjín jngòò i'nde ñánda chjat'aà-lá Nainá xita judío. Tsitsajna-jen; kinokjoako-jen it'aà ts'e 'én ndaà-lá Nainá xi kjoa ts'e Cristo jñà íchjín xi maxkóya ya i'nde jè.

¹⁴ Ya tíjnajiin jngòò chjoón xi 'mì Lidia xi otíjna níkje chí xi sko kjoàn isén-lá; yaá i'nde-lá ñánda 'mì Tiatira; ndaà beèxkón Nainá; jè Nainá kiskix'ajiin kjòhítsjeèn-lá nga ndaà tí'nchré koni s'ín tíchja Pablo.

¹⁵ Komà bautizar Lidia kò ngats'iì xita ni'ya-lá; xi komà iskan tsibítsi'ba-najen kitsò:

—Jñò tsà kixi kjoa nga mokjeiín-nò nga 'an, ndaà mokjeiín-na it'aà ts'e Nainá, tükjaán ni'ya-na, ya síkjáyaá.

Ngajen kjo'ño tsitsajna-jen.

¹⁶ Jngòò nàchrjein k'e nga titsahongui-jen i'nde ñánda nokjoat'aà-lajen Nainá, kisatükjòò jngòò-jen tsòti chí'nda xi iníma ch'o-lá neijí tíjiin iníma-lá; maá-lá bíndaà nga kot'aàsòn xita. Jñà nei-lá tsòti jè, ndaà jchán síkijne ton nga koi xá s'ín.

¹⁷ Tsòti jè, kùitjingui-najen; 'ño chja tjingui-najen, nga tsò:

—Xita koi, chí'nda-lá Nainá-né xi 'ño jeya tíjna; tíjñà-ne xi bénojmi-nò ndiyá xi kitjokajiin-nò kjo'in.

¹⁸ Jè tsòti, kjìn nàchrjein k'oaá s'ín kitsò-najen. Pablo chaán kòjti-lá, kiskátjifaya'a; kùichja-lá jè tjo neijí xi tíjiin iníma-lá. Kitsò-lá:

—It'aà ts'e Jesucristo, k'oaá xan-lè, títjokajiin iníma-lá tsòti jè.

Tik'eé-ne kjòndaà-ne.

¹⁹ Jñà nei-la, k'e nga kijtsee nga kitjaàxin-la kjoa xi ma-la, nga mì tì kii kisikijne-ne ton, kitsobà'nío Pablo kò Silas, kiikò nguixkòn xitaxá.

²⁰ Chinchá osen ñánda títsajna xitaxá, kitsò:

—Jñà xita koi xi xita judío, fi kátsji kjosii i naxandá-ná.

²¹ Kjotíxoma xi okóya mikii ndaa tjin, mikii tji'nde-ná nga chjoé, mikii k'oas'in s'eén, koi kjoa-la nga xita Roma-ná jñá.

²² Ngats'ii xita naxandá saà kondra kii-la jè Pablo kò Silas; jñà xitaxá kitsjaà okixi nga tsatejndajno nikje-la, ikjoàn tsaja-la.

²³ K'e nga jye 'nío tsaja-la, ingajò, kiskinis'en ndayá; ikjoàn kitsjaà-la okixi jè xita xi sikinda ndayá nga ndaa kátasikinda xita koi.

²⁴ Jè xita xi síkinda ndayá, k'e nga kits'ii-la okixi, yaá chinchá iya ñánda isa 'nío tjin. Tsibít'aà'nío ndsoko it'aà yá ts'e ndayá.

²⁵ K'e nga jye ijchò osen nitjen, jè Pablo kò Silas, nchichjat'aà-la Nainá kò nchiseé-la; jñà xita xi i'nga xi tikoá kjo'in títsajna, tà nchi'nchré-la.

²⁶ Tik'e-ne tà nitóón j'ii jngoo ch'ón xi 'nío jchán ts'a. Jñà xotjoa-la ndayá kitáx'a, tikoá jñà na'nío kichá cadena xi tjit'aà 'nío-ne xita xi títsajna ndayá, jngoo k'a kitjajnda'nío.

²⁷ Jè xita xi síkinda ndayá, k'e nga jaá-la, kijtsee nga tix'á yije xotjoa-la ndayá. Kisikitsjeèn, maá-la tsá jyeé tsanga yije xita xi títsajna kjo'in. Kiskoé jngoo kichá ndojò nga mejèn-la sijk'en yijo-la.

²⁸ Jè Pablo, k'e nga kijtsee, nitóón 'nío kiichja-la kitsò-la:

—Ki k'oaa nikoi yijo-lè; ii títsajna yije-jen.

²⁹ Jè xita xi síkinda ndayá kisijé jngoo ni'in nga kjòhiseèn-ya ndayá; chiba-la tíhotsé-né k'e nga jahas'en cuarto ñánda títsajna Pablo kò Silas; ikjoàn kisikatjen yijo-la ya ingui ndsoko.

³⁰ Ikjoàn tsachrje-ne ndayá Pablo kò Silas; kiskòngangui-la, kitsò-la:

—Na'èn, ¿mé xi s'iaàn nga kitjokajñaà kjo'in?

³¹ Pablo kò Silas kitsò-la:

—Katakjeiín-lè it'aà ts'e Na'èn-ná Jesucristo mé-ne nga kitjokajñoò kjo'in ngaji kò ngats'ii xita ni'ya-lè.

³² K'eé tsibénojmi-la 'én-la Na'èn-ná ngats'ii xita xi ya títsajna ni'ya-la.

³³ Tijé-ne nitjen jè, jè xita xi síkinda ndayá, tsanijno ñánda kitii-la Pablo kò Silas; xita jè tikoá komà bautizar kóhotjín xita xi ya títsajna ni'ya-la.

³⁴ Nga jye komà iskan, kiikò ni'ya-la nga tsakjèn kjoò kóhotjín xita ni'ya-la xi ngui tà kjotsja nga jye kòkjeiín-la it'aà ts'e Nainá.

³⁵ Nga komà inchijòn, jñà xitaxá kisikasén policia-la nga kisikasén-la okixi jè xi síkinda ndayá nga tà k'oas'in kàtitjo-ne Pablo kò Silas.

³⁶ Jè xita xi síkinda ndayá kisikí'nchré Pablo kitsò-la:

—Jñà xitaxá, jyeé kátsjá-na okixi nga ma kitjondejí-nò. Ndaà tanguí-nò.

³⁷ Tanga jè Pablo kitsò:

—Ngajen xita Roma-nájen. [Mikii tji'nde nga taxkí siko-najen.] Tanga kis'eé-najen yá nga nguixkòn naxandá k'e nga skanda tikj'eé 'ya-la mé jé xi tjin-najen; tanga i'ndeijé mejèn-la nga tà kjoa chijé kochrje-najen ndayá; jñà kátjanchrobá sobá nga kátachrje-najen.

³⁸ Jñà policia, k'oaa s'in kii kénojmi-la jñà xitaxá komi s'in kitsò Pablo. K'e nga kii'nchré jñà xitaxá nga jè Pablo kò Silas nga xita Roma, tsí ndaa kitsakjòn.

³⁹ K'eé niton kii nga tsachrje-ne ndayá Pablo kò Silas; ikjoàn tsibítsi'ba-la kjoa xi komà't'in; kitsò-la nga tà kjondaà kàtitjoiin naxandá.

⁴⁰ Pablo kò Silas, k'e nga jye itjo-ne ndayá, kii ni'ya-la chjoón xi 'mì Lidia. Yáá tsohóko nojmi xíkjin xi ngásòn mokjeiín-la it'aà ts'e Cristo nga 'nó kàt'eé-la ikon; ikjoàn kii-ne.

17

K'e nga kisakò kjoasii ján Tesalónica

¹ Jahato Anfípolis kò Apolonia, ijchò Tesalónica ya naxandá ñánda tjin ingoò ni'ya ingo sinagoga xi ts'e xita judío.

² Jè Pablo, koni s'in kjit'aà, jahas'en jè ni'ya ingo sinagoga; jàn nachrjein nikjáya tsajoóya-ne nga kiskoòta'ya Xojon-la Nainá.

³ K'oaá s'in tsibénojmí-la nga jè Cristo k'oaá s'in tjinè-la nga kiyá tikoáá jaáyaá-la it'aà ts'e kjoabiyaá. Kitsò-la:

—Jesús xi 'an tibenojmí-nò, jé-né xi Cristo [xi xó k'oas'in tjinè-la nga kjoii].

⁴ Tjin i'nga xita judío xi kòkjeiín-la; yáá tsoháhtakò Pablo kò Silas. Tikoáá kjin íchjin ítjòn kòkjeiín-la kò xita griego xi beèxkón Nainá.

⁵ Tanga jña xita judío xi mikii mokjeiín-la, kjòchinikeè Pablo kò Silas. Tsibíxkóya xita ts'eè xi tà jyò tjíma; tsibíts'ia kjoasii ya naxandá; kii kjaán-t'aà ni'ya-la xita xi 'mì Jasón nga tsohótsji Pablo kò Silas nga mejèn-la sijkjna osen nga nguixkòn naxandá.

⁶ Tanga mikii kisakò-la ñánda tjna Pablo kò Silas; kjo'ño komà-la nga tsachrje ni'ya jè Jasón kò i'nga xita-la Cristo xi ya títsajna nga kiikò nguixkòn xitaxá; 'nó kùichja kitsò:

—Jña xita koi xi síkits'ón xita xi tjin nga tjtisa isò'nde; jyeé j'ii i'nde tsaján.

⁷ Ngats'ii xita koi, jè Jasón kitsjaà'nde-la ni'ya-la. Saà kondraá fi-la kjotixoma-la César xi xitaxá ítjòn ts'e Roma; k'oaá tsò nga tjin iingoo xitaxá ítjòn xi Jesús 'mì.

⁸ Jña xitaxá kò xita naxandá, k'e nga kii'nchré 'én koi, kòitií-la.

⁹ Jè Jasón kò xita xi i'nga tsibíhjtiji yijo-la it'aà ts'e xitaxá nga komà tsibítsajnandeji-ne.

K'e nga tsibítsajna naxandá Berea Pablo kò Silas

¹⁰ K'e nga jye kòjñò, jña xita-la Cristo nitóon kisikasén jè Pablo kò Silas skanda ján naxandá Berea. K'e nga ijchò i'nde jè jahas'en ni'ya ingo sinagoga ts'e xita judío.

¹¹ Jña xita xi títsajna Berea, isaá ndaà tjin kjòhítsjeèn-la mì k'oaà-ne koni xi títsajna ya Tesalónica; isaá niton kòkjeiín-la 'én-la Nainá kò nachrjein inchiòn tsibíxkejiin Xojon-la Nainá nga mejèn-la skoe tsà kixixi kjoa koni tsò 'én xi okóya Pablo.

¹² Kjìn xita judío kòkjeiín-la tikoá kjìn íchjin ítjòn kò xita x'in kòkjeiín-la xi xita griego.

¹³ Jña xita judío xi títsajna Tesalónica, k'e nga kii'nchré nga jè Pablo kò Silas ya títsajna Berea, nga 'én-la Nainá nchibénojmí, kii ya naxandá jè nga kii kinchá'a xita mé-ne nga kisakò-ne kjoasii.

¹⁴ Jña xita-la Cristo, nitóon kisikasén Pablo ján indii ndáchikon; tà jè Silas kò Timoteo tsibítsajna ya Berea.

¹⁵ Jña xita xi tsoháhtakò Pablo nga kii kinì indiaà, kiikò skanda Atenas. K'e nga jye j'ii-ne xita koi, 'ya-la okixi Silas kò Timoteo nga nitóon kjitjinguí-la Pablo.

Kó tsò 'én xi kùichja Pablo k'e nga tsibijna ján Atenas

16 Pablo, k'e nga tǐjna naxandá Atenas nga tíkoña-lá Silas kō Timoteo, 'ñó baá komà-lá nga kijtsee nga ya naxandá jè, 'ñó kjin xkósòn beèxkón.

17 Ya ni'ya ingo sinagoga tsajoókjoókō xita judío kō xi taxki xita xi beèxkón Nainá; nachrjein inchijòn tsohókō ngats'ìi xita xi bixoña ya ndìtsjn.

18 Nachrjein koi tǐjn i'nga xita xi tsakóya kjohítsjeèn ts'e xita epicúreo kō xita estoicos nga tsajoókjoò Pablo. Tǐjn i'nga xi tsò:

—¿Kó tsòya-ne 'én xi chjaya, nga sii s'ín nga chja?

Tǐkoáá tǐjn i'nga xi tsò:

—K'oaá ma-ná, kj'eji-la nainá tíhokóya.

Koii k'oas'ín kitsò-ne nga jè Pablo, jè tǐbénojmí 'én ndaà-lá Nainá xi kjoa ts'e Jesús nga jaáya-lá it'aà ts'e kjoabiyaá.

19 K'éé kiikō jngoò i'nde ñánda 'mì Areópago. Kiskònangui-lá kitsò-lá:

—¿A komaá isa ndaà kénojmí-nájen jè kjotíxoma xitse xi ngaji okoóyi?

20 'Ñó kj'eji tsò. Mejèn-najen nga jcha-jen kó tsòya-ne.

21 Koii okitsò-ne nga jña xita Atenas kō xita xi xìn nangui-lá xi ya títsajna, tà jè xi mejèn-lá nga skoé kō koma kjoóya-ne ngats'ìi kjoa xitse.

22 Pablo, tsasǐjna kixi nga jngoò osen-lá i'nde Areópago, kitsò:

—Ngats'ioò xi i'nde-nò Atenas, k'oaá s'ín tǐbexkon-nò; 'ñó ndaà yaxkón jña xi nainá 'mì-là.

23 K'e nga jáhatoaá jña ingo ñánda bixoñaá, kijtsee jngoáá ingo ñánda tǐit'aà 'én xi tsò: “Nainá xi mikii yaxkon-lá.” Jè xi jño yaxkón, nas'ín mì kì yaxkon, tǐjè-ne xi 'an benojmí-nò.

24 Jè Nainá xi tsibíndaá isò'nde, ngats'ìi tsojmi xi tǐjn nga títsa isò'nde, jè xi nei-lá ngajmii kō nangui; mìtsá ya tǐjnaya ingo xi tsja xita bíndaà-ne.

25 Tǐkoáá, ñimé xi mochjeén-lá it'aà tsaján. Ta saá jè tǐsikíjnakon-ná, tsjá-ná tjo xi chjoaán, tsjá-ná ngats'ìi xi mochjeén-ná.

26 'Nainá, jngoò xita kisikjeén nga tsibíndaá ngats'ìi xita xi tǐjn nga títsa isò'nde; kiskoósòn-lá kótjín nachrjein kitsajna kō ñánda kitsajna,

27 mé-ne nga kátátsji-ne Nainá, nas'ín k'oas'ín kátas'ín koni jngoò xita xi mikii tsejèn-lá nga ótsjijno ótsjit'aà nangui. Tanga Nainá, mìtsá kjìin tǐjna; chraña tǐjnat'aà-ná.

28 Koni s'ín kitsò jngoò xita tsajòn xi 'ñó chjine: “Jña, ki'ndí-lá Nainá 'mì-ná.” Kixi kjoa, nga jè tsjá-ná nga títsajnakoaán nga ñikjaníyá nga títsajnasoaán isò'nde.

29 Tsá kixi kjoa nga ki'ndí-lá Nainá 'mì-ná, mì k'oas'ín sikítsjeén nga Nainá jña isén xi kicha oro xi kicha plata kō xi ndajo xi xita bíndaà-ne tsja koni s'ín tǐjn kjohítsjeèn-lá.

30 Nga sa itjòn Nainá kitsjaá'nde-né nga tǐjñò-lá xita. Tanga i'nde, k'oaá s'ín tsjá okixi nga títsa isò'nde nga jña xita kátasíkájno jé-lá nga mì tǐjé kjohótsji-ne.

31 Nainá jye tsibíjna jngoò nachrjein nga kixi koiíndaàjijn ngats'ìi xita isò'nde. Jaàjijn jngoò xita xi kitsjaá-lá okixi nga jè koma xitaxá xi koiíndaàjijn-lá ngats'ìi xita. Kō k'oaá s'ín tsakó nga kixi kjoa k'e nga kisikjaáya-lá it'aà ts'e kjoa biyaá.

32 K'e nga kii'nchré-lá kjoa ts'e nga faáya-lá mik'en it'aà ts'e kjoa biyaá, tǐjn i'nga xita xi tà tsijnò'nga-né kō tǐjn i'nga xi kitsò:

—Jña kjoa koi, kj'eji nachrjein kǐná'ya-jen.

33 Pablo, k'éé itjojiin-lá.

³⁴ Tanga tjin i'nga xita xi ya titsajna nga kòkjein-la: jngoò xita xi 'mì Dionisio xi ya chja-ne ts'e xita xi titsajnajtin xi 'mì Areópago; tikoá jngoò chjoón xi 'mì Dámaris, kò xita xi kje'ejí isa.

18

K'e nga kisixá Pablo ya Corinto

¹ K'e nga jye komá iskan, Pablo itjoiin Atenas, kiì Corinto.

² Yaá kiskaakjòò jñà xita judío xi 'mì Aquila kò chjoón-la xi 'mì Priscila. Ján nangui-la nánnda 'mì Ponto. Sà tã k'eé j'ii-ne nangui Italia koi kjoa-la nga jè Claudio xi xita sko-la tsachrje kjotixoma nga ngats'ii xita judío kitjokajiiin naxandá itjòn xi 'mì Roma. Pablo kiikon jñà xita koi.

³ Jñà xita koi, tikoáá koií xá s'in jè xá xi s'in Pablo nga ni'ya nikje bíndaà. Yaá tsibijnako nga kisixákjòò.

⁴ Nga jiin jiin nachrjein, k'e nga nachrjein nikjáya, Pablo fi ya ni'ya ingo sinagoga nga fi kákò jñà xita judío kò xi mitsà xita judío nga kàtakjein-la.

⁵ K'e nga j'ii-ne Macedonia, jè Silas kò Timoteo, jè Pablo ngui koií xá kis'iin nga tsibenojmí-la 'én-la Nainá jñà xita judío. Kitsò-la nga jè Jesús, jè xi Cristo [xi xó kinikasén-ne].

⁶ Tanga jñà xita judío, tà kondraá kiì-la Pablo koá kiichjajno-la; k'oaá s'in komà-ne jè Pablo tsibítsajne nikje-la xi kondra ts'e xita koi, [jè kjoa xi okó nga kjo'in s'e-la it'aá ts'e Nainá], kitsò-la:

—Jé tsajòn-nó tsà mikì mokjein-nò; 'an jye kisikitasoàn nga tsibenojmí-nò 'én. I'ndeí, jñà tifikenojmí-la jñà xi mitsà xita judío.

⁷ Pablo, itjo ni'ya ingo sinagoga; kiì jngoò ni'ya-la xita xi ya chrañat'aá tjina xi 'mì Ticio Justo xi ndaà beèxkón Nainá.

⁸ Crispo, jè xi xita itjòn-la ni'ya ingo sinagoga, kòkjein-la 'én-la Nainá, ngats'ii xi xita ni'ya-la; tikoáá kjin xita Corinto xi kiì'nchré 'én xi tsakóya Pablo kòkjein-la, ikjoàn komá bautizar.

⁹ Jngoò nütjen jè Pablo, k'oaá komà-la koni tsà nijná kits'ii-la; Na'èn-ná kiichja-la, kitsò-la:

—Ki jyò bijni, kò kì tsakjòòn-jèn, tinókjoa-né.

¹⁰ Mì ya xita kó siiko-lè, 'aán tijnako-lè; i'nde jè, kjìin ma xi xita ts'an ma.

¹¹ Pablo, jngoò nó osen tsibijna Corinto nga tsakóya 'én-la Nainá.

¹² K'e nga xitaxá gobernador tsibijna jè xi 'mì Galión ya i'nde Acaya, jñà xita judío tsajòya-ne nga kitsobà'ño Pablo; kiìkò ni'ya osen mé-ne nga kisindaajiiin-la.

¹³ Kitsò-la jè xitaxá xi gobernador tjina:

—Xita jè naxandá tìbinchá'a nga kje'ejí s'in beèxkón Nainá; mì k'oaá s'in koni s'in tjin kjotixoma ts'e Roma.

¹⁴ K'e nga mejèn kiichja Pablo, jè Galión kitsò-la xita judío:

—Tsà jngoò kjoa xi tse tjin kò 'in tjin, tjinè-la nga 'an kindaajñaà;

¹⁵ tanga tà 'én-né, tà kjotixoma tsajòn-nò; tà jñò tindaajñoò; 'an mikì skongájñaà kjoa koi.

¹⁶ Ikjoàn tsachrje ni'ya osen.

¹⁷ Ngats'ii xita griego kitsobà'ño jè xita itjòn ts'e ni'ya ingo sinagoga, jè xi 'mì Sóstenes. Kiskaàn-kò ya ni'ya osen nga nguixkon xitaxá. Tanga jè xitaxá Galión, mikì kis'ín-la.

Kiì s'in kiì jngoò k'a-ne Pablo ya Antioquia

¹⁸ Pablo, kjin nàchrjein tsibijna isà ya Corinto. Iskan kisihiat'aà jñà xit̃a 'ndse, kii-ne Siria. Tsobáhihtakò Priscila kò Aquila. Ya Cencrea tsibijno-là skò koni jngòò ch̃ibà xi okò nga jye kisikitasòn koni s'ín kitsjaà-là tso'ba Nainá.

¹⁹ K'e nga ijchò Éfeso, yaá tsibítsajna Priscila kò Aquila. Pablo, ján kii ni'ya jngo sinagoga nga tsajoókjòò jñà xit̃a judío xi ya bixofña.

²⁰ Jñà xit̃a koi tsibítsi'ba-là Pablo nga isà kjin nàchrjein kàtijnakò, tanga Pablo, mìkii kòkjein-là.

²¹ Kisihixat'aà xit̃a xíkjin kitsò-là:

—Tsà Nainá mejèn-là, iskan kjoikon jngòò k'a-nò.

Ikjoàn tsibijnaya chitso nga kii.

²² K'e nga ijchò Cesarea, kii ján Jerusalén nga kisihiat'aà xit̃a naxandá-là Cristo. Ikjoàn kii skanda Antioquia.

²³ Kjin nàchrjein tsibijna Antioquia; iskan kii kòhokji i'nde Galacia kò Frigia. Kisi'ño ikon ngats'ii xit̃a xi kota'yàt'aà-là Cristo.

K'e nga kiichjaya Apolos ya Éfeso

²⁴ Ya Éfeso ijchò jngòò xit̃a judío xi 'mì Apolos xi ján i'nde-là Alejandría, jngòò xit̃a xi 'ño ndaà ma-là chjaya. Ndaà tjiin-là it'aà ts'e Xojon-là Nainá.

²⁵ Jè Apolos, xó kiskoòta'ya-ne ndiyá-là Nainá; 'ño tsja beè-là inima-là nga ngui kixíi chjaya tikoáá tsakóya it'aà ts'e Jesús; jé kjoa ts'e bautismo nas'ín tà jè tjiin-là ts'e Juan.

²⁶ Apolos, 'ño tjin ikon nga kiichjaya ya ni'ya jngo sinagoga. K'e nga kii'nchrè jè Priscila kò Aquila, it'aà xin kiikò nga isà kixi tsakóya-là ndiyá-là Nainá.

²⁷ Apolos, k'e nga kjòmejèn-là kii ján i'nde Acaya, ngats'ii xit̃a-là Cristo kisi'ño ikon nga komà kii. Ikjoàn kiskii jngòò-là xojon jñà xit̃a xi kota'yàt'aà-là Cristo xi títsajna ján i'nde Acaya nga skoètjò jè Apolos k'e nga kijchò. K'e nga ijchò Acaya, 'ño ndaà tsasikò jñà xit̃a xi kitsjaà-là kjondaà Nainá nga kòkjein-là it'aà ts'e Cristo.

²⁸ Apolos, 'ño ndaà tsajoókjòò jñà xit̃a judío ya nguixkon naxandá nga kisikítsajnajyò nga it'aà ts'e Xojon-là Nainá, ngui ndaà tsakó-là nga jè Jesús, jè xi Cristo [xi xó kinikasén-ne].

19

K'e nga ijchò naxandá Éfeso jè Pablo

¹ K'e nga tákó ya tjna Apolos ya naxandá Corinto, jè Pablo, kjin i'nde jahatojiin xi nindoò choòn nga ijchò Éfeso. Yaá kiskaàjiin i'nga xit̃a xi kota'yàt'aà-là Cristo.

² Kiskònangui-là, kitsò-là:

—¿A kitjoé-nò Inima Tsjeè-là Nainá k'e nga kòkjein-nò it'aà ts'e Cristo?

Jñà xit̃a koi kitsò:

—Ngajen mìkii tjiin-najen tsà tjin Inima Tsjeè-là Nainá.

³ Pablo kitsò-là:

—¿Kó s'ín komà bautizar?

Jñà xit̃a koi kitsò:

—It'aà ts'e bautismo-là Juan komà-jen.

⁴ Pablo kitsò:

—Kixíi kjoa. Juan, kisi'in bautizar xit̃a xi kisikájno jé-là nga mì tì jè kohótsji-ne, tanga k'oaá s'ín kitsò-là xit̃a naxandá nga kàtakjein-là it'aà ts'e Jesús, jè xit̃a xi iskan kjoji.

⁵ K'e nga jye kii'nchré 'én koi, i_kjoàn komà bautizar it'aà ts'e Na'è-ná Jesucristo.

⁶ Pablo, k'e nga jye tsohósòn-la tsja, jñà xita koi jahas'en-jiin inima-la Inima Tsjeè-la Nainá, i_kjoàn kiichja 'én xi k'eiif tsò tikoà kiichjaya ngajo-la Nainá.

⁷ Ngats'ii xita koi, tejò ma xi xita x'in.

⁸ Pablo, jàn sá tsibijna Éfeso nga xki xòhoto fi ya ni'ya ingo sinagoga; mikiì tsakjòn nga bénojmiya, 'ño kiichjako xita nga kàtakejiin-la kós'ín otixoma Nainá.

⁹ Tanga tjín i'nga xita xi kisitájaàjiin inima-la, mikiì kòkjeiin-la koni s'ín tihokóya Pablo. Ch'oo kiichja nga nguixkon xita it'aà ts'e ndiyá xitse-la Cristo. Pablo, k'ée tsasit'aà xìn; kiiko yije xita xi kota'yat'aà-la Cristo. Yaá kiiko jngoò ni'ya escuela ñánda okóya xita xi 'mì Tirano. Yaá tsajoóya-ne nga nachrjein nchijòn.

¹⁰ Pablo, jò nó tsibijna nga tsakóya-la xita. K'oaá s'ín komà nga kii'nchré 'én ndaà-la Na'è-ná Jesucristo ngats'ii xita judío kò xi mìtsà xita judío xi tìtsajna naxandá ts'e nangui Asia.

¹¹ Nainá, tseé kjoxkón kis'iin nga jè kisikjeén Pablo.

¹² Skanda jè pahito-la kò nikje xi s'ikjeén Pablo f'iikjaá xita nga fiko-la xita xi xk'én. K'e nga jye síkò jñà nikje, mandaà-ne ch'in xi tjín-la; tikoáá bitjokàjiin-ne inima ch'o-la neij xi tjiin inima-la.

¹³ Tjín i'nga xita judío xi xki xi ján naxandá tjíma nga ochrjekàjiin inima-la xita xi inima ch'o-la neij tjiin inima-la. Mejèn-la k'oa tìs'ín s'ikxaki 'ín-la Jesús nga koxkii-la xita. Tsò-la jè neij:

—It'aà ts'e Jesús xi jè Pablo okóya otixoma-lè nga tìtjokàjiin inima-la xita koi!

¹⁴ Jngoò xita judío xi 'mì Esceva xi xita skò-la nò'miì, k'oaá s'ín mejèn kis'iin ixti-la xi itoò ma-ne.

¹⁵ Tanga jè xita neij, jngoò k'a kiichja-la kitsò-la:

—'An bexkon-ná Jesús, tikoáá bexkon-ná Pablo; tanga jñò, zyá xita-nò?

¹⁶ Jè xita xi inima ch'o-la neij tjiin inima-la kiskaàn-kò jñà ixti koi; kitsjoònè kitsjoòfè; kisikijne-la nga itoò ixti. Itjo ni'ya, i_kjoàn tsanga nga laká kjoàn koi kjoa-la nga 'ño kisiki'on.

¹⁷ Ngats'ii xita judío kò xi mìtsà xita judío xi tjín ján naxandá Éfeso, kii'nchré kjoa xi komà; tà kitsakjòn-né. Isáá 'ño ndaà kijtseèxkón Na'è-ná Jesucristo.

¹⁸ Kjiin xita xi jye mokjeiin-la 'én ndaà-la Nainá xi kjoa ts'e Cristo, j'ii kénjmi nga nguixkon xita nga ch'o tjín xá xi kis'iin nga sa ítjòn.

¹⁹ Tikoáá kjiin ma xita t'je j'ii kò yije libro xi kisikjeén nga tisa ítjòn nga tsaká. Chinchájiin ni'ín nga kitii nga nguixkon yije xita. K'e nga komà k'inda jè chji-la libro xi kitii, icháte jmù ton plata tjín-ne chji-la.

²⁰ K'oaá s'ín komà-ne nga 'ño tsangasòn 'én ndaà-la Nainá xi kjoa ts'e Cristo; tseé nga 'ño kis'e-la.

²¹ K'e nga jye jyehet'aà kjoa koi, Pablo kisikitsjeèn nga ján kjoj Jerusalén, kjoahato nangui Macedonia kò Acaya. K'oaá s'ín kisikitsjeèn nga tikoá mochjeén-né nga ján kjoj naxandá Roma.

²² K'ée kisikasén ingajò xita xi sichjât'aà-la ján nangui Macedonia, jè Timoteo kò Erasto; kò jè Pablo, yaá tsibijna chiba nachrjein isa ya nangui Asia.

Mé kjoa-ne nga kjoasii kis'e ya naxandá Éfeso

²³ Jñà nachrjein koi, 'ño tse kjoasii kis'e ya Éfeso, koi kjoa-la Ndiyá xitse-la Cristo.

24 Jngoò x̄ita xi 'mì Demetrio xi síxáko k̄ich̄a plata, bíndaà xkósòn-l̄a ts'e ingo-l̄a Diana. Ngats'iì x̄ita xi síxáko 'ñó ndaà síkijne tòn.

25 Tsibíxkóya ngats'iì x̄ita-l̄a xi síxáko k̄o x̄ita xi k̄j'eíj̄ xi t̄ikoá koi xá s'ín, kitsò-l̄a:

—Ngats'ioò j̄ñò, 'ya-nò nga jè xá koi, bijne-ná tòn.

26 Tanga t̄ikoáá títsa'ya-nò, k̄o títsana'ya-nò nga jè x̄ita xi 'mì Pablo, k'oaá s'ín binchá'a yije x̄ita nga mì xó tsà nainá xi tsja x̄ita sindaà-ne. Kjin ma-ne xi jye jahatj̄ya-l̄a, mìtsà t̄a ì Éfeso, kóhok̄ji jngoò itjand̄i nangui Asia.

27 Jè kjoá koi, mìkiì ndaà t̄jín. Mìtsà t̄a koi kjoá-l̄a nga ch̄ija xá xi 'nè. T̄ikoáá t̄jín-l̄a kjoskon tsà ch̄ija ingo-l̄a nainá xi 'mì Diana, jè xi 'ñó 'nga t̄jna nga mì t̄i kiì skoexkón-ne x̄ita; k̄o yaá ch̄ija kjoajeya-l̄a; mìtsà t̄a ì Asia nga yaxkón, t̄jtsaá isò'nde.

28 J̄ñá x̄ita, k'e nga kiì 'nchré 'én koi, 'ñó kòjti-l̄a, ìkjoàn 'ñó kiich̄ja nga kitsò:

—i'Nga kàt̄jna Diana ts'e naxandá Éfeso!

29 Kóhok̄ji naxandá kis'e kjoasiì; kitsobà'ñó jè xi 'mì Gayo k̄o Aristarco. Ingajò x̄ita koi, yaá k̄jih̄itako Pablo; ján ì'nde-l̄a nangui Macedonia. F̄ahatjen f̄ahania, kiìk̄o ni'ya teatro ñánda bixoña x̄ita naxandá.

30 Pablo, mejèn jahas'en t̄jngui-l̄a ni'ya nga k̄ich̄ajj̄in-l̄a x̄ita naxandá tanga j̄ñá x̄ita xi kota'yàt'aà-l̄a Cristo mìkiì kitsjaà'nde-l̄a.

31 T̄ikoáá yaá t̄ítsajna i'nga x̄ita xi xá t̄jín-l̄a ts'e nangui Asia xi amigo ts'e Pablo. Kisikasén-l̄a 'én nga mì ya kjoas'en-j̄in ya ni'ya teatro.

32 Ya ni'ya teatro ñánda chixoña x̄ita, mìkiì 'ya-l̄a mé kjoá xi t̄jín. Xk̄i xi ján ch̄ja, kakj'eíj̄ kakj'eíj̄ tsò nga jngoò ìjngoò. Isáá kj̄in ma-ne xi mìkiì t̄j̄j̄in-l̄a mé kjoá xi t̄jín ì'nde jè.

33 J̄ñá x̄ita judío tsasijna osen Alejandro nga kisik̄ich̄ja. Jè Alejandro, k'eé kiskim̄tjen tsja nga kisik̄ítsajnajyò x̄ita. Mejèn-l̄a nga kosiko x̄ita judío.

34 J̄ñá x̄ita, k'e nga k̄ijtseèkxon Alejandro nga x̄ita judío, ngats'iì, 'ñó kiich̄ja nga ta jngoó j̄t̄á kiich̄ja, kitsò:

—i'Nga kàt̄jna Diana ts'e naxandá Éfeso!

Koni jò-la hora kiich̄ja nga okitsò.

35 Jè x̄ita xi t̄jín-l̄a secretario ts'e naxandá, k'e nga jye kisik̄ítsajnajyò x̄ita naxandá kitsò-l̄a:

—Ngats'ioò xi x̄ita Éfeso 'mì-nò, 'ya-nò nga ngats'iì x̄ita xi t̄jín nga t̄jtsa isò'nde beè-né nga ì naxandá Éfeso t̄jín-l̄a kindá ingo-l̄a k̄o xkósòn-l̄a xi nea-ná Diana xi 'ñó 'nga t̄jna xi ngajm̄i j'ii-ne.

36 Nijngoò xi koma k̄jna'ma kjoá koi. Mochjeén-né nga mì taxk̄i s'een; ítjòn t̄ik̄ítsjeèn.

37 J̄ñá x̄ita xi j̄ñò kòf'ikòò ìjndé, ni mé kjoá xi kòhótsji it'aà ts'e ingo; t̄ikoáá mìtsà jè nea-ná Diana k̄ach̄ajno-l̄a.

38 Tsà jè Demetrio k̄o x̄ita xi síxáko, tsà mé kjoá xi t̄jín-l̄a k̄o x̄ita xi k̄j'eíj̄, t̄jín x̄itaxá xi ma-l̄a bíndaaj̄j̄in, koá t̄jín ni'ya osen ñánda sindaaj̄j̄in mé-ne nga koma k̄inchako-ne yijo-l̄a.

39 J̄ñò, tsà mé xi mejèn-isa-nò, k̄atasijna jngoò junta ts'e x̄ita naxandá xi kixi t̄jín nga k̄atasindaaj̄j̄in koni s'ín t̄ich̄ja k̄jotixoma.

40 Jè kjoá xi koma ì'nde, t̄jín-l̄a kjoskon tsà jè x̄itaxá ítjòn ts'e Roma k̄ich̄ja'nchré-ná nga k̄josiì t̄itsabinchaátsjaá. ¿Mé kindá xi k'oiáá?

41 K'e nga jye okitsò x̄ita jè, kiì yije-ne ni'ya-l̄a x̄ita.

20

K'e nga kii Pablo ya nangui Macedonia ko Grecia

¹ K'e nga jye kisikjoàn-là kjoasiì, Pablo tsibíxkóya yije xitá xi kota'yàt'aà-là Cristo nga kitsjaà-là 'én xi ndaa tsò nga kisi'ñójìin ikon. Ikjoàn, ksilixat'aà xikjín nga kii ján nangui Macedonia.

² Koni s'in tsajmeè nga kii, jahato ngats'iì naxandà nga ndaa kisi'ñójìin ikon jñà xitá-là Cristo; ijchò skanda Grecia.

³ Pablo, jàn sà tsibijna Grecia. K'e nga jye tibijnandaà nga skoé jngoò chitso nga jye tifi ján Siria, kisijin-là nga jñà xitá judío, k'oaá s'in tjíndaà-là nga mejèn-là sjik'en; kisikátji-ne, ndiyá Macedonia kii jngoò k'a-ne.

⁴ Tsobáhijtakò jè Sópater xi Berea j'nde-là, ti-là ma Pirro; jè Aristarco ko Segundo xi Tesalónica j'nde-là; Gayo xi Derbe j'nde-là; ko Timoteo; tikoáa ya tjiko Tíquico ko Trófimo xi Asia j'nde-là.

⁵ Jñà xitá xinguiáa koi, kii ítjòn-né skanda ján Troas. Yaá kiskoòñà-najen.

⁶ K'e nga jye jyehet'aà jñà nachrjein-là s'eí nga bichiaá inchrájin xi tsjin-là na'yo san, tsitsajnya jngoò-jen chitso ya Filipos; ikjoàn tsanguijin-ndá-jen; xi komà 'òn nachrjein ijchòtjingu-lajen ján Troas; yaá tsitsajna jngoò xomàna-jen.

K'e nga tsibijna Pablo ján Troas

⁷ Jè nachrjein tahàngo nga tàts'en xomàna chixoña yije-jen nga kinixkoaya-jen inchrájin; jè Pablo 'ño ndojò kiiko nga tsibénjmiya 'én-là Cristo. Tichja-né skanda kó nga ijchò osen nitjen, koi kjoa-là nga komà inchiòn jye tifi-ne.

⁸ Ya cuarto xi kijnasòn-'nga ts'e ni'ya ñánda titsajna-jen, kjin lámpara títi.

⁹ Jngoò chíti xi 'mì Eutico tjijnajto ventana-là ni'ya xi jàn piso tjín-là. Koá jè Pablo nga 'ño ndojò kiiko 'én xi tsibénjmi, jè chíti kisijnafè nga 'ño nijñá-là. K'e nga jye 'ño kjinafè, kiskaàngui skanda it'aà nangui. K'e nga kitjámìtjen, jye k'en.

¹⁰ K'ée inchrobàjen Pablo; kitsobàkjá, kitsò:

—Ki tsakjoòn-jèn, tjinakon-né.

¹¹ Ikjoàn kii mijin jngoò k'a-ne ya cuarto ñánda titsajna; kisixkoaya inchrájin, koá tsakjèn-ko xikjín. Jngoò k'a tsibits'ia nga kiichjaya skanda kis'e-là isén. Ikjoàn kii-ne.

¹² Jñà xitá kiiko-ne ni'ya-là jè chíti; jye tjinakon-ne; k'oaá tjín kjoa xi isa ndaa kjòtsja-là xitá.

K'e nga itjo-ne Pablo ya Troas nga kii ján Mileto

¹³ Ngajen, tsanguì ítjòn-nájen, tsitsajnya-jen chitso skanda ján Asón; yaá tsitjaàchjaajto-jen Pablo; k'oaá kitsò nga ndiyá ndsokóó kii-ne.

¹⁴ K'e nga jye ijchò-jen ján Aso, yaá kiskaàkjoò-jen Pablo; tsibijnayako-najen chitso; tsanguí-jen skanda ján Mitilene.

¹⁵ Itjo-jen Mitilene. Nga komà inchiòn, tsitjaajto-jen Quío. Xi ma-ne jò nachrjein ijchò-jen Samos. Yaá Trogilio kinikjaya-jen. Xi komà jàn nachrjein ijchò-jen Mileto.

¹⁶ Jè Pablo, k'oaá s'in kisikitsjeèn nga tà kjoahato kixii Éfeso; kisixátiya-là yijo-là nga mikii tsibijna Asia; jè xi mejèn-là nga isa niton kijchò Jerusalén tsá koi nachrjein-là ya tjina k'e nga kitjo s'eí ts'e Pentecostés.

Én xi kiichjakò Pablo jñà xitá jchínga ts'e naxandá-là Cristo xi titsajna Éfeso

17 Pablo, k'e nga tǐjna Mileto, kiskinǐkjaá jǎa xǐta jchǐnga xi tǐjn-la xá ya jǐjǐn naxandá-la Cristo xi tǐtsajna Éfeso.

18 K'e nga ijchò jǎa xǐta jchǐnga, kitsò-la:

—Jǎò, ndaa tǐjǐn-nò kós'in tǐjnako-nò skanda tǐjen-ne k'e nga j'iaa j nangui Asia.

19 Nga kjit'aà nachrjein, 'ńò indaàkjoa tǐsǐxá-la Nainá; mì k'oaá kji ndáxkoaàn bixteèn nga otojǎa kjoa koií kjoa-la koni s'in sǐko-na jǎa xǐta judío nga bíchjoa ikon-na.

20 'An, mìkǐ jyò ótǐjna nga benojmǐya-nò ngats'iì kjoa xi mochjeén-nò xi kjondaá tsajòn. Benojmǐya-nò ñánda bixoña xǐta kò ni'ya-nò.

21 K'oaá s'in benojmǐya yije-la, ngats'iì xǐta judío kò xi mìtsà xǐta judío nga kàtasikájno jé-la nga mì tǐ jé kohótsji-ne, Nainá kàtǐjt'aa-la kò kàtakjein-la it'aa ts'e Na'èn-ná Jesucristo.

22 I'ndej, ján tǐfia Jerusalén; tsejèn ma-na nga jè kjo'ńò tǐfiko-na Inǐma Tsjeè-la Nainá. Mìkǐ tǐjǐn-na mé kjoa xi komat'ian;

23 ta jè-né nga kǐjǐndà naxandá ñánda bijchoa, jè Inǐma Tsjeè-la Nainá, k'oaá s'in benojmǐya-na, k'e nga kǐjchoa Jerusalén, ndayá kótǐjna, tse kjo'in sǐlkjaán.

24 Kjoa ts'e kjo'in, mìkǐ makájno-na nas'in sǐik'en-na xǐta. Jè xi mejèn-na nga ndaa sikitasoàn. Ndaa sǐkǐjehet'aa xá xi kitsjaà-na Na'èn-ná Jesucristo nga sika'biá 'én ndaa-la it'aa ts'e kjondaá xi tsjá Nainá.

25 I'ndej, k'oaá xan kixi-nò ngats'ioò jǎò xi kiyaxkon-ná nga tsibenojmǐ-nò kjotixoma-la Nainá, mì tǐ kǐ jchaxkon-ná.

26 I'ndej, k'oaá xan-nò, tsà mìkǐ mokjeiin-nò it'aa ts'e Jesús, mìtsà 'an tǐjn-na jè tsá kjo'in s'e-nò.

27 Nga 'an, jyeé tsibenojmǐ yije-nò kó s'in tǐjn kjoa xi tǐjndaà-la Nainá; nǐmé xi tsibi'ma-nò.

28 Jǎò, tǐkindaa yijo-nò, tǐkoa tǐkindaa naxandá-la Cristo xi jè kisikijne nga kò jǐn-la. K'oaá s'in tǐkindaa koni jngoò paxtò ts'e orrè nga jè xá kitsjaà-nò Inǐma Tsjeè-la Nainá.

29 'An, be-ná, k'e nga koma iskan, nga jye kǐján, kjoahas'en-jǐn-nò xǐta xi kje'ejí koni tsejèn ts'en xi mejèn-la sǐlkje xǐta naxandá-la Cristo.

30 Tǐkoa kǐtjokàjǐn xi tǐ xǐta tsajòn-nò xi kje'ejí kjotixoma kòkòya xi mìtsà kixǐ kjoa; kǐjko xǐta xi kota'yat'aa-la Cristo nga skónachan-la.

31 Tǐtsajnakon; tǐkǐtsjeèn, 'an, ján nó tsohótǐjnako-nò kò nachrjein kò nǐtjen bixteèn ndáxkoaàn nga tsibenojmǐya-nò kós'in sǐjchá yijo-nò.

32 I'ndej, ndí 'ndse, ngats'ioò, tsja Nainá sǐkǐtsajnyana-nò. Tǐkoa sǐkǐtsajnajǐn-nò 'én-la Nainá it'aa ts'e kjotsjacha xi tǐjn-la, jè 'én xi koma tsjá-la nga'ńò inǐma-nò. It'aa ts'e 'én koi tjoé-nò kjotjò ján ngajmǐ k'e nga tjoé yije-la xǐta tsjeè-la Nainá.

33 'An, nǐmé xi jaajǐn-na, nǐ tǐn, nǐ nikje xi ts'e xǐta.

34 Jǎò, ndaa tǐjǐn-nò nga ndsaq sǐsǐxá-na nga kisikijne ngats'iì tsojmǐ xi kǐnichjeèn-jen kò xǐta xi tǐtsajnakò-na.

35 K'oaá s'in tsakooya-nò, mochjeén-né nga sǐxá mé-ne nga sǐjchát'aa-lá jǎa xǐta xi 'in tǐtsajna; tǐkǐtsjeèn 'én-la Na'èn-ná Jesucristo xi tsò: "Isáá ndaa machikon-t'in jǎa xǐta xi tsjá mì k'oaá-ne jǎa xǐta xi tjoé-la."

36 K'e nga jye okitsò, ikjoàn tsasijna-xkó'nchi Pablo, kǐchjat'aa-la Nainá kóhótǐjn xǐta.

³⁷ Ngats'ìi kiskindàya, kitsobàkjá kò kiskine'a Pablo.

³⁸ Jǎnà xǐtá, tsí 'on komà-lá jè 'én xi kitsò Pablo nga mì tǐ kù skòexkon-ne xǐkjín. Kù kìnì indiaà skanda ñánda kijna chitso.

21

K'e nga kù Pablo ján Jerusalén

¹ K'e nga jye kinìhixat'aà-jen xǐtá xingui-jen, tsitsajnyaya-jen chitso; tsanguí kixǐ-jen naxandá jǐn-ndá ñánda 'mì Cos; xi komà inchijòn ijchò-jen naxandá Rodas, ikoàn tsanguí-jen skanda naxandá Pátara.

² Yá Pátara síjna ìjngòò chitso xi tǐfí Fenicia; jè tsitsajnyaya-jen nga tsanguí-jen.

³ K'e nga tsitjaàjǐn-ndá-jen, ki'ya-jen nangui jǐn-ndá ts'e Chipre xi kijna ya ngaskón-najen; tanga tsanguí kixǐ-nájen skanda Siria. Jè chitso, yáá kisasijna indù ndáchikon Tiro nga yáá chinchá ch'á-lá xi 'ya.

⁴ Yá Tiro, kiskaàkjòò-jen xǐtá xi kota'yàt'aà-lá Cristo, itòò nàchrjein tsitsajnyaya-jen. Jǎnà xǐtá koi kitsò-lá Pablo nga mìkù kjoǐ ján Jerusalén; jè Iníma Tsjeè-lá Nainá k'oaá s'ín tsibènojmiya-lá.

⁵ K'e nga jye ijchò jngòò xomàna nga titsajna-jen, ikoàn itjo ìjngòò k'a-jen. Tsobáhijtakò yije-najen jǎnà xǐtá-lá Cristo, kò íchjín-lá kò ìxti-lá skanda ján indù najnchra. Kò yáá indù ndáchikon chincha-xkó'nchi-jen nga kinokjoát'aà-lajen Nainá.

⁶ Ikoàn kinìhixat'aà-jen xǐtá xingui-jen, tsitjaàs'en-jen chitso koá jǎnà xǐtá koi, kù-ne ni'ya-lá.

⁷ Yáá jyehet'aà nga tsitjaàjǐn-ndá-jen nga itjo-najen Tiro skanda ijchò-jen Tolemaida. Yáá kinìhixat'aà-jen xǐtá xinguiáá it'aà ts'e Cristo; jngòò nàchrjein tsitsajnyaya-jen.

⁸ K'e nga komà nchijòn, tsanguí-jen ján Cesarea. Ijchò-jen ni'ya-lá Felipe, xǐtá xi chjaya 'én ndaà-lá Nainá xi kjoá ts'e Cristo, jè xi taña kitjaàjǐn-kò jǎnà xǐtá xi itòò ma-ne nga kisixáko naxandá-lá Cristo. Yáá kinikjáya-jen ni'ya-lá.

⁹ Ñǐjòn ma ìxti íchjín xongó-lá xi síkjeén Nainá nga chja ngajo-lá.

¹⁰ Kǐjín nàchrjein tsitsajnyaya-jen Felipe. Yáá j'ì ìjngòò xǐtá xi 'mì Agabo xi inchrobà-ne Judea jè xi síkjeén Nainá nga chja ngajo-lá.

¹¹ K'e nga ijchòkon-najen, kiskoé sincho xi bìjnakjá Pablo. Tsibí'ño tsja kò ndsóko, ikoàn kitsò:

—K'oaá tsò jè Iníma Tsjeè-lá Nainá: kúis'ín koiit'aà'ño jǎnà xǐtá judío ján Jerusalén jè xǐtá nei-lá sincho jè; ikoàn síjngatsja xi mìtsá xǐtá judío.

¹² Ngajen kò xǐtá Cesarea, k'e nga kina'ya-jen 'én koi, tsibitsi'ba-lajen Pablo nga mìkù kjoǐ Jerusalén.

¹³ Tanga jè Pablo kitsò:

—¿Mé xi ma-nò? ¿Mé-ne chihindáya-nò? Kì nìba-là iníma-na. 'An tǐjngòò takoàn nga kátif'aà'ño-na nas'ín kátasík'en-na xǐtá ján Jerusalén xi kjoá ts'e Na'èn-ná Jesucristo.

¹⁴ Mìkù komà kichjaàxìn-lajen kjohítsjeèn-lá; tà k'oaá ki'mì-lajen:

—K'oaás'ín kátitasòn koni s'ín mejèn-lá Nainá.

¹⁵ Xi komà iskan, tsibixkó-jen tsojmì-najen, ikoàn tsanguí-jen Jerusalén.

¹⁶ Tsobáhijtakò i'nga-najen jǎnà xǐtá-lá Cristo xi Cesarea i'nde-lá. Kùkò-najen ya ni'ya-lá xǐtá xi 'mì Mnasón xi Chipre i'nde-lá. Xǐtá jè kjòtseé kota'yàt'aà-lá Cristo. Yáá kinikjáyojo-jen.

Mé xi komà k'e nga jè Pablo ijchò Jerusalén

¹⁷ K'e nga ijchò-jen Jerusalén, jñà xità-là Cristo xi ya títsajna, tsjaá komà-là nga kiskoétjò-najen.

¹⁸ Xi komà inchijòn, tsanguì-jen ko Pablo ni'ya-là Jacobo; yaá títsajna ngats'ìi xità jchínga xi otíxoma jjiin naxandá-là Nainá.

¹⁹ Pablo kisihihat'aà xità koi, ikjoàn tsibénojmi yije-là kjoa xi tís'in Nainá it'aà ts'e xità xi mìtsà xità judío nga jè tísíkjeén Pablo xá xi tís'in.

²⁰ K'e nga kii'nchré 'én koi, jeyaa kisikíjna Nainá. Ikjoàn kitsò-là Pablo:

—Ji ndí 'ndsè, tí'ya-né nga jñà xità judío jyeé 'ño kjìn jmiì ma-ne xi mokjeiín-là it'aà ts'e Jesús. Ngats'ìi xità koi, 'ño mejèn-là nga kítasòn kjotíxoma xi Nainá kitsjaà-là Moisés.

²¹ Tanga jye xó kii'nchré xi it'aà tsiji nga k'oaa xó s'in okoòya-là ngats'ìi xità judío xi títsajnajiiin ya naxandá-là jñà xi mìtsà xità judío nga mì xó tì kii sùikitasòn-ne kjotíxoma-là Moisés; kátasíhija xó kjotíxoma xi tjín-ná xi xità judío 'mì-ná, tìkooa mì xó tì kii sít'aà chùba-là jñà ndí jxti kjoa ts'e circuncisiòn.

²² ¿Mé xi s'een? Kjo'ño-né kji'nchré xità nga i tijni.

²³ K'oaa s'in t'jiin koni s'in 'mì-lèjen; j títsajnajiiin ñijòn-najen xità xi sùikitasòn koni s'in kitsjaà-là tso'ba Nainá nga sùitsjeeya yijo-là.

²⁴ Tikoji jñà xità. Tjtsjeeyi yijo-lè ko xità koi. Tíhji nga kátasijno-là tsja sko mé-ne nga skoe-ne xità xi kj'eíi nga mìtsà kixi kjoa koni tsò-lè xità. Yaá skoe-ne nga tìkooa ngaji nìkitasòn kjotíxoma-là Moisés.

²⁵ It'aà ts'e xità xi mìtsà xità judío xi jye mokjeiín-là 'én-là Cristo, jyeé kinikasén-lajen xojon koni s'in kichoòsòn-lajen nga mìkii skine tsojmi xi xkòsòn sinchát'aà-là; mìkii skine jni-là cho; tìkooa mìkii skine yijo-là cho xi mìkii xixteen jni-là k'e nga biyaa; tìkooa kì tì kjoa chijngui sís'in-là.

K'e nga kindobà'ño Pablo ya ingo ítjòn

²⁶ Xi komà nchijòn, Pablo kiiko nga ñijòn xità koi. Taña kisikitasòn kjotíxoma-là xità judío nga kisitsjeeya yijo-là kjoa ts'e jé-là. Ikjoàn kii ya ñánda tíjna ingo ítjòn nga kisikí'nchré jñà xità mé nachrjein kjoehet'aà nachrjein-là nga nchisitsjeeya yijo-là; ikjoàn koma kjiko cho xi kjotjò ts'e Nainá nga jngoò l'jngoò.

²⁷ K'e nga jye kjomeè bijchó itoò nachrjein, jñà xità judío xi inchrobà-ne nangui Asia, kijtseèkon Pablo nga ya tíjna ndítsin ingo ítjòn; chinchá'a ngats'ìi xità nga kitsobà'ño.

²⁸ 'Ñó kiìchja, kitsò:

—JiNgats'ioð xi xità Israel 'mì-nò, tìchját'aà-nájen! Jè xità jè xi tsó'ba nga kijndà naxandá nga okoòya kjotíxoma xi kondra ts'e naxandá, kondra ts'e kjotíxoma-là Moisés, ko kondra-là ingo ítjòn. Skanda j'iiikoó xità xi mìtsà xità judío xi kisikas'en ya ndítsin ingo nga sitjé jè j'nde tsjeè-là Nainá.

²⁹ Xità koi, koi kjoa-là nga k'oas'in kitsò, k'e nga sa ítjòn kijtseèkon Pablo ya jjiin naxandá nga taña tímakjoòko jngoò xi mìtsà xità judío xi 'mì Trófino xi xità Éfeso; k'oaa s'in kisikítsjeèn tsà tìkooa kiiko-né ya ndítsin ingo.

³⁰ Kóhokji naxandá kii'nchré nga kjoasii kisakò. Nitoón chixoña xità. Kitsobà'ño Pablo; kjo'ño tsachrje ya ndítsin ingo; ikjoàn tsibíhjoàito-là xotjoa ingo.

³¹ Jye mejèn nchisík'en tanga nitoón kii'nchré jè xità sko-là soldado ts'e Roma nga kjoasii kisakò naxandá Jerusalén.

³² Jè x̄ita sko-la soldado, n̄itōón kiichja i'nga-la soldado xi ìsa nangui xá tjín-la nga tsibíxkóya soldado-la; ikjoàn tsangachikon, kii ñánda tjín kjoasií. Jñà x̄ita, k'è nga kijtsee soldado, k'èé kitsjeiin Pablo; mi t̄i kii kiskaàn-ko-ne.

³³ K'è nga ijchò x̄ita sko-la soldado, kitsobà'ñó Pablo; kitsjaà okixi nga jò na'ñó kichà cadena kisit'aà'ñó Pablo. Ikjoàn kiskònangui yá x̄ita-ne xi 'mi Pablo ko mé xi kis'iin.

³⁴ Jñà x̄ita xi kjin ma-ne, x̄ki xi ján chja; kakj'ejí kakj'ejí tò nga jngoò ìjngoò. Jè x̄ita sko-la soldado, mikii kisakò-la mé kjoa xi komà nga 'ñó sii nchis'in. Kitsjaà-la okixi soldado-la nga kàtjikò Pablo ján cuartel.

³⁵ K'è nga nchifimijìn-jno escalón, jñà soldado tsa'nga Pablo, koií kjoa-la nga jñà x̄ita xi kjin ma-ne xi tjingui-la, 'ñó nchimats'en,

³⁶ nga tsò:
—i Tik'eèn!

Kó kitsò Pablo nga kiichjatjì yijo-la

³⁷ Jè Pablo, k'è nga jye tífahas'en cuartel kiichja-la jè x̄ita sko-la soldado, kitsò-la:

—¿A koma kichjako jngoò tjò-lè?

Jè x̄ita sko-la soldado kitsò:

—¿A maá-lè nokjoi 'én griego?

³⁸ ¿A mitsà ngaji xi x̄ita Egipto i'nde-lè xi tsibits'ij kjoasií kò jngoò kò jò nó nga kiikoi ñijòn jmii x̄ita kjoasií ján i'nde it'aà xin ñánda nangui kixi choòn?

³⁹ Pablo kitsò:

—'An, x̄ita judío-ná, yaá i'nde-na Tarso, jngoò naxandá xi ndaà yaxkon-la ts'e nangui Cilicia; tjín-lè kjondaà, tjìi'nde-ná nga kichjakoaa x̄ita naxandá.

⁴⁰ Jè x̄ita sko-la soldado, kitsjaà'nde-la; ikjoàn tsasijna kixi Pablo ya escalón; kiskimijten tsja nga jyò kàtitsajna x̄ita naxandá. K'è nga jye tsibitsajnajyò, kiichjako 'én hebreo, kitsò:

22

1 —Ngats'ioò xi x̄ita judío xinguiáá 'mì-nò ko xi x̄ita jchínga, t̄iná'ya 'én kixi xi kichjako-nò nga kichjatjìa yijo-na.

2 Jñà x̄ita, k'è nga kii'nchré nga 'én hebreo kiichja, ìsaá jyò tsibitsajna. K'èé kitsò Pablo:

3 —'An, x̄ita judío-ná. Yaá kits'ian Tarso, naxandá xi chja-ne Cilicia. Tanga jí Jerusalén kóchá. Jè kiskoòta'yát'aà-la jè maestro Gamaliel. Ngui kixí tsakóya-na koni s'in tjín kjotixoma-la x̄ita jchínga-ná. Ngui tjingoò takoàn nga sikitasòn-la Nainá koni s'in 'nè jñò skanda nachrjein i'ndeí.

4 Nga sa kjòtsee, kiitjingui kondra-la jñà x̄ita xi fitjingui-la ndiyá x̄itse jè, skanda mejèn-na kisik'én. Tsibit'aà'ñoá, t̄ikoá kiskinis'en ndayá íchjín, íchjá.

5 Jñà x̄ita sko-la n̄omií, ngats'ii x̄ita jchínga, ndaà kijtsee kjoa koi. Jñà kitsjaà-na xojon nga kiiko-la x̄ita xinguiáá xi t̄itsajna Damasco nga koma kjinchrobàkoaa í Jerusalén ngats'ii x̄ita xi mokjeiin-la it'aà ts'e Cristo mé-ne nga s'e-la kjo'in.

Kó kitsò Pablo k'è nga tsibénojmi kó s'in komàt'in nga jahatjya kjohitsjeèn-la (Hechos 9:1-19; 26:12-18)

6 K'è nga jye kjomeé bijchoa chrañat'aà-la Damasco, ijchò-la tsà nchisen, tà n̄itōón tsatsejèn jngoò-na ni'in xi ngajmii inchrobà-ne xi kjohiseèn kóhokji nga jngoò itjandii-na koni s'in t̄ifa.

⁷ 'An, kiskaajndoòt'aà nangui. Ki'nchrè 'én xi jjiin isén kiichja, kitsò: "Saulo, Saulo, ¿mé-ne 'an ti'mitjngui kondra-ná?"

⁸ K'eé kiskònangui-la, kixan-la: "¿Yá-ne ngaji Na'èn?" Kitsò-na: "'An-ná xi 'mì-na Jesús xi Nazaret ts'an xi jì ti'mitjngui kondra-ná."

⁹ Jñà xitá xi tjiqoa, kijtsee ni'ín nga kjòhiseèn, tà kitsakjòn-né, tanga mikì ki'ya-la 'én xi 'an kiichja-na.

¹⁰ K'eé kiskònangui-la kixan-la: "¿Mé xi s'iaàn, Na'èn?" Kitsò-na: "Tisítjiin, t'in kixi Damasco. Yáa s'enojmi yije-lè kó s'ín tjindaà kjoa xi s'iin."

¹¹ Koi kjoa-la nga 'ño kjòhiseèn ni'ín, 'an mì ti kii kjòtsejèn-na. Jñà xitá xi tjiqoa kitsobà'ño ndsaa nga kiikò-na skanda Damasco.

¹² 'Ya Damasco tijná jngòò xitá xi 'mì Ananías xi ndaà beèxkón Nainá koni s'ín tíchja kjòtixoma ts'e Moisés. Jè Ananías tikoáa ndaà yaxkón it'aà ts'e xitá judío xi títsajna ya i'nde jè.

¹³ K'e nga j'ii katsejèn-na Ananías, kitsò-na: "'Ndsè Saulo, kàtatáx'a-ne xkoiin." Tìk'eé-ne kitáx'a-ne xkooàn ikjoàn kiskoò'an Ananías.

¹⁴ Kitsò isa-na: "Nainá xi ts'e xitá jchínga-ná jaajiiin-lè nga jchaxkoin mé xi mejèn-la; tikoá jchaxkoin jè xi Ngui Xitá Kixi; kiná'yi 'én-la xi jè sobà kichja-lè.

¹⁵ Jii kénojmi-la ngats'ii xitá, ngats'ii kjoa xi ti'yi kò xi tina'yi.

¹⁶ I'ndeji, kì ti chiñà-ne. Tisítjiin; kàtamai bautizar; tinókjoat'aà-la Na'èn-ná Jesús nga kàtatsjeèya jè-lè."

Mé xi komà k'e nga jè Pablo tsibénojmi-la kós'in komà nga kiikon jñà xi mìtsà xitá judío

¹⁷ K'e nga j'i-na Jerusalén, kiaa ya ñánda tijná ingo ítjòn nga kichjàt'aà-la Nainá. Koni nijñà ti'bùin-na,

¹⁸ tsatsejèn-na Na'èn-ná; kitsò-na: "Tixátiyi, niton tìtjokàjiin naxandá Jerusalén; ijndé, mì yá xi kji'nchré 'én-lè xi kinókjoayi it'aà ts'an."

¹⁹ 'An kixan-la: "Na'èn, jyeé beèxkon-na nga 'an, xki ni'ya ingo sinagoga kiaa nga kitsobà'ñoá xitá, kiskinìs'en ndayá, tikoá kiskaàn-koaa jñà xi mokjeiún-la it'aà tsiji.

²⁰ K'e nga kisik'en Esteban xi xitá chi'nda-lè xi jè kitsjaà 'én tsiji, tikoáá 'an yaá tijná; tikoáá kisjngòò takoàn nga kinik'en; skanda 'aán kitsobà nikje-la jñà xitá xi kisik'en Esteban."

²¹ Tanga jè Na'èn-ná kitsò-na: "T'in, ján siikasén-lè naxandá-la xi mìtsà xitá judío xi kjiin títsajna."

²² Jñà xitá naxandá, ndaà nchi'nchré-la Pablo koni s'ín tíchja; k'eé kòjti-la k'e nga kiì'nchré 'én xi jyehet'aà-ne; 'ño kiichja kòhòtjin nga kitsò:

— Jitá jè, katiyaà! ¡Miki ok'in-la nga kijnakon isa isò'nde!

²³ Jñà xitá koi, isaá 'ño kiichja isa, bítsajneè nikje-la koa bíxteèn chijo ni'nde.

²⁴ Jè xitá skò-la soldado, kitsjaà okixi nga tsasijna'ya Pablo ya cuartel; tikoá kitsjaà okixi nga kàtajá-la mé-ne nga keènojmi-ne mé kjoa xi tsohòtsji nga kondra fitjngui-la xitá.

²⁵ K'e nga jye tjit'aà'ño, Pablo kiskònangui, kitsò-la jè soldado xi ya síjna, jè xi bit'in-la jñà soldado xi i'nga:

— ¿A tsjá'ndeé-lè kjòtixoma nga k'oas'in níkoji jngòò xitá Roma xi kj'eè kii 'ya-la mé jé xi tjin-la?

²⁶ Jè xitá xi bit'in-la jñà soldado xi i'nga, k'e nga kiì'nchré nga xitá Romaá Pablo, kiikon jè xitá skò-la soldado, kitsò-la:

— ¿Mé xi sikoji xitá jè? Nga xitá Roma-né.

27 Jè x̄it̄a sk̄o-l̄a soldado kiikon Pablo, kiskòngui-l̄a kitsò-l̄a:

—Ngaji, ¿a kix̄i kjoa nga x̄it̄a Roma-né?

Pablo kitsò:

—Kix̄i kjoa.

28 Jè x̄it̄a sk̄o-l̄a soldado kitsò-l̄a Pablo:

—Tse jchán t̄on kisengui-na yijo-n̄a nga x̄it̄a Roma komà.

Jè Pablo kitsò:

—Tanga 'an, k'oaá s'ín kits'ian nga x̄it̄a Roma-ná.

29 Jñà x̄it̄a soldado xi t̄jín-ne nga kojà-l̄a, chinchat'aàxin; t̄ikoáá jè x̄it̄a sk̄o-l̄a soldado k'e nga kisijin-l̄a nga jè Pablo x̄it̄a Roma-né, kitsakjòn-né koi kjoa-la nga jè kitsjaá okix̄i nga kisit'aà'n̄o Pablo.

Mé xi komà k'e nga jè Pablo tsibijna nguixkon x̄itaxá ítjòn-l̄a x̄it̄a judío

30 K'e nga komà inchijòn, jè x̄it̄a sk̄o-l̄a soldado mejèn-l̄a nga ndaà skoe mé jè xi t̄jín-l̄a nga k'oas'ín óngui-ne jñà x̄it̄a judío. Kiskjinda'n̄o; ikjoàn tsibixkóya x̄it̄a sk̄o-l̄a n̄o'mi k̄o x̄itaxá ítjòn-l̄a x̄it̄a judío; k̄ik̄o Pablo, tsasijnangui nguixkon x̄it̄a koi.

23

1 Pablo kiskoò'an jñà x̄itaxá ítjòn kitsò-l̄a:

—Jñò xi x̄it̄a xinguiáá judío 'mì-nò, ngats'ioò, k'oaá xán-nò, kjohitsjeèn ts'an, k'oaá tsò nga ndaà tiskitasoàn koni s'ín mejèn-l̄a Nainá skanda nchrjein i'ndeji.

2 Jè n̄o'mi ítjòn xi 'mì Ananías kitsò-l̄a jñà x̄it̄a xi nchat'aà chrañà-l̄a Pablo nga katasjts'iin-'a tso'ba.

3 Tanga jè Pablo kitsò-l̄a:

—iNgaji, xi jò isén t̄jín-lè, Nainá katasjts'iin-'a ndsoboi! Ngaji, koií xá t̄jna-ne nga k̄indaajin-ná koni s'ín t̄ichja kjotixoma tanga ngaji, isaá nikatonè-l̄a kjotixoma nga mejèn-lè sijts'in-'a-ná.

4 Jñà x̄it̄a xi nchat'aà chrañà-l̄a Pablo kitsò-l̄a:

—¿Mé-ne k'oas'ín nokjoajno-l̄a xi n̄o'mi ítjòn-l̄a Nainá?

5 Pablo kitsò:

—'Ndsè, mik̄i bexkoan tsà jè xi n̄o'mi ítjòn t̄jna. Kix̄i kjoa, k'oaá s'ín t̄ichja xojon kjotixoma-l̄a Nainá nga tsò: “Jè xi x̄itaxá sk̄o-l̄a naxandá mik̄i koma kinókjoajno-l̄a.”

6 Pablo, k'e nga kijtseexkon jñà x̄it̄a xi t̄tsajna nga jò skoya ma; t̄jín x̄it̄a fariseo k̄o t̄jín x̄it̄a saduceo; 'n̄o kiichja, kitsò-l̄a:

—'Ndseé, 'an, x̄it̄a fariseo-ná; ki'ndí-l̄a x̄it̄a fariseo-ná; koií kjoa-l̄a nga k'oas'ín t̄sindaajin-na nchrjein i'ndeji nga k'oaá s'ín mokjeiin-na nga faáya-la jñà x̄it̄a xi biyaa.

7 K'e nga k'oa kitsò Pablo, kjòjòya jñà x̄it̄a xi t̄tsajna junta; tsibíts'ia jñà x̄it̄a fariseo k̄o x̄it̄a saduceo nga tsohótiko x̄ikjín.

8 Koi kjoa-l̄a nga jñà x̄it̄a saduceo mik̄i mokjeiin-l̄a tsà kix̄i kjoa nga faáya-la mik'en, t̄ikoá mik̄i mokjeiin-l̄a tsà t̄jín xi 'mì àkjale k̄o xi 'mì inima; tanga jñà x̄it̄a fariseo mokjeiin yije-l̄a kjoa koi.

9 Ngats'i x̄it̄a 'n̄o jchán kiichja; k'eé chinchá kix̄i x̄it̄a xi okóya kjotixoma-la Nainá xi ya chja-ne ts'e x̄it̄a fariseo, kitsò:

—X̄it̄a jè, nimé kjoa xi ch'o t̄s'ín; tsà inima tsohók̄o k̄o tsà àkjale tsohók̄o; mik̄i koma jñà k̄incha ikón-lá Nainá.

¹⁰ Jè xita sko-la soldado, k'e nga kijtsee nga isa 'ño makjan-la jña xita, kitsakjòn-né tsà ya sikk'en Pablo. K'ée kiichja isa-la soldado; kitsjaà-la okixi nga kàtjikò ijngòò k'a ján cuartel.

¹¹ Xi komà nchijòn nga n̄tjen, ijchò kasit'aà-la Na'èn-ná jè Pablo, kitsò-la:
—Kì tsakjoòn-jèn, k'oaá s'ín mochjeén nga kìnókjoi xi it'aà ts'an ján Roma, koni s'ín kinokjoi i Jerusalén.

K'e nga jña xita judío tsajoóya-ne nga sikk'en Pablo

¹² Nga kis'e isén, jña xita judío tsajoóya-ne nga sikk'en Pablo; k'oaá kitsò nga mì kì kokjen kò mìkii skoí nandá; Nainá kàtatsjá-la kjo'in tsà mìkii kítasòn nga sikk'en Pablo.

¹³ Tsatoó ichán ma-ne jña xita judío xi k'oa'sín tsajoóya-ne.

¹⁴ Xita koi, kiikon jña xita sko-la n̄ m̄i kò xita jchinga ts'e xita judío, kitsò-la:
—K'oaá s'ín tsibìnè-lajen yijo-najen nga n̄imé xi chjine-jen, Nainá kàtatsjá-najen kjo'in tsà mìkii kítasòn nga sikk'en-jen Pablo.

¹⁵ Ngats'ioò xi tjín-nò xá ítjòn ts'e Junta jè, kot'in-là jè xita sko-la soldado nga kàtjanchrobákò nchijòn-lè i nguixkoòn. Tà k'oaá tìn-là nga isa ndaà mejèn-nò jchaxkoòn kjoa xi tjín-la. Ngajen kítasajnandaà-jen ya iya ndiyá nga sikk'en-jen k'e nga tikj'èè fi ijndé.

¹⁶ Jè ti-la ndichja Pablo, kii'nchré kjoa xi tsajoóya-ne xita judío; k'ée kii kisikí'nchré Pablo ya cuartel.

¹⁷ Pablo kiichja jngòò-la soldado, kitsò-la:

—Tikojì ti jè ñánda tjina xita sko-la soldado. Tjín 'én xi keènojmi-la.

¹⁸ Jè soldado kiikò jè ti ñánda tjina xita sko-la, kitsò-la:

—Jè Pablo xi tjina ndayá kàchja-na kàtsò-na: “Tikojì ti jè.” Tjín xó 'én xi keènojmi-lè.

¹⁹ Jè xita sko-la soldado, kitsobà'ño tsja jè ti, kiikò it'aà xìn, kiskònangui-la mè 'én xi keènojmi-la.

²⁰ Jè ti kitsò:

—Jña xita judío, jye ndaà tsajoóya-ne [nga mejèn-la skónachan-lè]; sijjé-lè nga kíkojì nchijòn-lè jè Pablo ján nguixkòn xitaxá judío nga mejèn xó-la isa ndaà tjanangui-la mé kjoa xi tjín-la.

²¹ Ngaji, kii kii mokjeiín-lè. Xita koi, ma-la tsà ichán nga títsajnachjoà-la Pablo ya iya ndiyá nga mejèn-la sikk'en. Jye k'oa'sín kitsjaà-la tso'ba Nainá nga mìkii kokjen tikoa mìkii skoí nandá skanda k'e nga sikk'en Pablo. I'ndeji, tà jè nchikoña-la nga k'oi-la 'én-lè koni s'ín nchisjé.

²² Jè xita sko-la soldado, kitsò-la jè ti nga komaá kjoj-ne; kitsjaà-la okixi nga nijngòò xita keènojmi-la nga jè ijchò síkí'nchré.

K'e nga jè Pablo kichinì'aà-la Félix xi xitaxá ítjòn

²³ Jè xita sko-la soldado kiichja jò-la soldado-la xi bí'tin-la soldado xi i'nga, kitsjaà-la okixi nga kàtasíkítasajnandaà jò sìndò soldado xi ndsokò kjoj-ne, jàn kaàn kò te xi kohòyo kítasòn-la, jò sìndò xi kicha lanza k'oa nga kjoj skanda ján Cesarea k'e nga kijchò xi ñijaàn nga kojño.

²⁴ Tikoa kitsjaà okixi nga kàtinchandaà kohòyo xi kijnakjá-la Pablo mé-ne nga ndaà kjiko-ne nga n̄imé xi komat'in skanda ñánda tjina Félix xi xitaxá ítjòn.

²⁵ Jngòò xojòn carta tsibindaà xi tsò:

²⁶ “Tjín-lè kjondaà ngaji Félix xi xitaxá ítjòn tijni; 'an, xi Claudio Lisias 'mì-na sihixat'aà-lè.

²⁷ Xitá xi tsiskasén-lè, jñà xitá judío kitsobà'ñó, kjomeé kisik'en, tanga 'an tsohósikoaa nga kiikoaa soldado-na nga jye kis'ejün-na nga xitá Roma-né.

²⁸ 'An, mejèn-na nga skoeé mé kjoa xi tjin-la. K'oaá komà-ne nga kiikoaa ñánda títasjna xitaxá judío.

²⁹ K'e nga ijchòkoaa, kisijün-na nga tà koií kjoa-la xi kjotixoma ts'e. Ni mé jé tjin-la nga kiyá; skanda mikil ok'in-la nga ndayá kijna jya.

³⁰ 'An, kis'enojmí-na nga jñà xitá judío, k'oaá s'in tsajoóya-ne nga mejèn-la sjiik'en chijé. K'oaá ma-ne nga jì tsiskasén-lè. K'oa tís'in kixan-la jñà xitá xi óngui nga nguixkoiin kátasindaájün-la mé kjoa xi tjin-la kondra ts'e."

³¹ Jñà soldado, k'e nga jye kitjoé-la okixi, kiiko Pablo k'e nga jye kòjñò skanda ján naxandá Antipatris.

³² Nga komà nchijòn jñà xitá soldado xi ndsoko kii-ne, kisikátji-ne; inchrobà-ne skanda cuartel. Tà jñà kiiko Pablo soldado xi kohòyo títasjnasòn.

³³ Jñà xitá soldado, k'e nga ijchò Cesarea, kisìngatsja jè xitaxá ítjòn xojoñ carta xi 'ya; tikoaa kisìngatsja Pablo.

³⁴ Jè xitaxá ítjòn, k'e nga jye tsibíxkejiin xojoñ carta, kiskònangui ñánda j'nde-la Pablo. K'e nga jye kis'enojmí-la nga nangui Cilicia j'nde-la,

³⁵ kitsò-la:

—K'ée kji'nchrè-lè k'e nga kjojí xitá xi óngui-lè.

Ikjoàn kitsjaá okixi nga kátamakinda, yaá kijna ni'ya osen-la Herodes.

24

Kò kitsò Pablo k'e nga kiichjatji yijo-la nguixkon xitaxá ítjòn xi 'mì Félix

¹ K'e nga komà 'òn nachrjein, ijchò Ananías ya Cesarea xi xitá sko-la no'miil. Tjiko i'nga xitá jchínga xi xá tjin-la ts'e xitá judío tikoaa tjiko jngò xitá xi 'mì Tértulo xi chjine xojoñ ts'e kjotixoma. Jñà xitá koi kiikon Félix jè xi xitaxá ítjòn tjina nga kitsjaat'in 'én xi kondra ts'e Pablo.

² K'e nga jye ijchòko Pablo nguixkon xitaxá, tsibíts'ia Tértulo nga kitsjaat'in 'én xi kondra ts'e Pablo; kitsò-la Félix:

—Ngaji xi xitaxá ítjòn tjini, ndaa yaxkón-lèjen. Nga it'aà tsiji, 'ñó tísakó-najen kjoa'nchán. Ndaa xá xi títasòn j naxandá-najen xi kjoa chjine tsiji.

³ Kjit'aà nachrjein, kòhokji ñánda títasjna-jen tjoé-najen kjondaà tsiji. Ndaa chjí-lè nga k'oas'in nìchjât'aà-nájen.

⁴ Majin-najen nga sii s'en-lèjen; tjin-lè kjondaà, tiná'ya itsé-nájen.

⁵ K'oaá s'in ki'ya-jen xitá jè nga tjtsa isò'nde 'ñó ch'o tjin kjoa xi ótsji nga síjòya xitá judío; jè-né xi xitá ítjòn-la xitá Nazaret xi síkijatjya ndiyá-la Nainá.

⁶ Tikoaa mejèn-la ch'o kisitjé Ingo Tsjeè-la Nainá, k'oaá ma-ne nga kin-dobà'ñó-jen. [Mejèn k'oas'in siko-jen koni s'in tíchja kjotixoma tsajen,

⁷ tanga jè Lisias xi xitá sko-la soldado tsasiko. Kòo kjoats'en tsafaá'an-najen k'e nga jye tijnaya ndsaa-jen.

⁸ Kò k'oaá kitsò Lisias nga jñà xitá xi óngui, jí kjojí nguixkoiin nga sindaájün.] Komaá ngaji sobá chjinangui-la mé-ne nga jcha-ne mé kjoa xi tjin-la nga ongui-jen.

⁹ Jñà xitá judío xi ya títasjna, tikoaa síngasòn 'én nga kixi kjoa.

¹⁰ Jè xitaxá ítjòn kiskímiltjen tsja nga kitsjaa'nde-la Pablo nga kiichja. Pablo kitsò:

—Ji xi xitaxá ítjòn tjini, tjün-na nga kò kjin nó tìnikitasòin xá jí j'nde jè; k'oaá ma-ne nga kò kjotsja-na, tì'an kichjatji-na yijo-na.

11 Ngaji, komaá kinchátsjiyi. 'An, saá tjin-la tejo nchrjein nga kíaa Jerusalén ya ingo itjon nga kijtseexkoán Nainá.

12 Ni saá ingoò k'a 'ya-na nga xita otikjoòkoaa, tikoaa mi xita naxandá binchaà'a ya nditsin ingo itjon, ko ni'ya ingo sinagoga, ko ya jijn naxandá.

13 Jñà xita xi óngui-na mikii koma kokixiya-la kjoa xi onè-na.

14 K'oaá xán-lè xi ngui kixi kjoa, 'an, jè sikitasòn-la xi Nainá tò-la xita jchínga-najen; k'oaá s'in sikitasoàn koni s'in tjin jè ndiyá xitse-la Cristo, jè xi tò-la jñà xita koi nga ndiyá xìn-la Nainá-né. 'An, mokjeín yije-na koni s'in tichja xojon ts'e kjoatixoma-la Nainá xi kiskii Moisés ko ts'e xita xi kiichja ngajo-la Nainá.

15 'An, k'oaá tis'in mokjeín-na it'aà ts'e Nainá koni s'in mokjeín-la jñà xita xi óngui-na nga faáya-la xita xi biyaa, jñà xi xita kixi ko xi mitsá xita kixi.

16 Koií k'oaas'in binè-la yijo-na nga tsjeè sikijna kjohitsjeèn-na nguixkon Nainá ko nguixkon xita.

17 'Nga jye kò kjin nó mi tì kii f'i-na naxandá-na Jerusalén, j'íi lngoò k'a-na nga j'iko-la ton jñà xita ima ko kitsjaà-la kjoatjò Nainá.

18 K'oaá tjin kjoa xi tis'iaàn k'e nga jye kisitsjeéya yijo-na koni tjin kjoatixoma-la xita judío. K'e nga kijtseè-na jñà xita judío xi Asia i'nde-la nga ya tijnna ya nditsin ingo, mitsá kjin ma xita xi títsajna-ko-na. Tikoaa mitsá kjoasií tìbts'iaa.

19 Jñà xita xi kijtseè-na ya nditsin ingo, tsà mé kjoa xi tjin-la xi kondra ts'an, jñà sabá kátjanchrobá nga kátatsjá 'én.

20 Tsà majin, jñà xita xi i títsajna kátènojmi tsà mé jé kisakòt'aà-la it'aà ts'an k'e nga tshótijna nguixkon xitaxá judío.

21 A xi koií jé xi tíma-na nga 'ñó kichjà k'e nga tijnajijn-la xitaxá judío nga kixan-la: "Nchrjein i'ndeí tísindaajijn-na nga mokjeín-na nga faáya-la xita xi biyaa."

22 Jè Félix, ndaà tjiijn-la koni s'in tjin ndiyá xitse ts'e Jesucristo. Tsibíchróbá kjoa koi. Kitsò:

—K'e nga kjoíi Lisias xi xita sko-la soldado, k'ée skòngui-isa-nò kjoa xi tjin-nò.

23 Félix kitsjaà-la okixi jñà soldado-la nga sikkijna isa ndayá Pablo, tanga komaá kojmeendeí ya iya ndayá, tikoaa komaá kjichòkon xita xikjin ko amigo-la.

24 K'e nga komà jàn ñijòn nchrjein, ijchò lngoò k'a Félix; tjiko Drusila xi chjoón-la ma xi tikoá xita judío. Kiskinikjaá Pablo nga mejèn-la kji'nchré-la kós'in mokjeín-la it'aà ts'e Na'èn-ná Jesucristo.

25 Pablo, tsibénojmi-la kós'in tjin xi kjoa kixi, mé xi s'een nga kíkjoán-lá kjoa xi ch'o tjin xi síjé yijo-ná; tikoá tsibénojmi-la nga sa nchróbá nchrjein nga Nainá kiindaajijn. Félix tà kitsakjòn-né; k'ée kitsò-la:

—T'in-ne. Kjeíi nchrjein kichjà lngoò k'a-lè k'e nga ko'a-na.

26 Jè Félix, k'oaá s'in tísikitsjeèn, mejèn-la ton kochrjekájno-la Pablo nga sikkijnandeí; k'oaá ma-ne nga kjin k'a kiichja-la.

27 K'e nga tsato jò nó, jahatjya xá-la Félix. Jè jahas'en xi 'mi Porcio Festo. Jè Félix, mejèn-la nga ndaà tsibijnako jñà xita judío; kiskijna isa ndayá Pablo.

25

K'e nga jè Pablo tsibijna nguixkon Festo

1 Festo ijchò Cesarea nga jahas'en xitaxá ítjòn; xi komà jàn nachrjein itjo-ne Cesarea, kii Jerusalén.

2 K'e nga jye tijná Jerusalén, jñà nò' mii ítjòn kò xitá skò-la xitá judío ijchòkon nga tshóngui Pablo; kitsjaat'in 'én xi kondra ts'e.

3 Xitá koi, kisjé-la kjondaà jè Festo nga kätjanchrobákò Pablo ya Jerusalén. K'oaá s'in jye tjindaà-la nga kitsachjoà ikon-la ya jya ndiyá mé-ne nga sjik'en-ne.

4 Tanga jè Festo, kitsò:

—Majin, mikii koma, nga jè Pablo ndayá tijná ján Cesarea; 'an, jyeé ya tífia.

5 Jñà xitaxá-nò koma koahijtaço-na ján Cesarea mé-ne koma kohóngui-ne xitá jè, tsà mé jé xi tjín-la.

6 Jè Festo tsibijna-la tsà ngui jiin nachrjein kò tsà te nachrjein ján Jerusalén; ikjoàn kii lingoò k'a-ne ján Cesarea; nga komà inchiòn ijchò ni'ya osen, tsibijnanè íxile-la ñánda otixoma; ikjoàn kiskinikjaá Pablo.

7 K'e nga jahas'en ni'ya osen Pablo, jñà xitá judío xi j'ii-ne Jerusalén, kii kinchat'aà chraña-la nga kitsjaat'in 'én ndiso xi 'ño ch'o tsò tanga mikii komà kjòkixiya 'én xi kitsjaat'in.

8 Pablo tsasikò yijo-la kitsò:

—Nimé jé xi tshotsjià xi kondra ts'e kjotixoma-la xitá judío, ni jè kondra ts'e ingo ítjòn-la Nainá, ni jè kondra ts'e César xi xitaxá ítjòn ts'e Roma.

9 Tanga jè Festo mejèn-la nga ndaà kijnako xitá judío; kiskòngui-la Pablo, kitsò-la:

—¿A mejèn-lè nga k'óin ján Jerusalén mé-ne nga ya kíndaajñaà kjoa-lè?

10 Pablo kitsò:

—Jye i tijná ñánda tjín kjotixoma-la César xi xitaxá ítjòn ts'e Roma. Mochjeén-né nga i katasindaajjin-na. Ngaji ndaà tjiin-lè nga ni mé kjoa tshotsjià it'aà ts'e xitá judío.

11 Tsà tjín-na jé, tsà ok'in-la nga kiyá, tíngoò takoàn nga kätasik'en-na; tanga tsà mi kixii kjoa 'én xi tsját'in-na, mikii koma ya kongatsja it'aà ts'e xitá koi. Tíkooá-ne, jè kátindaajjin-na César xi xitaxá ítjòn ts'e Roma.

12 Jè Festo, k'eé tsajoóya-ne kò xitá-la xi túsajnaço junta, ikjoàn kitsò:

—Tsà k'oaá s'in nijí nga jè César kíndaajjin-lè, tà saá ján sikasén-lè.

K'e nga ijchò ján Cesarea jè xitaxá Agripa

13 K'e nga jye tsato chiba nachrjein, jè xitaxá Agripa kò Berenice kii ján Cesarea nga kishixat'aà Festo.

14 Kjin nachrjein tsibitsajna ya Cesarea; jè Festo tsibénojmi-la Agripa kjoa-la Pablo, kitsò-la:

—Jè Félix, jngoò xitá kisikijnaya ndayá ijndé.

15 K'e nga tshótijná ján Jerusalén, jñà xitá skò-la nò' mii kò xitá jchínga-la xitá judío kitsjaà-na 'én nga óngui. Kisjé nga kätiyáa.

16 'An, k'oaá kixan-la nga jñà xitaxá Roma, mi taxkí sík'en xitá k'e nga tikj'eé 'ya-la jé xi tjín-la. Ítjòn joó'a kjoa-la kò jñà xitá xi óngui mé-ne nga koma kinchako-ne yijo-la.

17 Koií kjoa-la, k'e nga j'ii ijndé jñà xitá koi, mikii kisichja nachrjein; nga koma inchiòn, nga jye tijnasoàn íxile-na nga tihotixoma, niñoón kiskinikjaá xitá jè.

18 K'e nga jye túsajna osen jñà xitá xi óngui, mìtsà koi kjoa tshóngui koni s'in 'an tísiktsjeén.

¹⁹ Tà k'oaá tjin 'én xi kitsjaat'in xi kondra ts'e Pablo koni s'in beèxkón Nainá ko it'aà ts'e jngoò xita xi 'mì Jesús xi jye k'en; tanga jè Pablo tsò-né nga tijnakon-né.

²⁰ 'An, mikì be mé xi s'iaàn it'aà ts'e kjoa koi. K'eé kiskòngui-là Pablo, a mejèn-là nga ján kjoì Jerusalén mé-ne nga ya sindaàjiin-là kjoa xi finè.

²¹ K'oaá s'in kitsjé Pablo nga jè César kùindaàjiin-là. Koi k'oaá s'in kitsjaà-na okixi nga ndayá tijnaya-isa skanda k'e nga koma sikasén-là César.

²² Agripa kitsò-là jè Festo:

—Tikoaá 'an mejèn-na nga kji'nchrè-là xita jè.

Festo kitsò:

—Nchijòn-le kiná'ya-là.

²³ Nga komà inchijòn, ijchò Agripa ko Berenice. K'e nga jahas'en ni'ya osen 'nò ndaà kisis'in-là. Kjihijtakò jñà xita sko-là soldado ko jñà xita sko-là naxandá. Festo kitsjaà okixi nga kùichjaà Pablo.

²⁴ Festo kitsò:

—Ngaji Agripa xi xitaxá itjòn tijni, ngats'ioò xi i titsajnaà: chítsejèn-là xita jè. Ngats'ii jñà xita judío, 'nò sijét'aà-na ján Jerusalén ko i Cesarea nga 'nò chja nga mejèn-là sjiik'en.

²⁵ Tanga 'an, nimé xi matsjit'aà-na it'aà ts'e nga mochjeén-là nga kiyá. Tanga tso'baá kisjé-ne nga jè kùindaàjiin-là César xi xitaxá sko-là tjina-là ngats'ii xita. 'An, k'oaá s'in kiskoòsòn-là nga ya siikasén.

²⁶ Tanga 'an, nimé kjoa xi matsji-na it'aà ts'e xita jè, kós'in sikasén-là xojoñ jè César xi xitaxá sko-là tjina-là ngats'ii xita. K'oaá ma-ne nga sijét'aà-nò jñò xi i titsajnaà ko ngaji Agripa xi xitaxá itjòn tijni, mé-ne k'e nga jye chjinangui-laá, 'an sakó-na okixi nga sikasén xita jè.

²⁷ 'An, k'oaá ma-na, nga nimé chjì-là tsà taxki sikasén jngoaa xita xi ndayá tjina tsà mì sik'a jngoò xojoñ xi 'ya-là mé jé xi tjin-là.

26

K'e nga kùichjatji yijo-là Pablo nga nguixkon Agripa

¹ Jè Agripa kitsò-là Pablo:

—Tji'ndeé-lè nga kinókjoatji yijo-lè.

Pablo kiskimùtjen tsja; tsibíts'ia nga kùichjatji yijo-là; kitsò:

² —Ngaji Agripa, matsjaà-na nga ma kichjàkò-lè mé-ne nga kósikoaqa yijo-na ngats'ii kjoa xi kondra ts'an tsját'in-na 'én xita judío.

³ Be-ná nga ji Agripa, tjiin yijeé-lè ngats'ii kjotixoma xi tjin-là xita judío ko kjoa xi joóya-ne. K'oaá ma-ne sijét'aà-lè, tjin-lè kjondaà, tse t'jin takoin, ndaà tjiná'ya-ná.

⁴ 'Ngats'ii xita judío tjiin-là kós'in kisjchá yijo-na ján nangui-na ko Jerusalén tjen-ne nga sa ti kjia skanda nachrjein i'ndeì.

⁵ Jñà xita koi, tsà mejèn-là komaá keènojmi-lè. Ndaà tjiin-là nga 'an, ngui xita fariseo-ná; nga jñà xita fariseo xi isa 'nò bínè-là yijo-là nga beèxkón kjotixoma-là Nainá mì k'oaá-ne koni jñà xita judío xi i'nga.

⁶ 'An mokjeiin-na nga kitasòn kjoa xi tikoña-là koni s'in jye kitsjaà-là tso'ba Nainá jñà xita jchínga kjiin-ná. Koi kjoa-là nga i tijnáa.

⁷ Nga tejò tje-là naxandá Israel, ko nachrjein ko nitjen, jeya nchisikína Nainá nga nchikoñaá-là nga kitasòn kjoa koi. K'oaá xan-lè ngaji Agripa, nga tikoii-ne kjondaà xi 'an tikoña-là; k'oaá ma-ne nga óngui-na jñà xita judío.

⁸ Jñò, mé-ne nga mikì mokjeiin-nò nga Nainá sjiikjaáya-là xita xi jye k'en?

K'e nga tsibénjmi Pablo kó kis'ín nga kisjtikeyé xita-lá Cristo

⁹ "An, nga sa kjótsee, k'oaá s'ín kisikítsjeèn nga mochjeén-né nga kondra kjítjngui-lá Jesús xi Nazaret i'nde-lá.

¹⁰ K'oaá kis'iaàn ján Jerusalén. Jñá xita sko-lá no'mü kitsjaà-na okixi nga kjìn xita tsjeè-lá Nainá kiskinìs'en ndayá. K'e nga kinìk'en xita koi, 'an tikoáá kjòngoo takoàn.

¹¹ Nga xki xi ján ni'ya ingo sinagoga, kjìn k'a kitsjaà-lá kjo'in nga mejèn-na nga kàtichajno-lá Cristo. 'Nó kisjtikeyé, skanda kiitjngui kondra-lá ñánda xìn naxandá xi tjín isò'nde.

Kó komà nga jahatjiya kjohítsjeèn-lá Pablo

(Hechos 9:1-19; 22:6-16)

¹² Koi xá kiì-na ján naxandá Damasco nga 'an tsatixá-na jñá xita sko-lá no'mü, tikoá kitsjaà-na okixi.

¹³ Ngaji, xi xitaxá ítjòn tijni, k'e nga ijchò nchisen, kjitsee yá iya ndiyá, jngoo ni'ín xi ngajmü inchrobà-ne xi isa 'ño ote tsejèn mì k'oaá-ne koni ts'e ts'oi. Ngui kisihiseèn-né nga jngoo ítjandii-na kò ts'e xita xi tjikoa.

¹⁴ Chixòt'aà-jen nangui, ikjoàn ki'nchrè jngoaá 'en hebreo xi kiichjajiin isén-na; kitsò: "Saulo, Saulo, ¿mé-ne 'an ti'mitjngui kondra-ná? Tjiji tiyatoòn-ne yijo-lè, k'oaá ngaya-lá koni tsá nchrajá tsjón-lá jè yá xi bínès'en-lá nei-lá."

¹⁵ An kixan-lá: "¿Yá-né ngaji Na'èn?" Jè kitsò-na: "An-ná xi 'mì-na Jesús xi ti'mitjngui kondra-ná.

¹⁶ Tjisitjin; tjsijna kixji; koi xá kàyaxkon-ná nga 'an sixá-ná; jji k'oi 'én, jè kjoa xi kà'yi kò kjoa xi iskan 'an kokoò sobà-lè.

¹⁷ Aán sikinda-lè it'aà ts'e xita naxandá-lè kò ts'e xi mìtsà xita judío. Yáá sikasén-lè

¹⁸ nga chíx'angui xkon nga mì tá tsjaà yá kinchimaya ndiyá jño; ndiyá iseèn kinchimaya. Kàtinchat'aaxìn-lá nga'ño-lá xita nei; Nainá kàtjit'aà-lá. K'e nga kòkjeiin-lá it'aà ts'an, jchat'aà-lá jé-lá, tikoá s'e-lá kjotjò xi tjoé-lá xita naxandá-lá Nainá xi xó kitjaàjiiin-ne."

¹⁹ Ngaji Agripa xi xitaxá ítjòn tijni, 'an mikii kisitáajjñáa inima-na jè kjoa xi kjitsee kò xi ki'nchrè xi ngajmü inchrobà-ne.

²⁰ Ta saá, tsibenojmí ítjòn-lá jñá xita Damasco, ikjoàn tsibenojmí-lá xita Jerusalén, tikoá tsibenojmí-lá kòhokji nangui Judea, kò jñá xi mìtsà xita judío. K'oaá s'ín tsibenojmí-lá nga kàtasikájno jé-lá nga mì tjí jé kohòtsji-ne. Nainá kàtjit'aà-lá; ndaà kàtas'ín mé-ne nga jcha-lá nga jye jahatjiya-lá kjohítsjeèn-lá.

²¹ Koi kjoa-lá, jñá xita judío, kitsobà'ño-na yá nditsin ingo; mejèn-lá nga sjik'en-na.

²² Tanga Nainá tsasiko-na; tákò k'oaá tìs'iaàn skanda i'nde; k'oaá s'ín tibenojmí yije-lá nita yá xita-ne. Mìtsà k'ejí 'én okoòya; koi 'én benojmiá xi tsakóya Moisés kò xita xi kiichja ngajo-lá Nainá, kjoa xi koma nga tífi isa nachrjein.

²³ K'oaá s'ín tsakóya xita koi, nga jè Cristo [xi xó sikikasén-ne Nainá] tjínè-lá nga k'en, tanga jè jaáya ítjòn-lá mé-ne nga keenojmí-lá xita naxandá-lá kò xi mìtsà xita judío kós'ín kohiseèn-jiiin inima-lá nga koma kitjokajiin kjoajño.

Kó kitsò Agripa nga mejèn jahas'en-jiin-lá 'én-lá Nainá

²⁴ Jè Festo, k'e nga kiì'nchré 'én-lá Pablo nga tíhosiko yijo-lá, 'ño kiichja kitsò: —iNgaji Pablo, tímaskáya-lè; jè xojon tísiskáya-lè!

²⁵ Tanga jè Pablo kitsò:

—Ngaji Festo xi xitaxá tijní, mìtsà tímaskáya-na; k'o'oaá s'ín tjin; 'én kixí xi tichjá.

²⁶ Jè Agripa xi xitaxá ítjòn tijná, tíjìn yiyeé-la kjoa koi; k'o'oaá ma-ne ma'ño takoán nga nguixkon jè tichjá 'én koi; 'an, k'o'oaá s'ín makixiya-na nga jè, tiko'oaá 'ño ndaa tíjìn-la kjoa koi; nga mìtsà tíj'ima koni s'ín komà.

²⁷ Ngaji Agripa xi xitaxá tijní, ¿a mokjeín-lè koni s'ín kitsò jña xita xi kiichja ngajo-la Nainá? 'An, be-ná nga mokjeín-lè.

²⁸ Jè Agripa kitsò-la Pablo:

—Tà chibaá chija-la tsà kinikijne-ná nga 'an, xita-la Cristo koma.

²⁹ Pablo kitsò:

—Tsà tse ko tsà chiba chija-la, 'an, k'o'oaá s'ín mejèn-na nga nguixkon Nainá nga kàtakjeín-lè xi xitaxá ítjòn tijní; tiko'oa kàtakjeín-la ngats'ìi xita xi nchi'nchré-na. K'o'oaá s'ín kàtamati'òòn koni 'an tanga mì k'o'oaá s'ín na'ño kichá cadena sít'aà'ño.

³⁰ K'eé tsasítjen Agripa ko Festo ko Berenice, ngats'ìi xita xi ya títsajna.

³¹ Xìn kii nga tsajo'oya-ne kjoa koi. Kitsò-la xikjín:

—Xita jè, nímé kjoa tjin-la nga kiyá, tiko'oaá mìkii ok'in-la nga ndayá kijná'ya.

³² Agripa kitsò-la jè Festo:

—Xita jè, komaá-la kijnandejí-ne tsà mì k'o'oaá s'ín kisijé nga jè kiindaajìn-la César xi xitaxá ítjòn ts'e Roma.

27

K'e nga kinikasén Pablo ján Roma

¹ K'e nga jye k'o'as'in kiskoòsòn-la nga ján siikasén-najen Italia, jè Pablo ko xita xi i'nga xi ndayá títsajna, jè kjòngatsja xita sko-la soldado xi 'mì Julio xi ya chja jngòò jtin-ne soldado xi ts'e César.

² Tsitjaas'en-jen jngòò chitso xi ts'e Adramitio xi jye mejèn tìbitjo nga ya tifi jña naxandá indii ndáchikon ts'e nangui Asia. Tiko'oaá yaá tijnako-najen Aristarco xi ya i'nde-la Tesalónica, naxandá xi chja-ne nangui Macedonia.

³ Nga komà inchijòn, ijchò-jen Sidón. Jè Julio ndaa kijtsee ikon Pablo; kitsjaa'nde-la nga kiikon amigo-la mé-ne nga siis'in-la.

⁴ K'e nga itjo-najen Sidón, k'o'oaá s'ín tsangui-jen xijngo'aa nangui jìin-ndá Chipre, nga jè tjo, kondra tsajeén tí'ba.

⁵ Tsitjaajto-jen jìjìn ndáchikon i'nde ts'e Cilicia ko Panfilia; ijchò-jen Mira, naxandá xi chja-ne nangui Licia.

⁶ Jè xita sko-la soldado kisakò jngòò-la chitso xi naxandá Alejandría ts'e; yaá kisikas'en-najen nga ján tifi Italia.

⁷ Kjin nachrjein tsitjaajìn-jen ndáchikon nga tafi tafi tsangui-jen; chjá ijchò-najen ya kixi-la Gnido. Jè tjo mìkii tsjá'nde-najen nga ongui kixi-jen; tsitjaahindii-la-jen nangui Creta ya kixi-la naxandá Salmón.

⁸ Tseeé kjo'in ki'nè-jen nga tsitjaajìn-ndá-jen kòhokji indii ndáchikon ts'e Creta. Chjá ijchò-najen i'nde ñánda 'mì Buenos Puertos ya chrañat'aà-la naxandá Lasea.

⁹ Jyeé kjin nachrjein tsato; jyeé 'ño kjo'xkón tjin-la jìjìn ndáchikon, nga jyeé nchrobá machrañá nachrjein cho 'nchán [k'e nga 'ño 'ba tjo]. K'o'oaá ma-ne jè Pablo kitsò-la jña xita:

¹⁰ —'An, k'o'oaá s'ín machiya-na, ndiyá jè, 'ño tse kjo'xkón tjin-la; jchijaá-la jè chitso ko ch'á xi 'ya, skanda jña, mejèn tsà s'ichijaá yijo-ná.

11 Jè xita sko-la soldado, isaá ndaa kii'nchréñijon-la jè nei-la chitso ko jè xita sko-la xi tísixáko chitso mi k'oaá-ne koni kitsò Pablo.

12 Ya i'nde jè, mikii ndaa choòn nga ya sasijna chitso nachrjein ch'o'nchán. Xita xi ya títsajnyaya chitso, kjìn ma xi ngásòn kitsò nga kitjokàjiin Buenos Puertos; ján kjoì Fenice, jngoò i'nde xi ndaa choòn xi chja-ne Creta ñánda bijchó sinchá chitso nga ya fahas'en jngoò chrja-la ndáchikon ya nga kixi-la ko ngaskón-la ñánda kahatji-ne ts'oi; yaá kítsajna nachrjein ts'e cho'nchán.

K'e nga ts'a tjo xkón

13 Jñá xita xi síxáko chitso, k'e nga kijtsee nga indaa ts'a tjo xi inchrobá-ne ya i'nde sur, k'oaá s'in kisikítsjeèn nga jyeé koma kison-ndá; itjo-jen, tsanguisòn ndá-jen ya indii nangui Creta.

14 Xi komà iskan nga jye tjaàjiin-ndá-jen, j'ii tjojkón xi inchrobá-ne ya i'nde norte.

15 Kiiiko jè chitso koni s'in fi tjo. Ngajen, mi ti kii ma nikáfaya-najen jè chitso, nga jè tjo, mikii tsjá'nde-la; ta saá ta kits'i'ndeé-lajen nga k'oas'in kiiiko-najen jè tjo.

16 Tsitjaàto-jen ijton its'in i'nde Cauda; i'nde jè, mi ti k'oaá 'ño tí'ba-ne tjo; chjá kitjoé-najen jè chitso jtohá xi tjíndófe-la ijton its'in jè chitso je.

17 K'e nga jye kitjoé-najen jè chitso jtohá, ikjoàn na'ño tsibi'ñojká-ne jè chitso je nga mi kixoña-jèn. Jñá xita xi síxáko chitso, tsakjón-la tsá ya skajiin-ño ya i'nde ñánda 'ño'ncha tsumi ñánda 'mi Sirte. Koi kiskinájen-ne jè nikje ts'é chitso xi 'mi vela; ta k'oaá s'in kiiiko jè tjo.

18 Nga komà inchijòn, jè tjojkón, táko 'ño jchán tí'ba. K'ée tsachrje jñá ch'á xi 'ya chitso; tsibíxteèn-jiin ndáchikon [mé-ne nga isa jna komà-ne jè chitso].

19 Xi komà ján nachrjein, tikoá tsachrje tsojmi xi mochjeén-la nga síxáko chitso. Tsibíxteèn-jiin ndáchikon.

20 Kjìn nachrjein mi ti kii ki'ya-najen ts'oi ko ni'ño nga 'ño'ncha ifi nga jtsí xkón tibané-najen. K'oaá komà-ne nga chixón-jen nga mi-la ti kii ndaa kitjokàjiin-najen ndáchikon.

21 Nga jyeé kò kjìn nachrjein mi ti kii bichi-najen, Pablo tsasijna kixi, kitsò-la jñá xita:

—Ndaa-la komà tsà kina'yañijon-ná koni kixan-nò; tsà mikii itjokàjñaá ya i'nde Creta, mi-la kii k'oas'in timat'iaán nga kjo'in títanjikjiaán koá kinichijaa tsojmi-ná.

22 Tanga i'ndeji, kii makájno-nò; nijngoò xita kiyá; ta jè chitso xi jchija.

23 Natì nütjen kò'biì jngoò-na nijña; jngoò àkjale kòfiikon-na xi Nainá kàsikasén, jè Nainá xi 'an fit'aà-la koá 'an síxá-la,

24 kàtsò-na: “Pablo, kii tsakjoòn-jèn; kjo'ño tjín-ne nga kjchoi nguixkon César, xitaxá itjòn ts'e Roma. Nainá, k'oaá tjín kjondaà xi tsjá-lè nga nijngoò xita kiyá xi ya títsajnyako-lè chitso.”

25 Jñò, 'ño t'è-là takòn. 'An mikii síkájnoa. 'Beé-la takoàn, k'oaá s'in kítasòn koni kàtsò-na jè àkjale.

26 Tanga yaá kjicho kat'aa'ño-laá jngoò nangui jtohá xi kjiijnajiin-ndá.

27 K'e nga jye komà jò xomàna nga tjaàjiin-jen ndáchikon Adriático, jè tjo fijen fikjako jè chitso. Jngoò nütjen, ijchò-la tsà osen nütjen, jñá xita xi nchisíxáko chitso, kijtsee nga jyeé kjomeé bijcho chrañat'aà-lajen nangui.

²⁸ Kisichibà kó kji nanga kijna nandá; kijtseè nga kaàn chrj'òòn jngoò metro nanga kijna. K'ée ngui kó kji kii isa; ikjoàn kisichibà ijngoò k'a; jye kaàn itoò metro tjín-là nga nanga.

²⁹ Kitsakjòn-là tsà jñà ndajo nandá skakjoòkó jè chitso. Ñijòn kicha ì xi gancho kjoàn kisikatsjoòjìin tàts'en chitso mé-ne nga kitsobà'ñó-ne nangui nga mì tì kii koma kjoì-ne jè chitso; ikjoàn tsibitsi'ba-là Nainá nga ñitòn kàtas'e isén.

³⁰ Ngats'ìi jñà xitá xi s'íxáko chitso mejèn tsanga chijé; k'oaá kis'ìin koni tsà jñà kicha ì xi gancho kjoàn kinchangui'ñó skó chitso nga kitsobà'ñó nangui; tsibits'ia nga kiskinijèn-jìin nandá jè chitso jtohá.

³¹ Tanga jè Pablo kitsò-là jè xitá skó-là soldado kó soldado xi i'nga:

—Tsà jñà xitá koi konga, jñà, mìkii koma kitjójñáá nandá.

³² Jñà soldado tsate'ñó jè chitso jtohá. Kiskaàjìin ndáchikon.

³³ K'e nga jye kis'e isén, jè Pablo kitsò-là ngats'ìi xitá:

—Jyee tjín-là jò xomàna nga titsajnachjaán nga chiná-lá mé xi komat'iaán.

³⁴ Bitsi'bà-nò, mochjeén-né nga tichioò mé-ne nga s'e-nò nga'ñó. Ngats'ioò, ñimé xi komat'ioòn, skanda ñijngoò xi s'ichja jngoò tsja skoò.

³⁵ Pablo, k'e nga jye okitsò, kiskoé inchrajín, kitsjaà-là kjondaà Nainá nga nguixkon ngats'ìi xitá. Kisixkoaya; ikjoàn tsakjèn.

³⁶ Ngats'ìi xitá, kjòtsja yije-là; tikoá tsakjèn kóhojtjín.

³⁷ Jò sìndò kó jàn kaàn kó chrj'òòn jngoò ma-najèn xi ya titsajnyaya-jèn chitso.

³⁸ K'e nga jye komà ndaa chichi yije-jèn, jñà ch'á trigo kisixteèn-jìin ndáchikon mé-ne nga isa jnà komà-ne jè chitso.

³⁹ K'e nga jye itjokàtji ts'oi, jñà xitá xi s'íxáko chitso, mìkii beèxkon kó 'mì nangui ñanda ijchò-jèn, tanga kijtseè-né nga tjín jngoò j'nde ñanda fahas'en jngoò chrja-là ndáchikon ñanda 'ñó 'ncha tsoì; mejèn k'oa's'ín kiskinì chitso tsà koma ya skajìin-'ñó tsoì.

⁴⁰ Tsate na'ñó xi tjít'aa'ñó chitso; jñà kicha ì xi gancho kjoàn, yaá kisijjòjìin ndáchikon; kiskjìnda'ñó jñà yá xi s'íxáko nga fikó kixi chitso. Ikjoàn kiskimìtjen jè nikje xi sinchá tjo nga fàhitjen chitso. Ikjoàn tsibits'ia nga kii kixi ñanda kijna nangui xi 'ñó 'ncha tsoì.

⁴¹ Tanga yaá kii kaàjìin-'ñó ñanda 'ncha tsoì ya ijìin ndáchikon. Jè skó yá chitso, kiskaàjìin-'ñó; mì tì kii koma kishiníyá-ne. Ikjoàn kjòts'ia nga kjòxkoaya jè tàts'en chitso nga jè nga'ñó-là nandá kisixkoaya.

⁴² Jñà soldado mejèn kisik'en jñà xitá xi kjo'in nchifi nga majìn-là nga konga ya ijìin ndáchikon.

⁴³ Tanga jè xitá skó-là soldado mìkii kitsjaà'nde. Jè xi mejèn-là nga mì kiyá Pablo. Tà saá okixi kitsjaà kitsò:

—Yá xi ma-là nandá, kàtji itjòn mé-ne nga koma kijchò-ne ñanda nangui choòn,

⁴⁴ kó jñà xitá xi i'nga xi mì ma-là nandá, kàtjìsòn iteè kó tsà jñà yá xkoa-là chitso.

K'oaá s'ín komà-ne nga ndaa ijchò yije-jèn ñanda nangui choòn.

28

Mé xi komat'in Pablo k'e nga tsibijna Malta

¹ K'e nga jye itjòjìin-jèn ndáchikon, kis'enojmí-najèn nga ya j'nde jè, Malta 'mì.

² Jñà x̄ita xi ya i'nde-la, ndaà kisikò-najen; tsibítse-najen ni'ín, ikjoàn kitsjaà'nde-najen nga kinihiso-jen, nga jtsí tí'ba koa 'nchán choòn.

³ Jè Pablo tsibíxkó chiba chikín kixi. K'e nga chinchájin ni'ín jñà chikín, jngoò ye itjokàjìin xi tihonga nga 'ñó tsjè ni'ín; kiskine tsja Pablo.

⁴ Jñà x̄ita xi ya i'nde-la nga kijtseè nga ye tjo'hóngui-la tsja Pablo, kitsò-la xikjín:

—X̄ita jè, x̄itaá-la ma-la sík'en; na's'ín ndaà kòbitjokàjìin ndáchikon, jè nea-ná xi tjín-la okixi, majìn-la síkijnakon.

⁵ Jè Pablo, tsibítsajneè tsja ya jjiin ni'ín; ñimé xi komà-la.

⁶ Ngats'ii x̄ita nchikoña-la mé hora kitjaya tsja koa mé hora kiyá Pablo. K'e nga kijtseè nga jye kjìn hora tsato nga ñimé xi komà-la, k'ejí s'ín kisikítsjeèn, kitsò:

—Jè Pablo, Nainá-la.

⁷ Ya chrañat'aà-la i'nde ñánda ijchò-jen, tseé nangui tjín xi ts'e x̄ita itjòn-la i'nde Malta xi 'mì Publio. Jàn nachrjein tsitsajna-ko-jen; ndaà kiskoé'tjò-najen ko ndaà kisis'in-najen.

⁸ Nachrjein koi, jè na'èn-la Publio, xk'én-né; ch'in tijnja tjín-la ko xojmá jní tífa-la. Pablo kiikon; kiichjat'aà-la Nainá; ikjoàn tsohójnason-la tsja; jngoò k'a kjòndaà-ne.

⁹ K'e nga kiì'nchré jñà x̄ita xk'én xi tjín ya i'nde jè, tikoá inchròbà ñánda tjina Pablo. Kjòndaà yijeé-ne.

¹⁰ Jñà x̄ita, ndaà kisis'in-najen. K'e nga jye titsachjoé jngoò-jen chitso nga jye titsahonguí-jen, jñà x̄ita kisik'a yijeé-najen ngats'ii tsojmí xi kochjeén-najen ya ndiyá.

K'e nga ijchò Pablo ján naxandá Roma

¹¹ K'e nga jye tsato jàn sá nga titsajna-jen i'nde jè, ikjoàn tsanguí jngoò k'a-jen. Tsitjaàs'en jngoò-jen chitso xi ján i'nde-la naxandá Alejandría xi tikoá ya kisasijna ya indii ndáchikon ts'e Malta jñà nachrjein cho 'nchán; isén ts'e Cástor ko Pólux jtít'aà.

¹² K'e nga ijchò-jen naxandá Siracusa, jàn nachrjein tsitsajna-jen.

¹³ Tsanguí jngoò k'a-jen; ijchò-jen skanda naxandá Regio. Xi komà inchijòn tsibíts'ia nga ts'a tjo xi inchròbà-ne i'nde sur. Ijchò jò nachrjein, ijchò-jen naxandá Puteoli.

¹⁴ Yaá kiskaàkjoò i'nga-jen x̄ita xinguiáa xi it'aà ts'e Cristo xi kiichjako-najen nga tsitsajna-ko-jen jngoò xomàna. Xi komà iskan, ikjoàn tsanguí-jen skanda Roma.

¹⁵ Jñà x̄ita xinguiáa it'aà ts'e Cristo xi títsajna Roma, jyeé tjiin-la nga ya titsahonguí-jen; tjín xi ijchò kaña-najen ya ndítsin Apio; tikoá tjín xi ijchò kaña-najen ñánda 'mì Jàn Tabernas. Jè Pablo, k'e nga kijtseèxkon, tsjaá kis'e-la inima-la; kitsjaà-la kjòndaà Nainá.

¹⁶ K'e nga jye titsajna-jen Roma, Pablo kits'ii'nde-la nga tsibijna tajngoò ni'ya-la; ko tà jngoò soldado kisikinda.

Mé 'én xi kiichja Pablo k'e nga tsibijna Roma

¹⁷ Nga komà jàn nachrjein nga ijchò-jen Roma, Pablo, tsibíxkóya jñà x̄ita sko-la x̄ita judío xi ya títsajna. K'e nga jye j'ii yije, kitsò-la:

—Jñò xi x̄ita xinguiáa judío xi i' titsajnaà Roma, ján Jerusalén, kitsobà'ñó-na x̄ita, ikjoàn kisingatsja-na it'aà ts'e x̄itaxá Roma nga tsibindaàjìin-na. 'An,

nímé jé xi tihotsjià ìt'aà ts'e xità xinguiáá judío kò ìt'aà ts'e kjotíxoma-là xità jhíngá-ná.

¹⁸ Jñà xítaxá Roma nga tsibíndaàjìin-na, nímé jé xi kisakòt'aà-là ìt'aà ts'an. Mejèn kisikínandeí-na nga mìkìl ok'in-là nga sìk'en-nà.

¹⁹ Tanga jñà xità judío, mìkìl kòkjeín-là; k'oaá komà-ne nga 'an, kisijé nga jè kátíndaàjìin-na jè César xi xítaxá ítjòn ts'e Roma. 'An, nímé xi sijé xi kondrà ts'e naxandá-ná.

²⁰ K'oaá ma-ne nga kòbìxkóya-nò mé-ne nga kichjàkò-nò; koií kjoa-là nga mokjeín-na ìt'aà ts'e kjoa xi titsachiñá-lá xi xità Israel 'mì-ná nga na'nó kicha jíit'aà'nó-na.

²¹ Jñà xità judío kitsò:

—Ngajen, nímé xojon tíkaat'aà-najen xi kjoa tsiji xi ján Judea nchrobá-ne. Ngats'ìi xità judío xinguiáá xi nchif'ìi, nímé 'én xi ch'o tsò nchitsjá-najen xi kjoa tsiji.

²² Mejèn-najen nga kìná'ya-jen kjoa xi níkítsjìin; ngajen, tíjìin-najen nga xkì xi ján chjajno-là xità nga kondrà fl-là jè ndiyá xítse xi ya tjaáyi.

²³ Tsbíjina jngoo nachrjein-là xíkín, mé nachrjein kixoña. K'e nga chixoña, kjin xità ijchò ya ni'ya ñánda tíjna Pablo; kò jè Pablo tsakóya-là kós'in otíxoma Nainá, tsibíts'iake-ne nga sa tajñòya skanda kjònguixòn. Pablo kisikjeén xojon ts'e Moisés kò ts'e xità xi kiichjaya ngajo-là Nainá nga tsakóya-là kó s'in tíchja mé-ne nga jñà xità kàtakjeín-là ìt'aà ts'e Jesús nga jè xi Cristo.

²⁴ Tjín xità xi kòkjeín-là, tíkoa tjín xi mìkìl kòkjeín-là.

²⁵ Nga mìkìl kjòngásòn 'én-là koni s'in tsajoókjoò, tsibíts'ia nga itjo ni'ya. K'éé kitsò-là Pablo:

—Ndaà kiichja Iníma Tsjeè-là Nainá nga kisikjeén Isaías xità xi kiichja ngajo-là kjòtseé nga kitsò-là jñà xità jhíngá judío:

²⁶ T'in, kot'in-là jñà xità naxandá:

Jñò, kìná'ya-nò tanga mìkìl kjoas'en-jìin-nò;
chítsejèn-nò tanga mìkìl jchaxkon.

²⁷ Koií kjoa-là nga jñà xità naxandá jè, kisitájaàjìin kjòhítsjeèn-là,
tsibíchjoàjto líká-là,

tíkoa tsibíchjoà xkon,
mé-ne nga mìkìl skoe-ne,
mìkìl kji'nchré,
tíkoa mìkìl kjoas'en-jìin-là;
majìn-là nga 'an fit'aà-na
nga sindaà-na.

²⁸ Jñò kàtasjìin-nò, nachrjein i'ndeí, Nainá, ján tísíkasén-là jñà xi mìtsà xità judío, kjondaà jè, mé-ne nga kítjokàjìin-ne kjo'in. Kò jñà xità koi, kòkjeín-là.

²⁹ K'e nga jye okitsò Pablo, jñà xità judío, k'e nga kii-ne, ngui tà tsohótiyaá-ne 'én xi tsibénojmi Pablo.

³⁰ Pablo, jò nó tsibijna ni'ya xi kiskíña nga tsibíchjí. Yaá kisís'in-là ngats'ìi xità xi ijchòkon.

³¹ Kitjò'nde-là nga kiichjaya kós'in otíxoma Nainá tíkoa tsakóya ìt'aà ts'e Nà'èn-ná Jesucristo. Mì ya xità tsatekjáya-là.

Xojoṇ carta-la San Pablo xi kiskii-la xita naxandá-la Cristo xi títajna Roma

Kó tsò Pablo nga shixat'aà jñà xita naxandá-la Cristo xi títajna Roma

¹ Jè xojoṇ carta jè, 'aán tikjiil-nò xi Pablo 'mì-na xi ch'i'nda-la Jesucristo ma, xi xó kiichja-na Nainá nga 'an tsibíxáya-na kò xó kitjaàjiin-na nga 'an sika'bisoàn 'én ndaà-la Nainá.

² It'aà ts'e 'én koi, Nainá jye k'oas'ín kitsjaà tso'ba nga tisa kjòtseé, koni s'ín tichja Xojoṇ Tsjeè-la xi kiskii xita xi kiichja ngajo-la Nainá.

³ Nga ya tichja it'aà ts'e Ki'ndí-la, jè Na'èn-ná Jesucristo xi jè otíxoma-ná. Koni xita iso'nde, yaá inchrobát'aà-ne tje-la xitaxá itjòn David.

⁴ K'e nga jaáya-la it'aà ts'e kjoabiyaà, Jesucristo, k'oáá s'ín kiyaxkon-la nga Ki'ndí-la Nainá-né xi tse nga'ño tjin-la koni s'ín ndaà síkíchiya-ná jè Inima Tsjeè-la Nainá xi sítsjeè-ná.

⁵ It'aà ts'e Jesucristo, kitjoé-na kjondaà nga 'an tsibíxáya-na nga kènojmíya-la 'én ndaà-la jñà xita naxandá xi tjin nga títajna iso'nde nga kàtasíkitasòn kò kàtakjeiín-la it'aà ts'e Cristo, mé-ne nga jeya kijn-ne Cristo.

⁶ Tíkooáá jñò, xó kinokjoà-nò nga xita-la Cristo k'oín-nò.

⁷ Tikjiil-nò ngats'ioò xi títajnaà Roma xi matsjakeè-nò Nainá nga tikoá xó kinokjoà-nò nga xita tsjeè-la koma.

Nainá xi Na'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya jjiin inima-nò.

Mé-ne mejèn-la kjoí Roma jè Pablo

⁸ Xi mats'ia-ne, it'aà ts'e Jesucristo tsjaà-la kjondaà Nainá xi it'aà tsajòn, koi kjoa-la nga xki xi ján naxandá xi tjin nga títajna iso'nde, na'yá-nò nga ndaà mokjeiín-nò it'aà ts'e Cristo.

⁹ It'aà ts'e Nainá xi 'an sixá-la nga tijnogoò takoàn nga sika'biá 'én ndaà-la xi kjoa ts'e Ki'ndí-la, jè tibeè nga nachrjein nhijòn síkítajeèn-nò k'e nga chjàt'aà-la.

¹⁰ K'e nga bitsi'ba-la Nainá, k'oáá s'ín síjé't'aà-la tsà ikon xi tsò nga chaán tsjá'nde-na nga kjiikon-nò.

¹¹ Tíkooáá mejèn-na skoexkon-nò mé-ne nga tsja chiba-nò kjohítsjeèn ts'e inima-ná mé-ne nga isa kixi kitsajna-nò.

¹² Jè xi tixan-nò nga ngásòn k'oí-lá nga'ño xinguiáá it'aà ts'e kjoa xi mokjeiín-ná.

¹³ Ndsè, tichja, mejèn-na nga kàtasijiin-nò nga kjòtseé tjin-ne nga kjiikon-nò tanga skanda j'ndeí mì tà jngoò kjoa bichjoà ikòn-na. Xi kjohítsjeèn ts'an, jè xi mejèn-na nga siixákò-nò jñò, koni s'ín kisixá ñánda nga xin naxandá mé-ne nga tikoá skoeè-na kjondaà-la xá-na xi 'an s'iaàn it'aà tsajòn.

¹⁴ Tjinè-na nga kokoóya-la ngats'ií xita xi 'én griego chja kò xi mikii chja, xita xi tjin-la kjoachjine kò xi tsjin-la.

¹⁵ K'oáá ma-ne nga 'ño mejèn-na nga tikoá kichjâyajiin-nò jè 'én ndaà-la Nainá xi kjoa ts'e Cristo, jñò xi títajnaà naxandá Roma.

Mé nga'ño xi tjin-la 'én ndaà-la Nainá xi kjoa ts'e Cristo

16 Mikil masobà-na it'aà ts'e 'én ndaà-là Nainá xi kjoa ts'e Cristo, nga nga'ño-là Nainá-né. Jè 'én xi ma-là síkítsajnandeji xita kjoa ts'e jé, ngats'iì xita xi mokjeiín-là it'aà ts'e, mats'iaqo-ne jña xi xita judío ko tikoá xi mitsà xita judío.

17 Jña 'én ndaà-là Nainá xi kjoa ts'e Cristo okó-ná kós'in s'in Nainá nga síkixi xita. Tà jè-né nga mokjeiín-là it'aà ts'e Cristo mé-ne nga isa ndaà kòkjeiín-là. K'oaá s'in tichja Xojon-là Nainá nga tsò: "Jè xi xita kixi, it'aà ts'e kjoa xi mokjeiín-là kijnakon-ne."

Jé xi tjin-là xita isò'nde

18 Nga jè Nainá skanda ján ngajmii tihokó kjoajti-là it'aà ts'e xita xi mikil beèxkón ko xi ch'o s'in. Jè kjohitsjeèn ch'o xi tjin-là mi ki tsja'nde-là nga kjoetjò xi kjoakixi.

19 Jè kjoa xi 'ya-là it'aà ts'e Nainá, ndaà tjiin-là jña xita koi, nga tije-ne Nainá tihokó-ne.

20 Nga jña kjoa ts'e Nainá xi mikil tsejèn, ndaà tiyaxkon-là kóni nga tisa kisindaà isò'nde. Yaxkoón-là nga tjin-là nga'ño Nainá nita mé nachrjein-ne nga tà jè tajngoò xi Nainá 'mi. Kjoa koi ti'yaá-là it'aà ts'e tsojmi xi tsibindaà Nainá. K'oaá ma-ne nga jña xita mi ki koma kinchako yijo-là nga kitsò: "Mikil tjiin-na tsà tjina Nainá."

21 Jña xita nas'in tjiin-là nga tjin Nainá xi tsibindaà isò'nde, tanga mikil jeya kisikijna, ni mikil kitsjaà-là kjondaà. Tà saá tà koi 'ño ndaà kisis'in-là kjohitsjeèn xi nime chí-là. Kjohitsjeèn tájaà-là kisijño-là.

22 Xi kjohitsjeèn ts'e, xita chjineé kitsò-là yijo-là; tanga mitsà kixi kjoa, xita nchikón-né.

23 Kisikjnat'aaxin Nainá xi jeya tjina xi mikil fehet'aà nachrjein-là; tà saá koi kijtseèxkón isén ts'e xita xi fehet'aà nachrjein-là; skanda jña isén-là cho xi tjimajin isén kijtseèxkón, ko isén-là cho xi ñjòn ma ndsoko ko isén-là ye.

24 Koi kjoa-là nga kitsjeiin takòn Nainá nga taxki kátas'in nga kátas'in nita mé kjoa chinga xi bitjokajin inima-là. K'oaá ma-ne nga tsohótsji-là kjoa sobà yijo-là koni s'in kisikò xikjin.

25 Kisikjatyaa-là kjoa kixi-là Nainá; 'én ndiso kiskoé. Jña kijtseèxkón koa jña kisitsjako tsojmi xi jè Nainá tsibindaà. Mitsà jè kijtseèxkón koa kisitsjako Nainá xi tsibindaà tsojmi. Nainá kátayaxkón nita mé nachrjein-ne, k'oaá s'in kátama.

26 Koi kjoa-là nga kitsjeiin takòn Nainá nga ko s'in kátas'in-ko yijo-là kjoa sobà xi ch'o tjin. Jña íchjin kisikjatyaa-là koni s'in mochjeén x'in; tjin íchjin xi tjña xikjin kiskoé-ne.

27 K'oaá tjs'in kis'in íchjá, kitsjeiin takòn-né koni s'in mochjeén íchjin. Tjin íchjá xi 'ño kisaseèn-là nga ti x'in xikjin tsoyijòko-ne. Tsohótsji-là kjoa sobà yijo-là. K'oaá ma-ne nga kjo'in kis'e-là xi ti yijo ts'e-ne koni s'in ok'in-là kjoa ch'o xi kis'in.

28 Xita koi, mikil kisikitsjeèn tsà mochjeén-né nga skoexkon Nainá; k'oaá ma-ne nga kitsjeiin takòn Nainá nga kátasikjeèn kjohitsjeèn-là xi ni méé chí-là mé-ne nga k'oaá s'in kátas'in-ne kjoa xi mikil ok'in-là.

29 Xita koi, yaá tjiin yije inima-là ngats'iì kjoa xi ch'o tjin koni: kjoa chijngui, kjoa ts'en, kjoa tse mejèn, kjoa toòn, kjoaxitakòn, kjoa nga ma-là sik'en xita, kjoa xi kjaán-kjoò, kjoa konachan, kjoa xi ch'o s'in, kjoa 'én ndiso;

³⁰ nga chjajno-là xíkjin; nga sítikeè Nainá; ochrjengui xíkjin; 'nga ikon; ndaà síkjna yijo-là; síkítseèn nga mejèn-là isà ch'o tjin kjoa xi s'in; mikii 'nchréñjon-là xitá jhínga-là;

³¹ mikii machiya-là; mikii sikitasòn 'én xi chja; mikii beètjò xitá xíkjin; tsjin-là kjoa njchàat'aà; koa tsjin-là kjoahimatakòn.

³² Jñà xitá koi, ndaà tjiin-là nga k'oaa s'in tsjá okixi Nainá: ngats'ii xi k'oa tjin kjoa xi s'in, ok'in-là nga kiyá. Tanga mikii majngoò ikon nga tà jñà xi k'oas'in, skanda tikoaa matsja-là k'e nga k'oa tis'in xitá xi k'ejí.

2

Nainá, mé xi tsjá-là xitá xi ndaà s'in ko xi ch'o s'in

¹ K'oaa ma-ne, ngaji, nitá yá xitá-ne ji, nga jé onè-là xinguii, mikii koma kosikoi yijo-lè nga nguixkon Nainá. K'e nga jé tibnè-là xitá xinguii, tikoaa ngaji, tiji tibnè-là jé yijo-lè nga k'oa tis'in 'ni.

² Tanga 'ya-ná nga kixi s'in Nainá k'e nga tsjá-là kjo'in jñà xitá xi koa tjin jé xi ótsji.

³ Ngaji xi kjo'in binè-là xitá xi k'ejí, ¿mé-ne koa s'in níkítseèn-ne nga jchat'aà-lè kjo'in xi tsjá Nainá? Nga ji k'oaa tis'in 'ni.

⁴ ¿A mì tjiin-lè nga nachrjekàngui jé kjondaà-là Nainá nga tjin-là kjojetakòn koa tjin-là kjoatsejta? ¿A mì tjiin-lè nga jé kjondaà-là Nainá tikoña-né nga síkájnoi jé-lè nga mì tì jé kinchátsji-ne?

⁵ Nga tájaajiin tjin inima-lè nga mikii níkájnoi jé-lè, isaa tse kjo'in tibnè-là yijo-lè xi tsjá-lè Nainá jé nachrjein k'e nga kjoikò kjoajti-là nga jcha-là kós'in kixi kojindaajiin Nainá nga tsjá-là kjo'in jñà xitá.

⁶ Nainá tsjá-là hjí-là mé kjoa xi kis'iin nga jngoò ljngoò xitá.

⁷ Tsjá-là kjoabinachon nitá mé nachrjein-ne jñà xitá xi nchihótsji kjoajeya, ko nchihótsji nga jchaxkón, ko nchihótsji nga kítsajnakon nitá mé nachrjein-ne ján ngajmii. Koi kjoa-là nga ndaà tjin kjoa xi nchis'in nga kjit'aà nachrjein.

⁸ Tanga Nainá nga ko kjoajti-là tsjá-là kjo'in jñà xitá xi kondra fi-là nga mikii 'nchréñjon xi kjoa kixi. Tà kjoa nchikón fitjingu-là.

⁹ Tsee kjoa s'e-là ko tsee kjo'in s'e-là ngats'ii xitá xi ch'o s'in, mats'iaiko ítjon-ne jñà xitá judío, tikoaa ko xi taxkí xitá xi mitsá xitá judío.

¹⁰ Tanga jñà xitá xi ndaà s'in, tjoé-là kjoajeya, ndaà jchaxkón, tikoaa s'eé-là kjoa'nchán inima-là, mats'iaiko ítjòn-ne jñà xitá judío, tikoaa ko xi taxkí xitá xi mitsá xitá judío.

¹¹ Nainá mikii faájiiin nitá yá xitá-ne, tà ngásòn fikò yije.

¹² Ngats'ii jñà xitá xi mikii tjiin-là kó tsò kjotixoma xi kiskii Moisés, k'e nga jé ótsji, chja-né nas'in mikii kijtsee kjotixoma-là Moisés. Koa jñà xitá xi ndaà tjiin-là kjotixoma-là Moisés, k'e nga jé ótsji, k'oaa s'in kojtsò koni s'in tichja xi tije-ne kjotixoma.

¹³ Jñà xitá xi tà 'nchré-là kjotixoma xi kiskii Moisés, mitsá jñà xi xitá kixi nga nguixkon Nainá. Jñà-né xi xitá kixi xi sikitasòn.

¹⁴ K'e nga jñà xi taxkí xitá xi mikii tjiin-là kós'in tichja kjotixoma-là Moisés, sà k'oaa tà yaá nchrobájiin inima-là nga k'oas'in s'in koni tsò kjotixoma-là Moisés, yaá 'ya-là nga tikoá tjiin inima-là kjotixoma xi ts'e nas'in tsjin-là ts'e Moisés.

15 K'e nga ndaà s'in yaá 'ya-la nga tjiin inima-la kjoa xi síjé kjoatixoma-la Moisés; jè inima-la okó kjoa xi ndaà tjin ko xi mikii ndaà tjin; tjiè-ne kjohitsjeèn-la sà k'oaá óngui ko sà k'oaá osiko.

16 K'oaá s'in koma jè nachrjein k'e nga Nainá kojindaajijn ngats'iì jè xi tji'ma-la xita jjiin inima-la; it'aà ts'e Jesucristo sindaajijn, koni tsò 'én ndaà-la Nainá xi kjoa ts'e Cristo xi 'an chjaya.

17 Ngaji xi xita judío 'mì-lè; jè ma'ñót'aà takoin kjotixoma xi kiskii Moisés; 'ngaá ma takoin it'aà ts'e Nainá nga si tsiji-né;

18 'ya-né mé xi mejèn-la Nainá nga sikitasoin; ma-lè chjaajijn mé kjoa xi ngui ndaà tjin koni s'in okóya-lè Kjoatixoma;

19 K'oaá s'in nikitsjiin nga tjnngoò takoin nga ji okoò-la ndiyá kixi xita xi mikii machiya-la nga tichjoà xkon ko k'oaá ma-lè nga ji nihiseèn-la xi tjiñño kjohitsjeèn-la.

20 Ji, k'oaá s'in nikitsjiin nga ma-lè okoòya-la xi taxki xita xi tsjin-la kjohitsjeèn; nga maestro 'mì-lè ts'e xita xi chiba ma-la it'aà ts'e Nainá; nga tjin-lè kjoa chjine ko kjoa kixi xi okó-lè it'aà ts'e Kjoatixoma.

21 Ji xi ma-lè okoòya-la xita xi k'ejí, ¿mé-ne mikii okoòya-la xi ti yijo tsiji-ne? Ji k'oaá s'in nokjoayi nga mikii ma sichijé; ji, ¿mé-ne nichijé-ne?

22 Ji, k'oaá si nga mikii ndaà tjin nga kjoa chjngui s'jin xita; ji, ¿mé-ne nga k'oa tjs'in 'nè-ne? Ji, k'oaá si nga jtichii xkósòn; ¿mé-ne nga ingo bitjaàs'en-ne nga nichijí tsojmi-la xkósòn?

23 Ji, 'ngaá takoin nga ndaà tjiin-lè kjoa ts'e kjotixoma tanga, ¿a mìtsà tinachrjekàngui Nainá nga mikii nikitasòn-la koni s'in tichja kjotixoma?

24 K'oaá s'in tichja Xojon-la Nainá nga tsò: "Kjoa tsajòn-nò xi xita judío 'mì-nò nga chhajno-la Nainá jña xi taxki xita."

25 Tsà ndaà sikitasoin kjotixoma xi kiskii Moisés, jè kjoa ts'e circuncisión nga tjit'aà chiba-lè, chjì-la-né; tanga tsà mikii sikitasoin, k'oaá ngaya-la koni tsà mikii tjit'aà chiba-lè.

26 Jña xi mìtsà xita judío, nas'in mikii tjit'aà chiba-la koni xita judío, tanga tsà kixi sikitasòn kjotixoma ts'e Moisés, Nainá skoéjtò-né koni tsà tjit'aà chiba-la.

27 Jña xita xi síkitasòn kjotixoma ts'e Moisés, nas'in mikii tjit'aà chiba-la yijo-la, jña kojindaajijn-nò nga mikii nikitasòn nas'in tjit'aà chiba-nò, nas'in tjin-nò xojon ts'e kjotixoma-la Nainá.

28 Jngoò xi xita judío, mìtsà tà jè nga ndaà 'ya-la kjoa xi s'in; koa jngoò xita xi tjit'aà chiba-la kjoa ts'e circuncisión, mìtsà tà jè xi mochjeén nga tjit'aà chiba-la isò nga yijo-la.

29 Jè xi ngui xita judío, jè xi chjì-la koni s'in tjin jjiin inima-la. Ko jè xi ngui tjit'aà chiba-la, jè xi chjì-la koni s'in tjit'aà chiba-la ya jjiin inima-la. Kjoa koi, mìtsà ts'e kjotixoma xi xojon tjit'aà; ts'ée Inima Tsjeè-la Nainá. Jña xi k'oas'in sikitasòn, Nainá ndaà chja xi it'aà ts'e, nas'in mikii ndaà chja xita xi k'ejí.

3

Mé kjoa xi 'ñó chjì-la it'aà ts'e xita judío

1 Tsà k'oaá s'in tjin, ¿mé kjondaà xi isa tse tjin-la nga xita judío 'mì? Ko ¿mé chjì-la nga tjit'aà chiba-la?

2 Kjijn skoya chjì-la. Jè xi tjna íjtòn, jè-né nga jña xita judío kjòngatsja 'én-la Nainá.

³ Jñã x̣iṭa judío, naṣ'ín ṭjín i'nga xi ṃiḳiì sikitasòn 'én xi ḳjòngatsja, ¿a ḳoma siḳjaṭj̣iya-la ḳjoaḳixi-la Nainá nga ṃiḳiì ḳitasòn koni s'ín ḳitsjaà tso'ba?

⁴ Maj̣in, ṃiḳiì ḳoma. Nainá, x̣iṭa ḳixi-né, naṣ'ín x̣iṭa ndiso ngats'ìi x̣iṭa xi ṭjín isò'nde; koni s'ín ṭichja x̣ojon nga tsò: Mé-ne nga ḳàta'ya-la nga ḳixi ḳjoa 'én xi nokjoi siḳijne-né k'e nga yá xi ḳohõngui-lè.

⁵ Ṭjín i'nga x̣iṭa xi tsò: K'e nga ch'o 'nè, isaá ndaà 'ya-la ḳjoaḳixi-la Nainá. Tsà k'oas'ín ṭjín, ¿kó ḳixoán? ¿A ḳixón-ná nga ṃi ḳjoa ḳixi ṭis'ín Nainá nga ḳjò'in tsjá-ná? (Tsà ḳos'ín ḳixoán, jngoò ḳjoḥitsjeèn-la xi tax̣ḳi x̣iṭa ṭitsaniḳjeén.)

⁶ Tanga maj̣in, ṃi k'oaa s'ín ṭjín. Tsà ṃitsà ḳixi s'ín Nainá nga ḳjò'in tsjá-ná, ¿kós'ín ḳoma ḳoìindaàj̣iìn-la x̣iṭa isò'nde?

⁷ Ṭjikoaa tsà k'oaa ḳitso x̣iṭa koi: “Tanga tsà ḳjoandiso-na okó nga jè ḳjoa ḳixi-la Nainá isa jeya ḳijna, ¿mé-ne k'oas'ín ṭisinè-na nga x̣iṭa jè ṭiyatakòn-na?”

⁸ Ṭjikoaa-ne ch'o s'eén mé-ne nga ḳàtasakó-isa-ná ḳjondaà-la Nainá. Ṭjín x̣iṭa xi ḳotsò nga k'oaa ṭjín 'én xi okoòya; jè xi mejèn-la nga ch'o siḳijna-na. Jñã x̣iṭa xi ḳotsò, ok'ín-la nga ṭjoé-la ḳjò'in xi Nainá tsjá.

Mé jé xi ṭjín-la ngats'ìi x̣iṭa

⁹ ¿Kó s'ín ṇiḳitsjeèn? Jñã xi x̣iṭa judío 'mì-ná, ¿a isaá ndaà x̣iṭaà koni jñã x̣iṭa xi ḳj'eij? Maj̣in, jyeé k'oaa ḳixan-nò, tà ngàsón jè ṭitsaj̣naj̣ñaà ngats'iaa xi x̣iṭa judío 'mì-ná ḳo xi tax̣ḳi x̣iṭa.

¹⁰ Koni s'ín ṭichja X̣ojon-la Nainá nga tsò: Ṇijngoò x̣iṭa ṭjín xi x̣iṭa ḳixi, n̄i tsà tà jngoò.

¹¹ N̄ijngoò ṭjín xi macḥiya-la, n̄ijngoò ṭjín xi ótsji Nainá.

¹² Ngats'ìi x̣iṭa, saá x̣in nd̄iyá ḳiì; ngats'ìi n̄imée ch̄jì-la ḳjoa xi s'ín; n̄ijngoò xi ndaà s'ín, n̄i tsà tà jngoò.

¹³ Nax̄aj̣ta-la, k'oaa ḳjoàn koni ngajo-la mik'en k'e nga táx'ajto; n̄ijen-la nguì 'én ndisoó ch̄ja;

'én xi ch̄ja, k'oaa ngaya-la koni tsà x̄án-la ye.

¹⁴ Ch̄jajno-la x̣iṭa ḳo nguì koi 'én ch̄ja xi 'on ma-la in̄im̄a-ná.

¹⁵ Miḳiì koña ḳjoa, n̄it̄oón sík'en x̣iṭa.

¹⁶ N̄ita ñánda nga fi, síh̄im̄a ḳo síḳjehesko x̣iṭa xi ḳj'eij.

¹⁷ Miḳiì beèḳkon nd̄iyá ñánda ṭjín ḳjoa' nchán.

¹⁸ Miḳiì tsak̄jón-keè Nainá it'aà ts'e ḳjoa xi s'ín.

¹⁹ Jyeé 'yaá nga ngats'ìi 'én xi t̄jít'aà k̄jot̄ixoma ts'e Moisés, jñã ch̄ja-la ngats'ìi x̣iṭa xi ya fit'aà-la, mé-ne nga ngats'ìi x̣iṭa, ṃiḳiì ḳoma ḳich̄ja nga ḳinchako ȳjjo-la nga nguixk̄on Nainá; ngats'ìi x̣iṭa xi ṭjín isò'nde ḳoìindaàj̣iìn-la Nainá nga j̄cha-la nga jè ṭjín-la.

²⁰ N̄ijngoò x̣iṭa xi ḳixi ḳijna nga nguixk̄on Nainá tà koi ḳjoa-la nga ndaà t̄is̄ik̄itasòn K̄jot̄ixoma ts'e Moisés. Nga jè K̄jot̄ixoma, tà k'oaa s'ín moch̄jeén nga bénoj̄m̄iya-ná nga jè ṭjín-ná.

Kó sík̄o-ná Nainá nga ḳixi ḳitsaj̄naà nguixk̄on jè

²¹ Tanga j̄'nde, Nainá okó-ná kós'ín s'ín Nainá nga x̣iṭa ḳixi beètakòn-ná. Ḳo ṃitsà ḳjoa ts'e K̄jot̄ixoma nga bitasòn. Jñã x̣ojon j̄chinga ts'e k̄jot̄ixoma-la Nainá ḳo ts'e x̣iṭa xi k̄ich̄ja ngajo-la Nainá k'oaa t̄is'ín bénoj̄m̄iya-ná,

²² nga jñã x̣iṭa k'e nga mok̄jeiìn-la it'aà ts'e Cristo, ḳixiì bit̄saj̄na nguixk̄on Nainá. K'oaa s'ín sík̄o yije k̄oh̄t̄jín xi mok̄jeiìn-la. Nga ngats'ìi x̣iṭa ngàsón jè ṭjín-la,

²³ nga ngásòn ótsji jé-né; kjiin títsajnat'aàxin-là Nainá ñánda nga jeya tíjna.

²⁴ Tanga Nainá, nga ndaà xítà, kitsjaà kjotjò-ná kjondaà-là mé-ne nga kixi kitsajnaá nguixkòn jè. Jè Jesucristo tsibichítjì ngajo-ná jé-ná mé-ne nga kitsajnandeíí-ná xi kjoa ts'e jè.

²⁵ Nainá kitsjaà ki'ndí-là koni jngoò kjotjò xi faàxin jé-ná nga nguixkòn Nainá k'e nga mokjeiín-ná it'aà ts'e Jesucristo, nga jè tsibíxteèn jní-là k'e nga k'en. Nainá k'oaá s'ín okóya-ná kós'in tjín kjoakixi-là. Koíí kjoa-là nga ngasá kjòtseé, Nainá, tíkoña kjoa-né, mikii nítòn kitsjaà-là kjo'in xítà koni s'ín ok'in-là jè xi tsohótsji.

²⁶ Tanga j'ndeí tí'ya-là nga it'aà ts'e Jesucristo tísindaàjìin-là xítà jña kjoa-là jè xi kisichroba mé-ne nga kàta'ya-là Nainá nga xítà kixi-né kò tìkoáá tíjè-ne Nainá xi kixi síkítsajna xítà xi mokjeiín-là it'aà ts'e Jesús.

²⁷ ¿A 'ngaá koma takoán nga kixi títsajnaá nguixkòn Nainá? Majín, mikii 'nga koma takoán. Nga mìtsà koi kjoa-là nga kjotíxoma níkitasoán. Jè-né nga mokjeiín-ná it'aà ts'e Jesús nga kixi síkítsajna-ná Nainá.

²⁸ K'oaá tsòya-ne ngats'ii kjoa koi nga Nainá síkixi xítà k'e nga mokjeiín-là it'aà ts'e Jesús; mìtsà koi nga kjotíxoma ts'e Moisés síkítasòn.

²⁹ ¿A tà ts'eé xi xítà judío Nainá? ¿A mìtsà tìkoá ts'e xi taxkì xítà? Kjoa kixi-né, tìkoáá ts'e-né xi taxkì xítà xi mìtsà xítà judío.

³⁰ Nainá, tà jngoò ma xi kixi síkítsajna ngats'ii xítà k'e nga mokjeiín-là it'aà ts'e Jesús. Ngásòn síkò jña xítà judío xi tjít'aà chìba-là kò xi taxkì xítà xi mikii tjít'aà chìba-là.

³¹ Jè kjoa nga mokjeiín-ná it'aà ts'e Jesucristo, ¿a tíchahingui-né kjoa ts'e Kjotíxoma? Majín, mìtsà tíchahingui; tà saá tímajngoò-ne koni jè xá xi tjín-là.

4

Abraham, mé-ne kixi tsibijna-ne nga nguixkòn Nainá

¹ ¿Kó kixoán? ¿Mé kjoa kixi xi kisakò-là na'èn-jchá-kjiin-ná Abraham nga kixi tsibijna nguixkòn Nainá?

² Na'èn-jchá-ná Abraham, tsà koíí-là kjoa-là nga ndaà xá xi kis'iin nga kixi tsibijna nguixkòn Nainá, ok'in-là nga jeya sjiikjina yijo-là, tanga majín nga nguixkòn Nainá.

³ Nga k'oaá s'ín tíchja Xojòn jchínga-là Nainá nga tsò: "Abraham, jè-né nga kòkjeiín-là it'aà ts'e Nainá; k'oaá ma-ne nga kiskoétjò Nainá nga xítà kixi kitsò-là."

⁴ Jngoò xítà xi síxá, jè ton xi tjoé-là, mìtsà tà kjotjò tjoé-là; jè chjì-là nga síxá.

⁵ Tanga jè xítà xi mìtsà xá-là ma'ñót'aà takòn, tanga mokjeiín-là it'aà ts'e Nainá xi kixi síkítsajna xítà xi jè tjín-là, xítà jè, Nainá k'oaá s'ín skoétjò nga xítà kixi tsò-là.

⁶ Jè xítaxá ítjòn xi ki'mì David k'oaá tís'in kíichja nga tsja s'e-là xítà xi Nainá kjoétjò nga xítà kixi tsò-là; Nainá mì tì kindà s'ín-ne nítà mé xi s'ín.

⁷ David kitsò:

Mé tà ndaà-là jña xítà xi jye kichàat'aà-là kjoa ch'o-là

kò xi jye títsa'ma jé-là.

⁸ Mé ta ndaà-là jña xítà xi mì tì kindà s'ín-ne Nainá kjoa ts'e jé-là.

⁹ Jè kjondaà jè, ¿a tà ts'eé xítà judío xi tjít'aà chìba-là? ¿A xi tìkoáá ts'e-né xi taxkì xítà xi mikii tjít'aà chìba-là? Jye okíxan nga jè xítà jchínga Abraham, k'e nga kòkjeiín-là it'aà ts'e Nainá, kiskoétjò-né nga xítà kixi kitsò-là.

10 ¿Kós'ín komà nga kiskoé'tjò Nainá Abraham nga x̄it̄a kix̄i kitsò-la? ¿A k'e-né nga jye t̄jít'aà ch̄ib̄a-la? ¿A xi k'e-né nga t̄ikj'eé t̄jít'aà ch̄ib̄a-la? Majìn, k'e-né nga t̄ikj'eé t̄jít'aà ch̄ib̄a-la.

11 Abraham, k'e nga jye kiskoé'tjò Nainá nga x̄it̄a kix̄i kitsò-la, iskaán kisit'aà ch̄ib̄a-la koni jngoò ch̄ib̄a xi okó nga jye x̄it̄a kix̄i nga kòkjeiín-la ìt'aà ts'e Nainá k'e nga t̄ikj'eé t̄jít'aà ch̄ib̄a-la. K'oaá komà-ne nga x̄it̄a jchínga kitsò-la Abraham ngats'ìi x̄it̄a xi mokjeiín-la ìt'aà ts'e Nainá nas'ín mikìi t̄jít'aà ch̄ib̄a-la.

12 Abraham, t̄ikoáá x̄it̄a jchínga-la-né j̄n̄a x̄it̄a judío xi t̄jít'aà ch̄ib̄a-la, tanga mìtsà tà koiì kjoa-la nga t̄jít'aà ch̄ib̄a-la, t̄ikoáá koi-né nga ya t̄jimat̄jngui-la nga mokjeiín-la ìt'aà ts'e Nainá, koni s'ín kòkjeiín-la Abraham k'e nga t̄ikj'eé t̄jít'aà ch̄ib̄a-la.

13 Nainá, k'oaá s'ín kitsjaà-la tso'ba Abraham kò ngats'ìi x̄it̄a tje-la, nga jè kongatsja isò'nde; mìtsà koi kjoa-la nga Kjot̄ixoma kisikitasòn, jè-né nga kòkjeiín-la koni s'ín kiichja Nainá, k'oaá ma-ne nga x̄it̄a kix̄i kitsò-la.

14 Tsà tà j̄n̄a tjoé-la kjondaà x̄it̄a xi síkitasòn Kjot̄ixoma, tsà k'oaá s'ín t̄jín kjoa, n̄imé-là ch̄jì-la nga mokjeiín-ná ìt'aà ts'e Nainá; t̄ikoáá mì-là kii k̄itasòn koni s'ín kitsjaà tso'ba Nainá.

15 K'e nga t̄jín Kjot̄ixoma, kjo'ìin sinè-ná; tanga tsà ts̄jìn kjot̄ixoma, n̄imé t̄jín xi kotonè-la kjot̄ixoma.

16 J̄n̄a x̄it̄a, nga mokjeiín-la ìt'aà ts'e Nainá tjoé-la kjondaà koni s'ín kitsjaà-la tso'ba Nainá jè Abram. Nainá ts̄j̄ kjot̄jò kjondaà koi mé-ne nga jch̄a-ná nga kix̄i kjoa nga k̄itasòn ìt'aà ts'e ngats'ìi tje-la Abraham. Mìtsà tà j̄n̄a tjoé-la x̄it̄a judío xi tje-la Abraham nga t̄jín-la kjot̄ixoma; t̄ikoáá tjoé-la j̄n̄a x̄it̄a xi mìtsà x̄it̄a judío xi t̄ikoáá tje-la Abraham ma koi kjoa-la nga mokjeiín-la koni s'ín kòkjeiín-la Abraham. K'oaá ma-ne nga jè Abraham, x̄it̄a jchínga-ná ma ngats'iaá

17 nga nguixkòn Nainá. Koni s'ín t̄ichja Xojon-la Nainá nga tsò: “Kjìn naxandá x̄it̄a xi jye kisingsatsja-lè xi x̄it̄a jchínga tsò-lè.” Abraham, kòkjeiín-la ìt'aà ts'e Nainá xi ma-la sikjaáya-la x̄it̄a xi jye k'en xi t̄ikoá ts̄j̄ 'én-la koni tsà jye tsitasòn kjoa xi kj'eé bitasòn.

18 X̄it̄a jchínga Abraham kòkjeiín-la koni kitsò-la Nainá; kiskoñá kjoa-né nas'ín mikìi t̄jijn-la kós'ín koma nga k̄itasòn. K'oaá s'ín komà nga kjìn naxandá xi x̄it̄a jchínga tsò-la, koni s'ín kitsjaà-la tso'ba Nainá nga kitsò-la: “K'oaá s'ín kjìn jchán koma tje-lè.”

19 Abraham, mikìi kjòhindaà koni s'ín kòkjeiín-la ìt'aà ts'e Nainá, nas'ín kòs'ín beè-la ikon nga mì t̄jì mé ch̄jì-la yijo-la nga jye 'ñó x̄it̄a jchínga; jyeé kjomeè jngoò sindò nó t̄jín-la; Sara xi chjoón-la, t̄ikoáá chjoón 'ndì-né; mì t̄jì kii koma s'e-la ixti.

20 Abraham, mìtsà jò tsi'beé-la ikon koni s'ín mokjeiín-la 'én xi kitsjaà-la Nainá. Tà isáá 'ñó tsi'beé-la ikon nga ndaà kòkjeiín-la. 'Ñó jeya kisikijna Nainá.

21 Abraham, nguì ndaà t̄jngòò ikon nga Nainá t̄jín-la nga 'ñó nga komaá-la s̄ik̄itasòn yije kòhot̄jìn kjoa koni s'ín kitsjaà-la tso'ba.

22 K'oaá ma-ne Nainá, k'e nga kijtsee nga ndaà mokjeiín-la Abraham, kiskoé'tjò nga x̄it̄a kix̄i kitsò-la.

23 Mìtsà tà ìt'aà ts'e Abraham kitjei xojon jè nga Nainá kiskoé'tjò nga x̄it̄a kix̄i tsò-la.

24 Tikoáá it'aà tsaján kitjei nga Nainá skoetjò-ná nga ngásòn xitá kixi kítóso-ná koi kjoa-lá nga mokjeín-ná it'aà ts'e Nainá, jè xi kisikjaáya-lá Na'èn-ná Jesucristo it'aà ts'e kjoabiyaá.

25 Kjongatsja xitá nga kisik'en Jesús jè ngatjì-lá jé-ná; tikoáá jaáya-lá mé-ne nga kixi kítsajnaá nguixkon Nainá.

5

Mé kjondaà xi sakó-ná nga jye xitá kixi tsò-ná Nainá

1 K'e nga jye xitá kixi 'mì-ná nga mokjeín-ná it'aà ts'e Nainá, jyeé 'nchán titsajnaoáá Nainá it'aà ts'e Na'èn-ná Jesucristo.

2 Jè Cristo tsjá-ná nga s'e-ná kjondaà jè, nga mokjeín-ná it'aà ts'e. Jè kjondaà jè, 'ńó ndaa tíjìl iníma-ná; matsjaá-lá iníma-ná nga chíńà kjoáá nga tikoá s'e-ná kjoajeya-lá Nainá.

3 Mitsà tà koi kjoa nga matsja-ná, tikoáá matsja-ná k'e nga mé kjo'in xi otojńáá. K'e nga kjo'in otojńáá, yaá sakó-ná nga 'ńó nga tseejta s'eén iníma-ná.

4 K'e nga tseejta s'eén iníma-ná, yaá sakó-ná nga ndaa kítjoáá; tsà nga ndaa kítjoáá, tikoáá yaá sakó-ná nga skóńa kjoa iníma-ná kjondaà xi tsjá Nainá.

5 Jè kjoa xi chíńá-lá nga tíjngoo takoán, mikìl masobá-ná nga mikìl kítasòn; jè Nainá jyeé ndaa kisikíjnajìl iníma-ná klotjòcha-lá it'aà ts'e Iníma Tsjeè-lá Nainá xi kitsjaá-ná.

6 K'e nga kichóya nachrjein, Cristo, k'en ngajo-ná jńá xi xitá jé 'mì-ná, koi kjoa-lá nga tsjìl-ná nga 'ńó nga ma bitjokàjńáá jé-ná.

7 Mì-lá yá xitá tjin xi kiyátjì ngajo-lá jngoo xitá kixi, tanga tsà koi nachrjein-lá tsà tjin jngoo xi kò 'ńó ikon nga kiyátjì ngajo-lá jngoo xi 'ńó ndaa xitá.

8 Tanga jè Nainá okó-ná nga 'ńó tsjakeè-ná nga jè Cristo k'en ngajo-ná, k'e nga tákó xitá jé 'mì-ná.

9 I'ndej nga jye xitá kixi tsò-ná Nainá nga jè Cristo tsbíxteèn jní-lá k'e nga k'en ngajo-ná, isaá 'ńó tíkixi kjoa nga it'aà ts'e Cristo kítjokàjńáá kjo'in jè nachrjein k'e nga sjikásèn kjojtì-lá Nainá.

10 K'e nga kondra titsajna-lá Nainá, jè Kí'ndí-lá kisikijne 'nchán kjoa k'e nga k'en. I'ndej, k'e nga jye ndaa chibà-ná, isaá 'ńó tíkixi kjoa nga kítjokàjńáá kjo'in it'aà ts'e Cristo nga jè tíjnakon-né.

11 Mitsà tà jńà kjoa koi, tikoáá 'ńó matsja-ná it'aà ts'e Nainá koni s'ín kisikó-ná it'aà ts'e Na'èn-ná Jesucristo nga it'aà ts'e Cristo 'nchán titsajnaoáá Nainá nga jye kichibàndaà-aná.

12 K'e nga jahas'en jé isò'nde, jngoo xitá xi kì'mì Adán tsohótsji jé, ikjoàn k'en; k'oaá s'ín komá nga kjòts'ia nga biyaá yije kóhotjín xitá, koi kjoa-lá nga jé ótsji yije kóhotjín.

13 K'e nga tìkj'eè tjoé-lá Kjotíxoma Moisés, xitá xi tjin isò'nde jyeé tjin yije-lá jé. Tanga mikìl ma kindá jé-lá k'e nga tsjìl kjotíxoma.

14 Tjen-ne nachrjein ts'e Adán skanda ts'e Moisés, tjinè-lá nga kiyá yije xitá kóhotjín nas'ín mì k'oaá tjin jé xi tsohótsji koni kis'iin Adán nga kisikatonè-lá okixi xi kítsjaá-lá Nainá. Adán, jé गया-lá [Cristo] xi iskan j'ii.

15 Tanga jé xi tsohótsji Adán, mikìl mangásòn koni jé kjondaà xi Nainá tsjá; nga tà jè ngatjì-lá jé xi tsohótsji xi tà jngoo xitá, k'oaá ma-ne nga kjìn xitá biyaá; tanga isaá 'ńó tse kjondaà tjin-lá Nainá nga kjìn xitá machikon-t'in klotjò xi tsjá Nainá it'aà ts'e xi tà jngoo xitá xi 'mì Jesucristo.

16 Jé xi tshótsji xi tà jngòò x̄ita, mìkìl mangàsòn koni jè kjondaà xi Nainá tsjá. K'e nga kisakò jé it̄jòn, Nainá kitsjaà okixi nga tsibínè-là kjo'in ngats'ii x̄ita. Tanga k'e nga jye k̄jìn jé tshótsji x̄ita, j'ii kjondaà-là Nainá nga kixi kítsajna x̄ita nguixkòn Nainá.

17 Jè ngat̄jì-là jé-là xi tà jngòò x̄ita, t̄jínè-là nga kiyá x̄ita. Tanga i'ndeì, isáá 'nó t̄jìkixi kjoa nga it̄'aà ts'e xi tà jngòò x̄ita xi 'mì Jesucristo, t̄jì'nde-là nga jeya kítsajnakon j̄nà x̄ita xi 'nó tse kjondaà-là Nainá kjoé, kò xi 'nó tse k̄jot̄jò tjoé-là nga kixi kítsajna nguixkòn Nainá.

18 Jè kjoa-là jé xi tshótsji xi tà jngòò x̄ita kisínè-là kjo'in ngats'ii x̄ita, tanga jè kjoa kixi xi kis'iin Jesucristo t̄jkoáá kixi kisikítsajna ngats'ii x̄ita nga kítsajnakon nguixkòn Nainá.

19 Jè kjoa-là nga mìkìl kii'nchréñijon-là Nainá xi tà jngòò x̄ita xi 'mì Adán, k'oáá ma-ne nga k̄jìn x̄ita kisakò jé-là. Tanga jè kjoa-là nga kii'nchréñijon-là Nainá xi tà jngòò x̄ita xi 'mì Jesucristo, k̄jìn x̄ita xi kixi kítsajna nga nguixkòn Nainá.

20 J'ii K̄jot̄ixoma-là Moisés mé-ne nga ndaà ki'ya-là nga isá 'nó isá 'nó t̄is'e jé; tanga k'e nga isá tse jé t̄isakó, isáá 'nó tse kjondaà-là Nainá j'ii.

21 Nga sa it̄jòn, jè kjoa ts'e jé tsat̄ixoma-là x̄ita, mé-ne nga kisakò-là kjoabiyaà x̄ita; tanga i'ndeì, k'oáá t̄is'in k̄at̄at̄ixoma kjondaà-là Nainá k'e nga kixi síkítsajna x̄ita nga nguixkòn Nainá mé-ne nga s'e-là kjoabinachon n̄ita mé n̄achrjein-ne xi it̄'aà ts'e N̄'èn-ná Jesucristo.

6

Mé-ne nga jè kjoa ts'e jé, mì t̄jì mé nga 'nó t̄jín-là nga jè k̄ot̄ixoma-ná

1 ¿Kó kixoán? ¿A ndaà t̄jín nga k̄inchátsji-jé-isa mé-ne nga isá tse kjondaà tsjá-ne Nainá?

2 Majìn, mì kii t̄jì k'o'a s'en-ná. Jyeé titsajnat'aàxin-lá kjoa ts'e jé koni tsà jye k'eén xi it̄'aà ts'e; mì t̄jì kii koma ya kítsajnajin-isaá kjoa ts'e jé.

3 ¿A mìtsà jye t̄jijn-nò k'e nga komà bautizar it̄'aà ts'e Cristo ngats'iaá nga t̄jkoá ya t̄isakjooá k'e nga k'en?

4 K'e nga ma bautizar x̄ita, k'oáá s'in ngaya-là koni tsà ya sihiijn-t'aà-là Cristo k'e nga k'en. Koni s'in jaáya-là Cristo it̄'aà ts'e nga 'nó-là Nainá xi 'nó jeya t̄jna, k'oáá t̄is'in mochjeén nga kos'in sijchá yijo-ná nga kijnakon x̄itse i'ngòò k'aá.

5 Koni s'in t̄isakjooáá Cristo k'e nga k'en, j̄nà k'oáá t̄is'in kjoááya-ná koni s'in jaáya-là jè.

6 T̄jijn-ná nga jè kjoa jchinga-ná koni s'in ki'né nga isá k̄jot̄seé, yaá kisit'aà krò-là Cristo mé-ne nga k̄at̄achija-ne nga 'nó-là yijo jé-ná nga mì t̄jì jè k̄jot̄ixoma-isa-ná.

7 Jngòò x̄ita xi jye k'en, jyeé t̄jñandeì kjoa ts'e jé.

8 Nga ya k'en-koáá Cristo, mokjeiín-ná nga t̄jkoá ya kítsajnaoáá.

9 Ya-ná k'e nga jaáya-là Cristo k'e nga k'en, nì t̄jì jngòò n̄achrjein kiyá i'ngòò k'a-ne. Mì t̄jì mé nga 'nó t̄jín-là kjoabiyaà nga jè k̄ot̄ixoma-là.

10 K'e nga k'en Cristo, jngòò k'a k'en xi kjoa ts'e jé-ná; i'ndeì nga i'ngòò k'a t̄jñakon-né koif kjoa t̄jñakon-ne nga jeya síkijna Nainá.

11 J̄nò, k'oáá t̄is'in t̄ik̄itsjeèn koni tsà jye k'eén xi kjoa ts'e jé; t̄itsajnakon-nò xi kjoa ts'e Nainá nga ya titsajnakoo N̄'èn-ná Jesucristo.

¹² Koií kjoa-lá, mì tí kii biì 'nde-là yijo jé-nò nga jè kjoa ts'e jé kjoatìxoma-nò k'e nga kjo'ño s'in-nò nga níkitasòn-là kjoa xi ch'o tjin xi síjé yijo-nò.

¹³ Kì ya ñingatsja yijo-nò kjoa ts'e jé nga jè jé síkjeén nga ch'o 'nè, ta saá jé Nainá tìngatsja yijo-nò koni jngoo xita xi jye jaáya-lá it'aà ts'e kjobiyaa. Nainá tìngatsja yijo-nò nga katasíkjeén kjoa xi kixi tjin.

¹⁴ Kjoa ts'e jé, mì tí mé nga'ño tjin-lá nga jè kjoatìxoma-nò nga mìtsà kjoa ts'e kjoatìxoma-lá Moisés tìtsajnajñoò; kjondaà-lá Nainá tìtsajnajñoò.

¹⁵ ¿Kó bixoán? ¿A ndaa tjin nga kinchátsji jé isáa nga kjondaà-lá Nainá tìtsajnajñaá nga mìtsà kjoa ts'e kjoatìxoma tìtsajnajñaá? Majìn, mìkiì ndaa tjin.

¹⁶ Ndaa tjiin-nò tsà ya ñingatsja yijo-nò ts'e xita xi bitje chi'nda nga jé níkitasòn-là, chi'nda-lá komaà ts'e xita jé. Kjo'ño tjin-ne nga jé síkitasòn-là. K'oaá s'in tjin, tsà chi'nda-lá jé komaà nga jé síkitasòn-là, kiyá-nò; tanga tsà chi'nda-lá Nainá komaà nga jé síkitasòn-là, kixií kìtsajnaà nguixkòn jé.

¹⁷ Jño, nga isá kjotseé, k'oaá s'in kinìkitasòn-là kjoa ts'e jé koni tsà jngoo chi'nda, tanga i'ndeji, ndaa chji-lá Nainá nga kò inìma-nò ndaa níkitasòn koni s'in ngui ndaa tjin 'én kixi xi kis'enojmi-nò.

¹⁸ I'ndeji jyeé tìtsajnandeji-lá kjoa ts'e jé; chi'nda ts'e kjoakixi-nò; tjinè-nò nga síkitasòn koni s'in síjé kjoakixi.

¹⁹ Koi 'én tichjako-nò xi mìtsà 'in chja koií kjoa-lá nga indaa tjin takòn; mìkiì ndaa machiya-nò kjoa ts'e Nainá. Koni s'in k'è nè nga isá kjotseé nga ya kinìngatsja yijo-nò it'aà ts'e ngats'iì kjoach'o xi tjin nga jé tsatìxoma-nò koni xita chi'nda; i'ndeji k'oaá tìs'in tìngatsja yijo-nò it'aà ts'e kjoa kixi mé-ne jé kjoa kixi kàtatìxoma-nò koni chi'nda xi tsjeé tìtsajna nga nguixkòn Nainá.

²⁰ K'e nga kjoa ts'e chi'nda-lá jé tìtsajnajñoò, mìkiì tìtsanìkitasòn-lá kjoakixi-lá Nainá.

²¹ Tanga, ¿mé xi kisakò-nò kjoa ts'e jé? I'ndeji tà masobà-nò kjoa koi; tà yaá fiko-ná ñanda tjin kjoabiyaa.

²² I'ndeji nga jye tìtsajnandeji-lá xi kjoa ts'e jé, chi'nda-lá Nainá ma; kjondaà xi sakò-nò jé-né nga tsjeé tìtsajnaà nga nguixkòn Nainá. Xi fehet'aà-ne, s'e-nò kjoabinachon nita mé nachrjein-ne.

²³ Chji xi tjin-lá kjoa ts'e jé, kjoabiyaa-né. Tanga kjotjò xi tsjá Nainá, kjoabinachon-né nita mé nachrjein-ne nga ya tìtsajnaakoá Cristo Jesús xi Na'èn-ná ma.

7

Kó s'in ma fehet'aà nga'ño-lá jé kjoatìxoma

¹ Jño, xi 'ndseé chibà, tichjako-nò xi jyeé tjiin-nò kós'in tichja kjotìxoma; 'ya-nò nga tjin-lá nga'ño jé kjoatìxoma kós'in otìxoma-lá xita k'e nga tìtsajnakon-isa skanda k'e nga kiyá.

² K'oaá ngaya-lá jngoo chjoón xi tjin-lá x'in, k'oaá tsò kjotìxoma nga mìkiì koma tsjin xikjín k'e nga tákò tìtsajnakon ingajò. Tanga tsà jé x'in kiyá, jé chjoón, jye tijnandeji it'aà ts'e kjoatìxoma xi ts'e kjoabixan.

³ Jé chjoón, k'e nga tsà tákò tijnakon x'in-lá, tsà k'ejéi x'in kixan-kò, kjoa chijngui tìs'in; tanga tsà jye k'en x'in-lá, jé chjoón, jyeé tijnandeji xi kjoa ts'e kjoatìxoma jé; komaá kixan-kò jngoo k'a-ne xi k'ejéi x'in. Mì tí kjoa chijngui tìs'in-ne.

⁴ Jño ndí 'ndsè, k'e nga k'en-kjoòkòò Cristo, yaá k'en it'aà ts'e nga'ño-lá kjotìxoma, mé-ne nga ya kinòkjoa-nò it'aà ts'e Cristo xi jye jaáya-lá ts'e kjoabiyaa nga k'oaá s'in kàta'ya-lá it'aà tsaján jé kjondaà xi sasèn-lá Nainá.

⁵ K'e nga tisa ya tjaàjñaá kjoa xi tjin isò'nde, jè kjotixoma tsibít'in-ná mé-ne nga jña kjoa ch'o xi síjé yijo-ná, isa 'ño ch'o kisixájiin yijo-ná; k'oaá komà-ne nga kisakò-ná kjoabiyaá.

⁶ Tanga i'nde jyeé titsajjandeí-lá kjoa ts'e kjotixoma. Jyeé k'eén it'aà ts'e kjoa xi bit'aà'ño-ná, mé-ne nga koma sixá-lá Nainá xi kjoa xitse koni s'in okóya-ná Iníma Tsjeè-la Nainá. Mitsá k'oa's'in sixá-lá koni s'in tjin kjoa jchínga xi tjit'aà xojon.

⁷ ¿Kó kixoán xi kjoa ts'e kjotixoma? ¿A ch'o tjin? ¿A kjoa ts'e jé-né? Majìn, ndaà tjin. Tanga 'an, tsà mikil kijtseèxkoan kjoa ts'e kjotixoma, tikoáá mì-là kii kijtseè kjoa ts'e jé. Mì-là kii kisijìin-na nga mikil ndaà tjin nga 'an fahajìin-na tsojmì xi mìtsá ts'an, tsà jè kjotixoma mì k'oaá s'in bénojmi nga tsò: "Kì jì njkjaajìin tsojmi xi mìtsá tsiji."

⁸ Kjoa ts'e jé, yaá kisakò-la nga'ño it'aà ts'e kjotixoma; k'oaá komà-ne nga isa 'ño jahajìin-na tsojmi xi mìtsá ts'an. Tanga tsà tsjìn kjotixoma, tsjìn-la nga'ño kjoa ts'e jé.

⁹ K'e nga sa kjotseé, kj'eè kii bexkoan kjotixoma. Tanga k'e nga kijtseèxkoan kjotixoma, kjoa ts'e jé, isaá ndaà kis'e-la nga'ño; kjoabiyaá kisakò-na.

¹⁰ Kjoa ts'e kjotixoma, tjinè-la nga kjoabinachon tsjá-na, tanga tà saá kjoa biyaá kitsjaá-na.

¹¹ Kjoa ts'e jé, yaá kisakò-la nga'ño it'aà ts'e kjotixoma nga kiskoònachan-na, k'oa kisik'en-na.

¹² K'oaá s'in tjin nga jè Kjotixoma, tsjeè-né; koni s'in otixoma jña 'én xi tjit'aà, tsjeè-né, kixj-né, koa ndaà-né.

¹³ ¿Kó bixón? ¿A jè kjoa ts'e kjotixoma xi ndaà tjin xi kisik'en-na? Majìn, mìtsá koi kjoa-la. Kjoa ts'e jé-né. K'oaá s'in ki'ya-la nga kixj kjoa nga jé-né. It'aà ts'e kjotixoma xi ndaà tjin, jè kjoa ts'e jé kisakò-la nga'ño nga kisik'en-na, mé-ne nga ki'ya-la it'aà ts'e kjotixoma nga 'ño ch'o tjin xi kjoa ts'e jé.

Kó tsò xitq xi otixoma-la kjoa ts'e jé

¹⁴ Kjoa ts'e kjotixoma, 'ya-ná nga kjohitsjeèn ts'e Iníma Tsjeè-la Nainá; tanga 'an, yijo jé tsohoya; yijo-na yaá kjòngatsja kjoa ts'e jé nga jè otixoma-na.

¹⁵ Mikil fiya-na mé kjoa xi s'iaàn. Kjoa xi ndaà tjin xi mejèn-na nga s'iaàn mikil koa s'iaàn. Tà saá jña kjoa xi mikil sasén-na sikitasoàn.

¹⁶ K'e nga k'oa s'iaàn jña kjoa xi mikil mejèn-na, k'oaá xan nga tjikixj kjoa nga ndaà tjin koni s'in tichja kjotixoma.

¹⁷ K'e nga k'oa s'iaàn nga otsjà jé, mìtsá 'an xi k'oa s'iaàn, jè kjoa ts'e jé xi tjiin-na bit'in-na.

¹⁸ 'An xi xita isò'nde 'mì-na, be-ná nga mikil ndaà tjin kjoa xi tjiin yijo-na. Mejèn-na nga ndaà s'iaàn, tanga mikil sakò-na kó s'in s'iaàn kjoa xi ndaà tjin.

¹⁹ K'e nga mejèn-na ndaà s'iaàn, mikil sikitasoàn; tà saá koi sikitasoàn kjoa xi ch'o tjin xi majìn-na nga koa s'iaàn.

²⁰ K'e nga k'oa's'in sikitasoàn kjoa xi ch'o tjin xi majìn-na nga koa s'iaàn, mìtsá 'an xi k'oa s'iaàn, jè kjoa ts'e jé xi tijnajìin-na xi k'oa's'in.

²¹ Jngoò kjoa matsji-na nas'in mejèn-na nga ndaà s'iaàn, tà saá tà koi sakò-na kjoa xi ch'o tjin.

²² Xi jjiin iníma-na matsja-na it'aà ts'e Kjotixoma-la Nainá.

²³ Tanga tjin jngoò kjoa xi tísixájiin yijo-na xi mikil tsjá'nde-na nga ndaà s'iaàn; jè kjoa ts'e jé kjaán-kjoò kjohitsjeèn-na xi mejèn-la nga ndaà s'iaàn. Kjoa ts'e jé xi tísixájiin yijo-na síkijne-na nga ch'o s'iaàn.

²⁴ *Ima* xó-na 'an; *ɥá* xi *sikíjnandeí*-na *it'*aà ts'e yijo *jé*-na xi *kjoabiyaà* *tjín*-la?

²⁵ *Ndaà* *chjí*-la *Nainá* nga *it'*aà ts'e *Na'*en-ná *Jesucristo* *sikíjnandeí*-ná *kjoa* ts'e *jé*.

Nga *jñá* 'én xi *kotíxan*-nò nga 'an, ya *jjiin* *kjohítsjeèn*-na *mejèn*-na *sikitasoàn* *kjotíxoma*-la *Nainá*, *tanga* ya *jjiin* yijo *jé*-na, tà *saá* *kjoa* ts'e *jé* *sikitasoàn*.

8

Mé *kjondaà* xi *sakó*-ná *k'e* nga *k'oas'in* *titsanjchá* yijo-ná *koni* s'in *mejèn-la* *Inima* *Tsjeè-la* *Nainá*

¹ *Tanga* *i'*nde*i*, *jñá* *xíta* xi ya *títsajnakjoòko* *Cristo*, *mì* *tì* *mé* *kjo'in* *sinè*-la, *jñá* *xíta* xi *mì* *k'oáá* s'in *nchisíjchá* yijo-la *koni* *tjín* *jé* xi *síjé* yijo-la; tà *saá* *k'oáá* s'in *nchisíjchá* yijo-la *koni* s'in *mejèn-la* *Inima* *Tsjeè-la* *Nainá*.

² *Jé* nga'ño-la *Inima* *Tsjeè-la* *Nainá* xi *síkítsajnakon*-ná nga ya *títsajnakjoòkoáá* *Cristo*; *ko* *tjìjè*-ne nga'ño xi *kisíkítsajnadeí*-ná *it'*aà ts'e nga'ño-la *kjoa* ts'e *jé* *ko* *it'*aà ts'e *kjoabiyaà*.

³ *Kjotíxoma* ts'e *Moisés* *mikii* *kichíkjoa*-la nga *síkítsajnadeí*-ná *it'*aà ts'e *jé*, nga *tsjín*-la nga'ño, *koi* *kjoa*-la nga *jé* yijo-ná *síjé* *jé* xi *tjín* *isò*'nde. *Tanga* *Nainá* *kichíkjoáá*-là nga *kisikasén* *Ki'ndí*-la *koni* *jngoò* xi *xíta* *isò*'nde xi yijo *kis'e*-la *koni* *jñá* xi *xíta* *jé* 'mì-ná. *Ki'ndí*-la *kitsjaá* *kjotjò* yijo-la nga *k'en* xi *kjoa* ts'e *jé*-ná. *Nainá* *k'oáá* s'in *kis'iin* nga *jngoò* *k'a* *kisíkjehet*'aà *kjoa* ts'e *jé* xi *tjín*-la yijo-ná.

⁴ *Nainá* *k'oáá* s'in *kis'iin* *mé*-ne nga *it'*aà *tsaján* *kàtitasòn*-ne *jé* *kjoa* *kixi* xi ts'e *kjotíxoma*, *jñá* xi *mì* *k'oáá* s'in *titsanjchá* yijo-ná *koni* *tjín* *jé* xi *síjé* yijo-ná, nga *k'oas'in* *titsanjchá* yijo-ná *koni* s'in *mejèn-la* *Inima* *Tsjeè-la* *Nainá*.

⁵ *Jñá* *xíta* xi *k'oá* s'in *koni* *tjín* xi *síjé* yijo-la, *k'oáá* *tjín* *kjoa* xi *nchisíkítsjeèn*; *tanga* *jñá* xi *k'oá* s'in *koni* s'in *tjín* xi *síjé* *Inima* *Tsjeè-la* *Nainá*, *k'oáá* *tjín* *kjoa* xi *nchisíkítsjeèn*.

⁶ *Jñá* *xíta* xi *k'oas'in* *nchisíkítsjeèn* *koni* *tjín* xi *mejèn-la* yijo-la, *kjoabiyaà* *tjín*-la. *Tanga* *jñá* *xíta* xi *k'oas'in* *nchisíkítsjeèn* *koni* s'in *mejèn-la* *Inima* *Tsjeè-la* *Nainá*, *tjín*-la *kjoabinachon* *ko* *kjoa*'*nchán*.

⁷ *Xíta* xi tà *koi* *kjoa* *nchisíkítsjeèn* *koni* *tjín* *kjoa* *ch'o* xi *síjé* yijo-la, *kondra* ts'e *Nainá*-né *koi* *kjoa*-la nga *mikii* *síkitasòn* *ko* *mikii* *chíkjoa*-la nga *síkitasòn* *kjotíxoma*-la *Nainá*.

⁸ *Jñá* *xíta* xi *k'oas'in* s'in *koni* *tjín* xi *síjé* yijo-la, *mikii* *ma-la* s'in *koni* s'in *sasén*-la *Nainá*.

⁹ *Tanga* *jñò*, *mì* *tì* *k'oáá* 'nè-nò *koni* *tjín* xi *síjé* yijo-nò; *k'oáá* s'in *títsa*'nè *koni* *tjín* xi *síjé* *Inima* *Tsjeè-la* *Nainá*, nga *jé* *tjínajjìn* *inima* *tsajòn* *Inima* *Tsjeè-la* *Nainá*. *Jñá* *xíta* xi *tsjín*-la *Inima* *Tsjeè-la* *Nainá* xi *kitsjaá* *Cristo*, *mìtsà* *xíta* ts'e *Cristo*.

¹⁰ *Tanga* *tsà* *yaá* *tjínajjìn* *inima* *tsajòn* *Cristo*, *inima* *tsajòn* *tjínakon*-né nga *xíta* *kixi* 'mì-nò nga *nguixkon* *Nainá*, *nas'in* *k'oas'in* *tjìné*-la nga *kjyá* yijo-nò xi *kjoa* ts'e *jé*.

¹¹ *Jé* *Nainá* xi *kisíkjaáya*-la *Jesucristo* *it'*aà ts'e *kjoabiyaà*, *tsà* ya *tjínajjìn* *inima*-nò *jé* *Inima* *Tsjeè-la*, *k'oáá* *tis'in* *síkítsajnakon* *ijngoò* *k'a* yijo-nò xi *kjoa* ts'e *kjoabiyaà* *it'*aà ts'e nga'ño-la *Inima* *Tsjeè-la* *Nainá* xi *tjínajjìn* *inima* *tsajòn*.

¹² *K'oáá* *ma*-ne, *jñá* xi 'ndseé *chibá*, *tjna* *jngoò* xi *tjìné*-ná nga *síkitasòn*-lá, *tanga* *mìtsà* *jé* yijo-ná *síkitasòn*-lá; *mì* *tì* *kù* *k'oas'in* s'en-ná *koni* *tjín* *kjoa* *ch'o* xi *síjé* yijo-ná.

13 Tsà tákò k'oaá s'in s'een nga ya onguít'aà-là kjoa xi ch'o mejèn-la yijo-nò, kiyá-nò. Tanga tsà koi'nde-là Inima Tsjeè-la Nainá nga jngoò k'a sijkijne-la kjoa xi ch'o mejèn-la yijo-nò, kítsajnakon-nò.

14 Jñà xita xi jè Inima Tsjeè-la Nainá okò-la ndiyá, jñà-né xi ixti-la Nainá 'mì.

15 Jè Inima Tsjeè xi kitsjaà-nò Nainá mìtsà taxki inima ima xi kjo'ño s'in-nò koni jngoò chi'nda xi ts'e jé nga ma-la bíxkón-nò; ta saá jè Inima xi kitsjaà-ná Nainá skoétjò-ná nga ixti-la komaá, tijè-ne Inima Tsjeè-la Nainá bénojmiya-ná nga ma nokjoà-lá Nainá nga Ndi Apa 'mì-lá.

16 Jè Inima Tsjeè-la Nainá tsjá kixi-la 'én inima tsaján nga ixti-la Nainá 'mì-ná.

17 K'e nga jye ixti-la maá, tikoáá tsaján-ná kjo'tjò-la Nainá xi jye k'oas'in kitsjaá tso'ba nga tsjá-ná; tañaá tjoékjòò-ná kò Cristo nga tikoá kò jè titsanikjiaán kjo'in mé-ne nga jeya kítsajnakò-ná Cristo.

18 An, k'oaá xan nga kixi kjoa, koni tjin kjo'in xi titsanikjiaán i'ndeji mikii mangásòn koni tjin kjoajeya-la Nainá xi s'e-ná k'e nga koma iskan.

19 Jñà tsojmi xi Nainá tsibindaá, 'ño nchikoña kjoa nga mejèn-la skoe nachrjein k'e nga Nainá jngoò k'a ndaà kòkò kó kjoàn xi ixti-la ma.

20 Jñà tsojmi xi tsibindaá Nainá, jngoò k'a its'oòn-jiin koni s'in tjinè-la nga kochjeén nga sa ítjòn; mìtsà kjo'tsja ts'e isò'nde nga k'oas'in komàt'in; koi-né nga jè Nainá k'oaá s'in kiskoòsòn-la; tanga i'ndeji jñà xi tsibindaá Nainá nchikoñaá-la

21 nga kjoji nachrjein k'e nga tikoá kítsajnandeji xi tsibindaá Nainá nga mì ti kii kíts'ón-jiin-ne; Nainá jeya sijkítsajnandeji jngoò k'a-ne koni s'in sijkò ixti-la.

22 Ya-ná ngats'ii xi Nainá tsibindaá, skanda i'ndeji, nchitsiné-né, kjo'in nchisikjeiin koni jngoò chjoón xi ki'ndí tí'beé.

23 Mìtsà tà koi xi tjin isò'nde xi tsiné; tikoáá jñà xi jye tjin-ná Inima Tsjeè-la Nainá koni jngoò kjondaá xi tjen kitjòé ítjòn-ná, tikoáá tsiné-ná nga kjo'in titsanikjiaán nga titsachiñá-lá nga 'ño mejèn-ná nga skoétjò-ná Nainá nga jngoò k'a ya kítsajnakoaá koni ixti-la maá; yijo-ná kijnandeji-ne it'aà ts'e kjoa xi sikit's'ón-ná.

24 Nga jye titsajnandiaá, i'ndeji jè titsachiñá-lá nga jngoò k'a kàttasòn. Tanga tsà tsejèn tjina xi chiñá-lá mikii ma chiñá-lá. ¿Yá xi koña-la xi tsejèn tjina?

25 Tanga tsà jè chiñá-lá xi mikii tsejèn tjina, tafi tafi chiñakjoa-lá.

26 K'oaá tjs'in s'in jè Inima Tsjeè-la Nainá k'e nga indaajiin tjin inima-ná síchját'aà-ná. K'e nga mikii ma-ná kó s'in sijét'aà-lá Nainá k'e nga bitsi'ba-lá, tijè-ne Inima Tsjeè-la Nainá bitsi'batji-ná, nimé 'én xi tsejèn chja, ni itsé fya-ná kó tsòya-ne.

27 Jè Nainá xi ma-la bíxkejiin inima-ná, tjiin-la mé xi tíbitsjeèn-la jè Inima Tsjeè-la. K'e nga bítsi'batji xita tsjeè-la Nainá k'oaá s'in sijét'aà-la koni s'in mejèn-la Nainá.

Nimé xi koma kochrjet'aaxin-ná kjoatjòcha-la Nainá xi jye tjin-ná it'aà ts'e Cristo Jesús

28 Tjiin-ná nga it'aà ts'e jñà xita xi tjòkèè beè Nainá, ngats'ii kjoa xi mat'in, Nainá k'oaá s'in síkjeén xi kjondaá ts'e xita. K'oaá s'in síkò jñà xita xi xó jè kiichja-la koni s'in mejèn-la,

²⁹ Jñà xit̃a xi jye t̃jiin-la nga t̃isa t̃ats'en-la kjoa nga ixti-la koma; t̃ikoáá k'oaá s'in kiskoósòn-la nga ngásòn kjoàn koma koni kji Kì'ndí-la mé-ne nga jè Cristo Kì'ndítjòn koma koa kjin koma xit̃a xikjín xi 'ndse.

³⁰ Nainá nga k'oas'in kiskoósòn-la it'aà ts'e xit̃a koi, t̃ikoáá xó kiichja-la, jñà xi xó kiichja-la t̃ikoáá kixij̃ kisikítsajna, jñà xi kixij̃ kisikítsajna t̃ikoáá jeya kisikítsajna.

³¹ ¿Mé xi kixoán it'aà ts'e kjoa koi? Nga Nainá t̃ijnako-ná, nijngòò xit̃a kondra-ná s̃ikijne-ná.

³² Nainá mìkìl' on komà-la, nga kitsjaà kjotjò Kì'ndí-la it'aà tsaján ngats'iaá skanda kjoabiyaá. ¿A mìtsà t̃ikoá tsjá kjotjò-ná ngayije nga ko Cristo?

³³ ¿Yá xi koma kohòngui-ná jñà xi Nainá xó jaàjìin-ná? Mì yá xi koma kohòngui-ná nga jè Nainá jye kixij̃ kisikítsajna-ná.

³⁴ ¿Yá xi koiì'nè-ná kjo'in? Nga jè Cristo Jesús k'en ngajo-ná, t̃ikoá jaáya-la kjoa ts'e kjoabiyaá. Yá t̃jna it'aà kixi-la Nainá nga t̃ibitsi'batjì-ná.

³⁵ ¿Yá xi kochrjet'aàxin-ná kjoatjòcha-la Cristo? ¿A kjo'in-né? ¿O xi kjoaba-ne? ¿O xi jè-né nga ongatjingui-ná xit̃a? ¿O xi kjoa ts'e kjinchrá-ne? ¿O xi koiì-né nga tsjin-ná nikje xi chíkjá? ¿O xi jè kjoa xi xkón t̃jín? ¿O xi jè kjoa biyaá nga xit̃a sík'en-ná? Majìn, nìmé kjoa-ne.

³⁶ K'oaá s'in t̃ichja Xojon-la Nainá nga tsò:

Xi kjoa tsjij̃ kjit'aà nachrjein t̃jín kjoaxkón nga kiyá-jen,

k'oaá s'in t̃iyatakòn-najen koni orrè xi t̃ijnandaá nga kiyá.

³⁷ Tanga it'aà ts'e ngats'ì kjoa koi, jye tsato t̃itsanikijne-lá xi it'aà ts'e Cristo xi kjòtsjakeè-ná.

³⁸ K'oaá s'in t̃jngòò takoán nga nijngòò kjoa xi koma kochrjet'aàxin-ná xi kjoatjòcha-la Nainá, nì jè kjoa biyaá, nì kjoabinachon, nì àkjale, nì jñà nga ñó xi t̃jín isò'nde nì jñà xi t̃jín ijiin isén, nì jñà kjoa xi t̃jín nachrjein i'ndeì, nì jñà kjoa xi koma nachrjein xi sa nchrobá,

³⁹ nì jè xi isá'nga, nì jè xi isá'nganga, nità mé tsojmì xi Nainá tsibindaá, nìmé xi koma kochrjet'aàxin-ná kjoatjòcha-la Nainá xi jye t̃jín-ná it'aà ts'e Cristo Jesús xi Na'èn-ná.

9

Mé-ne mìkìl' ijchòtjingui-la kjoa kixij̃-la Nainá jñà xit̃a Israel xi xó jaàjìin-ne

¹ Okixij̃ xi xan it'aà ts'e Cristo; mì 'én ndiso chjà; jè Inijma Tsjeè-la Nainá síkichiya-la kjohítsjeèn-na nga tsjá 'én it'aà ts'an,

² nga kjit'aà nachrjein ba t̃jín-na koa 'on ma-la inijma-na,

³ it'aà ts'e jñà xit̃a 'ndse xi xinguiqa ma koi-né nga 'ñó matsjake. 'Ñó mejèn-na nga katasakó-la kjondaá. Skanda komaá-là kósit'aàxin-la Cristo tsá k'oas'in sakò-la kjondaá jñà xit̃a xinguiqa xi ts'e naxandá Israel, tanga mìkìl' t̃jì'nde-na nga kòs'in siaàn.

⁴ Nga jñà xit̃a Israel, jè Nainá kiskoétjò nga ixti-la ma, ko yaá ki'ya-la kjoajeya-la Nainá, ko kitjoé-la jñà kjoa xi tsibindaàjìin-ko, t̃ikoá kitjoé-la kjotixoma-la Moisés, ko kitjoé-la okixij̃ kós'in skoexkón Nainá, ko kitjoé-la 'én koni s'in kitsjaà-la tso'ba Nainá.

⁵ Jñà xit̃a Israel yaá inchrobàt'aà-ne ts'e xi 'ñó xit̃a jchínga kjìin xi Nainá xó jaàjìin-ne. Jè Cristo [xi xó kisikasén-ne Nainá] nga xit̃a isò'nde komà, yaá inchrobàt'aà-ne it'aà ts'e xit̃a jchínga koi. Jè Cristo xi Nainá; jè otixoma yije-la kjoa; jeya kàtjina nità kjé-ne. K'oas'in kàtama.

⁶ [Nga mìtsà mokjeiín-là ngats'ìi xìtā Israel], mìtsà koi kjoa-là nga jè 'én-là Nainá mìkiì bitasòn. Koi-né nga it'aà ts'e Nainá, mìtsà ngats'ìi xìtā xi ya nchrobát'aà-ne tje-là Israel nga ngui kixì kjoa nga ya chja-ne.

⁷ Nas'ín ya tjen-là it'aà ts'e Abraham, mìtsà ngats'ìi nga kitjoé-là kjondaà nga ixti-là ma. Nga k'o'as' tso Xojon-là Nainá: “Jñà xìtā tje-lè, yaà kjinchrobà-ne it'aà ts'e Isaac.”

⁸ Kjoa koi, k'o'as' tsòya-ne, nga jñà ixti-là Nainá, mìtsà jè xi chjì-là ya ts'e tje xi nchrobát'aà-ne. Ta jñà-né xi ixti-là Nainá ma jñà xi jye k'o'as'ín kitsjaà tso'ba Nainá nga ixti-là koma. Tà jñà-né xi k'o'as'ín oxkìt'aà nga kixì kjoa nga ngui tje-là Abraham ma.

⁹ Nga jè 'én xi Nainá kitsjaà-là tso'ba Abraham, k'o'as' tso: “Jè nó xi sa nchrobà kjoif ijngoò k'a-na; jè Sara, ki'ndi s'e jngoò-là.”

¹⁰ Mìtsà ta jñà kjoa koi xi komà. Tìkooà jè Rebeca kis'e-là ixti'ñò xi ts'e Isaac, jè xi xìtā jchìnga-ná ma.

¹¹ Nainá k'o'as' s'ín kitsjaà tso'ba k'e nga tìkj'e'è ts'ìin jñà ixti'ñò nga tìkj'e'è kii 'ya-là mé kjoa xi s'ìin, a jè xi ndaà tjín, o jè xi mìkiì ndaà tjín. K'o'as' s'ín kjòkixi nga Nainá tjí'nde-là nga kjoaájìin xìtā koni s'ín jye tjíndaà-là nga kichja-là jñà xìtā xi jè mejèn-là. Mìtsà kindà s'ín mé xi jye kis'ìin xìtā.

¹² Nainá k'o'as' kitsò-là Rebeca: “Jè ti-lè xi jts'ín ítjòn, chj'nda-lá koma jè xi iskan jts'ín.”

¹³ K'o'as' s'ín tìchja Xojon-là Nainá nga tsò: “Jè Jacob kjòtsjakeè-ná, kò jè Esau kjòtikeè-ná.”

¹⁴ ¿Mé xi kixoán? Nainá, ¿a mìtsà kjoa kixì xi s'ín? Majìn, mì k'o'as' s'ín tjín.

¹⁵ Nainá k'o'as' kitsò-là Moisés: “Kòhìmakeè-ná xi 'an mejèn-na nga kòhìmakeè, skoehìma-ná jè xi mejèn-na nga skoehìma.”

¹⁶ K'o'as' s'ín tjín kjoa koi, mìtsà koi nga jñà mejèn-ná nga s'e-ná, nì mìtsà koi nga 'ñò binchaatsjiaà; jè Nainá tsjā-là kjondaà-là jñà xìtā xi jè mejèn-là mahìmakeè.

¹⁷ K'o'as' s'ín tìchja Xojon-là Nainá nga kitsò-là Faraón: “Koi k'o'as'ín kisikjina-lè nga xìtāxá tìjini ya naxandá Egipto mé-ne nga it'aà tsjji kokoaà nga'ñò-na tìkooà skoexkon-na xìtā nga tìjtsa isò'nde.”

¹⁸ K'o'as' s'ín Nainá, tjín-là kjòhìmatàkòn it'aà ts'e xìtā xi jè mejèn-là; tìkooà ma-là sítājaajìin injìma-là xìtā xi jè mejèn-là nga kàtasítājaajìin injìma-là.

¹⁹ Tanga tsà jì k'o'as' k'o'ín-ná: “Tsà k'o'as'ín s'ín Nainá, ¿mé-ne jè bínè-là jñà xìtā?, nga nì yá xìtā xi koma kondrà kjoì-là koni s'ín mejèn-là jè.”

²⁰ Tanga jì, xi taxkì xìtā-né, ¿yá-né jì, nga Nainá otìkjòkoi? Jngoò tìjì xi xó kisindaà-ne, ¿a komaá kitsò-là jè xi tsibìndaà: “Mé-ne k'o'as'ín tsibìndaà-ná?”

²¹ ¿A mì tjí'nde-là jè xi ma-là bíndaà tìjì ni'nde nga tìjè-ne ndási koiìndaà jngoò-ne tìjì xi tà k'e mochjeén k'e nga tjín s'e'ì kò koiìndaà jngoò xi nachrjein nchijòn mochjeén?

²² Tsà Nainá mejèn-là tsakó kjoajti-là kò nga'ñò-là, ¿a ch'o tjín nga kiskoòñà kjoa it'aà ts'e xìtā xi tjoé-là kjo'in kò xi tjinè-là nga kjoehesòn?

²³ Mìtsà ch'o tjín; nga koi k'o'as'ín kis'ìin-ne mé-ne nga ma tsakó kjoajeya-là xi it'aà tsjān nga kjòhìmakeè-ná. Nga jè tsibìtsajnandaà-ná skanda tìsa kjòtseè, mé-ne tìkooà s'e-ná kjoajeya-là.

²⁴ Nainá k'o'as' s'ín xó kiichja-ná. Tjín xìtā xi ya itjokàjìin ts'e xìtā judío; tìkooà tjín xìtā xi ya itjokàjìin ts'e xi taxkì xìtā xi mìtsà xìtā judío.

²⁵ K'o'as' s'ín tìchja xojon-là Oseas xìtā xi kiichja ngajo-là Nainá nga tsò: Jè xi mìtsà naxandá-na ma nga sa ítjòn, naxandá ts'aán koma;

jè xi mì tjàkèè kijtseè nga sà òtòn, tjàkèè skoeè.

²⁶ Ti ya-ne ònde ñánda òkì'mì-nò:

“Mìtsà naxandá ts'an xan-nò”,

“ixti-là Nainá xi tìjnakon” k'òin-nò.

²⁷ Isaiás, xita xi kùichjaya ngajo-là Nainá, k'oaá tì tsò òt'aa ts'e naxandá Israel: “Nas'in k'jìn jchán ma-ne òxti-là koni tsomì ts'e ndáchikon, tà chiba ma-ne xi k'itjokajìin k'j'ìn.

²⁸ Nga jè Na'èn-ná òt'oon s'ikitasòn jè kjoakixi-là xi jye jè kitsjaà koni s'in t'jìné-là j'na xita nga t'jtsa òsò'nde.”

²⁹ Koni s'in kitsò Isaiás nga t'isa òtòn:

Jè Na'èn-ná, xi tse nga'ño t'jìn-là,

tsà mìkì kisikiningui chiba-ne tje-ná,

jyeé-là kisikjehesòn yije-ná

koni kisikò naxandá Sodoma kò naxandá Gomorra.

³⁰ ¿Mé xi k'ixoán? J'na xi mìtsà xita judío, xi mìkì fitjingui-là kjoa kixi, ònde, jyeé xita kixi-né nga nguixkon Nainá tà koi kjoa-là nga mokjeiín-là òt'aa ts'e Nainá.

³¹ Tanga j'na xita Israel xi fitjingui-là K'jotixoma-là Moisés nga nchihótsji nga kixi kitsajna nguixkon Nainá mìkì ijchòt'jngui-là.

³² ¿Mé-ne nga k'oa's'in komà-ne? Koi kjoa-là nga mìkì mokjeiín-là òt'aa ts'e Nainá. Tà k'oaá s'in 'ño tshót'aahikon nga ndaa t'jìn kjoa xi k'is'in òt'aa ts'e K'jotixoma. K'oaá ma-ne [k'e nga j'ìi Cristo] yaá k'isat'ngui koni jngoò Ndajo xi k'ijnahikòn.

³³ Xojon-là Nainá k'oaá s'in t'ichja [òt'aa ts'e Cristo] nga tsò:

Ya nindoò Siòn k'jnaa jngoaa ndajo xi k'ijnahikòn,

jngoò Ndajo xi sat'ngui xita,

tanga jè xi k'okjeiín-là òt'aa ts'e Ndajo jè mìkì kosobà-là.

10

Mé xi s'een nga kitsajnadei-ná xi kjoa ts'e jé-ná nga kixi kitsajnaa nguixkon Nainá

¹ J'no ndí 'ndsè, xi ngui òkixi, koi xi 'ño mejèn-là inima-na kò xi 'ño s'jèt'aa-là Nainá òt'aa ts'e naxandá Israel, nga k'atitsajnadei kjoa ts'e jé-là.

² An be kixi-ná nga 'ño mejèn-là nga ndaa skoe'kòn Nainá j'na xita Israel, tanga mìkì mangáson k'johitsjeèn-là koni s'in t'jìn jè k'johitsjeèn xi ngui kixi t'jìn.

³ Nga mìkì fahas'en-jìin-là nga tà jngoò jè Nainá xi ma-là kixi s'ikitsajna xita. Tà jè xi mejèn-là nga tà j'na kixi s'ikitsajna yijo-là. Majìn-là kjoé xi òkixi-là Nainá xi ma-là kixi s'ik'jina-ná.

⁴ Nga jè Cristo kisikjehet'aa kjoa ts'e k'jotixoma mé-ne nga s'e-là kjoa kixi ngats'ìi xita xi mokjeiín-là òt'aa ts'e Nainá.

⁵ Jè Moisés, k'oaá s'in kiskì òt'aa ts'e xita xi mejèn-là kixi kitsajna òt'aa ts'e k'jotixoma nga tsò: “Jè xita xi s'ikitasòn k'jotixoma, òt'aa ts'e k'jotixoma k'ijnakon-ne.”

⁶ Tanga òt'aa ts'e xita xi kixi kitsajna k'e nga mokjeiín-là, k'oaá tsò: “Kì k'oaá tsò inima-lè: ¿Yá xi k'jijmìin ngajmìi?” (Èn koi tsòyaá-ne nga mejèn-là k'jinchrobàjen-kò Cristo.)

7 Ko, ki k'oaa tsò inìma-lè: “¿Yá xi ma kòjìs'en-jìin j'nde ñánda nchisíkjeiin kjo'in jñà mik'en?” (‘Èn koi tsòyaa-ne nga mejèn-là skìmi'l'nga jìngòò k'a-ne Cristo ya jìiin-là mik'en.)

8 Tanga, ¿kó tsò-isa 'én-là Moisés? Tsò-ne: “Chrañat'aà tìjna-lè jè 'én, yaa tìjna'a ndsòboi, yaa tìjnajìin inìma-lè.” K'oaa tsò 'én xi 'an chj'aya xi mochjeèn nga kòkjeiin-ná.

9 Tsà ndsòboi kénojmi-ne nga Jesucristo, jè xi Na'èn-ná, koa tsà kò inìma-lè kòkjeiin-lè nga Nainá kisikjaàya-là it'aà ts'e kjoabiyaà, kijnandejì-né xi kjoa ts'e jé-lè.

10 Nga koò inìma-ná mokjeiin-ná mé-ne nga kixj kìtsajnaá nguixkon Nainá tìkoa koò ndsobaá bènojmiá nga Jesucristo, jè xi Na'èn-ná, mé-ne nga koma kìtsajnandejì-ná xi kjoa ts'e jé-ná.

11 K'oas'ín tìchja Xojoñ-là Nainá nga tsò: “Ngats'ii xi kòkjeiin-là it'aà ts'e Cristo mìkii kòsobà-là.”

12 Jñà xìtá judío kò xi mìtsà xìtá judío, tà ngàsòn-né xi it'aà ts'e Nainá; nga tìjè-ne Cristo xi Na'èn tsò-là ngats'ii xìtá. Jè kjondaà xi ñó tse tìjn-là Cristo, jè tsjá-là ngats'ii xìtá xi chjat'aà-là.

13 Nga k'oaa tì tsò Xojoñ-là Nainá: “Ngats'ii xìtá xi kichjat'aà-là Na'èn-ná, kìtsajnandejì-né xi kjoa ts'e jé-là.”

14 Tanga mìkii koma kichjat'aà-là Cristo jè xìtá xi k'èè kì mokjeiin-là. Kò mìkii kòkjeiin-là xìtá xi k'èè mé 'én 'nchré it'aà ts'e Cristo. Koa mìkii koma kji'nchré xìtá tsà mì yá xìtá tìjn xi kènojmi-là it'aà ts'e Cristo.

15 Koa jè xìtá xi kènojmi 'én, mìkii koma sjiá tsà mì yá xi sjiakasén. K'oas'ín tìt'aà xojoñ: “Mé tà ndaà-ne nga k'oas'ín binchimasòn jñà xìtá xi chjaya 'én ndaà-là Nainá xi kjoa ts'e Cristo xi ts'e kjoa'nchán.”

16 Tanga mìtsà tà ngats'ii xìtá Israel kisikitasòn jè 'én ndaà-là Nainá xi kii'nchré. Nga jè Isaías xìtá xi kiihja ngajo-là Nainá, k'oaa kitsò: “Na'èn, ¿yá xi kòkjeiin-là 'én xi jìin kinokjoàya-jen?”

17 K'oaa ma-ne, k'e nga mokjeiin-ná, yaa nchrobát'aà-ne k'e nga na'yá-lá 'én. K'oaa jñà 'én xi na'yá, 'én ndaà-là Nainá xi kjoa ts'e Cristo-né.

18 Tanga, k'oaa xan: ¿A mìtsà kii'nchré xìtá Israel jè 'én ndaà-là Nainá? Jon, kii'nchré-né. Nga k'oaa tsò jè Xojoñ-là Nainá: Kijndà isò'nde jyeé tsabísòn 'én-là.

Jyeé ijchò skanda ñánda fehèt'aà-ne nangui.

19 Tìkooá xan-ná: jñà xìtá Israel, ¿a mì kisijìin-là kjoa koi? Kisijìin-là. Jè xi tìjna ítjòn, k'oaa kitsò Moisés:

'An, k'oaa s'ín s'iaàn nga kàtachinìcha jñò jngòò naxandá xi mìtsà naxandá ts'an xan-là.

Kàtamajitìcha it'aà ts'e naxandá xi chiba kjohìtsjeèn tìjn-là.

20 Tìkooá Isaías 'ñó tsi'beé-là ikon nga kiihja 'én-là Nainá nga kitsò:

Kisakó-là jñà xìtá xi mìkii 'an tsohòtsji-na.

Tsakó-là kjondaà-nà jñà xìtá xi mìkii 'an kiskònanguiya-na.

21 Tanga jè Isaías k'oaa s'ín kiskii it'aà ts'e xìtá Israel koni s'ín kitsò Nainá: “Nachrjein nchijòn tsijmeé-là ndsaa nga kichjà'nchré-là jngòò naxandá xi kondrà kii-là 'én-nà nga mì kì kisikitasòn.”

11

Kjohimatakòn xi tìjn-là Nainá it'aà ts'e naxandá Israel

1 'Aán kjònunguia, jè Nainá, ¿a kitsjeiin takòn naxandá-la Israel? Majìn, mì k'oaá s'ín tjín. 'An, tìkooá xitá Israel-ná, tje-laá ma Abraham, xitá xinguiáa ma xi yá nchrobát'aà-ne ts'e Benjamín.

2 Nainá mìtsà tsachrjekàngui naxandá-la nga jye tjiin-la nga tisa tàts'en-la kjoa nga ixti-la koma. ¿A mì tjiin-nò koni tsò Xojon-la Nainá it'aà ts'e Elías nga k'oas'ín chjat'aà-la Nainá xi kondra ts'e Israel? Tsò:

3 "Na'èn, jñà xitá-lè xi kiichja ngajo-lè, jyeé kisik'en xitá, koo jñà j'nde tsjeè-lè jyeé kisikits'óna; tà 'an tajngoò tijnáa isa, tìkooá mejèn-la siik'en-na."

4 Tanga k'oaá tsò 'én xi tsjá Nainá: "Majìn, mìtsà tà jì tajngoò tijni. Itoò jmiì ma-ne xitá xi 'an títajnatjò-na xi k'j'eè tsá yá bincha-xkó'nchit'aà-la xkòsòn-la Baal."

5 Nachrjein j'nde j'ndéi tákó k'oaá s'ín ma, tjín isa xitá Israel xi títajnatjò-la Nainá xi xó jaàjiiin-ne xi kjondaà ts'e.

6 Tsà tà kjondaà ts'eé Nainá nga k'oas'ín jaàjiiin xitá, tsòyaá-ne mìtsà koi kjoa-la kjondaà xi kis'iin. Tanga tsà koi kjoa-la kjondaà xi kis'iin, mì-la tsà tì kjondaà-la Nainá kjòchjeèn-ne nga kitjaàjiiin xitá.

7 ¿Kó s'ín tjín kjoa? Tsòyaá-ne nga k'jín xitá Israel mìkiì ijchòtjìngui-la jè kjoa xi tsohòtsji. Tanga kis'e i'nga xitá xi xó jaàjiiin-ne Nainá xi jye ijchòtjìngui-la. Jñà xitá xi i'nga, 'ñó kjótájaàjiiin inima-la.

8 K'oaá s'ín tjt'aà Xojon-la Nainá nga tsò: "Nainá, kitsjaà-la nga kisijñòjiiin inima-la; jñà xkon mìkiì tsejèn-la, kò líká-la, mìkiì 'nchré skanda nachrjein j'ndéi."

9 Jè xitaxá ítjòn David k'oaá ti kitsò:

Jè s'eí xi ochrje, tije kàtama-ne ch'an nga kàtakaàngui, kàtasiya'ñó na'ya, kò tijná kàtasatngui-ne mé-ne nga kàtas'e-la kjo'in.

10 Kàtasichjoà xkon mé-ne nga mìkiì kotsejèn-la nga kjit'aà nachrjein kàtamatsit'in ít's'in.

11 'An kjònungui-ná, ¿a jngoò k'a chixòt'aà nangui jñà xitá Israel k'e nga kisatèngui? Majìn. Mì k'oaá s'ín tjín kjoa. Jè kjoa-la nga mìkiì kisikitasòn jñà xitá Israel, jñà kitjoé-la xi mìtsà xitá judío nga tsibitsajnandejì xi kjoa ts'e jé-la. K'oaá s'ín komà mé-ne nga jñà xitá judío kàtachini-ne it'aà ts'e kjondaà-la Nainá.

12 Tsà jñà xitá isò'nde kisakò-la kjoanchiná-la Nainá k'e nga jñà xitá judío mìkiì kisikitasòn-la Nainá kò kisichijà kjondaà-la, isaá ta 'ñó ndaa s'e-la kjoa machikon-t'in jè isò'nde k'e nga jñà xitá judío jngoò k'a skoé j'nde-la yá nguixkon Nainá.

13 Jñò chjàkò-nò xi mìtsà xitá judío mì-nò. 'An kisixáya-na nga 'an kichjàjiiin-la jñà xi mìtsà xitá judío. 'An beèxkón-ná xá xi kits'ii-na.

14 Tsà koi nachrjein-la kochiní i'nga xitá xinguiáa mé-ne nga tìkooa koma kítajnandejì-ne xi kjoa ts'e jé-la.

15 Tsà jñà xitá isò'nde kisakò-la kjoa'nchán it'aà ts'e Nainá k'e nga jñà xitá judío itjokàngui, isaá tse kjondaà sakò-la jñà xitá judío k'e nga skoétjò jngoò k'a-ne Nainá. Skanda k'oaá s'ín komat'in koni jngoò xitá xi jye k'en kò kjoaáya-la it'aà ts'e kjoabiyaá.

16 Tsà tsjeè niño xi sindaa ítjòn nga kongatsja Nainá, tìkooá tsjeè-né na'yo xi kochjeèn nga sindaa niño k'e nga koma iskan. Tsà tsjeè it'aà ts'e Nainá i'ma-la yá, jñà chrja-la tìkooá tsjeè-né.

17 Jñà xitá Israel, k'oaá s'ín गया-la koni jngoò yá olivo ndaa xi kitii't'aà chrja-la, koo ngaji k'oaá s'ín गया-la koni chrja-la yá olivo jiiin ijná nga yá

kisikjoòkoji ya ngajo-la chrja-la yá olivo ndaà; k'oaá ma-ne nga ya tíchjói jè nga'ño-la i'ma-la yá olivo ndaà.

¹⁸ Ki 'nga níkjini yijo-lè nga ya titsakjoòkoji chrja-la yá olivo ndaà. Tíkítsjiin nga tà kisikjoòko-ne; mìtsà jí 'bù-la nga'ño jñà i'ma-la yá olivo ndaà, tà saà jí tsjá-lè nga'ño jñà i'ma-la yá olivo ndaà.

¹⁹ Jí, kí k'oaá sí: “Kítiit'aà chrja-la yá olivo ndaà, nga 'an kisikjoòkoáa.”

²⁰ Tíkítsjiin koií kjoa-la nga mikii mokjeiín-la nga kitiit'aà-ne. Tanga jí koií kjoa-la nga mokjeiín-lè nga ya tíjnat'eii. Kì 'ngaá beè-la takòin, tìskón-la Nainá.

²¹ Nainá, tsà mikii kitsjaà'nde-la jñà chrja-la jè yá olivo ndaà nga ya kíjnakjoòko tìkoáá ngaji tsà mì tí kii mokjeiín-lè mì tí kii tsjá'nde-lè nga ya kíjnakjoòkoji.

²² Chítsejèn-la Nainá, 'ño ndaà xítà tanga tìkoáá jè xi mejèn-la nga ndaà kítasòn 'én xi chja. Mikii beè ima jñà xítà xi chinchat'aàxin-la Nainá. Tanga it'aà tsjii títjá-lè kjondaà. Tà jè xi mochjeén nga k'oas'in kjini koni s'in tjín kjondaà xi kitsjaà-lè. Tsà majín tìkoá kotet'aà-lè koni jngoo chrja-la yá.

²³ Jñà xítà judío xi chrja-la yá xi kitiit'aà, tsà kòkjeiín ljngoo k'a-la, komaá sincháya-ne i'nde-la, nga Nainá tjín-la nga'ño, komaá kíkjoò ljngoo k'a-ne.

²⁴ Jí, nga ya kitiit'aà-ne jñà yá olivo jjiin ijñà koá kisikjoòkoji yá olivo ndaà nas'jí, nga yá ok'in-lè. jìsáá tà ndaà ok'in-la nga jñà chrja-la yá olivo xi xó kitjaàjiiin-ne nga sincháya ljngoo k'a-ne i'nde-la xi tíjè-ne yijo-la yá!

²⁵ 'Ndsè, mejèn-na nga ndaà kàtasijiiin-nò kjoa'ma koi koni s'in tjíndaà-la Nainá mé-ne nga mì 'ño chíjine kínachrje yijo-nò. Jè kjoa nga tjín i'nga xítà Israel xi kjótáajiiin inima-la nga mikii mokjeiín-la, tanga skanda k'eé kòkjeiín-la k'e nga jye kòkjeiín yije-la xi mìtsà xítà judío.

²⁶ K'e nga jye k'oas'in koma, ngats'ii xítà Israel kítsajnandejí-né xi kjoa ts'e jé-la, koni s'in tíchja xojon nga tsò:

Yáá nindoò Sión kíjinchrobà-ne xi ma-la sùikítsajnandejí xítà Israel xi kjoa ts'e jé-la,

jè xi kjoaáxin-la jé-la jñà xítà tje-la Jacob.

²⁷ Jè kjoa xi bíndaàjiiin-koáa

k'e nga kjoaáxin-la jñà jé xi tjín-la.

²⁸ Kjoa ts'e 'én ndaà-la Nainá xi kjoa ts'e Cristo, jñà xítà judío, kondra-laá ma Nainá mé-ne jño sakò-nò kjondaà. Tanga jè kjoa nga xó kitjaàjiiin-ne xítà koi, tákó matsjakeè Nainá nga jye kòs'in kitsjaà-la tso'ba jñà xítà jchínga kjiiin-la.

²⁹ Nainá mikii faáxin kjotjò xi tsjá, tìkoá mikii faáxin 'én xi chja-ná.

³⁰ Jñò, k'oaá tís'in kí'nè nga sá kjòtseé; mikii kínikitasòn-là Nainá, tanga i'ndeí jyeé kisakò-nò kjohimatakòn, koií ngatji-la nga mikii kisikitasòn jñà xítà judío.

³¹ Nachrjein i'ndeí jñà xítà judío mikii síkitasòn-la Nainá. Tanga tà koi-ne nga jè Nainá tjín-la kjohimatakòn xi it'aà tsajòn mé-ne jñà xítà koi tìkoáá s'e-la kjohimatakòn ts'e Nainá.

³² Nainá, k'oaá tsò nga ngats'ii xítà judío, kò xi mìtsà xítà judío, mikii síkitasòn-la nga jè xi mejèn-la Nainá nga ngásòn ngáya kòhímakeè ngats'ii xítà.

³³ Jmé tà 'ño tse ma kjoanchínà xi tjín-la Nainá, kò 'ño tse kjoachjine tjín-la kò kjohítsjeèn-la! Nijngoo xítà xi machiya-la kós'in kosòn-la k'e nga bíndaàjiiin kò kós'in tjín ndiyá-la.

³⁴ ¿Yá xi beè kós'in t́jín kjohítsjeèn-là Nainá? Mì yá xi koma-là s̀ikíchiya-là Na'èn-ná.

³⁵ ¿Yá x̄ita xi jè kiskik̄ña ítjòn-là xi mochjeèn-là Nainá mé-ne nga jè s̀ikátji ngajo-là?

³⁶ It'aà ts'eé Nainá nchrobát'aà-ne ngats'iì tsojmi xi t́jín, t̄ikoa it'aà ts'e-né nga t̄itsakon, k̄o k'oaa s'in mochjeèn nga jeya k̄jna.

Nainá, k̄atas'e-là kjoajeya n̄ita mé nachrjein-ne. K'oas'in k̄atama.

12

Mé xi s'eén nga tsjeè sijchá yijo-ná koni s'in sasén-là Nainá

¹ K'oaa ma-ne 'ndsè, nga tse kjoh̄imatakòn t́jín-là Nainá xi it'aà tsaján, 'an b̄itsi'ba-nò nga k'oas'in t̄ingatsja yijo-nò it'aà ts'e Nainá koni jngoò kjotjò xi t̄jnakon, xi tsjeè t́jín, xi ndaa sasén-là Nainá; nga nguì k̄o in̄ima-nò k̄o kjohítsjeèn-nò jeya s̀ik̄jna Nainá.

² Kì k'oas'in onguìk̄o yijo-nò koni s'in t́jín kjot̄ixoma-là isò'nde. T̄ixitseyá kjohítsjeèn-nò nga k̄at̄at̄j̄iya-nò koni s'in t̄itsan̄ijchá yijo-nò mé-ne nga jcha-nò mé xi mejèn-là Nainá it'aà tsajòn, j̄n̄a kjoa xi ndaa t́jín, xi nguì t̄j̄ikixi, xi jè ndaa sasén-là.

³ It'aà ts'e xá xi 'an kitjoé kjotjò-na, k'oaa xan-nò nga jngoò l̄jngoò, k̄i 'nga onguìk̄o kjohítsjeèn-nò koni s'in t́jìnè-là nga s̀ik̄itsjeèn; tà saà ndaa t̄ik̄itsjeèn koni s'in ok'in-là kj̄ondaà xi kitsjaà-nò Nainá k'e nga kòk̄jeiìn-nò it'aà ts'e Cristo.

⁴ Koni s'in t́jín yijo-ná nga k̄jìn skoya t́jín-là t̄anga k̄akj'ej̄i k̄akj'ej̄i xá t́jín-là nga l̄jngoò l̄jngoò skoya.

⁵ K'oaa s'in ma it'aà tsaján nga k̄jìn ma-ná, t̄anga xi it'aà ts'e Cristo tà jngoò ma-ná nga l̄jngoò l̄jngoá; k'oaa s'in k̄ind̄oba'ñoá xinguiáá koni s'in kitsobà'ñoó k̄ik̄jín yijo-ná.

⁶ Koni s'in kjòmejèn-là Nainá jye kitsjaà-ná xá xi s'eén nga jngoò l̄jngoá. Jngoò x̄ita, tsà jè xá kitjoé-là nga x̄ita k̄ichjayaj̄iìn-là, k'oaa s'in k̄atasikjeén koni s'in mokjeiìn-là.

⁷ Tsà jè xá kitjoé-là nga x̄ita k̄osik̄o, k'oaa s'in k̄atasikjeén nga ndaa k̄atasik̄o x̄ita. O xi jè xá kitjoé-là nga k̄ok̄oya, k'oas'in k̄atasikjeén nga ndaa k̄atak̄oya.

⁸ Jè xi kitjoé-là xá nga s̀ij̄ehikon x̄ita, k'oas'in k̄atas'in. Jè xi ma-là s̄ika'b̄i tsojmi, nguì k̄oò in̄ima-là k̄atasika'b̄i; jè xi xá ítjòn kjòngatsja, ndaa k̄atasik̄itasòn; jè xi s̄ichj̄at'aà-là j̄n̄a x̄ita im̄a, k̄oò kj̄otsja-là k̄atasichj̄at'aà-là.

⁹ Nguì k̄oò in̄ima-nó t̄itsjacha xinguiòo. T̄ijticha kjoa xi ch'o t́jín. Koií tangut̄j̄ingui-là kjoa xi ndaa t́jín.

¹⁰ K̄oò kj̄otsja-nò t̄itsjacha xinguiòo nga 'ndsè chiba. Ísa ndaa jchaxkón x̄ita xinguiòo xi i'nga; j̄n̄a t̄ik̄itsajna ítjòn nga jngoò l̄jngoò.

¹¹ Kì ts'eè 'nè xi xá ts'e Nainá. Nguì k̄oò in̄ima-nò t̄ixá-là Na'èn-ná.

¹² Tsja te-lá takòn jè kjoa xi ch̄iñá-là. K̄o in̄ima-nò k̄at̄ach̄ik̄joak̄o-nò k̄j̄o'in xi t̄itsan̄ik̄joón. Nachrjein nchijòn t̄itsi'ba-là Nainá.

¹³ T̄j̄i-là mé xi mochjeèn-là j̄n̄a x̄ita tsjeè-là Cristo. Chojétjò x̄ita xi bijchó ya ni'ya-nò.

¹⁴ T̄j̄jét'aà-là Nainá nga k̄atasichikon-t'in j̄n̄a x̄ita xi ch'o sík̄o-nò; k̄i k'oaa s'in nijét'aà-là nga k̄j̄o'in tsj̄a-là.

¹⁵ T̄itsjak̄o j̄n̄a x̄ita xi tsja t́jín-là. Ch̄ihindáyak̄o j̄n̄a xi nchik̄jindáyá.

¹⁶ Tà jngoò t'een kjohítsjeèn-nò. Kì 'nga ikon 'nè yijo-nò, ya tsjahitak̄o j̄n̄a x̄ita im̄a. Kì 'ñoó ch̄j̄ne nachrj̄enguiòo yijo-nò.

17 Jñà x̄iṭà xi ch'o s̄iḱo-nò, k̄i ch'o n̄iḱoo ngajo-nò. Kjit'aà nàchrjein ndaa t'een nga nguixkon ngats'iì x̄iṭa.

18 Skanda ñánda sakó'nde-nò, jñò t̄jínè-nò nga 'nchán titsajnakoo ngats'iì x̄iṭa.

19 Ndi' ndsè xi matsjake-nò, k'e nga mé xi mat'ioòn, k̄i jñò 'nè ngajo-nò. Tsja Nainá t̄k̄j̄naya kjoa-nò mé-ne nga jè tsjá-ne kjo'in. K'oaa s'ín tichja Xojon-la Nainá nga tsò: "Tsò Nà'èn-ná: 'Aán oko-na nga k̄indaàjiin-la x̄iṭa, 'aán tsja-la ch̄j̄i-la."

20 K'oaa ma-ne, tsà jè kondra-lè, tsà tsjìn tsojmì xi kine, j̄i t̄j̄i-la; tsà x̄indá-la, t̄j̄i-la nandá nga kàt'iì. K'e nga koa s̄iḱōj̄i, k̄osobà t'i'biì-la kondra-lè, ch̄iba-la kohini isén-la koni xá'í.

21 Jè kjoa xi ch'o t̄j̄ín, k̄i jè s̄ikijne-nò; t̄ikoaa-ne jè k̄atitasòn xi k̄j̄ondaà, mé-ne nga s̄ikijne-là kjoa xi ch'o t̄j̄ín.

13

Mé kjoa-ne nga n̄ikitasòn-lá xi x̄iṭaxá t̄itsajna

1 Ngats'iì x̄iṭa k̄atas̄ikitasòn-la xi x̄iṭaxá t̄itsajna, nga Nainá kitsjaà-la k̄j̄ot̄ixoma. Jñà xi x̄iṭaxá t̄itsajna, Nainá kitsjaà-la xá.

2 Jñà x̄iṭa xi b̄itsajna tájaà-la k̄j̄ot̄ixoma-la x̄iṭaxá, kondraá b̄itsajna-la jñà x̄iṭa xi Nainá kitsjaà-la xá. Jñà x̄iṭa koi, t̄i yijo-laá t̄ibinè-la kjo'in.

3 Jñà x̄iṭaxá m̄itsà koi xá t̄itsajna-ne nga jñà k̄inchaxkón-la x̄iṭa xi ndaa s'ín, jñà-né x̄iṭa xi ch'o t̄j̄ín kjoa xi s'ín. Tsà mejèn-lè nga m̄ik̄i k̄iskón-la x̄iṭaxá, ndaa t'iiin, k̄o jñà x̄iṭaxá ndaa s̄iḱj̄ina-lè.

4 Jñà xi x̄iṭaxá t̄j̄ín-la, xá ts'e Nainá nchis̄ikitasòn, mé-ne nga ndaa kijna-ne. Tanga tsà ch'o t̄j̄ín kjoa xi t'ì'nì, t̄iskón-la xi x̄iṭaxá t̄j̄ín-la, nga t̄j̄'nde-la nga tsjaà-lè kjo'in. Nga xá-la Nainá nchis'ín k'e nga b̄indaàjiin kjoa k̄o nga tsjá-la kjo'in jñà x̄iṭa xi ch'o s'ín.

5 K'oaa ma-ne nga mochjeén-né nga ndaa s̄ikitasòn-lá jñà xi x̄iṭaxá t̄itsajna, m̄itsà tà koi-ne nga kjo'in tsjá-ná; koi-né nga xó k'oas'ín beè-la takoán nga t̄j̄inè-ná nga s̄ikitasoán.

6 Koiì kjoa-la nga t̄ikoa mach̄j̄i ton sá, nga jñà x̄iṭaxá k'oaa s'ín nchis̄ikitasòn-la Nainá k̄o kjit'aà nàchrjein koat̄j̄ín xá xi nchis'ín.

7 Tichjió yije mé xi kitjen-nò. Jè xi kitjen-la ton sá, k̄atichj̄i. Jè xi kitjen-la tsojmì xi mach̄j̄it̄j̄i, k̄atichj̄it̄j̄i. Jè x̄iṭa xi mochjeén-la nga jchaxkón, k̄atayaxkón. Jè x̄iṭa xi mochjeén-la nga ndaa k̄j̄ina, ndaa t̄ik̄j̄ina.

8 K̄i mé xi jmeèt'ioòn yijo-nò. Tanga kitjeén-nò ts'e kjoat̄j̄ocha it'aà ts'e x̄iṭa x̄inguioo. Nga jè xi matsjakeè x̄ik̄j̄ín, jyeé kis̄ikitasòn yije K̄j̄ot̄ixoma.

9 Jñà k̄j̄ot̄ixoma tsò-ne: "K̄i kjoa ch̄j̄ngui 'nì, k̄i x̄iṭa n̄ik'in, k̄i ch̄ijé 'nì, k̄i 'én ndiso nokj̄oi, k̄i max̄itakòn-ch̄iì x̄inguìi." Ngats'iì k̄j̄ot̄ixoma koi, k̄o xi k̄j̄'eí, yáá mangásòn yije jè k̄j̄ot̄ixoma xi tsò: "T̄itsjachi x̄iṭa x̄inguìi koni tsà t̄i yijo ts̄j̄i-ne."

10 Jè xi matsjakeè x̄ik̄j̄ín, m̄itsà ch'o s̄iḱo x̄iṭa x̄ik̄j̄ín. Jè xi matsjakeè x̄ik̄j̄ín, jyeé ndaa t̄is̄ikitasòn K̄j̄ot̄ixoma.

11 K'e nga k'oas'ín s'eén yijeé kjoa koi, jcha-ná nàchrjein i'ndeí mé kjoa xi tíma nga yje ijchò ch̄iba-la nga s̄ik̄ja-lá yijo-ná nga titsafè. Koni k'e nga sà kòk̄jeín-ná, jye 'ñò k̄j̄ochrañat'aà nàchrjein nga k̄itsajnandiaá kjoa ts'e jé-ná.

12 Nitjen, jyeé t̄ifahato, jyeé t̄imachraña nàchrjein nga s'e isén nga k̄itjojen j̄ngoo k'a Nà'èn-ná. K̄inach̄j̄enguiá ngats'iì kjoa xi ma ñánda nga jñò choòn

kò choé nga'ño-là Nainá koni s'ín mochjeén ñánda iseèn choòn koni tsà kichá ts'e soldado.

¹³ K'oaá s'ín iseèn kítjá koni nachrjein nga ndaa síjchá yijo-ná. Mì kì mochjeén nga taxkì chjineé tsojmì kò nga mach'iaá. Mìkì mochjeén nga íchjín kjóhijtaoá, kò mì kì ma taxkì sikoáá yijo-ná. Mìkì mochjeén nga xítá kixkàn-koáá kò mìkì mochjeén nga kjoaxítakòn kichjà-lá xinguiáá.

¹⁴ K'oaá s'ín tíjchá yijo-nò koni s'ín kis'iin jè Na'èn-ná Jesucristo, kì kù nikitason-là yijo-nò kjoa ch'o xi síjé.

14

K'e nga mìkì mangásòn kjohítsjeèn-ná it'aà ts'e kjoa xi mì xó kù tjí'nde-ná nga s'éen

¹ Chjoétjò xítá xinguió xi mìkì tíjngòò ikon mé kjoa xi tjí'nde-là nga s'iin; kì chibàya-nò jñà kjoa xi mìkì mangásòn kjohítsjeèn-nò.

² Tjín xítá xi k'oa's'ín mokjeiin-là nga ma chine yije tsojmì xi tjín, tíkoá tjín xítá xi mìkì mokjeiin-là tsà ma chine yije tsojmì xi tjín. Tà jñà tsojmì xi nangui síjchá kine.

³ Jè xi kine yije tsojmì xi ma chine mìkì koma kochrjekàngui jè xi mìkì ma-là kine yije tsojmì; kò jè xi mìkì ma-là kine yije tsojmì, mìkì koma kichjajno-là jè xi ma-là kine yije tsojmì xi tjín, nga Nainá jyeé kiskoétjò nga k'ndí-là ma.

⁴ Yá-né jì nga nìkìndjì chí'nda xi mìtsà tsjji? Nga chí'nda ts'e Nainá-né. Jè chí'nda jè, kindá ts'eé nei-là tsà kixí tjína kò tsà mì kixí tjína. Tanga kixí kíjina, nga jè Na'èn-ná tjín-là nga'ño nga kixí síkíjina.

⁵ Tjín xítá xi tsò: tjín nachrjein xi ísá xkón. Tíkoá tjín xi tsò: Nachrjein, tà ngásòn ngaya-né nga nachrjein nchjòn. Nga jngòò òngòò xítá, k'oaá s'ín ndaa katíjngòò-là ikon koni s'ín síkítsjeèn.

⁶ Jñà xítá xi faájìin jngòò nachrjein nga beèxkón, k'oaá s'ín nga jeya síkíjina Na'èn-ná; koá jñà xítá xi tsò nga ta ngásòn ngaya nachrjein, tíkoáá k'oaá s'ín s'ín nga tíkoá jeya síkíjina Na'èn-ná. Jñà xítá xi kine yije tsojmì, it'aà ts'e Na'èn-ná kine, nga tsjá-là kjondaà Na'èn-ná k'e nga kine; k'oa jñà xítá xi tsò nga tjín tsojmì xi mìkì ma chine, tíkoáá it'aà ts'eé Na'èn-ná nga mìkì kine tsojmì, kò tíkoáá tsjá-là kjondaà Na'èn-ná.

⁷ Jñà, k'e nga titsajnaoáán, mìtsà koi xá titsajnakon-ná xi ta kjondaà tsaján. Kò k'e nga kiyá, mìtsà ta kjondaà tsaján kírchátsjiaá nga kiyá.

⁸ Tanga k'e nga titsajnaoáán, koi xá titsajnaoáán xi kjondaà ts'e Na'èn-ná. Kò nga kiyá, tíkoáá koi xá kiyá-aná xi kjondaà ts'e Na'èn-ná. K'oaá ma-ne tsà titsajnaoáán kò tsà kiyá kjondaà ts'e Na'èn-ná nga ts'e tsò-ná.

⁹ Koi kjoa-là nga k'en Cristo koá jaáya-là nga tsibjnakon-né, mé-ne nga jè koma-ne Nei-là jñà xítá xi biyaá kò xi titsajnakon.

¹⁰ Tanga jì xi nokjoájno-là 'ndsi, ¿mé-ne koá'nè-ne? Tíkoáá jì xi nachrjekàngui 'ndsi, ¿mé-ne nachrjekàngui-ne? Nga ngats'iin-ná kíjchò kinchanguiaá ndsóko Cristo ñánda nga jè tíhotixoma.

¹¹ K'oaá s'ín tíchja Xojon-là Nainá nga tsò:

Tsò Na'èn-ná: 'An tíjnakon-ná,
ngats'iin xítá kíjchaxkó'nchit'aà-na
kò ngats'iin xítá skoèxkón Nainá.

¹² Ngats'iaá k'oi-là kindá Nainá mé kjoa xi k'í'né nga tsitsajnaá isò'nde.

13 K'oaá ma-ne nga mì tì xinguiáá k̄inók̄joajno-lá; j̄nò, ta saá ndaà t̄ik̄itsjeèn nga n̄imé xi s'een xi s̄ik̄its'ón-j̄iìn koni s'ín mokjeiín-lá xinguióo mé-ne nga mì jé skaj̄iìn l̄jngòò k'a-ne.

14 An ndaà t̄jngòò takoàn it'aà ts'e Na'èn-ná Jesús nga kix̄i kjoa nga ts̄jìn tsojm̄i xi xkón t̄jín nga mìk̄i ma chine; tanga jè x̄it̄a xi k'oas'ín s̄ik̄itsjeèn nga t̄jìn tsojm̄i xi xkón t̄jín nga mìk̄i ma chine, xkón t̄jín-lá it'aà ts'e tsà sk̄ine.

15 Tanga tsà ta koií kjoa-lá ts'e tsojm̄i xi chinii, jè 'ndsi ch'o ma-la, jé kjoa xi t̄i'n̄i mìtsà t̄i kjoat̄jòcha-ne; k̄i k̄iì biì'ndi nga jè 'ndsi xi Cristo k'en ngajo-la k̄its'ón-j̄iìn-lá xi tà kjoa ts'e tsojm̄i xi chinii.

16 Ki k'oaá s'ín 'nè mé-ne nga mì x̄it̄a k̄ichjajno-nò it'aà ts'e kjoa xi t̄itsa'nè nga k'oas'ín mokjeiín-nò nga ndaà t̄jín.

17 K'e nga jè Nainá t̄ihot̄ixoma-ná mìtsà jè xi l̄s̄á 'ñó ch̄j̄i-lá mé xi s'ioaá k̄o mé xi chineé. Jè xi 'ñó mochjeèn nga kix̄i k̄itsajnaá, 'nchán s̄ijchá yijo-ná, k̄o tsja k'oé-lá in̄im̄a-ná; koi kjoa xi ts̄j̄a In̄im̄a Tsjeé-lá Nainá.

18 Jè xi k'oas'ín s̄ik̄itasòn kjoa koi k'e nga síxá-lá Cristo, ndaà sasén-lá nguixk̄on Nainá, t̄ik̄oaá ndaà bījna nga nguixk̄on x̄it̄a.

19 K'oaá s'ín k̄jit̄jngui-lá kjoa xi 'nchán s̄ik̄j̄ina-ná k̄o kjoa xi 'bì-lá nga'ñó xinguiáá nga jngòò jngoaá koni s'ín mokjeiín-ná.

20 Ki xá-lá Nainá n̄ik̄its'ón-j̄iìn-lá xi ta kjoa ts'e tsojm̄i xi ma chine. Kix̄i kjoa, ngats'ì tsojm̄i xi t̄jín, tsjeé-né. Tanga jè xi ch'o t̄jín k'e nga ta koi kjoa-lá tsojm̄i xi chineé bits'ón-j̄iìn-lá kjoa xi mokjeiín-lá it'aà ts'e Nainá j̄n̄a x̄it̄a xi k̄j'eì.

21 Īs̄áá ndaà-ne nga mì yijo ch̄j̄ineé, nga mì xán s'ioaá, nga n̄imé kjoa xi s'een jè xi s̄ik̄its'ón-j̄iìn-lá jè 'ndsi nga sakó-lá jé.

22 Koni s'ín mokjeiín-lè it'aà ts'e kjoa koi, tà j̄iì t̄j̄iìn takoin k̄o Nainá. j̄m̄é ta ndaà-lá jè xi mì k̄j̄o'ín biné-lá yijo-lá k'e nga t̄jngòò ikon nga ndaà t̄jín kjoa xi s'ín!

23 Jè xi jò t̄jín-lá k'e nga mé tsojm̄i xi kine, jé t̄ihónè-lá yijo-lá nga mìk̄i t̄j̄jngòò ikon tsojm̄i xi kine. Tsà mìk̄i t̄j̄jngòò takoán k'e nga mé kjoa xi s'een, jé t̄itsahonè-lá yijo-ná.

15

1 J̄n̄a xi jye kix̄i mokjeiín-ná it'aà ts'e kjoa xi t̄j̄i'nde-ná mé xi s'een, mochjeén-né nga t̄ik̄oa k̄ich̄ik̄joako-ná j̄n̄a x̄it̄a xi k'oas'ín mokjeiín-lá nga mìk̄i t̄j̄i'nde-lá mé kjoa xi s'een. Mìtsà tà j̄n̄a kjoa xi ndaà sasén-ná k̄incháts̄j̄iaá.

2 Nga jngòò j̄jngoaá, mochjeén-né nga k'oas'ín s'een jè kjoa xi sasén-lá j̄n̄a x̄it̄a xinguiáá xi k̄j̄ondaà ts'e, mé-ne nga k̄ijin-isa k̄j̄oh̄itsjeèn-lá jè kjoa xi mokjeiín-lá.

3 Nga t̄ik̄oa jè Cristo mìtsà jè tsohóts̄j̄i kjoa xi sasén-lá yijo-lá, tà saá it'aà ts'eé ts̄itasòn koni s'ín t̄j̄it'aà xojon ts'e Salmo, nga tsò: "'Èn ch'o xi j̄i k̄iichjajno-lè, 'aán k̄iskaat'aà-na."

4 J̄n̄a 'én xi kit̄j̄ei nga s̄a k̄jòtseé, koií xá kit̄j̄ei-ne nga k̄ok̄òya-ná mé-ne nga it'aà ts'e Xojon-lá Nainá, tseé s'een takoán t̄ik̄oa s'e-lá kjoa 'nchán in̄im̄a-ná, mé-ne nga koma chíñakjoa-lá it'aà ts'e Nainá.

5 Nainá xi ma-lá ts̄j̄á-ná kjoat̄setakòn k̄o xi ma-lá sí'nchán-j̄iìn in̄im̄a-ná, k'oas'ín jngòò k̄j̄oh̄itsjeèn k̄atats̄j̄á-nò nga jngòò l̄jngòò koni tsò Cristo Jesús,

6 mé-ne ngats'ioò ngàsòn jngòò j̄t̄a jeya t̄ik̄j̄ina Nainá, Na'èn-lá Jesucristo xi ot̄ixoma-ná.

7 Koií kjoa-lá k'oas'ín choét̄jò xinguióo nga jngòò l̄jngòò koni s'ín kiskoét̄jò-nò Cristo mé-ne nga jeya k̄j̄ina-ne Nainá.

⁸ K'oaá xán-nò, jè Cristo Jesús, koií xá j'ìi-ne nga j'ìi síxájiin-là xítà judío xi tjit'aà chibà-là kjoa ts'e circuncisión mé-ne nga tsakó-ne kjoakixi-là Nainá tikoá sikitasòn koni s'ín jye kitsjaà-là tso'ba Nainá jñà xítà jchínga kjiin-là.

⁹ Tikoá koií xá j'ìi-ne mé-ne nga jñà xi mìtsà xítà judío jeya síikíjna Nainá it'aà ts'e kjohimatakòn xi tjin-là Nainá koni s'ín tichja Xojon-là Nainá, nga tsò: Koií kjoa-là nga jeya síikíjna-lè jjiin-là xítà naxandá xi mìtsà xítà judío. It'aà tsjji sé-lè sò xi ndaa tsò.

¹⁰ Jngoò k'a tjit'aà xojon ñánda nga tsò: Jñò xi mìtsà xítà judío 'mì-nò, tsjaà t'è-lá takòn kò xítà naxandá-là Nainá.

¹¹ Jngoò k'a tjit'aà xojon ñánda tsò: Jñò ngats'ioò xi mìtsà xítà judío 'mì-nò, jeya tikíjna Na'èn-ná, ngats'ioò xi naxandá 'mì-nò jeya tinachrjèè Nainá.

¹² Jngoò k'a tjit'aà xojon ts'e Isaiás ñánda tsò: Jè tje-là Isaiá kitjot'aà jngoò-ne jts'én-là xi kotixoma-là jñà xi mìtsà xítà judío, kò jè jts'én jè kòòt'aà ikon nga skòña-kjoa-là.

¹³ Nainá xi tsjá nga chiñákjoá, kàtatsjá yije-nò kjotsja kò kjoa'nchán nga mokjeiín-nò it'aà ts'e, mé-ne nga isa ndaa chiñákjoá isaa xi kò nga'ño-là Inima Tsjeè-là Nainá.

Pablo chi'nda-là Jesucristo

¹⁴ Tanga ndí 'ndsè, 'an tjngoò takoàn xi it'aà tsajòn xi tijnò-nò tjin-nò kjondaà tikoá machiya-nò nga koma tijnò síkixiya-là xítà xinguiòo nga jngoò jngoò.

¹⁵ Ndí 'ndsè, 'ño tibeè-là takoàn nga tikjiil-nò xojon jè; tichja kixi-nò, mé-ne nga mìki jchàajiin-nò koni tsò xojon jè. Koií k'oa's'ín tiskítsjeèn-nò nga 'an kitjóé-na kjotjò-là Nainá k'è nga kitsjaà-na xá,

¹⁶ mé-ne nga 'an koma-na chi'nda-là Jesucristo it'aà ts'e xi mìtsà xítà judío. Síxákoá 'én ndaa-là Nainá, mé-ne jñà xi mìtsà xítà judío ndaa sasén takòn-nè Nainá koni jngoò kjotjò xi 'ño sasén-là Nainá nga it'aà ts'e Inima Tsjeè-là Nainá jyeé kjòtsjeè.

¹⁷ 'An tjin-na mé kjoa-ne nga matsja-na it'aà ts'e Cristo ts'e xá xi tis'iaàn.

¹⁸ Nì mé kjoa tjin xi ma'ñót'aà takoàn nga ma chjà, ta jè kjoa ts'e Cristo nga 'an síkjeèn-na nga síxákoá jñà xi mìtsà xítà judío mé-ne nga koma sikitasòn-là Nainá. K'oaá s'ín kis'iaàn it'aà ts'e 'én xi kichjà kò it'aà ts'e xá xi kis'iaàn,

¹⁹ kò it'aà ts'e kjoaxkón xi okó kjoajeya-là Nainá kò it'aà ts'e nga'ño-là Inima Tsjeè-là Nainá. Jyeé ndaa kisingásoàn 'én ndaa-là Nainá xi kjoa ts'e Cristo, tsibits'iaakò-na ján Jerusalén kóhokji nga jngoò itjandii-là skanda ján Ilirico.

²⁰ K'oaá s'ín tsibinè-là yijo-na nga kichjàya 'én ndaa-là Nainá xi kjoa ts'e Cristo ya j'nde ñánda kj'eè yá bénojmiya it'aà ts'e Cristo, mé-ne nga mì 'an kokooya ndaa-là xítà xi kj'eji xi jye tsakóya itjòn-là it'aà ts'e Cristo.

²¹ Koni s'ín tjit'aà Xojon-là Nainá nga tsò: Skoe-né jñà xítà xi mì yá tsibénojmi-là it'aà ts'e; kochiyaá-là jñà xítà xi kj'eè mé 'én 'nchré xi it'aà ts'e.

Kós'ín tiskítsjeèn Pablo nga mejèn-là kjoì Roma

²² Kò kjìn k'a mejèn-na fikon-nò tanga jñà xá xi 'an tis'iaàn j'inde jé mìki jò'nde-na nga ma fia.

²³ Tanga i'ndeji nga jye jyehet'aà xá-na ijndé, kò tikoá kò kjìn nó tjín-la nga mejèn fikon-nò,

²⁴ K'oaá s'in tsikítsjeèn, k'e nga kjián ján España, k'eé kichjajto-nò mé-ne nga skoexkon-nò. K'e nga jye chibá jngoò tjoà kòma kìnchakò-ná nga kòma kjián ñánda nga tífia.

²⁵ Tanga i'ndeji ján Jerusalén tífia, nga tífiko jngoò-la nga'ño jñà xitá-la Cristo xi ya títajna.

²⁶ Nga jñà xitá naxandá-la Nainá xi títajna Macedonia kò Acaya kjòtsja ts'e-né nga tsibíxkò chiba tòn koni jngoò nga'ño xi kjotjò ts'e xitá ima naxandá-la Cristo xi títajna ján Jerusalén.

²⁷ Ngui kjòtsja ts'e-né koni s'in kis'iin jñà xitá koi. Nga tjen-t'in-la kjondaà. Tsà jñà xitá xi mìtsà xitá judío k'oaá s'in kisakò-la kjondaà ya jjiin inima-la it'aà ts'e xi ngui xitá judío, tikoáá tjiné-la jñà xi mìtsà xitá judío nga kìnchakò nga tsjá-la tsojmi xi mochjeén-la.

²⁸ K'e nga jye kjoehet'aà kjoá koi nga jye sìngatsja jè tòn xi kjòxkò, ikjoàn skotsejèn jngoò tjò-nò, k'eé kjián ján España.

²⁹ Be-ná nga 'ño ndaà sìichikon-t'in-ná Cristo k'e nga kichokon-nò.

³⁰ Tanga jñò ndí 'ndsè, bìtsi'bà-nò it'aà ts'e Na'èn-ná Jesucristo kò it'aà ts'e kjoatjòcha xi tsjá-ná Inima Tsjeè-la Nainá, tìnokjoat'aà-la Nainá xi it'aà ts'an,

³¹ mé-ne nga kosìkò-na Nainá it'aà ts'e xitá xi mìkiì mokjeiín-la xi títajna ján Judea, kò mé-ne nga jè tòn xi tífiko-la xitá-la Cristo xi títajna ján Jerusalén ndaà kátasasén-la,

³² mé-ne nga, tsà k'oas'in mejèn-la Nainá, nga kò kjòtsja-na kichokon-nò, tikoá kòma ndaà sìlkáya chiba nachrjein-kò-nò.

³³ Jè Nainá xi tsjá-ná kjoá nchán kàtijnakò-nò ngats'ioò. K'oas'in kàtama.

16

Kòs'in kisihixat'aà Pablo ngats'ii xitá naxandá-la Nainá xi títajna Roma

¹ It'aà tsajòn sìngatsja-nò jè tichjaá Febe, jè xi síchját'aà naxandá-la Cristo xi ya tijná Cencrea;

² ndaà choétjò xitá jè nga xinguiáá ma nga tikoáá mokjeiín-la it'aà ts'e Na'èn-ná nga k'oaá s'in ok'in-la xi xitá-la Cristo. Tichját'aà-la nità mé xi kochjeén-la nga 'ño kjin xitá tsasìkò, tikoá 'an kisichját'aà-na.

³ Tjixat'eì jè Priscila kò Aquila, jñà xitá xi taña nixákjoò-jen it'aà ts'e Cristo Jesús.

⁴ Jñà xitá koi kjomeè kinik'en xi kjoá ts'an. Mìtsà tà 'an xi tsjaà-la kjondaà tikoá tsjá-la kjondaà ngats'ii xitá naxandá-la Cristo xi mìtsà xitá judío.

⁵ Tikoá tjixat'eì jñà xitá naxandá-la Cristo xi maxkóya ya ni'ya-la Priscila kò Aquila. Tjixat'eì jè Epeneto xi 'ño matsjake nga jè kòkjeiín itjòn-la it'aà ts'e Cristo ya i'nde Acaya.

⁶ Tjixat'eì jè María, chjoón xi 'ño ndaà kisixá it'aà tsajòn.

⁷ Tjixat'eì jè Andrónico kò Junias, xi xinguiáá ma nga taña tsitsajna'ya-jen ndayá. Jñà xitá xi tsibixáya-la Cristo 'ño matsjakeè xitá koi. Kò isa itjòn kijtseèxon 'én-la Cristo koni 'an.

⁸ Tjixat'eì jè Amplias, jè xitá xi 'an 'ño matsjake it'aà ts'e Na'èn-ná.

⁹ Tjixat'eì jè Urbano xi taña síxakò-na it'aà ts'e Cristo Jesús kò jè Estaquis xi 'an 'ño matsjake.

10 Tjixat'eì jè Apeles xi ndaa kixi mokjeiin-la it'aà ts'e Cristo. Tjixat'eì jñà xita xíkjin xi ya títsajna ni'ya-la jè Aristóbulo.

11 Tjixat'eì jè Herodiòn xi xinguiá ma. Tjixat'eì jñà xita xíkjin xi ya títsajna ni'ya-la Narciso xi Na'èn-ná títsajna.

12 Tjixat'eì jè Trifena ko Trifosa jñà íchjin xi 'ñó síxá-la Na'èn-ná, ko tichjaá Pérsida xi 'ñó matsjachaá nga tikoá ndaa síxá-la Nainá.

13 Tjixat'eì jè Rufo xi xó jaàjiiin-ne Nainá. Ko nea-la xi 'an k'oa tís'in beetakoàn koni tsà nea-na.

14 Tjixat'eì jè Asíncrito, jè Flegonte, jè Hermas, jè Patrobas, jè Hermes ko xita 'ndsee xi ya títsajna.

15 Tjixat'eì jè Filólogo, jè Julia, jè Nereo ko ndichja, ko Olimpás, ngats'ii xita xi mokjeiin-la it'aà ts'e Cristo xi ya títsajna.

16 Jñò nga jngòò ìjngòò, k'e nga sixat'aà xinguiòò, nguì koó inima-nò tjixat'aà xinguiòò nga ko okixi-nò. Ngats'ii xita naxandá-la Cristo xi j títsajna síhixat'aà-nò.

17 Ndí 'ndsè k'oaá s'in bìtsi'bà-nò nga chítsejèn-là jñà xita xi síjòya ko xi síkits'ón-jiiin koni s'in mokjeiin-nò, jñà xi kondra f'ii-la kjohítsjeèn koni s'in kichita'ya jñò. Tinchat'aaxin-là jñà xita koi.

18 Jñà xita koi, mìtsà Na'èn-ná Jesucristo síxá-la, tà yijo-laá síxátjì. 'Én sin 'én ndaa chja nga konachan-la xita xi mìkii ndaa machiya-la.

19 'An, matsjaá-na it'aà tsajòn nga jye ndaa na'ya-nò nga ndaa níkitasòn. Tanga 'an mejèn-na nga xita chjinee kátama it'aà ts'e kjoa xi ndaa tjín. Ko jñà kjoa xi ch'o tjín, k'èè kii na'ya-nò.

20 Jè Nainá xi tsjá-ná kjoa'nchán, tà chibaá chija-la nga ya síikijnangui ndsokoò jè xita neíj mé-ne nga koma kijnchané. Kjondaà-la Na'èn-ná Jesucristo kàtijnako-nò.

21 Tísíhixat'aà-nò jè Timoteo xi taña nixákjòò-jen, ko Lucio, ko Jasón ko Sosípater jñà xi xita xinguiá ma.

22 'An xi Tercio mì-na, xi tükjii-nò xojòn jè, it'aà ts'e Na'èn-ná, síhixat'aà-nò.

23 Tikoá tísíhixat'aà-nò Gayo; 'an jí tjinaa j ni'ya-la nga tikoá jí bixoña ngats'ii xita naxandá-la Cristo. Tísíhixat'aà-nò Erasto xita xi bitjò ton ts'e ni'ya osen; tikoá síhixat'aà-nò jè 'ndsee xi 'mì Cuarto.

24 Ngats'ioò, jè kàtijnako-nò kjondaà-la Jesucristo xi otíxoma-ná.

'Én xi fehet'aà-ne

25 Jeya kàtjna jè Nainá xi tjinaako-nò. Jè xi komà tsjá-nò nga 'ñó tikoá komà kixi síikitsajna-nò koni tsò 'én ndaa-la Nainá xi 'an okòòya-nò ko jñà 'én xi nokjoàyajiiin-nò it'aà ts'e Na'èn-ná Jesucristo. Nga jyeé tí'ya-la kjoa xi tji'ma-la Nainá skanda sa kjòtsee;

26 tanga j'ndeí jye ki'ya-la koni s'in tichja Xojòn-la Nainá xi kiskii jñà xita xi kiihja ngajo-la Nainá kjòtsee. K'oaá s'in tichja kjotíxoma-la Nainá xi tjina nita mé nachrjein-nè. Jè kjoa'ma-la Nainá, jye kis'enojmí yije-la ngats'ii xita naxandá xi tjín nga títja isò'nde mé-ne nga kátasíkitasòn-ne koni s'in mokjeiin-la.

27 Jè Nainá xi tajngòò ma-ne, xi tjín-la kjoachjine, kátas'e-la kjoa jeya it'aà ts'e Jesucristo nita mé nachrjein-ne. K'oa's'in kátama.

Xojon carta-la San Pablo xi kiskii ítjòn-la xita naxandá-la Cristo xi títsajna Corinto

Kó tsò Pablo nga shixat'aà jñà xita naxandá-la Cristo xi títsajna Corinto

¹ 'An xi 'mì-na Pablo, xi xó k'oas'in kinokjoà-na nga 'an tsibíxáya-na Cristo Jesús, nga k'oas'in kjòmejèn-la Nainá. Títsañihixat'aà-nòjen kò Sóstenes xi 'ndseé chibá it'aà ts'e Cristo.

² Tikjil-nò xojon carta jè, jñò xi naxandá-la Cristo maà xi títsajnaà ján Corinto, xi jye kisitsjeè-nò Nainá nga ya títsakjoòkòo Cristo Jesús nga xó k'oas'in jaàjiln-nò Nainá mé-ne nga xita tsjeè-la komà kò ngats'ii xita xi xki xi ján chjat'aà-la nga jeya síkjina jè Na'èn-ná Jesucristo xi otixoma-ná, tíkoà jè otixoma-la xita koi. Xi Na'èn-ná 'mì-lá, tíkoà Na'èn-ná tsò-la jñà xita koi.

³ Nainá xi Na'èn-ná, kò jè Jesucristo xi otixoma-ná kátatsjá-nò kjondaà kò kjoa'nchán ya ijiln inima-nò.

'Én xi kiihja Pablo nga tsjá-la kjondaà Nainá

⁴ Kjit'aà nachrjein tsjaà-la kjondaà Nainá xi it'aà tsajòn koi kjoa-la jñà kjondaà xi kitsjaà-nò Nainá nga ndaà kisichikon-t'in-nò it'aà ts'e Cristo Jesús.

⁵ Nga yaá it'aà ts'e Cristo, Nainá kisichikon-t'in yije kjohitsjeèn-la inima-nò, kós'in nokjoà, kò kós'in machiya-nò 'én-la Nainá.

⁶ Nga k'oaa s'in 'ya-la, nga jè 'én ndaà-la Nainá xi kjoa ts'e Cristo kjòkixiyaá ijiln inima-nò.

⁷ Nímé kjotjò-la Nainá chjat'aà-nò k'e nga tákó títsachíñá-là nga kjoii ijngoò k'a Jesucristo xi otixoma-ná.

⁸ Nainá tsjá-nò nga'ño skanda k'e nga kjoehet'aà nachrjein, mé-ne nga nimé jè sakòt'aà-nò k'e nga kitjojen ijngoò k'a Jesucristo xi otixoma-ná.

⁹ Nainá xita kixi-né, sikitasòn-né koni s'in tsjá 'én-la. Xó k'oaa s'in kiihja-nò nga ya chrañà kítsajnakjoòkòo Jesucristo xi kí'ndí-la tsò-la nga jè otixoma-ná.

Mé-ne kjòjòya-ne naxandá-la Cristo ján Corinto

¹⁰ Ndí 'ndsè kò tichjaá, it'aà ts'e okixi xi kitsjaà-na Jesucristo xi otixoma-ná, tibitsi'bà-nò ngats'ioò, ngàsòn ngáya títsajnakòo xinguiòo, mé-ne nga mì kojòya-ne kjohitsjeèn-nò. Tajngoò kjohitsjeèn tíkjeén, ngàsòn jchòsòn-là nita mé kjoa-ne.

¹¹ Koií koxan-nò ndí 'ndsè, nga jñà xita ni'ya-la Cloé, tsibénojmi-nà nga kjoasií tjín-nò.

¹² Koií k'oas'in tixan-nò, tjín i'nga xita xinguiáa xi tsò: “An, jé Pablo fit'aà-la.” Tjín xi tsò: “An, jé Apolos fit'aà-la.” Tjín xi tsò: “An, jé Cefas [xi tíkoà Pedro 'mì] fit'aà-la.” Tjín xi tsò: “An, jé Cristo fit'aà-la.” ¿Mé-ne obixón-nò?

¹³ ¿A kjin ya ma-ne Cristo? ¡Majin! ¿A jè Pablo xi kisit'aà krò it'aà tsajòn? ¡Majin! ¿A it'aà ts'eé Pablo komà bautizar? ¡Majin!

¹⁴ Ndaà chjí-la Nainá, 'an, mìtsà yá xita kis'iaàn bautizar ya naxandá tsajòn, ta jè Crispo kò Gayo,

¹⁵ mé-ne nga mì yá xita kítso-ne: “It'aà ts'eé Pablo komà bautizar.”

¹⁶ Saá tibitsjeèn-na nga tíkoà kis'iaàn bautizar Estéfanos kò xita xikjín, tanga mikii bítsjeèn-nà tsá kis'iaàn bautizar xi kjejí xita.

17 Jè Cristo mìtsà koi xá kisikasén-na nga x̄it̄a s'iaàn bautizar; koií xá kisikasén-na nga 'an kichj̄aya 'én ndaà-là Nainá. K'è nga chj̄aya, mìtsà 'én-là x̄it̄a chj̄ine sikjeén; majìn-na nga chj̄a nga'ñó-là krò-là Cristo.

Jè Cristo, nga'ñó-là Nainá-né kò kjoachj̄ine-là Nainá-né

18 Jñà 'én xi t̄ínkojáya it' aà ts'è Cristo nga k'en-t' aà krò, ta kjoa ská ma-là jñà x̄it̄a xi ya t̄jmaya ndiyá-là j̄'nde kjo'in. Tanga jñà xi jye titsabitjokàjñaa kjo'in, k'oaa s'ín mokjeiín-ná nga jè 'én-là Cristo nga'ñó-là Nainá-né.

19 K'oaa s'ín tichja Xojon-là Nainá nga tsò:

Jñà x̄it̄a xi 'ñó t̄jín-là kjoa chj̄ine,
'aán kokoò-là nga n̄imé chj̄í-là kjoachj̄ine-là.
'Aán kochrjeèngua kjoh̄itsjeèn-là
jñà x̄it̄a xi 'ñó machiya-là.

20 Jñà x̄it̄a xi 'ñó t̄jín-là kjoachj̄ine, kò xi 'ñó chj̄ine xojon kò xi joóya-ne kjoa xi t̄jín isò'nde, j̄'nde, çñánda t̄ítsajnakò kjoachj̄ine-là? Jè Nainá, kisiskáya-là kjoachj̄ine xi t̄jín-là x̄it̄a isò'nde.

21 Nainá 'ñó x̄it̄a chj̄ine, mìkì kitsjaà'nde-là x̄it̄a nga it' aà ts'è kjoachj̄ine-là isò'nde kijtseèxkon. Nainá k'oaa s'ín sasén-là nga ochrjekaj̄iín kjo'in jñà xi mokjeiín-là it' aà ts'è 'én ndaà-là Nainá xi kjoa ts'è Cristo, 'én xi tsò-là x̄it̄a koi, kjoa ská-né.

22 Jñà x̄it̄a judío [mìkì mokjeiín-là] nga jé xi mejèn-là nga skoe kjoaxkón xi 'ñó jeya t̄jín, kò jñà xi mìtsà x̄it̄a judío [t̄ikoaà mìkì mokjeiín-là] nga koií ótsji xi 'ñó kjoa chj̄ine.

23 Tanga ngajen k'oaa s'ín nokjoàya-jen nga krò k'en-t' aà Cristo [x̄it̄a xi xó kisikasén-ne Nainá]. Jñà x̄it̄a judío mìkì mokjeiín-là kjoa xi komàt'in Cristo, kò jñà xi mì x̄it̄a judío, kjoa ská ma-là.

24 Tanga jñà x̄it̄a xi xó jaaj̄iín-ne Nainá, xi x̄it̄a judío kò xi mìtsà x̄it̄a judío, k'oaa s'ín mokjeiín-là nga jè Cristo nga'ñó-là Nainá-né kò kjoa chj̄ine-là Nainá-né.

25 Kjoa-là Nainá xi ta kjoa ská tsò-là x̄it̄a isò'nde, kjoa chj̄ine-là Nainá-né. Ìsáá tse kjoachj̄ine t̄jín-là mì k'oaa-ne koni kjoachj̄ine xi t̄jín-là x̄it̄a isò'nde. Kò jè kjoa-là Nainá xi ta kjoa indaà tsò-là x̄it̄a isò'nde, nga'ñó-là Nainá-né. Ìsáá tse nga'ñó t̄jín-là mì k'oaa-ne koni nga'ñó xi t̄jín-là x̄it̄a isò'nde.

26 Jñò ndí 'ndsè kò ndí tichjaá, t̄ikitsjeèn k'è nga s̄a jaaj̄iín-nò Nainá, chibaá ma-nò xi x̄it̄a chj̄ine tsò-nò x̄it̄a isò'nde, kò chibaá ma-nò xi x̄it̄a ítjòn titsajnaà, t̄ikoa chibaá ma-nò xi ya ni'ya-là x̄it̄a skò-là kits'ìon.

27 Tanga Nainá jaaj̄iín jñà x̄it̄a xi tsò-là x̄it̄a isò'nde nga chiba kjoh̄itsjeèn t̄jín-là mé-ne kosobà-là jñà x̄it̄a chj̄ine. T̄ikoa jaaj̄iín Nainá xi tsò-là x̄it̄a isò'nde nga n̄imé chj̄í-là mé-ne kosobà-là jñà x̄it̄a xi x̄it̄a ítjòn t̄ítsajna.

28 Nainá jaaj̄iín x̄it̄a im̄a kò x̄it̄a xi bitjongui xi tsò-là x̄it̄a isò'nde nga n̄imé chj̄í-là, mé-ne k̄itjongui-ne jñà x̄it̄a xi tsò nga jñà t̄ítsajna ítjòn,

29 mé-ne nijngoò x̄it̄a xi 'nga s̄ik̄ijna-ne yijo-là nga nguixkon Nainá.

30 Tanga t̄jè-ne Nainá kisik̄ítsajnakò-ná Cristo Jesús. K'oaa t̄is'in kis'iín nga it' aà ts'è Cristo sakò-ná jè kjoachj̄ine, nga jè Cristo, x̄it̄a kixi s'ín-ná, x̄it̄a tsjeé s'ín-ná kò s̄ik̄ítsajnandéj̄í-ná kjoa ts'è jé-ná.

31 Koni s'ín tichja Xojon-là Nainá nga tsò: "Jè xi jeya s̄ik̄ijna yijo-là, ta s̄aá Nainá jeya k̄atasik̄ijna."

2

1 Ndí 'ndsè kò tichjaá, k'e nga kiikon-nò nga tsibenojmí-nò 'én-la Nainá, mitsà koi 'én kichjà-nò xi maxkón-la xita k'e nga 'nchré kò xi tsò-la nga 'én-la xita chjine.

2 K'e nga tshótijnako-nò, k'oaá s'ín kiskoòsòn-la; mitsà mé kjoa xi k'ejí kiskitsjeen; ngui tà 'én-la Jesucristo tsibenojmí-nò, nga jè-né xi krò k'en-t'aá.

3 K'e nga ijchò kènojmi-nò 'én-la Nainá, indaàkjoaá ijchoa. Titsakjoòn-ná skanda tihotsé-ná.

4 K'e nga kichjajajiln-nò mitsà 'én-la xita chjine kiskjeén mé-ne nga kokjeiin-nò. Ta saá jè Inima Tsjeè-la Nainá tsakó nga'ño-la nga kòkjeiin-nò.

5 Mé-ne jè kjoa xi mokjeiin-nò it'aá ts'e Cristo, mitsà ya nchrobá-ne kjoa chjine-la xita, yaá nchrobá-ne nga'ño-la Nainá.

Xi ngui kjoa chjine, it'aá ts'é Nainá nchrobá-ne

6 Kixii kjoa 'én chjineé nokjoàya-lajen jña xita xi jye tímajchinga nga mokjeiin-la it'aá ts'e Cristo. Tanga mitsà kjoa chjine ts'e isò'nde nokjoàya-jen, ni mitsà ts'e xita itjòn xi tjin isò'nde xi jye tichja nga'ño-la.

7 'Én xi nokjoàya-jen, kjoa chjine ts'e Nainá-né, jè kjoachjine xi tji'ma-la xi k'oas'ín kiskoòsòn-la skanda tisa kjòtseé nga jña jeya kitsajnaá.

8 Njingoò xita itjòn xi tjin isò'nde kjòchya-la it'aá ts'e kjoa chjine koi. Tsà kjòchya-la, mi-là kii k'oas'ín krò kisk'en-t'aá Nà'èn-ná Jesucristo xi tjin-la kjoa jeya.

9 Xojon-la Nainá, k'oaá s'ín tichja nga tsò:

Jña xita xi matsjakeé Nainá,
jè tjindaà-la kjoa xi ni saá jngoò xita xi xkon beè-ne,
xi líká-la 'nchré-ne
xi kò inima-la machiya-la.

10 Nainá, it'aá ts'e Inima Tsjeè-la tsakó-najen kjoa koi. Nga jè Inima Tsjeè-la Nainá ótsjiya yije-né skanda jña kjoa xi mikii ndaa fíya-ná it'aá ts'e Nainá.

11 ¿Yá xita-ne xi machiya-la kó tsò kjohítsjeen xi tjiin inima-la xita xi k'ejí? Tà jè tjiin inima-la kó tsò kjohítsjeen-la. K'oaá t's'ín tjin kjoa ts'e Nainá, nijngoò xita tjiin-la kó tsò kjohítsjeen-la Nainá; ta jè Inima Tsjeè-la tjiin-la.

12 Ngajen, mitsà jè inima-la xita isò'nde kitjoé-najen. Jè Inima Tsjeè-la Nainá kitjoé-najen, mé-ne nga jcha-najen kjoa xi Nainá kitsjaá kjòtjò-ná.

13 'Én koi, k'oaá s'ín nokjoà-jen koni s'ín okóya-najen Inima Tsjeè-la Nainá. Mitsà kjohítsjeen ts'e xita isò'nde. 'Én Tsjeè-la Nainá bènojmi-jen xi kjoa ts'e Inima Tsjeè-la.

14 Jè xi mitsà xita-la Cristo, mikii machiya-la 'én xi ts'e Inima Tsjeè-la Nainá. Tà kjoa ská ma-la. Mikii fahas'en-jiln-la, nga mochjeén-né nga it'aá ts'e Inima Tsjeè-la Nainá kinchátsjiyaá.

15 Tanga jè xita xi Inima Tsjeè-la Nainá tijnajiln inima-la, maá-la ótsjiya yije nita mé kjoa-ne. Tanga it'aá ts'e xita jè, mi yá xita xi koma-la kohótsjiya kjohítsjeen-la.

16 K'oaá s'ín tichja Xojon-la Nainá nga tsò: “¿Yá-né xi beé kjohítsjeen-la Nainá? ¿Yá-né xi koma kòkóya-la?” Tanga jña tjin-ná kjohítsjeen xi ts'e Cristo.

3

Jña xita xi síxá it'aá ts'e Nainá ján Corinto

¹ Jñò ndí 'ndse kò tichjaá, mìkì komà kòs'ín kichjàkò-nò koni xità xi ndaa tíjìn inìma-là Inìma Tsjeè-là Nainá. Ta k'oaá s'ín kichjàkò-nò koni tsà taxkì xità isò'nde xi tà kjoa ts'e yijo-là ótsji, koni tsà tákó ndí ixti xó xi it'aà ts'e Cristo.

² Mìtsà 'in tjin 'én xi tsakoóya-nò; k'oa's'ín ngaya-là koni ndí ixti xó xi sa nchi-hoki, tà tsjin 'biì, mìtsà tsojmì tájaà kine. Jñò, kj'eè kii ndaa fahas'en-jìin-nò 'en-là Nainá, k'oaá ngaya-là koni tsojmì tájaà xi kj'eè kii ma chine skanda nachrjein i'ndeji.

³ Táko k'oaá s'ín 'nè koni s'ín xità xi kjoa ts'e yijo-là ótsji. Machinicha-nò xinguiqo, chitiya-nò nita mé kjoa-ne. Kjoa koi, kjoa ts'e xità isò'nde-né.

⁴ K'e nga bixón: “An, xità ts'e Pablo-ná”, kò jè xi ijngoo tsò: “An, xità ts'e Apolos-ná”, jñò, k'oaá s'ín nokjoa koni chja xi taxkì xità isò'nde.

⁵ An xi Pablo 'mì-na, kò Apolos, tà xità chi'nda-nájen xi nìxá-lajen Nainá. It'aà tsajeén kòkjeiín-nò 'en-là Nainá, nga ijngoo ijngoo-jen ki'nè-jen xá xi Na'è-ná kisingsatsja-najen.

⁶ Aan tsakoóya-nò 'en-là Nainá, k'oaá ngaya-là koni jngoo xità xi bitje xojmá, jè Apolos kiskinindá-là, tanga jè Nainá tísíjchá.

⁷ Mìtsà jè xità xi bitje tsojmì, nì mitsà jè xi kinindá-là xi chjí-là, tà jngoo jè Nainá xi síjchá tsojmì xi sitje xi 'ñó chjí-là.

⁸ Jè xi bitje kò xi kinindá-là, tà jngoo xá tjin-ne xi s'ín. Tanga jè Nainá tsjá-là chjí-là koni tjin xá xi kis'ìin nga jngoo ijngoo.

⁹ Ngajen, yaá taña nìxákjoo-jen xá-là Nainá. Koa jñò-nò i'nde ñánda sitje 'en-là Nainá. Tìkooá jñò-nò ni'ya-là Nainá xi ngajen bindaa-jen.

¹⁰ Koni s'ín tjin kjondaa-là Nainá xi kitjoé-na, 'an-ná xi chjine chrjó ítjòn, xi tsibijná tàts'en chrjó-là ni'ya. Kj'eíí xitàá bindaàsòn ni'ya. Tanga jñá xi bindaàsòn, ndaa kátasíkinda nga jngoo ijngoo kós'ín kùindaá.

¹¹ Mì tì yá xi koma-là kùina jngoo-isa tàts'en chrjó ni'ya koni jè xi jye tíjna, nga jè Jesucristo tíjna koni tàts'en chrjó ni'ya.

¹² Tàts'en chrjó ni'ya, komaá sindaàsòn-ne kichá oro, plata, ndajo chjí xi 'ñó ndaa kjoàn, nas'ín yá, nas'ín xka paja, o xka ndiji.

¹³ Tanga jñá xá xi s'ín nga jngoo ijngoo xità, k'eé jcha-là jè nachrjein k'e nga sindaàjìin-là xità. Nachrjein jè, ni'in kjoíiko, koa jè ni'in skót'aà nga jngoo ijngoo skaya xá xi komá.

¹⁴ Tsà jngoo xá kichikjoako-là ni'in xi skót'aà, tjoé-là chjí-là jè xità xi kùindaàsòn.

¹⁵ Tanga tsà jè xá xi kisindaàsòn, tsà kitjì, chijaá chjí-là. Tanga jè xità kitjokàjìin kjo'in koni jngoo xità xi bitjokàjìin ni'in.

¹⁶ Jñò, ¿a mìtsà tíjìn-nò nga ni'ya ingo tsjeè-là Nainá 'mì-nò? Nga jè Inìma Tsjeè-là Nainá tíjnajiin-nò.

¹⁷ Tsà yá xità xi mejèn-là sikkits'ón-jìin-là ni'ya tsjeè-là Nainá, Nainá tìkooá sikkits'ón-jìin-là jè xità xi k'oa's'ín s'jìn. Nga jè ni'ya-là Nainá, tsjeè-né. Koa jñò-nò xi ni'ya tsjeè-là Nainá 'mì-nò.

¹⁸ Kì yijo-nò chonachàn-là, tsà yá xi k'oa's'ín síktsjeèn nga 'ñó tjin-là kjohítsjeèn xi ts'e kjoa chjine-là isò'nde, ta saá kòs'ín kátas'ín koni tsà tsjin-là kjohítsjeèn, mé-ne nga ngui xità chjine koma-ne.

¹⁹ Jè kjoa chjine-là xità isò'nde, it'aà ts'e Nainá, kjoa ská tsò-là. Xojon-là Nainá, k'oaá s'ín tichja nde: “Nainá, k'oaá s'ín s'ín nga jñá xità chjine, tíjñá-ne kjoa maña-là kixojìin-ne.”

²⁰ Jè Xojon-là Nainá, ijngoo k'a tíjt'aà ñánda tsò: “Nainá, beè-né nga nímé chjí-là kjohítsjeèn-là xità xi chjine tsò-là yijo-là.”

²¹ K'oaá ma-ne, jñò, kì njiṅgoò x̣iṭa xi 'nga nìkíjna. Nga ngats'ìl xi ṭjín, ḳjondaà tsajòn yiye-nò.

²² Tsà jè Pablo, tsà jè Apolos, tsà jè Cefas [xi ṭjikoá Pedro 'mì], tsà jè isò'nde, tsà jè ḳjoabinachon, tsà jè ḳjoa biyaà, tsà jè n̄chr̄jein i'nde, tsà jè n̄chr̄jein xi s̄a n̄chrobá, ḳjondaà tsajòn yiye-nò.

²³ Jñò, ts'e Cristo-nò, koa jè Cristo ts'eé Nainá.

4

Xá-lá x̣iṭa xi tsibíxáya-lá Jesús

¹ K'oaá s'ín jchatakòn-nájen koni x̣iṭa cḥi'nda xi sixá-lá Cristo, nga ngajen ḳjôngatsja-jen nga ḳokóya-jen ḳjoa ṭjì'ma-lá Nainá.

² Jngoò x̣iṭa xi xá mangatsja, mochjeén-né nga kàta'ya-lá nga kixi sikitasòn xá-lá.

³ 'An, mikil sikájnoa xi it'aa tsajòn kó tsò ḳjohitsjeèn-nò, a ndaá tsikitasoàn, a xi ch'oo tsikitasoàn xá xi 'an ḳjôngatsja, ḳo kó s'ín sikitsjeèn jñà x̣itaxá xi b̄indaaj̄in-lá x̣iṭa isò'nde. Skanda 'an, mì ṭjì k̄il xan-na tsà ndaà ṭjín ḳo tsà ch'oo ṭjín xá xi ts'iaàn.

⁴ 'An, naš'ín k'oas'ín sikitsjeèn nga tsjìn-na jé, t̄anga mìtsà tsò-ne ḳjoa nga nguì x̣iṭa kixi-ná. Nga jè Na'èn-ná xi b̄indaaj̄in-na.

⁵ K'oaá ma-ne k̄i tà ch̄j̄à jé b̄inè-lá x̄inguioo nga ti k̄j'eè bijchó n̄chr̄jein. Ch̄iña-k̄joa k'e nga k̄joí Na'èn-ná xi s̄ihiseèn nga jcha-lá k̄joa xi t̄jì'ma n̄anda nga jñò choòn. Koa s̄j̄ikatsejen kó tsò k̄johitsjeèn xi t̄j̄j̄in in̄jma-lá x̣iṭa. Ik̄joàn Nainá jeya s̄j̄ikíjna koni s'ín nga ok'in-lá nga jngoò òjngoò x̣iṭa.

⁶ Ndí 'ndsè ḳo tichjaá, koi 'én tichjàk̄o-nò ḳjoa xi mangásòn it'aa ts'an ḳo it'aa ts'e Apolos xi ḳjondaà tsajòn mé-ne nga mikil s̄ikatònè-lá koni tsò 'én-lá Nainá. Kì k'oaá s'ín n̄ikitsjeèn nga jngoò cḥi'nda-lá Nainá is̄a ndaà n̄chr̄jenguiod koni cḥi'nda xi i'nga.

⁷ Jñò, ¿mé-ne koa bixón-nò nga is̄a 'ñó ch̄j̄i-nò koni x̣iṭa xi i'nga? ¿Mé ḳjondaà xi t̄jín-ni xi mìtsà Nainá kitsjaà-nò? Tsà jye kitjoe-nò ngats'ìl ḳjondaà, ¿mé-ne nga 'nga ma-ne takòn koni tsà ta nga 'ñó tsajòn kisakò-nò?

⁸ Jñò, k'oaá s'ín mach̄jya-nò koni tsà jyeé ma yiye-nò, koni tsà 'ñó x̣iṭa n̄ch̄iná it'aa ts'e Nainá. K'oaá s'ín n̄ikitsjeèn koni tsà x̣itaxá it̄jòn titsajnaà ḳo ngajen mìtsà x̣itaxá titsajna-jen. Ndaà-lá t̄jín tsà kixi ḳjoa nga otixoma, mé-ne ngajen koma kotixomako-nòjen.

⁹ 'An, k'oaá s'ín sikitsjeèn, ngajen xi it'aa ts'e Cristo kisixáya-najen, Nainá k'oaá s'ín kiskooòn-lá nga ngajen-nájen xi fehet'aa-ne, xi t̄j̄inè-najen nga k̄iyá-jen nga nguixkon isò'nde, nga nguixkon x̣iṭa k̄o àk̄jale. Jñà x̣iṭa, tà n̄chikotsejen-najen nga tsja ma-lá mé k̄jo'in xi t̄imat'in-jen.

¹⁰ Ngajen, xi k̄joa ts'e Cristo, x̣iṭa ská 'yatakòn-najen; t̄anga jñò, it'aa ts'e Cristo, k'oaá s'ín 'ya-nò nga 'ñó t̄j̄in-nò k̄joach̄jine. Ngajen, k'oaá s'ín 'yatakòn-najen nga x̣iṭa indaàk̄joa-nájen; t̄anga jñò, x̣iṭa t̄ajaa-nò. Ngajen, mì yá x̣iṭa beèxkón-najen; jñò, beèxkón-nò x̣iṭa.

¹¹ Skanda jè hora jè, k̄jinchrá-najen, x̄indá-najen, tsjìn-najen nikje xi ch̄ikj̄á-jen, 'ñó beètoòn-najen x̣iṭa, tà t̄jaàson-najen, tsjìn-najen ni'ya.

¹² Skanda bijtaá-najen nga 'ñó n̄ixá-jen. K'e nga ch̄ja'on-k̄o-nájen x̣iṭa, ngajen, n̄jèt'aa-lajen Nainá nga k̄atásichikon-t'in. K'e nga kondr̄a fi-najen x̣iṭa, ch̄ikjoak̄oó-najen.

13 'On chjako-najen xita, ngajen ndaa nokjoa-lajen. K'oas'in beè takòn-najen koni tsà tjé-la isò'nde. Skanda nachrjein i'nde, jña xita k'oaá s'in beètakòn-najen koni tsojmi xi ningui-ne nga bixteèn.

14 Koni s'in tkjii-nò, mìtsà tìs'in sobà-nò. Kjhótsjeèn tìtsja jngoò-nò koni tsà jxti ts'an xi matsjake.

15 Nas'in te jmii ma-ne xi okóya-nò it'aà ts'e Cristo, ta jngoò ma-ne xi na'èn-nò. 'An-ná xi komà na'èn-nò nga mokjeiin-nò it'aà ts'e Cristo Jesús nga 'aán tsibenojmí ítjòn-nò 'én ndaa-la Nainá xi kjoa ts'e Cristo.

16 K'oaá ma-ne bìtsi'bà-nò nga k'oas'in tìjchá yijo-nò koni 'an.

17 Koii kjoa-la tìsikásén-nò Timoteo, xi ki'ndí-na xan-la nga 'ño matsjake ko kixí sixá-la Na'èn-ná. Jè sikkitsjeèn-nò kós'in tijnakoá Cristo Jesús nga mokjeiin-na it'aà ts'e, koa kós'in okoòya-la xita naxandá-la Cristo nga kijndá naxandá ñanda bijchoa.

18 Tjin i'nga xita xinguiqo xi 'ño 'nga chja, k'oaá-la s'in síktsjeèn tsà mikii kjíkon-nò.

19 Tanga tsà Nainá mejèn-la, kjíkon nitoón-nò. K'e nga kijchoa, skoeè jña xita xi 'nga chja, a nga'ño-la Nainá xi tjin-la a xi tà jè 'én-la xi 'nga chja.

20 K'e nga jè Nainá tíhotíxoma jngoò-la xita, mìtsà ta kjoa ts'e 'én mochjeén, koò nga'ño-la Nainá mochjeén.

21 Jñò, ¿kós'in mejèn-nò nga kjián? ¿A mejèn-nò nga kjo'in tsjaà-nò k'e nga kijchokon-nò, a xi mejèn-nò nga ko kjondaà-na ko kjotsja-na kijchokon-nò?

5

Jé xi kisakò ya ijìin naxandá-la Cristo ján Corinto

1 Jye na'yà-la nga kjoachijngui tíma jjiin tsajòn. Kjoa xi tíma, skanda jña xita xi mikii beèxkón Nainá, mì k'oaá s'in. Nga yaá tijnajiin jngoò-nò xita xinguiqo xi neajòn-la tsóhoko.

2 Jñò, ¿mé-ne 'nga níkítsajna-nò yijo-nò? Mochjeén-né nga kjoaba kítsajnajñòd, ko jè xita xi kotjin jè tíhótsji, tìnachrjekàjioòn.

3 'An, kixí kjoa, kjiiin tijnà-nò, tanga kjohítsjeèn-la inima-na yaá tijnajiin osen-nò. 'An, k'oaá ngaya-la koni tsà ya tijnajiin-nò, jyeé kiskoòsòn-la mé kjo'in xi sinè-la jè xita xi k'oa tjin jè tíhótsji.

4 Jñò, k'e nga koxkóya nga jeya síkíjna Jesucristo xi otíxoma-ná, jè kjohítsjeèn-la inima-na yaá kíjnajiin-nò, tíkoá yaá kíjnajiin-nò jè nga'ño-la Na'èn-ná Jesucristo. Ko it'aà ts'e Na'èn-ná Jesucristo,

5 xita jè, xita neí kátangatsja yijo-la nga kàtas'e-la kjo'in, ko kàtasíkájno jé-la nga mì tì jè kohótsji-ne mé-ne nga kítjokàjiiin-ne kjo'in inima-la, k'e nga kjoii òjngoò k'a Jesucristo xi otíxoma-ná.

6 Mikii ndaa tjin nga 'nga níkítsajna yijo-nò. ¿A mì tjiin-nò nga nas'in ta chiba na'yo san sísan yije xíkjin na'yo?

7 Tìnachrjekàjioòn jè xita xi ótsji jè k'oaá ngaya-la koni tsà na'yo san xi mì tì ndaa-ne nga síkíts'ón-nò, mé-ne jñò k'oas'in kjoàn koma-nò koni na'yo xitse ts'e inchrájin xi tsjìn-la na'yo san. Nga jñò, jyeé kitjaàxìn-nò kjoa ts'e jè koni na'yo san jchínga nga jè Cristo k'en ngajo-ná koni jña orrè xi kíkik'en xita Israel k'e nga Paxko.

8 Koii kjoa-la jña, k'oaá s'in kínáchrjeé s'eí nga jyeé kíkíkítsajnandeí-ná Nainá kjoa ts'e jè, koni s'in xita Israel k'e nga Paxko nga sítsjeé ni'ya-la nga faáxìn yije na'yo san. Jña, k'oaá tìs'in chjaàxián kjoa ts'e jè ko kjoa ch'o ko ngui

kjoatsjeè kò kjoakixi sijkjeén k'oaá ngaya-la koni inchrájin xi tsjin-la na'yo san.

⁹ Jè xojon xi kisikasén itjòn-nò, k'oaá kixan-nò nga mì ya koahijtakoo jña xita xi kjoa chingui s'in.

¹⁰ K'e nga k'oa kixan-nò, mìtsà jña kisikaxkia jña xita isò'nde xi kjoa chingui s'in, kò jña xi tse mejèn-la, kò jña xita chijé, kò jña xi xkòson beèxkón. Xita koi, xki xi ján satíkjoò. Ta jè xi koma kinchat'aaxìn-là tsà xìn isò'nde onguio.

¹¹ Jña 'én xi kixan-nò, jè-né nga mì ya tsjahijtakoo jña xi tsò nga xita-la Cristo xi 'ndsé chibá tsà tákó kjoa chingui nchis'in, xita xi tse mejèn-la, xi xkòson beèxkón, xi ch'o chjajno-ná, xi xán 'biì, xi chijé s'in. Jña xita xi k'oa's'in s'in, skanda mìkì mochjeén nga kichikoo.

¹²⁻¹³ Mìtsà jña okò-ná nga bìnndaajin-lá jña xita isò'nde. Jè Nainá kìnndaajin-lá jña xita koi. Tanga jño okò-nò nga kìnndaajin-lá xita naxandá-la Nainá xi tsajòn. K'oaá ma-ne nga xan-nò, chjaaxìon jè xita xi ch'o tís'in xi ya tijnajin-nò.

6

Kós'in s'in jña xita-la Cristo nga tijñà xikjín koìndaajin-la

¹ Jño, k'e nga tsà kjoasii tjin-nò kò xita xinguiò, ¿mé-ne jña mejèn-nò koìndaajin-nò jña xitaxá xi mìtsà xita-la Cristo? ¿A mìtsà tà jña kàtindaajin-nò xi xita naxandá-la Cristo?

² ¿A mìtsà tjiin-nò nga jña xi xita naxandá-la Cristo 'mì-ná, jña kìnndaajin-lá xita isò'nde? Tsà jño koìndaajin-lá xita isò'nde, ¿a mì chikjoa-nò nga ta jño kìnndaajin-lá xita xinguiò kjoa xi chiba tjin?

³ ¿A mìtsà tjiin-nò nga tikoa it'aà tsaján kìnndaajin-lá àkjale? Tsà jña kìnndaajin-lá àkjale, ¿a mì koma-ná kìnndaajin-lá xita xinguiá kjoa xi tjin i isò'nde?

⁴ K'oaá ma-ne tsà ta kjoa ts'e isò'nde-né xi tjin-nò, tinókjoa jngoo-lá xita 'ndsé xi jño nachrjenguiò nga 'mì-lá nímé hjí-la, jè kàtindaajin-nò.

⁵ Koi kò xan-nò mé-ne nga kàtasobà-nò. ¿A mìtsà tijná jngoo xita xinguiò xi tjin-la kjòhìtsjeén nga koma-la koìndaajin-lá xita xi 'ndsé chibá?

⁶ Mìtsà ta koi kjoa-la nga bixkàn-koo xinguiò, skanda yaá onguikoo xinguiò nguixkon xitaxá xi mìkì beèxkon Nainá nga bìnndaajin-nò.

⁷ Kixí kjoa, ch'oo tjin kjoa k'e nga tijño bixkàn-kò-nò xinguiò. ¿Mé-ne mìtsà ta saá nikjein-lá xinguiò k'e nga ch'o síko-nò? Ta saá tikjein-la nga kàtasichijé-nò.

⁸ Tanga jño, k'oaá tís'in ch'o nìkoo xinguiò, tijño nìchijé-lá.

⁹ ¿A mìtsà tjiin-nò nga jña xi mìtsà xita kixi, mìkì kjoahas'en-jin i'nde ñánda tíhotixoma Nainá? Jña xita xi kjoa chingui s'in, jña xi xkòson beèxkón, jña xita xi jye chixàn xi kjoa chingui s'in, jña xita xi'ndé xi tì x'in xikjín oyjòko-ne,

¹⁰ jña xita chijé, jña xita tse mejèn, jña xita xi xán 'biì, jña xi xita chjajno-la, jña xita xi konachan-la xikjín nga síchijé-la, kì yijo-nò chonachan-lá nga jña xita xi koatjín kjoach'o xi s'in mìkì kjoahas'en-jin ñánda tíhotixoma Nainá.

¹¹ Jño, k'e nga sa kjòtsé k'oa tís'in k'i'nè i'nga; tanga i'nde, jye kisanjino kjoa ts'e jé-nò, jye xita tsjeè-la Nainá komà, kò jye xita kixi komà it'aà ts'e nga ñó-la Jesucristo xi otixoma-ná kò it'aà ts'e Injma Tsjeè-la Nainá.

Kó s'in sikhjeén yijo-ná mé-ne nga jeya kijná Nainá

12 Tjín i'nga x̄it̄a x̄inguiōo xi tsò: “An t̄j̄i'ndeé-na n̄it̄a mé kjoa xi s'iaàn.” Kixií kjoa t̄j̄i'nde-né, t̄anga mik̄i ok'in-l̄a tsà k'oas'en yijéé ngats'iì kjoa; k'oaá ma-ne, 'an, mik̄i tsjaà'nde-l̄a yijo-na nga s̄ik̄ijne-na jngoò kjoa.

13 T̄ikoaá t̄j̄in i'nga xi tsò: “J̄nà tsojm̄i xi ma chine, ts'eé ìndsò'bá, koa j̄e ìndsò'bá mochjeén-l̄a tsojm̄i xi ma chine.” Kixií kjoa, t̄anga ingajò kjoa koi, Nainá s̄ik̄jehet'aá. T̄anga j̄e yijo-ná, mìtsà kos'ín kochjeén nga kjoa chijngui s'eén; it'aà ts'e Nainá kochjeén; yijo-ná, ts'eé Nainá.

14 Koni s'ín kis'iin Nainá nga kisikjaáya-l̄a Na'èn-ná Jesús, j̄nà k'oaá t̄is'ín kjoaáya-ná it'aà ts'e kjoa biyaá nga t̄j̄in-l̄a nga'nó Nainá.

15 ¿A mìtsà t̄j̄iin-nò nga j̄e yijo-ná, yaá t̄ikjòòko ts'e Cristo? ¿A komaá s̄ikjeén yijo-l̄a Cristo nga sijngoòt'aà-l̄a ts'e chjoón ská? Maj̄in, mik̄i koma.

16 ¿A mìtsà 'yaá, k'e nga jngoò x̄it̄a x'ín, tsà chjoón ská k̄ijnako, jngoò yijoó koma? Nga k'oaá s'ín t̄ichja Xojon-l̄a Nainá nga tsò: Ingajò x̄it̄a koi, jngoò yijoó koma.

17 T̄anga j̄e xi Na'èn-ná t̄ijnako, yaá majngoòko inima-l̄a ko ts'e Na'èn-ná.

18 T̄inchat'aaxin-l̄a kjoa chijngui. Jngoò x̄it̄a, n̄it̄a mé j̄e xi ótsji xi k'ej̄i j̄e, mìtsà yijo-l̄a t̄ibeetoon. T̄anga j̄e x̄it̄a xi kjoa chijngui s'ín, yijo-l̄aá beetoon.

19 ¿A mìtsà t̄j̄iin-nò nga j̄e yijo-nò ni'ya-l̄a Inima Tsjeè-l̄a Nainá-né xi j̄nò kitsjaà-nò Nainá nga t̄ijnaj̄in inima-nò? Yijo-nò, mìtsà t̄i tsajòn-nò.

20 Nainá j̄e tsakatse-nò, tseé tsibíchjít̄i-nò. Koií kjoa-l̄a j̄chaxkón Nainá, ndaa t̄ikjeén yijo-nò nga ts'eé Nainá.

7

Kjoa ts'e x̄it̄a xi bixan

1 It'aà ts'e 'én xi kichj̄inangui-ná nga kinikasén-ná xojon nga bixón: “Ndaa-la t̄j̄in, jngoò x̄it̄a x'ín ko j̄e chjoón tsà mik̄i k̄ixan.”

2 T̄anga koií kjoa-l̄a nga 'ñó t̄j̄in kjoa chijngui, nga jngoò ìjngoò x̄it̄a x'ín k̄atas'e-l̄a chjoón, ko nga jngoò ìjngoò chjoón k̄atas'e-l̄a x'ín.

3 Koni s'ín t̄j̄in k̄jot̄ixoma ts'e kjoa bixan, j̄e x'ín, ndaa k̄atasís'in-l̄a chjoón-l̄a k'e nga kójnako, t̄ikoa j̄e chjoón, ndaa k̄atasís'in-l̄a x'ín-l̄a.

4 J̄e chjoón, mìtsà t̄ij̄e ot̄ixoma-l̄a yijo-l̄a, j̄e x'ín-l̄a ot̄ixoma-l̄a. T̄ikoa j̄e x'ín mìtsà t̄ij̄e ot̄ixoma-l̄a yijo-l̄a, j̄e chjoón-l̄a ot̄ixoma-l̄a.

5 K'e nga tsjáyijòkoo x̄inguiōo, k̄i yijo-nò n̄ixkon-l̄a x̄inguiōo. Tà k'e-né tsà ngàsòn chibàya-nò kót̄j̄in nachrjein mik̄i tsjáyijòkoo x̄inguiōo tsà Nainá k̄inókjoat'aà-l̄a. Xi koma iskan mochjeén-né nga sis'in-l̄a x̄inguiōo nga mì j̄e x̄it̄a nejí skónachan-nò k'e nga tsà mì t̄i k̄i chikjoa-nò nga xin tsjáyijò-l̄a x̄inguiōo.

6 'Én xi t̄ixan-nò tà 'an-ná xi t̄itsjaà'nde-nò; mìtsà k̄jot̄ixoma t̄ibinè-nò.

7 Xi it'aà ts'an, mejèn-n̄a tsà ngats'iì x̄it̄a k'oas'ín k̄at̄itsajna tajngoò, koni 'an, tajngoó t̄ijn̄a. T̄anga ìjngoò ìjngoò x̄it̄a k̄its'iì-l̄a k̄jot̄jò xi Nainá kitsjaà-l̄a, kós'ín k̄itsajna. Kak'ej̄i kak'ej̄i s'ín t̄itsajna nga ìjngoò ìjngoò x̄it̄a.

8 J̄nà x̄it̄a xi t̄itsajna tajngoò ko j̄nà íchj̄in xi j̄e k'en x'ín-l̄a, ndaa-la t̄j̄in tsà tà k'oas'ín k̄itsajna tajngoò koni 'an.

9 T̄anga tsà mik̄i chikjoa-l̄a nga bitsajna ìjngó, isáá ndaa-ne tsà k̄atixan, mì k'oa-ne tsà tsj̄e s̄ik'en.

10 'An, k'oaá s'ín binè-l̄a j̄nà x̄it̄a xi j̄e chixàn, nga mik̄i koma tsjeín x̄ikj̄in. J̄e chjoón, mik̄i koma s̄ik̄ijna x'ín-l̄a. Mìtsà k̄jot̄ixoma ts'an xi tsjaà-nò; ts'eé Nainá.

11 Jè chjoón xi tsjeiin x'in-la, mìkii tjí'nde-la nga kj'eíj x'in kixan-ko ìjngooò k'a. Tìkooá-ne kàtajoóndaà-ne. Tìkooá jè x'in, mìkii tjí'nde-la nga tsjein chjoón-la.

12 Jñà xita xi i'nga, k'oaá xan-la, xi tà kjohítsjeèn ts'an, mìtsà jè Na'èn-ná tsibíjna kjotíxoma jè. Tsà jngooò xita x'in xi mokjeiin-la 'én-la Nainá, tsà jè chjoón-la xi tíjnako, tsà mìkii mokjeiin-la, tsà tsò ikon jè chjoón nga bíjnako, kàtìjnako, kì tsjeiin takòn jè chjoón-la.

13 Tsà jngooò chjoón xi mokjeiin-la 'én-la Nainá, jè x'in xi tíjnako, tsà mìkii mokjeiin-la, tsà tsò ikon jè x'in nga bíjnako, kàtìjnako, kì tsjeiin takòn jè x'in-la.

14 Jè x'in xi mìkii mokjeiin-la 'én-la Nainá, it'aà ts'e chjoón-laá matsjeè-né; tìkooá jè chjoón xi mìkii mokjeiin-la, it'aà ts'e x'in-laá matsjeè-né. Tsà majìn, jñà ìxti-la mìtsà xita kixi nga nguixkon Nainá, tanga i'ndeì ìxti-la, yaá chja-ne naxandá-la Cristo.

15 Tanga tsà jè chjoón xi mìkii mokjeiin-la 'én-la Nainá tsà mejèn-la tsjein x'in-la xi mokjeiin-la, kàtatsjeiin. Ko tsà jè xita x'in xi mìkii mokjeiin-la 'én-la Nainá, tsà mejèn-la nga tsjein chjoón-la xi mokjeiin-la, kàtatsjeiin. Jñà xita koi mìkii tìjnè-la nga kjo'ñoó kítsajnakò xíkíjín. Nainá, jè xi mejèn-la nga 'nchán kítsajna.

16 Jì chjoón xi mokjeiin-lè it'aà ts'e Cristo, mìkii tìjìn-lè tsà koi nàchrjein it'aà tsjji koma kítjokàjìjn kjo'in x'in-lè. Ko jì xi x'in 'mì-lè nga mokjeiin-lè it'aà ts'e Cristo, mìkii tìjìn-lè tsà koi nàchrjein it'aà tsjji koma kítjokàjìjn kjo'in chjoón-lè.

17 Jngooò kjoa mejèn-na nga ndaà síkíjna-la ngats'ii xita naxandá-la Cristo, nga ìjngooò ìjngooò xita x'in ko chjoón, mochjeén-né nga kos'in kàtásíjchá yijo-la koni s'in kítsaja-la Nainá koni s'in títsajna k'e nga Nainá kùichja-la nga xita-la komà.

18 Tsà tìjn i'nga xita xi jye tít'aà chiba yijo-la kjoa ts'e circuncisión k'e nga xita-la Cristo komà, tà k'oaá s'in kàtìjna. Tsà tìjn i'nga xi kj'eè kii tít'aà chiba yijo-la, kì bít'aà chiba-la yijo-la.

19 Xi kjoa ts'e circuncisión, tsà tít'aà chiba-nò ko tsà majìn, mìtsà mé-ne. Jè xi chjì-la nga ndaà síkítasòn jè kjotíxoma-la Nainá.

20 Nga jngooò ìjngooò, k'oaá s'in títsajna koni s'in títsajna k'e nga kùichja-nò Nainá.

21 K'e nga kùichja-lè Nainá, tsà chì'nda tìjni, kì makájno-lè. Tanga i'ndeì tsà koma kijnandeì-ne, ndaà s'e, tijnandeì-ne.

22 Jè xi chì'nda tís'in k'e nga kùichja-la Nainá nga kòkjeiin-la 'én-la, i'ndeì tijnandeì-né it'aà ts'e Cristo. K'oaá tís'in tìjn, jè xi tijnandeì k'e nga kùichja-la Nainá, i'ndeì chì'nda-la Cristo-né.

23 Jñò, Nainá jye tsatse-nò, kì kii bìl'nde nga xita xi kj'eíj chì'nda 'nè-là.

24 Jñò ndí 'ndsè ko tichjaá, koni s'in títsajna nga jngooò ìjngooò k'e nga kùichja-nò Nainá, k'oaá s'in títsajna ya nguixkon Nainá.

25 It'aà ts'e xita xi títsajna tajngooò, tsjìn jngooò-na kjotíxoma xi ts'e Na'èn-ná. 'An, k'oaá s'in kosòn-la koni tsò kjohítsjeèn-na nga Nainá kìs'e-la kjohimatakòn mé-ne nga it'aà ts'an kjoaàt'aà takòn-na jñà xita.

26 Koií kjoa-la nga 'ñoó 'in choòn nàchrjein i'ndeì, 'an, k'oaá s'in síkítsjeèn, isá-la ndaà tìjn, tà k'oas'in kàtítsajna xita koni s'in títsajna skanda nàchrjein i'ndeì.

27 Tsà tìjn-lè chjoón, kì níkíjna-jèn chjoón-lè. Tsà tsjìn-lè, kì chjoón binchaàtsji.

²⁸ Tsà kixein, mìtsà jé tìbinchaàtsji. Kò tsà jngòò chjoón xongó xi kixan, tìkooáà mìtsà jé tìhótsji. Ta jè-né, k'e nga jye kixan, kjoaá s'e-nò. 'An, mejèn-na nga mì kjoa kàtas'e-nò.

²⁹ Ndí 'ndsè, mejèn-na nga kàtasijìn-nò, nga chiba jchán nachrjein chija nga ma sixá-lá Nainá. Koií kjoa-la jngòò xita x'in xi tjin-la chjoón, k'oaá s'in kàtas'in koni tsà tsjin-la chjoón.

³⁰ Kò jñà xita xi kjoaba tìtsajnajìn, k'oaá s'in kàtìtsajna koni tsà mì ba tìtsajna. Koa jñà xi s'eí tjin-la, k'oaá s'in kàtìtsajna koni tsà mì s'eí tjin-la. Koa jñà xi tsojmì otse, k'oaá s'in kàtas'in koni tsà nímé tjin-la.

³¹ Kò jñà xi fitjingui-la kjoa xi tjin isò'nde, k'oaá s'in kàtas'in koni tsà mì ya fitjingui-la; nga jè isò'nde xi tìtsajnasoaán jndé, kjoehet'aà-né.

³² 'An, k'oaá s'in mejèn-na nga nímé kjoa ts'e isò'nde sikìtsjeèn. Jè xita x'in xi tjin tajngòò, koií sikìtsjeèn kjoa ts'e Nainá, mé xi s'in nga kòtsja-la Nainá.

³³ Tanga jè xi jye chjoón tjin-la, koií sikìtsjeèn kjoa xi tjin isò'nde mé xi s'in nga kòtsja-la chjoón-la,

³⁴ k'oaá ma-ne nga jò kjoa sikìtsjeèn. Tìkooá jè chjoón ka'an xi jye k'en x'in-la kò jè chjoón xi tjin tajngòò xi kj'eé x'in tjin-la, koií sikìtsjeèn kjoa ts'e Nainá mé-ne nga tsjeé sikìtsajna-ne yijo-la kò inima-la. Tanga jè chjoón xi x'in tjin-la, koií sikìtsjeèn kjoa ts'e isò'nde mé xi s'in nga kòtsja-la x'in-la.

³⁵ Kjoa xi benojmì-nò kjondaà tsajòn-nò, mìtsà xan-nò nga 'an ósjina ikon-nò, jè-né nga ngui ndaa sjchá yijo-nò nga nímé kjoa kùichjoa ikon-nò nga sixá-lá Nainá.

³⁶ Tsà jngòò x'in xi kòs'in tìsikìtsjeèn nga mì ndaa tìsìkò chjoón nga mì xátì tìbixan-kò nga jye tìhóto nó-la chjoón, k'oaá s'in kàtas'in koni s'in sikìtsjeèn, kàtaxan; jè kjoa bixan, mìtsà jé nchihótsji.

³⁷ Tanga tsà jngòò xi k'oa's'in binè-la yijo-la kò inima-la nga majìn-la kixan, nga kjohìtsjeèn ts'e-né, kò tsà chikjoa-la yijo-la nga mìkìl kixan, kò tsà jye kòs'in kiskoòsòn-la, ndaa tjin.

³⁸ Jñà xita xi bixan, ndaa s'in, tanga jñà xi mìkìl bixan, isáá ndaa s'in.

³⁹ Jngòò chjoón xi x'in tjin-la, mìtsà tjinandeijí. K'eé-né tsà jye k'en x'in-la nga jye tjinandeijí. Kòma kixan-kò nita yá x'in-ne xi matsjakeé tsà tanga mokjeiín-la 'én-la Nainá.

⁴⁰ 'An, k'oaá s'in sikìtsjeèn, ndaa-la tjin tsà mì tì kùl kixan-ne jñà íchjín ka'an. Tìkooá 'an, k'oaá s'in machiya-na nga jè Inima Tsjeé-la Nainá tìschiya-na.

8

Tsojmì xi sincháson ya nguixkon xkòson

¹ Jè kjoa xi ts'e yijo-la cho xi s'ik'en-la xkòsòn-la xita isò'nde nga tsjá-la kjotjò, jñò bixón-nò nga ngats'iaá jyeé tjin-ná kjoachjine it'aà ts'e kjoa koi. Kixí kjoa, tanga k'e nga tjin-ná kjoachjine, ma'ngaá takoán. Tanga k'e nga tjin-ná jè kjotsjacha, isáá ndaa 'bií-lá nga'ño xinguiá.

² Tsà tjin i'nga xita xi tsò nga ndaa machiya-la, chijaá isa-la; kj'eé kùl beé yije koni s'in tjinè-la nga skoe.

³ Jngòò xita xi matsjakeé Nainá, jè Nainá ndaa beèxkon.

⁴ K'oaá xan-nò kó s'in tjin, tsà ma chine yijo-la cho xi ya biyaat'aà-la jñà xkòsòn. Tijiín-ná nga jñà xkòsòn xi tjin j isò'nde, nímé nga'ño tjin-la. Nga ta jngòò ma-ne xi Nainá.

⁵ Jñá x̄ita, k'oaá s'ín síkítsjeèn nga k̄jìn ma nainá xi t̄jín ján ngajm̄i ko ìt'aà nangui. (Kix̄ií k̄joa ìt'aà ts'e x̄ita koi, k̄jìn ma xi nainá ko na'èn-ná tsò-là.)

⁶ Tanga jñá, 'ya-ná nga ta jngoo ma-ne Nainá xi Na'èn-ná nga ìt'aà ts'e'é inchrobà-ne n̄ita mé xi t̄jín. Jñá, koií xá t̄jín-ná nga s̄ikitasoán xá-là. T̄jkoáá ta jngoo ma-ne xi otixoma-ná, jè Jesucristo; nga ìt'aà ts'e'é nga'ño-là kisindaá yije n̄ita mé xi t̄jín ko t̄jkoáá jñá, ìt'aà ts'e'é t̄itsajnaoáan.

⁷ Tanga mìtsà ngats'ìl x̄ita t̄jijn-là k̄joa koi. T̄jín i'nga x̄ita 'ndsee xi jye k'oas'ín k̄jò'nga-là k̄joa ts'e' xkósòn k'e' nga t̄ikj'e'è mokjeiín-là. Tanga ì'ndeí, k'e' nga kine yijo-là cho xi ya biyaat'aà-là jñá xkósòn, k'oaá s'ín síkítsjeèn nga jñá nchibeèxkón xkósòn xi nainá tsò-là x̄ita isò'nde. Nga jò t̄jín k̄joh̄ítsjeèn-là, k'oaá s'ín fiya-là nga jé ótsji nguixkõn Nainá.

⁸ Jñò bixón-nó nga jñá tsojm̄i xi ma chine, mìtsà koi k̄joa-là nga is̄a ndaà skoéjò-ná Nainá. Tsà k̄ichiaá mìtsà is̄a ndaà k̄itsajnaá ko tsà mikii k̄ichiaá mìtsà is̄a ch'ò k̄itsajnaá nga nguixkõn Nainá.

⁹ Kix̄ií k̄joa, t̄jì'nde-ná n̄ita mé xi ch̄jineé. Tanga jñá jchòsòn-lá yijo-ná nga mì k'oaá t̄jín xi ch̄jineé mé-ne jñá x̄ita 'ndsee xi indaàjìl t̄jín k̄joh̄ítsjeèn-là mì jé sakò-là.

¹⁰ Tsà t̄jín jngoo x̄ita xinguiqo xi tsò nga t̄jín-là k̄joh̄ítsjeèn nga ma chine n̄ita mé yijo-ne, ko yaá fi kakjèn ya ì'nde ñánda yaxkón xkósòn; tsà koi nachrjein-la ya skoe' jngoo 'ndse xi indaàjìl t̄jín k̄joh̄ítsjeèn-là nga ya t̄ikjèn. Jè x̄ita 'ndse, k'oaá t̄is'ín s'ìin.

¹¹ K̄joh̄ítsjeèn-là x̄ita jè nga tsò nga maá chine yije n̄ita mé-ne, koií k̄joa-là nga k̄jò'in s̄ikjeiín jè 'ndse xi indaàjìl t̄jín k̄joh̄ítsjeèn-là xi Cristo k'en ngajo-là.

¹² K'e' nga jè binchaats̄jioo xi kondra ts'e' x̄ita 'ndsee nga n̄ikits'ón-jñòo k̄joh̄ítsjeèn-là xi indaàjìl t̄jín, jè binchaats̄jioo xi kondra ts'e' Cristo.

¹³ 'An, tsà ta koií k̄joa-là ts'e' tsojm̄i xi k̄inee nga jé sakò-là jè 'ndse, t̄jkoáá-ne, jngoo k'a mì t̄jì k̄ií sk̄ine-na yijo, mé-ne nga mì jé sakò-là 'ndse.

9

Kjoa xi t̄jì'nde-là x̄ita xi tsibíxáya-là Cristo

¹ 'Aán tsibíxáya-na Cristo. T̄jijnandeíí-ná. Xkooàn k̄ijtsee-na jè Jesús xi otixoma-ná. Nga xá-là Na'èn-ná t̄is'iaàn, ì'ndeí jñò-nò xi x̄ita-là Cristo maà.

² K'oaá xó tsò i'nga x̄ita xi k̄jeíí nga mì xó tsà 'an tsibíxáya-na Cristo, tanga jñò, ndaà t̄jijn-nò nga 'aán kisixáya-na, nga ìt'aà ts'an-ná nga mokjeiín-nò 'én-là Nainá. K'oaá s'ín bitjo kix̄i k̄joa.

³ K'e' nga jngoo x̄ita k̄jònangui-na xi kondra ts'an, 'an, kií xan-là nga ós̄ikooa yijo-na:

⁴ ¿A mìtsà t̄jì'nde-najen nga k'oi-najen tsojm̄i xi chine-jen ko xi s'io-jen nga xá-là Nainá t̄itsa'nè-jen?

⁵ ¿A mìtsà t̄jì'nde-najen nga k̄itjako jngoo-jen xi ch̄joón-najen ma xi 'én-là Nainá mokjeiín-là, koni s'ín x̄ita xi i'nga xi tsibíxáya-là Cristo koni jñá 'ndse Na'èn-ná ko Cefas [xi t̄jkoá Pedro 'mì]?

⁶ ¿A tà 'an-ná ko Bernabé xi t̄jine-najen nga k̄jeíí xá s'en-jen mé-ne nga sakò-najen tsojm̄i xi ch̄ine-jen?

⁷ ¿A t̄jín x̄ita xi soldado s̄ikitasòn xi t̄jé bíchjì-là yijo-là? ¿A t̄jín x̄ita xi bitje tsojm̄i t̄jé, koa mikii kine toò xi ojà-là? ¿A t̄jín x̄ita xi cho s̄ijchá, koa mikii 'bii ts̄jìn xi ochrje?

⁸ Kì k'oaá s'ín n̄ikítsjeèn nga tà k̄joh̄ítsjeèn ts'an koni s'ín t̄ixan. T̄jkoáá t̄ichjaá k̄jotixoma ts'e' Moisés.

9 Kjotixoma-la Nainá xi kiskii Moisés, k'oaá s'in tichja nga tsò: "Jñà nchraja xi bínchi, kì na'ya bì'a tso'ba." 'Én koi mìtsà tsò-ne kjoa nga Nainá 'ñó síkinda nchraja,

10 jñà-ná xi sikinda-ná Nainá; nga it'aà tsaján tichja kjotixoma. Jè xi síkínchi nchraja kò xi sítsjeè tsojmi xi majchá-la, nchikoñaá-la nga tjoé chiba-la tsojmi xi majchá-la.

11 'Én ndaà-la Nainá xi kjoa ts'e Cristo xi jin tsakoòya-nòjen jè ngayala koni tachó xi kisitje jiiin inima-nò. ¿A mì ndaà s'e tsà tjoé chiba-najen tsojmi xi majchá-nò?

12 Tsà jñà xi kjeij xita tjoé chiba-la tsojmi xi tsajòn, ngajen, ¿a mìtsà isa ndaà tji'nde-najen nga tikoá tjoé-najen?

Tanga mì k'oaá s'in titsa'nè-jen koni s'in tji'nde-najen mé-ne nga mikii koma sichjoa ikon-la 'én ndaà-la Nainá xi kjoa ts'e Cristo.

13 Jñò, ndaà 'yaà, jñà xita xi ya síxá ya Ingo Itjòn-la Nainá, koi tsojmi kine xi tjin ya i'nde jè; kò jñà xi ya síxá i'nde tsjeè-la Nainá ya ñánda binchásòn kjotjò xi tsjá-la Nainá jñà xita, okoó chiba-la yijo-la cho xi ya binchásòn.

14 Nainá k'oaá s'in kitsjaá okixi: jñà xi chjaya 'én ndaà-la Nainá xi kjoa ts'e Cristo yaá sakò-la tsojmi xi skine.

15 'An, mì k'oaá s'in tsiskjeén jñà kjoa xi tji'nde-na. Tjkoáá mìtsà koi xá tikji-nò nga kos'in síko-ná. Isáa-la ndaà tjin tsà katiyaá mì k'oaá-ne tsà tjin xita xi kjoaáxin-na kjotsja xi tjin-na nga ta kjotjò 'an chjaya 'én ndaà-la Nainá xi kjoa ts'e Cristo.

16 Nga 'én ndaà-la Nainá xi kjoa ts'e Cristo chjaya, mikii tsà jeya síkijna yijo-na. 'An, xó k'oaá s'in tjinè-na nga 'an kichjaya; ima xó-na tsà mikii kichjaya jè 'én ndaà-la Nainá xi kjoa ts'e Cristo.

17 Tsà tà kjohitsjeèn ts'aan-la nga kos'in tis'iaàn, tjinè-la nga kojhí-na, tanga mìtsà tà kjohitsjeèn ts'an, jè tsikitasoàn xá xi kisingatsja-na Nainá.

18 Jè chji xi tsakó-na, jè-né nga tsja tjin-na nga chjaya 'én ndaà-la Nainá xi kjoa ts'e Cristo nga mìtsà chji-na sijé, nas'in tji'nde-na nga jè 'én ndaà-la Nainá xi kjoa ts'e Cristo kótijnakon-na.

19 'An tijnandejí-ná, tanga i'nde, k'oaá s'iaàn koni tsà ch'i'nda-la ma ngats'ii xita, mé-ne nga isa kjin xita koma kichja-la 'én-la Cristo nga kokjeiin-la.

20 K'e nga ya tijnajiiin-la jñà xita xinguiqa judío, k'oaá s'in s'iaàn koni s'in xita judío mé-ne nga koma kichja-la 'én-la Cristo nga kokjeiin-la. Kixii kjoa nga 'an, mikii kjo'ñó tjinè-na nga kos'in sikitasoàn koni tsò kjotixoma xi kiskii Moisés, tanga k'e nga ya tijnajiiin-la jñà xita judío xi kjotixoma-la Moisés títsajnajiiin, 'an k'oaá ti s'iaàn, ta jè xi mejèn-na nga koma kichja-la 'én ndaà-la Nainá xi kjoa ts'e Cristo nga kokjeiin-la.

21 K'e nga ya tijnajiiin-la jñà xita xi mìtsà ya títsajnajiiin kjotixoma-la Moisés, 'an, k'oaá ti s'iaàn koni tsà mì ya tijnajñaá kjotixoma mé-ne nga koma kichja-la 'én-la Cristo nga kokjeiin-la xita xi mì ya títsajnajiiin kjotixoma. Mìtsà tsò-ne kjoa nga tijnat'aà xin-la kjotixoma-la Nainá. Yaá tijnajñaá kjotixoma-la Cristo.

22 K'e nga ya tijnajiiin-la jñà xita xi indaajiiin tjin kjohitsjeèn-la, 'an, k'oaá s'iaàn koni tsà tjkoáá indaajiiin tjin kjohitsjeèn-na mé-ne nga koma kichja-la 'én-la Cristo xita koi. Yaá singásòn yijekoáa mé kjoa xi títsajnajiiin ngats'ii xita mé-ne nga koma kojchrekajiiin i'nga-na kjo'in kjoa ts'e jé-la.

23 K'oaá s'iaàn xi kjondaá ts'e 'én ndaà-la Nainá xi kjoa ts'e Cristo mé-ne nga s'e-na kjoa machikon-t'in it'aà ts'e 'én.

²⁴ Jñò, jyeé tjiin-nò k'e nga síská xítà xi ongachikon, ngats'ii-né nga ongachikon, tanga ta jngòò-né xi tjoé-la kjoé, ta jè xi sikijne. Jñò, k'oaá s'in tjichá yijo-nò nga xítà-la Cristo 'mi-nò koni jngòò xítà xi ongachikon mé-ne nga tjoé-nò kjoé xi Nainá tsjá-nò.

²⁵ Jñà xítà xi sískákjoé nga mejèn-la síkijne, ítjòn bitsajnándaà nga mì tjiñà síkijeén-ne tsojmi xi ch'o síko; koi k'oas'in-ne nga mejèn-la tjoé jngòò-la kjoé. K'e nga jye ma iskan, jè kjoé xi tjoé-la, ta bits'on-né. Tanga jñà bitsajnándaà nga tjoé jngòò-ná kjoé xi mikii bits'on nítà kjé-ne.

²⁶ 'An, mìtsà k'oas'in ongachikoan [kjoa ts'e xá-la Nainá] koni jngòò xítà xi mikii beé ñánda kijchò. Tikoáà mìtsà k'oas'in [sìxá ít'aà ts'e Nainá] koni s'in xítà xi ta 'beéjìin isén k'e nga kjaán-ko xíkjin.

²⁷ 'An, k'oaá s'in binè-la yijo-na nga kátas'e-na kjo'in mé-ne k'e nga kjoehet'aà nachrjein nga okóya-la xítà 'én ndaà-la Nainá xi kjoa ts'e Cristo, Nainá mì kító-na: "Ni mé chji-la xá-lè."

10

Kjoa ts'e xkósòn xi mìtsà kixi kjoa nga Nainá

¹ Jñò ndí 'ndsè ko tichjaá, kì nìjchàajìin-jèn nga jñà xítà jchínga kjìin-ná, [k'e nga itjoiin naxandá Egipto], yaá tsibítsajnángui yije jjiin ifi [nga tsakò-la ndiyá], tikoáà ngats'ii tsatojiin ndáchikon.

² K'oaá ngaya-la koni tsá komà bautizar ya jjiin ifi ko jjiin ndáchikon mé-ne nga xítà-la Moisés koma-ne.

³ K'oaá tís'in jngòò skaya tsojmi kiskine xi kjoxkón ndaà ts'e Nainá.

⁴ Tikoáà ta jngòò skaya nandá kits'ii xi kjoxkón ndaà ts'e Nainá, jè nandá xi ya naxi itjo-ne nga jè Nainá kitsjaà-la. Jè naxi, jè ngaya-la Cristo nga jè tsajmeéyakò ndiyá ñánda chinchimaya.

⁵ Tanga jñà xítà jchínga koi, kjin jchán k'en ya ñánda nangui kixi choòn nga Nainá mikii kisaseèn-takòn koni s'in kis'in ngats'ii xítà jchínga koi, ta chibaá tsiningui-ne.

⁶ Jñà kjoa xi k'oas'in komà, jñà okóya-ná nga mì jñà síkjaajñaà kjoa xi ch'o tjin koni kis'in jñà xítà jchínga-ná.

⁷ Kì k'oa s'in sandò xkósòn yaxkón koni kis'in i'nga xítà jchínga koi, nga k'oaá s'in tichja Xojon-la Nainá nga tsò: "Jñà xítà naxandá tsibítsajna nga tsakjèn koá kits'ii, ikjoàn tsasitjen nga kitè [nga jè kisitsjako xkósòn]."

⁸ Tikoáà mikii kjoa chijngui s'eén koni s'in kis'in i'nga xítà jchínga koi, nga ta jngòò nachrjein kaàn jàn jmii xítà k'en.

⁹ Mì kì taxkì chí'taá Na'è-ná koni s'in kis'in i'nga xítà jchínga koi; k'oaá komà-ne nga k'en nga kiskine-la ye.

¹⁰ Tikoáà kì i'ño-isa tsajét'aà-la Nainá koni s'in kis'in i'nga xítà jchínga koi. K'oaá komà-ne nga jè àkjale-la kjoabiyaà kisik'en xítà koi.

¹¹ Ngats'ii kjoa koi, k'oaá s'in komà'tin jñà xítà jchínga-ná ko k'oaá s'in kisijna chiba mé-ne sijiin-ná. Kisit'aà Xojon-la Nainá nga jchaa jñà mé kjo'in xi sijnè-ná tsá k'oa tís'in s'eén jñà xi titsajnákoaán nachrjein xi jye tífehèt'aà.

¹² K'oaá ma-ne jè xi kos'in síkítsjeèn nga kixi tjina, kátasikinda yijo-la nga mì jé sakò-la.

¹³ Jñò, kj'eé mé kjoa xi mat'ioèn nga tíchit'aà-nò xi isa 'ño 'in tjin koni mat'in xítà xi k'ejí. Nainá, xítà kixi-né, jè kàta'ñót'aà takòn nga mikii tsjá'nde nga

isa tsato chí't'aà-nò koni kji chí'kjoako-nò. Tjìjè-ne Nainá kòkò ndiyá kós'ín kichikjoa-nò koni s'ín tichit'aà-nò skanda k'e nga kjoehet'aà kjoa.

¹⁴ Jñò ndí 'ndsé, nì jìtsé kjoa ts'e xkòsòn nikìtsjeèn nga mejèn-nò jchaxkòn.

¹⁵ 'An, k'oaá s'ín tichjà-nò koni xitá xi tjin-là kjohìtsjeèn. Jchòsòn-là 'én xi xán-nò, a kixijí kjoa.

¹⁶ K'e nga 'yooá vino xi tjiya chítsín nga nijét'aà-lá Nainá nga kàtsachikon-t'ín, ¿a mìtsà ya ñingàsòn-koáá kò jní-là Cristo? Kò k'e nga ñìkkoayaá inchrájín, ¿a mìtsà ya ñingàsòn-koáá kò yijo-là Cristo?

¹⁷ Jñá, ñas'ín 'ño kjìn ma-ná, jè inchrájín xi bichiaá, ta jngoò ma-ne; k'oaá ma-ne nga ngats'iaá, ta jngoò yijo ma-ná.

¹⁸ Chitsejèn-là xitá ñaxandá Israel, jñà xi kine yijo-là cho xi biyaa ya i'nde tsjeè nga tsjá-là kjotjò Nainá. Xitá koi, yaá síngàsòn-kò kjotjò xi tsjá-là Nainá ya i'nde tsjeè.

¹⁹ 'N e nga k'oa xan-nò, mìtsà xan-nò nga tjin-là okixi jñà xkòsòn kò tsojmì xi sinchát'aà-là.

²⁰ Jñà 'én xi xan-nò, jñà kjotjò xi fikò jñà xitá xi mìkiì beèxkon Nainá, jñà fikò-là inìma ch'o-là ñeíí, mìtsà jè sobà Nainá. 'An, majìn-ña nga ya síngàsòn-kò inìma ch'o-là ñeíí.

²¹ Mìkiì ndaa tjin, k'e nga jye 'yò vino xi ts'e Jesús, xi otíxoma-ná, ikjoàn s'ioo xi ts'e inìma ch'o-là ñeíí. Tìkooá mìkiì ndaa tjin, k'e nga jye bichioò inchrájín xi ts'e Jesús, ikjoàn bichioò xi ts'e inìma ch'o-là ñeíí.

²² ¿A xi mejèn-nò síkjàn-là Na'èn-ná nga kàtachìní? ¿A ìsaá tjin-nò nga'ño mì k'oa-ne Nainá?

Jè kìnchàtsjiaá ítjoán kjondaà ts'e xitá xi kj'eíí

²³ Tsò jñà xitá: "Tjì'nde-né nità mé xi s'eén." Kixijí kjoa tji'nde-né, tanga mìtsà ngats'ì kjoa nga ndaa tjin. Tjì'nde-né nità mé kjoa xi s'eén, tanga mìtsà ngats'ì kjoa tsjá-ná nga'ño.

²⁴ Mìtsà tà kjondaà tsajòn binchaàtsjioò ítjòn, jè tìnchàtsjioò ítjòn kjondaà ts'e xitá xi kj'eíí.

²⁵ Maá chínee nità mé yijo xi satìjna ya ñánda biyaa cho. Kì kù chjinanguio ñánda j'ìl-ne mé-ne nga mì ch'o koma-là kjohìtsjeèn-nò.

²⁶ Nga ts'eé Na'èn-ná jè nangui kò ngats'ì tsojmì xi tjin-là.

²⁷ Tsà jngoò xitá xi mìkiì mokjeíín-là 'én-là Nainá, kichjã-nò nga kichikoo, tsà mejèn-nò nga onguio, chjìnee yije-nò xi tsjá-nò. Kì mé xi chjinanguio nga mì ch'o koma-là kjohìtsjeèn-nò.

²⁸ Tsà jngoò xitá xi kítso-nò: "Jñà tsojmì koi, yaá kisinchaà't'aà-là xkòsòn." Jè kjoa-là xitá xi okìtsò-nò, kì kù chine, mé-ne nga mì ch'o koma-là kjohìtsjeèn-là.

²⁹ Mìtsà kjohìtsjeèn tsajòn xi tìxan-nò, ts'eé xitá xi okìtsò.

Tanga tsà tjin i'nga xitá xi skonangui nga kítso: "¿Mé-ne mì tji'nde-na nga s'iaàn nità mé kjoa xi mejèn-na nga ta koi kjoa-là nga mì ch'o koma-là kjohìtsjeèn-là xitá xi kj'eíí?"

³⁰ 'An, tsà tsjaà-là kjondaà Nainá it'aà ts'e tsojmì xi kínee, mìkiì ndaa tjin tsà ch'o kítso-là xitá jñà tsojmì xi jye kàtsjaà-là kjondaà Nainá."

³¹ Tanga jñò, k'e nga bichioò kò tsà 'yò, nità mé kjoa xi 'nè, k'oaá s'ín t'een nga jeya kàtìjna Nainá.

³² Kì jè binchaàtsji-là jñà xitá judío, kò xi mìtsà xitá judío, kò jñà xitá ñaxandá-là Nainá.

³³ 'An, k'oaá s'ín s'iaàn yije koni s'ín sasén-la x̄ita xi k'ejí. Mìtsà jè otsjià ítjoàn xi k̄jondaà ts'an, jè otsjià ítjoàn k̄jondaà ts'e x̄ita xi k'ejí mé-ne nga k̄itjokàjìin-ne kjo'in.

11

¹ Koni s'ín s'iaàn 'an nga kjingui-la Cristo, k'oa t̄is'ín ch̄jinguì-ná.

Kó s'ín skoexkón x'in-la j̄nà íchjín k'e nga chjat'aà-la Nainá

² Ndí 'ndse kò tichjaá, ndaà 'nè-nò nga n̄ikitsjeèn ít'aà ts'an ngats'iì kjoa xi s'iaàn; t̄ikoá n̄ikitasòn k̄jot̄ixoma xi 'an kisikatoya-nò.

³ Tanga mejèn-na nga k̄atasijìin-nò nga jngòò ìjngòò x̄ita x'in, jè Cristo xi skò-la ma, kò jè chjoón, jè x̄ita x'in xi skò-la ma, koni jè Cristo, jè Nainá xi skò-la ma.

⁴ Tsà jngòò x̄ita x'in xi t̄jtsa skò k'e nga chjat'aà-la Nainá, o k'e nga chjaya 'én-la Nainá, mìkìl beèxkón Cristo nga jè t̄jna skò-la.

⁵ Tanga tsà jngòò chjoón, tsà mìkìl b̄jtsa skò k'e nga chjat'aà-la Nainá, o k'e nga chjaya 'én-la Nainá, mìkìl beèxkón x'in-la nga jè t̄jna skò-la. K'oaá ngaya-la koni tsà kisijno-la.

⁶ Tsà jngòò chjoón xi majin-la b̄jtsa skò, t̄ikoáá-ne k̄atasijno-la tsja skò. Kò tsà masobà-la nga sijno-la, k̄at̄jtsa skò.

⁷ Jè x̄ita x'in, mìkìl t̄j'nde nga k̄ijtsa skò, nga k'oaá s'ín 'ya-la koni Nainá, kò ít'aà ts'e x̄ita x'in, 'yaá-la kjoajeya-la Nainá; tanga ít'aà ts'e chjoón 'yaá-la kjoajeya-la x'in-la.

⁸ Jè x'in, mìtsà ya ítjokàt'aà-ne ts'e chjoón; jè chjoón xi ít'aà ts'e x̄ita x'in ítjokàt'aà-ne.

⁹ Jè x̄ita x'in, mìtsà kjoa ts'e chjoón kisindaà-ne; tanga jè chjoón, kjoa ts'e x'in kisindaà-ne.

¹⁰ Koií kjoa-la jè chjoón t̄jìnè-la nga k̄ijtsa skò, seña-né nga beèxkón x'in-la, mé-ne nga t̄ikoá skoe-ne j̄nà àkiale.

¹¹ Tanga koni s'ín t̄jindaà-la N̄a'èn-ná, tsà tsjìn chjoón, mìkìl t̄jna x'in; kò tsà tsjìn x'in, mìkìl t̄jna chjoón.

¹² Koni s'ín komà nga jè chjoón, ít'aà ts'e x'in kisindaà-ne; t̄ikoáá jè x'in, ít'aà ts'e chjoón ts'iìn. Tanga ít'aà ts'e Nainá nchrobá yije-ne.

¹³ J̄nò, ndaà t̄ikitsjeèn: ¿A ndaà t̄jìn tsà mìkìl t̄jtsa skò j̄nà íchjín k'e nga chjat'aà-la Nainá?

¹⁴ T̄ijé-ne jsò'nde, b̄nojmiya-ná nga kjoasobà-né k'e nga jè x̄ita x'in síndojò tsja skò.

¹⁵ Tanga ndaà tsejèn k'e nga jngòò chjoón xi ndojò kjoàn tsja skò. Kjoajeya ts'e-né. Koií xá kits'iì-la tsja-la nga ndojò kjoàn, mé-ne nga k̄ijtsa-ne skò koni tsà payo.

¹⁶ Tsà t̄jìn x̄ita xi mìkìl t̄jngòò ikon koni bixón-jen, k'oaá s'ín k̄atasijìin-la, ngajen kò naxandá-la Cristo, nguì k'oaá s'ín 'nè-jen, tsjìn xi k'ejí s'ín.

Kjoa xi mìkìl ndaà t̄jìn k'e nga bichiaá koni s'ín tsakóya Cristo

¹⁷ Nga tikjìl isà-nò, mìkìl ndaà síkitsajna-nò, koií kjoa-la nga mìkìl ndaà t̄tsa'né k'e nga maxkóya; ch'o t̄tsa'né.

¹⁸ Jè kjoa xi t̄jna ítjòn ít'aà tsajòn, k'oaá s'ín ki'nchrè, j̄nò xi naxandá-la Cristo 'mì-nò, k'e nga maxkóya, jò xó ya maà. Mejèn tsà mokjeiín-na tsà koií naxchrjein-la tsà k'oaá s'ín t̄tsa'né.

¹⁹ Ta xó k'oaá-la kómat'in-nò nga s'ée xitá xinguióo xi sjiðòya-nò, mé-ne nga jcha-la yá-ne xi tjin-la okixi.

²⁰ K'e nga maxkóya nga bichioò, koni s'in tsakóya Cristo, mìtsà kixi kjoa nga jè nikitsjeen-yaà koni s'in komat'in Na'en-ná k'e nga k'en.

²¹ K'e nga bichioò, tjin i'nga xitá xi ítjòn kjèn tsojmi xi bijchóko; mikii koña-la xikjin nga tsjá itsé-la; skanda tjin xi mach'i. Tanga jña xitá xi i'nga, imaa ijò-la nga mikii tsjá itsé-la.

²² Jñò, ¿a tsjin-nò ni'ya ñánda nga bichioò ko nga 'yò? ¿Mé-ne nachrjekàngui-nò xitá naxandá-la Cristo koa nisobà-là xitá ima xi tsjin-la tsojmi xi kine? K'e nga k'oas'in 'nè, ¿kó s'in xán-nò? ¿A ndaa síkítsajna-nò? Majin, mikii ndaa síkítsajna-nò.

*K'e nga jè Na'en-ná tsakjèn-ko xitá-la k'e nga kòjñò
(Mateo 26:26-29; Marcos 14:22-25; Lucas 22:14-20)*

²³ Koni s'in tsakóya-na Na'en-ná, ti koi-ne xi 'an tsakoòya-nò. Jè nitjen k'e nga Na'en-ná Jesús kitsobà'ño xitá, kiskoé inchrájin,

²⁴ kitsjaà-la kjondaà Nainá, ikjoan kisixkoaya, kitsò: “Chjoé, jè-né xi yijo-na nga titsjaà kjotjò nga kiyá xi kjondaà tsajòn. K'oa ti s'in t'een nga tixkoaya inchrájin, mé-ne nga síkítsjeen-nò it'aà ts'an.”

²⁵ K'oaá tjs'in kis'iin k'e nga jye tsakjèn, kiskoé chitsín, kitsò: “Vino xi tjíya chitsín jè, jè jni-na xi sikixiya kjoa xitse xi bindajjin-ko-nò. Jñò, k'e nga lingoò lingoò k'a s'ioo, k'oaá s'in t'een mé-ne nga síkítsjeen-nò it'aà ts'an.”

²⁶ K'e nga lingoò lingoò k'a kichioò inchrájin jè, koa s'ioya vino chitsín jè, it'aà ts'ée kjoabiyaà-la Na'en-ná kinókoaya, skanda k'e nga kjoif lingoò k'a Cristo.

Mikii ma taxki bichikoaá Na'en-ná

²⁷ Nitá yá xitá-ne xi kokjen inchrájin jè, o xi skoíya chitsín ts'e Na'en-ná, tsà mikii skoexkón k'e nga kokjen, jè tihótsji it'aà ts'e Na'en-ná nga tíhchrjengui yijo-la ko jni-la.

²⁸ Koi kjoa-la, ítjòn ndaa tikitsjeen ijjin inima-nò kós'in titsajnakoo Nainá ko xitá xinguióo. Iskan tichioò inchrájin koa t'ioya chitsín ts'e Na'en-ná.

²⁹ Tsà yá xitá xi kokjen inchrájin koa skoí vino xi tjíya chitsín, tsà mikii síkítsjeen nga jè yijo-la Na'en-ná, xitá jè, kjo'iin tibínè-la yijo-la.

³⁰ K'oaá ma-ne kjin xitá xinguióo xi ch'in bí'taà-la koa tjin xi indaakjoa titsajna, skanda jye kjò kjin biyaà.

³¹ Tsà ndaa síkítsjeen kós'in titsajnakoaá Nainá ko xitá xinguiá, Na'en-ná mikii kjo'in tsjá-ná.

³² Tanga tsà jè Na'en-ná tsjá-ná kjo'in, koi-né nga mejèn-la síkixiya-ná mé-ne mikii kokot'aà-ná kjo'in xi mikii fehet'aà nitá kjé-ne xi tjoé-la jña xitá isò'nde xi mikii beèxkón Nainá.

³³ K'oaá ma-ne jñò ndí 'ndsè k'e nga maxkóya nga bichioò, chíñakjoa-là xinguióo.

³⁴ Tsà tjin i'nga xi 'ño ijò-la, tichioò ni'ya-nò, mé-ne k'e nga koxkóya mi kjo'in tsjá-nò Na'en-ná. Jña kjoa xi i'nga xi tjin isa-nò, k'e kijchokon-nò kíndaajñaá.

12

Kó s'in tjin kjoa chjine xi tsjá Inima Tsjeè-la Nainá xi kjondaà ts'e naxandá-la

1 Ndí 'ndse kò tichjaá, 'an mejèn-na kàtasiijìn-nò jñà kjoa chjine xi tsjá Injima Tsjeè-la Nainá.

2 Jñò, ndaà tjiin-nò k'e nga tikj'eè mokjeiín-nò 'én-la Nainá, yaá tsan-guit'aà-là xkòsòn xi mikil ma chja nga xin ndiyá kiiko-nò nga mìtsà kixi kjoa nga Nainá.

3 K'oaá xan-nò, niyá xita xi koma kitso-la Jesús: "iCh'o kàtamat'in!", tsà it'aà ts'e Injima Tsjeè-la Nainá tichja. Tikoáá tsà mìtsà nga'ño ts'e Injima Tsjeè-la Nainá tichja, mikil koma kitso-la: "ji-né Jesús xi otixomai!"

4 Ya jjiin naxandá-la Nainá, kjin skaya kjoa chjine tjin kjoa ts'e xá xi sikitasòn xita, tanga jè xi tsjá kjoa chjine, tije-ne Injima Tsjeè-la Nainá.

5 Jñà xita, kjin skaya xá tjin-la nga siixá-la Na'èn-ná, tanga tije-ne Na'èn-ná xi maxá-la.

6 Kjin skaya nga'ño tjin kós'in maxá, tanga tije-ne nga'ño-la Nainá xi síxájin-la ngats'ii xita.

7 Nga jngòò jngòò xita, tjoé-la jngòò kjoa chjine xi okó nga yaá tijnajin inima-la Injima Tsjeè-la Nainá mé-ne nga ngats'ii xita naxandá-la Nainá kochjeén-la kjondaà xi tjoé-la.

8 Xi it'aà ts'e Injima Tsjeè-la Nainá tjin xita xi 'biì-la 'én xi tjin-la kjohitsjeèn; koa tjin i'nga xi 'biì-la 'én xi tjin-la kjoa chjine, nga tije-ne Injima Tsjeè-la Nainá tsjá.

9 Tjin xi tjoé-la kjoachjine nga ndaà mokjeiín-la nga tije-ne Injima Tsjeè-la Nainá tsjá-la, tikoáá tjin xi tjoé-la kjoachjine nga síndaà-ne xita xi xk'én, nga tije-ne Injima Tsjeè-la Nainá tsjá-la.

10 Tjin xi tjoé-la kjoachjine nga ma-la s'in kjoaxkón xi ndaà tjin, ko xi ma-la chja ngajo-la Nainá, ko xi machiya-la mé inima xi síxájin inima-la xita xi chja. Ko tjin xi tjoé-la nga ma-la chja 'én xi kjeij tsò xi mì yá xita fiya-la, tikoá tjin xi ma-la síkatoya 'én xi kjeij tsò xi mì yá xita fiya-la.

11 Tije ta jngòò-ne Injima Tsjeè-la Nainá xi síxá it'aà ts'e ngats'ii kjoa koi nga síka'bi-la nga jngòò jngòò xita kjoachjine xi jè mejèn-la nga tsjá-la.

12 Yijo tsaján, kjin jchán skaya tjin-la; tanga koni s'in tikjoò, ta jngòò ma-ne yijo. Naxandá-la Cristo, k'oaá tis'in tjin, ta jngòò ma-ne.

13 Jñà xi xita judío ko xi mìtsà xita judío, xi xita ch'nda títsajna ko xita xi títsajnandéij ta jngòò ma-ne. Ngats'iaá jñà, tà ngásòn komaá bautizar it'aà ts'e xi tije-ne Injima Tsjeè-la Nainá nga jngòò naxandá-la Nainá komaá koni tsà jngòò yijo. Nga jngòò jngoaá, Nainá kitsjaá-ná xi tije-ne Injima Tsjeè-la.

14 Jè yijo-ná, mìtsà tà jngòò skaya tjin-ne; kjin jchán skaya tikjoóya.

15 Tsà jè ndsokoaá kitso: "An, mìtsà tsja xita ma, mìtsà ya chja-na jè yijo." Mìtsà koi kjoa-la nga okitso nga mì ya chja-ne yijo.

16 Tsà jñà líká kitso: "An, mìtsà xkon xita ma, mìtsà ya chja-na jè yijo." Mìtsà koi kjoa-la nga okitso nga mì ya chja-ne yijo.

17 Tsà kóhokji yijo-ná, tsà ngui xkoaán koma, çkós'in kiná'ya-ná? Tsà jè yijo-ná, tsà ngui líká koma, çkós'in kijné-ná?

18 Tanga Nainá nga jngòò jngòò skaya yijo-ná, yaá kisikitsajna j'nde-la yijo-ná ñanda nga jè kjòmejen-la.

19 Yijo-ná tsà tà jngòò skoya koma, mì-la tsà yijo xi ngui tijnjngòò.

20 Kixij kjoa nas'in kjin skaya tikjoóya yijo-ná, tanga tajngòò ma-ne.

21 Jñà xkoaán mikil koma kitso-la jñà ndsaá: "Mikil mochjeén-na." Jè skoaá tikoáá mikil koma kitso-la jñà ndsokoaá: "Mikil mochjeén-na."

²² Tanga it'aà ts'e yijo-ná, tjin-né xi 'mì-lá nga chiba nga'ño tjin-la tanga isaá ndaà mochjeén.

²³ It'aà ts'e yijo-ná xi 'mì-lá nga mìkii ndaà tsejèn, jña-né xi nikakjá nikje mé-ne nga isaá ndaà kotsejèn-ne. Bíjtsa'ma-né jè yijo-ná, jña xi mìkii tji'nde-la nga jcha-la.

²⁴ Mìkii mochjeén nga sijtsa'ma yijo-ná xi tsejèn. Nainá jye k'oas'in tsibindaà nga isaá ndaà jchaxkón jè xi 'mì-lá nga isaá chiba chji-la,

²⁵ mé-ne nga mì kojòya-ne. Tà saá nga jngoò ìjngoò skaya kàtasíkinda xíkjin.

²⁶ Tsà tjin jngoò skaya yijo-ná ñánda ijò ma, ok'in yije-la xíkjin kóhokji nga ma ijò. Koá tsà tjin ñánda ndaà tíyaxkón, ndaà s'e yije-la kóhokji yijo.

²⁷ Jñò, k'oaá ngaya-la koni yijo-la Cristo. Katjin, katjin xá xi kitjoé-nò ya ijiln naxandá-la Nainá.

²⁸ Nainá k'oaá s'in kiskoòsòn-la mé xá xi s'in xita: jña títsajna ítjòn xita xi bíxáya-la Nainá; xi ma-ne jò, xita xi chja ngajo-la Nainá; xi ma-ne jàn, xita xi okóya 'én-la Nainá. Tjikoá tjin xi ma-la s'in kjoaxkón xi ndaà tjin. Kò tjin xi ma-la síndaà-ne xita xi xk'én; tjin xi ma-la síchjât'aà; tjin xi otíxoma mé kjoá xi koma; kò tjin xi chja 'én xi kje'ejí tsò xi mì yá xita fiya-la.

²⁹ Mítsà ngats'ii nga ma bíxáya-la Nainá. Mítsà ngats'ii nga Nainá chja ngajo-la. Mítsà ngats'ii nga ma-la okóya 'én-la Nainá. Mítsà ngats'ii nga ma-la s'in kjoaxkón xi ndaà tjin.

³⁰ Kò mítsà ngats'ii nga ma-la síndaà-ne xita xk'én. Mítsà ngats'ii nga ma-la chja 'én xi kje'ejí tsò xi mì yá xita fiya-la. Mítsà ngats'ii ma-la síkatoya 'én xi kje'ejí tsò xi mì yá xita fiya-la.

³¹ Tanga jñò, mochjeén-né nga tinchátsjioò jña kjoachjine xi isaá ndaà tjin.

Tanga j'nde'í 'aán kokòò-nò jngoò ndiyá xi isaá ndaà tjin kó s'in sjchá yijo-nò.

13

It'aà ts'e kjoatjòcha

¹ An, tsà ma-na chja jña 'én xi kje'ejí tsò xi chja xita nas'in jña 'én xi chja àkjale, tanga tsà tsjin-na kjoatjòcha, nímé chji-la; k'oaá ngaya-na koni jngoò kichá xi 'ño one, o koni jña kichá tsjin xi ch'o one k'e nga kaàkjòò.

² Tsà tsjin-na kjoatjòcha, nímé chji-na nas'in ma-na chja ngajo-la Nainá, nas'in machiya yije-na kjoá xi tji'ma-la Nainá; nas'in ma yije-na kjoá chjine, nas'in ndaà mokjeiin yije-na it'aà ts'e Nainá, skanda ma-na síkjaníyá-la nindoò.

³ Tsà sika'bíá yije tsojmi xi tjin-na nga kòkjen xita ima, koá tsjaà kjotjoá yijo-na nga kití xi kjondaà ts'e xita xi kje'ejí, tanga tsà tsjin-na kjoatjòcha, nímé sikijne.

⁴ Jè xita xi tjin-la kjoatjòcha, tjin-la kjoatsetakón nita mé kjoa-ne; tjin-la kjondaà; mìkii maxitakón; mítsà 'én nga chja; kò mítsà tije ndaà síkijna-ne yijo-la;

⁵ mítsà taxkí s'in; mítsà tà kjondaà ts'e ótsji; mìkii taxkí majti-la; nímé kjoa bíngui takón;

⁶ mítsà matsja-la it'aà ts'e kjoá xi ch'o tjin, ts'eé kjoá kixi xi matsja-la.

⁷ Jè xi tjin-la kjoatjòcha, síkjeiin yije-la nita mé kjoa-ne, mokjeiin yije-la, koña yije-la, chikjoakò yije-la ngats'ii kjoa.

⁸ Jè kjoatjòcha mìkii kjoehet'aà. Tanga kijchò nachrjein nga mì tì yá xi kichja ngajo-la Nainá, nga mì tì yá xi kichja-ne 'én xi kje'ejí tsò xi mì yá xita fiya-la kò nga mì tì yá xi tjoé-la kjohtsjeen xi tji'ma-la Nainá.

⁹ Nga k'j'eè tsà ngui ndaà tjiin yije-ná kjohtsjeèn xi tji'ma-la Nainá, kò k'j'eè tsà ngui ndaà nokjoà ngajo-lá Nainá.

¹⁰ Tanga k'e nga kijchò nachrjein nga kjoji xi nímé chijat'aà-la, yaá kjoehet'aà jña kjoa xi ta chiba machiya-ná.

¹¹ K'e nga sa chítia, k'oaá s'in kichjà koni chja ixti, k'oas'in kisikítsjeèn koni s'in sikítsjeèn ixti, k'oas'in kiskoòsòn-la koni ixti. Tanga k'e nga jye kòjchínga, kisikíjna-ná kjoa ts'e ixti.

¹² I'ndeí, ta k'oaá s'in 'yaá Nainá koni tsà chitsín jmà chítsejèn-yaá nga mikí ndaà tsejèn-ná. Tanga kijchò nachrjein k'e nga ndaà kotsejèn-ná nga chí'aán Nainá. I'ndeí ta chibaá machiya-na, tanga kijchò nachrjein nga ndaà kochiya-na koni s'in beèkkon-na Nainá.

¹³ Ján kjoa tjin xi mikí kjoehet'aà, jngoò kjoa nga mokjeiín-ná it'aà ts'e Nainá, ijngoò nga chíña-lá xi tjoé-ná, ijngoò nga s'e-ná kjoatjòcha. Jña ingaján kjoa koi, jè kjoatjòcha xi isa 'ñó chíj-lá.

14

Jè xi ma-la chja 'én xi k'ejí tsò

¹ Jè kjoatjòcha tanguítjngui-lá; tikoá mochjeén-né nga tinchátsjioò jña kjoachjine xi tsjá Iníma Tsjeè-la Nainá. Kò jè xi isa 'ñó mochjeén nga kinókjoa ngajo-lá Nainá.

² Jngoò xita xi k'ejí tsò 'én xi chja, mìtsà taxkí xita tichja-la; Nainá tichjat'aà-la. Nga mì yá xita fiya-la kó tsò 'én xi tichja. Jña 'én xi chja, ts'eé Iníma Tsjeè-la Nainá nga tichja'ma-né.

³ Tanga jè xita xi chja ngajo-la Nainá, jña xita naxandá-la Nainá chjajiin-la, mé-ne nga isa ndaà koma-la, isa ndaà k'ñójiin-ne kjohtsjeèn-la koá isa ndaà sijje takòn-ne xita naxandá-la Nainá.

⁴ Jè xita xi chja 'én xi k'ejí tsò xi mì yá xita fiya-la, tì yijo-laá tsjá nga'ñó-la. Tanga jè xi chja ngajo-la Nainá, jña xita naxandá-la Cristo tsjá-la nga'ñó.

⁵ 'An, k'oaá s'in mejèn-na tsà ngats'ioò koma-nò kinókjoa 'én xi k'ejí tsò xi mì yá xita fiya-la. Tanga isaá-la ndaà tjin tsà koma-nò kinókjoa ngajo-lá Nainá. Jè xi Nainá chja ngajo-la isaá 'ñó chíj-lá mì k'oa-ne koni jè xi chja 'én xi k'ejí tsò. Ta jngoó-la tsà tjin xita xi koma-la sikkatoya 'én xi k'ejí tsò mé-ne isa ndaà s'e-la nga'ñó xita naxandá-la Cristo.

⁶ Ndí 'ndsé kò tichjaá k'oaá ngaya-la tsà 'an mejèn-na kikon-nò, tsà k'ejí tsò 'én xi kichjàkò-nò xi mikí na'ya-lá, kós'in kochjeén-nò. Ta jé-la tsà 'én-la Nainá sikíchiya-nò, tsà kènjmí chiba-nò kjohtsjeèn xi ndaà tsò, tsà kichjajiin-nò 'én kixi, kò kokoóya-nò 'én xi ndaà tsò.

⁷ Jña chrjo-la música kò n'ñó xi tihone tsà ngàsòn kjone, zkós'in jcha-la ná-laá xi tihone nga tà ngàsòn tsò?

⁸ Tsà jè chrjo trompeta-la xita kjojchán, tsà mikí ndaà skindàya, zyá xita xi kitsajnandaà nga kjoí kjojchán?

⁹ Jño, k'oaá tís'in mat'ioòn tsà mìtsà 'én tsajòn kinókjoa nga kjiya-la xita, kò s'in kina'ya-la mé 'én xi titsanokjoà? Tà jjiin isén-la titsanokjoà.

¹⁰ Kjin jchán skoya 'én tjin nga títtsa isò'nde, tanga ngats'ii 'én tjin-la kjohtsjeèn kó tsòya-ne nga jngoò ijngoò skoya.

¹¹ 'An, tsà mikí fiya-na kó tsò 'én xi tichja jngoò xita, xita xin nanguí koma-na. Kò jè xita xi tichja, k'oaá tì koma-la it'aà ts'an koni xin nanguí j'nde-na.

12 Jñò, nga mejèn-nò jñà kjoachjine xi tsjá Inimá Tsjeè-la Nainá, mochjeén-né nga isa ndaà tinchátsjioò jñà kjoachjine xi koma ndaà sichját'aà-la naxandá-la Cristo mé-ne nga isa tse nga'ño s'e-la.

13 K'oaá ma-ne jè xita xi k'ejí tsò 'én xi chja xi mì yá xita fiya-la, kátatsjé't'aà-la Nainá nga kátatsjá-la kjoachjine mé-ne koma sikkatoya-ne 'én xi chja.

14 'An, k'e nga chjät'aà-la Nainá nga k'ejí tsò 'én xi tichja xi mikil fiya-na, tà jè tichja Inimá Tsjeè-la Nainá xi tijnajin inima-na. Tanga jè kjohitsjeèn-na, nime kjondaà sakò-la nga mikil fiya-na kó s'in tichja.

15 'An, ¿mé xi s'iaàn? Mochjeén-né nga kichjät'aà-la Nainá 'én xi bijin inima-na Inimá Tsjeè-la Nainá. Tikoaá mochjeén-né nga kichjakoáa Nainá 'én xi ndaà fiya-na. K'e nga seè, tikoaá mochjeén-né nga seè sò xi bijin inima-na Inimá Tsjeè-la Nainá. Tanga tikoaá mochjeén nga seè sò xi ndaà fiya-na.

16 K'e nga jeya nikijni Nainá, tsà tà jñà 'én nokjoi xi bijin inima-lè Inimá Tsjeè-la Nainá, tsà kji'nchré-la 'én-lè jñà xita xi mikil fiya-la, mikil koma kitso: "K'oaá s'in kátama", nga mikil fiya-la kó tsò 'én xi nokjoi.

17 Okixi-né, kjondaà xi tì'bil-la Nainá, ndaà tjin, tanga jñà xita xi i'nga, ni mé nga'ño tsakó-la nga mikil fiya-la.

18 'An, tsjaà-la kjondaà Nainá nga isaa ndaà ma-na chja 'én xi mì yá xita fiya-la mì k'oa-ne koni jñò.

19 Tanga k'e nga ya tijnajin-la xita naxandá-la Cristo, isaa ndaà tjin tsà tà 'on 'én kichja xi tjin-la kjohitsjeèn nga kokoòya-la xita, mì k'oa-ne tsà te jmù 'én kichja xi k'ejí tsò xi mikil 'nchréya-la xita.

20 Ndí 'ndsè ko tichjaá, kì k'oaá s'in nikitsjeèn koni ixti. Tanga ts'e kjoa xi ch'o tjin, k'oaá s'in t'een koni ixti xi k'jeè ndaà machiya-la. Tanga it'aà ts'e kjohitsjeèn-nò, k'oaá s'in t'een koni xita xi jye ndaà machiya-la.

21 Xojon-la Nainá k'oaá s'in tichja nga tsò: "Nga kichja-la naxandá-na, xita xin nanguí sikjeén xi k'ejí 'én chja nga koma kichja-la. Tanga nas'in k'oas'in s'iaàn mikil kji'nchréñijon-na, tsò Na'èn-ná."

22 K'e nga nokjoá 'én xi k'ejí tsò xi mì yá xita fiya-la, kjoxkón okó-la Nainá jñà xita xi mikil mokjeiin-la, mitsà ts'e xita xi mokjeiin-la. Tanga k'e nga nokjoá ngajo-lá Nainá, ts'eé xita xi mokjeiin-la, mitsà ts'e xita xi mikil mokjeiin-la.

23 Jñà xita naxandá-la Cristo k'e nga maxkóya, tsà ngats'iì nga k'ejí 'én kichja xi mì yá xita fiya-la, tsà kjoahas'en jngoò xita xi taxki xita xi mikil mokjeiin-la 'én-la Nainá, kitso-né: "Jñà xita koi, xita ská-né."

24 Tanga tsà ngats'ioò nga 'én-la Nainá titsanokjoáya ngajo-lá, tsà kjoahas'en jngoò xi taxki xita xi mikil mokjeiin-la 'én-la Nainá, k'e nga kji'nchré-nò, kokjeiin-la ko kochiyaá-la nga xita jé-né.

25 Jè kjoa xi tijná'ma jjin inima-la, jchaá-la; ko jè xita, kosijna-xkó'nchi-la Nainá nga skoexkón; kokjeiin-la nga kixi kjoa nga ya tijnajin-nò Nainá.

Okixi xi kitsjaà Pablo kó s'iin xita k'e nga maxkóya nga jeya sikijna Nainá

26 Jñò ndí 'ndsè ko tichjaá, ¿kó s'in fiya-nò jñà 'én koi? Tsòyaá-ne, k'e nga maxkóya nga jeya nikijna Nainá, tjin i'nga xita xinguiò xi seè-la Nainá; tjin i'nga xi ma-la okóya 'én-la Nainá; tjin xi ma-la bénojmi 'én xi jye tsakó-la Nainá; tjin xi chja 'én xi k'ejí tsò xi mì yá xita fiya-la; tikoaá tjin xi ma-la

síkatoƵa 'én xi k'j'eíí tsò. Ngats'ìí xá koi, k'oaá s'ín kàtabitasòn mé-ne nga ìsa ndaà s'e-là nga'ńó inìma-là jńà xítà naxandá-là Nainá.

²⁷ Tsà tńín xítà xi ma-là chja 'én xi k'j'eíí tsò xi mì yá xítà fiya-la, tà jò kò tsà jàn kichja; tanga ta ìngòò ìngòò kichja; kò jngòò xi síkatoƵa 'én koi.

²⁸ Tsà tsjìn xítà xi ma-là síkatoƵa, tà jyò kàtitsajna nga nguixkòn naxandá-là Cristo, tikoáá-ne tà jjiin inìma-là kàtichjako Nainá.

²⁹ K'oaá tıs'in tńín ts'e xítà xi chja ngajo-la Nainá, tà jò-ne kò tsà jàn xi kichja. Jńà xítà xi i'nga, tà kji'nchré-né; ta sùngásòn-kjoò-né a ndaà tńín, o xi majìn-né.

³⁰ Jńà xítà xi títsajna, tsà kítjokajjìn jngòò xítà xi Nainá sùkíchiya-la 'én xi mejèn-la nga kichja, jè xítà xi tichjaya tikoáá-ne ta jyò kàtjina, kàtatsjá'nde-la nga jè kàtichja.

³¹ K'oaá ma-ne, ngats'ioò xi ma-nò nokjoà ngajo-là Nainá komaá kìnókjoaa nga ìngòò ìngòò-nò mé-ne nga ìsa ndaà koma-nò kò ìsa ndaà kotsja-nò ngats'ioò.

³² Jńà xítà xi ma-là chja ngajo-là Nainá, mochjeén-né nga tjjńà skòsòn-la kós'ín kichja.

³³⁻³⁴ Nga Nainá, jè xi mejèn-la nga s'e kjoa'nchán, majìn-la nga kjoasi s'e.

Jńà íchjín, jyò kàtitsajna, koni ma ngats'ìí naxandá-là Cristo ñánda maxkóya xítà-la; mìkìí tji'nde nga kichja; ndaà kàta'nchréńjion koni s'ín tichja kjotixoma.

³⁵ Tsà mé kjoa xi mejèn-la nga skoe, yaá ni'ya-la kàtakjònangui-la x'ín-la. Mìkìí ndaà tńín tsà jngòò chjòòn kichjajjìn ñánda maxkóya xítà naxandá-là Nainá.

³⁶ ¿A k'oaá s'ín nìkìtsjeèn nga ta jít'aa tsajòn kisindaà 'én-la Nainá? ¿A k'oaá ma-nò tsà ta jńò-nó xi kitjoé-nò?

³⁷ Tsà tńín i'nga xítà xinguiòo xi k'oas'ín síkìtsjeèn nga ma-là chja ngajo-la Nainá, o xi ndaà machiya-la kjohìtsjeèn-la Inìma Tsjeè-la Nainá, k'oas'ín kàtakixiya-la nga jńà 'én xi tìkjiì-nò, kjotixoma ts'eé Na'èn-ná.

³⁸ Tsà tńín xítà xi mìkìí sasén-la koni s'ín okoòya-nò, tikoáá Nainá mìkìí sasén takòn xítà jè.

³⁹ Ndí 'ndsè kò tichjaá, k'oaá s'ín 'ńó tìnchàtsjioò nga tìnókjoa ngajo-la Nainá; tanga kì bitsajna ikòn-là jńà xi ma-là chja 'én xi k'j'eíí tsò xi mì yá xítà fiya-la.

⁴⁰ Tanga ngats'ìí kjoa koi, ngui ndaà t'een, kixi tanguikoo.

15

K'e nga jaáya-la Cristo

¹ I'ndeí ndí 'ndsè kò tichjaá, 'an mejèn-na nga síkìtsjeèn-nò jè 'én ndaà-la Nainá xi kjoa ts'e Cristo xi 'an kichjajajjìn-nò xi kichjoétjò kò nga kixi títsajnakoo.

² Jè 'én ndaà-la Nainá xi kjoa ts'e Cristo xi koma kochrjejjìn-nò kjo'in tsà kixi títsajnakoo skanda i'ndeí koni s'ín nga kichjajajjìn-nò nga tisa itjòn; tsà majìn, nímé chjí-la nga kòkjeiín-nò.

³ Jè kjoa xi ìsa 'ńó tńín, jè-né nga kòs'ín tsakoòya-nò koni tńín xi 'an kitjoé-na, nga jè Cristo k'en ngajo-ná xi kjoa ts'e jé-ná nga k'oaá s'ín tichja Xojòn-la Nainá;

⁴ nga kisihijjìn, koa nga ijchò jàn nachrjein jaáya-la, koni s'ín tichja Xojòn-la Nainá.

⁵ K'e nga jaáya-la, tsakó-la yijo-la jè Cefas [tjje-ne Pedro], ìkjoàn tsakó-la yijo-la jńà xítà-la xi i'nga, ya tejó ma-ne kò Pedro.

⁶ Xi komà iskan, tsato 'òn sìndò ma-ne x̄ita 'ndse xi t̄itsajnajt̄in nga tsakó-la yijo-la. J̄nà x̄ita koi, t̄jín i'nga xi jye k'en, t̄anga kj̄in ma xi tákó t̄itsajnakon skanda i'nde].

⁷ Ikjoàn tsakó-la yijo-la jè Jacobo. Xi komà iskan tsakó yije-la yijo-la j̄nà x̄ita-la xi tsibíxáya-la.

⁸ Xi jyehe't'aà-ne, ikjoàn 'aán tsakó-na yijo-la. 'An, k'oaá s'ín ngaya-la koni tsà jngoò ki'ndí xi mì jé nachrjein kits'iin koni s'ín chíya nachrjein-la.

⁹ 'An-ná xi isa 'ñó nangui t̄jna-la kóho'tjín j̄nà x̄ita xi tsibíxáya-la Jesús. Skanda mìkìl ok'ln-na nga k'oas'in k'oín-na; nga 'aán kiit̄jngui kondra-la j̄nà x̄ita naxandá-la Cristo.

¹⁰ Tanga jè kjondaà-la Nainá ndaà tsasikó-na; k'oaá komà-ne nga 'an tsibíxáya-na. Jè kjondaà-la, mìtsà tà kjotjò kitsjaà-na. Tanga 'an, isaá 'ñó kisixá mì k'oa-ne koni ngats'iì x̄ita-la xi i'nga. Kixixí kjoa, mìtsà nga'ñó ts'an, kjondaà ts'eé Nainá.

¹¹ Tsà 'an-ná, kò tsà j̄nà x̄ita-la xi i'nga xi ndaà síxá, t̄anga jè xi chjì-la nga k'oa s'ín nokjoàya-jen, koa j̄nò, k'oaá s'ín mokjeiín-nò.

K'e nga kjoaáya-la j̄nà x̄ita xi jye k'en

¹² K'oaá s'ín t̄inokjoáya nga jè Cristo jaáyajìin-la x̄ita xi jye k'en, t̄anga, ¿mé-ne t̄jín i'nga-ne x̄ita xinguiqo xi tsò: "J̄nà x̄ita xi jye k'en mì t̄i kii kjoaáya-la."?

¹³ Tsà mìkìl kjoaáya-la x̄ita xi jye k'en, t̄ikoaá jè Cristo, mì-la tsà kixixí kjoa nga jaáya-la.

¹⁴ Tsà mìkìl jaáya-la Cristo, j̄nà 'én xi nokjoàya-jen n̄imé-la chjì-la, t̄ikoaá n̄imé-la chjì-la koni s'ín mokjeiín-nò.

¹⁵ T̄ikoaá ngajen, x̄ita ndisoó kítkòkàngui-jen it'aà ts'e Nainá, nga k'oaá s'ín nokjoàya-jen 'én-la Nainá nga bixón-jen: "Jè Nainá kisikjaáya-la Cristo." Nga tsà j̄nà mìk'en mìkìl kjoaáya-la, mì-la tsà kixixí kjoa nga kisikjaáya-la Cristo.

¹⁶ Tsà j̄nà x̄ita xi jye k'en mìkìl kjoaáya-la, t̄ikoaá jè Cristo mì-la tsà kixixí kjoa nga jaáya-la.

¹⁷ Jè Cristo, tsà mìkìl jaáya-la, n̄imé-la chjì-la koni s'ín mokjeiín-nò it'aà ts'e, tákó yaá-la t̄itsajnaj̄nò jé-nò.

¹⁸ T̄ikoaá j̄nà x̄ita xi jye k'en nga kòkjeiín-la it'aà ts'e Cristo, jngoò k'aá-la kichijà, tsà mì jaáya-la Cristo.

¹⁹ Jè kjoa xi chiñà-lá it'aà ts'e Cristo, tsà tà jí isò'nde kjoehet'aà, j̄nà-la xi ngui x̄ita imà 'mì-ná kó ngats'iì x̄ita xi t̄jín isò'nde.

²⁰ Tanga ngui kixixí kjoa nga jè Cristo jaáya-la it'aà ts'e kjoa biyaà. K'oaá ngaya-la koni tsojmì xi majchá ítjòn, nga jè Cristo jaáya ítjòn-la ngats'iì x̄ita xi iskan kjoaáya-la [nga mì t̄i kii kiyá-ne].

²¹ Koni s'ín komà nga it'aà ts'e jngoò x̄ita kjòts'ia nga biyaà x̄ita, k'oaá t̄is'in komà nga it'aà ts'e jngoò x̄ita j'ii nga kjoaáya-la x̄ita xi jye k'en.

²² Koni s'ín ma nga biyaà ngats'iì x̄ita xi it'aà ts'e tje-la Adán kits'iin, k'oaá t̄is'in ma nga kjoaáya-la ngats'iì x̄ita xi it'aà ts'e Cristo ts'iin x̄itse-ne.

²³ Tanga jngoò ìjngoò 'ncha ndiyá-né nga kjoaáya-la koni s'ín oko-la. Jè Cristo, t̄jna ítjòn nga jaáya-la; k'e nga kjoíi ìjngoò k'a Cristo, k'eé kjoaáya-la xi x̄ita ts'e.

²⁴ Cristo, ítjòn s̄ikjehesòn ngats'iì xi kondra fi-la, ngats'iì xi t̄itsajna ítjòn, xi t̄jín-la nga'ñó kò xi otixoma. Ikjoàn jè Cristo s̄ingatsja kjotixoma-la Nainá xi Na'en-ná ma; k'eé kjoehet'aà isò'nde.

²⁵ Mochjeén-né nga jè Cristo kàtatixoma skanda k'e nga jye s̄ikitsajngui yije ndsoko j̄nà xi kondra-la.

26 Kò jè kondra-*la* xi fehet'aà-ne nga *chi*ja, jé *kjoa* biyaà.

27 Nita mé xi tjin, Nainá, yaá kisikítsajngui yije ndsoko Cristo. Jè tihotixoma yije-*la*. Tanga mitsà tsò-ne *kjoa* nga jè Nainá, yaá tijnangui ndsoko Cristo. Nga jè sobá Nainá xi kisikítsajngui ndsoko nita mé xi tjin.

28 K'e nga jye ya títsajngui yije ndsoko Cristo nita mé xi tjin, jè Cristo, nga Ki'ndí-*la* Nainá ma, tikoáá nangui sijkína yijo-*la* nga nguixkon Nainá nga jè sobá Nainá tsibítsajngui ndsoko Cristo nita mé xi tjin, mé-ne nga jè Nainá jngod k'aá jè kína itjòn-*la* nita mé *kjoa*-ne.

29 Tanga tsà jña xita xi jye k'en mì tì kii *kjoa*áya-*la*, jña xita xi it'aà ts'e mik'en ma-ne bautizar, ¿kó s'in sikítsjeèn? ¿Mé-ne it'aà ts'e mik'en ma-ne bautizar, tsà kixi *kjoa* nga mì tì kii *kjoa*áya-*la* xita?

30 Kò ngajen, ¿mé *kjoa*-ne nga nàchrjein nchijòn binchaxkón-lajen yijo-najen, tsà mì tì kii *kjoa*áya-*la* xita?

31 Ndí 'ndsè kò tichjaá, k'oáá xan-nò nga ngui kixi *kjoa* nga nàchrjein nchijòn tjin-na kjoxxón tsà ya kiyá, koni s'in nga ngui kixi *kjoa* nga matsja-na it'aà tsajòn nga ngàsón mokjeiin-ná it'aà ts'e Na'èn-ná Jesucristo.

32 Tsà tà jña *kjoa* ts'e isò'nde-né nga kiskaàn-koáa xita koni tsà xa ján Éfeso, ¿mé xi kisikijne? Tsà jña xita xi jye k'en mì tì kii *kjoa*áya-*la*, tikoáá-ne: “Kichiaá, s'ioáá nga nchijòn-lè kiyá-ná.”

33 Ki yá xita xi konàchan-nò it'aà ts'e *kjoa* koi. Nga tjin jngod 'én xi tsò: “Jña xita xi tsahijtakoaá xi mikii ndaa s'in, jña sikits'on-jin *kjoa* xi ndaa tjin koni s'in titsanijchá yijo-ná.”

34 Ndaa tikítsjeèn it'aà ts'e *kjoa* koi; kì tà tsjaà jé binchaàtsjiod. Nga tjin i'nga xita xinguioo xi mikii beèxkon Nainá. K'oáá xan-nò mé-ne nga kátasobá-nò.

Kò kjoàn koma mik'en k'e nga kjoaáya-la

35 Tsà koi nàchrjein-*la* tjin i'nga xita xi tsò: “¿Kós'in koma nga *kjoa*áya-*la* xita xi jye k'en? ¿Kó kjoàn yijo xi kijtjokàjin-kò?”

36 ¿Mé tà tondò-nò! K'e nga 'bè tje, jña nojmé nga sihiijin, biyaà-né, mé-ne nga kiso xitse-ne jno, nga jngod k'a kítsajnakon.

37 K'e nga 'bè tje, mitsà jña xi jye jno bitjee; tà jña nojmé bitjee, o xi trigo-né.

38 Tanga jè Nainá, k'oáá kjoàn s'in koni s'in mejèn-*la*; k'oáá kjoàn s'in nga jngod jngod skaya xojmá koni kjoàn tje-*la*.

39 Jña yijo, mitsà ngàsón kjoàn. Yijo-*la* xita, kj'eíi kjoàn; yijo-*la* cho, kj'eíi kjoàn; yijo-*la* tin, kj'eíi kjoàn; yijo-*la* nise, kj'eíi kjoàn.

40 Koni choòn j isò'nde nga tjin yijo xi kj'eíi s'in tsejen, k'oáá ti choòn ngajmii nga tjin xi kj'eíi s'in tsejen. Mitsà ta ngàsón tsejen xi tjin ngajmii kò xi tjin isò'nde.

41 Jè ts'oi kj'eíi s'in tsejen, jè sá kj'eíi s'in tsejen, jña ni'ño kj'eíi s'in tsejen. K'a kj'eíi, k'a kj'eíi s'in tsejen nga jngod jngod skoya.

42 K'oáá tjs'in ma nga *kjoa*áya-*la* xita xi jye k'en. Jè yijo xi sihiijin, bits'on-né, tanga jè yijo xi *kjoa*áya-*la*, mì tì kii kíts'on-ne.

43 Sihijin-né xi nímé chí-*la*; jè xi *kjoa*áya-*la* jeya-né. Xi sihiijin, yijo indaa-né; xi *kjoa*áya-*la* tjin-*la* nga'ño.

44 Jè yijo xi sihiijin, taxki yijo-né, ts'e isò'nde-né. Yijo xi *kjoa*áya-*la*, yijo xitse-né, ts'éé Inima Tsejè-*la* Nainá. Tjin xi taxki yijo, tikoá tjin xi tsjá Inima Tsejè-*la* Nainá.

45 K'oaá s'ín tichja Xojon-la Nainá nga tsò: "Jè xita x'in tjòn xi ki'mi Adán, jngoò xi xita komà xi tsibijnakon." Tanga [jè Cristo], jngoò inima xi sikitsajnakon xita, nga jè j'ii ngajo-la Adán nga jyehet'aà-ne kjoa.

46 Tanga jè xi inima, mìtsà jè j'ii ítjòn; jè j'ii ítjòn xi taxki yijo ts'e isò'nde, jskaán j'ii xi inima.

47 Jè xita x'in xi tjòn, i it'aà nangui ts'e; ni'ndeé kisindaà-ne. Jè xita x'in xi ma-ne jò, ngajmii ts'e, yaá inchrobà-ne, [nga jè xi Na'en-ná].

48 Ngats'ii xita xi i isò'nde ts'e, k'oaá kjoàn yijo-la koni kji ts'e Adán nga ni'ndeé kisindaà-ne. Ngats'ii xi ngajmii kítsajna, k'oaá kjoàn koma yijo-la koni kji ts'e Cristo xi ngajmii inchrobà-ne.

49 I'ndeji, jñá, k'oaá kjoàn tsejèn yijo-ná koni kji xi ni'nde kisindaà-ne; nga komà iskan, k'oaá kjoàn kotsejèn yijo-ná koni kji xi ngajmii j'ii-ne.

50 Ndi 'ndsè, k'oaá xan-nò jè yijo-ná nga jni tjin-la mikii ma kjoahas'en-jiin ñánda tíhotixoma Nainá. Tjkoáá jè yijo-ná xi bi'ndoya mikii ok'in-la nga ya kjoahas'en-jiin ñánda tjin xi mikii bi'ndoya.

51 Kènojmi jngoò-nò kjoa'ma ts'e Nainá: Jñá xi xita-la Cristo 'mì-ná, mìtsà ngats'iaá nga kiyá, tanga ngats'ii-ná ta jngoò tjò kjoatjya-ná,

52 k'oaá ngaya-la koni k'e nga tsix'aá koa bíchjoa xkoaán, tik'eé-ne nga skindaya chrjo trompeta xi fehet'aà-ne. K'e nga kjoane chrjo trompeta, jñá mik'en kjoaáya-la, mì tì kii k'ndo-ne nita kjé-ne. Koa jñá kjoatjya-ná.

53 Jè yijo-ná nga biyaá ko nga bi'ndo, mochjeén-né nga tjoé jngoò-la yijo xi mì tì kii kiyá-ne ko mì tì kii k'ndo-ne nita kjé-ne.

54 K'e nga k'oaas'ín koma nga jè yijo-ná tjoé jngoò-la yijo xi mì tì kii kiyá-ne ko mì tì kii k'ndo-ne nita kjé-ne, k'eé kjasòn koni s'ín tichja Xojon-la Nainá nga tsò: "Jè kjoa xi síkijne jngoò k'aá síchija kjoabiyaá.

55 Ji xi kjoa biyaá 'mì-lè, ¿ñánda-ne nga kinikijni? ¿Ñánda tjna na'yá-lè xi ma-la sík'en xita?"

56 Jè na'yá xi tjin-la kjoa biyaá, jé kjoa ts'e jé. Ko jè nga'ño xi tjin-la jè kjoa ts'e jé, jé kjotixoma.

57 Ndaa chji-la Nainá nga jè tsjá-ná nga'ño xi it'aà ts'e Jesucristo xi otixoma-ná nga nikijne-lá kjoa biyaá ko kjoa ts'e jé.

58 Jñò ndi 'ndsè xi matsjake-nò, kixi tutsajna. Niyá xi siikjatjya-la kjohitsjeèn-nò. Kjit'aà nachrjein isa 'ño tixá-la Na'en-ná. Nga tjiin-nò nga jè xá xi 'nè xi ts'e Na'en-ná, mìtsà tà kjotjò.

16

Ton xi maxkót'aà-la jñá xita naxandá-la Cristo

1 Jè ton xi maxkót'aà-la xita naxandá-la Cristo, k'oaas'ín t'een koni s'ín kixan-la xita naxandá-la Nainá ján nangui Galacia.

2 Jñò, nga jngoò ljngoò, nga jiin jiin nachrjein k'e nga tahàngo, titjò chiba ton-nò koni s'ín machikon-t'ioòn, mé-ne nga mì k'e kíxkó-nò k'e nga 'an xi kijchoa.

3 K'e nga kijchokon-nò ya Corinto, sikasén ján Jerusalén xita xi jñò chaajjñòò. Tsjaà-la xojon carta nga kjiko jè ton xi maxkót'aà-nò.

4 Tsà mochjeén nga tjkoá 'an kjián, komaá kjiko-na jñá xita koi.

K'e nga kisikitsjeèn Pablo nga kjoj ján Corinto

5 Mejèn kjikon-nò k'e nga jye kjoáhaotoaá ján nangui Macedonia, nga k'oaá s'ín tjindaà-na nga ya kjoáhaotoaá mé-ne nga ikjoàn kijcho-na Corinto.

⁶ Tsà koma ya kótijnako chiba nachrjein-nò, kò tsà koií nachrjein-la nga ya kótijnako-nò skanda k'e nga kjoehet'aà nachrjein-la chon 'nchán, mé-ne jñò koma sichját'aà-ná k'e nga tsà ñánda kjián nga koma iskan.

⁷ Majìn-na nga tà jngoò tjo skotsejèn-nò; jè xi mejèn-na nga kjin nachrjein kótijnako-nò, tsà Nainá mejèn-la nga tsjá'nde-na.

⁸ Ií kótijna naḡandá Éfeso skanda nachrjein ts'e s'eí Pentecostés, [jè s'eí xi bitjo k'e nga jye bijchó icháte nachrjein nga bitjo s'eí Paxkò].

⁹ Ndaà títo'nde-na nga tìs'iaàn xá-la Nainá xi 'ñó ndaà túbitasòn, nas'ín 'ñó kjin ma-ne xitá xi kondra túsajna-na.

¹⁰ Tsà kjichòkon-nò jè Timoteo, chítsejèn-là nga tsja kàtas'e-la nga kijnako-nò nga mì yijo-la kinchaxkón-la, nga tikoḡ xá-la Nainá tìs'ín koni 'an.

¹¹ K'oaá ma-ne, kì nachrjenguiòè jñò, ta saá tichját'aà-là nga 'nchán kàtjanchrobákon-na; 'an, tíkoñaá-la kò xitá 'ndsee xi i'nga.

¹² 'An 'ñó tsibitsi'ba-la jè 'ndse Apolos, nga katahijtakò jñà xitá 'ndsee xi tjinè nga kjikon-nò, tanga majìn-la nga fi; k'eé-la kjoì k'e nga kò'a-la.

¹³ Ndaà títajnakon. 'Nó kixi títajnakoo jè 'én xi mokjeiín-nò. Kì yá xi tsakjoòn-là, kàtas'e-nò nga 'ñó.

¹⁴ Ngats'ii kjoḡ xi 'nè, koḡ kjoatjòcha-nò k'oa t'een.

¹⁵ Jñò ndí 'ndsee kò tichjaá, jyeé tíjiín-nò nga jñà xitá ni'ya-la Estéfanos, jñà kòkjeiín ítjòn-la 'én-la Cristo ya nangui Acaya. Jñà xitá koi, k'oaá s'ín bínè-la yijo-la nga jñà xitá naḡandá-la Cristo sìchját'aà-la.

¹⁶ Ndí 'ndsè, bìtsi'bà-nò nga tìná'yañijon-là xitá xi k'oa's'ín síxá koni jñà xitá koi, kò ngats'ii xitá xi mìkìl bijta-la nga síxá-la Nainá.

¹⁷ Matsja-na nga j'ikón-na Estéfanos, Fortunato kò Acaico [nga jñò kinikasén], nga jñà j'ii síkitasòn xi jñò mìkìl komà kinitasòn nga inchrobàchon-ná.

¹⁸ Jñà j'ii síje ikón-na kò tsajòn. K'oaá ma-ne jchaxkón jñà xitá xi k'oa's'ín s'ín koni jñà xitá koi.

Pablo síhixat'aà naḡandá-la Cristo

¹⁹ Jñà naḡandá-la Cristo xi títajna nangui Asia síhixat'aà-nò. Jè Aquila kò Priscila kò xitá naḡandá-la Cristo xi bixoña ya ni'ya-la, it'aà ts'e Nà'èn-ná ndaà síhixat'aà-nò.

²⁰ Ngats'ii xitá 'ndsee, síhixat'aà-nò. Jñò tíixat'aà nga jngoò òjngoò xitá xinguiòo nga kò inìma-nò.

²¹ 'An, xi Pablo 'mì-na, tìsìhixat'aà-nò nga kò ndsaḡ tìkjiín-nò xojoñ jè.

²² Tsà tjin xitá xi mìkìl matsjakeè Jesucristo xi otíxoma-ná, jè xitá neíj kàtjikò. Na'èn, jì nìton nchroboí.

²³ Jè kàtijnako-nò kjondaà-la Jesucristo xi otíxoma-ná.

²⁴ Kjit'aà nachrjein kàtas'e-nò kjoatjòcha-na nga jè Cristo Jesús títajna kooá. K'oaá s'ín kàtama.

Xojon carta-la San Pablo xi ma-ne jò xi kiskii-la xita naxandá-la Cristo xi títsajna Corinto

Kó tsò Pablo nga síhixat'aà jñà xita naxandá-la Cristo xi títsajna Corinto

¹ 'An, Pablo, tiskasén-nò xojon jè, nga k'oaá s'ín kjòmejèn-la Nainá nga 'an tsibixáya-na Cristo Jesús. 'An, ko 'ndsè Timoteo titsanikasén-nòjen xojon jè. Titsanìhixot'aà-nòjen jñò xi xita naxandá-la Nainá 'mì-nò xi titsajnaa ya naxandá Corinto, ko ngats'iì xita tsjeè-la Cristo xi títsajna kóhokji nangui Acaya.

² Nainá xi Na'èn-ná, ko jè Jesucristo xi otíxoma-ná kátatsjá-nò kjondaà ko kjoa'nchán ya jjiin inima-nò.

Kó tsò Pablo nga tsjá-la kjondaà Nainá

³ Ndaà kátayaxkón Nainá xi Na'èn-la ma Jesucristo xi otíxoma-ná. Jè Nainá xi Na'èn-ná ma, tse kjohimatakón tjín-la ít'aà tsaján. Ko jè, kjit'aà nachrjein síje takoán.

⁴ K'e nga mé kjo'in titsajnajñaá, jè Na'èn-ná sjetakón-ná mé-ne jñà, k'oaá tí'sín sjetakoán xinguiáá xi tikoá kjo'in títsajnajjiin koni s'ín kisjetakón-ná Nainá.

⁵ Koni tjín kjo'in xi tse níkjiaán xi kjoa ts'e Cristo, k'oaá tí'sín tse kjojetakón sakó-ná ít'aà ts'e Cristo.

⁶ Ngajen, tsá kjo'in titsanìkjeiín-jen, kjondaà tsajòn-nò nga s'e-nò kjojetakón, koa kítjokajñoó kjo'in. Tsá Nainá síjetakón-najen, jè-né nga tikoá jñò s'e-nò kjojetakón, koa kichikjoa ko-nò kjo'in xi jin titsanìkjeiín-jen.

⁷ Tjín kixí kjoa xi chiñà-lajen ít'aà tsajòn. Tíjiin-najen, koni s'ín tíhokot'aà-nò kjo'in xi titsanìkjeiín-jen, k'oa tí'sín okot'aà-nò kjojetakón xi tjín-najen.

⁸ Jñò 'ndsè ko tichjaá, mejèn-najen nga kátasjiin-nò kjo'in xi kis'e-najen ján nangui Asia. Tse jchán kjo'in kinikjeiín-jen. Jyeé mì tì kii kichikjoako-nájen skanda mì tì kii bixón-najen tsá kítajnakon isa-jen.

⁹ K'oaá s'ín komà-najen nga jyeé-la tjínè-la nga kiyá-jen. K'oaá s'ín komàt'in-jen mé-ne nga isa ndaà kjót'aà takón-najen Nainá xi ma-la síkjaáya-la mik'en, nga mì tà yijo-najen kjót'aà takón-jen.

¹⁰ Nga jyeé kjomeè k'en-jen, tanga Nainá tsasiko-najen nga kisikatojiin-najen kjo'in ko táko síikatojiin-isa-najen kjo'in. Ko k'oaá s'ín kjit'aà takón-jen nga jè síikatojiin isa-najen nita mé kjoa-ne.

¹¹ Jñò, mochjeén-né nga síchjat'aà-najen nga kinókjogat'aà-la Nainá ít'aà tsajen mé-ne nga isa kjin koma-ne xita xi kichjat'aà-la Nainá, tikoáá kjin koma xita xi tsjá-la kjondaà Nainá koni s'ín machikon-t'in-jen.

Mé-ne mikii kii-ne Pablo ján Corinto

¹² Tjín jngoó kjoa nga ndaà níkjajna-jen yijo-najen. K'oaá s'ín beè-lajen takón-jen nga ít'aà ts'e Nainá nchrobá-ne nga tsjeè ko kixí tihonguiko-jen yijo-najen j isò'nde, ko jè tjina ítjòn ít'aà tsajòn. Mítsá kjoachjine-la xi taxkí xita nga ko'nè-jen, kjondaà-la Nainá-né.

¹³ Mitsà k'jeíi kjoa nga titsachjiì-nòjen, ta jè-né nga kíkèjñòò kò kjoas'en-jiì-nò koni tsò 'én xi tjit'aà xojon jè. K'oaá s'ín majngoò takoàn nga ngui ndaà kjiya-nò

¹⁴ koni s'ín jye kjòchiya chiba-nò nga tsja kàtama-nò it'aà tsajen kò nga tikoá tsjaá koma-najen it'aà tsajòn k'e nga kjoíi ìjngoò k'a Jesucristo xi otíxoma-ná.

¹⁵ 'An, jyeé ndaà tìjngoò takoàn it'aà ts'e kjoa koi, k'oaá ma-ne nga k'oas'ín kiskoòsòn-là nga jò k'a kjiìkon-nò mé-ne jñò, jò kjòndaà sakò-nò. [Tànga mì k'oaá s'ín tsitasòn.]

¹⁶ K'oaá s'ín kisikítsjeèn, k'e nga kiaà nangui Macedonia nga ya jahato ítjòn-nò. Tjìn-nè nga kjoahato ìjngoò k'a-nò k'e nga kjìnchrobà-na mé-ne jñò koma sìchjít'aà-ná nga kjián nangui Judea.

¹⁷ K'e nga k'oas'ín kiskoòsòn-là, ¿a k'oaá s'ín kiníkítsjeèn nga 'an, tsìskákò-nò? Majìn, nga mì k'oaá s'ín s'iaàn koni s'ín xi taxkì xita isò'nde. Mitsà ítjòn xan-nò: “Koma-né”, kò tik'e-ne ìjngoò k'a xan-nò: “Mikiì koma.”

¹⁸ Tibeè Nainá; 'én kixíi xi kixan-nò, ngajèn, mì k'oaá s'ín nokjoà-jèn nga bixón-jèn: “Jon, koma-né”, kò “Mikiì koma.”

¹⁹ Timoteo, Silvano kò 'an, k'oaá s'ín nokjoàyajì-nòjen it'aà ts'e 'én-là Jesucristo xi ki'ndí-là Nainá. Tsjin-là 'én xi tsò jon kò majìn. Nainá jngoò k'a síkitasòn it'aà ts'e Cristo nga tsò: “Jon, koma-né.”

²⁰ Ngats'ii 'én xi chja Nainá koni s'ín tsjá tso'ba, it'aà ts'e Cristo bitasòn yije-né. Nga jè Cristo xi tsò “koma-né”. Kò it'aà ts'e Cristo, jñá bixón-ná: “K'oas'ín kàtama”, mé-ne jeya kjiina-ne Nainá.

²¹ Jè Nainá, xi síkixiyandaà-ná nga jè titsajna k'oá Cristo [xi xó jaàjiì-nè Nainá], tikoáá jñá xó jaàjiì-ná Nainá.

²² Kò tije-ne Nainá xi tsibít'aà chiba-ná koni jngoò sello; kisikijnajì inima-ná jè Inima Tsjeè-là xi tjoé ítjòn-ná nga kixi kjoa nga tikoá tjoé yije-ná kjondaà xi tjindaà-là nga tsjá-ná.

²³ Tikotsejèn Nainá, jè tibeè inima-na, mé-ne k'jeè kii fi-na Corinto koni s'ín tjiì-nà; koií kjoa-là, majìn-na nga 'on koma-là inima-nò nga 'én ts'èn kichjàkò-nò.

²⁴ Ngajèn, majìn-nòjen nga ngajèn, kjo'ño kotixoma-nòjen it'aà ts'e 'én xi mokjeiì-nò. Ta saá nichjít'aà-nòjen mé-ne nga s'e-nò kjòtsja nga kixi titsajnaà koni s'ín mokjeiì-nò.

2

¹ K'oaá ma-ne nga k'oas'ín kiskoòsòn-là nga mì tì kii kiìkon-nò. Majìn-na nga ba kítsajnaà.

² Tanga tsà 'an, ba síkítsajna-nò, nga koma ìskan, mì tì yá tjín-ne xi sìtsjako-na, nga jñò, jyeé ba titsajnaà.

³ Koií xá jye kiskii jngoò-nò xojon, mé-ne k'e nga kijchokon ìjngoò k'a-nò nga mì ba síkijna-ná nga mochjeèn-né nga jñò sìtsjako-ná. Nga k'oaá s'ín tìjngoò takoàn, 'an, matsja-na tikoá jñò, matsjaá-nò.

⁴ K'e nga k'oas'ín kiskii-nò, ndaà jchán kokájno-là inima-na, baá kis'e-na skanda ndáxkoààn tsibíxteèn. Tanga 'an mitsà koi xá kiskii-nò nga kàtaba-nò. Jè-né nga jchaa nga 'ño matsjake-nò.

Kò kitsò 'én xi kichja Pablo it'aà ts'e xita xi tsohótsji jé

⁵ Jè xita xi tsohótsji jé, mitsà ta 'an xi ba kisikijna-na, mejèn tsà ba kisikítsajna ngats'ii xita naxandá-là Cristo. Tà k'oaá xan-nò nga mì koto chiba-là koni s'ín tixan-nò.

⁶ Nga kɔjɛn ma-nò xi tsibìnè-là kɔjɛn jè xɪtə jè; jyeé ndaà tɔjɛn, ta koma-ne.

⁷ I'ndeɪ, jè xi s'een nga sijchàat'aà-là jé-la; sijetakòn xɪtə jè, mé-ne nga mi kɔjəba kɪyájɪɪn-ne.

⁸ K'oaá ma-ne nga bitsi'ba-nò nga ndaà jchìbàya-nò nga ìjngòò k'a tɪtsjacha xɪtə jè.

⁹ Tɪkoə koií xá kiskìl-nò ìt'aà ts'e kjoə koi, mejèn-na skot'aà-nò, a kixí kjoə nga ma-nò níkitasòn yije.

¹⁰ Jè xɪtə xi jñò nìjchàat'aà-là jé-la, tɪkoəá 'an sɪjchàat'aà-là. Tsà mochjeén-né nga 'an sɪjchàat'aà-là xɪtə jè, 'an jyeé kisìjchàat'aà-là xi kɔjəndaà tsajòn kɔ tìbeé Cristo.

¹¹ Mé-ne jè xɪtə neí miki koma jè sɪkijne-ná, nga jyeé ndaà 'yaá kjoəmañə-là kós'ín síxá.

Kó komà-lə Pablo nga mikì kisatùkjoò Tito ján Troas

¹² K'e nga ijchoa ján naxandá Troas, nga kichjaya 'én ndaà-lə Nainá xi kjoə ts'e Cristo, it'aà ts'e Na'èn-ná kitáx'a'nde-na nga kisíxákoəá 'én ndaà-lə Nainá.

¹³ Tanga mikì ndaà kis'e-lə inìmə-nə nga mikì kiskaàjñáà jè 'ndsé Tito. K'oaá komà-ne kisíkítsajna jñà xɪtə xi yə ì'nde-lə, ìkjoàn kiaà ján nangui Macedonia.

Mé kjoə-ne nga jè Pablo tsjá-lə kɔjəndaà Nainá

¹⁴ Ndaà chjí-lə Nainá nga ìt'aà ts'e Cristo fìkə-najen k'e nga okó-lajen jñà xɪtə isò'nde nga jye kiskijne. It'aà tsajen k'oaá s'ín obísòn kɔjohìtsjeèn-lə Nainá xi kòs'ín ngaya-lə koni jngòò jtə-lə tsojmì xi 'ñò ndaà jne, mé-ne nga skoə-ne jñà xɪtə nìtə ñánda-ne nga tìtsajna.

¹⁵ It'aà tsajen k'oaá s'ín ngaya-lə koni nì'ndi-lə chrjongó-lə Nainá, k'e nga jè Cristo tsját'aà-lə Nainá. K'oaá s'ín bijchókajìl-lə jñà xɪtə xi bitjokàjìl kɔj'ín kɔ xɪtə xi chija.

¹⁶ It'aà ts'e jñà xɪtə xi chija, [k'e nga beè-najen nga bènjmíya-jen 'én-lə Nainá], k'oaá s'ín ch'o jne-lə koni jngòò jtə xi sík'en-ná. Tanga jñà xɪtə xi bitjokàjìl kɔj'ín, k'oaá s'ín ndaà jne-lə koni jngòò jtə xi síkìjnakon-ná. It'aà ts'e xá koi, nìjngòò xɪtə chíkjoə-lə nga síkitasòn xi ta kɔjohìtsjeèn ts'e.

¹⁷ Ngajen, mikì k'oaá s'ín 'nè-jen koni s'ín xɪtə xi k'ejí xi chjaya 'én-lə Nainá nga tòn síkijne. Ngajen, 'én kixí nokjoà-jen. Nainá tìbeè-ne nga jè kisikasén-najen kɔ nga'ñò ts'e Cristo-né nga nokjoàya-jen, nga jè Cristo tìtsajnakə-jen.

3

Xá-lə Nainá xi kjoə xɪtsə

¹ K'e nga k'oaá mì-nòjen kjoə koi, ¿a bits'ia ìjngòò k'a-jen nga ndaà níkítsajna-jen yijo-najen? Jñò, ¿a k'oaá s'ín níkìtsjeèn nga mikì tɔj'nde-na nga ma síxá tsà tsjɛn-na xojòn xi jñò k'oj-ná, o xi k'ejí xɪtə tsjá-na koni s'ín síjé xɪtə xi k'ejí?

² Majɪn, jñò sobà-nò xi xojòn-najen ma xi tɔjɪl jɪɪl inìmə-najen. Ngats'ì xɪtə beè-né koə bíxkejìl-né.

³ K'oaá s'ín ndaà 'ya-jen nga jñò-nò xi koni xojòn-lə Cristo xi it'aà tsajen kitjei. Jngòò xojòn carta xi mìtsà tinta kitjei-ne; koó Inìmə Tsjeè-lə Nainá xi tɔjɪnakon kitjei-ne; mìtsà ndajo kitjeit'aà; yaá kitjeit'aà yijo inìmə-lə xɪtə.

⁴ Kjoə koi, k'oaá s'ín makixiya nga ìt'aà ts'e Cristo mokjeiɪl-najen ìt'aà ts'e Nainá.

⁵ Xi ta nga'ño tsajen tsjìn-najen kjohtësjeèn mé xi s'en-jen. Tanga jè Nainá tsjá-najen kjohtësjeèn k'e nga mé xi 'nè-jen.

⁶ Jè Nainá tsjá-najen kjohtësjeèn nga chi'nda-la ma-jen mé-ne nga koma kinókoaya-najen it'aà ts'e kjondaà xitse xi Nainá tsibíndaajìn-ko jña xita. Mítsà kjoa ts'e kjohtëxoma xi xojon tjit'aà, ts'eé Inima Tsjeè-la Nainá. Jè kjoa xi ts'e kjohtëxoma sík'en-ná nga nguixkon Nainá, tanga jè Inima Tsjeè-la Nainá síkijnakon-ná.

⁷ Jè kjohtëxoma xi kitjoé-la Moisés xi ndajo kitjeit'aà, kjoa biyaà j'íiko. Tanga k'e nga sa kitjoé ítjòn-la kjohtëxoma jè, k'oaá s'in ki'ya-la kjoa jeya-la Nainá. Jè Moisés, k'e nga j'ii-ne nga kii mijìn-jno nindoò, jña xita Israel mikii komà kiskoò'an Moisés nga 'ño ote ni'in kji isén-la; tanga xi komà iskan, chaán kichijà xi ote kji isén-la. Tsà k'oaá s'in kis'e-la kjoajeya, jè kjoa xi tjinè-la nga chija,

⁸ isa jeya tjin kjondaà xitse xi tsjá-ná Nainá k'e nga tsjá-ná Inima Tsjeè-la.

⁹ Nga jeya j'ii jè kjohtëxoma xi kjoa biyaà tsibínè-ná, isaá 'ño jeya kítasòn 'én xi nokjoàya-jen nga xita kixi síkítsajna-ná Nainá.

¹⁰ Nas'in 'ño kis'e-la kjoa jeya jè kjohtëxoma xi jye tsato, tanga mikii mangàsòn-ko jè kjoajeya xi tjin-la kjondaà xitse; isaá 'ño jeya tjna.

¹¹ Tsà jè kjoa xi tíchjangui kis'e-la kjoa jeya, isaá jeya tjin kjoa xitse xi mì tí chija-ne nita kjé-ne.

¹² Nga tijngoò takòn-jen nga titsachiñá-lajen kjoa koi, k'oaá ma-ne nga mikii masobà-najen nga nokjoà-jen.

¹³ Mítsà k'oas'in 'nè-jen koni kis'iin Moisés nga nikje tsibíjtsa isén-la, mé-ne nga jña xita Israel mikii komà kiskoò'an-ne nga jye tíchjangui xi ote kji isén-la.

¹⁴ Tanga jña xita Israel kjótájaajìn kjohtësjeèn-la. Skanda nachrjein i'ndeí, k'e nga bíkxejìn Xojon-la Nainá xi tjit'aà kjoa jchínga xi tsibíndaajìn-ko xita, táko k'oaá s'in ma-la koni tsà nikje xoba kijtsa kjohtësjeèn-la. Ta jngoò it'aà ts'e Cristo koma tjáxin nikje jè.

¹⁵ Skanda nachrjein i'ndeí, jña xita Israel, k'e nga bíkxejìn xojon xi kiskii Moisés, táko k'oaá s'in ma-la koni tsà nikje xoba tjttsa'ma kjohtësjeèn-la.

¹⁶ Tanga k'e nga jngoò xita síkjahtjya-la kjohtësjeèn-la nga fit'aà-la Na'èn-ná xi otixoma-ná, tjáxin-la nikje xoba xi tjttsa'ma kjohtësjeèn-la.

¹⁷ Nga jè Na'èn-ná, jè sobà-né xi Inima Tsjeè-la Nainá. Ya ñánda tjna Inima-la Na'èn-ná, jña xita títsajnandeíj-né kjoa ts'e kjohtëxoma.

¹⁸ Ngats'iaá jña mì tí nikje xoba tjttsa'ma-ne kjohtësjeèn-ná. It'aà tsajan k'oaá s'in ngaya-la koni jngoò chítín xi ma chítsejèn-yá xi okó kjoa jeya-la Na'èn-ná. Kjit'aà nachrjein isa jeya tíhotsejèn koni kji Na'èn-ná nga jè Inima Tsjeè-la tísíkatjya-ná.

4

Kó s'in shiseèn-ná jè 'én ndaà-la Nainá xi kjoa ts'e Cristo

¹ Koií kjoa-la ngajen, mikii mahindaà inima-najen nga jè Na'èn-ná kjòhímakèè-najen nga xá ts'e kisingatsja-najen.

² Jyeé kichjaàxin-jen jña kjoa ch'o xi tji'ma, xi sísobà-najen; mikii chonachan-jen, ñi mikii níkatjya-lajen 'én-la Nainá. Ngui 'én kixi bènójmí-jen, mejèn-najen nga nguixkon Nainá ngats'ii xita kateèxkon kjohtësjeèn-najen kós'in 'nè-jen.

3 Jè 'én ndaà-là Nainá xi kjoa ts'e Cristo xi nokjoàya-jen, jñà xita xi ya tíchijajin kjoa ts'e jé-la, ta jñà-né xi títjsa'ma kjohitsjeèn-là nga mìkiì fíya-là.

4 Jè xita neíi xi tíhotíxoma-là isò'nde nachrjein i'ndeí, xi kos'in tíjna koni tsà nainá, jé bíchjoà xkon jñà xita xi mìkiì mokjeíin-là it'aà ts'e Cristo; nga jè bíjñò kjohitsjeèn-là, mé-ne nga mìkiì skoe-ne kjoahiseèn-là 'én ndaà-là Nainá xi kjoa ts'e Cristo xi 'nò jeya tíjna, nga jè Cristo xi okó kó kji xi ngui jè sobà Nainá.

5 Ngajen, mìtsà tà it'aà tsajen nokjoà-jen k'e nga bènójmíya-jen 'én-là Nainá; it'aà ts'eé Jesucristo nokjoà-jen nga jè xi otíxoma-ná. Ngajen, tà chí'ndaá ma-jen nga ngajen nixá-nòjen, koií-né nga matsjacha-jen Jesús.

6 Nainá, jè xi kitsò nga jè ni'in kátasíhiseèn i'nde ñánda jñò choòn, tíjè-né xi kisihiseèn jíjin iníma-najen, mé-ne jñà xita xi kj'eíi kohiseèn-là nga skoexkon kjoa jeya-là Nainá koni s'in 'ya-là ts'e Cristo.

Mé-ne tíjngòò-ne takoán nas'in kjo'in titsaníkjaán

7 Kjongdaá jè xi 'nò tse chí-la, yaá tíjin yijo-najen. Tanga yijo-najen k'oaá s'in ngaya-là koni tíji ni'nde. Jè Nainá k'oaá s'in kis'iin mé-ne nga 'ya-là nga jè nga'no xi 'nò ndaa tísxájin yijo-najen, it'aà ts'e Nainá nchrobá-ne; mìtsà it'aà tsajen nchrobá-ne.

8 'Nò kjin ma-ne kjoa xi tíjn-najen, tanga maá kítkòkájìn-jen. Tjín kjoa xi makájno-najen, tanga mìkiì mahindaá-jen.

9 Fítjngui kondraá-najen xita, tanga Nainá mìkiì tsejìn takòn-najen; jñà xita beètòòn-najen, tanga mìkiì chíkjoa-là nga síkjesòòn-najen.

10 Nita ñánda-ne nga ongui-jen, kjit'aà nachrjein mejèn-là síik'en-najen xita koni s'in komàt'in Jesús; tanga jè Nainá, jè xi mejèn-là nga it'aà tsajen kàta'ya-là nga jè Jesús xi tískíjnakon-najen.

11 Ngajen xi titsajnakon-jen, kjit'aà nachrjein tíjnat'aà chraña-najen kjoabiyáa xi jè ngatji-là Jesús, mé-ne jè yijo-najen xi ma biyáa jchà-là kjoabinachon ts'e Jesús.

12 Ngajen, kjo'iin titsaníkjeíin-jen skanda mejèn-là xita síik'en-najen, tanga jñò kjoabinachon tísakó-nò.

13 K'oaá s'in tíchja Xojon-là Nainá nga tsò: "Mokjeíin-na k'oaá ma-ne nga kichjà." Ngajen, k'oaá tí's'in tíjn iníma-najen it'aà ts'e 'én xi mokjeíin-najen, k'oaá ma-ne nga nokjoá-jen.

14 Jè Nainá xi kisíkjaáya-là Na'èn-ná Jesús it'aà ts'e kjoabiyáa, 'ya-nájen nga tíkooá kíjchò nachrjein nga síikjaáya-najen koni s'in jaáya-là Jesús. Ikjoàn ngats'iaá kíjko-ná ya nguixkon Nainá.

15 Ngats'ii kjoa koi, kjondaá tsajòn-nò, mé-ne isa kjin koma-ne xita xi tjoé-là kjondaá-là Nainá, nga tíkooá isa jeya kíjna Nainá nga kjin ma xita xi tsjá-là kjondaá.

16 K'oaá ma-ne mìkiì mahindaá iníma-najen; kixíi kjoa yijo-najen tífhengui-né; tanga Nainá, nachrjein nchijòn tísíxítseya iníma-najen.

17 Jè kjo'in xi níkjeíin-jen i isò'nde, tà chíbaá tíjn. Tà jngòò tjò oto. Tanga yaá sakó-najen kjondaá xi isa jeya tíjn xi mìkiì fehet'aà nita kjé-ne.

18 Nga mìtsà jñà chísejèn-lajen kjoa xi tíjn isò'nde xi tsejèn, jñà chísejèn-lajen xi mìkiì tsejèn xi ts'e Nainá. Kjoa xi tíma i isò'nde, kjoehet'aà-né, tanga jñà kjoa xi mìkiì tsejèn, mìkiì kjoehet'aà nita kjé-ne.

5

Ni'ya xi tíjndaá-là Nainá ján ngajmii

1 Yijo-ná k'oaá s'ín ngaya-la koni ni'ya xi tjin j it'aà nangui xi chiba nachrjein ma-la nga bixòña. Tsá kixòña ni'ya jè, Nainá tjin daa jngoò-la ni'ya jan ngajmii, xi tjin na tja kjé-ne, nga mitsá tsja xita kisinda-ne.

2 K'oaá ma-ne nga imaá fahatse-la inima-ná j isò'nde nga jè xi mejèn-ná nga nton kitsajnyaa ni'ya-ná jan ngajmii.

3 Nas'ín sijná yijo-ná xi tsjach'á j'ndeji, Nainá tsjá jngoò-ná xi yijo xitse. Jè inima-ná mitsá chija, yijo xitseé koma.

4 K'e nga tákó tijnakon yijo-ná koni jngoò ni'ya xi ma bixòña, imaá fahatse-ná, maba-ná, mikii tsò takoán nga nikijna ni'ya-ná. Majin-ná nga tjaxin-ná ni'ya jè, jè xi mejèn-ná nga kàtaxitseyá yijo-ná mé-ne nga yijo-ná xi ma biyaa jngoò k'aa jchija nga jè kjoabinachon sikijne-la.

5 Jè Nainá xi xó k'oas'ín tsibinda-ne kò kitsjaa-ná Inima Tsjeè-la mé-ne tjikixi-ne kjoa nga iskan tsjá yije-ná koni s'ín kitsjaa tso'ba.

6 Kjit'aa nachrjein k'oas'ín tijnngoò takoán it'aà ts'e Nainá kò k'oaá s'ín tjin-ná, k'e nga tákó tijnakon yijo-ná j it'aà nangui koni jngoò ni'ya nda titaajnaa, kjiin titaajna-lá ni'ya-la Na'en-ná jan ngajmii.

7 K'oaá s'ín titaajnaa yijo-ná koni s'ín mokjeiin-ná it'aà ts'e Nainá, mi k'oaá s'ín mochjeen nga kos'ín sijchá yijo-ná koni s'ín beé xkoaán.

8 Tijnngoò takoán it'aà ts'e Nainá, isaá-la ndaá tjin tsá sikijnaa yijo-ná, mé-ne nga jan kitsajnaoaa Na'en-ná ngajmii.

9 Koi kjoa-la nga ndaá sikitasaán koni s'ín sasén-la Na'en-ná, a j titaajnaa it'aà nangui a xi jan titaajnaa jan ngajmii.

10 Mochjeen-ne nga ngats'iaá kijchoaa nguixkon ndaá tihotixoma Cristo nga k'oi-lá kindá nga jngoò jngoaa; tjoé-ná chji-ná mé kjoa xi ki'né nga titaajnaa isò'nde, a ndaá ki'né, o xi ch'o ki'né.

'Én xi tsjá kjoa'nchán it'aà ts'e Nainá

11 Nga yaxkón-jen Nainá koni s'ín ok'in-la, k'oaá ma-ne bènojmí-lajen xita xi kj'eji, mé-ne kokjeiin-la it'aà ts'e Cristo. Nga nguixkon Nainá ndaá beéxkon-najen nga ndaá 'nè-jen, 'an k'oaá tjs'ín mejèn-na nga tikoá jñò jyeé ndaá yaxkon-nájen.

12 Mitsá 'mì-nòjen nga tjin ndaá nikitsajna-nájen yijo-nájen tanga jè xi mejèn-nájen nga tsja kátama-nò it'aà tsajen, mé-ne koma kinókjoa-lá jña xita xi tijná ndaá sikitsajna-ne yijo-la koni s'ín tsejèn-la, tanga jè inima-la mikii ndaá síkindá.

13 Tsá ská-nájen, koi-né nga Nainá nixá-lajen, tsá ndaá tjin kjohitsjeen-nájen, kjondaá tsajòn-nò nga jñò nixá-nòjen.

14 Jè kjoatjòcha-la Cristo jè kitsobá'nó-nájen nga ma fikó-nájen koni s'ín mejèn-la, k'oaá tjin kjohitsjeen xi kjochiya-nájen nga jngoò xita k'en ngajo-la ngats'ii xita xi tjin isò'nde, k'oaá komà-ne nga ngats'ii xita k'en.

15 Jè Cristo k'en ngajo-la ngats'ii xita xi tjin isò'nde, mé-ne jña xita xi titaajnakon mi tji k'oaá s'ín sijchá-ne yijo-la koni s'ín mejèn-la yijo-la. K'oaá s'ín sijchá yijo-la koni s'ín mejèn-la Cristo nga jè k'en ngajo-la kò jaáya-la it'aà ts'e kjoabiyaá.

16 J'ndeji mi tji k'oas'ín nikitsjeen-nájen it'aà ts'e xita xi kj'eji kós'ín tsejèn, kó kjoàn, koni s'ín s'ín jña xita isò'nde. K'e nga sa itjòn k'oaá s'ín kinikitsjeen-jen, jè Cristo, tsá taxki xita isò'nde-nè. Tanga j'ndeji mi tji k'oaá s'ín nikitsjeen-nájen.

¹⁷ Jngoò x̄ita, k'e nga Cristo t̄jnakò, x̄ita x̄itse-né it'aà ts'e Nainá. Jè kjoa jchínga jyeé tsato, jyeé kjòx̄itseyá yije.

¹⁸ Ngats'iì kjoa koi it'aà ts'e Nainá nchrobá-ne, nga it'aà ts'e Cristo kichibàndaà-ná kò Nainá. Kò jè Nainá kitsjaà-najen xá nga koma kénøjmi-jen kós'in kjoóndaà-ne x̄ita kò Nainá.

¹⁹ It'aà ts'e Cristo kisixá Nainá nga kisikjoóndaà-ne x̄ita isò'nde. Mì t̄i kii kindá kis'iin-ne jé-la j̄ñá x̄ita. Kò kitsjaà-najen xá nga bənojmi-jen kós'in ma nga chibàndaà-ná kò Nainá.

²⁰ K'oaá ma-ne ngajen síkasén-najen Cristo nga nokjoà ngajo-lajen. K'oaá ngaya-la koni tsà jè Nainá t̄ibísi'ba-nò. It'aà ts'e Cristo bitsi'bà-nòjen: jch̄ibàndaàkò-nò Nainá.

²¹ Cristo, mìtsà jè tsohòtsji; t̄anga xi kjondaà tsaján, Nainá, jè tsohónè yije-la ngats'iì jé xi t̄jín isò'nde, mé-ne it'aà ts'e Cristo, x̄ita kixi komaá nga jè Nainá s̄ikixiya-ná.

6

¹ Ngajen, xi Nainá nìxát'aà-lajen, bítsi'ba-nòjen, kjondaà xi tsjá-nò Nainá, ndaa t̄ikjeén.

² Nga jè Nainá, k'oaá tsò:

Ki'nchrè-lè k'e nga ndaa ch̄iba-la kjòchjeén-lè kjondaà-na, tsohósikò-lè, jè nachrjein k'e nga tíchiñá-la nga kitjójin kjo'in.

I'nde, j̄ñò, ndaa t̄iná'yaà. Jyeé ijchò nachrjein ts'e kjondaà-la Nainá nga kitjokáñòò kjo'in.

³ Nímé kjoa xi ch'o 'nè-jen xi síkits'ón-j̄in-la x̄ita xi k'ejí, mé-ne jè xá-la Nainá xi j̄in t̄itsa'nè-jen mì yá xi ch'o kichjajno-la.

⁴ Nita mé kjoa xi 'nè-jen, ndaa onguíkò-jen yijo-najen mé-ne j̄ñá x̄ita skoe-ne nga ch̄i'nda-la Nainá 'mì-najen, nga 'ñó t̄jín-najen kjoatsetakòn, 'ñó ndaa chikjoakò-najen kjoa ts'e kjo'in, kò t̄ichijat'aà-najen mé tsojmi xi kochjeén-najen, kò ch̄já t̄ima-najen kjoa xi t̄ihotoj̄in-jen,

⁵ nga t̄isat'é-najen, nga ndayá t̄inikjas'en-najen, nga ngajen binchaàtsji-lajen kjoasiì naxandá, nga 'ñó nìxá-jen, kò mìkii tsafé-jen, skanda bitsajna kjinchrá-najen.

⁶ Tanga ngui tsjeé titsanijchá-jen yijo-najen; ndaa machiya-najen nita mé kjoa-ne; t̄jín-najen kjoatsetakòn kò kjondaà it'aà ts'e x̄ita; kò jè Inima Tsjeè-la Nainá t̄isixájin inima-najen; kò ngui kòò inima-najen nga t̄jín-najen kjoatjòcha.

⁷ Bənojmi-jen 'én xi kixi t̄jín. T̄jín-najen nga 'ñó-la Nainá. J̄ñá kjoa kixi xi 'nè-jen, k'oaá ngaya-la koni j̄ñá kichá xi kò ngaskón kò kixi mochjeén.

⁸ T̄jín x̄ita xi beèxkón-najen, t̄ikoa t̄jín xi mìkii beèxkón-najen. Sakoá ndaa ch̄ja it'aà tsajen, sakoá majin. T̄jín i'nga xi x̄ita ndiso tsò-najen tanga ngajen 'én kixi nokjoá-jen.

⁹ T̄jín i'nga xi k'oas'in síkò-najen koni tsà mìkii beèxkon-najen, t̄anga t̄jín xi beèxkon-najen. K'oaá s'in beèhikon-najen koni tsà jyeé k'en-jen, tanga titsajnakon-najen. Tsja-najen kjo'in j̄ñá x̄ita tanga mìkii biyaa-jen.

¹⁰ K'oaá s'in ko'an-najen koni tsà ba t̄jín-najen, tanga ngajen tsja t̄jín-najen. Tsò-najen nga x̄ita ima-né, tanga it'aà tsajen, kjin jchán x̄ita t̄isakó-la kjondaà ts'e inima-la. Nímé xi t̄jín-najen, tanga nguixkon Nainá, t̄jín yijeé-najen nita mé-ne.

11 Jñò 'ndseé xi Corinto tsajòn, jyeé kinokjoà kixi-nòjen; nguì kòò inìma-najen matsjacha-nòjen.

12 Ngajen, mìtsà bixkon-nòjen kó tsò kjohítsjeèn-là inìma-najen, jñò-nó xi bixkoòn kó tsò kjohítsjeèn-là inìma-nò.

13 K'oaá s'ín chjà-nò koni tsà ìxti-na xan-nò, jñò, k'oaá tìs'ín t'een koni s'ín 'nè-jen, nga kò inìma-nò tìtsjacha-nàjen.

Tìnchat'aàxin-là kjoa ts'e jé

14 Jñò, xi mokjeiin-nò it'aà ts'e Cristo, kì jñà xità xi mìkì mokjeiin-là nìngàsòn-kò kjohítsjeèn-nò. ¿A komaá kóngàsòn-kò jngoo xità xi tjin-là okixi kò jngoo xi tsjin-là okixi-là Nainá? ¿A komaá ya kìtsajnajñaá nànda jñò choòn nga tjin kjoa iseèn?

15 ¿A komaá ndaà kjikò xíkjin, jè Cristo kò xità nejí? Tìkooá mìkì koma ndaà kjikò xíkjin jngoo xità xi mokjeiin-là it'aà ts'e Cristo kò jngoo xi mìkì mokjeiin-là.

16 Mìkì koma ya sijnaya ni'ya ingo-là Nainá jñà xkòsòn xi nainá tsò-là xità. Nga jñá-ná xi 'mì-ná ni'ya ingo-là Nainá xi tijnakon. Koni s'ín kitsò Nainá it'aà ts'e xità xi mokjeiin-là, tsò-né:

'An, yaá kótijnakoaa naxandá-na, tìkooá yaá kojmejiin-là.

'An-ná xi Nainá kìtsò-na koa jñà koma xità naxandá-na.

17 Nainá k'oaá kitsò nga kùchjajiin-là xità naxandá-là:

Tìtjokàjiin-là jñà xità xi mìkì mokjeiin-là it'aà ts'an,

koa tìnchat'aàxin-là.

Njímé kjoa chingajñòò xi tjé tjin nga nguixkoaàn,

mé-ne nga 'an koma skoétjò-nò.

18 'An-ná xi skoétjò-nò koni jngoo Nà'èn,

jñò koma ndí ìxti x'in-na kò ndí ìxti íchjin-na,

k'oaá tsò Nà'èn-ná xi ta jè tajngoo xi 'ñó tse nga'ño tjin-là.

7

1 Jñò ndí 'ndseé xi matsjake-nò, k'oaá tjin kjondaà xi tsjá-ná Nainá koni s'ín kitsjaà tso'ba. K'oaá ma-ne kìnchat'aàxin-là ngats'ii kjoa xi tjé tjin xi síkìts'ón yijo-ná kò inìma-ná, mé-ne tsjeé kitsajnaá nga nguixkon Nainá. Ndaà jchaxkoán Nainá mé-ne nga kjit'aà naxhrjein isa tsjeé sijchá yijo-ná.

Mé-ne tsja ma-là Pablo kjoa xi s'ín xità Corinto

2 Choétjò-nàjen nga kò inìma-nò. Ngajen, njíyá xità xi ch'o nìkò-jen; njí saá yá xità níkí'on-jen, njí saá jngoo xità chonachan-lajen.

3 K'e nga k'oas'ín tixan-nò, mìtsà mé kjoa xi ch'o tjin tihonè-nò; jyeé k'oa kixan-nò nga sà ítjòn, kjit'aá naxhrjein nga matsjacha-nòjen, nas'ín kiyá kò tsà tìtsajnakooán, koo inìma-najen nga matsjacha-nòjen.

4 Nguì 'én kixí xi tìchjàkò-nò; 'ño matsja-là inìma-na it'aà tsajòn. 'Ñó tjin-na kjojetakòn kò taxkì tsjaá ma-là inìma-na, nas'ín tse kjo'in tjin-najen.

5 K'e nga j'ii-jen i nangui Macedonia, njímé xi komà kinikáya-jen. 'Ñó kinikájno-jen; xkì xi ján kis'e-najen kjoasi, koa ya jjiin inìma-najen 'ño kisinchaàxkòn.

6 Tanga Nainá síjehikon-né xità xi indaà tjin ikon; kisijehikòn-najen k'e nga j'ii Tito.

7 Mìtsà tà koi kjoa-là nga j'ii Tito, jè-né nga jè, tìkooá tsja tjin-là xi it'aà tsajòn. Tsibénjmi-najen nga jñò, 'ño mejèn-nò nga jchaxkon-nàjen. K'oaá

tj kitsò-najen nga ba titsajnaa koa makájno-nò it'aà ts'an. K'e nga ki'nchrè 'én koi, 'an, isaá ndaa kjòtsja-na.

⁸ Jñò, nas'in ta kjoaba tsohotsji-nò k'e nga kisikasén ítjòn-nò xojoñ, i'ndeji, mì tj kii tsikájno-na. Nga sa ítjòn kisikájnoa nga kisikasén jngòò-nò xojoñ, koií kjoa-la nga kisibaá chiba nachrjein-nò.

⁹ Tanga i'ndeji, matsja-la inima-na, mìtsà koi nga kjoaba kis'e-nò kjoa ts'e xojoñ, koi-né nga it'aà ts'e Nainá kinikájno jé-nò nga mì tj jé chinhaatsji-nò. Jñò, k'oaá s'in kjòba-nò koni s'in mejèn-la Nainá. K'oaá ma-ne nga nímé kjoa ch'o kisakò-nò it'aà tsajen.

¹⁰ Jé kjoaba xi s'e-ná koni s'in mejèn-la Nainá, jé síxájiin inima-ná nga níkájnoaá jé-ná nga mì tj jé binchaatsji-ná mé-ne nga koma kitjokáñaá kjo'in; ko mìtsà mé xi iskan síkájnoaá. Tanga jé kjoaba xi tsjá-ná isò'nde nga mìkii mokjeiin-ná it'aà ts'e Nainá, jé síxájiin inima-ná nga kjoa biyaá fiko-ná.

¹¹ Tanga tjikitsjeèn ngats'ii kjondaá xi ki'nè ta koi kjoa-la nga kjoaba kisakò-nò it'aà ts'e Nainá. I'ndeji titsajnandaá-nò nga s'een kjoa xi tjínè-nò nga síkitasòn; k'oaá s'in titsahokoò yijo-nò nga nímé jé tjín-nò; ma-jticha-nò kjoa ts'e jé; i'ndeji tsakjoòn-chaá Nainá; mejèn-nò nga jchaxkon-ná; makájnoó-nò it'aà ts'an; k'oaá komà-ne nga kits'ii-là kjo'in jé xita xi tsohòtsji jé. Ngats'ii kjoa koi koni s'in ki'nè, k'oaá s'in 'ya-la nga mìtsà ngats'ioò tjín-nò jé.

¹² 'An, koni s'in kiskii-nò xojoñ carta xi kisikasén-nò, mìtsà jé tsikitsjeèn it'aà ts'e xita xi tsohòtsji jé; nì mìtsà it'aà ts'e xita xi kits'on kisikasén-nò xojoñ. Jé-né nga tijñò ki'ya-nò nga nguixkon Nainá nga kixii kjoa nga tjòcha 'ya-nájen.

¹³ Maje takòn-nájen ngats'ii kjoa xi ki'nè.

Mìtsà ta koií kjoa-la nga maje takòn-jen it'aà ts'e kjoa koi; isa 'ñó matsja-najen nga ki'ya-jen Tito nga 'ñó tsja tjín-la, koií kjoa-la nga ngats'ioò kinitsjakoo.

¹⁴ 'An, jyeé kos'in ndaa kisikítsajna-nò nga nguixkon Tito koni kixan-la. Jñò, nímé kjoa tjín xi ch'o kinikájna-ná. Koni s'in nga ngats'ii 'én xi ki'mi-nòjen, ngui 'én kixi-né, k'oaá ts'in kixi itjo koni tsò 'én xi kixan-la Tito nga ndaa kisikítsajna-nò.

¹⁵ Tito, isaá 'ñó ndaa matsjakeè-nò k'e nga bítsjeèn-la nga ngats'ioò ndaa kinikitasòn-là ko ndaa kichjoéttjò k'e nga ijchòkon-nò, koa 'ñó ndaa kiyaxkón.

¹⁶ I'ndeji, it'aà tsajòn ma'ñót'aà takoàn nita mé kjoa-ne, k'oaá ma-ne nga matsja-la inima-na.

8

Mé kjoa-ne nga ton maxkó-ne

¹ Ndí 'ndsè ko tichjaá, mejèn-na nga kátasjiin-nò kjondaá-la Nainá xi okó jiin naxandá-la Cristo xi útsajna ya nangui Macedonia.

² Nas'in 'ñó tse kjo'in nchihotojiin tjikoa tí'ya-la nga 'ñó matsja-la. Nas'in 'ñó xita ima, jña tsojmi xi tsjá kjotjò-la Nainá, koó inima-la tsjá koni tsà 'ñó xita nchiná.

³ 'An, tibe-ná nga koó kjotsja-la tsjá ton xi kjotjò ts'e Nainá koni kji bijchó nga'ñó-la, saá k'oaá skanda tsjásòn-né koni kji bijchó nga'ñó-la.

⁴ Jña xita koi, 'ñó tsibítsi'ba-najen nga mejèn-la nga tjikoa siikasén-la ton kjotjò jña xita naxandá-la Cristo jé i'nde nanda kochjeèn-la.

⁵ Jñà x̄ita koi, ìsàá tsato kitsjaà koni s'ín titsachiñá-lajen. Ítjòn nangui kisikítsajna-là Nainá in̄ima-là, ìkjoàn, k'oaá ti s'ín kis'ìin it'aa tsajen koni s'ín mejèn-là Nainá.

⁶ K'oaá ma-ne bítsi'ba-lajen Tito koni s'ín tsibíts'iaḱo xá xi kitjoé-là k'e nga sà ìtjòn, k'oaá t̄is'ín k̄atasík̄jehet'aa-ne nga k̄atix̄kó ton k̄otjò xi jñò 'bioò.

⁷ Tanga jñò, 'ñò ndaa 'nè-nò ngats'ìi k̄joa xi 'nè nga ndaa mokjein-nò, nga ndaa nokjoa, nga ndaa t̄jín-nò k̄joa ch̄jine, nga titsajnandaà nga mejèn-nò sìchját'aa n̄ita mé k̄joa-ne, nga t̄jín-nò k̄joatjòcha nga it'aa tsajen komà-nò. Koni s'ín 'nè yije k̄joa koi, k'oaá t̄is'ín t̄ikatònè-là jè k̄otjò xi 'bioò.

⁸ Mìtsà k'oa's'ín t̄ixan-nò koni tsà jngoō k̄jot̄ixoma titsja-nò. Jè xi mejèn-na nga skoeé a nguì kixií k̄joa nga t̄jín-nò k̄joatjòcha koni s'ín t̄jín-là x̄ita xi k'ej̄i nga titsajnandaà nga tsjá k̄otjò-là.

⁹ Jñò, jyeé 'yaà k̄jondaà-là Jesucristo xi ot̄ixoma-ná. X̄ita ìmaa kis'ìin yijo-là xi k̄jondaà tsajòn, n̄as'ín ts'e yije-né ngats'ìi tsojm̄i xi t̄jín, mé-ne jñò t̄joé-nò k̄joa n̄ch̄inà xi t̄jín-là.

¹⁰ Tsjaà jngoō-nò k̄joh̄itsjèen it'aa ts'e k̄joa jè. Kochjeén-nò nga ndaa sìkitasòn koni s'ín tsibíts'iaḱoo jè nó xi tsato nga kits'ioo ton xi k̄otjò ts'e Nainá. K'oa's'ín ki'nè nga k̄o k̄jotsja-nò kits'ioo.

¹¹ I'ndei, tákó k'oaá s'ín t'èen koni s'ín tsibíts'iaḱoo. K'oaá s'ín t̄ik̄jehet'aa koni s'ín k̄jomejèn-nò nga sà ìtjòn. K'oaá k̄jijoo koni k̄jijohó nga 'ñò-nò.

¹² K'e nga jngoō x̄ita xi t̄jinnandaà nga k̄o in̄ima-là mejèn-là tsjá, k'oaá k̄jij k̄atatsjá koni k̄jij ma xi s'ín, m̄itsà tsato t̄in̄jé-là. Nainá m̄itsà tsato síjé koni k̄jij ma xi 'nè.

¹³ Mìtsà koi k̄joa-là nga k̄j'ín s'e-nò nga sìchját'aa-lá x̄ita xi k'ej̄i, jè-né nga ngàsòn ngáya s'e-ná mé xi mochjeén-ná.

¹⁴ I'ndei, jñà x̄ita koi, tsjín-là mé xi mochjeén-là, tanga jñò, t̄jín-nò. K'e nga k'ej̄i n̄achr̄jein, jñà x̄ita koi, s'eé-là mé xi mochjeén-là, k̄o jñà k̄os̄iko-nò k'e nga jñò tsjín-nò. K'oaá s'ín ngàsòn ngáya s'e-ná mé xi kochjeén-ná.

¹⁵ K'oaá s'ín t̄ichj̄a Xojon-là Nainá nga tsó: “Jè xi k̄jìn tsibíxkó, n̄imé tsiningui-là, k̄oa jè xi chiba tsibíxkó, n̄imé kisichjaat'aa-là.”

Kós'ín komà nga kinikasén Tito ján Corinto

¹⁶ Ndaà ch̄jì-là Nainá nga k'oa's'ín tsibij̄in in̄ima-là jè Tito nga t̄ik̄oa kisikájno it'aa tsajòn koni s'ín 'an kisikájnoa.

¹⁷ Kixií k̄joa jè Tito kòk̄jein-là koni s'ín tsibit'ín-là; t̄ik̄oa jè, 'ñò mejèn-là nga k̄ikoon-nò; ikoón xi kitsò nga k̄jikon-nò.

¹⁸ Jè Tito t̄if̄ik̄o jngoō 'ndsee xi ndaa sík̄jina ngats'ìi x̄ita naxandá-là Cristo xi t̄jín n̄ita ñanda-ne; nga jè 'ndsee ndaa ch̄jaya 'én ndaa-là Nainá xi k̄joa ts'e Cristo.

¹⁹ Mìtsà tà koi k̄joa koi, t̄ik̄oaá jñà naxandá-là Cristo jaàj̄in jè 'ndsee nga koahitako-najen nga onguíko-jen ton k̄otjò-là Nainá xi ngajen titsabíxkó-jen mé-ne jè Na'èn-ná jeya k̄jna, t̄ik̄oa skoe jñà x̄ita nga k̄o in̄ima-najen sìchját'aa-lajen x̄ita.

²⁰ K'oaá ma-ne nga mì yá x̄ita k̄ichjajno-najen kós'ín kochjeén ton xi tse t̄imakkó.

²¹ K'oaá s'ín binè-lajen yijo-najen k̄joa xi ndaa t̄jín nga nguixkon Nainá ko t̄ik̄oa nguixkon x̄ita.

²² Tito, t̄ik̄oaá báhijtako ìjngoō 'ndseé xi x̄k̄i xi ján ki'ya-jen nga 'ñò binè-là yijo-là nga k̄jìn xá ma-là. T̄jín kixi-né i'ndei, ìsàá ndaa binè-là yijo-là nga sìchját'aa-nò nga ìsà ndaa beé takòn-nò.

²³ Jè Tito, amigo ts'an-ná nga 'aán síxáko-ŋa xi kjonndaà tsajòn. Jñà xita 'ndsee xi i'nga, jñà naxandá-là Cristo xi tjin nangui Macedonia jñà kisikasén; nga it'aà ts'e xita 'ndsee koi, jè Cristo jeya bina.

²⁴ Takó-là xita koi kjoatjòcha xi tjin-nò, takó-là kjonndaà xi tjin-nò koni s'in jye okixan-là jñà xita 'ndsee koi, mé-ne nga skoë-ne jñà naxandá-là Cristo xi i'nga nga kixi kjoa.

9

Mochjeén-ne nga sichját'aà-là xita-là Cristo xi kj'eii

¹ Jè kjoa ts'e nga'ño xi maxkót'aà-là jñà xita tsjeé-là Nainá xi kochjeén-là jè nga'ño, mì tì kii mochjeén-ne nga 'an skiù-isa-nò.

² Be-ná nga titsajnandaà nga mejèn-nò sikitason. K'oaá xan-là jñà xita xi nangui Macedonia ts'e nga jño xi Acaya tsajòn, titsajnandaà-nò skanda jè nó xi tsato nga mejèn-nò sikasén nga'ño. K'e nga kii'nchré jñà xita Macedonia koni s'in tita'nè, kjin ma-ne xi matsja-là it'aà tsajòn tikoá kjòtsja-là nga mejèn-là sichját'aà.

³ Koií xá tsikasén-nò jñà 'ndsee koi, mé-ne 'an mì ch'o kótijna-ŋa tsà koi nachrjein-là tsà ta 'én ndiso koma-ne koni s'in ndaa síkítsajna-nò it'aà ts'e kjoa koi, mé-ne jñò titsajnandaà koni s'in kixan.

⁴ Kós'in koma-ne tsà koi nachrjein-là kjiiko i'nga-ŋa xita Macedonia. K'e nga kijchò skoë-nò nga kj'eè kii titsajnandaà nga'ño xi sikasén. Tsà k'oaá s'in koma kjoa koi, ngajen kosobá-najen, kò jño, isaá 'ño kosobà-anò. Nga ngajen, it'aà tsajòn 'ño ndaa nikítsajna-nòjen.

⁵ Koií kjoa-là k'oaá s'in tsikítsjeèn nga tsibitsi'ba-là jñà 'ndsee nga kisikasén itjoàn, mé-ne nga kàtikon-nò koá kàtasichját'aà-nò nga kàtixkòko-nò ton kjoatjò xi jye k'oaá s'in kits'ioò ndsobaà, mé-ne k'e nga jye tijnandaà kjoatjò-nò jcha-là nga jijn inima-nò inchrobàjijn-ne; mìtsà kjo'ño komà-nò.

⁶ Tíkítsjeèn jè 'én xi tsò: Jè xi chiba tsojmi bitje, chibaá tsojmi majchá-là; jè xi tse tsojmi bitje, kjin tsojmi majchá-là.

⁷ Nga jngoò ijngoò, k'oaá kji kàtatsjá koni kji kosòn-là inima-là. Mìtsà kò kjoba-là nga tsjá, nì mìtsà kjo'ño koma-là, nga Nainá tsjakeè-né xi kò kjotsja-là tsjá.

⁸ Nainá koma-là tsjá yije-nò kjonndaà xi tjin-là, mé-ne nga kjit'aà nachrjein s'e yije-nò xi mochjeén-nò, skanda kininguú-nò mé-ne koma sichját'aà ts'e xá xi ndaa tjin.

⁹ K'oaá s'in tichja Xojon-là Nainá nga tsò: Kisika'bí-là xita ima nga kitsjaà-là mé xi mochjeén-là.

Kjoakixi-là, mìkii kjoehet'aà nita kjé-ne.

¹⁰ Nainá tsjá tje-là tsojmi xi sitje, tikoá tsjá tsojmi xi chineé. Tsjá yije-nò xi mochjeén-nò nga kitjee; tikoá síchjá tsojmi xi bitjee. Kjin skoya kjonndaà sakò-nò k'e nga kò kjoakixi-nò 'bioò kjoatjò-nò.

¹¹ Jño, s'e yije-nò ngats'ii kjoa nchiná xi tjin, mé-ne nga kò kjonndaà-nò ma sichját'aà-là xita xi kj'eii, nga sikasén-là kjoatjò xi ngajen onguiko-jen. K'e nga tjoé-là jñà xita 'ndsee, tsjá-là kjonndaà Nainá.

¹² Jñà tsojmi kjoatjò xi titsanikasén-là jñà xita 'ndsee, mìtsà ta koi kjoa-là nga kochját'aà-là mé xi chiya-là, tikoá koií-né nga isa kjin koma xita xi tsjá-là kjonndaà Nainá.

¹³ Jñà xita koi, k'e nga tjoé-là tsojmi kjoatjò, jeya sijkijna Nainá. K'oaá s'in skoë-ne nga kixi kjoa nga jño nikitasòn-nò 'én ndaa-là Nainá xi kjoa ts'e Cristo

koni s'ín mokjeín-nò. Jñà xitá koi skoexkón Nainá it'aa ts'e tsojmì kjotjò xi 'biì-là kò xi 'biì-là jñà xitá xi k'ejí.

¹⁴ Kòó inima-là kichjat'aà-là Nainá it'aa tsajòn, nga 'ñó tse kjondaà tísakó-nò xi tsjá-nò Nainá.

¹⁵ Ndaà chjì-là Nainá nga 'ñó tse kjondaà tsjá-ná, skanda tsjìn-ná 'én kós'ín k'oi-lá kjondaà!

10

Kó tsò Pablo nga chjatjì xá-là nga chì'nda-là ma Cristo

¹ 'An xi Pablo 'mì-na, bitsi'bà-nò it'aa ts'e Cristo xi tjin-là kjondaà, kò xi indaa tjna inima-là. Tjin xitá xi tsò-na nga ima kjoa xó s'iaàn k'e nga ya tijnajin-nò, kò 'ñó xó ts'en s'iaàn k'e nga kjiin tjnaa.

² Tikoà bitsi'bà-nò k'e nga kjikon-nò, jñò, ítjòn jchibaya-nò kjoa xi tjin-nò, mé-ne k'e nga kijchoa, kì kù binè-nájen nga 'ñó kichjakoà jñà xitá xi k'oas'ín nchitsò nga k'oaa s'ín títsa'ne-jen koni s'ín xi taxkì xitá isò'nde. Tanga 'an, tjna ndaa-ná nga kojitikoà jñà xitá xi chhajno-najen.

³ Kixí kjoa nga xitá isò'nde 'mì-najen, tanga mì k'oas'ín bixkán-jen koni s'ín kjaán jñà xi taxkì xitá isò'nde.

⁴ Kicha xi nikjeén-jen, mìtsà kicha ts'e isò'nde. Nga 'ñó ts'e Nainá-né xi ma-là síkixòña nga 'ñó-là xitá nejí xi bíchjoà ikòn-là 'én-là Nainá.

⁵ Nìkixòña-nájen ngats'ìi kjohítsjeèn xi ch'o tjin kò kjoa 'nga takòn xi kondra ts'e kjoachjine-là Nainá. Ndobà'ño-nájen ngats'ìi kjohítsjeèn mé-ne koma kítasòn-là Cristo koni s'ín mejèn-là.

⁶ Titsajnaandaa-nájen nga k'oi-lajen kjo'in xitá nita mé kjoa-ne xi mìkì ndaa bitasòn-là, k'e nga jye jcha-là nga jñò kixì nìkitasòn.

⁷ Jñò, tà k'oaa s'ín chitsejèn-là koni s'ín 'ya-là jñà xitá. Tsà tjin i'nga xitá xi tsò-là yijo-là nga jè Cristo kisikasén, ndaa kátasíkítsjeèn, tikoà ngajen jè sobà Cristo kisikasén-najen.

⁸ Mìkì masobà-na nga ndaa síkíjna yijo-na it'aa ts'e kjotixoma xi kisingatsja-najen Cristo mé-ne koma síchjat'aà-nò nga isa 'ñó kítajnaa; kò mìtsà koi-ne nga 'an sikits'ón-jin-nò.

⁹ Majìn-na nga k'oas'ín síkítsjeèn nga 'an mejèn-na binchaxkón-nò k'e nga xojon tísikasén-nò.

¹⁰ Tjin i'nga xitá xi tsò: "Xojon-là, 'ñó jchán tjin, 'ñó tichja, tanga k'e nga i tijnajin-ná mìtsà 'ñó xkón kji. 'Én xi chja, mì yá xi ndaa beèxkón."

¹¹ Jñà xitá xi k'oà tsò, ndaa kátasíkítsjeèn koni tsò xojon xi nìkasén-jen k'e nga kjiin titsajna-jen. K'oaa tís'ín s'en-jen k'e nga ya titsajnajin-nòjen.

¹² Kixí kjoa, ngajen, majìn-najen nga sìngàsòn-kjoòko-jen jñà xitá xi tì yijo-là ndaa síkítajna-ne. Jñà xitá xi k'oas'ín s'ín, xitá tondo-né. Tsjin-là kjohítsjeèn nga tì chiba ts'ée síchiba-ne yijo-là. Tikoà tì xíkjin síchibakjoò-ne.

¹³ Ngajen, mìkì síkatonè-lajen chiba-là nga ndaa síkítajna-jen yijo-najen. K'oaa kji koni kji tsjá chiba Nainá it'aa ts'e xá-najen. Jè Nainá kítajna-najen xá xi ijchòko-nòjen skanda ján Corinto.

¹⁴ Kò tsà mì-là ngajen ijchò ítjòn-jen, kixí kjoa kinikatonè-lajen chiba-là j'nde koni kji kitjò'nde-najen. Tanga ngajen-nájen xi ijchòko ítjòn-nòjen 'én ndaa-là Nainá xi kjoa ts'e Cristo.

¹⁵ Mìtsà jin ndaa nìkítajna-jen yijo-najen it'aa ts'e xá xi nchis'ín xitá xi k'ejí. Mìtsà titsanikatonè-lajen chiba-là koni kji xá xi oko-najen.

Chiñakjoa-nájen, koni s'in isá 'nó ndaà kòkjeiín-nò, kò isáá kòtseya xá xi títsa'nè-jen. Tanga ta k'oaá kji sixá-jen koni s'in tjen chiba-la.

¹⁶ K'oaá s'in kénomíya-jen 'én ndaà-la Nainá jñà naxandá xi fi-isa ñánda kijna naxandá tsajòn. Tanga mì ya kítjás'en-jìin-jen i'nde ñánda jye nchisíxá xítà xi k'ejíi nga mì jìn ndaà síkítsajna-jen yijo-najen xá xi nchis'in xítà xi k'ejíi.

¹⁷ Jè xi jeya síkíjna yijo-la, ta saá Nainá jeya kátasíkíjna.

¹⁸ Mítsà jè xi ndaà bitjongui xi tì yijo-la ndaà síkíjna-ne it'aà ts'e mé kjoa xi s'in. Jè Nainá xi k'oa kítso tsà kixí kjoa nga ndaà xítà.

11

Pablo, jè xi nguì xítà-la Cristo nga jè tsibíxáya-la

¹ T'een kjondaà, tìná'ya jngoò tjà-ná; k'oaá s'in tìchjàkò-nò koni jngoò xítà xi mì ndaà tìjna kjohtsejen-la. Kátas'e-nò kjoatsejta.

² Koni s'in makájno-la Nainá, 'an, k'oaá tís'in makájno-na it'aà tsajòn nga mì k'ejíi xítà konguít'aà-là. Ta jngoò x'in tsibindaàjìin-kò-nò nga siingatsja-nò, jè Cristo. 'An mejèn-na nga tsjeè siingatsja-nò Cristo koni jngoò tsòti xongó.

³ Tanga tsakjoòn-ná tsà k'oa's'in komat'ioòn koni komat'in Eva nga kiskoònachan-la jè ye, tsà ya kít's'ón-jìin kjohtsejen-nò nga kìnchat'aàxin-lá jè kjoatjòcha kixí xi tìjn-nò kò Cristo nga mì tì tìjngoò-ne takòn nga onguít'aà-là.

⁴ Nga bìi'nde-là nga k'ejíi xítà bìjchókòon-nò xi k'ejíi tsò 'én xi okóya-nò it'aà ts'e Jesús koni tsò 'én kixí xi jìn bènómí-nòjen, kò mokjeiín-nò nga chjoétjò jngoò iníma xi k'ejíi xi mítsà jè Iníma Tsjeè-la Nainá xi jye kichjoétjò. Tjkoá, mokjeiín-nò nga k'ejíi tsò 'én ndaà-la Nainá xi kjoa ts'e Cristo xi bènómí-nò koni tsò xi kòkjeiín-nò nga sà ítjòn. Nga ndaà sasén-nò nga jñà na'yà-là xítà koi.

⁵ 'An, mítsà isá nangui tìjna-la jñà xítà xi 'mì-là jñò nga isáá 'nga títsajna-la jñà xítà xi tsibíxáya-la Cristo.

⁶ 'An, nas'in mìkii ndaà ma-na chjà, nímé kjohtsejen chijat'aà-na xi it'aà ts'e 'én-la Nainá. Jñò, jyeé ndaà 'yaà, 'an, nítà ñánda nga tìjnaa, k'oaá s'in tsakoò-nò.

⁷ ¿A ch'óo kis'iaàn nga tsakoòya-nò 'én ndaà-la Nainá nga nímé kisikichjí-nò? Nangui tsohótijnako-nò skanda kisihíma-ná yijo-na mé-ne jñò isá 'nga kisikítsajna-nò.

⁸ Jñà xítà naxandá-la Cristo xi xìn i'nde-la kisichját'aà-na nga tsachrjekájno-la tòn mé-ne komà kisixákò-nò nga tsibenómí-nò 'én ndaà-la Nainá xi kjoa ts'e Cristo.

⁹ K'e nga tsohótijnako-nò, nìyá xi kisijti-la mé xi kichiját'aà-na. K'e nga mé tsojmì xi kjòchjeén-na, jñà xítà 'ndseé xi j'ì-ne nangui Macedonia kítsjaà-na. Nga majìn-na nga chjà koma-nò. Nàchrjein xi fi-isa, tákó k'oaá s'iaàn.

¹⁰ Nguì koó kjoakixí-la Cristo koni tìxan-nò nga mì yá xi kòtichjoà-na kòhokji nangui Acaya nga ndaà síkíjna yijo-na kjoa xi tís'iaàn nga mì tòn kisijé-nò.

¹¹ ¿Mé-ne k'oa xan-na nga chjà? ¿A koi-né nga mìkii matsjake-nò? Tíbeé Nainá, 'an 'nó matsjake-nò.

¹² Tanga tákó k'oaá s'iaàn koni kisikò-nò nga sà ítjòn nga nímé kisijé-nò mé-ne nga mìkii tsjaà'nde-la nga kítso jñà xítà xi mejèn-la nga jeya síkítsajna yijo-la nga k'oaá tís'in nchis'in koni ngajen.

13 Xit̃a koi, xit̃a ndiso-né. Mìtsà kix̃i kjoa nga xit̃a xi jè Cristo tsibíxáya-là. Ta konachan-né nga síkjatj̃ya-là yijo-là koni tsà jè Cristo tsibíxáya-là.

14 Kjoa koi, mìtsà kjoa xit̃se; t̃ijè-ne xit̃a nej̃i síkjatj̃ya-là yijo-là koni jngoò akjale-là Nainá xi ote kji.

15 Mìtsà xkón t̃jín, xó k'oaá koma-ne nga j̃nà xit̃a xi síxá-là jè xit̃a nej̃i, k'oaá s'ín síkjatj̃ya-là yijo-là koni tsà xit̃a xi bénojmi 'én kix̃i-là Nainá. Xit̃a koi k'e nga kjoehet'aà nachrjein-là, k'oaá s'ín komat'in koni s'ín t̃jín kjoa ch'o xi nchis'ín.

Mé kjoa-ne nga jeya síkjna yijo-là Pablo

16 Ijngoò k'a k'oa tixan-nò, kì k'oaá s'ín nikítsjeèn nga mìkiì ndaà t̃jín kjohítsjeèn-na. Tsà k'oas'ín sikítsjeèn, t̃jii'nde-ná nga 'an, k'oa t̃is'ín ndaà síkjna it̃se yijo-na koni s'ín xit̃a xi i'nga xi mì ndaà t̃jín kjohítsjeèn-là.

17 K'e nga kos'ín tichj̃a, mìtsà k'oas'ín chj̃a koni s'ín sasén-là Na'èn-ná, k'oaá s'ín tichj̃a koni jngoò xit̃a xi mì ndaà t̃jín kjohítsjeèn-là nga t̃i'an ndaà síkjna-na yijo-na.

18 Koni s'ín kj̃in ma xit̃a xi t̃ij̃nà ndaà síktsajna-ne yijo-là it̃'aà ts'e kjoa xi s'ín, 'an k'oaá t̃is'ín mejèn-na nga t̃i'an ndaà síkjna-na yijo-na.

19 J̃nò, bixón-nó nga xit̃a chj̃ine-nò, t̃anga, çmé-ne biì'nde-là j̃nà xit̃a xi mì ndaà tsò kjohítsjeèn-là?

20 J̃nò, nikjeiín-là xit̃a xi kjo'ño s'ín-nò nga ch̃i'nda 'nè-là, xit̃a xi ma-là síkjehejno-nò tsojmi xi t̃jín-nò, xit̃a xi j̃nò beetoòn-nò, xit̃a xi ochrjekàngui-nò, koa nikjeiín-là xit̃a xi síjts'iin-'a isén-nò.

21 J̃nò, çkó s'ín nikítsjeèn? çA masobà-na nga indaàkjoa kinikò-nòjen nga mì k'oaá s'ín kinikò-nòjen koni kisikò-nò j̃nà xit̃a xi i'nga?

Tsà t̃jín i'nga xi 'ño ts'en s'ín nga chj̃a, 'an t̃ikoa ts'eén t̃is'iaàn koni s'ín 'ño tichj̃akò-nò. T̃anga ta k'oaá s'ín tichj̃a koni tsà mìkiì ndaà t̃jín kjohítsjeèn-na.

22 J̃nà xit̃a koi, tsà kix̃i kjoa nga xit̃a hebreo-né, 'an, t̃ikoaá xit̃a hebreo-ná. Tsà xit̃a Israel-né, 'an, t̃ikoaá xit̃a Israel-ná. Tsà t̃je-là Abraham-né, 'an, t̃ikoaá t̃je-là Abraham-ná.

23 çA ch̃i'nda-là Cristo-né? 'An, isaá ndaà síxá-là Cristo. (K'e nga kos'ín chj̃a, k'oaá ngayá-là koni jngoò xit̃a xi mìkiì ndaà t̃jín kjohítsjeèn-là.) 'An isaá 'ño síxá-là. Isaá kò kj̃in k'a ótijnaya ndayá, isa kò kj̃in k'a síki'on-na xit̃a, t̃ikoa kò kj̃in k'a nga jye kjomeè sik'en-na xit̃a.

24 J̃nà xit̃a judío, 'òn k'a kitsjaà-na kjo'in nga tsakajá-na xox'ín xi s'e-là kohoyo xi kaàn chrj'oòn ñijòn t̃jín-ne nga jngoò ijngoò k'a.

25 J̃an k'a kits'iin-na kjo'in nga tsajá-na xkajinchra j̃nà xit̃a; jngoò k'a tsibínè-na ndajo xit̃a nga mejèn-là s̃iik'en-na; j̃an k'a kiskaaj̃iin-ndákò-na chitso ya j̃j̃iin ndáchikon; jngoò nachrjein kò jngoò nitjen tsohot̃ijnaj̃naa j̃j̃iin ndáchikon.

26 Ñita ñánda nga ojmeè, ta kjoxkón t̃jín kjit'aà-là. T̃jín kjoxkón ya xajngá nandá ñánda nga otoa. T̃jín kjoxkón ts'e xit̃a chijé. T̃jín kjoxkón it̃'aà ts'e xit̃a xinguiáa judío koa t̃jín it̃'aà ts'e xit̃a xi mìtsà xit̃a judío. T̃jín kjoxkón ya j̃j̃iin naxandá, koa ya j̃i'nde it̃'aà xìn ñánda tsj̃in xit̃a. T̃jín kjoxkón ya j̃j̃iin ndáchikon, koa ya j̃j̃iin-là xit̃a xi tsò nga xit̃a-là Cristo ma t̃anga mìtsà kix̃i kjoa.

27 Kj̃in jchán xá kisinè-na xi 'ño t̃jín, sà k'oaá skanda mìkiì ójnafè. Kisikj̃iaán kjinchrá. Sà k'oaá tsj̃in-na nandá xi ma 'yò, sà k'oaá skanda mìkiì tsoókjeen, kisikj̃iaán 'nchán nga tsj̃in-na nikje xi ójnakjá.

²⁸ Mìtsà tà jñà kjoa koi xi komàt'ian. Tjín isa xi k'ejí xi isa 'ño tjín. Naxhrjein nchijòn makájno-na kjoa xi tímat'in kóhotjín naxandá-la Cristo xi 'an sikinda.

²⁹ Tsà yá 'ndsee xi ma indaàjìin, tìkoáá 'an, ma indaàjìin-ná. Tsà yá xi mejèn-la ótsji jé-la jngòò xita xi k'ejí, 'an ma jtike-ná.

³⁰ Tsà mochjeén nga tì yijo-na ndaà síkijna-na, jè ndaà síkijna yijo-na it'aà ts'e kjoa xi mahindaàjñaa.

³¹ Jè Nainá xi Na'èn-la Jesucristo xi otíxoma-ná, jeya kàtìjna nità kjé-ne, tìbeè-ne nga 'én kixíí xi tìchjà.

³² K'e nga tsohótijna ján naxandá Damasco, jè xita xi gobernador tjina nga jè kitsjaà-la xá jè xitaxá ítjòn xi 'mì Aretas, kitsjaà-la okixi nga kisikinda xotjoa-la naxandá nga mejèn-la tsoab'ño-na.

³³ Tanga jñà xita kisichját'aà-na nga kisikijnaya-na nisiyá, ikjoàn ya tsachrje-na ñánda tix'á chrjó ndajo xi tjíndii-la naxandá nga kiskinjen-t'aà-na skanda it'aà nangui. K'oaá s'in komà-ne nga mìkì komà kitsobà'ño-na.

12

Pablo, kits'ii jngoo-la nijña xi kixi kjoa

¹ Nìmé xi sikijne nga ndaà síkijna yijo-na. Tanga mochjeén-né nga k'oa xán-nò kjoa xi tsakó-na Nainá k'e nga tsohókò-na, jè kjoa xi Nainá kisikichiya-na.

² Beèkxon-ná jngòò xita xi fit'aà-la Cristo. Tjín-la te ñijòn nó nga kiikò Cristo skanda jè ngajmii xi ma-ne jàn [ñánda tjina Nainá]. Mìkì be tsà k'oaá s'in kiikò nga yijo, a xi tà inìmaá kiikò. Jè Nainá tjiin-la.

³ Tanga be-ná nga jè xita jè, kii. A yijo-né, o a tà inìmaá kii, tà jngòò Nainá tìbeè.

⁴ Kii skanda ján i'nde ñánda ndaà jchán choòn ján ngajmii ñánda tjina Nainá. Kii'nchré 'én xi 'ño xkón tjín, xi nijngòò xita koma s'enojmi-la.

⁵ Koni komàt'in xita jè, jè-né xi ok'in-la nga ndaà kijná. Tanga it'aà ts'an mìkì ok'in-na nga 'an ndaà síkijna yijo-na. Tajngòò tsà jñà kjoa xi mahindaàjñaa ndaà síkijna.

⁶ Tsà ndaà síkijna yijo-na [koni tjín kjoa xi 'an kijtsee ngajmii], mìtsà 'én ská benojmiá, 'én kixíí chjà. Tanga majìn-na nga ndaà síkijna yijo-na it'aà ts'e kjoa xi kijtsee mé-ne nga nijngòò xita isa 'nga síkijna-na ta ngatjì-la kjoa koi. Kos'in kàtasikinda-na kó s'iaàn, kó s'in chjà, kò kó s'in tisijchá yijo-na.

⁷ Mé-ne nga mì 'an ndaà kótijna-na it'aà ts'e kjoa xi 'an tsakó-na Nainá xi jeya jchán tjín, kiskaat'aà jngòò-na ch'in, k'oaá ngaya-la koni tsà na'yá nchajìin yijo-na. Jè xita nejí kijtseeòòon-na nga kisikasén-na kjo'in.

⁸ Kò jàn k'a bítsi'ba-la Na'èn-ná nga kàtjaaxìn-na kjo'in jè.

⁹ Tanga jè Nainá tã k'oaá tsò-na: "Jè kjondaà-na yaá tijnako-lè. Yaá okoaá yije nga'ño-na k'e nga tsjin-lè nga'ño." K'oaá ma-ne jè kjoa xi mahindaàjñaa, jè xi ndaà síkijna-na yijo-na, mé-ne nga jè nga'ño-la Cristo kijnako-na.

¹⁰ Koi kjoa-la matsja-na k'e nga ma indaàjñaa. Tìkoáá matsja-na k'e nga chjà'on-ko-na xita, k'e nga mé tsojmi xi chja-na, k'e nga fitjngui kondra-na xita, k'e nga mé kjoa xi 'iín ma-na síkjaáan it'aà ts'e Cristo. K'e nga ma indaàjñaa, k'ee isa ndaà s'e-la nga'ño inìma-na [nga jè Cristo tsjá-na].

¹¹ 'An, k'oaá s'in kichjà, koni s'in chjà xita 'én xi nìmé chjí-la. Tanga jñò k'i'nè-ná kjo'ño. Jñò xi tjínè-nò nga ndaà síkijna-ná. Nga 'an mìtsà isa nangui

tijn̄a-l̄a j̄ñà x̄it̄a xi 'mì-là j̄ñò nga ìs̄a 'nga t̄ítsajna-l̄a j̄ñà x̄it̄a xi tsibíxáya-l̄a Cristo; ñas'ín 'an n̄imé ch̄j̄i-na.

¹² K'e nga tsohótijnako-nò kis'e-na kjoatsejta nga tsakoð-nò kjoaxkón xi okó chib̄a k̄o xi okó kjoa jeya-l̄a Nainá k̄o nga 'ñó-l̄a. Kjoa koi okó nga kix̄i kjoa nga 'an-ná xi tsibíxáya-na Cristo.

¹³ J̄ñò, mé xi ìs̄a nangui kisikítsajna-nò koni j̄ñà naxandá-l̄a Cristo xi k'ej̄i? ¿A koií majti-nò nga mà j̄ñò kisijti-nò k'e nga mé tsojmi xi kichij̄at'aà-na? Tijchàat'aà-ná nga n̄imé kisijé-nò.

Kó kitsò Pablo nga ìjngòò k'a t̄ifikon j̄ñà x̄it̄a Corinto

¹⁴ Jyeé tijnandaà xi ma-ne j̄an k'a nga kjíkon-nò. Táko k'oas'ín s'iaàn, mìtsà mé xi sijé-nò. Mìtsà koi otsjià mé tsojmi xi t̄j̄in-nò; kjondaà tsajòn xi otsjià. Nga j̄ñà x̄it̄a jchínga t̄j̄inè-l̄a nga koj̄it̄jò t̄on xi kochjeén-l̄a ìxti, mìtsà j̄ñà ìxti t̄j̄inè-l̄a nga koj̄it̄jò t̄on xi kochjeén-l̄a x̄it̄a jchínga.

¹⁵ Matsjaà-na nga sikjèya yije mé xi t̄j̄in-na, skanda t̄isikjè yijo-na kjoa ts'e inj̄ma-nò. Nga ìs̄a ndaà matsjake-nò, j̄ñò, ¿a ìs̄aá chiba matsjacha-ná?

¹⁶ Kix̄i kjoa, 'an, n̄imé tsojmi xi kisijé-nò. Tanga t̄j̄in i'nga x̄it̄a xi tsò: “Ñó mañ̄a nga konachan-l̄a x̄it̄a.”

¹⁷ Tanga, ¿mé xi kiskoðnachan-nò k'e nga kisikasén i'nga-nò x̄it̄a?

¹⁸ Tsibítsi'ba-l̄a Tito nga k̄ilkon-nò k̄o jè 'ndsè xi ìjngòò. Jè Tito, ¿a kiskoðnachaán-nò? ¿A mìtsà ngásòn t̄ikoi-ne kjoh̄itsjeén tjaaj̄in-jen, t̄ikoa t̄ikoi-ne ndiyá kix̄i tjaàya-jen?

¹⁹ ¿A k'oaa s'ín n̄ik̄itsjeén nga yijo-najen t̄itsanokjoat̄j̄i-jen? Maj̄in, t̄ibèè Nainá koi 'én xi t̄itsanokjoa-jen nga Cristo t̄itsajna-k̄o-jen. J̄ñò ndí 'ndsè xi 'ñó matsjake-nò, ngats'ii kjoa koi, kjondaà tsajòn-nò nga ìs̄a tse nga 'ñó k̄atas'e-nò.

²⁰ Makájno-na tsà k'e nga kijchokon-nò tsà mì k'oaa s'ín t̄itsa'nè koni s'ín mejèn-na. Koá 'an tsà mì k'oaa s'ín t̄is'iaàn koni s'ín mejèn-nò j̄ñò. Koií makájno-na tsà koií n̄achrjein-l̄a t̄itsabixkàn-kjoò, tsà kjoaxitakòn t̄j̄in-nò, tsà kjoaj̄ti t̄j̄j̄in inj̄ma-nò, tsà jò tsà j̄an ya t̄itsajna-l̄a xinguiqo, tsà 'én ndiso t̄itsabinè-l̄a xinguiqo, tsà xinguiqo t̄itsanokjoájno-lá, tsà 'nga takòn t̄itsa'nè kò tsà mikii ndaà t̄itsajna-k̄o xinguiqo nga jngòò ìjngòò.

²¹ T̄ikoaá makájnoó-na k'e nga kijchokon ìjngòò k'a-nò tsà Nainá s̄isobà-na nga nguixkoòn j̄ñò. Tsà Nainá s̄ijkindáya-na xi kjoa tsajòn nga kj̄in ma-nò xi jye kjòtseé binchaats̄jioò jè nga mikii n̄ikájno jé-nò kjoa t̄jé xi 'nè k̄o kjoa chijngui xi 'nè k̄o ngats'ii kjoa ch'o xi 'nè.

13

'Èn-l̄a Pablo xi fehet'aà-ne.

¹ Jè xi ma-ne j̄an k'a nga kjíkon-nò. K'oaa s'ín t̄ichj̄a Xojon-l̄a Nainá nga tsò: “K'e nga tsà jngòò x̄it̄a mejèn-l̄a k̄indaaj̄in jngòò kjoa, jò k̄o tsà j̄an x̄it̄a kochjeén xi koma tsj̄á 'én nga xk̄on kijtseè-ne kjoa xi komà mé-ne nga jcha-l̄a, a kix̄i kjoa, o xi maj̄in-nè.”

² K'oaa s'ín jye kixan kix̄i-nò k'e nga ijchòkon-nò xi ma-ne jò k'a, k̄o ì'ndeí ñas'ín kj̄j̄in t̄j̄naa, k'oaa t̄i xan ìjngòò k'a-nò nga j̄ñà xi jè tsohòtsji nga s̄a ìt̄j̄òn k̄o xi n̄chihòtsji jè skanda ì'ndeí, mikii kojno-l̄a nga tsjaà-l̄a kjo'ín nga jngòò ìjngòò.

³ 'An, k'oaa s'iaàn mé-nè nga jcha-nò, a kix̄i kjoa nga 'an s̄ikjeén-na Cristo nga chj̄aj̄in-nò 'én-l̄a. Mìtsà indaàkjoa Cristo; t̄j̄in-l̄a nga 'ñó k'e nga s̄ixaj̄in inj̄ma-nò.

⁴ Kixí kjoa jè Cristo, k'oaá s'ín k'en-t'aà krò koni jngoò xita xi tsjin-la nga'ño. Tanga j'nde, nga'ño ts'e Nainá tijnakon-ne. Ngajen, k'oaá tís'ín indaakjoa titsajna-jen koni s'ín komat'in Cristo, tanga nga'ño ts'e Nainá kitsajnakon-najen koni Cristo mé-ne nga koma sixá-nòjen.

⁵ Jñò, chít'aà inima-nò, tsà kixí kjoa nga ndaà mokjeiín-nò it'aà ts'e Nainá. Ndaà chít'aà inima-nò xi tijnò-nò. ¿A mìtsà tjiin-nò nga Cristo tijnajin inima-nò? Ta jngoò-la tsà mìkìl tsatojioòn koni s'ín kichit'aà-nò.

⁶ Tanga 'an, majngoò takoàn nga jchaá it'aà tsajen, ngajen tsatojin yije-najen koni s'ín kichit'aà-najen.

⁷ Koi kjoa-la bìtsi'ba-lajen Nainá nga nimé jé kinchátsjioò. Tanga mìtsà koi-ne nga jcha-najen nga ndaà bitjo-jen k'e nga chit'aà-najen. Jè-né nga sikitasòn jñò kjoa xi ndaà tjin, nas'ín k'oa's'ín kàta'ya-la it'aà tsajen koni tsà mìkìl chikjoa-najen kjoa xi otojin-jen.

⁸ Mìkìl koma kondra kitsajna-lajen xita xi sikitasòn kjoakixi-la Nainá. Ta saá k'oi-lajen nga'ño.

⁹ Matsja-najen k'e nga jñò tjin-nò nga'ño, nas'ín ngajen ma indajin-jen. K'oaá ma-ne nga bìtsi'bà-lajen Nainá, mé-ne jñò nimé kjohitsjeèn chijat'aà-nò.

¹⁰ Tikjil-nò xojon jè k'e nga tákò kjin tijnáa-isa, mé-ne k'e nga kijchokon-nò mì tì k'oaá s'ín 'ño kichjako-nò koni s'ín tjin kjotixoma xi kitsjaà-na Nainá. Nga Nainá mìtsà koi xá kitsjaà-na kjotixoma nga 'an síkìts'ón-jin-nò, jè-né nga isa kixi kitsajnakoo 'én xi mokjeiín-nò.

Kó kitsò Pablo nga síhixat'aà xita Corinto

¹¹ Ndí 'ndsè kò tichjaá, jè xi fehet'aà-ne, tsja t'è-là inima-nò; kixi titsajna; tjetakòn xinguio; tà jngoò kjohitsjeèn kàtas'e-nò, 'nchán titsajnakoo xinguio. Nainá xi tjin-la kjoa 'nchán kò xi tjin-la kjoatjòcha kàtijnako-nò.

¹² Nga ngui koo inima-nò tixat'aà xinguio nga jngoò ljngoò.

¹³ Ngats'ii xita-la Nainá xi i titsajnakoo-na síhixat'aà-nò.

¹⁴ Jè kjondaà-la Jesucristo xi otixoma-ná, kò kjoatjòcha-la Nainá, kò Inima Tsjeè-la Nainá kàtijnako-nò ngats'ioò. K'oaá s'ín kàtama.

Xojoṅ carta-la San Pablo xi kiskii-la xita naxandá-la Cristo xi títsajna nangui Galacia

Kó tsò Pablo nga s'hihat'aà xita naxandá-la Cristo xi títsajna nangui Galacia

¹⁻² Jĩṅ xi naxandá-la Cristo maà xi títsajnaà ján nangui Galacia, títsanihixot'aà-nòjen 'an xi 'mì-na Pablo, kò ngats'ìl xita-la Cristo xi i títsajna-kò-na. Jè xá ítjòn xi 'an tjin-na, mìtsà ít'aà ts'e xita isò'nde kitjoé-na kò mìtsà taxki xita tsibít'aà-na. Jè sobà Jesucristo kò Nainá tsibíxáya-na, jè xi Na'èn 'mì-lá xi jè kiskijaáya-la Jesús ít'aà ts'e kjoabiyaà.

³ Jè Na'èn-ná xi Nainá kò Na'èn Jesucristo xi otíxoma-ná kàtatsjá-nò kjondaà kò kjoa'nchán ya jjiin inima-nò.

⁴ Jĩṅ, jyeé tjin-nò nga jè Jesucristo kitsjaà kjetjò yijo-la nga k'en xi kjoa ts'e jé-ná, mé-ne nga kochrjekàjiin-ná jĩà kjoach'o xi tjin i isò'nde. Jesucristo, k'oáá s'in kisikitasòn koni s'in mejèn-la Na'èn-ná xi Nainá.

⁵ Jeya kàtjina Nainá nita mé nachrjein-ne, nita mé nó-ne. K'oás'in kàtama.

Tsjin lingoò-isa 'én ndaà-la Nainá xi kjoa ts'e Cristo xi k'ejí tsò

⁶ 'An, tà maxkón-na nga jĩṅ, ta nitoón chinchat'aàxin-là Nainá nga k'ejí 'én tsanguit'aà-là kò kijnei takòn Nainá xi xó kiichja-nò mé-ne nga ít'aà ts'e kjondaà-la Cristo sijchá yijo-nò.

⁷ Tanga tsjin lingoò-isa 'én ndaà-la Nainá xi kjoa ts'e Cristo xi k'ejí tsò. Tanga tjin i'nga xita xi binchá ská-nò xi mejèn-la sijkatjija-la 'én ndaà-la Nainá xi kjoa ts'e Cristo.

⁸ Tanga tsà tjin xita xi k'ejí tsò 'én xi okóya xi mì k'oáá tsò koni tsò 'én ndaà-la Nainá xi kjoa ts'e Cristo xi jin bènójmí-jen, kàtatsjá-la kjo'in Nainá, nas'in ti 'an-na, o nas'in jngoò àkjale xi ngajmii nchrobá-ne kàtatsjá-najen kjo'in.

⁹ Koni s'in ki'mì-nòjen nga sa ítjòn, tákó k'oáá s'in tixan lingoò k'a-nò: Tsà yá xi k'ejí tsò 'én xi bènójmí-nò koni tsò 'én ndaà-la Nainá xi jye kichjoéjò, Nainá kàtatsjá-la kjo'in.

Mé kjoa xi komàt'in Pablo nga ít'aà ts'e Cristo kisixáya-la

¹⁰ 'An, mìtsà kjondaà-la xita otsjià, kjondaà-la Nainá otsjià. Mìtsà koi otsjià nga ndaà kótijna nga nguixkòṅ xita. Tsà kòs'in s'iaàn, mì-là tsà kixi kjoa nga chi'nda-la Cristo ma.

¹¹ Jĩṅ 'ndsee kò tichjaá, k'oáá s'in kàtasijiin-nò; jè 'én ndaà-la Nainá xi kjoa ts'e Cristo xi 'an benojmíà, mìtsà kjohitsjeèn-la xi taxki xita.

¹² Mìtsà ít'aà ts'e xi taxki xita komà-na kò nga kjòchiya-na 'én koi; jè sobà Jesucristo kisihiseèn-na nga tsakóya-na.

¹³ Jĩṅ, jyeé kina'yà kó kis'iaàn nga tjsa ítjòn, k'e nga ya kiit'aà-la kjetixoma-la xita judío. 'An, tsangatjingui-la jĩà xita naxandá-la Cristo nga kòjtikeé; mejèn-na nga kàtachija.

¹⁴ Koni s'in tjin kjetixoma-la jĩà xita judío, kjin jchán xita naxandá-na xi taña jchínga-jen, kisikitsajna tjinguià nga 'an, isa 'ño ndaà kisikitasoàn koni s'in tjin xkòsòn xi tjin-la xita jchínga-na.

¹⁵ Tanga Nainá k'oáá s'in kisaseèn-la nga 'an jaajiin-na k'e nga tákó ya tijnaya'ma indso'ba nea-na, nga ngui tà kòó kjondaà-la nga 'an kiichja-na;

¹⁶ kō kisikatsējèn-nā Ki'ndí-lā mé-ne kōma kichjáyajìin-lā 'én ndaà-lā jñà xi mìtsà xītā judío. Mìtsà yá xi kiskònangui-lā xi taxkì xītā;

¹⁷ kō mìtsà yá kiaà ján naxandá Jerusalén ñánda tìtsajna jñà xītā xi isá kjòtsee tsibíxáya-lā Cristo koni 'an. Tà saá yá kiaà i'nde Arabia; xi komà iskan-ne inchrobà ijngòò k'a-nā yá naxandá Damasco.

¹⁸ K'e nga jye tsato jàn nó, skanda k'e'e kiaà ján Jerusalén nga mejèn-na skoexkōan Cefas [xi tìkoā Pedro 'mì]; chr'jòon nàchrjein tshótìjina yá ni'ya-lā.

¹⁹ Xītā xi kisixáya-lā, mìtsà yá xi kìjtseexkōan xi k'ejí, ta jè tajngòò Jacobo xi 'ndse ma Na'èn-ná.

²⁰ Jñà 'én koi xi 'an tìsikasén-nò, ngui 'én kixi-né, tíbeè Nainá, mìtsà 'én ndiso.

²¹ K'e nga jye komà iskan, kiaà ján nangui Siria kō yá nangui Cilicia.

²² Tanga jñà nàchrjein koi, k'j'eè kì beèxkon-na jñà xītā naxandá-lā Cristo xi tìtsajna yá nangui Judea.

²³ Tà k'oaá tsò 'én xi kùl'nchré: "Jè xi kùtjngui kondra-ná nga sa kjòtseeé, j'ndeji, 'én ndaà-lā Nainá xi kjoā ts'e Cristo chjaya, jè 'én xi mejèn-lā kisichja nga sa ítjòn."

²⁴ Jñà xītā koi, jeya kisikìjina Nainá nga jye jahatjìya-na.

2

¹ K'e nga jye komà iskan nga jye ijchò te ñijòn nó, kiaà ijngòò k'a ján Jerusalén kō Bernabé; tìkoā kùlkoā jè Tito.

² Koi kii-nā nga Nainá k'oa's'ín kisikichiya-nā nga tjinè-nā nga kjián. Jñà xītā xi xá 'nga tjin-lā yá naxandá-lā Cristo ít'aa xìn tsibenojmí-lā kó tsò 'én ndaà-lā Nainá xi kjoā ts'e Cristo xi 'an chjaya-lā jñà xi mìtsà xītā judío. Majìn-na nga jñà xītā koi kito-na nga nìmé chjì-lā xá xi 'an tìs'iaàn kō xi jye kis'iaàn.

³ Jè Tito nas'ín xītā griego nga yá tìjko-na, mìtsà yá xi kjo'ñó kis'ìin-lā nga kisit'aà chiba-lā yijo-lā kjoā ts'e circuncisiòn.

⁴ Tanga tjin i'nga xītā ndiso xi jahas'en-jiin chijé nga tsò nga tìkoā jè Cristo fit'aà-lā; ta jè xi mejèn-lā nga kotsejèn chijé kós'ín tìtsa'né jñà xi mokjeiìn-ná ít'aa ts'e Cristo Jesús nga jye tìtsajnandiáá kjoā ts'e kjotìxoma xi kitjoé-lā Moisés, kō mejèn-lā nga kjo'ñó s'jiin-ná nga sikitasoán kjotìxoma.

⁵ Tanga ngajèn nì jìtsé kinis'in-lajèn mé-ne nga jè kjoā kixi xi ts'e 'én ndaà-lā Nainá xi kjoā ts'e Cristo, yaá kàtìjnajìin-nò nga kjit'aà nàchrjein.

⁶ Jñà xītā xi xá 'nga tjin-lā nìmé kjoā xitsee kitsjaà-isa-na koni tsò 'én xi 'an okoóya. Tanga mìtsà 'an tjin-na kindá tsà xītā ítjòn-né kō tsà majìn. Nga Nainá mìtsà faájìin xītā yá-ne xi tìtsajna ítjòn kō yá-ne xi tìtsajna tjingui.

⁷ Ta saá kòkjeiìn-lā nga jè sobà Nainá kitsjaà-na xá nga 'an kichjáyajìin-lā 'én ndaà-lā Nainá xi kjoā ts'e Cristo jñà xi mìtsà xītā judío xi mikìl tjit'aà chibā yijo-lā kjoā ts'e circuncisiòn. Kō jè Pedro kitjoé-lā xá nga jè kùlchjayajìin-lā jñà xi ngui xītā judío xi tjit'aà chibā yijo-lā kjoā ts'e circuncisiòn.

⁸ Nainá, koni kisikō Pedro nga jè tsibíxáya-lā nga kùlchjayajìin-lā 'én ndaà-lā Nainá xi kjoā ts'e Cristo jñà xi ngui xītā judío, 'an, k'oaá tì kisikō-na nga 'aán tsibixáya-na nga kichjáyajìin-lā 'én ndaà-lā Nainá xi kjoā ts'e Cristo jñà xi mìtsà xītā judío.

⁹ Jacobo, Cefas [xi tìkoā Pedro 'mì] kō Juan, xi kōs'ín beèxkón xītā nga jñà tìtsajna ítjòn yá naxandá-lā Cristo, kìjtseeé nga Nainá kitsjaà-na kjondaà koi. Kjòjngòò ikon, ìkjoàn kitsjaà-najèn tsja, 'an kō Bernabé, mé-ne nga ki'ya-lā

nga ta jngoó xá títsa'nè-jen. Ndaà kisaseèn-là nga tsanguì nìxà-lajen jñà xi mìtsà xítà judío, koà jñà, kisixáko jñà xi ngui xítà judío.

¹⁰ Tà koií kjoà xi kisijé-najen nga kochját'aà-là xítà ima. Jñà kjoà koi, tìkoáá 'an, jyeé kòs'in tìbènè-là yijo-na nga k'oa tìs'iaàn.

Mé-ne tsohótiko-ne Pedro jè Pablo ján naxandá Antioquia

¹¹ Jngoó k'a k'e nga jè Cefas [xi tìkoá Pedro 'mì] j'ii j naxandá Antioquia, tsakatìkoá nga nguixkòn xítà k'e nga kijtseè nga mìkì ndaà tjín kjoà xi tìs'in.

¹² K'e nga sa ítjòn, yaà tsakjèn-ko jñà xítà-là Cristo xi mìtsà xítà judío. Nga komà iskan, k'e nga j'ii xítà judío xi tìkoá mokjeiín-là it'aà ts'e Cristo, xítà xi ts'e Jacobo, k'eé mì tì kii ya tsakjèn-ko-ne; tsasit'aaxìn-né nga majìn-là nga ch'ò kijnako jñà xítà koi nga kjo'ño mejèn-là nga sit'aà chiba-là jñà xi mìtsà xítà judío.

¹³ Tìkoáá jñà xítà judío xi i'nga xi mokjeiín-là 'én-là Nainá, k'oaá ti kis'iin koni jè Pedro nga kisis'in-là kjoà xi jò isén tjín-là, skanda jè Bernabé k'oaá ti kis'iin.

¹⁴ 'An, k'e nga kijtseè nga mì k'oaá s'in nchisíkitasòn koni s'in tjín kjoà kixi-là 'én ndaà-là Nainá xi kjoà ts'e Cristo, k'oaá kixan-là jè Cefas [xi tìkoá Pedro 'mì] nga nguixkòn ngats'ii xítà: “Ngaji nga xítà judío 'mì-lè, k'oaá s'in tìnjchí yijo-lè koni tsà mìtsà xítà judío. ¿Mé-ne kjo'ño 'nè-là jñà xi mìtsà xítà judío nga k'oaá s'in kàtasijchá yijo-là koni tsà ngui xítà judío?”

¹⁵ 'Nas'in kixi kjoà nga tje-là xítà judío 'mì-ná nga mì yaà kits'iin-jìin-lá jñà xi mìtsà xítà judío xi xítà jé 'mì-là,

¹⁶ Tanga 'ya-ná nga jñà xítà, mìtsà kixi kítsajna nga nguixkòn Nainá nga ta koi kjoà-là nga síkitasòn Kjotixoma xi kitjoé-là Moisés; ta jè-né nga mokjeiín-là it'aà ts'e Cristo. Jñà, jyeé kòkjeiín-ná it'aà ts'e Jesucristo, ko jè Nainá kixi síkijna-ná koi kjoà-là nga jye ya kòkjeiín-ná it'aà ts'e Cristo, mìtsà koií kjoà-là nga nìkitasoán kjotixoma. Nijngoó xítà xi kixi kijná nga nguixkòn Nainá nga ta koi kjoà-là nga síkitasòn Kjotixoma.

¹⁷ 'I'ndeí k'oaá s'in chiñá-lá nga kixi kítsajnaá ya nguixkòn Nainá ta koií kjoà-là nga mokjeiín-ná it'aà ts'e Cristo, [mìtsà koi-ne nga kjotixoma tìsaníkitasoán]. K'oaá ma-ne nga xítà jé tì'mì-ná [koni jñà xi mìtsà xítà judío]. Tanga, ¿a tsò-ne kjoà nga jè Cristo bít'in-ná nga binchaàtsjiaá jé? Majìn, mì k'oaá s'in tjín.

¹⁸ Tsà jè kjotixoma xi 'an tsachrjekànguia nga sa ítjòn, ko tsà jngoó k'a síkitasoán, jé tìhotsjia.

¹⁹ Jè kjotixoma xi kitjoé-là Moisés, jè kisik'en-na. I'ndeí tijnandeí-ná kjoà ts'e kjotixoma mé-ne ma kótijnakon-na nga síkitasòn-là Nainá.

²⁰ K'e nga k'en-t'aà krò Cristo, 'an, tìkoáá ya k'en-t'aàkoá. Ko mìtsà tì'an-na xi tijnakoan, jè Cristo xi tijnajiin inima-na. I'ndeí, koií tijnakon-na nga jè Kì'ndí-là Nainá ma'ñót'aà takoàn nga 'ño kjòtsjakeé-na skanda jè kitsjaá kjotjò yijo-là nga k'en ngajo-na.

²¹ Majìn-na nga ochrjekànguia kjondaà-là Nainá. Tsà it'aà ts'e kjotixoma xi kitjoé-là Moisés, kixi kítsajnaá nga nguixkòn Nainá, mì-la mé chíj-là nga k'en Cristo.

3

Méxi chíj-là, a jè kjotixoma xi kitjoé-là Moisés, o xi jè-né nga mokjeiín-ná it'aà Cristo

1 J̄ñò xi nangui Galacia tsajòn, mé ta tònḡo-nò! ¿Yá xi kiskoòḡachan-nò? ¿A mì bítsjeèn-nò koni s'ín nga nguì ndaà tsibèḡojmíya-nòjen nga jè Jesucristo yaá k'en-t'aà krò xi k̄jòndaà tsajòn?

2 Tà koií kjoa k̄jòḡnangui-nò: ¿A koií kjoa-là nga kinikitasòn k̄jot̄ixoma nga kitjoé-nò Iníma Tsjeè-là Nainá, o xi koií-né nga mokjeiín-nò 'én-là Nainá koni s'ín kina'yà?

3 J̄ñò, nga sa ítjòn, tsibìts'iaḡo-nò k̄johìtsjeèn-là Iníma Tsjeè-là Nainá; k̄jò j'ndeí, mejèn-nò nga tà k̄johìtsjeèn-là x̄ita s̄ikjehet'aà-nò. ¡Mé ta tònḡo-nò!

4 J̄ñò, tseé k̄jò'in tsatojioòn nga kòkjeiín-nò 'én ndaà-là Nainá. ¿A tà k̄jot̄jò-ne nga tse k̄jò'in tsatojioòn? Majín, mì-la kii ndaà t̄jín.

5 K'e nga Nainá kitsjaà-nò Iníma Tsjeè-là k̄jò kis'iín k̄joxkòn xi ndaà t̄jín j̄jìlìn naxandá tsajòn, ¿mé-ne k'oas'ín kis'iín-ne? ¿A koi-né nga ndaà kinikitasòn k̄jot̄ixoma? Majín, koií-né nga kòkjeiín-nò 'én ndaà-là Nainá.

Nainá, mé-ne x̄ita kixi k̄ijtseè takòn-ne Abraham

6 Koni jè x̄ita jchínga-ná xi k'i mì Abraham kòkjeiín-là it'aà ts'e Nainá; k'oagá komà-ne nga x̄ita kixi kitsò-là Nainá.

7 J̄ñò, k'oagá s'ín ndaà k̄atasijìlìn-nò: J̄ñà xi mokjeiín-là, j̄ñà-né xi tje-là Abraham.

8 Nga t̄isa k̄jòtseé, jyeé k'oas'ín kitsjaà 'én Nainá koni s'ín tichja Xojon-là nga s̄ikixi-né j̄ñà xi mìtsà x̄ita judío k'e nga mokjeiín-là it'aà ts'e. Yaá tichja ñánda jè Nainá t̄jen kitsjaà ítjòn-là Abraham j̄ñà 'én ndaà-là xi tsò: “Ngats'iì naxandá xi t̄jín isò'nde, it'aà tsjii kochikon-t'in.”

9 K'oagá ma-ne nga ngats'iì x̄ita xi mokjeiín-là it'aà ts'e Nainá ngásòn kochikon-t'in k̄jò Abraham nga jè Abraham kòkjeiín-là it'aà ts'e Nainá.

10 Ngats'iì x̄ita xi jè ma'ñót'aà takòn koni s'ín nchis̄ikitasòn k̄jot̄ixoma, k̄jò iín t̄jínè-là, nga mìtsà kixi kjoa nga ndaà s̄ikitasòn ngats'iì kjoa xi ya t̄jít'aà. Nga k'oagá s'ín tichja Xojon-là Nainá nga tsò: “K̄atasinè-là k̄jò'in jè xi mì kixi s̄ikitasòn ngats'iì kjoa xi t̄jít'aà jè xojon ts'e k̄jot̄ixoma.”

11 Okixi-né nga nijngoo x̄ita xi kixi k̄jina nga nguixkòn Nainá nga k̄jot̄ixoma s̄ikitasòn. Nga jè 'én-là Nainá tsò-né: “Jè xi x̄ita kixi, jè kjoa xi mokjeiín-là k̄jnakon-ne.”

12 J̄ñà x̄ita xi k̄jot̄ixoma s̄ikitasòn mìtsà Nainá ma'ñót'aà ikon. Nga k'oagá s'ín tichja Xojon-là Nainá, nga tsò: “X̄ita xi k̄jot̄ixoma s̄ikitasòn, k'oagá s'ín t̄jínè-là nga k'oas'ín s̄ijjchá yijo-là koni tsò k̄jot̄ixoma.”

13 Jè Cristo tsibíchjítjì-ná k̄jò'in xi ya t̄itsajnajñaá nga k̄jot̄ixoma t̄itsan̄ikitasoán nga jè kis̄ikjeiín k̄jò'in xi jè tsaján; nga k'oagá s'ín tichja xojon nga tsò: “K̄jò'iín s̄inè-là ngats'iì xi krò sit'aà.”

14 Jè Cristo, koií okis'iín-ne mé-ne nga j̄ñà kjoa machikon-t'in xi kitjoé-là Abraham t̄ikoá t̄joe yije-là ngats'iì naxandá xi t̄jín isò'nde nga j̄ñà kjoa machikon-t'in, yaá nchrobá-ne it'aà ts'e Cristo mé-ne nga it'aà ts'e kjoa xi mokjeiín-ná, t̄joe-ná Iníma Tsjeè-là Nainá xi jye k'oas'ín kitsjaà tso'ba Nainá nga tsjá-ná.

Nga'ñò xi t̄jín-là 'én-là Nainá koni s'ín kitsjaà-là tso'ba Abraham

15 J̄ñò 'ndsè k̄jò tichjaá, kèḡojmí jngoo-nò k̄jot̄ixoma xi ts'e isò'nde. K'e nga sindaàjìlìn jngoo kjoa nga xojon t̄jámii'nga, nga jye ma firma k̄jò sasén-là sello, mì t̄jì kii koma k̄jts'ón-ya-ne koni s'ín sindaàjìlìn, t̄jikoagá mì t̄jì kii koma s̄iit'aasòn-isa-là 'én xi k̄j'eií tsò koni s'ín jye kasindaàjìlìn.

16 K'oaá s'ín kitsjaà-là tso'ba Nainá jè Abraham kò jè xità tje-là. Jè Xojon-là Nainá mìtsà tsò “jñà xità tje-la”, ta tsò-né: “jè tje-lè.” Nga mìtsà kjin ma tje-là Abraham xi kitjoé-là koni tsò 'én xi kitsjaà-là Nainá, ta jngoó ma-ne. Nga jè tíhoxkit'aà Cristo.

17 Jè kjoa xi tibenojmiá, kiús'ín tjín: Nainá kò Abraham tsibindaàjìin jngoó kjoa, ikjoàn kisikixiya [koni ma k'e nga jye ma firma]. K'e nga jye tsato ñijòn sìnḍo kò katé nó, j'ii kjotixoma ts'e Moisés; tanga jè kjotixoma mìkiì ma síkìts'ónña jè kjoa xi jye kisindaàjìin kò mìkiì ma kitjongui xi Nainá jye k'oas'ín kitsjaà tso'ba.

18 Jè Nainá k'e nga tsjá-ná kjondaà-là, mìtsà koi kjoa-là nga ñikitasoán kjotixoma, koi-né nga jye k'oas'ín kitsjaà tso'ba. Nga Nainá, tà kjotjò kitsjaà-là kjondaà Abraham nga jyeé k'oas'ín kitsjaà-là tso'ba.

Mé xá xi tjín-là kjotixoma

19 Tanga jè kjotixoma, ¿mé xá kitjei-ne? Koií k'oas'ín kitjei-ne koií kjoa-là nga ch'ò nchis'ín xità. K'oaá s'ín kisijna skanda k'e nga j'ii tje-là Abraham xi Nainá xó k'oas'ín kitsjaà-là tso'ba. Jè kjotixoma, jñà àkjalé j'ii kò jè Moisés tsasijnajìin osen nga kisikatoya 'én kò kiichjatjì xità nguixkòn Nainá.

20 K'e nga jngoó xità osijnajìin osen, mìtsà ta jngoó xità fit'aà-là, fit'aà-là ngajò. Tanga jè Nainá ta jè tajngoó kitsjaà-là 'én Abraham.

21 Nainá, k'e nga kitsjaà kjotixoma, mìtsà kondra kii-là koni s'ín jye kitsjaà-là tso'ba Abraham. Tsà jè-la-ne kjotixoma ma-là síkìtsajnakon xità, maá-la kixi kítajna xità nga kjotixoma síkìtasòn.

22 Tanga jè Xojon-là Nainá, k'oaá tsò nga ngats'ii xità saá jè títajnajìin. K'oaá ma-ne nga jñà xità xi mokjeiín-là it'aà ts'e Jesucristo, tjoé-la kjoabinachon xi Nainá jye k'oas'ín kitsjaà tso'ba nga tsjá-là jñà xità nga mokjeiín-là.

23 K'e nga tikj'eé f'ii jè kjoa xi mokjeiín-ná, jè kjotixoma kitsobá'ñó-ná koni tsà ndayá tsibitsajna'ya-ná skanda jè nachrjein k'e nga ki'ya-là jè kjoa xi mokjeiín-ná.

24 Kò jè kjotixoma kisikinda-ná koni s'ín makinda jñà ixti, skanda k'e nga j'ii Cristo, mé-ne k'e nga mokjeiín-ná it'aà ts'e Cristo, kixi kítajnaá nga nguixkòn Nainá.

25 J'indej nga jye j'ii kjoa xi mokjeiín-ná, mì tì yaá títajna'ñó-ná it'aà ts'e kjotixoma.

26 Jñò, ngats'ioò, saá ixti-là Nainá maá koi kjoa-là nga mokjeiín-nò it'aà ts'e Cristo Jesús.

27 K'e nga ya títajnakjoòkoo Cristo nga komà bautizar, k'eé jahatjija-nò koni jngoó xità xi síkijatjija nikje-là. Jè sobá Cristo xi komà nikje xitse-nò.

28 Mì tì kii mochjeén-ne nga tjájin xità yá-né xi xità judío kò yá-né xi mìtsà xità judío, yá xi ch'i'nda'ñó títajna kò yá xi títajnandejií, yá-né xi x'in kò yá-né xi chjoón. Ngats'ioò tà jngoó yijo ma-nò nga ya títajnakjoòkoo Cristo Jesús.

29 Jñò, nga xità-là Cristo ma, kixií kjoa nga tje-là Abraham ma, tíkò tjoé-nò kjotjò koni s'ín kitsjaà-là tso'ba Nainá jè Abraham.

4

1 Tíkòáá kènojmi jngoó-nò kjotixoma: Jngoó ti, k'e nga tákò itésé kji, k'oaá ngaya-là koni tsà ch'i'nda tjina nga kj'eé tsà jè be mé tsojmi xi tjín-là na'èn-là na'sín k'e nga koma iskan jè tjoé-là tsojmi xi tjín.

² Nga x̄itaá síkinda skanda k'e nga majchínga, k̄o t̄jín x̄ita xi síkinda j̄nã tsojm̄i-lã skanda k'e nga kichóya nachrjein-lã koni s'ín tsibíjna ch̄iba na'én-lã.

³ J̄nã xi x̄ita 'mì-ná, k'oaā t̄is'ín komat'iaán koni mat'in j̄nã ixti k'e nga t̄ikj'e'e mokjeiín-ná it'aà ts'e Cristo nga j̄nã kjotíxoma xi t̄jín isò'nde 'nó tsatíxoma-ná koni s'ín mat'in j̄nã xi ch̄i'nda t̄itsajna'ñó nga mìk̄i t̄j'i'nde-lã nga k̄ítsajnadej̄i.

⁴ Tanga k'e nga kichóya nachrjein koni s'ín t̄jindaà-lã Nainá, jè Nainá kisikasén ki'ndí-lã i it'aà nangui; k̄o it'aà ts'e chjoón kits'ìin koni s'ín ts'ìin xi taxk̄i x̄ita isò'nde. K̄o yaá kjòjcháj̄iin kjotíxoma ts'e x̄ita judío.

⁵ K'oaā kis'ìin Nainá, mé-ne nga jè Jesucristo s̄iik̄ítsajnadej̄i j̄nã x̄ita xi ya t̄itsajnaj̄iin-ñó kjotíxoma k̄o mé-ne nga ngásòn skoétjò-ná Nainá nga ixti-lã komaá.

⁶ Koií kjoa-lã nga jye ixti-lã maá, Nainá kisikasén Inimã Tsjeè-lã xi ts'e Ki'ndí-lã ya j̄iin inimã-ná. K'e nga nokjoát'aà-lã Nainá, k'oaā tsò Inimã Tsjeè-lã: "Ndí apa", tsò-né.

⁷ K'oaā ma-ne nga j'ndeij m̄itsà t̄i x̄ita ch̄i'nda t̄itsajnaá; jyeé ixti-lã Nainá 'mì-ná; k̄o t̄ikoaá tsjá-ná Nainá ngats'ìi kjotjò xi j̄nã tjoé-ná nga ixti-lã 'mì-ná.

Mé-ne síkájno-ne Pablo it'aà ts'e x̄ita Galacia xi mokjeiín-lã 'én-lã Nainá

⁸ J̄nò k'e nga sã kjòtsee, k'e nga t̄ikj'e'e yaxkon xi ngui jè sobà Nainá, ch̄i'nda'ñó tsitsajnaà nga kjò'ñó-né nga j̄nã tsanguit'aà-lã xi m̄itsà kix̄i kjoa nga Nainá.

⁹ Tanga j'ndeij nga jye yaxkoòn xi ngui jè sobà Nainá, (tanga xi ngui kix̄i kjoa, jè Nainá xi jye ndaà beèxkon-nò), ¿mé-ne k'oas'ín ník̄ítsjeèn-nò nga j̄nã onguít'aà l̄jngoō k'a-lã j̄nã kjotíxoma imã xi t̄jín-nò, jè xi tsj̄in-lã nga'ñó, k̄o xi n̄imé ch̄i-lã? ¿A mejèn-nò nga ya s̄iik̄ítsajna'ñó l̄jngoō k'a-nò?

¹⁰ J̄nò, tákó 'nó yaxkón nachrjein ts'e s'eí, ts'e sá, k̄o ts'e nó.

¹¹ 'An, makájno-nã jè xá xi kis'iaàn nga kisixáj̄iin-nò tsà tà kjotjò-ne.

¹² 'An nga jye tsohósijnat'aaxin-lã jè kjotíxoma, t̄ikoaá yaá kisingásòn-kò-nò, nga j̄nò, mìk̄i t̄j̄iin-nò it'aà ts'e kjotíxoma. I'ndeij k'oaā s'ín ts̄isjé-nò nga t̄inchat'aaxin-lã kjotíxoma koni 'an jyeé tsohósijnat'aaxin-lã. Nga sã ítjòn n̄imé kjoa t̄jín xi ch'o kinikò-ná.

¹³ Jyeé t̄j̄iin-nò k'e nga sã kiaa ítjoàn nga kichj̄ayaj̄iin-nò 'én ndaà-lã Nainá xi kjoa ts'e Cristo, koií kjoa-lã nga ch'in t̄jín-lã yijo-nã.

¹⁴ J̄nò, mìk̄i kinachrjengui-ná n̄i m̄itsà xin kinik̄ijna-ná, nas'ín kjoa tsohótsji-nò nga ch'in t̄jín-lã yijo-nã. Tà saá kichjoétjò-ná koni jngoō àkjalè-lã Nainá, koni tsà jè sobà Cristo Jesús.

¹⁵ ¡Nga sã ítjòn, 'nó tsja t̄jín-nò! I'ndeij, ¿mé xi komà-nò? K'oaā xan-nò, skanda j̄nã xkoòn mejèn kinachrje nga 'an kits'ìi-ná.

¹⁶ I'ndeij, ¿a kondraá kótijnako-nò, tà koií kjoa-lã nga 'én kix̄i benojm̄i-nò?

¹⁷ J̄nã x̄ita [xi mejèn-lã nga kjotíxoma s̄ik̄itasòn], 'nó bínè-lã yijo-lã it'aà tsajòn, tanga mìk̄i ndaà t̄jín kjoh̄itsjeèn-lã. Tà jè xi mejèn-lã nga kochrjet'aaxin-nò it'aà tsajen mé-ne nga j̄nã konguít'aà-lã.

¹⁸ J̄nò, ndaà t̄jín k'e nga 'nó bínè-lã yijo-nò it'aà ts'e kjoa xi mejèn-nò tsà ndaà t̄jín kjoh̄itsjeèn-nò k̄o tsà kjit'aà nachrjein k'oas'ín s'een, m̄itsà tà k'e nga 'an t̄jnakò-nò.

¹⁹ J̄nò xi koni tsà ndí ixti-nã xan-nò, 'an, k'oaā s'ín t̄imat'ian koni jngoō chjoón xi ki'ndí t'i'beé; tsee kjò'in ts̄isik̄iaán xi kjoa tsajòn. Jè kjò'in xi ts̄isik̄iaán skanda k'eé-la kjoehet'aà k'e nga k'oas'ín s̄ijchá yijo-nò koni Cristo.

²⁰ Mejèn-na nga ya kótijnako-nò jè hora jè, mé-ne nga k'ejí tso 'én xi kichjàko-nò. Jyee mì tì kii be-na kós'ín sikítsjeèn it'aà tsajòn.

Kó tsòya-ne it'aà ts'e chjoón Agar ko Sara

²¹ Jñò xi mejèn-nò nga kjotixoma sikitason, za k'je'e na'ya-là kó tso 'én xi tjit'aà kjotixoma-là Moisés?

²² K'oaá tso nga jè Abraham, jò komà ixti-là, jngoò ts'e chjoón ch'i'nda-là; jè xi jngoò, ts'ee xi ngui chjoón-là xi mìtsà ch'i'nda tìjna.

²³ Jè ki'ndi-là xi chjoón ch'i'nda k'oaá s'ín kits'iin koni s'ín ts'iin ngats'i ndi ixti. Tanga jè ts'e xi ngui chjoón-là xi mìtsà ch'i'nda tìjna, k'oaá s'ín kits'iin nga tsitasòn koni s'ín kitsjaà-là tso'ba Nainá Abraham.

²⁴ Kjoa ts'e íchjín koi, k'oaá ngaya-là koni jñà kjoa xi jò tsibindaàjìin Nainá. Jè chjoón Agar; jè ngaya-là kjoa xi kisindaàjìin ya nindoò Sinai k'e nga kitjoé-là kjotixoma Moisés. Ngats'i xita tje-là ch'i'ndaà tsibitsajna.

²⁵ Jè chjoón Agar, jè ngaya-là nindoò Sinai xi síjna ján Arabia, ko nachrjein i'nde jè mangàsòn-ko naxandá Jerusalén, nga jñà xita-là ch'i'nda'ño títajna nga tákó kjotixoma sí's'in-là.

²⁶ Tanga jè Jerusalén xi kijna ngajmii, tijnandejì-né ko yaá nokjoá-ná ya naxandá jè; k'oaá ngaya-là koni tsà nea-ná ma.

²⁷ K'oaá tso Xojon-là Nainá nga tso:

Kàtatsja-lè ngaji xi chjoón 'ndi 'mì-lè nga tsjin-lè ixti.

'Nó chihindáyi nga ko kjotsja-lè nga mikii 'yi kós'ín ma nga ts'iin ixti.

Nga jè chjoón xi kijnei takòn,

isáá kjin koma ixti-là mì k'oa-ne jè xi tjin-là x'in.

²⁸ Isaac k'oaá s'ín kits'iin koni s'ín kitsjaà tso'ba Nainá. Jñò tikoáá ixti-laá maá xita jchínga-là Isaac koni s'ín kitsjaà-là tso'ba Nainá.

²⁹ Jè ki'ndi xi tà k'oa's'ín kits'iin koni ts'iin yije xita isò'nde, kiitjngui kondra-là jè xi it'aà ts'e Injma Tsjeè-là Nainá kits'iin-ne. Koni s'ín komà jñà nachrjein koi, tákó k'oaá s'ín ma skanda nachrjein i'nde jè.

³⁰ Tanga, kó tso Xojon-là Nainá? K'oaá tso: "Tijótjngui-là jè chjoón ch'i'nda ko ki'ndi-là; nga jè ki'ndi-là nímé kjotjò tjoé-là, tà jè tjoé-là kjotjò jè ki'ndi-là xi mìtsà chjoón ch'i'nda."

³¹ Jñò ndi 'ndsè ko ndi tichjaá, k'oaá s'ín tjin, jñà mìtsà ixti-là chjoón ch'i'nda maá, jñà-ná xi ixti-là chjoón xi mìtsà ch'i'nda tìjna.

5

Kós'ín sijchá yijo-ná nga jye titsajndiaá it'aà ts'e kjotixoma xi kitjoé-là Moisés

¹ Jè Cristo, jngoò k'aá kisikítsajndejì-ná it'aà ts'e kjotixoma xi kitjoé-là Moisés; k'oaá ma-ne jñò 'ño kixi títajna koni s'ín kisikítsajndejì-nò Jesu-cristo. Ki tì ya onguít'aà-là kjoa ts'e kjotixoma xi kitsobá'ño-nò skanda kjotseé.

² 'An sobá-ná xi 'mì-na Pablo, tijná'ya-ná koni xan-nò: tsà sít'aà chiba-nò kjoa ts'e circuncisión, mì tì mé kjondaà sakò-nò it'aà ts'e Cristo.

³ Jngoò k'a koxan-nò, nita yá xita-ne xi sít'aà chiba-là kjoa ts'e circuncisión, kjo'ño tijné-là nga sikitason yije koni tso 'én xi tjit'aà xojon ts'e kjotixoma.

⁴ Jñò xi k'oa's'ín mejèn-nò nga it'aà ts'e kjotixoma kixi kítajna ná nga nguixkon Nainá, jyee chinchat'aaxin-là Cristo, jyee chinchat'aaxin-là kjondaà xi tsjá kjotjò-ná Nainá.

⁵ Tanga ngajen, it'aà ts'eé Inimá Tsjeè-lá Nainá titsachiñá-lajen nga kixi kítsajna-jen nga nguixkon Nainá nga ta koi kjoa-lá nga mokjeiín-najen it'aà ts'eé Cristo.

⁶ Nga it'aà ts'eé Cristo Jesús, mì tì mé chjí-lá yá-ne xi tít'aa chiba-lá ko yá-ne xi tsjin-lá chiba kjoa ts'eé circuncisión. Jè xi chjí-lá nga 'ya-lá koni s'ín mokjeiín-ná it'aà ts'eé Cristo, nga tjin-ná kjotsjacha.

⁷ Jñò, k'eé nga sá ítjòn, ndaà tìtsahonguikoo kjohítsjeèn-nò. ¿Yá xi tsatekjáya-nò nga mì tì kii níkitasòn-nò xi kjoa kixi?

⁸ Jè kjohítsjeèn jè, mìtsà ya nchrobá-ne ts'eé Nainá xi xó kíichja-nò.

⁹ Tìkindaa yijo-nò; nga k'oaá tsò jngoò 'én: "Nas'ín ítse-ne na'yo san xi sijnin na'yo inchrájin, sísan yije-né nas'ín tse ma-ne na'yo."

¹⁰ Jè Nainá ot'aà takoán it'aà tsajòn nga mìtsà kje'ijí s'ín síkítsjeèn. Jè Nainá tsjá-lá kjo'in nita yá xita-ne xi mejèn-lá síkíts'ón-jün-nò.

¹¹ Jñò ndí 'ndseé ko ndí tichjaá, nga mì k'oaá s'ín tihokoóya nga sit'aà chiba-lá xita kjoa ts'eé circuncisión, koi kjoa-lá nga fitjingui kondra-na jñà xita. Tanga tsà mì k'oas'ín okoóya, mì-la kii kjitjingui kondra-na, mì-la tì kii kojitkeé-ne 'én xi chjaya it'aà ts'eé krò-lá Cristo.

¹² Jñà xita xi mejèn-lá síkíts'ón-jün-nò, kì tà bít'aa chiba-lá yijo-lá, tà saà jngoò k'a kàtatet'aa yijo-lá.

¹³ Jñò 'ndseé ko tichjaá, k'oaá s'ín kíichja-nò Nainá nga kítsajnandeji-nó it'aà ts'eé kjotixoma. Tanga i'ndeji nga titsajnandeji-nó, kì ch'o 'nè koni s'ín mejèn-lá yijo-nò. Mochjeèn-né nga tìsikoo xinguió, kàtas'e-nò kjotjòcha nga ljngoò ljngoò-nò.

¹⁴ Nga ngats'ii kjotixoma, yaá majngoò yije jè xi tsò: "Tìtsjachi xita xinguii koni tsà tì yijo tsiji-ne."

¹⁵ Tsà tijnò tìtsabixkàn-ko-nò xinguió koni s'ín nañá, t'een kindá yijo-nò nga mì tijnò síkjesòn-nò xita xinguió.

Kjoach'o xi sjé yijo-ná

¹⁶ K'oaá xan-nò: Tjii'nde-lá yijo-nò nga jè Inimá Tsjeè-lá Nainá kàtakó-nò ndiyá mé-ne nga mì koi kjoa síkitasòn kjoach'o xi sjé yijo-nò.

¹⁷ Jñà kjoach'o xi sjé yijo-ná kondraá fi-lá jè Inimá Tsjeè-lá Nainá, ko jè kjoa xi mejèn-lá Inimá Tsjeè-lá Nainá kondraá fi-lá jè xi mejèn-lá yijo-ná. Jñà kjoa koi kondraá tìtsajna-lá xikjin. K'oaá ma-ne nga jñò, mìkì k'oas'ín s'een koni s'ín mejèn-nò.

¹⁸ Tanga tsà jè Inimá Tsjeè-lá Nainá tihokó-nò ndiyá, mì tijeé kjotixoma otixoma-nò.

¹⁹ Jyeeé 'yaá mé kjoach'o xi sjé yijo-ná koni jè kjoachijngui, kjoaxòpa, kjoachinga,

²⁰ kjoa nga xkósòn yaxkoán, kjoatj'e, kjoa nga majtichaa xinguiá, nga bixkàn-koaá xinguiá, nga machinichaa xinguiá, nga jti takoán, nga nachrjenguiá xinguiá, nga xita nijöyaá ko nga binchat'aaxin-lá xinguiá,

²¹ kjoaxitakòn, kjoach'i, ko ngats'ii kjoachrjá'a xi ma ñánda bitjo s'eí. Tjin isa kjoa xi kje'ijí, xi mangásòn-ko kjoa koi. Koni s'ín kixan-nò nga sá ítjòn, tákó k'oaá xan-nò skanda i'ndeji, jñà xita xi k'oaá tjin kjoa xi s'ín, nímé kjondaá sakó-lá ya ñánda nga tíhotixoma Nainá.

Kjondaá xi tsjá Inimá Tsjeè-lá Nainá

²² Tanga jñà kjondaá xi tsjá Inimá Tsjeè-lá Nainá, jñà-né nga tjòcha s'een xinguiá, nga tsja s'én kjit'aá, nga 'nchán sjichá yijo-ná, nga s'e-ná

kjoatsejta, nga tsjakjoa s'éeen, nga s'en-ná kjondaà xi ndaa tjin, nga kixi tjin kjohitsjeen-ná,

²³ nga indaàkjoa s'éeen ko nga kixi kotixoma-lá yijo-ná. Jña kjoa koi, tsjin kjotixoma xi kondra tjna-la.

²⁴ Jña xi jye xita-la Cristo maá, ngats'ii kjohitsjeen-ná xi ch'o tsò ko xi ch'o síjé yijo-ná, yaá kinik'en-t'aa krò-la Cristo.

²⁵ I'ndeñ nga jè Inima Tsjeè-la Nainá tísikijnakon-ná, mochjeén-né nga kos'in kjiaan koni s'in okó-ná ndiyá.

²⁶ Mikii ndaa tjin nga 'nga koma takoán, nga tijná sijti-lá xinguiáá, ko nga kojitakòn-chaá xinguiáá.

6

Mé xi mochjeén nga ndaa sikoáá ngats'ii xita

¹ Jño ndí 'ndsè ko ndí tichjaá, tsà tjin i'nga xita xi jé ótsji, jño xi ndaa onguít'aa-là jè Inima Tsjeè-la Nainá, jño tísikoò nga kàtakixiya jngoò k'a-ne nga indaàkjoa tinókjoa-là. Tanga jño, t'een kindá yijo-nò, mé-ne nga mì jè skajjin-nò.

² Tísikoò xinguiòo k'e nga tsà mé kjoa xi 'in tjin títajnañiin; k'oaá s'in koma-ne nga sikitasòn jè kjotixoma xi kitsjaá Cristo.

³ Tsà tjin i'nga xita xi ndaa ochrjengui yijo-la, koá tsà mìtsà kixi-ne kjoa, jña xita koi, tà yijo-laá nchikonachan-la.

⁴ Isaá ndaa-ne nga chít'aa yijo-nò nga jngoò jngoò-nò, a ndaa títas'nè; tsà ndaa títas'nè, ta ya tjiin takòn, kì k'oaá s'in nikitsjeen nga jño, isaá ndaa títas'nè mì k'oa-ne koni jña xita xi kj'eji.

⁵ Nga jngoò jngoò, yaá kjinè-la kós'in tísjchá yijo-la.

⁶ Jña xita xi nchikota'yá 'én ndaa-la Nainá, mochjeén-né nga kàtatsjá-la mé xi kochjeén-la maestro-la nga 'én okóya.

⁷ Kì yijo-nò chonachan-là; nga Nainá mikii koma siskákoáá. Nga jngoò jngoò xita, koni tjin kjoa xi s'in, k'oaá tì tjin kjoa xi sakò-la.

⁸ Nga jè xi k'oas'in s'in koni s'in mejèn-la yijo-la, kjoabiyaá tjoè-la it'aa ts'e kjoa ch'o xi síjé yijo-la, tanga jè xi k'oas'in s'in koni s'in mejèn-la Inima Tsjeè-la Nainá, it'aa ts'e Inima Tsjeè-la Nainá tjoè-la kjoabinachon xi mikii fehet'aa nita kjé-né.

⁹ Mikii ndaa tjin tsà kosii-ná nga ndaa s'éeen; nga kijchò nacherjein nga sakò-ná kjondaà tsà mì kì sihindaá-lá takoán.

¹⁰ Koi kjoa-la, k'e ma xi 'né itsé, ndaa sikoáá ngats'ii xita, jña títajna itjòn jña xita xinguiáá xi ngàsòn mokjein-ná 'én-la Nainá.

Mé kjoa xi síkjna itjòn Pablo

¹¹ Chitjeèn-là tsí kítjian-ne letra xi ndsaa tikji-nò.

¹² Jña xita xi mejèn-la nga kjo'ño s'in-nò nga sit'aa chiba-nò kjoa ts'e circuncisión, tà koi xi mejèn-la nga ndaa síkítajna yijo-la nga nguixkon xita; ko majin-la nga xita kjitjngui kondra-la tsà kos'in keenojmíya nga ya k'en-t'aa krò Cristo.

¹³ Jña xita xi jtít'aa chiba-la kjoa ts'e circuncisión, tikoáá mikii sikitasòn kjotixoma, tanga mejèn-la nga sit'aa chiba-nò mé-ne nga it'aa tsajòn ndaa síkítajna-ne yijo-la k'e nga skoe nga jño jye jtít'aa chiba-nò.

¹⁴ Tanga 'an, nímé kjoa xi mejèn-na nga ndaa síkjna yijo-na; ta jè tajngoò krò-la Na'én-ná Jesucristo nga ndaa síkjna yijo-na. K'oaá ma-ne nga jña kjoa

ch'o xi tjin isò'nde, it'aà ts'an, títsajnak'en-né kò 'an tijnak'eén-la jè isò'nde. Mì tì k'oáá tjin kjoa xi sis'in-na.

¹⁵ Xi it'aà ts'e Cristo, mìtsà jè xi chjí-la tsà tít'aà chiba-ná kò tsà tsjin-ná chiba kjoa ts'e circuncióin; jè xi chjí-la nga jè Nainá jyeé kisikjatliya-ná kò jyeé xita xitse kjoán.

¹⁶ Kátas'e-la kjoa'nchán kò kjoa ima takòn ya jjiin inima-la ngats'ii xita xi k'oas'in nchisíkitasòn koni tsò 'én jè; jñà-né xi xita-la Nainá ts'e naxandá Israel.

¹⁷ K'oáá ma-ne i'nde, kì tì yá xi kjoa ótsji-isa-na nga jyeé tít'aà chiba-la yijo-na kjo'in xi kitsjaà-na xita xi kjoa ts'e Na'èn-ná Jesús.

¹⁸ Jñò ndí 'ndsè kò ndí tichjaá, jè kátasijiin inima-nò kjondaà-la Jesucristo xi otixoma-ná. K'oas'in kàtama.

Xojoṅ carta-la San Pablo xi kiskii-la xita naxandá-la Cristo xi títsajna Éfeso

Kò tsò Pablo nga slixat'aà jñà xita naxandá-la Cristo xi títsajna Éfeso

¹ Jñò xi xita-la Nainá 'mì-nò xi títsajnaà naxandá Éfeso, jñò, xi kixi onguít'aà-la Cristo Jesús, 'an xi 'mì-na Pablo tisihihiat'aà-nò nga 'an tsibíxáya-na Jesucristo nga k'oas'in kjòmejèn-la Nainá.

² Nainá xi Na'èn-ná, kò jè Jesucristo xi otíxoma-ná kátatsjá-nò kjòndaà kò kjoa'nchán ya jjiin inima-nò.

Kòs'in síchikon-t'in-ná Nainá k'e nga Cristo títsajna k'oá

³ Jeya kàtijna Nainá, Na'èn-la Jesucristo xi otíxoma-ná nga kisichikon-t'in-ná, kitsjaà-ná ngats'iì kjòndaà xi ts'e inima-ná xi ngajmii nchrobá-ne koi kjoa-la nga Cristo títsajna k'oá.

⁴ Nainá xó k'oá s'in jaàjiiin-ná k'e nga tìk'j'eè sindaà jso'nde nga Cristo títsajna k'oá mé-ne nga nímé jé s'e-ná kò tsjèè kítajnaà nguixkòjè.

⁵ Koi-né nga matsjakeè-ná nga k'oas'in kiskoòsòn-la nga tísa-ne nga kiskoéjtò-ná koni jxti jchan-la maá xi it'aà ts'e Jesucristo. Nainá k'oá s'in kis'iin koni s'in kisaseèn-la ta koi kjoa-la nga k'oas'in kjòmejèn-la.

⁶ Koi kjoa-la nga jeya bijná Nainá nga tse kjòndaà kitsjaà-ná nga kisichikon-t'in-ná nga ya títsajna k'oá ki'ndí-la xi 'nò matsjakeè.

⁷⁻⁸ Jè jní-la Jesucristo tsibichjiti-ná kò kisijchàat'aà-ná jé-ná nga Cristo títsajna k'oá, nga 'nó tse kjòndaà tjín-la Nainá nga tsjá-ná kjohítsjeèn kò kjoachjine xi tjín-la.

⁹ K'oá ma-ne nga tìkò tsakó-ná jè kjoatji'ma-la koni s'in kjòmejèn-la jè, tìkoi-ne kjohítsjeèn-la xi tìjè-ne kiskoòsòn-la nga kítasòn.

¹⁰ Koni s'in tjíndaà-la kjohítsjeèn jè, kijchò nachrjein nga kítasòn tsjèè. Nainá, jè sijngòò yije nita mé xi tjín ngajmii kò it'aà nangui nga jè Cristo kotíxoma.

¹¹ Nainá jyeè kjòtsee jaàjiiin-najen nga Cristo títsajna k'oá-jen. Kitjoé-najen kjòtjò xi tsjá Nainá koni s'in tjíndaà-la nga k'oas'in bitasòn 'èn-la koni s'in ndaà sasèn-la.

¹² K'oá s'in kis'iin nga ngajen kinikítajna ítjòn-jen nga jeya tíjna Nainá, ngajen xi xita judío 'mì-najen, ngajeèn kòkjein ítjòn-najen it'aà ts'e Cristo.

¹³ Tìk'oá jñò nga ya títsajna k'oá Cristo, k'e nga kina'ya 'èn ndaà-la Nainá xi kjoa kixi, jè xi tsachrjekàjiiin-nò kjo'in nga kòkjein-nò it'aà ts'e Cristo, Nainá kitsjaà-nò Inima Tsjèè-la; yaá tsibít'aà chiba-la jjiin inima-nò, koni s'in jye kitsjaà tso'ba nga tsjá-nò.

¹⁴ Jè Inima Tsjèè-la Nainá, jè-né xi tjoé ítjòn-ná nga kixi kjoa nga tjoé yije-ná kjòtjò xi Nainá tsjá-ná jè nachrjein k'e nga kongásòn nga sikkítajna ndeí-ná xi naxandá-la maá mé-ne nga jeya kijná-ne Nainá.

Kòs'in bísi'ba Pablo it'aà ts'e jñà xita xi jye mokjein-la

¹⁵ Koi kjoa-la k'e nga ki'nchrè nga mokjein-nò it'aà ts'e Jesucristo xi otíxoma-ná, kò nga matsjacha ngats'iì xita-la Nainá;

¹⁶ mikii sijchàajñaà nga nachrjein inchijòn tsjaà-la kjòndaà Nainá xi it'aà tsajòn; k'e nga bísi'ba-la, sijét'aà-la xi kjòndaà tsajòn

17 mé-nè nga jè Na'èn-ná xi jeya tǵna, jè xi Nainá tsò-là Jesucristo xi otíxoma-ná, jè kátasíkhichiya-nò kò kátatsjá-nò kjoachjine xi ts'e iníma-nò mé-ne nga isa ndaà jchaxkon-nò Nainá.

18 K'oaá s'ín síjét'aà-là Nainá nga sílhiseèn-là kjohítsjeèn-nò mé-nè nga jcha-nò mé xi chíñà-là nga xó kinokjoaa-nò. Tǵkoaa jcha nga 'ño ndaà tǵn kò 'ño jeya tǵn kjotjò xi Nainá tsjá-là jñà xǵta naxandá-là.

19 Tǵkoaa síjét'aà-là nga jchaxkon kó kǵi 'ño tse nga'ño tǵn-là Nainá nga koma kosíko-ná jñà xi mokjeín-ná it'aà ts'e. Tǵkoii-ne nga'ño xi 'ño tse tǵn-là Nainá

20 xi kisíkjeén nga kisíkjaáya-là Cristo k'e nga k'en, ikjoàn jeya kisíkijnat'aà chrija kixi-là ján ngajmii

21 ñanda nga isa ta 'ño 'nga kisíkijna ítjòn mì k'oaá-ne tsà jngoò xǵta ítjòn, xitaxá ítjòn, ngats'ii nga'ño xi tǵn i it'aà nangui kò xi tǵn jjiin isén, ngats'ii xi tǵn-là kjotíxoma ngajmii; tǵna ítjòn-là ngats'ii xi tǵn isò'nde jè, kò jè isò'nde xi sa nchrobá.

22 Nainá, jè kisíngatsja yije Cristo, ngats'ii kjotíxoma xi tǵn; tǵkoaa jè kitsjaà yije-là Cristo nga jè koma xi sko-là naxandá-là.

23 Naxandá-là tǵjè-ne yijo-là Cristo; kò jè tsjá yije-là nǵta mé xi chija-là. Tǵjè-ne Cristo xi síjngoò yije, nǵta mé xi tǵn isò'nde.

2

Kós'in stjchàat'aà-ná jé-ná Nainá

1 Jñò, nga sa kjòtseé, k'oaá ngaya-là koni tsà titsajna k'en-nò it'aà ts'e Nainá nga jè kjoa-là jé-nò nga ch'o k'i'nè.

2 K'oaá s'ín tse tsitjaáyaà ndiyá jé-là xǵta isò'nde; jè kiníkitasòn-là xǵta neji xi sko-là tǵo jjiin isén nga jè sixájiin iníma-là jñà xǵta xi mìkii 'nchréñijon-là Nainá.

3 Tǵkoaa ngats'iaá jñà, k'e nga isa kjòtseé, k'oaá tis'in chinchaa-tsjaá jé koni s'ín kjòmejen-là yijo-ná kò kjohítsjeèn-ná. Tǵn-ne nga ngàsòn tse kǵo'in k'oi-ná tsà ndaà, koni jñà xǵta xi k'ejí nga koi kjoa-là jé-ná.

4 Tanga Nainá, tseé kjohimatakòn tǵn-là nga 'ño matsjakeè-ná.

5 Nainá kisíkítsajnakon ijngoò k'a-ná kò Cristo, nas'in jye titsajnak'eén xi kjoa ts'e jé-ná. (Kò jñò, tà kjondaà-là Nainá-né nga bitjokájñoò kǵo'in.)

6 Nainá, kisíkjaáyakjoò-ná kò Cristo, nga ya titsajnakoaa, kò tañaá kisíkítsajnakjoò-ná ján ngajmii.

7 K'oaá s'ín kis'iin mé-nè nga kòkò-ne jñà nachrjein xi sa nchrobá nga tse kjoatjòcha tǵn-là kò tse kjondaà tǵn-là it'aà tsaján nga Cristo Jesús titsajnakoaa.

8 Tà kjondaà-là Nainá-né nga itjokájñoò kǵo'in nga kòkjeiín-nò it'aà ts'e Cristo. Mítsa kjondaà tsajòn nchrobá-ne kjoa koi; ta kitsjaà kjotjò-nò Nainá.

9 Mítsa koi kjoa-là nga xá k'i'nè, mé-nè nga nijngoò xǵta ndaà síkijna-ne yijo-là.

10 Nainá tsibíndaáya xǵtse ijngoò k'a-ná, nga ya titsajnakoaa Cristo, mé-nè nga s'eén ngats'ii kjoa xi ndaà tǵn, jñà kjoa xi Nainá jyeé k'oas'in kiskoòsòn-là nga tǵsa kjòtseé nga kòs'in síkitasoán.

Kjoa'nchán xi tǵn-ná nga Cristo titsajnakoaa

11 Jñò xi mì ya tjen-nò tǵe-là xǵta judío, k'oaá tsò-nò jñà xǵta judío xi tǵit'aà chǵba yijo-là nga mítsa xǵta-là Nainá 'mì-nò, koi kjoa-là nga mì tǵit'aà

chiba-nò kjoa ts'e circuncisión. Tanga jè kjoa jè, tà tsja xitáá bínndaàya-ne yijo-la.

¹² Tikitsjeèn k'e nga sa kjòtsee jñò titsat'aàxin-la Cristo; tikoáá titsajnat'aàxin-la naxandá Israel, mìkii ya nokjoa-nò koni s'in tsibíndaàjìin-ko Nainá jñà xita judío koni s'in kitsjaa-la tso'ba Nainá. Isò'nde jè, nímé xi chiñà-là ko mìkii yaxkon Nainá.

¹³ Tanga i'nde, nga ya titsajnakoo Cristo, Nainá jyeé kisichrañat'aà-nò jè kjoa-la jní xi tsibíxteèn Cristo, nas'in kjiin tjat'aàxin-là Nainá nga sa kjòtsee.

¹⁴ I'nde, jè Cristo xi tsjá-ná kjoa'nchán. Kisikjoóndaà-ná nga jngoò naxandá komà-ne jñà xita judío ko xi mìtsà xita judío. Jè kisihixaña jè kjoa kondra xi jòya tjín nga sa ítjòn k'e nga kitsjaà kjòtjò yijo-la nga k'en-t'aà krò.

¹⁵ Yaá kisikjehet'aà jè kjòtixoma-la Moisés xi tjín-la jñà xita judío; kjòjngoò-ne ingajò naxandá; jngoò naxandá xitse komà-ne nga jè titsajnakooá Cristo; k'oaá komà-ne nga tsijne 'nchán kjoa.

¹⁶ Cristo, k'e nga k'en-t'aà krò, yaá kisikjehet'aà kjoa kondra xi jòya tjín. Kisikjoóndaà-ne ingajò naxandá; jngoò naxandá komà-ne ko kitsjaa-la kjoa'nchán it'aà ts'e Nainá.

¹⁷ Jñò xi kjiin títajna-là Nainá nga sa ítjòn, tikoáá ngajen xi titsajnat'aà chrañà-lajen, j'ii Cristo nga j'ii kénjmi-ná 'én ndaà xi tsjá-ná kjoa'nchán.

¹⁸ Ndaà chjí-la Cristo nga ingajò naxandá-ná jyeé tíj'nde-ná nga koma chikooá Nainá nga tíjè-ne Iníma Tsjeè-la tsjá-ná nga'ño nga ingajoá.

¹⁹ K'oaá ma-ne jñò xi mìtsà xita judío 'mì-nò, mìtsà tí xita xin nangui-nò. Jñò, i'nde, ngásòn ya tajngoò nokjoa-nò naxandá-la Nainá; xita xinguiòo-nò ngats'ii xita naxandá-la Nainá.

²⁰ K'oaá ngaya-la koni tsà jngoò ni'ya tísindaà. Jñò, jè ngaya-la ndajo xi mochjeén-la chrjó ni'ya. Jñà xita xi tsibíxáya-la Cristo ko jñà xi kiichja ngajo-la Nainá, jñà-né tàts'en chrjó-la ni'ya. Ko jè Cristo jè ndajo chrjangui-la chrjó ni'ya.

²¹ Nga ko Cristo ngats'ii ndajo-la chrjó ni'ya, ndaà tísikjòò ko tímajeya ni'ya mé-nè nga ni'ya tsjeè-la Nainá koma-ne.

²² Tikoáá jñò, nga Cristo titsajnakjòòko, Nainá tísikitsajnakjòò-nò ko xita xinguiòo xi k'ejí, mé-ne nga jñò koma-nò ni'ya ñánda tíjna Nainá nga Iníma Tsjeè.

3

Xá-la Pablo it'aà ts'e xita xi mìtsà xita judío

¹ K'oaá ma-ne bìtsi'bà-la Nainá, 'an xi 'mì-na Pablo nga ndayá tíjnaa, koií ngatji-la nga 'an benojmí-nò 'én ndaà-la Jesucristo, jñò xi mìtsà xita judío 'mì-nò.

² Nga jyeé-la tíjiin-nò nga kjòndaà ts'e Nainá-né nga 'an kitsjaa-na xá xi kjòndaà tsajòn,

³ koni s'in kisihiseèn-na Nainá nga tsakó-na jè kjoa xi tíj'ma-la skanda kjòtsee. Jyeé isa kiskii chiba-nò jñà 'én koi.

⁴ K'e nga tsà ndaà kíxkejñò xojon jè koni s'in kiskii ítjòn-nò, yaá jchaa nga 'an ndaà tíjiin-na jè kjoa tíj'ma it'aà ts'e Cristo.

⁵ Nga isa kjòtsee, níjngoò xita tíjiin-la jè kjoa tíj'ma; tanga i'nde jè Iníma Tsjeè-la Nainá kisihiseèn-la jñà xita xi xó jaàjìin-ne Nainá, jñà xita xi tsibíxáya-la Cristo ko xi kiichja ngajo-la.

⁶ Jè kjoa tji'ma, jè-né nga jña xi mitsà xita judío, k'e nga mokjeiin-la 'én ndaa-la Nainá xi kjoa ts'e Cristo, ngásòn tjoé-la kjetjò-la Nainá nga ngásòn ixti-la ma koni jña xita judío; jngoò naxandá koma yije kóhótjín; kò jña xi mitsà xita judío ngásòn tjoé-la kjondaà koni s'in kitsjaa-la tso'ba Nainá jña xita judío.

⁷ Ta kjondaà-la Nainá-né nga 'an kitjoé-na xá jè. Jè kitsjaa kjetjò-na nga chj'nda-la ma k'e nga kitsjaa-na nga ñó-la mé-ne nga 'an kènojmiá 'én ndaa-la Cristo.

⁸ 'An, nas'in isa 'ño nangui tijná-la ngats'ii xita-la Nainá, tanga Nainá kitsjaa-na kjondaà jè, nga 'an chjáyajiiin-la 'én ndaa-la Nainá xi kjoa ts'e Cristo jña xi mitsà xita judío, mé-nè nga skoe-ne kó kji 'ño tse kjondaà tsjá Cristo skanda mikil bijchótjinguí-la kjohitsjeèn-ná.

⁹ Jè xá xi 'an kjòngatsja nga 'an sihiseèn-la jña xita mé-ne nga skoe-ne kó s'in tjin kjoa xi tji'ma. Nainá xi tsibindaà isò'nde, jè tjina'ma-la kjoa jè skanda tisa tats'en-la kjoa.

¹⁰ Koií k'oas'in komà-ne mé-ne skoe-ne i'ndeí ngats'ii inima ch'o kò inima xi ndaa xi tjin-la nga ñó jjiin isén nga kjin skoya kjoachjine tjin-la Nainá. Yáá skoe kjoa koi it'aà ts'e naxandá-la Cristo.

¹¹ Nga tisa tats'en-la kjoa, Nainá k'oaa s'in tjindaà-la nga it'aà ts'e Cristo kitasòn yije kjoa koi.

¹² I'ndeí, nga Cristo titsajnakooá, jyeé 'ño takoán. Komaá chikooá Nainá ñánda tjina nga mì tì kii xkón-oná nga jyeé mokjeiin-ná it'aà ts'e Cristo.

¹³ K'oaa s'in siijé-nò nga kì nikjajen-là takòn jè kjo'in xi tsikjiaán nga 'an benojmí-nò 'én ndaa-la Nainá xi kjoa ts'e Cristo. Isaa ndaa kàtatsja-la inima-nò nga kjondaà tsajòn-nò.

Kó tsò Pablo nga bitsi'batji naxandá-la Cristo xi titsajna Efeso

¹⁴ Koií kjoa-la nga ósijna xkó'nchit'aà-la nga bitsi'bà-la Nainá xi Na'èn-ná.

¹⁵ Nga it'aà ts'eé Nainá nchrobá-ne nga tjin na'èn kò tjin ixti nga jngoò lingoò ni'ya xita xi tjin ngajmii kò xi tjin isò'nde.

¹⁶ Nainá, nga tse nga ñó tjin-la, k'oaa s'in bitsi'bà-la nga kàtatsjá-nò nga ñó-la xi ts'e inima-nò nga jè Inima Tsjeè-la Nainá kàtasíxájiin inima-nò.

¹⁷ Jè Cristo, ndaa kàtijnajiiin inima-nò, nga mokjeiin-nò it'aà ts'e; 'ño ndaa kàtas'e-nò kjoatjòcha-la Nainá koni jngoò yá xi nanga fi ima-la, kò koni jngoò ni'ya xi nanga tjihjiin chrjó-la.

¹⁸ K'oaa s'in koma-ne nga jño kò ngats'ii xita-la Nainá, jchaxkoòn koa kochiya-nò nga 'ño tse kjoatjòcha xi tjin-la Cristo, 'ño tiyá, 'ño ndojò, 'ño nanga kò 'ño nga.

¹⁹ Ngui ndaa jchaa jè kjoatjòcha xi tjin-la Cristo xi isa 'ño otonè-la ngats'ii kjohitsjeèn-ná skanda mikil machiya-ná, mé-ne nga nimé chijat'aà-nò koni jè Nainá, nimé chijat'aà-la.

²⁰ Nainá, 'ño tse nga ñó tjin-la, tsà k'e nga mé xi nijé-laá, skanda isaa 'ño sikanonè-la koni s'in nijé-laá kò nga koni s'in nikitsjeèn. K'oaa s'in tsjá yije-ná nga kò nga ñó-la xi síxájiin inima-ná.

²¹ Jeya kàtjna Nainá ya ijiiin naxandá-la kò it'aà ts'e Cristo nita mé nachrjein-ne, nita mé nó-ne. K'oas'in kàtama.

4

Titsajtion nga kò Inima Tsjeè-la Nainá

¹ Koií kjoa-là nga k'oas'ín bitsi'jà-nò nga ndaà tìjchá yijo-nò koni s'ín ok'in-là kjoa xi xó kinokjoà-nò. 'An, ndayá tìjña'a ya jè ngatji-là nga Nainá tìsìxá-là.

² Jñò, kì 'nga ikon 'nè; indaàkjoa t'een, kàtas'e-nò kjoatsejta; ngàsòn kàtachìkjoa-nò mé kjoa xi tìjn-nò nga matsjacha xinguiò.

³ Tinè-là yijo-nò nga tìtsajnajtìon-koo xinguiò koni s'ín jye tsibìtsajnajtìn-nò jè Inìma Tsjeè-là Nainá, mé-ne nga 'nchán kìtsajna-nò.

⁴ Nga tà jngòò ma naxandá-là Nainá; kò tà jngòò ma Inìma Tsjeè-là Nainá; tìkoà tà jngòò kjoa chiñá-lá nga Nainá xó kùichja-ná;

⁵ Kò tà jngòò ma Na'èn-ná Jesucristo xi otìxoma-ná; tà jngòò kjoa tìjn koni s'ín mokjeiín-ná it'aà ts'e Cristo; tìkoàà tà jngòò kjoa tìjn nga ma bautizar xita.

⁶ Ta jngòò ma Nainá nga ngats'iaá Na'èn-ná ma, jè xi otìxoma-ná nga ngats'iaá, jè xi sìxájiin inìma-ná nga ngats'iaá, kò jè xi tìjnakò-ná nga ngats'iaá.

⁷ Tanga kitjoé-ná kjoatjò koni s'ín sasén-là Cristo mé xá-là Nainá xi s'èén nga jngòò jngoaá.

⁸ Koií kòs'ín tìchja-ne Xojoñ-là Nainá nga tsò:

K'e nga jye kiskijne nga tífimijìn-ne ngajmii,

kìkò preso jñà xita xi kitsobà'ñó,

kò kitsjaà-là kjoatjò jñà xita.

⁹ ¿Kò tsòya-ne jè xi tsò: "Tífimijìn-ne ngajmii"? Tsòyaá-ne nga [jè Cristo] itjòn itjoen skanda ñánda 'ñó nanga jjiin nangui.

¹⁰ Jè xi itjoen-t'aà skanda it'aà nangui, tìjè-ne xi tsijin ijngòò k'a-ne ñánda nga isa 'ñó 'nga tsibìjna koni ngats'ii xi 'nga tìtsajna mé-ne nga jè s'ijngòò yije-ne nita mé xi tìjn isò'nde.

¹¹ Tìkoà tìjè-ne xi kitsjaà-là xá xita-là mé xá xi s'iin nga jngòò ijngòò. Tìjn xi tsibìxáya-là Jesucristo nga s'ijka'bìsòn 'én ndaà-là; tìjn xi jñà kichja ngajo-là; tìjn xi 'én ndaà-là Nainá xi kjoa ts'e Cristo bénojmiya; tìjn xi s'ikinda naxandá-là Nainá; tìkoà tìjn xi okóya 'én-là Nainá.

¹² K'oaá s'ín kitsjaà-là xá xita-là nga jngòò ijngòò mé-nè nga kàtatsjá-là kjohtsjeèn xita naxandá-là nga koma s'ixá-là Nainá, nga isa tse nga'ñó s'e-là naxandá-là Cristo.

¹³ K'oaá s'ín koma-ne nga jngòò kjohtsjeèn s'e-ná ngats'iaá koni s'ín mokjeiín-ná it'aà ts'e Nainá kò koni s'ín yaxkoaán K'ndí-là mé-ne nga nguì xita kixi komaá. Nguì k'oaá s'ín kongàsòn-kjoaá kòhotjián koni jè Cristo nga nìmé chijat'aà-là.

¹⁴ Mì tì k'oas'ín s'en-ná koni s'ín ndí jixi nga nìton mokjeiín-là yá xita xi konachan-là; nga fijen fikjako koni tsà tjo tìsískako; nga fitjinguì-là kjohtsjeèn-là xita maña xi 'én ndiso okóya nga k'ejii ndiyá tìjmayá.

¹⁵ Tà saá 'én kixi-là Nainá kìnókjoaá nga matsjachaá xinguiáá mé-nè nga kòs'ín isa ndaà skàsòn kjohtsjeèn-ná koni s'ín tìjn kjohtsjeèn-là Cristo nga jè tìjn xi skò-là naxandá-là Nainá.

¹⁶ Nga jè naxandá-là Nainá, k'oaá kji koni jngòò yijo-là xita. Jè Cristo tìjna xi skò-là; kò jè tsjá-là nga jngòò ijngòò xá xi okò-là; ikjoàn s'ijngòò koni s'ín tìjn yijo-ná nga títéya naxá-là nindaà-ná; nga jngòò ijngòò skaya, katjín katjín xá-là. K'e nga ndaà s'ixá yije yijo-ná maje-né koa ma'nga-né. K'oaá tìs'ín tìjn jè naxandá-là Cristo nga kòje-né koa kò'nga-né k'e nga jngòò ijngòò xita-là ndaà s'ixá nga matsjakeè xikjín.

Kòs'ín s'ijchá yijo-ná k'e nga jè Nainá s'ixtseyá inìma-ná kò kjohtsjeèn-ná

17 It'aà ts'e kjotíxoma xi tsjá-na Cristo, k'oaá xan-nò kò bìt'in-nò nga mì tì k'oas'ín s'en-nò koni s'ín xítà xi kj'ejí xi mikii beèxkon Nainá, nga tákò tjímakò kjohítsjeèn-là xi nimée chjí-là.

18 Tà tjíñò kjohítsjeèn-là. Tsjin-là kjoabinachon xi it'aà ts'e Nainá nchrobá-ne; mikii beè kó s'ín sijnchá yijo-là nga jè iníma-là tájaajin tjin; mikii tsjá'nde nga fahas'en-jin kjohítsjeèn xi ndaà tsò.

19 Mì tì kii beè-ne xi kjosobà 'mì, jyeé kòxox'ín. Tà kjoa chijngui 'ñó sís'in-là; kjit'aà nachrjein ótsji ngats'ìi kjoa ch'o xi tjin isò'nde.

20 Tanga jñò, mì k'oaá tjin kjoa xi kis'enojmi-nò it'aà ts'e Cristo.

21 Nga jye ndaà kina'yà-là 'én-là kò ndaà kichita'yà kó s'ín tjin xi ngui kjoa kixi it'aà ts'e Jesús.

22 K'oaá s'ín kis'enojmi-nò nga chjaàxion kjoa jhínga xi tjin-nò nga sà kjótsee koni s'ín kinjchá yijo-nò; i'nde jyeé mì tì mé chjí-là kjoa koi koi kjoa-là nga jñà kjoa ch'o xi kisaseèn-là yijo-nò kiskoònachan-nò.

23 Tji'nde-là Nainá nga jè kátasíxitseya iníma-nò kò kjohítsjeèn-nò.

24 Chjóé injgoò k'a xi kjoa xitse xi k'oas'ín kisindaà koni kji isén-là Nainá mé-ne nga kixi kò tsjeè sjíchá yijo-nò koni s'ín tjin xi ngui kjoakixi.

25 K'oaá ma-ne i'nde j, kì tì 'én ndiso nokjoà-nò. 'Én kixi tinókjoakoo xinguiò nga jngoò injgoò nga tà ngàsòn xítà xinguiáá ma kóhotján.

26 Tsà k'e nga majti-nò, kì jé binchaàtsjioò; kì njeti-là yijo-nò kóni nga 'ba nachrjein skanda k'e nga okatji ts'oi.

27 Kì kii biì'nde-là xítà nejí nga jè konachan-nò.

28 Jè xi chijé s'ín nga sà ítjòn, kì tì chijé s'ín-ne i'nde j; tikoáá-ne k'oas'ín kátasikjeèn tsja nga kixi kátasíxá mé-nè nga sakò-là ton xi tsjá itsé-là xítà ima xi nimé tjin-là.

29 Nijngò 'én xi ch'o tsò nokjoà; jñà 'én tinókjoakoo xinguiò xi ndaà tsò xi kochjeèn-là xinguiò nga isa kixi kítsajna mé-nè nga kochikon-t'in-ne jñà xítà xi kji'nchré-nò.

30 Kì niba-là jè Iníma Tsjeè-là Nainá, jè xi tsbít'aà chiba-ná mé-ne nga kàta'ya-ná nga xítà-là Nainá 'mì-ná skanda jè nachrjein k'e nga sjíkítsajnandejí-ná Nainá xi kjoa ts'e jé.

31 Chjaàxion yije jjin iníma-nò jñà kjoa xi ch'o tjin xi kondra ts'e xítà xi kj'ejí koni kjoa bínguitakòn, kjoajti, kjoa xi makjan-nò, kjoa nga chítikoo xinguiò, kò nga nokjoajno-là xinguiò, kò ngats'ìi kjoats'en.

32 Ndaà chibàkoo xinguiò; kátas'e-nò kjohimatakòn; tijcháat'aà-là jé-là xinguiò koni s'ín kisikò-nò Nainá it'aà ts'e Cristo nga kisichàat'aà-nò jé-nò.

5

Kó s'ín sijnchá yijo-ná nga ixti-là Nainá 'mì-ná

1 K'oaá ma-ne nga k'oas'ín tijchá yijo-nò koni s'ín Nainá nga koi kjoa-là nga ixti-là Nainá 'mì-ná nga 'ñó matsjakeè-ná.

2 K'oaá tjs'ín tjòcha chaà xinguiò koni Cristo tjòkeè kijtsee-ná nga jè kitsjaà ngajo-ná yijo-là nga k'en, jngoò kjotjò xi ndaà kjòtsjakeè Nainá.

3 Jè xi kjoa chijngui, ngats'ìi kjoa ch'o xi 'ñó tjé tjin kò kjoa nga maxitakòn-chaà xinguiò mì tì k'oaá tjin kjoa xi koxki-ne it'aà tsajòn. Nga jñò, xítà tsjeè-là Nainá 'mì-nò.

⁴ Kì 'én tsa'a nokjoà, kò 'én nchìkón, kò 'én xi ch'o tsò nga bijnòkèè x̄it̄a. J̄n̄a kjoa koi, t̄ikoáá mìkii ok'in-là nga kòs'in k̄inókjoa. Tà saà k̄jondaà t̄ji-là Nainá.

⁵ Jye t̄jiin-nò nga mìkii koma kjoahas'en ñánda t̄ihotixoma Cristo kò Nainá, ngats'ii x̄it̄a xi kjoa chingui s'in, xi kjoa xi 'ñó t̄jé s'in kò nga maxitakòn-keè x̄ikj̄in. J̄n̄a x̄it̄a xi k'oas'in s'in, ta j̄n̄a kjoa koi beèxkòn nga nei-là ma.

⁶ Kì yá x̄it̄a xi konachan-nò xi taxkì 'én bénojmi-nò xi n̄imé ch̄j-là it'aà ts'e jé koi. Ta jé ngat̄j-là nga kjo'in tsj̄a-là Nainá j̄n̄a x̄it̄a xi mìkii 'nchréñijon-là.

⁷ Kì ya tsjahitakoo x̄it̄a koi.

⁸ J̄n̄ò, nga sa k̄jòtseé, jé k̄johitsjeèn-nò t̄j̄j̄nò-là, t̄anga i'ndeji, jyeé iseèn titsajnaa nga Na'en-ná Jesucristo titsajnakoo. K'oaá s'in t̄j̄chá yijo-nò koni s'in ok'in-là j̄n̄a x̄it̄a xi ya titsajna ñánda iseèn choòn.

⁹ K'e nga kjoa iseèn t̄jiin in̄ima-ná ndaà s'eén, ya k̄jt̄yáá ndiyá kixi, koa ngui 'én kixi k̄inókjoáá.

¹⁰ T̄inchátsjioò mé k̄jondaà xi sasén-là Na'en-ná.

¹¹ Kì ya ch̄ngaj̄nò kjoa xi n̄imé ch̄j-là koni s'in x̄it̄a xi t̄j̄j̄nò k̄johitsjeèn-là. J̄n̄ò, ta saà takó nga kàta'ya-là nga mìkii ndaà t̄j̄in kjoa xi s'in.

¹² Skanda masobà-ná nga nokjoá j̄n̄a kjoa'ma xi ch'o t̄j̄in xi s'in j̄n̄a x̄it̄a.

¹³ N̄it̄a mé kjoa-ne xi sjina ñánda iseèn choòn, n̄it̄oòn beè x̄it̄a mé kjoa-ne, a ndaà t̄j̄in, a xi mìkii ndaà t̄j̄in. Nga jé kjoa iseèn okó yije xi ndaà t̄j̄in kò xi mìkii ndaà t̄j̄in.

¹⁴ Koi kotsò-ne 'én xi tsò:

Ngaji xi titsajnafi, t̄ikjaá-la yijo-lè.

T̄isit̄jen-j̄iin-là mik'en;

jé Cristo s̄ihiseèn-lè.

¹⁵ Ndaà t̄ikindaa koni s'in titsanj̄chá yijo-nò; k'oaá s'in t̄itsajna koni x̄it̄a xi t̄j̄in-là kjoachj̄ine; k̄i k'oaá 'nè koni s'in xi tsj̄in-là k̄johitsjeèn.

¹⁶ Ndaà t̄ikjeén n̄achrjein mé xi s'een; nga n̄achrjein i'ndeji, 'ñó t̄j̄in kjoa ch'o.

¹⁷ Kì ch'o onguíko k̄johitsjeèn-nò; ndaà kàtachiya-nò mé xi mejèn-là Nainá.

¹⁸ Kì xán 'yò, jé xán sikits'ón-ná, tà saà jé In̄ima Tsjeè-là Nainá ndaà kàtas'en-j̄iin in̄ima-nò nga kàtakó-nò ndiyá kixi.

¹⁹ Ch̄koo xinguioo 'én-là Nainá. T̄j̄indá-là sò xi 'mì salmo, himno koa t̄j̄indá j̄j̄in in̄ima-nò jé xi okóya-nò In̄ima Tsjeè-là Nainá. Jeya t̄ikj̄na Nainá nga ko in̄ima-nò.

²⁰ It'aà ts'e 'in-là Na'en-ná Jesucristo, n̄achrjein nchijòn t̄ji-là k̄jondaà Nainá xi Na'en-ná ngats'ii xi tsj̄a-nò.

Kjoa xi t̄j̄in-là nga s̄ikitasòn j̄n̄a x̄it̄a x'in ko j̄n̄a íchj̄in

²¹ Nangui titsajna-là xinguioo koni s'in yaxkón Cristo.

²² J̄n̄ò, íchj̄in xi x'in t̄j̄in-nò, nangui titsajna-là x'in-nò koni s'in nangui bitsajna-là Cristo.

²³ Nga jé x'in, jé xi sko t̄j̄ina-là choòn, koni Cristo, jé xi sko-là naxandá-là. Kò jé Cristo xi ochrjekaj̄in kjo'in naxandá-là nga t̄j̄e-ne yijo-là.

²⁴ Koni jé naxandá-là Cristo nangui t̄j̄ina-là, k'oaá t̄is'in j̄n̄a íchj̄in, nangui kàt̄j̄ina-là x'in-là n̄it̄a mé kjoa-ne.

²⁵ J̄n̄ò xi x'in mì-nò, t̄itsjacha íchj̄in-nò, koni jé Cristo matsjakeè naxandá-là nga jé kitsj̄at̄j̄i yijo-là nga k'en.

²⁶ Koi kòs'in kis'iin-ne nga tsjeè s̄ikj̄na naxandá-là nga nguixkòn Nainá. Jé jaaxin jé-là nga kò 'én ndaà-là koni s'in x̄it̄a nga onj̄no yijo-là,

²⁷ mé-nè nga tjiè kòkò-ne nga tsjeè kji kò tjiè skoétjò-ne nga ts'e koma, jngòò naxandá xi jeya tjiña, xi mì ch'oo kji, mì tjiyó kji, mì tjiè kji, jngòò k'a tsjeè kji, kò nìmé jé tjin-la.

²⁸ Tikoáa jé x'in kàtamatsjakeè chjoón-la koni s'in matsjakeè xi ti yijo ts'e-ne; nga jé xi matsjakeè chjoón-la, tjiè-ne yijo-la tímatsjakeè.

²⁹ Nijngòò xita xi tjiè beètoón-ne yijo-la; ta saá tsjá-la nga'ño nga síkinda yijo-la koni s'in jé Cristo nga síkinda naxandá-la.

³⁰ Nga jé naxandá-la tjiè-ne yijo-la; kò jña, tikoáa yaá nokjoat'aà-ná yijo-la.

³¹ Koií kjoa-la nga k'oas'in tíchja Xojon-la Nainá nga tsò: "Jé x'in xi bixan síikjna na'èn-la kò nea-la nga kijnakò chjoón-la. Ingajò, tà jngòò xita koma."

³² Jña 'én koi, jngòò kjoa xi 'ño 'in tjin skanda mìkì fiya-ná. Tanga 'an, jé tsikaxkia Cristo kò naxandá-la.

³³ K'oaá xan-nò ngats'ioò nga jngòò ijngòò, tìtsjacha íchjín-nò koni s'in matsjacha yijo-nò; kò jé chjoón kàteèkón x'in-la.

6

Kjoa xi tjinè-la nga síkitasòn jña ixti kò xita jchínga

¹ Jño xi ixti 'mì-nò, tjiná'yañijon-la xita jchínga-nò nga Cristo tìtsajnakoo. Koií kjoa xi kixi tjin.

²⁻³ Nga tsò jé Xojon-la Nainá: "Jchaxkoin na'èn-lè kò nea-lè, mé-nè nga ndaa kijn-ne koa tséè koma-lè j isò'nde." Ngats'ii kjotixoma xi kitsjaà Nainá, jé jèè xi tsjá ítjòn jngòò-la kjondaà jña xita xi síkitasòn.

⁴ Jño xi na'èn 'mì-nò, kì ixti-nò ñjiti-la; k'oaá s'in tìjchá nga ndaa tìkixioo koa ndaa takóya-la koni s'in mejèn-la Na'èn-ná.

Kjoa xi tjinè-la nga síkitasòn xi chí'nda 'mì

⁵ Jño xi chí'nda maà, ndaa tìkitasòn-la xi nei-nò ma j it'aà nangui; ndaa jchaxkón nga tìjngòò takòn koni tsà xá ts'e Cristo tìtsa'nè.

⁶ Ndaa tixá-la nei-nò; mì tà k'e ndaa nixá k'e nga tímakinda nga tà jé nei-nò ndaa kìtsajnakoo; k'oaá s'in t'een koni tsà chí'nda-la Cristo maà nga ngui kòò inima-nò tixá koni s'in mejèn-la Nainá.

⁷ K'oaá s'in tixá nga ngui kò kjotsja-nò koni tsà xá-la Na'èn-ná tìtsa'nè kò mìtsà ts'e xi taxkij xita.

⁸ Ndaa 'yaà nga jngòò ijngòò xita, Nainá, k'oaá s'in tsjá-la chíj-la koni tjin xá xi s'in, nas'in xita chí'nda kò xi mìtsà xita chí'nda.

⁹ Jño xi nei-la xá 'mì-nò, k'oaá tìs'in tjò t'een chí'nda-nò. Kì taxkij chítikoo chí'nda-nò nga mejèn-nò kjo'in binè-la. Ndaa tjiin-nò nga jé Nei-la xita chí'nda-nò kò jé Nei-nò, tjiè-ne xi tjiña ján ngajmii. Nga jé, mìkii faájiin xita; tà ngàsòn fiko.

Kjoa xi tsjá-la nga'ño inima-ná

¹⁰ Jño 'ndsee, jña kjoa koi xi fehet'aà-ne; k'oaá xán-nò: Tìnchátsjioò nga'ño ts'e inima-nò it'aà ts'e Na'èn-ná Jesucristo; 'ño tìtsajnakoo ngats'ii nga'ño xi 'ño tse tjin-la Cristo.

¹¹ Tìsikoo yijo-nò, chjoé yije nga'ño xi tsjá-nò Nainá mé-nè nga tájaà tìtsajna-nò nga mì jé xita neii skónachan-nò. K'oaá ngaya-la koni jña soldado nga 'ya yije kichá-la k'e nga fi kjojchán.

¹² Nga mìtsà jña xita isò'nde tìtsabixkán-koaá. Jña kondra-ná xi xitaxá ítjòn tjin-la jjiin iseèn, jña xi mìkii tsejèn, ngats'ii xi tjin-la kjotixoma ts'e xita neii,

koa xi sko-la títajna nga jñà otíxoma isò'nde jñò, ngats'ìi nga'nó-la xítà nejí xi tjíma jjiin isén nga títja isò'nde.

13 Koií koxan-nò, chjoé yije nga'nó xi tsjá-nò Nainá mé-nè nga 'nó kítajna-nò jè nachrjein k'e nga mejèn-la skónachan-nò xítà nejí. K'e nga jye síkijneé, táko k'oaá s'ín kixí kíncha-là nítà mé kjoa-ne.

14 K'oaá s'ín 'nó kixí títajnaandaá; ngui 'én kixí tìnókjoa mé-ne nga kítajnaandaá kjoa ts'e xítà nejí koni s'ín jñà soldado nga 'nó bíkjá xincho-la [mé-ne nga mì síjti-la níkje-la k'e fi kjojchán]. Kò ngui kixí títajnaa nga nguixkon Nainá mé-ne nga ndaa kójtja iníma-nò koni jngoò soldado xi ndaa kítja iníma-la jè chrjoa xi 'mì coraza.

15 Kjit'aà nachrjein títajnaandaá nga sika'bió 'én ndaa-la Nainá mé-ne nga kátas'e-la kjoa'nchán jñà xítà. K'e nga kos'ín s'een, 'nó kítajnaa koni jngoò soldado nga tjin-la nga'nó xoxté-la nga ma fi.

16 K'e nga ndaa mokjeín-nò it'aà ts'e Nainá, jè kosíko-nò xi kjoa ts'e xítà nejí k'e nga jè bí't'in-nò nga binchaatsjioó jé; k'oaá ngaya-la koni s'ín jngoò soldado nga kjoé escudo-la, jè xi síkits'o ní'ín flecha xi títà-la xítà nejí.

17 Jè kjoa nga bitjokajñò kjo'in, jè ngaya-la jè ts'inguién kichá xi osíko sko soldado. Koa jñà 'én ndaa-la Nainá jè ngaya-la kichá ndojò xi tsjá Iníma Tsjeé-la Nainá.

18 Ki bíkjoàn-la nga bitsi'bà-la Nainá; títjet'aà kjit'aà-la koni s'ín bénojmiya-nò Iníma Tsjeé-la Nainá. Kjit'aà nachrjein títajnaandaá; kì nihindaá-jèn nga bitsi'batjiò ngats'ìi xítà naxandá-la Nainá.

19 Tíkóa títis'batji-ná it'aà ts'an mé-nè nga Nainá tsjá-na 'én xi kichjà, koa mé-ne nga mìkií tsakjoòn-na k'e nga kènojmi-la xítà jè 'én ndaa-la Nainá xi kjoa ts'e Cristo xi ochrjekajjin-ná kjo'in mé-ne nga koma skoe-ne jè kjoa'ma xi títja-la Nainá skanda kjótseé.

20 Nainá kiskasén-na nga 'an kichjà ngajo-la it'aà ts'e 'én ndaa-la; koií kjoa-la nga ndayá tijná'ya; síjèt'aà-nò nga títis'batji-ná mé-ne nga mì tsakjoòn-na nga kènojmiá 'én ndaa-la.

'Én xi fehet'aà-ne

21 Tískasén-nò jè 'ndsé Tíquico jè xi matsjachaá, tíkóa ndaa síxá-la Nainá. Jè okítsò yije-nò xi it'aà ts'an, kó s'ín tijná, kò mé xi tís'iaàn.

22 Koií xá tískasén-nò nga kènojmi-nò xi it'aà tsajen kós'ín títajna-jen ko mé-ne nga kátatsjá-nò nga'nó ts'e iníma-nò.

23 Jè Nainá xi Na'èn-ná kò jè Jesucristo xi otíxoma-ná kátasíkjna 'nchán jjiin iníma-nò ngats'ioó xi xinguiáá chibá; kátatsjá-nò kjondaá nga tjócha t'een xinguióo, nga mokjeín-nò it'aà ts'e Nainá.

24 Jè kjondaá-la Jesucristo xi otíxoma-ná kátijnako ngats'ìi xítà xi mìkií síkjahtíya-la kjóhítsjeèn-la nga kjit'aà nachrjein ndaa matsjakeé Na'èn-ná Jesucristo. K'oaá s'ín kátama.

Xojon carta-la San Pablo xi kiskiù-la xita naxandá-la Cristo xi títajna Filipos

Kó tsò Pablo nga síhixat'aà jñà xita naxandá-la Cristo xi títajna Filipos

¹ Ngats'ioò xi títajnaà ján naxandá Filipos xi xita-la Nainá maà nga Cristo Jesús títajnakoo, tíkoo jñò xi níkitasòn xá nga níkindaa naxandá-la Nainá kò jñò xi níchját'aà, 'an xi 'mì-na Pablo kò Timoteo títajnañhixot'aà-nòjen nga chj'nda-la Jesucristo 'mì-najen.

² Nainá xi Na'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya ijìin inìma-nò.

Kó tsò Pablo nga chjqt'aà-la Nainá it'aà ts'e xita Filipos

³ Jè Nainá xi 'an bexkoán, tsjaà-la kjondaà nga indiaà indiaà bítsjeèn-na it'aà tsajòn.

⁴ K'e nga indiaà indiaà chjät'aà-la Nainá, 'nó ndaa matsja-na nga ngats'ioò chjätjì-nò,

⁵ kooi kjoa-la nga jñò títajnañchjät'aà-ná nga ma chjaya 'én ndaa-la Nainá xi kjoa ts'e Cristo tjen-ne jè nachrjein k'e nga kòkjein-nò skanda nachrjein j'nde.

⁶ 'An, k'oaa s'in makixi-na nga jè Nainá, koni s'in tsibít's'ia-kò-nò nga tiskjatjìya-la inìma-nò kò kjohít'sjeèn-nò, skanda k'eé sùjngoo-ne kjoa koi jè nachrjein k'e nga kjoii jngoo k'a Na'èn-ná Jesucristo.

⁷ Ndaà tjín nga k'oas'in síkít'sjeèn-nò ngats'ioò jñò xi 'nó matsjake-nò nga ngàsòn kitjoé-nò kjondaà-la Nainá koni 'an; nga jñò títajnañchjät'aà-ná nga ma benojmí-la jñà xita jè 'én ndaa-la Nainá xi kjoa ts'e Cristo nas'in ndayá tjinaa jya, kò nas'in xìn tjinaa nga ósikoaa jè 'én kò okod-la xita nga 'én kixi-né.

⁸ Tibeè Nainá nga kixii kjoa nga ngats'ioò, 'nó matsjake-nò koni s'in tjín jè kjoatjòcha xi 'nó tse tjín-la Jesucristo.

⁹ K'e nga bits'batjì-nò, k'oaa s'in síjèt'aà-la Nainá nga jè kjoatjòcha xi tjín-nò, isa ndaa títajna xinguiò, isa ndaa kjohít'sjeèn kátas'e-nò kò isa ndaa kátamachiya-nò ngats'ii kjoa xi kixi tjín,

¹⁰ mé-ne koma chjaajìin-nò kjoa xi ngui ndaa tjín. K'oaa s'in koma-ne nga tsjeè síjchá yijo-nò kò nímé jè sakòt'aà-nò jè nachrjein k'e nga kjoii jngoo k'a Cristo.

¹¹ Nga kàta'ya-la nga jñò, ngui kixii tjín kjoa xi 'nè nga kò nga'nó xi tjín-la Jesucristo mé-ne jè Nainá jeya kójna-ne kò 'nga kójna.

Kó komà nga isa kjìn xita kòkjein-la 'én ndaa-la Nainá xi kjoa ts'e Cristo

¹² Ndí 'ndsè, mejèn-na nga ndaa kátasijìin-nò nga k'oaa s'in tímochjeèn ngats'ii kjoa xi tímát'ian nga isa kjìn xita mokjein-la 'én ndaa-la Nainá xi kjoa ts'e Cristo.

¹³ Nga ngats'ii soldado xi síkinda ni'ya osen kò ngats'ii xita xi i'nga, tjìjìin-la nga kooi kjoa-la 'én-la Cristo nga ndayá tjinaa.

¹⁴ Jñà xita xinguiáa xi 'ndsé chibá, nga nchibeè nga ndayá tjinaa'ya, kjìn ma-ne xi ma'nó ikon, mì tì kii tsakjón-ne it'aà ts'e 'én ndaa-la Nainá xi kjoa ts'e Cristo nga chjayajìin-la xita.

15 Kixí kjoa, tjin i'nga xita xi 'en-la Cristo chjaya ta koií kjoa-la nga machinikee-na nga je xi mejen-la nga isa kjin xita kjit'aà-la. Tanga tikoaa tjin i'nga xi ndaa tjin inima-la nga benojmi kixi je 'en-la Cristo.

16 Jna xita xi ndaa tjin inima-la, k'oaá s'in benojmi nga matsjakee-na, nga jyeé ndaa tjin-la nga Nainá jí kisikijna-na ndaya mé-ne nga 'an kichjätjia 'en ndaa-la Nainá xi kjoa ts'e Cristo.

17 Tanga jna xita xi i'nga, nga chjaya it'aà ts'e Cristo, mitsa ko inima-la benojmi. Ta je xi mejen-la nga kjin xita kjit'aà-la. K'oaá s'in mejen-la nga isa tse kjo'in sikjiaan nga jye ndaya tijnaya.

18 Mitsa mé-ne, tsá ndaa tjin inima-la nga okoya 'en ndaa-la Nainá, ko tsá majin; mi 'aan oko-na. Ta je xi mejen-na nga katchjaya 'en ndaa-la Nainá xi kjoa ts'e Cristo. K'oaá ma-ne nga tsja ma-na.

Mé xi 'no mejen-la Pablo

Nga tifi nachrjein kotsjaá-isa-na,

19 koií kjoa-la nga ngats'i kjoa xi tima, jyeé tjin-na nga kijchò nachrjein nga kitjokajna kjo'in koi-né nga jno bitsi'batj-ná ko nga tsjá-ná nga'no Inima Tsjeé-la Cristo.

20 Ta je xi 'no mejen-na ko tikoña kjoa nga mi kosobà-na nga ch'o síkijna Cristo. Je xi mejen-na nga mi k tsakjoon-la xita nga ma kichja-la mé-ne 'an, tsá tijnakoan, ko nas'in kiyá, je Cristo jeya kijna it'aà ts'an.

21 'An, nga tijnakoan, je-né nga jeya kijna Cristo. Ko tsá 'an kiyá, isaá-la ndaa s'e.

22 Tanga tsá takó kótijnakoan i isò'nde, tsá koií nachrjein-la s'iin-isa xá-la Nainá. K'oaá ma-ne, mikil be mé xi isa ndaa tjin.

23 Ingajò kjoa koi 'no 'in ma-na; jòya tjin kjohitsjeen-na; mejen-na nga katiyaá mé-ne nga ya kótijnakoaa Cristo; nga isaá-la 'no ndaa s'e.

24 Tanga xi kjondaá tsajon, isa 'no mochjeén nga kótijnakon isa.

25 K'oaá s'in beè-la takoàn nga kótijnakon isa, nga k'oaá s'in tjngoò takoàn nga mochjeén-nò it'aà ts'an. Kótijnajin-nò mé-ne koma siichjät'aà-nò nga isa tsja koma-nò koni s'in mokjeiin-nò ko nga isa ndaa kòkjeiin-isa-nò.

26 Mé-ne k'e nga kijchokon tjngoò k'a-nò, isaá tsja koma-nò nga isa 'nga sikijna Cristo Jesús koni s'in osiko-na.

27 Ta je xi 'no mochjeén nga k'oas'in tijchá yijo-nò koni tsò 'en ndaa-la Nainá xi kjoa ts'e Cristo; mé-ne tsá koma kijkon-nò ko tsá mikil koma kiján, takó kji'nchrè-ná nga kixi titsajnakoo 'en, nga jngoò tjin kjohitsjeen-nò nga ngasòn titsabixkàn-tjio koni s'in mokjeiin-nò 'en ndaa-la Nainá xi kjoa ts'e Cristo,

28 nga mi tsakjoon-la jna xita kondra-nò. Koni s'in tita'nè ngats'i kjoa koi, k'oaá s'in sjina koni jngoò chiba xi okó nga jna xita kondra, kjoeheson-né, tanga jno, kitjokajin-nò kjo'in. Kjoa koi, it'aà ts'e Nainá nchrobà-ne.

29 Nga Nainá tikoaa tsjá-nò kjondaá nga kjo'in titsanikjioón xi kjoa ts'e Cristo koni s'in kitsjaá-nò kjondaá nga kòkjeiin-nò 'en ndaa-la.

30 Nga jna kjoa xi tjin-nò i'ndeí, tijnà-ne xi 'an kis'e-na koni s'in ki'yaá jno, ko takó koií kjoa tjin-na skanda nachrjein i'ndeí koni s'in titsana'ya.

2

¹ Jñò, nga Cristo tsjá-là nga'nño iníma-nò, kò nga jè kjoatjòcha síje takòn-nò, kò nga jè Iníma Tsjeè-là Nainá ndaà síkítsajnajtín-nò nga nixákjoò, kò nga ngui kòò iníma-nò tjín-nò kjohimatakòn,

² k'oaá ma-ne nga síjé-nò nga ta jngoò kjohítsjeèn kátas'e-nò, jngoò kjoatjòcha, ngásòn t'è-là takòn, kò ngásòn chibà-nò mé xi níkítsjeèn mé-ne nga isa ndaà kotsja-na.

³ Ki kjoa 'nga takòn onguíchjaà, kò ki 'nga níkítsajna yijo-nò. Tà saá nangui tikítsajna yijo-nò, k'oaá s'ín jchaxkón xíta xi kj'eíi koni tsà jñà títsajna ítjòn.

⁴ Ki ta koi níkájno xi kjondaà tsajòn. Tíkooá tikájno-nò mé xi mochjeén-là xíta xi kj'eíi.

⁵ K'oaá tjín kjohítsjeèn xi kátas'e-nò koni tjín kjohítsjeèn xi tjín-là Cristo Jesús.

⁶ Nas'ín tíjè sobà-ne Nainá, mìtsà kòs'ín kisíkítsjeèn nga kjo'ño mejèn-là nga kòs'ín kíjna koni s'ín tíjna Nainá.

⁷ Ta saá 'ño nangui kisíkíjna yijo-là nga kòs'ín tsibìjna koni jngoò xíta chi'nda, koni xi taxkí xíta isò'nde.

⁸ K'e nga jye taxkí xíta komà, kisikajeén-là iníma-là nga ndaà kisikitasòn yije-là Nainá skanda kó nga k'en nga ya kinik'en-t'aà krò.

⁹ K'oaá ma-ne, Nainá, k'e nga jye kisíkjaáya-là, taxkí 'ño 'nga kisíkíjna. Kítsajà jngoò-là 'ín xi isa 'ño 'nga tíjna mé-ne jè kotixoma yije-là xíta.

¹⁰ Mé-ne nga ít'aà ts'e Jesús kíntcha-xkó'nchi-là ngats'ìi xi títsajna ngajmii, xi títsajna í ít'aà nangui, kò xi títsajna ijìin nangui.

¹¹ K'oaá s'ín kítsò ngats'ìi xíta nga Jesucristo, jè xi otíxoma; k'oaá ma-ne nga jeya kíjna Nainá xi Nà'èn-ná.

Mé xi s'eén nga íxti tsjeè-là Nainá 'mì-ná

¹² K'oaá ma-ne, jñò ndí 'ndse xi 'ño matsjake-nò, k'e nga tsohótijnako-nò, kji't'aà naxhrjein ndaà kinikitasòn. Í'ndeí nga kjìin tíjnaa, tákó k'oas'ín ndaà tikítasòn. K'oas'ín t'een nga kàta'ya-nò nga jyeé ítjokájñoò kjo'in kjoa ts'e jé-nò koií kjoa-là nga 'ño tsakjoòn-chaà yijo-nò.

¹³ Nga jè Nainá xi ndaà tísíxájiin iníma-nò. Jè síkítsjeèn-nò nga k'oaá s'ín mejèn-nò koni s'ín ndaà sasén-là Nainá kò tíjè-ne xi tsjá-nò nga'nño nga ma k'oas'ín 'nè.

¹⁴ Ndaà t'een yije nítà mé kjoa-ne; kì taxkí tsajét'aà-là Nainá kò kì chi-tiya-nò nítà mé kjoa-ne.

¹⁵ K'oaá s'ín koma-ne nga íxti tsjeè-là Nainá k'oín-nò; nímé jé s'e-nò nga títsajnajjiin-là xíta ts'en kò xi ch'o s'ín; jñò, k'oaá s'ín kàta'ya-nò koni ní'ín-là ní'ño xi síhiseèn n'ánda jñò choòn.

¹⁶ Tíka'bísòn 'én ndaà xi síkíjnakon iníma-ná, mé-ne jè naxhrjein k'e nga kjoíi íjngoò k'a Cristo, ndaà kotsja-na nga mìtsà ta kjotjò koni s'ín kis'iaàn nga 'ño kisíxájiin-nò nga tsakoòya-nò 'én ndaà-là Nainá xi kjoa ts'e Cristo.

¹⁷ 'An, matsjaá-na kò síjngoàà kjòtsja xi tjín-nò nas'ín kjo'in tísikjiaán koni jñò nga kjo'in títsanjíjoón nga koií kjoa-là nga mokjeiin-nò ít'aà ts'e Cristo. Kjo'in xi tjín-nò k'oaá गया-là koni jngoò kjotjò xi jñò 'bíi-là Nainá, kò jè kjo'in xi 'an tjín-na tíkooá 'an tsjaà-là Nainá koni kjotjò tsajòn.

¹⁸ Jñò, k'oaá tíj'ín kàtatsja-nò mé-ne kojngoò-ne kjòtsja xi tjín-ná.

Ít'aà ts'e Timoteo

¹⁹ K'oaá s'ín tísíkítsjeèn, tsà Nà'èn-ná Jesús mejèn-là nga síkasén níton-nò Timoteo, mé-ne 'an kòtsja-na k'e nga kjoíi kò-na okixí ít'aà tsajòn kòs'ín títsajna.

²⁰ Mì tì yá xítà tjin ìsà-na xi k'oas'ín ngásòn síkájno ìt'aà tsajòn koni jè Timoteo.

²¹ Ngats'ii xítà xi k'e'ejí, saà kjondaà ts'e'ée ótsji, mìkìl ótsji xi kjondaà ts'e Cristo.

²² Jñò, jyeé ndaà tjiin-nò, jè Timoteo xítà kixi-né. Ndaà síchját'aà-na ìt'aà ts'e 'én ndaà-là Nainá xi kjoa ts'e Cristo, k'oaa ngaya-là koni tsà ki'ndi ts'an-ná.

²³ Tikoña kjoa-ná nga sikasén-nò Timoteo k'e nga skoeè kós'ín sindaajin kjoa-na.

²⁴ Tanga jè Nà'è-ná ma'ñót'aà takoàn, nga tsjá'nde-na nga tikoa 'an koma kjíkon nítòn-nò.

Ìt'aà ts'e Epafrodito

²⁵ Tanga k'oaa s'ín kisikítsjeèn nga ítjòn síkasén ìjngòò k'a-nò jè 'ndsè Epafrodito. Ndaà kisixáko-na. K'oaa s'ín tsajmeiiko-na koni jngòò soldado nga bixkàn-tji-jen 'én-là Nainá. Nainá kátichjí-nò nga kinikasén-ná k'e nga 'ño tímochjeén-na. Ndaà kisichját'aà-na.

²⁶ I'ndeí, mejèn-là nga skoejkon-nò ngats'ioò, 'ño tísikájno nga jñò jyeé kina'yà nga kjòxk'én-né.

²⁷ Kixí kjoa nga kjòxk'én-né, kjomeé k'en. Tanga Nainá kjòhimaakeè; mìtsà ta jè xi kjòhimaakeè, koò 'an, mé-ne nga mì ìsà tse kjoaba s'e-na.

²⁸ K'oaa ma-ne nga tísikasén nítòn-nò, mé-ne k'e nga jchaxkoòn ìjngòò k'a, kotsja-nò ìt'aà ts'e, koa 'an, tjáxin chiba-na kjoaba.

²⁹ Chjoétjò nga ko kjotsja-nò nga 'ndsee chibá ìt'aà ts'e Nà'è-ná. Chaxkón yije xi ngásòn ok'in-là koni jè.

³⁰ Koi kjoa-là ìt'aà ts'e xá-là Cristo nga kjomeé k'en. Jè kjoa xi jñò mìkìl komà kinichját'aà-ná, jè Epafrodito, 'ño tsibínè-là yijo-là nga ndaa kisichját'aà-na nas'ín kjomeé k'en.

3

Mé kjoa xi ìsà 'ño chjí-là nga kixi kítsajnaá nguixkon Nainá

¹ Ndí 'ndsè, k'oaa xan-nò, tsja t'è-là inima-nò nga Nà'è-ná Jesús titsajnakoo. 'An, mìkìl masii-nà nga tikjiil ìjngòò k'a-nò jñà kjoa xi jye kòkjìn k'a kjii-nò nga kjondaà tsajòn-nò.

² Tjkindaa yijo-nò ìt'aà ts'e jñà xítà xi kjo'ño mejèn-là nga otet'aà yijo-là xítà nga bit'aà chiba-là kjoa ts'e circuncisión. Tjkindaa xítà koi nga nímé chjí-là. Tjkindaa nga 'ño ch'ò s'ín.

³ Jñá-ná xi ngui kixi kjoa nga tjít'aà chiba-ná nga 'ya-là nga xítà-là Nainá 'mì-ná. Jñá-ná xi ndaa yaxkoán Nainá nga jè Inima Tsjeè-là síchját'aà-ná. 'Nó ndaa matsja-ná nga jè ma'ñót'aà takoán Cristo Jesús nga mìtsà jè kjoa ts'e yijo-ná ma'ñót'aà takoán.

⁴ 'An, mìtsà kjoa ts'e yijo-nà ma'ñót'aà takoán nas'ín kjin skoya kjondaà kisikitasoàn. Tsà tjin i'nga xítà xi koi ma'ñót'aà takòn kjondaà xi tjin-là, tanga 'an mì k'oaa s'ín tís'iaàn nas'ín tsato kjin skoya kjondaà kisikitasoàn.

⁵ K'e nga tjin-là jiiin nachrjein nga kits'ian, kisit'aà chiba-nà kjoa ts'e circuncisión. 'An, xítà Israel-ná, tje-là Benjamín-ná. Xítà Hebreo-ná, ko jñà xítà jchínga-nà ngui xítà Hebreo-né. 'An, ngui xítà fariseo-ná nga jñà kjotixoma-là xítà judío ngui ndaa kisikitasoàn.

⁶ Nga 'ñó fit'aà-la koni s'in tjín kjotíxoma-la xíta judío, 'an skanda kiitjngui kondraá-la xíta naxandá-la Cristo. 'An, ngui kixíi kisikitasoàn kjotíxoma-la xíta judío, nijngoo xi mikii ndaa kisikitasoàn.

⁷ Nga sa ítjòn, 'an, k'oaá s'in kisikítsjeèn nga 'ñó tse chjí-la ngats'ii kjoa koi; tanga i'ndeí nga Cristo fit'aà-la nimé chjí-la kjoa koi.

⁸ Xi ngui okixi, ngats'ii kjoa xi 'an ma'ñót'aà takoàn nga sa kjõtseeé, i'ndeí, k'oaá s'in beè takoàn nga nimé chjí-la mi k'oaà-ne koni s'in hexkoan Cristo Jesús xi otíxoma-na nga isa 'ñó tsato chjí-la. Ngats'ii kjoa koi, jyeé tsachrjen-guia yije xi kjoa-la Cristo. Ta tjé beè takoàn mé-ne nga ya ma fit'aà-la Cristo

⁹ ko mé-ne nga ya kótijnakjookoaa. Nga kixi ótjna nga nguixkon Nainá, mitsá koi kjoa-la nga 'an ndaa sikitasoàn kjotíxoma-la xíta judío, koi-né nga mokjeiín-na it'aà ts'e Cristo. Jè Nainá xi kixi síkjina-na koií kjoa-la nga mokjeiín-na.

¹⁰ Mejèn-na nga isa ndaa skoexkoan Cristo; skoeè nga'ñó xi tjín-la nga jaáya-la it'aà ts'e kjoabiyaá; kátamajngoo kjohítsjeèn-na ko ts'e Cristo koni s'in komát'in nga kisikjeiín kjo'in skanda k'e nga k'en,

¹¹ mé-ne k'oaá tís'in kjoaáya-na it'aà ts'e kjoabiyaá koni s'in jaáya-la Cristo.

Mé xi s'in Pablo nga ma kijchò tjingui-la kjotjò xi tsjá Nainá

¹² Mitsá tsò-ne kjoa nga jye kjóngásón yije-na kjoa koi. Kj'eè tsá ngui xíta kixi 'mi-na. Tanga tífi tjingui-la nga mejèn-na nga isa ndaa skoexkoan skanda kó nga kijchò tjingui-la mé kjoa-ne nga ijchò tjingui-na Cristo Jesús.

¹³ Ndí 'ndsé, k'oaá s'in machiya-na, kj'eè kií bijchò tjingui yije-la kjondaá xi tjín-la Cristo. Tanga jngoo kjoa ts'iaán, tsijcháajñaá yije kjoa xi jye tsato, tibínè-la yijo-na nga kijchò tjingui-la kjoa xi sa nchrobá.

¹⁴ Tífi tjingui-la skanda ñánda fehet'aà-ne, mé-ne nga tjoé-na kjotjò xi Nainá tsjá-na nga xó kiichja-na Nainá ján ngajmii nga Cristo Jesús tijnakoaa.

¹⁵ Ngats'iaá xi jye ndaa mokjeiín-ná it'aà ts'e Cristo, ngásón ngáya k'oa's'in sikítsjeén. Jñò, tsá mikil k'oa's'in níkítsjeèn, Nainá síikíchiyandaá-nò.

¹⁶ Tanga mochjeén-né nga k'oa's'in sikitasoán koni kji jye machiya-ná skanda nachrjein i'ndeí.

¹⁷ Ndí 'ndsé, k'oaá s'in tijchá yijo-nò koni s'in tsìsjchá yijo-na. Chjngui-là jñá xíta xi k'oa's'in ndaa nchisíjchá yijo-la koni s'in títsa'nè-jen.

¹⁸ Nga kjìn ma xíta xi tjíma xi kondra fi tjingui-la jè 'én xi tís'enojmíya nga krò k'en-t'aà Cristo. Kòkjìn k'a k'oaá xan-nò; i'ndeí skanda koo ndáxkoaàn tibixteèn nga i'ngoo k'a k'oaá tixan-nò.

¹⁹ Xíta koi, k'e nga kjoehet'aà nachrjein-la, kjo'iín síikjeiín níta kjé-ne. Ta koií ótsji kjoa xi síjé yijo-la ko mitsá Nainá ótsji. 'Nga síkítsajna yijo-la kjoa xi tjínè-la nga kosobá-la. Tà koií síkítsjeèn kjoa ts'e iso'nde.

²⁰ Tanga jñá, ján i'nde-ná ngajmii. 'Ñó ndaa títsachiñá-lá nga ya kjinchróbà-ne jngoo xi kochrjekájün-ná kjo'in, jè-né Jesucristo xi otíxoma-ná.

²¹ Jè síikjatíya-la yijo ni'nde-ná; k'oaá kji koma koni kji ts'e jè, nga jeya kji. Jè síikjeén nga'ñó xi tjín-la nga jè otíxoma yije-la níta mé xi tjín.

4

Mé xi s'een nga jye kixi títsajna kooá Cristo

¹ K'oaá ma-ne jñò ndí 'ndsé xi 'ñó matsjake-nò, ko nga 'ñó makájno-na nga mejèn-na skoexkon-nò, ko nga nitsja-là iníma-na, ko jñò xi kjotjò-na ma it'aà ts'e xá-na, k'oaá xan-nò nga kixi títsajnakoo Na'èn-ná, jñò xi 'ñó matsjake-nò.

² Tibitsi'ba-là jè Evodia kò Síntique, nga ngàsòn ndaà kàtjikò xíkjin nga ndichja jóó xi it'aà ts'e Nà'èn-ná.

³ Tikoáá ngaji ndí 'ndsè xi ngàsòn taña nixá, tìsjét'aà-lè, tìchját'aà-là íchjín koi; nga ndaà kisixáko-na it'aà ts'e 'én ndaà-là Nainá xi kjoa ts'e Cristo. Kò jè Clemente kò xitá xi i'nga tikoáá ndaà kisixáko-na. Xitá koi, jye tít'aà 'ín-là xojoñ ts'e kjoabinachon ján ngajmii.

⁴ Tsja t'è-là inima-nò nga Nà'èn-ná titsajnakoo. Ìjngoò k'a k'oa xan-nò: ;Tsja t'è-là takòn!

⁵ Jñò, kàtabeè yije-nò xitá nga xitá ndaà 'mì-nò. Jyeé tímachraña nga kjoii ìjngoò k'a Nà'èn-ná.

⁶ Kì mé kjoa nikájno. Ta isáá tìjét'aà-là Nainá k'e nga mé xi mochjeén-nò. Tikoá tji-là kjondaà.

⁷ K'oaá s'ín koma-ne nga tsjá-nò kjoa'nchán Nainá. Jè kjoa'nchán xi tsjá-nò fahatonè-là koni s'ín bítsjeèn-là xitá. Kjoa'nchán jè, jè xi sjikinda inima-nò kò kjohitsjeèn-nò nga Cristo Jesús titsajnakoo.

⁸ Ndí 'ndsè k'oaá xan-nò xi fehet'aà-ne. Tikítsjeèn xi kjoa kixi, kjoa xi ndaà yaxkón, kjoa xi ndaà tjin nga nguixkon Nainá, kjoa xi tsjeè tjin, kjoa xi ndaà sasén-ná, kò ngats'i kjoa xi ndaà na'yà-là. Kò tsá tjin-isa kjoa xi k'ejí xi 'ño ndaà tjin, xi ok'in-là nga 'nga kitsajna, koi kjoa tikítsjeèn.

⁹ K'oas'ín t'een koni s'ín tsakooya-nò okixi xi 'an kitsjaà-nò, 'én xi kina'yá-ná, koni s'ín ki'ya-ná nga kis'iaàn; tákó k'oas'ín t'een. Nainá xi tsjaà-là kjoa'nchán inima-ná, jè kijnako-nò.

Kjondaà-là ts'e xitá Filipos it'aà ts'e Pablo

¹⁰ 'Nó matsja-na koni síko-na Nà'èn-ná nga ijchò nachrjein, ìjngoò k'a kinikítsjeèn-ná. 'An k'oaá s'ín síkítsjeèn nga mìtsà kinichjaajñoò xi it'aà ts'an, tà jè-né nga mikii xátì kitjò'nde-nò nga kinichját'aà-ná.

¹¹ Mitsà koi kjoa-là nga k'oatixan-nò tsá mé tsojmi xi chijat'aà-na. Jyeé kjò'nga-na nga majngoò takoàn mé xi tjin-na.

¹² Be-ná kó ma nga ima tísjchá yijo-na. Tikoáá be-ná kó ma k'e nga tjin-na tsojmi. Jye tibe nita mé kjoa xi timat'ian. Tije-na tsá skii tjina indso'ba, kò tsá kjinchrá tibiyaà, tsá ningui-na tsojmi kò tsá nime tsojmi tjin-na.

¹³ Koma yijeé-na nita mé kjoa-ne nga jè Cristo tsjá-na nga'ño.

¹⁴ Tanga jñò, tákó ndaà ki'nè-nò nga kinichját'aà-ná k'e nga kjoa tijnajñaà.

¹⁵ Jñò xi naxandá Filipo tsajòn, tjiin-nò nga ta jñò-nò xi kinichját'aà-ná mé xi kjòchjeèn-na, jè nachrjein k'e nga kiaà nangui Macedonia k'e nga sa tsibits'iaa nga kichjako-nò 'én ndaà-là Nainá xi kjoa ts'e Cristo. Nijngoò naxandá-là Cristo xi k'ejí xi ma-là kisichját'aà-na.

¹⁶ Tikoáá k'e nga tshótijna naxandá Tesalónica, jngoò jò k'a kinikasén-ná kjotjò xi kjòchjeèn-na.

¹⁷ Mitsà mé kjotjò tsajòn xi mejèn-isa-na, ta jè xi mejèn-na nga isa ndaà kàtasichikon-t'in-nò Nainá.

¹⁸ Jyeé kiskaat'aà yije-na ngats'i xi kinikasén-ná. Jyeé tjin yije-na xi mochjeèn-na skanda ningui-na nga jyeé j'iiko-na nga'ño xi kinikasén-ná kò Epafrodito. Kjotjò xi kinikasén-ná k'oaá s'ín गया-là koni chrjongó-là Nainá xi 'ño ndaà jne, jña kjotjò xi 'ño ndaà sasén-là Nainá.

¹⁹ K'oaá ma-ne, jè Nainá xi 'an kjit'aatakoàn, tsjá yije-nò nita mé xi chijat'aà-nò koni s'ín jeya tjin kjoa'nchiná xi tjin-nò nga Cristo Jesús titsajnakoo.

²⁰ Jè Nainá xi Nà'èn-ná, jeya kàtìjna nìtá mé nàchrjein-ne, nìtá mé nó-ne. K'oas'ín kàtama.

Xi fehet'aà-ne, Pablo síhixat'aà xìtá Filipos

²¹ It'aà ts'an, tìixat'aà yije jñà xìtá naxandá-lá Cristo xi ya tìtsajna. Jñà xìtá 'ndsee xi j tìtsajnakò-na, tìkoáá nchisihixat'aà-nò.

²² Ngats'ìì xìtá-lá Cristo síhixat'aà-nò. Jñà nchisihixat'aà ítjòn-nò xi tìtsajna ni'ya-lá César xi xìtaxá ítjòn ts'e Roma.

²³ Ngats'ioò, jè kàtìjnako-nò kjondaà-lá Jesucristo xi otìxoma-ná. K'oas'ín kàtama.

Xojoŋ carta-la San Pablo xi kiskii-la xita naxandá-la Cristo xi títajna Colosas

Kó tsò Pablo nga s̄hixat'aà j̄ñà xita naxandá-la Cristo xi títajna Colosas

1-2 J̄ñò xi xita naxandá-la Cristo 'mì-nò xi ján títajnaà naxandá Colosas nga kixi onguít'aà-là Cristo, 'an xi Pablo 'mì-na kò 'ndse Timoteo títan̄hixot'aà-nòjen nga 'an tsibíxáya-na Jesucristo nga k'oas'ín kjòmejèn-la Nainá. Nainá xi Na'èn-ná, kò jè Jesucristo xi otíxoma-ná kátatsjá-nò kjondaà kò kjoa'nchán ya j̄j̄in in̄ima-nò.

Kó tsò Pablo nga tsjá-la kjondaà Nainá

3 Kjit'aà nachrjein k'e nga nokjoat'aà-lajen Nainá xi it'aà tsajòn, 'biil-lajen kjondaà Nainá xi Na'èn-la Jesucristo jè xi otíxoma-ná.

4 Koií kjoa-la ngajen jyeé k'oas'ín kina'yà-jen nga ndaa mokjeiín-nò it'aà ts'e Cristo Jesús. Tjikoà matsjacha ngats'ii xita-la Nainá.

5 Koií k'oas'ín 'nè-nò nga títachiñá-là nga tjoé-nò kjondaà xi t̄j̄natjò-la Nainá ján ngajm̄i; koni s'ín kjòchiya-nò k'e nga kina'yà 'én ndaa-la Nainá xi kjoa ts'e Cristo xi ngui kjoakixi.

6 Tjje-ne jè 'én ndaa-la Nainá xi kjoa ts'e Cristo xi jye k'oas'ín kina'yà, 'ñó t̄inokjoáya nga t̄j̄tsa isò'nde kò 'ñó k̄j̄in xita nchifattj̄ya-la kjòh̄tsjeèn-la koni s'ín komat'ioòn j̄ñò k'e nga jahattj̄ya-la kjòh̄tsjeèn-nò nga jahas'en-j̄in-nò kjondaà-la Nainá xi ngui kjoakixi.

7 K'oaá s'ín tsakóya-nò Epafras jè xita xi matsjacha-jen nga taña n̄ixákjoè-jen it'aà ts'e Nainá; nga jè Epafras, jngoò ch̄'nda-la Cristo xi kixi síxá xi it'aà tsajòn.

8 Jyeé tsibénojm̄i-najen nga jè In̄ima Tsjeè-la Nainá sík̄tsjeèn-nò nga ndaa matsjacha xita.

9 K'e nga kina'yà-jen, mikii n̄jchàaj̄in-jen nga bits'batj̄i-nòjen. K'oaá s'ín nijét'aà-lajen Nainá nga ngui ndaa kátasíchiya-nò koni s'ín mejèn-la jè; jè In̄ima Tsjeè-la kátatsjá-nò kjòh̄tsjeèn kò kjoachj̄ne.

10 Tjikoá nijét'aà-lajen nga k'oas'ín tjichá yijo-nò koni s'ín ok'in-la nga s̄j̄j̄chá yijo-la xi xita-la Nainá, nga kjit'aà nachrjein k'oas'ín t'een koni s'ín mejèn-la, nga k'oas'ín t'een ngats'ii kjoa xi ndaa t̄j̄in kò nga is̄a ndaa jch̄xkon yá-né xi Nainá.

11 K'oaá t̄s'ín nijét'aà-lajen Nainá nga tse nga'ñó kátatsjá-nò koni s'ín t̄j̄in nga'ñó-la xi mikii fehet'aà, mé-ne nga kixi k̄tsajna-nò n̄j̄ta mé kjoa xi sakò-nò, t̄j̄ikoá s'e-nò kjoatsejta kò kjotsja.

12 Tj̄j̄i-la kjondaà Na'èn-ná nga jè k̄sik̄tsajnaandaà-nò nga t̄j̄ikoá tjoé-nò kjotjò xi jè jye t̄j̄indaà-la ján ngajm̄i ñánda iseèn choòn nga tsjá-la ngats'ii xita-la xi ya ch̄ja-ne naxandá-la Nainá.

13 Nainá k̄sik̄tsajnaandeī-ná it'aà ts'e nga'ñó-la xita neij̄ jè xi otíxoma ñánda j̄ñò choòn; yaá k̄sik̄tsajna-ná ñánda t̄h̄otíxoma K̄i'ndi-la xi 'ñó matsjakeè,

14 jè xi kò j̄n̄i-la tsibíchj̄t̄j̄i-ná nga k̄sik̄tsajnaandeī-ná t̄j̄ikoá k̄is̄j̄ch̄aat'aà-ná jé-ná.

Jè Cristo t̄j̄na t̄j̄òn-la ngats'ii xi tsejèn kò xi mikii tsejèn

¹⁵ Nî saá jngoò x̄it̄a beèxkon Nainá tanga jè Ki'ndí-là tsakó-là x̄it̄a yá-ne xi Nainá. Nga jè Ki'ndí-là xi t̄jna ít̄jòn-là ngats'iì xi kisindaà isò'nde.

¹⁶ Nga kò Cristo, Nainá tsibindaà yije xi t̄jn ngajmii kò xi t̄jn ì it'aà nangui, xi tsejèn kò xi mikii tsejèn, ngats'iì nga'ño xi t̄jn j̄jìn isén, xi t̄tsajna ít̄jòn, xi otixoma, xi xá ít̄jòn t̄jn-là, kò j̄nà nga'ño xi mikii tsejèn-ná; it'aà ts'ée Cristo kisindaà yije-ne kò ts'e-né.

¹⁷ Cristo, isáá kjòtseé t̄jna mì k'oa-ne ngats'iì tsojmi xi t̄jn, kò jè tsjá-là nga'ño ngats'iì tsojmi mé-ne nga ndaà k̄itsajna-ne.

¹⁸ Jè Cristo t̄jna sko-là naxandá-là nga t̄jè-ne yijo-là kò it'aà ts'ée kjòts'ia-ne. K'e nga jaáya-là Cristo it'aà ts'e kjoabiyaá, jè tsibijna ít̄jòn-là ì it'aà ts'e x̄it̄a xi faáya-là mé-ne nga jè k̄jna ít̄jòn-là n̄it̄a mé xi t̄jn.

¹⁹ Nainá k'oaá s'ín kisaseèn-là nga jngoò k'aa yá tsibijnajin yijo-là Cristo,

²⁰ nga it'aà ts'ée Cristo, Nainá tsajoondaà kò yije-ne ngats'iì xi t̄jn isò'nde kò xi t̄jn ngajmii; it'aà ts'e jni-là Jesucristo xi kixixteen ján ì it'aà krò, Nainá kisikijne 'nchán kjoa.

²¹ J̄nò, nga sa ít̄jòn, t̄kooá t̄tsajnat'aaxìn-la Nainá; kondraá tsanguì-là yá j̄jìn inimá-nò, koií kjoa-là nga ch'o t̄jn kjoa xi ki'nè.

²² Tanga j'nde j̄yee ndaà tsajoókò-nò Nainá koií kjoa-là jè kjo'in xi kisikjeín Cristo ì it'aà nangui k'e nga k'en. Koií k'oas'ín kis'ìn-ne mé-ne nga tsjèe k̄itsajnaa-nò, kò n̄imé jé xi s'e-nò kò n̄imé xi ch'o k̄it̄jõnguio nga nguixkon Nainá.

²³ Kjoa koi mochjeén-né nga kixi t̄tsajnakoo koni s'ín mokjeín-nò. Kò k̄i binchat'aaxìn-là kjoa xi t̄tsachiñà-là ì it'aà ts'e 'én ndaà-là Nainá xi kjoa ts'e Cristo, 'én xi jye kina'yà-là. Jè 'én jè, xk̄i xi ján t̄nokjoáyajin-là x̄it̄a kòhokji isò'nde; kò 'an xi 'mì-na Pablo, 'aán kjòngatsja nga okoòya 'én.

Xá-là Pablo

²⁴ J'nde j̄ matsjaá-na nga kjo'in t̄sikjiaán xi kjoa tsajòn nga k'oaá s'ín t̄s̄jngoaá j̄jìn yijo-na koni s'ín chijat'aà-na kjo'in xi kitsjaà-na Cristo xi kjõndaà ts'e naxandá-là nga t̄jè-ne yijo-là.

²⁵ Aán t̄s̄ikjeén-na Nainá nga 'an t̄s̄ixákoaga naxandá-là, xá xi kisingatsja-na xi kjõndaà tsajòn nga nguì ndaà k̄enõjmiá 'én ndaà-là,

²⁶ jè 'én xi t̄jna'ma-là Nainá nga t̄isa t̄ats'en-là kjoa, tanga n̄achrjein j'nde j̄, Nainá j̄yee tsakó-là x̄it̄a-là.

²⁷ Jè Nainá k'oaá s'ín kjòmejèn-là nga tsakó-là j̄nà x̄it̄a-là kó s'ín t̄jn kjoa'ma-là xi 'ño jeya t̄jna xi kjõndaà ts'e xi mìtsà x̄it̄a judío. Jè kjoa'ma, jè-né nga jè Cristo t̄jnajin inimá-nò j̄nò xi mìtsà x̄it̄a judío 'mì-nò, k'oaá ma-ne nga t̄tsachiñà-là j̄nò kjoajeya-là Nainá xi tsjá-nò ján ngajmii.

²⁸ K'oaá s'ín nokjoáyajin-lajen ngats'iì x̄it̄a it'aà ts'e Cristo; 'ño nokjoako-jen nga nguì kò kjoachjine okoòya-lajen mé-ne nga ngats'iì x̄it̄a xi fit'aà-là Cristo n̄imé chijat'aà-là jè n̄achrjein k'e nga ngajen s̄jngatsja-jen nga nguixkon Nainá.

²⁹ K'oaá ma-ne nga 'ño t̄ibínè-là yijo-na nga t̄s̄ixá, t̄sikjeén jè nga'ño xi tsjá-na Cristo.

2

¹ Mejèn-na nga ndaà k̄atasijin-nò, nga 'ño t̄ikjaan-tji-nò ì it'aà tsajòn kò j̄nà x̄it̄a-là Cristo xi t̄tsajna ján naxandá Laodicea, kò it'aà ts'e ngats'iì x̄it̄a xi k'j'èe kii beèxkon-na.

² Koií k'oa's'ín tìkjaàn-tji-nò mé-ne nga kàtas'e-la nga'ñó injma-nò kò mé-ne nga jè kjotsjacha xi tjin-nò sjiikítsajnajtín-nò. Jè xi mejèn-na nga isa ndaa kòkixi kjohitsjeèn-nò nga ngui ndaa kochiya-nò jè kjoa xi tji'ma-la Nainá xi Na'èn-ná. Jè kjoa'ma jè, jè-né Cristo.

³ Nga ta jè Cristo tjin-la ngats'iì kjohitsjeèn kò kjoachjine xi 'ñó chji-la.

⁴ Koií k'oa's'ín tixan-nò nga mì yá xi skónachan-nò nga sjiikjeén 'én xi ndaa tsò tanga mìtsà 'én kixi.

⁵ Nas'ín mìtsà ya tijnako-nò, tanga injma-na tsikítsjeèn kjit'aà-nò. Mat-sjaá-na nga ti'be nga kixi titsajtiòn koni s'ín onguikoo yijo-nò tikoá kixi titsajnaà nga mokjeiin-nò it'aà ts'e Cristo.

Kjondaà xi tjin-ná nga Cristo titsajnaoáá

⁶ Koni s'ín kòkjeiin-nò it'aà ts'e Jesucristo xi otixoma-nò, k'oaá tis'ín kixi titját'aà kjit'aà-là

⁷ koni jngoò yá xi nanga fi jma-la kò koni jngoò ni'ya xi tísindaàsòn-isa nga kàtakixiya jè kjoa xi mokjeiin-nò koni s'ín kichita'ya; kò tjiì kjit'aà-là kjondaà Nainá.

⁸ Tikindaá yijo-nò nga mì jña skónachan-nò xita xi 'én ndiso chja xi ni mé chji-la. Jña kjohitsjeèn koi, tà yaá nchrobá-ne it'aà ts'e xi taxki xita koni tsò kjotixoma xi tjin isò'nde, mìtsà kjotixoma ts'e Cristo.

⁹ Yaá tijnajiin yijo-la Cristo yá-ne xi ngui jè sobà Nainá nga nimé chijat'aà-la.

¹⁰ Nga Cristo titsajnakoo, tjin yije-nò nita mé xi mochjeén-nò. Jè Cristo otixoma-la ngats'iì nga'ñó kò kjotixoma xi mìkìl tsejen.

¹¹ Tikoáá it'aà ts'e Cristo kisit'aà chiba-nò kjoa ts'e circuncisión, tanga mìtsà jè xi tsja xita bit'aà chiba-la yijo-ná, jè-né nga jè Cristo tsibit'aà chiba-la injma-nò k'e nga jaàxin jè xi tjin-la yijo jé-nò.

¹² Tikoá k'e nga komà bautizar, k'oaá ngaya-la koni tsà ya kisihijin-t'aà-là Cristo xi kjoa ts'e jé-nò. K'oaá tis'ín jaáya-nò koni s'ín jaáya-la Cristo koií kjoa-la nga mokjeiin-nò nga'ñó xi tjin-la Nainá nga komà kiskimijtjen Cristo it'aà ts'e kjoa biyaa.

¹³ Jñò, nga sa itjòn, titsajnaà k'en-nò it'aà ts'e Nainá koi kjoa-la jé-nò nga jè Cristo k'j'eè kii bit'aà chiba-la injma-nò nga faàxin jè xi tjin-la yijo jé-nò. Tanga j'nde, Nainá jyeé kisikítsajnakon-nò kò Cristo nga kisichàat'aà-nò ngats'iì jé-nò.

¹⁴ K'oaá ngaya-la koni tsà jye kisikjeheya-ne xojon xi kitjámii'nga xi kondra tsaján. Jaàxin-ne, yaá tsohójnat'aà krò nànda k'en-t'aà Cristo.

¹⁵ Jña nga'ñó xi tjin jjiin isén kò ngats'iì xi otixoma, Nainá jaàxin yije-la nga'ñó-la. Yaá kisikijne-la k'e nga jè Cristo k'en-t'aà krò. Kò ngats'iì xita, yaá kijtsee nga kisichja.

Kjotixoma-la xita xi mì kii fit'aà-la Cristo

¹⁶ K'oaá ma-ne jñò, kii kii nìs'in-là xita xi chajno-nò nga tsò-nò nga mìkii nikitason kjoa ts'e tsojmi xi chine, xi 'yò, kjoa ts'e s'eí xi bitjo, kjoa ts'e nga otsejen xitse jngoò k'a sá, kò ts'e nachrjein nikjáya.

¹⁷ Ngats'iì kjoa koi, k'oaá ngaya-la koni tà 'nguién-laá kjoa xi iskan j'iì; tanga jè xi ngui kjoa kixi, jè Cristo.

¹⁸ Kii kii biì'nde nga faàxin-nò jè kjondaà xi jye titsajnajñoò jña xita xi beèxkón àkjale; k'oaá tsò-la yijo-la nga mìtsà xita 'nga ikon. Jè xi mejèn-la nga jñò k'oaá tis'ín s'een. Jña xita koi tsò-né nga inga nijná kis'enojmi-la kjoa jè, kò 'ñó 'nga síkítsajna yijo-la xi ta kjohitsjeèn ts'e, tanga nimé chji-la.

¹⁹ Xita koi mitsà ya ndaà fit'aà-la Cristo. Nga jè Cristo tjna sko-la naxandá-la ko jè tsjá-la kjohítsjeèn ko nga'ño ko jè sikítsajnajtjn xita-la koni s'in ma yijo-ná nga jña naxá-ná bitéya nindaà-ná, mé-ne nga ndaà sjaxá-ne naxandá-la Cristo koni s'in mejèn-la Nainá.

²⁰ Jñò, tañaá k'en-koò Cristo, k'oaa ma-ne nga mikii tì tjí'nde-nò nga jña sikitasòn kjotixoma xi tjin isò'nde. ¿Mé-ne tákò k'oas'in 'nè-nò koni tsà kjoa ts'e isò'nde otixoma-nò nga nikitasòn-nò kjotixoma

²¹ xi tsò: “Kì kii nikoji tsojmi koi, kii chinii, kii ndseji niko-ne.”?

²² Jña kjotixoma koi, tà ts'eé tsojmi xi chija k'e nga tímochjeèn. Tà kjotixoma ts'e xita-né koni s'in okóya.

²³ Jña kjotixoma koi, k'oaa s'in 'ya-la koni tsà tjin-la kjoachjine tanga mitsà kixi kjoa. Nga síjé-ná nga ndaà sikitasoán kjoa xi 'in tjin mé-ne nga ndaà jchaxkoán kjotixoma xi tjin-la ingo; tikoaa tsò-né nga mochjeèn nga mi xita 'nga ikon komaá, ko nga kínè-lá kjo'in yijo-ná. Tanga jña kjoa koi nimé chji-la, nga mikii ma osiko-ná nga nikítsajnaá jña kjoa ch'o xi síjé yijo-ná.

3

¹ Jña kjoa tinchátsjioð kjondaà xi tjin ngajmii ya ñánda tjna Cristo nga ya tijnat'aà chrja kixi-la Nainá, koi kjoa-la nga ya jaáyakjoð-nò ko Cristo,

² Koi tíkítsjeèn kjit'aà mé kjoa xi tjin ngajmii, kii koi nikítsjeèn kjoa xi tjin isò'nde.

³ Nga jñò, jyeé k'en kjoa ts'e isò'nde, ko jè kjoabinachon xitse xi tjin-nò nga ya titsajnakoo Cristo, yaá tijnatjò nga nguixkon Nainá.

⁴ Jè Cristo, jè-né xi kjoabinachon-nò; k'e nga jè xi kotsejèn injgoð k'a, jñò, tikoaa yaá kotsejèn-koò nga jeya kítsajnaá.

Xi kjoa jchínga ko xi kjoa xitse

⁵ Tíkítsajna kjoa ch'o xi síjé yijo jé-nò xi kjoa ts'e isò'nde: koni jña kjoa chingui, ko kjoa tjé ko kjoa ch'o xi sasén-la yijo-nò ko ngats'ii kjoa ch'o xi fahajijn-nò, ko nga kjin tsojmi mejèn-nò. Kjoa jè tujé-ne koni tsà xkósòn yaxkón.

⁶ Koi kjoa-la nga kjo'in tsjá-la Nainá jña xita xi mikii 'nchréñijon-la.

⁷ Jñò, tikoaa k'oaa tjin kjoa xi ki'nè kjòtseé k'e nga ya titsajnajñoð kjoa xi ch'o tjin.

⁸ Tanga i'ndeji tíkítsajna yije kjoa koi: jña xi kjoa jti, ko jña xi kjoa ts'en, ko jña kjoa xi ch'o tjin, ko jña kjoa xi nokjoajno-la xita, ko jña 'én xi ch'o tsò nga nokjoà.

⁹ Kì 'én ndiso nokjoakoo xinguijo nga jyeé kichjaaxin-la yijo-nò kjoa jchínga-nò ko ngats'ii kjoa xi ki'nè nga sa kjòtseé.

¹⁰ Jyeé kichjoé xi kjoa xitse. Jyeé jahatjlya-la kjohítsjeèn-nò. K'oaa s'in tímáxitseya koni kji isén-la Nainá xi tsibíndaà-nò skanda kóni nga isa ndaà jchaxkoón ya-ne xi Nainá.

¹¹ I'ndeji, mi tì kii 'ño mochjeèn-ne yá-né xi xita griego, o yá-né xi xita judío, yá-né xi tjt'aà chiba-la, o yá-né xi kjoa ts'e circuncisión, yá-né xi xita xin nangui-la ko yá xita-ne xi ima tímajchá, yá-né xi ch'nda tjna'ño, o yá-né xi tijnandeji. Jè Cristo xi isa 'ño chji-la; ko jè xi tijnajin inma-la ngats'ii xita-la.

¹² Jñò xi xó k'oas'in jaajijn-nò Nainá ko xi ngui xita tsjeè-la maà nga ndaà matsjakeè-nò, k'oaa s'in choé xi kjoa xitse nga kàtahimacha xita; kàtas'e-nò kjondaà; kii 'nga matakòn; indaakjoa t'een; ko kàtas'e-la kjoatsejta injma-nò.

¹³ Nita mé kjoa xi tjin-nò tikjein-là xinguiḡo, tjiçhàat'aà-là xinguiḡo tsà mé kjoa xi ch'o siko-nò. Jñò, k'oaá tis'in t'een, koni s'in kisiko-nò Cristo nga kisijchàat'aà-nò.

¹⁴ Jè xi tjinà itjòn ts'e kjoa koi, jè-né nga tìtsjacha xinguiḡo, nga jè kjoatjòcha xi ndaa sikiḡsajnajtjin-ná.

¹⁵ Kjoa'nchán-là Cristo ndaa kàtatixoma jjiin inima-nò; nga Nainá xó k'oaá s'in kichja-nò nga 'nchán kìtsajnakoo xinguiḡo mé-ne nga ta jngoò yijo koma-nò. Kò mochjeén-né nga kjit'aà nachrjein tji-là kjondaà Nainá.

¹⁶ Jè 'én-là Cristo 'ñò ndaa kàtasijiin kjit'aà ya jjiin inima-nò. Takóya-là xinguiḡo kò tikixiyaa nga tikjeén kjohitsjeén xi tjin-là kjoachjine. Tjindá-là Nainá nga tji-là kjondaà xi tjiin inima-nò; tjindá-là sò ts'e salmo, kò sò xi jeya sikijna Nainá, kò sò xi ya nchrobá-ne ya jjiin inima-nò.

¹⁷ Ngats'ii 'én xi nokjoa kò ngats'ii xá xi 'nè, it'aà ts'e Jesucristo xi otixoma-ná koat'een. Kò it'aà ts'e Jesucristo tji-là kjondaà Nainá xi Na'én-ná.

Kjoa xi mochjeén nga sikiḡtasòn xita-là Cristo

¹⁸ Jñò íchjin xi x'in tjin-nò, nangui tìtsajna-là x'in-nò koni s'in ok'in-là jña xita-là Cristo.

¹⁹ Jñò xi íchjin tjin-nò, tjòcha jchaa íchjin-nò, kì toòn 'yaa.

²⁰ Jñò xi ixti 'mì-nò, ndaa tjiná'yañijon-là xita jchínga-nò, nga jè Nainá ndaa sasén-là kjoa koi.

²¹ Jñò xi Na'én 'mì-nò, kì taxkì sii nokjoakoo ixti-nò mé-ne nga mì sikajeén-là ikon.

²² Jñò xi ch'i'nda maà, ndaa tikitasòn yije-là nei-nò i it'aà nangui; kì tà k'eé nixá k'e nga tikotsején-nò nga ta jè xi mején-nò nga ndaa kìtsajnakoo. Ngui kòó inima-nò nga tikitasòn-là koi kjoa-là nga yaxkón Nainá.

²³ Nita mé kjoa xi s'een, ngui kòó inima-nò nga t'een koni tsà it'aà ts'e Na'én-ná tìtsanikitasòn kò mìtsà it'aà ts'e xi taxkì xita.

²⁴ Jyeé 'yaa nga jè Na'én-ná Jesucristo tsjá-nò chji-nò nga tjoé-nò jè kjotjò xi tsjá-nò Nainá nga ixti-là maà koi kjoa-là nga jè tìtsanixát'aà-là Jesucristo xi otixoma-nò.

²⁵ Tanga jè xi ch'o tjin kjoa xi s'in, k'oaá s'in kochji-là koni tjin kjoa ch'o xi s'in. Nainá mìtsà faájiin xita, ngàsòn ngáya fiko ngats'ii.

4

¹ Jñò xi nei-là xá ma, ndaa tikoo jña xita ch'i'nda-nò koni s'in tjin xi kjoa kixi, nga jñò 'yaa-nò nga tiko tjin jngoò-nò xi Nei-nò ma ján ngajmii.

² Kì bikjoàn-là nga nokjoat'aà-là Nainá; kjit'aà nachrjein tìtsajnandaà nga tìnokjoat'aà-là kò tji-là kjondaà Nainá.

³ K'oaá tis'in tìtsi'batji-nájen, mé-ne jè Na'én-ná kàtatsjá'nde nga koma kénojmi-jen 'én-là Cristo xi tji'ma-là Nainá nga sa itjòn; nga koi kjoa-là nga ndayá tijnayá.

⁴ Tìtsi'batji-ná mé-ne nga s'e-na nga'ñò nga ndaa kixi kichjàjiin-là xita koni s'in tjinè-là nga kichjà.

⁵ Jñò, ndaa tikjeén kjohitsjeén-nò mé-ne nga ndaa kìtsajnakoo jña xita xi mikìl beèxkon 'én ndaa-là Nainá xi kjoa ts'e Cristo. Ndaa tikjeén nachrjein xi tí'bii-nò nga kòs'in tikitasòn.

⁶ K'e nga chikoo xita, jña 'én tìnokjoaa xi ndaa tsò kò xi ndaa sasén-là mé-ne nga koma sikiḡtji-là 'én xi skonangui-nò.

Kó tsò Pablo nga síhixat'aà xítá

⁷ Ngats'ii kjoa xi tímat'ian, jè keènojímí yije-nò jè 'ndsee Tíquico xi 'an 'ño ndaà matsjake nga jè ndaà sichját'aà-na koa ndaà nixákjoò-lajen Nainá.

⁸ Koií xá tísiskasén-nò nga keènojímí-nò xi it'aà tsajen kós'ín títsajna-jen ko mé-ne nga kàtatsjá-nò nga'ño ts'e inima-nò.

⁹ Tíkoáá ya túbáhihtako Onésimo xi xítá tsajòn, xi 'ndse ma it'aà ts'e Cristo. Nga xítá kixi-né ko 'ño matsjacha-jen. Jña keènojímí-nò mé kjoa xi tíma jndé.

¹⁰ Jè Aristarco xi taña títsajnaya-jen ndayá, tísíhixat'aà-nò. Ko jè Marcos xi ti xíkjin ma Bernabé tíkoáá tísíhixat'aà-nò. Jyeé kis'enojímí-nò it'aà ts'e Marcos; tsà ya kijchòkon-nò, t'een kjondaà ndaà choéjtj.

¹¹ Tíkoáá tísíhixat'aà-nò Jesús xi tíkoá Justo 'mì. Tà jña-né xi xítá judío xi mokjeiin-lá xi k'oas'ín 'ño ndaà nchisíxáko-na it'aà ts'e kjotíxoma-lá Nainá ko 'ño ndaà síjehikon-na.

¹² Epafras, xi chí'nda-lá Cristo, tíkoáá tísíhixat'aà-nò nga xítá tsajòn-nò. Kjit'aà nachrjein bìtsi'batji-nò mé-ne nga nguì kixi kítsajnaà koa ndaà kítsajnandaà nga síkitasòn mé xi mejèn-lá Nainá.

¹³ 'An, ndaà tibe nga jè Epafras 'ño síkájno xi it'aà tsajòn ko it'aà ts'e xítá xi títsajna ján naxandá Laodicea ko xi títsajna ján naxandá Hierápolis.

¹⁴ Tísíhixat'aà-nò Lucas jè xi chjinečkù xi 'ño matsjacha-jen, tíkoá tísíhixat'aà-nò jè Demas.

¹⁵ Xi it'aà ts'an tíxat'aà-ná jña 'ndsee xi títsajna ján naxandá Laodicea, ko jè chjoón tichjaá Ninfa, ko ngats'ii xítá naxandá-lá Cristo xi ya bixoña ni'ya-lá.

¹⁶ K'e nga jye kixkejiin-lá xinguiqo xojon jè, tíkoáá kàtaxkejiin-lá naxandá-lá Cristo xi títsajna ján Laodicea; koa jè xojon xi ts'e Laodicea tíkoáá tíxkejñoò.

¹⁷ Koatìn-lá jè Arquipo: kàtasíkitasòn xá xi kitsjaà-lá Cristo.

¹⁸ Nga jye tífehét'aà xojon jè, koó ndsaa tjkji-nò 'an xi 'mì-na Pablo, nga tísíhixat'aà-nò. Tíkítsjeèn nga ndayá tjna'ya. Jè kàtjnakò-nò kjondaà-lá Nainá. K'oa s'ín kàtama.

Xojon carta-la San Pabło xi kiskii ítjòn-la xita naxandá-la Cristo xi títsajna Tesalónica

Kó tsò Pabło nga s̄hixat'aà j̄nà xita naxandá-la Cristo xi títsajna Tesalónica

¹ J̄nò xi xita naxandá-la Nainá maà xi títsajnaà ya naxandá Tesalónica nga ya títsajnakjòòkoo Nainá xi Na'èn-ná kò jè Jesucristo xi otíxoma-ná, 'an xi 'mì-na Pabło títsanihixot'aà-nòjen kò Silvano [tíjè-ne xi 'mì Silas] kò Timoteo. Nainá kátatsjá-nò kjondaà kò kjoa'nchán ya ij̄jìn inima-nò.

Kó tsò Pabło nga tsjá-la kjondaà Nainá

² K'è nga nokjoàt'aà-lajen Nainá, kjit'aà nachrjein 'biilajen kjondaà it'aà tsajòn.

³ Bítsejen-najen nga nguixkõn Nainá xi Na'èn-ná koni s'ín nga títsanixá, koií kjoa-la nga mokjeiín-nò it'aà ts'è Cristo, tíkõa ndaà níxá-la xita xi k'ejíi nga matsjacha, nga tíkõa kixi títsajnaà nga títsachiña-là Jesucristo xi otíxoma-ná.

⁴ Ndí 'ndsè, Nainá mátsjakeè-nò. 'Ya-najen nga xó k'oas'ín jaàj̄jìn-nò nga xita naxandá-la komaà.

⁵ Nga jè 'én ndaà-la Nainá xi kjoa ts'è Cristo xi tsibènojmi-nòjen, mìtsà ta 'én tsajen xi kinokjoàkò-nòjen. Jè Inima Tsjeè-la Nainá kitsjaà-najen nga'ño, kò tíkõa 'ño ndaà kjòchiya-najen nga ngui kixi kjoa. J̄nò, ndaà ki'yaà k'è nga ya tsakítajna-jen, ndaà kinichját'aà-nòjen xi kjondaà tsajòn.

⁶ J̄nò, k'oagá s'ín ki'nè koni s'ín ki'nè-jen kò koni s'ín s'ín Cristo. Jè Inima Tsjeè-la Nainá kitsjaà-nò kjotsja nga komà kichjoéjtò 'én-la Nainá nas'ín 'ño tse kjo'in tsatojòòn.

⁷ K'oagá ma-ne j̄nò tsakoò jngòò-la kjoa xi ndaà tjín nga kiskingui ngats'ii xita xi jye kòkjeiín-la 'én-la Nainá ya nangui Macedonia kò Acaya.

⁸ Nga yaà kjòts'ia-ne it'aà tsajòn nga tsabìsòn jè 'én ndaà-la Na'èn-ná; mìtsà tà ya nangui Macedonia kò Acaya; xki xi ján kina'ya-la nga j̄nò, ndaà mokjeiín-nò it'aà ts'è Nainá. K'oagá ma-ne nga mì t̄i kii mochjeén-ne nga ngajen kénojmi-lajen xita it'aà tsajòn, nga jyeé beè-nò xita.

⁹ Nga tíjñà bénojmi-ne nga ndaà kichjoéjtò-najen k'è nga ijchochòòn-nòjen. Tíkõaà tsò-né nga j̄nò jyeé kinikijna kjoa ts'è xkòsòn. I'ndeí jyeé ya tjaàt'aà-la xi ngui jè sobà Nainá xi kixi kjoa nga tjínakon.

¹⁰ Tíkõaà bénojmi-né nga títsachiña-là Kí'ndí-la Nainá nga kítjõjen ijngòò k'a-ne ngajmii, jè xi tíjè-ne Jesús xi Nainá kisikjaáya-la k'è nga k'en, nga jè-né xi kochrjekáj̄jìn-ná kjo'in ts'è kjoajti-la Nainá xi s̄a nchrobá.

2

Xá xi kis'iiin Pabło ya naxandá Tesalónica

¹ J̄nò ndí 'ndsè kò ndí tichjaá, 'ya-nò k'è nga ijchochón-nòjen mìtsà ta kjõtjò.

² Nga jyeé ndaà tíj̄jìn-nò koni s'ín komàt'in-jen ján naxandá Filipos, nga 'ño tse kjo'in kinikjeiín-jen; 'ño kijtseetoòn-najen xita; tanga Nainá kisichját'aà-najen nga kitsjaà-najen nga'ño nga komà tsangui-jen ya naxandá-nò nga komà tsibènojmi-nòjen 'én ndaà-la Nainá nas'ín 'ño kjin ma kondra-najen.

³ Nga 'én kixii kinokjoàya-jen, mìtsà jò tjín inima-najen nga tsibènojmi-nòjen, tíkõa mìtsà xita kichonachan-lajen.

4 Nga Nainá jyeé kiskoòt'aà-najen ko k'oaá kitsò nga ok'in-najen nga ngajen kjòngatsja-jen 'én ndaa-là Nainá xi kjoa ts'e Cristo mé-ne nga koma kinòkjoaya-jen. Mitsà jè xi mejèn-najen nga ndaa kitsajna-jen nguixxon xita; jè-né nga ndaa kitsajna-jen nguixxon Nainá nga jè xi tibeé inima-ná.

5 Jyeé ndaa tíjìn-nò nga mitsà 'én tsjén nokjoà-jen koni tsà mé xi mejèn-najen nga k'oj-nájen, tikoáá mitsà ton binchaàtsji'ma-jen. Kjoa koi, Nainá tibeé-né.

6 Mitsà jè binchaàtsji-jen nga jñò, ko xita xi kj'eíi, nga 'nga sikkítsajna-nájen. Tsà jìn xi mejèn-najen nga tsibinè-nòjen kjotixoma xi tjín-najen nga it'aà ts'e Cristo kisixáya-najen, komaá-la okinikò-nòjen.

7 Tanga mitsà kos'in kinikò-nòjen. Ta saá k'oas'in kinikò-nòjen koni ndí ixti. K'oaá ngaya-là koni jngoò nea xi síkaki ixti-là nga ndaa síjchá ixti-là.

8 Nò tjòcha ki'ya-nòjen. K'oaá ma-ne nga ko kjotsja-najen tsibènojmi-nòjen 'én ndaa-là Nainá xi kjoa ts'e Cristo. Tikoáá matsjaá-najen nga ndaa kinikò-nòjen nita mé kjoa xi komàt'ioòn ta koi kjoa-là nga 'nò matsjacha-nòjen.

9 Ndí 'ndsè ko ndí tichjaá, bítsjeèn-nò kós'in kinixá-jen nga binchaàtsji'a-jen yijo-najen. Ko nachrjein ko nítjen nixá-jen, mé-ne nga mì jñò sjiti-nòjen jñà nachrjein k'e nga kinokjoàyajìin-nòjen 'én ndaa-là Nainá.

10 Jñò, ndaa ki'yaá, tikoáá Nainá kijtseè-né, nga ngajen ndaa kinikò-nòjen. K'oaá s'in kinikò-nòjen koni s'in sasén-là Nainá koni s'in tjín xi kjoa kixi. Ko nyá xi jé kòònè-najen koni s'in kinikò-nòjen jñò xi mokjeiín-nò 'én ndaa-là Nainá.

11 Tikoáá jyeé ndaa tíjìn-nò nga jèn, ndaa kinikò-nòjen nga jngoò ìjngoò koni s'in síko ixti-là jngoò xita xi na'èn ma.

12 Kinije ikon-nòjen koa kinì'nòjìin-jen takòn ko k'oas'in tsibinè-nòjen nga k'oas'in s'een koni s'in ok'in-là xi xita-là Nainá maá; nga jè-né xi sík'nchré-nò nga ya titsajnajìin-là xita xi jye jè tíhotixoma-là ko tikoá ya titsajnajìò kjoajeya-là.

13 Kjit'aà nachrjein 'biì-lajen kjondaà Nainá koni s'in ndaa kichjoétjò 'én-là nga mitsà k'oas'in kichjoétjò koni 'én-là xi taxki xita. K'oaá s'in kichjoétjò koni tjín xi ngui kjoa kixi nga 'én-là Nainá-né. Jñà 'én koi, tí'yaá-là nga nchisíxajìin inima-nò jñò xi mokjeiín-nò.

14 Jñò ndí 'ndsè ko ndí tichjaá, k'oaá s'in komàt'ioòn koni s'in komàt'in jñà xita naxandá-là Nainá xi mokjeiín-là it'aà ts'e Cristo Jesús xi titsajna ján nangui Judea. Tijnà-ne xita naxandá judío xíjín kùitjngui kondra-là. Jñò tijnà-ne xita naxandá tsajòn kùitjngui kondra-nò.

15 Jñà xita judío kisik'en Na'èn-ná Jesús ko tijnà-ne xita jchínga-là kisik'en jñà xita xi kùichjaya ngajo-là Nainá kjòtseé. I'ndeí, tákó k'oaá siko-najen nga fitjngui kondra-najen. Nainá mìkii sasén-là kjoa xi s'in xita koi, ngui kondraá fi-là ngats'ìi kjoa,

16 nga mìkii tsjá'nde nga nokjoà-lajen jñà xi mitsà xita judío mé-ne nga tikoá kùitjokajìin-ne kjo'in. K'oaá ma-ne xita koi, skanda nchisíkatonè-là nga ótsji jè-là yijo-là. Jyeé kjomeé f'ìikanè-là kjo'in xi tjiko kjojtì-là Nainá.

Kó kitsò Pablo nga mejèn-là kjikon jñà xita-là Cristo xi titsajna ya naxandá Tesalónica

¹⁷ 'Ndsee kò tichjaá, k'e nga chinchat'aàxìn chiba nàchrjein-nòjen, nàs'in mì tì kii kiyaxkon-ná xinguiáá, ngajen 'ñó nìktsjeèn-nòjen. 'Ñó mejèn-najen nga onguíchoòn-nòjen.

¹⁸ Mejèn tsangui-jen. 'An xi 'mì-nà Pablo, kjin k'a mejèn kiaà, tanga jè xita nejí mìkì kitsjaà'nde-najen.

¹⁹ Kjoa tsajòn-nò nga titsachiñá-lajen nga 'ñó kotsja-najen kò nga ndaà kítjo-jen k'e nga kjoíí iñgoò k'a Nà'èn-ná Jesucristo.

²⁰ Kixíí kjoa it'aà tsajòn-nò nga ndaà kítjongui-jen kò nga s'e-najen kjoa tsja.

3

Mé-ne ya kinikasén-ne Timoteo ján naxqandá Tesalónica

¹ K'e nga mì tì kii komà kichikjoa isa-najen nga mejèn-najen sijiin-najen kó s'in titsajnaà ján Tesalónica, k'oaá komà-ne nga kichibàya-najen nga kinikasén-jen jè 'ndsè Timoteo, kò ngajen yaá tsitsajna-jen Atenas.

² Kinikasén-jen jè 'ndsee Timoteo, chí'nda-la Nainá-né nga tikoáá chjaya 'én ndaà-la Nainá xi kjoa ts'e Cristo koni ngajen. Koií xá kiikon-nò mé-ne nga kátatsjá-isa-nò nga'ñó nga isa 'ñó ndaà kixí kitsajnaà koni s'in mokjeiín-nò,

³ mé-ne nga nijngoò xi sñhindaà-ne kjoa ts'e kjo'in xi titsanikjioón. Jñò, jyeé ndaà tjiin-nò nga k'oaá s'in tjinè-la nga kos'in komat'iaán.

⁴ K'e nga tisa ya titsajnao-nòjen, k'oaá k'i'mì-nòjen nga kjo'iín s'e-ná. I'ndeí, jyeé tisa'yaà nga k'oaá s'in tmat'ioòn.

⁵ Koií kjoa-la nga mì tì kii kiskoodná kjoa-na; kisikasén Timoteo nga mejèn-na skoeé kós'in titsajnao jè 'én xi mokjeiín-nò. Timakájno-na tsà jye kiskoonachan-nò jè xita nejí. Tsà koií nàchrjein-la, xá xi k'i'nè-jen, tsà ta kichijà-né.

⁶ I'ndeí, jè Timoteo jyeé j'ií-ne nga kii Tesalónica; ndaà tsò okixí xi 'ya-najen it'aà tsajòn koni s'in mokjeiín-nò kò nga tjin-nò kjotsjacha. K'oaá s'in tsibénojmi-najen nga kjit'aà nàchrjein tsjaá ma-nò nga nìktsjeèn-nájen. Tikoáá mejèn-nò nga jchaxkoòn-nájen koni ngajen tikoáá mejèn-najen jchaxkoòn-nòjen.

⁷ K'oaá ma-ne ndí 'ndsè kò ndí tichjaá, nàs'in kjo'in kò kjoa kondra titsajnajiin-jen, k'e nga kina'yà-jen it'aà tsajòn nga 'ñó ndaà mokjeiín-nò it'aà ts'e Cristo, tikoáá ngajen, 'ñó ndaà kjòtsja-najen.

⁸ K'e nga kina'yà-jen nga kixí onguít'aà-là Nà'èn-ná, ngajen jyeé mì tì mé makájno-najen.

⁹ Ngajen, 'ñó tse kjòtsja tjin-najen nga nguixkon Nainá xi kjoa tsajòn skanda mì-la kii kjoehet'aà nàchrjein nga k'oií-lajen kjondaà Nainá.

¹⁰ Kò nàchrjein kò nítjen nokjoat'aà-lajen Nainá mé-ne nga tsjá'nde-ne nga koma konguíchoòn-nòjen. Tikoá koma kòkòya-isa-nòjen mé-ne nga kojngoo-ne 'én xi chijat'aà-nò koni s'in mokjeiín-nò.

Kjoa bítsi'ba-la Pablo

¹¹ Mejèn-najen nga tije-ne Nà'èn-ná xi Nainá kò jè Jesucristo xi otíxoma-ná, kátatsjá'nde-najen nga koma konguíchoòn-nòjen.

¹² Jè kjòtsjacha-la Nà'èn-ná isa ndaà kátasijiin inima-nò, mé-ne nga isa ndaà kòtsjacha-nò xinguiqò kò ngats'ií xita xi kjeíí, koni ngajen, ndaà matsjacha-nòjen.

¹³ Jè Na'èn-ná kàtatsjá-lá nga'ño iníma-nò mé-ne nga nímé jé sakòt'aà-nò kò tsjeè kítsajnaà nga nguixkon Nainá xi Na'èn-ná k'è nga kjoíí ìjngòò k'a-ne Jesucristo xi otíxoma-ná nga tjíko ngats'ìi xi ya chja-ne.

4

Kjoa xi sasén-lá Nainá

¹ Ndí 'ndsè kò ndí tichjaá, k'oaá s'ín tsakoóya-nòjen nga k'oas'ín sijnchá yijo-nò koni s'ín sasén-lá Nainá. Kò kixíí kjoa, jyeé kos'ín titsa'nè. Tanga ì'ndeí bìtsi'ba-nòjen tìkoà binè-nòjen ìt'aà ts'è Jesús xi otíxoma-ná nga isá 'ño ndaa tjii-là nga'ño yijo-nò nga kos'ín tìkitasòn.

² Jyeé tjiin-nò kó s'ín tjín kjotíxoma xi kits'ii-nòjen koni s'ín kitsjaà-najen Jesucristo xi otíxoma-ná.

³ Jè xi mejèn-lá Nainá nga nguì tsjeè sijnchá yijo-nò, mì tì kjoa chijngui sis'in-là.

⁴ Nga jngòò ìjngòò-nò tìkindaa yijo-nò; k'oas'ín tìkjeén nga nguì tsjeè tìtsajna koni s'ín sasén-lá Nainá.

⁵ Kì bìi'nde-là nga síkijne-nò jñá kjoa ch'o xi sjé yijo-nò koni s'ín jñá xítà xi mìkìì beèxkon Nainá.

⁶ Jño xi 'ndsee chibá ìt'aà ts'è Cristo, kì k'oaá tjín kjoa xi kaajñoò mé-ne nga mì xinguiòò chónachan-là nga mì xinguiòò jchatòò. Tsà k'oas'ín s'èen, kjo'íin tsjá-nò Nainá. Jyeé k'oas'ín tsibènojmi-nòjen.

⁷ Nainá mìtsà koi xá kùchja-ná nga ch'o s'èen, jè xi mejèn-lá nga tsjeè kítsajnaá.

⁸ Jè xi ochrjekàngui kjoa koi, mìtsà kjohítsjeèn ts'è xítà ochrjekàngui, kjohítsjeèn ts'è Nainá ochrjekàngui; nga jè xi tsjá-nò Iníma Tsjeè-lá.

⁹ Mikiì mochjeén nga xojon skiit'aà-isa-nò xi ts'è kjoatjòcha. Nainá jye tsakóya-nò kós'ín sítjòchaà xinguiòò nga jngòò ìjngòò.

¹⁰ Jyeé kos'ín titsa'nè nga matsjacha ngats'ìi xítà xinguiòò xi tìtsajna kóhokji ya nangui Macedonia. Tanga k'oaá s'ín bìtsi'ba-nòjen nga isá ndaa tìtsjacha xinguiòò.

¹¹ Tinè-là yijo-nò nga 'nchán tìtsajna, kì kjoa-lá xinguiòò chingajñoò, t'èen xá-nò koni tjín xá xi ma-nò, koni s'ín jye k'ì-mì-nòjen ngats'ìi kjoa koi.

¹² Mé-ne nga skoexkón-nò jñá xítà xi mìkìì mokjeiín-lá 'én-lá Nainá. Koà jño, nímé chijat'aà-nò.

K'è nga kjoíí ìjngòò k'a-ne Na'èn-ná Jesucristo

¹³ Ndí 'ndsè kò ndí tichjaá, mejèn-najen nga kàtasjiin-nò mé kjoa xi mat'in jngòò xítà xi biyaa, mé-ne nga mì kobaá-nò koni jñá xítà xi nímé nchikoña-lá.

¹⁴ Koni s'ín mokjeiín-ná nga Jesús k'en, ìkjoàn jaáya-lá, k'oaá tìs'ín mokjeiín-ná nga Nainá sùkjaáya-lá xítà xi jye k'en, jñá xi mokjeiín-lá ìt'aà ts'è Jesús.

¹⁵ Nga koií 'én bènojmiya-jen koni tsò 'én xi tsibíjna Jesús nga jñá xi tìtsajnakoaán skanda k'è nga kjoíí ìjngòò k'a Na'èn-ná Jesucristo, mìtsà jñá kjiin ìtjòn-lá jñá xi jye k'en.

¹⁶ Nga jè sobá Na'èn-ná kítjojen ìjngòò k'a-ne ngajmii; 'ño kichja nga tsjá okixi, kina'ya jngòò-lá jta ts'è àkjale ìtjòn, kò kina'ya-lá chrjo-lá Nainá; ìkjoàn jñá xítà xi jye k'en nga mokjeiín-lá ìt'aà ts'è Cristo, kjoaáya ìtjòn-lá.

¹⁷ Ìkjoàn jñá xi tákò tìtsajnakoaán jè nachrjein jè, yaá tjámijìn-tjen-koáá ìjiin ifi nga kixokjoaá Nainá ya jjiin isén. K'oaá s'ín koma nga ya kítsajnakoaá Nainá nítà mé nachrjein-ne.

18 K'oaá ma-ne nga tije takòn xinguiqo nga tènójmíya-là koni tsò jñà 'én koi.

5

1 Ndí 'ndsè kò ndí tichjaá, mìkìl mochjeén nga xojon sít'aà-nò mé nàchrjein-ne nga okoma.

2 Jñò, nga jyeé ndaaà tíjìin-nò, jè nàchrjein k'e nga kjoíí ìjngòò k'a Nà'è-ná Jesucristo, k'oaá s'ín kjoíí koni jngòò xítà chijé xi f'ìi nga nítjen k'e nga nìyá xi nchikoñaá-la.

3 K'e nga kítso jñà xítà: "Nchán títajnaá, nímé kjoa tjin." K'ée tà nítóón kítjojenè-la kjoxkón koni s'ín mat'in jngòò chjóón xi bijchó nàchrjein-la nga kí'ndí 'beé, mìkìl kojno-la.

4 Tanga jñò ndí 'ndsè kò ndí tichjaá, mìtsà jìjìin jñò títajnaá jñò. Kò k'oaá ma-ne nga mì k'oaá s'ín komat'ioón jè nàchrjein jè, koni ma k'e nga ta nítóón fì jngòò xítà chijé.

5 Tanga jñò, ngats'ioò, iseèn choòn ñánda títajnaá, kò nàchrjein-né. Nga jñà, mìtsà jìjìin jñò títajnaá kò mìtsà nítjen títajnaá.

6 K'oaá ma-ne nga mìkìl k'oa s'èen koni s'ín xítà xi k'ejíi nga mì títajnaanda-jèn mé kjoa xi tjin k'oaá ngaya-la koni tsà kjiyijòfè. Mochjeén-né nga kítajnaandaá koni jngòò xítà xi tjinakon, xi nguì ndaaà tjin ikon.

7 Nga jñà xítà xi oyijòfè, k'ée oyijòfè k'e nga jñò. Kò jñà xi mach'í, k'ée mach'í k'e nga jñò.

8 Tanga jñà, yáá títajnaá ñánda iseèn choòn. K'oaá ma-ne nga ndaaà sijnchá yijo-ná. Jè 'én xi mokjeín-ná kò jè kjoatjòcha, jñà kosiko iníma-ná koni jngòò soldado xi ndaaà kítja iníma-la jè chrjoa xi 'mì coraza. Kò k'e nga nguì tíjngòò takoán nga chiñá-lá jè nàchrjein k'e nga kítjokàjñaá kjo'in, jè ngaya-la tsí'nguén kichá xi osikò skò soldado.

9 Nainá mìtsà koi xá jaàjìin-ná nga kjo'in tsjá-ná, jé-né nga kítjokàjñaá kjo'in ít'aà ts'e Jesucristo xi otíxoma-ná.

10 Nga jè k'en ngajo-ná mé-ne k'e nga kjoíí ìjngòò k'a-ne, tsà títajnaakoaán, kò tsà jye k'eén, yáá kítajnaakoaá.

11 K'oaá ma-ne nga tíjetakòn kò tjii-la nga ñó xinguiqo koni s'ín jye títajna'è.

Kjotíxoma xi kitsjaà Pablo

12 Ndí 'ndsè kò ndí tichjaá, nijé-nòjen kjondaá, jchaxkón xítà xi síxákò-nò nga jñà títajna ítjòn ya jìjìin naxandá-la Nainá kò nga okóya-nò.

13 Ndaà jchaxkón tíkjoa ndaaà títsjacha xítà koi, jè kjoa-la xá xi s'ín. 'Nchán títajnakoo xinguiqo.

14 K'oa tís'ín bìtsi'ba-nòjen ndí 'ndsè kò ndí tichjaá, kot'in-là nga kátasíxá jñà xítà xi ta jyò tíjma nga majin-la síxá; tí'ño ikon jñà xi indaaà tjin ikon; tíchját'aà-là jñà xi tsjin-la nga'ño ya jìjìin iníma-la; kò kátas'e-nò kjoatsejta ít'aà ts'e ngats'ìi xítà-la Nainá.

15 Tsà k'e nga mé kjoa xi ch'o síkò-nò xítà xi k'ejíi, tíkindaa xinguiqo nga mì síjindá ngajo-ne. Tà saá tinè-là yijo-nò nga kjit'aà nàchrjein ndaaà tíkoo xinguiqo kò ngats'ìi xítà xi k'ejíi.

16 Kjit'aà nàchrjein tsja t'è-là iníma-nò.

17 Títisi'ba kjit'aà-là Nainá.

18 Njita mé kjoa-ne, tjii kjit'aà-là kjondaá Nainá. K'oaá s'ín mejèn-la Nainá nga k'oa's'ín s'èen ngats'ioò xi mokjeín-nò ít'aà ts'e Cristo Jesús.

19 Kì bichjoá ikòn-là xá xi s'ín Iníma Tsjeè-la Nainá.

20 Kì nàchrjekànguiòò 'én-la xítà xi chja ngajo-la Nainá.

²¹ Ndaà ndaà chí't'aa yije ngats'ii 'én. Jñà t̄ikítsajnatjò xi ndaà tsò.

²² Ngats'ii xi ch'o tsò, k̄i k̄ii n̄ikitasòn.

²³ Jè Nainá xi tsjá kjoa'nchán, jngòò k'a tsjeè kàtasíkítsajna-nò. Ndaà kàtasikinda in̄ima-nò, yijo-nò kò kjoh̄itsjeèn-nò mé-ne nga n̄imé jé s'e-nò jè n̄achrjein k'e nga kjoíí ìjngòò k'a jè Jesucristo xi otíxoma-ná.

²⁴ Nga x̄ita kixi-né jè Nainá xi xó k̄iichja-nò, s̄iikitasòn yijeé kjoa koi.

Kó kitsò Pablo nga s̄ihixat'aa x̄ita

²⁵ 'Ndsee kò tichjaá, t̄itsi'batjì-nájen.

²⁶ T̄iixot'aa ngats'ii x̄ita 'ndsee nga ngui kò in̄ima-nò.

²⁷ 'An, tsja-nò okixi nga nguixkòn N̄a'èn-ná nga kàtaxkejiin-la xojon jè ngats'ii x̄ita naxandá-la Nainá.

²⁸ Jè k̄atijnako-nò kjondaà-la Jesucristo xi otíxoma-ná.

Xojon carta-la San Pabło xi ma-ne jò xi kiski-la xita naxandá-la Cristo xi títsajna Tesalónica

Kó tsò Pabło nga sñixat'aà jñà xita naxandá-la Cristo xi títsajna Tesalónica

¹ Jñò xi xita naxandá-la Nainá maà xi títsajnaà ya naxandá Tesalónica nga ya títsajnakjòòkoo Nainá xi Na'èn-ná kò jè Jesucristo xi otíxoma-ná, 'an xi 'mì-na Pabło títsanihixot'aà-nòjen kò Silvano [tjé-ne xi 'mì Silas] kò Timoteo.

² Nainá xi Na'èn-ná, kò jè Jesucristo xi otíxoma-ná kátatsjá-nò kjondaà kò kjoa'nchán ya ijìlìn inìma-nò.

Kó tsò Pabło nga tsjá-la kjondaà Nainá

³ Ndí 'ndsee kò tichjaá mochjeén-nè nga kjit'aà naxhrjein k'oií-lajen kjondaà Nainá xi it'aà tsajòn. Ndaà tjín nga k'oas'ín s'en-jen, koií kjoa-la nga naxhrjein inchiòn isa ndaà mokjeiín-nò kò isa ndaà matsjacha xinguiòo nga jngòò òjngòò.

⁴ K'oaa ma-ne nga ndaà matsja-najen it'aà tsajòn; k'oaa s'ín bènojmi-lajen jñà xita naxandá-la Cristo xi xìn nangui títsajna nga jñò, ndaà mokjeiín-nò kò ndaà chíkjòakò-nò nas'ín 'ñó fi tjíngui kondra-nò xita kò nas'ín kjo'in títsanjíjioón.

⁵ Ngats'ií kjoa koi, Nainá k'oaa s'ín okó nga kixi kojíndaàjìlìn; kò k'oaa ma-ne nga jñò, ok'ín-nò nga ya kítsajnajìlìn-là xita xi jè tíhotíxoma-la, nga tíkoi-ne kjoa-la Nainá nga kjo'in títsanjíjioón.

⁶ Nainá, xita kixi-né nga tsjá-la kjo'in jñà xita xi kjo'in tsjá-nò.

⁷ Kò jñò xi kjo'in títsanjíjioón, tsjá-nò kjoa'nchán kò ngajen, k'e nga kjinchrobàjen ngajmù Jesucristo xi otíxoma, tjíko àkjale-la xi 'ñó tse nga'ño tjín-la nga kjinchrobàjen-jìlìn ni'ín.

⁸ Nainá tsjá-la kjo'in jñà xita xi mìkìlì bèèxkón nì mìkìlì síkitasòn 'én ndaà-la Nainá xi kjoa ts'e Jesucristo xi otíxoma-ná.

⁹ Xita koi, 'ñó tse kjo'in sñìkjeiín nita kjé-ne; mì yaá kítsajna nguixkòn Na'èn-ná, kò mìkìlì skoe kjoajeya-la xi 'ñó tse nga'ño tjín-la.

¹⁰ Kjoa koi, k'oaa s'ín koma jè naxhrjein k'e nga kítjojen òjngòò k'a Na'èn-ná mé-ne nga it'aà ts'e xita-la jeya kíjna-ne kò ngats'ií xita xi mokjeiín-la it'aà ts'e, ta kòxkón-la. Tíkoaa jñò yaá kítsajnaà, koií kjoa-la nga kòkjeiín-nò koni s'ín tsibènojmi-nòjen.

¹¹ K'oaa ma-ne nga kjit'aà naxhrjein bítsi'ba-lajen Nainá it'aà tsajòn, mé-ne nga Nainá kítsò nga ok'ín-nò nga ya kíjókjoa-nò naxandá-la nga xó k'oaa s'ín kíichja-nò. Nga kò nga'ño-la kátasíkitasòn ngats'ií kjondaà xi jñò sasén-nò kò xá xi 'nè nga Na'èn-ná ma'ñót'aà takòn.

¹² K'oaa s'ín koma nga it'aà tsajòn jeya kíjna Jesucristo xi otíxoma-ná. Tíkoaa jè ndaà sñíkítsajna-nò koni s'ín tjín-la kjondaà jè Nainá kò jè Jesucristo xi otíxoma-ná.

2

K'e nga kjoíí òjngòò k'a-ne Jesucristo

¹ Ndí 'ndsee kọ tichjaá, i'ndeji jẹ kénójmí-nòjèn kó s'ín koma k'e nga kjoji ijngò k'a Jesucristo xi otixoma-ná kọ k'e nga ya koxkóyat'aà-lá. K'oaá ma-ne bitsi'ba-nòjèn

² tsà yá xita xi kítsò-nò nga jyeé j'ii ijngò k'a Jesucristo, kì tà nìtòn mokjeiin-nò; kì tsakjoòn-là tsà yá xita xi kítsò-nò: k'oaá tsò 'én-là Nainá xi kjongatsja Pablo; k'oaá s'ín chjaya, kọ k'oaá s'ín kisikasén jngò xojoñ.

³ Kì yá xita xi konachan-nò. Nga jẹ nachrjein k'e nga okoma, itjòn s'e nachrjein nga jñà xita, 'ńó kondra kitsajna-là Nainá. Ikjoàn ta nitoón kotsejèn jẹ xita xi 'ńó ch'o s'jin, jẹ xi tjinè-là nga kjo'in sijkjeiin nita kjé-ne.

⁴ Xita jẹ, jẹ xi kondra kijná-là ngats'ii xi Nainá tsò-là xita kọ nita mé-isa-ne xi beéxkón nga jẹ mejèn-là kijná itjòn. Skanda yaá kijnaya ingo itjòn-là Nainá koni tsà jẹ sobà Nainá, k'oaá kítsò-là yijo-là nga Nainá jẹ.

⁵ ¿A mì bitsjeèn-nò k'e nga sa ya tsohotijnako-nò, k'oaá kixan-nò nga k'oaá s'ín koma?

⁶ I'ndeji jye tjiin-nò mé kjoa xi bichjoá ikòn-là xita jẹ nga mì xátí f'ii; skanda k'eé kjoji k'e nga kichóya nachrjein-là.

⁷ Jẹ nga'ńó-là kjoach'o, jyeé tísixá'ma i'isò'nde, tanga tijná jngò xi tijná ikòn nga mìkì tsjá'nde kọ ta jẹ chija nga tjáxìn.

⁸ Kọ ikjoàn k'eé kotsejèn jẹ xita xi ch'o s'ín. Tanga Jesucristo xi otixoma, ta jngò 'én kichja nga tsjá-là kjo'in nita kjé-ne. Tà ma tà jẹ nga ote kji nga kjoji, jngò k'a kjoaaxìn nga'ńó-là.

⁹ K'e nga kjoji jẹ xita xi ch'o s'ín, jẹ xita neji tsjá-là nga'ńó nga kjin skaya kjoxxón kókó xi mitsá kixi kjoa.

¹⁰ Sijkjeén yije kjoa xi ch'o tjin nga skónachan-là xita xi kjo'in sijkjeiin nita kjé-ne, koi kjoa-là nga jñà xita koi mìkì matsjakeè xi kjoa kixi xi ma kitjokajjin-ne kjo'in kjoa ts'e jé-là.

¹¹ K'oaá ma-ne Nainá tsjá'nde-né nga tijná jngò xi skónachan-là xita koi, mé-ne kàtakjeiin-là kjoa ndiso,

¹² nga kátas'e-là kjo'in ngats'ii xi mìkì mokjeiin-là kjoa kixi. Ngui ta kjoa ch'óó sasèn-là.

Mé kjoa-ne nga jaàjii-ná Nainá

¹³ Ndí 'ndsè kọ ndí tichjaá, mochjeén-né nga kjit'aà nachrjein 'biì-lajen kjondaà Nainá xi it'aà tsajón xi 'ńó matsjakeè-nò Na'èn-ná, nga xó k'oaá s'ín jaajiin-nò Nainá kóni nga tisa tats'en-là kjoa, mé-ne nga kitjokajjò-nò kjo'in, nga jẹ Inimá Tsjeè-là Nainá sítsjeèya-nò kọ nga ndaà mokjeiin-nò xi kjoa kixi.

¹⁴ Xó k'oaá s'ín kiichja-nò Nainá it'aà ts'e 'én ndaà-là Nainá xi kjoa ts'e Cristo xi ngajen nokjoàya-jen, mé-ne nga jñò, tikoá s'e-nò kjoajeya-là Jesucristo, jẹ xi otixoma-ná.

¹⁵ Ndí 'ndsè kọ tichjaá, k'oaá s'ín kixi títsajna. Kì nìjchàajin-jèn jñà 'én kixi-là Cristo xi ngajen kinikatoya-nòjèn, jñà xi ta 'én kinokjoà-nòjèn kọ xi xojon carta tsakoàya-nòjèn.

¹⁶ Aán síjét'aà-là Jesucristo, jẹ xi otixoma-ná kọ jẹ Nainá xi Na'èn-ná, jẹ xi 'ńó matsjakeè-ná nga tsjá-ná kjoajetakòn-là xi mìkì kjoehet'aà, kọ tsjá kjojò-ná kjondaà-là nga tijnò takoán nga títsachiñá-lá.

¹⁷ K'oaá s'ín síjét'aà-là nga isa tse nga'ńó kàtatsjá-là inimá-nò mé-ne nga isa kixi kitsajnaà koni s'ín 'nè kjoa xi ndaà tjin kọ koni s'ín nokjoà 'én xi ndaà tsò.

3

K'oaá tsò Pablo nga mejèn-là sìtsi'batji

¹ Xi fehet'aà-ne ndí 'ndsè kò ndí tichjaá, tìtsi'batji-nájen mé-ne jè 'én-la Nainá nìton xkì xi ján katijchó, tìkoá ndaa kàteèxkón jñà xìtá xi skoetjò 'én koni s'ín ki'nè jñò nga ndaa kiyaxkón.

² Tìkoá tìtsi'batji-nájen mé-ne nga jè Na'èn-ná kì kii tsjá'nde nga ch'o sjiìkò-najen xìtá ts'én kò xi ch'o s'ín, nga mì tà ngats'iì xìtá mokjeiìn-la.

³ Na'èn-ná xìtá kixi-né, síkitasòn 'én-la, kixiì sjiìkìtsajna-nò tìkoá sjiìkinda-nò mé-ne nga mì ch'o sjiìkò-nò jè xìtá nejí.

⁴ Nga it'aà ts'e Na'èn-ná mokjeiìn-najen nga tìtsanìkitasòn-nò koni s'ín tìtsahotìxoma-nòjen kò tákó k'oaá s'ín s'een-isa.

⁵ Jè Na'èn-ná kàtasíchját'aà-nò nga kòs'ín tjòcha jchaa xinguiqo koni s'ín tjòkèè kijtseè-nò Nainá; kò nga kàtachìkjoakò-nò kjo'in koni s'ín kichìkjoakò-la Cristo.

Mochjeén-né nga kàtasíxá jñà xìtá

⁶ Ndí 'ndsè kò ndí tichjaá, k'oaá s'ín bìnè-nòjen, it'aà ts'e Na'èn-ná Jesucristo, kì tì ya tsjahijtako-nò jñà xìtá 'ndseé kò tichjaá xi majìn-là síxá, jñà xi mìkì k'oa's'ín síkitasòn koni s'ín tjìn kjoá kixi xi ngajen kinikatoya-nòjen.

⁷ Jñò, jyeé tjiìn-nò nga mochjeén-né nga chjìngui-nájen koni s'ín ki'nè-jen k'e nga ya tsitsajna-nòjen; mì jyò tsitsajna-jen, kinixá-nájen.

⁸ Mìtsà ta kjetjò chichi-jen. Tà saá 'ñò kiníxá-jen kò nachrjein kò nìtjen kinikija-jen yijo-najen, mé-ne nga mì jñò sjiìtì-nòjen.

⁹ Kinixá-nájen nas'ín tji'nde-najen nga sjié-nòjen mé tsojmi xi mochjeén-najen. Jè xi mejèn-najen nga chjìngui-nájen mé-ne k'oa tìs'ín s'een koni 'nè-jen.

¹⁰ K'e nga tsitsajna-nòjen k'oaá s'ín ki'mì-nòjen: Tsà jngòò xìtá xi majìn-là síxá, tìkoá mìkì tji'nde-la nga kòkjen.

¹¹ Jyeé kina'ya-jen nga tìmajììn i'nga xìtá xi majìn-là síxá nga tà jyò binchima, nga ta jñà chjajììn chja'a ñánda mì jñà oko-la.

¹² Jñà xìtá koi, it'aà ts'e Jesucristo xi otìxoma-ná, k'oaá s'ín bitsi'ba-lajen, tìkoá bìnè-lajen nga kàtasíxá, mé-ne nga kàtátsji'a-ne yijo-la.

¹³ Jñò ndí 'ndsè kò ndí tichjaá, kì bijta-nò nga ndaa 'nè.

¹⁴ Tsà tjìn i'nga xi mìkì síkitasòn koni tsò xojoñ jè, chítsejèn-là yá-né, kì yaá báhijtako, mé-ne nga kòsobà-la.

¹⁵ Tanga kì k'oaá s'ín nìkòo koni jngòò xìtá kondrà, k'oaá s'ín tènòjmíya-là nga 'én ndaa chikoo nga 'ndseé chibá.

'Én xi fehet'aà-ne

¹⁶ Tijié-ne Na'èn-ná xi tsjá kjoa'nchán, kjit'aà nachrjein kàtatsjá-nò kjoa'nchán nìtá mé kjoa-ne. Na'èn-ná kàtìjnako-nò ngats'ioò.

¹⁷ Nga jye tifehet'aà xojoñ jè, kòò ndsaa tìkjiì-nò 'an xi 'mì-na Pablo, nga tìsìhixat'aà-nò. Nga k'oa's'ín s'iaàn firma-na, kò k'oaá s'ín kjiàá.

¹⁸ Ngats'ioò, jè kàtìjnako-nò kjondaà-la Jesucristo xi otìxoma-ná.

Xojon carta-la San Pablo xi kiskii ítjòn-la jè Timoteo

Kó tsò Pablo nga síhixat'aà Timoteo

¹ 'An, Pablo, tikjiì-lè xojon jè, nga 'an tsibíxáya-na Jesucristo, nga k'oas'ín kitsjaà okixi Nainá xi ochrjekàjìin-ná kjo'in ko Na'èn-ná Jesucristo nga titsachiñá-lá kjondaà-la.

² Ngaji Timoteo, koni tsà ki'ndí ts'an xan-lè nga 'an tsakooyandaà-lè koni s'ín mokjeiín-ná ít'aà ts'e Cristo. Nainá xi Na'èn-ná ko Na'èn-ná Jesucristo kàtatsjá-lè kjondaà, kàtahimakeè-lè, kàtas'e-la kjoa'nchán jjiin inima-lè.

Pablo tsibínè-la Timoteo nga síikixiya xita xi kje'ei kjohtsjeèn okóya

³ Koni s'ín tsibítsi'ba-lè k'e nga kiaà nangui Macedonia, yaá tjini naxandá Éfeso mé-ne nga kichakjáya-la xita xi mitsà 'én kixi nchihokóya jjiin naxandá-la Nainá.

⁴ Ngaji Timoteo, k'oaá s'ín tjínè-la jña xita koi, kii kii sís'in-la cuento jchínga xi mitsà kixi kjoa tikoá kii kii sís'in-la kjoa xi mikii fehet'aà ts'e xita jchínga kjòtseé. Kjoa koi nímé chjí-la. Tà sikjaán-kjoò-ná. Mì kii osikò-ná nga mokjeiín-ná ít'aà ts'e Cristo mé-ne nga koma sikitasoán koni s'ín mejèn-la Nainá.

⁵ Xá xi tìbinè-lè, jè-né nga tsjeè tjína inima-ná, nga tsjeè tjín kjohtsjeèn-ná koa nga ngui ndaa mokjeiín-ná; yaá nchrobát'aà-ne nga sítjòchaá xinguiáá.

⁶ Tanga tjín i'nga xita xi xin ndiyá tjímaya; tà koií joóya-ne 'én xi nímé chjí-la.

⁷ Mejèn-la maestro ts'e kjohtxoma-la Nainá kitsajna. Tanga tjíña-ne, skanda mikii machiya-la 'én xi chja nga 'ño chja nga tsò nga kixi kjoa.

⁸ Tjiiin-ná nga jè kjohtxoma xi kitsjaà Nainá, ndaa tjín tsà k'oas'ín kochjeén koni s'ín mejèn-la Nainá.

⁹ Ya-ná, kjohtxoma-la Nainá, mitsà ts'e jña xita xi ndaa s'ín. Ts'e-né jña xita xi mikii 'nchréñijon koa mikii síkitasòn; ts'e-né xita xi mikii beèxkón Nainá koa ótsji jé; ts'e-né xita xi mì tsjeè tjín kjohtsjeèn-la xi tjé beèhikon jè kjoatsjeè-la Nainá; ts'e-né xita xi sík'en na'èn-la ko nea-la, ko ngats'ii xita xi xita sík'en.

¹⁰ Tikoá ts'e-né jña xita xi kjoa chijnguií s'ín, jña xi xita xa'nda, xita xi xíjín fikò chijé nga otjina. Tikoá ts'e-né jña xita ndiso ko xita xi mitsà 'én kixi chja, jña xita xi ch'o tjín kjoa xi s'ín xi kondra ts'e kjohtsjeèn xi kixi tjín.

¹¹ Jè kjohtsjeèn kixi, k'oaá tjín xi okóya jña 'én jeya-la Nainá xi kjoa ts'e Cristo. Nainá xi 'ño jeya tjína, jè kisingatsja-na nga 'an kichjáya 'én koi.

Mé kjoa-ne nga kitsjaà-la kjondaà Nainá jè Pablo

¹² Tsjaà-la kjondaà Na'èn-ná Jesucristo. Ndaa chjí-la nga kitsjaà-na nga 'ño tikoá ndaa kijtseé ikon-na nga 'an kisingatsja-na xá-la,

¹³ nas'ín k'e nga sa ítjòn, 'ño ch'o kis'iaàn; kichjájno-la Nainá; kondra kiitjingui-la; toòn kijtseé xita-la. Tanga kjòhimakeè-na Nainá, nga kje'e kii be, koa kje'e kii mokjeiín-na ít'aà ts'e Cristo.

¹⁴ Tanga jè kjohtjò-la Na'èn-ná isaá 'ño tse kitsjaà-na tikoá kisihiseèn-na nga mokjeiín-na ko kitsjaà-na kjoatjòcha-la nga jè Cristo tjínakoáa.

15 Jñà 'én koi, nguì 'én kixi-né. Mochjeén-né nga kokjeiín yije-là xita nga jè Jesucristo j'ii isò'nde nga kochrjekàjiin kjo'in ngats'ii xita xi jé tjín-là. Ngats'ii xita xi ch'o s'in, 'aán tjina itjoàn nga tshotsjià jè.

16 Nas'in 'ño ch'o kis'iaàn, Nainá kis'e-là kjohimatakòn it'aà ts'an. Jñà xita, k'e nga skoë kó s'in kisikò-na Na'èn-ná Jesucristo, nga 'ño tjín-là kjoatsetakòn, tikoáà kokjeiín-là it'aà ts'e Cristo nga s'e-là kjoabinachon nita mé nachrjein-ne.

17 Nainá, 'nga kàtjina, kàtas'e-là kjoajeya nita mé nó, nita mé nachrjein-ne nga jè otixoma nita mé nachrjein-ne koa mìkii kjoehet'aà nachrjein-là nita kjé-ne, tikoá mìkii tsejèn ñanda tjina koa nguì jè tajngoò xi Nainá. K'oas'in kàtama.

18 Ngaji Timoteo koni tsà ki'ndí-na xan-lè, sìngatsja-lè 'én koi, koni s'in kitsò xita xi kisikjeén Nainá nga kiichja it'aà tsiji, mé-ne nga it'aà ts'e 'én koi, tsjá-lè nga 'ño nga ndaà sixá-là Nainá koni s'in sixá soldado.

19 Ndaà kàtakjeiín-lè it'aà ts'e Cristo, tikoá ndaà kàtjina kjohitsjeèn-lè. Tjín i'nga xita xi mìkii kisís'in kjohitsjeèn xi ndaà tjín. K'oáà komà-ne nga kisikje-là ikon nga mì tì kii kòkjeiín-là.

20 K'oáà s'in komàt'in jè Himeneo ko Alejandro xi 'an kisikitsajna koa xita nejí mé-ne nga kàtakixiya-ne nga mì taxki kichjajno-là Nainá.

2

Mochjeén-né nga kítsi'batjiá xinguiáá

1 Jè kjoa xi isa 'ño mochjeén, k'oáà s'in tìbìnè-nò nga titsi'batjiò ngats'ii xita, tinòkjoat'aà-là Nainá, titsi'ba-là Nainá, tjii-là kjondaà it'aà ts'e ngats'ii xita xi tjín nga títsa isò'nde.

2 Mochjeén-né nga kítsi'batjiá xi xitaxá ítjòn títsajna ko ngats'ii xi kjotixoma tjija tsja mé-ne nga 'nchán kítsajna-ná tikoá tafi tafi sijchá yijo-ná tikoá jchaxkoán Nainá ko jchaxkoán kjoa xi ndaà tsén.

3 K'e nga k'oas'in s'eén ndaà tjín koa ndaà sasin-là Nainá xi ochrjekátjì-ná kjo'in.

4 Nainá, jè xi mejèn-là nga ngats'ii xita kítjokàjiin kjo'in tikoá sjiin-là kós'in tjín xi kjoakixi.

5 Tà jngoò ma Nainá; tikoáà tà jngoò ma xita xi chjatjì-ná it'aà ts'e Nainá, jè xita xi Jesucristo 'mì.

6 K'e nga kichiya nachrjein-là Nainá, Jesucristo kitsjaà kjotjò yijo-là nga k'en mé-ne nga kochjítjì-ne ngats'ii xita nga ma kítjokàjiin kjo'in. K'oáà s'in kis'iin nga kisijiin yije-là xita.

7 'Aán kjòngatsja xá jè nga 'an tsibíxáya-na Cristo nga kichjaya 'én ndaà-là tikoá kokoóya-là jñà xi mìtsà xita judío nga kokjeiín-là it'aà ts'e Cristo tikoá skoë xi kjoakixi. 'Én kixíi xi tixan-lè, mìtsà 'én ndiso.

8 It'aà ts'e xita x'in, mejèn-na k'e nga chjat'aà-là Nainá nita ñanda i'nde títsajna, tsjeè kàtasíkítsajna inima-là k'e nga skímiitjen-là tsja Nainá. Kì kjoajti tjiiin inima-là, koa kì nchikjaán-kjoo-jèn.

9 Tikoá jñà íchjín, jè nikje xi ndaà ok'in-là kàtakjá. Kì nikje chjí ókjá. Kì taxki sí'ñojno skò ko yijo-là tsojmì xi 'ño chjí koni kichá oro ko perla. Chiba chiba kátindaà yijo-là mé-ne nga mì xita skótsejèn-jno-ne.

10 Tà saá xá xi ndaà tjín kàtas'in koni s'in ok'in-là jñà íchjín xi beèxkón Nainá.

¹¹ Jñà íchjín jyò kàtìtsajna k'e nga skóta'ya 'én-la Nainá; kàta'nchréñijon-la jè xe okóya.

¹² 'An, mìkìl tsjaà'nde nga jñà íchjín kòtìxoma-la xi xìtá x'in koa kòkòya-la. Íchjín, jyò kàtìtsajna.

¹³ Koií kjoa-la jè Nainá ítjòn tsibíndaà Adán, iskan tsibíndaà Eva.

¹⁴ Mìtsà jè Adán xi kichonachan-la; jè Eva xi chjoón-la. K'oaá s'in komà-ne nga kisakò jé-la.

¹⁵ Tanga, jñà íchjín, tsà sùkitasòn koni s'in mejèn-la Nainá nga s'e-la ixti, kùtjokajin kjo'in. Mochjeén-né nga ndaa kòkjeiin-la ít'aà ts'e Cristo, nga s'e-la kjoatjòcha, nga tsjeè kìtsajnakò Nainá koa ndaa sùjchá yijo-la.

3

Kjoa xi mochjeén ts'e xìtá xi síkinda naxandá-la Nainá

¹ 'Én jè, ngui 'én kixì-né: Tsà tjin jngòò xìtá xi mejèn-la xá nga naxandá-la Nainá sùkinda, 'ñò ndaa tjin xá xi mejèn-la.

² Jè xìtá xi sùkinda naxandá-la Nainá mochjeén-né nga ndaa s'jin mé-ne nga mì yá xi ch'o kùtso-la. Jngòò chjoón s'e-la; jngòò xìtá xi indaa tjin ikon; xìtá xi ndaa kosòn-la yijo-la; xìtá xi yaxkón nga ndaa tísíjchá yijo-la; xi ndaa sís'in-la xìtá xi bijchòkon; xìtá xi ndaa ma-la okóya;

³ xi mìtsà xìtá ch'i; xi mìtsà xìtá kjaán-ko; xi mìtsà tòn chijé kjòtsjakeè. Jè xìtá xi mochjeén xi ndaa xìtá, xi mìtsà kjoasìl sís'in-la, xi mìtsà tòn kájno-la.

⁴ Mochjeén-né nga ndaa kjòtìxoma-la xìtá ni'ya-la; ndaa sùkixi ixti-la mé-ne nga s'e-la kjoxkón ixti tìkoá sùkitasòn koni s'in tsò xìtá jchínga-la.

⁵ Tsà mìkìl ma-la otìxoma-la xìtá ni'ya-la, ¿kó s'in koma sùkinda xìtá naxandá-la Cristo?

⁶ Jè xi síkinda xìtá naxandá-la Nainá jè xi mochjeén xi kjòtseè kòkjeiin-la, mé-ne nga mì 'nga ikon koma-ne nga mì kjo'in s'e-la koni komà'in xìtá nejí.

⁷ Mochjeén-né nga ndaa sùjchá yijo-la mé-ne nga skoexkón-ne jñà xìtá xi mìkìl mokjeiin-la ít'aà ts'e Cristo nga mì ch'o kíjna, nga mì jè xìtá nejí sùkijne-la.

Kjoa xi mochjeén ts'e xìtá xi sùjchát'aà-la naxandá-la Nainá

⁸ K'oaá tjs'in tjin ts'e xìtá xi sùkitasòn xá nga sùjchát'aà-la xìtá naxandá-la Nainá, jñà mochjeén xìtá xi yaxkón nga ndaa nchisíjchá yijo-la. Mìkìl koma sùkìtjajya-la 'én xi chja. Mìkìl koma xán koahijtakò. Mìkìl koma tòn chijé kòtsjakeè.

⁹ Mochjeén-né nga ndaa kàtafit'aà-la kjoatjì'ma xi jye tsakó Nainá koni s'in mokjeiin-ná ít'aà ts'e Cristo. Tìkoá mochjeén-né nga tsjeè kàtasíkìtsajna kjohìtsjeèn-la.

¹⁰ Jñà xìtá xi sùkitasòn xá nga sùjchát'aà-la xìtá naxandá-la Nainá, ítjòn kàtachit'aà tsà nìmé kjoa tjin-la, ikjoàn, k'eé kàtasíkìtasòn.

¹¹ K'oaá tjs'in tjin ts'e íchjín; mochjeén-né nga yaxkón nga ndaa nchisíjchá yijo-la. Mì 'én ndiso kichja. Indaa k'oeè ikon. Ndaa sùkitasòn yije nìtá mé kjoa-ne.

¹² Jè xìtá xi síkìtasòn xá nga síchját'aà-la xìtá naxandá-la Nainá, mochjeén-né nga tà jngòò chjoón s'e-la. Ndaa kàtatìxoma-la ixti-la kò xìtá ni'ya-la.

¹³ Jñà xìtá xi ndaa sùkitasòn xá koi, isá ndaa jchaxkón koa isá 'ñò ndaa s'e ikon koni s'in mokjeiin-la ít'aà ts'e Cristo Jesús.

Kjoa'ma-la Nainá

¹⁴ Mejen-na nga kjikon niton-lè, tanga tsà koií nàchrjein-la kochrjein-ya-na, k'oaa ma-ne tikjil-lè xojon jè

¹⁵ mé-ne nga jcha-ne kós'in kitsajnakooá xita xinguiáa ya jjiin naxandá-la Cristo xi tijnakon. Jè naxandá-la Cristo tjíya tsja 'én kixi-la Nainá.

¹⁶ Nguí 'én kixi-né nga 'nó jeya jè kjoa'ma-la Nainá xi jye tsakó koni s'in yaxkoán Nainá:

Nainá, xitaá komà nga j'ii j isò'nde;

it'aà ts'e Inima Tsjeè-la ki'ya-la nga tjin-la kjoakixi;

jña àkjale kijtseè-né;

'én-la kinokjoàyajiiin-la ngats'ii xi mìtsà xita judío;

nga tjtisa isò'nde kòkjeiin-la xita it'aà ts'e Cristo;

jeya kitjoétjò-ne ján ngajmii.

4*Xita xi mìtsà 'én kixi kòkòya*

¹ Tanga jè Inima Tsjeè-la Nainá ndaà bénojmíya-ná nga tsò: k'e nga chiba nàchrjein chija-isa-la nga kjoii lngoo k'a Cristo, s'ée xita xi mì tì kii kòkjeiin-la it'aà ts'e Cristo. Yaá kjit'aà-la inima ch'o-la neii xi konachan koà kjohitsjeen-la neii sjikitasòn.

² Jña kji'nchré-la xita ndiso xi jò isén tjin-la. Xita koi, nga jye kjótáajiiin kjohitsjeen-la, mì tì kindá fikò-ne kjoach'o xi nchis'in.

³ Jña xita koi mìkii tsjá'nde nga kixan xita. Tikoaa tjin tsojmì xi ma chine, mìkii tsjá'nde nga koma chjine. Tanga tsojmì koi, Nainá tsibíndaà nga tjí'nde-la nga koma skine xita xi mokjeiin-la kò xi ndaà tjiin-la kjoakixi. K'e nga skine tsjá-la kjondaà Nainá.

⁴ Ngats'ii tsojmì xi Nainá tsibíndaà, ndaà-né, mìkii koma kináchrjenguiáa. Koma sjkjeén yije tsà k'oi-lá kjondaà Nainá k'e nga sjkjeén.

⁵ Jè 'én-la Nainá siitsjeè tsojmì k'e nga kinókjoat'aà-lá.

Jngoo chi'nda-la Cristo xi ndaà síxá

⁶ Ji, tsà k'oas'in kòkòya-la jña xita xinguiáa kjoa koi, 'nó ndaà síxat'aà-la Cristo Jesús. Skasòn-isa kjohitsjeen-lè it'aà ts'e 'én xi mokjeiin-ná kò kjohitsjeen xi ndaà tjin xi ndaà tì'mitjinguí-la.

⁷ Tanga ki taxki nis'in-la 'én jchínga ts'e isò'nde xi nímé chíj-lá xi tà kjohitsjeen-la xita. Tinè-la yijo-lè nga chaxkoín Nainá.

⁸ Tsà kinè-lá yijo-ná nga k'oi-lá nga'nó, sakó chiba-la kjondaà, tanga tsà kinè-lá inima-ná nga ndaà jchaxkoán Nainá, isáá sakó-ná kjondaà xi mochjeén-ná nga kjit'aà nàchrjein. Sakó-ná kjondaà j it'aà nangui kò nga koma iskan tikoaa sakó-ná ján ngajmii.

⁹ 'Én koi, 'én kixi-né. Mochjeén-né nga kàtakjeiin yije-la xita.

¹⁰ Koií k'oas'in binè-lá xá yijo-ná, tikoá nikjiaán kjo'in nga jè titsachiñá-lá Nainá xi tijnakon xi ma-la ochrjekajiiin kjo'in ngats'ii xita. Jña-né xi kitjokajiiin kjo'in xi mokjeiin-la it'aà ts'e Cristo.

¹¹ K'oaá s'in tatixoma-la jña xita, k'oa tì s'in takóya-la 'én koi.

¹² Ki yá xi ochrjekàngui-lè nas'in nguí sa xti-ísi. Ya jjiin-la xita xi mokjeiin-la it'aà ts'e Cristo, ji, ndaà t'in itjoín mé-ne skingui-ne kós'in nokjoi, kós'in 'ni, kós'in tjòcha 'yi Nainá kò xita, [kós'in ndaà tjina inima-lè], kós'in mokjeiin-lè it'aà ts'e Nainá, kós'in tsjeè tinjchí yijo-lè nga nguixkon Nainá.

¹³ Skanda k'e nga k̄jchokon-lè, k'oaá s'ín t'jín: t̄ixkej̄in-là x̄it̄a 'én-là Nainá; tinè-là nga 'ñó k̄at'eé-là ikon; t̄ikoá takóya-là.

¹⁴ Kì n̄jchàaj̄in-jèn nga s̄ixát'aà-là Nainá it'aà ts'e k̄jotjò xi kitjòé-lè k'e nga j̄ñà x̄it̄a jchínga-là nax̄andá-là Nainá tsohòsòn-lè tsja nga j̄ñà k̄iichj̄a ngajo-là Nainá it'aà tsiji.

¹⁵ It'aà ts'e kjoa koi, kjit'aà nachrjein t̄iyakoji, t̄ikoá t̄ixákoji mé-ne nga skoe yije-ne x̄it̄a nga ndaà tímajchíngakoji.

¹⁶ Ndaà t̄ikindji yijo-lè mé xi 'ni. T̄ikoá t'jín kinda jè 'én xi okoòya-la x̄it̄a. Kixi t̄ijni. Tsà k'oas'ín s̄ikitasòn, ngaji, k̄it̄jokàj̄in kjo'in; t̄ikoá k̄it̄jokàj̄in kjo'in j̄ñà x̄it̄a xi 'nchré-lè.

5

Kjondaà xi mochjeén it'aà ts'e x̄it̄a xi k̄j'eji

¹ J̄ñà x̄it̄a xi jye 'ñó jchínga, k̄i tax̄k̄i nikaká-la; k'oaá s'ín t̄enójm̄íya-la koni tsà na'én-lè ma; t̄ikoá j̄ñà xi is̄a ixti-is̄a, k'oaá s'ín t̄enójm̄íya-la koni tsà 'ndsi ma.

² J̄ñà íchjín xi jye 'ñó jchínga, k'oaá s'ín t̄enójm̄íya-la koni tsà nea-lè ma. J̄ñà xi íchjín ixti k'oaá s'ín t̄enójm̄íya-la koni tsà tichji ma nga ngui tsjeé t̄jna kjoh̄tsjeén-lè.

³ T̄is̄ikòé j̄ñà íchjín xi jye k'en x'in-là tsà kixi kjoa nga tsj̄in xi os̄ikò.

⁴ Tsà t̄jín íchjín ka'àn xi t̄jín-là ixti, kò tsà t̄jín-là ixti 'ndeí, ixti koi, ítjòn k̄atas̄ikitasòn ya ni'ya-là kós'ín beèxkón Nainá. K̄atas̄ikò x̄it̄a x̄ikjín, mé-ne nga tsj̄a ngajo-là kjoat̄jòcha ts'e x̄it̄a jchínga-là. Kjoa koi, ndaà t̄jín. K'oaá s'ín sasén-là Nainá.

⁵ Jè chjòón ka'àn xi kixi kjoa nga t̄jna tajngòé, Nainá 'ñót'aà-takòn kò nachrjein kò n̄tj̄en bitsi'ba nga chjat'aà-là Nainá.

⁶ Tanga jè chjòón ka'àn xi k̄jotsja ts'e isò'nde xi ch'o t̄jín tsj̄a-là yijo-la, it'aà ts'e Nainá t̄jnak'en-né nas'ín t̄jnakon.

⁷ K'oaá s'ín tatixoma-là kjoa koi mé-ne nga ndaà s̄ijchá-ne yijo-la nga mì yá xi ch'o k̄itso-la.

⁸ Tsà yá xi mìkii s̄ijkinda x̄it̄a x̄ikjín nga s̄ijchj̄at'aà-là, mats'iākò ítjòn-ne xi ya t̄itsajnakò ni'ya-là, tsà mì k'oaá s'ín k̄os̄ikò x̄ikjín, mìkii nchis̄ikitasòn 'én xi mokjeiín-là it'aà ts'e Cristo. Is̄aá ch'o nchis̄ikitsajna yijo-la mì k'oaá-ne koni j̄ñà x̄it̄a xi mìkii mokjeiín-là 'én-là Nainá.

⁹ Íchjín ka'àn xi s̄it'aà xojon nga kochj̄at'aà-là, tà j̄ñà-né xi tsato jàn kaàn nó t̄jín-là xi kixi tsibitsajnakò x'in-la,

¹⁰ j̄ñà xi 'ya-là nga ndaà kis̄ijchá yijo-la ts'e xá xi ndaà t̄jín: tsà ndaà kis̄ijchá ixti-là, tsà ndaà kisis'in-là x̄it̄a xi ijchòkon ni'ya-là, tsà tsan̄j̄no ndsokò x̄it̄a-là Cristo nga ndaà kisis'in-là, tsà kisichj̄at'aà-là x̄it̄a xi kjoa t̄itsaj̄in. Tsà k'oas'ín kis̄ikitasòn yije xá xi ndaà t̄jín, koma s̄it'aà xojon.

¹¹ Tanga j̄ñà íchjín ka'àn xi sa ixti is̄a mìkii koma xojon s̄it'aà. K'e nga x'in kjoaj̄j̄in-là, mìtsà 'iín koma-là nga k̄inchat'aax̄in-là Cristo nga k̄ixan íjngòé k'a-ne.

¹² Tsà k'oas'ín s'j̄in, kjo'íin s'e-là nga mìkii nchis̄ikitasòn koni s'ín kitsjaà tso'ba nga sa ítjòn.

¹³ Íchjín koi, t̄ikoáá mangaá-là nga x̄k̄i xi ján ni'ya binchimajto. Ma ts'eè-né. Mìtsà tà ma ts'eè. T̄ikoáá 'én ndiso bíxkò. Chjaj̄in chj̄'a ñanda mì j̄ñà okò-là.

14 An, k'oaá s'in mejèn-na nga kàtixan ìjngòò k'a-ne jña íchjín ka'àn xi sa ìxti ìsa. Kàtas'e-la ìxti. Ndaà kàtatixoma ni'ya-la mé-ne nga mì ch'o kichjajno-ná xi kondra.

15 Tjín i'nga íchjín ka'àn xi jye tsohófaya-ne, jè kiit'aà ìjngòò k'a-la xita nejí.

16 Tsà jngòò xita xi mokjeiin-la 'én-la Nainá tsà tjín xikjín xi chjoón ka'àn, mochjeén-né nga kàtasíchját'aà-la xikjín mé-ne nga mì jè naxandá-la Cristo 'ño skanè-ne xa. Jè naxandá-la Cristo komaá kosjiko xi kixi kjoa nga ngui ndí chjoón ka'àn ima.

17 Jña xita jchínga xi ndaà otixoma ya naxandá-la Nainá, ok'in-la nga ìsa ndaà jchaxkón koa kochját'aà-la xi mochjeén-la, mats'iaqo-ne jña xi chjaya koa okóya 'én-la Nainá.

18 Xojon-la Nainá, k'oaá s'in tichja nga tsò: "Jè nchraja xi síxá, kì na'ya bì'a tso'ba." Tjikoáá tjít'aà xi tsò: "Jè xita xi síxá, mochjeén-né nga kàtachji-la."

19 Kì kii nìs'in-la tsà yá xi óngui xita jchínga xi otixoma ts'e naxandá-la Nainá tsà mì jò jàn ma-ne xita xi kijtsee-ne xkon kjoa xi komà.

20 Tanga jña xita jchínga xi ótsji jé-ìsa, tikaká-la nga nguixkon ngats'ii xita naxandá-la Nainá, mé-ne jña xita xi i'nga k'oaá s'in sincháxkón-ne.

21 Tibinè-lè nga nguixkon Nainá ko Na'èn-ná Jesucristo ko ákjale-la xi xó jè jaajjin-ne, ndaà tikitasoin kjoa koi. Nímé kjoa xi bindaajjin k'e nga k'jéè kii 'ya-la tsà kixi kjoa. Kì chjaajjin xita xi nìs'in-la; ngásòn tìs'in yije-la.

22 Kì yá xita xi taxki chjaajjin nga kjósòn-la ndseji k'e nga k'oi-la xá jjiin naxandá-la Nainá. Ítjòn ndaà tikítsjin mé-ne nga mì jì kokot'aà-lè jé-la xita xi k'ejí. Tsjeè tjini.

23 Nga ch'in tjín kjit'aà-la indso'boi, kì tà nandá 'yoi, tjikoáá t'i chibi nandá vino.

24 Tjín i'nga xita xi tik'e 'ya-la jé-la k'e nga tikj'eè sindaajjin. Tanga tjikoáá tjín i'nga xi iskan 'ya-la.

25 K'oaá tìs'in tjín xá xi ndaà tjín, tjín xi nìton beè xita. Tjikoáá tjín xá ndaà xi mì nìton 'ya-la tanga mikii koma jngòò k'a sijna'ma. Iskan jcha-la.

6

1 Ngats'ii xita naxandá-la Nainá xi ch'inda útsajna'ño, ndaà kàteèxkón nei-la mé-ne nga mì yá xi ch'o kichjajno-la Nainá ko 'én xi okoóyaa ìt'aà ts'e Cristo.

2 Jña xita ch'inda xi mokjeiin-la nei-la ìt'aà ts'e Cristo, mochjeén-né nga ngásòn ndaà kàteèxkón nei-la nga 'ndseé joó ìt'aà ts'e Cristo. Ìsaá ndaà kàtasíxá-la nga ngásòn mokjeiin-la 'én-la Nainá tjikoáá tsjakeè xikjín.

Jña 'én koi, takóyi tjikoáá tìnókjoayi.

Kjoa xi sakó-ná k'e nga ton matsjachaá

3 Tsà tjín xita xi k'ejí tsò 'én xi okóya nga mì tjíngòò ikon koni tsò 'én ndaà-la Na'èn-ná Jesucristo tjikoáá mikii tjíngòò ikon ìt'aà ts'e kjotixoma koni s'in yaxkoán Nainá.

4 Xita koi, xita 'nga takòn-né, nímé machiya-la. 'Ñó tsjakeè nga ótiya-ne 'én xi nímé chji-la. Yáá nchrobát'aà-ne nga maxitakòn-chaá xinguiáá, nga bixkán-kjoaá, nga nokjoajno-lá xinguiáá 'én xi ch'o tsò, tjikoáá ch'o nikítsjeèn ìt'aà ts'e xita xi k'ejí.

5 Tjikoáá yaá nchrobát'aà-ne nga kjit'aà nachrjein nchikjaán-kjoò jña xita xi mì kixi sikjeèn kjohítsjeèn-la ko mì kjoakixi fit'aà-la. K'oaá s'in sikítsjeèn,

tsò-né: tsà ndaà jchaxkoán Nainá, yaá sakó-ná tòn. Ngaji, kì k'oaá tjin kjoa xi níkítsjìl.

⁶ Kixií kjoa, tseé kjondaà sakó-la xita k'e nga beèxkón Nainá tsà tikoá tsja tjin-la inima-la mé xi tjin-la.

⁷ Nga nímé xi kich'á k'e nga kits'iaán i isò'nde. Tikoáá nímé xi kjikoáá k'e nga kiyá.

⁸ Tsà tjin-ná tsojmi xi chineé koa tjin-ná nikje xi chíkjá, mochjeén-né nga tsjaá kjingòò-lá takoán.

⁹ Tanga jña xita xi mejèn-la kjoanchiná, nga mikìl chíkjoako-la kjohítsjeèn xi ch'o tjin nga kjin tsojmi mejèn-la, yaá kixongui ch'an koa yaá sngui'ñó. 'Nó mejèn-la kjoa xi nímé chjí-la koa xi ch'o siko-ná, kjoa xi sikits'ón xita koa yaá chijajìl.

¹⁰ K'e nga tòn matsjachaá, yaá mats'ia-ne kjoa ts'e jé ko ngats'i kjoa xi ch'o tjin. Tjin i'nga xita xi jye chinchat'aaxin-la kjoa xi mokjeín-ná it'aà ts'e Cristo jè ngatji-la nga tse tòn mejèn-la. K'oaá s'in ma-ne nga tijnà-ne tse kjo'in tsjá-la yijo-la.

Tìnè-la yijo-lè kjoa xi mokjeín-lè

¹¹ Tanga ngaji xi xita-la Nainá 'mì-lè, tìsít'aaxin-la ngats'i kjoa koi. Jè t'in tjinngui-la xi kjoakixi. Jchaxkoín Nainá. Ndaà kàtakjeín-lè it'aà ts'e Cristo. Kàtas'e-lè kjoatjòcha. Kàtas'e-lè kjoatsetakòn. Indaà kjoa tikjini inima-lè.

¹² Ndaà tixkàtji kjoa xi mokjeín-ná it'aà ts'e Cristo. Kì níkjina-jèn ndiyá kixi ts'e kjoabinachon xi mikìl fehet'aà nita kjé-ne. Nga koi xá kiichja-lè Nainá. Ngaji jyeé k'oas'in ndaà kits'i ndsobi nga kinikixyi 'én xi mokjeín-lè it'aà ts'e Cristo nga nguixkon xita xi kjin ma-ne nga kii'nchré.

¹³ I'ndeji jngòò xá tìbinè-lè nga nguixkon Nainá xi síkítsajnakon yije nita mé xi tjin, tikoá nguixkon Jesucristo xi ndaà kitsjaá tso'ba nga kisikixiya 'én ndaà-la k'e nga kiichja nga nguixkon Poncio Pilato.

¹⁴ K'oaá s'in tìhotixoma-lè, ndaà tikitasoín kjotixoma koi; kì níkatjija-la mé-ne nga mì yá xi kochrjengui-lè skanda k'e nga kjoíi ljngòò k'a Na'én-ná Jesucristo.

¹⁵ K'e nga kijchòya nachrjein, Nainá, k'oaá s'in síkitasòn yije kjoa koi. Mé tà ndaà-la Nainá nga jè tajngòò tìhotixoma. Jè tìjna itjòn-la jña xi xitaxá itjòn tìtsajna tikoá tìjna itjòn-la jña xi xita sko-la tìtsajna.

¹⁶ Tajngòò Nainá xi xó k'oas'in tìjna-ne nga mikìl biyaá. Yaá tìjnajìl kjoahiseèn nánda mì yá xi koma kijchò kinchat'aà-la. Nj saá jngòò xita beèxkon nj mikìl tì'nde-la nga skoexkon. Nainá, kjit'aà nachrjein jeya kàtìjna. Kàtayaxkón kjotixoma-la nita kjé-ne. K'oas'in kàtama.

¹⁷ Jña xita nchiná xi tjin i isò'nde, k'oaá s'in tìnè-la: "Kì bí'nga-la ikon." Kì koií ma'ñót'aà ikon kjoanchiná xi tjin-la nga tà nìton fehet'aà. Jè kàtama'ñót'aà ikon Nainá xi tìjnakon nga jè tsjá yije-ná xi mochjeén-ná skanda síkatonè-la mé-ne nga ko kjotsja sijkjeèn tsojmi xi tsjá-ná.

¹⁸ Koatin-la, kjondaà kàtas'in. Kàtas'e-la kjoanchiná nguixkon Nainá it'aà ts'e kjondaà xi s'in. Kì kjoaxkon fikjaá, ko inima-la kàtatsjá itsé-la xíkjin mé xi tjin-la.

¹⁹ Tsà k'oas'in síkitasòn nachrjein i'ndeji, s'eé-la kjoanchiná xi mikìl kjoehet'aà k'e nga jye tìtsajna nguixkon Nainá. Tikoáá tjoé-la kjondaà xi ngui ts'e kjoabinachon.

'Én xi fehet'aà-ne

²⁰ Ngaji Timoteo, ndaà t̄ikitasòin 'én ndaà-là Nainá xi j̄i kjòngatsjei. Kì kii na'yà-là 'én ndiso xi n̄imé chj̄í-là. Kì kii n̄is'in-là kjoa xi chitiya-ná ts'e kjoachj̄ine ndiso.

²¹ Tj̄ín i'nga x̄it̄a xi k'oa tj̄ín kjoh̄ítsjeèn fitj̄ingui-là. K'oaá ma-ne nga chinchat'aàx̄in-là kjoa xi mokjeīin-ná it'aà ts'e Cristo.

Jè k̄at̄ijnak̄o-lè kjondaà-là Nainá.

Xojon carta-la San Pablo xi ma-ne jò xi kiskii-la Timoteo

Kó tò Pablo nga s'hixat'aa Timoteo

¹ An, Pablo, tikjiil-lè xojon jè. Nga 'an tsibíxáya-na Jesucristo nga k'oaá s'in kjòmejèn-la Nainá. K'oaá s'in kitsjaá tso'ba Nainá nga kíjnakon iníma-ná it'aa ts'e Cristo Jesús.

² Ngaji Timoteo xi 'nó matsjake-lè koni tsá ki'ndí ts'an xan-lè, Nainá xi Na'en-ná ko Na'en-ná Jesucristo kátatsjá-lè kjondaá, kàtahimakeè-lè, kàtas'e-la kjoa'nchán jjiin iníma-lè.

Én xi tsjá Pablo it'aa ts'e Cristo

³ Mikii jchàajin-na ko nachrjein ko nitjen bìtsi'batjl-lè tikoá tsjaá-la kjondaá Nainá, jè xi 'an bexkoán koni s'in kíjtseèxkón jña xita jchínga-na nga ngui tsjeè tjín kjohítsjeèn-na.

⁴ K'e nga bítsjeèn-na kjoa ts'e ndáxkoiln mejèn-na nga skoeè lingoò k'a-lè mé-ne nga kotsja-la iníma-na.

⁵ Bítsjeèn-na nga ngui ndaa mokjeiin-lè it'aa ts'e Cristo koni s'in kòkjeiin ítjòn-la neajjá-lè Loida ko nea-lè Eunice. An k'oaá s'in makixi-na nga ngaji tikoáá ndaa mokjeiin-lè.

⁶ Koií k'oas'in tsikítsjeèn-lè nga isa ndaa tikjiin kjotjò xi kitsjaá-lè Nainá nga ndaa tíxá-la, jè kjotjò xi kitjoe-lè k'e nga 'an tsakàsòn-lè ndsaa.

⁷ Nainá, mìtsá iníma tsakjón kitsjaá-ná. Jè kitsjaá-ná Iníma Tsjeè-la nga tsjá-ná nga'nó, nga tsjá-ná kjoatjòcha, nga tsjá-ná kjohítsjeèn kós'in s'eén nga kixi sjjá yijo-ná.

⁸ Koií kjoa-la ki masobà-lè nga nokjoàkoji xita it'aa ts'e Na'en-ná Jesucristo. Tikoá ki masobà-lè xi it'aa ts'an nga ndayá tíjna'ya koií kjoa-la nga ya sixát'aa-la Na'en-ná. Tikjeiin-ko-ná kjo'in xi it'aa ts'e 'én ndaa-la Nainá xi kjoa ts'e Cristo. Jè Nainá tsjá-lè nga'nó xi kochjeèn-lè.

⁹ Nainá, jyeé tsachrjekàjiiin-ná kjo'in. K'oaá s'in kíichja-ná nga tsjeè sjjá yijo-ná. Mìtsá koi kjoa-la nga ndaa ki'né. Koi-né nga k'oas'in kjòmejèn-la Nainá tikoá kitsjaá-ná kjondaá-la xi it'aa ts'e Cristo skanda tísa tàts'en-la kjoa k'e nga tikj'eè sindaa isò'nde.

¹⁰ I'ndeí Nainá jyeé tsakó kjondaá-la nga jyeé j'ii Jesucristo xi ochrjekàjiiin-ná kjo'in. Jaàxin-ná nga'nó-la kjoabiyaa. Xi it'aa ts'e 'én ndaa-la Nainá xi kjoa ts'e Cristo, tsakó-ná kjoabinachon tikoá tsakó-ná nga mìtsá jngoò k'a kíyá nita kjé-ne.

¹¹ Nainá, 'aán kisingatsja-na xá jè nga 'an kichjàya 'én ndaa-la Nainá xi kjoa ts'e Cristo. Tsibíxáya-na it'aa ts'e xá-la nga 'an kokoòya-la jña xi mìtsá xita judío.

¹² Tsee kjo'in tsikjiaán tà jè ngatjì-la 'én xi 'an chjàya. Tanga mikii masobà-na. Jyeé tjiiin-na nga it'aa ts'e Cristo mokjeiin-na. Tikoáá ndaa tjiiin-na nga ta jngoò jè Nainá xi tjín-la nga'nó. Ndaa sjikinda jè xá xi 'an kisingatsja-na skanda jè nachrjein k'e nga kjoji lingoò k'a-ne Jesucristo.

¹³ Ndaa tjiiin takoin 'én ndaa xi 'an tsakoòya-lè koni s'in tjín 'én xi mokjeiin-ná ko kjoatjòcha xi tjín-ná nga Cristo titsajnaoáá.

14 Ndaa t̄ikitasoìn xá ndaa xi j̄i kjòngatsjei. Jè s̄ichját'aà-lè In̄ima Tsjeè-la Nainá xi t̄ijnaj̄ìn in̄ima-ná.

15 Jyeé t̄ij̄ìn-lè ngats'iì xi t̄ítsajna nangui Asia, jyeé kitsjeiìn takòn-na, koni jè Figelo kò Hermógenes.

16 Nainá kàtahimakeè x̄it̄a ni'ya-la Onesíforo. K̄j̄ìn k'a j'iì s̄ijehikon-na. Mik̄i kjòsobà-la nas'in ndayá t̄ijná.

17 Tà saá, k'è nga j'iì i Roma skanda mik̄i kisikjáyá nga 'ñó tsohótsji-na skanda kó nga kisakò-la ñánda t̄ijná.

18 Na'èn-ná kàtahimakeè jè Onesíforo k'è nga kijchò nachrjein-la Nainá. Ngaji jyeé ndaa t̄ij̄ìn-lè, ndaa kisichját'aà-ná ján Éfeso.

2

Timoteo, jngòò soldado-la Cristo xi ndaa síxá-la

1 Ngaji Timoteo koni tsá ki'ndí ts'an xan-lè, t̄ij̄ì-la nga ñó yijo-lè j̄it'aà ts'e kjõndaà xi ts̄j̄ Jesucristo nga jè t̄ítsajna kooá.

2 Jè 'én xi kina'yà-ná nga kichjaya nguixkõn nga k̄j̄ìn ma x̄it̄a xi k̄i' nchré, k'oaá s'in takóya-la xi x̄it̄a kixi xi ndaa ma-la okóya mé-ne k'oa t̄is'in kókóya ngajo-la x̄it̄a xi k'ej̄i.

3 Ngaji Timoteo, t̄ikjeiìn-kò-ná kjo'in nga ndaa mit'aà-la Jesucristo koni jngòò soldado xi síkjeiìn kjo'in.

4 Jngòò x̄it̄a xi soldado síkitasòn mik̄i t̄j̄'nde-la nga k'ej̄i xá skóngaj̄ìn xi t̄j̄ìn isò'nde, t̄j̄ìnè-la nga ya síkitasòn-la jè xi kitsjaà-la xá mé-ne nga ndaa k̄j̄nako.

5 K'oaá t̄is'in t̄j̄ìn jè ts'e x̄it̄a xi síská. Tsà mì kixi s̄j̄iská koni s'in t̄j̄ìn kjotixoma-la mik̄i t̄joe-la chjì-la.

6 X̄it̄a xi bínè-la yijo-la nga ndaa síxá nga b̄it̄je tsojm̄i t̄jè, k'è nga jye kojchá tsojm̄i, jè t̄joe ítjòn chiba-la tsojm̄i xi majchá koni tsá chjì-la.

7 T̄ikitsj̄ìn koni s'in t̄ixan-lè. Jè Nainá is̄a ndaa ts̄jaya yije-lè kjoh̄itsjeèn.

8 T̄ikitsj̄ìn j̄it'aà ts'e Jesucristo, jè xi jaáyaj̄ìn-la mik'en xi t̄jè-la x̄it̄axá ítjòn xi David ki'mì. K'oaá tsò 'én ndaa-la Nainá xi kjoa ts'e Cristo xi 'an chjaya.

9 Koií kjoa-la 'én ndaa-la Nainá xi kjoa ts'e Cristo xi 'an chjaya, t̄isikjiaán kjo'in skanda na'ño kich̄a t̄jít'aà'ñoá nga t̄ijná'ya ndayá koni jngòò x̄it̄a xi 'ño ts'en. Tanga jè 'én-la Nainá mitsá t̄jít'aà'ño'ya ndayá.

10 Koií kjoa-la t̄isikjiaán yije kjo'in xi kjõndaà ts'e x̄it̄a xi xó jaáj̄ìn-ne Nainá mé-ne nga t̄ikoa k̄itjokaj̄ìn-ne kjo'in xi j̄it'aà ts'e Cristo Jesús; s'èé-la kjoajeya xi mik̄i fehet'aà ñ̄it̄a kjé-ne.

11 'Én koi, 'én kixi-ne nga tsò:

Nga ya k'en-koaá Cristo, t̄ikoaá yaá k̄itsajnakon-koaá.

12 Tsá ch̄ikjoa-ná kjo'in t̄ikoaá yaá k̄otixomakoáá Cristo.

Tsá kixoán mik̄i bexkoan, jè k'oaá t̄i k̄itsò-ná mik̄i bexkoan.

13 Tsá mik̄i s̄ikitasoán 'én xi nokjoá, tanga Nainá síkitasòn 'én xi chja.

Mik̄i koma s̄ik̄jatj̄ya 'én-la.

Jngòò x̄it̄a xi ndaa síxá-la Cristo

14 T̄ikitsjeèn-la kjoa koi. T̄inókjoakoi nga nguixkõn Nainá mé-ne nga mì kohótiya-ne kjoa ts'e 'én. Jè kjoa xi chitiya-ne ñimé chjì-la. T̄a saá síkits'ón x̄it̄a xi 'nchré.

15 'Nó ndaa t̄j̄ìnè-la yijo-lè mé-ne nga ndaa kijna-ne nga nguixkõn Nainá. Ñimé xi kosobà-lè nga ndaa t̄j̄ìn xá-lè koa ndaa okooyi 'én kixi-la Cristo.

16 Kì tǎxkǐ nokjoà-jèn 'én xi mìkìl sàsén-là Nainá xi nǐmé chǐjǐ-là. Jǎà xǐtǎ xi k'oas'ín chǐjǎ, ìsǎá 'ńǒ binchat'aàxìn-ìsà-là Nainá.

17 Jǎà 'én xi ch'o tsò k'oǎá ngaya-là koni ch'in nchikòn xi bi'ndo-ne yijo-ná. K'oǎá s'ín chǐjǎ Himeneo kǒ Fileto

18 nga jyeé chinchat'aàxìn-là xi kjoakixǐ nga tsò: "Jè kjoǎ xi faáya-là mik'en jyeé tsato-né." K'oǎá ma-ne sǐskáya i'nga-là xǐtǎ kjoǎ xi mokjeíin-là.

19 Tanga Nainá jyeé tsibǐjna'ńǒ tǎts'en jngoò kjoakixǐ ńǎnda tǐjít'aà 'én xi tsò: "Nainá beèxkon-né xi xǐtǎ ts'e"; ngats'ì xi tsò: "'An, xǐtǎ-là Cristo-ná, kàtinchat'aàxìn-là kjoǎ xi ch'o tǐjín."

20 Jngoò ni'ya xi je kǐj, tǐjín tsojmi xi oro kǒ plata. Tǐkjoǎá tǐjín tsojmi xi yá kǒ xi ni'nde. Tǐjín tsojmi xi nǎchrjein nchijòn mochjeén koǎ tǐjín xi tà k'e mochjeén k'e nga ndaà tǐma.

21 Tsà sǐtsjeé kjohǐtsjeèn-ná nga kǐnchat'aàxìn-là kjoǎ xi ch'o tǐjín, k'oǎá s'ín sǐlkjeén-ná Nainá koni tsojmi tsjeé xi tà k'e mochjeén k'e nga ndaà tǐma. Tǐtsajndaà nga sǐkitasoán nǐtǎ mé xá-là Nainá xi ndaà tǐjín.

22 Ngaji Timoteo, tǐsít'aàxìn-là kjohǐtsjeèn-là ìxti xi ch'o tǐjín. Koií t'in tǐjǐngui-là xi kjoakixǐ, kǒ kjoǎ xi mokjeíin-ná ìt'aà ts'e Cristo, kǒ kjoatǐjòcha, kǒ kjoa'nchán takòn. K'oas'ín t'in tǐjǐngui-là kjoǎ koi kǒ xǐtǎ xi tsjeé tǐjín inǐma-là nga chǐjǎt'aà-là Nainá.

23 Kì kjoǎ nchǐkón nìs'in-là xi nǐmé chǐjǐ-là. Jyeé ndaà tǐjǐin-lè nga kjoasì òtsǐj.

24 Jngoò chǐ'nda-là Nainá mìkìl mochjeén nga kjoasì skóngajǐin. Ndaà kàtasikò yije xǐtǎ. Kàtǐjndaà nga kǒkòya 'én-là Nainá. Kàtas'e-là kjoatsetakòn mé kjoǎ xi mat'in.

25 Koó kjondaà-là kàtasíkixiya jǎà xi xǐtǎ kondra, tsà koi nǎchrjein Nainá tsǐá ìsǎ-là nǎchrjein nga sǐikájno jé-la nga mì tǐ jé kǒhòtsǐj-ne mé-ne nga kǒkjeíin-là xi kjoakixǐ.

26 K'e nga táx'anguì xkon, komaá kǐtjokàjǐin kjoanachǎn-là neǐí nga yǎ tǐjít'aà'ńǒ-là nga k'oas'ín sǐkitasòn-là koni s'ín mejèn-là neǐí.

3

Mé kjoǎ ch'o xi s'íin xǐtǎ k'e nga tǐmachrańǎ nga kjoehet'aà nǎchrjein

1 Ngaji Timoteo, kàtasǐjǐin-lè k'e nga tǐmachrańǎt'aà nǎchrjein nga kjoǐ ìjngoò k'a-ne Cristo, kǐn skoya kjoǎ s'e xi mìkìl ndaà tǐjín.

2 Jǎà xǐtǎ xi s'e, tà yijo-láá 'ńǒ sǐis'in-là; toón 'ńǒ kotsjakeè; yijo-láá 'ńǒ ndaà sǐikǐtsajna; xǐtǎ 'nga ikoón koma; kǐchǐjajno-là Nainá kǒ xǐtǎ; mìkìl kǐi'nchréńǐjon-là xǐtǎ jchǐnga-là; mìkìl tsǐá ngajo-ne kjondaà, mìkìl skoexkón Nainá,

3 mìkìl sǐitjòkeè xǐkǐjín, jngoò k'a mìkìl sǐije-là ikon, 'én ndiso tsǐát'in xǐkǐjín, mìkìl sǐikinda yijo-là mé kjoǎ xi s'íin, xǐtǎ ch'o koma, kondraá kjoǐ-là kjoǎ xi ndaà tǐjín,

4 kondraá kjoǐ-là amigo-là, mìtsà ìtjòn sǐikǐtsjeèn mé kjoǎ xi s'íin, 'ńǒ 'nga ikon koma, jè sǐitsjakeè kjoǎ ts'e ìsò'nde xi sàsén-là yijo-là, mìkìl sǐitsjakeè Nainá.

5 K'oǎá s'ín s'íin koni tsà beèxkón Nainá, tanga mìkìl tsǐá'nde nga jè nga'ńǒ-là Nainá sǐixǎjǐin inǐma-là.

Xǐtǎ koi kǐ kǐi nìs'in-là.

6 Jñà xit̃a koi, ótsji'nde-là nga fahas'en ni'ya-là íchjín xi mikìl beèxkón yijo-là kò xi tse jé tjin-là nga ma konachan-là. Íchjín koi, yaá fitjingui-là kjoa xi ìsa 'nó ch'o tjin koni s'in mejèn-là yijo-là.

7 Kjit'aà nachrjein nchikota'yà 'én xit̃se tanga nijngòò nachrjein fahas'en-jün-là xi ngui kjoakixi.

8 Jñà xit̃a koi, k'oaá t̃is'in binchahikon-là xi kjoakixi, koni kis'iin xit̃a chjine xi ma-là bindaà xi ki'mi Janes kò Jambres nga chinchahikon-là Moisés. Xit̃a koi, jngòò k'aà ch'o tjin kjohitsjeèn-là. Bitjongui-né nga nguixkòn Nainá nga mikìl mokjeiin-là xi kjoakixi.

9 Tanga mikìl s̃ikijne. Kijchò nachrjein nga skoe yije xit̃a kjoa tònò-là. K'oaá s'in jchat'in-là koni jè Janes kò Jambres.

Kó tsò Pablo nga bit'in-là Timoteo nga 'én kixi kòkòya

10 Tanga jì Timoteo k'oaá s'in t̃im̃it̃jingui-là koni s'in tsakoòya-lè, koni s'in t̃is̃jchá yijo-na, koni s'in tjin kjohitsjeèn-na mé kjoa xi t̃it̃it̃jingui-là. K'oaá t̃is'in mokjeiin-lè koni s'in mokjeiin-na 'an it'aà ts'e Cristo. K'oaá s'in tjin kjoatsetakòn-lè kò kjoatjòcha-lè koni s'in tjin ts'an. K'oaá t̃is'in chikjoea yije-lè nit̃a mé kjoa-ne koni 'an.

11 Tjijin-lè koni s'in t̃is̃kjaán kjo'in it'aà ts'e Cristo t̃ikoea ongatjingui-na xit̃a kondra koni s'in komat'ian ján naxandá Antioquia, Iconio kò Lистра. It̃axk̃i toòn kijtseè-na xit̃a nga tsangatjingui-na tanga jè Na'èn-ná tsachrjekajün yije-na kjoa koi!

12 Kixi kjoa, ngats'ì xi mejèn-là skoexkón Na'èn-ná Jesucristo, k'oaá t̃is'in s'e-là kondra nga kjit̃jinguikeè xit̃a.

13 Tanga jñà xit̃a xi ch'o s'in, xi konachan, kjit'aà nachrjein, saá 'nó, saá 'nó ch'o s'in nga skónachan-là xit̃a, tanga k'oaá t̃is'in komat'in ngajo-ne nga skónachan-là xit̃a xi k'ejí.

14 Tanga ngaji, ndaà kixi tikoji jñà kjoa xi kichità'yì xi jye k'oas'in ndaà kòkjeiin-lè. Jyeé t̃jün-lè yá xit̃a xi tsakóya-lè.

15 Skanda t̃ik'e-né nga t̃isa ndí ti t̃itsjoi, kiyaxkoin Xojon Tsjeè-là Nainá jè xi koma-là s̃ichjine-lè kó s'in k̃it̃jokajün kjo'in nga mokjeiin-lè it'aà ts'e Cristo Jesús.

16 Ngats'ì 'én xi t̃it'aà Xojon-là Nainá, kjohitsjeèn ts'eé Nainá nga kitjei. K'oaá s'in mochjeèn nga okóya-ná, nga okó-ná k'e nga ch'o 'nè, nga s̃ikixiyandaà-ná, nga okó-ná ndiyá kixi,

17 mé-ne jñà xi xit̃a-là Nainá 'mì-ná jngòò k'a ndaà k̃itsajnandaá nga s̃ikitasoán yije kjoa xi ndaà tjin.

4

Kó tsò Pablo nga t̃ibinè-là Timoteo nga 'Én-là Nainá kichja

1 'Nó t̃ibinè-lè nga nguixkòn Nainá kò Na'èn-ná Jesucristo jè xi jeya kjoji jngòò k'a-ne koni xit̃axá it̃jòn nga kojindaajün-là xit̃a xi t̃itsajnakon kò xi jye k'en.

2 T̃inókjoayi 'én ndaà-là Nainá xi kjoa ts'e Cristo. Tjinandeü nga kjit'aà nachrjein nit̃a mé kjoa xi tjin. Ch̃ikoi xit̃a k'e nga ch'o s'in; t̃ikixiyi; t̃it'in-là nga 'nó kàt'eé-là ikon. K'e nga k'oas'in s'in, tseé t̃iin takoìn, kò kjondaà-lè takóya-là.

³ Kijchò nàchrjein k'e nga jñà x̄ita mì t̄i kii kòkjeiín-là nga kji'nchré 'én ndaa xi kixi t̄jín xi jñà okoóyaa it'aà ts'e Cristo. Kjin maestro kòhòtsji xi kòkòya-là kjoa xi jñà komejèn-là nga kji'nchré-là.

⁴ Kinchat'aàxìn-là xi kjoakixi, koií kjit'aà-là xi taxk̄i cuento jchínga xi mìtsà kixi kjoa.

⁵ Tanga ngaji Timoteo, indaa t'è-là takòin n̄ita mé kjoa-ne, t̄ikjeiín kjoa ts'e kjo'in, koi xá t'jín nga t̄ika'bisoín 'én ndaa-là Nainá xi kjoa ts'e Cristo, ndaa t̄ikitasoín xá xi j̄i k̄jòngatsjei.

⁶ An, jye titsjaà kjotjò-là yijo-na Nainá. Jyeé ijchò nàchrjein nga kiyá.

⁷ Jyeé ndaa kiskaàn-tjia xá-là Cristo; jyeé ndaa kisikitasoán xá xi 'an k̄jòngatsja; jyeé ndaa tsohótijnakoaa jè 'én xi mokjeiín-na it'aà ts'e Cristo.

⁸ I'ndeí, Cristo, xi x̄itaxá kixi t̄jna, t̄jnatjò jngoò-là corona ján ngajmii xi 'an tsjá-na nga kixi tsohótijnakoaa. K'e nga kjoíi l̄jngoò k'a-ne, mìtsà tà 'an xi tjoé-na. Tjkoaa tjoé-là ngats'ìi x̄ita xi t̄jngoò ikon nga nchikoña-là Cristo.

Kó kitsò Pablo nga kisixátiya-là Timoteo nga kjoikon n̄iton

⁹ T̄ixátíyi nga n̄iton nchrobáchon-ná.

¹⁰ Nga jè Demas, jyeé kitsjeiín takòn-na. Jè 'ñó matsjakeè kjoa xi t̄jín j̄ isò'nde. Ján kii naxandá Tesalónica. Crescente, ján kii nangui Galacia, koa jè Tito ján kii nangui Dalmacia.

¹¹ Tà jè Lucas t̄jnakò-na. K'e nga k̄jinchroboi, t̄jajchatoi Marcos, nchrobákoji. Kochjeén-na kjoa ts'e xá xi t̄jín-na.

¹² Jè Tiquico, ján kisikasén Éfeso.

¹³ K'e nga k̄jinchroboi, jcha-ná inchrókisòn-na xi tsakajná ya naxandá Troas ya ni'ya-là Carpo. Jch'ii xojon-na; jñà xi isa 'ñó mochjeén-na xi chrjoa kjoàn.

¹⁴ Alejandro, jè xi chjine k̄icha, 'ñó ch'o t̄jín kjoa xi t̄isikò-na. Nainá, jè kàtsjá-là kjo'in kjoa xi t̄s'in.

¹⁵ Ngaji Timoteo, t̄ikindji yijo-lè it'aà ts'e x̄ita jè. 'Ñó kondra fitjingui-là 'én xi okoóyaa.

¹⁶ K'e nga kisindaajiln ítjòn-na nga nguixkon x̄itaxá, n̄iya xi tsasikò-na. Ngats'ìi x̄ita kitsjeiín takòn-na. Kì kindaa s'ín Nainá kjoa koi.

¹⁷ Tanga Na'èn-ná tsasikò-na. Kitsjaà-na nga'ñó mé-ne nga komà kichjajiln-là jñà x̄ita 'én ndaa-là Nainá xi kjoa ts'e Cristo. K'oaá s'ín komà-ne nga kii'nchré yije xi mìtsà x̄ita judío. Nainá tsasikò-na nga mìkii kisik'en-na x̄ita xi tsibindaajiln-na.

¹⁸ Na'èn-ná kòsiko-na it'aà ts'e ngats'ìi kjoa xi ch'o t̄jín. Kjikò-na ñanda tíhotixoma ján ngajmii. Nainá, kàtas'e-là kjoajeya n̄ita mé nó-ne n̄ita mé nàchrjein-ne. K'oa's'ín kàtama.

Xi fehet'aà-ne, Pablo sihixat'aà x̄ita x̄ikjín

¹⁹ T̄ixat'eì jè Priscila ko Aquila ko x̄ita ni'ya-là Onesíforo.

²⁰ Erasto, ján tsibijna naxandá Corinto. Jè Trófimo, ján kisikijna naxandá Mileto. Xk'én-né.

²¹ T̄ixátíyi nga n̄iton nchrobáchón-ná k'e nga t̄ikj'eè f'ii nàchrjein choòn 'nchán. T̄isihixat'aà-lè Eubulo, Pudente, Lino ko Claudia, ko ngats'ìi x̄ita xi 'ndsè chibá.

²² Jè kàtijnako-lè Jesucristo xi otixoma-ná. Ngats'ioò, jè kàtijnako-nò kjondaà-là. K'oa's'ín kàtama.

Xojoŋ carta-la San Pablo xi kiskii-la Tito

Kó tsò Pablo nga sñixat'aà Tito

¹ 'An, Pablo, xi ch'i'nda-la Nainá ma. Tjkoá 'an tsibíxáya-na Na'èn-ná Jesucristo mé-ne nga kòkjeiín-la it'aà ts'e Cristo jñà xitá xi xó jè Nainá jaàjiin-ne, tjkoá skoé xi kjoakixi nga koma-la skoexkón Nainá.

² Xitá koi k'oaá s'in komat'in nga tñngoò ikon nga nchikoña-la nga kítsajnakon inima-la nitá kjé-ne koni s'in kitsjaà tso'ba Nainá skanda k'e nga tjkj'eè sindaà isò'nde. Nainá mikii konachan.

³ K'e nga jye ijchò nachrjein, Nainá kisikatsejèn 'én-la it'aà ts'e 'én ndaà-la Nainá xi kjoá ts'e Cristo xi 'an chjàya. Na'èn-ná kisingatsja-na xá jè nga k'oaá s'in tsatixoma Nainá xi ochrjekàjiin-ná kjo'in.

⁴ Ngaji, Tito, koni tsà ki'ndí ts'an xan-lè nga ngásòn mokjeiín-ná it'aà ts'e Cristo, tsiskasén-lè xojoŋ jè. Nainá xi Na'èn-ná kò Na'èn-ná Jesucristo xi ochrjekàjiin-ná kjo'in kàtatsjá-lè kjondaà-la, kàtahimakeè-lè, tjkoá 'nchán kàtasíkijna inima-lè.

Kjoá xi mochjeén ts'e xitá xi sikitason xá ya jiin naxandá-la Nainá

⁵ Koií xá kisikijna-lè ján nangui Creta nga sikixiyi xá xi chijat'aà-isa. K'oaá tis'in tsatixoma-lè nga kinchandeii xitá jchínga xi sùkinda naxandá-la Nainá nga jngoò ljngoò naxandá.

⁶ Xitá jchínga xi sùkitason xá, jñà-né xi ndaà nchisíjchá yijo-la nga mì yá xi ch'o kítsò-la; xi jngoò ma chjoón-la. Kò jñà ixti-la mochjeén-né nga ndaà mokjeiín-la it'aà ts'e Cristo nga mìtsà yá xitá ónè-la kjoá nga kjoaská tjimajiin kò nga mikii 'nchréñijon.

⁷ Jè xitá xi sùkinda naxandá-la Nainá xi xá-la Nainá sikitason, mochjeén-né nga ndaà s'iin mé-ne nga niyá xi ch'o kítsò-la. Mikii mochjeén nga 'nga ikon koma; mì taxki kojti-la; mì xán kohijtako; mì xitá skaàn-kò; kò mì ton chijé kotsjakeè.

⁸ Ta saá ndaà kàtasis'in-la xitá xi bijchókon. Kàtamatsjakeè kjoá xi ndaà tjín. Indaà kàtijna ikon. Kixi kàtijnako xitá. Tsjeè kàtasíjchá yijo-la nga nguixkon Nainá, ndaà kàtasikinda yijo-la nga mì taxki s'iin.

⁹ Ndaà kàtijin ikon 'én kixi koni s'in kis'enojmi-la mé-ne nga it'aà ts'e 'én ndaà xi kòkòya koma kùitin-la xitá nga 'ñò kàt'eé-la ikon tjkoá koma sùkixiya xi kondrà fitjngui-la xi kjoakixi.

¹⁰ Koií kjoá-la tjín jchán xitá xi tájaajiin nga okóya 'én xi nímé chji-la tjkoá konachan-la xitá xi k'eií; kò tjñà-ne xi 'ñò bínè-la xitá xi k'eií nga kjo'ño sít'aà chiba-la yijo-la kjoá ts'e circuncisión.

¹¹ Jñà xitá koi mochjeén-né nga kichjoà'a nga siskáya-la ngats'iì xitá xi títsajna nga jngoò ljngoò ni'ya. Tà jè xi mejèn-la nga ton síchijét'aà-la xitá nga k'oaá tjín 'én xi okóya xi nímé chji-la.

¹² Jngoò xitá chjine xi tija-ne i'nde-la Creta k'oaá kitsò-la xitá xikjín: "Jñà xitá Creta, xitá ndiso-né, xitá ts'én-né koni tsà cho ijñà, xitá chrjá'a-né, xitá ts'eè-né."

¹³ 'En kixií xi kùichja xitá jè; ngaji, Tito, koií kjoá-la 'ñò tìnókjoakoi mé-ne nga ndaà kítsajnako-ne koni s'in mokjeiín-la it'aà ts'e Cristo,

¹⁴ koa mé-ne nga mì jña s̄is'in-la cuento xi nímé chí-la xi fitjngui i'nga-la x̄ita judío t̄ikoa mì jña s̄is'in-la k̄jot̄ixoma ts'e x̄ita xi binchat'aàx̄in-la k̄joak̄ixi.

¹⁵ Jña x̄ita xi tsjeè t̄j̄n k̄joh̄itsjeèn-la tsjeè yije ma-la n̄ita mé-ne. Tanga jña x̄ita xi mì tsjeè t̄j̄n k̄joh̄itsjeèn-la koa mìkii mokjeīn-la i't'aà ts'e Cristo, saá t̄j̄e yije ma-la n̄ita mé-ne; skanda jè in̄ima-la k̄o k̄joh̄itsjeèn-la t̄j̄e t̄j̄n.

¹⁶ K'oaā tsò nga beèxkon Nainá tanga jña k̄joa xi s'in 'yaá-la nga mìtsà k̄ixi k̄joa. X̄ita koi, 'ñó ch'o s'in, mìkii 'nchr̄eñijon, t̄ikoa nímé chí-la nga nijngoò ma-la síkitasón xá xi ndaā t̄j̄n.

2

K̄joh̄itsjeèn xi ndaā t̄j̄n takóyi

¹ Ngaji, Tito, k'oaā s'in t̄inók̄joi koni s'in ok'in-la 'én ndaā xi jña okoòyaá

² nga jña x̄ita jchínga ts'e nax̄andá-la Nainá, indaàk̄joa k̄atas'in; ndaā k̄atayaxkón; ndaā k̄joh̄itsjeèn k̄atas'e-la; ndaā k̄atitsajnao k̄joa xi mokjeīn-la, k̄o k̄joat̄j̄ocha-la k̄o k̄joatsejta-la mé-ne nga k̄ichik̄joako-la k̄jo'in.

³ Jña íchj̄n jchínga, k'oas'in k̄atasíjchá yijo-la koni x̄ita-la Nainá. Kì x̄ita ch̄ajno-la. Kì x̄án báhijtao. Koi k̄atakóya k̄joa xi ndaā t̄j̄n.

⁴ K'oaā s'in k̄atakóya-la íchj̄n ixti nga t̄j̄okeè k̄atas'in íchj̄a-la, t̄ikoa t̄j̄okeè k̄atas'in ixti-la.

⁵ K'oaā s'in ndaā k̄atakóya nga ndaā k̄atasíjchá yijo-la; tsjeè k̄atitsajnao yijo-la; ndaā k̄atasikinda ni'ya-la; ndaā x̄ita k̄atama; k̄ata'nchr̄eñijon-la íchj̄a-la, mé-ne nga mì yá xi k̄ichajno-la 'én-la Nainá.

⁶ K'oā t̄is'in t̄inè-la jña íchj̄a xi ixti-isa nga ndaā k̄atasíjchá yijo-la.

⁷ N̄ita mé k̄joa xi t̄j̄n, j̄i t̄j̄na it̄j̄oin nga ndaā t̄j̄in. K'e nga k̄okóya-la x̄ita, k̄ixi t̄ik̄j̄ni k̄joh̄itsjeèn-lè; 'én k̄ixi t̄inók̄joi;

⁸ ndaā tsò 'én xi t̄inók̄joi xi mì yá k̄ochr̄ekàngui mé-ne k'e nga k̄ji'nchr̄e-la jña xi x̄ita kondra, kosobá-la; nímé sakòt'aà-la xi ch'o k̄itsò-ná.

⁹ Koat̄n-la jña x̄ita xi ch̄i'nda t̄itsajna'ñó, ndaā k̄atasíkitasón yije-la nei-la, ndaā k̄atasís'in-la mé-ne nga tsja s'e-la, k̄i k̄j̄ngui'a-jèn;

¹⁰ k̄i síchijét'aà-la nei-la. Tà saá ndaā k̄atas'in nga k̄ata'ya-la nga x̄ita k̄ixi. K'oaā s'in skoè-ne x̄ita xi k̄j'eji nga ndaā t̄j̄n k̄jot̄ixoma-la Nainá xi ochr̄ekaj̄īn-ná k̄jo'in.

¹¹ Nainá jyeé tsakó k̄j̄ondaà-la nga ngats'ì x̄ita xi t̄j̄n nga t̄j̄tsa isò'nde k̄oma k̄it̄j̄okaj̄īn k̄jo'in.

¹² Jè k̄j̄ondaà-la Nainá k'oaā s'in okóya-ná nga mì t̄i k̄i k'oaā s'en-ná nga mì ndaā yaxkoán Nainá t̄ikoa mì t̄i k̄i k'oaā s'en-ná k̄joach'o xi sijé yijo-ná xi ts'e isò'nde. K'e nga jye sík̄itsajnaá k̄joa koi, indaàk̄joa sík̄j̄naá k̄joh̄itsjeèn-ná, x̄ita k̄ixi k̄omaá, t̄ikoa ndaā jchaxkoán Nainá nachr̄ein xi t̄itsajnaá j̄'nde.

¹³ K'oaā s'in s'eén k̄joa koi nga t̄itsachiñá-lá k̄j̄ondaà xi 'ñó ndaā t̄j̄n nga jchaā k̄joajeya-la Jesucristo k'e nga k̄joi j̄ngoo k'a. Jesucristo xi Nainá nga 'ñó'nga t̄j̄na nga jè xi ochr̄ekaj̄īn-ná k̄jo'in.

¹⁴ Jè Na'én-ná Jesucristo kitsjaá yijo-la nga k'en gajo-ná. Jè tsibíchj̄it̄j̄-ná mé-ne k̄oma k̄it̄j̄okaj̄īnaá ngats'ì k̄joa ts'e jè t̄ikoa j̄ngoo k'a s̄itsjeè-ná nga ngui x̄ita nax̄andá ts'e k̄omaá. K̄o ngui t̄j̄ngoo takoán nga síkitasoán n̄ita mé k̄joa xi ndaā t̄j̄n.

¹⁵ K'oaā s'in takóyi t̄ikoa t̄it'in-la x̄ita. 'Ñó t̄inók̄joak̄oji koni s'in t̄j̄i'nde-lè nga k̄ot̄ixomai. Kì yá xi ochr̄ekàngui-lè.

3

Ndaà tikitason jña 'én xi mokjeiin-ná

¹ Tikítsjeèn-là nga kàteèxkón xi xitaxá títajna kò ngats'ii xi kjotíxoma tíjya tsja. Kàta'nchréñijon-là. Kàtasikitason ngats'ii xá xi ndaà tíjn.

² Koatín-là ki xitáá chjajno-là; ki xitáá kjaán-kò; tà saá kjondaà kàtas'e-là; nguì indaàkjoa kàtítajnakò ngats'ii xitá.

³ Nga sa kjótseé, jña, tikoáá xitá tòndòò komá. Mikii na'yàñijoaán. Xìn ndiyá tsitjaayá. K'oaá s'in ki'né ngats'ii kjoa xi ch'o tíjn xi síjé yijo-ná kò kjoa xi sasén-là. Yaá tsitsajnajñaá xi kjoach'o kò kjoaxitakòn. Tsak'in-ná nga kisijtikeè-ná xitá. Tikoá jña kinijticha ngajo-ná xinguiáá.

⁴ Tanga Nainá xi ochrjekàjijn-ná kjo'in, k'e nga tsakó kjondaà-là kò kjoatjòcha-là it'aà ts'e xitá,

⁵ tsachrjekàjijn-ná kjo'in. Mítsà koi kjoa-là nga ndaà tíjn kjoakixi xi ki'né. Tà koi-né nga kjòhijmakeè-ná. K'e nga kjòtsjeé inijma-ná, kíts'iin xitse ijngoo k'a-ná kò jè Inijma Tsjeè-là Nainá kisixitseya ijngoo k'a-ná.

⁶ It'aà ts'e Na'è-ná Jesucristo xi ochrjekàjijn-ná kjo'in, Nainá, 'ñó ndaà kisikijnajijn inijma-ná Inijma Tsjeè-là.

⁷ K'e nga jè kjondaà-là Nainá jye kisikixiya-ná, k'oaá s'in kítajnaá nga tíjngoo takoán nga titsachiñá-lá kjoabinachon xi mikii fehet'aà nítá kjé-ne, jè kjotjò xi tsjá-ná Nainá nga ixti-là tsò-ná.

⁸ 'Én koi, 'én kixi-né. K'oaá s'in mejèn-na nga 'ñó tìnè-là xitá mé-ne jña xitá xi mokjeiin-là it'aà ts'e Nainá ndaà kàtasis'in-là kjoa xi ndaà tíjn. Kjoa koi, ndaà tíjn; mochjeén-là ngats'ii xitá.

⁹ Tanga ki kii nìs'in-là xi kjoa tòndò kò kjoa ts'e xitá jchínga kjótseé xi mitsá kixi kjoa. Ki kjoasii nìs'in-là kò kjoa xi chitiya-ná it'aà ts'e kjotíxoma-là Moisés. Kjoa koi, mikii mochjeén, nímé chjí-là.

¹⁰ Jè xitá xi naxandá-là Cristo mejèn-là sijjòya, jò, jàn k'a tìnókjoa 'nchré-laà. Tsà mikii 'nchréñijon-lè, nàchrjekàjijn.

¹¹ Ji, jyeé 'yi nga xitá jè, jyeé its'oòn kjòhítseèn-là. Ch'o tís'in. Jé tíhónè-là yijo-là.

'Én xi títjá-là Tito jè Pablo

¹² K'e nga sikasén-lè Artemas, o xi jè Tíquico, tixátíyi nchrobáchón-ná Nicópolis. K'oaá s'in kiskoòsòn-là, yaá kótijna nàchrjein cho 'nchán.

¹³ Tichját'aà-là Zenas, maestro ts'e kjotíxoma, kò Apolos; tjii-là mé xi mochjeén-là mé-ne nga koma kjo-ne ñánda nchifi nga nímé s'ichijat'aà-là.

¹⁴ Jña xi xitá tsaján, k'oaá tís'in kàtama-là kjondaà xi ndaà tíjn nga kàtásichját'aà-là xitá xi chijat'aà-là tsojmì mé-ne nga ndaà sijjkeén-ne nàchrjein-là nga títajnakon, komaá sijikjna jngoo kjoa xi ndaà mochjeén.

'Én xi fehet'aà-ne

¹⁵ Ngats'ii xitá xi i títajnakò-na tísíhixat'aà-lè. Tikoá tixat'ei yije jña xi matsjakeè-ná nga ngàsòn mokjeiin-ná it'aà ts'e Cristo. Kjondaà-là Nainá kàtijnakò-nò ngats'ioò. K'oa's'in kàtama.

Jojon carta-la San Pablo xi kiskii-la Filemón

Kó tsò Pablo nga síhixat'aà Filemón

¹ Ji Filemón xi ndaà matsjake-lè xi ngàsòn xá-la Nà'è-ná títsa'né, 'an Pablo nga ndayá tijnáa'ya k'oií kjoa-la nga xá-la Cristo tís'iaàn, tísihixat'aà-lè kò 'ndse Timoteo.

² Tíkoáá tísihixat'aà xítá naxandá-la Cristo xi ya bixoña ni'ya-lè kò tichjáa Apia kò 'ndseé Arquipo xi tíkoá xá-la Nainá nchikjaán-tji koni 'an.

³ Nainá xi Nà'è-ná, kò jè Jesucristo xi otíxoma-ná kátatsjá-nò kjondaà kò kjoa'nchán ya jjiin iníma-nò.

Kjoatjòcha xi tjin-la Filemón

⁴ K'e nga chjàt'aà-la Nainá, kjit'aà naxhrjein sikítsjeèn it'aà tsjji, k'oaá ma-ne nga tsjaà-la kjondaà Nà'è-ná,

⁵ Koií kjoa-la nga jyeé ki'nchrè nga ndaà mokjeiin-lè it'aà ts'e Nà'è-ná Jesucristo tíkoá ndaà matsjachi ngats'ii xítá-la Nainá.

⁶ K'oaá s'in síjé't'aà-la Nainá nga ndaà kítasòn koni s'in nokjoàkoií xítá xi i'nga it'aà ts'e kjoa xi mokjeiin-lè mé-ne nga isa ndaà jchaxkoin ngats'ii kjondaà xi koma sikitasoán it'aà ts'e Cristo.

⁷ Ji ndí 'ndse, 'nó tsja ma-na kò ma'nó takoàn it'aà ts'e kjoatjòcha xi tjin-lè, nga it'aà tsjji-né, nga jye ndaà tìnjetakoin iníma-la jña xítá-la Nainá.

Kó tsò Pablo nga chjatji Onésimo

⁸ K'oaá ma-ne nas'in it'aà ts'e Cristo tji'nde-na nga kìnè-lè mé kjoa xi s'jin, tanga mìtsà kos'in tìbit'in-lè.

⁹ Ta jngoò kjondaà tísíjé-lè, nga tjiin-ná nga tjòcha 'yaá xinguiáá. Kò jyeé tjiin-lè, 'an Pablo, jyeé xítá jchinga-ná, tíkoá ndayá tijnáa'ya xi jè ngatji-la Cristo Jesús.

¹⁰ K'oaá ma-ne nga tísíjé jngoò-lè kjondaà nga ndaà choétjoi jè Onésimo xi koni ki'ndí-na komá nga kòkjeiin-la 'én ndaà-la Nainá xi 'an tsibenojmí-la nga i tijnáa'ya ndayá.

¹¹ Nga sa kjòtseé, jè Onésimo, jngoò xítá ch'i'nda xi mìkii ndaà kjòchjeén-lè, tanga i'nde jyeé ndaà kòchjeén-ná ingajoá.

¹² Tískasén ijngoò k'a-lè, 'an nga 'nó matsjake.

¹³ Ndaá-la s'e tsà i kíjnako-na mé-ne nga síljhát'aà-na koni tsà ji tìnichját'aà-ná, k'e nga takó ndayá tijnáa'ya nga jè ngatji-la 'én ndaà-la Nainá xi kjoa ts'e Cristo.

¹⁴ Tanga majin-na nga kjo'nó síkijna tsà ngaji mìkii tijnngoò takoìn, mé-ne jè kjondaà xi tísíjé-lè mì kjo'nó koma-lè; iníma-lè kjiinchrobàjiiin.

¹⁵ Tsà koi naxhrjein, jè Onésimo, koií kjoa-la tsasit'aà xin chiba naxhrjein-lè mé-ne i'nde jkoma choétjoi ijngoò k'a-ne nga ya kíjnako kjit'aà-lè.

¹⁶ Tanga ki k'oaá s'in 'ya takoìn koni tsà jngoò xi taxkí ch'i'nda; isaá 'nó ndaà jchatakoin koni tsà jngoò 'ndsi xi 'nó ndaà matsjachi. 'An, 'nó matsjake; tanga ngaji isaá 'nó títajachi mìtsà ta koi kjoa-la nga ch'i'nda tsjji koma, koi-né nga jyeé 'ndseé chibá it'aà ts'e Cristo.

¹⁷ Tsà kixíí kjoa nga k'oas'in 'yatakòn-ná nga 'ndseé chibá it'aà ts'e Cristo, choétjoi Onésimo koni tsà 'an xi tichjoétjò-ná.

¹⁸ Tsà tjin mé kjoa xi ch'o kisiko-lè, koa tsà mé xi kitjen-t'in-lè, 'aán tikichji-ná.

¹⁹ 'An, Pablo, 'an sobá tikji-lè xojon jè. 'An kichjiá yije xi tjen-la. Miki mochjeén nga 'an koxán-lè, jyeé tjin-lè nga 'aán kitjen-t'in-ná kjoabinachon-lè.

²⁰ Ndi 'ndsè, k'oaá s'in tisjé-lè nga katasakó jngoò-na kjondaà it'aà tsji, koni s'in ok'in-la nga 'ndseé chibá it'aà ts'e Na'en-ná; tje takoin inima-na it'aà ts'e Cristo.

²¹ Be-ná nga sikitasòn-né; k'oaá ma-ne nga tisikasén-lè xojon jè; skanda 'beé-la takoàn, nga isaá tsatoó s'in koni s'in tixan-lè.

²² K'oaá tjs'in tixan-lè nga tikijnandaà jngoò-ná j'nde ñanda ma síkjáya. K'oaá s'in tikoña nga jè Nainá kji'nchré-né koni s'in titsanokjoat'aà-la, nga tsjá'nde-na nga koma kjikon-nò.

'En-la Pablo xi fehet'aà-ne

²³ Tísihixat'aà-lè Epafras, xinguiá xi ngàsòn ndayá titsajna-jen nga jè ngatji-la Cristo Jesús.

²⁴ Tikoáá tísihixat'aà-lè Marcos, Aristarco, Demas ko Lucas, xi síhját'aà-na kjoa ts'e xá xi tis'iaàn.

²⁵ Jè kàtijnajin inima-nò kjondaà-la Jesucristo xi otixoma-ná.

Xojon carta xi kitjei-la xita Hebreo

Kós'in chjako-ná Nainá it'aà ts'e Ki'ndí-la

¹ Nga tisa kjòtseé, jè Nainá kjìn k'a kiichja-la xita jchínga-ná nga jñà kisikjeén xita xi kiichja ngajo-la, nga kjìn skaya tjín-ne kós'in kiichja-la.

² Tanga j'ndeí, nga tifehet'aà nachrjein, Nainá, jè ki'ndí-la tísikjeén nga tíchjako-ná kò tujè-ne ki'ndí-la kisikjeén nga tsibíndaà isò'nde kò jè kjòngatsja ngats'iì nga yije tsojmì xi tjín isò'nde.

³ Kò jè Ki'ndí xi okò jè kjoa isén kò kjoa jeya-la Nainá; kò it'aà ts'eé 'ya-ná kó kji kjoàn-ne Nainá. It'aà ts'e nga'ño xi tjín-la 'én-la Cristo síjngui'ño-la isò'nde. K'e nga jye kitsjaà kjotjò yijo-la nga kisitsjeé-ná jé-ná, ikjoàn tsijin ngajmì nga tsibijnat'aà chrja kixi-la Nainá.

⁴ Nga jè Ki'ndí-la Nainá tjina ítjòn; isaá 'ño 'nga tjina mì k'oa-ne koni jñà àkjale, koií kjoa-la nga isaá 'ño 'nga tjina jè 'ín xi kitjoé-la.

⁵ Nga jè Nainá, njingoo k'a k'oas'ín kitsò jngoo-la àkjale:

Ji-né xi ki'ndí-na xan-lè,

'an-ná Na'èn-lè.

Tikoáá njingoo àkjale xi kitsò-la:

'Aán koma Na'èn-la,

jè koma ki'ndí-na.

⁶ K'e nga kisikasén ki'ndítjòn-la j isò'nde tikoáá k'oaá s'ín kitsò:

Ngats'iì àkjale-na kàteèxkón.

⁷ It'aà ts'e àkjale, k'oaá tsò:

Nainá, maá-la tjo s'ín àkjale-la;

jñà ch'nda-la maá-la ni'ín s'ín.

⁸ Tanga it'aà ts'e ki'ndí-la tsò-né:

Ji-né xi Nainá,

kixí kotixomai nita kjé-né.

⁹ Matsjacha-né kjoa xi ndaa tjín

kò majticha-né kjoa xi ch'o tjín;

koií kjoa-la, 'an xi Nainá 'mì-na xó jaàjìin-lè

nga isa ndaa jchaxkón-lè

mé-ne nga isa tse kjotsja s'e-lè

koni jñà xita xingui xi báhjtako-lè.

¹⁰ Tikoáá tsò-né:

Ji Na'èn xi Nainá 'mì-lè nga ji otixomai,

nga sa tàts'en-la kjoa, jíí tsibindii isò'nde,

tjijí-ne xi tsibindii ngajmì.

¹¹ Ngaji kijna-né nita mé nachrjein-ne.

Tanga jè isò'nde kò ngajmì kjoehet'aà-né;

k'oaá s'ín kojchá koni ma nikje nga ma jchínga.

¹² K'oaá s'ín kíxkóyi koni jngoo x'ió,

k'oaá s'ín síkjatjìyi koni s'ín fatjlya nikje.

Tanga ngaji mì ki kjoatjlya-lè nita kjé-ne

kò jñà nachrjein-lè mìkií kjoehet'aà.

¹³ Nainá nì saà jngoo k'a kitsò-la jngoo àkjale-la:

Tijnat'eì chrja kixi-na

skanda k'e nga sikijnanguia kondra-lè
ya ñánda nga nchasòn ndsokoiì.

¹⁴ Ngats'ì àkjalè, inima-né nga síxá-là Nainá; jñà nikasén nga síchját'aà-là jñà xítà xi tjoé-là kjòndaà nga bitjokàjìnn kjo'in kjoa ts'e jé-là.

2

Mé-ne ñó chjì-là 'én xi jye kina'yá it'aà ts'e Cristo

¹ Koiì kjoa-la, mochjeén-né nga ngui sa ndaa sis'in-lá 'én xi jye kina'yá, mé-ne nga mì xìn ndiyá kjiaán koni s'in tjín ndiyá-là Nainá.

² Jñà kjotixoma xi Nainá kitsjaà nga kisikjeén àkjalè nachrjein xi jye tsato, tjín-la okixì, kò jñà xítà xi tshótsji jé nga mìkii kisikitasòn kjotixoma xi kits'ii-là, kjo'íin kitjoé-là koni s'in ok'in-là.

³ Kò jñà xi titsajnaà nachrjein i'ndeì, Ìsáá 'ñó s'e-ná kjo'in tsà mì kì sis'iaán 'én-là Cristo nga jè kochrjekàjìnn-ná kjo'in. Nga jè sobá Na'én-ná kitsjaà ítjòn-ná 'én koi. Kò jñà xi iskan kii'nchré 'én koi, tìkoáá tsibénojmi-ná nga kixi kjoa.

⁴ Nainá, tìkoáá kisikixiya 'én koi nga kjìn skoya kjoxxkón kis'iin xi okó kjoa jeya-là Nainá, tìkoá kisika'bisòn kjotjò ts'e Inìma Tsjeè-là; k'oaá s'in kitsjaà koni s'in mejèn-là jè.

Yá xi ochrjekàjìnn-ná kjo'in kjoa ts'e jé-ná

⁵ Nga Nainá mìtsà jñà àkjalè-là kitsjaà-là nga jñà kotixoma-là jè isò'nde xi iskan kjoì, jè xi titsachibàya-ná.

⁶ Ta saá tìchjaá jngoó k'a Xojon-là Nainá ñánda nga tsò:

Jì Na'én, zyá-né xi xítà?

¿A ok'in-là nga jì nìkìtsjeèn-ne kò makájno-lè it'aà ts'e?

⁷ Ìsáá nangui kinikíjni koni jñà àkjalè,

kits'ii-là kjoa jeya kò 'nga kinikíjni nga tsatixoma,

⁸ jì kits'ii-là nga'ñó nga ma kotixoma-là ngats'ii tsojmi xi tjín.

Tsà Nainá kitsjaà-là nga'ñó nga jè kotixoma-là ngats'ii tsojmi xi tjín tsòyaá-ne nga nìmé tsojmi tjín xi mì jè otixoma-là. Kixií kjoa, nachrjein i'ndeì, kj'eè kii ndaa 'ya-là tsà jè tíhotixoma-là ngats'ii tsojmi xi tjín.

⁹ Tanga 'ya-ná nga jè Jesús, nas'in nangui kinikíjna chiba nachrjein koni jñà àkjalè, tanga i'ndeì, jeyaá tjina kò 'ngaá tjina nga tíhotixoma, koiì kjoa-là nga kjo'in kisikjeín k'e nga k'en. Nainá, 'ñó matsjakeè-ná nga kisikasén Jesús nga jè kisikjeín kjo'in ts'e kjoabiyaá xi kjòndaà ts'e ngats'ii xítà.

¹⁰ Jè Nainá, xi tsibíndaà yije nítà mé xi tjín, ndaa ok'in-là koni s'in kis'iin k'e nga kisikatojìnn kjo'in Kì'ndí-là mé-ne nga it'aà ts'e kjo'in xi tsatojìnn-ne, nìmé kjoa xi kichjít'aà-là nga koma kochrjekàjìnn-ná kjo'in kjoa ts'e jé-ná ngats'ii xi ixti-là Nainá maá xi jè mejèn-là nga ya kìtsajnaakoáá ñánda nga jeya tjina jè.

¹¹ Jè xi tísitsjeè xítà xi tjín-là jé, kò jñà xítà xi tjímatsjeè, tajngoó Na'én ma. Koiì kjoa-là jè Kì'ndí-là Nainá mìkii masobà-là nga 'ndse tsò-là xítà xi sítsejè.

¹² Jè Xojon-là Nainá k'oaá s'in tjít'aà nga tsò:

Kénojmi-là jñà xítà 'ndsé xi it'aà tsjji,

seè-lè ya jjiin-là xítà naxandá-lè.

¹³ Tìkoáá tjít'aà ñánda tsò:

Jé Nainá ma'ñót'aà takoàn.

Íjngoó k'a tjít'aà ñánda tsò:

Íí tjínakoáa ixti xi Nainá kitsjaà-na.

¹⁴ K'oaá s'ín tjin koni ixti-la xita, tajngoò jní-né ko tajngoò yijo-né. Jesús, k'oaá tis'ín jní ko yijo kis'e-la mé-ne nga it'aà ts'e kjoa biyaà ma kisikijne-la xita neij xi tjin-la nga ñó nga ma-la sik'en xita.

¹⁵ Jesús, k'oaá s'ín komàt'in mé-ne nga komà kisikítsajnandeij ngats'ii xita xi kitsakjòn-la kjoa biyaà nga k'oaá s'ín túsajna koni tsà tjit'aà ñó-la kó tjin nachrjein bitsajnakon xita.

¹⁶ Jesús, mitsà koií xá j'ii-ne nga jña àkjalè sùichját'aà-la, jña xita tje-la Abraham sùichját'aà-la.

¹⁷ K'oaá s'ín komà-ne, jè Jesús tjinè-la nga ngàsòn k'oas'ín xita komà koni 'ndse, mé-ne nga no'miù ítjòn koma-ne xi tjin-la kjohimatakòn xi ndaa sikitàsòn xá-la Nainá nga koma kùichjítjì-ne jè-la xita it'aà ts'e kjoa biyaà-la.

¹⁸ Koni s'ín kichit'aà nga kits'ii-la kjo'in, jè, k'oaá tis'ín ma-la osiko jè xita xi ko kjo'in tichit'aà-ne.

3

Mé-ne isá jeya tijn-ne Jesús mi k'oa-ne Moisés

¹ Jñò ndí 'ndse, xi xita naxandá tsjeè-la Nainá 'mì-nò, xi xó k'oaá s'ín jaajjìn-nò Nainá nga xita ts'e tsò-nò, k'oaá s'ín ndaa tikítsjeèn nga jè Cristo Jesús xi xó tsibíxáya-la Nainá ko jè tijná nga no'miù ítjòn it'aà ts'e kjoa xi mokjeiín-ná.

² Jesús ndaa sikitàsòn xá-la Nainá, nga xó k'oaá s'ín kits'ii-la koni jè Moisés, ndaa kisikitasòn it'aà ts'e naxandá-la Nainá.

³ Jesús isáá jeya tijná koni jè Moisés. K'oaá ngayá-la koni jngoò xita xi bíndaà ni'ya, isáá jeya bíjna nei-la mì k'oaá-ne koni tije-ne ni'ya.

⁴ Ngats'ii ni'ya, tsejèn tjin xita xi tsibíndaà; tanga jè Nainá xi tsibíndaà yije tojmì xi tjin isò'nde.

⁵ Xi nguú okixi, jè Moisés, nga xita ch'i'nda-la Nainá ma, ndaa kisikitasòn xá-la it'aà ts'e xita naxandá-la Nainá. Jè xá xi kis'iìn, jè-né nga kitsjaà 'én kó s'ín kichja Nainá k'e nga koma iskan.

⁶ Tanga jè Cristo, nga Kí'ndí-la Nainá ma, jè otíxoma it'aà ts'e naxandá-la, jè naxandá-la xi tijná-ná, tsà kixi títsajnaá skanda k'e nga kjoehet'aà nachrjein koni s'ín nga mokjeiín-ná it'aà ts'e Nainá nga ko kjotsja-ná títsachiñá xi jjoñdaà-la Nainá.

Mé xi mochjeén nga kitjás'én ñánda ma níkjáyaá it'aà ts'e Nainá

⁷ K'oaá tsò jè Inimá Tsjeè-la Nainá jè xojon xi tjit'aà 'én-la Nainá, nga tsò: I'ndeij, tsà títsana'yà jñò 'én-la Nainá,

⁸ kì tájaajjìn bitsajnakoo inimá-nò koni s'ín kis'iìn jña xita xi kondra kiì-la Nainá nga kiskoòt'aà ya j'nde it'aà xìn ñánda nangui kixi choòn.

⁹ Jña xita jchínga-nò kiskoòt'aà-na nas'ín jye kijtsee ichán nó kjoa xi kis'iaàn.

¹⁰ Koií kjoa-la nga tsohótijna jchán-la jña xita koi, k'oaá kixan-la: “Jñò, kjit'aà nachrjein xìn ndiyá tjaako kjohítsjeèn-la inimá-nò ko mikii yaxkon ndiyá-na.”

¹¹ Xi kjoa jti-na, k'oaá s'ín kitsjaà ndsoba nga mikii kjoahas-en-jjìn j'nde ts'an ñánda ma níkjáya.

¹² Ndí 'ndsè, t'een kindà yijo-nò, nijngoò xi ch'o síkíjna iníma-là nga mìkì mokjeiín-là mé-ne nga mì kíncat'aàxìn-lá Nainá xi tijnakon.

¹³ Ta saá, nàchrjein nchijòn tjiì nga'ño-làà xinguiòo, k'e nga tijnà-isa nàchrjein, mé-ne nga mìkì kotàjaàjiiìn-ne iníma-nò nga mìkì ma skònachàn-nò kjoa ts'e jé.

¹⁴ Jñà yá nokjoá-aná it'aà ts'e Cristo, tsà k'oas'ín ndaà kòkjeiín-ná skanda k'e nga kjoehet'aà nàchrjein koni s'ín kòkjeiín-ná nga tisa tàts'en-là kjoa.

¹⁵ Xojon-là Nainá k'oaa s'ín tíchja nga tsò:

I'ndeì, tsà titsana'yà jñò 'én-là Nainá,

kì tájaàjiiìn bitsajnakoo iníma-nò

koni s'ín kis'iìn jñà xita xi kondra kii-là Nainá.

¹⁶ ¿Yá xita-ne xi kii'nchré 'én-là Nainá, ikjoàn kondra kii-là? Tijnà-ne ngats'iì xita xi jè Moisés tsachrjekàjiiìn j'nde Egipto.

¹⁷ ¿Kò yá xita-ne xi ichán nó tsibijnajchán kò Nainá? Jñà-né xita xi tsohótsji jé, xi yá k'en ya iya ndiyá ya j'nde it'aà xìn ñánda nangui kixi choòn.

¹⁸ ¿Kò yá xita-ne xi Nainá kitsò-là nga mìkì kjoahas'en-jiiìn j'nde ñánda tjin kjoa nìkjáya? Jñà-né xita xi mìkì kii'nchréñijon-là.

¹⁹ Kò k'oaa s'ín tísijiiìn-ná nga mìkì jahas'en-jiiìn j'nde ñánda ma nìkjáya, koií kjoa-là nga mìkì kòkjeiín-là.

4

¹ Nainá k'oaa s'ín kitsjaà-ná 'én nga kitjás'eén ya j'nde-là ñánda ma nìkjáyaá. K'e nga tákò tijnà-isa 'én xi kitsjaà Nainá, ngats'iaá mochjeén-né nga ndaà síkindaa yijo-ná mì k'o-ne tsà mì kì kitjás'eén.

² Nga jñà, k'oaa tís'ín jye kis'enojmíya-ná 'én ndaà-là Nainá, koni s'ín kis'enojmíya-là jñà xita jchínga-ná. Tanga jñà xita jchínga-ná nímé kjondaà kisakò-là nga mìkì ngàsòn kòkjeiín-là koni jñà xita xi i'nga xi kisitasòn jñà 'én koi.

³ Tanga jñà xi jye mokjeiín-ná, kitjás'en-ná ya j'nde ñánda ma nìkjáyaá, ñánda kitsò Nainá:

Xi kjoa jti-na, k'oaa s'ín kitsjaà 'én-na xi ndsoba kichjà-na

nga mìkì kjoahas'en-jiiìn j'nde ts'an ñánda ma nìkjáyaá.

Tanga Nainá jye kjòtseé jyehet'aà xá xi kis'iìn kóni skanda k'e nga tsibíndaà isò'nde.

⁴ Xojon-là Nainá, k'oaa s'ín tíchja ts'e xi ma-ne itòò nàchrjein:

Xi ma itòò nàchrjein kisìkjáya Nainá nga komà jyehet'aà yije xá-là.

⁵ Tjìè-ne Xojon-là Nainá, ijngoò k'a tíchja ñánda tsò:

Mìkì kjoahas'en-jiiìn ya j'nde-na ñánda ma nìkjáya.

⁶ Jñà xita xi kii'nchré ítjòn 'én xi ndaà tsò, mìkì jahas'en j'nde ñánda ma nìkjáya nga mìkì kisitasòn; tanga nàchrjein j'ndeì tjin-isa xita xi chíja nga koma kjoahas'en-jiiìn j'nde ñánda ma nìkjáya.

⁷ Koií kjoa-là Nainá tsibíjna ijngoò-isa nàchrjein xitse, jè nàchrjein j'ndeì. Nga isa 'ño komà iskan jè xitaxá ítjòn xi kí'mì David, k'oaa s'ín tsibít'aà Xojon-là Nainá jñà 'én xi tsò:

Jñò, nàchrjein j'ndeì tsà titsana'yà 'én-là Nainá

kì tájaàjiiìn nìkítsajnaà iníma-nò.

⁸ Jè Josué, nga mìkì komà kitsjaà-là kjoa nìkjáya jñà xita Israel, koií kjoa-là Nainá kitsjaà ijngoò-isa nàchrjein xitse.

⁹ K'oaá ma-ne jè naxandá-lá Nainá tǵjna ñjngoo-lá naxhrjein tsjeè ts'e kjoa ñikjáya;

¹⁰ nga jè xǵta xi fahas'en-jǵin kjoa ñikjáya xi ts'e Nainá, tǵkooá síkjáya-ne kjoa ts'e xá-lá, koni s'ín kisíkjáya Nainá ñt'aà ts'e xá xi kis'ín.

¹¹ Mochjeén-né nga k'oi-lá nga'ño yijo-ná nga kǵtjás'en-jǵna kjoa ñikjáya-lá Nainá; mìkiì k'oa's'ín s'eén koni kis'ín jǵná xǵta xi mìkiì kòkjeín-lá nga kisíkitasòn.

¹² 'En-lá Nainá tǵjnakon-né kò tǵjín-lá nga'ño. Ísaá ndaà ote mì k'oa-ne jngoo kichja ndojò xi yijò nga ingajò ngobá-lá; fahas'en-jǵin-né skanda ya jǵin inǵma-ná kò ya jǵin kjohítsjeén-ná. Tǵkooá fahas'en-jǵin-né skanda ñánda tikjoo nindaà-ná kò iya nindaà-ná; ótsjiya-né kjohítsjeén-lá inǵma-ná mé xi menjèn-lá nga s'ín.

¹³ Ngats'ì xi Nainá tsibíndaà, ñi mé tǵjín xi tǵjna'ma, nga ngats'ì kjoa tǵjna tsejèn-né; tǵbeè-ne xkòn jè xi tǵjínè-lá nga k'oi-lá kindá.

Jè xi ngui nò'mù ñtòn tǵjna

¹⁴ Jesús xi ki'ndí-lá Nainá, jè-né xi ngui sobà nò'mù ñtòn tǵjna ñt'aà tsaján, jè-né xi jahas'en ngajmù nga nguixkòn Nainá. K'oaá ma-ne nga mochjeén-né nga kixi kǵtsajna kooá jǵná 'én xi mòkjeín-ná.

¹⁵ Jè xi nò'mù ñtòn tǵjna ñt'aà tsaján, komaá kojǵmakeè-ná k'e nga mahindaà; nga jè, k'oaá tǵs'ín kichìt'aà koni jǵná, tanga mìtsà jè tsohótsji.

¹⁶ Kǵjngoo-lá takoán nga kǵnchat'aá chraña-lá íxile kjotǵxoma-lá Nainá xi tse kjondaà tǵjín-lá, mé-ne nga skoe ñma-ná kjondaà xi tǵjín-lá koo kòsìko-ná k'e nga mé xi kochjeén-ná.

5

¹ Ngats'ì jǵná nò'mù ñtòn, yaá tjaájǵin ñt'aà ts'e xǵta naxandá. Jè xá tǵjínè-lá nga chjatǵi xǵta nga nguixkòn Nainá tǵkooá tsjǵt'aà-lá kjotǵjò Nainá kò sík'en cho xi kjoa ts'e jè-lá xǵta.

² Jǵná nò'mù, tǵkooá mahindaàjǵin inǵma-lá; k'oaá s'ín ma-ne nga ma beehǵma jǵná xǵta xi mìkiì machǵya-lá kò xi xǵn ndǵyá tǵjmaya.

³ Koiì kjoa-lá nga ma indaàjǵin inǵma-lá nò'mù, tǵjínè-lá nga sǵik'en-lá cho kjotǵjò xi tsjǵ-lá Nainá xi kjoa ts'e jè-lá kò tǵkooá sǵik'en cho kjoa ts'e jè-lá naxandá.

⁴ Jǵná nò'mù, mìtsà tà jǵná tajngoo bí't'aà xá 'nga yijo-lá; jè Nainá xó chja-lá koni s'ín kiichja-lá jè Aarón.

⁵ K'oaá tǵs'ín tǵjín ñt'aà ts'e Cristo, mìtsà tà jè tajngoo kiskoé xá xi ts'e nò'mù ñtòn, Nainá kitsjaà-lá xá 'nga k'e nga kitsò-lá:

Jǵ-né xi Ki'ndí-ná xan-lè;

'aán-ná xi Nǵ'èn-lè.

⁶ Tǵjè-ne Xojon-lá Nainá, ñjngoo k'a tǵchja ñánda tsò:

Jǵ-né xi nò'mù tǵjini nǵta mé naxhrjein-ne,

xá-lè, k'oaá s'ín tǵjín koni xá xi kisíkitasòn Melquisedec.

⁷ Jè Cristo k'e nga sa tsibǵjna ñisò'nde, 'ño kiichjat'aà-lá Nainá, ngui koo ndáxkòn tsibǵtsi'ba-lá koo kisǵjét'aà-lá jè xi tǵjín-lá nga'ño nga ma-lá kochrjekátǵi ñt'aà ts'e kjoa biyaá; Nainá kiì'nchré-lá nga ndaà kǵjtseèxkòn.

⁸ Jè Cristo, na's'ín ki'ndí-lá Nainá ma, yaá komá-lá kisíkitasòn, k'e nga kisíkeíin kjò'in.

⁹ K'e nga jye mì tǵ mé xi kichjìt'aà-lá, k'oaá s'ín tsibǵjna nga jè kochrjekátǵi kjò'in xǵta nǵta mé naxhrjein-ne, ngats'ì xi 'nchréñjon-lá,

¹⁰ Nainá kisikíjna Jesús nga nõ'miì íjòn tsibìjna, kitsjaà-là xá koni ts'e Melquisedec.

Jña xita xi mikii machiya-la mé kjoa xi kixi tjin

¹¹ It'aà ts'e kjoa koi, nõ tjin-isa kjoa xi s'enojmiya-nò, tanga nõ chjá tjin nga s'enojmí-nò, koi kjoa-la nga jñò, mikii machiya-nò.

¹² Jñò, skanda kjòtsee maestroò-là titsajnaà tsà ndaa; tanga jñò, táko mochjeén-nò nga chíta'yà xitse ìjngòò k'a 'én-la Nainá xi mì 'in chjá koni s'ín komà-nò nga sa íjòn. K'oaá s'ín tímát'ioòn koni ndí xti xi táko tsjin 'biì, mikii mochjeén-la nga tsojmi tájaà skine.

¹³ Ngats'ii xi táko tsjin 'biì, xti-né, mikii machiya-la mé kjoa xi kixi tjin.

¹⁴ Tanga jña tsojmi xi ma chine xi tájaà kjoàn, ts'ee xita xi jye kòjchínga, jña xi jye machiya-la mé kjoa xi ndaa tjin kò mé kjoa xi mikii ndaa tjin nga k'oaá s'ín nchisíjchá yijo-la.

6

¹ Koií kòs'ín mochjeén-ne nga chíta'yà 'én-la Cristo xi isa ndaa kojchíngakoá kjoa ts'e Nainá mé-ne nga nímé chijat'aà-ná nga xita-la Cristo maá. Mì tijná tijná 'én chíta'yà-aná xi kichíta'yà nga sa íjòn it'aà ts'e Cristo. Mì tijná tijná 'én sikítsjeèn-ya-ná kó s'ín ma nga níkájnoáa jé xi tjin-ná xi kjoa biyaá fiko-ná. Kò tikoáa mì tijná tijná 'én sikítsjeèn-ya ìjngòò k'a-ná kó s'ín kòkjeiín-ná it'aà ts'e Nainá

² kò kòs'ín ma bautizar xita, kò kòs'ín oyijòsòn-lá ndsaá jña xita xi mokjeiín-la it'aà ts'e Cristo. Kò tikoáa mì tijná tijná 'én sikítsjeèn-ya ìjngòò k'a-ná kó s'ín kjoaáya-la jña xita xi jye k'en, kò kòs'ín s'ijin Nainá nga kùindaajün-la xita mé xi ok'in-la nga tsjá-la nita kjé-ne.

³ Mochjeén-né nga chíta'yà 'én xi isa ndaa kojchíngakoá kjoa ts'e Nainá; tsà Nainá tsjá'nde nga kòs'ín koma, k'oaas'ín s'een.

⁴ Nga jña xita xi jye kjòhiseèn-la kjòhítsjeèn-la, xi jye kisaseèn-takòn kjondaà xi tsjá Nainá, xi tikoá jye ngásòn kitjóé-la Inima Tsjeè-la Nainá,

⁵ xi jye kisaseèn-takòn 'én ndaa-la Nainá kò nga nõ-la iso'nde xi sa kjoíí,

⁶ tsà ìjngòò k'a xin ndiyá kjoí, tsà tsjin takòn 'én-la Nainá, mì tì kii koma kondaáya-ne kjòhítsjeèn-la nga kóófat'aà ìjngòò k'a-la Nainá; nga jña xita koi, kjoa xi nchis'ín, k'oaá ngaya-la koni tsà krò nchihót'aà ìjngòò k'a jé Kì'ndí-la Nainá nga tsjá-la kjosobà nga nguixkòn ngats'ii xita.

⁷ K'oaá s'ín ngaya-la koni jè nangui, k'e nga 'ba jtsí, ma'nchi'nde-né. Tsà ndaa xka xi bisò xi mochjeén-la xita xi síxako nangui, jè Nainá síchikon-t'ín nangui.

⁸ Tanga tsà na'yá chiní kò na'yá xanchroò bisò, nímé chjí-la, mìtsà nangui ndaa nga nguixkòn Nainá; kijchò nachrjein nga tà kiti-né.

⁹ Jñò ndí 'ndse, xi matsjacha-nòjen, nas'ín k'oas'ín nokjoà-jen, k'oaá s'ín tijnòò takòn-jen nga tjoé-nò kjoa xi nõ ndaa tjin, ngats'ii kjondaà xi tjin-la xita xi jye itjokajün kjo'in.

¹⁰ Nga Nainá, xita kixi-né, mikii síjchàajün xá-nò xi jye ki'nè kò kjoatjòcha xi tjin-nò nga nichját'aà-là xita naxandá-la Cristo, koni s'ín tisa'né skanda nachrjein j'ndeí.

¹¹ Tanga ngajen, k'oaá s'ín mejèn-najen nga kjit'aà nachrjein ngui kóò kjotsja nga kòs'ín tixá nga jngòò ìjngòò skanda k'e nga kjoehet'aà nachrjein-nò mé-ne nga kítasòn-ne kjoa xi titsachiña-laá.

¹² Majìn-najen nga ts'eè s'een. Chjìnguì-là jñà xìtá xi jye nchitjoé-là kjetjò koni s'ín kitsjaà tso'ba Nainá koií kjoa-là nga ndaà mokjeiín-là kò tjin-là kjoatsejta.

Kó tsò 'én xi kiichja Nainá koni s'ín kitsjaà-là tso'ba Abraham

¹³ Nainá k'e nga kitsjaà-là tso'ba Abraham, k'oaá s'ín kitsjaà kixi 'én-là nga tije tsasèn-ne nga mì tì yá tjin-ne xi isa 'nga tjna koni jè; k'oaá s'ín kiichja,

¹⁴ nga kitsò: “An, 'ño ndaà sichikon-t'in-lè, tìkoa 'ño kòkjìn-ya jñà ixti-lè.”

¹⁵ K'oaá s'ín komà-ne Abraham kiskoòñàkjoa, ìkjoàn kitjoé-là koni s'ín kitsò Nainá.

¹⁶ Jñà xi taxjì xìtá, k'e nga tsjá 'én-là, síkjeén jngoò 'ín-là jngoò xi isa 'nga tjna mé-ne nga sikixiya-ne 'én xi tsjá. Kò tà yaá fehet'aà kjoa.

¹⁷ K'oaá s'ín ma-ne k'e nga jè Nainá k'oaá s'ín kjòmejèn-là nga kitsjaà kixi-là 'én jñà xìtá xi tjoé-là kjetjò nga sùkitasòn koni s'ín kitsjaà tso'ba, kitsjaà jngoò 'én xi 'ño xkón tjin nga nìmé xi ma kjoatjia.

¹⁸ Jñà 'én koi xi jò ma-ne xi mìkìl ma fatjia, nga mìkìl koma skónachan-ná Nainá, yaá 'ño sakò-là nga 'ño inìma-ná, jñà xi mejèn-ná nga Nainá kòsìkò-ná nga nguì jè kjit'aà takoán nga titsachiñá-lá jè kjoa kixi-là xi jè jye kitsjaà-ná.

¹⁹ Jè kjoa kixi xi titsachiñá-lá, k'oaá s'ín síkìjna kixi inìma-ná koni jngoò kichá xi sit'aà'ño-ne chitso, kò jè kjoa kixi xi òkji skanda maá jahas'en ya j'nde tsjeè ñánda tjobájtò ñikje cortina,

²⁰ ya ñánda jahas'en Jesús nga tsohójnandaà-ná ndiyá, nga nò'mù ìtjòn tjna nìtá mé nachrjein-ne koni jè Melquisedec.

7

Jesús, k'oaá s'ín गया-là koni jè nò'mù ìtjòn xi kì'mì Melquisedec

¹ Melquisedec xi xìtá xá ìtjòn tsibijna ts'e naxandá Salem, tìkoa nò'mù ìtjòn tsibijna ts'e Nainá xi tjna ngajmù, kùl kaña-là Abraham k'e nga tìnchrobá-ne nga jye kìsìkijne yije-là xìtaxá ìtjòn xi kiskaàn-kò. Melquisedec kìsìchikon-t'in Abraham.

² Jè Abraham, teya kìs'ìn tsojmì xi kìsakò-là ts'e kjoajchán, kò jngoòya kitsjaà-là Melquisedec. 'In xi 'mì Melquisedec, tsòyaá-ne: xìtaxá ìtjòn xi tjin-là okixi. Tìkoa jè 'in xi 'mì xìtaxá ìtjòn ts'e Salem, tsòyaá-ne: xi tjin-là kjoa'nchán.

³ Jè Melquisedec mìkìl 'ya-là tje-là, yá na'èn-là, yá nea-là, ñánda kìts'ìn, ñánda k'en; k'oaá s'ín mangàsòn-kò koni Cristo xi Kì'ndí-là Nainá nga jè Melquisedec tìkoa nò'mù ìtjòn tjna nìtá mé nachrjein-ne.

⁴ Jñò tìkìtsjeèn nga 'ño 'nga tsibijna Melquisedec, skanda jè xìtá jchínga-ná Abraham teya kìs'ìn tsojmì xi kìsakò-là ts'e kjoajchán, kò jngoòya kitsjaà-là Melquisedec.

⁵ Kixij kjoa, k'oaá s'ín tìchja kjotìxoma-là Moisés xi Nainá kitsjaà-là nga jñà xìtá naxandá tjinè-là nga teya sùjòya tsojmì xi tjin-là, jngoòya tsjá-là jñà nò'mù xi tje-là Leví, nas'ín tì xìtá xìkjin-ne xi ya nchrobát'aà-ne tje-là Abraham.

⁶ Tanga jè Melquisedec, mìtsà tje-là Leví, tanga kitjoé-là xi jngoòya oko-là tsojmì xi teya kìs'ìn Abraham, ìkjoàn k'ée kìsìchikon-t'in, nas'ín jè Abraham xi kitjoé-là 'én xi tso'ba Nainá kiichja-ne.

⁷ Nga jyeé tjin-ná, jè xi síchikon-t'in xìtá, isaá 'nga tjna mì k'oaá-ne koni jè xi machikon-t'in.

⁸ Jñà nò'miì xi tje-là Leví xi tjoé-là xi jngoòya oko-là xi teya s'ín xitá naxandá Israel, mìtsà ta bitsajnakon kjit'aà, bijchó nachrjein nga biyaà; tanga it'aà ts'e Melquisedec, jè Xojon-là Nainá, k'oaá s'ín 'ya-là koni tsà jngoò xitá xi táko tijnakon skanda nachrjein i'ndeji.

⁹ Jñà nò'miì xi nchrobát'aà-ne tje-là Leví xi tjoé-là xi jngoòya oko-là xi teya s'ín xitá naxandá Israel, komaá k'oaáxióan nga tikoáá jè Melquisedec kitjoe jngoòya-là it'aà ts'e xitá koi k'e nga kitsjaà jngoòya-là Abraham,

¹⁰ nga jñà nò'miì xi tje-là Leví, yaá nchrobát'aà-ne tje-là Abraham. Nas'ín kj'eè kii ts'iin Leví k'e nga jè Melquisedec ijchò kaña-là Abraham, k'oaá s'ín ngaya-là koni tsà jñà nò'miì Israel, jyeé ya títsajnakò Abraham nga nchitsjá-là kjotjò xi jè tjoé-là Melquisedec.

¹¹ Jñà kjotixoma xi kitjoe-là jñà xitá Israel, yaá inchrobát'aà-ne it'aà ts'e nò'miì xi tje-là Leví; tanga jñà nò'miì koi, mìkii komà-là nga jngoò k'a kisikixiya xitá nga mì tì mé chijat'aà-la. K'oaá s'ín komà-ne nga j'ii jngoò nò'miì xi jè mangásòn-kò Melquisedec, kò mìtsà jè mangásòn-kò Aarón xi tje-là Leví.

¹² K'e nga fatjija nò'miì, kós'ín síxá, tikoáá mochjeén-né nga kjoatjija kjotixoma.

¹³ Koni s'ín tíchja 'én-là Nainá, jè xi kitjoe-là xá koni ts'e Melquisedec, kj'eji tje-ya; ya nánda inchrobát'aà-ne, nì saá jngoò nò'miì bitjokajijn.

¹⁴ K'oaá s'ín 'ya-là nga jè Na'én-ná Jesucristo, yaá inchrobát'aà-ne tje-là naxandá Judá. Tje-là naxandá jè, mìkii kisikaxkì Moisés k'e nga kiichja it'aà ts'e nò'miì.

¹⁵ Kjoa koi, isaá ndaa makixiya-ná tsà jè nò'miì xitse sikkitasòn koni s'ín kisikitasòn jè Melquisedec.

¹⁶ Nga mìtsà k'oaá s'ín kitjoe-là xá ts'e nò'miì koni s'ín tíchja kjotixoma yá ts'e tje xi inchrobát'aà-ne nga nò'miì kisikitasòn. Ta saá k'oaá s'ín kitjoe-là xá it'aà ts'e nga'ño xi tjin-là nga mìtsà yá xi koma-là jngoò k'a sikk'en.

¹⁷ K'oaá s'ín tíchja 'én-là Nainá xi it'aà ts'e, nga tsò:

Ji-né xi nò'miì tijnì nita mé nachrjein-ne,
k'oaá s'ín mangásòn-koi koni jè Melquisedec.

¹⁸ K'oaá s'ín komà-ne nga kichijàngui kjotixoma jchínga, koi kjoa-là nga tsjin-là nga'ño tjoa mì tì kii tímochjeén-ne.

¹⁹ Nga jè kjotixoma jchínga xi kiskii Moisés, nimé xi kisikixiya xitá; tanga nachrjein i'ndeji, tjin jngoò-ná kjoa xi isa ndaa tjin xi títsachiñá-là jè xi sikiinchat'aà chrañá-ná Nainá.

²⁰ Nainá k'oaá s'ín kitsjaà kixi 'én-là xi xkón tjin k'e nga kitsjaà tso'ba nga nò'miì itjòn kijná Cristo. Jñà nò'miì xi i'nga, ta k'oaá s'ín kitjoe-là xá, mìtsà yá xi kitsjaà 'én-là.

²¹ Tanga xi it'aà ts'e Na'én-ná Jesús, k'oaá s'ín tíchja xojon xi tjit'aà 'én-là Nainá nga kitsò:

Na'én-ná k'oaá s'ín kitsjaà kixi 'én-là;
mìkii sikkjatjija-là kjohítsjeén-là nga tsò:

"Ji-né xi nò'miì tijnì nita mé nachrjein-ne."

²² K'oaá s'ín ma-ne nga jè Jesucristo osen-tjì-ná nga nguixkon Nainá nga jè bíndaajijn kò-ná jngoò kjoa xitse xi isaá ndaa tjin.

²³ Tikoáá jñà nò'miì xi síxá xi tje-là Leví, jyeé kjin ma xi jye kisikitasòn xá-là tanga koi kjoa-là nga biyaà nga mìkii ma síxá-isa.

²⁴ Tanga jè Jesús tǎjnakon-ne nǎta kjé-ne, k'oaá ma-ne nga nǎ mǎi tǎjna nǎta mé nachrjein-ne.

²⁵ K'oaá s'ín ma-ne nga ma-la ochrjekàjǎin kjo'ín xǎta nǎta mé nachrjein-ne, ngats'ii xǎta xi it'aà ts'e Jesús bijchó nguixkǎn Nainá; jè tǎjnakon-ne nǎta kjé-ne mé-ne nga bítsi'batji xǎta.

²⁶ It'aà tsaján, ngui jè Jesús xi mochjeén-ná nga nǎ mǎi ítjǎn tǎjna: nga xǎta tsjeé-ne; nǎmé jè tǎjn-la; mi tjé kji inǎma-la; tǎjnat'aaxǎn-la xǎta jé, kǎ jè xi isǎ 'nga tǎjna ján ngajmǎi.

²⁷ Mǎtsǎ k'oas'ín koni s'ín nǎ mǎi ítjǎn xi i'nga, nga nachrjein nchijǎn sík'en cho nga tsjá kjǎtjǎ-la xi kjoa ts'e jé-la, ikjoàn tsjá ts'e jé-la xǎta naxandá. Tanga Jesús k'e nga kitsjaà kjǎtjǎ yijo-la nga k'en, jngoò k'aá kitsjaà nǎta kjé-né.

²⁸ Jè kjǎtixoma xi kitsjaà Moisés, k'oaá s'ín tǎchja nga jǎn kitsajna nǎ mǎi ítjǎn xi tǎxki xǎta xi chiba nga'ńǎ tǎjn-la; tanga jè 'én xi xkǎn tǎjn xi iskan kitsjaà Nainá, k'oaá s'ín tǎchja nga jè Kǎ'ndǎ-la Nainá, kǎjna nǎ mǎi ítjǎn, jè xi k'oas'ín kisikǎ Nainá nga nǎmé chijat'aà-la nǎta kjé-ne.

8

Jè kjoa xǎtse xi tsibǎ'ńǎ Jesús

¹ Ngats'ii kjoa xi chibàya-ná, tǎjn jngoò xi isǎá 'ńǎ chjǎ-la, jè-né nga tǎjna jngoò-ná nǎ mǎi ítjǎn xi tsibǎjnat'aà chrja kixǎ-la íxǎle kjǎtixoma-la Nainá ján ngajmǎi.

² Yaá síxǎ ya ńǎnda tǎjna xi ngui Ni'ya Tsjeé-la Nainá, xi jè sobà Nainá tsibǎndaà; mǎtsǎ tǎxki xǎta tsibǎndaà.

³ Ngats'ii nǎ mǎi ítjǎn, k'oaá s'ín satǎxoma-la nga kjǎtjǎ tsjǎt'aà-la Nainá kǎ cho sík'en; k'oaá ma-ne nga jè Cristo tǎkǎ tǎjné-la nga kis'e-la mé kjǎtjǎ xi kitsjaat'aà-la Nainá.

⁴ Jè Cristo, tsǎ j tǎjna it'aà nangui, skanda mǎ-la kǎi kǎma nga nǎ mǎi kǎjna, nga j it'aà nangui, jyeé tǎjn nǎ mǎi xi tsjǎt'aà-la kjǎtjǎ Nainá koni s'ín tǎjn kjǎtixoma xi kiskǎi Moisés.

⁵ Tanga jǎn nǎ mǎi xi tǎjn j it'aà nangui, yaá síxǎ ni'ya xi tà isén-la-né kǎ 'nguién-la-né jè Ni'ya Tsjeé-la Nainá xi tǎjna ngajmǎi; nga jè Moisés k'e nga jye mejèn kǎiǎts'ia nga kǎindaà ni'ya tsjeé-la Nainá xi nikje, jè Nainá kitsǎ-la: “Ndaà chǎtsejǎn, k'oa kǎ kji t'jǎn koni kji xi tsakǎ-lè ya ńǎndo Sinaí.”

⁶ Tanga nachrjein j'ndeǎ, isǎá ndaà tǎjn xǎ xi kitjoé-la Jesucristo nga nǎ mǎi ítjǎn tǎjna, nga jè osǎjǎjǎin jngoò kjoa xǎtse xi isǎ ndaà tǎjn xi tsibǎndaàjǎin Nainá kǎ xǎta, nga yaá nchrobát'aà-ne 'én xi isǎ ndaà tǎjn koni s'ín jye kitsjaà tso'ba Nainá.

⁷ Tsǎ nǎmé xi kisichǎjǎt'aà-la jè kjoa xi kisindaàjǎin ítjǎn, mǎ-la kǎi mochjeén nga jngoò k'a sindaàjǎin xi ma-ne jǎ k'a.

⁸ Tanga Nainá k'e nga tsohótiko, k'oaá kitsǎ: Kǎjchǎ nachrjein k'e nga kǎindaàjǎin-kǎ jngoò kjoa xǎtse jǎn xǎta Israel kǎ xǎta Judá, kitsǎ Nainá.

⁹ Jè kjoa xǎtse xi kǎindaàjǎin-koaa, mǎtsǎ k'oas'ín sǎindaàjǎin koni ts'e xǎta jchǎnga-la, k'e nga 'ǎn sobà kitsobà tsja

nga tsachrjekǎjǎnǎ nangui Egipto. Jǎn xǎta kǎi, mǎkǎi kisikitasǎn koni s'ín kisindaàjǎin, k'oaá komà-ne nga kitsjǎn takoàn, tsǎ Nainá.

¹⁰ K'e nga jye kǎma iskan,

jè kjoa xit̩se xi kındaàjñaakoaa xita Israel, kiis'ín s'e, tsò Nainá:

Kjot̩xoma-na yaá kijnajñaà ya kjoh̩tsjeèn-la,

ko yaá skiaà jjiin inima-la.

'An-ná xi Nainá kit̩so-na,

ko jña-né xi koma xita naxandá-na.

¹¹ Mì t̩ kii kochjeèn-ne nga xita xikjín keènojmiya-la

n̩ mitsà jè 'ndse keènojmi-la nga skoexkon Nainá,

nga ngats'ì xita skoexkon-na

mats'ìako-ne xi isa̩ xiti skanda jña xi 'ño xita jchinga.

¹² 'Aán siijchàat'aà-la ngats'ì kjoa ch'o xi kis'ìin,

mì t̩ kii siik̩tsjeèn-na jé xi tjín-la.

¹³ K'e nga Nainá sikaxki ìjngòò kjoa xit̩se, tsòyaá-ne nga jè kjoa xi kisindaàjjiin ìtjòn, jyeè kòjchinga. Mì t̩ kii tímochjeèn-ne, jyeè tíchija.

9

Jè Ni'ya Tsjeè-la Nainá xi nikje

¹ Jè kjoa xi tsibindaàjjiin ìtjòn Nainá kis'eé-la kjot̩xoma kós'ín ma nga jeya nikjinaá Nainá ko kis'e jngoo-la ni'ya tsjeè ì'it'aà nangui.

² Jè Ni'ya Tsjeè-la Nainá xi nikje, k'oaá s'ín tjindaà nga jngoo ì'nde t̩jna ìtjòn xi 'mì ì'nde Tsjeè, ñanda t̩jna kich̩a xi t̩ya ni'ín ko ñanda t̩jna ím̩xa xi nchasòn inchr̩ajín tsjeè-la Nainá.

³ Jè nikje cortina xi ma jò-ne xi t̩jòbá jngoo osen ni'ya nikje, ya ijton kjijna ì'nde xi 'mì ì'nde xi isa̩ 'Ñó Tsjeè.

⁴ Ì'nde jè, yaá kjijna jngoo kaxa xi ngui oro ñanda tisòn chr̩jongó-la Nainá; t̩koo yaá kjijna kaxa xi ngui oro yijajno ts'e kjoa xi tsibindaàjjiin Nainá. Kaxa jè, t̩jnaya jngoo t̩jii kich̩a xi ngui oro ñanda 'ncha inchr̩ajín xi 'mì maná, t̩koo yaá kjinaya yá nise-la Aarón xi tsibíjts'én-t'aà chr̩ja-la ko ya 'ncha jña ndajò teè ñanda t̩jít'aà kjot̩xoma-la Nainá xi kitjoe-la Moisés.

⁵ Ya̩ isòn kaxa 'ncha isén-la àkjale xi querubín 'mì xi t̩jín-la jngaá xi okó kjoa jeya-la Nainá; jña jngaá-la bíjtsa'ma jè kaxa. Tanga ì'ndeì, jña kjoa koi, mikì mochjeèn nga ìjngò ìjngò skaya koxki.

⁶ K'e nga jye k'oaas'ín kisinchaàndaà tsojmi koi, jña no'miì, kjit'aà nachr̩jein fahas'en ya Ni'ya Tsjeè-la Nainá xi nikje, jè ì'nde xi t̩jna ìtjòn, nga sikitasòn xá-la nga beèxkón Nainá.

⁷ Tanga jè ì'nde xi ma-ne jò, ta jè tajngoo no'miì ìtjòn fahas'en jngoo k'a nga jngoo nó; k'e nga fahas'en, t̩jinè-la nga jní-la cho 'ba xi tsjât'aà-la Nainá kjoa xi t̩ts'e-ne jé-la ko ngats'ì jé-la xita naxandá, jña xi mikì t̩jjiin-la tsà jè ótsji.

⁸ Jè Inima Tsjeè-la Nainá k'oaá s'ín sikichiya-ná, k'e nga tákó jè tímochjeèn Ni'ya Tsjeè xi nikje xi kisindaà ìtjòn, kj'eè kii táx'a'nde nga koma kit̩jás'eèn jè ì'nde xi isa̩ 'Ñó Tsjeè.

⁹ Jña kjoa xi koma kjot̩seé, tà kjoa mangásòn-né koni s'ín tíma nachr̩jein ì'ndeì; nga jña kjot̩jò ko jní-la cho xi kixixteèn ì'nde jè, tsj̩in-la nga'ño nga si̩tsjeè kjoh̩tsjeèn-la xita xi k'oaas'ín beèxkón Nainá.

¹⁰ Kjoa koi, tà kjoa ts'eé yijo-la xita, mé tsojmi xi ma chine ko xi ma 'yò, koa kós'ín si̩tsjeè yijo-la xita; tà k'oaá s'ín t̩jen kochjeèn skanda k'e nga jè Nainá si̩k̩jat̩iya-la ngats'ì kjoa koi.

Nga'ño xi tse t̩jín-la jè jní xi tsibíxteèn Cristo

11 Tanga jyeé j'ii Cristo nga no' mii íjtòn tǵna ít'aà ts'e kjondaà-la Nainá xi jye tǵma. Yaá jahas'en Ni'ya Tsjeè-la Nainá jè xi isa 'ñó ndaa choòn ko xi isa kixi tǵín, nga mitsà tsja xǵta kisindaà-ne jè xi tsò-ne kjoa nga mitsà j' ít'aà nangui kisindaà.

12 Cristo, jngoò k'aá jahas'en ya I'nde Tsjeè. Mitsà tǵ jní-la tǵnsó ko jní-la nchraja jahas'en-ko-ne. Ts'e sobá jní jahas'en-ne. K'oaá s'in kis'in nga tsibíchǵtǵi jé-ná, mé-ne nga komà kisíkǵsajnandeíj-ná nǵta mé nacherjein-ne.

13 Jè jní-la nchraja ko jní-la tǵnsó ko chijo-la nchraja kiti xi nchraja chjoón ki'ndi, maá-la sítsjeé yijo-la xǵta xi xa'ya-la k'e nga xǵteèn-jno.

14 Tsá k'oaá s'in bitasòn kjoa koi, jè jní xi tsibixteèn Cristo, isaá tse nga 'ñó tǵín-la. Nga ít'aà ts'eé nga 'ñó-la Inǵma Tsjeè xi tǵnakon nǵta mé nacherjein-ne nga kitsjaà kjotǵo-la Nainá yijo-la xi mitsà mé jè tǵín-la. Jè jní-la Cristo sítsjeéya kjohǵtsjeèn-nò nga mii tǵ kii koa ts'ín s'en-nò kjoa xi fikó-ná kjoabiyaá, mé-ne nga ma sǵxá-là Nainá xi tǵnakon.

Jè kjoa xǵtse xi tsibíndaàjǵin Nainá ko xǵta

15 K'oaá ma-ne nga jè Cristo osǵnajiin osen koni s'in tsibí'ñó jngoò kjoa xǵtse. K'e nga k'en ngajo-la xǵta, jè tsibíchǵtǵi jé-la xi tsohótsǵi xǵta k'e nga tǵsa jè tíhotǵxoma kjoa xi kisindaàjǵin íjtòn, mé-ne ngats'ii xǵta xi xó jaàjǵin-ne tǵje-la kjotǵo xi tsǵa Nainá nǵta kjé-ne koni s'in kitsjaá 'én-la Nainá xi tso'ba kíichja-ne.

16 K'e nga jngoò xǵta mejèn-la síka'bí tsojmi xi tǵín-la, bíndaà jngoò xojon xi bí'ñó. Skanda k'eé mochjeén k'e nga biyaá jè xǵta xi bíndaà.

17 Tanga xojon jè, nímé chǵi-la k'e nga tǵkj'eé biyaá xǵta xi tsibíndaà; skanda k'eé chǵi-la k'e nga kǵya.

18 Jè kjoa xi kisindaàjǵin íjtòn k'oaá tǵs'in kisindaàjǵin nga cho k'en mé-ne komà kixǵteèn-ne jní.

19 Moisés, k'e nga jye tsibíxkejǵin-la xǵta naxandá ngats'ii kjotǵxoma-la Nainá, íkjoàn kiskoé jní-la tǵnsó ko jní-la nchraja ki'ndi ko kisíkǵjǵin nandá; ko kiskoé jngoò chrja-la yá hisopo ko tsja-la orré xi ini kjoàn; jahajǵin jní-la cho; íkjoàn tsibíxteèn-jno jè xojon xi tǵít'aà kjotǵxoma-la Nainá; k'eé tsibíxteèn-jno ngats'ii xǵta naxandá.

20 Moisés kitsò: “Jè jní jè xi síkixiya kjoa nga koma síkítasòn koni s'in tsibíndaàjǵin-ko-nó Nainá.”

21 Moisés, tǵk'oaá tsibíxteèn-jno jní jè Ni'ya Tsjeè-la Nainá xi níkje ko ngats'ii tsojmi xi mochjeén k'e nga yaxkón Nainá.

22 Koni s'in tǵichja xojon xi tǵít'aà kjotǵxoma-la Nainá, mejèn tsá ngats'ii kjoa, saá jní matsjeéya-ne; tsá mikii xǵteèn jní, mikii koma jchat'aà-la jé-la xǵta.

23 K'oaá s'in kjòchjeén nga jní-la cho matsjeéya-ne jè Ni'ya Níkje Tsjeè ko tsojmi xi tǵiya xi mochjeén k'e nga yaxkón Nainá; jǵn tsojmi koi, ta okó-né koni choòn ján ngajmii; tanga jǵn xi tǵín ngajmii, mochjeén-né nga biyaá jngoò xi isa xkón tǵín mé-ne koma kotsjeéya-ne.

24 Tanga Cristo, mitsà ya jahas'en Ni'ya Níkje Tsjeè xi tsja xǵta kisindaà-ne, xi ta okó xi tǵín ngajmii. Cristo, nguì yaá jahas'en ngajmii nga nguixkon Nainá nga tǵichjatǵi-ná.

25 Mikii k'oaá s'in kǵin k'a jahas'en ya ngajmii nga kitsjaat'aà kjotǵo yijo-la, koni s'in no'mii íjtòn nga xkǵi nó fahas'en I'nde xi 'Ñó Tsjeè, nga fahas'en ko jní xi mitsà ts'e.

26 Cristo tsá kǵin-la k'a jahas'en ngajmii tǵk'oaá tǵínè-la nga kǵin k'a síkǵjeiín kjò'in kó-ne skanda kisindaà isò'nde. Tanga i'nde, nga jye tífehèt'aà

nachrjein, ta jngoò k'a j'ii nga kitsjaà kjetjò yijo-la nga tsibíxteèn jní-la, mé-ne nga kitjaàxin-ne kjoa ts'e jé nita mé nachrjein-ne.

²⁷ K'oaá s'ín tjin nga ngats'ii xita, ta jngoò k'a biyaà, ko iskan kjoji jè nachrjein nga sindaajün-la.

²⁸ K'oaá tis'ín tjin it'aà ts'e Cristo, ta jngoò k'a kitsjaat'aà kjetjò yijo-la nga tsibíxteèn jní-la, mé-ne nga kjin xita tjáxin-ne jé-la. Xi ma-ne jò k'a, kitjojen jngoò k'a-ne ngajmii; mitsa ti jé kjoaáxin-ne; koií xá kjoji-ne nga kochrjekajün kjo'in jña xita xi nchikoña-la.

10

Mé-ne 'ño chjí-la jè kjoa biyaà-la Cristo

¹ Jè kjetixoma-la Nainá xi kitjoé-la Moisés, mitsa ngui jña kjondaà xi iskan j'ii; ta 'nguién-la né xi tsakó. K'oaá ma-ne nga jngoó k'a mikii koma ngui tsjeè sikkítsajna xita xi xki nó síchrañat'aà-la Nainá nga tijnã tijnã kjetjò tsjá-ne.

² Jè kjetixoma, tsà jngoò k'a kisitsjeèya jé-la xita, mì-la ti kii sikkájno-ne tsà jé tjin-la; tikoaa mì-la ti kii jní-la cho tsjá kjetjò-ne.

³ Tanga jè jní-la cho, xki nó xki nó sikítsjeèn-ya jé-la xita.

⁴ Nga jè jní-la nchraja ko jní-la tindsó mikii ma-la faáxin jña jé-la xita.

⁵ Cristo, k'e nga j'ii i isò'nde kitsò-la Nainá:

Majìn-lè jní-la cho xi biyaà, ko kjetjò xi tsját'aà-lè xita,

tanga jè yijo-na kinikjñandei.

⁶ Mikii sasén-lè cho xi kiti, ko nj jña kjetjò xi tsjá-lè xita xi kjoa ts'e jé-la.

⁷ K'eé kichjà, kixan-lè: "Koni s'ín tichja xojon-lè xi it'aà ts'an,

ij tijnã nga sikitasoàn koni s'ín mejèn-lè,

ji xi Nainá 'mì-lè."

⁸ Cristo, ítjòn kitsò: "Majìn-lè ko mikii sasén-lè jní-la cho xi biyaà ko kjetjò xi tsjá-lè xita, cho xi kiti ko kjetjò xi tsjá xi kjoa ts'e jé-la", nas'ín k'oaá s'ín tichja kjetixoma nga tjinè-la nga koatjín xi tsjá xita.

⁹ Ikjoàn kitsò isa: "Í tijnã nga sikitasoàn koni s'ín mejèn-lè." K'e nga os'ín kiichja, tsóyaá-ne nga jè Cristo jaáxin jè kjoa jchínga mé-ne nga kisikjina ngajo-ne xi kjoa xitse.

¹⁰ K'oaá s'ín komà nga kisitsjeèya inijma-ná Nainá it'aà ts'e Na'èn-ná Jesucristo k'e nga kos'ín kisikitasòn koni s'ín mejèn-la Nainá nga ta jngoò k'a kitsjaà kjetjò yijo-la nita kjé-ne k'e nga k'en.

¹¹ Ngats'ii no'mii, nachrjein nchijòn sikitasòn xá-la nga kjin k'a tsját'aà-la Nainá xi tijnã tijnã-ne kjetjò xi mikii ma-la faáxin jé-la xita.

¹² Tanga Jesucristo ta jngoò k'a kitsjaat'aà kjetjò yijo-la kjoa ts'e jé nita kjé-ne, ikjoàn tsibijnat'aà chraja kixi-la Nainá.

¹³ Yaá tíkoña skanda k'e nga kijchò nachrjein nga jña xita kondra-la sùichija nga jè Nainá sikkítsajnngui ndsoko.

¹⁴ Ta jngoò k'aá kitsjaat'aà kjetjò yijo-la mé-ne nga ngui ndaà kjòkixiya-ne xita nita kjé-ne, jña xita xi tímatsjeè.

¹⁵ Jè Inijma Tsjeè-la Nainá ndaà sikkixiya-ná kjoa koi; nga sa ítjòn tsò-né:

¹⁶ Jè kjoa jè xi kindajün-koaa jña xita

k'e nga jye koma iskan, tsò Na'èn-ná:

Jña kjetixoma-na sikkijnajña inijma-la,

ko yaá skiaa ijün kjòhítsjeèn-la.

¹⁷ Ikjoàn tsò-isa:

'An, mî tî kîi sîikîtsjeèn-nà jé xi tjin-la
kò ngats'iî kjoa ch'o xi s'in.

18 K'e nga jye jchat'aà-ná jé-ná, mî tî mé kjotjò kochjeén-ne xi kjoa ts'e jé.

Mé kjoa-ne nga isa ndaà kinchat'aà chraña-lá Nainá

19 Jñò ndí 'ndsè, k'oaá ma-ne nachrjein i'nde, tji'nde-ná nga kitjás'eén jè
I'nde-la Nainá xi 'Nó Tsjeè, koií kjoa-la jè jní xi tsibixteèn Jesús.

20 Nga jè kiskix'a jngòò-ná ndiyá xitse xi fikò-ná ñánda tjin kjoabinachon,
nga koma kotokjá jè nikje cortina xi tjo'hóya jngòò osen I'nde Tsjeè-la Nainá.
Jè nikje, k'oaá ngaya-la koni yijo-la Jesús.

21 Nga tjin jngòò-ná nò'miî xi 'ño jeya tjna xi otixoma ya ni'ya-la Nainá.

22 K'oaá ma-ne nga mochjeén-né nga isa ndaà kinchat'aà chraña-lá Nainá,
nga ngui kixi sîkijnaa inima-ná kò ngui tijnngòò takoán xi it'aà ts'e, nga jè Cristo
jye kisitsjeè inima-ná kjoa ts'e jé, kò jè yijo-ná, k'oaá ngaya-la koni tsà ngui
nandá tsjeè tsanjno-ne.

23 Kixi kitsajnaoá kjoa xi titsachiña-lá koni s'in mokjeiín-ná nga mî kijen
kikjá-lá takoán; nga Nainá, xita kixi-né, sîkitasòn-né koni s'in jye kitsjaá
'én-la.

24 Kinchátsji'nde-lá nga 'én ndaà kinókjoa-lá xinguiáá mé-ne nga isa ndaá
s'e-ná kjotsjacha; kò s'eén kjoa xi ndaá tjin.

25 Mikîi sijnchayaá jè nachrjein k'e nga bixoñaá, koni s'in i'nga xita nga mî
tî kîi bixoñat'aà-la xikjín. Ta saá mochjeén-né nga k'oi-lá nga'ño xinguiáá
nga jngòò jngòò; isaá 'ño kôs'iaán k'e nga yaá nga jye tinchrobá machraña
nachrjein-la Nainá.

26 Tsá k'oa's'in tjin takoán nga kinchátsji jé isaá k'e nga jye kiyaxkoaán kjoa
kixi-la Nainá, mî tî mé jní koma xixteèn-ne xi ma kjoaáxìn jé-ná.

27 Tà jè kòkò isa-ná kjo'in xi 'ño xkón tjin kò ni'in jnga xi sîkjesòn yije xita
xi kondra fi-la Nainá.

28 K'e nga tsá jngòò xita xi mikîi sîkitasòn kjotixoma-la Nainá xi kitjoé-la
Moisés, tsá tjin jò, jàn xita xi tsjá 'én nga kixi kjoa, mikîi mahimacha, nik'en-né.

29 ¿Kós'in beè-la takòn jñò, a mitsá isa tse kjo'in ok'in-la jña xita xi binchané
jè Ki'ndí-la Nainá, kò ochrjekàngui jè jní xi tsibixteèn, kò tikoá chjajno-la
Inima Tsjeè-la Nainá xi tjin-la kjondaá? Jè jní xi ochrjekàngui, jè-né xi
Nainá kisikjeén nga tsibindaajìin-kò xita jngòò kjoa xitse, kò jè xi kisitsjeè-ne
inima-la xita koi.

30 Jyee tjiin-ná nga k'oaá tsò Nainá: "Aán okò-na nga tsjaá-la kjo'in
xita, 'aán tsjaá-la chji-la." Jjngòò k'a tsò: "Jè Na'èn-ná kùindaajìin-la xita
naxandá-la."

31 Jtaxkji 'ño tse kjo'xkón tjin k'e nga ya kàyaá tsja Nainá xi tijnakon!

32 Tanga tikitsjeèn kós'in komàt'ioòn nachrjein xi jye tsato, k'e nga sa kina'ya
ítjòn 'én kixi xi kisihiseèn-nò, nga kichikjoa-nò nga tse kjo'in kinikjioòn.

33 Kis'eé nachrjein k'e nga jña xita kiichjajno-nò kò kiskaàn-kò-nò nga
nguixkòn xita naxandá. Tikoáá kis'eé nachrjein nga jñò kitsjahijtakò jña
xita xinguiòo xi tikoá kjo'in nchisikjeiín.

34 Jñò, kjòhimacha xita xi kjo'in nchisikjeiín nga ndayá títsajna; kò tikoá
mikîi kòjti-nò k'e nga kjòchijé-nò tsojmì-nò, ta saá kjòtsjaá-nò nga jye tjiin-nò
nga ján ngajmì tjin-nò tsojmì xi isa ndaá kjoàn xi mikîi fehet'aà nita mé
nachrjein-ne.

³⁵ Kì nìchija-jèn koni s'ín kjit'aatakòn Nainá nga yaá tjoé-nò jè xi 'ñó tse chjí-la.

³⁶ Mochjeén-né nga s'e-nò kjoatsetakòn kjoa ts'e kjo'in, mé-ne k'e nga jye kítasòn koni s'ín mejèn-la Nainá, tjoé-nò xi tsjá-nò koni s'ín jye kitsjaá 'én-la xi tso'ba kiichja-ne.

³⁷ K'oaá s'ín chja xojon xi tít'aá 'én-la Nainá nga tsò:
Ta jngòò tjo chija-la nga kjoíi jè xi sa nchrobá.
Mìkìl kochrjein-la.

³⁸ Jè xi xítà kixi kijnakon-né nga mokjeiin-la,
tanga tsà kosít'aà xìn, mìkìl sasén-la inìma-na.

³⁹ Tanga jñá, mì k'oaá s'én koni s'ín xítà xi its'in fi-ne nga síchija inìma-la.
Ta saá ya kjaáan ya i'nde ñánda kítjokàjìin kjo'in inìma-na koi kjoa-la nga mokjeiin-ná.

11

Kjoa xi mokjeiin-ná

¹ Jè kjoa xi mokjeiin-ná, jè-né nga tjin kixi nga tjoé-ná jñá kjoa xi chiñá-lá;
jè-né nga tijnòò takoán nga kítasòn nas'in mìkìl títsa'yaá xi kjoa nìton.

² Jñá xítà jchínga kjótsee, koi kjoa-la nga kòkjeiin-la nga ndaá ki'ya-la.

³ Ta koi-né nga mokjeiin-ná nga kos'in machiya-ná nga jè Nainá, tà koó 'én-la tsibíndaá isò'nde; kisikatsejèn tsojmi xi mìkìl tsejèn nga sa ítjòn.

⁴ Abel, koi kjoa-la nga kòkjeiin-la, kitsjaat'aà-la Nainá kjotjò xi isa 'ñó ndaá kjoàn, mì k'oaá-ne koni ts'e Caín. K'oaá s'ín komà-ne nga xítà kixi kitsò-la Nainá Abel; kiskoé kjotjò xi ijchòko-la; skanda nachrjein i'nde, táko k'oaá s'ín tichja nga mokjeiin-la, nas'in jye k'en.

⁵ Enoc, tikoá kòkjeiin-la; k'oaá s'ín komà-ne nga kùko tikon Nainá ján ngajmii; mì tì kii kisakò-ne k'e nga jye kùko. K'e nga sa tsibìjna i isò'nde, Enoc, k'oaá s'ín ki'ya-la nga ndaá kisaseèn takòn Nainá.

⁶ Tsà mìkìl mokjeiin-ná j't'aà ts'e Nainá, mìkìl koma s'én kjoa xi sasén-la Nainá. Jè xítà xi síchrañat'aà-la Nainá mochjeén-né nga ndaá kòkjeiin-la nga tìjna Nainá, tikoá kòkjeiin-la nga ngats'i xítà xi ótsji Nainá, tsjá-la kjotjò xi ndaá tjin.

⁷ Noé koi-né nga kòkjeiin-la, k'e nga tsibénojmi-la Nainá kjoa xi iskan koma, kisikitasòn; koó kjoaxkón-la nga tsibíndaá jngòò chitso xi 'ñó je kji, mé-ne nga mìkìl kiyá-ne jñá xítà ni'ya-la. Noé, nga ndaá kòkjeiin-la, k'oaá s'ín tsibinè-la kjo'in xítà isò'nde nga jè tjin-la; ko jè Noé kitjoé-la kjotjò xi tsjá Nainá nga xítà kixi kitsò-la ta koi kjoa-la nga kòkjeiin-la.

⁸ Abraham, nga kòkjeiin-la k'e nga kiichja-la Nainá, kisikitasòn. Itjokàjìin nangui-la, kii ya i'nde ñánda tà kjotjò tsjá-la Nainá, tanga skanda mìkìl tjiin-la ñánda tifi.

⁹ Koi kjoa-la nga kòkjeiin-la, nga kos'in kisìjchá yijo-la koni tsà xítà xi xìn nangui-la nas'in ya tsibìjna ya i'nde ñánda nga k'oa kitsò-la Nainá nga tsjá kjotjò-la. Ni'ya nikjeé tsibìjnaya. Nga kii-isa nachrjein, k'oaá tì komát'in jè Isaac ko Jacob, xi tikoá k'oaas'in kitsjaá-la 'én Nainá nga ts'e koma nangui.

¹⁰ Abraham tíkoña jngòò-la naxandá xi 'ñó ndaá tjin tàts'en chrjó-la, nga jè Nainá kiskoòsòn-la kós'in sjindaá ko tije-ne Nainá tsibíndaá.

¹¹ Koi kjoa-la nga kòkjeiin-la Abraham, nga nas'in chjoón 'ndi jè chjoón-la xi 'mì Sara, ko nas'in jye 'ñó xítà jchínga, kis'eé-la nga 'ñó nga kisakò jngòò-la

ki'ndí jè Sara, koií kjoa-là nga kòkjeiín-là nga Nainá sùikitasòn koni s'ín jye kitsjaà-là 'én-là.

¹² K'oaá ma-ne nga ta jè tajngoò xíta jè, nas'ín jye tífehét'aà nàchrjein-là, kjin jchán ma íxti-là xi tje ts'e k'oaá ngaya-là koni jñá ni'ño xi tjin ngajmìl kò tsoì mi xi jncha indii ndáchikon nga mikii ma maxkeya.

¹³ Ngats'ii xíta koi, k'oaá s'ín mokjeiín-là skanda k'e nga k'en, nas'ín mikii kitjoé-là tsojmi xi Nainá k'oa's'ín kitsjaà 'én-là nga tsjá-là; ta k'oaá s'ín kjòchiya-là koni tsà ta kjiiin kijtseè-ne; tsjaá kis'e-là nga kitsò nga mìtsà i j'nde-là, ta nchifahato-né nga tìtsajna i it'aà nangui.

¹⁴ Jñá xíta xi koatsò, k'oaá s'ín bénojmi kixi-né nga saá nchihótsji jngoò nangui xi ngui ts'e koma.

¹⁵ Tsà jè nchisíkìtsjeèn nangui ñánda itjokàjiiin, okixi-né komá-la kii jngoò k'a-ne i'nde ñánda inchrobà-ne.

¹⁶ Tanga jngoò i'nde nchihótsji xi isa ndaà choòn, i'nde xi ts'e ngajmìl. K'oaá ma-ne nga jè Nainá, mikii masobà-là nga kitso-là xíta: jè jèe xi Nainá, nga jyeé kisikijnandaà jngoò-là i'nde ñánda naxandá-là koma nga ya kìtsajna.

¹⁷ Abraham, k'e nga kichit'aà, koií kjoa-là nga kòkjeiín-là nga kiskoé Isaac nga kitsjaat'aà kjotjo-là Nainá. Tsibìjnandaà nga tsjá-là ki'ndí-là xi ta jè tajngoò-ne, nas'ín xó k'oa's'ín kitsjaà-ne 'én Nainá it'aà ts'e ki'ndí-là, k'e nga kitsò:

¹⁸ "It'aà ts'e Isaac, kjin jchán koma xíta tje-lè."

¹⁹ Abraham k'oaá s'ín kisikìtsjeèn nga Nainá tjin-là nga'ño nga ma-là sikjaáya-là xíta nas'ín jye k'en. Kitjoé jngoò k'a-là ki'ndí-là koni tsà jaáya-là it'aà ts'e kjoabiyaà.

²⁰ Isaac, koií kjoa-là nga mokjeiín-là nga kisjét'aà-là Nainá nga kàtasíchikon-t'in Jacob kò Esau it'aà ts'e kjoa xi iskan koma.

²¹ Koií kjoa-là nga mokjeiín-là Jacob, k'e nga jye tìbiyaà, kisjét'aà-là Nainá nga kàtasíchikon-t'in ingajò íxti-là José; síngui'ño tsja yá nise-là nga jeya kisikijna Nainá.

²² Koií kjoa-là nga mokjeiín-là José, k'e nga jye tìbiyaà, tsibénojmi kós'ín komat'in jñá xíta Israel nga kitjokàjiiin naxandá Egipto. Tìkkoa kitsjaà okixi it'aà ts'e nindaà-là ñánda kjikò.

²³ Xíta jchínga-là Moisés, koií kjoa-là nga kòkjeiín-là nga jàn sá kisikijna'ma ki'ndí-là k'e nga sa kits'iin, nga kijtseè nga 'ño ndaà kjí isén-là ki'ndí-là, kò mikii kitsakjòn-là kjotixoma-là xitaxá ítjòn ts'e naxandá Egipto.

²⁴ K'e nga jye kòjchínga Moisés, koií kjoa-là nga kòkjeiín-là nga mikii kisaseèn-là nga nea-là kitsò-là tsòti-là faraón.

²⁵ Tà saá jè jaàjiiin nga kjo'in kisikjeiín kò naxandá-là Nainá, mì k'oa-ne nga kjotsja tsjá-là yijo-là xi kjoa ts'e jé.

²⁶ K'oaá s'ín kiskoòsòn-là nga isa 'ño chjí-là kjo'in xi sjikjeiín xi it'aà ts'e Cristo mì k'oaá-ne nga kjotsja tsjá-là yijo-là xi kjoa nchiná ts'e naxandá Egipto. Kiskoñákjoaá-là kjondaà xi iskan tsjá-là Nainá.

²⁷ Koi-né nga tìkkoa kòkjeiín-là nga itjokàjiiin naxandá Egipto; mikii kitsakjòn-là kjoajti-là jè xitaxá ítjòn; kixii tsibìjna koni tsà xkon tìbeè-ne Nainá xi nì saá jngoò xíta beèxkon.

²⁸ Moisés, nga kòkjeiín-là, tsjachrje s'eí Paxkò. K'oaá kitsò-là ngats'ii xíta Israel nga jní sjikaájno xotjoa ni'ya-là mé-ne jè àkjale-là Nainá mikii sjik'en jñá xi ki'ndítjòn-là ts'e xíta Israel.

²⁹ Jñà x̄ita Israel, nga kòkjeiñ-la, tsatojìin jè xi 'mì Ndáchikon Inì koni tsà nangui kixi. Jñà x̄ita Egipto, k'è nga kijtseè, mejèn-la nga k'oa t̄is'in kis'iin, tanga ta yaá k'en yije ya j̄iìn ndáchikon.

³⁰ Nga kòkjeiñ-la x̄ita Israel, kisikixòjen chrjó xi tjindù-la naxandá Jericó, k'è nga jye kjò itòo naxrjein bit̄jindù-la jé naxandá.

³¹ Koií nga kòkjeiñ-la Rahab xi chjoón chijngui nga mì ya k'en-ko jñà x̄ita xi mìki mokjeiñ-la, koií kjoa-la nga ndaa kijtseètjò jñà x̄ita Israel xi itjòn ijchò kotsejèn 'ma-la nangui.

³² ¿Mé kjoa xi kènojmi isa? Mì-la kiì chíya-na naxrjein nga kichjà it'aà ts'e Gedeón, ts'e Barac, ts'e Sansón, ts'e Jefté, ts'e David, ts'e Samuel kò ngats'ìi x̄ita xi kiichja ngajo-la Nainá.

³³ Koií nga kòkjeiñ-la x̄ita koi nga kis'e i'nga xi kisikijne-la kjoa ts'e kjojchán, xi kixi tsibindaajìin kjoa, xi Nainá kitsjaà-la koni s'in jye kitsò-la xi tso'ba kiichja-ne, xi tsibichjoajtò tso'ba xa.

³⁴ Kis'eé i'nga xi kisikits'o nga'ño-la ni'in jnga, xi itjomachinga-la nga kichà ndojò k'en-ne, xi kis'e ijngoo k'a-la nga'ño nas'in xk'én kjoàn, xi kis'e-la nga'ño kjoa ts'e kjojchán, xi kisikijne-la x̄ita kjojchán xi kondra ts'e.

³⁵ Kis'eé i'nga ichjín xi kitjoé ijngoo k'a-la x̄ita xíkjin xi jye k'en nga jaáya-la. Tanga t̄jín i'nga xi ya k'en-jìin kjo'in; mìkiì kjòmejèn-la nga tsibitsajnandejìi, nga k'oaá s'in kjòmejèn-la nga isa ndaa kitsajna k'è nga kjoaáya-la.

³⁶ Xi i'nga, kisikjeiñ kjo'in nga kinisobà-la, kiskaàn-ko x̄ita, skanda na'ño kichà cadena kisit'aà'ño jya ndayá.

³⁷ Tjín i'nga xi ndajo kisinè nga kinik'en; t̄jín i'nga xi kichà serrote kjòjòya-ne; t̄jín xi kichà ndojò k'en-ne. Xkì xi ján chinchimasòn, tà chrjoa-la orrè kò chrjoa-la tindsó tsakakjá nga 'ño jma chinchima, tseé kjo'in kis'e-la kò 'ño ki'yatoòn.

³⁸ Jñà x̄ita koi, nga 'ño ndaa kòkjeiñ-la it'aà ts'e Nainá, skanda mìkiì ok'in-la nga j tsibitsajna isò'nde. Xkì xi ján chinchimasòn ya i'nde it'aà xìn ñanda nangui kixi choòn, kòhokji j̄iìn ijñá kò ingui nguijò kò ngajo xi tix'a j̄iìn nangui.

³⁹ Ngats'ìi x̄ita koi, koni s'in nga ndaa kòkjeiñ-la ndaa ki'ya-la, tanga nijngoo kitjoé-la xi Nainá t̄jín-ne nga tsja-la koni s'in jye kitsjaà-la 'én-la.

⁴⁰ Nainá tsibindaà jngoo-ná kjoa xi isa 'ño ndaa t̄jín, mé-ne jñà x̄ita koi, ngàsòn kòngàsòn-kjoaá nga nime chijat'aà-ná nga kixi kitsajnaá.

12

Ndaa chitsejèn-là Jesús

¹ Nga 'ño kjin ma-ne x̄ita xi t̄itsajnanjìi-ná xi ndaa mokjeiñ-la, k'oaá ma-ne nga t̄kooá jñá, jngoo k'a s̄ikitsajnaá ngats'ìi kjoa xi s'in-ná kò kjoa ts'e jé xi tso'ba'ño-ná nga konachan-ná; mochjeén-né nga k'oa s'in s'eén koni jngoo x̄ita xi ongachikon nga chikjoako-la nga kijchò skanda ñanda nga t̄jín-nè-la nga kijchò.

² Ndaa chitsejèn-là Jesús; jè tsibits'ia itjòn koni s'in mokjeiñ-ná kò jè sjngoo kjoa koni s'in mokjeiñ-ná. Jesús nga jye t̄jiiin-la nga koma iskan s'eé-la kjòtsja, k'oaá ma-ne nga kichikjoa kò-la kjo'in it'aà krò, mìkiì kjòsobà-la koni s'in k'en; ilkjoàn tsibijnat'aà chrja kixi-la Nainá nga ya t̄ihotixoma.

³ T̄ikitsjeèn it'aà ts'e Jesús; kichikjoa kò-la kjo'in xi tsibiné-la jñà x̄ita jé, mé-ne jño mìkiì kjita-nò kò mìkiì sikajeèn-là takòn.

4 Koni s'in títṣabixkàn-koo kjoa ts'e jé, k'èè tsà yá x̄t̄a xi tsò ikon nga sík'en-nò.

5 ¿A jye kijchàajìin-nò koni tsò-nò Nainá nga ixti-là tsò-nò? K'oaá s'in tíchja xojoñ xi t̄jít'aà 'én-là Nainá nga tsò:

Nga ki'ndí-nā xan-lè, kì nachrjekàngui-jèn k'e nga síkixiya-lè Nā'èn-ná, ko kì níkjajen-là takoìn k'e nga síkáká-lè.

6 Nā'èn-ná síkixiya-né jè x̄t̄a xi tsjakeè,

tsjá-là kjo'in ngats'ì xi kjoétjò nga ki'ndí-là tsò-là.

7 Nainá k'oaá s'in beèhikon-nò nga ki'ndí-là tsò-nò; t̄ikjioón k'e nga kjo'in tsjá-nò. Ngats'ì xi Nā'èn ma, tsjá-là kjo'in ixti-là nga síkixiya.

8 Tanga tsà Nainá mìkì síkixiya-nò koni s'in síkò ngats'ì xi ixti-là ma, mìtsà kixì kjoa nga nguì ixti-là Nainá maà.

9 K'e nga s̄a ixtiáa, j̄nā x̄t̄a jchínga-ná xi t̄jín ì j̄t'aà nangui, k̄isikixiya-ná koa ndaa kiyaxkoán. ¿A mìtsà ìs̄a ndaa jchaxkoán Nā'èn-ná xi t̄jina ngajmì, mé-ne nga k̄atas'e-ná kjoabinachon?

10 X̄t̄a jchínga-ná ì j̄t'aà nangui tsjá-ná kjo'in nga síkixiya-ná koni s'in mejèn-là, n̄as'ín ta chiba nachrjein t̄itsajnaá. Tanga Nainá síkixiya-ná xi kjondaà tsjáján mé-ne nga tsjeè k̄itsajnaá koni jè Nainá nga tsjeè t̄jina.

11 Kixì kjoa, tsjìn kjo'in xi kjotsja tsjá, tà kjoaba tsjá nga 'on ma-là yijo-ná, tanga komà iskan-ne s'eé-ná kjoa kixì xi 'nchán t̄jín nga ndaa k̄itsajnaoáá Nainá ngats'iaá xi bìi'ndeé nga t̄imakixiyaá.

12 K'oaá ma-ne nga t̄jii-là nga'ño yijo-nò, ch̄jímì'ngaà nds̄a xi mìkì ma síkjaníyá, ko xkò ndsokò xi tsjìn-là nga'ño;

13 t̄inchátsjioò xi ndíyá kixì nga k̄atandaà-ne ndsokò xi tsá'yá kji, mé-ne nga mìkì ìs̄a ndaa k̄otsó'ño-ne.

Kì binchat'aàxìn-là kjondaà-là Nainá

14 'Nchán t̄itsajnakoo ngats'ì x̄t̄a; tsjeè t̄itsajna nga nguixkōñ Nainá. Nga nijngoo x̄t̄a skoexkon Nainá tsà mì tsjeè t̄jina.

15 Ndaà ch̄tsejèn nga nijngoo x̄t̄a kosjnat'aàxìn-là kjondaà-là Nainá, mé-ne nga mì k'oaá s'in komat'ioòn koni tsà jngoo xk̄a ij̄nā k̄is̄o xi tsja ìma-là xi síkits'ón x̄t̄a nga tsjá ch'in-là.

16 J̄nò, nijngoo xi x̄t̄a ch̄jngui kōma, kì nachrjekànguioò tsojmì xi tsjeè; kì k'oaá s'in 'nè koni k̄is'ìin Esau nga tà jngoo chroba tsojmì xi ma chine tsat̄jina-ne xi jè t̄jín-ne nga k̄ok̄o-là koni ki'ndí t̄jòn.

17 J̄nò jyeé t̄jiiin-nò, k'e nga jye komà iskan, Esau k'e nga kjòmejèn-là nga s̄ichikon-t'in nā'èn-là, kinachrjekàngui-né, mì t̄i k̄i komà kjòchikon-t'in-ne, n̄as'ín takò 'ño kiskindàya.

18 [Koni s'in komat'in x̄t̄a Israel nga k̄jìn kjoxkón kijtseè], j̄nò, mìtsà k̄os'ín ya ijchò kinchat'aà-là nindoò xi ma niko, jè nindoò ñánda t̄i ni'ín jnga, ñánda skanda mì t̄i k̄i kjòtsejèn-ne nga j̄nò choòn ko ñánda t̄i'ba t̄jò xkón.

19 Mìkì kina'yà-là j̄t̄a-là chr̄jo, t̄ikoa mìkì kina'yà-là j̄t̄a-là Nainá k'e nga k̄ichja. J̄nā xi k̄i' nchr̄e-là Nainá, tsib̄itsi'ba-ne nga majìn-là nga k̄ichja-isa,

20 koií kjoa-là nga mìkì kichikjōa-là koni s'in t̄jín kjot̄ixoma xi k̄isìnè-là nga tsò: “Jè x̄t̄a xi k̄osjina jngoo ndsokò ya j̄t'aà nindoò, n̄as'ín jngoo cho, ndaj̄oò k̄jyá-ne ko tsà majìn k̄ichjaá k̄otosik̄já yijo-là.”

21 'Ñó xkón t̄jín kjoa xi k'ya-là, skanda t̄jè-ne Moisés kitsò: “Tsakjoòn jchán-ná skanda ch̄jba-là t̄ihotsé-ná.”

²² Tanga jñò, yaá ijchò kinchat'aà-là nindoò Sión, jè naxandá-lá Nainá xi tijnakon, xi tije-ne Jerusalén xi ts'e ngajmii, ñánda kjin jmií àkjalé títsajna xi nchisítsjako Nainá nga jeya nchisikíjna,

²³ ñánda títsajnajtin ixti-lá Nainá xi tjoé-lá kjotjò xi ts'e ixtitjòn xi tjit'aà 'ín-lá xojon ts'e ngajmii. Ijchò kinchat'aà-là Nainá xi xitaxá tjna nga jè bíndaàjijn-lá ngats'ií xita. Tíkoáá ijchò kinchat'aà-là iníma-lá xita kixi xi Nainá jye kisitsjeè nga ñimé chijat'aà-lá.

²⁴ Ijchò kinchat'aà-là Jesús xi osijnajijn-ná jngoò kjoa xitse ko jè jní-lá xi kixixteèn [nga kisitsjeè-ná] xi isa ndaa chja-ná mi k'oaá-ne koni ts'e Abel [xi síjé nga sindaàjijn].

²⁵ Jñò, t'een kindá yijo-nò. Kì nachrjekànguioè jè xi tichja-ná. Jñà xita jchínga kjotseé xi tsachrjekàngui koni s'ín kinokjoa-lá i j't'aà nangui nga kinikaká-lá, mikii tsajno-lá nga kitjoé-lá kjo'in. Jñá, isaá 'ño 'ín tjin tsá kijnachrjekànguiaá Nainá k'e nga skanda ján ngajmii chja-ná nga síkaká-ná; mikii kojno-ná nga tjoé-ná kjo'in.

²⁶ Jè nachrjein jè, jta-lá Nainá, skanda jè nangui kisijtiya-lá, tanga nachrjein i'ndeí, k'oaá tsò: "Ijngoò k'a síijtiya-lá, mìtsà tà jè nangui síijtiya-lá koò ngajmii."

²⁷ Jè 'én, k'e nga tsò "ijngoò k'a síijtiya-lá", k'oaá s'ín machiya-ná nga tjáxin tsojmi xi xó kisindaá-ne, jñà xi ma oniyá-lá, mé-ne nga kítsajna-ne xi mikii ma oniyá-lá.

²⁸ It'aà ts'e Nainá tsjá-ná okixi nga ya kotixomakoáá ya i'nde ñánda mikii ma oniyá-lá. Ndaà chjí-lá Nainá jñà kjoa koi. Jeya síkíjnaá ko jchaxkoán koni s'ín sasén-lá jè.

²⁹ Nga "jè Nainá, k'oaá गया-lá koni ni'ín xi síkjesòn yije nita mé xi tjin."

13

Kjoa xi mochjeén nga s'iin jñà xita-lá Cristo

¹ Jñò, títsjacha xita xinguiò xi 'ndsè chibá xi i't'aà ts'e Cristo.

² Kì nijchàajioòn jñà xita xi bijchókon-nò ni'ya-nò, tís'in-lá nga kátasikjáya. K'oaá komát'in i'nga xita, kiskoétjò xita xi mikii beèxkon, tanga àkjalé-né.

³ Tíkítsjeèn jñà xita xi ndayá títsajna; k'oas'in t'è-lá takòn koni tsá ngàsòn kjo'in títsajnaá. Tíkítsjeèn jñà xita xi tiyatoòn koni tsá jñò xi tíkoá k'oas'in tiyatoòn-nò.

⁴ Jñò xi jye chixàn, ngàsòn jchaxkón xinguiò. Kì ch'o bitsajnakoo xinguiò. Nga jñà xi kjoachijngui s'ín, Nainá tsjá-lá kjo'in.

⁵ Kì toón 'ño matsjacha; kàtajngoò takòn koni kji tjin-nò. Nainá k'oaá tsò: "Mikii tseijn takòn-nò, ko mikii tajngoò síikíjna-nò."

⁶ K'oaá ma-ne nga ma k'oas'in kixoán:

Jè Na'èn-ná kosiko-ná,

mikii kiskoán mé kjoa xi siko-ná xita.

⁷ Tíkítsjeèn jñà xita xi chinha itjòn nga tsakóya-nò 'én-lá Nainá; tíkítsjeèn kó s'ín kisijchá yijo-lá xita koi ko k'oaá s'ín chjngui-lá koni s'ín kòkjeín-lá.

⁸ Jesucristo mikii fatjlya, tije-ne ngojña, tije-ne nachrjein i'ndeí, ko tije-ne nita mé nachrjein-ne.

⁹ Kì kii nís'in-lá kjohítsjeèn xi kjeíj tsò ko xi mikii yaxkon-lá nga xin ndiyá fiko-ná. Isaá ndaa tjin nga jè iníma-ná s'e-lá nga'ño i't'aà ts'e kjondaá-lá Nainá

mì k'oaá-ne koni ts'e tsojmì xi ma chine; nga jñà tsojmì xi ma chine, nímé nga'ño kitsjaà-la jñà xi k'oa tjin kjoa kisis'in-la.

¹⁰ Jñá, tjin jngoò-ná i'nde tsjeè [ñánda kitsjaà kjojtò yijo-la Cristo nga k'en], tanga jñà nò'mù xi tákó ya síxá it'aà ts'e kjoa jhínga ya Ni'ya xi níkje, mìkì tji'nde-la nga tjoé-la kjondaà nga ya kòkjen.

¹¹ Nga jè yijo-la cho xi sík'en jñà nò'mù, [mìkì tji'nde-la nga tjoé-la nga skine]; ta jè jni-la cho fiko jè nò'mù ítòn ya i'nde tsjeè-la Nainá xi kjoa ts'e jé. Tanga jè yijo-la cho, it'aà xin i'nde fiko nga ti.

¹² K'oaá tis'in komàt'in Jesús, it'aà xin-la naxandá kisikjeiín kjo'in, mé-ne nga kisitsjeè-ne naxandá it'aà ts'e xi ngui jni ts'e.

¹³ K'oaá ma-ne jñá, kitjokàjñáá naxandá. Jè kjitjngui-lá Jesús nga sikjiaán-koaá kjo'in xi jè kisikjeiín.

¹⁴ Nga j it'aà nangui tsjin-ná naxandá xi ngui jngoò k'a tjna nita kjé-ne; jè titsachiñá-lá naxandá xi iskan kòtsejèn.

¹⁵ Koi kjoa-la mochjeén-né nga kjit'aà naxhrjein jeya sikjinaá Nainá it'aà ts'e Jesucristo koni jngoò kjojtò xi 'bi-lá Nainá, 'én xi ngui tso'baá bitjo-ne nga benojmiá yá-né jé.

¹⁶ Kì njchàajioòn nga ndaà t'een, tjiì itsé-là xinguiqo mé xi tjin-nò; k'oaá tjin kjojtò xi sasén-la Nainá.

¹⁷ Tikitason-lá jñà xita xi jncha ítòn-nò, tina'yañijon-là. Nga jñà síkida-nò nga mì jchija inima-nò koi kjoa-la nga tjinè-la nga tsjá-la kindá Nainá. Tikitason-lá koni s'in kitso-nò mé-ne nga ngui kò kjotsja-la siixá-ne nga mì ba s'e-la; tsà ba s'e-la, nímé kjondaà s'e-nò.

¹⁸ Tijét'aà-lá Nainá it'aà tsajen, nga k'oaá s'in tijnogoò takòn-jen nga ndaà tjin kjohitsjeèn-najen, mejèn-najen nga ndaà s'en-jen nita mé kjoa-ne.

¹⁹ Isáá ndaà síjé-nò nga tijét'aà-lá Nainá xi it'aà ts'an, mé-ne nga kàtatsjá'nde-na nga niton kjikon-nò.

'Én xi fehet'aà-ne

²⁰ Jè Nainá xi tsjá kjoa'nchán xi kisikjaáya-la it'aà ts'e kjoa biyaá Na'èn-ná Jesucristo, xi paxtó ítòn-la ts'e orrè, jè xi kò jni-la tsibi'ño-ne jngoò kjoa xitse xi mìkì kjoehet'aà nita kjé-ne,

²¹ kàtasikixiyandaà-nò ngats'iì kjoa xi ndaà tjin, mé-ne nga kàtitanon-ne koni s'in mejèn-la Nainá; it'aà ts'e Jesucristo, k'oas'in kàtasiko-ná koni s'in sasén-la Nainá. Jjeya kàtjna Cristo nita mé naxhrjein-ne! K'oaá s'in kàtama.

²² Bitsi'bà-nò ndí 'ndseé, ndaà chojétò 'én xi tikjiì-nò koni s'in tibinè-nò nga ta chiba 'én tikjiì-nò.

²³ Kàtasijin-nò jè 'ndseé Timoteo jye tijnandeij-ne xi kjoa ts'e kjo'in; tsà kjoij niton, kjiko-ná k'e nga kjián katsejèn-nò.

²⁴ Tijixat'aà yije jñà xita xi jncha ítòn-nò kò ngats'iì xita-la Cristo. Jñà xi Italia ts'e nchisihixat'aà-nò.

²⁵ Ngats'ioò, jè kàtijnako-nò kjondaà-la Nainá.

Xojoŋ carta xi kiskiì Santiago

Kó tsò Santiago nga síhixat'aà xítà

¹ 'An, Santiago, xi chí'nda-la Nainá ma, kò ts'e Na'èn-ná Jesucristo, tisihihixat'aà-nò, jñò, xi ya inchrobàt'aà-nò xi tejo tje-la naṣandá Israel xi xkì xi ján nangui titsajnaà nga tíjtsa isò'nde.

Nga'ño xi sakò-ná k'e nga mé kjoa xi otojñaá

² Jñò, xi 'ndsè chibá it'aà ts'e Cristo, ngui tsja t'è-là inima-nò k'e nga nítà mé kjoa xi komat'ioòn.

³ 'Ya-nò k'e nga tsà mé kjoa xi komat'ioòn nga chí't'aà-nò koni s'ín mokjeiín-nò, jña kjoa xi kotojñoò, yaá sakò-nò nga'ño nga kichikjoako-nò nítà mé kjoa xi kotojñoò.

⁴ K'oáá ma-ne jè nga'ño xi sakò-nò, ndaà kátasíxajìin inima-nò mé-ne nga ndaà kojchínga-ne kò tíjngòò-ne kjohítsjeèn-la inima-nò nga nímé síchijat'aà-la.

⁵ Tsà tíjín i'nga xítà xi chijat'aà-la kjohítsjeèn, tíjé't'aà-là Nainá; jè tsjá-nò. Nga jè Nainá ngui koò inima-la nga tsjá kò mìtsà ch'o tsò-la xítà k'e nga síjé.

⁶ Tanga ngui ndaà kàtakjeiín-nò k'e nga síjé. Kì jò 'beé-là takòn. Jè xítà xi jò 'beé-la ikon, k'oáá s'ín ngaya-la koni ndáchikon k'e nga 'ba tjo, fíjen fíkjáko.

⁷ Jè xítà xi jò 'beé-la ikon, kì k'oáá s'ín síkítsjeèn nga tíjín xi tjoé-la it'aà ts'e Na'èn-ná,

⁸ nga mikì tíjngòò ikon. Nachrjein i'ndeí k'ejí s'ín tísíkítsjeèn, nchijòn-lè tíkooá k'ejí kjohítsjeèn tíjín-la. Mìtsà ngui jngoo ndiyá kjoé.

⁹ Jña xítà xi 'ndsè chibá it'aà ts'e Cristo xi ima titsajna, tsja kátas'e-la nga 'nga titsajna nga nguixkòn Nainá.

¹⁰ Tanga jña xítà nchíná, tsja kátas'e-la nga nangui kítsajna ya nguixkòn Nainá, nga jè xítà nchíná, k'oáá s'ín komat'in koni jngoo naxó xi mikì fíchrjein-la.

¹¹ K'e nga 'ño matsjè ndobá, jña ijña, xì-né, ikjoàn bixòjen jè naxò-la; chija isén-la nga ndaà kjoàn. K'oáá tìs'ín komat'in jña xítà nchíná, k'e nga 'ño nchisíxáko xá xi tíjín-la, ta nítòón kiyá.

¹² Mé ta ndaà-la jè xítà xi chikjoako-la k'e nga chí't'aà, mé-ne k'e nga jye síkijne, tjoé-la kjoabinachon koni s'ín kitsjaà-la 'én Nainá, ngats'ii xítà xi jè matsjakeé. Tjoé-la kjoabinachon k'oáá ngaya-la koni jngoo corona si'a sko xítà xi síkijne k'e nga sáká.

¹³ Jñò, k'e nga chí't'aà-nò nga mejèn-nò nga ch'o s'een, kì k'oáá s'ín níkítsjeèn nga jè Nainá tíkot'aà-nò. Nga jè Nainá mì yá xi koma-la skót'aà nga ch'o kátas'ín Nainá. Tíkooá jè Nainá mì kì kot'aà xítà nga ch'o kátas'ín.

¹⁴ Jngoo xítà, k'e nga chí't'aà, tíjña-ne kjoa ch'o-la xi matsjakeé bínga nga tsobà'ño.

¹⁵ Kò jè kjoa ch'o xi matsjakeé, k'e nga jye bitasòn, yaá sakó jé. K'e nga jye bitasòn kjoa ts'e jé, ikjoàn f'ì kjoa biyaa.

¹⁶ Jñò ndí 'ndsè xi matsjake-nò, kì yijo-nò chonachan-là.

¹⁷ Ngats'ii kjondaá kò kjotjò xi tjoé-ná, it'aà ts'e Nainá xi tíjna ngajmì nchrobá-ne, jè xi tsibíndaá ngats'ii tsojmì xi 'ya-la ngajmì, jña xi síhiseèn.

Nainá, mî k'oaá s'ín fatjìya-là koni ma jñá tsojmî xi síhiseèn ngajmîi nga fatjìya-là koni ma 'nguién.

¹⁸ Nainá, k'oaá s'ín kjòmejëñ-là nga kiskítsajnakon xítse ìjngoo k'a-ná xi kjoa ts'e 'én kixì-là, mé-ne nga jñá s'ingatsjaá yijo-ná Nainá koni tsojmî xi majchá ítjòn xi jè tsibindaà.

Mochjëéñ-né nga sikitasoán k'e nga jye na'yá 'én-là Nainá

¹⁹ Jñò, ndí 'ndsè xi matsjake-nò, tíkítsjëèñ ngats'ioò, ìsa ndaà titsajnaandaà nga k'íná'ya-là xítà xinguiáá xi kj'eíí, chiba chiba t'ínókjoaa, kò k'ì taxkì majti-nò.

²⁰ Jngoo xítà xi jti takòn, mìkìl kixì síkitasòn koni s'ín mejèn-là Nainá.

²¹ Chjaàxìn-là yijo-nò ngats'ì kjoa t'jé kò kjoa ch'o xi xkì xi ján t'jín, mé-ne nga indaàjìin chjoé-nò jñá 'én ndaà-là Nainá xi jye kina'yà, jñá 'én koi xi koma kochrjekàjìin-nò kjo'in.

²² Tíkítasòn koni tsò 'én-là Nainá. Kì tà na'yà-jèn. Tsà mìkìl sikitason, tì yijo-nò titsachonachan-là.

²³ Nítà yá xítà-ne xi 'nchré 'én-là Nainá, tsà mìkìl sikitason, k'oaá ngaya-là koni jngoo xítà xi ch'ítsín tíkotsejëñ-ya.

²⁴ K'e nga jye beè isén-là kó kji, ìkjoàn fì, yaá jchàajìin-là kó kji isén-là.

²⁵ Tanga jè xi ngui ndaà kotsejëñ-là kjotixoma kixì xi sík'jñandeíí-ná, nga koií 'én sík'itsjëèñ kjit'aà koni tsò kjotixoma, kò mìkìl síjchàajìin 'én xi 'nchré nga ndaà síkitasòn, xítà jè, yaá sakó-là kjoa machikon-t'ín k'e nga k'oas'ín tís'ín.

²⁶ Tsà jngoo xítà xi tsò: “Beèxkón-ná Nainá”, kò tsà mìkìl bíchjoà-là n'jjen-là nga chja ngats'ìi 'én xi ch'o tsò, yijo-laá tíkonachan-là; n'ímé ch'jì-là nga tsò: “Beèxkón-ná Nainá.”

²⁷ K'e nga ngui kixì kjoa nga Nainá xi Na'èñ-ná yaxkoán, koni s'ín mejèn-là, jé-né nga síchját'aà-lá xi íxti jchan, kò íchjín ka'àn xi jye k'en x'ín-là, jñá xi kjo'in t'jín-là, t'ikoa mì k'ì nde-lá yijo-ná nga kjoa ch'o jch'ìnjñáá xi t'jín isò'nde.

2

Mi kii mochjëéñ nga chjaajñáá xítà xinguiáá nga ndaà s'is'in-lá

¹ Jñò, ndí 'ndsè, koni s'ín mokjeíin-nò ít'aà ts'e Na'èñ-ná Jesucristo xi jeya t'jina, k'ì chjaajñòò xítà xinguiòo.

²⁻³ Tsà jngoo xítà k'ijchò ya ì'nde ñánda bixoña, xi tangò oro tíkjá najno tsja, t'ikoa 'ñó ndaà kjoàn nikje ch'jì xi k'ikjá. Jñò, tsà 'ñó ndaà s'is'in-là, k'oín-la: “T'jini ìjndé ñánda ndaà choòn.” Tsà t'ikoa k'ijchò jngoo xítà ìma xi kixajndájno kixajndàt'aà nikje-là, tsà k'oín-la: “Taxkì t'isijni ya, kò tsà majin, taxkì t'ijnat'eii ya nangui.”

⁴ Jñò, k'e nga kos'ín s'èen, xinguiòo titsanachrjekànguiò nga chjaajñòò xítà xinguiòo koni s'ín xítaxá xi ch'o t'jín kjoh'ítsjëèñ-là.

⁵ Jñò ndí 'ndsè xi 'ñó matsjake-nò, t'íná'ya: Nainá xó k'oaá s'ín jaajìin-ne jñá xi xítà ìma xi t'jín ì isò'nde, mé-ne nga jñá k'ítsajna ítjòn-ne koni s'ín mokjeíin-là t'ikoa t'joé kjotjò-là ngats'ì kjondaà xi Nainá tsjá-là jñá xítà xi jè otixoma-là nga jye k'oas'ín kitsjaá 'én-là nga tsjá-là xítà xi matsjakeé.

⁶ Tanga jñò, ta saá nachrjekànguiòò jñá xítà ìma. ¿A mìtsà jñá xítà nch'íná xi jñò beètoòn-nò nga fikò-nò nguixkòn xítaxá nga óngui-nò?

⁷ ¿A mìtsà jñá xítà nch'íná xi chjajno-là ít'aà ts'e 'ín-là Cristo, xi jè otixoma-nò?

⁸ Jñò, ndaa 'nè-nò tsà kixi kjoa nga nìkitasòn jè kjotíxoma-là Cristo xi otíxoma koni s'ín tichja Xojon-là Nainá nga tsò: “Tìtsjachi xita xinguii xi i'nga koni tsà tì yijo tsjji-ne.”

⁹ Tanga tsà chjaajñòò xita xinguiio, tjin xi ndaa nis'in-laà kò tjin xi mikii ndaa nis'in-laà, jè binchaatsji-la yijo-nò, nga nìkatonè-là kjotíxoma; tije-ne kjotíxoma tìbinè-nò jè.

¹⁰ Nga tsà jngòò xita xi ndaa sikitason yije kjotíxoma tanga tsà tà jngòò kjoa sikonè-là, jye kisakò jè yije-là it'aà ts'e kjotíxoma-là Nainá.

¹¹ Nga k'oaá tsò Nainá: “Kì kjoa chijngui 'nè.” Tanga tikoáá tjit'aà ñanda tsò: “Kì xita nik'eèn.” Jñò, tsà mì kjoa chijngui 'nè, tanga tsà xita nik'eèn, jye kisakò jè-nò it'aà ts'e kjotíxoma.

¹² Jñò, k'oaá s'ín tinókjoa kò k'oaá s'ín t'een koni xita xi Nainá kiiindaajin-la tsà k'oaá s'ín tibatason-la koni tsò kjotíxoma xi sikitsajnadeji xita.

¹³ Jñà xita xi tsjin-la kjohimatakòn it'aà ts'e xita xi k'ejí, tikoáá mikii s'e-la kjohimatakòn k'e nga sinè-là kjo'in. Tanga jñà xi tjin-la kjohimatakòn, mì kjo'in sinè-là k'e nga sindaajin-la.

Kjondaà xi 'né k'e nga mokjeiin-ná

¹⁴ Ndí 'ndsè, nímé chji-là tsà jngòò xita xi tsò: “'An, mokjeiin-na it'aà ts'e Nainá”, tsà mikii tí'ya-là kjondaà-là. Xita jè, xi ta jè kjoa mokjeiin-là, mikii koma kitjokajin kjo'in.

¹⁵ Tsà jngòò 'ndsé kò tsà jngòò tichjaá xi tsjin-la nikje xi óká kò tsà tsjin-la tsojmi xi kine;

¹⁶ jñò, tsà k'o'in-laà: “T'in-là ndaa-ne, ndaa chikjeí nikje-lè, ndaa chinji tsojmi xi mejèn-lè.” Kò tsà mikii sichját'aà-là mé xi mochjeén-la, nímé chji-là.

¹⁷ K'oaá tís'in ma kjoa xi mokjeiin-ná, tsà mikii tí'ya-là kjondaà-ná, nímé chji-là kjoa xi mokjeiin-ná.

¹⁸ Tjin i'nga xita xi kjonangui, tsò: “¿A mokjeiin-lè it'aà ts'e Cristo?” 'An, xan-la: “Tí'yaá-là kjondaà-na. ¿A komaá kókó-ná nga mokjeiin-lè it'aà ts'e Cristo tsà nímé kjondaà tìni? Tanga 'an tís'iin-ná kjondaà, k'oaá ma-ne kookò-lè nga kixi kjoa nga mokjeiin-na.”

¹⁹ Ngaji ndaa tjin nga mokjeiin-lè nga jngòò ma Nainá. Tanga tikoáá jñà inima ch'o-là neji mokjeiin-là nga tjin Nainá, skanda otsé-né nga tsakjón-la.

²⁰ Jñò, xita xi tsjin-nò kjohitsjeèn, ¿a mì flya-nò nga nímé chji-là kjoa xi mokjeiin-nò tsà mikii tí'ya-là kjondaà-nò?

²¹ Na'en jchán kjin-ná Abraham, ¿mé-ne xita kixi kitsò-là Nainá? Koii kjoa-là nga ndaa kisikitasòn koni s'ín kitsò-là k'e nga kitsjaá kjotjò Isaac xi kí'ndí-là ma nga tjin-ne nga sjiik'en.

²² ¿A mì 'ya-jèn nga jè Abraham koni s'ín nga kòkjeiin-la, k'oaá tís'in kisikitasòn? Koni s'ín kisikitasòn, yaá kjòjngòò kjoa mokjeiin-là nga nímé kisichját'aà-là.

²³ K'oaá s'ín tsitasòn koni s'ín tichja Xojon-là Nainá nga tsò: “Abraham kòkjeiin-là it'aà ts'e Nainá; k'oaá s'ín komà-ne nga Nainá kiskoétjò nga xita kixi kitsò-là.” Amigo-là Nainá kí'mì Abraham.

²⁴ Yaá 'yaá, nga Nainá kjoétjò xita kjoa ts'e kjondaà xi sikitason, mìtsà tà koi kjoa-là nga mokjeiin-la.

²⁵ K'oaá tís'in tjin ts'e chjoón chijngui xi 'mì Rahab; Nainá kiskoétjò nga xita kixi kitsò-là koii kjoa-là kjondaà xi kis'iin nga kitsjaá'nde-là jñà xita xi ijchò katsejèn-'ma, ikjoàn kisichját'aà-là nga xin ndiyá kisikasén-ne xita koi.

26 K'oā t̄is'ín t̄jín jè yijo-ná, n̄imé ch̄jì-lá, t̄jina k'en-né tsà ts̄jìn in̄jima-ná. K'oā t̄is'ín ma kjoā xi mokjeīn-ná, tsà mìkìl t̄i'ya-lá k̄jondaà-ná, n̄imé ch̄jì-lá.

3

Kjoā ts'e n̄ijen-ná nga nokjoá

1 J̄ñò ndí 'ndsè, ìt'aà tsajòn, k̄l k̄jìn ma-ne xi maestro ma. Jyeé 'ya nga ngajen xi okoóya-jen, tsà mé kjoā xi ch'o 'nè-jen, isaá tse kjo'in sinè-najen.

2 Ngats'ì-ná, k̄jìn skaya kjoach'o xi 'né, tanga jngoò x̄ita xi mì ch'o tsò 'én xi ch̄ja, jè-né xi nguì x̄ita kixì, xi komà-lá k̄otixoma yije-lá yijo-lá.

3 K'oā ngaya-lá koni kohòyo xi si'a freno tso'ba mé-ne nga s̄ikitasòn-ne koni s'ín mejèn-ná nga kjoì, k'oā s'ín ma'nchré yije yijo-lá.

4 K'oā t̄is'ín t̄jín koni s'ín s̄ixá j̄ñà chitso, nas'ín tákò i'í kjoàn, k̄o nas'ín tákò 'ñó 'ba t̄jo xi f̄ahitjen, jè x̄ita xi s̄ixáko nas'ín jto bá k̄ji yá xi 'mì timón xi s̄ixáko, maá f̄ahitjen nga fikò n̄ita kós'ín mejèn-lá nga k̄jiko.

5 K'oā t̄is'ín ma xi kjoā ts'e n̄ijen-ná. Tà yijo jto bá k̄ji, tanga 'ñó 'nga ch̄ja n̄ita mé kjoa-ne. K'oā ngaya-lá koni jngoò ni'ín xi ìtsé k̄ji, k̄omaá k̄okángui j̄jñá nas'ín tákò tse ma.

6 N̄ijen-ná k'oā ngaya-lá koni jngoò ni'ín, yaá t̄jì'a yije ngats'ì 'én ch'o xi t̄jín isò'nde xi ma-lá s̄ikits'ón yije yijo-ná. Jè ni'ín xi t̄jín ya ì'nde ts'e k̄jo'in ñánda 'mì infierno, jè bí't'a'í-lá n̄ijen-ná nga ch̄ja 'én xi ch'o tsò xi k̄oma-lá k̄okà-ná koni t̄jín n̄achr̄jein k̄itsajnakoaán.

7 Ngats'ì ch̄o xi t̄jín ì isò'nde ma ma'nchré, koni j̄ñà ch̄o xi t̄jín j̄jìn j̄jñá, k̄o xi t̄jímaj̄jìn isén, k̄o j̄ñà ch̄o xi nangui bifejno yijo-lá k̄o j̄ñà xi t̄jín j̄jìn ndáchikon, j̄ñà x̄ita ma-lá s̄i'nchré.

8 Tanga n̄jngoò x̄ita xi ma-lá s̄i'nchré n̄ijen-lá. Nga jè n̄ijen-ná jngoò kjoā ch'o t̄jín-lá xi mìkìl ts̄já'nde nga ma'nchré. Yaá t̄jì'a koni xán kjan-lá yè xi ma-lá s̄ik'en-ná.

9 T̄jè-ne n̄ijen-ná jeya s̄ik̄jina Nainá xi Na'èn-ná, k̄o t̄jè-ne nokjoà'on-koaá x̄ita xi k̄os'ín kisindaà koni k̄ji Nainá.

10 T̄jè-ne ndsobaá bitjo-ne 'én xi jeya s̄ik̄jina Nainá k̄o t̄jè bitjo-ne xi nokjoà'on-koaá x̄ita. Ndí 'ndsè, mìkìl ndaà t̄jín kjoā koi.

11 Jngoò ngajo ñánda t̄bitjo nandá, mìkìl k̄oma k̄itjo nandá jnchra koá k̄itjo nandá ndaà.

12 J̄ñà yá toò iko, ¿a k̄omaá koja-lá toò xi 'mì aceituna? Jè yá uva, ¿a k̄omaá koja-lá toò iko? J̄ñò ndí 'ndsè k'oā t̄is'ín t̄jín kjoā ts'e nandá, jngoò ngajo mìkìl k̄oma k̄itjo nandá jnchra k̄o k̄itjo nandá ndaà.

Kós'ín t̄jín kjoach̄jine xi nchrobá-ne ján ngajmù

13 J̄ñà x̄ita xinguiòo, tsà t̄jín i'nga xi t̄jín-lá kjoā ch̄jine k̄o xi ndaà fiya-lá, k̄atakò kjoach̄jine-lá nga indaà ikon t̄is̄jchá yijo-lá.

14 J̄ñò, tsà bìl'nde-laà yijo-nò nga kjoax̄itakòn s̄j̄jìn in̄jima-nò nga mejèn-nò nga j̄ñò k̄itsajna it̄jòn-lá xinguiòo, k̄i k'oā s'ín nokjoà nga ndaà t̄itsa'nè; k̄i 'én ndiso nokjoà nga kondrā onguí-lá kjoā kixì-lá Nainá.

15 Kjoā ch̄jine jè, mìtsà ìt'aà ts'e Nainá nchrobá-ne. Kjoā ch̄jine ts'e isò'nde-né. K̄joh̄ts̄jeèn ts'e x̄ita-né, k̄o t̄jì ts'eé-ne x̄ita neí.

16 K'e nga maxitakòn-chaá xinguiáá k̄o nga mejèn-ná nga j̄ñà k̄itsajna it̄jòn-laà, yaá sakó-ná kjoas̄i, ngats'ì kjoā ch'o xi t̄jín isò'nde.

17 Tanga jñà x̄ita xi t̄jín-là kjoa ch̄jine xi it'aà ts'e Nainá nchrobá-ne, tsjeè síchá yijo-là, kjoa'nchán ótsji, t̄jín-là kjondaà, x̄ita 'nchré-né, t̄jín-là kjohimatakòn, ndaà t̄jín xá xi s'ín, mì jò fi-ne, kò 'én kix̄í ch̄ja.

18 Jè x̄ita xi mejèn-là nga s'e kjoa'nchán, 'nchán bijnako x̄ita xi i'nga mé-ne nga ma iskan sakó-là kjondaà xi kix̄i t̄jín.

4

Jè xi matsjakeè kjoa ts'e isò'nde, kondra ts'ée Nainá

1 ¿Nánda nchrobá-ne kjoachán nga bixkàn-koo xinguioo? Yáa nchrobá-ne kjoach'o xi kjit'aà nachrjein síjé iníma-nò nga bixkàn-koo kjohitsjeèn ch'o-nò.

2 Mejèn-nò tsojmi xi tsjìn-nò tanga mikii sakó-nò, k'oaá ma-ne nga nik'eèn x̄ita koa maxitakòn-chaà x̄ita, tanga mikii sakó-nò tsojmi xi mejèn-nò. K'oaá ma-ne nga sakó-nò kjoachán nga bixkàn-koo xinguioo. Mikii sakó-nò tsojmi xi mejèn-nò koií kjoa-là nga mikii nijé-là Nainá.

3 K'e nga nijé-laà Nainá, mikii tsjá-nò nga mikii ndaà nijé-laà. Nga jè xi mejèn-nò nga ya síchjeèn it'aà ts'e kjotsja xi ch'o síjé yijo-nò.

4 Jñò xi mìtsà x̄ita kix̄i 'mì-nò, ¿a mìtsà 'ya nga jè xi matsjakeè kjoa ts'e isò'nde, kondra ts'ée Nainá? Nita yá-ne xi mejèn-là kotsjakeè kjoa ts'e isò'nde, kondra-là Nainá ma.

5 Koií k'oa tsò-ne Xojon-là Nainá nga tsò: “Jè Iníma Tsjeè xi Nainá kitsjaà-ná, skanda machini-né nga 'ñó matsjakeè-ná.”

6 Tanga Nainá, nga kò kjondaà-là ndaà síchjít'aà-ná. K'oaá tsò Xojon-là nga tsò: “Nainá kondraá t̄jina-là jñà x̄ita xi 'nga ikon, tanga kò kjondaà-là ndaà síko jñà xi x̄ita ima kjoa.”

7 Tjii'nde nga Nainá kàtatixoma-nò, kò 'ñó tájaajin t̄sajna-laà x̄ita neji mé-ne nga kòsít'aàxin-nò.

8 Tichrañat'aà-laà Nainá mé-ne jè Nainá síchrañat'aà-nò. Jñò xi jé binchaatsjioò, kì t̄jì jé binchaatsji-nò, t̄tsjeè ndsaa. T̄tsjeeya kjohitsjeèn-là iníma-nò, jñò xi jò kjohitsjeèn t̄jín-nò nga okji matsjacha Nainá kò okji matsjacha isò'nde.

9 T̄ikájnoò jé-nò, ba t̄tsajna kò chihindáyaà. Jè kjoa bijnò-nò, kjoa ts'e ndáxkoòn kátama. Kò jè kjotsja-nò, kjoaba kátama.

10 Nangui t̄tsajna-là Nainá mé-ne jè Nainá 'nga síkítsajna-nò.

11 Ndí 'ndsè, kì nokjoajno-là xinguioo. Jè xi chjajno-là 'ndse nga tsò: “Mikii ndaà t̄s'ín”, jè kjotixoma t̄chjajno-là nga tsò nga mikii ndaà t̄jín kjotixoma. Kò tsà k'oaá s'ín si nga mikii ndaà t̄jín kjotixoma, mikii t̄nikitasoìn koni tsò kjotixoma. K'oaá ngaya-là koni tsà x̄itaxá t̄jini nga jì t̄bindaajin-là.

12 Tà jngoò ma-ne xi tsjá kjotixoma, t̄jé-ne xi x̄itaxá t̄jina nga bindaajin-là x̄ita. Kò t̄jé-ne xi ma-là kochrjekajin-ná kjo'in, t̄kōa t̄jé-ne xi ma-là tsjá-ná kjo'in. ¿Yá-ne ngaji nga jé biné-laà xinguioo?

X̄ita xi ch̄ja 'én nga ikon

13 Jñò, ndaà t̄iná'yaà koni xán-nò. Jñò bixón-nò: “Nachrjein i'ndeji, o nchijòn-lè, xin naxandá kjaáan, jngoò nó k̄tsajnaá nga síxá mé-ne tse t̄on síkijneé.”

14 Tanga jñò, mikii t̄jijn-nò mé xi komat'ioòn nchijòn-lè nga t̄tsajnakon. Jñò, k'oaá s'ín ngaya-là koni ifi. Jngoò t̄jò fahaya, ikjoàn n̄t̄oón f̄ya-ne.

15 Jñò, kii s'ín t̄jínókjoaa: “Tsà Nainá mejèn-là nga síkítsajnakon-ná, komaá s'eèn xá koi, o s'eèn xá xi k'ejí.”

¹⁶ Tanga jñò, 'ñó nga 'én nokjoà nàs 'ín mìkìl tjiìn-nò mé xi koma nga tifi-isa nachrjein. Ngats'i 'én nga xi nokjoà, jé-né.

¹⁷ Jè xi tjiìn-la kjoà xi ndaà tjin kò mìkìl sikitason, jé tihótsji-la yijo-la.

5

Kjo'in xi siikjein xita nchiná

¹ Jñò xi xita nchiná 'mì-nò, tina'yaà 'én xi xán-nò. Chihindáyaà ba ba it'aà ts'e kjo'in xi sikjioón.

² Kjoà nchiná-nò, nímé chji-la, tíbi'ndo-né. Nikje xi kichikjá, jye nchisíkje cho kixo.

³ Ton oro-nò kò ton plata-nò jyeé tímachi. Jè nachrjein k'e nga sindaàjìn, jñà chì-la kochjein xi kondra tsajòn. Koo 'n'ín kòkà yije yijo-nò. Nga jñò, titsabincháxkò ton nàs 'ín jye tífehèt'aà nachrjein.

⁴ Jñà xita chì'nda xi kisixá nangui-nò, nchikjindáya nga ótsjiya chji-la nga jñò kichonachàn-là. Nainá xi ts'e yije nga'ñó xi tjin, jyeé kùl'nchré-la koni s'ín nchikjindáya.

⁵ Jñò, nga i titsajnaà it'aà nangui, ndaà titsajnaà nga nímé chija-nò, 'bì-la kjotsja yijo-nò. Titsanisiín-là inima-nò nga 'bì-là kjotsja xi síjé k'oaá ngaya-la koni cho xi mìkìl tjiìn-la tsà yje ijchò nachrjein-la nga kiyá.

⁶ Jñò, tsohonè-là jé kò kinik'eèn jñà xi xita kixi xi mì jé tjin-la. Jñà xita koi, mì kì komà tsasikò yijo-la.

Mé kjoa xi s'eén nga titsachiñá-lá nga kjoii ijngoo k'a Cristo

⁷ Jñò ndí 'ndsè, kichikjoaà kóni skanda k'e nga kjoii ijngoo k'a Na'èn-ná. K'oa's'ín chíña koni s'ín xita xi síxáko nangui nga koñakjoa-la jé jtsi xi 'ba ítjòn kò xi iskan 'ba nga síxáko jñà tsojmì tje mé-ne nga koma kojixkó-ne tsojmì tje-la xi majchá nga 'ñó chji-la.

⁸ Jñò, k'oaá tis'ín chíñakjoaà, 'ñó t'è-là takòn nga jyeé nchrobá machrañà nga kjoii ijngoo k'a Na'èn-ná.

⁹ Ndí 'ndsè, kì xkì xi ján tsajét'aà-là xinguioo, mé-ne nga mì kjo'in sinè-nò. Nga jé Na'èn-ná jyeé tijnandaà nga kjoii mé-ne koìndaàjìn-la xita.

¹⁰ Ndí 'ndsè, jñò, k'oaá s'ín t'een koni s'ín kis'iin jñà xita xi kùichja ngajo-la Nainá nga kichikjoaò-la nga kisikjein kjo'in koi kjoa-la nga 'én-la Nainá kùichjaya.

¹¹ K'oaá s'ín 'ya-la nga jñà xita xi chikjoaò-la kjo'in, s'eé-la kjondaà. Jyeé tjiìn-nò nga jé Job k'oaá tis'ín kichikjoaò-la kjo'in. Kò jyeé 'yaà mé xi kitsjaà-la Na'èn-ná k'e nga jyehet'aà-ne kjoa. Na'èn-ná 'ñó ndaà xita, tjin-la kjohimatakòn.

¹² Jñò ndí 'ndsè, k'e nga 'bioò 'én-nò, kì yá xi nikítsajna ítjòn. Kì jé ngajmì kò nangui, o xi k'ejjì tsojmì nikjeén. Tà k'oaá s'ín tixón: "Jon", o xi "Majìn", mé-ne nga mì kjo'in sinè-nò tsà mìkìl kitasòn.

Kjoa bitsi'ba

¹³ Tsà tjin i'nga xita xinguioo xi ba tjin-la, kàtitsi'ba-la Nainá. Tsà tjin i'nga xi tsja tjin-la, kàtaseè-la Nainá nga jeya kàtasíkjna.

¹⁴ Tsà tjin i'nga xita xinguioo xi xk'én, kàtakinjkaá xita jchínga xi tjin-la xá ya jjiin naxandá-la Cristo mé-ne nga katitsi'batji-ne kò it'aà ts'e nga'ñó-la Na'èn-ná kàtasíkajno-la asiti.

¹⁵ K'e nga bitsi'batjiò xita, tsà ndaà mokjeiín-nò, jé xita xi xk'én kondaà-ne. Jé Na'èn-ná sjindaà-ne nga koma kositjen-ne. Tsà jé tjin-la jchat'aà-la jé-la.

¹⁶ Chj̄ahatakòn-là x̄it̄a xinguīo jé-nò. Tj̄kōa titsi'batjiò xinguīo mé-ne nga kondaà-nò. K'è nga jngoò x̄it̄a kixi bítisi'ba, tjín-là nga'ñó nga k̄itasòn.

¹⁷ Jè x̄it̄a xi kiichj̄a ngajo-là Nainá xi ki'mì Elías, k'oaá tis'in x̄it̄a koni jñá. 'Ñó kisijét'aà-là Nainá nga mì t̄i jtsí k'ōa-ne; k̄o ján nó osen mì t̄i k̄i ts'a-ne jtsí.

¹⁸ Ijngoò k'a tsibítisi'ba-là Nainá nga kàt'a jtsí. Ts'aá ijngoò k'a-ne jtsí k̄o jè nangui kòjchá tsojmì tjè.

¹⁹ Ndí 'ndsè, tsà tjín i'nga xinguīo xi chinchat'aàxìn-là xi kjoa kixi, koa tsà jngoò x̄it̄a kichj̄a-là nga kàtjanchrobát'aà ijngoò k'a-là Nainá,

²⁰ jè x̄it̄a xi kichj̄a-là nga k̄ēnojmi-là nga ch'o tjín ndiyá xi tsó'baya, k'oas'in k̄atasijiin-nò nga jngoò x̄it̄a tíhochrjekàjiin kjo'in xi ts'e kjoabiyaà. 'Ñó kjìn jè jchat'aà-là.

Xojon carta xi kiskiù ítjòn San Pedro

Kó tsò Pedro nga síhixat'aà xítq

¹ An xi 'mì-nà Pedro, nga 'an tsibíxáya-na Jesucristo, síhixat'aà-nò ngats'ioò xi xó jaàjìin-nò Nainá nga mì tì nanguì-nò titsajna-nò nga xkì xi ján naxandá kitsjohoya ya nanguì Ponto, Galacia, Capadocia, Asia kò Bitinia;

² jñò xi xó kitjaàjìin-nò, koni s'ín jye tjíndaà-là xi kjohítsjeèn-là Nainá xi Nà'èn-ná má, nga jè Iníma Tsjeè-là k'oaá s'ín kisikò-nò nga ngui xítq-là Nainá ma, mé-ne nga síkitasòn-là Jesucristo kò mé-ne ma xíxteèn-jno-nò jní-là nga matsjeèya iníma-nò kjoa ts'e jé-nò. Tseé kjondaà kò kjoa'nchán kàtas'e-la iníma-nò.

Kjotjò xi chíñàkjoa-lá xi tijnatjò-là Nainá ján ngajmù

³ Jeya kàtìjna Nainá xi Nà'èn-là Jesucristo xi otíxoma-ná. 'Nó tse kjoahimatakòn tjin-là: koni s'ín jaáya-là Jesucristo kjoa ts'e kjoabiyaá, k'oaá kisikò-ná Nainá nga kits'in xítse ìjngoo k'aá mé-ne nga kjit'aà nachrjein chíñakjoaá

⁴ nga tsjá-ná kjotjò xi jè tijnatjò-là ján ngajmù, kjotjò xi mìkìl bits'on nítq kjé-ne, mìkìl bí'ndo kò mìkìl bixóña. Kjotjò jè, jñá tjoé-ná.

⁵ Ta ngatjì-là nga mokjeíin-ná it'aà ts'e Nainá, jè nga'ño-là síkinda-ná skanda k'e nga kítjokajñá kjo'in koni s'ín tjíndaà-là Nainá k'e nga jye kjoehet'aà nachrjein.

⁶ Koií kjoa-là, jñò, 'nó tsja tjin-nò, nas'ín tjin i'nga nachrjein nga makájno-nò nga kjìn skaya kjo'in níkjioón.

⁷ K'oaá ma-ne nga kjo'in níkjioón nga ma chít'aà-nò tsà ndaà mokjeíin-nò. K'oaá गया-là koni jè oro, mochjeén-né nga kò ní'in kotsjeèya-ne. Kò jè kjoa nga mokjeíin-nò isáá 'nó chí-là mì k'oaá-ne koni jè oro xi bits'ón-ya. Jñò, k'e nga jye chít'aà-nò koni s'ín mokjeíin-nò, jeyaá kítsajnaà, 'ngaá kítsajnaà kò jchaxkón-nò k'e nga kjoí ìjngoo k'a Jesucristo.

⁸ Jñò, matsjacha-nò Jesucristo, nas'ín mìkìl kiyaxkoón. Mokjeíin-nò it'aà ts'e, nas'ín mìkìl titsa yaá. 'Nó tsja ma-nò skanda tsjìn 'én xi ma s'enojmí nga 'nó tjin-nò kjotsja.

⁹ Koií kjoa-là nga matsja-nò nga jye titsabitjokajñoo kjo'in ta ngatjì-là nga mokjeíin-nò it'aà ts'e Cristo.

¹⁰ Jè kjoa nga bitjokajñoo kjo'in, jñá xítq xi kùichja ngajo-là Nainá kjòtseé, kiskoòta'yàkò-né tikoáá kiskònanguiya-né, ìkjoàn kùichjaya jè kjondaà xi tsjá-nò Nainá.

¹¹ Jñá xítq koi, jè Iníma-là Cristo kisikichiya ítjòn-là mé kjo'in xi sjìkjeíin Cristo kò kjoa jeya xi s'e-là k'e nga koma iskan. Kiskònanguiya-né mé nachrjein-ne nga k'oa's'ín komat'in koá kós'ín koma.

¹² Tanga jè Nainá kisikichiya-là nga mìtsà kjondaà ts'e nga kos'ín kis'enojmí-là 'én koi; kjondaà tsajòn-nò. Kò jñá 'én koi, tijnà-ne 'én ndaà-là Nainá xi kjoa ts'e Cristo xi ts'enojmí-nò nachrjein j'ndeí. Nga tije-ne Iníma Tsjeè-là Nainá xi ngajmù nchrobá-ne tsjá-là nga'ño jñá xítq xi bénojmí-nò. Skanda jñá àkjalé, mejèn-là skoe kjoa koi.

Mochjeén-né nga tsjeè sjichá yijo-ná

¹³ Koií kjoa-lá jñò, títsajnándaà, ndaà tìkítsjeèn, ngui ndaà chíñakjoa-lá kjondaà xi tjoé-nò k'e nga kjoíí jngoo k'a Jesucristo.

¹⁴ K'oas'in ndaà tìchá yijo-nò koni ixti xi ndaà 'nchréñijon. Kì k'oas' tìs'in 'nè-nò koni s'in ki'nè nga sà ítjòn nga ch'o tìjn kjoa xi kisijé yijo-nò k'e nga tìkj'eè ndaà yaxkoòn Nainá.

¹⁵ Tà saá tsjeè tìchá yijo-nò ngats'ìi kjoa xi 'nè, nga jè Nainá xi xó kùichja-nò, xita tsjeè-né.

¹⁶ Nga jè Xojon-lá Nainá, k'oaá s'in tìchja nga tsò: "Jñò, xita tsjeè kàtama, nga 'an, xita tsjeè-ná."

¹⁷ Jñò, tsà Na'èn 'mì-là Nainá xi ta ngàsòn tífiko ngats'ìi xita k'e nga bindaàjìin-lá nita mé kjoa xi s'in, mochjeén-né nga kjit'aà nàchrjein ndaà jchaxkón nga i títsajnaà isò'nde nga mìtsà j nangui-nò.

¹⁸ Jñò, jyeé ndaà tìjìin-nò nga mìtsà tsojmi xi ma-lá bits'on kjòchjítì-nò nga ma títsajnadejì-nò ngats'ìi kjoa ch'o xi nímé chjì-lá koni s'in tsakó-nò xita jchínga-nò. Mìtsà tòn oro kò tòn plata kjòchjítì-nò.

¹⁹ Jè jní-lá Cristo xi 'ño tse chjì-lá kjòchjítì-nò. Cristo kitsjaà kjotjò yijo-lá nga k'en-t'aà krò koni jngoo orré xi tsjeè kjì, xi nímé ch'in tjit'aà yijo-lá.

²⁰ Tìk'e-ne nga tìkj'eè sindaà isò'nde, Cristo, k'oaá s'in kisinè-lá kjoa xi sikkitasòn. Tanga jè nàchrjein xi títsajnaà j'ndeí ki'ya-lá nga j'ìi Cristo nga kiskitasòn kjoa xi kisinè-lá xi kjondaà tsajòn.

²¹ Xi jì't'aà ts'e Cristo, jñò mokjeiín-nò jì't'aà ts'e Nainá; nga jè kiskijaáya-lá jì't'aà ts'e kjoabiyaà, tìkjoa kitsjaà-lá kjoa jeya; k'oaá ma-ne nga mokjeiín-nò kò chíña nga sikkitasòn Nainá koni s'in kitsjaà-nò tso'ba.

²² Jè iníma-nò, jyeé kjòtsjeè, koií kjoa-lá nga nikitason koni tsò 'én kixi-lá Nainá mé-ne nga kixi sítjòchaà xinguioo. K'oaá ma-ne nga mochjeén-né nga 'ño ndaà tìtsjacha xinguioo nga tsjeè tìjn iníma-nò.

²³ Jñò, jngoo k'a kits'ìin xitse jngoo k'a-nò. Tanga mìtsà tje-lá xita xi biyaà kits'ìin-nò, jè tje-lá Nainá xi mìkiì biyaà kits'ìin-nò. Nga jè 'én-lá Nainá xi tìjnakon kò xi mìkiì fehet'aà nita kjé-ne kits'ìin jngoo k'a-nò.

²⁴ Nga k'oaá s'in tìchja Xojon-lá Nainá nga tsò:

Ngats'ìi xita, k'oaá s'in ngaya-lá koni xka ijñá;
kjoajeya-lá xita, k'oaá s'in ngaya-lá koni naxó-lá xka ijñá;
jñà xka ijñá, xi-né; ikoàn bixòjen naxó-lá.

²⁵ Tanga jè 'én-lá Nainá tìjna-né nita kjé-ne.

'Én jè, jè 'én ndaà-lá Nainá xi kjoa ts'e Cristo xi jye kis'enojmí-nò.

2

Naxandá xitse-lá Nainá

¹ Chjaàxin-lá yijo-nò xi kjoa ts'en, kjoa chonachan, kjoa ts'e xita xi jò isén tìjn-lá, kjoaxitakòn, ngats'ìi 'én ndiso.

² Kos'in t'een koni s'in ndí ixti xi sà kits'ìin nga 'ño síjé tsjín nga mejèn-lá kòki. K'oaá tìs'in 'ño tìnchátsjioò jè 'én-lá Nainá xi ngui 'én tsjeè mé-ne nga jè kojchá-nò kò kochrjekàjìin-nò kjò'in Nainá,

³ nga jyeé ki'yaà jñò nga jè Na'èn-ná, 'ño ndaà xita.

Jè ndajo xi tìjnakon

⁴ Jè Jesucristo, jè ngaya-lá jngoo ndajo xi tìjnakon, jè xi ochrjekàngui jñà xita, tanga Nainá xó k'oaá s'in jaàjìin-ne nga 'ño tse chjì-lá. Jñò, k'e nga binchat'aà chraña-lá Cristo,

⁵ tikoáa k'oaá s'in ngaya-nò koni ndajo xi títsajnakon. Nainá tísíkjeén-nò koni ndajo nga túbindaà ni'ya tsjeè-là mé-ne jñò, no'miù tsjeè koma nga ya sixá nga it'aà ts'e Jesucristo k'oi-là kjojtò Nainá xi jè ndaà sasén-là koni s'in okóya Injima Tsjeè-là.

⁶ K'oaá s'in tíchja Xojon-là Nainá nga tsò: Chítsejèn-là, 'an síkijna jngoáa ndajo nga'ñò-là chrjangui-là ni'ya ján naxandá Siòn,

xi xó 'an jaàjìn-na,

xi 'ñó ndaà kji kò 'ñó tse chji-là.

Jè xi kòkjeiín-là it'aà ts'e, mìkìl kòsobà-là.

⁷ Jñò, xi mokjeiín-nò it'aà ts'e ndajo jè, bixón-nò: 'ñó tse chji-là. Tanga jñà xita xi mìkìl mokjeiín-là, bitasòn-né koni s'in tíchja Xojon-là Nainá nga tsò:

Jè ndajo xi tsachrekàngui chjinechrjó,
jè xi ndajo sko-là koma ts'e chrjangui-là ni'ya.

⁸ Jjngoo k'a tjít'aà Xojon-là Nainá ñánda tsò:

Ndajo jè, kjìn xita satíngui kò kjìn xita kixangui.

Jñà xita koi, k'oaá s'in mat'in nga mìkìl síkitasòn koni tsò 'én-là Nainá; koií kòs'in mat'in-ne nga k'oaá s'in ok'in-là.

Jè naxandá-là Nainá

⁹ Tanga jñò, xita naxandá xi xó kitjaàjìn-nò. Jñò, no'miù xi nìxá-la Cristo, jè xi xitaxá ítjòn tíjna. Jñò, xi naxandá tsjeè-là Nainá 'mì-nò, jngoò naxandá xi ya nokjoà-nò it'aà ts'e Nainá mé-ne nga koma kìnókjooya-nò kjondaà-là Nainá xi tsachrekàjìn-nò kjoa ts'e jé ñánda jñò choòn koa yaá kiskítsajna-nò ñánda iseèn choòn.

¹⁰ Jñò, nga sa kjòtseé skanda mìtsà xita naxandá 'mì-nò; tanga i'ndeji naxandá-là Nainá 'mì-nò. Nga sa kjòtseé Nainá mìkìl mahimakeè-nò; tanga i'ndeji, jyeé mahimakeè-nò.

¹¹ Jñò ndí 'ndsè xi 'ñó matsjacha-nò, bítsi'ba-nò koni xita xi mì tì nangui-nò títsajna-nò xi ta títjabitjaàjtòò i'isò'nde, kì kii bìi'nde-la yijo-nò kjoa ts'e jé xi síjé yijo-nò xi kjaán-kò injima-nò.

¹² Ndaà tanguíkoò yijo-nò ya jjiín-là xita xi mìkìl mokjeiín-là it'aà ts'e Cristo. Jñà xita koi, nas'in chjajno-nò i'ndeji, tanga k'e nga kjoji'jngoo k'a Cristo tsjá-là kjondaà Nainá koií kjoa-là nga skoexkon-nò nga ndaà títša'nè.

Jchaxkoán xitaxá

¹³ Nga jeya kójna-ne Na'èn-ná, tikitason-là ngats'iì xita isò'nde xi kjòtixoma tíja tsja, jñà xi 'ñó 'nga xá tjín-là, xi xita sko-là títsajna;

¹⁴ tikoá tikitason-là jñà xi gobernador títsajna nga jè xitaxá ítjòn síkasén nga tsjá-là kjo'in xita xi kjoa ótsji; koa jñà xi ndaà s'in, ndaà síkítsajna.

¹⁵ Nainá k'oaá s'in mejèn-là nga jñò, ndaà s'een, mé-ne jñà xita xi mìkìl machiya-là jyò kítsajna-ne, nímé 'én kichja xi kondra tsajòn.

¹⁶ Jñò, k'oaá s'in tíjchá yijo-nò nga títsajnandéi-nò, tanga kì k'oaá s'in níksjeèn nga tjí'nde-nò nga ch'o s'een. K'oaá s'in tíjchá yijo-nò nga ch'i'nda-là Nainá maà.

¹⁷ Jchaxkón yije xita. Títjsacha xi 'ndsè chibà. Tjiskón-chaà Nainá. Jchaxkón jè xi xitaxá ítjòn tíjna.

Kjoa xi tjínè-là nga sikitason xi ch'i'nda 'mi

¹⁸ Jñò xi xita ch'i'nda 'mì-nò, jchaxkón koa tikitason-là nei-nò. Mìtsà ta jñà nei-nò xi ndaà síko-nò kò xi beètjò-nò, tikoá tikitason-là jñà xi ch'o síko-nò.

¹⁹ Ndaà bitsajna nga nguixkon Nainá jñà x̄ita xi kjo'in síkjeín naş'in mì je tjín-la ta jè ngatji-la nga machiya-la kó tsò Nainá.

²⁰ Jñò, tsà kjo'in tsjá-nò x̄ita nga jè binchaatsjioò, ÷mé xi ndaà kitsajna-nò? Tanga tsà kjo'in titsanikjioón nga ndaà 'nè, ndaà s̄iikitsajna-nò Nainá.

²¹ Nga koií xá kiichja-nò Nainá nga jè Cristo kisikjeín kjo'in xi kjoa tsajòn. Tsibijna jngoò-nò chiba nga k'oas'in síkitasòn koni s'in kisikitasòn jè.

²² Cristo, nijngoo jè tsohótsji, kò nijngoo 'én ndiso kiichja.

²³ K'e nga kiichjajno-la x̄ita, mìkiì tsà kiichjajno ngajo-la. K'e nga kisikjeín kjo'in, mìkiì tsà koa t̄is'in kis'iin ngajo-ne. Ta Nainá tsibiya tsja, nga jè xi bindaajin kjoakixi.

²⁴ Jè sobà Cristo tsakajen jé-ná k'e nga kisitjoo't'aà yijo-la ya krò, mé-ne jñà kitsajnakon-ná nga níkitasoán xi kjoa kixi nga jyeé titsajnat'aaxin-lá kjoa ts'e jè koni tsà jye k'eén. Jè Cristo, koni s'in kisikjeín kjo'in nga kitsi'on, jñò kjondaá-nò.

²⁵ Jñò, nga sa kjótseé, k'oaa s'in tsitjaà koni orré xi kisijcháaxkon ndiyá-la, tanga i'ndeí, jyeé inchrobát'aà-là Cristo koni jngoò paxto xi síkinda inima-nò.

3

Kós'in s̄ijchá yijo-la jè x'in kò chjooón

¹ K'oaa t̄is'in tjín it'aà tsajòn xi íchjín 'mì-nò, nangui titsajna-là x'in-nò, mé-ne jñà x̄ita x'in-nò tsà tjín i'nga xi mìkiì mokjeín-la 'én-la Nainá, kòkjeín-la, naş'in mìkiì k̄inókjoakoo kjoa ts'e Nainá. K'e nga skoexkon-nò nga ndaà titsanijchá yijo-nò t̄ikoaá s̄iikjatjyaa-la yijo-la.

² Skótsejèn-nò nga tsjèè titsanijchá yijo-nò nga ndaà yaxkón Nainá.

³ Kò k̄i tà isò'nga-la yijo-nò 'ñó ndaà bíndaà, nga 'ñó ndaà bí'ñó tsja skoò, nga ndátòn chjì níkjeén xi ngui oro, nga jñà níkje x'ió-nò 'ñó xkón kjoàn.

⁴ Majin, jè xi nchrobájin inima-nò xi ndaà s̄ikatsejèn-nò, jè-né xi mìkiì bits'on, jè inima xi indaakjoa kò xi 'nchán t̄jna. Jè xi 'ñó tse chjì-la nga nguixkon Nainá.

⁵ Nga sa kjótseé, jñà íchjín xi ndaà kijtseèxkón Nainá nga kiskoòña-la, k'oaa s'in ndaà tsatsejèn nga nangui tsibitsajna-la x'in-la.

⁶ K'oaa s'in kis'iin Sara nga kisikitasòn-la Abraham. K'oaa ma-ne nga ndaà kijtseèxkón nga jè xi Na'èn t̄jna. Jñò, tsà ndaà 'nè kò tsà nímé kjoaxkón tjín-nò, tje-la Saraá ma.

⁷ Jñò xi x'in 'mì-nò, ndaà t̄itsajnakoo jñà íchjín-nò nga ndaà kàtachiya-nò nga isáa indaakjoa. Ndaà jchaxkón íchjín-nò nga ngàsòn tjoé-nò jè kjondaà-la Nainá, jè kjoabinachon xi jè Nainá jye tjindaà-la nga tsjá-nò. K'oaa s'in t'een mé-ne k'e nga nokjoat'aà-là Nainá, nímé s̄ijti-nò.

Kós'in s̄ijchá yijo-la ngats'ii x̄ita-la Nainá

⁸ Nga yije kjoa koi, ngats'ioò, ta jngoò kjohitsjeèn kàtas'e-nò; tijetakòn xinguiio; t̄jòcha t'een xinguiio nga 'ndsè chiba; chahimaa xinguiio; ima kjoa t'een.

⁹ Tsà yá xi ch'o síkò-nò, k̄i k'oaa t̄is'in 'nè ngajo-nò. Tsà yá xi 'on chjajno-nò, k̄i k'oaa t̄is'in nokjoajno ngajo-la. Jñò, ta saá t̄jjet'aà-là Nainá nga kàtasichikon-t'in; nga jyeé 'yaà nga koií xá kinokjoá-nò nga Nainá s̄iichikon-t'in-nò.

¹⁰ Nga:

Jè xi mejèn-la nga tsja s'e-la nga t̄jnakon,

nga mejèn-là skoe nàchrjein xi ndaà,
kàtasikinda nijen-là nga mì ch'o kichja;
kò kàtasikinda tso'ba, nga mì 'èn ndiso kichja.

¹¹ Tìnchat'aàxìn-là kjoa xi ch'o tjin; ndaà t'een.

'Nchán titsajnakoo xinguoo nita mé kjoa xi tjin-nò.

¹² Nga jè Nà'èn-ná tísík'áá xkòn nga tísíkinda xi xita kixi,
tibinchá líká-là nga tí'nchré-là k'e nga chjat'aà-là,
tanga jña xita xi ch'o s'ín bí'maá-là isén-là nga kondra ts'e-né.

¹³ Jñò, tsà kjit'aà nàchrjein nga ndaà titsa'nè, mì yá xita xi ch'o sjiiko-nò.

¹⁴ Tanga mé ta ndaà-nò tsà kjo'in titsanikjioón ta koi kjoa-là nga kixi 'nè.
Tanga ni jngoò xita tsakjoòn-là, kì binchaxkón-là yijo-nò.

¹⁵ Jè tikijna itjòn Cristo nga jè kàtatixoma-nò ya jjiin inima-nò.
Titsajnandaà nga kjit'aà nàchrjein mé-ne nga koma kénomija-là jña xita xi
skonanguiya-nò it'aà ts'e kjoa xi titsachiña-là it'aà ts'e Cristo.

¹⁶ K'e nga kinókjoaa, indaàkjoa t'een. Chaxkón jña xi kénomija-là, tsjeé
kàtijna kjohtsjeèn-nò, mé-ne jña xita xi ch'o chjajno-nò nga ndaà 'nè nga
mokjeiin-nò it'aà ts'e Cristo, kosobà-là nga jñò chjajno-nò.

¹⁷ Isaá ndaà tjin tsà kos'ín mejèn-là Nainá nga kjo'in sijkjioón k'e nga ndaà
'nè, mì k'oa-ne tsà k'e nga ch'o 'nè.

¹⁸ Nga skanda jè Cristo, jngoò k'aá kisikjeiin kjo'in k'e nga k'en xi kjoa ts'e
jé-ná. Cristo, mìtsà jè tsohótsji; xita kixi-né; kisikjeiin kjo'in it'aà ts'e xita xi
jé tjin-là mé-ne nga koma kjiko-ná nguixkòn Nainá. Yijo-là, jña xita kisik'en,
tanga it'aà ts'e Inima-là jaáya jngoò k'a-là.

¹⁹ Kò jè Inima-là Cristo kii i'nde ñanda titsajna inima xi titsajnaya ndayá nga
kiichjayajjin-là.

²⁰ Inima koi, ts'eé xita xi mìkii kii'nchréñijon-là Nainá nàchrjein ts'e Noé.
Nainá tsee kiskoòña kjoa k'e nga Noé tsibindaà chitso je. Ya iya chitso, tà jijn
ma-ne xita xi itjokajijn kjo'in nga mìkii k'en k'e nga ts'a jtsi xkón.

²¹ Kò jè nandá ts'e jtsi xkón, jè ngaya-là nandá xi ma-ná bautizar nàchrjein
i'ndeji nga bitjokajñaá kjo'in. Tanga nga maá bautizar, mìtsà yijo-ná mat-
sjeé-ne, jè-né nga nijét'aà-lá Nainá nga tsjeé kàtas'e kjohtsjeèn-ná. Kò
bitjokajñaá kjo'in, koi kjoa-là nga jaáya-là Cristo,

²² kò kii mijin ján ngajmii nga ya tijnat'aà chrja kixi-là Nainá. Jé
tíhotixoma-là àkjalé kò inima xi tjin-là kjotixoma kò ngats'ii xi tjin-là nga ñò.

4

¹ Cristo, koni s'ín kisikjeiin kjo'in yijo-là, jñò, tikoáá mochjeén-né nga
kitsajnandaà nga sijkjioón kjo'in. Nga jè xi jye kisikjeiin kjo'in, yaá jyehet'aà
jé-là,

² mé-ne jña nàchrjein xi kijnna isa isò'nde, k'oaá s'ín kàtijna koni s'ín mejèn-là
Nainá, mìtsà k'oas'ín kijnna koni s'ín mejèn-là yijo-là.

³ Jyeé ñó kjin nàchrjein kinikato nga ch'o k'i'nè koni s'ín xita xi mìkii beèkxon
Nainá. K'oaá s'ín kinikoò yijo-nò kjoa xi ch'o tjin koni kjoa chijngui, kjoa ch'o
xi síje yijo-nò, kò kjoa ch'i, kjoa ts'e s'eí xi ch'o tjin, kò nga ta xán ki'yò kjit'aà,
kò nga xkòsòn kiyaxkòn nga mìtsà kixi kjoa nga Nainá.

⁴ I'ndeji jña xita koi, ta maxxón-là it'aà tsajon nga mì ti kii ya tsjahijtakò-nò
kjoa xi ch'o tjin; bijnòkèè-nò; ch'oó chjajno-nò.

⁵ Tanga jña xita koi, tjiné-là nga tsjá-là kindá Nainá; jè Nainá xi tijnandaà
nga kojindaajjin-là xita xi titsajnakon kò xi jye k'en.

⁶ Koií kjoa-lá nga k'oa tís'in kis'enojmí-lá 'én ndaa-lá Nainá xi kjoa ts'e Cristo jñá xítá xi jye k'en, mé-ne nas'in jñá yijo-lá kisikjeiín kjo'in koni s'in bindaàjiin xítá isò'nde, tanga jñá iníma-lá títsajnakon-né nítá kjé-ne koni s'in tijnakon kjit'aà Nainá.

⁷ Jyee tímachraña nga kjoehet'aà isò'nde, koií kjoa-lá jñó, ndaà títsajnakoo kjohtsjeen-nò; kjit'aà nachrjein títsi'ba-lá Nainá.

⁸ Jè xi tjna itjòn, jè-né nga 'ñó tjòcha t'een xinguiòo. Tsà tjin-nò kjoatjòcha, komaá sijchàat'aà-là jé-lá xinguiòo.

⁹ Choéetjò xítá xinguiòo k'e nga bijchókon-nò tsà mejèn-lá nga sjiikáya ya ní'ya-nò. Tsja t'è-là iníma-nò; ki ch'o chibàya-nò.

¹⁰ Nga jngoò ijngòò, koni s'in tjin kjondaà xi kitsjaà-nò Nainá, k'oas'in tísikòò xinguiòo nga ndaa tíchjeén, nga kjin skoya tjin-ne kjondaà xi kitjóe-nò.

¹¹ Jè xítá xi k'oas'in kits'i-lá nga 'én-lá Nainá kichjaya, k'oaá s'in kàtichjaya koni tsò 'én-lá Nainá. Kò jè xítá xi k'oas'in kits'i-lá nga sjaxá, k'oaá s'in kàtasixá koni tjin nga'ñó xi tsjá-lá Nainá. Nítá mé xi s'een, k'oaá s'in t'een mé-ne nga it'aà ts'e Jesucristo jeya kijná-ne Nainá. Nga ts'ée Cristo jè kjoajeya kò ngats'iì nga'ñó xi tjin skanda nítá kjé-ne. K'oas'in kàtama.

Sikjiaán kjo'in nga xítá-lá Cristo 'mì-ná

¹² Jñó ndí 'ndsè xi matsjake-nò, ki maxkón-nò nga 'ñó 'in tjin kjoa xi nchrobánè-nò nga tíchit'aà-nò.

¹³ Tà saá kàtas'e-nò kjotsja nga tíhokò chiba-nò kjo'in ts'e Cristo, mé-ne nga tíkoa s'e-nò kjotsja k'e nga jcha-lá kjoajeya-lá Cristo.

¹⁴ Jñó, mé ta ndaa-nò k'e nga tsà xítá kotí'aa-nò xi kjoa ts'e Cristo nga jè kjoajeya-lá Iníma Tsjeè-lá Nainá yaá tijnako-nò.

¹⁵ Tsà kjo'in títsanikjioón, chítsejèn-lá yijo-nò, a koií kjoa-lá nga ch'o 'nè, nga xítá ník'eèn, nga chijé 'nè, nga chingájiin chingá'a kjoa. Ki k'oaá tjin jè xi binchaàtsjioò.

¹⁶ Tanga tsà kjo'in títsanikjioón nga xítá-lá Cristo maá, ki masobà-nò; ta saá jeya tijkjna Nainá nga xítá-lá tsò-nò.

¹⁷ Jyee ijchò nachrjein nga kots'ia nga sindaàjiin-lá xítá naxandá-lá Nainá. Tsà jñá tímats'ia itjòn kò-ná, ¿mé xi komat'in jñá xítá xi mìkìl síkitasòn 'én ndaa-lá Nainá?

¹⁸ Jè xi xítá kixi, chjá koma-lá nga kitjokàjiin kjo'in.

¿Kós'in komat'in jñá xítá xi mìkìl beèxkón Nainá kò xi jé ótsji?

¹⁹ K'oaá ma-ne, jñá xítá xi kjo'in sikjeiín nga kòs'in mejèn-lá Nainá, ki bikjoàn-lá nga ndaa s'in. Jè Nainá kàta'ñót'aà takón nga jè kàtasikinda, nga jè tsibindaà jñá xítá kò jè síkitasòn-né koni s'in tsjá tso'ba.

5

Jñá xítá jchínga xi xá itjòn tjin-lá ya naxandá-lá Nainá

¹ Sijét'aà-lá jñá xítá jchínga xi xá itjòn tjin-lá nga ya síxájiin-nò ya naxandá-lá Nainá. Tikoáá 'an, xítá jchínga-ná nga xá itjòn tjin-na koni jñá xítá koi; kijtseè-ná kjo'in xi kis'e-lá Cristo; tikoáá s'ée-na kjoajeya xi iskan jcha-lá.

² Tjkindaa jñá xítá-lá Nainá xi jñó kjòngatsja koni tsà orrè; ki kjo'ñó 'nè-lá yijo-nò; kòò kjondaà-nò nga tjkindaa koni s'in mejèn-lá Nainá. Mítsá koií kjoa nga tse tòn sijkijnèè. Tà kòò kjotsja-nò nga k'oa t'een.

³ Ki yatòòn-jèn jñá xítá xi jñó mangatsja koni tsà nei-lá ma. Jñó tìncha itjòn-lá, takò-lá ndiyá-lá Nainá mé-ne koma skingui-nò.

⁴ Mé-ne k'e nga kjoíí ìjngòò k'a jè Paxtò ítjòn, tjoé-nò kjoajeya-là Nainá koni jngòò corona xi mikii fehejno ote-là nìtá kjé-ne.

⁵ Tìkoá jñò xi ìxti xongó 'mì-nò, tìkitasòn-là jñà xìtá jchínga xi otíxoma ya jjiin naxandá-là Nainá. Ngats'ioò, indaàkjoá tanguíkoo xinguioo, nga:

Jè Nainá kondraá tìjna-là jñà xìtá xi 'nga ikon; koá jñà xìtá xi indaàkjoá tìjn inìma-là, tsjá-là kjondaà.

⁶ Nangui titsajna-là Nainá nga tse nga 'nó tìjn-là koni s'ín síkò-nò, mé-ne k'e nga kijchò nachrjein jè Nainá 'nga sùikítsajna-nò.

⁷ Tsja Nainá tìkítsajnaya ngats'ìi kjoá xi makájno-nò nga jè tísikinda-nò.

⁸ Tìkindaa yijo-nò, kjit'aà nachrjein titsajnandaà, nga jè xìtá neíí xi kondra-nò, k'oaá s'ín tsóbandiì-nò k'oaá ngaya-là koni jngòò xa xi tìkjindáya nga 'nó ijò-là, nga tìhótsji yá xi skìne.

⁹ Nga ndaà mokjeíin-nò, 'nó tìncha-là xìtá neíí. Nga jyeé tìjiiin-nò nga jñà xìtá xinguioo xi tìtsajna nga tìtsa isò'nde, tìkooá k'oaá tìjn kjo'in xi nchisikjeíin.

¹⁰ K'e nga jye koto chiba nachrjein nga titsanikjioón kjo'in, jè sobà Nainá sùindaáya-nò, sùikíjnandaà-nò, tsjá-nò nga 'nó, kò kixì sùikítsajna-nò. Tjé-ne Nainá xi kò kjoatjòcha-là kíichja-ná nga s'e-ná kjoajeya-là nìtá kjé-ne nga Jesucristo titsajnakoá.

¹¹ Ts'eé Nainá ngats'ìi nga 'nó xi tìjn skanda nìtá kjé-ne. K'oaas'ín kátama.

Xi fehet'aà-ne, Pedro síhixat'aà xìtá

¹² Silvano, xi 'ndsè xan-là, nga kixì tìjn xá-là, jè kisichját'aà-na nga kiskii-nò xojon carta jè. K'oaá s'ín tibinè-nò kò tìsikixiya-nò nga ngats'ìi 'én xi tìskasén-nò, ngui k'oaá s'ín tìjn kjondaà-là Nainá. Kixì titsajnakoo kjondaà koi.

¹³ Nchisíhixat'aà-nò jñà xìtá naxandá-là Cristo xi ì tìtsajna Babilonia xi xó taña kitjaàjiiin-nò. Kò jè Marcos xi ki'ndí-na xan-là ìt'aà ts'e Cristo, tìkooá tìsìhixat'aà-nò.

¹⁴ Tjixot'aà xinguioo nga ngui kò inìma-nò.

Kàtas'e-là kjoa'nchán jjiin inìma-nò ngats'ioò xi ya nokjoà-nò ìt'aà ts'e Cristo. K'oaas'ín kátama.

Xojon carta xi ma-ne jò xi kiskiì San Pedro

Kó tsò Pedro nga síhixat'aà xita

¹ An, xi Simón Pedro 'mì-na, nga 'an xi chj'nda-la Jesucristo ma, ko nga tikoá 'an tsibíxaya-na, tsiskasén-nò xojon jè, jñò xi ngàsón 'ñó ndaà mokjeiin-nò koni s'ín mokjeiin-najen; nga xita kixi-né jè Jesucristo xi Nainá ma ko xi ochrjekàjiin-ná kjo'in.

² Koni s'ín nga isa ndaà titsayaxkon Nainá ko jè Jesucristo xi otíxoma-ná, k'oáá s'ín isa ndaà kátasakó-nò kjondaà ko kjoa'nchán ya jjiin inima-nò.

Mé xi mochjeén nga s'een nga ndaà jchaxkoán Nainá

³ Jè nga'ño-la Nainá tsjá yije-ná xi mochjeén-ná nga titsajnakoaán ko nga ndaà yaxkoán Nainá. Koi kjoa-la nga tsjá-ná ngats'ii kjondaà koi nga yaxkoáan jè xi ko kjoajeya-la ko nga'ño tsjeé-la kiichja-ná.

⁴ It'aà ts'e kjoa koi, kitsjaá-ná kjoa xi 'ño ndaà tjín ko xi 'ño tse chji-la koni s'ín kitsjaá tso'ba Nainá, mé-ne nga tikoá kokot'aá-ná nga k'oas'ín s'een koni s'ín s'ín Nainá nga jye chinchat'aaxìn-la kjoa xi ch'o síjé yijo-ná i isò'nde xi ta síkíts'ón-ná.

⁵ K'oáá ma-ne, 'ño tìnè-la yijo-nò jñà kjoa koi. Koni s'ín nga mokjeiin-nò it'aà ts'e Cristo, k'oáá tís'ín mochjeén-né nga ndaà xita kátama jñò. Nga jye ndaà xita ma, tikoá mochjeén-né nga kátas'e-nò xi kjoa chjine.

⁶ Nga jye tjín-nò kjoa chjine, tikoá mochjeén-né nga kixi tatixoma-la yijo-nò. Ko nga jye kixi otíxoma-la yijo-nò tikoá mochjeén-né nga s'e-nò kjoatsejta. Ko nga jye tjín-nò kjoatsejta, tikoáá mochjeén-né nga ngui ndaà chaxkón Nainá.

⁷ Nga jye ndaà yaxkón Nainá, tikoá mochjeén-né nga ndaà títjsacha xinguio. Ko nga jye ndaà matsjacha xinguio, tikoáá mochjeén-né nga ngui ndaà títjsacha ngats'ii xita xi k'jeí.

⁸ Jñò, tsà tjín-nò kjondaà koi, ko tsà kjit'aà nachrjein tík'aasón-nò, mì jyò kítajnaa; ngui ndaà kochjeén-nò nga isaá ndaà jchaxkoón Jesucristo xi otíxoma-ná.

⁹ Tanga tsà tjín i'nga xi tsjin-la kjondaà koi, k'oáá ngaya-la koni xita xkan xi mikì ndaà tsejèn-la; jyeé kijcháajiin-la nga Nainá jye kisiíchàat'aá-la jè xi kis'e-la nga sa itjón.

¹⁰ K'oáá ma-ne, jñò, ndí 'ndsè, isa 'ño tjiì-la nga'ño yijo-nò nga tikixiyaá kjoa nga Nainá xó k'oáá s'ín kiichja-nò ko jaajiin-nò. Tsà k'oas'ín s'een kjit'aà, nímé jè skajñò.

¹¹ Nga k'oáá s'ín koma nga táx'a'nde-nò nga kitjás'een ñánda tíhotíxoma nita kje-ne jè Jesucristo xi ochrjekàjiin-ná kjo'in ko xi otíxoma-ná.

¹² Koi kjoa-la kjit'aà nachrjein síkítsejen yije-nò kjoa koi, nas'ín jye ma-nò ko jye kixi titsajnakoo jè kjoakixi-la Nainá koni s'ín mokjeiin-nò nachrjein i'ndei.

¹³ K'e nga tákó tijnakon-isa i isò'nde jè, mochjeén-né nga síkítsejen-nò nga kos'ín tijchá yijo-nò.

¹⁴ Jè Jesucristo xi otíxoma-ná jyeé k'oas'ín kitsó-na nga jyeé kjòchrañat'aà nga kjoehet'aà nachrjein-na.

¹⁵ Tikoáá 'an tibinè-la yijo-na nga tísíkítsejen-nò mé-ne k'e nga 'an xi jye kiyá, nga nachrjein nchijón k'oáá s'ín tíkítsejen kjoa koi.

Ñánda j'i-ne 'én xi tjit'aà Xojon-la Nainá

¹⁶ Nga mitsà ta cuento xi ta xitá kisikítsjeèn koni s'in tsibenojmí-nòjen kó kji nga'ño kis'e-la Na'èn-ná Jesucristo kò nga kjoíi l'ngoo k'a. Nga xkoón ki'ya-najen kjoajeya-la nga 'ño tse nga'ño tjin-la.

¹⁷ Ki'ya-nájen k'e jè Nainá xi Na'èn-ná nga jeya kò 'nga kisikíjna Jesucristo. Kina'yà-la ya jjiin isén ñánda 'ño ote kji 'én xi kitsò: "Jè jèe xi ki'ndí-na xi 'ño matsjake nga xó 'an jaàjiin-na."

¹⁸ Ngajen sobà kina'yà-lajen jña 'én xi ngajmiì inchrobà-ne k'e nga titsajnakò-jen Jesucristo ya isò'nga nindoò tsjeè-la.

¹⁹ Nga yije kjoa koi, k'oaá s'in isà ndaà makixiya koni s'in kiichja jña xitá xi kiichja ngajo-la Nainá. 'Nó ndaà 'nè nga na'yà-la 'én koi. K'oaá s'in ngaya-la koni jngoò ni'in xi síhiseèn ya i'nde ñánda jño choòn skanda k'e nga s'e isén, i'kjoàn síhiseèn-jiin inima-ná koni jè ni'ño tse.

²⁰ Ítjòn k'oa s'in ndaà kàtasjiin-nò, jña 'én xi tjit'aà Xojon-la Nainá, mitsà ta jngoò xitá kitsjaà kjohítsjeèn-la nga kitjei.

²¹ Nga jña xitá xi kiichja ngajo-la Nainá, nijngoò 'én xi ta kjohítsjeèn ts'e nga kiichjaya. Jè Inima Tsjeè-la Nainá kisikichiya-la kjohítsjeèn-la xitá koi nga komà kiichjaya 'én-la Nainá.

2

*Xitá ndiso xi okóya 'én xi mitsà kixi kjoa
(Judás 4-13)*

¹ Ya jjiin naxandá Israel kis'e xitá ndiso xi kitsò nga 'én-la Nainá kiichjaya, tanga mitsà kixi kjoa. It'aà tsajòn, k'oaá tís'in s'e xitá ndiso xi kokóya'ma kjohítsjeèn xi sikits'ón-jiin-la xitá naxandá-la Nainá, skanda kochrjengui jè Na'èn-ná xi tsibíhjtí-ná. K'oaá ma-ne nga jña xitá koi, tijná nchihótsji-la kjoabiyaà yijo-la nga ta nitoón jchija.

² 'Nó kjin xitá kjitjngui-la nga k'oas'in s'jin kjoa xi 'ño ch'o tjin. Koi kjoa-la xitá ndiso koi, nga ch'o kiná'ya-la kjoa ts'e ndiyá kixi.

³ Jña xitá ndiso koi, ta toón tse mejèn-la; kochrjekájno-nò ton nga skónachan-nò nga kokóya-nò 'én ndiso. Nainá, jyeé kjótseé tjindaà-la nga tsjá-la kjo'in kò mikii kojno-la kjo'in xi s'e-la.

⁴ Nga Nainá mikii kisíjchàat'aà-la jña àkjalé xi tsohótsji jé. Ján kiskinjiin i'nde kjo'in ñánda títi ni'in. Na'ño kichá cadena tsibít'aà'ño. Yaá kisikítsajnaya ngajo ñánda jño choòn, skanda jè nachrjein k'e nga sindaàjijn.

⁵ Nainá, tikoáá mikii kisíjchàat'aà-la isò'nde xi kisijna kjótseé; kisikasén jtsi xkón xi kisikjehesòn yije xitá xi kis'e nachrjein koi. Tà jè Noé kisíjchàat'aà-la, koi kjoa-la nga 'én kixi kiichjayajijn-la xitá, kò itoo xitá xikjin tsiningui-ne.

⁶ Nainá tikoáá kisikjehesòn yije xitá ts'e naxandá Sodoma kò Gomorra. Jngoò k'aá tsaká, ta chíjo kisinchaá. K'oaá s'in tsibíjna jngoò-la chíba nga k'oaá tís'in komat'in jña xitá xi kondra titsajna-la Nainá.

⁷ Tanga jè Lot nga xitá kixi, itjokajijn kjo'in. 'Nó ch'o komà-la kjoa ts'e jé xi nchis'in jña xitá naxandá koi.

⁸ Xitá jè nga xitá kixi-né, nga ya tijnajijn-la jña xitá koi nga ch'o nchis'in, kjo'in tísikjein nga 'on ma-la inima-la nga nachrjein nchijòn beè koa 'nchré-la kjoa xi ch'o nchis'in xitá koi.

⁹ Yaa tí'ya-la nga jè Nà'èn-ná osikò-né jñà xita xi beèxkón nga síkítsajnandeji mé kjoa xi tjin-la, tikoá síkítsajna'ño-né jñà xita xi ch'o s'in nga tsjá-la kjo'in jè nachrjein k'e nga sindaàjìin.

¹⁰ Jñà títsajna íjòn nga s'e-la kjo'in jñà xita xi 'ño fitjingui-la kjoa ch'o xi síjé yijo-la kò jñà xi ochrjekàngui kjotixoma-la Nainá.

Jñà xita ndiso koi, xita tájaàjìin nga 'ño 'nga ikon. Mikii tsakjón nga chjajno-la jñà nga'ño xi mikii tsejèn.

¹¹ Jñà àkjale, nas'in isa tse nga'ño tjin-la koa tjin-la kjotixoma, mi k'oaá s'in chjajno-la nga'ño xi mikii tsejèn nga nguixkon Nà'èn-ná.

¹² Jñà xita koi, chjajnoó-la kjoa xi mikii fiya-la. K'oaá s'in ngaya-la koni cho xi mikii síkítsjeèn nga tà xó k'oaá s'in kits'iin-ne nga kindoba'ño ikjoàn s'ik'en. Xita koi, yaa kiyájiin kjoa ts'e jé-la.

¹³ Koi kjo'in tjoé ngajo-la koni tjin kjo'in xi kitsjaá-la xita xi k'eií. Jñà xita koi, nas'in nachrjein, tsjaá ma-la nga s'in kjoa xi 'ño ch'o tjin. K'e nga jñà xita koi, báhijtako-nò tsá s'eí tjin-nò, sikits'ón-jìin-né nga sísobá-nò nga ch'o tjin kjoa xi s'in.

¹⁴ K'e nga beèxkon jngoò chjoón, nitoón fahajìin-la kò mikii ma síkìjna kjoa ts'e jé. Konachan-la xita xi mi kixií tjin kjohítsjeèn-la. Inima-la, kji'taá nachrjein tjin mé xi mejèn-la. Xita koi, tjinè-la nga kjo'in tjoé-la.

¹⁵ Jyee kiskìjna ndiyá kixi. Jè fitjingui-la ndiyá xi ch'o tjin, jè ndiyá ts'e Balaam, ki'ndí-la Beor, jè xi 'ño kjòtsjakeè ton nga mejèn-la s'iin kjoa xi mìtsá kixi tjin.

¹⁶ Tanga tsaká-la kjoa ts'e jé-la. Jngoò búrró chjoón xi mikii ma-la chja, kiichja-la koni tsá xita; mikii kitsjá'nde-la nga kiikò-isa kjoaská-la.

¹⁷ Jñà xita ndiso koi, k'oaá s'in ngaya-la koni ngajo nandá xi tsjin-la nandá, koni ifi xi nímé jtsí fikò, nitoón fikò tjo. K'oaá s'in tjinè-la nga ya kítsajnajìin j'nde jño ts'e kjo'in nita mé nachrjein-ne.

¹⁸ Ngui 'én 'ngaá chja xi nímé chjí-la. 'Ñó 'nga ikon nga síchjeén kjoach'o xi sasén-la yijo-la nga konachan-la jñà xita xi sa nchibinchat'aàxin-la jñà xita xi ch'o nchisíjchá yijo-la.

¹⁹ K'oaá tsò-la jñà xita nga kítsajnandeji, tanga tijñà-ne tikoá yaa títsajnajìin'ño kjoach'o-la. K'e nga jngoò xita xi bíjnajìin'ño jngoò kjoa, jè kjoa jè tjin-la nga'ño nga jè otixoma-la.

²⁰ Jñà xita xi jye kijtseèxkon Jesucristo xi otixoma-ná, nga jè tsachrjekàjìin kjo'in, nga jye chinchat'aàxin-la kjoa ch'o-la isò'nde, tsá l'jngoò k'a k'oas'in s'iin, tsá síkijne l'jngoò k'a-la kjoa xi ch'o tjin, nga koma iskan, isaá ch'o komat'in mi k'oa-ne k'e nga sa íjòn.

²¹ Isaá-la ndaaá tjin tsá mikii kijtseèxkon ndiyá kixi-la Cristo, mi k'oa-ne nga jye chinchat'aàxin-la kjotixoma tsjeè-la Nainá xi jye kitjoé-la.

²² Xita koi, k'oaá s'in kis'iin koni tsò 'én xi tjna-la xita xi tjin-la kjoachjine nga tsò: "Nañá, tijè kine l'jngoò k'a-ne ndábisó-la" koa: "Jè chingá k'e nga jye ongáya, l'jngoò k'a ongáyajìin-ne ndási."

3

K'e nga kjoíí l'jngoò k'a Nà'èn-ná Jesucristo

¹ Ndí 'ndse xi 'ño matsjake-nò, xojon jè, jè xi ma-ne jò nga tikjii-nò. Ingajò xojon koi, k'oaá s'in binè-nò nga síkítsjeèn kjoa xi ngui kixi tjin;

² mé-ne nga s'íkítsjeèn-nò jñà 'én xi kjòtsee tsakóya xitá tsjeè-lá Nainá xi kíichja ngajo-lá. Tíkoá s'íkítsjeèn kjòtixoma-lá Na'èn-ná Jesucristo xi tsachrjekàjìin-ná kjò'in koni s'ín tsakóya-nò jñà xitá xi tsibixáya-lá.

³ Jè xi 'ñó mochjeén nga ndaa kátasjìin-nò, jñà nachrjein xi sa nchrobá nga jyeé tifehet'aà nachrjein, kjoíi xitá xi s'isobá-nò ts'e kjoa kixi; yaá kojchájìin kjoach'o xi s'ije yijo-lá.

⁴ Skonangui, kítsò-nò: “Nachrjein i'ndeí, ¿mé-ne mì tìbitasòn-ne 'én xi tìjna xi tsò nga kjoíi l'ngòò k'a Cristo? Jyeé kjòtsee k'en xitá jchínga-ná, tákó k'oáá choòn skanda kóni nga kisindaà isò'nde.”

⁵ Jñà xitá xi k'oá tsò, xó k'oáá s'ín-ne nga s'jchàajìin nga jñà 'én xi kíichja Nainá nachrjein kjòtsee, jñà kisindaà-ne ngajmìi kò nangui. Tìjè-ne nandá inchrobàt'aà-ne kò tìjè tìjnakon-ne.

⁶ Xi komá iskan, tìjè-ne 'én-lá Nainá kò nandá kisikje-ne isò'nde jchínga k'e nga tsangasòn nandá.

⁷ Tì jè-ne 'én xi kitsjaà Nainá k'oáá s'ín tìchja nga jè ngajmìi kò nangui ñánda tìtsajnasóan nachrjein i'ndeí, tìtsajnandaà-lá mé-ne nga kítì-ne jè nachrjein k'e nga s'indaajìin-lá xitá tíkoá kjoehesòn jñà xitá xi mìkìi beèxkón Nainá.

⁸ Jñò ndí 'ndsè xi matsjake-nò kì n'jchàajìin-jèn kjoa koi: xi it'aà ts'e Nainá, jngòò nachrjein k'oáá ngaya-lá koni tsà jngòò jmìi nó t'jín-ne, koá jngòò jmìi nó, Nainá, jngòò nachrjein tsò-lá.

⁹ Na'èn-ná mìtsà t'ísíkichrjein nga s'íkitasòn 'én-lá koni tsò i'nga xitá; tíkoña kjoáá-nò Nainá; jè xi mejèn-lá nga n'jngòò xitá jchija, nga kátasikájno jé-lá nga mì tì jé kòhòtsji-ne.

¹⁰ Tanga jè nachrjein-lá Nainá, k'oáá s'ín kjoíi koni s'ín f'ii xitá chijé. Ngajmìi, jngòò k'aá jchija k'e nga k'íná'ya-lá nga ch'o jchán kjone. Jè ts'oi, sá kò ni'ño kítì-ne. Jè nangui kò n'itá mé xi t'jín i'it'aà nangui, jngòò k'aá kítì.

¹¹ Koni s'ín koma nga jchija ngats'iì tsojmì xi t'jín, 'ñó mochjeén nga tsjeé s'ijchá yijo-nò koni s'ín s'ije Nainá,

¹² kò nga chíñakjoá-lá jè nachrjein k'e nga kjoíi Nainá. Tìxátìya-lá nachrjein jè. Kò ngats'iì tsojmì xi t'jín isò'nde kò ngajmìi, jngòò k'aá kongandá nga kítì.

¹³ Tanga it'aà tsaján, jè tìtsachiñá-lá ngajmìi xitse kò nangui xitse koni s'ín kitsjaà tso'ba Nainá, ya ñánda s'e kjoa kixi kò kjondaà.

¹⁴ Koií kjoá-lá jñò ndí 'ndsè xi matsjake-nò, nga k'oá t'jín kjoa xi tìtsachiñá-lá, t'jì-lá nga'ñó yijo-nò, mé-ne k'e nga kjoíi l'ngòò k'a Jesucristo, k'oáá s'ín sakòt'aà-nò nga 'nchán k'ítsajnaà nga tsjeé tìtsanjchá yijo-nò kò n'ímé jé t'jín-nò.

¹⁵ K'oáá s'ín kátasjìin-nò, jè kjoatsejta-lá Nainá nga tse tìtsachiñá, jè-né nga k'itjokajìin kjò'in jñà xitá. Jè 'ndsè Pablo xitá xinguiáá xi 'ñó matsjachaá, tíkoáá jye isá kiskù-nò koni s'ín t'jín kjoachjine xi kitsjaà-lá Nainá.

¹⁶ Nga jngòò l'ngòò xojon carta xi kiskù Pablo, k'oáá s'ín tìchja kjoa koi. Tanga t'jín i'nga xi 'ñó 'in chja, mìkìi ndaa machiya-ná kó tsòya-ne. K'oáá ma-ne jñà xitá xi mìkìi ndaa f'ya-lá kò xi mì kixi t'jín k'jòh'itsjeèn-lá, s'ík'at'jìya-lá 'én. K'oáá tì s'íko jñà Xojon-lá Nainá xi kiskù xi k'ejí xitá. K'oáá ma-ne jñà xitá xi koasíko 'én-lá Nainá, t'jìjñà n'chihòtsji-lá kjo'in yijo-lá.

Én xi fehet'aà-ne

¹⁷ K'oáá ma-ne, jñò ndí 'ndsè xi matsjake-nò, nga jye ndaa t'jìin-nò kjoa koi, t'ikindaa yijo-nò, mé-ne nga mì skónachan-nò jñà xitá xi ch'o s'ín nga xìn ndiyá kùkò-nò xi mì kixi t'jín kò yaá jchija nga kixi tìtsajnakoo Nainá.

¹⁸ Ìsáá ndaà kàtasakó-ìsa-nò kjondaà-la kò kjohítsjeèn-la Jesucristo xi otíxoma-ná nga jè ochrjekàjiin-ná kjo'in. Jeya kàtijna j'ndeí kò nita mé nàchrjein-ne. K'oas'ín kàtama.

Xojon carta xi kiskii íjtòn San Juan

Jesús, jè 'Én xi síkíjnakon iníma-ná

¹ Jè Jesús, jè 'Én xi síkíjnakon-ná xi tíjna skanda tisa tàts'en-lá kjoa. Tanga í'ndeí, jyeé kina'yà-lajen, kò xkoón ki'ya-najen, kichitsejèn-lajen kó kji, tikoáá ndsaá kinikò-najen.

² Jè 'Én jè, ki'ya tsejeén-lá. Kò ki'ya-najen. Kò nguì kjoa kixi-né xi bènojmi-jen xi it'aà ts'e. Kò tikoáá bènojmiya-nòjen jè 'Én xi síkíjnakon iníma-ná nita kjé-ne. Jè 'Én jè, k'e nga tisa íjtòn, yaá tíjnat'aà-lá Nainá. Tanga í'ndeí, jyeé tsatsejèn-najen.

³ Bènojmi-najen kjoa xi ki'ya-jen kò xi kina'yà-jen, mé-ne jña, k'oa tís'in ngásòn kitsajnakoaá, koni s'in ndaá titsajnakoaá Nainá xi Na'én-ná ma, kò Ki'ndí-lá xi Jesucristo.

⁴ Koií xá titsachjiì-nòjen Xojon jè mé-ne nga nguì kò kjotsja kàtasakó kjit'aà-lá iníma-ná.

Jè Nainá kjoa iseèn-né

⁵ K'oaá s'in tíjn jña 'én xi tsakóya-najen Jesucristo, kò koií-né xi nokjoàyiì-nòjen: Jè Nainá, kjoa iseèn-né. Xi it'aà ts'e, tsjin xi kjoa jño.

⁶ Tsà kixoán nga ndaá titsajnakoaá Nainá, tanga tsà yaá titsanjchá yijo-ná ya ñánda jño choòn, ñánda tíjn kjoach'o, 'én ndisoó titsanokjoá; mitsà kjoa kixi xi tisa'né.

⁷ Tanga tsà yaá titsajnaá ñánda iseèn choòn, koni jè Nainá yaá tíjna ñánda iseèn choòn, ndaá titsajnakoaá xinguiá, kò jè jni-lá Jesucristo xi Ki'ndí-lá Nainá ma, sítsjeé yijeé jña jé xi tíjn-ná.

⁸ Tsà kixoán: "Tsjìn-na jé", tíjña titsachonachan-lá yijo-ná; mitsà kjoa kixi xi titsanokjoá.

⁹ Tanga tsà kénjmi yije-lá Nainá jña jé xi tíjn-ná, komaá jè kjót'aatakoán nga sijncháat'aà-ná jé-ná tikoáá siitsjeéya-ná ngats'iì kjoa xi ch'o 'né. Nga jè Nainá síkitasòn 'én-lá, kò nguì kjoa kixi xi s'in.

¹⁰ Tanga tsà kixoán: "Kj'eè tsà jé otsjiá", jè Nainá ndisoó titsanachrjekànguiá, kò mitsà kixi kjoa nga mokjeín-ná jè 'én-lá.

2

Yá xita xi chjatì-ná ya nguixkon Nainá

¹ Jño xi koni tsà ndí íxti-na xan-nò, koií xá tikjiì-nò Xojon jè, mé-ne nga mì tí jé kinchátsji-lá yijo-nò. Tanga tsà tíjn jngoó xita xi tíhótsji jé-lá yijo-lá, jè Nainá sijncháat'aà-lá, nga tíjna jngoó-ná xita xi chjatì-ná ya nguixkon Nainá, jè xi 'mì Jesucristo xi nguì xita kixi.

² Jesucristo kitsjaá kjotjò yijo-lá nga k'en ngajo-ná, mé-ne koma sijncháat'aà-ná jña jé-ná, tanga mitsà tà jña xi sijncháat'aà-ná; tikoáá sijncháat'aà yijeé-lá ngats'iì xita xi tíjn nga tíjtsa isò'nde.

³ Tsà ndaá síkitasoán kjotixoma-lá, maá kíjngoó-lá takoán nga jyeé ndaá yaxkoaán.

⁴ Tsà tíjn xita xi tsò: "An, jyeé ndaá bexkoan Nainá", tanga tsà mìkii ndaá síkitasòn kjotixoma-lá, xita ndiso-né; tsjin-lá kjoa kixi.

5 Tanga tsà ndaà nikitasoán koni tsò 'én-la, jyeé 'ñó ndaà tjin-ná kjotsjacha-lá Nainá kò k'oaá s'ín ma-ne nga 'ya-lá nga kixí kjoa nga jè Cristo titsajnaqoaá.

6 Jè xita xi tsò nga ya tijnako Cristo, mochjeén-ne nga k'oas'ín kàtasijchá yijo-lá koni s'ín kis'iin Jesucristo.

Kjotixoma xitse

7 Jñò ndí 'ndsè, jè kjotixoma xi tikjiil-nò, mìtsà nguì kjotixoma xitse; tijè-ne kjotixoma xi kits'ii-nò k'e nga sa itjòn k'e nga tisa kòkjeiin-nò. Jè kjotixoma jchínga jè, tijè-ne 'én xi kina'ya jñò nga tisa itjòn.

8 Tanga i'ndeí k'oaá s'ín tikjiil-nò koni tsà jngoo kjotixoma xitse. Nga it'aà ts'e Cristo ki'ya-lá nga xitse-né kò tikoáá tí'yaá-la xi it'aà tsajòn. Nga jyeé tífhato kjoa xi jñò choòn, kò jyeé tí'ya-lá xi nguì kjoa iseèn-lá Nainá.

9 Tsà jngoo xita k'oas'ín tìtsò nga k'oaá s'ín tìsijchá yijo-lá koni s'ín tjin kjoa iseèn-lá Nainá, tanga tsà majtikeè xikjín xi tikoá it'aà ts'e Cristo mokjeiin-lá, mìtsà kixí kjoa nga iseèn tìsijchá yijo-lá, takó yaá tijnajiin ñánda jñò choòn.

10 Jè xita xi matsjakeè xita xikjín xi tikoá it'aà ts'e Cristo mokjeiin-lá, k'oaá s'ín tìsijchá yijo-lá koni s'ín tjin kjoa iseèn-lá Nainá. Jè xita jè, mìtsà tì mé tjin-ne xi ma kohótsji jé-la.

11 Tanga jè xita xi majtikeè xita xikjín xi tikoá it'aà ts'e Cristo mokjeiin-lá, yaá tjna, kò yaá tsó'baya ya ndiyá ñánda jñò choòn. Mikiì beè ñánda tífi, nga jè kjoa jñò, bíchjoá xkon.

12 Jñò xi ndí ixti 'mì-nò, tikjiil-nò Xojon jè, nga it'aà ts'e Cristo-né nga jye kisijcháat'aà-nò Nainá jña jé xi tjin-nò.

13 Jñò xi xita jchínga 'mì-nò, tikjiil-nò Xojon jè, nga jyeé kiyaxkoòn jè Jesucristo xi tjna skanda tisa tàts'en-lá kjoa. Jñò ixti xi sa titsanjchá yijo-nò, tikjiil-nò Xojon jè, nga jyeé kinikijne-lá jè xita neí. Jñò xi ndí ixti 'mì-nò, jyeé kiskii-nò Xojon jè nga jye kiyaxkoòn Nainá xi Na'èn 'mì-laà.

14 Jyeé kiskii-nò xojon, jñò xi xita jchínga 'mì-nò, koiì kjoa-lá nga jyeé kiyaxkoòn Jesucristo xi tjna skanda tisa tàts'en-lá kjoa. Tikoáá jyeé kiskii-nò jñò ixti xi sa titsanjchá yijo-nò, koiì kjoa-lá nga tjin-nò nga'no kò jyeé ya tijnajiin inima-nò jè 'én-lá Nainá kò jyeé kinikijne-lá jè xita neí.

15 Ki jña matsjacha jña kjoa xi tjin isò'nde. Tsà ya xita xi matsjakeè jña kjoa xi tjin isò'nde, mìtsà kixí kjoa nga matsjakeè Nainá xi Na'èn 'mì-laà.

16 Ngats'ii kjoa ch'o xi jè isò'nde bíf'aà-ná, mìtsà ya nchrobá-ne it'aà ts'e Nainá xi Na'èn 'mì-laà. Tiyáá tìsindaà-ne i isò'nde. Jña kjoa ch'o koi, xi tjin isò'nde: jña-né kjoa ch'o xi sijé yijo-ná, kjoa xi tsejèn-lá xkooán nga mején-ná tsaján koma, kò kjoa 'nga takòn xi ts'e kjoa nchiná.

17 Ngats'ii kjoa ch'o xi tjin isò'nde, kò kjoa xi ya fahajiin-ná, jyeé tífehèt'aà, tanga jè xita xi sikitason koni s'ín mejèn-lá Nainá, kijnakon-né nita kjé-ne.

Jè xi kjoa kixi kò kjoa ndiso

18 Jñò xi ndí ixti xan-nò, jyeé tífehèt'aà nachrjein. Jyeé tjiin-nò nga kjoii jngoo xita xi nguì kondra tjna-lá Cristo. Kò nachrjein i'ndeí jyeé 'ñó kjin ma-ne xi kondra nchifi-lá Cristo. K'oaá ma-ne nga k'oas'ín machiya-ná nga jyeé tífehèt'aà nachrjein.

19 Jña xita koi, tì jí itjokajiin-ná, tanga xi kjoa kixi, mìtsà nguì xita tsaján ma; tsà kixí kjoa nga xita tsaján, íi-lá tìtsajnaqo-ná. Tanga koiì k'oas'ín itjokajiin-ná jña xita koi mé-ne nga ndaà kàta'ya-lá nga ngats'ii xita xi k'oas'ín kondra fi-lá Cristo, mìtsà nguì xita tsaján.

²⁰ Jè Jesucristo, xi x̄it̄a tsjeè, jyeé kitsjaà-nò jè In̄im̄a Tsjeè-l̄a Nainá; k'oáá ma-ne nga ngats'ioò jyeé ndaā t̄j̄īn-nò kós'ín t̄j̄īn xi kjoa kix̄i.

²¹ K'oáá ma-ne nga k'oas'ín tik̄j̄īl-nò xojōn jè, nga jyeé ndaā t̄j̄īn-nò xi kjoa kix̄i; m̄itsà koi-ne nga k'j'eè t̄j̄īn-nò. Kò jyeé ndaā t̄j̄īn-nò nga nijngòò 'én ndiso xi yà nchrobát'aà-ne it'aà ts'e kjoa kix̄i.

²² ¿Yá-ne xi x̄it̄a ndiso? Jè-né xi bí'ma nga tsò: "Jè Jesús m̄itsà jè xi Cristo, [m̄itsà Nainá kisikasén]." Jè x̄it̄a jè xi kondrā fi-l̄a Cristo nga jngòò k'a mik̄i mokjeīn-l̄a it'aà ts'e Nainá xi Na'èn-ná ma kò it'aà ts'e Jesucristo xi Ki'ndí-l̄a Nainá ma.

²³ Ngats'ii x̄it̄a xi jngòò k'a mik̄i mokjeīn-l̄a it'aà ts'e Ki'ndí-l̄a Nainá, m̄itsà Nainá xi Na'èn-ná ma t̄j̄nako. Tanga jè x̄it̄a xi mokjeīn-l̄a t̄ikoá tsjá 'én-l̄a nga jè Jesús, jè xi Ki'ndí-l̄a Nainá, yaá t̄j̄nako Nainá xi Na'èn-ná ma.

²⁴ Koií k'oas'ín xan-nò, ndaā k̄atasij̄īn in̄im̄a-nò jè 'én xi it'aà ts'e Cristo xi jye kina'yà nga t̄is̄a t̄ats'en-l̄a kjoa. Tsà k'oas'ín ndaā sij̄īn in̄im̄a-nò, t̄ikoáá ndaā k̄itsajnakoo Nainá xi Na'èn-ná ma kò Ki'ndí-l̄a.

²⁵ Jesucristo k'oáá s'ín kitsjaà 'én-l̄a nga tsjá-ná kjoabinachon xi mik̄i fehet'aà n̄it̄a kjé-ne.

²⁶ Koií xá tik̄j̄īl-nò xojōn jè mé-ne nga ma jchaxkon-nò j̄n̄a xi mejèn-l̄a konachan-nò.

²⁷ Tanga j̄n̄o, jyeé t̄j̄īn in̄im̄a-nò jè In̄im̄a Tsjeè-l̄a Nainá xi kitsjaà-nò Jesucristo. M̄i t̄i k̄i mochjeén-ne tsà yá xi kòkòya-nò. Nga t̄j̄jè-ne In̄im̄a Tsjeè-l̄a Nainá keənojmiya-nò kós'ín t̄j̄īn ngats'ii kjoa xi ndaā t̄j̄īn. Koni s'ín kòkòya-nò, 'én kix̄i-né, m̄itsà 'én ndiso. K'oáá s'ín ndaā t̄itsajnakoo k̄j̄it'aà Jesucristo, koni s'ín sik̄ichiya-nò In̄im̄a Tsjeè-l̄a Nainá.

²⁸ J̄n̄o koni ndí ixti xan-nò, k'oáá s'ín ndaā t̄itsajnakoo Cristo, mé-ne nga 'n̄ó t̄j̄īn-ne takoán kò mik̄i kosobà-ná k'e nga jè xi k̄it̄jojen ījngòò k'a-ne ngajm̄i.

²⁹ Koni s'ín jye t̄j̄īn-nò nga jè Cristo, x̄it̄a kix̄i-né nga nguixkon Nainá, k'oáá t̄is'ín ndaā k̄atasij̄īn-nò, nga ngats'ii x̄it̄a xi kjoa kix̄i s'ín nga nguixkon Nainá, ki'ndí-l̄a Nainá-né.

3

Ixti-l̄a Nainá

¹ Ndaā k̄atasij̄īn-nò, 'n̄ó ndaā matsjakeè-ná Nainá xi Na'èn-ná ma, k'oáá ma-ne nga ixti-l̄a tsò-ná. Kò ngui kix̄i kjoa nga ixti-l̄a Nainá 'm̄i-ná. K'oáá ma-ne nga j̄n̄a x̄it̄a isò'nde, mik̄i mokjeīn-l̄a tsà ixti-l̄a Nainá 'm̄i-ná, koií kjoa-l̄a nga j̄n̄a x̄it̄a koi, mik̄i mokjeīn-l̄a it'aà ts'e Nainá.

² J̄n̄o ndí 'ndsè xi matsjakeè-nò, j'nde jyeé ki'ndí-l̄a Nainá 'm̄i-ná. Tanga k'j'eè tsà ndaā okó-ná Nainá kó kjoàn komāa nga koma iskan. Tanga jyeé t̄j̄īn-ná nga k'oá t̄i kjoàn komāa koni k̄j̄i jè Jesucristo k'e nga k̄ijchò n̄achrjein nga jè xi k̄joí ījngòò k'a-ne; nga k'oáá s'ín jchaxkooán koni k̄j̄i jè.

³ Ngats'ii x̄it̄a xi k'oas'ín nchikoña nga k'oáá s'ín kjoàn koma koni k̄j̄i jè Jesucristo, n̄achrjein nchijòn-né nga tsjeè nchis̄ijchá yijo-l̄a koni s'ín nga x̄it̄a tsjeè jè Jesucristo.

⁴ Ngats'ii x̄it̄a xi ótsji jé, kondraá fi-l̄a k̄jot̄ixoma-l̄a Nainá. K'e nga jè binchaatsjiaá, jè k̄jot̄ixoma-l̄a Nainá tin̄achrjenguaíá.

⁵ J̄n̄o, jyeé t̄j̄īn-nò nga jè Jesucristo koií xá j'ii-ne nga jè faax̄in-ná j̄n̄a jè xi t̄j̄īn-ná. Kò 'ya-nò nga jè Jesucristo, n̄im̄é jè tsohótsji.

⁶ Ngats'ii x̄it̄a xi Cristo t̄itsajnakoo, m̄itsà jè ótsji; tanga j̄n̄a x̄it̄a xi ótsji jé, k'j'eè k̄i beexkon kò t̄ikoá mik̄i t̄j̄īn-l̄a yá-né xi 'm̄i Jesucristo.

⁷ Jñò, xi ndí *ixti-na* xan-nò, kì kii biì'nde tsà yá xi skónachan-nò. Jè *xita* xi kjoa *kixi* s'ín nga nguixkon Nainá, *xita* *kixi*-né, koni *xita* *kixi* jè Cristo.

⁸ Tanga jè *xita* xi *kjit'* aà *nachrejin* tihótsji jé, ts'e *xita* *nejí*-né. Nga jè *xita* *nejí*, k'oaá s'ín tihótsji jé skanda tisa tats'en-la kjoa. Kò koií xá j'ii-ne Jesucristo xi Kí'ndí-la Nainá nga jé sikixóña jña kjoa ch'o xi s'ín jè *xita* *nejí*.

⁹ Ngats'ii *xita* xi jye Nainá *kisikjatjiya*-la nga k'í'ndí-la Nainá ma, mitsà *tija* títajajiiin-ne jé. Nga jyeé yá *tijnajiiin* *inima*-la jé *Inima* Tsjee-la Nainá. Kò mii tì kii ma kohótsji-jé-isa, nga jyeé k'í'ndí-la Nainá-né.

¹⁰ K'oaá s'ín ma-ne nga yaxkon-la yá-né xi *ixti*-la Nainá kò yá-né xi *ixti*-la *xita* *nejí*; ngats'ii *xita* xi mikii sítikasón kjoa *kixi*-la Nainá, tikoá mikii tsjakeé beè *xita* *xíkjín* xi *tikoá* *it'* aà ts'e Cristo mokjeiín-la, mitsà k'í'ndí-la Nainá ma.

Ngásòn ngáya tsjacha s'eén xinguiáá

¹¹ Nga k'oaá s'ín *tichja* jé 'én xi jye kina'yá k'e nga tisa kòkjeiín-nò nga sa *itjòn* nga tsò: Ngásòn ngáya tsjacha s'eén xinguiáá.

¹² Mikii k'oaá s'ín s'eén koni kis'iin jè *xita* xi k'í'mi Caín nga jè *xita* *nejí* kiit'aà-la nga *kisik'en* 'ndse. ¿Mé-ne *kisik'en*-ne 'ndse? Tà koií kjoa-la nga jé 'ndse, *xita* *kixi*-né nga nguixkon Nainá kò jé Caín ch'óó tjin kjoa xi s'ín.

¹³ K'oaá ma-ne k'oaá s'ín *tixan*-nò jñò ndí 'ndse, kì maxkón-nò tsà sjiitikeè-nò *xita* *isò*'nde xi mikii mokjeiín-la 'én-la Nainá.

¹⁴ Jñá jyeé *tjiin*-ná nga jyeé *itjokajñaá* yá *ndiyá* kjoabiyaá xi yá *tjaáyaá* *kjòtseé* kò jyeé *tjin*-ná kjoabinachon xi mikii fehet'aà *nita* *kjé*-ne. Nga jyeé k'oaá s'ín ndaá *matsjachaá* jña *xita* xinguiáá xi *tikoá* *it'* aà ts'e Cristo mokjeiín-la. Jè *xita* xi mikii *matsjakeé* *xíkjín*, *ndiyá* kjoabiyaá sóhoya jé *inima*-la.

¹⁵ Ngats'ii *xita* xi *majtikeé* *xita* *xíkjín*, k'oaá s'ín *ngaya*-la koni tsà *xita* *sík'en*. Jñò, ndaá *tjiin*-nò, jé *xita* xi *xita* *sík'en*, mitsà kjoabinachon xi mikii fehet'aá *tísjchájiin* *yijo*-la.

¹⁶ Jñá, k'oaá s'ín 'ya-ná mé xi 'mì *kjòtsjacha* k'e nga jé Jesucristo kitsjaá *kjòtjò* *yijo*-la nga k'en ngajo-ná. Jñá k'oaá *tis*'ín *mochjeén* nga s'eén *it'* aà ts'e *xita* xinguiáá koni kis'iin jè Cristo.

¹⁷ Tsà tjin *jngoó* *xita* xi *tjin*-la *tsojmì* xi *tímochjeén* *kjit'* aà-la, tsà skoe *jngoó* *xita* *xíkjín* xi *tikoá* *it'* aà ts'e Cristo mokjeiín-la nga *tsjin*-la *tsojmì* xi *mochjeén*-la, tsà mikii ma-la nga *kosiko* jé *xita* *xíkjín* xi *it'* aà ts'e *tsojmì* xi *tsjin*-la, mitsà *kixi* kjoa nga *kjòtsjacha*-la Nainá *tijnajiiin* *inima*-la.

¹⁸ Jñò xi ndí *ixti-na* xan-nò, *titsjacha* xinguiáá, kì tà 'én nokjoá; ngui ndaá *kàta*'ya-la kós'ín *matsjacha* xinguiáá nga *tisikòó* mé *tsojmì* xi *mochjeén*-la mé-ne nga *kàta*'ya-la nga *kixi* kjoa nga ndaá *matsjacha* xinguiáá.

Ñó tjin takoán nga nguixkon Nainá

¹⁹ K'e nga k'oaá s'ín *titsa*'né, k'eé *jcha*-ná nga *kixi* kjoa nga k'oaá s'ín *titsanjchá* *yijo*-ná koni s'ín tjin kjoa *kixi*-la Nainá kò 'nchán *núkjinaá* *inima*-ná nga nguixkon Nainá.

²⁰ Nas'ín jé *inima*-ná jé *tíbinè*-ná, tanga jé Nainá, isaá ndaá *tjiin*-la mii k'oa-ne koni jé *inima*-ná. Nga jé Nainá isaá ndaá tsejèn *yije*-la ngats'ii kjoa xi *titsa*'né.

²¹ Jñò ndí 'ndse xi *matsjake*-nò, tsà jé *inima*-ná mitsà tì mé kjoa ch'o *tíbinè*-ná, 'ñó tjin takoán nga nguixkon Nainá.

²² Tsà mé xi *sijé*-lá Nainá, maá-la *tsja* *yije*-ná *nita* mé *kjondaá*-ne; nga *níkitasoán* *kjòtixoma*-la, kò k'oaá s'ín 'né koni s'ín *sasén*-la Nainá.

²³ Jè kjotíxoma-là Nainá, jé-né nga ndaà kàtakjeiín-ná it'aà ts'e Jesu-cristo xi Ki'ndí-là ma, tìkoà ngàsòn ngáya kotsjachaá xinguiáá koni s'in jye tsatíxoma-ná Cristo.

²⁴ Jè xítà xi síkitasòn kjotíxoma-là Nainá, yaá tijnako Nainá, kò jè Nainá yaá tijnajiln inìma-là xítà jè. K'oaá ma-ne nga 'yaá nga Nainá ya tijnako-ná, koi kjoa-là nga jye kitsjaà-ná jè Inìma Tsjeè-là.

4

Jñà xítà xi kondrà fi-là Cristo

¹ Jñò ndí 'ndsè xi 'ñó matsjake-nò, kì taxkì mokjeiín-nò it'aà ts'e ngats'iì xítà xi tsò nga jè Inìma Tsjeè-là Nainá síkíchiya-là 'én xi chjaya. Ítjòn chít'aà, a kixí kjoa nga jè Inìma Tsjeè-là Nainá tísíchiya-là 'én xi chja, a xi majin-né. Nga jñà nachrjein xi titsajnaá i'ndeí, tijn jchán xítà ndiso xi tjímasòn ya isò'nde xi tsò nga jè Nainá tsjá-là 'én xi nchibénojmiya.

² Jè xítà xi bénojmi nga jè Jesucristo, íí kits'iin it'aà nangui, kò xítáá komà koni jñà, jè xítà xi k'oas'in bénojmi, jè-né xi tjin-là Inìma Tsjeè-là Nainá. K'oaá s'in 'ya-nò yá xítà-ne xi jè Inìma Tsjeè-là Nainá tísíchiya-là 'én xi tichjaya.

³ Tanga jè xítà xi mikii k'oas'in kénojmi nga jè Jesucristo íí kits'iin it'aà nangui, kò xítáá komà koni jñà, jè xítà xi k'oas'in tsò, tsjin-là Inìma Tsjeè-là Nainá. Xítà jè, jè tísíkjeén kjohítsjeèn-là xítà xi tijná ítjòn nga kondrà fi-là Cristo. Jñò, jyeé kina'ya nga kjoíí-né jè xi kondrà fi-là Cristo, kò nachrjein xi titsajnaá i'ndeí jyeé k'oas'in tísíxá kjohítsjeèn-là.

⁴ Jñò xi ndí ixti-na xan-nò, jyeé xítà-là Nainá 'mì-nò; jñò, jyeé kinikjine-là jñà xítà xi k'oas'in 'én ndiso chjaya; mì tì kii koma-ne nga jñà skónachan-nò, nga jè Inìma Tsjeè-là Nainá xi tijnajiln inìma-nò, isáá ts'e nga'ño tjin-là mì k'oaà-ne koni jè kjohítsjeèn ts'e xítà neíí xi sixájin inìma-là xítà xi mikii mokjeiín-là it'aà ts'e Cristo.

⁵ Jñà xítà koi, tà jñà titsajnakon-ne kjohítsjeèn xi tjin ya isò'nde; k'oaá ma-ne nga k'oas'in chja kò jñà 'nchré-là xítà xi tìkoà kjohítsjeèn ts'e isò'nde síkjeén.

⁶ Tanga ngajen, xítà-là Nainá-nájen. K'oaá ma-ne nga jñà 'nchré-najen jñà xítà xi mokjeiín-là 'én-là Nainá. Tanga jñà xi mìtsà xítà-là Nainá ma, mìtsà ngajen sí's-in-najen. K'oaá ma-ne nga 'ya-là yá-né xi nguì jè Inìma Tsjeè-là Nainá tísíkihiya-là nga nguì kjoa kixì kò yá-né xi inìma ndiso-là neíí tikonachan-là.

Nainá, ñó tjin-là kjotsjacha

⁷ Jñò ndí 'ndsè xi 'ñó matsjake-nò, mochjeén-né nga ngàsòn ngáya tsjacha jchaá xinguiáá, nga jè xi kjotsjacha, it'aà ts'e Nainá nchrobá-ne. Ngats'iì xítà xi tjin-là kjotsjacha, ki'ndí-là Nainá-né kò tìkoáá beè-né yá-né xi Nainá.

⁸ Jè xítà xi mikii matsjakeè xítà xíkjin, kj'eè kì beè yá-né xi Nainá, nga jè Nainá kjotsjacha-né.

⁹ K'oaá s'in tsakó-ná Nainá kjotsjacha xi tjin-là xi it'aà tsaján nga kisikasén ki'ndí-là i isò'nde, jè ki'ndí-là xi ta jè ta jngoò ma-ne, mé-ne nga it'aà ts'e ndaá kitsajnaakoaán.

¹⁰ K'oaá s'in tjin kjotsjacha xi tsakó Nainá xi it'aà tsaján: Mìtsà koi-ne nga jñà ndaá matsjachaá Nainá. Jè Nainá xi 'ñó ndaá matsjakeè-ná. K'oaá ma-ne nga kisikasén ki'ndí-là nga k'en ngajo-ná, mé-ne sijnchàat'aà-ná jé-ná.

¹¹ Jñò ndí 'ndsè xi matsjake-nó, tsá jè Nainá k'oas'in 'ñó ndaá matsjakeè-ná, mochjeén-né nga k'oa tìs'in kotsjachaá xinguiáá nga jngoò jngoá.

¹² Nj saá jngoò x̄ita xi xk̄on beè-ne Nainá, tanga tsà ndaa k̄otsjachaá xinguiáá nga jngoò jngoá, jè Nainá yaá t̄ijnaj̄iñ kjit'aa in̄ima-ná ko it'aa tsaján-ná nga ndaa t̄ibitasòn yije k̄jotsjacha-la Nainá.

¹³ Nainá jyeé kitsjaà-ná In̄ima Tsjeè-la. K'oaá ma-ne nga jye 'yaá nga kjit'aa nachrjein ya t̄itsajnaoáá Nainá ko t̄ikoáá ya t̄ijnako-ná Nainá nga t̄ijnaj̄iñ in̄ima-ná.

¹⁴ Ngajen sobá ki'ya-jen ko 'bí-nájen 'én-najen nga jè Nainá xi Na'èn 'mì-laá kisikasén Ki'ndí-la nga jè kochrjekaj̄iñ k̄jo'in xi kjoa ts'e jé-la ngats'ii x̄ita isò'nde.

¹⁵ Ngats'ii x̄ita xi ngui ko in̄ima-la tsjá 'én-la nga jè Jesús xi Ki'ndí-la Nainá, kjit'aa nachrjein ya t̄ijnako Nainá ko jè Nainá yaá t̄ijnaj̄iñ in̄ima-la.

¹⁶ Jyeé k'oas'in ndaa 'yaá, ko t̄ikoá mokjeiín-ná, nga jè Nainá t̄jín-la k̄jotsjacha xi it'aa tsaján. Nga jè Nainá k̄jotsjacha-né. Ko jè x̄ita xi k̄jotsjacha t̄ijnaj̄iñ kjit'aa ya in̄ima-la, yaá t̄ijnako Nainá ko jè Nainá yaá t̄ijnaj̄iñ in̄ima-la x̄ita jè.

¹⁷ K'e nga it'aa tsaján k'oas'in ndaa t̄ibitasòn yije k̄jotsjacha-la Nainá, 'ñó t̄jín takoán nga mìtsà t̄j mé tsakjoòn-ná jè nachrjein k'e nga s̄indaaj̄iñ-la x̄ita xi kjoa ts'e jé-la. Nga j̄ná, k'oaá s'in ndaa t̄itsa'né i isò'nde koni s'in kis'iin jè Jesucristo.

¹⁸ Ya n̄anda nga t̄jín xi k̄jotsjacha, mìtsà t̄j mé kjoskon t̄jín-ne. Nga jè xi ngui k̄jotsjacha, faáxin-né ngats'ii xi kjoskon 'mì. Jè x̄ita xi tsakjón, k̄jo'in-né xi tsakjón-la. Ko jè x̄ita xi tákó kjoskon t̄j̄iñ in̄ima-la, koií-né nga k'j'eé tsà ndaa t̄j̄iñ in̄ima-la jè k̄jotsjacha-la Nainá.

¹⁹ Koií k'oas'in matsjacha-ná Nainá, koií kjoa-la nga jè k̄jòtsjakeè it̄jòn-ná.

²⁰ Tsà t̄jín x̄ita xi tsò: "An, matsjake-ná Nainá." Tanga tsà majtikeè x̄ita x̄ikjín xi t̄ikoá it'aa ts'e Cristo mokjeiín-la, jè x̄ita jè, x̄ita ndiso-né. Tsà mì ki matsjakeè x̄ita x̄ikjín xi xk̄on tibeè-ne, z̄kós'in ma-ne k̄jòtsjakeè Nainá xi k'j'eé tsà xk̄on beè-ne?

²¹ Jè k̄jot̄ixoma xi kitsjaà-ná Jesucristo, k'oaá tsò: Jè xi matsjakeè Nainá, mochjeén-né nga t̄ikoá k̄atamatsjakeè x̄ita x̄ikjín xi t̄ikoá it'aa ts'e Cristo mokjeiín-la.

5

Kós'in koma s̄ikijne-lá kjoa ts'e isò'nde

¹ Jyeé ixti-la Nainá-né ngats'ii x̄ita xi ngui ko in̄ima-la mokjeiín-la nga jè Jesús, [jè-né xi Nainá kisikasén], jè-né xi Cristo. Ko ngats'ii x̄ita xi tsjakeè xi na'èn t̄jna-la, t̄jíné-la nga t̄ikoá k̄jòtsjakeè ngats'ii ixti-la na'èn-la.

² K'e nga matsjachaá Nainá, ko t̄ikoá n̄ikitasoán k̄jot̄ixoma-la, 'ya-ná nga t̄ikoá matsjachaá j̄ná xi ixti-la Nainá ma.

³ K'oaá s'in t̄jín tsà kixi kjoa nga matsjachaá Nainá, jè-né nga ndaa s̄ikitasoán k̄jot̄ixoma-la. Ko jè k̄jot̄ixoma-la, mìtsà 'ñó 'in bitasòn.

⁴ Nga ngats'ii x̄ita xi ixti-la Nainá ma, s̄ikijneé-la ngats'ii kjoa ch'o xi t̄jín isò'nde. Koií ma n̄ikijne-lá kjoa xi t̄jín isò'nde nga mokjeiín-ná it'aa ts'e Cristo.

⁵ Niyá xi ma s̄ikijne-la jè kjoa ch'o xi t̄jín isò'nde, tajngoò-né jè x̄ita xi mokjeiín-la it'aa ts'e Jesús, nga jè-né xi Ki'ndí-la Nainá ma. Jè-né xi ch̄ikjoa-la nga s̄ikijne.

Jè xi tsjá kixi 'én it'aa ts'e Ki'ndí-la Nainá

⁶ Jé-né Jesucristo xi j'ii ì isò'nde. Kò k'e nga j'ii, jè nandá kò jní xi ndaà tsakó. Kò mìtsà tà jè nandá xi tsakó, tìkoáá jè jní. Kò jè Inìma Tsjeè-là Nainá xi bénojmí kixì yá-ne xi jè. Nga jè Inìma Tsjeè-là Nainá, ngui kjoa kixì-né.

⁷ Jàn ma-ne xi ngui tsjá kixì 'én-là xi it'aà ts'e kjoa koi:

⁸ Jè Inìma Tsjeè-là Nainá, jè nandá, kò jè jní. Kò ngajàn koi, ngàsòn tsò.

⁹ Tsà mokjeiin-ná jñà 'én xi tsjá xita isò'nde, mochjeén-né nga isa ndaa kòkjeiin-ná jè 'én xi jè sobà Nainá tìtsjá. Nga jè 'én xi tìtsjá, jè tìbénojmí, yá-ne xi Kì'ndí-là Nainá.

¹⁰ Jè xi ngui kò inìma-là mokjeiin-là it'aà ts'e Kì'ndí-là Nainá, yaá tjiin inìma-là nga kixì kjoa jè 'én xi tsjá Nainá. Tanga jè xi mìkii mokjeiin-là it'aà ts'e Nainá, jè Nainá, ndiso tíhocrjengui, koi kjoa-là nga mìkii mokjeiin-là 'én xi tsjá Nainá xi it'aà ts'e Kì'ndí-là.

¹¹ Jè 'én xi kitsjaà Nainá, jè-né nga jè Nainá tsjá-ná kjoabinachon xi mì fehet'aà nita kjé-ne. Kò jè kjoabinachon jè, yaá sakó-ná it'aà ts'e Kì'ndí-là.

¹² Jè xita xi Kì'ndí-là Nainá tijnajiin inìma-là, tjin-là kjoabinachon xi mìkii fehet'aà nita kjé-ne; tanga jè xita xi mìtsà Kì'ndí-là Nainá tijnajiin inìma-là, tsjin-là kjoabinachon.

'Én xi fehet'aà-ne

¹³ Jñò xi mokjeiin-nò it'aà ts'e Kì'ndí-là Nainá, koi xá tìkji-nò Xojon jè mé-ne nga ndaa kàtasijiin-nò nga jyeé tjin-nò kjoabinachon xi mìkii fehet'aà nita kjé-ne.

¹⁴ K'oaá ma-ne nga 'ñó tjin takoán k'e nga nokjoát'aà-lá Nainá. K'oaá s'in ndaa kji'nchré-ná tsà k'oas'in sijeé'aà-lá koni s'in sasén-là jè.

¹⁵ Tsà jye k'oas'in tjiin-ná nga Nainá 'nchré-ná k'e nga tsà mé xi nijé-laá, tìkoáá jyeé 'yaá nga tìk'eé-ne nga nijé-laá tsjá-ná mé xi nijé-laá.

¹⁶ Tsà yá xita xi skoe jngòè xita xíkjin xi tìkoá it'aà ts'e Cristo mokjeiin-là nga ya tìkajiin jñà jè xi mìtsà kjoabiyaá fikò-ná, maá katútsi'batji, kò jè Nainá tsjá-là kjoabinachon jè xita xi tíhótsji jé. Tanga tà jñà-né xi koxan-là nga ma sitsi'batji jñà xita xi mìtsà ngui kjoabiyaá kjit'aà-là jñà jè xi nchihótsji. Nga tjin jé xi kjoabiyaá fikò-ná, kò k'oaá xan nga mìtsà mochjeén nga sitsi'batji jè xita xi kòtjin jé xi tíhótsji.

¹⁷ Tanga ngats'ii kjoa ch'o xi s'in xita, ngui jé-né nga nguixkon Nainá. Tanga tjin-né jñà jè xi mìtsà kjoabiyaá fikò-ná.

¹⁸ Jyeé tjiin-ná nga jñà xi ixti-là Nainá ma, mìtsà tiya tìtsajinajiin-ne jé, nga jè Jesús xi Kì'ndí-là Nainá ma, tís'in kindá, kò jè xita neii, mì tì kii mé xi ch'o siko-ne.

¹⁹ Jyeé 'ya-ná nga ixti-là Nainá 'mì-ná; tanga jñà xita xi mìkii mokjeiin-là it'aà ts'e Cristo xi tjin nga tìtsa isò'nde, jè xita neii tíhotixoma-là.

²⁰ Tìkoáá 'ya-ná nga koi xá j'ii-ne jè Kì'ndí-là Nainá ì it'aà nangui nga jè ndaa kisikichiya-ná mé-ne nga ma yaxkoaán xi ngui jè sobà Nainá. Kò yaá tìtsajnaakoaá jè xi ngui jè sobà Nainá koi kjoa-là nga ya tìtsajnaakoaá Jesucristo xi Kì'ndí-là ma, xi tije sobà-ne Nainá kò xi ma-là tsjá-ná kjoabinachon xi mìkii fehet'aà nita kjé-ne.

²¹ Jñò xi ndí ixti-nà xan-nò, kì jñà onguítjngui-là jñà nainá xi beèxkón xita xi mìtsà kixì kjoa nga Nainá.

Xojon carta xi ma-ne jò xi kiskii San Juan

Kjoa tsjacha ko kjoa kixi

¹ Ji ndi chjoón xi xó jaàjiin-lè Nainá, ko jñà ixti-lè, tikjiin-nò Xojon jè 'an xi xita jchinga 'mi-na ya ingo. Ngui okixi-né nga matsjake-nò; mitsà ta 'an xi matsjake-nò, tikoaa matsjakeè-nò ngats'ii jñà xita xi jye beè kós'in tjín xi kjoakixi.

² Koií k'oas'in matsjake-nò, nga jyeé ndaa tíjiin ya inima-ná jè xi ngui kjoa kixi, ko yaá kijnajiin kjit'aà skanda nita mé nachrjein-ne.

³ Nainá xi Na'en 'mi-laà ko Na'en-ná Jesucristo xi Ki'ndí-la Nainá ma, kátatsja-nò kjondaà, kàtahimakeè-nò, 'nchán kátasikijna jiin inima-nò, xi ngui ko kjoakixi ko kjotsjacha-la.

⁴ 'Nò kjòtsja-na k'e nga kijtsee xkoaàn i'nga ixti-lè, nga k'oaá s'in nchisijchá yijo-la koni s'in tjín kjoa kixi ts'e Nainá, koni s'in jye tsatixoma-ná jè Nainá xi Na'en 'mi-laà.

⁵ K'oaá s'in tibitsi'bà-nò i'ndeji jñò ndí 'ndse xi 'nò matsjake-nò, nga mochjeén-né nga 'nò kotsjachaá xinguiáá nga jngó íjngoá. Ko mitsà kjotixoma xitse xi tikjiin-nò, tije-ne jè kjotixoma xi kitjoé-ná skanda tisa tàts'en-la kjoa.

⁶ K'oaá s'in tjín xi it'aà ts'e kjotsjacha, jé-né nga k'oas'in sikitasoaán koni s'in tjín kjotixoma-la Nainá; jyeé kina'yà nga tisa 'nò kjòtsee kós'in tíchja kjotixoma nga 'nò mochjeén nga kotsjachaá xinguiáá nga jngó íjngoá.

Xita xi konachan

⁷ Nga kjin ma-ne xita xi tjimasòn nga tjingoò isò'nde xi nchikonachan-la xita, nga tsò: "Mitsà 'én kixi nga k'oas'in kits'iin Jesucristo nga xita komà koni jñà." Jè xita xi kòtsò, ta tikonachan-né ko jè-né xi tjina ítjòn nga kondra fi-la Cristo.

⁸ Ndaa t'een kindá yijo-nò, mé-ne nga mikil s'ichjaà-nò jè kjotjò xi tjoé-nò it'aà ts'e xá xi tisa'nè. Nga mochjeén-né nga kátatjoé yije-nò jè chí-la xá xi tisa'nè.

⁹ Ngats'ii xita xi otonè-la koni s'in tjín 'én xi tsakóya jè Cristo nga xìn ndiyá kjoé, mitsà Nainá tjínako; tanga jè xi kixi tjina nga k'oas'in tís'in koni s'in tsakóya Cristo, yaá tjínako Nainá xi Na'en 'mi-laà ko jè xi Ki'ndí-la ma.

¹⁰ Tsà k'e jngoo xita kijchòkon-nò xi mejèn-la nga 'én-la Nainá keènojmi-nò tanga tsà mi k'oas'in okóya koni tsò 'én-la Cristo, ki kii biì'nde-laà nga ni'ya-nò fahas'en ko k'ì 'mi-laà: "Tikjáyi."

¹¹ Nga jè xi tsjá'nde-la nga sikkas'en ni'ya-la, tikoaa yaá tisingásòn-ko kjòhítsejèn-la jñà xita xi ta kjoa ndiso nchihokóya.

'En xi fehet'aà-ne

¹² Tjín jchán-isa mé 'én xi mejèn-na nga koxán-nò, tanga majin-na nga ta Xojon kit'aà-nò. Jè xi mejèn-na nga kjikon xátí-nò. K'éé isa ndaa jchibá mé-ne nga ngats'iaá ngasòn ngáya kátas'e-la kjotsja inima-ná.

¹³ Jñà ixti-la chjoón tichji xi tjikoa xó jaàjiin-ne Nainá nchisikasén-lè 'én nga síhixat'aà-lè. K'oas'in kàtama.

Xojon carta xi ma-ne jà_n xi kiskù San Juan

Mé kjoa-ne nga ndaa chá Juan it'aà ts'e xita xi 'mì Gayo

¹ Ji ndí 'ndsè xi 'mì-lè Gayo xi 'ño ndaa chibá ko xi ngui ko inima-na nga matsjake-lè, tikji-lè Xojon jè 'an xi xita jchinga 'mì-na ya ingo.

² Ji ndí 'ndsè, 'an, k'oaá s'in tísjé-la Nainá, nga ndaa kátitjo yije nita mé kjoa xi s'in ji, koni s'in ndaa tímachikon-t'in inima-lè xi it'aà ts'e Nainá, k'oaá tís'in ndaa kátijna jè yijo-lè nga nimé ch'in kátas'e-la.

³ Taxki 'ño kjòtsja-na k'e nga j'ì i'nga jña 'ndsé xi tsibénojmi-na nga k'oaá s'in tinjchi yijo-lè koni s'in tjin kjoa kixi it'aà ts'e Cristo.

⁴ Ni ti mé kjoa tjin-ne xi k'oas'in 'ño matsja-la inima-na, ta jè-ne k'e nga 'nchrè nga jña xi ndí ixti-na xan-la nga k'oaá s'in nchisíjchá yijo-la koni s'in tjin xi kjoakixi.

⁵ Ngaji ndí 'ndsé xi 'ño matsjake-lè, 'ño kixi tinjchi yijo-lè, k'e nga k'oas'in ndaa nis'in-la ya ni'ya-lè jña xita xinguiáa xi bijchókon-lè xi tikoa 'én-la Nainá mokjein-la; ko isaá ta ndaa tjin-isa k'e nga tikoa ndaa nis'in-la jña xita xinguiáa xi xin j'nde f'ì-ne.

⁶ Jña xita xinguiáa k'oaá s'in tsibénojmi kixi ya nguixkon xita naxandá-la Cristo, nga ngaji 'ño matsjachi ngats'ìi xita xinguiáa koi. K'oas'in ndaa tísiko-isi k'e nga kijchókon-lè; tji-là mé xi mochjeén-la k'e nga tjímaya ya jya ndiyá. K'oaá s'in tikojii koni s'in sasén-la Nainá.

⁷ Nga it'aà ts'e Cristo-né nga k'oas'in jye tsibínè-la yijo-la jña xita xinguiáa koi, nga k'oaá s'in nchisíxá-la Jesucristo, ko majin-la nga jña kiskoé tsojmi xi tsjá-la xita xi mitsà it'aà ts'e Cristo mokjein-la.

⁸ Koií mochjeén-ne nga jña oko-ná nga ksjikoaá jña xita xinguiáa koi. Tsà k'oas'in ksjikoaá, tsò-ne kjoa nga ngásòn titsanika'bisoán jè 'én kixi xi ndaa tsò.

Kjoa ch'o xi s'in jè xita xi 'mì Diótrefes

⁹ 'An jyeé kiskiaá jngoð Xojon nga kisikasén-la jña xita naxandá-la Cristo, tanga jè Diótrefes mikii sasén-la koni s'in kí'mì-lajen, nga jè, koií xi mejèn-la nga ta jè kotixoma.

¹⁰ K'e nga kijchoa, k'eé koxán kixi-la it'aà ts'e ngats'ìi kjoa ch'o xi tís'in, nga 'ño ch'o tsò 'én ndiso xi túbínè-najen. Ko mitsà ta ya majngoð ikon, tikoaá mikii ma-la nga sis'in-la jña xita xinguiáa xi bijchókon ya ni'ya-la. Ko jña 'ndsee xi mejèn-la nga s'is'in-la xita xinguiáa, jé bíhjoà ikon-la, ko tikoaá ochrjekàjii-né ya naxandá-la Cristo jña 'ndsé xi k'oas'in síkitasòn kjondaà koi.

¹¹ Ji ndí 'ndsé xi 'ño matsjake-lè, k'ì jña chjngui-la jña kjoa xi ch'o tjin; ji, jña chjngui-la jña kjoa xi ndaa tjin. Nga jè xita xi ndaa s'in, xita ts'e Nainá-né; tanga jè xita xi ch'o s'in, kj'eé ki beé yá-ne xi Nainá.

Kjondaà xi s'in jè xita xi 'mì Demetrio

¹² It'aà ts'e Demetrio, ngats'ìi xita k'oaá tsò nga 'ño ndaa tjin koni s'in tís'in, skanda jè xi kjoa kixi, k'oaá s'in okó nga jè Demetrio, ndaa tjin koni s'in tís'in; k'oaá tís'in bixón-jen nga ndaa tjin koni s'in tís'in, ko ndaa 'yi nga 'én kixi-né koni s'in bixón-jen.

'Én-la Juan xi fehet'aà-ne

¹³ Tjín-ìsa-na mé 'én xi mejèn-na nga koxán-lè, tanga majìn-na nga tà Xojon siikasén-lè;

¹⁴ jè xi mejèn-na nga kjikon xátí-lè; k'ée ìsà ndaà jchìbanojmiá k'e nga kìjchokon-lè.

¹⁵ K'oas'in 'nchán kàtìjna kjit'aà inìma-lè. Jñà xìtá xi ndaà óko-ná xi ì'nde-là tísíhixat'aà-lè. Kot'in-là jñà xìtá xi ndaà óko-ná xi yà títsajnakò-lè, Nainá kàtasíchikon-t'in nga jngoò ìjngoò.

Xojoṇ carta xi kiskiṇ San Judas

¹ An, Judas xi chṭ'nda-la Jesucristo ma, ko 'ndsè ma Jacobo, tikjiṇ-nò jñò xi xó kinokjoà-nò nga tjòkeè-nò Nainá xi Na'èn-ná ma, ko nga jè Jesucristo síkinda-nò.

² Tse kjoḥimatakòṇ ko kjoa'nchán ko kjoaṭjòcha kàtatsjá-nò Nainá.

Kjo'in xi tjoé-la jñà xita xi jahas'en-jiiṇ'ma naṅandá-la Nainá nga 'én ndiso okóya

(2 Pedro 2:1-17)

³ Ndí 'ndsè xi 'ñó matsjake-nò, kjòtseé tjín-ne nga mejèn-na skiṇ-nò koni s'in ngàsòṇ kisiko-ná Nainá nga tsachrjekàjiṇ-ná kjo'in kjoa ts'e jé-ná. Tanga i'ndeṭ mochején-né nga tikjiṇ-nò mé-ne nga ma bitsi'ba-nò nga 'ñó tixkàtjiò jè kjotixoma koni s'in mokjeiṇ-nò xi xó k'oas'in jngòò k'a kis'enojmí-la xita tsjeè-la Nainá.

⁴ Tjín i'nga xita xi jahas'en-jiiṇ'ma-nò. Jñà xita koi, kjòtseé k'oas'in tjínè-la nga kjo'in s'e-la koni tsò Xojoṇ-la Nainá. Jñà xita koi, ch'oó s'in; mìkiṇ beèxkón Nainá. Síkatjijaá-la kjondaà-la Nainá; koiṇ síkatasòṇ kjoa ch'o xi síjé yijo-la. Ochrjenguiṇ Jesucristo xi ta jè tajngòò otixoma-ná.

⁵ Jñò, nas'in jye tjiṇ-nò kjoa koi, tanga l'jngòò k'a tisikitsjeèn-nò, jè Nainá tsachrjekàjiṇ xita naṅandá Israel ján Egipto, tanga xi jye komà iskan, l'jngòò k'a kisikjehesòṇ jñà xita xi mìkiṇ kòkjeiṇ-la i't'aà ts'e.

⁶ K'oaá tṭi komàt'in jñà àkjalé xi mìkiṇ ndaà tsibitsajnajiiṇ xá xi kjòngatsja, ta saá kitsjeiṇ takòṇ i'nde xi kitjóé-la. Tjen-ne nachrjeiṇ jè, skanda i'ndeṭ, Nainá, na'ñó kichá cadena tjit'aà'ñó-la nita mé nachrjeiṇ-ne, ya ñánda i'ndeṭ jñò choòṇ, skanda jè nachrjeiṇ k'e nga sindaàjiṇ.

⁷ K'oaá tṭis'in komàt'in jñà naṅandá Sodoma ko Gomorra ko naṅandá xi ya chrañàt'aà-la kjiyijò nga kjoachjnguiṇ kis'iṇ nga ngui ta kjoach'o ts'e yijo-la kiitjngui-la. Naṅandá koi, ngats'ii xita xi tjín, ni'in kisikjehesòṇ. Nainá k'oaá s'in tsibíjna jngòò-ná chiba ni'in xi ts'e kjo'in xi mìkiṇ bits'o nita kjé-ne.

⁸ Jñà xita xi jahas'en-jiiṇ'ma-nò, k'oaá tṭis'in tà nijñà tí'biṇ-la, nchihótsji jé-la yijo-la, ochrjengui kjotixoma-la Na'èn-ná, chjajno-la jñà nga'ñó xi mìkiṇ tsejèn.

⁹ Jè Miguel xi àkjalé i'tjòṇ, mìtsà 'én 'ngaa kiichjako jè xita neṭi k'e nga kiskaàn-ya-ne yijo-la Moisés; mìtsà kó kitsò-la mé kjo'in xi tjoé-la; ta kitsò-la: "Nainá kàtatsjá-lè kjo'in."

¹⁰ Tanga jñà xita koi, chja kondraá-la kjoa xi mìkiṇ tjiṇ-la. Ko jñà kjoa xi tjiṇ-la, k'oaá s'in síchjeén koni cho xi tsjìn-la kjoḥitsjeèn nga ti yijo ts'e síkists'ón-ne.

¹¹ Jma xó-ne xita koi, nga jè ndiyá-la Cain kiitjngui-la! K'oaá tṭi tjín jé xi tsohótsji koni kis'iṇ Balaam ta jè kjoa-la nga tòn síkijne. K'oaá s'in kiyá koni s'in k'en Coré koiṇ kjoa-la nga kondra kii-la Nainá.

¹² Jñà xita koi k'e nga ya báhihtako-nò nga s'eí-la Na'èn-ná tjín-nò, síkists'ón-jiiṇ-nò, mìkiṇ masobà-la k'e nga kjèn-ko-nò. Ta yijo-laá sísis'in-la. K'oaá ngaya-la koni ifi xi mìtsà jtsí tjiko, xkṭi xi ján fikò tjo; koni ya xi bixòjen xka-la nga mì toò oja-la i'kjoàn tjané ko ima-la, jngòò k'a biyaa.

¹³ Jñà xita koi, k'oaá ngaya-la koni xó-la ndáchikon nga bíxteèn tjé-la ya i'ndii-la nga okó kjoasobà-la; koni ni'ño xi kisichja ndiyá-la, ko k'oaá s'in tjínè-la nga ya kitsajna ñánda i'nde jñò choòṇ nita mé nachrjeiṇ-ne.

¹⁴ Jè Enoc xi ma-ne itoò tje-la Adán xi ya inchrobàt'aà-ne; k'oaá tìs'ín tsibíjna 'én it'aà ts'e xita koi k'e nga kitsò: “Chítsejèn-là Na'èn-ná nga tìnchrobá, kjin jchán jmiì ma àkjale-la xi tìkko,

¹⁵ nga kojjindaajün-la ngats'ii xita mé-ne nga tsjá-la kjo'in ngats'ii xita xi jè tjin-la koni tjin kjoa ch'o xi kis'iin, jña xi mikii beèxkón Nainá nga ch'o tsò 'én xi chjajno-la.”

¹⁶ Jña xita koi, kjit'aà nachrjein nchihojé, chjajno-la ngats'ii kjoa. Ta koi ótsji kjoa xi mochjeén-la yijo-la. K'e nga chjako xita, ndaà síkítsajna yijo-la, ta 'én sin 'én ndaà chja; ta jè xi mejèn-la nga sjikijne mé xi mejèn-la.

Kjoa kixi xi sinè-la xita

¹⁷ Tanga jño ndí 'ndsè xi matsjake-nò, tìkítsjeèn koni s'ín jye kùichjako jtòn-nò jña xita xi tsibíxáya-la Na'èn-ná Jesucristo,

¹⁸ nga kitsò-nò: “K'e nga jye kjoehet'aà nachrjein, s'eé xita xi tà kijnokèè xi kjoa kixi. K'oaá s'ín kojchájiin kjoach'o xi sjé yijo-la nga mikii beèxkón Nainá.”

¹⁹ Xita koi, xita naxandá-la Nainá sjóya. Kjohtsjeèn-la isò'nde tjin-la nga tsjin-la Injma Tsjeè-la Nainá.

²⁰ Tanga jño ndí 'ndsè xi matsjake-nò, 'ño kixi tìnchakoo jè kjoa tsjeè-la Nainá xi mokjeiín-nò. Titsi'ba-la Nainá nga jè Injma Tsjeè-la kátasíchiya-nò.

²¹ Tìkindaa yijo-nò nga kjit'aà nachrjein kátas'e-nò kjoatjòcha-la Nainá. Chíña-la kjoa ima takòn-la Na'èn-ná Jesucristo, mé-ne nga tsjá-nò kjoabinachon xi mikii fehet'aà nita kjé-ne.

²² Jcha ima takòn nga tìsikòò jña xita xi jò beè-la ikon.

²³ Kò jña xita xi i'nga, nitoón tìnáchrjekàjñoò jña kjoa ch'o xi s'ín nga jyeé kjomeé ya bixòjiin ni'ín ts'e kjo'in. Jcha ima takòn i'nga tanga t'een kindá yijo-nò tsà tikoá ya skajñoò jé-la. Tìnachrjekànguioò kjoa ts'e jé-la. Skanda jña nikje tjé-la tìnachrjenguioò.

Jeya kàtjna Nainá

²⁴ Jè Nainá xi ma-la síkindá-nò mé-ne nga mikii kixonguioò. Tsjeè síkítsajna-nò ya nguixkon kjoa jeya-la nga njímé jè sakò-nò kò 'ño s'e-nò kjotsja.

²⁵ Jè Nainá xi ta jè tajngoò ma-ne nga ochrjekàjiin-ná kjo'in xi it'aà ts'e Na'èn-ná Jesucristo, ta jè tajngoò xi jeya kàtjna, 'nga kàtjna; kátas'e-la kjotixoma; kátas'e-la nga'ño; skanda kjótseé, kò nachrjein j'ndeí, kò skanda nita kjé-ne. K'oas'ín kátama.

Xojon-la San Juan kjoa xi tsakó-la Jesucristo

Kjoa xi kijtsee ko 'én xi kiì'nchré San Juan

¹ Jñà kjoa koi xi kitjoé-la Jesucristo nga Nainá kitsjaà-la mé-ne nga kòkò-la xita chì'nda-la jñà kjoa xi ta nitoón okoma. Jesucristo kisikasén àkjale-la nga tsakó-la kjoa koi Juan xi chì'nda-la ma.

² Kò jè Juan tíchja kixi-né [k'e nga kiskii] ngats'ii kjoa xi kijtsee ko xi kiì'nchré koni s'in nga jè Jesucristo kiichja kixi-la jñà 'én xi kitsjaà-la Nainá.

³ Mé tà ndaà-la jè xita xi bíxkejiln xojon koa jñà xi 'nchré 'én-la Nainá xi tíj'aa xojon jè, jñà kjoa xi sa kítasòn; tíkoáá mé ta ndaà-la jè xita xi síkitasòn koni tsò xojon jè, nga jè nachrjein, jyeé nchrobá machraña.

Kó tsò Juan nga shixat'aà nga itoò naxandá-la Cristo xi titsajna ján i'nde Asia

⁴ 'An xi 'mì-na Juan, tsishixat'aà-nò, jñò xi naxandá-la Cristo maà xi itoò i'nde titsajnaà ján nangui Asia. Jè kàtatsjá-nò kjondaà ko kjoa'nchán jè Nainá xi tíjna, jè xi tsibijna kò jè xi kjojí l'ngoo k'a-ne; k'oa tí's'in kàtatsjá-nò kjondaà ko kjoa'nchán jñà inima xi itoò ma-ne xi titsajna nguixkon jè xi tíjnasòn íxile nga tíhotixoma;

⁵ kò jè Jesucristo k'oa tí's'in kàtatsjá-nò kjondaà ko kjoa'nchán. Jè Cristo, jè xi ngui 'én kixi tsjá, xi ki'ndí tjòn xi jaáya-la it'aa ts'e kjoa biyaa kò jè xi otixoma-la jñà xita sko-la xi tíjn i'it'aa nangui. Cristo matsjakeè-ná nga kisitsjeé jé-ná it'aa ts'e jní-la xi tsibixteen.

⁶ Cristo k'oaá s'in kisikitsajna-ná nga xita ítjòn komaá kò no'mi komaá nga jñà sixá-lá Nainá xi Na'èn-la ma Jesucristo. Jeya kàtìjna; jè kàtatixoma kjit'aa, nita mé nachrjein-ne, nita mé nó-ne. K'oa's'in kàtama.

⁷ ¡chítsejèn-là! Jè Cristo jyeé kjomeé f'ii nga tíchrobájin ifi. Ngats'ii xita, xkoón skoe-ne. Jñà xita xi kisik'en Cristo tíkoáá skoe-ne. Ngats'ii xita naxandá xi tíjn i'it'aa nangui skíndáyakeè-né nga 'on koma-la it'aa ts'e. Jon, k'oaá s'in koma.

⁸ "An-ná xi tíjna ítjoàn skanda tàts'en-la kjoa kò nga skanda fehet'aà-ne; 'an-ná xi tíjnaa, xi tsibijnaa, kò xi kjojí l'ngoo k'a; tajngoó-ná xi tse nga'nò tíjn-na", tsò Na'èn-ná xi Nainá.

Kjoa xi tsakó-la Nainá Juan it'aa ts'e Cristo

⁹ 'An-ná xi mì-na Juan, xi 'ndsè xan-nò it'aa ts'e Cristo. Nga yaá titsajna kjoaá Cristo ngásòn titsanikjaán kjo'in, kò ngásòn ya nokjoà-ná ñánda tíhotixoma Nainá kò ngásòn tíchikjoakò-ná ngats'ii kjoa. 'An nga 'én-la Nainá tíchjaya kò tíbenojmí kixi-la xita it'aa ts'e Cristo, k'oaá komà-ne ján kinikasén-na ya nangui jiln-nda ñánda 'mì Patmos.

¹⁰ Jngoò nachrjein-la Nainá, 'an, nga ya tíjna kjoa Inima Tsjeé-la, ya ijton índsiàn ki'nchré jngoó-la 'én xi 'ño kiichja koni jngoò chrjo xi 'ño jane,

¹¹ kitsò-na:

—'An-ná xi tíjna ítjoàn kò xi fehet'aà-ne. Chjoí jngoò xojon, tí'eii kjoa xi tí'yi; ikjoàn tíkasén-la naxandá-na xi itoò i'nde titsajna ján nangui Asia, jñà naxandá xi 'mì Éfeso, Esmirna, Pérgamo, Tiatira, Sardis, Filadelfia kò Laodicea.

¹² K'eé kisikátifaya nga mejèn-na skoeè ya xita xi tíchja-na; kijtsee itoò candelero xi ngui kichja oro xi ma tiya asiti.

¹³ Ya jngoò osen-la ñánda jncha candelero xi itoò ma-ne sijnajiin xi okji koni kji ki'ndí-la xita. Jngoò nikje kinakjá xi ndojò kji. Bijchó skanda itjòn ndsoko. Tikjá jngoò na'ño payo ya isòn inima-la xi ngui oro.

¹⁴ Tsja sko, k'oaá kjoàn koni kjoàn tsja chroba-la orrè, koni kjoàn 'nchán kjoàn. Xkon, k'oaá s'in tsejèn koni tsá títí ni'in.

¹⁵ Ndsoko k'oaá kjoàn koni kicha sinè xi 'ño ndaa ote k'e nga jye sjiin ni'in. Jè jta-la, k'oaá s'in na'ya-la koni ñánda 'ño je nanda tibixojen-tjòn.

¹⁶ Jè tsja kixi, itoò ni'ño tjíya. Jè tso'ba jngoò kicha ndojò bitjo xi 'ño yijò kji ingajò ngobá. Isén-la k'oaá kji koni kji ts'oi k'e nga 'ño matsjè ndobá, 'ño ote kji.

¹⁷ K'e nga kijtseè, kiskaanguia ingui ndsoko koni jngoò mik'en. Ikjoàn jè tsakájnason-na tsja kixi, kitsò-na:

—Ki tsakjoàn-jèn, 'an-ná xi tjína ítjoàn ko xi fehet'aà-ne,

¹⁸ ko tjínakon-ná. Tsakátijna k'en-ná tanga i'ndeí tjínakon-ná nita mé nachrjein, nita mé nó-ne. 'An tjíya ndsaa ibi ts'e kjoabiyaá ya i'nde-la mik'en. [Tj'índeé-na nga skix'aa ko kichjoá nga sijkjaáya-la.]

¹⁹ Chjí jña kjoa xi jye kà'yi ko kjoa xi tíma nachrjein i'ndeí ko kjoa xi koma nga koma iskan.

²⁰ Kíí tsò-ne jè kjoa'ma xi kà'yi ts'e ni'ño xi itoò ma-ne xi tjíya ndsaa kixi ko xi itoò candelero xi ngui kicha oro. Jña ni'ño xi itoò ma, jña àkjale-la naxandá-na xi itoò i'nde títsajna; ko jña candelero xi itoò ma-ne, jña-né xi naxandá-na xi itoò i'nde títsajna.

2

Kjoa xi kisinè-la naxandá-la Cristo ján Éfeso

¹ Chjí jngoò-la xojon jè àkjale-la naxandá-na xi tjína ján Éfeso: “Kíí tsò jè xi itoò ni'ño tjíya tsja kixi, jè xi tsóhojiin osen-la jña candelero xi itoò ma-ne xi ngui kicha oro, tsò-né:

² Tibe-ná xá-nò, 'ño títsanixá ko nga mikíi bijta-nò. Tíkoáá tibe-ná nga mì tí kii chúkjoako-nò jña xita xi ch'o s'in. Tíkoáá tibe-ná nga jyeé kichit'aà jña xita xi tsò-la yijo-la nga Cristo tsibixáya-la, tanga mìtsá kixi kjoa. Jyeé ki'yaá nga xita ndiso-né.

³ Kjit'aà nachrjein 'ño tse kjo'in títsaníkjoón, ko 'ño títsanixá xi kjoa ts'an. Mikíi bijta-nò.

⁴ Tanga tjín jngoò-nò kjoa xi ch'o tjín xi mikíi sasén-na nga mì tí k'oaá s'in tjín-nò kjotjòcha koni nga sa ítjòn.

⁵ Jñò, tíkítseèn kó ki'nè nga sa ítjòn k'e nga k'j'eé jé bixòjñòò. Tíkájno jé-nò. Jjngoò k'a Nainá tanguit'aà-la. K'oaá s'in t'een koni ki'nè nga sa ítjòn. Tsá majin-nò, 'an kjián nga tsjaà-nò kjo'in ko kjoááxin-nò ni'in candelero-nò ya i'nde ñánda síjna.

⁶ Tanga tjín kjoa xi ndaa títsa'nè nga majticha kjoa xi s'in jña xita nicolaítas. 'An, tíkoáá majtike-ná.

⁷ Ndaa tiná'yaá koni tsò Inima Tsjeè-la Nainá nga tíchja-la naxandá-na. Jña xi sijkijne, 'aán tsjaà-la nga skine jña toò-la jè yá xi síkijnakon-ná xi síjna ya i'nde-la Nainá ñánda 'ño ndaa choòn.”

Kjoa xi kisinè-la naxandá-la Cristo ján Esmirna

⁸ Chjí jngoò-la xojon jè àkjale-la naxandá-na xi tjína ján Esmirna: “Kíí tsò jè xi tsibijna ítjòn ko xi fehet'aà-ne, jè xi k'en ko jaáya-la, tsò-né:

⁹ 'An be-ná xá-nò kò kjo'in xi títšaníkjióón kò nga xítà jma 'mì-nò (tanga it'aà ts'e Nainá, xítà nchiná-nó jñò). Be-ná nga ch'oo chjajno-nò jñà xítà xi tsò nga xítà judío-né tanga mitsà kixi kjoa nga xítà judío. Jñà xítà koi, yaá chja-ne ya ni'ya ñánda maxkóya xítà-la xítà neji.

¹⁰ Kì tsakjoòn-jèn jè kjo'in xi sikkjóón, jè xítà neji skínìs'en-nò ndayá mé-ne nga skót'aà-nò kjoa xi mokjeiin-nò; te nachrjein s'e-nò kjo'in. 'Nó t'e-là takòn kóni skanda k'e nga kiyá. Kò 'aán tsjaà-nò jè kjoabinachon xi mikil fehet'aà koni jngoò corona.

¹¹ Ndaà tiná'yaá koni tsò Inima Tsjeè-la Nainá nga tíchja-la naxandá-na. Jñà xi sikkijne, nímé kjoa xi komat'in it'aà ts'e kjoabiyaá xi ma-ne jò k'a."

Kjoa xi kisinè-la naxandá-la Cristo ján Pérgamo

¹² 'Chjí jngoò-la xojon jè àkjale-la naxandá-na xi tíjna ján Pérgamo: "Kíí tsò jè xi tjin-la kichá ndojò xi yijò kji nga ingajò ngobá, tsò-né:

¹³ 'An tibe-ná xá-nò, tibe-ná nga yaá títajnaà ñánda tíhotixoma xítà neji. Tanga be-ná nga kixi títajnaà; mikil nìchàajioón it'aà ts'an. Tíkoo be-ná nga mikil bi'ma koni s'in mokjeiin-nò it'aà ts'an, nas'in k'e nga k'en Antipas, xítà xi kixi bénojmi xi it'aà ts'an; nga yaá k'en jjiin naxandá-nò ya ñánda síxá xítà neji.

¹⁴ Tanga tjin i'nga kjoa xi mikil sasén-na nga ch'o títas'nè, nga yaá títajnajjin-nò xítà xi mokjeiin-la koni s'in tsakóya Balaam kjòtseé nga chinchá'a Balac nga mejèn-la kohótsji jé jñà xítà Israel nga kàtakine tsojmi xi xkósòn kisinchaat'aà-la; tíkoo kátas'in kjoachijngui.

¹⁵ Tíkooá títajnajjin i'nga-nò xítà xi mokjeiin-la koni s'in okóya jñá xítà nicolaítas. Jñà xítà koi, 'an majtike-ná.

¹⁶ K'oaá ma-ne tikájno jé-nò, kì tì jè binchaatsji-nò. Tsà mì k'oa s'een, nitoón kjián nga skaàn-koaa xítà koi. Jè sikkjeén kichá ndojò xi bitjo-ne ndsoba.

¹⁷ Ndaà tiná'yaá koni tsò Inima Tsjeè-la Nainá nga tíchja-la naxandá-na. Jñà xi sikkijne, 'aán tsjaà-la tsojmi xi skine xi 'mì maná xi 'an tíj'ma-na; tíkoo tsjaà jngoò-la ndí ndajo jtabá xi chroba kji; yaá tjit'aà 'in xitse xi mì yá beèkxon; tà jè skoèkxon xi tjoé-la."

Kjoa xi kisinè-la naxandá-la Cristo ján Tiatira

¹⁸ 'Chjí jngoò-la xojon jè àkjale-la naxandá-na xi tíjna ján Tiatira: "Kíí tsò jè Kì'ndí-la Nainá xi kòkjoàn xkon koni ni'in, kò jñà ndsokò, k'oaá kjoàn koni kichá sinè xi 'mì bronze xi 'ño ndaà kjòchrja'i:

¹⁹ 'An, be-ná xá-nò kò kjoatjòcha-nò, kò kós'in nga mokjeiin-nò kò kós'in títšanixá nga tíhíkjoakò-nò xá xi títas'nè. Be-ná nga jè nachrjein i'ndeji isáá ndaà títšanixá mì k'oa-ne koni nga sa ítjòn.

²⁰ Tanga tjin i'nga kjoa xi mikil sasén-na nga ch'o títas'nè, nga bìi'nde-là jè chjoón Jezabel xi tsò-la yijo-la nga ma-la bénojmiya mé kjoa xi iskan koma nga konachan kò okóya-la xítà ch'i'nda-na mé-ne nga kjoachijngui kátas'in-ne tíkoo kàtakine tsojmi xi xkósòn sinchát'aà-la.

²¹ 'Aán títja isa-la nachrjein nga kátasíkájno jé-la nga mì tì jé kohótsji-ne, tanga majin-la tsjeiin takòn kjoachijngui xi s'in.

²² Tanga 'aán tsja-la ch'in nga 'ño tse kjo'in sikkjeiin kò jñà xítà xi ngàsòn s'in kjoachijngui, tsà majin-la nga sikkájno jé-la nga mì tì jé kohótsji-ne.

²³ Jñà xítà xi ya fit'aà-la, jngoò k'aá sikk'en. Kò ngats'ii xítà naxandá-la Cristo skoe-né nga 'an-ná xi be kó tsò kjohitsjeèn-la kò inima-la jñà xítà. Jñò, nga jngoò jngoò, k'oaá s'in tsja-nò kjo'in koni tjin kjoa xi títas'nè.

²⁴ Tanga jñò kò x̄ita xi i'nga xi t̄itsajna Tiatira xi mik̄i k̄ota'yà k̄joh̄itsjeèn xi mik̄i ndaà t̄jín, t̄ikoá k̄j'eè k̄i beè jè xi tsò-là jñà x̄ita koi k̄joat̄ji'ma-là x̄ita nejí. Jñò, k'oáá xan-nò m̄itsà t̄i mé k̄joa s̄ijé-isa-nò.

²⁵ Tanga jñò, koni s'ín t̄jín jè k̄joh̄itsjeèn ndaà xi t̄itsa'nè, k'oáá s'ín t'een skanda k'e nga 'an k̄joiaa l̄jngòò k'a.

²⁶ Jñà xi s̄ik̄ijne-là k̄joa ts'e jè t̄ikoá s̄ik̄itasòn xá-na koni s'ín mejèn-na skanda k'e nga k̄joehet'aà nachrjein, 'aán tsjaà-là xá nga jñà k̄ot̄ixoma-là ngats'ii naxandá xi t̄jín isò'nde.

²⁷ Jñà x̄ita xi k̄ot̄ixoma, ngui k̄oó k̄ich̄a k̄ot̄ixoma-ne. K'oáá s'ín s̄ixkoaya koni t̄jij ni'nde.

²⁸ Jè k̄jot̄ixoma jè, t̄jé-ne xi kitsjaà-na Na'èn-na. 'An t̄ikoáá tsjaà-là jè ni'ño tse xi bit̄jok̄at̄ji k'e nga tajñòya.

²⁹ Ndaà t̄iná'yaà koni tsò Injima Tsjeè-là Nainá nga t̄ich̄ja-là naxandá-na."

3

Kjoa xi kisinè-là naxandá-là Cristo ján Sardis

¹ 'Chj̄i jngòò-là xojon jè àk̄jalè-là naxandá-na xi t̄jna ján Sardis: "K̄ií tsò jè xi itoò injima-là Nainá t̄jín-là, kò itoò ma ni'ño-là: 'An be-ná k̄joa xi t̄itsa'nè; k'oáá s'ín 'ya-nò nga t̄itsajnakon-nó tanga xi ngui k̄ixi k̄joa, t̄itsajnak'en-nó.

² T̄ik̄jaáya-là yijo-nò, t̄jiì-là nga'ño k̄joa xi jye mejèn t̄ich̄ija. 'An, k̄j'eè k̄i be tsà ndaà t̄itsa'nè nga nguixkon Nainá.

³ T̄ik̄itsjeèn k̄joh̄itsjeèn xi kit̄joé-nò kò xi jye ndaà kina'yà; k'oas'ín t̄ik̄itasòn. T̄ik̄ajno jé-nò, k̄i t̄i jè binchaats̄ji-nò. Tsà mik̄i s̄ik̄indaa yijo-nò k'oáá s'ín k̄joij̄k̄jaá-nò koni s'ín x̄ita chijé k'e nga mik̄i t̄itsajna ndaà mé hora-ne nga k̄joií.

⁴ Tanga t̄jín chiba-nò x̄ita ya Sardis xi k̄j'eè mé jè óts̄ji, yaà taña k̄inchimako-na nga chroba k̄joàn nik̄je xi kók̄já nga k'oáá s'ín ok'in-là.

⁵ Jñà x̄ita xi s̄ik̄ijne-là k̄joa ts'e jè, nik̄je chrobaá k̄joàn xi kók̄já; mik̄i s̄jch̄aaya 'ín-là ya it'aà xojon ts'e k̄joabinachon. Kò k'oáá xán nga nguixkon Nainá xi Na'èn-na ma kò nguixkon àk̄jalè-là nga x̄ita ts'an-ná.

⁶ Ndaà t̄iná'yaà koni tsò Injima Tsjeè-là Nainá nga t̄ich̄ja-là naxandá-na."

Kjoa xi kisinè-là naxandá-là Cristo ján Filadelfia

⁷ 'Chj̄i jngòò-là xojon jè àk̄jalè-là naxandá-na xi t̄jna ján Filadelfia: "K'oáá tsò jè xi ngui x̄ita tsjeè kò xi ngui jè sobà xi x̄ita k̄ixi, jè xi t̄jín-là ibi-là x̄itaxá ít̄jon xi ki'mi David, jè xi ma-là k̄ix'a xòhot̄joa-là ngajm̄i kò nijngòò-isa xi t̄j'nde-là nga k̄ich̄joajto; kò k'e nga jè k̄ich̄joajto, nijngòò-isa xi t̄j'nde-là nga sk̄ix'ajto:

⁸ 'An be yije-ná xá-nò; ch̄it̄sejèn-là, kisik̄ijna osen jngòò-nò xot̄joa xi t̄ix'á, xi nijngòò t̄j'nde-là nga k̄ich̄joajto. Nga nas'ín tà chiba nga'ño t̄jín-nò tanga t̄itsan̄ik̄itasòn-nó koni tsò 'én-na; mik̄i bitsajna'ma it'aà ts'an.

⁹ T̄jín jngòò t̄jín x̄ita xi ya ch̄ja-ne ya ni'ya ñánda maxkóya x̄ita-là x̄ita nejí; x̄ita ndiso-né nga tsò nga x̄ita judío, tanga m̄itsà k̄ixi k̄joa. X̄ita koi, 'aán k̄ich̄ja-là nga k̄at̄janchrobá mé-ne nga k̄incha-xkó'nchit'aà-nò; k'oáá s'ín skoe-ne nga 'an, 'ño matsjake-nò.

¹⁰ Koi k̄joa-là nga t̄itsan̄ik̄itasòn koni tsò 'én xi kitsjaà-nò nga k̄ich̄k̄joako k̄jit'aà-nò n̄jta mé k̄joa-ne, k'oáá ma-ne, 'aán kós̄iko-nò jè nachrjein xi jye nchrobá machraña nga s'e-là k̄jō'in nga t̄jtsa isò'nde k'e nga ch̄it'aà yije x̄ita xi i t̄itsajna it'aà nangui.

¹¹ Kjoii n̄tōón īngòò k'a. Ndaà t̄ikindaa ngats'īi k̄jondaà xi t̄jín-nò koni s'ín mokjeīn-nò mé-ne nga mì yá xi k̄joaá'an-nò xi j̄ñò jye kinikijne.

¹² J̄ñà xi s̄ikijne-là ngats'īi k̄joa ch'o xi t̄jín isò'nde, 'aán tsja jngòò-là i'nde ñánda k̄itsajna nga k̄jít'aà nachrjein k'oáá ngaya-là koni jngòò chrjò xi k̄osingui'ñò-là yá ni'ya tsjeè-là Nainá nga skiijnoa 'ín-là xi Nainá xan-là k̄o 'ín-là ñaxandá-là Nainá, xi Jerusalén x̄itse 'mì xi k̄jinchrobà-ne ngajmii ñánda t̄jina Nainá, t̄ikoá skiijnoa 'ín x̄itse xi ts'an.

¹³ Ndaà t̄jín'yaà koni tsò Inim̄a Tsjeè-là Nainá nga t̄ichja-là ñaxandá-na."

Kjoa xi kisinè-là ñaxandá-là Cristo ján Laodicea

¹⁴ 'Chjì jngòò-là xojon jè àkjale-là ñaxandá-na xi t̄jina ján Laodicea: "Kii tsò jè xi s̄ijngòò yije 'én-là Nainá, jè xi ngui 'én kixi tsjá, jè xi ngui jè sobà k̄joakixi, jè xi tsibíts'ia ngats'īi xi tsibíndaà Nainá. K'oáá tsò:

¹⁵ 'An, be-ná mé k̄joa xi t̄itsa'ne; m̄itsà 'nchán t̄itsajnaà n̄i m̄itsà tsjè t̄itsajnaà nga m̄itsà kondra t̄itsajna-kò-ná k̄o m̄itsà ndaà onguít'aà-ná. Ndaà-là t̄jín tsà ngui ndaà onguít'aà-ná k̄o tsà maj̄in tsà ngui kondra t̄itsajna-kò-ná.

¹⁶ Tanga j̄ñò, nga isò-nò, m̄itsà 'nchán t̄itsajnaà n̄i m̄itsà tsjè t̄itsajnaà, k'oáá ma-ne nga ndsoba sk̄ihisò-na.

¹⁷ J̄ñò k'oáá bixón: X̄it̄a nch̄iná-nájen; ndaà t̄itsajna-jen; n̄imé ch̄i-jat'aà-najen. Tanga mikii 'ya nga 'ín t̄itsajnaà; n̄imé xi t̄jín-nò; x̄it̄a im̄a-nó; mikii tsejèn-nò; laká t̄itsjò.

¹⁸ 'An, k'oáá xan-nò, 'aán t̄indát'aà-ná t̄on oro xi ni'ín k̄jòtsjeè-ne mé-ne nga x̄it̄a nch̄iná koma-nò. T̄ikoá 'aán t̄indát'aà-ná nikje tsjeè xi chroba k̄joàn mé-ne nga mì k̄sobà-nò nga t̄itsajna laká yijo-nò. T̄ikoá t̄inguiòò x̄kii colirio j̄ñà xkòòn mé-ne nga ndaà k̄otsejèn-nò.

¹⁹ Ngats'īi x̄it̄a xi 'an matsjake, otikò-ná t̄ikoá tsjaà-là k̄jo'in. Mochjeén-né nga t̄jii-là nga'ñó yijo-nò; t̄ikájno jé-nò, k̄i t̄i jé binchaats̄ji-nò.

²⁰ 'An, yaà t̄jinajtoa xotjoa ni'ya nga t̄ichj̄a; tsà t̄jín i'nga xi k̄j'i'nchré-na, k̄oá tsà sk̄ix'a xotjoa ni'ya-là, k̄omaá k̄joahas'en nga k̄okjen-k̄oaa, t̄ikoá jè, k̄okjen-k̄o-na.

²¹ J̄ñà xi s̄ikijne tsjaà'nde-là nga yá k̄itsajnat'aà-na ñánda t̄jina íxile ts'e k̄jotíxoma-na koni s'ín 'an jye kisikijne nga yaà t̄jina't'aà-là N̄a'èn-na ñánda t̄jina íxile ts'e k̄jotíxoma-là.

²² Ndaà t̄jín'yaà koni tsò Inim̄a Tsjeè-là Nainá nga t̄ichja-là ñaxandá-na."

4

Kós'ín yaxkón Nainá ján ngajmii

¹ Xi jye komà iskan, kiskodtsejèn ján i'ngaá; k̄jitseè ngajmii nga t̄ix'á jngòò xotjoa k̄o jè j̄t̄a xi k'i'nchré it̄jòn-là xi k̄oá tsò koni chrjo trompeta, kitsò-na:

—Nchrobá mij̄in ījndé; kokoò-lè k̄joa xi k̄oma k'e nga jye komà yije k̄joa xi t̄íma i'ndeji.

² Tà n̄tōón j'īi kanè īngòò k'a-na jè nga'ñò-là Inim̄a Tsjeè-là Nainá; k̄jitseè jngoaà íxile xi t̄jina ngajmii ñánda t̄isatíxoma. Jé íxile jè, t̄jina jngòò xi ya t̄jinasòn.

³ Jè xi t̄jinasòn íxile nga t̄ihotíxoma, k'oáá k̄ji ote tsejèn koni k̄ji ndajo ch̄jì xi 'mì jaspe, o koni k̄ji ndajo ch̄jì xi 'mì cornalina. Yá indii-là íxile s̄ijnandīi jngòò-là īj̄ñe xi ok̄ji ote tsejèn koni k̄ji ndajo ch̄jì xi 'mì esmeralda.

⁴ T̄iyaá-ne nga jngòò it̄jandīi-là ñánda t̄jina xi t̄jinasòn íxile nga t̄ihotíxoma, kaàn ñijòn íxile 'ncha is̄a ñánda t̄isatíxoma, t̄ikoá kaàn ñijòn x̄it̄a jch̄inga t̄itsajnasòn xi ngui chroba k̄joàn nikje xi k̄ikj̄a; saà corona k̄ich̄a oro t̄jì'a sk̄o.

⁵ Ya ñánda tǵna xi tǵnasòn íxile nga tíhotíxoma, bitjo ni'ín ch'on, ko ts'ìin ch'on, tǵkoá na'yà-la jta xi chja; itoò ni'ín xi síhiseèn títi ya nguixkòn íxile; jǵà ni'ín, jǵà inima tsjeè-la Nainá xi itoò ma-ne.

⁶ Ya nguixkòn jè xi tǵnasòn íxile nga tíhotíxoma, kijjna jngoò ndáchikon xi koni kji chǵsín kji xi 'ño ote.

Ya it'aà íxile ko ya indii-la, ñijòn ma xi tǵsajnakon; kóhokji ijton íts'in ko ya indso'ba, xkǵ xi ján tǵit'aà xkòn.

⁷ Jè xi tǵna ítjòn jǵà xi tǵsajnakon, k'oaá kji koni kjoàn xa. Xi ma-ne jò, koni kji nchraja ki'ndí kji. Xi ma-ne jàn, isén-la xǵtaá tǵín-la. Xi ma-ne ñijòn, k'oaá kji koni kji ja xi tsó'bajìin isén.

⁸ Jǵà xi ñijòn ma-ne xi tǵsajnakon nga jngoò ñjngoò, joòn jngaá tǵín-la. 'Nó kǵín ma-ne xkòn xi tǵín nga jngoò itjandii-la ko iya-la. Mikìi síkǵaya ko nachrjein ko nitjen nga tsò:

Tsjeè-né, tsjeè-né, tsjeè-né jè Na'èn-ná xi Nainá, xi ta jè tajngoó xi 'ño tse nga'ño tǵín-la, jè xi tsibǵjna, jè xi tǵna ko jè xi kjoíi ñjngoò k'a-ne.

⁹ Jǵà xi tǵsajnakon nchitsjá-la kjoajeya, nchitsjá-la kǵondaà, ko nchibeèxkòn jè xi tǵnasòn íxile jè xi tǵnakon nǵta kǵé-ne. K'e k'oa nchis'in,

¹⁰ jǵà xǵta jchínga xi kaàn ñijòn ma-ne bincha-xkó'nchi-ñiat'aà-la jè xi tǵnasòn íxile tǵkoá beèxkòn-né jè xi tǵnakon nǵta mé nachrjein-ne. Síkatsjoò corona-la ya nguixkòn jè xi tǵnasòn íxile nga tsò:

¹¹ Na'èn, ok'in-lè nga jǵi tjoé-lè kjoajeya, nga jchaxkòn-lè, nga tsǵi yije-né nga'ño xi tǵín, nga jǵi tsibindii ngats'ii tsojmì xi tǵín, nga k'oaá s'in kǵomejèn-lè nga tǵín yije tsojmì ko nga kisindaà kóhotǵín xi tǵín.

5

Xojon xi maxkóya ko jè Orrè

¹ An, kǵitseè jè xi tǵnasòn íxile nga tíhotíxoma, kǵinaya tsja kixǵi jngoò xojon xi kǵixkóya xi kitjeijno iya-la ko ngatsejèn-la ko itoò k'a tǵi'ño ñánda jncha-la sello nga jngoò ñjngoò k'a.

² Kǵitseè jngoaa àkǵale xi tse nga'ño tǵín-la, xi 'ño kiichja nga kitsò:

—Yá xi ok'in-la nga skǵx'a jè xojon koá komà-la kjoaáxin jǵà sello xi jncha-la.

³ Tanga nǵyá kisakò xi komà-la nga kiskǵx'a jè xojon, nǵ mikìi ma kotsejèn-la nga kot'aà kó tsò 'én xi tǵit'aà; ñijngoò kisakò ján ngajmì, ñijngoò kisakò it'aà nangui, koá ñijngoò kisakò ñngui nangui.

⁴ An, 'ño kiskindáya nga ko ndáxkoaàn k'e nga kǵitseè nga ñijngoò kǵòtsji xi ok'in-la nga kiskǵx'a jè xojon nga ma kot'aà kó tsò 'én xi tǵit'aà.

⁵ Jǵà xǵta jchínga xi kaàn ñijòn ma-ne, jngoò xi kitsò-na:

—Kì chihindáya-jèn. Tǵina xi 'mì: Xa-la xǵta naxandá Judá, xi tǵkoá 'mì: Tǵe-la xǵtaxá ítjòn David, nga jè xi jye kiskǵijne-la kondra-la. Jè xi ok'in-la nga skǵindáya jè xojon koá koma kjoaáxin sello-la xi itoò ma-ne.

⁶ K'e kǵitseè jngoò Orrè nga síjna ya jngoò osen-la ñánda tǵna xi tǵnasòn íxile nga tíhotíxoma, ko ñánda tǵsajna jǵà xi ñijòn ma-ne xi tǵsajnakon, ko ñánda tǵsajna xǵta jchínga xi kaàn ñijòn ma-ne. Jè Orrè, k'oaá kji koni tsá jye k'en; itoò ma nchrajá-la tǵkoá itoò ma xkòn; jǵà xkòn, jǵà inima-la Nainá xi itoò ma-ne xi kinikasén nga tǵtsa isò'nde.

⁷ Jè Orrè, kiskoé jè xojon xi kjinaya tsja kixi jè xi tijnasòn íxile nga tíhotíxoma.

⁸ Jè Orrè, k'e nga jye kiskoé xojon jè, jñà xi ñijòn ma-ne xi títsajnakon ko jñà xita jchinga xi kaàn ñijòn ma-ne chinchaxkó'nchi-ñiat'aà-la nga nguixkon Orrè. Ngats'ii saà ní'ño arpaá 'ya ko chítsín xi nguì oro xi tíya chrjongó-la nainá. Jè chrjongó-la nainá jñà xi kjoa bítsi'ba-la jñà xita-la Nainá.

⁹ Kiseè jngoò sò xitse xi tsò:

Ok'in-lè nga ngaji chjoi jè xojon, chjaàxin sello-la nga ji kinik'en-lè, nga ko jni-lè tsibíchítjì xita xi ya itjokajin-ne ngats'ii tje-la xita xi tjin isò'nde, ngats'ii 'én xi tjin isò'nde, ngats'ii naxandá xi tjin, ko ngats'ii nangui xi tjin isò'nde mé-ne nga ya kichja-ne it'aà ts'e Nainá.

¹⁰ Ko xitaxá ítjòn ki'nì ko no'mù ki'nì

nga ma sùikitasòn-la Nainá, koa jñà kotixoma i it'aà nangui.

¹¹ K'e nga kiskoótsejèn, ki'nchrè jta-la jñà àkjalé xi kjin jchán millón ma-ne xi nchiseé ya indii-la ñánda tíjna xi tijnasòn íxile nga tíhotíxoma ko ya ñánda títsajna jñà xi títsajnakon ko jñà xita jchinga.

¹² 'Nó jchán nchichja nga tsò:

Jè Orrè xi kinik'en, ok'in-la nga jchaxkón nga ts'e yije-né nga'ño xi tjin, ko kjoa nchiná ko kjoa chjine, ko jè tsjá nga'ño, ndaà kátayaxkón, jeya kàtjna ko 'nga kàtjna.

¹³ Ngats'ii xi xó kisindaà-ne xi tjin ngajmù, xi tjin i it'aà nangui ko ya ingui nangui, ko xi tjin ijìn ndáchikon, ki'nchrè-la nga tsò:

Jè xi tijnasòn íxile ko Orrè, 'nga kàtitsajna; kátayaxkón, jeya kàtitsajna, kátas'e-la nga'ño nita mé naxrjein-ne.

¹⁴ Jñà xi ñijòn ma-ne xi títsajnakon, kitsò:

—iK'oas'in kátama!

Jñà xita jchinga xi kaàn ñijòn ma-ne chinchaxkó'nchi-ñiat'aà-la nga jeya kisikíjna jè xi tijnakon nita mé naxrjein-ne.

6

Sello xi itoò ma-ne

¹ K'eé kijtseé jè Orrè nga jaàxin ítjòn jngoò sello. Ikjoàn ki'nchrè jngoò-la jñà xi ñijòn ma-ne xi títsajnakon nga kiichja. K'oáá kitsò koni ma ch'on nga one, kitsò:

—Nchroboí.

² Kiskoótsejèn, k'eé kijtseé jngoò kohòyo xi chroba kji; jè xi tijnakjá-la kohòyo, kjinaya tsja jngoò arco xi mochjeén k'e nga tjin kjojchán; ikjoàn kitjóé jngoò-la corona xi si'a skó xita k'e nga síkijne; kii nga jye kisikijne mé-ne nga sùikijne isa-ne.

³ Jè Orrè, k'e nga jaàxin sello xi ma-ne jò, ki'nchrè-la jè xi ma-ne jò xi títsajnakon nga kitsò:

—iNchroboí!

⁴ Kò ìjngòò kohòyò itjo xi ini kji; jè xi tìjnakjá-là, kitjoé jngòò-là kichà ndojò xi 'nò je kji, tìkoá kitjoé-là nga'nò nga kàtjaàxìn kjoa'nchán xi tìjín ìt'aà nangui mé-ne nga kàtasík'en-ne xíkìjín jñà xìtá.

⁵ Jè Orrè, k'e nga jaàxìn sello xi ma-ne jàn, ki'nchrè-là jè xi ma-ne jàn xi tìtsajnakon nga kitsò:

—ìNchroboí!

K'e nga kiskoòtsejèn, kijtseè ìjngòò kohòyò xi jmà kji; jè xi tìjnakjá-là kohòyò, jngòò libra tjiya tsja jè xi machibaya-ne tsojmi.

⁶ Kì'nchrè jngòò-là jta ya jngòò osen-là jñà xi ñijòn ma-ne xi tìtsajnakon nga kitsò:

—Nga jngòò nisoò trigo, jngòò nàchrjein chjí-là chí'nda tìjín-ne. Kò nga jàn nisoò cebada, tìkoáá jngòò nàchrjein chjí-là chí'nda tìjín-ne. Kì tà nìkìts'ón-jen jè asitj kò vino.

⁷ Jè Orrè, k'e nga jaàxìn sello xi ma-ne ñijòn, ki'nchrè jta-là jè xi ma-ne ñijòn xi tìtsajnakon nga kitsò:

—ìNchroboí!

⁸ Kiskoòtsejèn, kijtseè jngoaà kohòyò xi sinè kji. Jè xi tìjnakjá-là, Kjoabiyaà 'mì 'ín-là; ìjngòò tìjngui-là xi I'nde ts'e Mik'en 'mì. Kitjoé-là kjotixoma nga ngats'ìi xìtá xi tìjín isò'nde, xi ñijòn xìtá, jngòò kiyá xi kjoá ts'e kjojchán, kjoá ts'e kjinchrá, kjoá ts'e ch'in kò kjoá ts'e chò ts'en xi tìjín ìjìjìn ijñá sùk'en.

⁹ Jè Orrè, k'e nga jaàxìn sello xi ma-ne 'òn, 'an kijtseè ya ìngui ìmixá tsjeè-là Nainá tìtsajna jñà xìtá xi kinik'en nga koií kjoá-là 'én-là Nainá, tìkoá koií kjoá-là nga kixí kitsjaà 'én-là Nainá.

¹⁰ Nò nchichja nga tsò:

—Na'èn xi jì sabà tìhotixomai, jì xi nguì tsjeè tìjní kò nguì kjòkixí, skanda mé nàchrjein kìndaàjìjìn-là nga k'oi-là kjo'in jñà xìtá xi tìjín ján isò'nde, jñà xi kiskì'en-najen.

¹¹ K'eé kits'ìi-là nikje xi chroba kjoàn, kì'mì-là nga kàtasíkjáya chiba nàchrjein isá skanda k'e nga kojngòò jñà xi 'ndse joó ìt'aà ts'e Cristo xi tìkoá ngàsòn xá-là Nainá kiyájìjìn-ne.

¹² Jè Orrè, k'e nga jaàxìn sello xi ma-ne joòn, kiskoòtsejèn nga j'ìi jngòò ch'ón xi 'nò ts'a. Jè ts'oi, jmà kji komà koni nikje jmà, kò jè sá, ini kji komà koni jní.

¹³ Jñà nì'ño xi tìjín ngajmì, chixòt'aà nangui koni ma jñà toò ikò xkoén nga bixòngui k'e nga 'nò 'ba tjo.

¹⁴ Jè ngajmì, k'oaá s'ín kichijà koni jngòò xojòn xi ma maxkóya; ngats'ìi jñà nindoò kò nangui jìjìn-ndá xi tìjín jìjìn ndáchikon, jahatjiya-là ya ì'nde ñánda tìtsajna.

¹⁵ Jñà xìtaxá ìtjòn xi tìjín isò'nde, kò xìtá xi 'nò ndaà yaxkon-là, kò xìtá nchíná, kò xìtá skò-là soldado, kò xìtá xi tse nga'nò tìjín-là, kò xìtá chí'nda, kò xìtá xi tìtsajnandejì nga mitsá nei tìjín-là, yaá tsibìtsajna'ma ñánda tìjín nguìjò kò naxì xi tìjín-là nindoò.

¹⁶ Kitsò-là jñà nindoò kò jñà naxì:

—Tìkatsjònè-nájèn yijo-nò, tìjtsa'ma-nájèn mé-ne nga mikì skòe-najen jè xi tìjnasòn ìxìlè nga tìhotixoma kò tìkoá kìtsajna'ma-lajèn kjoajti-là kò kjo'in xi tsjá jè Orrè.

¹⁷ Nga jye ijchò nàchrjein-là Nainá kò Orrè nga kò kjoiti-là, 'nò tse kjo'in tsjá. ¿Yá xi koma kichikjoakò-là?

7

Jñà chì'nda-la Nainá xi tjit'aà chiba-la

¹ Xi jye komà ìskan kjoa koi, 'an kijtseè ñijòn àkjalè xi jncha kixi nga ñijòn chrjangui-la isò'nde xi nchibíchoàhikon-la tjo mé-ne nga mì tì kii k'oa-ne ya isòn isò'nde kò isòn ndáchikon, tìkoa ñjngoo yá sùniyá-la.

² Tìkoa kijtseè ñjngoo àkjalè xi tìnchrobá-ne ñánda bitjokàtji-ne ts'oi xi 'ya jngoo kichà ts'e Nainá xi tijnakon xi ma sit'aà chiba-la xita. 'Nó kiichja-la jñà àkjalè xi ñijòn ma-ne xi jye kitjoé-la nga'ño nga tsjá ch'in-la isò'nde kò ndáchikon.

³ Kitsò-la:

—Ki tà chjà ch'in 'bi-lá isò'nde kò ndáchikon kò yá, skanda k'e-né nga jye sit'aà chiba-la ya tjen-la jñà xi chì'nda-la Nainá.

⁴ Ki'nchrè-la kótjín ma-ne jñà xita xi kisit'aà chiba-la, jngoo sìndò kò ichán ñijòn jmiì ma-ne, ngats'ii tje-la xita Israel.

⁵ Jñà ngats'ii tje-la xita koi xi kisit'aà chiba-la: jñà tje-la Judá, tejo jmiì ma-ne. Jñà tje-la Rubén, tejo jmiì ma-ne. Jñà tje-la Gad, tejo jmiì ma-ne.

⁶ Jñà tje-la Aser, tejo jmiì ma-ne. Jñà tje-la Neftalí, tejo jmiì ma-ne. Jñà tje-la Manasés, tejo jmiì ma-ne.

⁷ Jñà tje-la Simeón, tejo jmiì ma-ne. Jñà tje-la Leví, tejo jmiì ma-ne. Jñà tje-la Isacar, tejo jmiì ma-ne.

⁸ Jñà tje-la Zabulón, tejo jmiì ma-ne. Jñà tje-la José, tejo jmiì ma-ne. Jñà tje-la Benjamín, tejo jmiì ma-ne.

Xita xi kjín jchán ma-ne xi chroba kjoàn nikje xi íkjá

⁹ Xi jye komà, k'e nga kiskoòtsejèn, kjín jchán xita kijtseè; ñiyá xi maxkeya-la. Yaá tìtsajna xita xi ya inchrobàjiin-ne ngats'ii nangui xi tjin isò'nde, kò ngats'ii tje-la xita xi tjin isò'nde, kò tìtsajna xita xi chja ngats'ii 'én xi tjin, kò xita xi ya nchrobá-ne ngats'ii naxandá xi tjin. Jñà xita koi, 'ncha kixi-né nga nguixkòn xi tijnasòn íxile nga tíhotixoma tìkoa nga nguixkòn jè Orrè. Saà nikje chrobaá íkjá kò saà xkajén kjiya tsja.

¹⁰ Ngats'ii xita koi, 'ño jchán nchichja nga tsò: Jè Na'èn-ná xi Nainá xi tijnasòn íxile ñánda nga tíhotixoma kò jè Orrè, tsachrjekàjiin-ná kjo'in.

¹¹ Ngats'ii jñà àkjalè 'ncha kixi-né ya indii-la ñánda tjna xi tijnasòn íxile nga tíhotixoma kò ya ñánda tìtsajna jñà xita jchínga xi kaàn ñijòn ma-ne, kò jñà xi ñijòn ma-ne xi tìtsajnakon. Chíncha-xkó'nchi-ñiat'aà-la skanda it'aà nangui nga kijtseèxkón Nainá.

¹² Kitsò:

K'oaá s'in kátama.

Nainá 'ño tjin-la kjoa machikon-t'in, kò kjoa jeya, kò kjoa chjine, tjin-la kjondaá, 'ño 'nga tjna, tse nga'ño tjin-la, kò tjin-la kjotixoma.

K'oa'sín kátama skanda nitá mé nachrjein-ne.

¹³ K'éé kiichja jngoo-na jñà xita jchínga, kitsò:

—Jñà xita xi chroba kjoàn nikje xi íkjá, zyá xita-ne, ñánda kòf'ii-ne?

¹⁴ 'An, kixan-la:

—Ngajii tjiin-lè na'èn.

Jè kitsò-na:

—Jñà xit̃a koi xi tsatojiin kjo'in jè nàchrjein k'e nga 'ño tse kjo'in kis'e. Kisitsjeè nikje-là nga kò jni-là Orrè-là Nainá kisichroba-ne.

¹⁵ Koiì kjoa-là nga ya t̃itsajna-ne nguixkòn jè xi t̃ijnasòn íxile nga t̃íhotíxoma kò nàchrjein kò nit̃jen s̃is'in-là ya ingo-là. Jè xi t̃ijnasòn íxile yaá k̃ijnajin osen k̃jit'aà-là nga s̃iikinda.

¹⁶ Mì t̃i k̃i k̃ijnchrá s̃iikjei'n-ne kò mì t̃i k̃i kòxindá-là. Kò mì t̃i k̃i kòkà-ne yijo-là jè ndobá-là ts'oi k'e nga 'ño matsjè.

¹⁷ Nga jè Orrè xi t̃ijna jngoò osen-là ñánda t̃ijna xi t̃ijnasòn íxile nga t̃íhotíxoma, jè s̃iikinda koni s'in makinda orrè; jè kjoikò ñánda t̃íbitjo nandá xi t̃ijnakon. Nainá s̃iixijno yije ndáxkòn jñà xit̃a koi.

8

Xi ma-ne itoò sello

¹ Jè Orrè, k'e nga jaàxìn jè sello xi ma-ne itoò, osen-la hora jñá kis'e ján ngajmì.

² Ikjoàn k̃ijtseè jñà àkjalè xi itoò ma-ne xi 'ncha kixi nguixkòn Nainá, jngoò chrjo trompeta kits'ii-là nga jngoò ìjngoò.

³ K'èé j'ii ìjngoò àkjalè xi 'ya jngoò k̃icha xi ngui oro jè xi t̃ijya chrjongó-là Nainá. Tsasijna kixi ya it'aà ím̃ixa tsjeè-là Nainá, ikjoàn tse chrjongó-là Nainá kits'ii-là mé-ne nga ya kisijngoòkò-ne jè kjoa bitsi'ba-là jñà xit̃a-là Nainá. Yaá tsaká ya isòn ím̃ixa tsjeè xi ngui oro xi t̃ijna ya nguixkòn jè xi t̃ijnasòn íxile ñánda t̃íhotíxoma.

⁴ Jè ni'ndi-là chrjongó-là nainá kò kjoa bitsi'ba-là xit̃a-là Nainá tsijin-né ya tsja jè àkjalè ya nguixkòn Nainá.

⁵ Jè àkjalè kiskoé jè k̃icha xi t̃iya chrjongó-là Nainá, chinchá-isa xá'í xi t̃ítisòn ya it'aà ím̃ixa tsjeè-là Nainá. Ikjoàn kisikatjen-sòn isò'nde; 'ño kits'iin ch'on, kina'yà-là jta, ki'ya-là ni'in ch'on, kò ts'a ch'on.

Jñà chrjo trompeta

⁶ Jñà àkjalè xi itoò ma-ne kò itoò chrjo trompeta t̃ijma'ya tsibítsajnaandaà nga s̃iikjindáya.

⁷ Jè àkjalè xi s̃ijna ít̃jòn kisikjindáya chrjo-là. Ikjoàn ts'a jtsí ndajo kò ni'in xi tsjajin jni; ján kisikasén it'aà nangui. Jè xi ma-ne jàn-ya-là isò'nde, jngoòya kitì; k'oa t̃i t̃jín kitì jñà yá; kitì yije xkà xkoén.

⁸ Jè xi ma-ne jò àkjalè kisikjindáya chrjo-là. Kò jngoò xi ok̃ji koni jngoò nindoò xi je k̃ji xi t̃ítì, yaá kinikatjen-jin ndáchikon. Nga jàn-ya-là ndáchikon, jngoòya, jni komà.

⁹ Jñà cho xi t̃jín-ngui ndáchikon, jngoòya k'en xi ma-ne jàn-ya cho. K'oaá t̃is'in komà jñà chitso, jngoòya chixoña xi ma-ne jàn-ya chitso.

¹⁰ Jè xi ma-ne jàn àkjalè kisikjindáya chrjo-là. Jngoò ni'ño xi 'ño jè k̃ji xi t̃ítijnga, kiskaàngui-ne ngajmì. Jè ni'ño jè, jngoòya xajngá nandá kiskaàjin xi ma-ne jàn-ya xajngá nandá kò ya ñánda t̃it̃jo nandá.

¹¹ Jè 'in-là ni'ño jè, xkà tsja 'mì. Kò jè nandá, jngoòya kjòtsja, jè xi ma-ne jàn-ya nandá. K̃jín jchán xit̃a k'en nga kjòtsja nandá.

¹² Jè xi ma-ne ñijòn àkjalè kisikjindáya chrjo-là. Ikjoàn jngoòya kitsi'on jè ts'oi xi ma-ne jàn-ya yijo-là; kò k'oaá t̃is'in komà jè sá kò ni'ño. Ikjoàn kòjñò jngoòya jè ts'oi kò sá kò ni'ño. Koa jngoòya kòjñò jè nàchrjein xi jàn-ya t̃jín-ne; kò k'oaá t̃is'in komà k'e nga nit̃jen; mì t̃i k̃i k̃jòhiseèn-ne.

13 K'e nga kiskoòtsejèn, ki'nchrè jngoò-la ja xi kitoòtjen ján jjiin isén. 'Ñó kiichja nga kitsò:

—Ima xó-ne, ima xó-ne, ima xó-ne jña xita xi tjín ján isò'nde, taxki 'oón komat'in k'e nga skindàya chrjo-la jña àkjalè xi ngui jàn chija-isa.

9

Chrjo trompeta xi ma-ne 'òn

1 Jè xi ma-ne 'òn àkjalè kisikjindáya chrjo-la; 'an kijtsee jngoàà ni'ño xi kiskaàngui-ne ngajmii skanda it'aà nangui. Ikjoàn kjòngatsja jè ibi ts'e nitjan.

2 Kiskix'a jè nitjan. K'oaa s'in itjo ni'ndi koni tsà ts'e ngaja xi 'ño ii kjoàn. Jè ni'ndi xi itjo, kisijño jè ts'oi kò jjiin isén.

3 Jè ni'ndi, yaá itjojin cho langosta xi tsangasòn isò'nde; kits'ii-la nga'ño nga ma-la k'oe-la xita koni cho na'yá xi tjín isò'nde.

4 K'oaa s'in kisatiixoma-la nga mikii tsjá ch'in-la ngats'ii xka ijña xi tjín isò'nde, kò njngoò yá; tà jña xi koma tsjá ch'in-la jña xita xi tsjin-la chiba-la Nainá ya itjòn tjen-la.

5 Mikii kitsjaà'nde-la nga sikk'en xita; tà kjo'iin 'òn sá tsjá-la; jè kjo'in xi tsjá, k'oaa ngayala-la koni k'e nga 'bé-la cho na'yá xita nga ijò 'beé.

6 Nachrjein koi, jña xita mejèn-la nga kiyá, tanga mikii sakò-la kós'in sikk'en yijo-la. 'Nó komejèn-la nga sikk'en yijo-la tanga mikii koma kiyá.

7 Jña cho langosta k'oaa kjoàn isén-la koni kjoàn kohòyo xi binchandaà-la kojochán. Tjisòn skò koni corona xi ngui oro; isén-la xitaá tjín-la.

8 Tsja skò k'oaa kjoàn koni kjoàn ts'e íchjín; ni'ño, k'oaa kjoàn koni ts'e xa.

9 Ya isòn inima-la k'oaa kjoàn xi kijtsa koni kichá tájaà xi síkjeén xita kojochán; jña jngaà-la k'oaa s'in na'yá-la nga one koni tsà 'ño kjin ma carreta xi bindofe kohòyo nga ongachikon nga fi kojochán.

10 Tjin nditsin koni cho na'yá kò tjín-la na'yá. Jña nditsin tjín-la nga'ño nga 'òn sá sikk'on xita.

11 Jè xi síjna skò-la cho langosta, jè àkjalè ts'e nitjan. Jè 'ín-la àkjalè jè, xi 'én hebreo, Abadón 'mì, koa xi 'én griego, Apolión 'mì. [Jña 'ín koi, tsòyaá-ne: jè xi síkts'óna.]

12 Jyeé tsato kjo'in xi tjina itjòn xi taxki 'oón komat'in xita; tanga ngui jò chija xi sa nchrobá.

Chrjo trompeta xi ma-ne joòn

13 Jè xi ma-ne joòn àkjalè kisikjindáya chrjo-la; k'eé ki'nchrè jngoò-la jta xi ya itjojin-ne nga ñijòn nchrajá-la jè ímixa tsjeé xi ngui oro jè xi síjna nguixkon Nainá

14 nga kitsò-la jè àkjalè xi ma-ne joòn, xi kjiya chrjo tsja:

—Chjinda'ñoi jña àkjalè xi ñijòn ma-ne xi jtít'aà'ño ya chraña-la jè nandá xajngá je Éufrates.

15 K'eé kitjajnda'ño jña àkjalè xi ñijòn ma-ne xi jye k'oas'in títsajnandaà jè hora, jè nachrjein, jè sá kò jè nó, mé-ne nga jngoóya sikk'en-ne xita xi ma-ne jàn-ya ngats'ii xita xi tjín.

16 'An, ki'nchrè-la kótjin ma-ne jña xita kojochán xi kohòyo títsajnakjá-la; jò sindo millón ma-ne.

17 K'oaa s'in tsatsejèn-na jña kohòyo kò xita xi títsajnakjá-la nga kichá tájaà kijtsa inima-la xi ini kjoàn koni ni'ín, xi azul kjoàn koni zafiro, kò xi sinè kjoàn

koni azufre. Jñà skò kohòyo, k'oaá kjoàn koni skò xa; kò ya tso'ba, ni'in bitjo, ni'ndii bitjo, kò azufre bitjo.

¹⁸ Jè kjoa-la nga ingajàn kjo'in koi, jngoò ya k'en xita xi jàn ya ngats'ii xita xi tjín. Jè kisk'en jè ni'in, ni'ndi kò azufre xi bitjo-ne tso'ba kohòyo.

¹⁹ Nga'ño xi tjín-la kohòyo, yaá tji'a tso'ba kò itjòn nditsin, nga jñà nditsin k'oaá kjoàn koni kjoàn ye; koá jñà skò siki'on-ne jñà xita.

²⁰ Jñà xita xi tsiningui-ne xi mikii k'en k'e nga jye tsato yije kjo'in koi, mikii kiskájno jé-la nga mi ti jé kohótsji-ne; takó jñà kijtseèkkón inijma ch'o-la nejí, kò jñà isén xi Nainá tsò-la xi kichá oro, plata, bronce, ndajo kò yá, jñà xi mikii tsejèn-la kò xi mikii 'nchré kò xi mikii ma fi.

²¹ Jñà xita koi, mikii kiskájno jé-la nga mi ti jé kohótsji-ne nga xita sík'en, nga ma-la bíndaà, kò nga kjoa chijngui s'in, kò kjoa chijé.

10

Àkjale xi kjiya tsja jngoò xojoñ libro jtobá

¹ Jjngoò àkjale kijtseè-isa xi tjín-la nga'ño xi tínchrobájen-ne ngajmii nga ifi tsátijno; jè skò kijnasòn jngoò ijñe; isén-la k'oaá kji koni ts'oi; jñà ndsokò k'oaá s'in tsejèn koni tsà ni'in xi ncha kixi nga títi.

² Kjinaya tsja jngoò xojoñ xi jtobá kji xi jye kitjándaya. Jè ndsokò kixi tsasínajiiñ ya ndáchikon kò jè ndsokò ngaskón tsasínasòn nangui.

³ K'oaá s'in 'ño kiichja koni tsò xa k'e nga kjindáya; k'e nga jye kiichja, itoò ch'on kina'ya jta-la nga tikoa kiichja.

⁴ K'e nga jye jane ch'on xi itoò kits'iin, 'an tijnandaà-ná nga mejèn-na skiijno jngoaa xojoñ, tanga ki'nchré jngod-la jta xi ngajmii inchrobà-ne xi kitsò-na: —Jñà 'én xi kachja ch'on xi itoò kats'iin, 'maá tikijni; ki xojoón bit'i.

⁵ Jè àkjale xi 'an kijtseè nga ya sijnajiiñ jngoò ndsokò ndáchikon kò xi jngoò ndsokò ya sijnasòn nangui, kiskímii'nga tsja kixi ján ngajmii,

⁶ kitsjaà 'én-la it'aà ts'e Nainá xi tijnakon nita mé nachrjein-ne, jè xi tsibíndaà ngajmii, nangui kò ndáchikon, ngats'ii tsojmii xi ya tjín, kitsò:

—Mi ti kii s'e isa-ne nachrjein.

⁷ K'e nga kichóya nachrjein-la nga koits'ia jè àkjale xi ma-ne itoò nga sijkindáya chrjo-la, jè kjoa'ma-la Nainá kitasòn-né koni s'in kitsò jñà xita chi'nda-la xi kiichja ngajo-la.

⁸ Jè jta xi ki'nchré itjòn-la xi ngajmii inchrobà-ne, jngoò k'a kiichja-na kitsò: —T'in, chjoí jè xojoñ xi jtobá kji xi jye kitjándaya nga kjinaya tsja jè àkjale xi sijnakixi isòn ndáchikon kò isòn nangui.

⁹ Kiikoan jè àkjale, kixan-la:

—Tjii-ná jè xojoñ jtobá xi kjinaya ndseji.

Kitsò-na:

—Chjoí, ikjoàn chinji; ján iya indso'boi kotsjaya-né, tanga ya i'a ndsoboi, ixii koma-lè koni tsà tsjén.

¹⁰ Kiskoé jè xojoñ xi kjiya tsja jè àkjale. K'e nga kiskínee, kishixii'a ndsoba koni tsà tsjén; tanga ján iya indso'ba kjòtsja-né.

¹¹ Ki'mi-na:

—Mochjeén-né nga jngoò k'a kinókjoaya ngajo-la Nainá mé kjoa xi komat'in jñà xita xi kjin naxandá nchrobà-ne kò xi kjin nangui chja-ne kò xi kjin skoya 'én chja, kò mé kjoa xi komat'in xitaxá itjòn xi tjín isó'nde.

11

Jò ma x̄ita xi tsjá 'én it'aà ts'e Cristo

¹ K'eé kits'ì jngòò-na yá xi ma machibaya-ne, xi k'oá kji koni kjoàn yá nise. Ki'mì-na:

—Tìsítjìin, tìchibayi jè ingo ítjòn-la Nainá ko jè ímìxa tsjeè-la. Tìxkeyi kótjín ma-ne jñá x̄ita xi ya beèxkón Nainá.

² Jè ndìtsin xi kijnat'aà-la ingo, kì kiì nìchibayi nga jñá kitjoé-la xi taxkì x̄ita xi mìtsà x̄ita judío. Jñá x̄ita koi, ichán jò sá kotìxoma ya Jerusalén xi j'nde tsjeè-la Nainá.

³ Aán siikasén ingajò x̄ita-na xi tsjá 'én it'aà ts'an nga kichjaya jngòò jmù ko jò sindo ko jàn-kaàn nachrjein; ko jñá nikje xi kòkjá, nikje jmà kjoàn xi ts'e kjoaba.

⁴ Jñá ingajò x̄ita xi tsjá 'én, jñá-né ingajò yá olivo ko ingajò kichá candelero xi jncha kixì nguixkón Nainá xi otìxoma-la isò'nde.

⁵ Tsà yá xi mejèn-la s̄iki'on x̄ita koi; ni'ín kochrje tso'ba xi jngòò k'a kòkà jñá xi kondrà-la. K'oáá s'ín kiyá yije, n̄ita yá-ne xi mejèn-la s̄iki'on.

⁶ Jñá x̄ita koi tjín-la nga'ño nga ma-la kùichjoà-la ngajmù mé-ne mì tì kiì k'oá-ne jtsì jñá nachrjein k'e nga kichjaya. Tikoáá tjín-la nga'ño it'aà ts'e nandá nga ma-la nga jní s'jìn; ko komaá-la kjin skoya kjo'in tsjá-la x̄ita isò'nde; komaá-la nga kos'ín s'jìn n̄ita kótjín k'a mejèn-la nga s'jìn.

⁷ Ingajò x̄ita koi, k'e nga jye tsjá 'én-la, jè cho je xi ch'o kji xi bitjomijìn-ne ya n̄itjan jñò, skaàn-ko-né, ko siikijne-la, ikjoàn kiyá ingajò x̄ita koi.

⁸ Jñá yijo-la x̄ita koi, yaá siyijò osen ndìtsin-la naxandá ítjòn, ñánda kisit'aà krò Nà'én-ná. Jè 'ín-la naxandá ítjòn xi okji, k'oáá s'ín ngaya-la koni Sodoma, o Egipto.

⁹ X̄ita xi ya inchrobàjìn-ne naxandá xi tjín isò'nde, ko ngats'ì tje-la x̄ita xi tjín isò'nde, ko x̄ita xi chja ngats'ì 'én xi tjín, ko x̄ita xi ya nchrobá-ne ngats'ì nangui xi tjín isò'nde, ján nachrjein osen skótsejèn-jno yijo-la mik'en; ko mikì tsjá'nde nga s̄ijjìn jñá x̄ita koi xi jò ma-ne.

¹⁰ Jñá x̄ita xi tjín isò'nde kotsjaá-la nga jye k'en x̄ita koi; tsjá kjetjò-la tsojmì x̄ita xikjín. Koi k'oas'ín s'jìn-ne nga jñá ingajò x̄ita xi chja ngajo-la Nainá, tseé kjo'in tsjá-la jñá x̄ita isò'nde.

¹¹ K'e nga jye tsato xi jàn nachrjein osen, jè Nainá kisikítsajnakon ìjngòò k'a-ne nga jaáya-la; ikjoàn chinha kixì ìjngòò k'a-ne; ko ngats'ì x̄ita xi kijtseé, 'ño jchán kitsakjòn.

¹² Ingajò x̄ita koi kiì'nchré jngòò-la jtá xi 'ño kùichja xi ngajmù inchrobà-ne, kitsò-la:

—Nchrobá-mijìn-jno ìjndé.

Ikjoàn kùimijìn-jìn ifi ján ngajmù. Ngats'ì jñá x̄ita kondrà-la kijtseé-né.

¹³ Tìk'eé-ne j'ì jngòò ch'ón xi 'ño jchán ts'a; jngòò ya naxandá chixoña xi ma-ne te ya kòhokji naxandá; ko jè kjoa-la ch'ón, itoò jmù x̄ita k'en. Jñá x̄ita xi tsiningui-ne, ndaa jchán kitsakjòn. Ikjoàn kùichjat'aà-la Nainá xi tjina ngajmù nga jeya kisikíjina.

¹⁴ Jyee tsato kjo'in xi ma-ne jò xi taxkì 'oón komà't'in x̄ita; tanga nchrobá n̄itoón xi ma-ne jàn k'a.

Chrjo trompeta xi ma-ne itoò

¹⁵ Jè xi ma-ne itoò àkjale kisikjindáya chrjo-la; kjin jchán jtá kina'yà-la ngajmù xi 'ño kùichja nga kitsò:

Jñà kjoṭixoma xi tjín isò'nde,
 jyeé ts'e Na'èn-ná xi otíxoma-ná ko jè Cristo xi xó kinikasén-ne.
 Jè kotíxoma nīta mé nachrjein-ne.

¹⁶ Jñà xīta jchínga xi kaàn ñijòn ma-ne, xi títsajnané íxile nga nguixkon Nainá,
 chíncha-xkó'nchi-ñiat'aà-la nga kijtseèxkón Nainá.

¹⁷ Kitsò:

Na'èn xi Nainá 'mì-lè.

Ndaà chjì-lè nga ta jì ta jngoò-né xi 'ño tse nga'ño tjín-lè,
 ngajì xi tijni i'ndeì,

ko xi tijni skanda kjòtseé,

[ko xi sa kjoji ñjngoò k'a-ne].

Ti'biì-lèjèn kjondaà nga jyeé kachjoí nga'ño xi tjín-lè;

ko jyeé kòbīts'i nga jì tìhotíxomai.

¹⁸ Jñà xīta xi taxki xīta xi mìtsà xīta judío jyeé kòjti-la;

tanga jyeé ijchò nachrjein-la kjojtì-lè k'e nga jì k'oi-la kjo'in xīta koi,

jè nachrjein k'e nga jì kíndaajìin-la jñà xīta xi jye k'en

ko k'oi-la kjojtò xi ok'in-la nga tjoé-la xīta chī'nda-lè xi kíichja ngajo-lè

ko jñà xīta-la Nainá ko ngats'ì xi beèxkón-lè,

jñà xi jtobá kjoàn ko xīta jchínga.

Síkjesesoìn jñà xīta xi ma-la síkjesesoìn xīta naxandá isò'nde.

¹⁹ Ján ngajmì kítá'a i'nde tsjeè-la Nainá; ya iya i'nde tsjeè-la ki'ya-la
 jè kaxá ts'e kjoa xi tsibíndaajìin Nainá ko jñà xīta. Ikjoàn jate ni'in ch'on,
 kina'ya-la jta, kits'ìin ch'on, ts'a ch'on, ts'a jtsí ndajo xi 'ño tsiaàn kjoàn.

12

Jè chjoón ko jè ye

¹ Ján ngajmì tsatsejèn jngoò kjoxxkón. Jngoò chjoón ki'ya-la; jè ts'oi xi ma
 nikje-la. Jè sá yaá tjina ñgui ndsoko, ko jngoò corona tjí'a sko xi tejò ni'ño
 jtí'aà.

² Jè chjoón, ki'ndí 'ya. 'Ñó jchán kjíndáya nga jye machraña nga jts'ín
 ki'ndí-la; tseé kjo'in tísíkjeiín nga jye ijchò chjiba-la nga jts'ín ki'ndí-la.

³ Ján ngajmì ñjngoò kjoxxkón tsatsejèn. Jngoò ye xi 'ño je kji tsatsejèn. Inì
 kji, itòò ma sko, ko jngoò corona jtsé tjí'a nga jngoò ñjngoò sko. Tíkjoa te ma
 nchrajá-la.

⁴ Jè nditsin ye, jngoò ya ni'ño tsibíndofe xi ma-ne jàn ya ngats'ì ni'ño xi tjín
 ngajmì, ikjoàn tsibítsjot'aà nangui. Jè ye je, tsasijnat'aà-la jè chjoón xi tí'beé
 ki'ndí mé-ne nga skíne-ne ki'ndí-la k'e nga jye jts'ín.

⁵ Jè chjoón, tsí'beé jngoò ki'ndí x'in nga jè kotíxoma-la ngats'ì naxandá xi
 tjín isò'nde koni jngoò xīta xi yá kīcha kjiya tsja nga kíinè-la kjo'in xīta xi
 mikìi 'nchréñijon-la. Tanga jè ki'ndí-la chjoón, kitjá'an-la; yaá kíiko ñánda tjina
 Nainá nga tíhotíxoma.

⁶ Jè chjoón, tsanga-né. Ján kii i'nde it'aà xìn ñánda nangui kixì choòn, ñánda
 nga Nainá tsibíjnandaà jngoò-la i'nde nga ya katjì-la tsojmì xi skíne. Jngoò
 jmù ko jò sìndò ko jàn-kaàn nachrjein kjna.

⁷ Xi jye komà iskan, ján ngajmì kis'e kjojchán. Jè àkjale Miguel ko àkjale-la
 kiskaàn-kjoòko jè ye je. Ko jè ye je, ko àkjale-la nas'ín 'ño kiskaàn-kjoò,

⁸ tanga mikìi kisikijne-la, ko mì tì mé i'nde kis'e-la ján ngajmì.

⁹ K'oaá s'ín komà nga itjokàjìin ngajmì jè yè jchínga xi 'mì Xità Nejí kò xi 'mì Satanás xi konachan-là ngats'ìi xità isò'nde. Kinikatjengui ya it'aà nangui kò àkjalè-la.

¹⁰ Kì'nchrè jngoò-la jta ján ngajmì xi 'ño kiichja xi tsò:

—I'nde jyeé ijchò nachrjein nga kitjokàjìin kjo'in xità xinguiáá nga kò nga'ño-la Nainá nga jè kotixoma kò kjotixoma xi tjín-la Cristo [xi Nainá xó kisikasen-ne], koi kjoa-la nga jye kánikatjengui jè xi kò nachrjein kò nitjen tsját'in 'én ndiso xità xinguiáá nga nguixkon Nainá.

¹¹ Jñà xità xinguiáá, nga nguì koó nga'ño xi tjín-la jní xi tsibíxteèn jè Orré kisikijne-la kò nguì koó jñà 'én xi kitsjaá it'aà ts'e Nainá. Mikì kitsakjòn-la nas'ín kinik'en.

¹² Tsja kàtas'e-la ngajmì kò jñà xi ya títajna. Tanga imà xó-nò jñò xi ya títajnaà it'aà nangui kò xi títajnaà ya ijìin ndáchikon nga jè xità nejí jyeé ijchòjen-tjìngui-nò kò 'ño jti tjín-la nga jyeé tjìjìn-la nga ta chiba nachrjein kijnà-isa.

¹³ Jè yè xi 'ño je kji, k'e nga kinikatjengui it'aà nangui, tsangatjìngui-la jè chjoón xi tsi'beé ki'ndí x'in.

¹⁴ Tanga jè chjoón, jò jngaá ts'e ja kits'ìi-la xi 'ño ìi kjoàn mé-ne koma tótjen-ne nga kongala jè yè xi je kji. Ján kii kijnà ya i'nde it'aà xìn ñánda nangui kixi choòn. Jàn nó osen kijnà nga kòkinda nga tjoé-la tsojmì xi skìne.

¹⁵ Jè yè xi je kji, tsachrje nandá tso'ba nga ndána koma mé-ne nga koma kichroako-ne jè chjoón.

¹⁶ Tanga jè nangui kisichját'aà-la jè chjoón; kitáx'a, kits'ìi ndána xi jè yè tsachrje tso'ba.

¹⁷ Jè yè isaá 'ño kjòjtikeè jè chjoón. Kii tjìngui kondra-la jñà xità tje-la chjoón nga kiikjaán-kò jñà xi sikitasòn kjotixoma-la Nainá kò jñà xi ndaá tsjá 'én it'aà ts'e Cristo.

¹⁸ Jè yè, yaá tsibijnajìin tsomì xi 'ncha indii ndáchikon.

13

Jò cho ìi xi ch'o kjoàn

¹ Kijtseè jngoaa cho je xi ch'o kji xi itjo-mijìn-jìin-ne ndáchikon xi itoò ma sko; te ma nchrajá-la; jngoò corona it'sé tji'a nga lingoò lingoò nchrajá-la; jñà sko tjít'aà 'ín xi Nainá chajno-la.

² Jè cho je xi ch'o kji xi 'an kijtseè, k'oaá kji koni kjoàn xa indo; k'oaá kjoàn ndsoko koni ts'e cho oso; k'oaá kji tso'ba koni tso'ba xa. Jè nga'ño xi tjín-la jè yè, kò jè i'nde-la ñánda tihotixoma, kò jè kjotixoma-la xi 'ño tjín, jè cho ts'en kjongatsja.

³ 'Nó tse kitii jngoò sko jè cho je xi ch'o kji; k'oaá kji komà koni tsà jye kiyá; tanga jè sko xi 'ño tse kitii, kjòndaà-ne. Ngats'ìi xità xi tjín nga tjtsa isò'nde, tà kjòxkón-la kjoa xi komà, kò yaá kùitjìngui-la jè cho ts'en.

⁴ Ngats'ìi xità kijtseèxkón jè yè, nga jè yè kitsjaá-la kjotixoma xi tísikjeén jè cho ts'en. Jñà xità tikoáá kijtseèxkón jè cho je xi ch'o kji. Ikjoàn kitsò:

—Tjìin lingoò isa koni jè cho je xi ch'o kji; mì yá tjín xi kichikjoa-la nga skaàn-kò.

⁵ Jè cho ts'en kitjò'nde-la nga kiichja 'én xi 'nga síkijna yijo-la nga chajno-la Nainá. Tikoáá kits'ìi'nde-la nga ichán jò sá kotixoma.

⁶ K'oaá s'ín kis'ìin; kiichajno-la Nainá, kiichajno-la 'ín-la Nainá kò Ni'ya Tsjeè-la, kò kiichajno-la jñà xità xi títajna ngajmì.

⁷ Tjikoá kitjò'ndeé-la nga kiskaàn-ko xita-la Nainá skanda kó nga kisikijne-la. Ikjoàn kits'ii-la kjotixoma it'aà ts'e ngats'ii tje-la xita, ko it'aà ts'e ngats'ii naxandá xi tjín, ko it'aà ts'e ngats'ii xita xi chja ngats'ii 'én xi tjín, ko it'aà ts'e xita xi tjín nga lngoò lngoò nangui xi tjín isò'nde.

⁸ Ngats'ii xita xi tjín nga tjítsa isò'nde, jè cho ts'en skoexkón, jña ngats'ii xita xi mikì tjít'aà 'ín-la nga tisa tats'en-la kjoa, jè xojon xi ts'e kjoabinachon xi ts'e Orrè-la Nainá xi k'en ngajo-la xita.

⁹ Ndaà tiná'yaà koni xan-nò.

¹⁰ Jè xi ndayá kjis'en, k'oaá s'ín tjínè-la nga ndayá kjoì. Jè xi kichá ndojò kiyá-ne, k'oaá s'ín tjínè-la nga kichá ndojò kiyá-ne. Íí mochjeén nga kixi kitsajna kjit'aà ko nga kichikjoako-la kjo'in jña xita-la Nainá.

¹¹ Xi komà iskan kjitsee lngoaa cho je xi ch'o kji xi itjo mijìn-ne ijìn nangui. Jò ma nchrajá-la xi k'oa kjoàn koni nchrajá-la orrè. K'oaá s'ín chja koni jngoò ye xi 'nò je kji.

¹² K'oaá s'ín tjín-la kjotixoma koni jè cho je xi ch'o kji xi tjína itjòn nga ya síjna nguixkòn. Bínè-la xita xi tjín isò'nde nga kateèxkón jè cho je xi ch'o kji xi tjína itjòn, jè xi kjòndaà-ne ñanda 'nò tse kitì jngoò sko.

¹³ Tjikoá maá-la kis'ìn kjoxkón xi 'ín tjín. Skanda maá-la kisikjinchrobà-jen ní'ín xi ngajmì nchrobá-ne skanda it'aà nangui nga nguixkòn xita.

¹⁴ Kiskoònachan-la xita xi tjín isò'nde, koi kjoa-la jña kjoxkón xi kits'ii'nde-la nga kis'ìn nguixkòn cho je xi ch'o kji xi tjína itjòn. Tsibít'in-la xita nga kátindaà jngoò xkósòn-la jè cho xi tjína itjòn xi kichá ndojò kitì-ne sko tanga jaáya-la.

¹⁵ Jè cho xi ma-ne jò kits'ii-la nga'ñò nga kisikijnakon jè xkósòn-la cho xi kisindaà, mé-ne nga koma kichja-ne ko ngats'ii xita xi mikì skoexkón sijk'en-ne.

¹⁶ K'oaá s'ín tsibínè-la nga kàtasit'aà chiba-la jña xi xita ixti, jña xita jchínga, jña xita nchíná ko jña xita ima, jña xita xi títsajnandejí ko xi ch'índa títsajna'ñò. Yáá kàtasit'aà chiba-la ya tsja kixi ko tsá ya itjòn tjen-la.

¹⁷ Njingoò xita xi ma kotse tsojmì, nijngoò xi ma kotijna tsá mikì tjít'aà chiba-la ko tsá jè 'ín-la cho mikì tjít'aà-la ko tsá mikì tjít'aà-la número ts'e 'ín-la cho.

¹⁸ Jjndé mochjeén kjoachjine-la xita; jè xi ndaa machiya-la, kátixkeya número-la cho je xi ch'o kji; ts'e xita-né. Jè número: joòn sindo ko jàn kaàn ko joòn.

14

Jè Orrè-la Nainá ko jña xita xi jngoò sindo ko ichán ñijòn jmì ma-ne

¹ Xi komà iskan, kiskoòtsejèn, kjitsee jè Orrè, nga síjnaxixi isòn nindoò Sión ko xita xi jngoò sindo ko ichán ñijòn jmì ma-ne xi tjít'aà itjòn tjen-la 'ín-la Orrè ko ts'e Na'èn-la.

² Kí'nchrè jngoò-la jta xi ngajmì nchrobá-ne xi 'nò tihone koni ma nandá k'e nga 'nò maje, koni ma nga faáya-la ch'on k'e nga jye ts'ìn; k'oaá s'ín kí'nchrè-la koni tsá kjìn ma xita xi síkjane ní'ñò arpa.

³ Tína'ya jngoò-la sò xitse nga tjinda nguixkòn jè xi tjinasòn íxile nga tíhotixoma, ko ya nguixkòn xi ñijòn ma-ne xi títsajnakon ko ya nguixkòn jña xita jchínga. Niyá xi ma-la seè jè sò xi tjinda, ta jña-né xi jngoò sindo ko ichán ñijòn jmì ma-ne, jña xi jye itjokajìn kjo'in ya isò'nde.

4 Jñà xità koi, mìtsà íchjín tsibìtsajnakò, nguì tsjeè kisìjchá yijo-là. Jñà-né xi fi tǵingui-là Orrè nìtá ñánda-ne nga fi. Jñà-né xi itjokàjìlìn ítjòn kǵò'in ngats'ìi ít'aa ts'è xità xi tǵín isò'nde, mé-ne nga koma kóngatsja ítjòn-ne Nainá kǵò Orrè.

5 Nìmé 'én ndiso kùichja, kǵò nìmé jé tǵín-là nga nguìxkǵòn Nainá.

Àkjalé xi jàn ma-ne

6 Kìtsee ìngoaà àkjalé xi tsó'bajìlìn isén nga tífiko 'én ndaa-là Nainá xi tǵín nìtá mé nàchrjein-ne nga keènojmi-là jñà xità xi tǵtsajna isò'nde, ngats'ìi xità xi tǵín nga ìngoo ìngoo nanguì, ngats'ìi tǵe-là xità, ngats'ìi xità xi chja ngats'ìi 'én xi tǵín, kǵò ngats'ìi xità xi tǵín nga ngats'ìi naxandá xi tǵín isò'nde.

7 'Nó chja kitsò:

—Jchaxkón Nainá, jeya tikíjna; jye ijchò nàchrjein-là nga kǵòindaàjìlìn. Jchaxkón jé xi tsibíndaà ngajmì, xi tsibíndaà nanguì, xi tsibíndaà ndáchikon kǵò ñánda tǵbitjo nandá.

8 Ìngoo àkjalé kùichja xi kitsò:

—Jyeé kakaàngui, jyeé kakaàngui Babilonia, naxandá xi 'ñó je kǵi, jé xi bí't'in-là naxandá xi tǵín isò'nde nga [kǵ'eíi nainá fit'aà-là] koni s'ín xità k'è nga kǵoachijngui s'ín. Koni s'ín kis'ìin, k'oaá ngaya-là koni tsà kisich'ì yije xità isò'nde jé xán ts'è kǵoachijngui-là xi tǵjko kǵojti-là Nainá.

9 Ìngoo àkjalé tsatsejèn xi ma-ne jàn xi 'ñó chja nga kitsò:

—Tsà yá xi skoèxkón jé chǵò je xi ch'o kǵi kǵò isén xkòsòn-là, tsà tǵkǵoa sít'aa chǵiba-là ítjòn tǵen-là, o tsà tsja,

10 Nainá tsjá-là kǵò'in, k'oaá ngaya-là koni tsà vino skoí xi tǵjko kǵoajti-là Nainá. Nga jé sobà Nainá jyeé tsibíndaà ìngoo chǵtsín vino xi 'ñó kǵaán mé-ne nga kǵokò-ne kǵoajti-là nga s'è-là kǵò'in ìjìlìn nì'ín azufre xi 'ñó tsjé títi. Tǵkotsejèn àkjalé tsjeè kǵò Orrè.

11 Jé nì'ndí-là ts'è kǵò'in-là, kǵit'aá nàchrjein nìtá kǵé-ne nga kǵtjomìjìn. Mikìl sǵikjáyá kǵò nàchrjein kǵò nǵtǵen jñà xità xi jé chǵò ts'èn kǵò isén xkòsòn-là beèxkón, jñà xi tǵkǵoa tǵit'aa chǵiba-là kǵò 'in-là jé chǵò je xi ch'o kǵi.

12 Ìjǵndé nga mochjeén nga kàtachíkǵoa-là nìtá mé kǵoa-ne jñà xità-là Nainá xi sǵikitasòn kǵotǵixoma-là kǵò xi ndaa mokjeiín-là ít'aa ts'è Jesús.

13 Kì'nchrè ìngoaà 'én xi ngajmì inchròbà-ne xi kitsò-na:

—Chjí, tít'eii xǵojon: “Jñà nàchrjein xi fi-isa, mé tà ndaa-là jñà xità xi kǵiyá nga mokjeiín-là ít'aa ts'è Na'èn-ná.” K'oaá tsò Inìma Tsjeè-là Nainá: “Kìxíi kǵoa, jñà xità koi sǵikjáyá-né kǵoa ts'è xá-là; ján ngajmì, jchaá-là ngats'ìi kǵoa xi ndaa kis'ìin.”

K'è nga maxkó tsojmì xi jye kǵòjchá yǵ ít'aa nanguì

14 K'è nga kiskoòtsejèn, kǵitsee ìngoaà ifi xi chròba kǵi, yǵ isò'nga ifi tǵjna ìngoo xi k'oa kǵi koni kǵ'ndí-là xità. Ìngoo corona xi nguì oro tǵj'a skǵò, kǵò ìngoo kǵichǵa libá kǵiya tsja xi 'ñó yijǵò kǵi.

15 Ìngoo àkjalé ítjo yǵ ì'nde tsjeè-là Nainá xi 'ñó chja, kitsò-là jé xi tǵjnasòn ifi:

—Tǵts'ìi nga tǵxákoi kǵichǵa libá-lè; tǵichásòin, kǵò tǵxkóí kǵòhotjín tsojmì tǵjé xi tǵjìn ít'aa nanguì nga jye kǵòjchá yije; kǵò jyeé ijchò nàchrjein-là nga sincháxkó.

16 Jé xi tǵjnasòn ifi, tsibìts'ìakǵò kǵichǵa libá-là yǵ isòn nanguì nga tsatesòn tsojmì tǵjé-là isò'nde, ìkǵjoàn chincháxkó.

17 Ìngoo àkjalé ítjo yǵ ì'nde tsjeè-là Nainá xi kǵjna ngajmì xi tǵkǵoa kǵichǵa libá kǵiya tsja xi 'ñó yijǵò kǵi.

18 Ìjngoò àkjalẹ itjo-ne it'aà ímìxà tsjeè-là Nainá, jẹ xi síkindà ní'ín. 'Nńó kíichja-là jẹ àkjalẹ xi kichà libá kjiya tsja; kitsò-là:

—Títs'ii nga tìxákoji kichà libá-lè xi 'ńó yijò kji; tìchát'eii 'én-là jńà toò uva xi tjin it'aà nangui, nga jńà toò-là jye kichji.

19 Jẹ àkjalẹ tsibíts'iaiko kichà libá-là nga tsatet'aà toò-là jńà yá uva; ikjoàn kisikatsjooya yà ñánda nga ma binchanè toò uva. Kjoa koi, jẹ okó kjoajti-là Nainá.

20 Mítsà yà jjiin naxandá kisinè jńà toò uva; ján indii naxandá kisinè; k'e nga jye kisinè, jní itjo ñánda nga kisinè; 'ńó tse jní itjo skanda ijchò kangui-là kó kji 'nga tjna freno xi tí'a tso'ba kohoyo kò ján sìndò kilómetro tsangasòn.

15

Itoò ma àkjalẹ xi itoò kjo'in j'iiko

1 Ìjngoò kjoxkón kijtseè ján ngajmii xi 'ńó xkón kji kò 'ńó jeya ki'ya-là. Itoò ma àkjalẹ xi itoò kjo'in j'iiko jńà kjo'in xi fehet'aà-ne nga yá fehet'aà-ne kjoajti-là Nainá.

2 Tìkoà kijtseè jngoàà ndáchikon xi chítsín kji; tsjájiin kò ní'ín. Yà ncha kixi isòn ndáchikon xi chítsín kji, jńà xítà xi jye kisikijne it'aà ts'e cho je xi ch'o kji kò isén xkósòn-là, jńà xi mìkii kitsjá'nde nga kisit'aà chibà-là, kò número ts'e 'ín-là. Xítà koi kjiya tsja ní'ńó arpa xi Nainá kitsjaà-là.

3 Nchiseè sò-là Moisés xi ch'nda-là Nainá kò sò-là Orrè, nchitsò: Na'èn xi Nainá 'mì-lè, xi ta ji ta jngoò-né xi 'ńó tse nga'ńó tjin-lè, 'ńó jeya kò 'ńó xkón tjin ngats'ii kjoa xi 'nì.

Xítà kixi-né; kixi tjin ndiyá-lè.

Jíí-né xi Xítaxá Ítjòn tjna-là ngats'ii naxandá xi tjin isò'nde.

4 ¿Yá xi mìkii tsakjón-lè Na'èn?

¿Yá xi mìkii skoexkón-lè?

Tajngoò ngaji xi xítà tsjii,

koi k'oas'ín kjoii-ne ngats'ii naxandá-là isò'nde nga skoexkón-lè

nga jye tí'ya-là kjoa kixi-lè.

5 K'e nga jye kijtseè kjoa koi, kiskoòtsejèn nga kitáx'a ján ngajmii jẹ i'nde tsjeè-là Nainá xi tijnaya iya Ni'ya Nikje xi okó nga yà tjna Nainá.

6 Itjo yà i'nde tsjeè-là Nainá jńà àkjalẹ xi itoò ma-ne xi j'iiko itoò kjo'in. Íkjá níkjé lino chroba xi 'ńó ote kjoàn; tìkjá ndáyá-là na'ńó payo xi ngui oro.

7 Jńà xi ñijòn ma-ne xi títsajnakon, jngoò itjojiin xi kisingsatsja nga íjngó íjngó àkjalẹ xi itoò ma-ne; kitsjaà íjngó íjngó-là chítsín xi ngui oro xi yà tjíya kjo'in ts'e kjoajti-là Nainá xi tijnakon nítà mé nachrjein-ne.

8 Ya iya i'nde tsjeè-là Nainá, kitseè ñ'ndi xi ya inchrobà-ne it'aà ts'e kjoajeya-là Nainá kò nga'ńó xi tjin-là. Niyá xi kitjò'nde-là nga jahas'en ya i'nde tsjeè-là Nainá skanda k'e nga jye tsitasòn yije jńà kjo'in xi itoò ma-ne xi j'iiko jńà àkjalẹ xi itoò ma-ne.

16

Chítsín xi itoò ma-ne

1 Kí'nchrè jngoàà 'én xi yà itjo-ne i'nde tsjeè-là Nainá nga kitsò-là jńà àkjalẹ xi itoò ma-ne:

—Tanguiò, tíxteèn-sòn isò'nde jńà xi tjíya chítsín xi itoò ma-ne, kjo'in xi tjiko kjoajti-là Nainá.

² Kii jè àkjale xi tsako ítjòn-là. Tsibíxteèn-sòn isò'nde xi tjíya chĩtsín-là. Ngats'ii xĩta xi tjín-là chĩba-là cho ts'en ko xi beèxkón jè isén xkósòn-là jè cho je xi ch'o kji, tsako-là ch'in xajtsé xi 'ño ch'o kjoàn ko ijò jchán ma.

³ Jè àkjale xi ma-ne jò tsibíxteèn-jiin ndáchikon xi tjíya chĩtsín-là. Ko jè ndáchikon, ngui jní komà, koni tsà ya k'en-jiin xĩta. Ngats'ii xi títsajnakon ya jiin ndáchikon jngoo k'aá k'en.

⁴ Jè àkjale xi ma-ne jàn, tsibíxteèn-jiin ya xajngá nandá ko ñánda tíbitjo nandá, jè xi tjíya chĩtsín-là. Saà jní komà.

⁵ Ikjoàn ki'nchrè-là jè àkjale xi ts'e nandá, kitsò:

—Ngaji Na'èn, tjín-lè kjoakixi, nga k'oaa s'ín kits'ii-là kjo'in jñà xĩta it'aà ts'e kjoa koi, nga jii xi xĩta tsjeè 'mì-lè, jii xi tjini skanda kjòtseé, tjini skanda i'ndeí.

⁶ Nga jñà xĩta koi tsibíxteèn jní-là xĩta-lè nga jñà kisik'en, ko xĩta xi kiichja-ngajo-lè. I'ndeí ngaji k'oaa tis'in ti'biì ngajo-là jní nga nchi'biì; yaá chiba-là.

⁷ Tikoá ki'nchrè jngoo-là 'én xi ya it'aà imixa tsjeè-là Nainá chja, nga tsò:

—Ji Na'èn xi Nainá 'mì-lè, xi ta ji ta jngoo-né xi 'ño tse nga'ño tjín-lè, kixixi kjoa, jñà kjo'in xi tí'biì-là xĩta koi, ndaa tjín ko ngui kixixi tjín.

⁸ Jè àkjale xi ma-ne ñijòn, tsibíxteèn xi tjíya chĩtsín-là ya isòn ts'oi. Jè ts'oi kitjò'nde-là nga jè ndobá-là kisichjàn yijo-là xĩta.

⁹ Jè ndobá-là ts'oi 'ño kisichjàn-là ngats'ii xĩta tanga jñà xĩta koi mikii kisikájno jé-là ni mikii jeya kisikájna Nainá; ta saá kiichjajno-là Nainá nga jè xi tjín-là nga'ño it'aà ts'e kjo'in koi.

¹⁰ Jè àkjale xi ma-ne 'òn, tsibíxteèn-sòn jè xi tjíya chĩtsín-là ya ñánda tíhotixoma jè cho ts'en. Ko jè i'nde ñánda tíhotixoma jè cho je xi ch'o kji, koñò-né. Jñà xĩta xi beèxkón jè cho ts'en kiskinetjòn nijen-là nga 'ño ijò komà-là.

¹¹ Tanga mikii kisikájno jé-là; tà saá isa ndaa kiichjajno-là Nainá xi ts'e ngajmii, koi kjoa-là nga ijò komà yijo-là nga xajtsé tjín-là.

¹² Jè àkjale xi ma-ne jooñ tsibíxteèn-jiin xi tjíya chĩtsín-là ya xajngá nandá-je Éufrates. Jè nandá-là xajngá, kixiya-né, mé-ne nga koma kjoahato-ne jñà xĩtaxá ítjòn xi nchrobá-ne ñánda bitjokàtji-ne ts'oi.

¹³ Kijtseè-ná nga jè ye xi 'ño je kji, ko jè cho je xi ch'o kji, ko jè xĩta xi kiichjaya 'én ndiso nga itjo-ne tso'ba jàn inima ch'o xi cho xke kjoàn.

¹⁴ Jñà-né inima ch'o-là neii xi s'in kjoaxkón; bitjo nga bíxkóya xĩtaxá ítjòn xi tjín nga tíjtsa isò'nde nga kjinchrobá kjoichán jè nachrjein xi jye tíjndaà-là Nainá xi ta jè tajngoó xi 'ño tse nga'ño tjín-là.

¹⁵ “Tíná'yaà, 'an, k'oaa s'ín kjoiaa koni s'in f'ii xĩta chijé. Mé ta ndaa-là jè xĩta xi tíjndaà k'e nga 'an xi kjoiaa; kjijnandaà níjje-là nga kokjá; mé-ne nga mikii kosobá-là nga tjína laká.”

¹⁶ Jñà inima cho-là neii tsibíxkóya xĩtaxá ítjòn-là isò'nde ya i'nde ñánda 'mì Armagedón xi 'én hebreo.

¹⁷ Jè àkjale xi ma-ne itoo, tsibíxteèn jiin isén xi tjíya chĩtsín-là. Kii'nchrè-là 'én xi 'ño kiichja xi ya inchrobá-ne i'nde tsjeè-là Nainá xi tjina ngajmii ñánda tjina jè xi tíjnasòn íxile nga tíhotixoma; kitsò:

—Jyeé tsitasòn yije.

¹⁸ Ikjoàn jate ni'in ch'on, kina'ya-là jta, kits'iiin ch'on, ts'a ch'on xi 'ño jchán ts'a; ni saà jngoo k'a k'oas'in 'ba kóni nga tísa tsatsejèn xĩta isò'nde.

¹⁹ Jè naxandá je xi 'ño ndaa yaxkon-là, jàn ya komà. Ko jñà naxandá xi chja-ne nga jngoo jngoo nangui xi tjín isò'nde, jngoo k'aá kichijá. Ko jè

naḡandá je xi 'mì Babilonia xi 'ñó ndaà yaxkon-la, mìkìl kisìjchàajìl Nainá nga kitsjaà-la kjo'in, k'oaá ngaya-la koni kisik'i jngoò chĩtsín xi tjíya vino xi ngui kjoajti-la Nainá xi jè jye tĩjnandaà-la.

²⁰ Ngats'ìi nangui xi tĩjn jìlìl ndáchìkon kò jñà nindoò, jngoó k'aá kichijà, mì tĩ kii k'ya-la.

²¹ Jñà xitá tsané jtsí ndajo xi 'ñó tsiaàn kjoàn, tĩjn-la tsà ichán kilo nga jngoò jngoò. Jñà xitá, 'on kũichjajno-la Nainá, koií kjoa-la nga tse kjo'in kis'e-la kjoa ts'e jtsí ndajo.

17

Kós'in s'e-la kjo'in jè chjoón chijngui

¹ J'ìi jngoò jñà àkjalè xi itoò ma-ne xi itoò chĩtsín tjíya tsja, kũichja, kitsò-na: —Nchroboí, kokoò-lè kjo'in xi tjoé-la jè chjoón chijngui xi 'ñó ndaà yaxkon-la xi tĩjnandií ñánda nga kĩlìl xajngá nandá fahato.

² Jñà xitaxá itjòn xi tĩjn isò'nde, yaá tsafáhìtakò chjoón jè nga kje'ei nainá kijtseèxkón k'oaá ngaya-la tsà kjoa chijngui kisikò jè chjoón. Kò ngats'ìi xitá xi tĩjn isò'nde, k'oaá tĩ kis'ìin nga kje'ei nainá kũitjĩngui-la k'oaá ngaya-la koni tsà xán ts'e kjoachijngui-la chjoón kjoèh'i-ne.

³ It'aà ts'e Inimá Tsjeè-la Nainá, jè àkjalè kũkò inima-na jngoò j'nde it'aà xìn ñánda nangui kixi choòn. Kijtseè jngoàà chjoón xi tĩjnakjá-la cho je xi ch'o kji xi inì kji. Yijájno yije yijo-la 'én xi kondrà ts'e Nainá nga chjajno-la. Itoò ma skò kò te ma nchrajá-la.

⁴ Jè chjoón, nikje skò kò nikje inì kjoàn xi íkjá. Yijájno xi ngui oro kò ndajo ote xi 'ñó ts'e chjì-la, kò ndátòn fangui xi 'ñó chjì-la xi 'mì perla. Tjíya tsja jngoò chĩtsín xi ngui oro; jè chĩtsín kitseè kjoa ch'o-la kò kjoa tjé xi ts'e kjoa chijngui-la.

⁵ Ya itjòn tjen-la, jtít'aà 'én 'ma xi tsò: “Babilonia xi 'ñó je kji nga ndaà yaxkon-la, jè nea-la íchjín chijngui kò ngats'ìi kjoa ch'o xi tĩjn isò'nde.”

⁶ K'e nga kiskò'an chjoón jè, kijtseè xkoaàn nga ch'i-né nga jní-la xitá-la Nainá kits'ìi kò ts'e xitá xi kinik'en nga 'én-la Jesús kũichjaya. K'e nga kijtseè tà kjòxkón-na.

⁷ Kitsò-na jè àkjalè:

—¿Mé-ne maxkón-lè? 'Aán, kènojní-lè kó tsòya-ne kjoa 'ma-la chjoón jè, kò it'aà ts'e cho je xi ch'o kji xi tĩjnakjá-la xi itoò ma skò koa te ma nchrajá-la.

⁸ Jè cho xi kà'yi, tsibìjnakon-né, tanga j'ndeí tĩjnak'en-né; yaá kijnchrobà mijìn-ne nĩtjan jñò mé-ne nga jngoò k'a chija-ne. Jñà xitá xi tĩjn isò'nde, xi mìkìl jtít'aà 'ín-la xojon ts'e kjoabinachon kóni nga tĩsa kisindaà isò'nde, tà kòxkón-la k'e nga skoexkon jè cho xi tsibìjnakon, kò j'ndeí tĩjnak'en-né, tanga kòtsején jngoò k'a-ne.

⁹ Íjndé mochjeén kjohĩtsjeèn xi tĩjn-la kjoa chjìne. Jñà skò cho xi itoò ma-ne, jñà ngaya-la jñà nindoò xi itoò ma-ne ñánda tĩjané jè chjoón. Tĩkooá jñà ngaya-la xi itoò ma-ne xitaxá itjòn.

¹⁰ 'Òn ma-ne xi jye k'en, jngoò ma xi tihotíxoma-isa, kò jè xi jngoò, kje'è kii f'ìi. Tanga k'e nga kjoíi, tà chibaá nachrjein kòtixoma.

¹¹ Jè cho je xi ch'o kji xi tsibìjnakon tanga j'ndeí tĩjnak'en-né, jè xi ma-ne jìlìl xitaxá itjòn. Yaá tĩjnajìlìl-la xi itoò ma-ne, kò yaá tifi ñánda nga jngoò k'a chija.

12 J'ñà nchrajá xi te ma-ne xi kà'yi, j'ñà ngayá-là xitaxá ítjòn xi te ma-ne xi k'è'e kù tjoé-là kjoé-tjòma. Tanga k'e nga tjoé-là kjoé-tjòma ta jngoò hora kotjomakjoò kò jè cho je xi ch'o kji.

13 J'ñà xitaxá ítjòn xi te ma-ne, tajngoò kjohitsjeèn tjín-là nga jè cho je xi ch'o kji sijnatsja nga'ño-là kò kjoé-tjòma-là.

14 Ikjoàn skaàn-kò jè Orré, tanga jè Orré sijkijne-né. Nga jè-né xi otixoma-là j'ñà xita xi otixoma, kò Xitaxá ítjòn-là ma j'ñà xi xitaxá ítjòn títajna. J'ñà xita xi títajnakò, xó kinokjoà-là, xó kitjaajün-ne, kò kixi sikitason-là.

15 Jè àkjale k'oaá ti kitsò-na:

—Jè nandá xi kà'yi, ñánda tijnandiì chjoón chijngui, naxandá-né, xita kjín-né, j'ñá-né xita xi tjín nga lingoò lingoò nangui xi tjín isò'nde, kò j'ñá-né xita xi chja ngats'ì 'én xi tjín isò'nde.

16 J'ñà nchrajá xi te ma-ne xi kà'yi, kò jè cho je xi ch'o kji xi kà'yi, sijnitikeè-né jè chjoón chijngui, kjoaá'an yije-là skanda j'ñà nikje-là, sijkájna laká-né. Yijo-là skine-né. Ikjoàn yaá kòkájün ní'in.

17 Nainá k'oaá s'in tsibjün kjohitsjeèn-là j'ñà xita koi nga k'oas'in sikitason koni s'in mejèn-là Nainá. Jè kjoé-tjòma xi tjín-là xita koi tjingoò ikon nga jè cho ts'en kongatsja, skanda k'e nga kítason yije 'én xi kùichja Nainá.

18 Jè chjoón xi kà'yi, jè-né naxandá je xi otixoma-là j'ñà xitaxá ítjòn xi tjín isò'nde.

18

Kós'in kiskaàngui jè naxandá Babilonia

1 Xi jye komà iskan, lingoò àkjale kjtseè xi tinchrobájen-ne ngajmü, xi 'ño tse nga'ño tjín-là. Jè kjoa jeya-là xi 'ño ote kji, kishiseèn-sòn nangui.

2 'Ñó kùichja, kitsò:

—Jye kiskaàngui, jye kiskaàngui naxandá je Babilonia. Jyeé ta j'nde-là injma ch'o-là neji komà, ya ñánda kitseè yije injma tjé xi ch'o kjoàn. Kò ya títajna nise xi ch'o kjoàn xi mikü ma chine.

3 Ngats'ì xita isò'nde, k'oaá ti kis'ün koni s'in xita naxandá jè nga k'ejí nainá kùitjüngui-là, k'oaá ngayá-là koni tsà kjòch'i-ne j'ñà kjoachijngui xi kis'ün. J'ñà xitaxá ítjòn-là xi tjín nga títajna isò'nde, k'oaá ti kis'ün. Kò j'ñà xita isò'nde xi tsojmì otseya nga s'in kjohima, kjòch'iná-né xi kjoa ts'e kjotsja-là yijo-là koni s'in j'ñà xita xi tjín naxandá jè.

4 lingoò 'én ki'nchrè xi ngajmü inchrobà-ne, xi kitsò:

—J'ño xi naxandá ts'an xan-nò, tìjokàjñoò naxandá jè, mé-ne nga mì ya kòkot'aà-nò jé-là, tìkoà mikü kòkot'aà-nò kjo'in xi s'e-là.

5 J'ñà jé-là, jyeé tùmakjin, jyeé j'ì skanda j ngajmü. Nainá, mikü sijnchàajün [nga tsjá-là kjo'in] xi kjoa ts'é jé-là.

6 K'oaá tís'in kàtamát'in ngajo-ne koni s'in kis'ün jè. Jò k'a k'oa tís'in kàtamát'in ngajo-ne koni tjín kjoa xi kis'ün. Jè chitsín xi kisikáyajün vino, kòkji tìkájün ngajo-là nga jò k'a isa jchá kàtama, [jò k'a okji kjo'in kàtako-là].

7 Jè kjoa-là nga jeya kisikájna yijo-là kò nga 'ño kis'e-là kjotsja, k'oa tís'in tjiì ngajo-là kjo'in nga kàtakjindáya. Nga k'oaá tsò injma-là: “An, k'oaá s'in tijná nga chjoón sko-là 'mì-na. An mitsá chjoón ka'an 'mì-na, tìkoáá mikü sijkiaán kjo'in nità kjé-ne.”

8 Koi kjoa-là nga tajngoò nachrjein kitjojenè-là kjo'in: Kiyá xita-là. Tìkoáá skindáya-né. S'èe-là kjoa ts'é kjinchrá. Ní'in kitì-ne nga kjoehesòn. Nga 'ño

tse nga'ño tjin-la jè Nainá xi otixoma nga k'oaá s'in jye kiskoòsòn-la nga tsjá-la kjo'in.

⁹ Jñà xitaxá ítòn-la isò'nde 'ño skindáyakeè ko 'ño 'on koma-la k'e nga skoè nga tbitjo ni'ndi-la nga titi jè naxandá jè ya ñanda kùtjingui-la xi k'ejí nainá k'oaá ngaya-la koni tsà jngoó chjoón chijngui kùtjingui-la nga kisitsjako yijo-la.

¹⁰ Kjiín kìncha-ne nga skótsejèn-la, nga tsakjón-la kjo'in-la. 'Ñó kichja, kitsò:

—Ima xó-ne, ima xó-ne naxandá je Babilonia xi 'ño kis'e-la nga'ño; tajngoó tjò kò'i-la kjo'in.

¹¹ Jñà xita xi otijnaya tsojmi xi tjin isò'nde, tikoáá skindáyakeè-né nga 'on koma-la inima-la nga mì ti yá xi kotse-ne tsojmi xi otijnaya,

¹² tsojmi xi ts'e ton oro, plata, ndajo chji xi 'ño ndaà kjoàn, ndátòn chji xi 'ño ndaà kjoàn; nikje lino xi 'ño chji, ko nikje seda, nikje sko ko xi ini kjoàn; ngats'ì yá xi 'ño ndaà jne, tsojmi chji xi nindaà ni'ño cho kisindaà-ne, ngats'ì tsojmi xi yá xi 'ño chji xi yá ikon, ko kichá bronze, ko kichá xi 'mì hierro, ko ndajo marmol,

¹³ ko chrjoayá canela, ngats'ì tsojmi xi ndaà jne, chrjongó-la Nainá, ko xkii jne xi 'mì mirra, ko chrjongó ts'e yá olivo, ko vino ko asiti. Trigo ko skoan inchrajín, ko cho chá, orré, kohòyo, carreta, ko xita chi'nda nga kisatjina.

¹⁴ Kitsò-la jè naxandá:

—Ngats'ì kjoa xi ndaà kisaseèn-la inima-lè, jyeé kitjaàxìn yije-lè. Kjoa nchiná-lè jyeé kichijà. Ko kjoa xi ndaà kòtsjachi, mì ti kii sakò-lè nitá kjé-ne.

¹⁵ Jñà xita xi otijnaya tsojmi xi ya kjonchiná ts'e naxandá jè, kjiín kìnchat'aàxìn nga tsakjón-la kjo'in. Skindáyakeè koá 'ño 'on koma-la inima-la.

¹⁶ K'oaá kitsò:

—Ima xó-ne naxandá xi 'ño je kji, xi nikje lino chji tsakakjá ko nikje xi sko kjoàn ko xi ini kjoàn. Yijájno yijo-la oro, ndátòn chji xi 'mì perla ko ndajo chji xi 'ño ndaà kjoàn.

¹⁷ Tajngoó tjò kachija yije kjoa nchiná xi tjin-la.

Ngats'ì xita xi síxako chitso, ko ngats'ì xita xi ya chitso títaya nga nchifi, jñà xi ya iya chitso síxá ko ngats'ì xi síxajìn ndáchikon, kjiín tsibítsajna

¹⁸ k'e nga kijtsee ni'ndi-la naxandá nga titi; 'ño kiichja, kitsò:

—Ni saá jngoó naxandá tjin xi mangásòn-kjoò koni kji naxandá jè, nga 'ño ndaà kiyaxkon-la.

¹⁹ Ikjoàn tsibíxteèn-jno chijo sko, 'ño kiskindáyakeè nga 'on komà-la inima-la; kitsò:

—Ima xó-ne naxandá xi 'ño je kji; jè kjoa nchiná-la, ndaà kjonchiná-ne jñà xita xi tjin-la chitso ya jjiín ndáchikon. Ko i'ndeí, ta jngoó tjò kachija yije kjoa nchiná-la.

²⁰ Ngats'ioò jño xi titsajnaà ngajmì, tsjaá t'è-là takòn. Jño xi xita-la Nainá maà, jño xi tsibíxáya-nò Cristo, ko jño xi Nainá nokjoà ngajo-là, tsja t'è-là inima-nò. Nainá jyeé kàtsjá-la kjo'in naxandá jè koií kjoa-la nga ch'o kiskò-nò.

²¹ Jngoó àkjale xi 'ño tse nga'ño tjin-la kiskoé jngoó ndajo xi koni kji ndajo natsi kji, kisikatjen-jìin ndáchikon, kitsò:

—Jè naxandá Babilonia, xi 'ño je kji, k'oaá s'in skajìin-ndá; jngoó k'aá chija nitá kjé-ne, mì ti yá xi skoexkon-ne.

²² Mì tì kii kìná'ya-la inçhò calle-la jñà música xi síkjane arpa, jñà xi síkjindáya xobí, kò xi síkjane chrjo trompeta. Mì tì kii s'e-la xità xi síxá nità mé xá-ne. Tìkoá mì tì kii koxáko-ne molino ts'e ncheé.

²³ Ni'ín ts'e lámpara, mì tì kii sùhiseèn-ne; mì tì kii s'e-ne s'eí nga kixan xità; koií kjoa-la kòs'ín komat'in-ne nga jñà xità-la xi otseya kò otíjnaya tsojmì, 'ñó xità nchiná komà i isò'nde; tìkoá kiskoónachan yije-la naxandá xi tjin isò'nde nga komà-la kis'iìn kjoatj'e.

²⁴ Naxandá jè, Nainá kitsjaà-la kjo'in nga jé ts'e-né nga kinik'en xità-la Nainá kò xità xi kiichjaya ngajo-la Nainá kò ngats'ii xità xi kinik'en nga tjtsta isò'nde.

19

Xità xi tsjá-la kjondaà Nainá ján ngajmii

¹ Xi jye komà iskan, ki'nchrè-la ján ngajmii 'én koni kjin jchán ma xità xi chja nga tsò:

¡Aleluya! ¡'Nga tìkíjna Nainá!
Nga jè ochrjekàjìin-ná kjo'in kjoa ts'e jé-ná,
kò ta jè tajngoó xi tjin-la kjoajeya
kò xi tse nga'ñó tjin-la.

² Nga jè Nainá, ndaà s'ín kò kixí s'ín
k'e nga tsjá-la kjo'in xità;
nga jyeé kitsjaà-la kjo'in jè naxandá je Babilonia
xi kisikits'ón-jìin isò'nde nga tsakó-la xità isò'nde
nga k'ejí nainá kijtseèkón
k'oaá ngaya-la koni jngoó chjoón xi kjoa chijngui s'ín.
Koií jè xi komà-la nga jè kisik'en xità chí'nda-la Nainá xi kiichja ngajo-la.

³ Ijngoó k'a k'oa kitsò:
—¡Aleluya! ¡'Nga tìkíjna Nainá! Jè nì'ndi-la jè naxandá nga títi, k'oaá s'ín
kitjomijìn nità mé nachrjein-ne.

⁴ Jñà xità jchínga xi kaàn ñijòn ma-ne kò xi ñijòn ma-ne xi títsajnakon,
chíncha-xkó'nchi-ñiat'aà-la nga kijtseèkón Nainá xi tijnasòn íxile ñánda
tíhotíxoma. Kitsò:

—¡K'oa s'ín kátama! 'Nga tìkíjna Nainá. ¡Aleluya!
⁵ Yá íxile-la ñánda tíhotíxoma, kina'yà-la 'én xi kitsò:
Tjii-la kjondaà Nainá ngats'ioó jñò xi chí'nda maà,
jñò xi íxti maà kò xità jchínga,
ngats'ioó xi tsakjoón-chaà Nainá.

⁶ Ki'nchrè-la 'én koni tsà kjin jchán ma xità xi chja, koni s'ín na'yà-la nandá
k'e nga one, koni s'ín na'yà-la k'e nga one ch'ón, xi kitsò:
¡Aleluya!

¡'Nga tìkíjna Nainá xi ta jè tajngoó xi 'ñó tse nga'ñó tjin-la!
Nga jyeé jè tíhotíxoma.

⁷ Tsja k'oe-lá injma-ná, sìtsja-chaá takoán, jeya s'ikíjnaá Nainá,
nga jyeé j'ii kjoa bixan-la Orrè;
chjoón-la jyeé tijnandaà.

⁸ Jè chjoón, jye ko'biì-la nikje lino xi 'ñó chjí,
xi 'ñó tsjeè kjoàn tìkoá 'ñó ote nga kónakjá.
Jè nikje lino xi 'ñó chjí, jè ngaya-la kjoakixi xi s'ín xità-la Nainá.

⁹ Jè àkjale kitsò-na:

—Chjí kjoa koi: “Mé ta ndaa-la jña xita xi xó kinokjoa-la kjoa bixan-la Orrè nga jè kòkjen-ko.”

Kitsò isa:

—Jña 'én koi, nguì 'én kixi-la Nainá-né.

¹⁰ Tsohósijna xkò'nchiñia ít'aà ndsòkò jè àkjale nga mejèn-na skoexkoán. Tanga jè àkjale kitsò-na:

—Ki k'oaá 'ni; 'an, tikoáá chí'nda-la Nainá ma koni ngaji ko jña 'ndsi xi ndaa fi tjingui-la jña 'én kixi xi kiichja Jesús. Jè Nainá chaxkoín.

Jña 'én kixi xi kiichja Jesús, tijnà-ne xi síkísteèn-ya-la xita xi chja ngajo-la Nainá.

Jè xi tijnasòn-la kohòyo chroba

¹¹ Kijtseè ngajmii nga tix'a; tsatsejèn jngoò kohòyo xi chroba kji. Jè xita xi tijnaká-la, k'oaá s'in yaxkon-la nga kixi sikitasòn kò kixi tijná, koi kjoa-la nga nguì kò kjoakixi-la bindaàjìin kò nga kjaán-kjoò.

¹² Jña xkon, k'oaá kjoàn koni ni'in. Ya skò, kjin corona jtobá tj'a kò jngoò 'in-la jtít'aà xi mìkìl yá xi machiya-la kó tsòya-ne; tajngoò jè machiya-la kó tsòya-ne.

¹³ Jè nikje xi kinakjá, jní yijàno. Jè 'in-la, 'En-la Nainá 'mì.

¹⁴ Yaá tjingui-la jña soldado ts'e ngajmii nga títsajnakjá-la kohòyo chroba; saà nikje lino chrobaá íkjá xi 'ño chíj kò tsjeè kjoàn.

¹⁵ Jè tso'ba bitjo jngoò kichá ndojò xi 'ño yijò kji, jè xi síki'on-ne ngats'ii naxandá. Nga jè kotixoma-la xita naxandá. Jè yá nise síkijeén xi nguì kichá tájaà. Jè sobá kòsinè jña toò uva ya iya chitso nga kochrje vino xi okó kjoajti-la Nainá xi ta jè tajngoò xi 'ño tse nga'ño tjin-la.

¹⁶ Jè nikje-la kò chrjomí-la jtít'aà 'in xi tsò: “Xitaxá Ítjòn-la ngats'ii jña xi xitaxá ítjòn títsajna kò jè-né xi otixoma-la ngats'ii jña xita xi otixoma.”

¹⁷ Kijtseè jngoàà àkjale xi ya síjnasòn-la ts'oi; 'ño chja-la ngats'ii chò xi tìmajìin isén xi yijo kine. Tsò:

—Nchrobá, tixkóyaà xinguìo mé-ne nga chjinee yijo xi Nainá tsjá-nò,

¹⁸ nga chjinee yijo-la xitaxá ítjòn, kò yijo-la xita skò-la soldado, yijo-la xita ts'en, yijo-la kohòyo kò yijo-la xita xi títsakjá-la kohòyo, yijo-la ngats'ii xita xi títsajnandèjì kò xita chí'nda kò xi ixti kò xita jchínga.

¹⁹ Kijtseè jè chò je xi ch'o kji kò jña xitaxá ítjòn ts'e isò'nde kò xita soldado-la; jyeè títsajnandaà nga skaàn-kò jè xi tijnakjá-la kohòyo chroba kò jña soldado-la.

²⁰ Jè chò je xi ch'o kji kindobà'ño; tìkoá kindobà'ño jè xi 'én ndiso kiichja xi kis'iin kjoxkón nga nguixkòn jè chò. K'oaá s'in komà-ne nga kiskoònachàn-la jña xita xi kiskoé chíba-la tìkoá kijtseèxkón isén xkòsòn-la jè chò. Ingajò kinikatsjoòjìin tìkòn jìin ni'in xi títjnga ñánda títi kò azufre.

²¹ Jña xita xi i'nga, jè kisk'è-ne jè kichá ndojò xi bitjo tso'ba jè xi tijnakjá-la kohòyo. Ngats'ii chò xi tìmajìin isén, jña kjòskìl-ne nga kiskine yijo-la xita xi jye k'en.

20

Jè xi jngoò jmii nó

¹ Kijtseè jngoàà àkjale xi tìnchrobájen-ne ngajmii. 'Ya ibi ts'e nìtjan jñò. Kjiya tsja jngoò na'ño kichá cadena xi 'ño je kji.

² Jè àkjalè kitsobà'ńó jè yè jchínga xi tǐjè-ne xi 'mì Xìta Nejí kọ xi Satanás. Jngoò jmiù nó tsibít'aà'ńó.

³ Kisikatjen-s'en ya nítjan jńò; tsibíchjoà'ńó-la jè xotjoa; ikjoàn tsasíjna-la sello mé-ne nga mì yá skíx'a-ne jè xotjoa nítjan. Yaá tsasíjnahiya mé-ne nga mì tǐ kii koma skónachan-la xita isò'nde, skanda k'e nga kjoehet'aà xi jngoò jmiù nó. Xi koma iskan tǎjında'ńó òjngoò k'a-ne nga koma kojmeendejí chiba nachrjein isa.

⁴ Kijtseè íxile ts'e kjoťixoma; títsajnasòn jńà xita xi kitjoé-la kjoťixoma nga jńà koíndaàjiiin. Tíkoà kijtseè iníma-la jńà xita xi kitiis'iin, nga koi kjoa-la 'én kixi xi kitsjaà it'aà ts'e Jesús kọ nga 'én-la Nainá kiiichjaya. Jńà xita koi, miki kijtseèkkón jè cho je xi ch'o kji kọ isén xkósòn-la; tíkoà miki kisi't'aà chiba-la itjòn tjen-la kọ tsja. Xita koi, òjngoò k'a tsibítsajnakon; jngoò jmiù nó tsatixoma kọ Cristo.

⁵ Jńà xita koi xi jaáya ítjòn-la. Tanga jńà mik'en xi i'nga, skanda k'eé jaáya-la nga ijchò jngoò jmiù nó.

⁶ Mé ta ndaà-la jńà xi kọkọ-la nga kjoáya ítjòn-la; xita koi, jyeé xita-la Nainá koma; jè kjoa biyaà xi ma-ne jò, nímé nga'ńó tjin-la it'aà ts'e xita koi; mì tǐ mé ma sǐkọ-ne. Tà saá nọ'miù-la Nainá koma kọ ts'e Cristo. Jngoò jmiù nó kjoťixomako.

⁷ K'e nga kjoehet'aà xi jngoò jmiù nó, tǎjında'ńó òjngoò k'a-ne jè Satanás ya ñánda tǐjnahiya nítjan jńò.

⁸ Kijtjondejí-ne nga skónachan-la xita nařandá xi tǐn nga tǐtsa isò'nde, jè Gog kọ Magog. Koíkkóya xita mé-ne nga kojits'ia-ne kjořhán. Kjin jchán koma xita, k'oaá गया-la koni tsoni xi jncha indii ndáchikon.

⁹ Chinchimasòn kóhokji isò'nde; chinchandii-la nga jngoò itjandii ñánda títsajna xita-la Nainá kọ nařandá xi tsjakeè. Ikjoàn kisikasén ni'ín Nainá xi inchrobà-ne ngajmiù. Jngoò k'a tsaká kóhótjin.

¹⁰ Jè xita nejí xi kiskoónachan-la xita, kinikatjen-jiiin ya i'nde ñánda títjnga ni'ín kọ azufre. Jyeé ya títsajna jè cho je xi ch'o kji kọ xi kiiichjaya 'én ndiso. Yaá sǐkjeiín kjo'in kọ nachrjein kọ nítjen nita kjé-ne.

Jè íxile ts'e kjoťixoma xi chroba kji

¹¹ Kijtseè jngoò íxile xi chroba kji kọ 'ńó jè kji nga ya tǐjnasòn jngoò xi tíhotixoma. Nga nguixkon jè xi tǐjnasòn íxile, jngoò k'a kichijà nangui kọ ngajmiù. Nita ñánda-ne, mì tǐ kii ki'ya-la.

¹² Kijtseè mik'en xi íxti kjoàn kọ xi xita jchínga kjoàn, 'ncha kixi nguixkon Nainá. Ikjoàn kitáx'a jńà libro [ńánda tǐt'aà mé xi kis'iin nga jngó jngó xita]; koa òjngoò libro kitáx'a ñánda tǐt'aà ts'e kjoabinachon. Jńà mik'en, k'oaá s'ín kisindaàjiiin-la koni s'ín tǐt'aà xořon ts'e libro, mé kjoa xi kis'iin.

¹³ Jè ndáchikon kitsjaà jńà mik'en xi ya k'en-jiiin. Jè kjoabiyaà kọ i'nde kjo'in tíkoáá kitsjaà mik'en xi ya títsajna. K'oaá s'ín kisindaàjiiin-la nga jngoò òjngoò xita koni tǐn kjoa xi kis'iin.

¹⁴⁻¹⁵ Jè kjoabiyaà kọ i'nde kjo'in kinikatsjoòjiiin ñánda títí ni'ín jnga. Kọ jńà mik'en xi miki tǐt'aà 'ín-la jè libro ts'e kjoabinachon, tíkoáá yaá kinikatsjoòjiiin ñánda títí ni'ín jnga. Jè xi ma-ne jò kjoabiyaà.

21

¹ Kìjtsee jngoaá ngajmii xitse kò nangui xitse. Jè ngajmii xi kisijna ítjòn kò nangui xi kisijna ítjòn, jyeé kichijà; tìkooá kichijà jè ndáchikon.

² Tìkoo kìjtsee jè naxandá tsjeé xi Jerusalén xitse 'mi, nga tínchrobájen ngajmii nga nguixkòn Nainá. K'ooá s'ín tijnandaà koni jngooò chjòón xi ndaaá bindaà yijo-la nga jye kixan-kò x'in-la.

³ Kì'nchrè-la 'én xi 'nó chja, xi ngajmii inchrobà-ne, xi tsò:

—Chítsejèn-la Nì'ya Tsjeè-la Nainá, jyeé kòbitjojen; Nainá yaá kijnako jña xita; xita naxandá-laá koma, nga jè sobà xi Nainá kítóso-la.

⁴ Jè sobà Nainá sùixijno yije ndáxkòn; mì tì kii s'e-ne kjoabiyaá; mì tì kii s'e-ne kjoaba; mì tì kii yá skindàya-ne; mì tì kii s'e-ne xi ijòjno ijòt'aà yijo-la, koi kjoa-la nga jye tsato kjoa jchinga.

⁵ Jè xi tijnasòn íxile ts'e kjótixoma, kitsò:

—Chítsejèn-la, 'aán sùixitseyá yije tsojmi xi tjin.

Ikjoàn kitsò-na:

—Chjí, xojon tit'eii jña 'én koi; nga ngui k'ooá s'ín tjin nga kítasòn; ngui 'én kixi-né.

⁶ Ikjoàn kitsò-na:

—Jyeé tsitasòn yije. 'An-ná xi tjna ítjoàn skanda tàts'en-la kjoa kó nga skanda fehet'aà-ne. 'An-ná xi tsibìts'iaa kò xi sikjehet'aà-na kjoa. Ngats'ii xi xindá-la, 'aán tsjaá kjotjò-la nandá xi tìbitjo yá i'nde ñanda mìkii xiya nandá mé-ne koma kijnakon-ne inima-la nita kjé-ne.

⁷ Jña xi sùikijne, jña skoé kjotjò ngats'ii kjondaà koi. 'Aán kótijnakoaa nga Nainá kítóso-na kò jña, ìxti-naá koma.

⁸ Tanga jña xita xi tsakjón, jña xi mìkii mokjeiin-la, jña xi 'nó ch'o s'ín, jña xi xita sík'en, jña xi kjoa chijngui s'ín, jña xi xita t'je, jña xi xkòson beèxkón, ngats'ii xi 'én ndiso chja, ján kixojùn ñanda títì n'ín jnga kò azufre; jè xi ma-ne jò kjoabiyaá.

Naxandá xitse xi 'mi Jerusalén

⁹ J'iiikon jngooò-na àkjale jña xi itooò ma-ne, xi tìkooá itooò chítisín tjin-la, xi jncha kitsee xi itooò kjo'in xi fehet'aà-ne. Kitsò-na:

—Nchroboí, kokoò-lè jè xi koma chjòón-la Orrè.

¹⁰ It'aà ts'e Injma Tsjeè-la Nainá, jè àkjale kiiiko injma-na jngooò nindooò xi je kji kò 'nga kji. Tsakó-na jè naxandá xi je kji, naxandá tsjeè Jerusalén nga tínchrobájen-ne ngajmii nga nguixkòn Nainá.

¹¹ Jè naxandá tsjeè Jerusalén, oteé tsejèn xi kjoa ts'e kjoajeya-la Nainá. K'ooá s'ín ote kji koni ndajo chjí xi 'nó ndaa kjoàn, koni ndajo xi jaspe 'mi nga ote kji koni chítisín.

¹² Nga jngooò ítjandii, jè naxandá, chrjó ndajo tjin-di-la xi 'nó je kji kò 'nó 'nga kji. Tejò xotjoa tjin-la. Nga jngooò l'jngooò xotjoa, jngooò àkjale sijnajto. Tìkooá ya tjit'aà 'ín-la nga tejò naxandá xi ya inchrobàt'aà-ne ìxti-la Israel.

¹³ Ya kixi-la ñanda bitjokàjiin-ne ts'oi, jàn xotjoa tjin-la, ya kixi-la ñanda kahatji-ne ts'oi, jàn xotjoa tjin-la. Ya nortè, tìkooá jàn xotjoa tjin-la, ya sur, tìkooá jàn xotjoa tjin-la.

¹⁴ Jè chrjó ndajo xi tjin-di-la naxandá, tejò chrjó ndajo xi ya tjit'aà nga tejò 'ín-la xita xi tejò ma-ne xi it'aà ts'e Orrè kisixáya-la.

¹⁵ Jè àkjale xi tichjako-na, jngooò kichá kjinaya tsja xi ngui oro xi koni kji yá xi ma machibá-ne. Jè kisikjeén nga ma kisichibá naxandá kò xotjoa-la kò chrjó ndajo-la.

¹⁶ Jè naxandá k'oaá s'ín kijna nga ñijòn chrjangui tjin-la. Koni kji ndojò, k'oaá tì kji tiyà-ne. Jè àkjale, k'e nga kisichiba, jò jmiì kò jò sindò kilómetro tjin-la. Ngásòn chiba tjin-la nga ndojò kò nga tiyà kò nga 'nga.

¹⁷ Ikojàn kisichiba jè chrjó ndajo. Jngoò sindò kò ichán ñijòn xkò tsja tjin-la xi chiba-la xita xi tísikjeén jè àkjale, [jè xi ichán nanga tjin-ne].

¹⁸ Jè chrjó ndajo xi tjíndi-la naxandá, koií tjíndaà-ne ndajo chjí xi 'mì jaspe. Kò jè naxandá, ngui oro sobà-né. K'oaá s'ín ote kji koni chítsín tsjeè.

¹⁹ Jñà tàts'en chrjó xi tjíndaà-ne nga tichjoàndi-la naxandá, ngui ndajo chjí yijájno xi 'ño ndaà kjoàn. Jè xi ítjòn, jè ndajo xi 'mì jaspe; xi ma-ne jò, ndajo xi 'mì zafiro; xi ma-ne jàn, ndajo xi 'mì ágata; xi ma-ne ñijòn, ndajo xi 'mì esmeralda;

²⁰ xi ma-ne 'òn, ndajo xi 'mì ónice; xi ma-ne joòn, ndajo xi 'mì cornalina; xi ma-ne itòò, ndajo xi 'mì crisólito; xi ma-ne jìin, ndajo xi 'mì berilo; xi ma-ne ñijaàn, ndajo xi 'mì topacio; xi ma-ne te, ndajo xi 'mì crisoprasa; xi ma-ne tejngoò, ndajo xi 'mì jacinto; xi ma-ne tejò, ndajo xi 'mì amatista.

²¹ Jñà xotjoa xi tejò ma-ne, tejò ndajo perla tjíndaà-ne. Nga jngoò ñjngoò xotjoa jngoò perla tjíndaà-ne. Ndiyá teè-la naxandá, ngui oro sobà-né koni chítsín xi ma chítsejèn-ya.

²² Ya jìin naxandá, ñjngoò ingo kijtseè; nga jè sobà xi ma ingo-la naxandá, jè Nainá xi tjina ítjòn nga ta jè tajngoò-né xi 'ño tse nga'ño tjin-la kò jè Orrè.

²³ Jè naxandá, mìkii mochjeén-la jè ts'oi kò sá nga sùhiseèn-la. Nga jè sobà kjoa isén-la Nainá síhiseèn-la; kò jè Orrè ma ni'ín-la.

²⁴ Ngats'ii jñà xita naxandá ts'e isò'nde kinchima iseèn-né it'aà ts'e ni'ín-la. Kò jñà xitaxá ítjòn xi tjin isò'nde, kji kò kjoanchiná-la nga ya sùngatsja.

²⁵ Jñà xotjoa-la naxandá, mìkii síchjoajto nga kjit'aà nachrjein; nga ya naxandá, mìkii kojño.

²⁶ Ngats'ii naxandá kjoikò ngats'ii kjoa nchiná-la kò ngats'ii tsojmì xi 'ño chjí-la nga ya sùngatsja.

²⁷ Ya i'nde jè ñimé kjoahas'en xi tjé kjoàn xi ch'o s'ín kò xi kjoa ndiso. Tà jñà kjoahas'en xi tjt'aa 'ín-la jè xojon-la Orrè xi ts'e kjoabinachon.

22

¹ Jè àkjale tsakó jngoò-na xajngá nandá xi kijna tsjeè tsjeè, jè nandá xi bítsajnakon-ná ñita mé nachrjein-ne. K'oaá s'ín tsjeè kji koni chítsín. Yaá títbitjo ñánda síjna íxile-la Nainá nga tíhotixoma kò yaá títbitjo ñánda tjina jè Orrè.

² Ya jngoò osen ndiyá-la naxandá tífa nandá. Kò ya ngobà ngobà xajngá nandá, yaá síjna jè yá xi tsjá kjoabinachon ñita mé nachrjein-ne. Tejò k'a ojà-la toò nga jngoò nó. Jngoò jngoò k'a ojà-la toò nga ñjngoò ñjngoò sá. Jñà xka-la, k'oaá s'ín mochjeén nga maxkii-la naxandá ts'e isò'nde.

³ Mì tì mé kjoa ch'o s'e-ne xi mìkii sasén-la Nainá. Yaá sasíjna jè íxile-la Nainá kò ts'e Orrè nga kotixoma. Kò ngats'ii xita ch'nda-la, yaá sùxá-la.

⁴ Ngats'ii xi xita-la ma, skoexkon-né kó kji isén-la Nainá; kò jè 'ín-la Nainá yaá sít'aà ítjòn tjen-la.

⁵ Ya i'nde jè, mì tì kojño-ne. Jñà xita xi ya títsajna, mì tì ni'ín kochjeén-la xi sùhiseèn-la, tikoagá mì tì ts'oi kochjeén-la; nga jè sobà Na'èn-ná xi Nainá síhiseèn-la. Jñà xita kotixoma ñita mé nachrjein-ne.

Jyé nchrobá machraña nga kjoí ñjngoò k'a Cristo

⁶ Jè àkjale kitsò-na:

—'Èn koi, nguì k'oaá s'ín tjin nga kítasòn; nguì 'èn kixi-né. Jè Na'èn-ná xi Nainá xi síkichiya-la jñà xita xi chja ngajo-la, koií xá kisikasén-ne àkjalé-la nga kòkò-la xi ch'índa-la ma jñà kjoa xi ta nitoón okoma.

⁷—Tina'ya-ná. 'An, kjoí nitoón lingoò k'a.

Mé ta ndaa-la jñà xi síkitasòn jñà 'èn xi kitsjaà Nainá koni s'ín tichja xojon jè.

⁸'An-ná xi 'mì-na Juan, 'aán ki'nchrè koa kijtsee kjoa koi. K'e nga jye ki'nchrè koa jye kijtsee, tsohósijna-xkó'nchi-niñiat'aà-la jè àkjalé xi tíhokó-na kjoa koi, nga mejèn-na skoexkoán.

⁹Tanga jè àkjalé kitsò-na:

—Ki k'oaá 'nì. Jè Nainá jchaxkoín. 'An, tikoaa ch'índa-la Nainá ma, koni ngaji, ko xita xinguii xi chja ngajo-la Nainá, ko ngats'ìi xita xi síkitasòn 'èn xi tjit'aà xojon jè.

¹⁰K'oaá tis'ín kitsò-na:

—Ki Bjna'ma jñà 'èn xi Nainá kitsjaà xi tjit'aà xojon jè, nga jyeé nchrobá machraña nachrjein nga kítasòn.

¹¹Jñà xita xi mìtsà kixi títasjna nguixkon Nainá nga ch'o s'ín, ta k'oaá s'ín kàtitsajna. Ko jñà xi tjin-la kjoakixi ko tsjeè títasjna nga nguixkon Nainá, k'oaá tis'ín kàtáskitasòn xi kjoakixi ko kjoatsjeè.

¹²—Tina'ya, 'an, kjoí nitoón lingoò k'a. Yaá kjoikoaa ch'í-la xi tsjaà-la xita koni s'ín k'ís'ìn nga lingoò lingoò.

¹³'An-ná xi tijná ítjoàn skanda tàts'en-la kjoa ko skanda fehet'aà-ne. 'An-ná xi tsibìts'iaa ko xi sikjehet'aà-na kjoa. 'An-ná xi tijná ítjoàn ko xi fehet'aà-ne.

¹⁴Mé ta ndaa-la jñà xita xi [jní-la Orrè] sítsjeè-ne nikje-la mé-ne nga tjònde-la nga skine toò-la yá xi tsjá kjoabinachon, tikoá koma kjoahas'en xotjoa-la jè naxandá.

¹⁵Tanga ndítsiaán kítasjna, ngats'ìi jñà xita xi ch'o s'ín, ko jñà xi xita t'je, ko jñà xi kjoa chingui s'ín, ko jñà xi xita sík'en, ko jñà xi xkòsòn beèxkón ko ngats'ìi xi tsjakeè kjoa ndiso nga 'èn ndiso chja.

¹⁶—'An xi 'mì-na Jesús, 'aán kisikasén-nò àkjalé-na nga tsjá-nò 'èn ít'aà ts'e kjoa koi, jñò xi xita naxandá-na ma. 'An-ná jè jts'én xi ítjot'aà-ne tje-la xitaxá ítjòn xi k'ímì David. 'An-ná ni'ño tse xi ñó ote kji xi bitjokátji k'e nga tajñóya.

¹⁷Jè Injima Tsjeè-la Nainá ko chjoón-la Orrè, tsò-né:

—Nchroboí [Na'èn Jesús].

Jñà xi nchi'nchré, k'oaá tì kàtatsò:

—Nchroboí [Na'èn Jesús].

Jñà xi xínda-la ko xi mejèn-la nandá, kàtjanchrobá, kàt'ìi kjojtò nandá xi tsjá kjoabinachon.

¹⁸'An, k'oaá xan-nò, ngats'ioò xi na'yà-là jñà 'èn xi kitsjaà Nainá xi tjit'aà xojon jè: Tsà yá xi kùit'aàsòn kjoa xi tjit'aà xojon jè, Nainá k'oaá tis'ín tsjásòn-la kjo'in koni s'ín tjit'aà xojon jè.

¹⁹Tsà yá xi kjoáaxìn ingoò-la 'èn xi kitsjaà Nainá xi tjit'aà xojon jè, Nainá, tikoaa kjoáaxìn kjonndaà xi tji'nde-la nga skine toò-la yá xi tsjá kjoabinachon ko mìkiì tsjá'nde-la nga ya kítasjna naxandá tsjeè-la Nainá koni s'ín tjit'aà xojon jè.

²⁰Jè xi bénojmi kjoa koi, k'oaá tsò:

—Jon, kjoí nitoón lingoò k'a.

K'oaá s'ín kàtama. jNchroboí Na'èn Jesús!

²¹Kjondaà-la Na'èn-ná Jesucristo kàtijnako-nó ngats'ioò. K'oaá s'ín kàtama.